


《續修四庫全書》編纂委員會編

續修四庫全書



上海古籍出版社

五五八・史部・傳記類

岑襄勤公年譜十卷〔清〕趙藩撰……………一

徐愚齋自叙年譜〔清〕徐潤撰……………八三

康南海自編年譜不分卷 康有爲撰……………一五三

御試備官日記一卷〔宋〕趙抃撰……………二三三

雲山日記二卷〔元〕郭昇撰……………二三七

味水軒日記八卷〔明〕李日華撰……………二七七

孫徵君日譜錄存三十六卷（卷一至卷十五）〔清〕孫奇逢撰……………五四一

據遼寧省圖書館藏清光緒二十
五年岑春榮刻本影印原書版
框高二〇一毫米寬二六四毫米

岑襄勤公年譜

〔清〕趙藩撰

岑襄勤公年譜

卷一起道光九年訖咸豐十一年

卷二同治元年訖七年

卷三同治八年九年十年十一年

卷四同治十二年十三年

卷五光緒元年二年三年四年

卷六光緒五年六年七年八年

卷七光緒九年十年


卷八光緒十一年

卷九光緒十二年十三年

年譜卷一

卷十光緒十四年十五年

右書十卷門人劍川趙藩所編輯操槩於壬辰夏五閱八十日而竟序之曰名公卿鉅人長德率有年譜或自訂或成於子弟門人故吏或異世之士寄樽慕而為之論世知人誠有取也西林岑襄勤公勛業炳蔚九牧歎仰公初以諸生治鄉兵捍閭里薦膺丞佐從戎於滇起牧令至開府中開奉諱復出敷歷黔閩仍返滇鎮視師越南盡瘁於位溯自成豐丙辰訖光緒己丑公之樹聲建績實以滇相終始藩滇之鄙人生長兵間習與請將佐遊又客公幕府者三年略知滇亂之大凡與公之行事變公幾後鎮遠中丞屬為草疏陳公勛績蓋已綜其重且要者而顯



揭之今辱諸公子誦諉撮所睹記屢成是書固陋之譏備備弗免方咸同開滇疆糜爛西南數千里靈曜不見天日者積十有餘稔公提孤軍介嫌疑危險之際動心忍性出死入生卒以贊中興而夷大難近歲南交之役尤天下安危所係考公所為或迅

以赴機或委曲以濟變或忍辱以負重或勇斷以蕪功或默運潛移而隱患以消或審敵蓄威而便宜是守或心迹幾難自明而久乃大白或措施不求共諒而徐無異詞此類類末無隱無飾務存其真將使後之景公生平攷求邊事者有所徵信焉然而辭則費矣光緒十八年七月朔日書於京師安福胡同寓齋

年譜卷一

二

學襄勤公年譜卷一

公諱毓英字彥卿號匡國廣西西林人岑氏系出東漢舞陰壯
侯諱彭公世居南陽棘陽傳主諱仲淑公居浙之餘姚第進士
宋皇祐中累官武威上將軍從狄武襄討平儂智高留知永安
軍遂家焉即今南寧府也以功晉懷遠大將軍卒贈粵國公又
七世至諱怒木罕公元時投泗城路軍民總管府遷居今泗城
又三世至諱子成公明永樂中投分管上林嗣長官司遷居今
西林又六世至諱密公襲長官司遷居縣屬那勞寨傳子諱恩
公入

國朝仍襲長官司康熙五年鄰境土司爭地構訟改土設流世職

年譜卷一

三

遂替又七世至諱作公公高祖也曾祖諱正美字玉堂

誥贈榮祿大夫累贈光祿大夫妣黃氏

誥贈一品夫人祖諱秀岐字鳳山

誥贈榮祿大夫累贈光祿大夫妣周氏鄧氏

誥贈一品夫人考諱蒼松字鶴亭泗城府學生員

誥贈榮祿大夫累贈光祿大夫妣謝氏

誥贈一品夫人繼妣謝氏

誥封一品夫人叔祖諱秀峻無嗣以公官

地贈榮祿大夫妣黎氏

地贈一品夫人 公兄弟四人女兄弟三人公則鶴亭公長子為元

配謝太夫人出諸弟妹俱繼配謝太夫人出

巳道光九年公生

公生五月二十五日午時嶺峯山者西林城東鎮山也鳳山公

以杖鄉之年切望抱孫鶴亭公因禱於山靈而生公體貌瑰偉

異於常童生時有大星流於居宅光芒煜耀鄧太夫人見而驚

異以告鳳山公公大喜曰是孫將亢吾宗宜善視之是年鶴亭

公應院試入郡庠

庚道光十年公二歲

三月十二日妣謝太夫人卒葬寨北山下平捫田公時未周晬

襁褓哀啼如有知識不食他人乳惟備粥糜鄧太夫人哀憐彌

年譜卷一

四

至躬自鞠養至於成立

卯道光十一年公三歲

公性穎異鳳山公奇愛之因述昔葬祖考諱作公於寨西北之

那亞山形家謂三十年後當生達人以時考之殆其是矣

壬道光十二年公四歲

二月繼妣謝太夫人來歸同邑謝公錫寬之女 公甫受學於

庭日識數十字

癸道光十三年公五歲

從家塾師周先生大謨授書能舉字義因事問難妙契理解師

甚稱異 七月公大妹生後適同邑韋氏婿名孔安守節獲

甲道光十四年公六歲

從事輩又新先生受學凡六年 六月公侍鳳山公觀漁於舍

側鳳山公笑謂漁者水大得無病魚乎公率爾對曰以孫思之

當不其然魚病無水不病亦大猶人病無風不病風猛也鳳山

公首領之歸為鶴亭公詫其宿慧 九月公弟毓祥生後以軍功游擢

分省補用道 賞二品封典按察使銜花翎振勇巴圖魯名號

乙道光十五年公七歲

丙道光十六年公八歲

九月公二妹生後適同邑黃氏婿名學超

年譜卷一

五

丁道光十七年公九歲

是年讀五經畢始為時文試律

戊道光十八年公十歲

己道光十九年公十一歲

從事許漢階先生受學凡三年

庚道光二十年公十二歲

是年公作時文成篇 二月鳳山公卒壽六十有七歲葬那亞

山 鳳山公伉直任俠勇於為善抑強扶弱里黨敬憚性尤友

愛弟秀峻公喪偶無子矢不再娶公爭之不得則別治一室兄

弟同寢處連牀款話極意慰之十數年如一日迨鳳山公考

旌 終而秀峻公亦哀毀尋卒邑中稱孝友無閒言 鳳山公將易

質命呼公至榻前掖所覆重衾之一以賜曰恨不及見汝之成

立覆此如日侍祖側耳公泣跪而受之後夜讀倦每引衾輒感

涕復起讀益勤鶴亭公嘉其有至性鍾愛彌篤雖從師授學暇

輒躬督課程不以愛而弛教也 八月公三妹生後矢志不字

養母終身以孝獲

辛道光二十一年公十三歲

公資敏而溺苦於學無他玩好鶴亭公慮積勞致疾令於讀書

之際兼習弧矢劍槊導引氣血久之遂嫻武技 閏三月公弟

年譜卷一

六

毓寶生後以軍功授福建鹽法道擢雲南按察使 賞二品頂戴花翎黃馬褂額圖譯巴圖魯名號

壬道光二十二年公十四歲

鶴亭公詔公博習親師以成學業乃襍被負笈徒步至雲南廣

南郡城從事建水舉人周虹舫先生受學

癸道光二十三年公十五歲

七月自廣南還家肄業本邑書院院長為貢生溫先生名安業

甲道光二十四年公十六歲

復至廣南從寶甯貢生殷仲春先生受學

乙道光二十五年公十七歲

自廣南還家二月赴縣城應本年歲科併試取列第一名知縣

為直隸進士劉公熙樵賞公試藝召入署齋讀書四月赴泗城
康府試取列第一名知府為貴州進士鄒公拙山六月赴奉議
州院試取入西林縣學附生第一名提督學政為烏程甲辰
進士周公毅雲發落日呼至案前獎勵數十語請以讀有用
書為不朽人相勸旋歸家侍鶴亭公讀書家塾是年六月公弟
毓琦生 後以軍功游擢分省補用道 賞

丙道光二十六年公十八歲
十一月公配江夫人來歸外舅為同邑處士江公毓鯨 是年
鄰邑士寇竊發鶴亭公奉邑令檄聯保甲扼險要為預備寇不
得侵掠鄉里獲安

年譜卷一

七

丁道光二十七年公十九歲

公借弟毓祥赴廣南仍從殷仲春先生學

戊道光二十八年公二十歲

公借弟毓祥在廣南 公之游學廣南也先後凡歷五年齋粥
其食緇布其衣節縮以具屣費間人有書婉轉假貸窮日夜默
誦或懷餅就鈔儲居環堵之室冬不爐夏不扇風雨篝燈率至
丙夜資用屢不給同學勸應越城書院課試輒前列獲獎膏火
精供薪米刻苦泮泐抗希古人蓋不僅冀以科第博堂上歡也

己道光二十九年公二十一歲

是年為亭公有疾公借弟毓祥自廣南疾馳歸省侍奉起居經

營醫藥十一月十五日鶴亭公卒葬樂東北客厝山公哀毀殊
甚 西林岑氏世職改流後以耕讀相承無顯者自鶴亭公始
用文學起家負文武才顧數奇不遇課塾終其生居恒哀錄先
哲嘉言高曾董戒為祖訓一編臨歿出以授公俾服習之
庚道光三十年公二十二歲

詔舉

辦團練邑令檄公為西鄉團總公以居廬讀禮辭令援墨經從
戎之義相教勗乃出受事自捐家財儲糧製械以兵法部勒丁
壯日事訓練隱然節制之師

辛亥咸豐元年公二十三歲

年譜卷一

八

二月二十九日西林西陸士寇陸大陳三等陷縣城公帶圍堵
勦西鄉獲安其冬廣南師宗沙寇王福王富等復句結土寇李
發科何博長等分竄西林之八橋八表西隆之舊州夏邊凌雲
之河口洛里公往來堵勦屢獲勝仗

壬咸豐二年公二十四歲

正月公計擒王富七月陣擒李發科俱解官正法 十一月十

七日公子春榮生

癸咸豐三年公二十五歲

是年冬公陣殲何博長王福楊亞左李亞狗擒王毛弟等寇目
十一人解郡正法於是奸宄之渠斬刈略盡解散脅從問里類

旨以縣丞選用

安守令上公功時善化勞文毅公崇光巡撫廣西葉疏請獎奉

乙咸豐四年公二十六歲

四月公長女生後適臨桂唐氏婿名則瑀

乙咸豐五年公二十七歲

時鄰氛未靖公仍帶團保境外寇闖入屢擊卻之是年冬邑境無事迺呈請撤團歸農

丙咸豐六年公二十八歲

時雲南漢回所在仇殺全滇騷動是年迤西回寇陷姚州大理賓川踞之戕迤西道林廷禧提標參將懷唐阿太和縣知縣毛

年譜卷一

九

玉成貴州州知州潘仲輯永平縣知縣朱慶鐘保山縣知縣周錫桐等文武十餘員蒙化回寇擁保山回首杜文秀入居大理稱偽帥蓄髮易服逆敵尤張

詳以在籍侍郎黃文潔公琮御史賈公塋總兵周公鳳岐會辦團練

公在廣南久習於滇人乃募勇入滇投效因賈公塋導謁大府與論兵事實其曉暢檄往迤西總兵福陞軍營差遣進勦紅岩時雲貴總督為恒春公雲南巡撫為舒興阿公提督為文

祥公

丁咸豐七年公二十九歲

正月公奉派會同都司何有保攻熊家營寇壘破之連克大東

村石匣村斑鳩村各屯遂徧紅岩力攻一晝夜火其柵門有保奮身躍入公督兵繼之克紅岩是為公入滇會勦之始叙功

賞戴藍翎

時迤東南回寇亦踞激江嵩明安甯總督恒春公至東

撫西勦寇佯就撫行省弛備寇出不意竄犯省城焚南關屋肆

火半月不息人民死者無算六月恒春公憂憤自裁舒興阿公

引疾布政使桑公春榮兼護督撫篆迤西官軍失利西寇連陷

順甯雲州永平蒙化鄧川浪穹雲南趙州彌渡公偕副將福兆

接省旋假歸西林措資募勇八月

詳以吳公振械總督雲貴桑公春榮巡撫雲南起張公亮基五品京

堂幫辦雲南軍務是年二月初一日公次子春煦生

年譜卷一

十

戊咸豐八年公三十歲

公在籍奉郡守檄調團會營勦土寇陳義順關奇吳廷光等旋

檄之是年吳公振械張公亮基先後率師入滇張公大破

宣威回寇殲斃數千軍聲頗振吳公復主撫議勦罷團練侍郎

黃公琮等疏請給回人掌教馬德新四品頂戴回日收標拔補

弁委然回心未壹漢夷不逞之徒又交煽於其間焚掠時聞回

尋破武定祿勸屠昆明屬之漁村各甲當道虛敗撫局不問也

桑公春榮旋引疾奉

召入京張公亮基代為巡撫未幾吳公振械亦引疾

己咸豐九年公三十一歲

二月公復募勇至滇派防北城時回目馬鴻先馬良玉等伴就撫竄踞宜良縣城復屯縣屬湯池為犄角四月公奉派往勸抵湯池立營未畢寇分道來犯迎戰三時之久寇卻復前公督隊衝入寇陣獲其後寇敗走連日復犯大哨大凹口各營皆擊破之公弟毓寶乘勝攻下施家窰七孔坡寇壘斃甚多六月公移營海邊料寇必乘我預令守備陳開榜把總張福保備銳卒效寇裝伏湯池後山松林中寇果分股出犯公督把總陳大升等扼水路把總米洪順等扼山路寇輕我寡爭前進伏兵張白幟馳下山湯池寇以為黨也突入其壘殲之即易赤幟抄出夾

年譜卷一

七

擊寇營潰斬級數百溺斃無數盡得其驛馬礮械進攻宜良城寇以全力要路迎戰公身先奮擊斬馬鴻先於陣馬良玉乘夜率黨竄逸遊練乘隙入城縱掠公軍急馳進城遣練日潘文與吳鳳岡李成功等彈壓解散安撫居民城中乃定叙功奉

旨以知縣留雲南補用加知州銜

十月奉檄署宜良縣事嵩明練

目陳玉順陸開元滋擾縣屬北屯公馳往彈壓玉順頑抗使其黨李缺荷刺公公奪刀傷右手從兵格殺缺荷玉順結營拒戰公聞之聞元密來謁請夜半劫營願擒玉順自效如其言遂擒斬玉順籍游練歸伍 十二月公奉派會勦路南縣城寇先遣弟毓祥偕張福保攻板橋公續至土官莊立營以夷眾不可

勝誅示諭招撫夷弗聽公督兵進攻破板橋寇壘逼城而營留福保駐攻公往來宜良籌濟軍糧 時西林土寇復擾公家屬離析江夫人奉鄧太夫人挈子女寓那陽寨公遣僕往迓力不能偕來遣公弟毓祥奉鄧太夫人就養至宜良鄧太夫人慮公乏內助聘賴夫人以九月禮娶來歸連平賴公國治之女賴以遊幕寓昆明者也 迤西姚州彌渡前為西路官軍收復是年寇復陷之並陷景東大姚白井東南官軍近復嵩明武定安甯而東寇復陷阿迷昆陽富民元謀廣通定遠惟景東富民廣通旋即克復 提督文祥公堵勦無功張公亮基劾罷之

旨以傅公振邦為雲南提督方勦捻淮徐不能來福兆公署提督接

年譜卷一

七

辦軍務西事益劇張公檄諸武烈公克昌代之專辦西寇疏謂處州府知府馬椿齡回滇襄辦東南招撫椿齡新興回紳也

庚咸豐十年公三十二歲

正月十九日鄧太夫人卒於宜良公丁承重要稟請解任終制大府奏留給假治喪仍辦軍務奉

旨以二月攻路南軍失利夷寇句陸涼回寇侵宜良北屯公馳

往防勦 三月寇陷我碧落甸各營公悉銳攻板橋寇堅守不出乃進營連珠寺規路南之右約參將何自清會勦寇分股竄大哨秦家寨射雞村斷北屯糧路公弟毓寶及牟正昌楊福章李廷碧等連夜擊走之又破之於得馬村柴石潭因於夢卜所

木童前所結三營以扼北山 五月何自清破紫玉山寇壘與公會軍路南境內 七月公會何自清破寇塔山糧臺進拔板橋寇巢夷三十餘壘寇渠三自清督勇衝橋而過復破五壘公亦破附城數壘遂會軍城下議留北門不攻以待寇窺夜梯城東北隅而上火其望樓殺寇千計州城立復躡賊寇至北山鷲毛寨李子箐寇死反鬪我軍失利公陷圍中中飛石墜馬復躍上馳突還營是夜夷酋趙發率眾來歸自言方戰時迫公近忽聞震霆聲督暗黑虎躍起而公已突圍去公殆神人不敢抗願歸命公笑而受其降路南肅清叙功奉

旨以同知直隸州補用加運同銜大府旋檄公兼署路南州事移勦

年譜卷一

廿

澧江時寇分畿境爲六營三十六哨脅漢民按戶出丁爲前趨公謀撫漢民以孤賊勢先遣守備潘文元設法招徠十二月公軍入境沿途要隘望風歸順直抵城外而營寇來犯屢破之奉檄兼署澧江府事 是冬江夫人奉謝太夫人攜家就養至滇 是年東南軍復安甯甯甯呈貢肅公克昌督西路軍連破寇於沙橋武關普昌河霽鏘鋪克彌渡紅岩進駐寶川分攻姚州大姚雲南趙州軍威大振而東南寇竄陷廣通楚雄南安鎮南定遠西路軍腹背受敵屢戰失利糧盡援絕寶川大營告陷肅公克昌戰死西寇得以專力攻陷鶴慶麗江劍川緬甯東寇李芳圍踞楚雄五城他寇仍回竄陷祿豐富民甯甯嵩明復

圍省城李芳圍尋舉楚雄五城附西寇 時張公亮基委申公 有謀署提督接辦西路軍務委布政使鄧公爾恒率馬精諭暨 省紳孫鈞撫澧江新興之回議粗定而督撫有隙何自清部勇 入督署鼓譟殺知縣雷焱張公引疾疏發卽行徐公之銘兼署 督篆

辛咸豐十一年公三十三歲

正月公招撫澧江被脅練目陳梓劉福長計殲悍回百餘率眾 以鎮海營來歸遣分營魚戶村蕭家菊以偏右所寇壘復遣弁 目郭秀舉明於二家村後山結二營城寇數千出犯血戰半日 殲斃甚多寇卻而復前圍營數而寇酋馬良驥督戰甚力公飭

年譜卷一

卅

東基哨各營出軍抄其後寇陣始亂把總范登龍練目燕林交 矛刺傷馬良驥擒斬之寇退屯紅山中樹村連日接戰獲勝公 相二家村踞險要非破之不能進兵迺選精銳夜伏村外黎明 乘微雨大霧直衝堡下拔簽踰壕拋放火毬噴筒順風助火頃 刻延燒寇巢壘狂奔爲我軍截殲殆盡遂夷其村 五月公會 總兵林自清攻昆陽海口踞寇大小十餘戰先被外援遂圍寇 巢將弁肉薄爭前接膺湧進前者傷墜後者繼登壘戰竟日至 夜克之殲寇酋楊振彩斃寇數千獲械無算海口自爲寇踞屢 勦無功旋撫旋叛爲省會肘腋巨患至是苦戰夷之一方稱快 自清爲何有保養子從其姓擢總兵後乃復姓 七月十六日

文宗顯皇帝龍馭上賓八月杪雲南奉到

哀詔公在營次行禮成服 時西路各軍復安甯祿豐廣通元永黑

頂六井進規楚雄府屬各城麗江團紳和耀會張潤等亦克麗

江劍川未幾楚雄師潰得者復失西寇併陷永昌騰越龍陵雲

龍永北景東礪嘉東寇復陷安甯晉甯呈貢易門羅次嵩明圍

擬省會大府檄徵各路兵入援 是年公命弟毓祥奉鄧大夫

人樞歸那勞葬寨北平幹山 三月二十三日公三子春澤生

九月公次女生不字

詔授貴州巡撫劉公源灝為雲貴總督張公亮基留辦雲南軍務劉

公旋奉

年譜卷一

召入京以福濟公代之

論即赴任福濟公堅請叩謁

梓宮奉

旨革職起前湖南巡撫潘忠毅公鐸署雲貴總督擢福陞公為雲南

提督 徐公之銘劾申公有謀革職委林自清署提督自清殺

呈貢知縣許正裕易門知縣周行釗於省垣何有保殺升任陝

西巡撫鄧文愨公爾恒於曲靖行館徐公方倚自清平寇優容

之飾詞入告中外物議譁然不恤也

岑襄勤公年譜卷二

壬戌同治元年公三十四歲

正月公自宜良帶兵援省攻克大樹營寇壘轉戰而前入城助

守 林自清日驕蹇戰不力徐公之銘苦不能制思仍以撫局

為結束二月令自清於軍前張示招撫建水回目武生馬如龍

自呈為故總兵馬繼美猶子三代殉難志在報效迫於仇殺饒

而走險實非得已願率眾就撫自清引之見徐公如龍請必得

信義素著如公者至回營定議徐公乃令公往宣諭

朝廷威德因其所呈導以嚮義復暢陳順逆利害慷慨透切俾即獻

遺城池散遣外回疏通官道一一維命公僅攜從兵數人留回

年譜卷二

營信宿飲食談笑如平生歡如龍雅敬服以次交出所踞新興

昆陽晉甯呈貢嵩明羅次易門富民各城厥後回目仍多反復

者而如龍執節其堅由公忠信威譽有以感孚而維繫之者深

也如龍既來歸而馬德新亦率潞江回眾就撫徐公以撫局定

疏請破格授如龍總兵德新二品伯克其餘首目分別獎敘又

陰倚公備緩急疏陳公戰功檄委代理雲南布政使奉

旨皆報可三月公接代理藩司印迎養謝太夫人至署回入省擬

與自清忤自清不自安徐公疏請以自清赴四川勦寇自清不

命下以四月率所部赴蜀至瀘州索餉大譁張公亮基奉

俟

行馳往撫定之報遺其具令自清帶疾回黔後卒為黔撫黎文肅

培敬論勅賞之法 五月副將何有保為其下所殺 七月

撫徐公之銘以辦理安撫著有成效敘公功奉

加按察使銜並換花翎 閏八月署總督潘公鐸至曲靖九月入

省接篆視事 十月總兵馬如龍以臨安紳團擾撫局憤兵往

攻相持不下督撫檄公往諭解不聽公仍還省 是年知府夏

家疇泰將李維述田仲興等復楚雄鎮南廣通南安祿豐黑元

永各井 西寇陷普洱思茅 粵寇石達開之眾自黔竄入滇

境分股擾平彝宣威鎮雄大關東川陷巧家永善旋棄之渡金

沙江越蜀 提督福陞公以逗留川境罷

年譜卷二

胡公中和為雲南提督方勦蜀寇不能來 時東南回衆雖受

撫而猶懷猜忌西寇則盤踞已固淪陷浸廣抗拒如故滇中綠

營官兵承平久多恇怯頻年征戍傷亡略盡中原方有事粵捻

為釐不時至庫藏奇絀兵取諸團練餉取諸捐輸勢岌岌不可

終日公受任於危疑之際深切隱憂惟以忠義激勵官紳士民

人自為戰家自輸貲虛已禮士拔其豪俊量材器使援助各路

假以便宜俾盡所長人樂為用又加意聯絡迤西紳團李維述

和耀曾張潤李鳳祥劉光瓚等伺取抵隙牽制西寇故省會粗

安官紳亦皆倚公以為重

同治二年公三十五歲

正月署武定營泰將回首馬榮潛結西寇假赴援臨安為名率

寇入省城十五日戕署總督潘公鐸及雲南府知府黃培林昆

明縣知縣崔怡曾在籍侍郎黃公琮等殉難者數十人踞省以

叛徐公之銘走匿馬德新家公獨偕諸弟率所部官弁兵勇千

數百人力保藩署泊城東南隅各官多走依公變起倉卒人心

洶洶公奉謝太夫人率眷屬聚處一樓積薪其下出而瀝血誓

衆曰吾受

國厚恩有民社責已矢全家與城為存亡衆感憤泣下皆誓死相

從寇屢來犯悉擊却之寇以公在慮不得逞黠者猶陰持兩端

奉馬德新入居督署稱護理總督約公集議於昭靈觀公隻身

年譜卷二

往與寇議約勿得開闢以和議而密馳蠟丸書責馬如龍以

大義趨赴援如龍遂與臨安團紳泰將梁士美約棄嫌急公立

軍所部星馳回省士美亦助兵踵其後二月初一日夜分內外

夾擊賊寇首李俊斃寇數千馬榮僅以身免走南甯合馬聯升

而省垣復安堵如故是月徐公之銘疏聞奉

優卹殉難官紳徐公職職速問出力人員交新任督撫查明請獎

先是川黔大吏聞滇省失守督撫同殉即撫大概情形馳奏

部以勞公崇光為雲貴總督賈公洪詔為雲南巡撫

命賈公山川入滇先駐昭東相機籌辦勞公尋查明復奏奉

旨岑毓英著免升知府以道員補用欽此 徐公之銘仍攝理督撫

事時附省各城復為寇踞乃疏請以馬如龍與公會辦全省勦
撫如龍駐省公統兵出省西征 是月守備牛世有夏毓秀知
縣伊勒通阿復富民擒斬馬富富馬榮之弟也 遊擊楊英培
泰將馬青雲知州鄭廷璧復武定 都司張其昌知縣楊乾廣
復繼次 牛世有等進復祿豐 公弟毓祥遊擊趙發克嵩明
陸原 夏家疇田仲興克他耶 公督副將馬忠李維述等分
道西進復安甯廣通南安黑元永三井疊破西寇於捨贊小腰
站進攻楚雄 馬榮馬聯升陷尋甸霑益平彝 東川兵變戕
知府黎新德 三月昭遠回寇陷大關知府夏廷楫旋復之
四月東路寇氛日熾公奉徐公之銘檄回援乃留李維述督攻

年譜卷二

四

是歲躬率親軍馳赴東路破天生關易隆寇屯進復霑益平彝
攻曲靖尋甸寇乞撫於省城馬如龍啟徐公許之檄公旋帥西
征 五月寇陷武定鄭廷璧等旋復之 馬如龍撫定恩安魯
甸大關回寨 西寇陷維西 六月遊擊車愷同知張象奎復
磅嘉 泰將梁士美知州榮恩復阿迷 公復至西路大營與
諸將議分道進兵以一軍攻大姚姚州一軍攻景東鎮沅一軍
攻雲南趙州一軍越險深入攻賓川鄧川公自督各軍攻楚雄
鎮南兼顧三路往來策應又飛檄永北鶴麗官紳相機進勦牽
制寇援部署既定旬日分進 七月公督軍連破羅川膠州
家克曲甸壩寇壘進逼楚雄鎮南 夏毓秀等復元謀 卓

張象奎等復景東 泰將陳占斗攻卡南寇屯陣亡 八月田
仲興車愷會克鎮沅恩樂南邱長發接板各井 知縣朱士達
復白井 西寇陷中甸和耀曾走永北助勦 十月公督軍破
小孤山古山寺雙橋寇屯克復楚雄 朱士達復大姚 十一
月都司張潤備李文元知府朱慶椿陸希曾等復中甸維西
陸江 十二月遊擊錢大川等復賓川鄧川 同知張愉泰將
王洪順等復永北 時馬如龍密函商公勦撫並用派副將楊
振鵬徑赴大理招撫杜文秀於路陰結回目陳義傑文明馬朝
珍馬春林等轉約雲南趙州紅巖彌渡浪穹鶴慶諸回皆願反
戈歸誠義等假名送振鵬入大理驟攻偽帥府文秀走避義等

年譜卷二

五

據城守通雲州寇馬國春率萬餘寇自蒙化至文秀走依國
春復攻義等皆敗死振鵬被執文秀不殺縱之歸諸諸將聞
文秀在復觀望持兩端 是年張公亮基署黔撫與勞崇光
備石寇徐黨賈公洪詔至四川疏陳滇中撫局難恃川督駱文
忠公秉章亦奏稱滇事辦理不善紀綱廢弛賈洪詔銳意入滇
然兵餉兩絀恐蹈潘鐸覆轍宜加持重
未成行 是年公四子春華生三女生後子十四齡而殤女十
齡而殤
同治三年公三十六歲

正月公督軍攻破沙橋鸚鵡關普洲安南關冠屯合圍鎮南
將襲克定遠 泰將劉鴻文知縣尉遲昂玉等復威遠 田帥
與夏家疇等復思茅及石膏拖香二井進攻普洱 麗江永北
軍攻上關失利鄧川浪穹鶴慶降冠復叛竄陷麗江 二月
川軍攻下關失利趙州雲南彌渡降冠悉叛冠勢復振全力竄
後鎮南公督軍迎勦於普洲大破之進克波川蕎甸禾甸米甸
四屯 東寇馬聯升馬榮陷霑益竄擾宣威馬龍徐公之銘病
甚不能視事東路告警齊至省垣官紳慮有內患促公回顧根
本乃班師東下公弟毓賢偕李維述留防楚雄 車愷劉鴻文
尉遲昂玉復緝甯 四月西寇陷賓川 徐公之銘病卒勞公

年譜卷二

木

崇光咨催賈公洪詔赴任檄公暫代拆行撫署公事 馬聯升
陷馬龍州 六月勞公崇光奏委公督勦東寇解餉濟師公乃
布署東征 貴州藉拱苗寇竄鎮雄大關羹良牛街 七月
公東征至陸涼大破天生關越州寇屯遂薄曲靖營於城南遣
將分攻尋甸馬龍霑益 攻普洱軍失利西寇復陷思茅石膏
拖香二井 西寇陷永北 八月 賈公洪詔引疾
以林公鴻年為雲南巡撫劉公焜昭為布政使席公寶田為按察
使又奉

上諭著勞崇光林鴻年傳諭馬如龍岑毓英令其激勵兵勇安速進
勦魁日攻拔大理珍除杜文秀以明心跡而膺懋賞等因欽此先

岑襄勤公年譜 卷二

是刑部尚書趙文恪公光疏稱馬榮之變馬如龍岑毓英同心
協力轉危為安近復進攻杜道收復楚雄景東各城督臣勞崇
光採訪公論欲重用二人惟撫臣賈洪詔意見不合以係徐之
銘保舉不足深恃徐之銘行同敗類原屬可鄙但未可因其人
不足取並疑所保之人亦棄而不用也現時滇中大勢除用馬
如龍岑毓英別無籌辦善法從來用兵貴以操縱權宜之術濟
之始克有成人才難得機會易失似未便再事遷延而勞公崇
光亦奏稱馬如龍彈壓省垣岑毓英帶兵出省連克堅城善為
驅策未嘗不可為先路之導故有此

年譜卷二

七

出力情形確切查奏候
公攻曲靖屢獲勝仗馬聯升自率萬餘寇直犯大營公開
壁出擊大破之殲寇過半聯升中矛傷奔竄入城我軍盡剽城
外寇屯偏城合圍楊武愨公玉科時隸和輝會部為隊長公見
其屢戰陷陣識拔之命領百人為選鋒 楊盛宗楊國發和輝
曾何秀林夏毓秀等克復霑益馬龍 九月公令霑益馬龍各
軍助勦尋甸自往督戰晝夜輪攻馬如龍不忍盡誅同類自省
借兵來會論冠縛獻馬榮馬興才開城降順 西寇復陷緬甸
威遠 十月公會馬如龍以地道攻曲靖城寇懼如龍勒令
獻還城池縛獻馬聯升斬於軍前東路肅清 十一月公駐

一一

靖善善後馬如龍押馬榮馬興才還省會司道訊供戮於市剖其心以祭潘忠毅公並殉難官紳 西寇陷鎮沅恩樂 景康兵變殺副將車愷 十二月元江知州沈保恒殺遊擊李虎滇中自變亂以來不惟滇回勢不兩立各屬之官仇官民仇民動輒治兵相攻弱肉強食報復無已上下視為固然紀綱蕩盡矣

乙未 同治四年公三十七歲

正月西寇陷景東磅嘉 河西土寇李秀襲陷普我知縣彭叫死之把總李士思等旋復城秀逸去 田仲興殺沈保恒 勞公崇光疏獎公出募戰功二月奉

年譜卷二

九

上諭加布政使銜並賞勳勇巴圖魯名號 是月公派鍾念祖帶兵會夏家疇田仲興進攻普洱思茅 富民散練剽掠攻城公弟毓寶會夏毓秀彈壓解散 三月廣西州土寇殺遊擊陳萃公派楊國發馳擊斬寇首張顯係寇解散 夏家疇鍾念祖等復普洱思茅 西寇陷維西 五月苗寇陷鎮雄秦將張兆殺殺官紳從逆 六月公遣千總楊玉科繞道赴中甸協同官紳規進取 七月楊玉科殺降將李祖裕祖裕時署維西協副將陰通冠玉科刺殺之代將其軍護協篆 八月楊玉科會張洞破冠白塔村復維西 時恭遇

恩請封三代皆封榮祿大夫一品夫人公以本身妻室應得封典

國封以祖父母九月二十六日領

是月楊玉科會張洞克復麗江分規鶴劍 十月初十日公五子春莫生 楊玉科克復鶴慶玉科至是乃知名 十二月西寇復陷麗江鶴慶張洞退扼石門關楊玉科走永北是冬勞公崇光林公鴻年奉

旨嚴飭趙滇由貴州四川先後啟行 林公在蜀邊先招降昭通土

寇李開甲漆維新等至是復叛踞彝良之碩曠山牛街之礦子山 公自入滇治兵至是逾十稔矣於山川扼塞勦撫利鈍益閱思有得慨然有撥響澄清之志當馬如龍受撫莫可結以平寇而如龍勇無遠識每出庇同教馬榮馬聯升等既降復叛

年譜卷二

九

詳探京南西征之師屢為所絆卒至蹉跌又馬德新楊振鵬輩陰通西寇仍懷反側故力圖改弦而更張之思於東南先立不拔之基適以全力攻曲靖曲靖為迤東大郡扼黔蜀入滇門戶省會糧運所自出既克復遂留屯弗去修繕城池簡練兵馬勸農興學減稅恤商凡有經營無所牽制得行已意聯絡東昭聞臨互相犄角屹然為省東重鎮回衆慮不利於已以危詞脅其龍請公還省夏秋之交走使函書交錯於道公以東路善後未清紳民拳留為詞婉謝之復書略謂同祖有年肝膽相照在省在回莫非共勤

事有何區別而生嫌疑且三舍弟奉老母督省督院有異意

不如此願無聽造言和衷報

國如龍意釋然而回眾固不傲也

黃同治五年公三十八歲

正月勞公崇光至平彝公迎謁於行館勞公一見奇之詳諮通事公暢陳軍情冠誘及歷來辦理之乖請勞公進省坐鎮漸收旁落之權以維根本而用兵則宜先清東南俾無牽掣然後併力西征自可遞收全功勞公深然之疏陳入省有五不可緩又疏稱貴州豬拱等苗聚苗裁各股悍賊至十數萬之多兩陷鎮遠等處並阻大關通滇路梗黔之大定黔西威甯畢節各屬遍遭蹂躪道亦斷近年且擾及川疆不止為滇黔腹心

年譜卷二

十一

之患黔省屢次用兵未得要領臣考輿圖鎮雄即古之芒部豬拱等距該州僅數十里須由滇籌勁兵一枝先復鎮雄次攻豬拱等可期得手著藩司岑毓英謀勇兼優所部尤多勁旅臣飭該司選選精銳五千親統進剿俟復鎮雄即擄豬拱等務使犁庭掃穴以除三省邊患已飭昭通府知府孔昭鈞籌辦糧米供軍軍食又附陳馬雄龍與岑毓英意見不和擬令如龍督勦迤西分專責成而滇爭競疏入

是月林公鴻年至昭通飭楊盛宗由舊衙坪進兵規取永

正二月勞公崇光至省城 林公鴻年罷

以劉公嶽昭代之方勦貴州上游之寇未能赴滇 是月公以將

越境征苗通緝太夫人至曲靖 三月公由曲靖督軍赴昭

通派苗通緝屯變良公弟毓祥留守曲靖 是月初十日奉

旨補授雲南通南道 四月夔良冠大出迎拒奮擊破之連下仰天

窩桂房清各屯擄斬寇目楊洪順張呵呵公至軍督諸將進屯

角奎嶺斬寇屯殲寇目胡正陽胡大作全壩寇目蔣興順雷

有福等皆寇日余天祐率黨數千獻營乞降公汰留精銳領以

降日為導導餘悉遣散移降日家屬交夔良州同吳泰彦安撫

勦賊 進攻周家營寇屯公率親軍捫羅攀葛而上施放火

箭燒草房大雨驟注乃斂軍退趕製旗牌五百具掠精卒步

步備進云寇屯數武搶築新壘密開地道轟破寇牆十數文冒

年譜卷二

十二

煙衝入殄寇千計擒斬寇首鄒滋保 五月連克獅子山賀家

營收降日質心田縱入礦礦山為內應反戈縱火官軍四面齊

進賊首夜逃夷寇巢李開甲逃逸俘其妻子乘勝克香爐

山 內肅清 七月進規礮子山先破竹筒標寇屯寇築

礮口樓三層長牆數道破燬之殲寇累千進偏山頂老巢都司

許占春陣歿 八月公督兵各挾薪草一束併推進直薄壩

外縱火燒立破寇巢分兵連破王家寨板栗樹大河邊各屯

寇寇數千擒斬漆維新漆維邦並其家屬首目百餘人牛街壩

內肅清 九月分兵攻破鎮維城外朝陽洞馬道各寇屯寇棄

城遁入蓮花山公入城安撫將分徇雲臺山等處連克百餘

屯復督親軍會攻蓮花火燄二山下之擒斬悍酋十餘人先行
殺寇盈萬鎮雄境內肅清惟李開甲逸去 十月公弟毓琦偵

擒李開甲於威寧之牛樂溝交昭通府縣訊明極刑處死 是

月勞公崇光奏派署提督馬如龍布署西征分三路進取中路

出鎮南大姚北路出永北南路出景東威遠悉歸如龍節制均

限十一月次第起行 十一月田仰與尉遲品玉復鎮沅恩樂

威寧畢節一帶冬令嚴寒不能用兵勞公崇光疏請飭公駐

軍鎮雄度歲防堵各隘稍資休息俟明歲春暖即越勦豬拱箐

並陳公才氣可備大用奉

行 十二月楊盛宗以永北進攻馬坊 梁士美攻克阿白

年譜卷二

其

寺寇巢新夷首李春 公赴昭通籌備糧運豬拱箐苗寇出犯

鎮雄公回援大破之於新營柳林 是年公六子春熙生後十

二齡而殤

同治六年公三十九歲

正月二十六日奉

上諭雲南布政使著岑毓英補授又

補春日融和正可乘勢進兵又

劉嶽昭速將大定黔西一帶節節疏通取道赴滇合兵勦辦豬拱

箐劉公嶽昭疏言岑毓英卓著戰功實心任事部下將士皆經

百戰自上年肅清鎮雄即防勦豬拱箐於賊情地勢均所熟

不為官兵助勦實堪獨任艱鉅臣但籌濟軍火餉需勿庸再派
兵前往以一事權而專責成毓英必能迅奏膚功

上允之公遂剋日遵

旨出師是月先破苗寇於茶山 二月勞公崇光薨於位

詔以張公凱嵩繼之未至按察使宋公延春暫攝其任 先是

上以滇亂久郡縣多陸沈命勞公崇光繪圖以進兵燹後文獻蕩然

勞公依省志晨夕鉤稽摹繪圖未上而卒劉公嶽昭專疏呈獻

是時淪陷府城四曰大理曰麗江曰永昌曰順甯州八曰姚日

趙日賓川曰鄧川曰雲龍曰鶴慶曰劍川曰雲廳六曰騰越日

蒙化日永北日緬甯日龍陵日彌渡縣三曰雲南日浪穹日永

年譜卷二

其

平而太和順甯麗江保山之附府者不計焉其他村堡市鎮不

可勝數其酋皆統於杜文秀更調久暫無常號 是月公督軍

至豬拱箐築壘休士卒而日遣間諜偵寇中形勢以報初陶三

春聞新春之倡亂也先踞海馬姑紅巖尖山山勢壁立斗絕大

河帶其前鳥道一線攀援而登一夫扼險萬人莫進故寇呼為

鐵桶江山嘯聚日衆山隘不能容陶新春復分踞豬拱箐其地

界三省之交八山環合三面嶄然惟青松梁一面為往來之徑

巔頂孤峰勢凌霄漢三泉下注匯山麓為河寇巢分踞山險房

屋梯比十餘萬間山下沃壤曰吳家屯廣七十餘里寇糧資焉

屯內有間道可達海馬姑外有二龍關大了口小了口三隘以

爲門戶冠悉置堅壘分布嚴密出掠退守操縱自如惟一隘曰
大溜口者路徑險僻寇防稍弛偵者具白其實公乃密派張保
和林守備夜率二千人由大溜口小路抄出二龍關後掩襲吳
家屯而自督三千人攻二龍關寇領巢出犯戰方酣忽聞
關後槍礮轟鳴煙燄通天寇驚回救我軍尾追夾擊連破三隘
及吳家屯各壘擒斬數千得輜重牲畜無算寇奪氣 三月朔
至望我軍擠紫山半三十四營逼近老巢寇出撲十餘次皆擊
敗之陣斬寇目楊大仁十六日公弟毓琦通判牛樹勛率後隊
三千餘人至聲威益壯援寇之自海馬姑來者公親督隊截於
半道斬其渠魁餘悉竄回 四月初二日寇以千餘斤巨石斷

年譜卷二

七

爲火輪中貫硝磺松脂引火於蒂乘夜自山頂滾下驟牛馬隨
而冲踏毀我營二十餘座將士多損傷公督親軍拚命迎勦手
戮悍酋熊潮龍羅大漢陶五等殺寇千計寇始收隊乃易別將
填某舊營於營前掘深坑寇如前攻犯輪石盡落坑中寇伎
窮堅守不出以待海馬姑之援公遣蔡標周贊牛樹勛會總兵
王丕烈分勦海馬姑用夷目安中華率降夷混入紅巖尖山放
火內應我兵乘之立克尖山寇援遂斷 五月初二日在營專
招恭謝授布政使

恩 六月初十日寇大出撲犯陶逆張黃益坐柵門指揮鋒銳甚公
督將士奮擊寇大敗我軍施火箭焚其柵柵會大雨乃引還公

偵知苗俗運被踏歌此唱彼和以傳心事乃令苗之從我軍者
徧山環歌謠以解散寇中間歌逸去者萬餘人苗目王璧文譚
名王大紅袍旋來降公賜以酒食推誠相待璧文感而獻計曰
寇守備甚嚴每一弓地守以一人家東南者守西北家西北者
守東南互相牽制莫敢二心每日惟卯酉二時然礮爲號留一
人守十弓地餘聽各歸家餐飯後趨守如前公於此二時乘
隙猛擊必破之矣公用其謀選敢死士二千人以任斌崔萬
象林守懷趙得元李廷標將頭隊楊玉科張保和崔金斗罕寬
德將二隊何秀林吳永安姜飛龍夏天德張兩翼接應申明賞
罰有無無遺十九日味爽公親率頭隊帶擡牌草細偃旗息鼓

年譜卷二

七

伏寇營外至卯時填壕猛進連破其木城二重令夷目安中華
王璧文大呼投誠免死苗衆紛紛棄械乞降寇勢瓦解後軍繼
至士氣愈奮奔賊山頂老巢寇殊死鬪鏖戰兩時公身先士卒
直搗中堅縱火掩殺風烈巢焚斬首二萬餘級擒逆首爲帥陶
新春僞大將楊應寨熊草果羅正春楊八僞軍師周國忠慶連
處死救出難民男婦四萬餘人籍其膏肓膏 七月公督將共
合勦海馬姑十七日以劉重慶黃得勝等軍攻後山中路楊玉
科張保和等軍伏前山小路寇領巢出後山接戰前山伏軍抄
出奪其子營三十餘座殺二千餘人保和陣斬僞左翼勝軍張
項七寇敗回老巢我軍四面以噴筒環燒寇柵買勇而登寇營

潰盡毀其壘擒斬焚溺以三四千計餘寇狂竄山頂夜大雪雨
憊困甚我軍鼓譟搜殺昏黑中寇倉皇投巖墜澗死者相枕藉
擒偽帥陶三春楊應芳及酋目二百餘人斬之救出難民數千
凡用兵四閱月三省邊界肅清八月奉

上諭賞給頭品頂戴 規畫諸拱善後事宜六條上之黔撫張公
亮基嘉其採用 時西師失利劉公嶽昭檄公旋滇駐防曲靖
先分派公弟毓祥劉重慶呂鎮南楊國發和耀曾柳明泰周之
珪等軍馳助省防聽護督宋公延春調遣 十月公還曲靖二
十一日專摺恭謝

大恩賞給頭品頂戴 先是西寇聞官軍議大舉西征加意戒備厚

年譜卷二

去

積軍儲騰承順雲鶴鹿寇兵精銳強半移至前敵迎拒是年春
馬如龍進駐定遠遣楊振鵬攻賓川合國安楊先芝攻姚州李
維述攻鎮南與寇屢戰互有勝負四月軍中病疫士無鬪志賓
川姚州鎮南軍相繼潰敗南路軍退保普洱新平北路軍退保
舊衙坪如龍留軍守定遠自回省城養病寇餘大熾回弁多遁
寇杜文秀探知公越境進出益傾巢下窺六月陷定遠七月陷
大姚八月陷廣通祿豐暨黑白琅各井九月陷南安十月陷元
謀武定祿勸十一月陷楚雄羅次省會嚴嚴督撫馳奏奉

上諭張凱高南奏醫駐東州先勦迤西此時情形萬緊該督應先入
省督辦著即募齊勇丁審機前進容敏英已撥兵援應應否馳回省

垣著劉嶽昭宋延春妥商辦理欽此 十二月公在曲靖疊接到
公嶽昭宋公延春飛函促援乃簡練土馬定期自將援省
戊辰同治七年公四十歲

正月寇陷富民安甯分竄省會西北村堡 省中徵南路田仲
興鍾念祖梁士美等軍入援 二月公飭弟毓祥同守曲靖以
十三口統兵援省揚言師出馬龍而取道宜良七旬進兵連破
寇屯二十餘處二十五日進克小板橋 是月寇陷易門 楊
振鵬歸昆陽叛 田慶餘歸新興叛 振鵬慶餘導西寇襲陷
晉甯呈貢 張元林勝徵江叛 嵩明尋甸降同並延西寇陷
城且謀窺曲靖東川 合國安馬學林馬雲龍謀內變刺馬如

年譜卷二

去

龍偵獲逆書如龍遣馬柱誘斬學林雲龍李維述誘斬國安
楊先芝馬天順馬世德馬文成馬葵馬文照各賊所屯營壘叛
應西寇 劉公嶽昭前部李家福至曲靖添防 時西寇十餘
萬益以麥魯號三十萬全注省會結壘百餘環西南北三面皆
滿西以土堆南以江石館北以虹山為老巢公分派將弁屯三
面禦之而東面以弟毓寶屯焦三橋一路力保糧道通往來文
報又懲回心反側專選漢兵守城以李維述為總領之 三月
初二日公督軍攻克金馬寺等處十餘屯進紮大樹營分軍攻
晉甯呈貢接通東面糧道築營水關大營公居中策應旬日人
心粗定 初五初六兩日馬如龍李維述馬忠公弟毓寶先後

來見公籌商軍務如龍自悔羣同賣已公推誠慰勞約其竭力報

國如龍感激捐棄前嫌和衷協力指柱危局 寇陷款莊邵甸守

將周云禮劉爾直陣亡公派鍾念祖等軍馳援 寇攻楊林其

劇將弁戰沒四人公自將往援約李家福軍會勦十九日燒寇

柴碼寇鎗凡傷公鼻準血涔涔下仍裹創督戰用地雷破寇壘

六礮樓三楊林圍解 鍾念祖等復甸尾古城厥口 楊玉科

繞道克復元謀破土瓊州馬街寇屯擒斬叛弁楊榮芝 是月

劉公嶽昭至曲靖張公凱嵩至蜀以病免

詔授劉公雲貴總督授公雲南巡撫授宋公延春雲南布政使公尋

年譜卷二

六

於 閏四月初二日在營接受關防 劉公派楚軍規尋甸

四月楊盛宗軍潰於功山楚軍將全祖凱馳往助防 楊振鵬

夜渡滇池犯九甲河口十九日公弟毓寶督兵迎戰大破之毀

海埂三營寇入水溺斃千計 楊玉科克復武定祿勸羅次

閏四月回弁李仲入城謀叛馬如龍誘斬之 初四初五日

公弟毓寶會李維述攻破古佛寺各寇壘進克石虎關 馬如

龍破寇大虹山克其一壘 五月十四日公還駐營水關大營

輕騎入城二次巡視城防以弟毓寶所部為遊擊之師 田仲

興攻新興復後裕鄉 是月初四日張潤結劍川團紳何慎言

襲克州城分兵攻麗江鶴慶騰永寇分股赴援劉光瑛李鳳祥

等部因山圍龍慶扼斷蘭滄潞兩江渡口以攻騰永寇疲於奔
救後路日擾矣 劉公嶽照疏請令提督胡公申和率川軍援

滇 詔下川督崇實公行之川督派道員劉嶽昭將二千八百人赴滇胡

軍仍不至 六月公赴呈貢督攻大敗援寇 楚軍台尋甸圍

寇復陷羅次 七月初二日梁士偉攻破晉甯城西門寇踞

牛城力抗 馬宗龍等克元謀屬馬街 八月十四日克復呈

貢十五日公入城安撫 九月公派兵助攻晉甯二十日全城皆

復寇藏焉 楚軍議退草海水灌尋甸 寇復陷武定祿勸楊

玉科走還省營 鶴麗軍失利寇復陷劍川何慎言舉家殉張

年譜卷二

五

潤退屯石門關 十月初六日公督馬忠等攻激江寇乞降十

四日收復郡城 二十七日鍾念祖等破邵甸七壘 十一月

公還省城調度增派各路防勦 李維述敗寇厥口 黃文學

敗寇款莊 何秀林敗寇官渡 鍾念祖敗寇甸頭 是月初

八日劉光瑛李鳳祥等克復龍陵鳳祥軍出杉木河分規永平

雲龍 十二月初三日張保和克復富民 黃文學復祿勸

鍾念祖楊玉科黃文學會攻武定 邵甸古城復陷二十四日

李廷標復邵甸二十七日李維述復古城 是月尋甸圍師敗

潰退保曲靖劉公嶽昭上疏自劾請將降革有差 公子春榮

春煦至軍省視適值尋甸潰師曲靖戒嚴省事亦劇驛路復梗

公仍令繞道還曲靖寬慰謝太夫人 是年閏四月初二日專摺奏恭謝

天恩五月十六日馳奏省外官軍歷次戰勝並陣亡遊擊楊文忻等十三員請卹一摺附片奏楊林戰狀奉

上諭岑毓英臨陣打仗身受槍傷奮勇可嘉現在調治當已痊愈著劉嶽昭隨時馳奏以慰廬系欽此二十七日馳摺奏旋抵省營布

置防勦附片奏請催解協餉又片奏帶傷已愈奉旨覽奏欣慰欽此八月十八日馳摺奏攻克州縣城池各路勝仗情形陣亡遊擊金長壽等二十四員請卹並陳明准督臣函商軍

情由 自行奏報以免遲延又摺奏司道庫及通省倉糧展限

盤查附片奏陣亡千總張成樑御宗福請卹十月初六日馳摺奏官軍肅清晉寧州城餘匪及各路勦辦情形又摺奏軍務方

殷京銅一時難辦附片奏參縱兵詭詐守備王文鳳革職十一月十一日馳摺奏收復澂江府城各路勝仗並陣亡守備楊仕

代等十員請卹附片奏副將李維述等請開復處分又片奏呈解偽印偽劄十二月初六日馳摺奏攻克富民縣城肅清澂江

餘匪分援新興嵩尋並陣亡守備馬鳴鑾等五員請卹附片奏岑毓英援勦出力係 胞弟未敢擅擬獎敘奉

上諭同知岑毓英著以知府用嗣後續有勞績著各由劉嶽昭奏請獎敘欽此又會奏遵保節次出力員弁開單請獎一摺恭進雲南

摺附片奏查明同治二年克復城池員弁請飭照單注

册又片奏已革知州王家霖等員請開復處分又片奏總兵范

清等請免按律定擬留營効力又附奏迪東釐金歸併省局管

理又片奏泰監造火藥失慎千總萬繩武革職留營効力二十

三日馳摺奏尋甸官軍失利後路喫緊糧餉支絀並陣亡千總

李安貴等五員請卹附片奏協餉請改撥隣省又摺奏查明藉

差延不同滇各員開缺另補附奏兵勇數目俟挑足造報又馳

奏懇陳滇省軍務現在籌畫情形酌擬八條一選定兵勇六萬

分路進取輪班戍守一兵勇勿須外募就調集本省練勇八萬

餘人中汰選足資得力一擬易勇為兵俟事平歸伍以復舊制

一練勇餉項酌立章程仍由地方籌措供支一籌備軍食地丁

錢糧全數改徵糧米仍抽捐釐穀俟事平截止一劃定兵餉每

月需銀八萬兩本省稅課釐金所入得半餘待協濟一協餉請

年譜卷二 三

岑襄勤公年譜卷三

已同治八年公四十一歲

正月初四五日公會同馬如龍攻江右館破寇礮士洞穿如龍衣甲 初七日呂鎮南劉興克柯郎 十一日何

林破援寇於邑市 十六日楊玉科岑寬德克柯渡 二十六

日鍾念祖黃文學克武定 二十七日張保和鍾念祖軍會克

羅次 是月楚軍復進攻尋甸 迤南寇謝洪馬國泰竄據師

宗屬洛紅甸豆温鄉 二月初二日馳摺奏克復武定羅次兩

城及邵甸古城柯郎柯渡各巢陣亡都司王瓊等十六員請卹

附片奏出力員弁請獎又片奏馬如龍宋延春請開復前得降

年譜卷三

留處分又片奏土藥仍舊止稅抽釐又片奏劣生私刻圖記冒

取夫視查明正法又捐奏差委須員請飭部揀發查催 初三

四日寇大股圍楊林初八日陷之何秀林帶傷潰走宜良寇進

圍大板橋前鋒竄至省東羊芳甸牛街莊興復寺距江右館六

里許公與馬如龍出扼其前派弟毓寶抄截其後力戰三日復

羊芳甸牛街莊興復寺寇退居十里鋪小偏橋圖斷糧道省防

喫緊徵各軍入援 是月初七日張保和破富民烏龍堡寇礮

十四毀其老巢 二十六七日蔡標馬和擊敗洛紅甸豆温鄉

匪寇陣斬馬國泰師宗肅清 二十五日馳摺奏嵩尋賊竄陷

楊林圍斷省東糧路官軍堵勦情形並攻克師宗縣屬洛紅甸

豆温鄉縣境肅清陣亡都司馬恩才等三十一員請卹附片奏
馬如龍傷重自請開缺並陳明東南回心視如龍為輕重請
賞假調理毋庸開缺又摺奏協餉請改撥鄰省釐金以濟急需附片

奏各省關欠餉開單報核又摺奏第十卯捐輸請獎附片奏知

府鍾念祖前捐知縣執照請飭部填給又片奏各部院發滇公

文請暫交兵部附入馬遞專摺奏謝年終

恩賞 是月馬世德竄踞彌勒屬竹園村檄梁士美軍進剿 元謀

防軍援省馬街寇復入踞縣城 四月初四日馬周結偽大司

衛姚得勝襲陷澂江署知府楊保恒參將崔萬象死之 十三

日馳摺奏澂江復陷自請議處並陣亡文武請卹 援省軍四

年譜卷三

集公日督應戰十六日大破蕭家山十里鋪小偏橋三壘乘勝

殲寇至長坡六十餘里中毀寇百餘礮斬賊數千計 二十一

日公同馬如龍攻克南城外羊神廟四壘如龍中礮子傷腹甚

重 二十六日公弟毓寶等進攻楊林克連路寇壘十三座 二

十八日李維述段朝相攻克富民屬團山 五月初二日公弟

毓寶等攻克楊林 初四日馳摺奏大破省東寇壘乘勝攻克

楊林圍山軍務大有轉機陣亡千總陳萬朝等八員請卹附片

奏馬如龍力疾臨陣身先破棚中礮傷重情形 是日公弟毓

寶會楊玉科圍攻嵩明偽大司寇李芳圍偽大司平馬興堂挾

偽帥女蔡杜氏以城降玉科解降人至省公以興堂撥隸楊玉

科部隨征以蔡杜氏交馬如龍派回婦收管令作書招其夫蔡廷棟歸誠以芳園陰狡叵測並其黨宴洪等十餘人駢誅之芳園本宜長革生乘軍興為亂掠東而西附杜逆稔惡最久其誅也人皆稱快 十六日高發際定邦彭子祥復白井 十七日李維述克羅次上旬寇屯縣境肅清進復大腰站祿賧以規祿豐截斷迤西大路 李廷標夏毓秀進攻安甯何秀林進攻易門分截迤西小路 張保和創愈進攻昆陽以遏省壩寇糧 圍攻新興竹園各軍連獲勝仗 楚軍克復尋甸收降馬天順馬廣李家福移軍入省會勦 是月

詔授馬公如龍雲南提督

年譜卷三

三

賞內府丹藥四料 六月初三日馳摺奏克復嵩明各路勝仗附片奏騰永國練克復龍陵又片奏夏毓秀請開復原銜又片奏提督唐友耕援滇魯甸回民驚擾委員馳往調辦又片奏激江回弁馬良驥等請革職研訊又片奏逆女蔡杜氏逆姪楊鳳翔分別管禁 初五至二十七等日公督軍攻克李家地老鴉營大營寺各隘 七月初十日馳摺奏破附省賊壘各路分勦情形陣亡守備劉興周等二十一員請卹 十五日公弟毓寶會張保和克復昆陽屬海口 十六日李維述等克元興永濟阿陋草溪各井乘勝收復廣通屬捨費 十七日黃文學克頂井 二十一日楊玉科克黑井 二十二日李維述克廣通屬羅川

范清等克安甯屬八街 八月初一日何秀林等克復易門 初八日馳摺奏克復易門縣城及黑琅各井海口羅川各隘 又代奏馬如龍謝

恩賞

內府丹藥又片奏籌發嵩明難民籽種 是月初八日楊玉科錢大川克復大姚 初九日張仕進克復廣通 時省寇歸路已斷勢日窮蹙偽大司戎馬國春杜逆所遣節制羣寇者病死江右節諸酋不相統攝公借馬如龍復用間離之心日攜貳偽大司驅段成功先獻款十三日公與馬如龍李家福於城外嚴兵以待成功率所部五千人舉南而數十眾歸降西北兩面寇壘二百餘一時驚擾官軍督降卒連夜掩擊至十四日一律蕩

年譜卷三

四

平僅餘南面江右節北面馬村西面土堆三巢十五日攻克江右節擒斬偽監軍大參軍楊崇章偽大都督蔡廷棟據棉花行馬如龍勒令擒獻偽大司藩安文義以降是夜馬村寇乘雨遁併入土堆省圍解嚴 十七日公弟毓寶等克復安甯 十八日馳摺奏攻破附省三而賊壘省圍已解並克復大姚廣通兩城附片奏克復安甯州城又附奏請更降目段成功名永忠馬興堂名承順並給都司職銜以為反正者勸 二十六日李維鋪等克復南安 李維述等克復楚雄 九月初三日黃文學徐聯魁等克復定遠 張保和攻昆陽急馬光明乞降而楊振鵬懼誅猶囑負馬如龍馳往諭振鵬出見預令保和及公弟毓

琦伏兵東門外擊被振鵬十二日收復州城捕振鵬兄振鴻並
叛弁馬聯魁等誅之 十六日馳摺奏克復楚雄南安定遠
三城陣亡守備張星等十八員請卹附片奏軍營擒獲賊酋馬
清等飭知府鍾念祖就近誣明正法又奏遵查前保出力員弁
請照原案給獎又奏彙報第二十二次捐輸請獎 二十三日
王鍾祥克復彌渡 是月劉公嶽昭至省城 十月十七日會
捐馳奏克復昆陽州城各路勝仗陣亡守備馬春等十員請卹
又奏議覆馬恩溥條陳事宜附片奏逆族楊鳳翔等正法梟示
二十七日劉興克復紅岩張潤克復永甯土府進克麗江屬
鳳柯大具臘寶東山各里 十一月初七日陳定邦等克復寶

年譜卷三

五

川 初十日王鍾祥攻蒙化陣亡 十三日何秀林等克復祿
豐 十六日公偕劉公嶽昭馬公如龍督各軍攻破土堆偽大
司政劉成偽大司助米映山撲漢池溺死擒馬德良楊景修等
酋十餘人分別斬釋省會全境肅清 二十三日張潤克復
麗江 是月楊裕培丁耀龍楊存初等軍進規鄧川派穹軍無
紀律聞克城寨旋復失陷 十二月初五日會捐馳奏攻克土
堆城壘附省一律肅清並克復祿豐縣城陣亡都司劉陞廷等
十九員請卹又摺奏遵保力解省圍並節次克復城池出力員
弁開單請獎又片奏司道籌防出力請獎又片奏總兵李家福
出力請獎又片奏各屬災荒田畝請免錢糧又附奏總兵特克

慎等請開復原官三片 初九日張潤克復劍川進攻鶴慶浪
穹 十五日張家銘林光耀克復緬甯 二十日摺奏查明各
屬遺失關防印信請補鑄頒發又摺奏省垣廟祀諸神護佑地
方請

賜匾額 是月公弟毓祥子春榮至省省視隨命還曲靖奉謝太夫
人至撫署就養 是年春四川將軍崇實公總督吳公棠奏派
前雲南提督唐友耕統軍援滇五月次昭通友耕故大關人姦
民流言友耕將先勦昭東回族復仇回大恐皆據寨自保公與
劉公嶽昭檄促友耕馳援省城以解之並派總兵全祖凱知府
吳春然往勸兼保護漢寨使至則唐軍已與魯甸回接仗漢回

年譜卷三

六

互傷唐軍尋擊破回寨回獻其酋李本忠乞降公與劉公急咨
川省撤唐軍回川唐軍入滇凡九月幾釀巨患於是東昭始安
庚同治九年公四十二歲
正月二十四日奉

上諭劉嶽昭另片奏岑毓英之胞弟隨營出力懇恩獎勵等語知府
岑毓英著免補知府以道員分發省分遇缺前先補用並賞給額
圖印巴圖魯名號知縣岑毓琦著免選本班以同知直隸州知州
分發省分遇缺前先補用欽此 是月許繼衡等克復威遠 竹
園寇竄撲廣西州東山張保和擊敗之 李鳳祥楊萃等大破
永昌寇於諸葛營 田仲興攻新興馬忠攻澂江皆失利 二

月初八日公出省督激江軍攻復中闊大了口九村各壘 是日黃文學攻永北東山陣亡 十五日馬公如龍出省督新與軍 十六日劉公嶽昭出省至中公關營次會勘地勢籌商進攻之策任八日還省 二十二日會摺馳奏克復麗江緬甯彌渡賓川劍川等城馬街紅岩各巢軍務日有起色請

勅催各省協餉並陣亡遊擊李永昌等六員請卹附片奏會籌激江新興軍務察勘地勢情形又附奏籌撥馬如龍軍營專餉又附奏進東道蔡錦壽隨辦營務又片奏副將黃文學陣亡請卹專摺奏知府崇誠寶等謝

恩獎摺又摺奏滇省軍務漸清本年文闈鄉試堪以依期舉行並請

王譜卷三

七

帶補戊午己未兩科歸併取中附片奏委署知府各缺 三月馬如龍攻破新興城外各壘截斷東溝寇援總兵田仲興陣亡如龍亦受傷 張潤大破浪穹寇於鄭家莊赤洞壁九氣臺進復縣城寇分踞我墩鳳羽鄉 丁耀龍楊存初破鄧川寇於新橋復州城寇退踞魚潭坡已而寇援大至鄧浪復陷張潤退扼白土營丁耀龍等退保羅川 四月初一日楊玉科克復姚州斬馘六千餘級擒偽大司軍馬金寶偽鎮東大將軍藍平貴檄送省城梟誅姚州淪陷十餘年城堅寇悍力攻八閱月始克之寇中奪氣 李鳳祥王祖佑等軍收復雲龍 段永忠叛於雲州 大理寇大舉出援東路趙州蒙化雲南縣官軍皆挫退

寇復陷彌渡 五月初一日馬公如龍克復新興陣斬寇酋田慶餘移師勦辦河西屬大小東溝老巢 公督勦激江自四月以來連日接仗次第破寇二十餘壘 二十七日會摺馳奏克復姚州隨摺保總兵楊玉科等並陣亡都司陳春等十二員請卹附片奏激江竹園軍情又片奏段永忠復叛請撤銷保案又片奏進西道趙樹吉派駐楚雄會籌進勦又片奏洋人武齡等出力請獎 是時楊玉科與李維述不睦公馳書和解之而檄玉科專辦鶴慶浪穹賓川鄧川維述專辦鎮南雲南蒙化趙州以專責成 是月玉科自姚州西上敗寇於雲南驛前鋒段瑞梅蔣宗漢等收復鄧川 六月公製木礮數十具併力攻激江

王譜卷三

八

寇破龍王廟安白村雙樹村各巨壘毀寇礮四十餘 李維述攻破鎮南附城鷓哥山堡子山寇壘 楊玉科敗援寇於賓川遂解城圍 張潤軍會段瑞梅蔣宗漢復浪穹 七月寇復陷鄧川浪穹段瑞梅合張潤軍退扼白土營張潤自劍川馳援雲州叛寇段成功竄永昌李鳳祥軍大破之於施甸 李維述軍攻彌渡敗挫 八月初旬公督軍日夜攻激江破附城寇壘百餘平毀西山村西街子寇寨 十六日降目蔡廷棟攜蔡杜氏潛逃出城尋緝獲蔡杜氏正法廷棟竄歸大理 十九日會摺馳奏攻克激江西山村西街子等處賊巢陣亡都司袁亮等十員請卹附片奏鎮南竹園等處軍情專摺奏恭謝年終

恩賞附片奏 暫回省辦理文閣激江軍務派岑毓寶馬忠接統又

招奏彙報二十三回兩次捐輸 二十日公還抵省署 是日

初八日黃世昌等軍克復永北 二十日楊玉科鍾念祖張潤

克復鶴慶 二十六日李維述克復鎮南 是月公四女生後

適武進周氏婿名世銘 九月初六日具摺奏入閣監臨日期

並分布軍務情形附片奏鎮南鶴慶軍情 是日公入閣監臨

是月楊玉科鍾念祖張潤等大破寇於白土營 徐聯魁攻

寶川失利 二十一日公出閣還署 十月張潤收復浪穹進

破鳳羽鄉白米莊寇巢 蔣宗漢段瑞梅收復鄧川進規上關

蔡廷棟馬年玉分路竄援永昌李鳳祥軍破走之 十一日

年譜卷三

九

會捐馳奏克復永北鶴慶鎮南三城附陳李維述楊玉科戰功

卓越懇

恩獎勳並陣亡千總楊本春等四員請卹奉

上諭賞給李維述楊玉科白玉翎管撥指荷包等件以示優異又會

奏彙保節次克復城池出力文武員弁附片奏總兵范清等請

開復原官又片奏委員查辦會澤縣差毆遊擊楊玉麟一案

又摺奏武閣鄉試未能依限舉行擬請展緩辦理又摺奏彙報

二十五次捐輸請獎 閏十月張保和張來慶等攻克竹園寇

與彌勒境內肅清 十七日公出省赴澂江大營 十一月十

五日公督軍攻破澂江附城五靈廟紅山鳳翔寺寇壘偏城六

岑襄勤公年譜 卷三

攻 是月楊玉科張潤合軍敗寇於長邑村鍊鐵進攻橋後井

克之獲偽龍輜大都督楊占鵬檻送省城梟誅占鵬杜文秀本

宗母兄也 張潤進規漾濞 馬公如龍破東溝寇礮三十餘

十二月初九日會捐馳奏克復竹園賊巢隨摺保張保和楊

國發等員並陣亡參將劉自馨等八員請卹附片奏攻克澂江

附城紅山各賊壘又片奏蔡廷棟蔡杜氏私逃出城又摺奏軍

餉奇絀請撥給有着的餉並請

簡派雲南京官督催報解又摺奏彙報二十六七兩次捐輸請獎又

摺奏迤西道趙樹吉因病呈請開缺 大理寇出上關分竄鄧

浪楊玉科鍾念祖等擊敗之 下關寇出竄雲南彌渡官軍失

年譜卷三

十

利

辛 同治十年公四十三歲

正月公在澂江初二日總兵麟志等克復開化屬江那土城初

十日奉

上諭雲南軍務日有起色未經收復地方尚有若干各路帶兵將弁

某員勦辦何處均着劉嶽昭岑毓英繪圖貼說詳細奏聞欽此

是月四川蠻寇竄擾昭通邊境李家福等擊走之 馬公如龍

攻東溝不克 上關寇復出竄鄧浪楊玉科鍾念祖等擊敗之

張化進攻彌渡敗挫雲驛小橋雲川三隘失守楊玉科李維

述馳援大破寇於小橋復三隘 尉廷品玉等軍攻順雲敗挫

一一三

被賊請卹 是月蔣宗漢張潤等克復永平縣城移攻曲嗣老巢 十二月十六日公督軍以地雷轟破館驛西北兩門與寇共城而壘寇徧掘地窖入處其中隧道以通來往隙孔以施槍礮我兵用西洋炸礮轟寇迄不能傷寇且伺懈而擊我乃如其法穴地以自衛相持至明年秋始蕪事盛兵九地極戰陣之奇苦然滇軍地營之規制因是役而講求益精云 是月馬公如龍利粗愈督軍攻克大東溝老巢寇首馬成林等三十餘人悉擒正法河西肅清 楊玉科破援寇於漾濞之哈臘左 李維述攻克雲南縣附城三面寇殲 田心寇嚇其黨竄歸開化屬黑末夷寨張保和馳勦撲滅之

年譜卷三

十三

同治十一年公四十四歲
正月十三日張保和攻克田心老巢寇首馬世德等自焚死
二十五日蔣宗漢鍾念祖等軍會克曲嗣老巢永平肅清 二十八日會摺馳奏攻破館驛兩門並克復田心賊巢附陳西路軍情陣亡都司朱占鼐等二十七員請卹又摺奏計典屆期展緩辦理又摺奏彙報第三十至三十二三次捐輸請獎附片奏請十二卯捐輸請獎又附奏同治十年分各屬被災田畝分別減免錢糧又摺奏循例審陳年終考語 二月張保和收復日者鄉 李維述楊國發等大破寇援於小橋雲南驛 楊玉科軍破漾濞之馬廠金牛屯合江鋪各寇壘 是月公子春榮生

子德裕五歲殤 三月十四日楊玉科軍克漾濞上下街子老巢 李維述軍收復瀾渡 李維述楊玉科軍會克紅岩 雲州軍失利參將梅洪順陣亡 四月十六日李維述楊國發等克復雲南縣 二十六日會摺馳奏克復永平雲南兩縣城並曲嗣漾濞各賊巢陣亡參將李棟材等二十二員請卹附片奏收復日者鄉並陳館驛婆溪軍情 楊玉科軍進攻趙州二十九日杜文秀自率萬人出援踉蹌敗歸玉科軍追至下關而還 五月朔三日楊玉科軍克復趙州進攻大理下關 初七日蔣宗漢出天生橋聞道結內應襲奪下關 同日段瑞梅張潤李應舉等軍水陸並進亦克上關 十七日李維述楊玉科會

年譜卷三

十四

軍克復蒙化廳城維進進攻大小關垸老巢 六月遊擊沈朝輔刺殺署臨沅鎮總兵梁士美公由營派何秀林等馳往查辦 楊萃等攻克順甯屬公即寇寨 七月楊玉科軍大破大理寇於五里橋 公命弟毓祥毓琦奉謝太夫人還那勞里第太夫人就養至滇逾十年水土不服常患嗽疾有鄉固之思故仰體其意 八月初四日會摺馳奏克復趙州蒙化兩城及大理上下兩關請將尤爲出力人員先行獎敘陣亡副將李廷標等四十九員請卹又摺奏梁士美被仇刺殺情形又摺奏軍務得手請飭催協餉附片奏永昌等府印信請補請頒發專摺奏恭謝

年終

恩賞

初七日公有疾甚劇選通海醫調至月杪漸愈館驛軍事委馬忠經理 公弟毓寶子春榮至營省視 是月尉遲品玉軍克復緬甯 九月十六日張保和等收復婆溪 二十三日公令馬忠計誘館驛寇首馬敏功納善馬國政等擒而誅之許回衆投誠分徙各村寨安插館驛乃定東南一律肅清 何秀林捕斬沈朝輔 十月十二日會指馳奏勦除館驛婆溪積年鉅匪東南兩地地方肅清陣亡遊擊趙廷雲等一百零四員請卹附片奏瘞故道員周之珪請

敕卹

又附奏委員辦理曲江善後又摺奏查明學政汪敘疇具奏滇

年譜卷三

五

省情形據實覆陳又附奏道員王德材知府姚家驥同知陳泰珉等請獎三片總兵申有謀同知定森等請開復原銜二片又摺奏彙報採訪忠義第四案附片奏帶兵還省即赴迤西督勦是日公自通海啟行 十六日還省署 時楊玉科軍自九月初十至十月初六日連克大理附城之三塔寺東岳廟五里橋上下確鹿角莊豐成莊南門街各寇壘逼近城下越濠而營穿隧以攻 十一月初九日公自省起行西征 初十三日楊玉科軍以地雷轟破大理東南城垣進據內校場蓮花池寇憑西北及偽禁城面守 二十六日杜文秀率死黨出拒楊玉科營將士力戰擊敗之文秀入偽禁城伏求死偽大司衡

楊榮偽大經略蔡廷棟等乞降昇文秀獻玉科營氣息猶屬開創其首解送省城 是日公行次鎮南州 二十七日馳摺奏

旨督

大理自省西上行抵鎮南日期及各路打仗情形附片奏帶關防赴營署中公事概由行營辦理又片奏知府孔昭鈞侯楊玉麟案辦結再給咨北上 十二月初一日楊玉科派段瑞梅蔣宗漢張潤李應舉徐聯魁等揀備勁卒先令瑞梅將二百人偕署太和縣知縣譚席珍入城屯太和縣署諭寇薙髮繳械宗漢等部陸續入屯各城樓 初四日公抵大理駐城南五里橋大營玉科來見公稟商撫事公察寇懷反覆又悍首狡黨猶衆

年譜卷三

六

慮以姑息貽鉅患督玉科密爲聚殲計布署略定初七日玉科率親軍入城屯偽帥府初九日玉科令楊榮蔡廷棟暨偽大家宰馬仲山等悍酋十三人出詣五里橋大營請公公誅之即舉號礮內外夾擊凡兩晝夜殲寇四萬計擒斬首目二百餘人獲文秀子三女一十一日大理城內外一律肅清 十九日會同劉公嶽昭由六百里馳奏克復大理府城首逆伏誅羣首盡滅全郡肅清一摺奏言杜逆倡亂歷十八載攻陷五十三城西及四川會理東及貴州興義偽造禁城僭規王制直欲追蹤洪逆並駕一時官軍西征四次迄無成功咸豐六年提臣文祥調川軍助勦克紅岩圍窰居而東南各回圍省遣兵還援則彌渡

雲南縣失矣九年提臣褚克昌克鸚鵡關雲南驛而館驛散江
回眾攻昭廣通楚雄鎮南以歸其後則褚克昌全軍覆矣同治
二年臣毓英在署藩司任內速拔景東鎮沅永北楚雄廣通定
遠進規鎮南而馬聯升馬榮率密益尋甸之眾占踞曲靖馬龍
平燹撤兵回顧則大理之役遂不果矣六年提臣馬如龍甫至
定遠前軍失利而合國安楊振鵬等內外勾結連失定遠楚雄
以次二十城則省圍幾莫解矣推原其故皆由東南黨援未除
則迤西寇氛愈熾故先從各路征勦克曲靖而東隅固解省圍
而內患清復澂江而內地甯平臨安而南徽定由此內顧無憂
遠圖易舉臣等所以先事東南而後專事迤西者職是故也並

年譜卷三

七

陳明楊玉科謀勇兼優力當艱鉅懇

以破格優獎陣亡守備李正昌等一百員請卹解呈杜逆僞用金印
衣冠等件附片奏迤西未復地方僅餘順甯雲州騰越三城及
小猛統猛即錫臘烏土寨馬家村大小圍埂六巢現在分軍規
取情形 是月十五日李維述攻克大圍埂寇巢 二十四日
公親至蒙化軍營規畫戰事添派楊玉科會勦小圍埂

岑襄勤公年譜卷四

癸同治十二年公四十五歲

正月公在蒙化軍營 初二日派段瑞梅率軍進攻順甯 初
四日派蔡標率軍進攻雲州 初五日楊玉科李維述等攻克
小圍埂蒙化肅清 初九日江夫人卒於撫署奉謝太夫人函
諭以顧夫人為繼配 二十二日會摺奏攻克大小圍埂蒙化
境內肅清並陳明提 派攻順雲兵力尙單已遣段瑞梅蔡標
往勦出力員弁楊玉科李維述等請獎陣亡副將岑寬德等二
十三員請卹附片奏順雲軍務擬贖成楊玉科督辦又摺奏查
辦行刺梁士美首從各犯正法情形附片奏拆毀杜逆僞城改

年譜卷四

七

修城署又片奏請開復和耀曾副將原官免繳捐復銀兩又片
奏恭奉棄營私逃都司楊九貴嚴翠訊辦 是月楊玉科督後
隊陸續進發順雲 二月初六日派李維述率軍進勦騰越和
耀曾率軍進勦小猛統 十二日楊玉科軍攻克錫臘老巢 二
十三日蔡標軍攻克猛即老巢 二十四日奉到正月二十四

上諭劉嶽昭空毓英奏克復大理府城首逆伏誅全郡肅清并
已復未復城池各摺片杜逆自倡亂以來流毒十有八載攻陷五
十三城據險負隅其勢甚熾岑毓英於兵單餉絀之時激勵
堅忍耐苦先將東南各郡次第蕩平然後專事迤西卒使全

清渠魁授首實屬謀勇兼優功績懋昭劉獄昭遇事和衷共濟成績均堪嘉尚本日已明降諭旨分別加恩並將出力陣亡各員照所請獎敘俟該省全境肅清再行普沛恩施等因欽此 同日奉諭劉獄昭岑毓英奏克復大理首逆伏誅全郡肅清一摺覽奏實深欣慰雲南巡撫岑毓英當兵餉支絀之時激勵衆心親臨前敵攻克堅城渠魁授首實屬謀勇兼裕調度有方深堪嘉尚著賞穿黃馬褂並賞給騎都尉世職雲貴總督劉獄昭與岑毓英和衷共濟克奏膚功著開復革職留任處分交部從優議敘記名提督開化鎮總兵楊玉科著賞給騎都尉世職並賞給白玉翎管一枝白玉搬指一個玉刀一柄大荷包一對小荷包兩個等因欽此其同

正德卷四

案奉

百優敘者總兵段瑞梅副將徐聯魁等二百餘員奉

百優卹者陣亡守備李正昌千總木映芳等一百員皆公前疏所請也 二十五日楊玉科督軍克復順寧 三月初三日會摺馳

奏克復順寧府城並錫臘猛郎兩處賊巢陣亡守備楊昌善等七員請卹附片奏總兵李維述帶兵起程赴騰越督勦又片奏

道

百籌辦大理等處善後事宜又片奏滇省由粵採辦洋槍無論行抵

何處請飭悉數截留又片奏道員吳寶森銜出力請獎又摺奏查明雲南各銅廠實在情形請

敕部籌撥工本以資採辦又摺奏本年雲南鄉試堪以依限舉行附片奏迤西道陳席珍飭赴新任專摺奏恭謝

天恩賞穿黃馬褂並給騎都尉世職又代奏總兵楊玉科叩謝

天恩 是日王誠攻克騰越烏土寨寇巢 初七日李維述等攻克

馬家村寇巢 四月初三日楊玉科蔡標等克復雲州 十三日會摺馳奏克復雲州陣亡遊擊伍起雲等四十五員請卹又摺奏保節次克復城池賊巢出力員弁開單請獎附片奏逆子杜宗楊杜廣楊先後病故杜成楫及幼女一口發司監禁俟及歲起解又片奏同知曾元廣等留營差遣又摺奏大理府知府景典久不到任請開缺另選附片奏雲南府知府等缺以臨

正德卷四

安府知府熊昭鏡等署理又摺奏永善縣知縣高國鼎調補昆

明縣知縣 二十日和羅曾等攻克小猛老巢 五月初四日

李維述等克復騰越廳城雲南全省皆平 六月初九日會摺

馳奏克復騰越廳城並小猛統烏土寨馬家村各賊巢雲南全省一律肅清一摺奏言 臣等伏查雲南軍務自咸豐六年迄今

十有八載不惟官紳兵民死亡者難以數計即前任督撫 臣或死於危急或死於戕害或死於憂勞禍如燎原不可嚮避蓋由

滇省地處極邊毗連外域一州一縣多縱橫數百里峻嶺崇山蠻煙瘴雨兵少則不敷分布兵多則糧運為艱賊匪聚散負固意在割據內結漢奸則人鮮異心外連諸夷則退有餘地故大

理已破而餘孽猶踞順雲騰越百戰而後克之此用兵之難也
滇省地瘠民貧承平時錢糧稅課尙不敷開支歲需外省協濟
軍興以來正款收獲無幾協餉積欠尤多滇軍每名月餉六錢
且不能屆時卽領此籌餉之難也方臣等用兵之初羣雄別戶
而分門內外懷疑而構怨既苦於

若門萬里遞訴無由更苦於轉戰數年成敗未定處危疑之地無時
不惕厲戰兢幸蒙

朝廷軫念邊陲不棄庸陋畀之疆寄寬以歲月凡舉得力將弁悉邀
破格

恩施各將弁兵民感激
年譜卷四

皇恩高厚
聖主憂勤無不授命致身毀家紆難故得挽劫運而睹

昇平是皆仰賴
皇上宸謨廣運

訓示周詳
治炳中興

功邁前古樞部諸臣籌策劃餉贊成定運之勳臣等遭逢際會倖免
愆尤曷勝慶幸第念傷亡將士眷屬無依烽火殘黎元氣難復

惟有督飭地方各官將善後事宜妥籌辦理以期長治久安並
陳明總兵楊玉科縱橫轉戰掃穴擒渠立功以之爲最應如何

加恩破格優獎之處出自

聖裁其餘出力員弁開單請獎陣亡副將張漢威等三十三員請卹

附片奏提臣馬如龍總兵馬忠張保和何秀林吳永安賤定東

南疊著戰功均請

賞穿黃馬褂以昭激勸又片奏布政使宋延春按察使程誠糧儲道

韓錦雲鹽法道沈壽椿補用道張同壽通籌糧餉克濟時艱懇

恩優予獎敘又片奏四川兩湖廣東江蘇江西浙江各督撫藩司協

助軍餉顧持大局懇

恩分別給獎又片奏陝西道員徐輔清駐渝會籌賑餉出力懇

賞監運使銜花翎又捐奏滇省軍務肅清善後經費孔亟請

救催各省協餉附片奏擬將民兵釐撥自本年以後永遠截止並請

免積年民欠錢糧又片奏查訪各屬土司分別整頓又片奏總

兵陸純綱等所部粵勇先行遣撤回籍欠餉核明補發由廣東

協餉撥發清款又片奏總兵明慶知縣鮑廣久陷城中現在逃

出請

旨辦理又捐奏署順雲協事楚雄協副將魁昌孤守緬甸歷城四年

之久城陷圍門殉難死事最烈懇

恩優卹並於緬甸建立專祠以該員家屬並同城殉難之知府汪堃

陣亡之知州吳景蘇把總何懷清被戕之取馬宜撫司等恩澤

把總楊玉成等附記以彰忠節附片奏記名提督和輝曾之父

大理城守營都司和鑑被賊戕害母和趙氏投水自盡和鑑已得卹典和趙氏請照例旌表並准於大理合建專祠又片奏楊玉科帶兵在營進軍政履歷請免議處並請免騎射又片奏花翎總兵銜副將黃世昌請開復銜翎又恭摺密陳籌辦善後撤勇固不可緩取將尤須得宜滇中諸將多籍隸本省或齊團起義累功而至崇階或率眾歸誠受

恩而膺顯秩其循規蹈矩者固不乏人而跋扈驕恣者亦所在而有州縣畏其權勢百姓受其魚肉不惟刑名案件每多礙難即稅課錢糧亦難清理當此大難初平亟宜整頓吏治蘇息民困武員中籍隸雲南官職較大例應迴避者懇

年譜卷四

六

恩敕部分別調取進京

陸見量移別省使馴良者得資甄陶狡黠者失所憑藉潛移默化委曲保全並陳明軍務肅清請與督臣分起北上 是月鎮康土知州刀悶成圖潯甸土知州景佩南甸宣撫使刀守忠戶臘長官司賴天福先後至大理見公訓勉遣還 閏六月二十日賴夫人卒於省署 七月初二日具摺奏旋省辦理鄉試所留提督楊玉科在大理同進西道陳席珍會辦善後事宜又代奏楊玉科謝

恩賞加一雲騎尉世職附片奏已故革職巡撫徐之銘懇

恩開復處分並給卹典又摺奏前督臣勞崇光功德在民請於雲南

省城建立專祠附片奏前督臣恒春憂憤自裁其妻博禹特氏相夫以義同時身殉懇

恩敕部分別旌卹又片奏軍營瘴故道員張同壽等請卹又片奏瘴故參將李和請卹又片奏傷故遊擊馬士成等請卹又片奏滇民貧苦棉線布疋概免收稅並將棉花稅則酌減又片奏提督段瑞梅等二十一員弁請免騎射又片奏籌建麗江府城垣又片奏清查叛產安置殘廢無業兵勇並變價修葺各屬昭忠祠書院又片奏收繳軍械分發各營伍存儲備用又摺奏酌擬移設綠營以裨地方又片奏揀委道員蔡錦青署糧儲道並會辦軍需釐金局務又片奏委道員顏培高會辦駐川催餉收捐又

年譜卷四

七

摺奏第三十六次捐輸請獎 初六日公出大理啟程旋省

十一日次普湖奉到閏六月初十日

上諭劉嶽昭岑毓英奏官軍攻克騰越麗城並各處賊巢雲南全省肅清一摺覽奏實深欣慰雲南巡撫岑毓英親臨前敵調度有方用能肅清全省著賞加太子少保銜該撫前經賞給騎都尉世職著加恩改為一等輕車都尉世職雲貴總督劉嶽昭籌備戰守克竟全功著賞穿黃馬褂雲南開化鎮總兵楊玉科戰功卓著前經賞給騎都尉世職著加恩改為一等輕車都尉世職等因欽此其

餘文武員弁獎擢有差 十九日公還省署 八月初六日專

摺奏旋抵省垣日期辦理善後情形又摺奏進東道李肅病故

員缺暫委曲靖府知府賈鐸署理請

旨簡放專摺奏謝

天恩賞加太子少保銜並一等輕車都尉世職又摺奏叩謝年終

恩賞附片奏停止馬如龍湖北專餉仍解重慶轉運局又片奏騰越

鎮總兵李維述丁憂開缺請

旨簡放又片奏廣西提解土匪張世顯章裳飭司發交解往又片奏

請飭部頒發空白貢監從九執照填發指生 是日公入闈監

臨 二十日公出闈道署 十月初六日公下闈典校武鄉試

總兵博昌會考 十五日試竣取中武舉如額 十六日楊玉

科至省見公稟商散勇善後事件 二十七日具摺奏遵

年譜卷四

八

旨議復雲南酌辦撤勇停捐課吏事宜附片奏吏治營伍財用三者

為立國之根本欲整頓吏治必先停捐欲停捐必先足用欲足

用必先易勇為兵 旨窺查測如有可採請

旨教下 擬即滇省先行試辦疏入奉

諭軍興以來募勇籌捐本係一時權宜之計軍務平定自應規復

舊制免滋弊端滇省已就肅清據該撫查明所部勇勇除遣散外

所餘不過千人其籍隸本省勇丁挑選精壯充補綠營兵額餘令

歸農歸廠自謀生理所奏深合機宜即著會商劉嶽昭督飭得力

將領將現在各營勇丁分別遣留所留各勇准其充補兵額仍著

該督撫隨時勤加訓練束以營規俾成勁旅其遣散各勇尤須妥

為安置免致滋生事端至該省及各省所設捐局既可裁撤即行

查明奏聞一律停止以免有名無實滇省變亂日久仕途既雜吏

治宜及時講求該督撫當慎選賢能牧令與民休養生息遇有庸

劣各員亟應隨時甄別毋任濫竽歷年收捐款項即著該督撫查

明實數應如何加廣學額中額之處請旨辦理另片奏吏治營伍

國用各節深明大計即著照所議辦理停捐裁勇滇省能先舉行

足見該撫勇於任事著與劉嶽昭和衷商辦實事求是整頓地方

用副委任該撫所議各節本日並諭令各省督撫等酌度情形錄

議具奏矣欽此 同日摺奏滇省鹽務廢弛多年遽難復舊請予

限試辦附片奏迤西各井皆已歸官迤南正飭清理又片奏滇

年譜卷四

九

省善後未完奏事夾板仍由驛遞又摺奏訊明失守城池總兵

知縣各員照例議擬附片奏各府廳州縣遺失印信請補鑄頒

發又片奏查明路南州知州蔣維鏞被戕死事實屬慘烈 時

劉公嶽昭疏請入

欽奉

旨報可

命公兼權總督公具摺奏遞陳下情願懇

大恩另行簡員署理督篆並陳明總督衙門應行事件由 旨遵即接

辦所有總督關防暨

王命旗牌暫存司庫 十一月初八日劉公嶽昭交卸關防北上

二十五日摺奏遊

旨查明雲南應行調劑撫恤情形附片奏各營勇餉各省協餉省城軍需局各處糧臺皆至十二年十二月底分別概行停止裁撤又片奏杜逆派人在緬甸開設元興元發二商號查有貨物本銀約共三萬四千餘兩委員提給永昌騰越帶兵武員李鳳祥王誠等充實並陳明緬甸國王呈請進貢又片奏前署提督褚克昌遺愛在民請於雲南省城大理府城各建專祠又片奏督署公文委中軍副將督同書吏查記封固又片奏道員盛世豐給各遊選又片奏署糧道趙南道蔡錦青俸滿北上所遺糧道缺委候補道羅尊堯署理又摺奏滇省軍需報銷積累年久酌

年譜卷四

擬變通辦理將自咸豐六年起至同治二年正月無可稽查之案免其報銷自同治二年二月起至十二月底止除前任督撫在川黔收支各款未准移交有案無憑造報外凡本省收支軍需各款有案可查者援照同治三年

諭旨將款目總數分年分期開具簡明清單奏明存案免其報銷俟同治十三年後仍按年造冊呈報以符舊制並陳明本省各屬民間捐供勇營工食釐穀等項分別酌量查造

旨請加中額學額又片奏候補州同李應庚援照提督李朝斌例免其歸宗仍補丁本生母憂 十二月初五日恩旨補授欽州知府孔昭鈞於省城寓所自痛親情切殺仇自首公飭司收禁

立派府縣相驗 十三日公督同司道提訊楊汝楫一案 十二日具摺奏彙保克復大理蒙化趙州出力員弁開單請獎

附片奏總兵呂鎮南請免騎射又摺奏採訪忠義第五案 二十三日具摺奏搜捕餘匪殲除窩匪土口罕恩正又摺奏在籍職員因仇刺殺撤省查辦之知府請

旨革職嚴訊懲辦又奏彙報第三十七八兩次捐輸請獎又奏滇省藩庫收捐第三十卯請獎附片奏飭部催發前請員監從九執照又片奏和羅會等捐復銀兩在滇繳清又片奏前金鄉縣知縣李人驥賠款據其子李鈞華繳清請開復處分又片奏前迪西道林廷禧太和縣知縣毛玉成署提標中軍參將懷唐阿於

年譜卷四

咸豐六年在大理府城殉難慘烈請在該地建立專祠以殉難官弁紳民附祀 同治十三年公四十六歲 正月初八日原摺遞回欽奉

殊批覽奏已悉岑毓英向來勇於任事朕所深知雲貴總督仍著該撫兼署將地方應辦事宜悉心經理毋許固辭欽此 即日行司賞送關防接受啟用 十九日提督馬公如龍交卸北上公檄委普洱鎮總兵博昌署理提篆 二十四日專摺奏兼署督篆

日期恭謝 又摺奏探聞越南有警籌防滇邊附片奏川滇交界

挑兵巡防又片奏請頒發雲南鹽法道巡西迪南道

救書 二十八日准部咨題請開復降一級留任處分十二年十二

月十二日奉

旨欽英降留之案准其開復欽此 二月十八二十二二十五等日

公在署考試文職各員 二十七日具摺奏遵

旨易男為兵停止捐例並整頓錢糧稅課釐金附片奏委崔尊夔總

理釐金局務又附奏武職廉俸請免搭鈔又附奏提馬如龍

欠餉擬由兩湖協餉補發又摺奏遵

旨整頓吏治考核各項人員分別議擬附片奏開化鎮總兵楊玉科

鶴慶鎮總兵張保和道

是京陛見檄委蔡標李文益署鶴慶開化兩鎮篆務又片奏請頒

發雲南提督

命應牌又片奏張保和請免騎射專摺奏開復處分恭謝

三月十八日具摺奏請開復處分恭謝

明先行揀查

又片奏雲南馬湖州府屬各屬委大司馬高晉為總督等語理大

理回馬新德自領進西迪南道

之成回問大吏主撫同員保保

與其化著約東德新發險屬屬同為變馬榮之躍省垣也德新

居督署稱護督謀僭號平南王會公與馬公如龍破寇乃止然

與杜文秀仍往來交通亂平德新自知不為滇人所容避匿新

興回寨年已七十矣公慮其惑眾貽患是月密派總兵馬恩捕

誅之並磔其黨馬應繼馬尚雄收繳新興尋甸同民軍械分別

安插歸業漢回皆悅 四月二十二日具奏捕誅要逆遣散降

回一摺附片奏陳查收槍礮分撥操防又片奏清查省城漢回

窮估房產 騰越之克也偽大可空李國倫逃入烏索回寨地

界緬邊煙瘴極惡同日柳應倉乞降願獻首自效遂罷兵後李

維進道都司蔣湖士率三百兵往收軍械勒獻國倫應倉

誘殺湖士坑三百兵上年秋維進督軍進勦會丁憂解任

魁代之公檄令赴軍並益以蔣宗漢和耀曾之軍會勦是月初

九日攻克寇巢應倉闔門自焚國倫走雲峰山搜斬之 申旬

歸化寺僧因宰只木聚眾劫掠派記名提督李應舉捕獲正法

五月十三日馳摺奏勦滅騰越烏索叛匪陣亡遊擊顧定侯

等五員請卹又摺奏委楊國發署普洱鎮總兵吳永安署昭通

鎮總兵附片奏 部粵勇多係泗城府三屬之人隨 勦賊滇

黔陣亡不少現在總兵覃修綱等自行捐貲擬於西林縣建陣

亡副將容寬德等專祠以勇丁附祀懇

恩列入祀典又摺奏雲南臬司程誠降調員缺請委道員貴齡署理

摺奏彙報第二次考核人員附片奏擊獲逆匪馬映東等正法
又片奏請揀發正途州縣十四員赴滇委用 七月十六日摺
奏遵

旨移設綠營請頒發遊擊都司關防附片奏署提督傅昌由省進駐
大理以符定制又片奏委蔣宗漢署騰越鎮總兵又片奏考試
武職月課章程又片奏補用州同毛鴻儀嫡母毛梁氏屬賊被
害請旌 八月十五日具摺奏京銅定限起運惟查今昔情形
迥異請變通銅本運費並陳明揀委丁憂道員鍾念祖等督辦
廠務附片奏糧儲道韓錦雲飭回本任道員崔尊葵仍委總辦
釐金會辦善後採訪各局又摺奏懇陳滇省餉需缺乏請

年譜卷四

勅催各省補發欠餉附片奏請

欽此各發緬甸進貢表式又具摺奏結楊汝楫一案又摺奏採訪忠

義第六案專摺奏恭謝年終

二十八日公赴枝塘核閱督標撫標城守營官弁馬步槍箭
是月永北賓川交界梭羅普清風等妖道朱洪順作亂派記
名提督李應舉等往捕十三日格殺其黨趙洪李洪順生擒朱
洪順訊明正法 景東直隸同知凌應樞等七獲確確匪首何
應壽正法 是月公命長子春榮次子春煦扶江夫人賴夫人
柩歸粵卜地安葬於臨桂縣城東堯山先是公以西林距省會
二千餘里子弟讀書應試既苦道遠又勢觀摩有僑居臨桂之

意適命二子於營葬後購宅於省垣水東門內仁壽宮井巷留
居讀書並公奉諱歸後增置田宅建立廟塾為長久之計而以西
林祖遺產業公之諸弟云 九月二十六日具摺奏查明節次
出力人員開單請獎附片奏第三次考覈文職各員又片奏文
武減成養廉請支實銀免其搭鈔以示體恤又片奏陣亡景東
直隸同知鄭自耀景東營遊擊特通阿功德在民請於景東建
立專祠又附奏殲除中甸賓川景東滋事僧道士匪又片奏考
覈省標員弁又片奏請頒發騰越鎮總兵

王命旗牌

是月越南黃崇英夥黨苗寇竄入開化蒙自交界大窩
子擾踞新現戈姑大黑山各寨官兵旋撲滅之 十一月初五

年譜卷四

日具摺奏滇省軍需用款遵照部議章程分別開單報銷又摺

奏遵

旨清查雲南通省荒熟田地酌擬應徵錢糧成數開單恭呈

御覽附片奏各屬商牲稅課暫擬儘徵儘解又片奏新授雲南布政

使潘鼎新接印任事 十二月十八日具摺奏滇省紳民歷年

捐輸請分別廣額設學開單恭呈

御覽附片奏粵勇欠餉請加廣廣西全省中領泗城府西林縣學額

又片奏總兵楊玉科報效所部欠餉懇

恩量予獎敘又片奏官軍撲滅越南竄滇苗匪又片奏緬甸國王進

呈馴象二隻擬於明春管解送京又片奏滇省應辦計典暫請

展緩又片奏州縣兩規病民清查裁革又片奏第四次考覈文
職各員又摺奏遵

旨酌擬改設石亭井提舉員缺應辦事宜並查明課額不敷緣由

二十四日專摺奏糧儲道韓錦雲病故出缺委員接署請

旨簡放附片奏設立交代總局清釐各屬交代又摺奏採訪忠義第

七案附片奏滇省欠發各款酌發減成實銀 是年公納側室

長壽唐氏 廣南蓮城書院公昔曾應課其中喜郡人之不以

吟域分也至是捐廉二千金令弟毓琦攜交郡紳置產添濟書

院膏火

年譜卷四

去

岑襄勤公年譜卷五

光緒元年公四十七歲

正月初四日接奉

哀詔驚聞上年十二月初五日

穆宗毅皇帝龍馭上賓公慟哭失聲即率城中文武員弁成服赴五

華山

萬壽亭哭臨三日日三哭 二十八日專弁賚奏泣陳愚悃懇懇

聖躬稍節哀情一摺 二月二十日具奏緬甸貢使抵滇循例委員

護解進京一摺附奏遵

年譜卷五

一

山京回滇飭回本任又片奏滇省文報改歸貴州正驛行走又

片奏滇省秋審案件展緩辦理又摺奏楚雄協副將等缺缺員

開單請補附片奏武職月課獎賞請仍照前擬章程以示體恤

三月初五日接總理各國事務衙門咨查英國繙譯官馬嘉

理在滇邊被戕一案先是上年冬有英吉利國繙譯官馬嘉理

執總署護照出京道滇入緬公派州判周祥送之出境馬嘉理

既去而騰越傳言洋人將由緬至騰互市又有洋兵藉互市

城之謠騰紳李珍國者以團練殺寇功效參將權南甸營都司

受代將行騰人議保境馳書珍國聯絡土司沿途會哨有司不

得而禁也會馬嘉理借其國兵官補回復由緬入滇次蓋達十

司屬南平河間野夷梗道相即止不前馬嘉理獨進正月之望至蠻九宿佛寺次日出廷相即行至戶米河邊遇野夷遊匪劫殺馬嘉理及其徒四人相即還籍英公使訴於

朝決謂李珍國所為其詞多所牽連 初九日馳摺奏英國播譯官馬嘉理在滇被殺一案現准咨會實深駭異已委總兵楊玉

科會同迪西道陳席珍知府徐承勳馳往騰越督同地方文武親到邊境查勘據實稟覆如果在土司屬地即責成鎮道嚴擊匪徒究辦不致稍涉含混並陳明請

收總署照會英使達知印度英官不得派兵入界其由緬赴京英官暫且改道行走免再另生枝節 初十日奉到

年譜卷五

上

上諭總理各國事務衙門奏英國播譯官馬嘉理在滇被害請飭查辦一摺英國注意雲南等處已非一日現欲借此開釁以為要挾之計亟應加意籌防着岑毓英將此案確切查辦並着劉嶽昭迅即回任會同該撫持平辦理毋得稍涉含糊一面遴派明幹之員帶領得力弁兵前往就近駐紮雲南土司為名暗杜彼族不測之謀或騰越一帶本有兵勇屯戍即由該督撫相機密籌不可過事張皇亦不可稍涉疏忽總期邊釁可息後慮無虞方為妥善等因欽此 二十三日馳摺奏遵

旨籌辦邊務現在布置扼防英人如果不候查辦擅自派兵入關滋擾惟有據險設伏以禦之附片奏英國由京派員來滇觀審自

未便強阻若欲赴邊地及山緬派員入滇途中難保無事應行阻止 同日具摺奏委楊玉科署理雲南提督張保和調署開化鎮總兵附片奏道員鍾念祖等辦獲京銅一百萬斤委員分起領解北上又片奏文武廉俸請發減成實銀 四月十六日奉到

上諭總理各國事務衙門奏探聞英國欲派兵進滇藉端滋擾並聞威安瑪出京時俄使與之密商英兵進滇俄兵亦由伊犁進使中國首尾不能相顧等語赫德亦稱該國現派兵五千由緬甸直趨海口至雲南交界處所駐紮英國蓄志在雲南通商已非朝夕此時適有馬嘉理一案倘辦理稍有不善難保不墜其術中所聞各

年譜卷五

上

節虛實雖未可知亟應先事綢繆妥為防範此次彼族狡馬恩逞總由此案而起使在我果能實事求是在彼亦無隙可乘總之馬嘉理無論為何人所殺均應澈底確查秉公辦理方足以折其心而箝其口滇省野人雖居鐵壁關外其地倘屬中國不得謂非中國管理設馬嘉理非野人所戕而護之野人或實係野人所戕而謂野人非王法所能及勢必如上年臺灣番社之事彼族即可派兵自辦遂其奸計大局所關實非淺鮮着劉嶽昭岑毓英恪遵前旨迅將此案確切情形據實奏聞並一切持平妥辦毋稍含糊仍遴派得力將弁前往駐紮由該督撫隨時妥為布置相機籌辦以重邊防而弭後患等因欽此 二十日馳奏遵

旨諭一摺奏稱馬嘉理一案已飭楊玉科等認真查拏務得真

賊實犯不准稍涉含糊英國駐緬兵官自宜靜候查辦倘以通

商要求竟自入關滋擾欲效俄人之竊據伊犁則守土之臣應

死城郭惟有與地方文武帶領兵團極力堵擊生死以之附

片奏滇省礙難通商情形又片奏撫綏土司以固藩籬同日

摺奏揀員升補安平中甸同知等缺附片奏仿照直隸等省設

立練軍又附奏第五次考覈文職各員又附奏請

叙四川迅解協澳新餉 二十六日奉

旨諭總理各國事務衙門奏遵議籌辦海防事宜各摺片雲南四川

廣東廣西福建各邊境皆有洋人窺伺並着各該督撫整頓吏治

軍政留意交涉事件以固邊防毋得輕啟釁端等因欽此 五月

十一日奉

旨諭劉長佑奏防勦越南逆匪河陽為黃逆老巢水陸可達滇省其

普高地方亦緊接滇疆現在粵軍進攻河陽並擊勦普高賊匪該

逆窮蹙難免不伺隙奔突着劉嶽昭率統英多派兵勇於沿邊各

要隘嚴加防堵毋任匪蹤竄逸欽此 十六日奉

旨諭本日有旨派李瀚章前往雲南查辦事件着即迅速赴滇將馬

嘉理一案會同該督撫秉公訊結不可稍事延宕尤不可稍涉含

混等因欽此 十七日奉

旨諭李毓英奏馬嘉理一案遵旨查覆各摺片刻下能將馬嘉理之

案交速辦竣彼族自無可尋釁卒毓英惟當飭令楊玉科等審慎

籌辦一面妥為布置自固邊防毋得冒昧從事轉致不可收拾昨

已諭令李瀚章馳赴滇省查辦此案着即會同該督撫秉公辦理

等因欽此 二十日馳摺奏查明馬嘉理被戕實係野人劫殺現

在拏辦情形附片奏聞英使威妥瑪帶兵至漢口欲來雲南現

飭查探確情又摺奏參辦玩視郵政之署需益州知州謝順衢

附片奏探訪忠義局派派雲南紳士隨同經理 六月十九日

馳摺奏防堵越南逆匪陳明滇餉支絀不能出關會勦謹當嚴

防邊隘附片奏探悉駐緬英兵尚未越界滇邊仍加意設防又

片奏同治二年以前雲南軍需收支案卷遺失仍請免其造報

又專摺奏福建侯官縣命婦翁林氏年登百歲五世同堂請

旨旌表 七月初五日專摺奏審明京控案件按律議擬附片奏加

派署永昌協副將和耀會督催騰越文武擊解戕殺馬嘉理凶

犯並調署同知吳啟亮參將李珍國等來省訊實又片奏貴西

道龔思樞熟習洋務檄調赴滇會辦洋案又片奏殲除嵩明漏

網賊匪馬五先鋒等又片奏請於泗城府城內建立 聖部粵軍

陣亡員弁兵勇昭忠祠列入祀典又片奏第六次考覈文職各

員又片奏雲南京師改從海道由廣西廣東江蘇直隸籌撥運

費 二十八日馳摺奏騰越文武稟報拏獲戕害馬嘉理凶犯

九名追出贓物數件俟訊取確供解省審辦附片奏英國副將

岑襄勤公年譜 卷五

三七

賊一案查係騰越紳民誤聽謠傳集團自衛該處不法匪徒與野人乘機滋事地方官未能先事防範以致釀成事端本日已明降諭旨將辦理不善之署總兵蔣宗漢同知吳啟亮撤任暫行革職歸案聽候審訊矣即着李瀚章等懷遵迭次諭旨認真辦理務將案內緊要情事情節一一研究明晰所有調兵阻擊相即等情及牽涉李珍國之處並吳啟亮等有無指使情弊均須查訊的實總期眾供確鑿有以折服外國人之心庶觀審之員不至有所藉口欽此 是月鄧川州夷目羅洪昌羅寬元等因州差緝案凌虐夷民遂劫殺書差數人擄知州戴作舟至東山夷寨囚之 甯州妖人黃傳言夷寇李保受等作亂焚掠村寨撲犯州城 十二月

年譜卷五

九

初二日馳摺奏甯州妖匪滋事派員管帶練軍馳往勦辦附片奏遵 初十日會摺馳奏仰署南甸都司參將李珍國計阻洋人入境查有端倪請革職歸訊 十一二日官軍疊破甯州寇巢陣斬董傳言餘寇併焚溪溪鄉 二十一日馳摺奏官軍疊克甯州賊巢殲除首逆 二十四日官軍攻克溪溪寇巢擒斬李保受 二十六日馳摺奏攻克溪溪鄉賊巢州境肅清附片奏鄧川夷匪滋事因州收繳大理文武帶兵查辦又片奏鎮雄王添貴股匪已經撲滅又片奏續辦京銅請仍照前次章程發給本脚銀兩又摺奏探訪忠義第九案又摺奏請改撥常

年兵餉又摺奏捐廉建立雲南省城昭忠新祠祀文職道員周之珪等三十三員武職副將王冲興等六百零九員勇丁三萬六千二百八十二名現已一律竣

恩列入祀典 是月二十四日等官軍攻破鄧川東山夷寨擒

羅洪昌等救出戴作舟 時劉公嶽昭回任行次貴州以還

巡龍

詔授劉武慎公長佑為雲貴總督 是年恭遇

皇上親極慶典

恩賚一子 滇為西南極邊軍興而後文武官陣亡瘴故率無力歸葬其家屬亦多不能自存而燕習秦隴齊豫及隸東三省旗籍

者為尤難軍務大定公令藩司查出向設故員幫項又自捐廉

年譜卷五

九

俸酌提外銷餘款分別遠近資送挈家歸樞先後凡數百員

丙光緒二年公四十八歲

正月恭遇

恩請封三代及本身妻室皆封光祿大夫一品夫人二十日領

誥命四軸 二十二日奉到

上諭李瀚章等奏請將都司董職歸案訊究一摺前署雲南南

甸都司李珍國於馬嘉理被賊一案據供屬越眾紳紳洋人帶領

多兵前來齊圍各保身家曾與通信等語是否另有情節亟應澈

底根究李珍國著先行革職交李瀚章等提同已革總兵蔣宗漢

已革同知吳啟亮分別研鞫以成信讞該衙門知道欽此 二月初二日馳摺奏勦辦鄧州屬東山夷匪擒斬首要各犯州境肅清並奏知州汎卉革職提訊附片奏請於習我縣城建立殉難知州彭鼎專祠又摺奏

保舉記名提鎮何秀林吳元等擬請發蔡標和耀會等五員 三月初二日具奏修復書院籌發生童膏火一摺奏言雲南省垣舊有五華育材兩書院軍興以來育材書院被賊焚毀五華書院亦遭損壞膏火無出絃誦久虛 臣於同治七八年開破賊解圍收復黑元水各鹽井後即與司道籌商由井按銷鹽一百斤抽釐金銀三錢隨收經費銀五分以釐金接濟備需以經費修

年譜卷五

十一

理五華書院增設學舍又擇城內空閒祠宇改建育材書院分延院長王講課士揀委監院教職規復舊章每月所需院長束脩監院薪水生童膏火月課卷價約共合銀五百數十兩均由鹽井經費項下發給近年舉行童試鄉試帶補歷屆科舉取士如額復蒙

皇恩加廣學額中額士子感激奮興來省肄業者更多應添膏火舍鹽井經費無可籌撥通省鹽井自應一體酌收經藩司會同鹽道釐金局妥議將橋後一井鹽釐經費按照黑元水抽收白井雲龍鹿江喇雞鴨泉東鎮沅按板石膏廣黑猛野各井減淡價廉減為每百斤收釐金銀一錢五分經費銀三分內除石膏廣黑

猛野喇雞鴨四井經費留修各署外其餘各井經費悉提省添發書院膏火 臣惟此項經費在商民所增有限在士子受惠無窮如經理得人自可行之永久但專歸鹽道管理難免日久弊生 臣已飭將鹽釐經費一併提歸釐金總局責成藩司會同該局司道督飭委員認真經收與鹽道所收鹽課互相稽查以昭嚴實其應發膏火等項不准剋扣短少倘有侵挪即照錢糧正款詳參以副

朝廷嘉惠士林之至意仰懇 敕部立案俾垂久遠疏入奉

旨該部知道欽此附片奏雲南距京八千餘里士子北上旅費維艱

年譜卷五

十一

於同治十三年以巡撫衙門東邊鄰街餘地捐廉起建鋪面六十三間自光緒元年正月起招商賃任取租派省城紳士二人三進紳士各一人公同經營並責成雲南府昆明縣各教官隨時稽查以每月共收租銀九十兩借與商號行使每兩每月收利息銀一分以三年計合應存鋪租利息共合銀三千五百零八兩二錢每年給經管紳士五人薪水銀一百五十兩按年更換另給交代食費銀十六兩三年共應發銀四百九十八兩實存銀三千零一十兩二錢擬發進京會試文舉每名銀十兩武舉每名銀五兩外有

朝考之優拔貢生亦每名發銀五兩統名會試卷金所餘銀兩留備

應給發給及修理鋪面之用懇請

部立案庶年久不致為不肖官紳把持侵吞又附奏修復普濟堂

應給錢米於鹽經費盈餘項下撥放又摺奏補報各捐局在同

治十二年以前所收捐項作為第三十九次報捐又摺奏鄧川

滋事夷犯提省說明按律懲辦 三月初七日會摺馳奏遵查

英官馬嘉理等被賊被阻詳細情形覆陳請

欽差各回署務衙門會同刑部籌議定擬以成信誠一摺 李公

瀚章薛公煥等以查辦事竣先後出旗

河南大學士直隸總督李鴻章會英使議於烟臺訂立新約於雲

南等處通商以免究既往保護將來定讞結案 同日奏第七

年譜卷五

次考覈文職各員附片奏委何秀林營團化鎮總兵任士斌署

鶴慶鎮總兵附片密陳楊玉科張保和但籍隸雲南籍里畏其

權勢州縣吏難同寅現在邊防稍鬆若任其久在雲南恐非保

全之道且馬如龍業經調任相形之下亦恐退有後言懇

懇飭軍機處於別省查缺對調並請

南提督胡中和迅速到任以重職守 是日亥刻聞訃謝太夫

於二月二十八日卒於滬勞里第公悲慟不已次日設位成

服 初九日奏報丁憂聞訃一摺照例將總督巡撫關防封固

收存應辦事件委布政使潘公鼎新代辦代行 四月十三日

准劉公長信咨擇於二十四日在滬接篆委員資送總督關防

二十二日奉到

上諭岑毓英現在丁憂雲南巡撫著文格補授未到任以前著潘鼎

新署理欽此潘公鼎新旋於二十四日接受巡撫關防 先後交

卸督撫關防日期當即恭疏

題報 五月公五女生 是月移任富春街西道公館清理經手

事件 是時署騰越鎮總兵段瑞梅貪縱溺職標兵索餉譁變

瑞梅棄城走參將蘇開先因據以叛蓋達妖人王道士與之合

於是順甯土豪悍弁戕署知府徐承助據郡城並陷雲州永昌

降人李潮應之逃西大擾劉公長佑潘公鼎新每就公諮商軍

事公亦規畫無隱劉公檄署提督楊玉科總兵和輝曾蔣宗漢

年譜卷五

李應舉副將丁槐等分道往討不百日悉平之 七月公奔喪

起行取道貴州鎮遠湖南洪江以九月至桂林省城 十月自

桂林返西林過賓州至城南石合嶺謁宋知永甯軍事始遷粵

西祖廬山公墓 十一月至西林抵家哭殯 是月謝太夫人

葬那勞寨北那訓山

光緒三年公四十九歲

正月公修建西林岑氏宗祠後立義塾復編請先嚴墓治家墓

二月自西林起行還省過潯城謁宗祠族人皆會公捐俸置

祠中義田若干畝義學一堂以田租備束脩膏火并贖族人之

瓜殘疾困者 泗郡院試向附南甯後改設專棚於百色公信

捐二千金交紳耆籌捐經費創建考棚 五月至桂林於居第之旁增購地基遵

會興立家廟廟後為家塾鳩工庀材費萬餘金歷三年而落成又以萬金置買房屋田地歲收租入為廟塾義產後復撰立家廟碑銘家塾四箴並審訂經費章程編於族譜 族人之聚處於各郡者皆函書存問分別助資俾建支祠立義學其子弟來見留秀良者廿餘人闕文武二塾課之 桂林有同善堂創自勞文毅公筭以紳士司利濟諸善舉而資興獨無費公以士為民首力與紳士籌增自是北上者薄有舟車之助 太平泗城鎮安三郡距省會遠前學使司業池公生春於省垣桂山秀峯宣

年譜卷五

五

城諸書院增置邊課膏火以待三郡士之來學者亂後款漸不繼公捐俸二千金以半添邊課半添常課 榕門相國陳文恭公為公最所景慕權漢藩時為文以祭文恭具述倖踵前武景行不逮之忱及來桂林乃以暇日躬詣西郊展謁文恭祠墓見棧瓦甃石頗有侈剝子姓貧窮勢將不能保有祠宇因捐金四百員田畀其奉祠之裔歲供祭享修葺餘以資其生計 僚友故舊以緩急告無不量為仗助至是廉俸所餘揮斥畧盡曰吾起寒素予子孫衣食粗足不敢厚貽以益其過也 是年恭奉

頒賞

欽定勦平粵匪方畧

欽定勦平捻匪方畧各一部遊即呈請廣西巡撫代奏謝

恩

戊光緒四年公五十歲

春夏之交久不雨桂林米價日昂窮簷愁歎公發私廩平糶

六月禱服公痛念前居蜀太夫人承重憂以奉

行長子春榮隨侍過祁陽遊浯溪 十二日公次子春煦生子

德復 十二月朔過長沙見湘撫邵公亨豫過武昌見兩湖總

督李公瀚章鄂撫潘公霽過安慶見皖撫裕祿公過江甯見兩

江總督沈文肅公葆楨渡江至揚州已臘杪矣遂留度歲諷史

忠正公衣冠墓歷探梅花嶺平山堂諸勝

年譜卷五

五

岑襄勤公年譜卷六

已光緒五年公五十一歲

正月至清江浦見漕督文彬公渡河至王家營賃車陸行紆道至鄒縣謁亞聖孟子廟至曲阜謁

至聖先師廟見衍聖公孔令詒觀金絲堂彝器謁復聖顏子廟又偕

衍聖公孔令詒出謁

聖林及述聖子思子墓 是月杪過保定見大學士直隸總督李公

鴻章 二月十二日入都門寓東安門外賢良寺 十三日昧

爽趨

朝見軍機大臣於朝房蒙

年譜卷六

召見奏對數十語退朝謁恭親王於邸第及軍機大臣寶鈺公等

十四日又

召見奏對數十語退朝 旋移寓城南興盛寺又移下斜街孫宅

閏三月十三日內閣奉

上諭貴州巡撫著岑毓英補授並加兵部尚書銜欽此 十四日遞

摺叩謝

天恩 二十八日具摺請

訓蒙

召見奏對語尤詳移時退出 是月公子春澤奉諭入京援例報捐

主事籤分工部學習 四月十二日公出都經過河南湖北湖

南各省 是月公子春榮考試廩生五月引

見奉

硃筆圈出外用旋改捐部中籤分戶部學習行走 六月二十五日

公行抵貴州鎮遠府接受貴州巡撫關防 二十七日拜發抵

黔接印日期一摺 是月公子春莫自桂林送眷赴黔值公洪

江命先行入省 七月初四日專摺奏行抵下游聞梵靜山尙

有餘匪飭屬籌辦大概情形附片奏遵

旨籌議道員羅應旋條陳黔事尙有可採容候詳查復奏又片奏布

政使林肇元等飭回本任 是日公起程赴黔省初十日抵省

署 八月初四日摺奏籌商整頓吏治營伍情形附片奏道員

年譜卷六

易佩紳曾紀鳳委管營務會辦上下游改防勇爲練軍又片奏

本料制試照例入關監臨又具奏遵

旨詳細復陳已故革職巡撫徐之銘被參情節一摺又摺奏湖

南巡撫指局第四十二卯請獎 初六日摺奏黔渝成三局收

捐請獎 是日公入關監臨 二十日公出關還署 二十二

日公三子春澤生子德罔 九月初六日具奏考驗實缺武員

一摺附片奏候補武員嚴飭操練候考又片奏委道員梁金誥

吳寶森駐催川鄂協餉 十二日摺奏遵

旨通籌籌畫力求撙節核實每年應需餉項數目附片奏先撥餉款

以清欠餉又片奏閩省協餉請改撥滬漢關款又片奏貴西道

衙署移建畢節又捐奏湖北協黔捐局第四十卯請獎 二十
八日捐奏湖南捐局第四十三卯請獎 十月初二日公下閣
與校武鄉試提督張文德會考 初八日訪聞哥老會匪已革
總兵楊海泰等敵血結盟圍占省城謀為不軌將於初九夜起
事即日密派武營將弁帶兵查拏五日之內先後拏獲匪首楊
海泰等八名發司道訊明正法 十五日試竣取中武舉黃藻
章等二十五名 二十五日具奏拏獲會匪楊海泰等訊明正
法一摺附片奏官軍攻拔梵靜山賊營並現籌圍勦餘匪情形
又片奏土會各匪劫盜重犯請就地懲辦又片奏以滇軍撥補
上游練軍用資戒備 十一月初三日具奏裁遣冗員一摺又

年譜卷六

三

代奏藩司林肇元陳請

陸見一摺又捐奏派員統帶練軍接換湘省防營 二十日具摺奏
改防勇為練軍挑補綠營馬步戰兵仍留防守要隘擬議章程
辦理一摺並章程十二條又捐奏下游新設礮屯未臻妥善籌
議更正又片奏記名提督何秀林等留黔差委 是月委辦梵
靜山知府劉廷忠丁憂乘乘換防之際復出竄擾公派貴東道
易佩紳記名提督何秀林馳往會勦檄各屬文武分布堵截豈
有新擒附近地方稍安然寇踞朝陽寺舉賢溪老巢山林險阻
未能深入大創之也 十一月十五日公文子春煦生子德溥
十八日具摺奏查禁私鑄及行使小錢

庚光緒六年公五十二歲
正月二十四日捐奏常年兵餉有撥無解請另撥有著之餉定
限報解附片奏催各省迅解減成月餉暨指撥的餉又捐奏遴
員接辦梵靜山餘匪疊有斬擒附近地方稍安附片奏委道員
張煦署理臬司又附奏權授副將英商麥士尼為能著有勞績
請給二品封典及回國川資 二月初四日具奏保獎拏獲哥
老會匪十一員弁一摺附片奏道員張日崙延不赴湘催餉請
以原品休致 時御史黃元善戈靖先後奏請直省宜裁減勇
營歸併各局奉
上諭通飭辦理 十五日公具摺奏稱 自上年秋到黔後易勇為

年譜卷六

四

兵以馬步戰兵為練軍防守要隘人數悉照兵額營名皆仍舊
制以留營守兵分防城池塘汛付經具奏交議至黔省各局如
礮屯志書等局早經裁撤城防保甲採訪清查等局已併入善
後總局辦理從前黔省兵餉局費各項開支每歲用銀三百萬
二百八十餘萬兩不等現在歲支銀不過一百八十萬兩已屬
刻苦節省並無浮費 同日奏擬同提 分校營伍並親往梵
靜山查辦恭報出省日期一摺附片奏順路查看地方情形又
附奏湖南鳳凰屬苗匪滋事逼近松桃分派員弁防勦又捐
奏銅仁府知府汪元慶調補貴陽府知府 十七日公出省赴
上游校閱大定黔西畢赤歸化平遠等營以次皆竣 時四川

總督丁文誠公寶楨亦出閱蜀邊營伍三月初八日公與會於畢節談讌三日 二十一日公還省署辦理秋審 二十九日馳摺奏黔省官兵會勦湖南鳳凰廳屬之董例寨苗匪現已撲滅地方安靖附片奏何秀林等攻破梵靜山朝陽寺舉賢溪賊巢又片奏奉

臣查閱本年貴州營伍候校閱省標後遵卽出省查閱又摺奏補報湖南協黔捐局第四十四卯收捐請獎 四月初六日專摺奏謝年終

恩賞又奏黔省歷年軍需收支各款按季造冊送部核銷一摺附片奏派道員蕭德揆換防黎平屬白水申潮等處又片奏各捐局

年譜卷六

五

報銷玩延又片奏參知府張培廉浮收釐金請以通判降補又摺奏在籍革員饒文斗浮收社費按律定擬附片奏委道員顏培龍接辦報銷局務又片奏知府馮翁鵬等接辦常德九江各轉運局 是日公出省赴下游校閱營伍 二十六日馳抵梵靜山軍營是時山寇經官軍勦捕彌年殲斃已眾餘黨腐聚金頂後洞公往視形勢不能力攻命布長圍嚴斷接濟會得冠謀貨其死令誘寇出窺五月初九夜寇竄出至觀音巖賊焉擒冠酋楊滿等十九名梵靜山肅清 十二三日校閱銅仁松桃各營 十四日公在烏羅甸大營訊明楊滿等正法 十七日馳摺奏搜勦梵靜山積匪全股殄滅附片奏冒暑患痢擬暫回省

調治又摺奏記名提督林從太等請借補永安協等缺 公尋起程順道校閱思南石阡道義長寨各營完竣 六月初六日還省署 二十四日摺奏請催欠餉附片奏威甯鎮總兵鍾開蘭請

旨陸見並請給假回籍省親又附奏總兵鄧有德張保和請卹 七

月初六日摺奏道員蕭德揆等積勞瘵故請卹 二十七日附

片奏四川渠縣知縣杜瑞徵捐黔省恤餉銀四千兩請將該員三代名氏在籍合建一坊又附奏陳明決遇盡役徐治家等罪

狀 八月初六日摺奏移置銅仁安化縣治劃正經界附片奏

長寨同知羅斛州判擬互易改設又片奏暑退病痊仍出省校

年譜卷六

六

閱營伍 是日公出省赴上游閱安順威甯安義永安定廣長塘安南册亨普安各營以次校畢於威甯會雲貴總督劉公長佑談讌二日 九月初一日桐梓縣會匪畢香亭糾黨踞老廠楊村壩爲亂初三日犯縣城爲兵圍擊敗擒斬寇日五人公時駐普安檄調將弁會勦初五日破老廠初八日破楊村壩追至仁懷縣屬尖茶溪蹙寇入水殄除淨盡獲畢香亭田洪山解省訊辦 二十五日摺奏黔省歷年陣亡殉難官紳婦女開單請卹附片奏重慶捐局十三次至二十四次收捐請獎 十月初五日公還省署 十八日訊明畢香亭田洪山正法 十九日附片奏殉難知縣孫翹江專祠請列入祀典 二十日馳摺奏

撲滅桐梓縣會匪地方已靖 是日公出省沿途校閱新添都
勻上江古州黎平朗洞荔波下江清江鎮遠台拱天柱各營十
一月二十日行次清平縣調閱丹江黃平平越凱里四營二十
七日還省署 十二月初九日公親臨校場閱視省標各營冬
季合操 十六日摺奏查閱通省營伍一律完竣附片奏閱視
省標各營又片奏記名提督吳占勝等請免騎射又片奏請將
武職蔬紅例馬免搭鈔票守兵月餉免扣搭錢册銀 二十日
摺奏黔省交代依限結報附片奏請鑄給荔波營遊擊關防又
片奏已故四川候補府經歷李芳之妻徐氏節烈請旌又附奏
請注銷黎平府屯田舊案又摺奏節次勦匪出力人員開單請

年譜卷六

七

獎附片奏前署貴州提督趙德光專祠請列入祀典

光緒七年公五十三歲

正月十九日具奏革除苗疆積弊一摺奏稱道員羅應旆條陳
各件 與司道悉心籌議除已革之弊勿庸再議外其一土司
現飭不准凌虐苗民包攬錢糧擅理詞訟違者革職停襲其一
屯衛現飭屯糧歸地方官上納屯軍歸武營管轄其一苦缺現
議古州等廳官吏帶苦酌給經費役食其一義學現飭清查公
產多設苗寨義學勸喻改裝雜髮送子讀書酌請月給學額附
片奏挑撥苗弁統歸貴東道考拔閱操 二月十五日摺奏提
臣張文德傷發出缺請

尚放以重職守所遺篆務暫委何秀林護理奉

上諭貴州提督著羅孝連補授鎮遠鎮總兵著和耀曾補授欽此

附片奏黔省秋糧分別酌量折徵予限十年再復部章又附奏

對調同知佐雜各缺候部覈復 二十五日具奏移設縣治並

改移同知州判擬請分撥官兵駐劄以資控制一摺附片奏請

頒羅斛同知等關防又摺奏道員吳自發請補貴東道 二十

八日專摺奏謝年終

恩賞又摺奏黔省光緒三四五等年分各屬短徵開稅羨餘仍請蠲

免 三月二十二日摺奏請補清江協副將各員缺又摺奏請

補古州鎮中營遊擊各員缺附片奏收捐貢監銀兩封存由部

撥用又摺奏武職廉俸抵捐虛銜第一卯附片奏委道員吳自

發儲幣立辦理革除苗疆積弊事宜 四月初十日專弁資奏

恭慰

大孝一摺 二十七日奉到初八日

上諭岑毓英著調補福建巡撫貴州巡撫著勒方鎬調補岑毓英著

即赴新任勒方鎬候岑毓英到後再行赴任均著毋庸來京請訓

勒方鎬未到任以前貴州巡撫著林肇元護理欽此又奉

上諭本日已有旨將岑毓英調補福建巡撫勒方鎬調補貴州巡撫

並令岑毓英即赴新任矣臺灣為南洋門戶防務緊要日本前議

琉球一案未允所請該使臣悻悻而去難保不藉端生端自應思

患預防嚴行戒備卒毓英久歷戎行諳習兵事即著責成該撫將臺灣防務悉心規畫與何璟會商布直務期有備無患其開山撫番未盡事宜亦當體察情形次第經理以為久遠之計該撫當隨時前往該郡履勘勉閱實事求是認真整頓用副委任遇有緊要事件即由該撫親往督辦至福建沿海防務並著該督撫妥籌辦理毋稍疏懈將此由四百里諭令知之欽此 五月初六日具奏

整頓通省學校請

敕部立案一摺奏稱黔省各屬紳士呈請培植學校 臣分飭各地方官修葺文廟書院添設民苗義學動用地方原有公款無者由鹽經費內酌撥均大致就緒其省城貴山正本學古三書院則

年譜卷六

九

增設舉人膏火二十分每月兩課需銀八十兩每年三書院共需銀六千一百零二兩三錢週月加銀七十八兩週鄉試年加膏火八十分需銀三百九十六兩由鹽經費內開支立為定章其安順思南松桃平遠威寧畢節龍泉等府廳州縣公款既微復無撥項不能不籌款生息 臣與司道會商亦由鹽經費內提發安順書院銀四千兩思南書院銀一千兩平遠書院銀二千兩龍泉書院銀一千兩四川督 臣丁寶楨自捐思南書院銀二千兩建昌道唐炯自捐松桃書院銀一千兩督 臣劉長佑暨 臣與藩司林肇元署臬司張煦貴西道曾紀鳳總兵蔡標任仕斌大定府知府程榮壽共捐銀一千兩發交威寧書院又由

臣捐銀一千兩合之道員曾紀鳳知府楊熙瑞知縣陳昌言等共捐銀一千二百兩發交畢節書院以上各項皆派紳輪管發商生息為書院義學束脩膏火所慮久而廢弛仰懇

敕部立案又附奏興修大定府等處文廟立案又附奏遵義縣烏江

河擬籌建鐵鎖橋 烏江河界修文遵義兩縣境水深流駛濟以竹筏地故衝要郵遞行旅日有往來動多漂溺公以巡閱營伍過而太息擬仿滇之金沙瀾滄造鐵鎖橋捐廉五千金為倡時川督丁公寶楨建昌道唐公炯捐助一萬五千金滇黔官紳踴躍又得一萬五千餘金公先相度河岸得基於安臬至是遂疏請興造設局製料派員督工役未竣而公移撫聞疆請託新

年譜卷六

十

撫林公肇元竟其功於甲申歲落成橋長十八丈廣一丈五尺安設守戶置田歲修 同日專摺奏謝

天恩調補撫又摺奏酌帶官兵赴閩籌辦海防附片奏赴閩路程

又片奏調道員李鳳書等赴閩差遣又片奏委糧道松長等署藩司各缺又摺奏新授提督羅孝連請暫緩

陛見附片奏春操完竣又片奏委林從太等署威寧各鎮又摺奏威

寧州被淹田畝請豁免錢糧又摺奏等獲會匪逆首朱洪祚正法 初十日具摺奏黔省歷年軍需支各款按季造報懇請

敕部核銷附片奏司道兩庫年久款項遺存細款報銷 十三日專

摺奏報交卸起程日期附片奏將在 鑄造炸礮八位運往

建 時恭選

草恩請封三代及本身妻室皆封光祿大夫一品夫人十四日領
誥命四輔 是日公交卸巡撫關防 十七日自黔起程由古州取

道廣西 六月至桂林時苦旱公禱於堯山壽佛寺甘霖立沛
乃捐五百金為葺寺費尋過廣東航海赴閩 是月公三子春

澤請假出都省視值於桂林偕五子春奠隨侍而行 七月初
五日抵福州初六日接受福建巡撫關防 初七日專摺奏抵

天恩

二十四日會同將軍穆圖善公總督何公璟具奏商辦臺灣
防務大概情形一摺附片奏請將臺灣綠營事宜由巡撫咨商

年譜卷六

總督辦理 閏七月初四日摺奏光澤等縣猝遭水患查辦情
形附片奏省城猝被颶風又片奏請將岑春澤留在任所請書

十三日摺奏閩省光緒二三年水災賑撫收支銀米數目附
片奏渡臺查勘海防 是日公出省坐輪船至馬尾阻風三日

聞視船廠船政大臣黎兆棠見公 十七日駛輪東渡十八日
黎明抵基隆登陸而行順道查勘滬尾鹿港各口 八月初七

日抵臺灣府城 初十日具奏匯解各款京餉起程日期一摺
附片奏渡海至臺灣各日期 十四日往勘鳳山旂後安平

各口 十六日還臺北 二十四日公七子春蔭生 二十七
日抵基隆 二十九日附片奏六月間臺地颶風大雨又奏現

抵基隆將還閩省 次日內渡 九月初三日還福州署 初

十日摺奏第十四次茶葉洋藥捐餉請獎附片奏籌解豫省河
工銀一萬兩 二十五日具奏成造金州水師戰船工料銀數

一摺 二十六日會摺奏籌商全臺防務一摺奏稱規畫臺防
當以省刑薄歛固結民心為先務而分路屯兵嚴守陸地次之

添築礮壘保守海口礮臺又次之三者俱宜相輔而行不可偏
廢 毓英隨時前往督率文武實力辦理附片奏請以琛瓌永

保兩輪船輪流渡臺又片奏請頒臺灣天后廟匾額又片奏稱
彰化新竹兩縣之大甲溪寬六百二十餘丈歲值夏秋盛漲沙

石並下舟扛難施每溺行旅兼滯文報 臣查勘此溪離海不遠

年譜卷六

疏鑿較易如挑溪中亂石盛以竹籠鐵柵築為兩隄左右相交
形如八字收束溪水清流趨海即可安設渡船往來無患隄身

寬以四丈雜種竹木自資堅久詢諸紳士僉以為然現提海防
經費委辦物料 仲冬渡臺順便督視開築需用夫役助以防

軍俾早蒞事 是月公第六女生字新甯劉氏增名永澳 十
月初六日摺奏于山王靈官神顯願應請

賜封號附奏臬司張夢元委署藩篆 十三日附片奏提出省城義
穀賑濟澎湖饑民 十一月初四日具奏臺澎各營裁兵餘米

變價留作臺防經費一摺附片奏再行渡臺 初八日摺奏第
十五次茶葉洋藥捐銀請獎附片奏澎湖鎮總兵方耀捐賑請

予其母建坊 是日公出省乘輪渡臺阻風五日十四日抵基

隆登陸 十七日至艋舺 二十二日至大甲溪督視興工

十二月十八日摺奏七年分抽查保甲附奏籌辦開山撫番事

宜 二十日具奏遵汰冗員擬將捐納勞績人員考試分別裁

留一摺附片奏賑濟嘉彰兩屬災民又附奏請頒宜蘭縣城隍

匾額又摺奏宜蘭縣節婦林莊氏等請旌附片奏沈徐氏節烈

請旌 二十一日具摺奏循例密陳年終考語

光緒八年公五十四歲

正月初四日公自大甲溪還臺北府督同官紳布置修築府城

添紮礮臺營礮 二十六日附片奏嘉義縣土匪莊芋等滋事

已飭文武帶兵查辦 於日內親往督同辦理 二月初四五

日官軍攻破嘉義縣土匪所據大湖等處營寨餘寇潰散寇酋

逃逸 初七日公至嘉義縣督令購七寇酋 二十二日摺奏

第十六次茶葉洋藥捐餉請獎又代奏新授雲南開化鎮總兵

蔡標謝

恩並請

旨陛見附片奏蔡標所統黔軍飭令帶同歸伍 三月初六日摺奏

上半年稅釐收支數目又摺奏七年分徵完新舊錢糧數目又

摺奏提解各款京餉委員起解日期附片奏嘉義縣土匪莊芋

等業經勦辦潰散懇賞購軍並陳明大甲溪隄開築完竣分開

北中二路以通後山均已分投修路紮營前進 臣定於日周內

渡道省 初十日公由基隆內渡十一日還福州署 十六日

專摺奏籌撥

陵工經費及茶稅京邊各餉委員起解日期又摺奏再請暫停分發

二年附片奏由臺還省辦理秋審 二十四日具摺奏參羅源

縣營縣教官互相稟許一併革職審辦附片奏籌解西征協餉

銀四萬兩又附奏籌解協餉銀二萬兩又附奏藩司沈保培

年譜卷六

三

年譜卷六

五

見 四月十二日摺奏率獲重罪匪犯請仍就地嚴辦附片奏汀州

府電查勘賑恤又附奏籌解八年分第二次協甘餉銀又片

奏皇司議夢元進京

陛見 是日公子春澤春蕙還廣西鄉試公在黔撫任整頓學校奉

旨吏部議敘副議給予尋常加二級紀錄一次是月准黔撫咨達公

子春榮請假至閩省視尋命回京供職五月初一日專摺奏謝

加級

恩 初七日奉

上諭劉長怡著來京陛見雲貴總督著岑毓英署理張兆棟著署理

福建巡撫未到任以前著何璟兼署欽此 二十二日摺奏第十

七次茶葉洋藥捐餉請獎又摺奏提撥各款京餉委員起解日

期附片奏應撤一半黔軍已經起程 二十四日專摺奏恭謝

恩並請

旨陛見附片奏蔡標所統黔軍飭令帶同歸伍 三月初六日摺奏

上半年稅釐收支數目又摺奏七年分徵完新舊錢糧數目又

摺奏提解各款京餉委員起解日期附片奏嘉義縣土匪莊芋

等業經勦辦潰散懇賞購軍並陳明大甲溪隄開築完竣分開

入恩顧懇

陛見奉

旨著仍遵前旨迅速交卸起程將一切防務妥為經理毋庸來京陛

見欽此 同日會同總督學政具奏前任雲南巡撫林鴻年主講

正誼書院德行純深士民翕服懇

恩獎附片奏調閩黔軍全數撤歸原伍又片奏調閩差遣各員飭

回原省 二十九日會摺奏臺灣報銷一摺又奏商人樂輸銀

兩留作會試卷金恤養經費附片奏修理大甲溪及基隆營壩

報銷又附奏在臺瘴故遊擊牛世清等分別請卹又片奏番目

陳輝煌隨同開山撫番著有勞績請從寬免罪又附奏更正各

年譜卷六

五

衙門公費又附奏隨帶炸礮八位留閩備用 六月初一日具

摺奏報交卸赴滇日期 是日交卸巡撫關防 十二日自閩

乘輪船起行 十六日至廣州易舟泝流而上 七月初一日

至桂林 初四日公為文祭家廟遵慈諭追正賴夫人為繼配

旋兼程赴黔 八月初一日抵貴陽小住二日 初四日專

摺奏報入黔日期附片密陳俟到任妥籌防務又片奏由閩撤

回黔軍帶赴滇防 是日自貴陽啟行赴滇 二十一日抵雲

南省城 公於滇有再造功滇人感公如父母公亦視滇如其

家倉卒奉諱而去善後事多未及為問閩引領望公復來彌此

缺陷及聞奉

命督滇道路頗虞官紳軍民有越境爭逐者與次近郊香花夾道公

下與同勞藹然如家人父子之親 二十二日接受總督關防

二十四日具摺奏報抵滇接印日期 九月十三日會同巡

撫杜公瑞聯馳奏遵

旨飭令藩司唐炯妥辦邊防以專責成並陳明新軍次第調齊舊軍

陸續裁換各情附片奏主事唐景崧尚未到滇未便派令出關

二十五日附片奏開化鎮總兵蔡標飭赴本任 十月十一

日會摺馳奏唐炯查看邊防回省商分兵換防情形附片奏

唐炯密稟越南情形又附奏委同夷各紳分辦保甲 二十六

日會摺奏據詳裁革夫馬籌款支銷以蘇民困附片奏記名提

年譜卷六

六

督吳永安留帶防軍又附奏參將張永清等留滇差遣又附奏

懲辦土匪趙潰新又摺奏揀員請補副將各缺附片奏記名提

督劉興等二十七員遇有雲貴缺出酌量補署又附奏滇省有

臣親詣陳明應否迴避又附奏瘴故總兵張繼聲等八員請卹

十一月初二日具摺奏遵

旨復陳雲南報銷一案附片奏整頓營伍又片奏委何秀林等署昭

通鎮各缺又附奏委總兵丁槐統帶黔軍駐紮省城 十二月


初九至十四等日公親臨校場閱視省標官兵及練軍冬操

十八日會摺奏校閱省標各營冬操情形

岑襄勤公年譜卷七

光緒九年公五十五歲

正月初二日奉到



上諭總理各國事務衙門奏法越交涉一事法人現欲與中國會商

請飭豫籌善法一摺亟須演粵各省先事妥籌以備臨時會議著將應行籌畫各節查照該衙門前函詳慎妥議如何有利無害堪以行之久遠迅速奏明並知照該衙門以憑覈辦等因欽此 初

九日會奏遵議覆陳一摺奏稱疆界可分而北圻斷不可割通商可許而厥利斷不容分土匪可驅而劉永福斷不宜逐宜堅持定見示以限制方可行之久遠又奏防邊官軍章故員弁開

單請卹附片奏由閩撤回在途瘞故遊擊黃正等十八員請卹附奏查明陣亡千總潘文興等保案請准承襲 二月十六日會摺奏遵

旨查明各案出力員弁紳團開單請獎附片奏開復記名提督李應舉等四員原官又片奏開復阿迷州知州光進德等二員處分又摺奏記名總兵丁槐等請補副將各缺附片奏開復總兵楊聯桂原官原銜 二十二日奉到

上諭岑毓英杜瑞聯奏遵議覆陳一摺據稱法使有此調停之舉宜堅持定見不致貽害將來方可行之久遠疆界可分而北圻斷不可割通商可許而厥利斷不容分土匪可驅而劉永福斷不宜逐

海為扼要之論深合機宜近聞法國欲更前議並欲將該使寶海

撤回彼族反覆無常惟當持以鎮靜嚴申儆備著岑毓英杜瑞聯視文蔚督飭關外各營擇要扼守妥籌防範固不宜深入越境必不可稍有退紮以期固邊疆而維大局欽此 是日公次子春煦

生子德崇 浪穹縣長營有法國教堂司鐸張若望淫暴擾民衆心怨憤於是月十九日殺若望焚教堂教民男女死者九人 是月法人陷越南南定省 三月初四日會摺奏參浪穹縣

知縣沈弁均暫行革職遴委鹽法道鍾念祖馳往查辦 十二日摺奏納樓土司絕嗣擇其親支改為土舍分管地方 十七日會摺馳奏據報越南南定省失守情形 二十七日奉到

年譜卷七

上諭總理各國事務衙門奏越南事宜現有變局亟應密籌防務一

摺現聞法兵已破越之南定並議將寶海撤回事已中變情殊巨測在我保護屬邦固守邊界均關緊要亟應妥籌備豫著岑毓英

視文蔚杜瑞聯督飭關外防軍挑選勁旅扼要進紮鮮端不可自我而開要必壯我聲威用資鎮懾並期實堪備禦進止足恃以杜

詭謀而維大局等因欽此 四月初二日會摺馳奏覆陳密籌防務布置情形附片奏派撥澳軍於山西興化擇險扼守又片奏張松林委署騰越鎮總兵 初五日奉到 上諭前諭徐延旭出關現在諒已前往滇省邊防亦應酌派大員帶兵駐紮著岑毓英杜瑞聯飭令唐炯迅速出省統率防軍擇要扼

守等因欽此 初十日會摺馳奏遵

旨飭令藩司唐炯於十五日出省防邊附片奏駐越防軍俟查看添

派又會奏查明滇省軍需善後章程兵數管制支發款目造冊

送部立案一摺又奏附給各屬津貼公費一摺附片奏東昭江

防東路巡防需用經費奏咨立案 二十二日會摺馳奏道員

鍾念祖查明粵民教仇殺起衅緣由獲犯提省審辦情形

是月十二日劉永福大敗法人於越之懷德府紙橋 二十五

日唐公炯行抵蒙自新安所駐營 五月十一日會摺馳奏越

南官軍進攻河內連獲勝仗附片奏鍾念祖查解教案人犯到

省交訊又片奏擊獲首匪郭應培等三名正法又片奏廣南團

首王澤寬懇准效力贖罪 六月初二日奉到

上諭岑毓英著補授雲貴總督欽此 初六日專摺恭謝

天恩額懇入

恩並請

旨陛見 初七日會摺馳奏審明浪穹民教滋事各犯分別定擬附

片奏附給銀兩交法國王教古若望自行經理修葺堂廡恤又片

奏委馬忠署普洱鎮總兵 十九日會摺馳奏添募勇營扼紮

越南要隘並招安降人章二等編營助防又摺奏楊建煥請補

督標中軍副將附片奏貴州藩司沈應奎稟報查辦司庫情形

又片奏參將馬中級請歸宗復姓更名 七月十三日具摺奏

遵

旨查明貴州藩庫存款據實覆陳附片奏黔省餉緝民貧情形又片

奏越南近日軍情又片奏參將李茂等請免騎射 是月巡撫

杜公瑞聯因雲南報銷案部議降調唐公炯奉

旨補授雲南巡撫 二十三日會摺奏揀員請補東川普洱等府缺

附片奏設續修雲南省志局以徵文獻設敬節堂以恤孤養

二十五日准部咨查辦雲南報銷案六月二十二日奉

上諭岑毓英著降一級留任准其抵銷欽此 八月初一日奉到

上諭雲南素產五金乃天地自然之利該省銅政久經廢弛本應整

頓規復以資鼓鑄而利民用此外金銀鉛鐵各礦亦復不少均為

外人覬覦自宜早籌開採以廣中土之利源即以杜他族之窺伺

實為裕國籌邊至計惟經費較鉅籌款維艱近來各處開採煤礦

皆係招商集股舉辦較易若仿照辦理廣招各省股實商民招股

出資與官本相輔而行則舉事易舉事乃克成前據岑毓英奏整

頓銅務章程五條業經戶部議覆准行昨據署左副都御史張佩

綸奏稱招商集股開採滇礦為富強本計不為無見岑毓英唐炯

身膺疆寄於滇省礦務必能留意講求實心經營著即詳細會商

妥速籌辦總期事在必行毋得視為不急之務日久辦無成效坐

失事機至各處礦苗應如何先行相度或仍一應購買外洋機器以

年譜卷七

四

利開採均著豫為籌議一俟款項集有成數即可剋期興辦不至
遲誤等因欽此 是日會摺奏查明各案出力人員勞績分別開

單請獎附片奏越南軍情並探聞越南國王阮福時病故繼嗣
未立 十二日准部咨撫閩任內解餉議敘七月初四日奉

上諭岑毓英著加一級欽此 十三日駁奏越南劉團營墨因隄決

移紫一摺又摺奏密派道府馳往貴州查訪撫藩被參各款
二十八日專摺奏加級抵銷恭謝

天恩會摺馳奏密籌越南防務仍照前議聯絡對團以顧全局又摺

奏據員請補維西協副將等缺附片奏貴州學政孫宗錫林國
柱被參各款密飭赴黔道府併查 九月初五日奉到八月十

四日

上諭法越議兵一事法人自攻占順化河岸砲臺後迫脅越南議約

十三條該國情形岌岌可危邊事孔亟防務尤形喫緊近聞越南
黑旗各營復經接仗獲勝滇粵防軍皆須嚴密布置聯絡聲勢不

可稍涉鬆勁等因欽此 十九日會摺馳奏探聞法越議和現無
戰事劉團仍據守山西情形又奏滇省度支匱乏請

收催各省協餉 十月初四日奉到九月十五日

上諭法人脅越議約盡據該國權利果如所議越南無以圖存大局
所關甚重法使脫利古來京在總理各國事務衙門並未提及此

事意殊巨測劉永福一軍屢獲勝仗當不因該國議和稍形退沮

以進規河內如能剋期攻克以固北圻門戶辦理自易得手前
督徐延旭唐炯務當督飭將領嚴密布置俾壯聲援勿稍鬆勁糧

餉軍火必須力籌接濟朝廷惟恐該兩省饑需不繼致失事機論
令戶部籌撥有著之款茲據該部奏稱已撥湖北應解京餉銀十

五萬兩解廣西應用四川應解京餉銀九萬兩湖南應解京餉銀

六萬兩解雲南應用此外另由江西撥銀五萬兩湖北撥銀五萬

兩解交廣西四川撥銀四萬兩湖南撥銀六萬兩解交雲南等語已
諭令各該督撫分別迅速接解本年京餉屢有截留部庫益形支

絀茲因邊情緊要特予添撥該督撫等務當深體時艱極力籌辦

俾越事及早挽回以維大局將此由六百里各密諭知之欽此
初九日專摺馳奏密籌恢復越南事宜擬統兵出關駐紮山西

調辦恭候

命下剋日啟行並陳明撫臣唐炯定於月之十四日出省回新安所
防營照料 初十日奉到九月二十日

上諭岑毓英唐炯奏密籌越南邊防倪文蔚奏探報邊情防務愈棘
各一摺法人脅越議約果如所議越已無以立國大局所關甚重

獨以劉永福一軍屢次獲勝進規河內如能剋期攻克辦理得手
則越事尚可挽回乃滇軍遠行退紮以致劉團解體有回駐保勝

之議被族將益思被選邊事尚可問耶岑毓英唐炯調度乖方貽誤大局著傳旨嚴行申飭即著懷遠前旨督飭防軍扼要進紮嚴密布置倘仍怠緩從事定將該督撫治罪唐炯著星速出省馳赴防所徐延旭諒已出關法人現由丹鳳攻撲山西黑旗各營恐難抵禦岑毓英倪文蔚徐延旭唐炯務當飭令各軍嚴申做備聯絡聲勢相機援應不得稍涉疏虞將此由六百里各密諭知之欽此

十九日會摺馳奏越南劉團退守山西情形並添兵出關駐紮備援附片奏河內法守甚固礙難攻堅又片奏黔軍六營改爲滇軍所遺名糧由黔另補又摺奏永昌府知府以劉毓琦調補附片奏請

年譜卷七 七
收催新授雲南藩司龔易圖赴任又片奏委員赴上海香港購辦洋槍 二十一日奉到九月三十日

上諭法人既與越南立約必將以驅逐劉團爲名專力於北圻滇粵門戶豈可任令侵僞現經總理各國事務衙門照會法使告以越南久列藩封歷經中國用兵勦匪力爲保護天下各國所共知今乃侵凌無已豈能受此蔑視倘竟侵及我軍駐紮之地惟有開仗不能坐視等語如此後法人仍欲遣兵於北圻則我之用兵固屬名正言順劉團素稱奮勇現在退紮山西距河內稍遠著徐延旭飭令劉永福整軍進紮相機規復河內省城不可稍有遲沮北圻爲我軍駐防之所如果法人前來攻僞即著督飭官軍竭力捍禦

毋稍鬆勁岑毓英等前奏滇軍駐紮山西輪船礮彈可及城中防守不易惟該城與北甯相距較近必應固守以成犄角之勢滇省防營無多難資策應著岑毓英唐炯添募數營以厚兵力等因欽此 十一月初二日會摺馳奏越南山西近日情形並添募勇營以厚兵力又摺奏查明貴州撫臣暨藩司各員被參各款據實覆陳又摺奏查明貴州學政被參各款據實覆陳 十五日馳摺奏探報越南山西近日防守情形 十九日奉到十月二十九日

年譜卷七 八
上諭岑毓英奏遵籌越南事宜擬由該督統兵出關籌辦請旨遵行一摺岑毓英以越事現正喫緊擬挑帶所部二十營親赴前敵相機調度實屬勇於任事該督威望素著馳赴防所鎮撫其間自可振軍威而維大局著照所請勉日帶兵出關前往山西擇要駐紮前由總理各國事務衙門照會法使如法人侵及我軍駐紮之地不能坐視目前事勢總以保守北圻力固滇粵門戶爲最要該督所奏令南將劉永福黃佐炎等分道進取大軍駐紮山西仍步步謹慎不稍輕率所籌均合機宜即著隨時妥籌調度與粵西防軍聯絡聲勢嚴密布置力杜彼族狡謀唐炯即著回省所有籌濟餉需及吏治厥務各事宜著責成該撫實力經理毋稍疏懈本日據內閣學士周德潤奏請飭各省保薦將才一摺國家整軍經武本以儲將才爲要義應經諭令各直省督撫保薦值茲防務方殷需

爲我軍駐防之所如果法人前來攻僞即著督飭官軍竭力捍禦

才尤重著該督撫等加意延訪果有曉暢兵機深明韜略及熟諳邊務練習海防者即行據實保奏以備任使將此由六百里諭令知之欽此 二十五日馳摺奏遵

旨帶兵出關恭報起程日期附片奏道員李鳳書等帶往關外差遣

又片奏調記名提督鄒復勝赴越南遣用又片奏所帶出關勇營月需餉銀五萬餘兩又摺奏滇省署事武員擬照文員半支廉俸銀兩 是日公自省城馮牙啟行 十二月初一日次通

海接探報法人攻越南山西省於上月十七日失守 十一日抵越南保勝與唐公炯會商機宜唐公旋於十四日回省籌辦餉械 十五日會摺馳奏行抵越南保勝聞山西失守會商防

年譜卷七

九

堵布置情形附奏請由津滬兩局再撥洋槍通碼三百萬顆又附奏委馬忠查辦車里宣尉司爭襲一案 十九日奉到十一月二十二日

上諭現據張樹聲電報順化海口久為法踞陸出欽州路僻難行擬仍由龍州出關前赴越都等語師行以速為王若道里遠遠轉餉遲滯於越事緩不濟急且據會紀澤電報法人現又添兵以鎮越亂則大兵前進尤宜取道便捷赴事機本日已諭令張樹聲毋庸赴越著改派岑毓英前往越南宣布威德削平禍亂並令該國擇賢繼位奏請册封至該督統兵赴越應由何路前往即著隨時相機務期穩慎倘一時驟難進發仍著與粵軍聯絡策應堅守山

西北甯等處以固邊疆門戶欽此 二十日具奏循例密陳年終

考語一摺學政關防一片 二十三日奉到十一月二十八日

上諭前經疊次諭令岑毓英統兵出關業據該督奏報派撥各營先期次第出省該督刻日起程馳赴防所昨聞法兵攻破越南山西省城復諭令該督嚴密扼紮毋稍鬆懈現在事機緊急邊關安危關繫甚重該督行抵何處著即迅速前進將關外一切防務嚴密布置妥籌備禦並著體察越南現在情形應如何相機辦理之處迅速奏以慰廑系將此由六百里密諭知之欽此 二十四日

馳摺奏遵

旨籌畫防禦情形附奏奉

年譜卷七

十

諭迅速前進嚴密保勝待運軍裝 是月十四日公側室周氏病卒

甲光緒十年公五十六歲

正月初四日馳摺奏興化防守情形並拔赴前敵日期 初八

日公率親軍舟行赴興化留道員湯聘珍駐保勝陳席珍駐蒙

自轉運餉械 十五日公至家喻關關與化城三十里許

越南使相黃佐炎參知梁輝懿總督阮廷瀾巡撫阮光碧黃相

協等先後來見公 二十日公至興化關觀城外地營 二十

二日奉到九年十二月二十三日

上諭徐延旭奏法人攻越南山西省城現在嚴防北甯請飭廣東等省合圖堵蕩各摺片現據岑毓英奏報已率所部二十營起程

十二月內可以齊抵防所著該督撫妥籌調度實力扼防激勵劉永福一軍速行整頓並著督飭各營與粵軍聯絡聲勢援應北甯該督撫等總當合謀併力保守完善之區以固邊境是為至要等因欽此 二十六日馳摺奏報行抵興化家諭關等處布置防守

陳明北圻尚為越有者惟北甯諒山興化宣光太原高平六省及山西省屬之臨洮端雄二府滇軍分守興化宣光及臨洮端雄餘歸粵軍分守仍聯絡呼應附片奏探聞越京內亂議約各情又片奏應辦題奏事件展限一月又片奏查辦貴州撫藩參案已結陳明已故藩司吳德溥在黔聲名平常新授糧儲道吳自發苗情信服 三十日探報法人進攻北甯 二月初一日

公派至事唐景崧南將劉永福馳援北甯 初八日奉到正月十八日

上諭岑毓英已抵保勝亟應親往興化一帶查勘布置邊外各軍心志未齊必當有所統攝以一專權所有徐延旭統帶各營及各路調防諸軍均著歸岑毓英節制調度徐延旭仍當和衷商辦不得稍存意見致誤戎機等因欽此 十三日馳奏懇辭節制粵楚各軍一摺又奏增募勇營請撥餉附片奏陣亡員弁奏請等情 卅 十五日法人攻陷北甯 二十一日馳摺奏北甯失守情形附片奏南官黃任炎等帶兵嚮導借用餉銀一千兩懇免繳還以示體恤又片奏遵籌周德潤陳奏越事二十一日太原失

守 二十九日馳摺奏太原繼失興化孤懸餉械未備擬全師撤守邊境 三月初一日公赴緬旺家諭關等處閱視防營 二十三十四等日公飭興化官軍陸續退紮鎮安縣館司關 蘇興化城營飭宣光軍退守河陽 十八十九等日全軍退至保勝分紮古林箐馬白關新街蒿枝地蠻耗窰頭新安所以劉永福紮大灘 二十日馳奏官軍糧盡勢孤全軍退守邊境 裁併節餉情形又摺奏道員陳廷珍請補迪南道 四月初六日奉到三月十二日

上諭岑毓英奏增募勇營請添協餉並懇免節制粵楚各軍各一摺前因北甯被陷邊事日棘疊經諭令岑毓英激勵各軍擇要扼守

旋聞太原又被法踞邊防更形喫緊茲覽該督所奏尚在北甯太原未失以前目下局勢迥不相同軍情瞬息萬變該督所擬添募各營自係力圖振作為避堅攻瑕之計惟孤軍深入務策萬全法人詭詐百出越官黃任炎阮輝琮等是否可信該督惟當穩慎進取不可稍涉大意滇軍增募日多需餉益亟著戶部速即籌撥有著的款銀一百萬兩趕緊解交應用不得以空言搪塞關外各軍不可無所統攝該督所請免其節制越粵各軍之處著毋庸議廣西巡撫已有旨令潘鼎新署理俟該署撫到防後和衷商榷力固邊陲以維大局將此由六百里密諭知之欽此 初八日馳摺奏官軍撤回大灘保勝河陽等處布置防守仍懇辭節制之

命附片奏遣撤道員岑毓英所部先行入關 初九日公子春莫奉

諭由桂林還滇署綜理家務 十六日奉到三月二十二日

上諭岑毓英奏北甯失陷興化等處布置防守並隨時激勵劉團暨
請賞給越南官軍餉銀各摺片覽奏均悉正在寄諭間接據李鴻
章曾紀澤電報法犯興化華軍將城焚燬退走等語是否屬實著
岑毓英迅速詳細奏聞現在進止機宜著該督酌量兵力妥慎籌
辦總以力保邊疆門戶為要不得疏懈等因欽此 二十一日馳
摺奏遵

旨詳細覆奏並陳明據險設防力保紅江上游附片奏請酌劑軍火

洋械附片奏提督周萬順等遣撤回川專摺奏謝年終

年譜卷七

三

恩賞 是月唐公炳奉

旨撥職速問張公凱萬代為雲南巡撫 五月初一日奉到四月初

八日

上諭署都察院左副都御史張佩綸奏請飭邊海各軍嚴防備戰以
杜要盟之計一摺滇粵邊境著張樹聲岑毓英潘鼎新督飭各營
實力扼守毋稍鬆懈至所稱將來法人必索劉永福請飭李鴻章
岑毓英顧全大局等語法人屢為黑旗所敗其蓄志驅除自在意
中著李鴻章岑毓英先事籌計以為辯論地步等因欽此 初三
日馳摺奏稱雲南出關之路有二一由蒙自出保勝一由開化
出河陽保勝據紅江上游對江過山前十洲三猛地面現在

永福屯保勝文盤大灘黃守忠屯河陽宣光劉仁讓練中和等

屯三猛各隘四月內法人兩次竄入猛難俱為劉團擊卻擒斬
數十人 臣部各營皆分紮關內外附近劉團以備策應至劉永
福為越南提督守越南地方理直氣壯官軍自守邊境門戶亦
在情理之中均可與之辯論劉永福比來與越京聲息不通憂
形於色 臣告以

天恩高厚必能委曲保全其心稍安若予以一官其部下頭目亦量

予位置將來邊徼海澨皆可隨地驅策附片奏由廣東代購外

洋火器 十三日奉到四月十五日

上諭雲南廣西官軍駐紮越南地方該處係煙瘴之鄉現交夏令軍

年譜卷七

四

士荷戈遠役往來於炎風暑雨深宮塵念宵旰殷懷著發去御製
平安丹各十匣交岑毓英潘鼎新傳旨分賞各營俾除瘴癘該督
撫並當盡心拊循用副體恤行閱至意將此由六百里各諭令知
之欽此 十四日奉到四月二十五日

上諭岑毓英奏官軍糧盡勢孤現已退守邊境並酌裁勇營一摺覽
奏均悉越事萬難補救而我軍糧盡勢孤全師而返固與退縮者
有間惟雖奏明並未奉旨究有應得之咎本日已明降諭旨將岑
毓英交部議處以示懲儆現在法國使臣已到天津與李鴻章講
解漸有成議惟條目尚未議定事變殊難預度越南地方未靖尤
易橫生枝節各路防軍斷不可因有可和之機稍形鬆懈仍著岑

毓英嚴督各營擇要駐紮認真操練以備不虞至進止機宜仍遵前旨候諭遵行所有裁併勇營著照所議辦理務須汰弱留強以資得力劉永福一軍前經打仗著績不無微勞此時該軍退紮大灘保勝一帶著該督妥為拊循並詳察該軍現在勇數若干若何安置之處妥籌具奏聞法人有雇募廣東人為兵勇者廣東有此恐雲南亦所不免著岑毓英飭屬不動聲色設法禁止是為至要將此由六百里密諭知之欽此 十六日專摺奏叩謝

天恩頒賞各營平安丹藥附片奏法人侵萊州劉團擊卻之 二十一日馳摺奏滇軍汰弱留強現留七千五百人編為二十營分布防守劉永福祖籍廣東情殷內向會報捐游擊職銜二品封

典所部兩廣勇丁強壯可用將來如於廣東水陸各標

恩予一缺調赴海防自必力圖報效附片奏瘴故副將王茂林等四十八員請卹又片奏奉撥京餉一百萬兩仍請解京以重根本又附奏道員陳廷珍委署迤南道糧道劉海鼐委管志書局是月法人駛兵輪八艘攻宣光城黃守忠退紮離城六十里之山竜 閏五月初三日奉到五月初八日

上諭周德潤奏滇粵官營善後法人以保護中國邊境為詞意欲借為離間屯兵觀釁請於分界前先扼其要等語法越構衅現經李鴻章與法商議有簡明條款雖據聲稱不入雲南然此後滇粵邊境均應豫為布置以峻防閑廣西廣東水陸各隘究以何處為最

要雲南將來有邊外互市之事尤須扼定界限自固藩籬應如何駐紮重鎮增備船廠訓練營伍全在該督撫相度地勢先事綢繆著張樹聲張之洞岑毓英倪文蔚潘鼎新張凱嵩各就該省形勢切實籌畫奏明辦理如有周德潤陳奏所未及者該督撫亦當各行所見竭力籌辦以臻周密等因欽此 十一日准部咨遵議處分照例降二級留任不准抵銷奉

旨依議欽此 十三日馳摺奏邊關形勢並探聞敵情添兵防備附片奏瘴故副將孫毓等四十六員請卹又摺奏叩謝降級留任恩附片奏劉團餉銀按月撥給擊獲法兵二名已經瘴故 十七日奉到五月二十五日

諭旨本日據李鴻章照錄潘鼎新電信法兵來至屯梅谷松以外桂軍防守嚴戒等語著岑毓英嚴飭各營仍紮原處不准稍退示弱亦不必先機接仗倘法兵竟來撲犯則解自彼開惟謹與之決戰力過克鋒並著岑毓英傳知劉永福伊既與法結仇越南亦無恩誼前已屢受中國接濟之恩此時自可率部來歸以定趨向劉永福如何答覆之處即著迅速具奏該軍糧餉軍火仍著隨時接濟飭令扼險駐守欽此 二十一日馳奏遵

旨密陳籌辦情形一摺附片奏瘴故參將王森等十五員請卹是月公移駐馬白關 六月初十日奉到閏五月二十四日照將防營撤回關內之

旨同日又奉

諭旨法國使使逕道上海不即來津議約並據各處電報孤拔有集兵船他駛占據中國地方為質索賠兵費之說無理要求萬難遷就海江防務喫緊著沿海各省將軍督撫統兵大臣等密飭各軍嚴防以待一面廣為偵探倘有法軍前來按兵不動我亦靜以待之如果撲犯我營或登岸肆擾務須併力迎擊並設法斷其接濟期於有戰必勝如退縮不前者立即軍前正法等因欽此 十二日馳奏奉

旨調兵入關現擬籌辦情形一摺又摺奏大理府知府劉華熙調補雲南府知府 是月奉

年譜卷七

七

上諭雲南邊防緊要著丁寶楨於四川現有各營中酌撥五營交鮑超統帶馳赴雲南擇要駐紮為岑毓英後繼之師等因欽此 七月初二日奉到六月十一日

上諭雲南防軍前有旨飭令撤回關內原係查照天津所議簡明條約辦理現在局勢未定防務仍屬緊要該督現已移軍馬白關即善扼紫巖防認真訓練以期緩急足恃所謂各營到後亦在關內擇地駐紮不准輕進劉永福一軍仍著接濟糧餉軍火器糜勿絕能否率眾來歸並遵照五月二十五日詢問諭旨迅速覆奏欽此 又奉

諭旨彭玉慶等派營援閩力顧大局殊堪嘉尚現在滬議未定法情

巨測萬一决裂必宜出奇制勝潘鼎新岑毓英務將現駐關內各軍切實訓練應設遣彼防聯絡聲勢庶足迅赴事機率制敵勢等因欽此 初三日接潘公鼎新函稱法破難籠礮臺陷而未據

法船駛赴閩省 初八日馳奏訓練各軍聽候調遣並函商廣西撫臣 預籌聯絡一摺附片奏懇准帶兵赴吳淞口駐防又摺奏參將厚修綱被許各款查無實據請免置議附片奏慶故提舉賀起清等十七員請卹 初九日奉到六月二十七日

諭旨人狡橫無理已甚現惟一 意主戰著岑毓英飭令劉永福先行進兵迭圖規復北圻岑毓英潘鼎新關內各軍陸續進發不日即當明發諭旨宣示並將劉永福錄用等因欽此 初十日公派

年譜卷七

七

劉永福張世榮等相機前進又派厚修綱帶勇三千繼之 十二日公率親軍赴保勝途次患病至古林營暫駐 十六日奉到六月二十三日

上諭張凱嵩奏擬籌滇省邊防大略情形一摺前據周德潤奏滇粵宜籌善後當諭令岑毓英等切實籌畫奏明辦理茲據張凱嵩先籌大略情形具奏滇省善後事宜將來如果互市通商以相度地勢嚴防邊隘為最要張凱嵩所陳擬辦屯田建設礮卡練習刀矛各節著岑毓英會同張凱嵩妥籌辦理其移鎮以重責成一節陳元鎮總兵移紮蒙自是否實有裨益並著岑毓英詳加酌度妥議具奏欽此 二十日奉到初六日

上諭張之洞電稱奉敵以圖越為上策現今唐景崧募勇出關與劉永福合力犄角趕籌餉項軍火接濟所辦甚是前有旨令雲桂兩軍進發岑毓英潘鼎新務即督率所部星馳前進相機籌辦俟各軍齊抵前敵迅速奏聞等因欽此 二十四日馳摺奏遵

旨進兵牽制敵勢擬移駐保勝督飭各軍協同劉團進發附奏敵陳管見一片 八月初一日奉到七月初六日

上諭越南為我大清封貢之國二百餘年載在典冊中外咸知法人狡焉思逞肆其鯨吞先據南圻各省旋又進據河內等處戕其民人利其土地奪其賦稅越南君臣聞懦苟安私與立約並未奏聞法固無理越亦與有罪焉是以姑予包涵不加詰問光緒八年冬

年譜卷七

九

剛法使寶海在天津與李鴻章議約三條正飭總理各國事務衙門會商妥籌法又撤使翻議我存寬大彼益驕貪越之山西北甯等省為我軍駐紮之地清查越匪保護屬藩與法國絕不相涉本年二月間法兵竟來撲犯防營當經降旨宣示正擬派兵進取力為鎮撫忽據該國總兵福祿諾先向中國議和其時該國因埃及之事變岌岌可危中國明知其勢處迫蹙本可峻詞拒絕而仍示以大度許其行成特命李鴻章與議簡明條約五款互相畫押諒山保勝等軍照議於定約三月後調回並經諭飭各該防軍扼紮原處不准輕動生鮮帶兵各官奉令維謹乃該國不遵定約忽於閏五月初一初二等日以巡邊為名在諒山地方直接防營先行開

敵轟擊我軍始與接仗互有殺傷法人違背條約無端開衅傷我官兵本應以干戈從事因念訂約和好二十餘年亦不必因此盡棄前盟仍准總理各國事務衙門與在京法使往返照會情喻理曉至再至三閱五月二十四日復明降諭旨照約撤兵昭示大信所以保全和局者實已仁至義盡如果法人稍知禮義自當翻然改悔乃竟始終怙過飾詞狡賴橫索無名兵費恣意要求輒於六月十五日占據臺北基隆山礮臺經劉銘傳迎勦獲勝立即擊退本月初三日何璟等甫接法領事照會開戰而法兵已在馬尾先期攻擊傷壞兵商各船轟燬船廠雖經官兵焚燬法船二隻擊壞雷船一隻並陣斃法國兵官尚未大加懲創該國專行詭計反覆

年譜卷七

三

無常先啟兵端若再曲予含容何以伸公論而順人心用特揭其無理情節布告天下俾曉然於法人有意廢約衅自彼開各路統兵大臣暨各該督撫整軍經武備禦有年沿海各口如有法國兵輪駛入著即督率防軍合力攻擊悉數驅除其陸路各軍有應行進兵之處亦即迅速前進劉永福雖抱忠懷而越南昧於知人未加拔擢該員本係中國之人即可收為我用著以提督記名簡放並賞戴花翎統率所部出奇制勝將法人侵占越南各城悉圖恢復凡我將士奮勇立功者破格施恩並頒內帑獎賞退縮貽誤者立即軍前正法朝廷於此事審慎權衡總因動眾興師難免震驚百姓故不輕於一發此次法人背約失信眾怒難平不得已而用

兵各省團練志志成城定能同仇敵愾並著各該督撫督率戰守
其建殊勲同膺懋賞此事係法人入渝盟聲鮮至此外通商各國與
中國訂約已久毫無嫌隙斷不可因法人之事有傷和好著沿海
各督撫嚴飭地方官及各營統領將各國商民一律保護即法國
官商教民有願留內地安分守業者亦當一律保衛倘有干預軍
事等情一經察出即照公例懲治各該督撫即曉諭軍民人等知
悉倘有藉端滋擾情事則是故違詔旨妄生事端我忠義兵民必
不出此此等匪徒即著嚴擊正法毋稍寬貸用示朝廷保全大局
至意將此通諭知之欽此 初四日奉到七月十七日

諭旨李鴻章電稱潘鼎新來電越境瘴潦正威守易攻難萃毓英函

年譜卷七

主

中須俟秋後瘴減乃可進等語雲粵各軍既難前進劉永福所部
久居該國能耐煙瘴著傳知該提督趕緊督軍進取萃毓英接給
餉需軍火務使足用迅赴戎機雲粵各營與該軍聯絡策應用壯
聲援現已秋高瘴減迅速進發不得藉詞遷延致干重咎等因欽
此 初七日馳摺奏遵

旨飭催進兵擬即親赴文盤州督飭進取附片奏廣東代購軍
火價銀請由該省撥發又片奏瘴故知縣雷金澤等六員請卹
又片奏調降調道員唐啟蔭出關差遣 是日公乘小船赴文
盤州劉永福軍營 初十日督催諸軍進發 十三日法人毀
節司關嚴壘退守宣光劉永福進軍規取 十五日奉到七月

二十二日

諭旨前令廣西至雲南安設電線現在雲粵督撫已否辦理能否由
龍州徑至馬白關著張之洞轉電潘鼎新迅咨岑毓英立即商辦
以速軍報等因欽此 二十二日奉到初一日

上諭岑毓英奏遵旨訓練各軍聽候調遣並請准帶所部馳赴吳淞
口各摺片覽奏均悉前疊諭岑毓英督師出關規復北圻各城茲
據該摺所奏尚未接奉前旨現值秋高氣爽即著督飭劉永福及
在防各營力圖進取迅赴戎機岑毓英以內地防務重於邊關請
率所部馳赴吳淞口察看敵勢或南或北相機策應具見惻忱沿
海各省防務已疊諭該大臣將軍督撫嚴密布置岑毓英素性勇

年譜卷七

主

往惟當慎遵前旨速赴越南盡力攻取以副委任所請著毋庸議
等因欽此 九月初二日馳摺奏督催劉永福各營前進法人毀
節司關退守宣光又代奏記名提督劉永福叩謝
天恩並請獎卹所部出力陣亡員弁附片奏越南政苛賦重民心
離散難以收爲我用又片奏差遣道員湯聘珍請

旨錄用又片奏雲桂接設電線已由廣西撫臣酌核會辦又片奏
探聞越南新立嗣王阮膺登爲法人威逼自盡又片奏瘴故知
州郭拉豐阿等九員請卹 初五日奉到八月十六日
諭旨昨據李鴻章電稱閩口法船大隊南行今復有基隆失守之信
法人兇狡惟有攻其必救直逼西貢等語應分兵西援臺灣乃

可稍鬆前諭令岑毓英潘鼎新合力進兵著即迅速前進並激勵劉永福率軍進剿先攻克太原北甯各城越南義民如有可為內應務當設法聯絡內外夾攻使法人無可駐足自可直達南圻以期牽制欽此又奉二十日

諭旨岑毓英電稱飭令劉永福進兵有藉詞求緩之語現在進規北圻全在用人得宜著岑毓英激勵該提督奮勉立功並妥為籠絡務令感恩畏威毫無猜疑倘駕失宜惟該督是問前令酌保黃守忠等並飭速行奏請候旨施恩等因欽此 二十四日馳摺奏

旨迅速進兵已備圍宣光擬添募兵勇分道深入懇撥給月餉附片

年譜卷七

奏記名提督楊國發病痊調營差遣 十七十八兩日法人援

宣光劉永福擊敗之頗有斬擒四面偏攻法人嬰城而守 二

十六日馳摺奏圍攻宣光截斷法援頗有斬擒現又添募助剿

附片奏鶴麗鎮總兵朱洪章願募五營出關隨征所遺鎮篆委

丁桂管署理又片奏新授藩司剛毅業已到任 署日行公事

檄委代行代拆又片奏瘴故遊擊劉古春等十八員請卹 二

十一至二十五等日法人屢由水路援宣光劉永福擊破之擒

斬數十人溺斃數百計奪東京船二十餘隻 十月初四日馳

奏盛破宣光法援悉陳餉源枯竭懇催速籌解一摺附片

招安客民添募粵勇業經照辦又片奏鮑超一軍可否改調

洋差遣以紓滇餉又片奏雲南火藥局失慎請將管理各員議處又片奏越營長夫難募請加給價銀 自九月抄連日陰雨河水驟漲法得以兵輪駛近宣光入城接濟我軍飲河水患病多死者公甚憂之 二十五日馳摺奏劉永福所部接奉獎賞

行知叩謝

天恩並陳明近日戰守情形附片奏瘴故記名提督蕭祥勝等四十

三員請卹 二十六日馳摺奏遵

旨查明出暹羅進攻西貢窒礙難行附片奏四川巴蠻竄擾巧家廳

屬官軍士目合勦蠻眾投誠地方安靖 十一月初五日宣光

法人乘霧出撲我軍營壘劉永福唐景崧等夾擊卻之 初九

年譜卷七

日公添派總兵丁槐帶三千人至宣光會勦 二十日馳摺奏

宣光法匪出犯官軍夾擊大挫克鋒附片奏查明由車里老撾

進攻順化窒礙難行又片奏瘴故揀選知縣石潤芷等二十一

員請卹 二十八日公移駐館司開派總兵何秀林所部三千

餘人赴宣光協堵法援派同知潘德繼率新募粵勇一千二百

人歸唐景崧兼統派提督楊國發所部一千二百人防守道岸

浪泊 劉永福舊部頭目王玉珠黃功詠陳二記越南頭目張

文學阮文美等前陷於法公招徠之皆率部來歸王玉珠弁焚

燬法壘殺其首目收復山西屬之美良縣 十二月初八日奉

到十一月二十四日

旨曾紀澤電稱旁報法新兵鄂首派六千兵蹻越另派六千續往
乘雨前過我軍出越又云擬取道陸岸繞出北里華兵之後
使不戰自潰西人以我兵心易亂慣用此間道等語故情叵測著
岑毓英潘鼎新嚴備並力籌攻取彼如繞出北里正可斷其歸路
出奇制勝須相機妥辦張之洞催馮子材王孝祺兩軍迅速到防
欽此又奉

旨宣光接仗情形若何著岑毓英電奏聞丁槐至宣光與劉永福黃
守忠有意見該督妥籌務使和衷毋得貽誤欽此 初十日
奏派派官軍圍攻宣光並招撫降日收復美良縣附片奏劉永
福軍餉歸滇劃撥又摺奏查明各案出力武職人員開單請獎

丁一日起至十五日丁槐何秀林唐景崧各軍攻平宣光城外
礮壘偏城開挖地道 法人犯美良縣錦溪縣山圍我軍皆
擊走之 二十七日馳摺奏官軍連日血戰掃平宣光城外法
壘現在偏城開挖地道附片奏委新授昭通鎮總兵何雄輝
勇勇五營赴越差遣又片奏鮑超軍餉請另籌撥又片奏丁槐
劉永福分任堵勒尚無貽誤又片奏委知府黃金銜等辦理轉
運

岑襄勤公年譜卷八

乙光緒十一年公五十七歲

正月公在館司關大營 自上年十二月二十八至正月初八
日我軍以地雷轟破宣光城垣四處法人死拒缺口城卒不克
連日大雨戰於泥淖中精銳多傷時值桂軍失利法人得以全
力來援十六日攻左城劉永福部將黃守忠同章營壘失守各
軍皆退駐老營 是日奉到電寄初三日

諭旨宣光業已得手著岑毓英嚴飭丁槐唐景崧劉永福等軍指日
攻克無稍鬆勁欽此又奉初五日

諭旨前據岑毓英電稱宣光旦夕可拔近日戰事如何未見電奏法
逆如盤踞諒山計必分兵救宣雲軍垂成之功恐將擊動著飭各
軍急將該城攻克堵蕩而前以分敵勢一面即行電問雲軍餉械
張之洞力籌接濟毋任缺乏欽此又奉初六日

諭旨宣光近日何似岑毓英並無電報該督務當力圖攻克以牽敵
勢等因欽此 二十三日公弟毓賢募勇到營派統懷遠正副十
營 二十五日馳奏賊援宣光左城不支圍師斂守老營請將
首先失營之遊擊黃守忠革職查辦一摺附片奏糧餉軍械艱
細情形又片奏道員岑毓賢募勇到營差遣又片奏唐景崧退
築需化擬移赴牧馬歸順擇地駐守專摺奏恭謝年終

恩賞附片奏循例密考展緩辦理 是月二十三日派覃修綱所部

王文昂等攻克緬旺並收復清水清山兩縣 鮑公超於十二日行抵雲南省城 二月初九日奉到正月二十六日

諭旨岑毓英電稱雲軍糧餉艱難鮑超一軍到開化宜出保樂往防

牧馬保樂糧多如桂軍出攻諒山亦可夾擊等語所籌甚妥著岑

毓英飛咨鮑超迅由開化東趨保樂力顧牧馬一路使桂軍與宣

光城外各軍聲息相通並以截斷援賊應如何相機進兵著岑毓

英潘鼎新隨時酌定知會鮑超辦理欽此 是月初七日法人大

出臨洮聞我山團社由義庸地營相持一晝夜初八日黎明營

官李應珍韋雲青等開壁奮擊縱橫盪決法軍披靡公弟毓寶

總兵章修綱督援軍亦至乘勝會剿逐北數十里計陣斬法酋

年譜卷八

七畫至一畫凡數十人白帽紅衣法匪千餘人教匪數千人得

軍械圖籍輜重無算 十五日馳奏收復緬旺及清水清山兩

縣暨臨洮大勝情形一摺附奏滇軍月餉擬照川粵勇餉發給

以免向隅又片奏遵

旨查催鮑超迅出保樂力顧牧馬又片奏劉永福招募新勇撥給經

費又摺奏道員李鳳書在營積勞瘵故請

敕部從優議卹附片奏南官黃相協陳克良阮茂等首鼠兩端擊獲

禁錮又片奏陣斬法首人名採聽未實委員解俘獲圖籍由兩

廣督 衙門緝譯查驗 二十日軍修繕所部新附各營收復

廣威府不投縣贊梅枝關黃岡鶴江各隘 二十七日馳摺奏

收復廣威府不投縣等處並籌抽出一軍渡河相機攻勦附片

奏劉永福軍餉章程現咨商兩廣督 臣議發又摺奏查明滇粵

兩軍圍攻宣光陣亡總兵劉節高等二十七員懇

恩優卹附片奏瘴故都司李崇魁等二十二員請卹又片奏道員唐

敬蔭留營差遣 是月奉電寄

諭旨岑毓英奏各軍在臨洮府等處大獲勝仗該督運籌決策足示

國威即遵旨如期停戰欽此公猶慮其於條約未定之前挾詐背

盟督飭各路將士加意戒備嚴密扼守 三月初八日奉到二

年譜卷八

月二十二日 宣光以東三月初一日停戰十一日華兵拔隊撤回二十一日齊

抵廣西邊界宣光以西三月十一日停戰二十一日華兵拔隊撤

回四月二十二日齊抵雲南邊界臺灣定於三月初一日停戰法

國即開各處封口已由李鴻章分電沿海雲桂各督撫如約遵行

惟條款未定之前仍恐彼族挾詐背盟伺隙猝發不可不嚴加防

範著傳諭沿海各省將軍督撫並雲南廣西督撫及各路統兵大

臣督飭防軍隨時加意探察嚴密整備毋稍疎懈是為至要欽此

又奉正月二十四日

上諭朕奉 慈禧端佑康頤昭豫莊誠皇太后懿旨三載考績為國家激揚大典

中外滿漢諸臣有能恪共職守勞動最著者尤宜特加甄敘以示
優眷茲當京察屆期吏部開單題請詳加披閱雲貴總督岑毓英
果勇性成不避艱險著開復降二級留任處分等因欽此 十三
日馳摺奏道

旨行戰撤師並陳明列永福及越南隨征官民宜籌安置三猛才文
持父子情殷內附所轄州縣地名另單開呈專摺奏京察開復
降留處分叩謝

天恩又代奏新投貴州古州鎮總兵丁槐叩謝

天恩又片奏請暫開米捐一年停止又片奏瘴故守備徐思廉等十
三員請卹又片奏陣亡遊擊楊開曙等十七員請卹又片奏進

臣等謹將

呈越人開呈由緬旺至順化路程清單又片奏調派鹽法道鍾
念祖來營會同營務道員湯聘珍核算餉械委雲南府知府鄧
華熙兼護鹽法道篆又片奏遊擊熊週周請免騎射 二十日
奉到初六日

旨與岑毓英商辦等因欽此 公飭滇軍先後撤營入禁關內飭
劉永福粵軍暫紮越邊公亦定於二十七日率親軍起程入關

二十六日馳奏撤師起程日期一摺附片奏張之洞派員航
海來粵各會停戰仍令委員回粵銷差又片奏雲軍似可遣撤
回川 二十七日公白館司關起程 四月初一日公行抵家

盤州 十八日馳奏行抵文盤州布置關外要隘以資鎮衛一摺
附片奏道

旨將越南叛臣黃相協等正法又片奏陣亡守備武上林等七員請
卹又片奏瘴故遊擊倪連升等三十一員請卹又會同張公之
洞張公凱請奏查明宣光臨逃出力人員開單請獎一摺附片
保獎唐景崧單修綱湯聘珍三片又片奏藩司剛毅籌餉勞
請獎又片奏已革雲南巡撫唐炯懇

恩貸其一死又摺奏道

旨獎賞各營出力兵勇叩謝

天恩附片奏調撥雲南糧餉暫資接濟 二十日公至保勝小住旋
即入關 五月初二日公至蒙自縣駐城中行館 初六日奉
到四月二十二日

臣等謹將

旨雲省各營除已撤回滇境外其留關外者著悉速一律撤回邊
界勿逾定期該督應即在彼調度一切不准意存推諉違行回省
總起一軍仍著駐紮馬白關內聽候諭旨岑毓英所請飭派熟習
洋務人員赴滇之處俟詳約定後再行辦理將來分界通商事宜
係地方大吏專責該督務當先事豫籌不得以此次未預和議託
詞不諳洋務輒思置身事外等因欽此 檄飭粵勇各營一律移
紮關內 初十日馳奏行抵雲南邊界日期及在防調度並撤
回關外各營一摺附片奏委道員湯聘珍署糧儲道岑毓英

席珍會辦營務又片奏委吳永安署昭通鎮總兵專修綱署
劉永福率所部眷屬遷入滇界南溪二十四日起程赴粵
六月初三日奉到五月十二日

諭旨雲南關外各軍及劉永福一軍於何日撤進關內即著迅速電
奏新舊歷天電論七道若再鈔給閱看等因欽此 初八日馳奏
關外各軍及劉永福所部一律撤竣啟程抵界日期一摺
附片奏文報遲滯應請添設雲南電線又片奏陣擒法兵立即
斬決並無囚繫又片奏鹽法道鍾念祖銷差回任 十八日奉
到五月二十六日

年譜卷八

六

諭旨現在中法詳約已定法兵業經退出基隆雲南廣西關外均已
撤兵所有總超一軍自應迅速遣撤以節餉需著該提督督飭將
弁將各營所領槍礮器械一律呈繳點驗造冊就近移交軍械英
收存該軍所需餉銀即著丁寶楨迅速接解應用未解到以前著
岑毓英先行墊撥再由四川歸款等因欽此 是日公子春霖春
蔭至蒙自省視春霖返桂林鄉試 是時滇餉支絀公勉於
粵東解到協餉二十萬內劃撥軍軍十萬兩咨會先行撤師一
半而撥公之謂亦疏言餉軍久候虛糜不如迎餉回川
仰命丁公質核撥餉迎交軍軍速陸續撤行 滇軍撤入關內共三
萬餘人公念餉細加意裁併資遣病者共裁一萬四

千餘人留一萬六千餘人分布邊防 二十八日准部咨欽奉
上諭岑毓英奏已革雲南巡撫唐炯前官四川辦事認真操守廉潔
此次身罹重辟可否貸其一死等語唐炯失誤軍機罪由自取刑
賞大權操之自上豈臣下所得廣請岑毓英代為乞恩實屬冒昧
著交部嚴加議處欽此經部議革職留任奏奉
上諭岑毓英應得革職留任處分著加恩改為降二級留任欽此

七月初二日馳奏滇邊主客各軍現擬酌量裁撤一摺附片奏
總兵何雄輝留統防邊粵勇又片奏陣亡遊擊劉泰清請卹又
片奏探報越國嗣王選都拒法情形又片奏瘴故記名提督李
運祥等一百一十二員請卹又片奏瘴故同知劉汝珍請卹專
摺奏叩謝

年譜卷八

七

天恩降級留任 二十三日奉到
穆宗毅皇帝聖訓一部 二十四日奉到初一日
諭旨岑毓英奏雲南文報由蒙自至廣西南甯驛遞遲滯請飭籌設
電線等語滇省程站遙遠文報稍遲嗣後邊防商務均關緊要自
應安設電線以期迅速著照該督所請由廣西南甯接設電線直
達雲南其應如何擇地安線之處著李鴻章會同岑毓英李秉
衡派員前往查勘妥為籌畫奏明辦理等因欽此 二十六日奉
到初五日
上諭鎮南馬白二關為滇桂入越邊要處所現當和議甫成越南遊

匪爲患關內亦多伏莽此後分界通商中外人民往來尤夥必須
大校重兵添紮要隘以輯奸宄而靖人心著岑毓英張之洞張凱
嵩李秉衡悉心會商將如何添設提鎮專官確募兵勇營數或留
現在得力勝兵以充新額汰腹地無用常卒以省空糧何處總紮
何處分防一切通盤籌畫繪圖貼說履悉覆陳候旨定奪其新設
各營尤須選練精實能戰能守一兵得一兵之用勿以疲弱應汰
之兵濫竽充額用副朝廷慎固邊防消弭隱患之至意欽此 是
日具摺奏選軍先撤十營餘亦陸續開拔沿途迎餉同川遣散
又摺奏迪南道沈壽榕在軍營立功後積勞病故請
勅卹從優議卹專摺奏叩謝

年譜卷八

八

恩賞附片奏騰越鎮總兵張松林調赴防營員缺以朱洪章調署又
片奏 署日行公事委署藩司史念祖代行代拆又片奏瘴故
知府張奎斗等十員請卹 二十八日提督劉永福所部一律
起程出滇 八月初一日具奏覆陳滇省勇營並無空額局卡
勢難裁減陋規經費無可提解一摺附片奏瘴故將陳定國
等七員請卹 總公超選軍於初三日撤盡軍械移交廣南府
庫存備提用 十一日奉到七月二十日

上諭總理各國事務衙門奏請派大員勘定滇粵邊界一摺據稱現
接法國使臣巴特納照會近接外務部電咨已派浦理燮等六員
勘定邊界於中歷十月初三日即可行抵河內等語越南北圻與

兩廣雲南三省毗連其間山林川澤華離交錯未易分明此次既
與法國勘定中越邊界中外之限即自此而分凡我舊疆固應剖
析詳明即約內所云現在之界稍有改正亦不得略涉遷就本日
已降旨派周德潤前往雲南鄧承修前往廣西會同各該督撫辦
理勘界事宜即著岑毓英等各委明幹之員帶同熟悉輿地之人
周歷邊境詳加履勘繪具圖說以備考證一俟法國勘界大臣到
後即由周德潤鄧承修與岑毓英李秉衡會同勘定該大臣等務
當詳細審慎按照條約持平辦理是爲至要欽此 二十日奉到
五月十五日

年譜卷八

九

一摺上年十一月初五日本年二月間岑毓英督飭官軍先後在
宣光臨洮等處大獲勝仗主事唐景崧提督劉永福總兵何秀林
丁槐覃修綱等督隊進勦甚爲得手岑毓英調度有方懋著勞勩
著加賞一雲騎尉世職並交部從優議敘在事出力員弁均屬著
有微勞自應量予獎敘欽奉

上諭岑毓英奏查明宣光臨洮獲勝出力人員分別請獎開單呈覽
永福等所部各軍尤爲出力兵勇著共賞給內帑銀一萬兩由岑
毓英分別發給以示鼓勵等因欽此 二十四日具摺奏鮑超拔
隊員川劉永福拔隊赴粵起程日期附片奏瘴故遊擊章金山
等二十三員請卹又摺奏續查陣亡瘴故員弁開單請卹又摺

奏查明已革道員劉鳳苞被參實情專摺奏謝

天恩加賞一雲騎尉世職並獎賞各員弁兵勇 二十七日接總兵

單修綱轉呈越南使臣禮部尚書阮光碧遞呈越南國王嗣子
阮福明書函懇請代奏

錫封 九月初二日具摺奏越南國王嗣子阮福明遣使遞書求代

奏請

錫封頒印謹鈔呈原書請

旨定奪附片奏請飭總署開導法人遷越北圻以存越祀而利商務

又會奏邊籌布防邊隘酌移鎮將添移文武員弁以資分任摺

附貼說覆陳一摺附奏普洱鎮總兵何秀林臨元鎮總兵鄧榮

年譜卷八

擬擬請對調一片又附奏大賄咒河內都竜新街原係漢地將

來勘界似應劃回仍以大賄咒河為界又附奏委道員岑毓寶

先行履勘沿邊地界又片奏委降調道員唐啟蔭辦理蒙自糧

臺 是月公子春澤中式廣西鄉試舉人 十月初二日具奏

查明保獎宣光出力文員分晰各項勞績覆陳一摺附片奏遊

擊韓亮參將劉映華保案錯謬懇請更正二片又附奏瘴放知

縣黎熙垣等十三員請卹又附奏保獎道員陳席珍又摺奏查

明部駁保案出力各員開單仍懇核獎 初九日奉到九月十

八日

諭旨昨據會紀澤電稱英久占南約今圖其北本日復據李鴻章電

奏印度出示招人運軍往緬各等語緬甸為朝貢之邦與雲南接

壤英人圖其北鄙不獨屬國受患尤慮逼近吾圍不可不豫籌布

置為未雨綢繆之計著岑毓英張凱嵩派委妥員不動聲色密探

英緬近日詳細情形趕緊馳奏一面相機籌措固我邊陲勿得稍

涉張皇至滇省與緬甸交界各要隘係何地名里數若干暨凡募

究竟坐落何處是否即係新街並著該督撫先行確查奏聞隨即

詳晰繪圖貼說呈覽將此由六百里密諭知之欽此 十三日會

摺馳奏覆陳挑裁勇營並籌議改勇為兵謹擬章程十四條請

旨辦理附片奏派員赴緬密探情形並西路擬設臺站以速文報又

片奏展緩查閱營伍又片奏擬即赴開化俟周德潤到時會勘

年譜卷八

邊界又片奏遵辦川滇安接電線 二十三日奉到初二日

諭旨中越勘界事宜前經諭令周德潤即承修會同各該督撫詳細

勘定此事關係重大必應慎之於始各處所繪地圖詳略不一法

便所據難保不互有異同目前分界自應以會典及通志所載圖

說為主仍須履勘地勢詳加斟酌若於兩界之間留出隙地作為

隙地以免爭端最屬相宜周德潤承修親自履勘該處地形應

然在日自可相機辦理岑毓英李秉衡就近面商務臻妥善張之

洞張凱嵩倪文蔚身任地方如有所見亦當詳告以資商榷開法

國所派巴呂人順和平如能孚以誠信辦事或可順手並著周德

潤等隨時加意聯絡以期於事有益等因欽此 十一月初三日

奉到十月十一日

諭旨茲據總理各國事務衙門呈遞許景澄信函所陳寬留既脫以杜後來爭鋒等語與前次諭飭辦法正相脗合目前與法使會議分界事宜必應博採眾說以資辯論岑毓英前奏擬請開導法使令其退還北圻數省於河內海陽地方通商等語周德潤即承修等與法使晤談時不妨姑持此論以為抵制總之分界一事有關大局周德潤等務當詳度地勢設法辯難多爭一分即多得一分之利益切勿輕率從事等因欽此 初十日會同周公德潤張公凱高馳奏商辦滇邊界務情形一摺附片奏近來辦理礦務情形又片奏委道員湯聘珍經理軍需報銷 二十六日馳摺奏英緬兵爭現籌布置邊防並派總兵丁槐帶兵二千馳往騰越扼守附片奏周德潤於二十六日出勘馬白關派道員岑毓英隨往踏勘又代奏普洱鎮總兵何秀林叩謝

大恩並陳明駐防邊營暫緩

陛見又片奏委楊景修丁彥勸辦迤西各屬米捐又片奏委道員翁壽鏡會辦軍需報銷又片奏漳故副將謝敬彪等十員請卹是月公子春澤春蕙孫德固至開化省視春澤旋計借北上德因留借春蔭在行署讀書 十二月十八日接探報十月二十二日英人襲踞緬都二十四日執緬王暨眷屬大臣下船離緬深宵 二十一日馳摺奏英踞緬都滇省西防喫重請

懇請

勅催協撥附片奏挑補十成戰兵外仍留粵勇六千助防又代奏新授四川北鎮總兵覃修綱叩謝
天恩 是月公子春蕙旋省署綜理家事 前太常卿臨桂周瑞清與公交厚周獲譴戍黑龍江值本年恩詔賜環應發原籍改換公憫其母老助三千金贖鍰得以終養後漢災籌賑屢藉助輸者許開復銜翎周集贊甚艱公復助二千金贊成之俾博親歡

年譜卷八

三

岑襄勤公年譜卷九

丙光緒十二年公五十八歲

正月公在開化 初六日馳奏覆陳滇緬邊務情形

防譯呈英人賫投文書一摺附片奏副將袁善抗令作亂業經

正法 同日會同周公德潤奏遵

旨查明法人改立越嗣並接據越臣阮廷潤等稟函乞請代奏一摺

附片奏隨同辦理雲越勘界事宜新投臺灣道唐景崧已抵開

化 二十五日准部咨奉

旨雲貴總督岑毓英交部從優議敘遵議照一等軍功從優議敘例

給予軍功加三級光緒十一年十二月十六日具奏奉

年譜卷九

旨依議欽此 二月初一日會同巡撫馳奏接據邊報緬甸督投文

書內稱備員求援各情照譯繕單一摺附片奏探聞法人至龍

魯地方法使尙無來信又片奏安平同知衙署應仍移建馬白

關又片奏瘴故遊擊張德明等十五員請卹又片奏委署迤西

道吳其楨赴騰越會辦邊防又片奏委在籍刑部員外郎吳世

欽辦理永昌郡團練專摺奏叩謝年終

恩賞

十九日馳摺奏滇省待餉迫切請催成舊餉按數起解變

通拒注附片奏法使尙未到邊勘界又片奏委楊國發署鶴麗

鎮總兵又片奏勘界隨員巡檢杜厚培瘴故請卹會摺奏遵

旨添移文武各員防守關隘請改頒關防附片奏移建衙署公款不

足勸捐辦理又片奏酌增開臨兩鎮官弁年支養廉又片奏開復道員唐啟蔭等請免繳捐復銀兩 二十二日奉到十二日電寄

諭旨岑毓英冬電已悉會紀澤前奏潯江本係伊拉瓦底江之誤八

募新街傍伊江岸至潯江確在騰越之東總理各國事務衙門備

查國圖與該督所奏相同早經電知會紀澤更正矣英因外部換

人前所允又有翻覆已飭會紀澤堅持存緬祀之議與之力爭俟

有成說再行諭知欽此 二十四日新投雲南藩司龐際雲迂道

至開化見公 三月初一日馳奏法人已抵保勝邊境安堵一

摺又奏參知府朱鴻知縣席葆真馬恩榮分別勒休革職附片

年譜卷九

奏副將李文秀私逃出邊現飭拏辦又片奏飭藩司龐際雲赴

省接印 二十八日會同馳奏騰越防務布置周密並聯絡土

司駐守情形一摺附片奏請飭總署知會法國公使不許保勝

法兵越界生事附片奏英教士施題鳳欲由騰赴緬暫經阻止

此後外人出入邊防應請申禁又片奏據報李文秀為緬境野

夷傷斃又片奏總兵張松林統帶古林營各處防營又片奏瘴

故副將林紹壽等二十員請卹又奏查明克復廣威不拔府縣

城雖前敵後路出力人員開單請獎一摺又片奏保何秀林請

賞頭品頂戴單修綱丁槐湯聘珍請

賞等黃馬褂並陳明岑毓英係 胞弟未敢請獎又片奏撫 臣張凱

...

高督同司道史念祖熊昭鏡鍾念祖崇善陳廷珍吳其楨翁壽
鏡等盡心籌濟餉械撫 臣 應得優敘出自

天恩史念祖等懇給獎敘 副奉

旨照所請給獎公第毓寶亦

賞穿黃馬褂 四月初一日法人投書並送琴酒各物乞護往來商

族據約照復存其物於開化府庫答以茶葉蔗糖 十三日馳

奏法人投書函物乞為招護往來客商當經據約答復一摺附

片奏騰越鎮總兵張松林古州鎮總兵丁槐暫請對調以裨防

務又片奏探聞緬甸軍情專摺奏叩謝

天恩優敘又摺奏揀員請補參將都守各缺又摺奏揀員請補新設

年譜卷九

三

邊防武職各缺 二十二日具摺奏參東兵不嚴之參將楊玉

春遊擊劉映華暫行革職飭交出滋事弁兵審辦附片奏 臣 署

日行公事委藩司龐際雲代行代拆又片奏法國勘界使臣狄

隆五月初旬可抵保勝 五月初四日馳奏緬甸土司投遞稟

前懇請發兵救援鈔呈稟函一摺附片奏英教士施題鳳執意

出關騰防派兵送至緬界又片奏騰防添用土練酌加口糧又

摺奏對調迴避遊擊都守等缺附片奏參將馬柱等暫留滇缺

辦防又片奏瘴故遊擊張鵬翼等十三員請卹 六月初四日

具摺奏揀員請補參將守備員缺附片奏開臨兩鎮先行招補

五成戰兵以資營伍又片奏北洋派來洋礮教習汪茂林瘴故

請卹又馳奏探報緬甸英兵失利停戰關外土司懇請內附一
摺附片奏開復武員張顯福等請免交捐復銀兩又片奏參將

木逢春戰功卓著請仍以副將補用並

賞給喀勒春巴圖魯名號又片奏 臣 痼疾未愈勘界事重仍當力疾

同辦 初九日公借周公德潤自開化起程十三日至南溪公

疾劇留駐醫調周公率隨員等於十五日進駐河口法使狄隆

秋塞爾達魯倪思海士等來會連日反覆辯論函牘往返議定

開勘節略八條 二十四日奉到五月二十九日

諭旨岑毓英奏緬甸土司投遞稟函懇請發兵救援並鈔錄稟函呈

覽一摺緬甸為中國藩服前既私與英人通商被其占據土地歷

有年所上年與英構衅聞已徧行照會各國並不陳奏告急且值

例應進貢之年亦未按期納貢實屬自外生成朝廷念藩邦迭

經諭令會紀澤與英辯論尚無成說即如另立緬王管教不管政

一節英國亦未允從仍俟將來如何議定再降諭旨斷不能僅據

該土司稟詞輕開邊衅以上各節岑毓英當詳慎體察至該土司

等若再來請示即諭以現在中國與英人尚未定議勿庸演說也

將此由四百里諭令知之欽此 七月初二日周公德潤以節略

八條寄公商訂即與法使畫押候勘先後電咨總理衙門北洋

大臣代奏 十一日會同馳奏會議開勘滇越界務大概情形

一摺附片奏張松林飭赴古州鎮署任所統防營歸岑毓英接

統又片奏朱洪章飭回鶴麗鎮本任又片奏派員往上海香港
購運銅州洋槍又片奏商號華解協餉悉繳庫平呈給息銀按
月計算作正報銷 十三日法官達魯悅恩會同道員葉廷眷
等各由水路駛上往勸龍勝河地段二十日法船至者蘭為越
人被殺燬船一隻法兵死者十四人餘船退回保勝葉廷眷等
聞警亦退回河口 二十二日馳摺奏滇省餉源益竭協解不
及一成開單懇請嚴催附片奏催收米捐以一成為委紳薪水
又片奏瘴故遊擊董祥等十三員請卹又片奏秋隆會議要求
情形又附奏中法會勘龍勝河法船於者蘭被越人殺燬殺傷
情形又片奏差達土司刀思鴻詐居官貪暴請革職令土族刀

年譜卷九

五

恩必治護理印務 法使狄隆德者蘭之變來請按圖定界公
會同周公德潤電奏請

八月二十一日具摺奏武定直隸州知州興祿請補廣南府知
府附片奏法使請按圖定界情形又片奏派員招撫編甯邊界
禦黑山頭日石朝鳳等又摺奏知府黃金銜請補麗江府知府
九月初三日會奏陳覆滇省竄迫異常並無存儲款項實在
情形一摺又會奏道員葉廷眷隨勘邊界受瘴病故懇

恩優卹一摺附片奏瘴故總兵蕭太和等十八員請卹 周公德潤
借法使狄隆枝對界圖竣事狄隆定於月內赴粵議以圖說資
送公營畫押 二十一日具奏撤弁王明魁意圖滋擾越界擊

說正法一摺附片奏中法使臣會核界圖業將竣事俟遞營畫
押會奏又片奏道員許繼衡委署迤西道又片奏藩司龐際雲
因病出缺 署日行公事委署藩司史念祖代行代拆又片奏
知府余澤春仍照原保改獎 十月初七日張公凱嵩堯於任
十四日馳摺奏撫 因病出缺請

旨進賜簡放並陳明界務已定 擬回省兼顧西防電由李鴻章代
奏請

旨飭遵附片奏瘴故都司張耀龍等五員請卹又附奏道員岑毓寶
隨同勘界事竣銷差又具奏貴州紳士具呈已故原任貴州巡
撫林肇元功績在黔請援案開復處分據情懇

年譜卷九

六

天恩一摺又奏查明已革知縣鄧炳堯京控情詞並無實據 十五
日奉到電寄初四日

諭旨李鴻章奏據岑毓英電稱界圖校畢現已畫押惟疾尚未愈殊
深慮系岑毓英著暫行回省調理以示體恤其界務防務未盡事
宜仍著妥籌辦理一俟稍痊再行前往欽此 十六日專摺奏遵
旨回省調理叩謝

天恩附片奏中書科中書葉乃翰隨其父葉廷眷來滇勘界相繼瘴
故請一併議卹 二十七日公自防營起程回省 十一月初

五日臨安途次奉到電寄十月二十三日
諭旨雲南巡撫著岑毓英兼署等因欽此 十一日還抵省署接受

巡撫關防 十五日具摺奏報回省兼署撫篆日期叩謝

天恩附片奏祿勸縣水災查賑又摺奏巡南道陳廷珍因病出缺附

片奏昭通鎮總兵何雄輝飭赴本任又片奏蓋達土司屬夷匪

滋事徵飭總兵丁槐馳往勦撫又片奏委唐啟蔭代理巡南道

篆 二十五日奏參黑井提舉蕭培基積欠鹽課薪本銀兩請

革職追繳附片奏阿晒井火災借給柴本以示體卹又摺奏蒼

山海海龍神靈應額懇

收用封號附片奏陳席珍委署糧儲道又片奏彌渡土民捐建昭忠

祠請列入祀典 二十八日具奏遵

至助滇省本年被災各屬分別賑恤來春毋庸接濟一摺又奏查

年譜卷九

滇省勸捐情形據實覆陳一摺又摺奏歲修雲陽浦工經費

仍提糧庫閒款實用實銷 是月東川土匪張學富結川蠻

遊匪報仇殺掠已故武紳楊威宗家屬死者七人因撥村寨四

出滋擾署知府全林續帶兵圍馳往查辦旋撲滅之 蓋達夷

匪亦為總兵丁槐等擊破斬匪首小胖戶弄吼等土司屬地肅

清 十二月初二日馳奏官軍撲滅蓋達土司所屬夷匪地方

肅清一摺附片奏探聞緬甸情形又片奏裁撤前設儲材館又

摺奏湯聘珍請補巡南道 十七日馳奏東川匪徒旬結川蠻

竄踞村寨經派兵圍勦滅地方安靖一摺附片奏委勘昆明縣

屬被霜災田畝又片奏飭東川府暫行添募土勇駐防上中江

以衛商旅又片奏裁撤前設五金局又摺奏清獲遺失筆碼請

開復委員翎頂 二十日具奏陣亡記名提督楊玉科請於雲

南大理府城廣西鎮南關

營暨建立專祠列入祀典以彰忠蓋一摺附片奏提還銅本銀三萬

七千餘兩 是月五十七十八等日公赴校場閱視省標六

營暨駐省戰兵操演陣式

光緒十三年公五十九歲

正月二十四日具摺奏校閱省標六營暨駐省戰兵冬操一摺

附片奏恩安縣屬水災查明蠲緩錢糧又摺奏審結雲南省城

兵練五畝一案又摺奏滇省海防捐輸第七卯彙案請獎專摺

奏恭謝年終

二月初二日具奏滇省餉需支絀繕單請

旨敕部嚴催一摺附片奏廣東前代滇省借餉受累請緩咨催舊餉

以示區別又附奏緬越紛擾未定邊防不能疏懈又摺奏雲南

文開釐所各官酌定員數並添設外收掌官一員懇請立案附

片奏療故副將張有福等二十三員請卹又片奏顏雲芳請以

副將補用 雲南安設電線公飭地方官採辦桿料派員協同

北洋委員李必昌威宣懷等於上年十一月十五日由蒙自開

工安線至月之初七日至可渡河與四川電線接合 二十一

日具摺奏川滇電線接合工成請

三月三日具奏總兵

於雲南普洱鶴鹿兩鎮中對調一缺又片奏營伍嚴操槍礮酌

定賞罰又摺奏雲南土藥隨同百貨抽釐未便設局加稅附片

奏七起二批京銅起運日期 二十一日具奏查明虧欠正襟

錢糧各官分別勒限追繳附片奏四川籌解滇餉道員文天駿

等請予獎敘又摺奏滇省第八卯海防捐輸彙案請獎 是月

二十三日貴州畢節縣民折毀電桿打搶報局公派總兵吳永

安協同李必昌馳往查辦 四月初一日督辦雲南礦務巡撫

銜唐公炯至滇 初四日具奏貴州畢節縣民毀搶電報分局

派員查辦一摺附片奏馬忠楊國發委署普洱鶴鹿兩鎮篆務

二十日具奏招撫探黑頭目就緒請給予土職並陳明探匪

張秉權已死其子張登發相繼為惡擬秋家派兵勦辦一摺又

具奏滇省光緒七年正月起至六月止七月起至十二月止善

後支銷各款兩摺附片奏江蘇協餉留軍械請免督撫藩司

置議 閏四月初四日具摺奏滇鹽煎銷均細管難依限啟徵

練款又摺奏滇省第九卯海防捐輸彙案請獎附片奏臨元鎮

新設戰守兵糧餉照例出藩糧兩署支領又片奏瘴故都司楊

文彬等十一員請卹又片奏唐炳抵滇所有開礦鑄錢事宜自

當協心商辦 十一日具奏照例駁另行揀選並照舊章

地南道員缺一摺又摺奏鄒啓德請補黑鹽井提舉 二十一

日具奏滇餉奇絀擬提借糧道庫添支一摺附片奏撥還司庫

借用銅本銀兩又片奏趙州棍徒鄭富訛明正法又片奏遵

旨察看雲南提督黃武賢進東道崇繕各員分別覆陳 是日雲南

巡撫譚公鈞培抵任公交卸兼署巡撫關防 五月初六日具

摺奏滇省光緒八年正月初一起至六月底止善後支銷各款

附片奏派員招募土勇分紮探黑要隘以備進勦又代奏調補

雲南普洱鎮總兵覃修綱叩謝

天恩 二十二日公長子春榮生子德純 二十八日具摺奏結查

辦畢節縣民毀搶電報分局一案又附奏雲南學政戴鴻慈道

其故父戴其芬遺命捐雲南善濟堂經費銀一千兩請予建坊

又附奏陣亡從九品任憲請卹又代奏調補四川北鎮總兵

鄧榮升恭謝

天恩并陳明籲懇

陛見 黑蠻箠力甫之弟箠其滋角復渡江竄擾二十七日江防

兵團攻破寇巢擒斬箠其滋角 三十日奉到初十日

諭旨中法續訂界務商務條約已令總理各國事務衙門王大臣與

法使恭思當畫押所有條約照會各件不日由總理衙門咨行該

督撫查照辦理滇省界務周德潤與法使狄隆會勘時意見未合

歸入請示者兩段此次定議經總理衙門與周德潤按圖商據

稱猛梭猛賴一段荒蕪瘠瘠棄之不足惜岑毓英所見相同至我
所必爭者南丹山以北馬白關以南其中山川險峻田疇沃美如
能劃歸中國既可固我疆圉亦可兼收地利當經總理各國事務
王大臣與法使恭思當反駁辯論將猛梭猛賴一段准歸越界其
南丹山以北西至狗頭寨東至清水河一帶地方均歸中國管轄
約計收回各地段不下方四百餘里此事煞費唇舌始克就我範
圍所有各該處界址應照約按圖由地方官會同駐越之法員中
畫清楚設立界牌其餘善後各事宜屯田應如何興辦防兵應如
何分戍該督撫務當詳細籌商次第經理界務既定即須接辦商
務岑毓英前奏布置邊防摺內有蒙自爲通商要津之語現准蒙

年譜卷九

自設立領事開辦通商正相脗合至蠻耗係保勝至蒙自水道必
由之路准其分設領事屬員與中國分設之稅司互相稽察現經
議定蒙自設立領事官時必於數月之前先期照會以便駐紮關
道安設稅司粵省以龍州開關請設太平歸順道一員駐紮該處雲
南事同一律著該督撫趁此尚未開辦之時悉心布置奏明辦理
至滇之士藥釐金向來徵收甚微現定每百斤稅釐各收銀二十
兩必須先過釐銀後方准法商完稅接買將來於課項亦有裨益
總之界務商務總理各國事務王大臣所定條約其大綱此外節
目周詳施行盡利全在該督撫隨時規畫用人得當一切慎之於
始免致別生枝節是爲至要將此由五百里各諭令知之欽此

六月十三日會摺馳奏遵

旨覆陳辦滇省界務商務防務情形附片奏蒙自設關無益商務
有礙防務擬請先於蠻耗試辦又片奏請添設關道撥轄臨安
開化廣南三府又片奏改建昭通府屬鐵鎖橋 廣南土寇王
潮義等竄踞叛朝檄派文武兵團撲滅之 七月初二日會摺
馳奏官軍剿除黑蠻匪首兼其滋角又摺奏滇省報銷冊籍繁
多恐驛遞失誤擬請差弁解京 十三日會摺奏報銷滇省光
緒八年七月初一日起至十二月底止善後邊防支銷各款銀
數附片奏雲南提督黃武賢休致新授提督馮子材到任需時
揀委開化鎮總兵蔡標署理提兼又片奏展緩辦理軍政又摺奏

年譜卷九

順甯府知府周範調補普洱府知府 二十一日公次子春煦
生子德新 公督率官紳籌捐款項建置省城昭忠祠敬節堂
產業又重建城南常樂寺風脈塔忠愛碧雞金馬三坊先後興
工於是月告成公親往閱視 八月初二日會摺奏查明各省
欠解協餉開單懇請

勅催又具奏滇省昭忠祠敬節堂置產生息奏明立案附片奏新建
舖房收租添資通省及昆明士子會試卷金又片奏劍川紳士
李應舉趙藩等籌建劍川昭忠貞烈兩祠及忠義總坊請列入
祀典 十三十六等日公分派將弁帶兵由省開拔進剿黑
夷寇 十七日會摺奏廣南土富州匪徒滋事已派兵團勦辦

平靖 二十七日會摺馳奏懲勦猓黑夷匪派員管理糧餉支
發照章支給薪水又摺奏保獎隨辦界務出力人員 九月初
四日具摺保薦吳永安楊國發二員 二十五日會摺奏揀調
大理府知府桂霖請補雲南府知府又奏官軍撲滅盡連夷匪
擇尤保獎附片奏巧家江防出力員弁請獎又附奏瘴故參將
鄒維雲等十四員請卹 是月提督黃武賢總兵蔡標均來省
交代提篆公旋派蔡標督辦猓黑軍務在籍知府李光翰辦理
營務由省西上 十月初八日會摺奏保匪員固擬令署提
蔡標親往督勦起程日期附片奏黃武賢交卸提篆起程回籍
又片奏貴州歸化營遊擊蔡興國調隨署提 蔡標軍營差遣

年譜卷九

七

又摺奏雲南新設臨安開廣道員兼管關務一切事宜詳議具
奏 十月初四五六等日西路官軍連破猓黑寇壘進次大蚌
江邊 初十至十五等日南路官軍破寇渡江會合西路盡掃
寇寨寇併聚固控壩卡大等各巢 二十日會摺奏報銷滇省
光緒九年分善後邊防支銷銀數附片奏西路官軍勦辦猓匪
韓勝大概情形 十一月初三日會摺馳奏官軍分道進勦猓
匪連獲大勝收復張逆所踞地方十分之七附片奏委李必昌
協辦猓黑營務 官軍於十月十六日攻破固控寇巢壩卡旋
下深入大等摺撫降夷搜捕渠魁於月之初三初六等日先後
擒獲首逆張登發並逆族張復良張秉意寇酋楊定國等正法

崇示猓黑六山夷境一律肅清 武定州屬夷目魯占高滋事
派記名提督吳永安帶兵勦辦於初九日擒占高父子解省訊
明正法 二十一日馳奏官軍攻破猓黑賊巢擒斬首逆地方
肅清現籌善後一摺又奏本內遺漏要字自行檢舉一摺又摺
奏招募土勇支給薪餉起止日期又摺奏查明部駁保獎文職
各員分別開單改獎 十二月十五日會摺奏請將滇省電線
與廣西兩省接連並擬自騰越廳至雲南省城添接一線以通
西南邊報附片奏滇省借墊軍餉銀六萬兩請由四川等處
又摺奏揀員陳燦請補順寧府知府附片奏擬設官茶局情形
是日公赴校場閱閱冬操 二十日具摺奏校閱冬操會摺

年譜卷九

七

奏官軍勦捕古黑滋事夷匪擒斬首犯魯占高地方肅清又摺
奏駐邊勇仍請加給鹽菜米糧 是年公復捐廉籌款增建
省城昭忠祠修葺西山廣龍神祠又以
文廟奎星閣形家議其遺餘片材改建增高於舊者丈許

岑襄勤公年譜卷十

戊光緒十四年公六十歲

正月二十五日專摺奏謝年終

恩賞又摺奏道員許繼衡請補池南道缺附片奏道員翁壽鏞歷署

各任措施裕如又片奏鶴慶州紳士李毓焯之母李施氏等捐

助啟節堂經費銀二千兩請予建坊又片奏邊防續報傷亡瘡

故弁勇二千四十名請卹又摺奏久病未愈懇

恩開缺回籍醫調奉

旨著賞假四箇月毋庸開缺欽此 二月初十日馳摺奏木夏寒滋

事土匪業經派禦黑凱撤之兵就近協同普洱防兵勦辦肅清

臣等謹將

附片奏委鹽法道湯聘珍候補道鄧在鋪會辦營務又片奏保

獎湖南籌餉出力司道孫翼謀但湘良又摺奏滇省防緝出力

人員擬請三年保獎一次 十四日奉到

上諭岑毓英等奏官軍攻破禦黑賊巢擒獲首逆並籌辦善後一摺

雲南順甯府邊境禦黑匪叛服靡常屢為邊患經岑毓英等調

派官軍分道進剿地方一律肅清辦理甚為妥速岑毓英前得降

二級留任處分著加恩開復其禦黑地方應如何添設文武員弁

扼要管轄之處著該督撫酌度情形妥議具奏等因欽此 十七

日摺奏滇省舊設五成戰兵現擬抽調三成編管操練並裁併

勇另添設土勇附片奏瘴故記名提督楊春林等十一員請卹

又摺奏叩謝

天恩開復處分 二十二日摺奏遵

旨添設雲南省城至騰越電線請提用北洋購存四川物料附片奏

前設雲南電線借撥滬關出使經費銀八萬兩請

敕北洋作正報銷又摺奏叩謝

天恩本中漏字免其議處 二十八日奉到

上諭三載考績為國家激揚大典中外滿漢諸臣有能職守恪共勞

勩最著者允宜特加甄敘以示優眷雲貴總督岑毓英盡心民事

緩輯嚴疆殫竭盡忱不辭勞瘁著交部從優議敘等因欽此 三

月十五日摺奏邊防緊要擬將武職敘補章程稍為變通以儲

臣等謹將

將材而重防務附奏派兵駐防車里土司又片奏臨安開廣道

湯壽銘飭赴新任又摺奏京察議敘謝

恩 四月十六日會摺奏遵議禦黑地方建設城署先行委員署理

責成籌辦善後附奏揀員先委新設鎮邊廳同知參將等缺員

弁又奏滇省籌議河工用款情形一摺附片奏禦黑夷目李先

春請給土千總職銜又片奏刊給臨安開廣道木質關防先行

啟用又附奏副將楊發貴更正保案 二十七日會摺奏揀員

鄒馨蘭請補永昌府知府附片奏昆陽州知州吳裕昆請敘錢

楨請革職永不敘用又片奏避道員鄧在鋪暫行留滇差遣

五月公長子戶部郎中春榮三子工部主事春澤報效海軍

經費海軍衙門奏獎初七日奉

皇太后懿旨春榮著發往山西以道員即用岑春澤著以郎中歸

本部即補欽此 十七日具奏翰應查閱雲南營伍擬請秋後出

省一摺附片奏陳亡守備包文煊等八員請卹 二十五日公

六十生日奉

旨賜壽由軍機處咨交到

御書綴坊錫匾額一面

御書福壽字各一方梵銅相一尊紫檀嵌玉如意一柄蟒袍一件吉

綢八件湯綢八件 滇黔官紳軍民踴躍稱頌有功德介福圖

冊之獻 六月初八日公五子春莫道粵西鄉試 十一日會

奏揀員請補巧家廳同知元江直隸州知州二摺附片奏停止

開辦普洱官茶局又片奏署提督蔡標養子遊擊蔡興國請准

復姓歸宗 十九日專摺奏舊疾稍痊勉力銷假視事又摺奏

揀員韋勳承請補騰越廳同知 二十八日會摺奏官軍勦平

猓黑及木受案案內出力文武員弁開單請獎又摺奏報銷滇

省光緒十年分善後邊防支銷銀數附片奏保雲南司道曾紀

鳳邵華熙湯聘珍松林鄧在鏞又片奏保署雲南提督蔡標又

片奏保四川道員夏肯又片奏保升任貴州藩司史念祖又奏

保廣西降補知府李必昌留滇補用同知郝映奎二片 七月

十一日專摺奏叩謝

天恩賞岑春榮道員岑春澤郎中 十八日會摺奏察看知府彭澤

春尚堪勝任又摺奏留防猓黑練勇照戰兵支給月餉奏咨立

案 八月初一日公五子春莫生子德安 十四日具摺奏報

出省查閱營伍起程日期附片奏元江州屬土匪楊發昌等滋

事派副將馬維祺帶兵馳往勦撫 十八日公自省政行至安

甯州途中風雨驟寒觸發舊疾言語惛恍舉動需人留一日醫

調二十一日至祿豐縣疾未見瘥隨行僚屬及沿途文武力勸

公節勞旋省疏請展緩公以受

恩深重義當盡瘁仍力疾進發行程改失為宿病勢時減時增迄不

能愈 二十六日至楚雄府留駐調攝 九月初二日閱視楚

雄協營 初三日具摺奏出巡西營伍中途疾作勉力前進

查閱情形 初四日發楚雄 十五日大理府城 二十一

二兩日閱視提標大理城守各營暨鶴麗維西永北劍川等鎮

協營 十月初一二兩日閱視調集永騰順雲龍慶各營千總

以上員弁其把總以下弁兵委員前往慰問 永昌府屬孟定

土知府罕忠邦灣甸土知州景玉金鎮康土知州刁閻錫圖騰

越廳屬干崖宜撫司刁盈廷南甸宜撫司刁定國等偕來見公

勉以綏輯土民慎密邊圉遣回轄境 初六日具摺奏查閱迪

西營伍事竣起程回省日期又摺奏雲南臨安府屬納樓土族

酋應昌聚眾滋事現經知府全林勦平並說明正法 是日公

自大理啟行旋省 二十二日遣抵省署 十一月初二日代
奏藩司會紀鳳親老呈請開缺回籍終養一摺附片奏會紀鳳
器識深厚心細才長滇省正需助理可否暫緩開缺又片奏回
抵省城疾未痊愈進東兩各營伍履綏明春出關 十二月初
八日公赴校場閱視省標六營及武定澂江各營官兵冬操
公五子春冀剛公弗豫兼程星馳還滇侍養 初九初十三
十四十五等日校閱各營官弁 十九日具奏查閱省標六營
及武定澂江等營冬操一摺又奏川省大解協滇月餉請嚴催
藩解附片奏保記名提督吳永安 是月公連日出關營伍感
受風寒疾復大作 是年公纂輯西林岑氏族譜十卷以夏四

年譜卷十

月銀板成書 東漢舞陰壯侯君然公墓在成都華陽縣治東
南三十四里東甯寺側歲久稍圯公捐俸千金畀四川族人遊
擊成元修墓置田歲時祭享復撰立墓碑 未知永甯軍事趙
山公賓州墓歷年數百碑碣無存他姓藏骸侵及兆域公以丙
子辰祭怒焉心傷議資以遷因循十稔弗從且訟至丙戌得地
方官理喻法禁始徙如約塋臺廓清公再出俸修葺置祭田
立碑紀之

光緒十五年公六十一歲
正月二十二日專摺奏恭謝年終

恩賞又摺奏入春病勢增劇懇懇

天恩賞假兩箇月欽此 是日內閣奉

任之臣其久歷戎旃懋建殊勛熟讀翰墨賢勞尤著現任提鎮諸
臣類皆起自行閒洴澼專閩各該文武大員爲國家勤勞歷久不
懈現在歸政伊邇允宜分別沛恩大學士直隸總督李鴻章著賞
用紫綬兩江總督曾國荃雲貴總督岑毓英均著賞加太子太保
銜等因欽此 三月初三日會摺奏蒙自設開事宜預籌妥辦情
形又奏雲南九龍池等五處龍神顯應請

勅加封號並

年譜卷十

賜額又奏弟毓寶補授福建鹽法道叩謝
恩附片奏署鎮邊直隸同知王德誥瘞故請卹又摺奏邊防續報
陣亡瘞故文武員弁兵勇七十七員名開單請卹 十九日奏
揀員先請借補新設鎮邊營參將要缺一摺附片奏蒙自開開
經費先由藩庫撥借又摺奏舊疾漸痊勉力銷假視事附片奏
請展緩巡閱進東南營伍 公疾入春增劇故請假醫調於拜
摺之日起扣假期節勞靜攝藥餌見效諸慮日瘥然心思不能
久用起居尚異常時懇請宜預假調理方可復元公以欽
奉

皇太后懿旨賞加太子太保銜而弟毓寶子春榮春煊

升除一門之內渥被

恩施恭值

皇上親裁大政演黔邊要時塵

聖德自揣精神勉可指撐不敢不竭效桑榆以圖報稱遂力疾如期

請假 四月初三日會摺奏遵

旨查辦元江夷匪滋事情形又奏揀員請補新設鎮邊要缺同知附片奏鎮邊屬南棚夷匪勾結野莽狃滋事勦辦略定又專摺叩

謝

天恩又代奏新投鶴歷鎮總兵吳永安謝

恩 初十日招奏滇省餉需奇絀請

年譜卷十

北

勅訓速催各省新舊欠餉附片奏法國領事官業已入滇稅務司已

山粵起程又奏遵

旨安插越南投奔滇境難民一摺奏言越南土著與兩粵流寓

各難民在法人視為亂氓驅除不遺餘力在中國同為赤子膜

視殊覺難安且從前出師越南曾與聯絡以助敵勢不無微勞

勢迫來投亦難峻拒查投入邊境者計分三股今遵籌安插才

文持一股於臨安邊外之茨通壩湯宗政練中和一股於開化

邊外之河口魏名高一股於普洱邊外鄰近南寧之大筆山三

處皆令該管文武前往稽查丁口隨時電報收其烏集添補營

勇有家可歸者分別資遣回籍以期保全一流民地方即少一

盜賊於防務商務皆有裨益又片奏鶴歷鎮總兵吳永安調署

普洱鎮篆又片奏遊擊韋雲青請免騎射又片奏瘴故參將侯

應賢等十三員請卹 是月法蘭西領事官彌樂石自保勝至

蒙自申請照約開關通商並餽時辰表後膛槍公申明約章卻

其餽物彌樂石旋向關道要索給法人遊歷各廠護照公執不

予復與譚公鈞培唐公炯商電總理各國事務衙門謂礦廠為

滇人性命不可使外人窺利源奪生計致生衅隙凡數百言

上諭岑毓英等奏龍神顯應請加封號並頒匾額一摺雲南省城九

龍池龍神附近之西山龍神黑龍潭龍神仰甸龍神海源寺龍神

年譜卷十

八

夙著靈應上年夏間本年春間該省雨澤愆期該督撫等虔誠祈

禱屢沛甘霖著發去御書匾額各一方交督撫祇領敬謹懸掛至

所請勅加封號之處著禮部議奏欽此 初四日公家宴趙藩與

馮公強以酒意甚眷眷酬酢笑語如平常而自謂精神疲茶勉

自措挂苦不耐久坐也 初六日公晨起核閱公牘畢隨接見

僚屬朝餐後假寐片晌起而入廡感冒風邪疾復大作歸寢至

數歐吐服藥咳止偃息榻上晚餐少許夜尤喘嗽初七日凌晨

食蓮子半碗服藥數劑午進燕窩粥數匙至申酉之間病勢益

篤趙藩入候疾公伏枕促治遺疏連稱受

皇太后



皇上厚恩他生矢報語不及私公五子春棠侍側欲稟請遊囑而公自病起每請輒喘喘汗涔涔下故茹痛不敢以請急進葠茸大劑迄無效至初八日卯刻公喘止而鼻端玉柱下垂迺薨諱公鈞培電奏以

問並代呈遺摺

上軫悼

諭曰雲貴總督岑毓英秉性公忠才識沈毅由諸生從事戎行咸豐同治年間雲南回匪倡亂兵事孔殷仰荷

先朝特達之知迭加拔擢代理雲南藩司旋即簡授巡撫營兵單餉緝之時激勵衆心出奇制勝克復省城肅清大理等府堵穴擒渠

年譜卷十

九

全滇肅定厥功甚偉迭經賞給騎都尉世職並改爲一等輕車都尉世職朕御極後擢任雲貴總督整頓地方操練營伍均能實心任事光緒九年統兵出關卓著勞勩復加賞一雲騎尉世職該督久駐邊關染瘴成病上幸登閱營伍途次觸發舊病迭次賞假調理本年四月力疾銷方冀醫治就痊長資倚畀遽聞溘逝軫惜殊深岑毓英著加恩晉贈太子太傅入祀賢良祠並於雲南省建立專祠生平政績事實宣付國史館立傳賞銀一千兩治喪由雲南藩庫給發照總督例賜卹任內一切處分悉予開復應得卹典該衙門查例具奏靈柩回籍時沿途地方官妥爲照料伊子山西卽用道岑春榮著遇有遺員缺出請旨簡放候選同知岑春煦著

以知府選用應升之缺升用前工部郎中岑春煊著以五品京堂候補監生岑春莫著俟服闋後由吏部帶領引見岑春蔭並伊孫岑德純著俟及歲時帶領引見用示篤念盡臣至意欽此未幾聞

臣擬謚上請

子諡襄勤 諱公鈞培旋兼署總督疏陳公功績尤詳盡奉諭宣付史館欽此 貴州巡撫潘公燾尋疏陳公功德在黔請於貴

州省城建立專祠奉

旨著照所請該部知道欽此 公季弟毓琦長子春榮次子春煦三

子春煊先後聞訃馳至十月扶柩回籍 光緒十六年二月十

八日公之喪抵桂林省城閏二月十四日公子春榮等葬公於

年譜卷十

十

臨桂縣城東堯山之高高嶺與江夫人合墓公生時所命也光緒十七年廣西巡撫馬公丕瑤奏泗城府凌雲西隆西林三州縣紳士王績寬等聯名稟稱已故督 岑毓英辦團保境功在桑梓請於三州縣捐建專祠列入祀典一摺奉 硃批著照所請禮部知道欽此 公天性孝友事鶴亭公謝太夫人先意承志惟恐失當而尤得劉太夫人歡心愛諸弟妹最篤家庭雍睦無間言微時師友死綬將士歲時必存問其家餽贈從厚幕僚孤子附爲婚姻待如骨肉訓誨諸子以身爲教每言讀書立品親賢遠佞勿以驕矜損德勿以玩愒曠功居家則以孝友爲本而推及於敬宗收族服官則以勤廉爲本而行之以醇



理準情惟能愛名斯能保身惟不辱先斯不負國聞者以為名
 言生平不溺於聲色博稱麴蘖之好在軍在官校廣治事率味
 爽起夜分乃寢疾病寒暑不改常度喜接見士大夫所至田野
 耆老苗夷首目見輒不拒閒或資以酒食訪地方利病故下
 情不隔設施鮮齟齬者為學大旨主於析理致用經史而外亦
 旁涉孫吳兵法觀其大意不事章句藻績軍旅倥傯政務殷煩
 章奏書檄幕僚具草手自核定時有點竄多中窾要其存者為
 批論奏疏六十卷書牘二十卷諸子與門人復韓公遺詩一卷遺文
 二卷

王譜卷十

十一

右 先嚴年譜十卷壬辰秋趙君樾村編次於都門時兄弟輩
 同在都中以行蹤未卜欲鑿板而弗果遂各繕清本分藏之以
 俟諸異日旋於癸巳奉分守河朔之
 命忽忽五六年矣公餘敬檢藏稿展讀輒懼或有散遺負罪益深因
 取是編詳校而付諸剞劂俾世世子孫咸曉然於
 君恩之隆重 先德之貽謀所以垂裕後昆者胥在於是而勉繼家
 聲於弗墜是則兢兢焉而不能自己者也他如奏疏書牘及詩
 文等集卷帙繁眾俟校竣付梓昔光緒己亥夏五男春榮謹誌
 於河朔使署

年譜卷十

十一

序

君子疾沒世而名不稱焉故凡賢士大夫皆年有譜而日有記蓋欲以傳之後世垂之無窮也余從事香山徐雨之先生二十有五年矣其行事存足述者豈可溷沒不彰因勸徐君編年譜日記徐君笑而諾之譜成謹將余所知於徐君者就其一生成敗利鈍畧述於下兩翁年十五離鄉井來滬上越半載棄書入賈其執事不政不敬其與人不敬不忠兢兢二十餘年頗見信於中外時曾文止李文忠議興商埠歲甲戌與唐景星諸觀察創招商輪船局仁和濟和保險公司開平林西煤礦塘沽種植公司續辦承平三山銀礦歲丙子為擴充商局計獨任艱鉅將旗昌金利源汽船全公司買受山是得與外洋諸公司爭衡中國之龍旗飄揚於英京及利物浦南洋各島檳香山日本等處者兩翁之力亦兩翁生平最得意之事也又與諸昆季創同文書局奉 旨影印圖書集成進呈御覽餘如廣百宋齋鉛版書局貴池天華南票台吉等礦粵東開平碼頭公司香港利遠糖棧

徐愚齋自叙年譜

香山徐氏校印

公司玻璃公司烟台繅絲局虹口倫章造紙公司上海立順興雜貨號元吉綢莊成號布莊典當錢莊茶莊棧棧或合開或獨創難以枚舉其間固於勢限於時成者七八不成者二三開創伊始雖殫竭經營集羣策羣力以從事往往垂成中止兩翁則未嘗告勞焉迨癸未秋法越警勢法艦攻閩之馬江我陽武兵船擊斃法提督孤拔法人慙忿以七兵船擾海波吳撤查禁封口岸言攻高昌廟之製造局紛紛逃難僱內地民船值至二三百兩一船上海為中外總樞以致風聲鶴唳一日數驚商市奇緊周轉不靈致敗壞幾不可收拾艱難創就盡付東流他人處之當不知如何憤懣矣乃兩翁自書一聯云放寬肚皮袋氣咬定牙根喫虧何其達哉旋奉李文忠奏辦開外金礦歲辛卯創建平績辦永平兼熱河合辦各礦榆關十載馬瘠僕捕艱苦備嘗又與滬上西商設業廣房產公司甲午唐山薦饑餓民十餘萬告賑無所勢將流而為匪兩翁振臂一呼兩月間官商共集三十餘萬得以無事丁戊間合肥李文忠和王相國先後內召兩翁因

徐愚齋自叙年譜 序

亦兩歸未幾而有庚子之變復在粵東開創自來水公司合股循環日報辛丑析津平百廢具舉兩翁以為當務之急莫急興商乃與西商設先農房產公司以為商務基礎復自設廣益房產公司合股電車公司種福台聖務公司以與市康歲壬寅在上海創景輪中國汗衫廠粵東香山東岸同益種植橄欖松榮公司癸卯同創錦州大凌河天一聖務公司甲辰上海合設地豐公司丙午設華興保險丁未設華安保險皆所以振實業而挽回利權者也兩翁六十年來名場閱歷在上海如捕盜會捕洋務賑務等局皆則身其間甲辰為兼公舉任商會協理一年此外如絲業公所茶業公所商學會預備立憲會育才書館尚賢堂青年會廣肇公所學堂山莊醫院凡各局各會之有關公益者與及從前出洋肄業學生無役不董其事或因或創必視其力之所能及共襄厥成是以中外巨商莫不尊親而欽重焉又如丙丁兩年為其五六兩世兄與洋人交接保款失於無限致賠鉅款其數之大駭人聽聞為通商以來之所無兩翁重名譽犧牲財產而勿恤尤為人所難能在鄉里則修風水浴溝渠栽樹木圍垣墻築神社建鄉約改文塔設博會興義學倡平糶無不經營創辦以堵閭閻在族則修譜建祠雖值艱窮次第舉辦不惜也今則自營菟裘于故鄉北山嶺命名竹石山房有地二十餘畝內則田園廬墓中西義學并附品金會平糶所又於上海北新涇建敬德堂山莊可謂豪情遠觀其襟懷之磊落落志量之寬大不辭勞瘁息息以公益為重謂非商界之偉人哉兩翁今年七十有三所謂必得其名必得其壽者歟茲於暇日復自編輯年譜並將寓滬六十年以來歐亞見聞各大事筆之於書兀兀終日不容少懈其精神矍鑠誠非常人所能及歐友有聞能先生者具有同志因以同聲相應同氣相求凡有所知彼此通告俾底於成古人云老當益壯寧知白首之心窮且益堅不墜青雲之志於兩翁有焉爰記其略如此宣統二年孟夏之吉古墓孫世徽芸齋甫誌於滬北之矮廬

徐愚齋自叙年譜

二

香山徐氏校印

徐愚齋自叙年譜

香山徐 潤雨之

昔黃帝十四子其一為徐氏在定公四年傳稱殷民六族徐氏居其次
史稱皋陶生伯益伯益佐禹有功封其子若木於徐今潤州臨淮有徐
城即若木封地為禹貢徐州之域自若木傳三十二世至偃王始大於
周又傳十一世至章禹而徐失國然則徐之立國幾二千年子姓蕃衍
可知故史記秦紀贊謂以國為姓首為徐氏先世居河南陳留為淮水
所出之地也至宋季有延祚公者隱居樂善子廣達廣德二公遭元季
之亂流離相失久之始遇於廣州之香山蓋廣達公已自河南而南雄
而番禺而香山凡三遷矣初寓雍陌長埔後卜居於前山寨古籍焉廣
達公次子觀成公自前山分居北嶺九傳至 懷仁公諱化熊潤之五
世祖也 高祖東星公諱煌 曾祖福軒公諱會興 祖誠齋公諱士

徐愚齋自叙年譜

香山徐氏校印

雄 父寶亭公諱佩珩三代皆 誥贈榮祿大夫 曾祖妣章氏鮑氏
詹氏黃氏 祖妣容氏 妣楊氏皆 誥贈一品夫人 伯父鈺亭公
諱昭珩 誥授通議大夫 叔父璠亭公諱惠珩 贈榮祿大夫
季父榮村公諱瑞珩 誥贈榮祿大夫

道光十八年戊戌一歲
是歲冬十月二十八日亥時生於香山北嶺鄉老屋 先大夫名之曰
以璋字潤立又名潤號兩之別號愚齋時 曾祖母 祖母在堂 先
大夫年二十二歲太夫人年二十一歲

道光十九年己亥二歲

道光二十年庚子三歲

道光二十一年辛丑四歲

蓮大姑生十二月初八日戌時

道光二十二年壬寅五歲

道光二十三年癸卯六歲

道光二十四年甲辰七歲

道光二十五年乙巳八歲

王丹書先生開學

道光二十六年丙午九歲

王丹書先生教讀

道光二十七年丁未十歲

王丹書先生教讀

道光二十八年戊申十一歲

王丹書先生教讀

道光二十九年己酉十二歲

王丹書先生教讀

道光三十年庚戌十三歲

徐愚齋自叙年譜

香山徐氏校印

盧麟生先生教讀

咸豐元年辛亥十四歲

盧麟生先生教讀

冬榮村公返家二年正月回申

咸豐二年壬子十五歲

二月初一日離澳門下香港隨同先四叔榮村公乘英公司輪船二月
十二日抵吳淞晚開到上海是時船上有艙客位每位收船價一百二
十八元散客收三十二元加飯資兩元抵申後寓小東門鹹瓜街亦昌
絲茶土號四先叔雅好文墨延有楊鏡泉紀眉峯二夫子皆飽學士也
詩詞之外並精星學推余命謂有翰苑望不宜落市井先四叔送余之
姑蘇西園楊子芳老伯家讀書至五月節因口音隔閡不惟書不能讀
話亦不明於是仍回上海先伯鈺亭公謂既不讀書當就商業因留寶
順行學藝辦事師事曾奇圃同學鄭濟東許興隆與余三人學絲學茶

不分彼此余先學絲樓看絲之西人名章伯氏茶師西麥氏皆相待甚優余黎明即起習字數百又學算於闕察甫章伯氏見余之勤也許為志不可量深相契重寶順行舊東必理氏去世章伯氏接手先伯總理行內辦房事務寄圖師代上堂辦事迨寄圖師去世章伯氏即囑余繼寄圖師之任

附記 亦昌號在鹹瓜街當時為南北大道咽喉之區西則襟帶縣城小東門大東門之所出入東過兩街即黃浦故市場最為熱鬧再南則帆船輻輳常泊沙船數千號行棧林立人烟稠密由水路到者從黃浦陸行則必從此街也再北有湖州會館天后廟界外即是浦江自天后廟經立大碼頭即今之密采里西飯館東至洋涇橋循河西岸直至老北門為止均一片曠地屬法租界自洋涇橋至蘇州河東至浦江西至福建路屬英租界英界之內即今五馬路邊有指望洋行今三井洋行之南在西北角土名李開廊有比利士勿洋行洋

徐愚齋自叙年譜

香山徐氏校印

涇橋邊有裕豐洋行橋東有大漲灘一大段今之大英醫院新公司總會皆填築而造灘邊黃浦路僅寬二丈繼有天祥長利新旗昌公易華記新關寶順李百里麗如裕記廣源仁記和記怡和等接踵而起洋涇橋邊即大小船隻停泊上落埠頭如北京路之北英領事署傍邊之大空場直至蘇州河邊即現時公家花園之地當時係一大水坑蕙德里門前一帶乃沙寧船塢既無大橋亦少擺渡初由英商兆豐洋行就該處建造外大橋過橋之客收費一二文後歸工部局沿橋填築之地或數百步數千步之廣法人亦尤而效之舊日之黃浦與今日之黃浦不啻減闕一半內復添築馬路頭頭是道今之興仁里如意街之間乃初設跑馬場後因地價增長高乃移至大馬路西泥城橋之北即今德靈里等處為第二跑馬場後又移今之跑馬場計地四百八十餘畝蓋已三遷矣前每畝價值數十兩或百餘兩今值數千兩至數萬兩不等又復佔及浦北地自跨有蘇州河立

徐愚齋自叙年譜

為美租界當時中虹橋祇有二三家傳耶教房屋橋邊有一禮拜堂門前為擺渡之處乃小埠頭而已今則寬闊一如英界如三菱公司碼頭德國總署均由山填築而成離中虹橋不遠有粵人甘章在彼設船塢廠初開湊資不易詎事成之後大得利益今美界已佔至寶山縣界矣又復於泥城橋之西老開橋之北佔為公共租界一切布置均不亞於英租界總而言之英租界也美租界也公共租界也皆英人獨享其權實三而一者也惟法人則各守疆界橫覽十里洋場以寂寞荒塚之地竟成繁華富庶之鄉其經濟之宏力量之大豈不偉歎然尚不知鑿足日謀擴充日圖推廣政令不行主權日削曷勝浩嘆

咸豐三年癸丑十六歲

春學絲樓秋學茶同學友鄭濟東許興隆不分職守月得薪俸本洋十元

徐愚齋自叙年譜

四

香山徐氏校印

附記 二月初十日金陵失守

咸豐四年甲寅十七歲

仍充絲茶等職薪水二十元

咸豐五年乙卯十八歲

仍充絲茶等職兼佐理阿多臣棧務薪水二十八元

榮村公去國

從叔關大為本族老四房之裔嗣於老五房藝忠公為繼子年十五歲到山寓禮記洋行學業是年初冬洋東往松江一帶打鳥命關大叔坐民船隨同前往抵松江口忽遇颶風船身覆背關大叔被淹身故舟子與焉余即命人打撈棺殮運靈輓回鄉葬於本村土名羅合山

咸豐六年丙辰十九歲

幫帳上堂兼充各職

咸豐七年丁巳二十歲

八五

仍充各職

八月十七日必理氏大班故於申章伯先生接管寶順洋行事

咸豐八年戊午二十一歲

仍幫帳上堂兼各職

十月二妹合姑生至五十二歲卒

冬令回家婚娶榮村四叔助洋一千元上海各幫朋友親戚送衣袍袍料不計其數所收禮洋多至一千六七百元其時中市生意發達交往甚多又藉伯叔餘蔭行中招牌自己職守以致人情如此之多酬謝之

酒歷四五天每日在桂花樓設四五十席可謂一時之盛又承行東章伯氏云現在君已有家月給薪洋五十元俾無內顧憂

咸豐九年己未二十二歲

上堂幫帳房如舊

與曾寄圃師芸軒兄三人合開紹祥字號包辦各洋行絲茶棉花生意

徐恩齋自叙年譜

五

香山徐氏校印

十一年停

麗軒兄離行帳目狼不清楚紀心兄進行

帳席阿多臣病故議掉行內伴友分職辦事

蓮大姑十八歲出閣于歸翠微鄉郭功鑑

合股開設敦茂錢莊胡益三司事三年後胡故停閉

咸豐十年庚申二十三歲

上堂幫帳房如舊

試辦潤立生茶號於溫州白林地方梁逸樵司事辦得白毛茶八百箱

每方箱四十箱運申分沽與英美各洋行得價八十兩僅敷成本不意

賣出之後洋商驗出茶箱四角均有水漬一律退回查該貨由小河用

竹挑運出以致受潮不獨洋商不願承買即自己亦覺心虛不得已寄

存楊三和棧盡數拆開揀出霉茶候至次年在甯州辦得烏龍細條紅

茶二百箱每担五十兩條色香味並皆佳妙因將白毛茶攪入售與洋

商初得價銀一百二十兩繼竟漲至一百六十兩大得其利經營茶業於此始焉後遂合股續開福德泉永茂合祥記等於河口甯州各處又與汪乾記合辦茶務行中調派楊輝山楊明軒鄭陶齋吳茂川黃毓齋各友司理絲茶棧房攬做諸務

派楊明軒坐允德一枝半桅小夾板船試開東洋之長崎埠續派晏多你生即蔡焯麟在長崎埠管帳該船主馬厘士至日本之長崎埠關口例禁外人不得上岸祇准買食物取水唯不能過十天後楊明軒借買物起岸探友苦於言語不通用筆墨向關員問答關員見其書法甚佳乃出扇請其揮寫因此得有交情並云你莫非探南京生人也

此不遠有保蘇局試往問之即命兩人同去明軒到局晤蘇人楊鏡人先生同事六人在彼營業專販鮑魚海菜由中國海船運至乍浦分銷各處楊明軒當將來意告之並言隨船貨物別無違禁之品祇有洋貨並中國雜貨亦未甚多即經鏡人答允許為運動隨即同赴關口請其

徐恩齋自叙年譜

六

香山徐氏校印

派人同至船上查驗日員辦事不肯隨和必須事事自出主見後逾一日果派帶刀日員四人到船細驗各處查勘驗至洋貨如紅布花布原有粗布並中國綠布各種色布及檀香蘇木胡椒蘇茶棗子各雜貨無不喜歡驗後而去逾日約同商議初時啟口即言所議並非貿易之事祇以貨易貨第每貨各不能過百担如何交換須憑我作主窺其意似欲我貨半送半買者隨換得青海帶及帶絲貢帶各數十担金丁即洋菜四十包每包四十筋木魚香菇江瑤柱鱈魚蝦干各十數担統值亦不過二三千元交易之貨彼此相當楊鏡人隨坐我們允德船而回開船時關員傳語以後你們有貨來自自辦法從此遂開東洋口岸常船回上海貨物照例報關海關人員查驗各貨向無此種進口貨物為關章所無不能估價納稅商至再三俟估出後再行上稅乃託妥友轉邀蘇奕昌號商酌詎意蘇號不願又託蘇州保蘇局會估保蘇局友初不知來貨多少乃一見之餘意存妬忌亦不肯實說因此無法祇可上棧

然始終無主顧不得已自行拍賣孰意竟有出人意外者東洋來貨拍賣得價共計洋九千餘元照原本有二三倍利

附記 是年有新式輪船名福建專走上海福州兩埠船主名巴勇適橄欖福橋上市該洋人隨買橄欖二十四桶福橋五十桶到申出沽得利兩三倍之多此因船快物鮮且合時候故獲利倍蓰不意該洋人以有利可圖下次至閩竟大買福橋橄欖各三千桶運申發售貨色既多銷路亦鈍攤積五禮拜之久鮮貨多半霉爛大虧其本另有華記某洋商游歷波見市上有福州人員販橄欖香川戲售賣每担約價銀三十六兩至四十四兩之間頗覺合算其時正在年節故合銷路乃該洋商不察以為常此暢銷因由南洋租一小夾板船裝積香五六百噸載至寧波到後月餘未能開盤不得已原船轉申分上中下三等年餘賤價銷去亦受大虧

徐愚齋自叙年譜

七

香山徐氏校印

百零五斤計價本洋十二元五角貨既鮮美價亦合時每件售至六十兩頗有溢利後於下冬續買二百餘件價由二十四元至三十元運儀來申形式較前貨倍大口味亦不及前之鮮甜據蘇奕昌號友云聞日本有一種蛇肉向未見過有云式如木魚有云與干貝相同因此傳播無人過問乃轉運漢口亦無銷路次年秋原物載回上海往返已兩經荷夏尤難出售祇得拍賣每件連箱拍價銀一兩一二錢僅夠保險之費棧租尚不敷甚遠以上之事皆因貪所致特記數則以警後人須知務廣而荒古人已先我言之矣可不慎哉

英法兩國直攻塘沽時由白塘口上岸巡撲即明園迫開北洋三口長江一帶通商口岸

咸豐十一年辛酉二十四歲
主帳上堂料理各職
會奇圖師七月二十日午時故於申

徐愚齋自叙年譜

寶順洋行辦房先伯 鈺亭公主席曾寄圖師副之後曾寄師因汪乾記訟案遽傷於酒遞遺之事章伯氏大班派余承乏頭緒紛繁頗覺累墜幸幫理有年尚知條理章伯氏云帳房薪水照舊出支四百另貼八十兩各件照給並囑留謝介鶴金子香兩先生籌辦汪乾記未了訟事至龔孝拱容純甫兩先生留之與否君自決之以後行中之事由君一手做去惟老買辦在行必須一一稟告上年派去各埠辦房如烟台梁枝天津亞培徐子榮牛莊陳洛明鎮江黃墨祝蕪湖韓燕山西友九江徐渭南鄭濟東漢口盛恒山楊輝山君皆相好仍須每期輪船照舊通信報市而新聞並各貨交易行情至大小洋藥價目上落尤大此事更當認真考查今君乃總行中華人頭目如有差錯據報惟君是問香港本行辦房亞三亞帝則母甚上落云云余答諸位均生意老手應無不妥如有差異我必直告惟銀錢遞出非我能承當尤可憾者目下諸位均已發達特未曉有思及引薦人否耳章伯氏云老買辦人本老實彼

徐愚齋自叙年譜

八

香山徐氏校印

等感激與否暫不必計後滑南姪送鈺亭公銀千兩意將以此報答鈺公曰是區區者我有得用何必客氣當即退回其汪乾記一案隨於月內清結人人盡悉爽極快極

端節劍寄雲閣於老其昌舊行後遷外館改名亦宜軒至今五十年矣日本所出寬永銅錢以紫銅為質字樣清晰惟分量輕薄遠不及我華制錢比時初開橫濱埠本行由夾板船運到此項錢文計六十三萬五千零八十二千文初到申時少見多怪無人過問且以數目大鉅市口不寬不無疑懼延積半年由關築甫先生運籌先提數千貫分銷各地尚可通行緣其時江浙所鑄爛板私錢每千值銀五錢外後來寬永遂銷遂廣流行內地每千竟漲價銀七錢三四分之多此票生意滿擬難望得利不料統盤計算竟得盈餘銀數萬兩可謂喜出望外者矣

附記 當時有長江輪船四隻一總督二飛似海馬三氣拉度四哥素度布禮另申港輪船二隻一揚子二鯉魚門又小夾板船二隻一

八七

允德二米濕化各船之中以總督一船獲利最厚蓋成本輕備貨多該船在香港多時無人過問適漢口開埠寶順行上派揚子輪船探路直至漢口回船至南京采石磯左近船底稍受微傷回港修理聞該輪價甚便宜因即置買修飾來申放漢往返一次所收水脚足敷成本緣彼時客位每客價銀七十五兩每噸貨價銀二十五兩往來一律加以下水時拖帶本地鈎船四艘或帶鎮江或交上海每艘裝貨五六百噸每噸水脚價十五兩故獲利最厚至寶順行生意進口貨如大小洋藥裝公司船來者各有數千箱又夾板船裝來洋貨約有三四十船每船千餘噸另有南洋暹羅新州坡各埠運來檀香蘇木沙藤樹皮胡椒點銅四五船至於出口貨如湖絲棉花紅綠茶各等約值千萬連東洋北三口長江一帶香港福州進出併計總在數千萬實一時之盛洋行中可屈首一指者也

髮逆陷蘇州青浦嘉定均失守

徐恩為自叙年譜

九

香山徐氏校印

同治元年壬戌二十五歲

銓亭公年五十九歲八月返申

二月十四日雨田二弟故於澳門為文祭之

山監生報捐光祿寺署正

與芸軒兄在二馬路合做寶源絲茶土號又在法界開設立順興川漢各貨號以烟葉皮油白蠟黃白麻各種桐油為大宗陳榮卿經理初頗發達後因髮逆擾亂四鄉各領帳不能收虧蝕而停

附記 二月間滑南姪剛立兒吳捷三表兄會同雨田二弟回家娶

親在輪船上大發熱症到澳僅一天而故適其時先叔榮村公修整

祖墓眾議以灣仔地與誠祖山風水有關於二弟本命相沖大起議

論榮村公以熱心公益被謗從此意懶心灰其實為堪輿朱花軒所

誤有以致之蓋先叔好談風水固邑無不知之二三年內用洋十餘

萬每日堪輿家茶點橋金二三十元查置山地費總需萬金計山地

一百餘處如葬 高祖東星公於沾前計費三千元 曾伯祖卿佳公葬於前山後池 伯祖雲忠公 聖忠公 玉書公葬在倒地木每山約費五六百元 曾祖卿禮公葬於麻灣村後山計費二萬元 先祖誠齋公葬澳門石角嘴計費二萬元此二山為全邑之冠故用費亦獨大 先祖母容太夫人壽基在造貝嶺 庶祖母李宜人葬三台石 先叔祖藝忠公妣張氏葬南屏村後山頂此三處山每費千元 先伯銓亭公壽基在北山村南計費三千元 德連三叔葬鴉髻嶺土名佛仔披裝裝計費二千元又鴉髻山葬吳氏太婆計費一千元又鴉髻山二節龍石山一處壽基洋二千元 榮村公妣張氏葬石塘村之西瓜埔洋一千元又自備壽基於西瓜埔約費五百元雨田二弟葬本鄉板樟山計費五百元連風水先生薪金共用十餘萬元選用外照簿計算尚有九十三處壽山 榮村公心力財力能忍人所不能忍並於麻灣村前口之內置有三潭閣田四百餘畝

徐恩為自叙年譜

十

香山徐氏校印

畝造有徐氏家塾一所住房數間三層門高塔一座其意備為閩族之需苦心孤詣不遺餘力該處村莊本不甚旺經此塔造築麻灣一帶直至三鄉甲第雲蒸為他人做風水鄉人感頌徐氏不置雖非受益於己而有益於人正合公熱心公益利物濟人之本意也 秋間日本與外人稍有違言大有決裂之勢初由英國兵船進口報稱東洋將有戰事繼又山鯉魚門至吳淞信報東洋開仗應有生意可做路整燻洋人發議英洋必賤可以拋賣當由五人贊成即派張子循關築甫二人專主其事兩口問賣出英洋六七百萬元不意遲二三天怡和理化輪船抵吳淞暗送密信進口東洋戰事不成因此上海英洋市面轉醒時貴以規陳怡春會同怡和行友買進數百萬元三四日聞英洋每元漲價錢餘市勢甚大兩不相讓當經 先伯銓亭公來責謂不應如此狂妄囑即設法回轉余云洋價已大即照裝出口亦不能再高此刻進出併計虧數已在三四十萬所幸為期

尚遠祇可到期再講目下遵令虧蝕即使我能相允恐樓上未必容
應詎銓亭公一再勸喻次日又由吳子石四叔親來調停不得已密
盤和解兩家說到極處乃出現銀十二萬了之余名下實派虧銀五
萬兩此亦一荒唐之事書此以誌吾過

祭兩田弟文

維 大清某年月日伯兄潤以清酌庶羞致祭吾弟兩田君之靈曰
嗚呼君器重璠璣神清冰雪鋒斂下將胡爲早折寢門問視殺水同
將賢爲孺子難愧元方借我滬游年纔髫髻體質外尤精華內蘊童
鳥馳譽元文識奇下帷遜志稽考靡遺旁通西學語言文字待用於
時夙負大志弟才成就藉慰椿萱送弟歸娶適返鄉園航海衝寒中
途摧忠無可調醫哀哀嗚雁歸家一日遽賦大招歲只十九此恨何
銷悲矣亦令飛鳴木末弟豈當歸我傷獨活畚韓在望盼弟早旋風
諸未卜鵬賦先傳一線誰承弟慮及否爰以鍾兒嗣爲弟後我年及

徐愚齋自叙年譜

十一

香山徐氏校印

壯拂意事多無弟商酌抱憾踈跼冬景凄其霜天月夜四壁蛩聲觸
愁淚瀉卮酒告奠莫塞余悲精誠降鑒知乎不知嗚呼哀哉尙饗

同治二年癸亥二十六歲

行中生意尙穩

銓亭公六十壽誕極一時之熱鬧十一月間五姨太舉一子名玉生老
年得子更爲喜歡

在江南報館局加捐員外郎并報捐花翎

附記 是年南北花旗開仗種花固屬不多又值歉收以致印英兩

國無處購棉接濟機廠乃至中華販運初時上海市價花衣每担銀
九兩八錢二天後漲至十二三兩南市花行如丁益大榮廣大等
不知其中原委上門兜包預定期貨由十一兩至十三兩拋出十餘
萬不及十日漲至十七八兩又有崇明半海沙一帶各花行如龔裕
源沈日升泰義源張公和王大生等聞知中市花價奇昂復來兜賣

徐愚齋自叙年譜

亦拋出十餘萬由十五兩至十八兩前後不過半月之久原包淨貨
竟漲至三十五六兩按當時松江太倉一府一州各縣各鄉大小花
行來中拋盤貨三四十萬包統計不下百萬包鄉莊之價每包收到
二三四兩各花行拋出之貨無法可交祇有挽水一法初時只挽
生水向不大礙繼竟有挽用熱水因此羣變者每包淨花六十餘斤
挽水三十餘斤以致各貨到洋皆不能用各洋行大爲嘆虧有兩銀
行因此停業者幸本號隨買隨發稍獲盈餘然亦險矣脩華號唐景
星公亦照我們辦法體念商艱一面退回原定之貨一面收回定銀
各行照市代收得以轉虧爲盈後怡和及各洋行所收之貨運至外
國大有不堪之勢矣

徐愚齋自叙年譜

十二

香山徐氏校印

通新老北門直北至美租界各段地基爾儘可有一文置一文云云
歷驗所言果有效果足徵先見之明以今計之入地二千九百六十
餘畝造屋二千另六十四間且謂不免過貪耳

夏間 先伯銓亭公擬賣餘慶里寶源房產余力爲阻止查春間

銓亭公纔將盆湯街房屋賣於陳竹坪價近二萬僅數月間又欲賣
餘慶里寶源房產殊覺詫異經吳子石芸軒兄聞信關照謂如果賣
出此後各房家眷從何支用囑余阻止適遇禮拜日同鄉諸公請丁
道台於寄雲閣 銓亭公病足在號未去余乘間得入陪坐咄然久
之公問有事否余即跪下涕泣公叱曰爾得無因我賣屋否余直答
曰前賣永記屋姪不敢阻若賣此產則當日承買時價銀原出公記
之帳內四萬八千兩姪實占有小分今欲變價求分其半如能不賣
留存收租過日則姪不敢稍有別議言剛至此子石芸軒捷三均入
座公請食沙谷米食後再講公復怒曰今日賣屋爾曉來阻當日賣

永記產時何不來阻今日之阻是則前日之不阻非也且爾謂無錢年中行內入息過萬我所用不過三五千而已且自林莊賺三四萬何曾我分子即如買地亦有數萬爾何得謂無錢耶余聞至此默然而出當時公雖盛怒然卒未沾去蓋經此一阻後人得益不少此即除慶里之產除此產之外尚有西門城內九畝地小房子一段

同治三年甲子二十七歲

行中各路生意稍差

六月初八日長女佳生

芸軒兄身故年三十八歲寶源號停歇

接管廣肇兩府山莊帳目

與友人合開協記錢莊本六千兩許先生經手訂明不通滙劃

元昌綢莊成號布莊各搭本二千五百兩朱笑初兄經手

附記 六月十七日克復金陵

徐恩壽自叙年譜

十三

香山徐氏校印

同治四年乙丑二十八歲

行中生意漸覺收縮

七月留三妹生

在上海皖營捐輸分局報捐以員外郎分發兵部學曾行走

同治五年丙寅二十九歲

行中生意極清

七月初十日二女妙生

蘇軍分撥浙閩各省查克城隘轉運出力案內蒙前副都督部堂李奏

保加四品銜

同治六年丁卯三十歲

寶順洋行生意極清

十二月十一日長男月詩生

春華祥隆泰昌兩號知余欲開茶棧因約葉仕燾兄來商擬合開總茶

棧似有成意後因議立號規未妥協事關生意出入不甚平允而散

冬間市面不大靖有某姓壞事倒至四五十萬之多錢業各家不無被

累有業董張寶楚先生來商將余茶土棧房契約值六七萬借給轉動

開春如數還來因此交成莫逆

同治五六年後寶順行獲利頗難因南北花旗開仗後各埠生意頗清

東洋北洋長江上海香港福州各埠又復洋行林立生意四通八達無

可收拾更值該行股東拆股到處收束余遂蓄意離行

同治七年戊辰三十一歲

離寶順洋行自立寶源祥茶棧

十二月初八日三女榮蘭生

河口寧州澧溪各茶號如萬川增漫江羊樓洞崇陽湘潭長壽街

附記 是年茶務甚好洋莊暢銷均可獲利申漢棧中代客買賣價

錢生意均能得益本號河口之天醫澧溪之怡蘭向有名譽銷於俄

徐恩壽自叙年譜

十四

香山徐氏校印

莊後添漫江之福葆以後年年第一其長壽街之祥記崇陽之春標

羊樓洞之寶源在市流行不落三名之後湘潭之魁魁拔萃兩號茶

葉貨色雖粗亦不在三名之下由十六兩賣至十八九兩間有賣至

二十餘兩成木輕獲利重余藉張式之兄力頗知茶味各路清楚得

益不少各茶號友得徐雲軒朱大余朱怡豐朱春祥賀十爺賀正雲

劉四爺李琴山鄒志有胡廣源龔大茂諸人一助獲益不少

是年上海和茶業公所請佛子梅先生主辦初租屋於石路後置地

於老開每年所到紅綠茶略提撥數數行繳費唐景星盧際周梅子

條姚筠溪葉仕燾唐勉卿並余均充董事又於漢口設立茶業公所

山湖南湖北江西廣浙各茶業中公推盛恒山張寅賓等會同上海

董事互為維持

絲業公所洋藥局均設在前余與唐景翁皆充董事

上海醫院以山東路仁濟醫院開設最早設有中外董事唐景翁與

余亦董事之一此外輔元堂清節堂仁濟元濟堂格致書院唐與余並爲董事

歷年同辦公益善舉之友余蓮村李秋亭謝綬之施少欽嚴佑之陳竹坪胡雪巖盛杏蓀

同治八年己巳三十二歲

茶棧茶莊如舊

榮村公來申擬做生意買茶寄番四千餘件後合開通源雜糧土號資本二萬五千兩榮村公五千潘爵臣容純甫李貫之並余名下各五千派李貫之爲經理榮村公與容純甫同寓號內市及兩年全軍覆沒誤在貧多時不爛之故以致失敗莊上往來由余經手加虧八千餘兩

附記 永平張軒雲秀芝在中充會捕局及新衙門委員來託有舊交黃愛盧先生後人建筵字花農年十九歲爲其門生薦在寶源祥本號學習茶務人甚馴謹一無嗜好且工書畫頗肯用心迨後同治

徐愚齋自叙年譜

十五

香山徐氏校印

十二年余奉札接辦招商局務因派花農去天津充當總管棧事公餘之暇手不釋卷由此書畫之名益著不數年提升總辦代理津海

關道簡放江海關道仍署理天津關道補湖南臬司升任江寧藩司因病開缺赴滬調理光緒三十二年臘月病故是年五十七歲此皆

李傅相盛宮保一手提拔得至於此乃兄黃建藩守谿同治八年冬來申寓於本號九年派赴鎮江代理通源土號經理未甚得志去

津當差迨花農接任關道乃代理商局遺差後奉調廣東電報局總辦因病回申光緒三十三年九月病故是年六十七歲

同治九年庚午三十三歲

茶棧茶莊如舊

二月初八日次子元生

十月二十四日 先伯鈺亭公在中病故年六十七歲余適回粵不及面訣至今歎然

頌如從弟二十一歲進武庫歿年三十九歲

茶莊生意裁去湘潭崇陽羊樓洞長壽街四處市道固不妙夥伴亦難用不得不收

同治十年辛未三十四歲

茶棧茶莊如舊

我族建造大宗祠計深兩進一大斗左邊副祠初次造成用洋一萬一千元後因不戒於火又復加脩先後共約用洋一萬三四千元法聖祖房捐助洋八百二十三元榮茂祖房捐助洋一千四百八十元三台祖房捐助洋一千七百二十元華獻祖房捐助洋四千零二十七元敬德堂先後捐助洋五千元

冬十月奉南洋大臣兩江總督曾札委辦理挑選幼童出洋肄業陳荔秋容純甫帶領去美每班三十人共一百二十人分四年出洋經費山海關發給坐辦劉開生觀察

徐愚齋自叙年譜

十六

香山徐氏校印

同治十一年壬申三十五歲

茶棧茶莊如舊

在院捐局捐陸郎中仍分發兵部雙月選用並捐免保舉第一批幼童出洋

附記 創議成立廣肇公所緣起 先時余與葉順之潘爵臣二觀察合買二擺渡地方吳宅一所計地基十畝價銀三萬一千兩未幾

諸同鄉擬議公所時葉順之觀察權知上海縣事同與是議 先四叔榮村公唐景星諸公創集款設席於余之寶源祥號是晚諸同

鄉頗贊成葉公建議將余三人合置吳宅產業照原價讓出作公益之川三人各捐銀千兩首爲之倡陳善昌汪裕昌等各踴躍捐當

晚已集一萬另八百兩續捐亦近萬兩所短之數議將產抵於麥加利銀行繼由唐茂枝章文圃周雲甫諸君與余復議創集同鄉三益

會陸續籌還抵款此後凡廣肇兩府之事俱歸公所經理聯鄉里而

禦外侮公益誠非淺焉

管理廣肇公所及山莊帳目 廣肇公所成立所有帳目仍歸余管
查廣肇山莊之帳係同治三年接雲軒兄手本年公議歸併余擬推
唐景翁接管景翁謂時常出門未允接手業議仍歸寶源祥經管
至光緒九年法越事起寶源祥勢迫停歇積欠公所銀二千七百餘
兩無現洋可還即將本號現有廣肇山莊馬路邊之地六畝零以原
價抵銷後查該地於光緒二十六年由譚華經手賣與工部局得價
銀一萬四千餘兩有徵信錄載明此事差強人意蓋余經手公所山
莊各事二十年矣

同治十一年壬申七月初八日第一批官學生名單

- | | | | |
|-------|-----------------|------|----------|
| 曾篤恭 | 廣東香山縣
年十六歲丁巳 | 開礦 | 上海三馬路公泰棧 |
| 梁敦彥 | 廣東香山縣
年十五歲戊午 | 入律 | 廣東大其國省城 |
| 鄧士聰 | 廣東香山縣
年十四歲己未 | 機器 | 上海福州路廣安棧 |
| 蔡錦章 | 廣東香山縣
年十四歲己未 | 入律 | 天津法界 |
| 張仁康 | 廣東香山縣
年十三歲庚申 | 入律 | 天津法界 |
| 鍾俊成 | 廣東香山縣
年十四歲己未 | 入律 | 天津法界 |
| 石錦堂 | 廣東香山縣
年十四歲己未 | 中館 | 北門內大街上海 |
| 錢文魁 | 廣東香山縣
年十四歲己未 | 入律 | 天津法界 |
| 何廷樑 | 廣東香山縣
年十三歲庚申 | 入律 | 天津法界 |
| 黃錫寶 | 廣東香山縣
年十三歲庚申 | 入律 | 天津法界 |
| 陸天祐 | 廣東香山縣
年十三歲庚申 | 技藝 | 廣東省城 |
| 潘銘鍾 | 廣東香山縣
年十一歲壬戌 | 入律 | 天津法界 |
| 曹吉福 | 廣東香山縣
年十三歲庚申 | 入律 | 天津法界 |
| 劉家照 | 廣東香山縣
年十二歲辛酉 | 入律 | 天津法界 |
| 牛尙周 | 廣東香山縣
年十一歲壬戌 | 入律 | 天津法界 |
| 主事陳公蘭 | 廣東香山縣 | 同知容公 | 同帶往 |
| 黃開甲 | 廣東香山縣
年十三歲庚申 | 入律 | 廣東省城 |
| 史錦鏞 | 廣東香山縣
年十四歲己未 | 開礦 | 廣東省城 |
| 陳榮貴 | 廣東香山縣
年十四歲己未 | 開礦 | 廣東省城 |
| 程大器 | 廣東香山縣
年十四歲己未 | 技藝 | 廣東省城 |
| 歐陽廣 | 廣東香山縣
年十四歲己未 | 技藝 | 廣東省城 |
| 陳鈺濟 | 廣東香山縣
年十三歲庚申 | 技藝 | 廣東省城 |
| 鍾文耀 | 廣東香山縣
年十三歲庚申 | 入律 | 廣東省城 |
| 吳仰曾 | 廣東香山縣
年十一歲壬戌 | 手藝 | 廣東省城 |
| 容尙謙 | 廣東香山縣
年十一歲壬戌 | 開礦 | 廣東省城 |
| 羅國瑞 | 廣東香山縣
年十一歲壬戌 | 手藝 | 廣東省城 |
| 譚耀勳 | 廣東香山縣
年十一歲壬戌 | 入律 | 廣東省城 |
| 鄺榮光 | 廣東香山縣
年十一歲壬戌 | 開礦 | 廣東省城 |

徐恩齊自叙年譜

香山徐氏校印

同治十二年癸酉三十六歲

茶棧茶莊如舊
正月二十三日 先叔榮村公故於澳門年五十二歲
北山嶺村創辦義學由衆捐助十二年起光緒元年底止光緒十五
年起又續改中西學堂二十二年止光緒三十二年復開至今日
七月奉北洋大臣李札委會辦上海輪船招商總局議招股本百萬兩
是年祇招得股銀四十七萬六千兩
第二批官學生三十名赴美留學五月十八日放洋黃平甫親家帶往
申港兩處另有學生七名自備資斧同往

附記 招商局及仁和仁濟公司緣起 同治十二年七月奉北洋
大臣李札委會辦上海輪船招商總局會同唐道廷樞辦理查該局
初由朱雲甫觀察於同治十一年九月奉直督札派充總辦漕務彼
時僅有輪船伊敦永清福星利運四艘浦東碼頭一處迨同治十二
年五月李中堂面諭並札林委員月榷會同朱觀察約商唐景翁與
余接創商局其時名辦事者爲商總商董是年六月唐景翁乃奉札
充總辦除運漕事歸朱道經辦其餘勸股添船造棧攬開拓船路
設立各處碼頭山唐道一手經理又盛杏蓀觀察亦於是年七月十
八日札委會辦局務同治十二年商局招股擬招百萬是年祇招得
銀四十七萬六千兩迨至光緒八年始招足額是年議又招百萬共
二百萬光緒元年正月商局議自認江海輪船保險每艘二萬至四
萬兩此爲自保船險之基礎又光緒二年余與唐景翁陳菱南李積
善堂等創立仁和水險公司集本二十五萬試辦一年得利頗厚繼
又添招二十五萬共計五十萬復於光緒四年續創濟和水火險公
司集股五十萬兩共一百萬此因洋商嫉妬江字輪船川走長江用
華人張慎之爲船主不允保險是以多設一公司然有此百萬得力
不少而怡和等此後亦無異言如舊照保矣光緒二年冬旌昌輪船

徐恩齊自叙年譜

香山徐氏校印

公司經理人更調股票落價每值五十六兩攪儀生意又極疲滯有瑞生洋行卜加士達來云旅昌輪船公司有機可圖全盤出讓約銀二百五六十萬兩數日之內必須定見適唐景翁在福州盛翁赴湖北武穴無可與商乃與司友嚴芝樹二人通商籌計旅昌全盤何止僅值二百五六十萬除輪船不計外即以碼頭棧房而論如金利源金方東金永盛一連三處碼頭可泊輪船六七艘中棧碼頭一處水步最深可容外洋大輪又齊波碼頭及相連順泰碼頭並天津棧房碼頭長江各埠碼頭棧房均係扼要之區乃即定議商買越日還價元二百二十萬午後得覆讓至二百二十五萬大有遷就之意因即加增二萬共計二百二十二萬兩兩造允可先付定銀二萬五千兩另給憑信訂定先交銀百萬其餘分期陸續付解商定大略然事後追維未免出於冒昧為功則在衆友為過則一已獨承愆大之事此其一也然彼時電線未通乃專人至福州促唐景翁返滬余即持

徐愚齋自叙年譜

十九

香山徐氏校印

二萬五千之定單赴武穴就商商翁並將此事如何復述一通承翁翁贊許大有識見乃同回南京適唐景翁亦至公同商酌梅方伯桂齋亦贊幼農觀察均以爲是約同上轅稟見沈文肅公初以無款拒之繼經翁翁指籌各款約近百萬措詞得體頗動憲聽然款項仍未足須再籌商次日翁翁復同梅方伯等稟見又指某處有二十萬金可撥並經梅方伯等贊助事得有成沈文肅公乃一而出奏一面撥款協助當於光緒三年正月初五日照草議合同交銀二萬五千兩一面收回旅昌輪船十六號並長江各埠及上海天津甯波各處碼頭棧房山担文律師一手經理歸商局接管而商局根基從此鞏固皆盛翁之力爲多也後查順泰碼頭於光緒九年沽於怡和得價二十八萬似此旅昌之產除淨實付一百八十四萬耳

容尙勤

王鳳階

開禧

同治十二年癸酉五月十八日第二批官學生名單

徐愚齋自叙年譜

徐愚齋自叙年譜

二十

香山徐氏校印

- | | | | |
|-----|------------------------|-----|------------------------|
| 蘇銳劍 | 廣東南海縣人
年十四歲庚申
技藝 | 陳乾生 | 廣東番禺縣人
年十四歲庚申
入律 |
| 丁崇吉 | 廣東南海縣人
年十四歲庚申
中館 | 廣國安 | 廣東番禺縣人
年十四歲庚申
入律 |
| 鄭詠鐘 | 廣東南海縣人
年十三歲辛酉
技藝 | 方伯樑 | 廣東番禺縣人
年十三歲辛酉
技藝 |
| 陸錫貴 | 江蘇上海縣人
年十三歲辛酉
中館 | 曾鴻 | 廣東番禺縣人
年十三歲辛酉
中館 |
| 吳應科 | 廣東番禺縣人
年十四歲庚申
技藝 | 梁金榮 | 廣東番禺縣人
年十四歲庚申
中館 |
| 吳仲賢 | 廣東番禺縣人
年十四歲庚申
中館 | 李桂攀 | 廣東番禺縣人
年十四歲庚申
中館 |
| 宋文翻 | 廣東番禺縣人
年十三歲辛酉
技藝 | 鄧景垣 | 廣東番禺縣人
年十三歲辛酉
中館 |
| 黃有章 | 廣東番禺縣人
年十三歲辛酉
開礦 | 鄧桂廷 | 廣東番禺縣人
年十三歲辛酉
中館 |
| 梁普照 | 廣東番禺縣人
年十三歲辛酉
入律 | 唐元洪 | 廣東番禺縣人
年十三歲辛酉
中館 |
| 李恩富 | 廣東番禺縣人
年十三歲辛酉
技藝 | 卓仁志 | 廣東番禺縣人
年十二歲壬戌
中館 |
| 張祥和 | 江蘇上海縣人
年十一歲癸亥
中館 | 梁普時 | 廣東番禺縣人
年十一歲癸亥
中館 |
| 王良登 | 廣東番禺縣人
年十三歲辛酉
技藝 | 蔡廷幹 | 廣東番禺縣人
年十三歲辛酉
中館 |
| 溫秉忠 | 廣東番禺縣人
年十二歲壬戌
技藝 | 張有恭 | 廣東番禺縣人
年十二歲壬戌
中館 |
- 陳佩瑚 廣東番禺縣人 年十一歲癸亥 入律 容 揆 廣東番禺縣人 年十四歲庚申
- 另有粵東戶子弟七人搭附 委員黃平甫帶往
- 同治十三年甲戌三十七歲 茶棧茶莊如舊
- 七月初七日三子叔平生 穆香經兄進號丁未九月十三日故於家年六十六歲在號三十四年 朱勳塘兄來申專爲陳松舟之子麗堂與德商順發洋行訟案領事照 會粵督久未了結商余出塲會同龍鏡帆梁金池陳偉雲清理了結 第三批官學生三十名赴美留學十月初九日放洋祁兆熙兄帶往
- 附記 同治十三年甲戌八月初九日第三批官學生名單
- | | | | |
|-----|------------------------|-----|------------------------|
| 周長齡 | 廣東番禺縣人
年十四歲辛酉
中館 | 楊兆南 | 廣東番禺縣人
年十三歲壬戌
技藝 |
| 唐致堯 | 廣東番禺縣人
年十三歲壬戌
中館 | 黃季良 | 廣東番禺縣人
年十三歲壬戌
中館 |
| 康慶齡 | 廣東番禺縣人
年十二歲癸亥
中館 | 楊昌齡 | 廣東番禺縣人
年十二歲癸亥
中館 |

- | | | | | | |
|-----|------|----|-----|------|----|
| 林沛泉 | 年十二歲 | 中館 | 袁長坤 | 年十二歲 | 中館 |
| 徐之煊 | 年十二歲 | 小館 | 孫廣明 | 年十四歲 | 中館 |
| 朱寶奎 | 年十三歲 | 入律 | 鄭景揚 | 年十三歲 | 機器 |
| 鄭廷襄 | 年十三歲 | 小館 | 鄭賢信 | 年十一歲 | 中館 |
| 祚祖華 | 年十二歲 | 小館 | 唐紹儀 | 年十二歲 | 中館 |
| 曹嘉爵 | 年十二歲 | 中館 | 梁如浩 | 年十二歲 | 中館 |
| 薛有福 | 年十二歲 | 技藝 | 沈嘉樹 | 年十一歲 | 小館 |
| 徐振鵬 | 年十一歲 | 小館 | 吳敬榮 | 年十一歲 | 小館 |
| 宦維城 | 年十一歲 | 小館 | 朱錫綬 | 年十一歲 | 小館 |
| 程大業 | 年十一歲 | 小館 | 周萬鵬 | 年十一歲 | 小館 |
| 盧祖華 | 年十一歲 | 中館 | 曹嘉祥 | 年十一歲 | 中館 |
| 容耀垣 | 年十歲 | 中館 | 曹茂祥 | 年十歲 | 小館 |

徐恩齋自叙年譜 香山徐氏校印

光緒元年乙亥二十八歲

茶棧茶莊如舊

奉上海道馮照會會辦上海洋務交涉事件

二月十七日招商局福生輪船與怡和行澳順輪船相撞沉沒涉訟兩

月商局得直

合股開崇德錢莊分東西股本葉思賢主事東股唐西股席

履臣笏臣贊臣三位堂弟出洋肄業自備資斧未閱錢別照圖

第四批官學生四十名赴美留學九月十六日放洋歸其照兒帶往

江蘇辦津賑出力案內蒙前爵閣督部堂李奏保隨帶加二級

附記 招商局福生輪船與怡和行澳順輪船相撞沉沒涉訟事 光緒

元年乙亥二月十七日招商局福生輪船與怡和行澳順輪船相撞

沉沒查福生船裝漕米雜貨並搭客上下六十五人船上華洋執事

五十三人至余山起霧慢車放氣筒緩行不意次日十點三刻行近

黑水洋相距百里忽被澳順船橫撞而來形同丁字撞在船頭之右水即湧進頭艙時僅三分全船沉沒而澳順居然無恙計當時在船同沉者江浙海運員董光烈等二十三人司事五人客商九人舵水大工十三名僕人十二名西人一名浙江白糧七千二百七十石及客貨木料諸物遇救者僅劉才鼎等五十三人聞此警報慘不忍言一面派船探其存亡一面具稟請恤且與澳順涉訟兩月以來集審者六次傳難屬者二次雖經賠償未能足數而澳順尚思狡辨冀圖翻案幸理直在我終歸無效第念蒙難諸君既得卹典其如生者為難何因于局中先行籌措川資銀各五十兩另由盛杏翁單銜具稟於漕米備錢內每年撥提銀二千四百兩每家給百兩作二十四家以十年為期藉資撫卹此案遂定惟當時朱雲甫觀察意不謂然以盛憐他人之慨頗有微詞云

光緒元年未園飲餞圖記 淞水之北有未園未園者余公餘憩息

徐恩齋自叙年譜 香山徐氏校印

之所拳山勺水未足言園故曰未園地僅數弓而泉石深遂春夏之間池水如錦秋光老圃尤多晚香乙亥十月余與諸子弟宴集於斯宿雨乍晴小梅已綻羅浮風景春氣盎然因念太白所謂會桃李之芳園敍天倫之樂事者古今人果不相及耶是會也固為小勤弟回粵應童子試履臣笏臣贊臣諸弟將赴美國肄業爰約述齋枚臣揆臣玉生諸弟而以一觴公祖其行也飲酒既酣因命照影者集為此圖其中坐者余也左余而坐者玉生右余而坐者為履臣笏臣贊臣後余而立者為小勤述齋揆臣枚臣更有榜玉生而偶坐者依余膝下半坐者則余銀鍾兩兒隨行者也人生昆季歡聚良難今日方共會斯園而緣鏡在手驢駒在門明日之日即有天各一方之感不有斯圖曷留陳迹且粵為故鄉而童子試亦恒有之事也惟美國之行越重洋適異國執手依依得無有歎歎而不忍言別者然此事為曾文正 李傅相之創舉余又奉 文正公命襄理特選中華天資粹

美之幼童遣往美國聽陳荔秋太常容純甫觀察二公使督令肄業西學以備吾華折衝樽俎之才意至盛也法至良也然則余諸弟初次見遺於額而必請自籌資斧以行者豈非體諸鉅公爲國儲材之遠猷而他日學成而歸賓王利川其榮名所被固有更勝於一矜一第者而何必惘惘出門效兒女之沾巾哉余三妹倩蔡述堂季程弟先已出洋頌如秋畦宏甫業巨翼臣諸弟皆在門里未及與於斯會即不得綴於斯圖余尚不無遺憾云光緒紀元乙亥孟冬十月二十三日雨之自記

光緒元年乙亥九月十六日第四批官學生名單

- | | | | | | |
|-----|-------|----|-----|-------|----|
| 林聯輝 | 廣東南海縣 | 中館 | 唐榮俊 | 廣東香山縣 | 中館 |
| 陳福增 | 廣東南海縣 | 小館 | 吳煥榮 | 江蘇武進縣 | 小館 |
| 黃祖蓮 | 安徽懷遠縣 | 小館 | 周傳謬 | 江蘇嘉定縣 | 小館 |
| 陸德彰 | 江蘇川沙縣 | 小館 | 金大廷 | 江蘇寶山縣 | 小館 |
| 沈德輝 | 浙江嘉善縣 | 中館 | 沈德耀 | 浙江嘉善縣 | 中館 |
| 林聯盛 | 廣東南海縣 | 中館 | 唐榮浩 | 廣東香山縣 | 中館 |
| 劉玉麟 | 廣東香山縣 | 中館 | 陳紹昌 | 廣東香山縣 | 中館 |
| 黃耀昌 | 廣東香山縣 | 小館 | 鄭國光 | 廣東香山縣 | 中館 |
| 鄭炳光 | 廣東香山縣 | 中館 | 梁丕旭 | 廣東香山縣 | 中館 |
| 吳其藻 | 廣東香山縣 | 中館 | 馮炳鍾 | 廣東香山縣 | 中館 |
| 陳金揆 | 廣東香山縣 | 小館 | 朱汝淦 | 廣東香山縣 | 小館 |
| 沈壽昌 | 江蘇上海縣 | 中館 | 周傳諫 | 江蘇嘉定縣 | 小館 |
| 王仁彬 | 江蘇吳縣 | 小館 | 陶廷慶 | 廣東香山縣 | 中館 |
| 盛文揚 | 廣東香山縣 | 中館 | 梁金熬 | 廣東香山縣 | 中館 |
| 潘斯城 | 廣東香山縣 | 中館 | 譚耀芳 | 廣東香山縣 | 中館 |

光緒二年丙子三十九歲

參軍鄭其照帶往

徐愚齋自叙年譜

茶棧茶莊如舊

旗昌洋行所有輪船並各埠碼頭棧房由商局議價二百二十二萬兩先交定銀二萬五千兩全盤承受時總辦唐景翁會辦盛杏蓀均不在滬數日之內山余一人決議

又與唐景翁陳慶南翁李積善堂等集股本二十五萬兩開設仁和保險公司試辦一年獲利頗厚繼又添招二十五萬共股本五十萬兩奉李文忠公手諭

山兵部郎中在江蘇上海廿餘院統捐局報捐道員雙月選用

附記 李文忠公致徐愚齋之兩觀察手諭

徐愚齋自叙年譜
 二十三日
 香山徐氏校印

光緒三年丁丑四十歲
 茶莊茶棧如舊
 先大夫六十一歲 先太夫人六十歲粵滬兩處皆設壽堂祝壽
 辦理漕糧海運出力案內蒙湖北巡撫兼署湖廣督部堂翁奏保交部議叙

六月初十日四男建侯生
 正月初五日照草議同先交旗昌洋行定銀二萬五千兩一面收回旗昌輪船十六號長江各埠及上海天津甯波各處碼頭棧房由担文律師經理歸商局接管

正月商局議自認江海輪船保險每艘二萬至四萬兩此爲自保船險

之基礎

附記 三月嚴芝桐先生出局因朱盛大不合意釀成嚴黨兩字四
年秋復入局於二十九年病故

光緒四年戊寅四十一歲

茶棧茶莊如舊

辦理江鄂漕糧海運出力案內蒙湖廣督部堂李奏保加二品銜

集股五十萬兩續辦濟和水火險公司因長江江字輪船川我粵人張
慎之為船主洋商嫉妬不允保險是以多設一公司合共資本百萬兩
為自保之計自是而後洋商遂無異言如舊照保矣

商局承運天壇望燈木桿

附記 朱雲甫觀察病故於天津遺差奉北洋大臣李札委葉顧之
觀察入局會辦五年銷差離局

記承運 天壇望燈木桿

徐恩齋自叙年譜

十五

香山徐氏校印

光緒四年四川委員巫山縣知縣武震川東試用通判莊思恒奉兩

江總督沈四川總督文札委招商局總辦承運 天壇望燈木桿二

十六根頂大第一號長一百四十一尺大徑五尺二寸梢徑三尺頂

小第二十六號長七十二尺大徑二尺八寸梢徑一尺六寸可謂大

而長矣唐觀察景星翁肩任其事時商局舊日伊敦輪船經已改作

遠船即川此遠船裝載再派永清海定兩船拖帶各洋行分認保險

山仁和與怡和等行共保險本銀二十二萬九千兩每千兩照章保

費六兩五錢仍照章八折於五月初五日在吳淞口放洋十九日至

紫竹林以如此巨木浮沉重洋得免貽誤大工洵 聖天子鴻福齊

天矣武大令公事交妥旋升漢黃德道

光緒五年己卯四十二歲

茶棧茶莊如舊

是年留鬚

繼室陳夫人來嬪

山雙月選川道員在直隸晉賑局報捐三班指分浙江試用

光緒六年庚辰四十三歲

茶棧茶莊如舊

先大夫復來申

四女琳生

潮州等處勸辦普賑出力案內蒙直隸督部堂李福建撫部院丁會同

奏保以道員本班儘先補用

招商局奉調海晏等七輪船赴鄂裝載兩湖勇丁計馬隊六營步隊二

十一營送至直隸洋河口登岸歸湖南提督鮑帥超統轄余後謁見

鮑帥帥問香山章舉人東嶺後人如何余答帥帥何以知有章武舉帥

謂章奉桂撫檄招勇禦變逆彼時曾隸其部下惜為悍賊所誘中計而

亡否則章功業彪炳當不在吾輩下又謂有蔡康業軍門亦同時人云

徐恩齋自叙年譜

二十六

香山徐氏校印

附記 上海地皮產業家首推汪遠澤堂汪係麗泉洋行辦房後來

不知何故為該行主士蔑所中傷歸隱久矣某日士蔑忽來詢問汪

現在家否余察其形神尚善詞氣亦頗遜順料無別意然終恐非族

必異因對士蔑推却不知謂請問唐景翁或知其實余意景翁勢力

較大士蔑即不懷好意亦有所忌憚也後汪果得景翁之助資益不

少咸同之間汪遠澤堂經租處有娘子軍來攻舊債直攻至麗泉洋

行汪得士蔑之力幸不為娘子軍所敗蓋娘子軍之債乃士蔑之債

而汪所經手云

光緒七年辛巳四十四歲

茶棧茶莊如舊

二月初三日 先大夫故于漢家落樓傷腰病僅三天余在申聞電個

句回漢已不能親視含殮終天抱恨幸容口在漢飾終典禮一切如儀

靈柩為楠木所製得自劉君吉六手差強人意五庚後下葬於順水隄

魚地

冠詩姓卒於家年二十七歲

前山北嶺修宗譜十本外合內分同文局石印五百部川元一萬二千五百兩出支敬德堂數尤賴合族諸君出力得以告成

奉北洋大臣札委會辦開平局

余讀禮鄉居紳耆父老以鄉事就商蓋據地師朱花軒曾容光諸先生言謂吾鄉風水須築圍墻改灣大溝整脩文閣墾闢後坑若能如法整治日後丁財貴不可限量舉貢滿桌可操左券後坑加高種樹且能使諸病悉除耆老因是欲動遂以鄉中應辦大小事十七件共需銀三萬餘兩開議且謂我能擔任半費餘當合鄉任之此皆公益之事諒必當仁不讓云云余以衆議僉同力爲贊成公舉六人敏立經立渭南蔡華才吳海舟另舉德奇叔義立兄吳竹脩君三人專在鄉間經理銀錢又舉仁立兄秉詩姓二人在中調度銀錢議定擇吉開工至十六年止共

徐愚齋自叙年譜

二十七

香山徐氏校印

用銀二萬八千五百九十一兩六錢點驗工程四圍墻垣一度計三百餘丈大溝改灣轉仔廟前週文閣東側而出海整脩文閣四方改爲六角西南轉爲東北層層疊疊飛閣流丹竟乎向矣其次則造鄉約以爲公議之地填平馮氏婆舊穴地前池塘使無繞道之難墾寬後山土坑種樹以平瘴癘之症修改出入各路以便往來行旅凡茲十二事所費已近三萬若十七事併力而成似非五萬金不辦查鄉人損項僅有涓南一千元經立七百元敏立三百元共計二千元其餘均出敬德堂帳雖去私財幸獲公益不少以今考之丁財貴三字亦多似應驗也

附記 二月北洋札委張叔和觀察入局籌辦漕務

自記行述

僕粵東澳門內鄉人也世居北山嶺咸豐二年即西歷一千八百五十一年年十五隨同 先季叔山香港附英公司輪船至申水脚每客收洋一百二十八元船名利地咿囉船主名古美臣行七日始

徐愚齋自叙年譜

抵吳淞下旋上登船附近覓渡到上海 先叔即命赴蘇州書院讀

書數月苦無所得折回上海時 先伯銜亭公充寶順洋行買辦調

見命棄書就賈即於寶順洋行學業數年後英法和約成南北通商

時寶順行主章伯氏商派粵友陳樂明宋達泉等赴煙台天津牛莊

分設寶順洋行又派楊明軒蔡倬麟等坐一校半桅夾板船船

名允德船主馬厘士東渡時初通長崎大獲厚利旋派黎湘林續開

橫濱神戶相館等埠又派族姪渭南同學鄭濟東盛恒山楊搗山及

黃墨硯等試行長江船名揚子船主參品開赴漢口等處通商船回

至采石磯遇礁微有擦損回申放港修理並買明輪一艘原名勾雲

那毡拿羅總督船主名麥根買價相宜行駛長江獲利甚厚客位七

十五兩貨備來去每噸二十五兩並拖民船十五兩此後續添江輪

三艘向有往來申港輪船兩艘進口之貨以大小洋藥雜貨布疋爲

大宗每年另有大夾板洋貨船數十號出口之貨以湖絲棉花紅茶

徐愚齋自叙年譜

二十八

香山徐氏校印

綠茶等類統計該行進出口生意年有數千萬彼時該行在中國可首屈一指查長江北洋東洋未開口岸之前生意無不獲利自經開岸之後四通八達洋行如林經營利息年薄一年且值該行股東生意收縮僕因設立寶源祥茶棧自願茶業矣回憶行主章伯氏職滿回國臨別贈言謂上海市面將後必大爾於地產之上頗有鴻志再貴數語如揚子江路至十六鋪地場固妙而南京福州河南四川等路可以接通新老北門直北至美租界各段地基爾儘可有一文置一文云云歷驗所言具有效果以今計之入地二千九百六十餘畝造屋二千六十四間自謂不免過貪耳

寶亭公遺訓

余今年六十有五矣此病殆不起吾死亦何憾所憾吾生平無以爲子孫法者耳吾少時不能多讀書去而習武數年亦未盡其技若負綬而耕服牛馬而買更非吾所願徒以事事得 太夫人歡心爲

九七

太夫人所鍾愛謂吾能順視故諸兄弟出遊於外而吾獨留常在
 太夫人左右善為菓子戲往往日夕賭不輟又墮阿芙蓉障中至
 盛時嘗十日而盡一勛可不謂多乎凡此種種豈可為子孫法者惟
 吾性耿直而坦自磊落使氣能任人所不能任里黨有糾紛不解事
 吾嘗正言斷之雖罄吾財不悔吾中年設渡船來往澳門省間一日
 薄暮發自省垣眾客皆登舟將解纜矣有一十五六歲女子守行李
 獨泣於埠頭吾問之則其父因歸覓枕箱久而未返者也吾尚以至
 涼有所歸否女答曰有吾巡載之澳明日其父亦來澳甚感謝吾偶
 步戶外見一旬婦坐土地堂之隅將分娩時日方暮且大風雨吾即
 招至入室飲以蔗水須臾產一子又予以薄貲婦喜而去是二事者
 他人或謂吾以不知避嫌又病吾不避穢皆非是然吾竟無他事意
 者吾本出以至誠夫人之間亦感應以至誠耶此亦不必遂為子孫
 法而在吾尚可述以告子孫吾子孫其識之避嫌避穢常情也不避

徐愚齋自叙年譜

二十九

香山徐氏校印

嫌不避穢吾所獨也可為則為之而已至吾他事則真不足法也

右先大夫臨終手書遺訓諄命隨處錄之以示子孫所以存吾真
 也不宜諱而不錄潤敬受教故於遺像上方書之並附錄於傳後
 以承 先志潤識

何欽使題先大夫像贊

賢母有子凡四人兮公之事親尤謹誠分體親心游天眞分親不
 忍離俾家食兮公不忍離俾家食日兮如老萊子至如白帝天公
 通至誠分宗族敬公奉大名兮鄉鄰式公亦同聲兮公雖多財不自
 惜兮仁業業業急人急兮感公恩者且泣兮光緒八年歲在壬午
 初秋大埔子 賤 何如原升贊

北嶺鄉修築十七款善舉記

光緒七年辛巳冬余自滬返里適鄉中親族父老議興善舉十餘事
 曰圍墻曰築壘曰種樹曰修橋曰平道路曰濬溝渠曰作廟宇曰遷
 文閣以及創社倉興立義塾造鄉所設帛金會計須籌備三四萬
 金方可集事越日集議囑余担任並擬隨捐隨辦余以為苟可捍患

禦災救陸風俗則一時之勞百世之利誰屬桑梓義不可辭於是舉
 族姪渭南族兄經立敏立蔡君華才吳君海舟為經理舉族兄仁立
 義立族姪秉詩管理收支其工程之事則族叔德昭德祺蔡君威麟
 任之誠吉舉辦余因事赴滬未獲一手管理壬午秋遣潘克仁先生
 到鄉將本莊各宅房屋街道大小田畝逐戶編號分段繪圖擬仿隣
 村修築石路辦法隨後因事不果泊癸未秋九月法越蔡君滬市牽
 掣余亦周轉不靈幾致無可收拾不遑兼顧矣迨光緒十六年稽查
 此項工程支出先據德祺仁立義立秉詩報帳敬德堂共填付銀二
 萬八千五百九十一兩零二分四厘除當年公議由紳耆出名典押
 之東邊屋產及大潭田銀一千三百六十七兩八錢山敬德堂備款
 贖出應歸敬德堂執業外實共支用二萬七千二百二十三兩二錢
 二分四厘查當日原議其經費由潤認捐五成眾姓認捐五成無如
 各人所捐者計銀二千兩洋三千元其實收到者又僅得洋二千元

徐愚齋自叙年譜

三十

香山徐氏校印

則眾姓認捐五成尙欠該銀一萬二千餘兩且多有未竟之工尙待
 舉辦又圍基築路開溝所用各姓田地有未曾付價者每年仍向潤
 收取租金一百十餘兩因其啓邀請會議以符前言乃時過情遷咸
 置不理即當日認捐而未收者亦以物換星移付諸能論誠見公事
 之不易為也但事關公益且據堪輿家說謂如此佈置二十年後當
 有名世之才位至藩臬者今妹借蔡君述堂以花翎頭品頂戴任津
 海關道保升交涉使族弟季程游升鎮台富貴功名方興未艾似不
 止藩臬而已此外子嵩從姪前署四川大竹縣令改省河南同知建
 侯七兒丙午科考取商科舉人為鄉里光是地理之道似非無因又
 我本村間有患麻瘋者向來相連不絕經此番修築將後坑填高二
 十年來竟未有染此病者亦一奇也故潤樂得而為之也

光緒八年壬午四十五歲

五兒超侯生

留三姑出閣年十八歲子歸木村蔡述堂紹基

潘克仁到鄉繪圖為文以記之

從鄉人願修築北山嶺風水捐銀數萬

奉北洋大臣札委會辦貴池煤鐵鑛

從弟秋畦宏甫集股創辦同文書局余力贊成並附股焉

同治十二年招商局招股百萬是年招足議再招百萬共二百萬兩

附記 查石印書籍始於英商點石齋用機器將原書攝影石上字

跡清晰與原書無毫髮爽縮小放大悉隨人意心竊慕之乃集股創

辦同文書局建廠購機搜羅書籍以為樣本旋於京師寶文齋覓得

殿板白紙二十四史全部圖書集成全部陸續印出資治通鑑通鑑

綱目通鑑輯覽佩文韻府佩文齋書畫譜淵鑑類函駢字類編全唐

詩文康熙字典不下十數萬本各種法帖大小題文府等十數萬部

莫不惟妙惟肖精美絕倫咸推為石印之冠迨光緒十七年辛卯

內廷傳辦石印圖書集成一百部即由同文書局承印壬辰年開辦

甲午年全集告竣進呈從此聲譽益隆唯十餘年後印書既多膠木

愈重知難而退遂於光緒二十四年戊戌停辦

八月鄭陶齋觀察奉北洋札委幫辦攬俄十年二月離局

光緒九年癸未四十六歲

玉生弟年二十一歲十二月間夫婦二人奉命回家為 先伯母八旬

大慶祝禮坐招商局懷遠輪船同船搭客共約二百餘人連船上執事

統計約三百人行駛溫州口外小嶼山觸礁沉沒其時適遇大霧又值

風雪全船覆沒後查遇救得生者十一人而已是役也大婿楊從之因

家事赴粵另有從姪四人二人本在船上執役二人因回家娶親連戚

族共七人同遭此難悲慘無已

招商局將所買旗昌行之順泰碼頭轉沽與怡和洋行得銀二十八萬

似此則旗昌之產除淨實付一百八十四萬是年填駁金利源碼頭建

徐愚齋自叙年譜

三十一

香山徐氏校印

造三層樓棧房又造廣利富順兩輪寶源祥在漢口購買善昌升茶棧

連碼頭計價銀四萬五千兩後原價歸招商局

六月招商局結第十屆年帳由壬午年七月起至是年六月底止為一

總結

臘月送灶日劉壯肅公省三白蕪湖派差送來現寶一百隻

報辦貴池煤礦招股未足停辦

記地畝股票合業始終與政事略

附記 唐景星翁奉北洋札委赴英國考查商務船務十年回申言

及此次出洋眼界為之一寬所見外人商業船務鐵路一意經營不

遺餘力殊深欽佩且與太古怡和兩行東訂交最密三公司合同遂

由以起於輪船利益挽回不少也

招商局結第十屆年帳 自光緒八年壬午七月起至光緒

查是年存欠各帳計該股本元二百萬兩官款存本元九十六萬四

千二百九十一兩九錢三分七厘船險公積元二十五萬二千三百

五十三兩六錢九分六厘備存公款元七萬七千六百三十六兩四

錢七分五厘等墊存款元二百三十七萬零三百四十五兩四錢一

分五厘四共結該元五百六十六萬四千六百二十七兩五錢二分

三厘此存款之實在也又計欠款計存開平股分元二十一萬兩荆

門股分元五千兩朝鮮借款元二十一萬兩各口水脚元三十七萬

二千一百六十六兩七錢一分一厘輪船二十七號成本元二百八十

萬兩小輪燈船駁船成本元二十一萬兩上海天津烟台福州汕頭

港澳汕頭及長江各埠局產房成本元一百七十一萬六千兩煤料

雜物各局生財漕米麻袋等項元十四萬一千五百十兩零八錢一

分二厘共結存元五百六十六萬四千六百二十七兩五錢二分三

厘此欠款之實在也

招商局第一屆至第十屆生意彙總

徐愚齋自叙年譜

三十二

香山徐氏校印

共得船利規銀三百九十七萬六千零四十三兩三錢五分一厘內
 除另支各船脩理規銀十九萬八千九百五十三兩八錢六分六厘
 又除三公司公攤支規銀二萬三千一百兩零八錢九分
 淨計船務共餘規銀三百七十五萬三千九百八十八兩五錢九分五厘
 清務共餘規銀三十三萬五千八百六十三兩九錢二分五厘
 各產租息共餘規銀六十七萬八千六百八十八兩四錢二分七厘
 自保船險除撥收規銀三萬一千二百七十六兩七錢八分二厘
 共結餘規銀四百七十九萬九千七百四十七兩七錢二分九厘
 各項費用共支規銀十二萬二千九百二十二兩三錢八分五厘
 棧房開銷共支規銀二十六萬六千一百三十九兩零五分七厘
 各項脩理共支規銀十四萬五千零九十七兩七錢四分
 各項利息共支規銀一百三十一萬九千七百三十一兩三錢三分
 六厘

徐愚齋自叙年譜 三十三 香山徐氏校印

官款利息共支規銀九十三萬五千三百三十八兩零八分二厘
 股分官利共支規銀八十七萬零八百三十三兩六錢三分六厘
 捐助賑濟共支規銀二萬零六百四十三兩九錢五分二厘
 提貼朱雲記折價規銀四萬二千兩
 水脚無着共支規銀四千七百一十一兩五錢二分九厘
 各船折舊共支規銀二萬三千一百零六兩六錢五分五厘
 執事花紅共支規銀六千七百七十一兩四錢零四厘
 共結支規銀三百七十五萬七千二百九十五兩七錢七分六厘
 統共除支實餘規銀一百零四萬二千四百五十一兩九錢五分
 三厘

記劉壯肅公送元寶事略 光緒九年癸未
 臘月送壯日劉壯肅公省三自蕪湖派差送來現寶一百隻並無函
 札僅有名片據差官云主人吩咐見徐大人勸勿灰心可認真作事

發達還我云云嗣於二十年六月初十日山天津慶善劃交北洋鐵
 軌官路張瑞卿代收銀二千四百兩又於乙未年八月十二日由上
 海付交張鴻卿觀察代收元二千六百兩均有收條存查初余之獲
 締交於劉爵帥也由謝介鶴汲引光緒五年劉爵帥偕同周海玲徐
 傳忠兩軍門到申以謝係鄉誼往還最密余因得與論交遂留住於
 未園適館授餐計居三十九天其時郭子美軍門張五先生楊雲階
 親家周達武軍門龔仰蓮觀察並彭器之諸公先後蒞止福建藩司
 寶芝岑亨同時在中因友及友交誼日深同訂盟焉迨癸未運甓周
 轉不靈獨蒙故友劉爵帥別具熱腸以鉅金周急勉為其難殊深知
 己之感繼又招余赴臺籌辦基隆煤礦乃以水土不服辭歸有負
 高情然得此益友匡助實多書以誌感

記地畝股票合業始終與敗事略 光緒九年癸未
 上海自泰西互市百業振興萬商咸集富庶甲於東南地價日益翔

徐愚齋自叙年譜 三十四 香山徐氏校印

貴以今視昔利逾百倍蓋亦有幸不幸焉如余所購之地未建築
 者達二千九百餘畝已建築者計三百二十餘畝共造洋房五十一
 所又二百二十二間住宅二所當房三所樓平房街房一千八百九
 十餘間每年可收租金十二萬二千九百八十餘兩地畝房產名下
 共合成本二百二十三萬六千九百四十四兩外又買存各項股票除
 沽外實存四十二萬六千九百一十二兩八折作三十四萬一千五百
 三十兩又合業典當架本三十四萬八千五百七十一兩三錢七折
 作二十四萬四千兩股票抵押各欠三十九萬七千兩共計實有銀
 三百四十萬九千四百二十三兩三錢股票八折與本七折作銀三
 百二十一萬九千四百七十兩地畝房產初意招股合辦每股本銀
 十兩集四百萬兩之大公司先收股本二百萬後繳二百萬以成公
 益之舉旋有英國友名顧林本運動家與余商定擬至英京將所有
 房產按銀二百萬四五厘息二十年期助余興築啓程赴英時余因

贈以程儀萬兩其時余所置地產祇值一百五十萬因復添購六十餘萬計賴林回國後初聞患腦病繼聞成癩病竟致去同黃鶴計公司往來錢莊二十二家共銀一百零五萬二千五百兩又股票抵款四十一萬九千九百二十兩又洋行房產找頭抵款七十二萬一百十八兩又各存戶三十二萬九千七百零九兩共計該款二百五十二萬二千二百四十七兩不虞突遭癸未之變中法揚言攻製造局灣馬江悉開仗法兵輪駛抵吳淞查進出口之船並揚言攻製造局以致人聲鼎沸紛紛遷避一民船貨價至二三百金舉市所存現銀不到百萬恐慌不堪言狀巨家如胡雪巖劉雲記金福壽皆相繼壞事其餘號商店舖接踵傾倒不知凡幾誠屬非常之禍各錢莊草木皆兵於是與公司往來之二十二莊公舉在事六人乾通莊馮澤夫延生莊張子衡安滋莊周味蓮成吉莊李學君義裕莊洪晉卿公司亦舉六友黃煥燦屠雲峯謝綬之嚴芝楣及本公司友周榆齋穆奮

經公同商權議將余所有款三百四十餘萬全盤推出以鎮定二百餘萬之款馮澤夫倡議即以該款每股作五百兩制合公司具有見識乃商於謝綬之託其運動盛杏蓀與股一半公司即可成立詎謝綬之云盛亦一空心大老無力於此似可不談於是轉商各莊各莊但願目前亦無遠謀議定以兩年為限售現分攤不能不以賤價脫手以三百數十萬成本之產業祇攤作二百餘萬之款清償完結受虧至八九十萬豈不痛哉查當時所推之房產共計三十二處如青雲里祇作二十七萬餘兩今值一百二十萬兩靖遠街作十二萬餘兩今值三十八萬兩元芳路三處作十九萬兩今值七十四萬餘兩以三十二處統計共推作一百二十二萬九千八百兩照今分類估價實值五百二十九萬四千兩此外抵與德和洋商者人和當基即今之杏花樓等處推作四萬八千兩今值四十二萬兩又傳與盛杏蓀二馬路住宅房地三萬餘兩現開客利西飯館聞每年得地租二

徐愚齋自叙年譜

萬餘兩期滿之後克利所造之屋歸於業主利難勝算矣又所推之地畝共計二千九百二十一畝四厘五毫如珊家園地每畝作四百今值四五千兩怡和碼頭裏地每畝作五百今值九千兩盆湯街橋北地每畝作五百今值一萬兩吳淞路地每畝作五百今值六千兩以二千九百餘畝統計共推作一百萬七千一百四十兩照今分類估價實值九百九十一萬四千五百九十一兩此數項已共值一千五六百萬加之股票典本不下一千七八百萬兩豈非成一大富家乎乃廢之半途毀於一旦反致大虧命耶運耶撫今追昔能不慨然所謂有幸不幸者夫

光緒十年甲申四十七歲

五女琛生

修宗譜完竣

爲玉生故弟補傳

記寶源祥賠結招商局各數

寶源祥賠結招商局各數事略

光緒十年甲申招商局及保險公司抵款與寶源祥往來帳連代別號擔賠短欠之數共該元十六萬二千二百五十六兩八錢七分五厘當將鎮江房產及永業里源芳街乍浦路共四段作息七厘抵元六萬七千一百五十四兩又山各莊劃交現銀六千八百七十二兩八錢一分除劃抵外尚欠元八萬八千二百三十三兩零六分五厘初時余與局中常事諸公熟商以余駐局坐辦十一年僅支薪水二萬五千兩應否公道補回查去年出局時存有閒雜餘款元三十餘萬兩照章二八花紅余亦應有沾潤如朱氏兄弟同辦局務每年提江浙九五清備計有十餘萬別位會辦歷年江廣漕糧及採辦糧米年中得益水脚餘米一二萬或十數萬雖各有應酬開銷分數亦非甚大但與余比較得益總多計余會辦十一年自問有功商局之事如

徐恩齋自叙年譜

三十七

香山徐氏校印

第一次招股一百萬徐姓認股二十四萬第二次招股一百萬如之前後徐姓共認股四十八萬招商北棧第一地段是乃寶源祥產照原價讓局漢口善昌碼頭棧房寶源祥買定亦原價歸局復以各輪在外開保險利權外益因與唐景翁陳菱南李積善堂等先集股本二十五萬兩試辦仁和水險公司生意頗旺可得利三四分後再集本二十五萬共五十萬兩全盤讓局其時洋商始忌意存抵制故又再集本五十萬接辦濟和水火險公司挽回利權受益不少當時祇嚴芝棚力為贊成此外同事頗多皆議唐景翁亦不能代為分辯目笑存之光緒三年定買旗昌輪船公司等款付價雖查翁一人之力然當初議時唐景翁盛查翁均不在局祇余一人主持三日之內已將草約主決又法國寶公使回國到申住一禮拜允准金利源外灘填地三十餘畝築學碼頭此事唐景翁預先約定後由局友黑面畢拉陳輝廷雷司德力助乃克有濟遂造三層樓棧房並造能泊六輪船之碼頭永沾利益以上數事不為無功可否將前欠之數酌讓而議者謂數目業已稟上無可改動乃議以局股時值五十餘兩作原本百兩歸結於是向親友告借船股八百八十三股歸局抵銷清楚尚存餘元六十九兩九錢三分五厘亦無找回此均迫於壓力無可如何幸議訂在前此項股票仍可贖取隨於乙未年先行贖回五百四十股尚有三百四十三股未允贖回因其時市價已漲至一百二十兩為經理所阻耳另南十六舖余有碼頭地一段置本造房計元一萬六千兩局員不知其地大小屢屢來索其實不過六七畝耳該地頗費唇舌一要強買一斬不與嗣經嚴謝調停照原價加元萬兩讓之然其地按照時價實值四五萬金後探悉當事之意蓋恐唐徐在此地另開輪船碼頭與局爭衡故欲以強力搜取之也

兩記欠招商局款抵數有餘表

原欠共規銀十六萬二千二百五十六兩八錢七分五厘

徐恩齋自叙年譜

三十八

香山徐氏校印

付過規銀六千八百七十二兩八錢一分
 淨欠銀十五萬五千三百八十四兩零六分五厘

一交局股一百五十股合規銀一萬五千兩
 一交局股七百三十三股合規銀七萬三千三百兩
 一交房產四段行息七厘合規銀六萬七千一百五十四兩
 兩抵外共結餘銀六十九兩九錢三分五厘

四段房產列表

一鎮江地作銀八千兩 當時山場谷山照原價購去
 一永業里五畝四九 三十一畝七 作銀三萬二千三百三十六兩
 一源芳街六分六九 九十二畝四 作銀四千八百十八兩
 永業里歸局時每年租銀二千二百六十三兩五錢 計七厘息合
 值三萬二千三百三十兩後吳手查現年租銀二千二百二十三兩六錢

源芳街歸局時每年租銀三百三十七兩二錢六分 計七厘息合
 值四千八百十八兩後吳手查現年租銀三百七十六兩六錢

此兩段前後利息相仿山兩記備原價贖回

一乍浦路四畝二分三六 四畝四 作二萬二千兩 計七厘息合
 二萬二千兩

此段地即今盛查翁之多子多孫里產業兩記於光緒十年抵入商局至二十三年已值加倍之價查翁對人曰此地未贖於兩記面上不雅我為贖之免得多挂一筆帳遂照十年分抵數原值取去既沽其利復沽其名但為勢力所壓知者不敢言不知者反以為待我之厚口蜜腹劍良有以夫

兩記另有十六舖地歸入商局緣由

計地四畝四分四八四畝三分一九又一一段計地二畝一分五五

圖二畝零九五

宿站初八日至石碓六十里尖站晚至古北口四十里宿站初九日
 至山水溝六十里尖站晚至三道標子四十里宿站遇蒙古友吳李
 汪三人長談數刻學得蒙古語近旬初十日至灤平縣六十里尖
 站晚至熱河四十里宿站十一日至高士台五十里尖站晚至歸家
 房四十里宿站十二日十點鐘至孤山子住兩天滿山細驗適有駝
 駱兩乘即行僱用十五日起轎至頭溝七十里尖站晚至熱河七十
 里宿站寶元店店主楚立亭掌櫃朱蘭坡十六日遊行宮大佛寺等
 廟行宮如上年九月遊拉度寺相似十七日入宮十八日起至灤平
 四十里尖站晚至長山峪八十里宿站十九日至古北口八十里尖
 站晚至石碓四十里宿站二十日至密雲縣六十里尖站晚至牛郎
 山五十里宿站二十一日至李家橋四十里尖站午至京兩點寓孫
 河賈大豐車店二十三日午後兩點起轎出通州五十里七點到宿
 站下船返津

徐愚齋自叙年譜

四十三

香山徐氏校印

十二日到孤山子住兩日是日十點鐘晤各友張星舟徐仲三陳達
 三羅岳生李倉生謝雲明袁倒限詳談一切一點半鐘晤爵治即哲
 爾者與其夫人美醫生打倫敦德架司阿弟賴安畢德格明子同往
 驗化銀爐廠各處十三日晨勘磨沙各廠十點鐘偕哲爾者落壠口
 約深四百尺往西落四百六十尺驗得砂線厚約兩尺復往各橫壠
 驗看轉回大井直落五百尺各段均取小辨石堅水少苗質各有厚
 薄知下土情常出粉頭銀線銀粒惜乎不多着李把頭立取少許是
 晚即託張君星舟抄列各項開銷與各工帳略又託羅謝兩君抄列
 配鎔化各料十四日驗羅岳生兄小鎔化十種配料另錄再到各處
 一期回拜畢哲各西友均談論良久夜間與仲三達三諸君詳論歷
 年本山大旨

鎔爐目下配料以千磅計

上銀砂二十五磅 二號銀砂八十磅 三號銀砂八十磅 磨沙

徐愚齋自叙年譜

房幼砂五十磅 提銀皮之鉛渣二十五磅大 砂球二十五磅
 底砂二十五磅 塘塊鐵礮四邊三百磅 本山灰石一百
 二十五磅 老君廟鐵石四十磅 本山鐵石一百二十五磅 頭
 溝鐵石二十五磅 以上十二種九百二十五磅另焦炭一百五十
 磅柴炭十磅共一百六十磅取出井內銀石粉頭鉛條生洋銀土槽
 子錠各種灰石鐵石各小樣

該礦開辦僱西人十五位正礦師連副鎔化師哲爾者年需元一萬
 副礦師克力架每月三百兩 司達連頓每月二百五十元 看鎔爐司德
 架士每月五元 礦井司阿弟每月五元 副礦井司賴安每月
 五元每月 醫生津發以上各西人來往飯食住房各費均歸局給
 各機房洋匠格司克每月二百元 丹林每月一百元 下井各司魏瑟每月
 馬克律每月四元 德爾根每月五十元 快樂每月五十元 正鎔化司郝立手法
 不妙每年三千 以上七位月給飯食各二十五元

徐愚齋自叙年譜

四十四

香山徐氏校印

十二日折爾者驗粵東天華礦石挑五種小鎔化一號井之半邊灰
 色砂江石各半土人不要未批 三號井之初見好苗石色白藏灰色
 苗烏點未批 三號深下一百五十尺方小塊鐵磚作第三號貨批每
 三三號井深一百五十尺烏水兩塊作第二號貨批每斤 以上折爾
 者自化

十三日羅岳兄化十種列後以一噸作二千磅
 一畢公新取苗 二大石粉鉛苗 三大嶼山鉛苗傾出十二斤五
 兩 四潭州三號中貨硃砂苗六百三十六斤九兩批一 五高壠
 口批一 六鐵面方小塊批三 鐵面苗四千五百
 十斤批三 七新開烏水苗三千零四十六斤二兩批二 八大苗
 取銀色苗四百元九十九斤 九三號初見白石烏點十九斤二兩
 十一號井灰紅石十五斤二兩批一
 四月十六日遊熱河八大廟十八景佈達拉乘之廟 行宮遊之廟 寶

一〇五

地祥輪福緣恒廣大佛寺 寺在香山 伊萊廟 廟在香山 圓亭子 亭在香山 前寺 寺在香山

後寺 寺在香山 石頭園 園在香山 羅漢堂 堂在香山 捷台寺 寺在香山 升冠廟 廟在香山 羅漢山 山在香山 蛤麻石榜

子山天然橋雙塔峯元寶山行宮熱河鷄冠山

十七日入宮 廉正門 門在香山 避暑山莊 莊在香山 避暑山莊 莊在香山 滄泊敬誠中殿

宮左太后宮右太子宮 宮在香山 察更處九員每人一輪林一臣總

辦李陰市頭關坐游船過五湖三堤見如意洲至金山寺 寺在香山 廣玄宮東北

坐地屏嵌寶 寶在香山 永佑寺即六合塔 塔在香山 月色江聲康熙飲茶處 處在香山 靜寄山房清園閣寶

堂 堂在香山 小香幢亭勤政殿福壽園 園在香山 芳園居即買賣街 街在香山 鹿

三四百頭驢子不少

附近烟筒山 山在香山 孤山子 子在香山 三道溝 溝在香山 瑤溝 溝在香山 熱水 水在香山 長泉兒 兒在香山 駱駝

巴頭溝 溝在香山

徐恩齋自叙年譜 四十五 香山徐氏校印

避暑山莊景最奇風魔嶺外望中迷鷄冠挂月三千丈僧帽連雲數

百餘羅漢山高人盡見碧鐘峯大話如虛朝陽雙塔藏仙子元寶穴

內長靈芝蛤蟆石兒向南臥德滙門前滿熱溪

光緒十五年己丑五十二歲

接辦香山縣天華銀礦此礦原係何崑山經理幾年之間用銀數十萬

未許傍人言忍不可忍後由李亦文轉託唐景翁接辦謂如能借到哲

爾者礦師雖再用二三十萬不成亦所甘心此刻先籌發本救本之法

公等如能招股更為樂得否亦但求成事便妥現在銀兩由李一概墊

辦全歸益隆進出查李何久成水火故李如是担任也

七月初四日去津坐豐順船船主的時哩帶有家眷余與大北電報局

軒能臣同住大客房統船客過百位中多赴順天鄉試考生船上備貨

萬件沿路風平浪靜初六日午後六點鐘駛過成山燈塔上忽聞炮響

之聲始知誤觸暗礁一驚匪小外望離明礁不遠船主尚在出橋探該

處水約深三十餘托頭輪水入二尺餘滿船搭客驚惶無措恐就此

沉下幸再過十分鐘機房後艙尚未入水唯頭艙已入六尺隨即駛至

附近淺灘擱起再驗頭艙水已入七尺餘矣此時人心稍定據軒能臣

謂再遲六七分鐘船頭墜下即全船沉沒無可挽救幸托天之福始得

轉危為安云云是夜海風極大整夜不能睡滿船諸人皆然派人專信

至榮縣撥兵招呼並稟總局隨據威海烟台水老鼠來驗船底已積沙

四五尺傷在龍骨斯時人心大定風止霧來霧止拯救命旗加吹氣筒

適日新船由牛莊回至此停鋪過客過行李等件駛去烟台余與軒能

臣的時哩到烟台商局查翁處夜深已睡彼此晤商隨放泰安兵船李

載之兄同去一面將實情電報總局並請轉告舍間

附記 周榆翁道光二十七年進 先叔榮記絲號咸豐九年進寶

源號同治四年到寶順行寶源祥十五年離號就張恒和鹽號二十

年回家二十二年丙申身故年七十二歲

光緒十六年庚寅五十三歲

七月初八日先室吳夫人病故於澳門年五十一歲余在潭州銀鑽趕

回未得見面時子女均幼時運又不順傷心易極十月底余返申當

吳夫人病故時尚未得孫葬於石蓮花山後鄉間親族均云該地不但

不妙且有白螞蟻宜速遷移時境遇略蹇議久不決冬月着月詩回

家在境外四邊開穴四五箇深約二三尺藏松柴幾塊俟十七年清明

日開試如何再決迨後覆驗松柴安然無恙則言亦止從此不復再議

嗣後年年添孫生意亦順至今已十二孫矣各人轉謂該山為蝴蝶地

又稱爲美女照鏡實係丁財貴之地前後異詞實不知從何說起如當

時稍有誤信豈非可惜故風水兩字以勿信勿泥爲要余歷年經手所

葬之山如 瑤亭公葬於石蓮花 先祖妣葬於造貝 鍾亭公葬於

北山均係照 四先叔指定此外葬 寶祖於順水鯉魚地葬 何氏

伯母於鯉魚仔路邊葬 楊氏太夫人 吳氏庶太婆 呂氏三叔母

徐恩齋自叙年譜 四十六 香山徐氏校印

吳氏先室於石蓮花後山葬陳氏繼室於上海北心潭又置山地一大段在懷仁祖西邊均稱穩妥

奉兩廣督憲李札委會辦香山縣大華銀礦此礦由唐景翁接手會同何崑山諸公開辦後崑山未將各山契交出為第一阻力又因招股接續不上祇得八萬餘元為第二阻力一切銀兩李王衡初議擔任後聞折爾者之言即轉退志為第三阻力勢不能不停唐景翁將何崑山發回股票八萬元交回李手其餘公文帳箱盡交唐茂枝翁後查二十二

年二月二十六日夜唐茂翁家在上海敦睦里失慎山樓梯脚火水罐起火幾乎命盡衣箱等件均付一炬連天華兩帳箱亦遭於火
京北洋李中堂借烟筒山礦師哲爾者又派必達臣會理天華礦事至港晤李如獲異資格外招呼經理四箇月全盤籌計謂非有大資本百萬斷難望成遂決意停辦哲爾者回港大病數月與景翁囉哩助費景翁概不計較當時香港諸人咸謂唐景翁志量極大不揚人過識人之

徐愚齋自叙年譜

四十七

香山徐氏校印

難憐人之苦大不易得云云

二月初一日由中滙香港交張式軒表兄以兌洋二萬一千元仲銀一萬五千一百二十兩付還秋田母舅一萬五千兩借款收回鎮江道契此款拖累幾年實無以對母舅憶幾年回鄉與母舅會於港澳輪船舅問上海造紙局生意如何余答云聞貨色頗好惜乎出貨不多繳費又重恐無甚益處舅云我與友人股開紙局於香港你以為何如余答稱香港地貴工昂貨料遠來殊非所計所宜者惟無關稅釐金耳舅云我亦知之第本已成舟無可如何又云你欠我之銀宜早清還張式軒此第一次又云你到底有飯吃否余答稱除還債外剩地千餘畝可望藉此轉機又云那年因你之事累我三天不能合眼各人論你脾氣太大非服毒即投河今得如此即算罷了余復云母舅之款本可早清適乙酉為南京書肆火災虧蝕數萬次年又為茶棧之累共虧四五萬職是之故未能即還所謂福無重至禍不單行也後見張式軒表兄云你欠

徐愚齋自叙年譜

母舅之款乃借我之名而已母舅常常論及謂兩之之敗乃係天數計數十年來均係買地造房收租開設錢莊當舖以及股分均是實業尚稱穩固唯犯於過大過貪以致失敗此亦後人無福是以此唯其待母之心在外甥中推為最好我故喜之該款實不忍迫他由你與我轉回收回原本不必論息也

天津地產余原有癸未年分剩之爛地千餘畝唯是一無出息年貼根出雖死守亦無大用冬間余見津地產業大可發達擬為籌辦但非有真貨巨本未易舉行籌之再三因將自己衣服佩帶古董玩器字畫書籍雙價約得價一萬五六千金又擬將先母楊太夫人遺飾及亡室吳夫人所遺金珠各物約略計之亦值六七萬即於十六七年陸續變價先提二萬兩翻造上海老介福房屋查該屋未改以前收租祇得三千六七百兩除年中修理千兩外實收亦僅有限此因房子過舊間架太小地盤亦屬低窪有以致之一經改造收租七千餘兩逐年更增得

徐愚齋自叙年譜

四十八

香山徐氏校印

益不少其餘變物之價陸續滙津托鄭毅亭沈芳舟諸兄置地產造房屋先在塘沽車站兩邊造屋五百餘間用地七十五畝以收租息又於天津法界先農壇馬家口朝鮮公所後與及南門外水坑地並近西局回頭至盧家莊一帶又小營門附近各段及英租界等處另在灤州偏涼汀鐵路南沿灤河高坡等處置買不少先後統共一千八九百畝進價以五兩十兩百兩貴至二百兩為止其中亦有得利沽去者迨庚子年拳匪擾亂聯軍入京和議定後各國設立租界幾幾乎如塘沽莊之被佔強有弱無不能理論幸藉丁家立先生附有公司股份得以無恙雖不得大價然獲益仍有二三十萬以今計之少雖百餘萬亦殊可惜耳現在北邊產業祇有廣益房產合股公司及零星小段塘沽地二十餘畝灤州四百餘畝每年約可收二千餘金又北戴河十餘畝不值幾文已丑年錢子明世伯至中探悉余之棄物變價謂求人不如求己極稱善策許為達人云云

一〇七

光緒十七年辛卯五十四歲

奉北洋大臣札委復回開平局會辦礦務

與孫君慎欽李君雲書周君金箴等合辦錦州大凌河天一墾務公司以吳夫人首飾變價造餘慶里房屋

秋間與必達臣白卞涼汀走灤河出潘家口逆水上煙筒山擬停西法復辦土法住四十天

遊避暑山莊

九月二十四日盛杏翁四十九歲壽辰十九日忽接煙台來電約去二十一日上重慶船二十三日抵烟台晤敬亭諸位飯後進道署賀喜詳

論織布局伍家山產三公司合同商局各碼頭輪船生意此行為何約去因葫蘆終未打破有人云杏翁此約本有意逸君回局所論生意均

合唯每年須添新船與杏翁意見稍左遂至中止云云我生有命一笑而已

徐恩壽自敘年譜

四十九

香山徐氏校印

記天一墾務公司始末

宣統元年已酉

光緒十七年歲辛卯余倡辦建平金礦借孫君慎欽等出塞察勘道

經錦州之大凌河牧場曠渺無垠土曠膏沃水陸相通且地上積有

歷年牛馬鳥糞數尺就地種植可省肥料獲繁孳而得大利益操左

券必矣慎欽頌之歲辛丑慎欽合李君雲書等集本承認升科置屯

開墾余附股五千兩條理井然連歲豐收雲書改作六十萬資本名

曰天一墾務公司邀嚴君筱舫周君金箴施君子英與余同為董事

並各踴躍認股雲書為總理後慎欽與雲書因微嫌之故不終其事

改派張維三為經理次年遂有人還價七十五萬兩先付定銀十萬

兩將全盤公司承頂公司開議會謂估值不止此數議決作罷改為

分俸以期善價並維三營私舞弊聲名狼藉致公司因而減色日漸

退步昔日之爭價承頂者漸且無人過問焉人不存則政不舉蓋用

人如是之難也

與必達臣赴烟筒山日記

光緒十七年辛卯七月二十二日走灤河上水出潘家口唐山車站

與景翁諸君話別六點至古冶晤鏡河芝堂諸友平車去林西局驗

工廠並各段工程是晚宿局 二十三日晨起轎車行三十里到土

山過東山至皇廟入灤州城進西門出東門市集甚熱鬧至卞涼汀

是晚宿船晤西人工程師角士談大鐵橋工程留餐回船已十點鐘

外 二十四日晨早角士約驗沿河一帶並閱附近地圖適遇李少

卿觀察 永平府福太守益三人 灤州吳春山大令 因

驗橋工來此同到卡子船入鐵路公司酒叙別後上船午刻開行五

點半鐘過永平府七點鐘泊八里塔 二十五日晨早五點鐘開船

七點鐘至夷齊廟入孤竹城上清風亭左邊行宮已塌平復過河上

孤竹君廟遙望東北則榜子塔正北則玉皇廟西北則白蓮寺正西

則首陽山十二點鐘到楊家崖尖站工人以桑皮造紙每百斤十四

吊造紙十五刀每一百九十張沽東錢兩兩二百文 每百斤合銀一

對面山出白土最合做紙之用一點半鐘開行七點鐘抵小蔡莊對

岸八點鐘大雨竟夜不止二十六日早五點半鐘開行兩色時有

時無十二點鐘抵龜口嶺土人云此大嶺經唐大人打去今無礙行

磨均未開此處已動工十天開黃寶石上下均動手起造大石峽一處設四盆更得行道唔張魁元備有酒飯又送鷄兩只答還餅干兩箱因云香磨之設已辦三代上年承德府到此不准再辦魁元因立甘結謂如有失事自願照賠准可不得行船云云初一日早四點半鐘開行抵烟煤土崗子附近上下香磨更多碍路起岸入煤窰買煤子三斤九兩塊煤一十五斤末煤五百斤對河山腰印子嶼亦出好煤七點半鐘抵廟兒標何姓友來報昨日呂發舉回山所定燧五十萬已解三十萬窰廠北去十五里未登岸 初二日四點鐘開至下三元尖站過上三元是晚抵下板鋪宿 初三日早四點鐘開行八點鐘至尖站十點鐘遇紫珊達三兩兄叙談是晚抵半壁山諸同事來見云尚有鐵管白米未運盡十三四可了達兄明晨去廟兒標商議燧事是晚宿船上 初四日早抵熱河寓連升店 初七日遊宮與林一臣族號人李蔭甫族號人徐致卿族號人楚立亭族號人黃紫珊諸君酒叙

徐恩齋自叙年譜 五十一 香山徐氏校印

開銷 聞每年不下十萬兩山廠每月六七千兩每工人月給津錢三吊探得砂子每賞彩錢三十二文每把頭准六名得彩七文兵丁百名每月給工食銀一百五十兩櫃上司事二百上下另熱河總局月繳二三千兩只准把頭領山六人 國課 砂子每斤例抽銀五分五厘以四分之一入官三分歸商廠公事極項真砂子逐日報熱河後因另立新名目水道進砂擬提工本三字於公事差遠逼山機照五年分所出之砂練銀過千餘萬兩至七年十二月三商更換國課每年約五六萬之譜咸豐五年份三商意見不合擬挨班分辦每辦三個月一轉以後未妥 咸豐八年正月初一日歸趙福醇孫昭明兩商承辦至同治四年止在山始設銀爐自化松江其時公事又差計辦八年又放大掌在是年八月起至咸豐十一年砂子多每月練銀四萬上下 同治五年至十二年二月止趙商一人承辦五六兩年砂子大差每月只有萬兩上下同治七年至十年計辦四年砂子又好每月練銀二三萬兩十一年又差每月不過萬餘兩趙商病故於熱河時在十一年十二月十二年二月退辦歸孫商一人同治十二年三月復接辦至光緒五年止計辦七年每月不到萬兩又作退辦光緒六年官辦廠員經理志和其時居已離山此年每月三五千兩更不敷開銷光緒七年商人倪中興接辦至八年八月退手砂子每月三四千更不敷光緒八年九月南商李蒼橋文接辦至光緒十一年計辦三年多砂子把頭不多統共五六萬更又不敷東西兩山大小工把二百餘戶本局領山把頭頭目王泰六十三歲咸豐七年到帶領能事舊把頭京見吳殿元林長福張立茂李振東張發才李發才程得志王若于德全黨俊芳謝連登張發德李廷夢常崇五等把頭在山少則是晚屠壽山帶同兩山驗綫砂院舊工各老把頭酌摘前商咸宋戴起至南商李蒼橋止按歷年探出銀數開列於後

徐恩齋自叙年譜 五十二 香山徐氏校印

崗密相近亦住勘是日雨阻則止上船都道府林李穆楚均回步送
行午後到半壁山 初五日六點開至九華山之灣子溝尖過下板
城一點半行五十里至南河廟兒樓同興分局三點半與老必紫珊
從友山彭家杖子山路進密十五里山溝路頗難行七點至廠宿勘
驗探查一切 初六日出山轉南河上船十一點放行兩點六十里
至土崗子尖至夜九點行八十里抵陽背山宿 初七日開五十里
十點沙河橋尖七點半行九十里抵桑園即龜口宿各處香磨另錄
茲將經過各要緊哨列下大同哨白水哨喜歡哨走馬哨駱駝子哨
王石哨克米哨三道門坎子哨翠羊哨此名九哨 初八日四點開
行六十里至三里莊尖不燒飯下午三點鐘至下涼汀食飯包子腐
皮趕三點到下涼汀 初九日到唐山 初十日出天津 十二日
上院稟承平東西兩山礦情 擬停西法試辦上法並呈非圖細論
光緒十八年丁辰五十五歲

徐愚齋自叙年譜

五十五

香山徐氏校印

奉北洋大臣李札委會辦建平金礦五月開辦
二月初八日出津三月初二日午刻景翁因有寒熱未能上院余上院
時見同鄉順德梁君炳南曾在吉林鐵廠六年上院遞節略事十一
款中堂原有允意唯內中一款擬招粵人五六千來北辦理吉林各處
金礦者因此遂置不問二月二十八日盧蕪蘭勸口外金礦回隨帶五
宗金沙經黃芝堂化驗一號龍頭山線尺餘每噸化金一兩二錢 二
號龍頭山線六寸每噸化金一兩八錢 三號轉山子大線每噸化金
十一兩五錢 四號霍家地綫二尺零每噸化金二兩左右 五號青
山子大綫每噸化金一兩五錢 查勘建昌平泉分界老河川轉山子
二龍山霍家地青山子確係著名之所週圍數十里日出斗金並非虛
假舊洞每處均可靠擬三月初四五日再與紫兄同去豆爾丁虎頭
石長條子溝黃金信川金廠溝梁查驗該處又一種木煤化見亦佳離
礦六七里後查所來之石樣乃挑選之物似靠不住非上法能辦得益

徐愚齋自叙年譜

三月初四日上院請假照准

三月十二日擬搭新豐輪船去中上院稟呈辦金礦並章程並京鐵
礦章程中堂云此稟就口外公事未合似有阻斷之勢詞意太硬宜略
回通乃妙動筆改去五則內一則係直隸應得一分餘利改歸熱河所
得又云地方鄉舍社友等宜籠絡乃妥爾見人神色極好仍有鄉人脾
性應易籠絡云云及閱鐵礦章程連答三牌無錢而已

三月十四日上院稟辭是日午後上船與諸友話別適商局總辦王蔚
霞同船與論輪礦各事十五日抵煙台晤露兄諸君並史晉生毛戴陽
論松武兩軍用煤並威海大連灣需索兩軍煤到盛杏翁處便飯各友
三點鐘到船各拜暢談十六鋪地並利國鐵礦開平擬辦鐵礦三平輪
船旗昌行價李載之云山東金礦秋畦不理月池出局招遠機器擬拍
賣李肇初在中編兄此次來津似未甚滿意云晚八點鐘動輪十七日
午後兩點抵中十九日查鼎恒中莊並定造鼎恒錢票一二四六十吊

徐愚齋自叙年譜

五十六

香山徐氏校印

各樣一張晤鄭紀堂 香山橋黎祝篤 安順詳論美國所辦金礦似有
條理
四月十二三日連接津電催去想必金礦有成因於十四日晚坐海晏
船去津松中丞全眷同船談十年前事頗以為然極蒙獎譽十七日午
刻抵塘沽六點至津晤景翁神色均好十八日上院在簽押房謁見詢
問中地生意商局織布局匯豐金磅香港市面逐一照回隨後查翁進
謁論新撫台並鐵路接通俄電綫法公使挖泥船各事
二十五日周統領蕭安徵繆樹侯桂榮係向充吳樂山軍門營務處差
者馬信侯之望蕭撫軍李榮軒貴三月十八日上院中堂曾云李某極
有辯才姑可試之余出門至今所見有口才者當推李君為巨擘也
五月初四日接貨陽電云唐景翁徐兩翁觀察別後為念二月奉書以
點礦可回請派蕭蘭偕令坦來勘不識已商派定否如蒙允商兩君何
日啓程請電復以便派員往曹家溪引導敬請台安德榜即復電云貴

陽王藩台電敬悉燕蘭等蒙中堂派熱河金礦未能前來廷樞

十二日號友穆潘兩兄承平船到談申地皮生意知鄭壽山兄又口

月初七病故年五十五歲

冬十月初九日與邵松喬白唐山出關驗承德府所屬平泉建昌朝陽

赤峯各金銀礦山

十二月初八日抵熱河遊園計六年間先後已到四次

黃花農方伯等題三影圖

附記是年唐景翁事 正月二十八日喬家屯各店舖

景翁德政極一時之熱鬧景翁云年餘以來昨夜為最適意九點鐘

睡至六點鐘咳嗽小便一概無之早飯吃至兩碗實近來所難得云

四月十九日景翁全眷七十人到唐山二十晨嚴翁趙嵩丞兩觀

察與景翁祝壽二十二日晨景翁次車出津午前至浙江會館公請

松中丞七席三點一刻入座中堂親讓酒後景翁出津時各洋友三

十餘人並各同事及地方紳老子弟以洋樂在車站歡迎放車至局

門前設茶點酒水照西例頌詞三四次西友面訂二十五日晚公

請席設戈登堂酒叙照中國例設壽星堂滿掛中外旗色並各壽幛

中西合併尤為熱鬧均有頌詞二十四日景翁謝酒在三樂園先設

綵觴十七席

光緒十八年唐景星君卒於天津之開平局後在局中公事房檢出

光緒四年譯西歷一千八百七十八年六月上海遠東報讀其文想

其為人景公誠人傑乎哉高山仰止景行行止之心竊嚮往焉謹錄

其報章如下

一千八百七十八年六月上海遠東月報

其國之政事而本報第一一二三四百金達在特為本報所得者

也伊所經之事業略於下唐景星君以一千八百三十二年道

光緒十八年六月上海遠東月報

其國之政事而本報第一一二三四百金達在特為本報所得者

也伊所經之事業略於下唐景星君以一千八百三十二年道

光緒十八年六月上海遠東月報

其國之政事而本報第一一二三四百金達在特為本報所得者

也伊所經之事業略於下唐景星君以一千八百三十二年道

徐恩齋自叙年譜

五十七

香山徐氏校印

二年(道光二十二年)至一千八百四十八年(道光二十八年)得受之

於香港馬禮遜(元)光緒五年(光緒五年)至一千八百七十八年(光緒四年)

十六年(咸豐元年)至一千八百五十七年(咸豐七年)代理香港大書院

一八八八(光緒十四年)至一千八百八十八年(光緒十四年)代理香港大書院

正大及江蘇一帶生意一千八百八十八年(光緒十四年)代理香港大書院

代理該行長江一帶生意一千八百八十八年(光緒十四年)代理香港大書院

器行總辦至一千八百九十三年(光緒十九年)代理香港大書院

公同幸得均為董事一千八百九十三年(光緒十九年)代理香港大書院

李公鴻章之命而為中國招商局總辦一千八百九十三年(光緒十九年)

用之也

和除清時之三輪船公司均以西法經營之用人之功以組織此局

得政府補助以資不為中國未見其大用之用人之功以組織此局

公同幸得均為董事一千八百九十三年(光緒十九年)代理香港大書院

高明明之貴人李鴻章以為商辦大有進步也現近之方略若余等

所望得享永年於國中之商務大有進步也現近之方略若余等

人名余等從未所辦亦純用西法經理一事凡動一舉一動即能預知其結

人與余等從未所辦亦純用西法經理一事凡動一舉一動即能預知其結

果而竭力營謀之今開平煤礦之發達是可見也我西

與邵松喬兄出關助驗承德府所屬金銀礦苗周歷各處日記

光緒十八年壬辰十月初九日由唐山礦務局動身余與邵松喬兄

走冷口出關行五十里至林西礦務局宿午後兩點鐘由唐山搭火

車至林西煤礦局當見諸同人即與鏡河耘劬二公談大井各事並

機器損壞當去勘驗驗得所壞都在大輪之上力小而任重鮮有不

敗者當時置價雖則便宜而二次修理賠累不少大約三四禮拜方

可修好 初十日行九十五里至遷安縣宿清早山林西動身行四

十五里午刻至沙河驛尖傍晚到遷安縣西門外李家店宿下午行

五十五里常晚在店正遇庶政李文鴻生二兄悉由建平局告假進

關似有意見此處一帶出產惟毛頭紙最多養蠶不少近年南邊人

來此收買 十一日行九十里至打虎店宿清晨動身午前行四十

五里到建城營北門外賀家店尖店主賀春波云今年絲價甚好年

徐恩齋自叙年譜

五十八

香山徐氏校印

成亦佳飯畢即行十里出冷口關殊覺寒冷聞上人云關裏關外祇隔萬里長城一道其冷暖之情相去如有一月之時令今我親歷洵不虛也又行三十五里至打虎店宿店常晚接建平局信後爲各力格分局公事即將此公件寄致張燕翁聞悉此處上產惟絲與稻綠有山泉常年湧泉足以溉田惜其田太少故所產不多店主人張鑾代建局試收大米以備工人食用其米雖次於天津之包米然以其價與運費較之則所省者多矣店傍有一書房學生多至二十四人此出關以來所僅見者振興文教所望賢有司耳 十二日行八十里至馬圈子宿清晨動身行五十里十點至大杖子楊家店尖早七點鐘過大石門嶺八點鐘過上石門嶺道路崎嶇尖畢行二十來里過松樹嶺又行十里至馬圈子王家店此處亦種稻米並不代建局收米並木料離此地八里路駱駝嶺山脚水衝衝向有河金可淘

徐愚齋自叙年譜

五十九

香山徐氏校印

點鐘至關家杖子五十里過車廠溝嶺拉拉嶺此二嶺均有十餘里之長崇巖巖嶺危險異常憶夏間第一次到建局山大杖子分道走蝦蟆嶺山湯道河到局七月間第二次到建局山八歪嘴嶺而行此次山拉拉嶺到局午後三點鐘行抵柏杖子建平總局見鄭陟兄及各同人商局中各節事件是日打尖過大石柱地方聞人云路傍瓦房一所稍有破壞即去年反叛張道匪家其兄弟二人本是素豐又皆業儒其弟已入庠矣刀兒嶺之亂竟伊兄弟爲首一家二十餘口祇逃回年輕婦人二口不意讀書之家甘爲悖逆之事是其人好亂性成抑或有所迫而然耶秋間到建坐船走桃嶺口進關入青龍河直到灤河至下涼汀上埠刀兒嶺就地老少人等集衆觀船似以爲奇者余甚不解問諸土人答云自乾隆五十幾年此河曾有千數船往來然依父老流傳吾等究未親見今日眼界初開羣以先觀爲快耳此船由灤州僱運物料到刀兒嶺之湯道河余因雨大路滑難施

徐愚齋自叙年譜

車馬得此船順流進關兼可藉勘水道 十四日至二十八日在總局內查勘礦工借各位妥議減省開銷等事另錄一册 二十日施粥開廠限十里三四日內每日不過三百餘人是日借各位同路見無衣苦民其小孩則上身單衣情狀尤爲可憫即囑郭竹軒兄帶同張什長並差役去就近村莊探看並帶棉衣褲令竹軒兄察看極貧臨門施發附近有一家數口竹兄目視男女老少有無上衣者亦無下衣者共在土坑向火且無食進腹數天矣余聞此情形心實慘然施衣而不施食恐窮黎仍難卒歲况欲生財其地自當矜全其民因商諸友設法施粥只給老幼兩等每日給粥一餐每人約費十錢但經費難籌擬施至春暖即止其壯者力能自活無須仰給于人且明明代賑以工安容有游民濫食此舉余與張燕翁邀盛杏翁三分約集款一千兩左右之譜愈多愈妙 二十七日上圍鄉民送傘是晚酒叙甚熱鬧 二十九日由柏杖子總局動身行七十里至茶棚

徐愚齋自叙年譜

六十

香山徐氏校印

宿早起動身到刀兒嶺王老廣當舖內茶尖二十里晚六點鐘又行五十里至茶棚呂姓店正遇建局便差發回第一號信此行借邵松喬吳述三兩兄及郭竹軒甘竹梅各位 三十日行九十里到建昌縣街宿早起動身行四十里到北廠尖午後四點鐘至建昌縣街俗名塔子溝此間民人如有問以建昌縣者則茫然不解蓋邊氓孤陋兼少讀書識字之人難易名久奉憲章而被囹圄知出口仍謂故事如朝陽縣名三座塔赤峯縣名哈喇平泉州名八溝是也住塔子溝廣合店只有住房不供食飯凡住家寓之人均在館子上另買飯吃家家如此即朝平赤熱河均是一樣往調建昌大令凌鏡清兄談一點餘鐘回寓 十一月初一日在建昌縣宿早起飯畢出門拜訪營官曾蘭生稅官承楓庭旅人午後均來回拜五點鐘到縣署酒叙同席四人付承凌徐飯能回寓晚九點鐘凌鏡翁來寓叙談各節至十點鐘回署今午囑吳述兄及郭廿二君先行動身因各處店中房屋

小火坑不多故分兩處 初二日早起動身至十二點半鐘行四十里到王鬍子店尖又行三十里至夜不守止宿知述兄各位上午在此打尖此處發去棉衣十七件有喇嘛年已七十三歲廟中大小二三十口去年被道匪難死去十六口現存七口幸而廟未燒尚有居處聞之頗為惻然 初三日早起行五十五里至東榆樹林王姓店尖四點鐘又行抵珠碌科二十里承傳翁翁軍門派隊相接是日珠碌科集鎮各村莊趕集男女爭看營隊頗為熱鬧即住南店王姓稍歇行李即往拜傳翁翁當晚酒餚甚盛頗為不安談各力格事件據翁翁云中堂已批准歸局合辦然欲看中堂之批彼又甚支吾飯罷回寓又承其來寓答拜是日鄭偉如山各力格到此亦赴傳公處拜謁據云傳公有信彼故到此而陳事端云云亦來寓即去 初四日早起動身行五十里至落虎店尖又十里至四家子防營張哨官迎送十餘兵四家營子建昌縣縣丞署駐此又行二十五里至喀爾吐

徐恩齋自叙年譜

六十一

香山徐氏校印

林家店住宿店不大房屋頗潔淨 初五日早起動身行五十里午刻抵金廠溝梁分局見鄭紀堂兄各位悉吳述兄等昨日先到所開銅子離局甚近飯畢即偕各友上山查勘銅工程見偏山盡是老銅不計其數另有不知年之高麗銅 初六七日兩天查驗山上線道安置提水機器一切工程并查各把頭昔年辦理情形另錄一册 初八日早起山金廠溝梁分局動身行二十五里在城家店尖又行十五里過四家子又行五十里至五家子即上山驗線舊銅無數高麗銅亦有晚往城家店查問山礦昔年如何情形及各把頭來見所稱各節另錄一册是日同述三松喬竹軒兄等去五家子驗金礦山此去往東南走金廠溝頭起至城家店一帶二十里路兩傍高山其中溝道百數十丈寬亦有五七十丈無寸土平地見山脚溝傍黃金土銅甚多有人天天淘挖平灘地方三五土房貧民居之或離隔一二里見二三家或隔四五里見十數家居此不毛之地毫無寸土生

涯全恃淘金度日若遇大雪天氣連日不得出門則一家無以果腹也由四家子過去朝陽地面見人烟較多地土平坦較建邑地面豐厚多矣五家子金礦盛恒山前年曾經開挖帶去水尿是用手搖因水不足治回去 初九日早起又上山復驗線前形勢述三兄畫出圖樣飯後動身東南楊家灣大線一連三山舊銅數百處是晚回至四家子王家店住宿行五十里店主原籍山東來此四代人丁甚旺自有地畝兩千頃白種者多每一人能種八十畝關裏一人能種三十畝 初十日早起動身行三十五里回金廠溝梁局今日天氣稍和暖溝內河中淘沙金之人不少 十一日與紀堂述三兩兄及諸友覆上山驗看發施棉衣十餘件畫出礦圖過樑至東溝雜貨店路小山出迎詳談本山昔年情形 十二日午前山局動身行四十五里抵貝子府仍偕松喬述三兩兄同行住陳姓店路過道匪頭楊月春家現已抄毀查伊家乃依山造房如村圩形勢傍有小山坡係楊

徐恩齋自叙年譜

六十二

香山徐氏校印

逆舉衆議事之處其北一帶村莊除蒙古人外所有漢人盡被楊逆煽惑誘入其教常初亦是勸人吃齋行善故土人亦稱學好者例不食烟酒名以學教誘人實以燒香聚衆近則一月一聚其關東山東等人則一年一聚自稱金丹道教藏垢納污久懷叵測兼因貝子府叢怨已深遂乘機糾衆爲亂未亂之前先將貝子府前各舖布疋並桑皮毛頭等紙全行買盡以布爲頭巾以紙爲護心以爲紙性綿軟鎗子難透更可藉以愚弄嗤嗤其道術似此等伎倆遠能攻破蒙府亦可見蒙兵之弱矣察貝子權勢頗大尤該處十一旗盟長蒙兵之來府也因聞外間謠傳學好者將來破貝子府貝子遂調集蒙兵以備不虞道匪人等探得貝子調兵心亦疑惑遂于上年十月初十夜間率領羣匪攻打貝子府蒙古兵併力抵禦經兩三時辰匪之火藥將盡乃有藥車續至忽然火星飛落將藥轟起有匪四五人冲在半天渾身火焰適落貝子府中府人皆大驚惶疑爲邪術紛亂之中

小貝子鍾璫而出飛奔哈喇親王府去道匪乘勢攻進府中大肆兇惡不分男女均及於難雖有逃至野者而殺死凍死又復無數統計貝子親丁二十三口附近蒙古千數百人當府破時只逃出小貝子一人其千數蒙古死於府中者半死於府外者半計其存者僅數十人耳推此亂之由生也固是道匪包藏禍心亦府中人平昔行爲有以階之厲耳聞老貝子爲人平生尙無大過但其年已六旬久不問事生有四子大貝子人尙忠厚頗有武藝次亦好更不問事三爲喇嘛久已出家故免於難惟四喇嘛人最苛刻勒增漢民租價侵奪人家生產本已出家旋又還俗娶妻居常行爲每不滿意府中人又不免倚勢致百餘里中無人不怨雖曰劫數當然而此則不能不歸於人事矣所幸者小貝子尙能逃出國動臣尤得縣一綫之傳知天心尙仁厚耳小貝子年已十七歲現居府中但已全行燒燬垣倒塌周圍二里許房屋數百間破壞不堪無復親藩氣象此行借鄉

徐愚齋自叙年譜

六十三

香山徐氏校印

約及蒙人數位繞府一匝流覽既竟遂記其大畧如此再由金廠溝梁行至二十五里楊家杖子傍有捨利虎村子中乃楊家灣南山有金礦即借述三兄上山查舊礦有數百個成豐初年有人做過已挖至三十丈之多溝平水湧無法施治此三十餘年前之事經述兄畫出圖樣另錄且又有銀銅成色甚高俗名之爲斤八兩到貝子府時有于都司派營兵來接是晚在貝子府宿 十三日行八十里至各力格分局早起動身正遇大風寒冷異常車馬難前隨從各役而凍膚裂坐臥駝橋中甚覺不安路上之人其寒冷更可知策之道路難行迨上坡岡冷苦益甚查口裏口外冷度迥異此地勢之愈高天氣愈冷聞土人云金廠溝梁地方比刀兒磴高二百數十丈各力格比金廠溝梁又高一百數十丈其冷可知午前前行五十里到皇古蘇台燒當雜貨大店尖店東係下窪五百萬此時苦寒各役甚欲止宿余意店中不便住宿仍冒寒而行道路凹凸非溝即嶺傍晚始抵各力

徐愚齋自叙年譜

格局繆樹侯王哨官帶隊二十名在腦包營子溝下迎接各把頭帶各小工送軍圍牌來并見各友經過溝中層冰凝結駕轎之騾亦疲不能前駝夫稍不留心將轎滑跌兩次頗險松兄連兄兩駝轎騾子亦滑跌一次李馬兵面皮耳朶業已凍破又被馬滑跌幸不甚礙其餘各友來接者或馬行或步行到溝中冰滑處有被大風吹倒者一路行來看貝子以北之村子更加窮苦不禁暗暗生憐而余咳嗽之症益深矣 十四日又大風冷甚在房屋中不覺一到院外殊覺風如刀割鬚鬚堅冰吐痰能碎早起風大不能舉步出門查問開礦情形悉當初向有人私挖今年彙統領會來封禁七八月間經本地土民求懇傅翁翁方開屢禁屢開實爲地方苦民養生之源其勢不能久禁九月間經繆樹侯兄查到此間即歸建局開辦包出外工按三七抽分各把頭所述情形 十五日風稍定仍冷甚早起即偕吳述兄到山上驗礦余將大襖脫去下井勘驗各線查此礦山南入北如

徐愚齋自叙年譜

六十四

香山徐氏校印

牛飲水灣曲折下行二十餘丈又直入二十丈是有五十多丈到底攀其峭口僅容一身又須曲折而進處處危險異常除小工把頭之外未有到礦底上者傅翁沈海翁欲下去未到半礦即回轉矣余到局中聞局友都未去看過究竟線之寬窄洞深若干尺不得不親身下去一驗各把頭甚以爲異其洞口祇有三尺餘寬灣曲而下約二十丈深之後直洞到底總有三十餘丈共計五十餘丈土法礦以此爲最深余下去時停歇四次述三兄停歇一次到底年輕見小工提水取沙兩在洞內上上下下實不容易每柳斗水三四斤每篋蘿砂重四五十斤頂載上行送出洞口亦生涯之至苦者也 十六日又大風冷甚洪哨官號國軒下午同成全五兄來見此人口外財東年約四十餘歲頗精明晚間囑松兄盤查各力格帳房經手人各帳目重定新章以後即照章辦理又聞下窪尚有一位第一財東名王百萬未曾見面年約三十餘歲又春玉和號向供把頭明光不少

一一五

十七日風定復驗山看嗣子無數均山東而西照線挖洞直至黑
山處共六段舊洞約十里路又驗一線招外把做 十八日本欲動
身因候銀兩久未解到收金之價積欠不少所帶盤費銀一百數十
兩暫時挪川幾有走不動之勢既可急又可笑 十九日晨起吩咐
各人辦理諸事囑繆樹侯往貝子府王子廟東非子查獲聯絡王
府等事又囑鄭偉如同赴各處飯後即動身道難行溝中冰滑牲
口不前望西北迎去迎風而上更覺苦寒行抵坤都營子住李保隆
家從役人等另住別店夜下大雪五寸承洪國軒兄派馬隊兩名前
程引導 二十日早起雪晴動身道路更難走山坡山溝上下尤滑
至北塔楊家店尖行四十里半道見打獵之人二三人一處三四人
一處均乘大雪尋獸跡而行所獲野兔甚多亦聞有獵狗詢店東今
日經過一帶何以未見牲口則慨然答曰即我一家而論當初亦有
牲口十六七頭無端禍起痛遭紅帽擄掠一空賊來如掃兵來如水

徐恩壽自叙年譜

六十五

香山徐氏校印

今始知之刻下只有小驢四頭種地不及三十分之一本來有子四
人其三帶眷逃往關東其一在家今年物故老夫婦年近七旬視此
寡媳幼孫時抱桑榆之痛雖長孫年過二十可助持家而小孫兩人
孫女兩人共八口之家兼顧三四親眷一門十數口終日待哺嗷嗷
兵變餘生誠不知何以卒歲言之凄楚聞之酸心矣又云道匪中尙
有女兵打仗竟有女賊亦是奇聞又行二十五里到各郎子營有防
兵十餘名迎送王千總來招呼住信和誠燒鍋晚間接各力格來信
知我們路費缺少送還銀一百兩悉總局已有二千兩解到是晚即
復唐山及總局各力格等信即託王千總備信差一人去總局送信
二十一日早起封發各力格及總局信飯後十點鐘動身山路愈
覺難行非崗即溝行六十里至三官營子謙益吉燒鍋宿此處有防
兵一哨帶隊爲尙都司來迎送當鋪送飯菜頗殷余贈以廣東新
鑄洋錢大小各兩元得之喜甚 二十二日早起動身奇冷異常到

楊家店尖伙食車未到無可得食覓得荻麩五六斤從人藉以充饑
飲茶即走又行十五里至額駙營子住四德堂燒鍋雜貨藥舖李姓
家連日術寒而行身子頗不快適店榜有喇嘛廟亦爲道匪所燬
二十三日早起動身行三十里至畢家杖子謝月樵兄來迎風猛寒
極到局見盧蕪蘭諸友畢家杖子至霍家地局十里借月樵蕪蘭往
西大線查勘礦苗見滿山皆舊洞不勝其數又至橋頭廟時已傍晚
山頂風更大此身頗覺不支大影壁山城子山亦望見然不能再
矣即回局安臥是夜未食覺有疾竭力支持亦未覺言夜間仍傳各
把頭問話囑人錄出 二十四日早起再論霍家地諸事傳把頭詳
加考察遂囑月樵兄妥爲經理其事有願包外工者准其包辦聞專
山子線道甚好匆匆即走未及一勘月樵兄送行四十里至黑水宿
住春生雜貨店遣回馬兵二名致函謝洪國翁並攜去各力格信據
土人云東至黑水十里有山產五色寶石亦有線苗常有人開採

徐恩壽自叙年譜

六十六

香山徐氏校印

二十五日行九十里至頭道營子宿早行四十里到大德泉燒鍋打
尖此店係李蓉軒兄所開中途見有兩婦年約四五旬於道傍推碾
身尙單衫瑟縮可憐自霍家地一帶至此地方情形益苦土人半於
山腰穴居又行五十里時已初更王問渠兄來接至頭道營子宿蒙
古人家桌椅現下暫居此房途中又見有年青婦女轉碾且行且泣
情殊可憫自霍家地至此沿途民情益苦道路益難此處離喇口尙
有十數里往來不便擬撤去晚間陳達三兄來晤談各事另錄查此
間一帶營子蒙古人有九漢民祇一成 二十六日晨早飯畢起行
過大樑一道統計十里到長皋分局該處草棚一連十間茶叙即上
山驗線到營麥地土毛山厚有數丈喇不少土人云前時山腰中有
一線寬三尺多中間夾有明砂黃金一條三日間挖見黃金六千兩
大有名氣本想到鷄冠山碾子溝因風大不能去午後回來約七八
里地該處有公主陵即借各人往遊見碑注係康熙五十一年七月

和碩端靖公上陵開看陵頭。等護衛云現在後代卽色公爺克二爺花三爺四季來陵致祭其陵前松柏丸丸數顆以外盡是冬青樹有數千株觀畢卽回時已晚接金廠溝梁局來信晚間卽復又致總局各信並問各把頭言詞另錄江貞萊州府人前在鶴冠山陽坡控過翠晶寶石每塊一尺多長又有一塊方員一尺又小塊三四寸至京城可得價數百金不好者每斤只數十金由此去哈噠七十五里是晚仍宿頭道營子 二十七日早飯後動身過樑二道至二道營子永興德舊燒鍋蒙古人金祥年八十歲幾不肯留宿因馬兵二名卽有紅巾不敢留宿疑爲上年紅帽子賊至今心猶惴惴店中房子已被紅帽子燬去大半到晚間與談甚洽遂以廣東丸藥陳皮并廣東新鑄小洋得之甚歡彼亦送我錦州蝦瓜醬菜等此處一帶蒙古人最多由此去二十餘里財東老劉家頗富肯做好事施米等 二十八日行至三座店宿辰起動身所過均係蒙古營子未被上年之

徐愚齋自叙年譜

六十七

香山徐氏校印

亂所經大城子府小城子府喇嘛廟等處雖未遭亂地面亦苦行四里一點鐘到南瓦房源昌燒當山西王姓人所開當家係玉田縣人劉祥年六十餘歲又行三十里至三座店入三義成雜貨店止宿當手甚講交情因知我辦唐山礦務局 二十九日晨起行未尖行六十里兩點鐘到熱水分局飯後卽上山先到火家溝驗興隆嶂甚好水勢果大進朝陽溝四指線有明金山溝內土人淘河金有三五寸人每日得幾釐金亦有二三分金稍有所得卽可養生有飯吃惜乎土毛太厚水亦過大一人挖砂二人帶水合之不見多分之益見少矣到爛板磴驗舊銅數百個到老牛槽六批頭一帶回到熱水湯適見土人在此擇猪其熱可知泉有五畝地大有六小池五六尺長沐浴處有兩間男女分別看過回局各把頭來見另錄松喬偉如及各役人等皆在舊燒鍋店內住此店中不甚潔淨多年未有人住有車夫等睡覺之後頗不安靜 三十日覆驗各線嗣到火家溝興隆

徐愚齋自叙年譜

徐愚齋自叙年譜

六十八

香山徐氏校印

嶂看安搖水泵機器回局早飯午後至熱水湯沐浴極爽快能治病無疑松喬等亦去沐浴亦多知其好處 十二月初一日清晨走五里兩點鐘到武梁蘇王家店尖又行三十里五點鐘到大營子劉家店宿店主甚遷就將眷搬出火炕讓我們安睡是日復大冷行路又難此去又非嶺卽溝溝寬田少成豐九年大雨所冲土民因此大苦 初二日晨早行不數里過小梁又過大嶺足有十里連過高低小嶺三處近承平局二三里路見婦女往來有數十人均有棉衣始知承平局中已將棉衣施放矣到山口黎哨官竹南帶隊十數人來迎到局門口把頭來迎接甚爲熱鬧至宅門見芝堂兄各人入帳房安歇卽述三兄住所午飯飯後始知鐵匠房木匠房均遷至大井口一帶棧房之內劈柴地砂院地較去年已寬闊五倍之大觀廠內情形響聲較之去年已勤而工人比去年有三五倍之多溝邊房子亦多出不少老君廟前兩段大空地設了煤砂爐熬鐵爐有二百多座碾子四盤 初三日住局論各事舊把頭均來見午後上山復驗過帳房是晚仍宿局 初四日清晨由小道二十四里上駱駝腰長七八里至大烟筒山之溝底查山房王太張文姜余德金來見身上較去年甚光鮮均稱去年至今蒙局中提拔頗有生機所用炸藥亦十分得手同到李滄橋所做之嶂又蒙古嶂有上條陳擬山山脚溝邊打扒喇約一千丈可碾大小線五道能設鍊鍋一二百可望多出銀子上山腰查山房到張祿茂之嶂本年出過銀子六七千兩陳茂亭同往過大嶺卽陰坡之下洪字號舊大井有四五十人打水已費錢六七百吊指日可以望好直到西大井統山老把兒頭三十七人工人千數來接歡聲雷動驗井後回局中時已三點半鐘志儒月波諸君來見由孤山子大道過烟筒山五六十里路是晚西局宿 初五日早間各把頭來見長談統山情形後與陳茂庭唐志儒並余三人到大井落井直到三百尺井底驗後上二百尺到一百尺東西橫喇

統統驗明山礮道上落早一點鐘驗線把頭張四得年六十餘歲自不小心山井口跌至平板大約性命難保水甚滑回局午飯後起身堂亦到約驗各處另錄一册是晚仍住西局 初六日早飯後起身半途中等四點鐘行抵頭溝六十五里王姓店宿晚間徐仲三山八溝來信云向平泉張明府名繼良號仲房要告示不允 初七日早行四十里至黃土坎北店尖此處鄉人較之霍家地長舉兒民人絕然兩樣街中居然有物可買而上均無菜色又行四十里四點鐘到熱河寶源店宿 初八日兩點鐘進見都憲上手本稟安京見劉巡捕而述都憲連日氣喘未曾會客並問從何而來答以十月間出關驗礦從建昌朝陽赤峯交界來此擬將驗礦大致情形而稟帶有石金沙金並各石苗各處山圖請為代稟復傳留下石樣金樣圖樣要看看後交還並問有圖有說否答有日記數張並囑留下抄出一分明日還拜熱河道承德府因雪大未會 初九日拜訪何子寬楚

徐恩壽自叙年譜

六十九

香山徐氏校印

立亭林一臣並電報局南邊友是日送各處禮晚間至何子翁公館酒叙座中道府兩署幕友均是浙籍兩係姓一馬一沈都憲奎斌 山道台廷雍 師長上年見過府崇祥 初十日都憲差帖拜府告病假差帖拜廷邵翁親拜長談論地方各樣事談談下午遊廟 大佛寺 須彌福壽之廟 行宮 圓亭子 伊犁廟 普塔喇等十大廟 八大景 僧冠廟 羅漢山 棒錘山 蝦蟆石 元寶山 天橋 雙塔子到都憲衙門稟辭身體不好未相見 孤山子烟筒山熱河六年之內到過四次一次十三年九月與唐景翁劉吉六從唐山起行到豐潤縣出鐵門關過喜峯口先到平泉銅碾子朱與市翁經理礦師克力克住一宵過烟筒山到孤山子哲爾者經辦住一天從原路過玉田縣回唐山二次十四年四月余與黃紫珊由天津起程到通州出古北口到熱河至烟筒山轉到孤山子晤畢子明哲爾者陳達三山原路回至平泉山順道到京小住二日飲酒並

徐恩壽自叙年譜

七十

香山徐氏校印

未拜客通州坐船順水回天津三次十七年七月余與畢達臣山唐山至下涼汀上灤州河小船逆水而上至熱河至半壁山轉運分局晤唐其山即謁德都憲拜熱河道承德府到孤山子住四十日整理東西兩山局務停西法用土法仍山水道回唐山四次十八年余與邵松喬十月初九日由唐山出冷口至建昌朝陽赤峯產金之所十二月初八日仍抵熱河 熱河電報已於今年十一月二十五日設妥熱河地方精致幽雅為口外第一名勝旗蒙籍有三萬餘戶漢籍四萬餘戶去年雖未遭賊害而冬月間瘟疫流行傷耗人口約有三四千人有施粥廠兩所每日約賑三千餘人 十一日清晨山熱河動身出虎頭山僧冠帽溝過梁大小三道約二十里到天然椅山脚而風景頗好再行三十里老爺廟陳姓店尖行四十里到六溝過大小梁三四道五點住萬隆店此店甚不妥當無物不費 十二日清晨走四十里至七溝打尖過兩道大梁又行五十里到平泉州大有店宿四點鐘即拜訪張明府未會稍有寒熱承其派當差三人來招呼送榮平泉州無城池俗名八溝亦口外繁盛之區自康熙年間擴充街道長有二十餘里本地無土產亦無富戶多是齊晉之人來此貿易至同治初年尤為極盛常舖十餘家錢舖二十餘家糧食舖尤大多至五七十家估衣舖亦不少其餘各行亦極茂密人烟輻輳車馬喧嘈日夜如常亦云盛矣近則日見蕭條無復當年景象詢諸舖友知刻下常舖僅有四家錢舖只有六家糧食舖尚多估衣舖亦不少只賣粗布衣服而綢緞皮貨官服客衣則未有賣者雖有亦無人問津自同治年間山水成災光緒九年水災尤甚平泉地面本是出根之所連遭兩次大水將一帶膏腴之田均被沖壞其水退後遍地是碎石鉅沙已是不堪種作十一年又遭水歉雖有零星地畝亦與石田無異去年又經道匪之擾天災人害迭起相乘冀爾地方何以堪此幸本局以工代賑民困藉以稍蘇兵燹餘生全資培養有地

方之責者將何以任席斯民耶 十三日清晨向東北行走四里路
水河過梁兩道十一點鐘到銅銅子張錦堂來見即到西廠又到各
喇驗看殘破不堪兩點半鐘回局午飯後原路回八溝來回行八十
八里 十四日清晨張仲翁來答拜談許久又送菜午後往拜汪鑑
堂參將本人又送菜收到總局內來往霍家地山分已定四十兩長
皋榆樹溝五十兩每年兩次分交妥當之至 十五日清晨八溝起
行五十里至楊樹梁午尖梁上有舊煤礦由山頂挖下去所開數十
年未曾見水又行二十里至石炭時不過三點鐘自出門以來今
日第一次如此之早歇 十六日晨起走四十里三十家子李姓店
尖又行三十五里過空山走刀兒礮又十里四點鐘抵柏杖子總局
山熱河到此總未走著平道非山即溝艱難之至口外崇山高嶺
余出關此次走二千八百來里見長城一帶均關山頂最高是獨山
其外面各山最高是烟筒山由長城出去一千餘里見各山樹木稀
少有新出小株均作柴炭故山上無大株樹木惟山上黃草最盛牛
羊食之易肥大沿路各山牛羊最多 十七日至二十一日在柏杖
子總局擬改土法等事以備會商燕翁斟酌辦理新正開工候唐山
來信照行鄭陟翁已臥床四十餘天祇好慰勸伊進關到津調理
二十二日動身進關行七十里到馬圈子宿是晚六點鐘接述三兄
十八日專馬隊帶來各信並金子兩件又化見舊兄寄到霍家地青
山子砂石小包重四錢合每噸得淨金一百零四兩從未見如此之
高云云又山岡三張即晚復信交馬隊帶去 二十三日行一百十
五里建城營宿 二十四日清晨五點鐘起行過遼安縣行五十五
里至岫村徐家店尖隆發字號所過各地方似乎比別處較好行五
十五里山十涼汀山頂過梁入鐵路公司晤李少卿觀察到車站晤
詹楊鄭項諸君到灤河邊見工程已做不少考究確認真至工程師
郭士家茶坐有西友三位同談七點鐘請晚飯七客亦是八大八小

徐愚齋自叙年譜

談至十一點鐘而散昌黎小火車可到該處宜設買煤廠開銷場甚
廣董雲閣代為經買煤炭每斛京錢八百六十文查林西七百文較
之上半年市價便宜三百多目下凍河銷場亦甚好該處往後生意
必大興旺 二十五日火車七點三刻開車過榮莊三十里到古冶
六十里下車到林西礦務局見倪松翁談局事鄭鏡河從三號井直
到四號井驗原水泵已備好大井水尚有一丈未提乾大飛輪已換
過放大加寬余聞將來恐難持久因機力不勻之故新鐵匠頭梁和
來見香山人年四十六歲伊自開過鐵廠議論極穩燕翁囑伊將各
機器零件改修妥當所指毛病亦近理約費三千金果能如願可省
一二萬兩連換機器及整理各件時候就攔亦非淺也兩點三刻至
唐山車站陳繡翁及諸公到站來見同到西廠
黃花農方伯同諸友會題三影圖 光緒十八年正月
光緒辛卯兩之觀察五十四歲小像也一為在津講合肥相圖時所
照一為在唐山煤礦時所照一為在灤河平壤時所
照
時所照乃皆繪一圖而夫夫天非鴻爪到處和氣化相分形各行其
素所即任其自便一隨遇而安之義耶至觀察之實力實心不避勞
之懷於此可謂見一
班矣若都張繼然
對影神忘幻真定從明川澄南因勢成時鼎推人傑才地同時過
衆論化理妙合新氣象分形快服各精神江湖此廟皆隨遇不負乾
坤草草身幸耶仲
冬茂強強敬效題
襟期曠達服異形同允允允
武草草香公花農弟建覽
英安氣概本堂草草遊歷編為異色裝效得焉
洪分影術天運鴻爪任周行少石丁常用焉
涉世閱歷分不避艱辛吾年五十有五兮猶欣可振夫精神或衣冠
而致世讓兮唯恭敬以自循登山越嶺以游覽兮初不倦夫僕馬風
塵入煤井以監察兮宜短褐以便身服其服兮事其事隨所遇兮適
吾志樂天下之命兮聽其位置雨之自識
光緒十九年癸巳五十六歲
正月初九日午刻各局所諸公二十八位同為主人在浙江會館公請
文武各員一百二十餘位初十日各武營主人五十一位設席吳楚公

所公請各局所諸公

正月二十七日上院京辭出關適葉軍門進謁與中堂論衛費兩軍門事似與賈出氣中堂大怒三次滿院皆人無非錢字究未識誰是誰非

二十九日至盧台葉曙卿軍門留明晨閱操

二月初一日晨坐轎至營台共閱大操用德國陣法極為整齊十二點同至聶統領營酒叙同席者葉軍門卞燮堂卞景雲沈海峰夏海門並余為七人酒叙後至營一拜即日回山

初六日接九兒電謂陳母病篤請示後事如何辦法並速回滬即擬出津返申其時已為陳繼室請二品封典恐九兒未知即先電告初八日上院京辭請假十五天照准三點上車五點至塘沽上重慶船八點過壘初九日十二點至烟台四點半開十一日上午到申抵申十七天小舫子梅茂枝冠之輝廷瑞之子明紫全介臣杰臣文圖雲樵兩田翹卿炳堂禮堂諸君日日酒叙假滿附新濟返津

徐恩齋自叙年譜

七十三

香山徐氏校印

三月初一日抵烟台入順泰號時繚絲局仍議停辦舊日股東未加股者發還股銀十兩已加股者發還股銀二十兩是日余梁等股東集議均謂經理人甚不公且目下查翁收為自辦更不公正有強權而無公理何以服人眾議不決余明知不合公理但卵石之勢無可如何祇可隨眾而已查余所附繚絲股計三十四股每股二百兩共本六千八百兩九年每股續加百兩先後共一萬零二百兩約照所定發還不過六百餘兩殊不值也然此老財勢兩足心敏手辣後來繚絲發達遂成無木生涯矣

初二日八點抵大沽口外即僱小船至津

初三日晨上院問住幾日妻何病用何醫均照例答隨呈南邊土物逐一賞收

初四日入唐山與燕翁論去年年結以便稟院帳房報十八年結出除繳費外溢利一分餘

三月初九日走冷口出關十三日至柏杖子總局

附記 正月初五日李傅相七十賜壽是早上院司道四十七位均在二堂拜壽以下百官未知多少伯夫人二月十九日壽辰

光緒二十年甲午五十七歲

五月初六日午時長孫金生生於溝梁金廠總局

附記 甯河縣發大水土名海嘯饑民八九萬留集唐山覓食聲勢洶洶盛杏翁籌賑兩月公私各款共集銀三十餘萬始獲安靖

日本在朝鮮開仗

記朝鮮國開仗事 光緒二十年甲午

周封箕子於朝鮮一名高麗臣屬中國為屏藩者數千年矣日本自改法變強以後日圖佔踞伺隙思逞適其時高麗有東學黨之亂國王請借我兵二千以平之我國駐高麗總辦袁世凱允其請領事唐紹儀謂日本正欲乘機而動竊恐借端尋釁躊躇未決袁恐失信藩

徐恩齋自叙年譜

七十四

香山徐氏校印

屬且謂我國應有保護之權遂電咨總理衙門與北洋大臣調兵二千至高麗葉志超為正帥聶士成副之聶帥兵先行葉尚在津旋奉葉軍令飭聶駐札牙山以俟後命因此未入高麗王城唐紹儀繼聞日本已率二萬五千人前來借保護商務為名意在挑戰袁使即飛電入京請速發大兵先到抵制詎總署暨北洋大臣遲遲發兵電詢駐日欽使汪芝房查問肅實汪覆以並無其事祇有馬兵五百前赴保商於是日本之二萬五千兵竟抵高麗直入王城並守仁川口矣袁使知事不可為飛電入京止大兵勿來則必為日兵所陷總署覆電謂堂堂大國無不發兵之理隨有高陞船之難精華盡損山是日人深恨袁使必欲置之死地袁聞而大驚適發寒熱日醫同診共信其病遂不防備於是領事唐君紹儀與繙譯蔡君紹基謀僱輪夫三十二名將袁使扶病直送仁川口登我國之武揚兵船駛回中國日人開船追趕不及某國領事隨來通知唐蔡兩君謂日人前來洩

忿宜速避之唐蔡暗中而出有當差者八人均爲所殺當哀之回國也隨帶來去電報十一紙以謂必奉 皇上傳問可以而奏詎到津後奏留辦軍務前事一筆抹過廢至斯國事尚可問乎唐蔡之受知於袁誠有莫逆之交也今高麗正爲日本之保護國駐統監以理庶事所謂政山甫氏祭則寡人其不國可勝哀哉

光緒二十一年乙未五十八歲

口月留得

春間在金廠溝梁金礦總局覆鄉間諸鄉台長信

在建平金礦寄故鄉父老信 光緒二十一年乙未春

海洲仁丈秩立老兄啓立老弟諸鄉台大人閣下 於庚寅冬奉

李傅相札調北來際隔芝顏際已五載關河阻音問鮮通迨企光

儀時榮夢設茲際官梅綻綠人柳舒青敬維福比春濃社隨日茂載

欣載頌 自違故里鄉間諸事全仗 諸鄉台暨兩生弟維持心感

徐愚齋自叙年譜

七十五

香山徐氏校印

不盡惟自愧毫無報稱滋歎於衷 於辛卯春奉 李傅相札委復會辦開平局林西煤礦並管輪船四艘兼理承平三山銀礦繼又繼辦建平金礦然事皆唐景翁主持所有一切布置早已預籌 等不遇相助爲理自問於各礦毫無建白亦惟坐享其成則名於內實深抱愧刻下祇有勉力從公無負上委以副 諸鄉台期望之心云爾茲將 歷年經辦之事及身歷各處情形爲 諸鄉台詳陳之 於同治季年與唐景翁創辦招商局嗣辦仁濟和兩保險及開平煤礦是礦出煤向山旱道營運頗爲不便於是唐山設鐵道達行各莊山背開一河道直達蘆台之河於是始可運至塘沽天津等處是礦初設地名橋家屯閩村煙戶祇十八家現已千計附近各莊亦隨之增多唐山共開大井兩個馬道三條淺者六百尺深者一千二百尺厚薄好歹煤槽十六皮井下馬道五道寬者二三丈窄者六七尺內有拉車牲口一百六十頭馬房造費四萬二千兩中有火車路一段上

徐愚齋自叙年譜

下五層橫直斜行均有大小鐵道合計約有六七十里並有傢生房二十七所做工之日夜三班連司事機器匠雜工輒需炭柴灰密紅礮石山不下一萬五千人外加鐵路鐵廠之工人不計又林西一礦在唐山之北五十里亦開兩大井深六百餘尺司事工人較唐山十分二約二千餘人開平林西煤礦經理以來年盛一年即如二十年分餘利比之十九年分可伸二十萬有零公款已輕三十萬以今年計之兩礦每日可出煤二千噸每噸一千六百八十斤一年以三百天出貨統計可得煤一萬零零八十萬斤不爲少矣目下輪船四艘尙不敷各碼頭裝運之用必再籌銀數十萬兩添置新式大船三四艘方敷運載船齊之後則兩三年間所欠新舊公款可全清還以三四百萬之底子實係一百五十餘萬下本照此做去一年三五分利息不足爲奇承平銀礦係直隸承德府平泉州屬在萬里長城之外由此北去六百餘里是礦係前永定河道朱翼甫觀察所辦以

徐愚齋自叙年譜

七十六

香山徐氏校印

西法開採用西人十二名辦理五年接手又易二人均未得法賠累四十餘萬自 經理始裁改西法轉爲土法辦已四年幸尙不至虧耗前三年每歲可以得回銀或一萬或八千去年出數較好採砂煉銀共得二十一萬餘兩除去把上折頭及局中開銷可餘銀三萬餘兩前人泥於西法用土人不過五六百名自改土法之後三山約養活三千餘人建平金礦亦承德府屬總局設建昌縣地名金廠溝梁分局六所其地皆 朝廷分封蒙古王公貝子貝勒之采邑光緒十七年冬口外忽有金丹道匪名曰學好又有一種名曰在禮勸人不嗜烟酒其實惑人邪教同時創亂殘殺蒙古民人幾無噍類事平後大憲以口外建平朝赤各州縣慘遭兵燹又以連年歉收地產產金直隸開府督憲李暨熱河都憲奎因派 等設局採金以工代賑現計總分各局約有四千餘人藉此養生前年採見金二千餘兩至去年統計出金七千二百餘兩每兩金進本十二三兩金色七四五照

一一一

現價稍長每兩可售銀二十四五兩除去開銷無甚大好惟工爐聚機器可以餘出數暢旺時去年九月間每日三五七十兩至多一日見過一百零五兩其餘每日十兩二十兩不等出省以來四十四年矣歷事已不爲少最難莫如辦礦徵末之事色色須求於人主其事者稍或猶豫磨怯不能苦心忍耐即難辦礦生不所到之處莫如此地真所謂耳無聞目無見初到時居民祇十餘家自設局後始漸成村落現有土室三百餘間其地無山不產金亦無溝不有金但不甚旺工人之苦終日身蹈危險非下工作一如食陽間飯辦陰間事每工能得工資制錢一百文欣幸已極人性顛預而憊惰手中或有制錢數千即坐食不復事事直至用盡然後再作他圖終身所食惟高粱小米至大米則從未見過蔬菜則芫荽辣椒葱蒜至豆腐粉皮已爲上品若猪肉須朔望會集方宰每斤價值大錢二十八文至三十二文現居之地非山即溝平地極少所產高粱大小麥

徐懋勳自叙年譜

七十七

香山徐氏校印

苡麥黍芋粟赤白菜荳大小胡麻葱蒜白菜王瓜近水之處則種糜粟果則梨桃李杏栗樹其餘花木毫無其地一人可種七八十畝多至百畝每畝亦二百四十畝可收七八斗糧食每斗常價東錢一千二三百文其租均交與蒙古王公貝子每畝照例出產五斗三合視歲之豐歉或對成四六三七二八納租如三七每頃交租三担七斗七升如交錢每畝不過東錢二三百文所謂東錢每畝合制錢一百十文更有一種曰窪錢每畝制錢八十文據聞錢折之短皆前朝張士貴發兵餉與出置買產業平坡上地每畝祇東錢十幾吊二十吊山地每畝東錢五六吊至十一二吊是處皆爲內蒙古東西離草地外蒙古尙有三百六十餘里離沙漠蒙古約八九百里其冷異常寒暑表冷至極寒盡處尙須低下二十度年成歉多豐少職是之由每年計祇五個月和暖農家至穀雨後方布種是時地始開凍收穫須待秋分寒露即成梁見冰去歲於九月二十七日見雪前年八

月十九日已經見雪入夏夏布綉褲皆無所用之地較天津大沽口以平水尺量之高過三四千尺最高爲圍場地即 皇上田獵處地愈高即愈寒每歲和暖時不過百日故種高粱亦不及熟是處本高麗故國前代爲蒙古驅逐地始歸爲蒙古今雖有蒙滿蠻回四種之人然除蒙之外所謂蠻子即漢人皆山東山西直隸寄居客民舊係買賣與採金流落寄籍於此蒙古之族凡生三子則一子爲喇嘛若生三子四子亦祇留一子爲後餘皆爲喇嘛雖旗主盟長亦如此本朝初入關時蒙古以兵前驅因從龍功分封王公貝子貝勒等爵即所謂四十八家鐵帽子王然位雖尊而無勢倘犯法與平民等歸地方官節制各王公亦有蒙兵然有兵無器倘 國家有事徵兵須另給軍械不得自備軍火養牲口最多雖讀書不得與考試士農工商四民中蒙民均不許爲惟許做喇嘛即漢之和尚所衣惟紅黃二色衣色與常人同並不茹素惟例娶親頭無髮而已喇嘛之廟則無處

徐懋勳自叙年譜

七十八

香山徐氏校印

無之蓋 朝廷恐蒙古強悍難制定例如此實尊而陰脅之凡一做喇嘛謂之善人一切官差徭役皆不與聞故蒙古出家者多其丁口永不能昌盛其風俗類如此攷萬里長城在京師西北四百餘里係秦始皇所築蓋普天之下以亞細亞洲歐羅巴論之其工程之大應亦數一數二矣城以外之地盡爲內蒙古封邑其地周圍八千二百餘里直隸承德府所轄一廳一散州五縣應爲圍場捕廳州爲平泉縣爲建昌朝陽赤峰豐寧深平其地無處非山地廣人稀其中以熱河爲大都會都統熱河道成駐於此有皇宮避暑山莊即在是山莊爲康熙乾隆時臨幸避暑之所宮室極爲壯麗周圍三四十里中有自然熱水泉或爲河渠因名熱河魚蝦等水族悉備其景緻彷彿浙之西湖長江之金焦兩山蘇之獅子林揚之平山堂宮殿大小數百處殿臺三所銅廟一所四圍門窗戶壁無一非銅精工絕世無與比倫又有二十一層之江西磁塔二座牌樓六座藏書樓數十間各

種庫房無數並有買賣街一道係內監所設種植五穀蔬菜之地約二頃並有萬松嶺嶺北似有長城有如關內外之別其山中麋鹿虎獐兔無數外有十大景如天然橋在山之頂綿亘飛渡長有數里元寶山虎山僧冠山和尚峰碧鐘峰山雙塔獅山等勝有八大廟金瓦大廟大佛廟高七丈二普喇喇回亭子伊黎廟等處並有獅子園草堂其景皆天然而成觀此則以外山水皆無足道也昔七至其地又曾至蕪州馬關塔東陵聞方圓有二百四十里有馬關塔鎮守陵兵約數千康熙陵寢在焉自頭門至陵寢約有八里四圍皆大小關山後山重重極高峻松樹無數蒼顏勁節皆成形如龍如虎如獅象其山之形勢皆成五行隨處視之以爲何若即何若處處有五星歸垣之勢咸豐同治陵寢亦在其間所產磨菇每個約重十一二斤由東南轉十里有盤山向有七十二廟現已傾廢殆盡俗語南有西湖北有盤山山下亦有皇宮御園大約十里正殿宮室書樓偏殿朝房庫

徐愚齋自叙年譜

七十九

香山徐氏校印

房亭臺樓閣無一不備自至此四處其風水景緻園亭房屋之盛更無其匹真所謂帝王家之規模嘆爲觀止但口外民俗之陋亦無出其右統計平建朝亦二千餘里推爲首富者下窪之王臣爲巨擘種地工人有五六百名燒鍋常備約有十餘處號稱數百萬實有三四十萬又有成全五者種地亦三百人並有燒常亦號稱百萬實有二十餘萬張三種地有二百餘人約有六七萬家財其家均附近下窪一帶據王臣云生平從未見過現銀三千一票惟金子五百兩一票常有得見每年所入之款有一文置一文山地合家親丁均不過十餘口衣布食素儉約如常人至丁口之旺以四家子王姓爲最現已同堂五世親丁約有百餘口均係務農此四家口外幾無人不知其餘上等人家所居類多土室身所棲止惟一土坑眠食皆於其上絕少桌椅中下之家老少男女同居一坑其中空如煙囪外通炊食之灶終年須燒以去寒氣居常以水代茶以酒去寒老少皆嗜旱煙燒

徐愚齋自叙年譜

酒故燒鍋極多惟燒鍋作當舖或有瓦房其人識字者百人不過六七居家不供神佛祖先問過店戶所供惟武帝財神至綫綫羅織磁器洋貨洋錢燕窩海菜茶葉鮮魚蝦蟹等物到此極少以上人皆所不用付行口外五千里從未見過戴眼鏡者亦一奇也行道之艱難亦屬異常居此切忌生病鄉村固無藥材即鎮市縣城雖有藥舖亦僅備草藥數種尚不齊全至膏丹丸散店中實不知爲何物所幸此間天氣高爽能自保備尚不至有疾病此間昔爲高麗故國然去其建都之地尚有四千里去年夏高麗東學黨作亂國王以素爲中國所屬告警求援我國因遣直隸提督葉統領軍往救又復運我行約部署月餘始能成行先時我國派駐高麗通商總辦及電報局員登次來電告警並謂日本不懷好意而當道不以為意派去定亂之葉軍門率兵僅千餘及至該國日本已到兵二萬圍困高麗皇城將中國駐紮該國之兵及通商總辦電報局員等人盡行驅逐

徐愚齋自叙年譜

八十

香山徐氏校印

出城並執高麗王及妃嬪等人拘禁一處我國聞信始續撥援兵前往接應然兩次撥兵尚不及萬遂於牙山等處接仗不利疊次請援至六月間始又撥精兵數千分船裝去並有英國商船名高陞者裝運營官兩人步兵千餘帶有軍火餉需行至大同江外遇日本兵船盤詰將高陞船擊沉兩營官及軍士盡歿中國在高麗之兵聞信愈怯自牙山敗退千餘里直至平壤於是續又撥兵仍由外洋運往備以北洋水師兵輪至鴨綠江登岸日本又遣水師來襲戰於鴨綠江外互有損傷聞我國傷五船日傷三船幸陸軍時已登岸不至爲其所算然自平壤敗後接戰終不得利 朝廷又派宋宮保視師湖南巡撫吳清帥遊弋以保東三省地面而日本第一隊與我軍相持於摩天嶺又遣第二隊山遼東海來攻旅順及金州復州海城蓋平等處至十月二十四日旅順又被日本所賺遂失守是處一失軍火船塢不下二三千萬誠可惜也現偵事諸將 朝廷已嚴旨治罪並有

正法者無如日本練兵選將積慮已久中國自髮逆平定之後太平
 幾三十年舊時宿將子焉無存雖有水陸各軍照例操演軍械炮火
 又不能刻意講求且平時之待將士又甚薄每月給餉至多不過三
 四兩一旦有事誰復能為區區者以性命相搏現計山海關所屯各
 處軍馬已有二三十萬然皆觀望不前今蓋平海城已復金州復州
 尚為日本所據幸寒外地寒日人不耐寒苦因病回國者約有二萬
 戰死者計亦近萬前後來兵約十餘萬除此三萬現在高麗旅順等
 處者計不過七八萬 朝廷今又命劉峴帥視師東三省節制全軍
 開燈節始經出關刻下尚無動靜北洋水師自鴨綠江戰後旅順失
 守全泊威海未曾再戰任日本以商船裝運軍士糧餉往來海面近
 聞日本之第三隊已來威海曾戰兩日經我軍擊沉其雙烟烟鐵甲
 船兩艘但又聞威海炮台已有失守之說未知確否前聞英法美德
 俄五國曾有公議函告日本不得攻通商口岸及中國京師果爾則

徐恩壽自叙年譜

八十一

香山徐氏校印

日本亦不能大逞張邵兩星使出洋議和去後尚無確耗二公在我
 國以為位尊望重但今日勢方張此種軍國大事似非德望素著中
 外仰賴者不能主定其事此間離現在戰地尚隔千餘里且地方荒
 僻寒苦知日本必不屬意惟聞俄國現又有兵三五萬鐵甲兵輪三
 十八艘駐紮海參威彈春地方諒無好意倘復乘釁而動恐長城以
 外不復為中國所有大局既不可問此間或不能再容開礦耳去冬
 因因公入關順道回中為設法購取到期十萬抵產事憶自癸未年
 敗事負累數至二百餘萬家業因此蕩盡幸賴諸交游維持十餘年
 來東拼西湊得以了去十分之九家業已盡又能逐漸了債良山事
 竟則聞在昔遺事時旁觀咸以為不了之局幸所來往均係股實大
 戶並有物產相抵且都以大抵小斯時申地現銀極少各莊十停八
 九不能周轉房屋十空三三百兩輪股跌至三十四兩五十兩保險
 跌至二十七八百兩之開平跌至二十九其餘銅礦等各種股票更

不可問江浙兩省當鋪十停二三地甚更無論矣舉市百貨俱跌無
 人問鼎值此時勢安得旁觀者不為擬議在 此時祇有主一定字
 立意終不負人忍耐至今亦漸漸過去陸續亦原璧歸趙觀此知事
 無大小凡處世之道切忌負氣苛刻必須平心和氣順理做去則天
 不負我不疾我庶無不行之慮故居恒時以此戒後人焉今查帳
 通負尚有二十餘萬仍不為少所望將後托 諸鄉台之福能得僥
 倖不欠分文則一生無憾矣溯敗事之由實因時勢所迫適值法人
 構釁始以爭奪越南既遂擾及閩粵臺灣馬江之役船政水師揚武
 等船及船塢盡毀延擾及吳淞口搜查出入各商船因之商局盡歸
 旗昌全換美國旗幟常有一日三警攻取製造局之傳言是以市面
 忽敗居民遷徙過半內地民船竟有每租英洋三百番人心慮至如
 此上海百貨無不跌價三五成統市存銀照常不過十分一二祇有
 三十八萬此二十天之難過也斯時兼有胡姓等大戶以受擠周轉

徐恩壽自叙年譜

八十二

香山徐氏校印

不及而 遂繼之其時 本總辦招商保險貴池開平等局所為之
 事不可謂無勢所置之業造房收租中外市房五千八百八十八間
 月收二萬餘金 本係辦作資辦辦房產公司同和記洋人同美另置
 開辦借款不計一去各如黃鶴其失存任此
 地三千餘畝和字號當舖附股者八家商局股四十八萬開平股十
 五萬仁和十萬濟和五萬貴池十萬三山銀礦六萬平泉銅礦六萬
 金州五萬縹絲二萬五千縹布五萬塘沽耕局三萬造紙局二萬玻
 璃公司三萬香港利遠糖局三萬牛奶公司三萬宜昌鶴峰州銅礦
 一萬統計不下百二十萬另搭錢莊股本並外國股分不計數所
 做各種事業不可為不穩無如舉市大壞遂亦不能周轉豈非時勢
 為之耶即如今中日構釁高麗全失平壤敗後金復海蓋四邑已失
 延及瀋陽其敗勢更過於越南旅順之戰尤過於馬江遼東一帶商
 船不能往來商局之船又易為德國旗色而目下申浦市而較盛於
 往昔聞市存銀一千三百餘萬同是構釁而一衰一盛如此懸殊豈

一第丁丁升書多日五下下下

非數乎。闔家數十人惟賴所入薪水藉以糊口。願免饑寒之外兼欲了債已屬勉強。若更了債外之債勢必不逮。但意常思一日得以了清首尾。脫然無累。方可夢寐皆安。一生無愧。在申時晤基立子封乘詩等云。兩生弟於義學頗能認真。因囑帳房將義學存息設法寄回。並鄉中存款應得之息亦照解去。想年內定可收到矣。復接煊弟來信謂。清明在即。昔年為風水舖溝用去之田。宜與持平清理。或能慷慨則仍舊付息云云。此事去年五月間曾已信致仁立弟。詢其能否代為料理。完結後。來見其回音。昔年鄉間所辦各事。惟義學一節。深以為然。當時由吉台手經辦。化去銀三數千。至風水素不相信。當日與辦之山。因紀心渭南敏立華才諸君來勸。謂手頭寬裕。何妨於鄉間川些。亦係有益之事。蓋與辦鄉族善舉。在則有夙願適伊等題及。因即動念。於是修廟平地填池。修橋築塔。舖種樹舖街。建鄉約。造文廟。設義學。西學。施貧窮等事。一併舉辦。隨鄉人所欲為。

徐愚齋自叙年譜

八十三

香山徐氏校印

者為之。諸人與義立等經手共化去二萬八千餘兩。本亦分所當為。但事未告竣。而己敗事。當是時。惟族譜幸已告成。此舉差強人意。餘則俱不了之局。以迄於今。今日論來。似乎虧欠鄉人田價。久未清償。咸以為過。然修廟等事。聞當日鄉人亦有捐助。為數不少。究竟曾否付出。分文舖溝。係是公事。非一人之事。彼此因公。既已立願。捐出。應得收來。吾鄉諸公。諒不忍使獨任其難。若謂惟分當獨自問。於心化去。此宗錢文。終不敢自居為功。亦不能更任其咎也。舖溝所用之田。其價縱未付出。但十餘年來。一百數十兩之租。仍是按年寄交。並無拖欠。且聞當日所用之田。其畝數尚有不實。不盡。今亦姑不深論。惟南首所填之地。知已造屋三大所。地價何人所收。下段尚有瓦房一帶。何人收租。何人居住。又渭南姪竹讓與地十餘畝。耕種是誰收租。是誰新溝已開。舊溝之地。又何人經理。此係一鄉公

徐愚齋自叙年譜

事。固遠離鄉非在。諸鄉台應能悉其底蘊。亦付考究。及此否。景況如此。尚復按年仍交田租。豈猶真為慷慨。一為天不虧我。人口平安。景況仍能勉強支持。二為免失桑梓之誼。既忍於前。敢懈於後。三為聞有老祖祭產。雖移東補西。祇得忍耐付之。此宗情節。諸鄉台早在洞鑒之中。亦應代為想想。在收租之人。尤應早為見諒。秉公而論。此等之租。認與不認。均無不可。但業已勉強支持十數年。担不是之名。亦十餘年。豈不顧及時了結。今又致信仁立兄。懇其清明時節。撥冗回鄉一行。託其將衷曲於諸鄉台前。暢為伸說。並邀齊收租諸人或鄉約或祠堂當眾公議。意照每年所交之租。以一分錢核算。作價盡行清還。能否如願。全仗諸鄉台鼎力。玉成。並望收租之人。亦稍見諒。明年將六旬。目今尚可問。久久恐諸人即以一分錢了結。並恐無如。第二個惡漢。或謂以鄉例論。一分錢似乎尚少。然雖少。終究有銀到手。所失之地。仍在一鄉。公帳至出錢之人亦

徐愚齋自叙年譜

八十四

香山徐氏校印

祇為公已擔不是。今雖出錢了結。仍祇買一不是之名。請梓出錢人想想。應亦心平和氣在。所以甘心如此。存有一念。惟願將後有人。仍能擔得此宗。不是一鄉之公事。善舉不忠。其不成未識。諸鄉台以為然否。此次能否議成。統祈示復。不勝盼禱。西年來碌碌如恒。毫無善狀。幸起居尚稱強健。頌下已壽。小兒輩幸賴祖宗乘蔭。三小兒名廷鑾。字月詩。號少之。於甲午年五月初六日午時生。一子名金生。五小兒名廷康。字品詩。號子元。於癸巳年十月二十一日子時生。一子名開生。六小兒名廷藩。字慶詩。號叔屏。於辛卯年五月初十日子時生。一子名申生。又於癸巳年八月初八日午時生。一子名柏生。七小兒名廷爵。未字。號建侯。現在天津西學館讀書。九小兒名廷勤。未字。號超侯。現在上海讀書。去冬在津西學館總教習丁先生來索小影。偶爾照出。並令七小兒侍後。茲藉寄奉數帙。並寄呈家母各戚友。數帙程隔萬里。用呈此照。以當把晤。云耳。勸此奉布。敬請台

安統希亮照不備

翔立弟 兩生弟 小勤弟 端立弟 燦立弟 德茂伯 德榜

叔 業臣弟 明詩姪 吉台再姪 及諸親長均此候安

光緒二十二年丙申五十九歲

奉北洋大臣王札委辦理永平府屬雙山子五道溝等處金礦

十二世懷仁祖墳前之田土名烏洋坑前經老四房典與紫峰族姪計

價洋千元是年山余贖回仍撥助懷仁祖墳項

光緒二十三年丁酉六十歲

名所居曰愚齋撰愚齋自誌

奉合肥相國諭令自陳前辦商局各事節略謹將艱難情形詳細稟明

頗蒙嘉許

溧州車站灤河站邊置有地四百畝擬設商務公司招股辦理並擬章

程節略

徐愚齋自叙年譜

八十五

香山徐氏校印

二月初八日山滬乘富順輪回港與唐瑞芝兄同船詳談甚快 十二

日抵港寓六角酒店 十四日在澳接合肥李相國電囑速來京會同

西人摩庶商辦礦務 十七日返里過翠微村章文市兄留宿章倫書

老友來見擬助年費繞白石鄉謁大姑媽送茶敬百金 十九日返港

二十四日坐英公司輪船返滬又遇唐瑞翁同船 二十八日抵申

三月初五日山新濟輪船赴津 初十日到津謁相國知摩庶擬承

辦各處金礦轉商政府未許後由沙克利會同梅爾士驗看各處金礦

二十七日起唐山 三十日上火車出山海關 六月初五日回京

謁京卿張燕謀 初六日為張老太太祝壽 初七日謁李相國胡雲

榘諸友 十一日返津 七月初五日再入京謁李相國暨各友 初

七日起熱河謁都憲京國課 九月初四日赴撫寧合辦局及永平一

帶 十一月初四日出塘沽山景星輪返滬 初八日抵申

附記 潘爵臣兄返滬唐茂枝兄七月廿一日病故

上合肥相國遵諭陳明前辦商局各事節略 光緒二十三年丁酉

敬稟者竊維天下之事不見功於創始之日而見功於成事之後實

則見功於成事之後必先致功於創始之日 竊道一介凡材知識卑

陋經商滬上粗曉洋情同治十一年李爵相奏准設立輪船招商局

運漕攬餉所以分洋商獨擅之利而收回中國自有之利也創始之

時札委宋故道其昂經辦十二年六月札委 與唐故道廷樞入

局辦事夙夜兢兢懼弗勝任深惟上憲培植之恩股東付托之重勉

竭愚忱冀圖報効規模宜擴不敢存因陋就簡之心風氣初開急思

為蒂固根深之計自同治十二年入局至光緒九年因病請假離局

先後常川駐局効力者十一年所有辦理實在情形似不能謂為無

功者謹臚陳其大端一曰股本初時奉發公帑及新舊所招股本僅

有六十萬兩嗣因經費不敷陸續籌添光緒八年招足一百萬兩九

年招足二百萬兩 首先附股前後計之共有四千八百股合計

銀四十八萬兩此外設法招徠各親友之入股者亦不下五六十萬

兩是招股已經手過半於人心未甚深信之際集此鉅款頗非易易

此不能謂為無功者一也二曰輪船初時僅有伊敦永清福星利運

四艘嗣後逐年添置歸併旗昌至光緒十年除失事各船不計外共

有江寬江永江季江表江裕江通江大江平計江船八艘保大豐順

海晏海定普濟永清利運日新鎮東拱北永甯海琛富順富有美富

廣利致遠同南計海船十八艘兩共二十六艘光緒五年和衆一船

開往外洋之檣香山六年開往順道美國之金山另海琛一船載送

北洋水師員弁前往英國并造美富一船開往星加坡呂宋等埠以

拓外洋之口岸其各處遠船拖駁船不在此數此不能謂為無功者

二也三曰碼頭棧房初時僅有天津紫竹林上海浦東二處嗣後遂

年營造至光緒十年共有牛莊煙臺福州廈門廣州香港汕頭密波

鎮江九江漢口以及外洋之長崎橫濱神戶星加坡檳榔嶼安南呂

宋等埠

宋等埠

宋等埠

宋等埠

宋等埠

宋等埠

宋等埠

宋等埠

徐愚齋自叙年譜

八十六

香山徐氏校印

宋十九處連前共二十一處到處設立仁和保險公司擔保商貨堆積貨物以便商旅歲入租項不下十餘萬兩此不能謂為無功者三也四曰保險光緒元年冬二年夏另招股分設仁和保險公司續設濟和保險公司保客貨兼保船險推及於中國各埠暨外洋星加坡呂宋等埠凡二十一處係與李積善堂創其始先後共有仁和濟和保險股分銀十五萬兩緣商局用華人為船上洋商嫉忌初時洋行每船保險銀六萬兩未能足數細思每年每船保險費萬餘兩局中之船日多保費因之亦多意外之虞究非時有此項利益為數不資爰議自保船險經費不足每船先有保二萬兩至四萬兩後再由洋商與仁和濟和分保以輕任肩迨自保船險項下獲有公積銀二十餘萬兩遂全行自保船險仁和濟和專保客貨計至光緒十年實存保險公積銀四十五萬餘兩商局事事順手山此而起約至今日此項公積應有銀三四百萬兩矣雖非一人

徐愚齋自叙年譜

八十七

香山徐氏校印

之力然辦有成效實創其議在局諸公初時未與聞編有嚴恭兩字出此而此不能謂為無功者四也五曰歸併旗昌初時洋商嫉忌爭利放價攪俄希圖傾陷各口水脚照從前跌賤過半光緒二年值旗昌新換洋東諸事棘手其股分跌價及半無法收拾徵露退讓之心經中人瑞生行東棧加斯德密稱有機可圖維時唐故道廷擬與諸公均不在局旗昌又限期三日決定勢甚迫促通盤籌計利益頗大不重船隻而重碼頭定計歸併三日之內即成草議先付定銀二萬五千兩統計旗昌全局船產以價銀二百二十二萬兩得之局面擴充立脚更穩實始於此嗣後雖有爭衡放債情事而根本既固扼要之碼頭已得不能搖動此不能謂為無功者五也六曰造法國租界金利源碼頭及三層樓棧房經手置購虹口棧房裝卸貨物業商稱便迨併旗昌之後原有金利源碼頭甚狹小棧房離河稍遠未為近便適法國實公使至滬僅一禮拜就擱唐故道廷

徐愚齋自叙年譜

概函囑與商推廣數日即行動工其始該碼頭祇容泊輪船二艘後則可泊六七艘江海各船聚集一處行船日期相機調動不致就誤延擱以二十六船計之暗中利益不可勝算又將沿黃浦灘新漲地三十四畝有零填土起造三層樓棧房該處之地目下每畝值銀三五萬兩近傍碼頭起卸客貨每年省挑力銀十餘萬兩兼能騰出虹口與中棧碼頭棧房租與他人計歲入租息與所省挑力數實不貲至於長江一帶與善昌商號置買扼要碼頭等事又其次矣此不能謂為無功者六也七曰籌款往來初時本少用多恒形竭蹶常年周轉既賴官款接濟亦賴商款流通居滬日久迄今已四十七年當時謬承衆商見信凡有往來如取如攜毫無難色十餘年來統計每年年終結欠莊款及紳商存款常有百餘萬兩之多光緒九年市面大變各莊號歇業提款接手諸公因將船棧房產向洋行抵銀清理莊款其官款一節亦蒙上憲維持俯准分期拔還蓋明知此

徐愚齋自叙年譜

八十八

香山徐氏校印

項籌款往來原為設法周轉擴充局面而起見不如此不能自立此不能謂為無功者七也八曰川人創事之始用人為先招商總分各局二十餘處所用中外得力人員有為素曾共事之人有為及時引進之人事無大小克稱厥職至今歷事數十年之老友所在皆有尤足為得人明證此不能謂為無功者八也以上八大端皆當籌款物議沸騰之日竭力支撐苦心經營以成此根基者也中間唐故道因公至天津開平林西唐山福建臺灣外洋等處年年有之動需半年數月一切局事俱由一人經理為人人所共見然而後之議者惡愛憎為毀譽每仰前而伸後猶以辦理金利源碼頭棧房及裝富順廣利兩輪改長海安海定兩輪謂并不商量任意妄為不知時不可失機有可乘但求成效於日後豈惜小費於目前試以今時之獲利按諸當時之所為為功為過不言自見光緒九年夏秋之間法越一役滬市中變錢莊紛紛歇業十有八九運掉不

一一七

靈各帳擠軋及債致病是年請假離局共欠該局十六萬二千餘兩除還現銀六千八百餘兩以房產抵銀六萬七千餘兩兩年息七厘指明歲入房租作息以局股八百八十三股抵銀八萬八千三百兩兩息一分指明每歲收利作息所還之款已抵足數且有餘銀七十兩有奇有案堪查此項還款計因公賠累者四萬俱有帳在因事潔已專管銀錢用人攬儀修船等事全無沾染反有賠累非比經理清務采辦江廣漕銀每年二三萬餘款現將原抵房屋備銀贖回兩段尚有兩段由局照價出售原抵股票備銀贖回五百四十股尚有三百四十三股仍在局內未贖回主其事者託詞無存訪聞尚存七百股在局光緒十七年蒙李傅相復札委會辦開平等處礦務迄於今日久不問招商局之事習聞該局獲利富厚成效昭彰固皆後來諸公調度經營之力然回念曠昔苟非將旗昌輪船公司併入以及自保船險與金利源碼頭各口岸碼頭房產立基於前

徐恩齋自叙年譜

八十九

香山徐氏校印

豈能收效於後若此所謂見功於成事之後必先致功於創事之日者此也伏思鼓勵人才之道錄及徵勞尤重首功考諸泰西凡辦公司有創事花紅暨退職後常年辛俸之例乃商局年年獲利分派花紅獨於缺如即欲贖未贖之股票三百四十三股尚未贖回又查職道病假離局時交代局事計有保險公積外另各項餘款不下六七十萬兩載在帳簿照章應提二成花紅為數不少在職道不敢錙銖計較第恐人聞寒心從此不敢異常出力實於振興商務大局有礙不揣冒瀆陳大略伏求鑒核訓示至於唐故道廷樞遠慮深謀籌畫無遺才具勝職道十倍生平創招商局開平林西貴池等煤礦承平銀礦建平金礦核其功績天下聞知他日自有公論此時無待贅陳肅稟恭叩助安伏乞垂鑒

擬興灤州六涼汀商務公司節略 光緒二十三年丁酉春

竊查西洋各國俱以通商致富國富則兵強兵強則國本固中國近

徐恩齋自叙年譜

九十

香山徐氏校印

年以來 朝廷自開商埠振興商務不遺餘力凡屬臣民所宜急為講求庶幾在地之利可以漸興在我之利不使外溢而自光緒十七年駐辦開平礦務次年創辦建平金礦往來口外者六七年於茲矣熱河後府圍場蒙古贊承德永平兩府所屬十四州縣足跡殆徧凡其地勢物產有關於商務者隨時訪查粗知崖略計其大宗厥有九利一曰土絲口外河邊山中向有桑樹鄉民蓄蠶其絲有黃白二色製時出產尚少或纒作絲線或織為棉綢邇來所出漸多每年有千包之數惟種桑養蠶不能如蘇湖之盡善然風氣已開更加考究絲數當可逐增又有一種野蠶繭名曰山繭即蠶之食蒺藜葉而成者所在俱有數亦不少仿照煙臺設立繅絲廠或設絲行收買運往各口岸出售此可獲利者一也一曰棉花從前所種無多近五六年來到處皆種大約口外地畝除寒土外已居六分之一每劬子花值東錢四五百文東錢一百合制錢十六文是七八十文可購一斤價甚便宜內地土布向推樂亭縣之搭連布絨厚線長最為上等益可見附近棉花之高或設軋花廠或收買運出口岸此可獲利者二也一曰高粱酒天津廣興居東豐玉所製高粱酒並五茄皮玫瑰露等酒裝運出口售於南洋新加坡各埠獲利頗厚麥子高粱口外出產最廣價比別處為賤若就近開設機器燒鍋本地銷場既廣又能運出口岸此可獲利者三也一曰白麪天津始來牟機器磨坊每年獲利六七千兩近來添設三四家每家每年仍可獲利六七千兩足見銷路日旺口外種麥最廣價比他處為賤若就近設立機器磨坊水陸之運送既便北人性喜食麵機器磨麵其色潔白又鬆且滑銷路自更容易此可獲利者四也一曰皮毛口外以畜牧為業如牛馬驢狼各種皮毛外尤以狍紫狗皮羊皮為大宗常年用駝負至背各莊等處售與販戶轉售洋商不計其數如謂置備機器自織呢毡等類成本較鉅難以狎辦亦可以就近收買運至天津銷售此可獲利者五

也一日桑皮紙遷安縣屬沙地不能種棉花雜糧者多種桑枝其條則爲篋其皮則爲紙又名毛頭紙津京各處官關外一帶多用此紙銷路極廣車載駭負不可勝計查江西土法造紙廣東上海機器紙廠向皆運售北方若就近設機器造紙廠能省運費關稅此可獲利者六也一日煙葉口外關東俱種煙葉摘取晒乾即能吸食近年呂宋煙及紙捲煙盛行中國耗費不少若將種植採摘製仿照西法講究製造不但各處受其益即關東一帶亦受其益實足分外洋利權此可獲利者七也一日花生口外沙土最宜此種從前出產每年祇得銀二三萬兩近五六年來已增至五六十萬兩天津新設機器榨油坊專榨花生油若就近亦設機器榨油坊或收買運出口岸採辦既易水陸兩便此可獲利者八也一日香木粉藥河水性湍急就近所出香木用水磨屑香店購買四路運銷利不可以數計若就近設立機器磨香木廠此可獲利者九也以上九利產於承德永平

徐愚齋自叙年譜 九十二 香山徐氏校印

兩府屬者爲多實中外必需之物然相度地勢設立棧廠莫便於灤州之下涼汀灤河上通承德歷平泉州遷安縣盧龍縣而至灤州下涼汀爲灤州下游水陸碼頭凡運往熱河所屬各哈達以北蒙古各地貨物皆於下涼汀用船上載民船三四千號該處近傍鐵路往來火車適中之地至津京不過數百里至山海關中後所亦祇數百里現聞鐵路擬接造至瀋陽而抵營口四通八達此地實總滙之區又查下涼汀離灤州城五里附近村莊甚多工人易於招集上海線絲織布兩項所用男女工每人日須二三四五六毫錢北地每工東錢八九百文歷年如此工價極廉至於試辦線絲可先用廣東之法半西半中日用煤斤上海每噸合銀六七兩此處用西林煤每噸兩餘二兩尤爲合算由此以觀地勢形便工料減省消路廣達其利不可勝言現擬招集公司銀六十萬兩將以上九事設法創辦如能得利逐漸擴充內地之商務由此與外洋之利權由此分貨由鐵路運成

徐愚齋自叙年譜

養路之費亦可增添釐金關稅亦可以增加銷路一廣出產益多且可藉工作以餬口於貧民生計亦爲有益是一舉而數善備焉自到北方早存此志近更考察明確於下涼汀已置有河邊空地百畝上下計長二千餘尺以爲公司廠基儘可敷用謹陳管見伏候採擇
易勝幸甚光緒二十三年丁酉仲春

光緒二十四年戊戌六十一歲
各親友稱觴慶祝由胡君祥錄發啓徵詩文收李相國胡祥錄沈毓桂及族弟可大等壽文十首
承買少勤弟恕行堂房產
廣華同鄉另置新山莊地
奉北洋大臣榮札撤永平局差隨稟北洋大臣榮移交永平金礦關防文案房
四月在建平總局接穆舍經電塘沽碼頭貶價每畝二百兩讓與津招

徐愚齋自叙年譜 九十二 香山徐氏校印

商局照時價每畝應值三四百兩爲大局計雖貶價無傷也
勘驗建平永平各局務四月二十三日快車入關到唐山後友三諸君來晤知五庶媳二十日肺病身故 孫唐生去津
月初十日晚余返津陶翁到船太早未及晤談因留字轉告張燕謀翁蓋廣州地甚固應簽字其經手合同股份各事亦應清理乃屢次函電均不見答余到津時燕翁在京迫得原條寄去否則律師來唐山種種不便詎燕翁亦不見答查廣州碼頭產業余與唐景翁各佔股銀五千兩陶翁爲此一事迫查清理律師亦有信去但燕翁始終罔聞大概燕翁爲人遇事雖無成見但誤在太大意耳
附記 楊藝芳觀察總辦下海浦舊織布局光緒十九年失慎全廠焚燬山盛宮保稟請李文忠奏准重行開辦改名華盛紡織總廠所有老股作二成抵與華盛新股另添招新股接辦附股者不甚踴躍故將仁濟和撥搭三十二萬兩但開辦以後連年虧折遂於光緒二

羅姓每畝還價五百兩余未允可如諸鄉台合意當為留之後一星期經衆同鄉到地察勘僉稱地形高爽風水合抱有情大為合宜當山章文圃君前來關說以每畝依余所云羅姓之價值但公益之事請余相助一千五百兩每畝收價四百八十五兩諒余應不嫌少云云余亦欲其事之成也故樂而諾之後丈地照新例尺祇丈得九十一畝三分五厘三毫每畝四百八十五兩計收價銀四萬四千三百另六兩二錢另五厘余均置之不較繼聞山莊擬入蕭鳳山經手地九分價銀五百五十兩另出遷墳費與余之售價不啻有霄壤之別矣以目下價值論之則更進四五倍也

光緒二十五年己亥六十二歲

潘爵兄擬返西樵將經手各事一核作了立明合同為據後其五大寧死上海不願家去遂改良將就立租屋契

杭州觀湖於七堡水高丈七八尺西人云普天下第七水影

徐恩齊自叙年譜

九十七

香山徐氏校印

建華獻祖祠需費八千餘兩除宗族捐助三百餘元外由余撥款支足

光緒二十六年庚子六十三歲

四兒建侯隨傅蘭雅先生赴美國肄業

榴三姑雙生子氣血過虧產後病故年三十六歲

修福軒誠齋兩公墓共需款五百餘元

接電宏弟婦五月廿一日故於家

楊梅南表姪山太古行派去烟台充該行買辦須保單三萬兩李光琴保二萬余保一萬即同到英署簽保單

遷嶺西大廟於東開需款六千餘元全數由余支出

新開廣啓山莊馬路邊地六畝分前山寶源祥推出公所抵帳作價二千餘兩今經譚華手照原畝數賣與工部局得價二萬餘兩公益不少

巴司衣雅士先生求助育才書院學費捐洋五百元

五月初六日 坐江裕船至鎮江寓均昌泰號會朱西亭施德記卓與

堂諸兒丈量各地隨接漢電稱盛杏翁因北邊保定府義和團拳匪拆鐵路焚車站今晨山漢返申去津囑余稍候晤而後復坐江永赴漢借寓商局晨早過漢陽晤李一琴驗勘各段廠基機廠等處十三日晚原船返申

附記 四月十六日潘爵兄病故年七十八歲

十二月二十八日莊王載勛賜令自盡端郡王載漪輔國公載瀾均

發往新疆永遠監禁毓賢正法剛毅追奪原官即行革職董福祥革

職英年趙舒翹均斬監候徐桐李秉衡均革職並將郵典撤銷啓秀

徐成焜革職着奕劻李鴻章查辦徐用儀立山許景澄聯元袁祖均

開復原官

記遷嶺西大廟 光緒二十六年庚子

遷嶺西大廟於東開派權立管理其事初古廟在學堂隔隣空地年

久未修廟將傾圮公議改造乃擇地於東開門內坡之上衆議僉同

徐恩齊自叙年譜

九十八

香山徐氏校印

占卜求神亦邀神許諸紳耆即舉權立主事拆舊換新廟貌莊嚴已較舊時寬展工程一切除舊料外共化銀六千餘元均由徐敬德堂出支當時鄉中紳耆以權立所費過濫頗多微言來函改訂嗣經地師梁明東先生查勘以廟基立於旺地日後丁財貴可操左券多化錢銀大可不計遂寢其議又云東山祠中擬開通馬路直至三台祠該祠日後必可發丁云云又查光緒七年間前口文開加高改向四方造作六角塔與先生亦云二三十年後舉人潘泉必有其人以今考之風水兩字似亦有使人可信者也

光緒二十七年辛丑六十四歲

五兒超侯二月二十五日隨女先生戴娘娘山瀨赴英肄業戴先生年

近六十來瀨已三十四年乘德公司輪船去船費五百零五兩衣服四

百餘兩學費千兩書金四百五十兩來去水脚九百兩合三千兩

春閩唐杰臣兄到商崇德三合法界徐家匯路公司之地又託代置德

起莊與寶源祥兩地共成二十七畝零每畝祇出價五百元按照時價
原值七八百兩後思該地地段唐府上已占三份之二且為後日唐茂
公墓地雖賤價不妨讓出也

超兒模塔在英合攝一影寄回甚慰

傅蘭雅先生經管四兒建侯學費是年開銷報單每年約一千七百五
十兩

三月十九日遊天潼廟宇竹徑甚好二十三日回

五月廣肇公所議設義學查三元宮西首有棧房一所魯班先師廟有
屋與空地鐵匠行又有公所准可採擇一處試辦年費約洋一千八百
元余力為獻議且云多設三五處更好各處值事泥於神權不忍割愛
遂至中止幸各人毅心熱力卒成三元宮義學一所

八月十八日赴杭州觀潮較上年略低

夏間追錄津沽濼各地並房子山丁先生沽出各數

徐愚齋自叙年譜

九十九

香山徐氏校印

秋七月十六日余乘新裕輪去津繞烟台遊梁李兩菓園甚好惜地方
欠大二十日抵津寓北洋醫院屈桂亭兄處頗極歡迎即往候丁先生
而謝代辦地畝各事並已收現銀股份甚感甚感越日丁先生答拜詢
及天津新開四通八達之馬路能否發達余祇以好字答之又詢及除
沽外尚存地若干余答濼州五百畝塘沽二十餘畝北戴河十餘畝老
龍頭一百三十餘畝南門外三百六七十畝均成本不大丁云惜乎先
農公司不合無可如何余與丁意大相左逆料五七年後必可漲至五
七倍丁云兩禮拜內去申赴美再見云云斯時勘津地所開四通八達
之馬路其局勢頗可觀准易操勝算後轉深一思我鹿已拿到手今被
人脫角數也命也豈宜久住即於二十五日晚坐海晏轉返申免使夜
長夢多致生枝節

附記 夏間傅蘭雅先生帶學生八位赴美

王寵惠

陳錦濤

徐愚齋自叙年譜

王寵祐

張煜全

譚天池

吳桂靈

濮登清

嚴錦容

年限繳費萬金

光緒二十八年壬寅六十五歲

超兒在英訪友記略

建兒在美州遊大瀑布影圖

記愚齋辛丑至戊戌八年共照影七次合成一幅又兩之自識

四月卓子和余貢兩兄寄到香邑同益棧園種植公司收到徐雨之股
本銀一千元發第一號股份第一號息摺各一部副司理人係卓捷峯
余漢堂余滬生經理銀兩人係卓堯峯另設董事二十七位

四月西醫利醫生以余忠咳嗽宜旅行日本因該處氣候溫和可以轉
換水土云爰約同鮑君味菴及子猷塔乘皇后船起程初至長崎日本

徐愚齋自叙年譜

一百

香山徐氏校印

醫生到船驗疫在華人廚房驗得廚子發紅麻症即升黃色旂停船照
例在船各人均須上岸沐浴並將身上衣服烘過停一夜始肯放行其
浴房一切均仿西式頗具條理越日開船至神戶寓居商話別墅晤鮑
獻卿諸昆仲及麥小彭葉鶴齡吳錦堂諸君均荷歡迎每日去兩處溫
泉洗澡由東醫江馬先生診治頗效繼遊大坂奈良西京等處有大樹
一株其樹身須十三四人始能圍抱可謂巨矣餘日遊各名勝並察驗
各廠實業計十餘處日人勤於教育無處不有學堂隔六七里即設一
校每校學生約二三百人殊為發達街道住屋掃除潔淨無乞丐穿窬
之流有路不拾遺之風官與民品質大佳深可欽慕惟商家似近浮夸
而少信實不無缺點在西京咳嗽轉劇遂即返申計先後住日本二十
七天

附記 建兒遊學美洲寄影片回申加跋數言以別年月

冬間與吳氏合創景綸紡織廠於上海虹口

一三三

壬寅八月既望擬買棹滬江觀潮海濱因事未果憶已亥辛丑與陳子輝庭章子文甫羅子芷香劉子吉六鄭子業臣馬子玉亭郭子輝亭趙子灼臣兩次觀於杭之七塔已年潮高一丈六七辛年僅一丈二三案四海之潮皆平惟曲江湖至則如山岳奮若雷霆蓋以錢塘東有包定諸山皆趨浙江川流挾潮輒抑兩山而過故奔騰奮迅水勢不平或云海南龍北結二山相峙是為海門岸狹勢逼而為濤常以月晦及望為大至二八月尤高峨峨二丈有餘稱為奇觀西人謂錢江之潮為宇山奇景第七然就水上論亦歎觀止云殘桂猶香菊花初蕊客窗無伴爰抽舊攝觀湖小圖而補以記

記與吳氏合創景綸紡織廠於上海虹口光緒二十八年壬寅

查該廠初由杭州吳季英姻家獨力創辦原名雲章機衫廠山丙申以迄辛丑連年虧耗力不能支壬寅春吳君季英去世乃由其姪子常君偕同經理人倪慶甫君並工程師西人軋拉士君就商於余余

徐愚齋自叙年譜

一百零三

香山徐氏校印

念私義則前關姻姪公義則事關實業允許合股公司估價廠基機器作元三萬兩算余亦劃現洋如其數共作資本元六萬兩於十月朔日改名景綸添派汪少雲君與倪慶甫君同為經理初不料雲章廠基早經前股東質於洋商高易也事後知得不得已墊款取贖繼又督辦機機拓開廠屋添購左近基地營造電燈引擎爐間暨漂烘各房迨機到申始知價需萬金日出機僅五六打而貨復不佳蓋所辦者老式無用之機器也此時倪君早經自辭軋拉士亦無願存留矣所有廠事遂任汪為經理汪於商務精明惜乎貪做生意甲辰夏秋間汪糾同股東吳子常熱銀十萬兩充當與商龍興洋行買辦不三月墊款四五萬無從追還且從中影戲本廠牌號挪用莊款事敗汪竟遠颺子常負債累累挪款亦經余認墊而子常遂不能一日安心矣次年乙巳另派同鄉譚珩生為經理丙午抵制美貨本廠創織錦地桂地等項衣衫銷路稍通然逐年結帳仍多虧折戊申春子

徐愚齋自叙年譜

常去世其弟子欲即余婚也留學歐洲聞耗歸來集其從弟備之等清理家務並及廠事乃於九月中邀友來申結帳自壬寅十月至戊申九月杪止共結虧元八萬五千七百餘兩是時余所墊款項計有十七萬餘兩之鉅吳氏昆季一再懇求併股不得不勉如所請於是戊申十月朔日景綸廠遂為余個人之營業矣是年冬南洋庇能廣安號主梁樂卿函索本廠貨品並願担承銷路余極許可乃寄去各種汗衫二箱明春得覆極蒙獎譽謂足與洋貨頗頗源定辦同時香港興隆號亦有大批定貨運往南洋銷傳南洋華僑遂知有上海景綸汗衫廠矣五月間老友梁和奉鄂督陳委赴南洋爪哇招織呢廠股份過滬見訪余乃囑珩生偕行山爪哇而庇能而石叻各埠藉廣招徠是役也往返三閱月定貨五百餘打皆雙線桂椒地等上品貨借此種機器不多出品亦少一時不及趕辦且機器織布各有不同針分鉅細線有精粗貨料全靠外洋運來成做之衣又全在女工

徐愚齋自叙年譜

一百零四

香山徐氏校印

女工或來或不來實無一定期限此中為難情形非常局不悉唯定貨緊要余復添購上貨機器數部以期趕速起貨無如年終結帳仍虧官息三千餘兩蓋珩生忠厚有餘經營數載仍無起色遂亦知難而退矣庚戌正月乃延鮑君味純司理廠務徐雷村副之於是年春稟請商部註冊商標存案次第舉行或挽已失之費希得無窮之利其在此乎是為記

光緒二十九年癸卯六十六歲

奉北洋大臣袁札委復回上海會辦招商總局查局中存江海船大小二十六隻除安平泰順兩新船外餘俱舊船察看情形非添船不可

附記 記招商局事光緒二十九年癸卯

是年五月奉北洋大臣袁札委會辦招商局事查甲申年盛馬兩觀察向滙豐借英金三十萬磅稟請北洋有用十條理財十條均經局中存案今摘錄二條於後

一三五

日期故未登岸沈委員即代僱與夫并送路菜又命局勇吳德佑護送至醴陵自七點一刻開行晚駛三十餘里地舖因天雨昏黑灘多故也十一日早五點半鐘展輪六點三刻抵涿洲七點一刻起程轎夫挑夫十七名下午六點半鐘抵醴陵之陽三石車站該處轉運委員薛貢玉備有便飯食畢登火車八點一刻開車十二點三刻抵萍鄉礦局地名安源過萍城之東南直綫有十二里之遙晤總收支委員顧君怡琴及礦工委員李君鏡澄皆鎮江人顧係盛宮保所委李係張觀察所派十二日午後一點半鐘偕李處兩君見副礦師戴萊係德人畧談片刻約次早八點鐘進井看礦別後晤工程師史淵德並看經地皮上所繪之圖旋偕李君遍觀各廠及土洋煉焦爐洗煤台等處傍晚始回十三日早八點鐘偕李處兩君至廠乘副礦師辦公室晤談未久各更衣提燈下井先由直井吊車而下至第一層處約深六十德尺每尺三寸向東南平巷而進行至三千三百尺處為止沿途見出煤地方五處另一處用西鑽打石其聲遠震西平巷則在上層雖有五通之路然斜上三十餘度煤車絡繹不絕是以未到遂偕戴礦師等仍由吊車出直井口至東平巷其巷口朝北向東南方進行至三千四百五尺處為止沿途出煤地方四五處其西平巷則在此巷之右雖已五穿亦斜下三十餘度上平巷在上層彼此可以互通其斜度與前同此外支巷出煤處因時交午刻未便週閱及出巷口已十二點鐘矣午後三點鐘復至廠礦師處看圖並考究一切遂回局原洋文送盛宮保十四日早起程六點三刻至車站七點開車九點五分抵陽三石車站赴薛委員處畧坐片時叔平觀察邀飲已不暇到遂即登舟九點三刻開行十五日早八點半鐘抵株州仍由萍利小輪拖帶十一點鐘抵湘潭乘輿至萍礦轉運局回謁沈君子卿沈係皖人年六十三歲人頗誠篤隨即乘輿至十三總地方勘日本已設之碼頭本局擬以昆連購地俟議後再定也午後即回

徐愚齋自叙年譜

船兩點半鐘開五點三刻抵長沙接官局來電快利船十四晚開赴漢口是晚十點上快利船回漢口茲將萍礦及鐵路辦理情形列後

萍礦及鐵路情形

地勢 萍鄉邑隸袁州居湘贛交界之間東南為贛與宜春安化蓮花廳毘連西北鄰湘與醴陵瀏陽接壤
煤形 萍邑四鄰縣皆有煤產然究其煤脉之來據礦師云山東南而西北其形如盆離萍城東南十二里地名安源即煤形破裂之處蓋昔年地火湧出以致石層轉向此明證也
煤層 萍煤之層數土人已挖見十一層其厚薄之分在出口之處則薄愈進深則愈厚此猶人之掌指微薄至腹間則隆然豐厚茲將煤層各名及尺寸逐一開列於下

小礦 挖不 老礦 煤質極淨厚約一尺至兩尺 劣皮礦 質稍次厚二尺至四尺
一格礦 煤質極佳厚約三尺 一隔礦 厚八尺至九尺內有夾心重不台煉焦

第一第二第三大礦 每層厚四尺至一丈餘八不等多煤供
四頁大礦 厚五六尺至丈餘尺其質極佳
大底小底板 此二種灰質俱備無上
煤質 萍鄉之質實優於日煤然就其各層統言之發火易者十居其二因浮氣太重不免虧耗原質是煤質之一劣處其他十分之七耐火既久各質尤宜於鍛煉故合煉焦之用惜從前壓力不足質地稍鬆多搬易致碎茲將煤中含質默錄及之
燐點 零零一起至四五止若零零八九鍊鋼必脆不能重壓
礦每百分中二三厘起六七厘止若過一分有礙於爐亦不合用
灰每百分中二三分起六七分止若過十五分不合煉焦
浮氣每百分中二十一二分起二十八九分止逾此即虧原質若輕二十分以內又不得煉成焦炭
礦址 擇地距萍邑東南十二里名曰安源該處地勢稍低且係進

山之處前頃所述其形如盆破裂一角處也開有吊井一座直深六十法尺現聞續接六十法尺另有東西平巷各一上高平巷各一此四平巷均向東南平進取挖與吊井互相穿通以疏散氣而廣出數至於井內之布置有蓄水池炸藥庫及鐵路人力車電氣車等件已屬完備去年洪公未回時此五井日出油煤四五百噸因存積過多不便多出

局廠 總局一所鑛工辦公處一所傍有收支處稽核處工程處化學房繪圖房五金材料所磚木材料所已成儲物所火車機器廠鑛工機器廠造磚廠鍋爐房打風房起重吊車房堆煤廠大小洗煤台煉焦爐及鑛工飲食宿舍所病房等處現在又建棧房兩所尚未告成此皆歷年所布置者也

土井 自二十二年起至二十八年止土井日加暢旺統計六十餘處日出選煤千噸之譜照預定之議俟機井出煤土井常逐漸減少

徐恩壽自叙年譜

一百零九

香山徐氏校印

近來商民之井已由鑛局歸併殆盡矣

運道 萍邑地界兩省水道亦分兩派其向東南趨至南昌者其河名袁江發源在萍邑三十里之遙曰蘆溪當春夏水發時每船可裝七八噸民間因水瀉無餘故沿途築壩百餘座藉以灌溉農田但壩俱有門故小船仍可往來至秋冬水涸深只六寸或一尺不等各船難行其向西北趨至長沙者河名濠江發源即在萍邑東南門首春夏水發時每船可裝十三四噸秋冬水涸亦有五六噸可裝然沿途亦有壩九十餘座現在鐵路接至醴陵已越壩八十餘座若明年續接至株州不但壩可全越即二三百噸之船亦可裝運如粵漢鐵路能先接由株州至岳州四百五十餘里則萍礦運道直達完全矣

分局棧 醴陵局 以火車運煤之煤 濠口局 以小船運煤之煤 岳州局 以火車運煤之煤 長沙局 以小船運煤之煤 武昌鮑魚套棧 以火車運煤之煤 輪駁 拖輪六艘其名曰 以上四洋平水走七英里拖重四百里

鋼駁四艘 木駁三艘 白桅駁船十七艘

鐵路 第一段於二十五年舉辦自安源至萍邑西門外計十二華里名為安萍鐵路第二段山西門外接至湘東計二十九華里即今年張宮保奏請建設製造之處第三段山湘接至醴陵計六十華里名為萍醴鐵路共計分設車站四處以安源為起點萍之西門外次之湘東又次之現以醴陵之陽三石為止此皆二十九年七月告竣者也

洋工師 賴倫 總鑛師 歐萊 鑛師 史彌德 鑛師 西禮夫 特內 監工 特勞軒 同上 勃藍德 石師 鄧生 勃里克 石工 那司可維 克同上 馬賈司 克 煉焦師 那彌納 特 洋 播 冷 醫生

以上每月薪金自三十五磅起至一百磅止惟不知新來之鑛石師及總鑛師薪金若何

徐恩壽自叙年譜

一百十

香山徐氏校印

工程處 四位 洗煤煉焦處 三位 土爐煉焦處 五位 收發機器處 四位 化學房 三位 雜學處 二位 總帳房 十四位 稽核處 五位 材料所 七位 煤務處 十六位 收發鑛工機料處 三位 採辦萍木處 三位 醫院 一位 機礦總公事房 二位

以上司友一百八十八位係指安源全礦而言其餘土井及鐵路車站概不在內司友每月之薪金自七八元起至八九十元止 工匠 機匠二百五十名每月工食洋自七八元起至四五十元止 內外工人二千餘名此項工人均係包工

錢號 萍城地處山鄉籌現款頗難光緒二十五年始在該城之內設立礦局官錢號一所凡有匯兌款項均由該號出入以便週轉現已歷有年所週信孚已出洋票並錢籌五萬有餘矣 原委 萍之土人云此煤探自國初由來已久然當時挖取不過自供爐炊後有點者始將煤塊名曰枯塊運售於長湘間供銷絡之

用山是逐漸開廣業此者業然取煤之法只顧目前煤路近者取之遠者棄之甚至棄其舊而又另開其新稍有水者亦棄之雖有竹筒抽水終不及最小抽水機十分之一是以遠近四五十里間無山無洞無處不挖後因湖北設立鐵廠派員赴各屬查攷始知萍之產煤然採買數年沿途積弊終無所濟幾致廠勢危迫謀歸商辦萍鄉礦口下每日出煤三百噸日夜兩班每四百人此後則每四個月可出五百噸如直開至小坑地方煤好且多轉至紫家冲天礮煤好且多大局可定矣

井下工程東西平巷吊井一百八十五尺平巷統計三萬二千尺未夠兩里路查開辦至今已八年矣聞共費本不下三百萬每月廠中用度三萬餘兩連火車火船民船分局繳費月需共元八萬兩火車十四里局辦墊費萍鄉城至陽三石河邊八十里工費總公司墊辦由醴陵至株州九十里亦總公司墊辦每里約元一萬二三千兩

徐愚齋自叙年譜

一百一十一

香山徐氏校印

大橋一處費亦不多餘皆小橋聞明年四月可竣工該處民船祇載十餘至二十噸雖較醴陵船之載四五六噸者較大然非火車不能通運聞株州此後可接粵漢鐵路云云

廠業工程司預備煤焦石樣廠圖并圖擬一禮拜後寄張紹翁處付申託轉致盛宮保添置提他油機造煤磚機共需三十餘萬可保必獲大利正礦師賴倫與李一琴兄全赴美英德探訪鋼焦各種爐機以補救萍礦與漢陽鐵廠唯一切要證欸項無非外借督辦未允墊辦云云

焦炭山木成本約每噸五兩路費至鐵廠約四兩作價廠用十一兩五錢碎粒漢沽七兩土爐七天一爐每月五千噸費本二十三萬元已墊還十八萬元機爐二十四點鐘一爐每月二千噸新添大機爐每月三千噸漢陽月需六七千噸各處銀錢機局二三千噸本廠所造火磚物美而價又相宜較外國來磚可省三分之一總查

徐愚齋自叙年譜

該礦部意所可惜者未曾認真挖深大致較唐山更形踴躍其久無洋文總理尤非所宜目下總算成功祇須向井下工程專心辦理其採煤地方開到極深遠到極迫再能添本一副則三五年內必能見效若再以千萬繼之更為事半功倍發達無量也

九月十九日九江復回漢局二十日午刻同紫卿兄到漢陽鐵廠晤張紹翁初次謀面談論良久同勘化生鐵拉鐵軌并驗大煤碎煤等事紹翁却似唐景公一路人物佩服佩服所欠者洋情不透露誤在不專一事耳其同事馮敬菴張文通兩君年皆四十外開極能耐勞在廠十餘年兩手空空尤為難得梁有潘堂朱容三工頭辦事頗持正皆目下可靠之人唯工食太薄此乃中國之大病梓辦從未到廠無從得察也此次考察各事慮洪昶兄之力為多慮誠有心人哉聞漢沽日本客二萬噸二三號貨價二十二兩零星二十五兩生鐵成本約二十五兩鐵軌五十兩外如馬丁鐵約本七八十兩

徐愚齋自叙年譜

一百一十二

香山徐氏校印

張文通代辦工梁有七十外潘堂七十外朱容六十外拉條經理某

福州 鎗砲廠官辦總辦蔡子昭三十外後出館每月五十支每支二三十口每枝三千兩現每工費三兩兩之譜

記常德府水陸情形

地勢 常德府在洞庭之西南管領四縣其首縣為武陵縣東距長沙四百二十里西去沙市三百四十餘里其四隣之縣東接龍陽南連安化西去桃源北達澧州而雲貴在其上游也

城市 武陵城式腰圍四面臨水其城門有六山東至西約計四里自南而北不過三里人煙頗稠稠密城外河街計長七里尤為繁盛蓋各貨運傳處也

物產 地近湖畔種植相宜是以有出產布花之稱然以多寡計之米為大宗布花次之茶葉紙張又次之至於木料煙土桐油茶油及

一三九

牛皮楮子藥材等類此皆雲貴沅州洪江永綏辰州之所來非該郡出產也

水道 源發於貴州之山溪流於湖南之洪江洪江八百餘里而趨常德之接江接江一百九十五里至沅江而入洞庭故各埠來貨

以常德為併分過儀之處惜河水漲落懸殊河岸不寬而尤曲折是以春夏發水每有淹及城門之患冬令水涸沅江一帶淺灘五處

不免與行輪線路有所阻礙將來我局如欲開辦擬請先咨湘撫憲札飭武陵龍陽沅江三縣凡有灣頭過曲之處木排不得任意停泊

以免兩誤 擇地 太古購地在下游東門外之河街土人命其名曰三官殿該處水深貨客皆便誠碼頭之勝地也查已購得橫寬十丈深約十一

二丈計出價錢五千千文該行嫌不敷用尚在添購其餘洋商雖經

徐恩齊自叙年譜 一百十三 香山徐氏校印

履勘尚未購辦至於將來我局擬購之地以坐船管窺所及擬在下南門外之首為便以其地居城廂之中心點耳或在太古毘連上游

之處亦可 民俗 性情馴良尚有古風服飾飲食還在從儉亦未聞有械鬥等

事惟不喜遠出智識稍短不免固信渺茫且接壤雲貴鴉片價廉致有煙癮之患以至勞苦者愈入苦境又據境紳稱隣府辰州則不同

悍弱天淵是以有昔年教案之慘 商權 土人喜於耕種而不善於理財是以頭等事業俱落於徵捐

之手粵商雖有之然不過十餘人耳而人亦有之不過為海貨藥材數人而已

全街 呈

職道現年六十六歲係廣東廣州府香山縣人山監生遊壽節例報

光緒十四年十一月在江蘇省城督辦局加捐員外郎並

前北洋大臣直隸督辦李鴻章 前在兩江督院任內於蘇軍分撥

上諭 徐調鼎著賞四品銜欽此 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

徐恩齊自叙年譜 一百十四 香山徐氏校印

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

前北洋大臣直隸督辦李鴻章 奏是年八月二十九日奉

家心靈敏服侍不懈且能先意承志及長如一日尤能得陳夫人歡心
臨終特分給銀二千兩陳夫人故後余年老侍奉需人因約為小星今
加給銀若干俾頤君得以自養

北洋大臣袁札文 光緒三十一年二月二十六日發

為札委事照得北洋開辦公債業經奏奉 諭旨允行並通飭直
隸各屬設法籌募南洋開辦公債業經奏奉 諭旨允行並通飭直
隸各屬設法籌募南洋開辦公債業經奏奉 諭旨允行並通飭直
隸各屬設法籌募南洋開辦公債業經奏奉 諭旨允行並通飭直

錄過客女史筆記 光緒三十一年乙巳三月二十二日

東方人起居 中國名宦人住家

余路經上海往來於地則高居此處西人亦鮮有知者至欲
東路之觀也一得引局不測方知東方人乘性在焉其主人則
察以五十年來無往不復有故以樹一自名其室以若各式盆
德在夢幻之中安可及愛我西人之情甚不為精明其得有樂
樂然和氣均可安而可及愛我西人之情甚不為精明其得有樂

徐愚齋自叙年譜

一百十五

香山徐氏校印

每不方人先勞也無不勤懇其地則高居此處西人亦鮮有知者至欲
見東之親父時年五國離其地則高居此處西人亦鮮有知者至欲
叔父之親父時年五國離其地則高居此處西人亦鮮有知者至欲
七伯先親父時年五國離其地則高居此處西人亦鮮有知者至欲
成伯先親父時年五國離其地則高居此處西人亦鮮有知者至欲
津及長兄均用開分長行其時各處通商口岸一開二搭八元
幸德英金六以備長行其時各處通商口岸一開二搭八元
該船可隨地而意必至大門前上船時其力地地地地地地地地
岸有二百餘名於一近門前上船時其力地地地地地地地地
四局在租界者一近門前上船時其力地地地地地地地地
將書局在租界者一近門前上船時其力地地地地地地地地
之自心經十餘年來始無開之復何子而記立公則以余為
基礎後天津平語不察又與西人相見則以余為
之已而不自八矣以爲語亦不察又與西人相見則以余為
意之所自公與子與均溫文爾雅其對是似以寬容易氣其太無
英德語女公與子與均溫文爾雅其對是似以寬容易氣其太無

徐愚齋自叙年譜

光緒三十二年丙午六十九歲

奉北洋大臣札委代理招商總局總辦

徐愚齋自叙年譜

一百十六

香山徐氏校印

仁濟醫院為先繼室陳夫人物仲以留紀念

閏二月初四日炎詩來說乘詩所述德德公司事光緒八年五月初
閏仁立叔云兩之叔擬將以下所列之房地皮合做德德公司嗣後
六七月間仁立澤立兩叔傳言將房地皮照成本並加小費作價六
萬五千兩如數抵結此產當時有友佑再山兩之叔手撥出房子合足
數十萬立德德公司計開修修堂一份敬德堂二份乘詩一份此事經
諸叔所議且乘詩尚吃招商北棧飯理應思報又於自己大有益處故
即允諾後於八月間將契據單據等列明一部親送寶源祥照交穆先
生收存備查計開虹口朱家木橋叢桂坊寶順里裏虹口華記路悅興
街東棋盤街大方棧等廣東街小街市老閘橋北下海浦之沈家灣一
百十九畝已造房子約一百三四十間每月收租五百餘元尚有未造
之地約五六十畝云
按此公司於癸未年法越開仗即已停能寶源祥欠各莊洋行往來

各口遊船	四十三萬兩	十一萬兩	十四萬四千五百兩
津沽拖駁	七萬二千兩	五萬兩	八萬四千兩
各小輪船	五萬兩	二萬九千兩	二萬五千兩
各埠駁船	一萬兩	一千兩	未
共計	五十五萬三千兩	十九萬兩	二十五萬三千五百兩
各產成本			
總局局房	元十四萬兩	上海南棧	元一百一十二萬兩
上海北棧	元六十三萬五千兩	上海中棧	元二十五萬兩
上海楊家渡棧	元三十八萬五千兩	上海華棧	元五十一萬二千
上海十六舖棧	元三萬三千兩	上海華產	元七萬兩
吳淞地產	元二萬六千兩	天津局產	元十六萬兩
塘沽局產	元十四萬五千兩	通州局產	元五萬兩
北戴河地產	元二萬兩	營口局產	元二萬三千兩
徐恩齋自叙年譜		一百二十一	香山徐氏校印
烟台局產	元二萬兩	宜昌局產	元二萬兩
長沙局產	元一萬九千兩	沙市局產	元五萬兩
漢口局產	元十九萬五千兩	九江局產	元七萬八千兩
蕪湖局產	元一萬八千兩	南京局產	元二萬五千兩
鎮江局產	元六萬八千兩	寧波局產	元四萬九千兩
溫州局產	元一萬兩	福州局產	元二萬四千兩
汕頭局產	元七萬二千兩	澳門局產	元五萬兩
香港局產	元十二萬兩	廣州局產	元七千兩
梧州局產	元一萬兩	杭州局產	元三千兩
共計產本	元四百二十四萬五千兩		
輪船水脚繳費三年比較			
三十年分	三百二十一萬四千兩	三十一年分	三百十三萬一千兩
		三十二年分	二百七十九萬二千兩

收公攤	二萬兩	四萬兩	二萬五千兩
支保險	三十萬九千兩	三十二萬五千兩	三十八萬六千兩
支關費	六萬九千兩	七萬六千兩	七萬五千兩
支碼頭	二萬五千兩	二萬六千兩	二萬六千兩
支修理	十九萬二千兩	十八萬九千兩	十四萬二千兩
支辛工	五十九萬二千兩	五十八萬九千兩	五十九萬八千兩
支用煤	五十七萬四千兩	六十一萬一千兩	七十四萬九千兩
支用物	十二萬兩	十三萬六千兩	十三萬八千兩
支各力	四十萬七千兩	三十九萬一千兩	三十六萬七千兩
支雜用	七萬六千兩	七萬三千兩	七萬三千兩
支減脚	九萬八千兩	四萬三千兩	五萬六千兩
支租船		四萬六千兩	
共支	二百四十六萬六千兩	二百五十一萬兩	二百六十一萬四千兩
徐恩齋自叙年譜		一百二十一	香山徐氏校印
結餘	七十六萬九千兩	六十六萬兩	二十萬三千兩
各口棧租			
漕米棧房	七萬八千兩	七萬七千兩	七萬八千兩
金利源棧租	二萬二千兩	二萬七千兩	三萬一千兩
北中棧租	二十四萬四千兩	二十三萬二千兩	三十四萬一千兩
華棧租	九萬五千兩	十萬六千兩	二十四萬五千兩
楊家渡棧租	八千兩	五萬六千兩	八萬五千兩
漢口棧租	九百兩	一千兩	一千兩
九江棧租	四十兩	三十兩	五十兩
鎮江棧租	四千五百兩	三千八百兩	四千八百兩
汕頭棧租	三百兩	二百兩	一百兩
香港棧租	一萬二千兩	一萬兩	八千兩
天津棧租		一千兩	一千兩

共收	四十六萬四千兩	五十一萬四千兩	七十九萬五千兩
市房產租			
十四所	一萬七千兩	一萬四千兩	二萬八千兩
洋行街	一萬一千兩	一萬兩	一萬六千兩
天字號	四千元	四千元	四千元
華產	三萬兩	三萬四千兩	三萬三千兩
十六舖	九千兩	一萬一千兩	一萬二千兩
集水灣	五百兩	六百兩	八百兩
法公司	四千元	四千元	四千元
三德堂	三千元	一萬六千兩	五千元
怡和行	二千元	二千元	二千元
太平里	一千二百兩	一千八百兩	一千八百兩
中棧市房	五千六百兩	七千五百兩	七千五百兩
徐愚齋自叙年譜	一百二十三	香山徐氏校印	
楊泰記	二萬七千兩	二萬五千兩	三萬五千兩
楊家渡	一千兩	一千兩	一千兩
吳淞地	一百兩	一百兩	一百兩
天津	七千兩	六千五百兩	七千兩
烟台	四百兩	六百兩	六百兩
營口	一千一百兩	一千五百兩	二千四百兩
漢口	一萬兩	一萬一千兩	一萬一千兩
九江	六千七百兩	六千二百兩	六千二百兩
蕪湖	五百兩	五百兩	五百兩
南京	一百兩	一百兩	一百兩
鎮江	三千兩	三千二百兩	四千五百兩
甯波	一千兩	一千一百兩	一千三百兩
福州	一千兩	一千兩	一千兩

汕頭	七百兩	七百兩	七百兩
杭州	七百兩	二百兩	
長沙	八十兩	一百七十兩	
共收	十四萬八千兩	十五萬兩	十八萬七千兩
雜項進款			
塘沽碼頭	四千九百兩	三千三百兩	四千二百兩
香港碼頭	一千五百兩	二千六百兩	一千五百兩
廣州碼頭	二千九百兩	二千八百兩	二千七百兩
澳門碼頭	二百兩	六百兩	五百兩
傳舊物料	三千九百兩		四千六百兩
各項息款	三萬一千兩	五萬六千兩	十六萬一千兩
共計	四萬四千兩	六萬五千兩	十七萬五千兩
各項開支			
清運虧帳	五萬兩	六萬二千兩	八萬八千兩
各項繳費	十一萬九千兩	十一萬六千兩	十五萬八千兩
地租捐	五萬兩	四萬五千兩	六萬八千兩
修理	五萬八千兩	五萬七千兩	五萬九千兩
北棧繳費	十二萬二千兩	十二萬兩	十二萬八千兩
華棧繳費	三萬三千兩	四萬四千兩	十萬五千兩
南棧繳費	二萬八千兩	二萬八千兩	三萬六千兩
楊家渡繳費	一萬四千兩	二萬二千兩	二萬三千兩
保險費	一萬六千兩	二萬六千兩	二萬二千兩
商部經費	八千兩	五千兩	五千兩
股東官利	四十萬兩	四十萬兩	四十萬兩
共支	八十九萬八千兩	九十二萬五千兩	一百九萬三千兩
總結			
徐愚齋自叙年譜	一百二十四	香山徐氏校印	

收水脚	三百二十一萬四千兩	三百十三萬一千兩	二百九十九萬五千兩
收公攤	二萬兩	四萬兩	二萬五千兩
收棧租	四十六萬四千兩	五十一萬四千兩	七十九萬五千兩
收產租	十四萬八千兩	十五萬兩	十八萬七千兩
收雜款	四萬四千兩	六萬五千兩	十七萬五千兩
共收	三百八十九萬兩	三百九十九萬兩	四百九十七萬四千兩
支船繳	二百四十六萬六千兩	二百五十一萬兩	二百六十二萬四千兩
支運清運保 除地州雜費	四十九萬八千兩	五十二萬五千兩	六十九萬三千兩
支官利	四十萬兩	四十萬兩	四十萬兩
共支	三百三十六萬四千兩	三百四十三萬五千兩	三百七十七萬七千兩
結餘	五十二萬五千兩	四十六萬三千兩	二十六萬六千兩

光緒三十三年丁未年七十歲

澳門養病接滬總局電盛香葆宮保定正月十六日在愚園開商局江

徐愚齋自叙年譜

一百二十五 香山徐氏校印

浙股東大會決議由商人自稟商部立案承辦是日赴港就商各股東
 取決辦法伍秩庸侍郎張弼士太僕鄧唐葉各大股東均在港故於正
 月二十日在杏花樓集議覆電上海總局謂如須商部註冊議准照舊
 由總局自行稟辦不認江浙之議余自失於不稟報北洋之誤憤火中
 燒又以積勞太過二十四日五兩日寓詠德家氣絕兩次幸得夏士丁
 醫生施治轉危為安遂移寓堅道大街二十七號洋房月租千金養疴
 兩月三月二十四日返申到差怡和太古兩行主同來議各加長江輪
 船一校諸同事公議照辦並議中棧華棧兩處增三層樓大棧房查近
 兩年內中棧華棧進租頗發達但貨物過多時常不敷裝載議非添
 置三層樓棧房不可計辦兩事須籌款百萬若添加股份每年發息至
 少一分殊非善法余提議如湊巧有六七厘公款或西人公會中年息
 六厘之款借來經營似較易辦諸公均贊成遂由局議好節略大旨謂
 添船造棧需借百萬外債云云余於五月一日帶同節略由新銘去津

初三日到埠初四日上院遞稟摺各一扣節後兩次上院未見殊覺詫
 異六日後奉札撤差謂該道病未愈賞假三個月安心調理至期另候
 差委等語蓋有人中傷之亦定數也

老四房為錦城又姪老介福產業事商請分潤初時各不相下後思骨
 肉至親卒如所請在錦城又姪雖不無吃虧然仁至義盡實心安理得
 也

五兒超侯得電回港六月二十五日由申繞美洲返英國仍回惡士佛
 大學校

廣益公司施植之兄議湊集資有限公司歸彼主辦願入股十六萬後
 因調差別處未能兼辦故未成

建侯投効奉省蒙 徐欽 奏派試署奉天勸業道僉事

稟北洋大臣袁電 光緒三十三年丁未三月二
 十六日十二點四十分

宮保鈞鑒 現經病痊於二十五日回局辦事謹稟聞餘具稟陳

徐愚齋自叙年譜

一百二十六 香山徐氏校印

謝 謝 謝 稟有

上北洋大臣袁稟 光緒三十三年丁未
 三月二十七日

宮保閣下敬稟者竊 愚以衰庸渥蒙 憲眷委任愈重圖報愈
 殷祇因去冬咳嗽舊病劇發西醫堅稱瀕上天時水土均不相宜只
 得請假回籍當於十一月二十九日電稟 前總理楊部堂轉懇
 帥座賞准給假旋奉京電慰問益覺感愧不勝即於臘月初三日力
 疾航海回粵趕緊延醫療治愈而復發屢瀕於危自付亦謂無更生
 之望惟念局務攸藉 憲恩未報五衷焦急莫可名言今年正月接
 滬電知復蒙 札委代理總辦自顧何顏竊叨逾分其時正值昏眩
 醫亂不省人事但有哀鳴絕無生理既未能避陳下榻並未能馳電
 上聞日月侵尋負疚滋甚伏維 宮保岳瀆崇深地天經緯澤無不
 被量無不周如 之須臾毋死絕續能存亦何莫不在 覆轍之
 下茲幸病痊於本月二十五日回滬即遵 憲台前札入局辦事業

三十八分現在太古怡和兩家又將添造江輪商局亦不得不添乃能與之相埒並可佔住分數且現在又有東洋公司驟添多艘與三公司競爭長江航利則商局更不宜落後雖貨儲生意淡旺隨市而為轉移而船隻噸位不可不預為之備況與各洋商公司比較噸數尚恐未能平均此江輪所以不能不添置之情形也

一 修建棧房 查商局北棧中棧在下海浦地方為航進港口最便靠泊之碼頭該處水利亦最佔優勢是以外洋公司船貨駁儲多就該兩棧上落屯儲現因中棧平屋兩座已形朽舊不得不拆卸翻造改建三層樓房貨棧地位擴充則貨儲不慮擁擠而棧租亦可望滋增又中棧之沿浦舊有置棧一區向租與耶松船廠現已期滿收回擬即估工建築棧房碼頭俾置產有用而利可發生北棧自光緒二十二年添建新號貨棧三座後已閱十年其原有舊號貨棧向係同治八九年創辦所造平屋俱已剝落不堪且從前建築圍牆亦不合

續修四庫全書

一百二十九 香山徐氏校印

格地形低窪尤須填高改良以免潮汎盛漲浸濕客貨之患現擬將各號舊棧拆卸重建與中棧辦法略同以上各項修建工程估計需銀四十萬兩除舊時置棧成本不計外以近年之市面而論每年約可獲二分有餘之息為謀生利起見雖係債款與辦亦尚可合算此現擬修建擴充各棧房之情形也

一 續訂三公司合同 查商局與太古怡和訂立合同每屆以五年為滿期接續重訂仍限五年或應有修改條款須預先六個月關照今屆自光緒二十八年五月訂立合同之日起計至本年六月又屆五年期滿應行續訂現在商界競爭航路機每主客之勢互易機械之智環生非脚踏實地以周密之心思運動靈活之手段鮮不失敗怡太兩家幸有此種合約維繫其間而移步換形亦未始不伺隙於我則所以為續訂合同之預備不能不綢繆在先庶可當機悉協而日後乃見效力所擬添船添棧無非皆為是張本船棧比例不其相

差生意分數佔穩則續訂各項條款亦易就範此現屆合同期滿擬接續修訂之情形也

一 整頓清運 查商局承運江浙清糧似為獨佔利益而連年虧虧總在五六萬以外及七八萬不等推其致虧之由固因立法未善亦因徒法不行而辦理之人及浮糜之費皆在後已向章商局在運收米儲棧裝輪運津交卸是其專責至由津運交京倉原係江浙運員之責乃近年凡有交倉之短欠糧道亦責商局分賠且種種侵耗糾他年甚一年今屆截留減運共計五十餘萬石則運脚亦隨之減少而津滬各局用人開支一切仍係照舊又蘇清項下木屑火車山錫運運僅裝三萬石臨時調派員司赴錫設局試辦為向章所未有嗣後更未知如何若非與兩省糧道重訂妥善章程勢必年虧一年伊何底止一面亟應將冗食浮費切實裁減庶可維持於不敷此則必須及時整頓改良容俟擬具詳細條陳再行稟請 訓示此現擬整頓清務之大略情形也

續修四庫全書

一百三十 香山徐氏校印

以上各條 職 愚慮所及並與 局會辦暨各總董等商意見大概相同特具簡略清單呈 帥座伏乞 訓示祇遵實為公使須至 摺呈者

北洋大臣袁札文 光緒三十三年五月十日 札飭江輪商局代辦一切事務 查商局承運江浙清糧似為獨佔利益而連年虧虧總在五六萬以外及七八萬不等推其致虧之由固因立法未善亦因徒法不行而辦理之人及浮糜之費皆在後已向章商局在運收米儲棧裝輪運津交卸是其專責至由津運交京倉原係江浙運員之責乃近年凡有交倉之短欠糧道亦責商局分賠且種種侵耗糾他年甚一年今屆截留減運共計五十餘萬石則運脚亦隨之減少而津滬各局用人開支一切仍係照舊又蘇清項下木屑火車山錫運運僅裝三萬石臨時調派員司赴錫設局試辦為向章所未有嗣後更未知如何若非與兩省糧道重訂妥善章程勢必年虧一年伊何底止一面亟應將冗食浮費切實裁減庶可維持於不敷此則必須及時整頓改良容俟擬具詳細條陳再行稟請 訓示此現擬整頓清務之大略情形也

以商委任並無以股商之領其原呈請發交該會辦理等語
核擬呈候酌奪除分行外合行札飭札到該道遵照此札

致蔡述堂觀察函 光緒三十三年丁未五月十五日發

述堂妹信觀察大人閣下初六日由京回津適值台旆東行車站晤別握手言歡甚快甚快自別後連日上轅皆不獲見 宮保正在疑慮之間遽於昨午接奉札開云云另單錄後奉讀之餘驚駭交迫不知所措查自初三日新銘抵津初四即赴轅稟見其時同見者有六人之多未便多言故將隨帶之節畧並三年比較賬目清摺兩扣呈請 帥座藉以代語以備再見時或可稟商不意 宮保札飭責以籌借現款預備船棧之需除有產價抵用外不敷僅六十萬今查摺內擬借百萬溢出四十萬兩並未聲明作何應用虛耗利息有虧商股恐負付托屬令毋庸到局另候差委等因疏忽之愆咎實難辭惟溢出之四十萬兩節略內雖未聲明作用而賬目內實已注解清楚查存項內有各戶存款項下存銀一百三十四萬兩下注仁濟

徐愚齋自叙年譜 一百三十一 香山徐氏校印

和五十四萬通商銀行二十萬生息存款二十萬錢莊往來四十萬此項存款除仁濟和通商銀行以及生息存款三共九十餘萬兩或係商局連枝或是股東存項長年存息核算甚輕不過六厘上下惟錢莊往來存銀四十萬申市欠息計算甚重每月九厘或一分一二厘本局吃虧不鮮 兄曾與銀錢股會同鍾沈王唐諸君熟商借款還欸以便輕減利息故有籌借百萬之數惟一時疏忽未將此情聲明摺內致遭指駁亦不料屢次請調拂而不見以致有懷莫白徒嘆奈何兄以犬馬餘年本無戀棧之意惟以如此下場似於體面有關用將各情冒昧上瀆尚祈察鑒是所至禱 擬十六七候局輪南下併以奉聞專肅敬請助安

再啓者兄意此次撤差並不在於籌款之失算特借此以發其端否則數目不符不妨札飭覆覆並可傳見責問乃不出此而下札撤委此中或另有別情默爲揣度當必有以畫語中傷者查正二月間 兄

徐愚齋自叙年譜

在粵病重之時仲吟床席不獨外人皆爲 兄危卽自問亦不料有今日所以運動家有四五之多皆欲謀得代理總辦差使者也其入言

之人有謂兩之病已垂危有謂子元叔平事不得了有謀兩之自己恐要倒帳種種語動人聽聞此所以有唐鳳墀代徐兩之札也今茲事變 兄猶不能無疑而意中或恐項城指兄爲盛之私人正月間商股風潮激刺盛爲滬商股東首領曾派鄭陶齋朱小莊陳斗垣溫欽甫運動港粵商股杏花樓之會廣告冒名推 兄首席或起疑 兄無意招商局與盛合力反對項城官保因此借題發揮亦未可知獨不思香港正月二十日之會 兄力指盛辦理前局之非移動公款接濟鐵廠萍礦通商銀行紗廠燬本三十餘萬以金利源作保和等等以致局空如洗此次如再照滬上十六會議辦理則商局仍歸盛手必蹈先前覆轍我港粵商股若不堅持到底恐負北洋歷年調護之本意與夫唐景星觀察創辦之心血矣經此一番論說登之各報是

徐愚齋自叙年譜 一百三十二 香山徐氏校印

日主席張弼士伍秩庸兄等共百餘人報股者八千餘股因會議時迫祇有此數也查今春發息約有一萬二千餘股另福州上海天津長江各埠不在此數之內茲將所擬三則錄後一將輪船招商局照大清商律內在農工商部註冊爲股東有限公司 兼於二次赴部註冊須衆股東聯合發公函請現任總會辦遵照公司律報商部註冊並一面代稟知北洋大臣無須另派股東及別人專任註冊事 兼於三照第二款之意擬電文復沈仲禮等電文云二十港粵股東集議允將招商局報部註冊惟不允另舉別人專任須照通例請山現任總會辦辦理以符律意餘函詳云云而盛與 兄之嫌隙日以深前此不過無形之痕跡至此而痕跡顯露矣故三月間由粵回滬後彼此各無顧問回憶兄與唐景翁創辦商局始終力任其難招股一端經手者每百分中約有十分之外而自已與夫戚族實占股分二十四萬其間首以買旗昌爲第一要務此外起造金利源設立仁




戊寅年四月初八日

康南海自編年譜

何鳳儒題

春成紙店



康南海自編年譜

始祖建元 兩宋時自兩嶺珠璣里始遷於兩海縣

高祖煥 字文燿 號炳堂 廣東肇慶人 誥封榮祿大夫

高祖妣 誥封太夫人

曾祖健昌 又名式鵬 號雲衡 福建晉江人 誥封榮祿大夫

曾祖妣梁 誥封太夫人

祖贊修 又名以乾 號述之 道光舉人 升用

祖妣陳 誥封太夫人

父遠初 字植謀 號少農 拔舉銜 江西補用知縣

母氏勞 誥封宜人

廣東廣州府南海縣江浦司銀塘鄉民籍

咸豐八年戊午二月初五日 生於其鄉敦仁里老屋

春成紙店



中太宜人胎十一月而生時已有女兄二人長者孀
 矣祖父母望孫切矣於時連州公官欽州學正聞而
 欣喜錫名曰有欽在遠寄未及至伯祖知府公名之
 曰有為 連州公有詩記之聞長孫有欽生久切孫
 諒望眼穿震雷未發異風先灑將璋瓦猜三索忽報
 乘孤畫一乾畫省孤燈官獨冷書香再世汝應延可
 憐大母含朝露空話含怡慰九泉時陳大恭人以先
 年十二月新喪 春成紙店

連州嗚兮刻詩教連而亡今存之以記祖德

吾家有九世祖惟卿公為士人至於吾為十一世凡
 為士人十三世矣炳堂公為馮魚山編修老弟子又
 與馮潛齋即中為友諳理學師道甚尊成就甚眾雲
 衡公受家學嚴氣正性行已惠人德行踴躍尤篤守

呂新吾紳吟語劉念台人譜陳榕門五種遺規之學
 連州公傳何樸園員外之學而潛齋先生三傳弟子
 篤行武德為官師皆有惠教欽州賓興館連州昭忠
 祠祀焉知縣公孝德仁厚從叔祖護廣西巡撫國苑
 討賊於閩有功早世有為生時知縣公方居憂投徒
 於鄉吾家實以教授世其家 春成紙店

咸豐九年己未二歲

咸豐十年庚申三歲九月三妹瓊琚生

咸豐十一年辛酉四歲時已有知識伯祖教之公
 把余觀洋人鏡畫侍種芝藥儀公食及藥儀公喪時
 老婢祗祿往送種芝公以布衣倡團禦賊有功於鄉
 送者萬數仗極威今猶髮鬚

第一一廿冊 續修四庫全書 史部 傳記類 一 反之下

同治元年 壬戌 五歲	諸父以余頗敏多提携教誦
唐人詩從伯父教前奕仲公尤愛而教之於時能誦	唐詩數百首連州公見而喜外祖父省閔公極愛之
期以將來大器矣	是年知縣公出山從征於藍山二叔父介藩公統兵
於青蓮峽等處	於青蓮峽等處
同治二年 癸亥 六歲	從番禺簡侶琴先生風儀讀
伏學中庸論語并朱注孝經諸父課以屬對出柳成	繁應聲答以魚化龍奕仲公正譽之謂此子非池中
物貴給紙筆甚樂九月四妹順介生知縣公從征閩	甲
同治三年 甲子 七歲	從簡先生學是歲連州公以

欽州學正俸滿升知縣不就改教授候缺歸知縣公	從征閩中至克復嘉應還家
同治四年 乙丑 八歲	連州公授徒於廣府學宮孝
弟祠學者將百人從授經焉	歲暮從奕仲公學即
在孝弟祠後始學為文是時知縣公及諸叔父咸選	侍連州公館中趨翔庭訓至樂也誦書經與者每次
能二篇教編輒能背記諸長老大譽之	蕃成紙店
同治五年 丙寅 九歲	連州公任修南海縣志事居
南海學宮志局中今明倫堂也為從侍焉從陳鶴儔	先生授經於學宮中崔清獻祠又從梁舜門先生
修甲子聽講焉	乙丑之朋友之中丞公克復浙閩兵事大定以新授

閩某假歸諸父咸從凱旋於時門中以從軍起家者甚眾阿大中郎封胡羯末父龍兄虎左文右武號稱至盛土木之工游宴之事棋詠之樂孺子嬉戲其間諸父愛其聰明多獲從焉始游西樵慕山林之盛連州公好游觀春秋佳日時從杖履登鎮海樓五羊觀蒲澗寺授以詩文教以道義知識日開矣

春成紙店

同治六年丁卯十歲連州公借補連州訓導之任以

據羅本原大以
條先生有既正者
錄其



幼不能從還鄉復從簡先生學時誦經將畢學為文矣六月十三日幼弟廣仁生廣仁字也於時連州公命名曰有溥時知縣公指省江西連年頻擬聽敷而病咳殊甚連州公不疑行是歲家居為先公素慈捧杖捧匣抑橙隨侍延香老屋中至今如夢

東華錄三字
羅本無之

同治七年戊辰十一月二十日知縣公卒侍

疾彌留跪聆遺訓以立志勉學教以孝親友愛姊弟追思音容淚下若度當時執喪如成人里鄰願異之既孤三月遂從先祖於連州官舍連州公日夜摩導以儒先高義文學條理始覽綱鑑而知古今次觀大清會典東華錄而知掌故遂讀明史三國志六月為詩文皆成篇於時神鋒開豁好學敏銳日異室閣執卷倚簷柱就光而讀夜或甲旦務盡卷快先祖聞之戒令就寢猶篝燈如豆於帳中隱而讀書焉須臾即報知朝事知曾大正駭文忠左文襄之業而慷慨有遠志矣知縣公既逝家計驟絀僅用一婢老母寡居手挽幼弟與諸姊妹治井竈之事為生平未有

春成紙店

之勞焉每家書來輒念幼勞憂思不已

同治八年己巳十二歲從連州公學於官舍是時

歧嶷能指揮人軍與州中諸生接論文談事禮容猶

然五月觀競渡賦詩二十韻州吏月金公稱為神童

贈漆硯盤筆盒數軍州人屬目焉輒從連州公游諸

名勝如北山奇石之奇劉夢得畫石如樓之遠大雲

春成紙店

岩之真皆有賦詩學官舍旁為宋張南軒先生濯纓

堂故一亭遺跡連州公官暇則談聖賢之學先正之

風凡兩廡之賢哲寺觀之祖師佛流之大賢以若碑

帖詩文中才名之士皆隨時指告童子狂妄於時動

希古人某事輒自以為南軒某文輒自以為東坡某

念輒自以為六祖邱長春矣俛接州中諸生大有竄

視之氣明史之外竟日雜覽群書官舍有二園桃柚

葡萄梧桐桑椹紫微極盛讀倦則偃息園中或從先

祖出游名勝為學之至樂時也時為制藝文援筆輒

成但不好之不工也

同治九年庚午十三歲從侍連州官舍已而廣東

布政使王公凱奏聞先祖行望擬調還廣州辦積匪

春成紙店

七月從歸先祖以子不好八股文於時專責為此業

九月從陳莘生先生學於省城西門外第三甫桃源

始遂都會嗜繁麗日與友遨遊不暇學也

同治十年辛未十四歲還西樵之銀塘鄉從從叔

竹孫先生謀遠節學為文時中丞公新築園林藏書

於澹如樓及二萬卷書樓中兩樓對峙中間亭沼花

羅本 有古松
七株無俗名水
松四字

(一)羅本缺比

木頗盛有古松七株俗名水松數百年物出室曰七
 松軒導以飛橋為虹福台種芝公書最多度歲其間
 於時讀書園中縱觀說部集部昆弟擊學有詩酒之
 惟是年始就童子試七月仲姊逸紅嫁於羅氏未踰
 月姊婿羅銘三病歿哀哀寡婦遠賦未亡女兄其才
 守節事母非女兒不懼也生平無失言失色可謂
 至德矣

同治十一年壬申十五歲 在鄉從楊仁山先生學
 壬子到省再試童子試不售於時專督責為八股小
 題文性不好也但慕為孝子才詩文時文亦仿焉仍
 縱觀說部集部雜史中丞公有廣西布政使還宗族
 宴游極盛兩年費日力於試事及八股進學最寡矣

春成紙店

羅本僅去九種前
乃印一題撰筆者
十六小結

同治十二年癸酉十六歲 移學於靈洲山之象台
 鄉仍從楊先生學為文中歲而後復還銀塘鄉從張
 齊臣先生詳公輔學為文時文體尚路德派最惡厭
 之乃盡舍去連州公委羊城書院監院是歲頗奔走
 時好覽經說史學考據書始得毛西河集讀之於時
 益吐棄八股名為學文絕不一作請父極責大詰之
 先祖前乃出君子有九思至忿思難一題撰筆為十
 六小議各有警語連州公稱之乃不深責於是乃始
 稍從事八股至歲暮為社學課文一日成六藝其三
 名前皆魁之文百餘篇錄額十五名而六文無一見
 遺者詩有冠軍先祖乃大喜及新正開課復第一至
 是鄉人文譽洽美焉

春成紙店

(17)

同治十三年甲戌十七歲居鄉時出城侍先祖而

張先生閱文焉既而從從叔竹孫先生學於時好為

縱橫之文時時作詩與兄弟鄉先輩倡和又好摹仿

古文然涉獵羣書為多始見瀛環志畧地球圖知萬

國之故地球之理

春成紙店

光緒元年乙亥十八歲侍先祖於城從呂拔湖先

生學文是時督責甚嚴專事八股一切學皆舍去但

還鄉則得披涉群書耳

光緒二年丙子十九歲是年應鄉試不售憤學業

之無成邑有大儒朱九江先生講次琦子襄者先

祖之畏友類稱之者乃請從之學先生碩德高行博

呂拔湖亦任公師也

極群書其品詣學術在涑水東萊之間與國朝亭林

船山為近而德器過之嘗為襄陵知縣百九十日惠

政大行縣人祀焉棄官歸講學於邑之禮山三十年

累召不出以講學躬行薦授五品卿先生壁立萬仞

而其學平實敦大皆出躬行之餘以末世俗汙特重

春成紙店

氣節而主濟人經世不為無用之空談高論其教學

者之恒言則曰四行五學四行者教行孝弟忠尚名

節變化氣質檢攝威儀五學則經學文學掌故之學

性理之學詞章之學也先生動止有法進退有度強

記博聞每議一事論一學貫串今故能舉其詞發先

聖大道之本舉修己愛人之義掃去漢宋之門戶而

歸宗於孔子於時捧手受教乃如旅人之得宿盲者

之規明乃洗心絕欲一意歸依以聖賢為必可期以
 群書為三十歲前必可盡讀以一身為必能有立以
 天下為必可為從此謝絕科舉之文士不富貴之事
 超然立於羣倫之表與古賢豪君子為厚信乎大賢
 之能起人也藉非生近其時居近其地烏能早親炙
 之哉即從先生學未明而起夜分乃寢日讀宋儒書
 及經說小學史學掌故詞章兼綜而並奮日讀書以
 寸記甫入學舍先生試五代史史義論乃考羣書以
 史通體為之得二十餘頁先生嗜之謂該博雅洽此
 是著成一書非復一文矣乃知著書之不難古人去
 我不遠益自信於時讀錢辛楣全集趙頤北什
 一史劄記日知錄困學紀聞遠覺浩然通關議論宏

春成紙店

羅不無反手

(20)

起又未嘗學駢文讀史通愛其文體試為之先生遂
 許可又自以為文章易作通峭不難蓋余家小有藏
 書久好涉獵讀書甚多但無門徑及一聞先生之說
 與同學簡君竹居名朝亮胡君少愷名景棠日上下
 其議論即渙然融釋貫串而嗜昔雜博之學皆為有
 用於是倜然自負於眾以不朽之業是冬十二月張
 安人歸余俗例有入室親執婦者余守禮拒之頗失
 諸親友憤以義不欲也

春成紙店

光緒三年丁丑二十歲 在九江禮山草堂從朱先
 生學四月三妹適西城岡鄉潘志相湘琴五月連州
 公以連州水災及於難吾少孤自八歲依於大父飲

學楚詞漢書文選杜詩徐原文皆能背誦九江先生	江先生學大群力於群書攻周禮爾雅說文冰經之	光緒四年戊寅二十一歲在九江禮山草堂從九	葬連州公	鄉黨莫不敬憚焉少年剛毅執守太多如此是冬	春成紙店	禮法古嚴肅儼怪一步不踰人咸迂笑之久之宗族	肉食終是歲於時請喪禮因致三禮之學造次皆守	即停山上與諸父結苦廬棺前縗經白衣不去身不	既卒哭而葬於象岡以堪輿家言即殯而不下窆也	數三日水漿不入口百日內食蔬菜及從父扶柩遠	食教誨耳提面命皆大父為之親侍十餘年聞而哀
----------------------	----------------------	---------------------	------	---------------------	------	----------------------	----------------------	----------------------	----------------------	----------------------	----------------------

大義畧知其概以司理教紙堆中洎其靈明漸原之	此折節焉然月學漸顯其不遜至秋冬時四庫要書	先生素方嚴乃笑責其狂自初見時諄諄戒吾傲從	大名千平來文家頗頗作氣勢自負實無有知道者	演灑但能言耳於道無與即原道亦極膚淺而浪有	素問言醫亦成一體若如昌黎不過為文工於抑揚	春成紙店	皆空疏無有竊謂言道當如莊荀言治當如管韓即	道術淺薄以至宋明國朝文章大家鉅名採其實際	亦還有焉時讀子書知道術因而請於先生謂昌黎	諸子先生甚稱韓昌黎之文因取韓柳集讀而學之	於古文不取桐城而上言秦漢因從學文而及周秦	提獎范氏後漢書之風俗氣節故尤致力焉先生精
----------------------	----------------------	----------------------	----------------------	----------------------	----------------------	------	----------------------	----------------------	----------------------	----------------------	----------------------	----------------------

日有新思。思者據家著書滿家。如戴東原究復何用。因棄之而私心好求安心立命之所。忽絕學捐書。閉戶謝友朋。靜坐養心。同學大怪之。以先生尚躬行。惡禪學。無有為之者。靜坐時。忽見天地萬物皆我一體。大放光明。自以為聖人。則欣喜而笑。忽思養生困苦。則悶然而哭。忽思有親不事。何學為。則即束裝歸廬。先墓上。同門見。歎哭無常。以為狂而有心疾矣。至冬。辭九江先生。決歸靜坐焉。此擇巖所謂飛魔入心。求道迫切。未有歸依之時多如此。是冬十二月二十一日。長女同薇生。

光緒五年己卯二十二歲。以西樵山水幽勝可習。

靜正月遂入樵山。居白雲洞。專誦道佛之書。養神明。素渣滓。時或嘯歌為詩。文排徊散髮。枕臥石窞。瀑泉之間。席芳草。臨清流。修柯遮雲。清泉滿聽。常夜生。月不睡。恣意游思。天上人間。極苦極樂。皆現身試之。始則諸魔雜沓。繼則諸夢皆息。神明超勝。欣然自得。習五勝道。見身外有我。又令我入身中。視身如骸。視人如瓦。既而以事出城。遂斷此學。在西樵山時。嘗註老子。後大惡之。棄去。於時先祖棄養。頗能自主。謝絕時文。並不就試。秋間。叔父督責甚。至今就鄉試。乃至斷其資糧。於是還鄉。居於二萬卷書樓。及澹如樓。甲或養心。或讀書。超然物表。居樵山時。編修張廷秋先生。隸鼎華與朝士四五人。來游樵山。張君素以文學。

春成紙店

春成紙店

有威名於京師者至是見之相與議論不合則大聲呵詆拂衣而去然張君威稱之語人曰來西樵但見一土山惟見一異人自是粵中士大夫咸知余而震驚之吾感其雅量貽書予之張君威譽謂粵人無此文由是訂交焉吾故未嘗學為駢文但讀六朝史熟自能之然不自知其工也自是未幾訪張君談則竟夕申旦盡知京朝風氣近時人亦及各種新書道咸同三朝掌故皆得查訪焉張君聰明絕世強記過人神鋒朗照談詞如雲吾自師九江先生而得聞聖賢大道之緒自友延秋先生而得博中原文獻之傳嘗有詩懷之曰南望九江北京國拊心知已總酸辛實錄也於時舍棄考據帖括之學專意養心既念民生艱

春成紙店

難天與我聰明才力極救之乃哀物悼世以經營天下為志則時時取周禮王制太平經國書文獻通考經世文編天下郡國利病全書讀史方輿紀要緯劃之俛讀仰思筆記皆經緯世宙之言既而得西國近事彙編李琢游地球新錄及西書數種覽之薄游香港覽西人官室之環麗道路之整潔巡捕之嚴密乃始知西人治國有法度不得以古舊之夷狄視之乃復閱海國圖誌瀛寰志異等書購地球圖新故西學之書為講西學之基矣

光緒六年庚辰二十三歲 居鄉後諸弟有銘有溥有霖讀經以涉群書讀經史為日課時生計日然不

春成紙店

能出遊不能讀書乃至無筆墨但事太宜人課諸弟
 既窮窮巷用力說文兼作篆隸從事皇清經解暇則
 玩心神明頗多筆記而有述作 冬十二月廿四日
 次女同璧生是歲治經及公孫著何氏糾課專攻何
 幼公者既而自悟其非焚去是歲四妹通湖心諫汝
 堅

光緒七年辛巳二十四歲 讀書柳園跬步不出又
 無賓友日讀唐宋史為課補溫北魏宋齊梁書兼涉
 叢書傳記經解讀宋儒之書是正誼堂集朱子全集
 尤多苦身力行以明儒吳康齋之堅苦為法以白沙
 之瀟灑自命以亭林之經濟為學於是棄駢散文不
 復從事焉園林日涉閱其無人長齋獨坐看花洗竹

春成紙店

至於迴塘魚靜長橋月落徘徊遠家猶復篝燈點書
 不已以此為恒自一飯外陪老母色笑即出園舍七
 月有一乞巧文有歌去來之作猶覺情親誦招隱之
 詩惟憂句盡周見當時之風尚焉是時讀書日以寸
 許專精涉獵兼而行之是年讀書最多久坐積勞至
 七月臂起核刺割之不效十月出城就醫焉後再割
 不愈至今流水吾精力之虧自此始矣 是春陳慶
 望來訪自是往還論學

光緒八年壬午二十五歲 九江先生卒奔視與諸
 子營喪視墓焉吾故凡事三禮者故與簡齋竹居議
 之為多 讀連金元明史及東華錄以為日課五月

春成紙店

順天鄉試借此游京師謁太學叩石鼓瞻宮闕購碑
刻請金石之學時崔蔭典編修甚數余將掃室館我
既罷遂游揚州鎮江登平山堂泛舟金焦而歸道經
上海之繁盛益知西人治術之有本舟車行路大購
西書以歸請求焉十一月還家自是大講西學始盡
釋故見

春成紙店

光緒九年癸未二十六歲讀東華錄大清會典則
例十朝聖訓及國朝掌故書購萬國公報大攻西學
書聲光化電重學及各國史志諸人游記皆涉焉於
時欲輯萬國文獻通攷並及樂律韻學地圖學是時
絕意試事專精問學新識深思妙悟精理俛讀仰思

日新大進何易一來館之於家易一聰明過人能深
思妙悟至是皆館於我十二月次女同璧生
國裏足之風千年矣折骨傷筋害人生理謬俗流傳
固閉已甚吾鄉無有不裏足者亦以不裏足則人賤
為妾婢富貴家無取之者也吾時堅不為同族裏足
族人無不駭竒疑笑而為我慮之吾不顧也吾北游
長親迫逼裏足甚至幾裏矣張安人識大義特不裏
創義園不易哉同族不裏同盟及諸姪女乘勢而下
不裏易易矣然獨立甚難時有鄰鄉區員外誇良曾
游美洲其家亦不裏足吾乃與商創不裏足會草例
今凡入會者皆注姓名籍貫家世年歲妻妾子女已
婚未婚約以凡入會者皆不裏足其已裏者聽已裏

春成紙店

而後放者同人賀而表彰之為作序文集同志行之
來者甚多寔為中國不纏足會之始而區以會名慮
犯禁於是漸廢去至乙未年與廣仁弟創辦粵中不
纏足會實用此例及序文後復推至上海合士大夫
為大會廣仁弟及卓如總其成戊戌七月吾並奏請
禁纏足矣以知天下事無難易專問立志何如昔之
枉難者後或可竟行焉吾立禁裹足之願與廢八股
之願二十年皆不敢必其行者而今竟行之故學者
必在發大願既堅既誠久之必有如其願者

光緒十年甲申二十七歲 春夏間寓城南板橋巷

既以法越之役身城戒嚴遂鄉居澹如樓早歲讀宋

元明學案朱子語類於海幢華林讀佛典頗多上自
婆羅門旁收四教兼為算學涉獵西學書秋冬獨居
一樓萬緣澄絕俛讀仰思至十二月所悟日深因顯
微鏡之萬數千倍者視虱如輪見蟻如象而悟大小
齊同之理因電機光線一秒數十萬里而悟久速齊
同之理知至大之外尚有大有者至小之內尚包小者
剖一而無盡吹萬而不同根元氣之混命推太平之
世宙既知無來去則專以現在為總持既知無無則
專以生有為存存既知氣精神無生死則專以示現
為解脫既知無精粗無淨穢則專以悟覺為受用既
以呼援歆羨皆盡絕則專以仁慈為施用其道以元
為體以陰陽為用理皆有陰陽則氣之有冷熱力之

有拒吸質之有凝流形之有方圓光之有白黑摩之
 有清濁體之有雌雄神之有魂魄以此八統物理焉
 以諸天界諸星界地界身界魂界血輪界統世界焉
 以勇禮義智仁五運論世宙以三統論諸聖以三世
 推將來而務以仁為主故奉天合地以合國合種合
 教一統地球又推一統之後人類語言文字飲食衣
 服官室之變制男女平等之法人民通同公之法務
 致諸生於極樂世界及五百年後如何千年後如何
 世界如何人魂人體遷變如何月與諸星交通如何
 諸星諸天氣質物類人民政教禮樂文章官室飲食
 如何諸天順軌變度出入生死如何奧遠冥冥不可
 思議想入非無不得而窺也合經子之奧言探儒佛

春成紙店

之概百泰中西之新理窮天人之時變搜合諸教披
 析大地剖析今故窮察後來自生物之源人群之合
 諸天之界眾星之世生生色色之故大小長短之度
 有定無定之理形魂現示之變安身立命六通四開
 浩然自得然後莫往莫來因於所遇無毀無譽無喪
 無得無始無終汗漫無為謂而悠然以游於世又以
 萬百億千世生死示現來去無救富貴貧賤安樂患
 難帝王將相乞丐餓殍牛馬雞豕皆所已作故無所
 希望無所逃避其來現也專為救眾生而已故不居
 天堂而故入地獄不投淨土而故來濁世不為帝王
 而故為士人不肯自潔不肯獨樂不願自尊而以興
 眾生視為易於援救故日日以救世為心刻刻以救

春成紙店

世為事舍身命而為之以諸天不能盡也無小無大
就其所生之地所過之人所親之眾而悲哀振救之
日號於眾望眾從之以是為道行以是為行已日瑒
三女同結生數
光緒十一年乙酉二十八歲 從軍算學以幾何著
人類公理既而張延秋招游京師二月將行二十三
日頭痛大作幾死日讀醫書既而目痛不能視文字
醫者束手無法惟盡頭行吟於室數月不出檢視書
記遺稿從容待死乃手定大同之制名曰人類公理
以為吾既聞道既定大同可以死矣既而得西醫書
讀之以信西學之故創試西藥如方為之乃漸效日
走村後大樹下至七月乃瘳鄉試不售時所問策有

宋元學案及蒙古軍場中無對者皆來抄問粵城傳
之策為沈刑部子培所問知沈君以此也然此為腦
亂病久病後記性逆衰從此不敢復事算學矣遂居
西樵山白雲洞高士祠養病張延秋先生適試問使
登居煙濤樓出城視之晨夕過從極懽 四女同完
生數月瑒
光緒十二年丙戌二十九歲 春夏居城五月復居
鄉之澹如樓是冬十二月為有溥冠字之曰廣仁後
以字行是歲作康字內外篇內篇言天地人物之理
外篇言政教藝樂之事又作公理書依幾何為之者
又著數學通議成著韻學絕言既而盡之時張之洞

督粵春間令張廷秋編修告之曰中國西書太少傳
 蘭雅所譯西書皆兵醫不切之學其政書甚要西學
 甚多新理皆中國所無宜開局譯之為最要事張香
 濤然之將開局託吾與文芸閣任其事既而不果吾
 乃議以商力為之事卒不成張香濤乃欲以三湖書
 院學海堂聘吾掌教既有人言皆卻之夜為天象學
 乃重定天然曆法以為人
 春成紙店

北故然至高冲卑冲皆無極準所推氣朔得大意而
 已不如以分為准日地相平無少差忒南北球與春
 秋分同而赤道之北之人較多從其多者應以春分
 為改周之正朔地能自轉故有晝夜宜以晝夜為一
 轉焉凡一切萬物皆以十位紀之不用散數周天之
 數皆定為百一日之時皆定為十下至十分十微十
 秒以此類推其度量權衡皆以十進為數改曆晝夜
 為一轉分至則或八十七日為一游或九十三日為
 一游四游三百六十五日四年一閏日為一周皆吾
 地球中之定義也其月及五星各自為表分懸通衡
 則月亦並用不至如回教陽曆陰曆之兼用矣

光緒十三年丁亥三十歲 春居花埭伍氏之恒春

園三月遷居鄉之澹如樓八九月游香港十一月游

七星岩是歲編人類公理游思諸天之故則書之而

無窮也作內外篇兼涉西學以經典諸子推明太古

洪水折木之事中國始於夏禹之理諸侯猶今土司

帝霸乘權皆有天下三代舊事舊制猶未文明之故

春成紙店

推孔子據亂升叔平太平之理以論地球以為養兵

學言語皆於人智人力大損欲立地球萬音院之說

以考語言文字創地球公議院合公士以鼓合國之

公理養公兵以去不會之國以為合地球之計其日

所覃思大率類是不可勝數也

光緒十四年戊子三十一歲 居鄉之澹如樓春夏

間居花埭大通煙雨讀佛典時以足跡久滯鄉閭張

廷秋頻招遊京師是年鄉試五月遂決行是時學有

所得超然物表而游於人中個儻自喜既至而延秋

病重遂視其歿營其喪八月謁明陵單騎出居庸關

登萬里長城出入達嶺一日而還游湯山乃歸得詩

春成紙店

數十章九月游西山時請求中外事已久登高極望

輒有山河人民之感計自馬江敗後國勢日蹙中國

發憤只有此數年間暇及時變法猶可支持過此不

治後欲為之外患日逼勢無及矣時公鄉中潘文勤

公祖蔭常熟翁師傳同和徐桐有時名以書陳大計

而責之京師薛然值祖陵山崩千餘丈乃發憤上書

萬言極言時危請及時變法黃仲發編修紹箕沈子
 培刑部曾植屠極君侍御仁守寔左右其事自黎純
 齋後無以請生上書者當時大惡洋務更未有請變
 法之人吾以至微賤首倡此論朝士大攻之十月遞
 與祭酒盛伯羲先生墨祭酒素亢直許之上時翁常
 熟管蓋以文中有言及馬江戰後不復登用人才以
 為人才各有所宜能言治者未必知兵若歸欽於朝
 廷之用人失宜者時張佩綸獲罪無人敢言常熟恐
 以此獲罪保護之不敢上時適冬至翁與許應駁李
 文田同侍祠天壇許李文攻故翁不敢上時鄉人許
 李皆位侍郎怪吾不謁彼吾謂彼若以吾為賢也則
 彼可來先我我布衣也到京師不拜客者多矣何獨

春成紙店

怪我卒不謁故見恨甚至也國子監既不得遠盛祭
 酒持吾文見都御史祁文恪公世長文恪公亟稱其
 忠義許代上約以十一月初八日到都察院遞之御
 史屠極君派人候焉吾居米市胡同南海館出口即
 菜市也既衣冠將出僕人譚柏來告菜市口才殺人
 車不能行心為之動私念吾上書而遇殺人北大不
 吉家有老母豈可遽死即而思吾既為救天下矣生
 死有命豈可中道畏縮慷慨登車從南繞道行出及
 門屠御史遣人來告云祁公車中患鼻血眩暈而歸
 須臾期遂遠車祁公以病請假候之而津海已冰不
 能歸遂留京師祁公繼續請假至正月屠極君以言
 事革職永不叙用歸政大婚典禮重疊吉祥止止非

春成紙店

痛哭流涕之時朝士久未聞此事皆大譁鄉人至有
 創論欲相逐者沈子培勸勿言國事宜以金石陶造
 時徙居館之汗澤舫老樹蔽天日以讀碑為事盡觀
 京師藏家之金石凡數千種自光緒十三年以前者
 畢盡暗矣擬著一金石書以人多為之者乃續色慎
 伯為廣藝舟雙楫馬既不設政事復事經說發古文
 經之偽明今學之正即大收漢碑合之急就章輯用
 漢文記以送蒼頡篇之舊焉 屠極君侍御 仁守篤
 守朱學忠純剛直每與語國事輒流涕舉朝無甚比
 吾類為草摺九十月時為草請開言路摺請鑄銀錢
 摺時鐵路議起張之洞請開蘆漢鐵路而苦無款吾
 與屠極君言宜用漕運之便十八站大路之地先通

春成紙店

南北之氣道近而費省宜先築清江浦鐵路即以折
 漕為之去漕倉之官役歲得千數萬可為築路之資
 十二月屠君上之發各督撫議於是定築蘆漢為幹
 路籌款三千萬胡張之洞督兩湖辦馬既而李鴻章
 謂陪京更急請通奉直之路遂改築矣甫至山海關
 西后提其餘款千餘萬築頤和園大工遂停去年容
 閔乃請築津鎮鐵路吾實助之奉旨允行既而政變
 撤容閔差今命胡燏棻翼督辦蓋十一年矣津蘆津
 鎮皆未舉行嘗用我言當時以漕折行之成功已七
 八年南北之氣久通士智民利之增進多多矣頤和
 園廣袤十餘里咸豐十年與圓明清漪靜宜等園皆
 為英人所焚時西后以游樂為事自光緒九年經營

春成紙店

海軍籌款三千萬所購鐵艦十餘艘至是盡提其款
築頤和園窮極奢麗而吏役展轉扣剋到工者十得
其二成而已於是光緒十三年後不復購鐵艦矣
於日本寔由於是既提海軍之款營購園林即用海
軍之人以督大工若內府鑾侍恩佐立山之流皆任
海軍之差又慮不足別於戶部之外開海軍捐二三
千金得實錄州縣四五千金得實錄知府七八千金
得實錄道皆以特旨簡放不由吏戶兩部然其成數
既比戶減數倍於是起者雲起皆不於戶部而於海
軍焉然所謂海軍者特南漕子頤和園之土木而已
非海上之軍也中國新政名實相反如此乙未和議
成後停止海軍外國詔其舉措之奇而中國人以為

春成紙店

美政蓋停止海軍者停園工也經劉台慶惠之後故
有此美政外國人據其名觀之宜其相刺諷也當時
聞海軍捐事以書責吏部尚書徐桐因與屠侍御言
之屠君查得人甚多為之草摺既上奉旨停止然屠
君以此為怨府十二月十五日太和門災屠侍御親
救火甫退未還宅即先來屬草摺一請停頤和園工
二請醇邸不預政事三責宰相無狀請以災異罷免
時當國者為孫毓汶也四請宦者勿預政事責李聯
英也其餘尚有數大事屠君得罪頗以此蓋此數請
皆國象第一大事無人敢言者屠君既還無怨色時
洪石臣給事良品亦有直聲與屠同辦交厚吾走責
以為屠君事洪不敢也

春成紙店

四月三妹卒先是妹婿游湘琴以去年六月歿以商
務之虧負責甚多皆於吾妹乎任之有甥三人呱呱
在抱憂勞既甚竟以殞亡吾長妹二氣至相友愛妹
聰明強記端靜寡言好學不倦以貧而死吾遠游無
成竟不能救之哀惻心目乃為文遥祭之諸甥雖為
吾撫其長者已有婦矣而其幼者今歲殤矣人倫之
戚自伊始矣

春成紙店

順天試已列第三名以吾經策環球場中多能識之
侍郎孫詒經曰此卷當是康某大學士徐相銜吾前
書乃謂如此狂生不可中抑置副榜尋官王學士錫
著爭之徐更怒抑置廢錄第一
於是上與土木下通賄賂孫毓汶與李聯英密結把

持朝政士夫掩口言路結舌羣僚皆以賄進大臣退
朝即擁娼優酣飲為樂孫毓汶倡之禮親王張之萬
和之容貴熙故之流文媚醉即以取權貴不獨不能
變法也即舊政風紀亦敗壞掃地官方凌遲士氣盡
靡蓋甲午之禍敗所由來久旅京師日熟朝局知其
侍亡決然舍歸專意著述無復人間世志意矣既審
中國之亡救之不得坐視不思大發浮海居夷之款
欲行教於美又欲營殖民地於巴西以為新中國既
皆限於力又有老母未能遠遊遂遂粵將教授著書
以終焉

春成紙店

光緒十五年己丑三十二歲九月出京冒雨游西

湖自杭至蘇州游虎邱獅林諸勝破長江登石鍾山
撫曾彭之餘風左江右湖其樂無有入九江游廬山
謁朱子白鹿洞望鄱陽湖四月溯江上游武昌登黃
鶴樓晴暉閣游漢陽城至十二月還粵陳和澤尚童
子遂能有志先來省予

恭成紙石

光緒十六年庚寅三十三歲春君蘇州會館有池
石之勝既而移家羊城之雲衢書屋先曾祖之老屋
也三月陳千秋來見六月來及吾門八月梁啟超來
學陳通甫又字禮吉時讀書甚多能考據以容禮來
見凡三與論詩禮泛及諸經吾乃告之以孔子改制
之意仁道合羣之原破棄考據舊學之無用禮吉恍

恭成紙石

然悟首來受學語及身世家難哀感涕下同以生死
之理告之禮吉超然蹈道自在矣凡論今古天下奇
偉之說諸經真偽之故聞則信而証之既而告以堯
舜三代之文明皆孔子所託聞則信而証之既則告
以生馬馬生人人自猿猴變出則信而証之乃告以
諸天之界諸星之界大地之界人身之界血輪之界
各有國土人民物類政教禮樂文章則信而証之又
告以大地界中三世後此大同之世後有三統則信
而証之天才亮特聞一知二志宏而思深氣剛而力
毅學者之所未見也是歲既與世絕專意著述著漢
羅門教考王制義証毛詩偽証周禮偽証說文偽証
爾雅偽証九月石星集延吾教冬課於廣府學宮考

弟祠吾幼侍先祖教地也欣然從之說詩焉三水徐

勤來見八月生子殤

光緒十七年辛卯三十四歲始開堂於長興里誅

學著長興學記以為學規與諸子曰夕講業大發求

仁之義而講中外之故救中國之法來學多志士若

春成紙石

韓文學梁朝杰曹泰多有成者既明而起誦書至夜

深又以暇著書事母是時精力尚足焉七月新學偽

經考刻成陳千秋梁啟超助焉冬王覺任麥孟華皆

來學義烏朱容生侍御一新時表廢雅來訪與辨難

頗多與語中外之變孔子之大道朱君不信即請吾

打破後壁言之乃大悟其與人言及見之畫札乃其

門面語耳

光緒十八年壬寅三十五歲移講堂於粵城街邊

街鄭氏祠學者漸眾正月龍澤厚以知縣引見過

粵來學焉積之仁質甚厚嘗創辦廣仁善堂聚眾千

人講求學誘眾西即李鑑堂禮之令辦乞丐院又修

春成紙石

孔廟者以與陳禮吉充學長用孔子生二十四百四

十三紀年制大成舞作教以祀孔子置干戚以舞大

武歌酌桓齋般六章復古之禮容焉與學者習儀禮

十七篇置禮樂器笙磬管鼓祝教皆具禮必立賓主

器物位置有足蓋太平之意也依慮僦尺為荀勗

之十二笛而笛管甚長手指不能遠振不能成聲乃

悟古人身體甚長故尚有長狄去巨獸之期不遠地
熱力甚大故也今隔二千餘年地繞日漸遠熱力漸
小人身漸短因推再過二千餘年今皆亦不合後人
之用後萬年人小極多是歲鄧鉄香鴻臚承修延
吾教惠州尚志堂之書院閱文數月七月將赴惠州
而鉄香先生卒遂不赴

春成紙店

是時所編輯之書甚多而孔子改制考體裁博大選
同學高才助編纂焉以孔子所制之禮與三代舊制
不同更與劉歆偽禮相反古今淆亂莫得折衷考者
甚難乃刺取古今禮說立例以括之一孔子足說以
春秋公羊董氏繁露禮王制論語孟子荀子為主次
三統說孔子每立一制皆有三統若建子建寅建丑

尚白尚黑尚赤鳴鳴平旦日午為朔託之夏殷周者
制雖異而同為孔子之正說皆可從也三曰存舊周
初遺制諸國舊俗皆雜見於諸子而管子最多劉歆
所採以為禮者然可以考舊制故次焉四曰闢偽劉
歆偽撰周禮左傳及諸古文經之說向來竄亂於諸
經中者辭而闕之五曰傳說有劉歆以後諸儒展釋
附會訛傳者是書體裁博大自丙戌年與陳慶筮議
修改五禮通考始屬稿及己丑在京師既謝國事又
為之是年編次甚多選同學諸子分纂焉以逸周書
穆王傳山海經皆與周禮及劉歆之說合刺取其說
命韓雲首輯焉以証為劉歆之偽撰方言亦劉歆託
之楊雄者並刺取其說焉又編魏晉六朝諸儒杜撰

春成紙店

典故考又撰史記書目考以七畧書名多偽一折衷於史遷以得其真相欲正定文字後以東西漢文字寫定六經又撰孟子大義考墨子經上注以偽左傳乃劉歆採國語而成改分國為紀年以其殘本春秋前事及晉魯之繁複者為國語故鄭語無春秋後事楚語皆靈王後事魯語記敬姜一婦人事凡八孔子博學事凡四吳越語別一筆墨不類全体史記十二國年表自稱採春秋國語乃史遷親讀國語原本為之者依其年月事類按國分之將左傳國語合編為國語原本去其經文及書不書稱不稱君子曰之義又擇其盜竊諸傳記若北宮文子所引有威可畏有儀可象等文則自孝經之類去之又擇其偽古文

春成紙店

禮典周禮合者去之以還國語原文之蓋令長女同薇編之薇時十五歲天資頗穎勤學強記遂能編書也薇又將廿四史編各國風俗制度考以驗人履進化之理焉

光緒十九年癸巳三十六歲 仍讀書於街邊街冬

蓮草堂於府學宮仰高祠賃之十年為久計徐君勉梁卓如之力也君勉急朋友之難常供養朋友之才賢者以及刻書移草堂之貲皆任焉幾以任卸破其家矣 學者來日眾於時言泰精思妙悟徐勤堅苦強毅以進於成是歲以梁卓如與陳禮吉充學長焉

且畫語學夕則編書諸子亦編書焉書題甚多撰三

春成紙店

世演孔園未成八月三叔父玉如公卒著孟子為公

羊學考論語為公羊學考是時絕意試事諸父皆

強之母意屬望迫切乃與母言盡於是科不第亦終

身棄矣母許之於是應鄉試中式第八名本置第二

名三藝皆刻矣以次篇書同文有用孔子改制義連

朱注犯磨勘既刻而抽出改置第八名是冬十二月

春成紙店

為母壽溥宦游於浙亦歸家庭甚懽然吾不奉考官

房官為師時論大詳誘言宏起由此蓋變千年之俗

誠不易也吾鄉有同人團練局者咸豐四年吾伯

祖種芝公諱國煥平紅匪創之蓋地方自治之制也

局中地十餘里三十二鄉人丁五萬自吾伯祖卒後

局事廢壞至是大渴鄉知府張嵩芬者以罷黜還鄉

管鄉局焉鄉素多盜張竟與分肥張為局中巨紳無

敢抗之者其族人之為盜者深夜出劫乃竟持其篋

篋還局中飲酒乃去以所劫物分賞局壯丁局在墟

中壯丁凡數十墟以三八日期三十鄉人聚而市易

人多若蟻張族之盜曳履局門大號於眾曰吾為某

盜諸君何不來執我眾晚之莫敢犯鄉鄰被劫者夜

春成紙店

不絕從叔觀察三被劫家一空吾胞叔亦被劫吾

姪同和姪婿陳和澤以家頻劫亟請吾治盜而張庇

之非攻張盜不能去也而吾寔無暇遠鄉任事陳禮

吉吾鄉人也乃曰吾窮天人之理已至矣已無書可

讀矣惟未嘗試於事吾等日言仁何不假同人局而

試之是亦一國土也行仁施愛先有近始開學校以

教之聞蚕桑以富之修道路以治之一歲而化成然
 後委之謹愿者守之吾復可治吾學矣壯其言乃就
 於卅二鄉之紳合三十餘人攻張令其將局戮交出
 戮者局之印也吾伯祖領之官以辦事者是時春祭
 鄉先賢吾與祭張率諸賊懷刃以待賊藏其室中相
 去數步張面色大變袍袴抖顛吾大異之從容行禮
 畢入室則張族人數百環堂下將甘心於我同和走
 告而我鄉人窺見其人皆懷刃知有變亦走遂鄉率
 鄉人數百携軍械整隊來迎吾得出張亦行各率其
 隊伍還其鄉是役也頗如兩國會盟劫質狀吾泊船
 吉利鄉吾以小舟入九江謁朱先生廟張遣盜運登
 舟露刃問余搜船不見乃去是二事者吾幾凡殆矣

春成紙店

周知去惡之難也於是以千二百金大購羣書禮吉
 故精於擇書書藏要書咸備矣乃議創書院以中西
 之學課士延朱榮孫以教之乞官兵以剿賊賊盡走
 殺渠魁數人大禁賭宿弊盡清而以禁賭持正遇烈
 又鄉有被殺者疑案也禮吉以某富人行賄疑其殺
 持之甚堅以是為眾怨所薰請功未竟張緣怨託言
 官劾我又賄託潘衍桐與南海縣令楊廷槐追擊局
 戮吾時被劾為桂林之游禮吉已被肺病乙未正月
 遂吐血死禮吉蓋殉節同人局者也自癸巳十一月
 攻張事起謗言騰沸吾幾死於是而禮吉定殉難與
 為中國變法吾與卓如幾死於是而幼博譚復生揚
 潯川林康谷寔殉難焉十里之地與萬里之地五萬

春成紙店

之民與四萬萬之民相去萬倍而欲燔而易之救而
 治之其勝議同其險難同其幾死同而傷我良人同
 小有成功而傾覆同嗚呼任事之難如此宜人爭請
 老氏學保身家妻子坐視生民之傾覆願連而不恤
 也吾為同人局僅支與錢數百而他心力之瘁日力
 之曠金錢之耗危殆疑請之集倉皇避地與八月國
 變未有少異也局一極小之事即成功何足勞我費
 我心血老我歲月傷我禮吉哉梁卓如蓋頻諫之既
 以大小無殊但推惻隱之心以行吾仁不計禍患不
 計大小不計成敗也當緣隨遇起而行之治同人局
 與中國真未有以異哉有禮吉之死吾恨之深乙未
 草摺令御史王佑還劾之有其通賊書為據卒賄譚

恭成紙店

鐘靈洗滌而任局事者不可復得禮吉之才志亦一
 切無成功書藏之書多為人士偷竊吾入京師亦不
 復過問蓋自癸未至戊戌同人局事與中國事相終
 始其乍成乍敗皆相類存之以告天下以我為貪功
 名乎抑行其不忍人之心乎張故吾舊好以其庇賊
 惡之戊戌年以其少安靜亦復置不問了此人天業
 矣

光緒二十年甲午三十七歲 二月十二日與卓如
 同入京會試寓威茶酒伯熙即伯熙先生肅王從弟
 也藏書冠滿洲頗見其秘書玉牒金石之藏園亭幽
 靚既而移居三泰胡同金頂廟與梁小山同寓五月

恭成紙店

六日下車傷足遂南歸六月到粵七月給事中余晉
 珊劾吾惑世証民非聖無法同少正卯聖世不容請
 焚新學偽經考而禁身士從學沈子培盛伯熙黃仲
 致文芸閣有電與徐學使琪營救張季直走請於常
 熟曹重伯亦奔走焉皆卓如在京所為也以電文伯
 熙字誤作伯翊徐花農疑為褚伯約之誤也時褚方
 劾李瀚章而余之奏寔鄉人陳景華賄褚為之李畏
 褚遂令自行焚燬粵城謗不可聞八月游羅浮九月
 歸復請學十月嘗著偉卒著偉聰悟堅苦成學以請
 羅浮求道感瘴死率同門弔其家痛哉十一月游廣
 西住風洞刻記於黨人碑搜得康岩素洞有名而刻
 石焉桂中諸士王濬中穎初况仕任黎文瀚來學王

十月任公志示
丁丑

穎初老矣嘗為教官志清而氣直好心學寓桂林凡
 四十日往來在山水窟中亦四十日日日搜岩剔壑
 及赴官紳燕會若經年矣五月方在京師有貴人
 問曰國朝可百年乎吾答之以禍在眉睫何言百年
 貴人甚謬之時擬以三千萬舉行萬壽舉國若狂方
 謀保舉而孫毓汶當國政以賄成大官化之惟事娛
 樂內通李聯英相與交關政俗之污壞官方之紊亂
 至是歲為極不數日聞朝日之事十七日出及天津
 則謂衛汝貴乘海晏輪船東渡衛方被酒未醒也已
 而東事累敗恭邸李高陽翁常熟入軍機並督辦軍
 務焉吾昔上書言日本改紀將窺朝鮮而窺我邊又
 言數年之後四夷逼於外亂民起於內安能待我十

春成紙店

年教訓乎恐無及也。不及六年變作不幸而言中矣。
 桂林山水極佳。山居身行著春秋董氏學及孔子改
 制考。
 光緒二十一年乙未三十八歲。正月遷粵。二月初
 一至而二十四日禮吉死矣。哭之慟。欲為立墓碑。至
 今未果也。禮吉聰明絕人而氣魄剛毅。大道完成為
 負荷第一人。竟天年僅二十六。痛哉。十二日偕卓如
 梁小山入京。將至大沽。日人來搜船。當願憤以早用
 吾言必無此辱也。時內廷預備車輛五百以備遷都。
 朝士紛紛多慮國亡。出京師者。吾謂此舉僅如土耳
 其者必不亡。故決入京。與梁小山寓金頂廟。時旅順

康南海自編年譜

已失。朝廷震動。命戶部左侍郎張蔭桓及前巡撫邵
 友濂往日本請和。日本以非全權不受。并命大學士
 李鴻章求和議。定割遼台并償款二萬萬兩。三月二
 十一日電到北京。吾先知消息。即令卓如鼓動各省
 并先鼓動粵中公車上。捐拒和議。湖南人和之。於廿
 八日粵楚同遞粵士八十餘人。楚則全省矣。與卓如
 分託朝士。鼓各直省。莫不發憤連日。并遞章滿察院
 衣冠塞途。圍其長官之車。台灣舉人垂涕而請命。莫
 不哀之時。以士氣可用。乃合十八省舉人於松筠庵
 會議。與名者千二百餘人。以一晝二夜草萬言書。請
 拒和。連都變法三者。卓如稿博書之。并日繕寫。京師
 無點石者。無自傳觀。否則尚不止一千二百人也。倘

傳都下士氣憤湧聯軌察院前呈許至四月八日投
 遞則察院以既已用實無法挽回卻不收先是公車
 聯章孫毓汶已忌之至此千餘人之大舉尤為國朝
 所無閩人編修黃曾者孫之心腹也初六七連日
 大集初七夕黃夜編投各會館阻撓此舉妄造飛言
 恐嚇諸士多有震動者至八日則街上編貼飛書誣
 攻無所不至請孝廉遂多退縮甚且有請除名者孫
 毓汶猶慮撓其謀即先迫皇上用實令北洋大臣王
 文韶証奏海甯臺械棄毀北洋無以為備孫毓汶與
 李聯英內外恐嚇是日翁常熟入朝房指力持勿用
 實電曰相伊藤博文請展期五日孫謂若爾日人必
 破京師吾輩皆有身家實不敢也常熟厲聲責之曰

春成紙店

我亦豈不知愛身家其如國事何孫知不能強乃使
 李聯英請之太后迫令皇上畫押於是大事去矣是
 時降硃諭告廷臣皆哀痛不得已之言皇上之苦衷
 迫逼之故有難言之隱矣李聯英為宦寺不識地園
 乃至徐用儀亦然皆曰中國甚大台灣乃一點地去
 之何妨太后習聞之故輕於割棄也越日榜發中進
 士第八名本擬會元總裁徐桐以次篇優優大哉禮
 儀三百威儀三千題文分天地人鬼四比惡其太奇
 降第五云殿試朝考皆直言時事讀卷大臣李文田
 與先中丞公宿嫌又以吾不認座主力相排殿試徐
 壽衡侍郎樹銘本置第一各閱卷大臣皆圍矣惟李
 文田不用並加黃簽焉降至二甲四十八名朝考翁

春成紙店

常熟欲以擬元卷在李文田處乃於閱錄等字加黃
簽力爭之遂降在二等徐激周翰常執告我問與李
維之故故知之先是殿試前朝士皆以元相期傳臚
時諸王猶言之是科會朝殿三者皆失元區區者不
足道雖王荆公未嘗言之然本朝科第無不奉座主
為師者無理已甚沈子培以吾不認座主為師必累

春成紙店

得元力勸折節至有道之不行國之興廢命也之語
元亦何與國事而關係如此子培以吾之靈望欲藉
以轉移諸公也然吾以子培力勸已屈節見座主矣
而卒皆失元是知一切有命正可體驗從自己閱歷
處受用最確乃所謂死生有命富貴在天皆非人所
能為也枉己者徒自貶節而已十一日引見授工部

主事自知非吏才不能供奔走又生平諳學著書自
分以布衣終以迫於母命屈折就試原無意於科第
况仕宦乎未能為五斗折腰故不到署徐公樹銘至
累揖相勸吾卒不行前書未能上二十八日朝考後
無事乃乙拒和之論而增末節於閏四月六日逸之
察院以十一日上於朝上覽而喜之甫發下樞垣一

春成紙店

時許樞臣讀未畢恭即閱至論鑛務一條以手作團
狀上既進入旋發下軍機命即日抄四份軍機本無
一書手乃胡自內閣即日抄呈以一呈太后以一存
軍機發各省督撫將軍議以一存乾清宮南窗小篋
以一存勤政殿備覽觀於庫臣上書中凡存九摺以
胡燏棻為第一吾摺在第二至戊戌五月上再閱樞

臣以吾舊摺櫃中再檢上上之強記不遺一善如此
 五月遷出南海館拜單一書言變法次第兩折之故
 凡萬餘言尤詳盡矣至察院逸之者御史徐郁使人
 告以吾已有衙門例不得收令還本衙門代遞時孫
 家胤長工部頗相慕友人多勸到工部遂乃於五月
 十一日到工部遞之孫家胤面為稱道之詞許為代
 遞五堂皆置押矣李文田通署工部獨扶前嫌不肯
 畫押孫家胤碍於情面累書並面責之卒不遞丹與
 卓如孫博聯名遞察院不肯收又交袁世凱遞督辦
 處榮祿亦不收遂決意歸以京城街道蕪穢請修街
 道附片上馬既不達交王幼霞覓人上之奉旨允行
 交工部會同八旗及順天府街道廳會議卒以具文

春成紙店

履奏惟御史陳璧後行之僅修宣武門一段馬路祭
 酒曰修道歲支帑六十餘萬金旗丁工部街道廳分
 之若必修則無可分矣此所以不能行乎陳次亮沈
 子培皆以時有可為非僅講學著書之時力為挽留
 於是少留以士大夫不通外國政事風俗而京師無
 人敢創報以開知識變法本原非自京師始非自王
 公大臣始不可乃與送京報人商每日刊送千份於
 朝士大夫紙墨銀二兩有捐此款令卓如孫博日屬
 文分學校軍政各類日騰於朝分送朝士不收報費
 朝士乃日閉所不聞識議一變焉時翁常熟以師傅
 當國據於劉台事有變法之心來訪不過乃就而謁
 之常熟謝戊子不代上書之事謂當時實未知日本

春成紙店

15710 3 頁下

之情此事甚慚云乃與論變法之事反覆請求自未
 至西大洽索吾論治之書時未知上之無權而責常
 熱力任變法推見賢才常熱乃謂與君雖新見然相
 知十年實如故人姑為子言宜密之上實無權太后
 極猜忌上有點心賞近支王公大臣太后亦剖看視
 有密語否自經文芸閣召見後即不許上見小臣即
 吾之見客亦有人窺門三巡數之者故吾不敢見客
 蓋有難言也吾乃始知官中事然未知其深猶須以
 書責之至謂上不能保國下不能保身常熱令陳次
 亮來謝其意然苟不能為張東之之事新政必無從
 辦矣時常熱日讀變法之書銳意變法吾說以先變
 科舉決意欲行令陳次亮草定十二道新政旨意將

恭成紙店

次第行之然恭即高陽以常熱有毓慶之獨對頗妒
 之自四月合力攻孫毓汶李鴻章後漸不和矣常熱
 內畏太后欲託之恭即而行而恭即不明外事未能
 同心卒不行也時孫毓汶雖去而徐用儀猶在政府
 事事阻撓恭即常熱皆欲去之欲其自引病查經言
 官奏劾徐猶戀棧六月九日草摺覓戴少懷庶子劾
 之戴遠逃不敢上乃與王幼霞御史鵬運言之王新
 入臺敢言十四日上馬是日與卓如瑞博游西山登
 碧雲寺塔竟夕月明如畫遠望京師在烟霧中樂甚
 越日歸而徐用儀遂出樞樞兩署馬是時粵德馬丕
 瑤受剛毅意保奏市僧潘贊清為三品卿得旨賞給
 之草摺交王幼霞附片上之剛毅曾受其重金力為

恭成紙店

保護不能去也。中國風氣向來散漫，士夫戒於明世社會之禁，不敢相聚講求，故轉移極難。思開風氣，開知識，非合大群不可，且必合大群而後力厚也。合群非開會不可，在外省開會則一地方官足以制之，非合士夫開之于京師不可。既得登高呼遠之勢，可令四方響應而舉之於輦轂聚著之地，尤可自白嫌疑。故自上書以後，日以開會之義疏之於同志。陳次亮謂辦事有先後，當以報先通其耳目而後可舉會。報開兩月，輿論漸明，初則駭之，繼漸知新法之益，吾復挾書游說，日出與士大夫講辨，並告以開會之故。明者日衆，乃頻集通才游宴，以鼓勵之。三舉不成，然沈子培、刑部陳次亮、戶部皆力贊此舉。七月初，與次亮

春成紙店

約集客若袁慰亭、世凱、楊叔橋、概、丁淑衡、玄鈞及沈子培、沈子封、兄弟、張巽之、孝謙、陳即席定約。各倡義捐一舉而得數千金，即舉次亮為提調，張巽之習之，張為人故反覆，而是時高陽當國，張為其得意門生，故沈子培舉之，使其勿散壞也。舉吾草序文及章程與卓如擬稿而公商之。丁張畏謹，數議未定，吾欲事成亦迂迴而從之。於是三日一會於炸子橋嵩雲草堂。來者日衆，翰文齋願捐送群書，議院書藏於琉璃廠，乃擇地購書，先屬楊博出上海辦焉。是時偏尋琉璃廠書店無地球圖，京師銅鑿風氣如此矣。安得不敗時英人李提摩太亦來會，中國士夫與西人通自此始也。英美公使願大助西書及圖器，規模日

春成紙店

廣矣乃發公函於各督撫劉坤一張之洞王文韶各
 捐五千金乃至宋慶嘉士咸咸捐數千金士夫雲集
 將俟規模日廓開書藏派游學游歷然而丁張斷斷
 挑剔張更藉漁利以開局於琉璃廠張欲以託之為
 書店之狀吾西折以今日此舉以義倡天下之士若
 以義始而以利終何以見天下乎張語塞然而舉座
 不懂時報大行然守舊者疑謗亦漸起當時莫知報
 之由來有以為出自德國者有以為出自總理衙門
 者既而知出自南海館則群知必吾所為矣張既懷
 嫌乃因報之有謠言從而扇之於是大學士徐桐御
 史褚成博皆欲劾奏沈子培陳次亮皆來告促即行
 而留卓如辦事乃以八月十九日出京先是自六月

春成紙店

乙未冬代序
國學報館
學士

創報吾獨自捐款為之後陳次亮張君立皆來相助
 而每期二金積欠甚多至八月節盡典衣給之得次
 亮助盤費乃能行十四日同會諸子公饗唱戲極盛
 會也是日合肥自願捐金二千入會同會諸子擲之
 議論紛紜揚崇伊泰劫之黨遂始於此張孝謙又邀
 褚成博張仲忻二人入會二人台中最氣縱橫者
 蓋會事甫成而衰敗即萌焉九月初二日到天津初
 三日游山海關入各防營視兵望海山海關本無形
 勢可守明世防遠為東道扼要之地若今海船交通
 珠海寸寸可據山海關防兵實可罷矣見陝撫魏午
 莊光燾相待甚殷惜其未知新法也十二到上海十
 五入江寧居二十餘日說張香濤開強學會香濤頗

春成紙店

以自任。隔日一談。每至夜深。香濤不信孔子改制。頗
 勸勿言此學。必供養。又使星海來言。吾告以孔子改
 制大道也。豈為一兩江總督供養易之哉。若使以供
 養而易其所學者。香濤奚取焉。在江寧時事大順。吾
 曰。此事大順。將來必有極逆者矣。與黃仲弢。梁星海
 議章程。出上海刻之。而香濤以論學不合。背盟。電來
 屬勿辦。則以會章大行。不能中止。告乃開會。賃屋於
 張園旁。遠近響應。而江寧一切不來。處處掣肘。即無
 楊崇伊之勅。亦必散矣。時金陵有楊仁山者。講佛學。
 有道士也。曾游倫敦。得儀器甚多。吾為強學會購之。
 凡三千餘金。其天文鏡大者。能窺見火星之山海矣。
 以其小者。送之京局。後香濤星海背盟。王雪晴允捐

春成紙店

之後亦背。及京局有變。款不能結。吾艱累歸之。沙局
 之器。運之揚。然以此。諍甚多。蓋任一小事。皆極難。但
 吾惻隱之心。不以難而變耳。吾以十二月。母壽須
 歸。先謂君勉易。一來辦事。急須開報。以用孔子紀年
 及刊上諭。事江寧震動。適有京師劫案。遂藉此停止。
 自強學會開後。海內移風。紛紛開會。各國屬目。自封
 禁後。漸諱新政。方當西后杖二妃。運侍郎長麟。汪鳴
 鑾志銳之時。至逾年二月。撤毓慶宮。遂翁常熟。文雲
 閣。殺寇良才。將築圓明園。以幽上。於是開新之風掃
 地矣。先是翁常熟在毓慶宮。獨對吾。頻謂之曰。公赴
 此舉大事。不可失。若能行新政。廢八股。則一月中。新
 政甚多。公即去官可矣。若度不能行。則勿如先辭。毓

春成紙店

此書為光緒二十
年乙未前作
叙事止于是
門人羅孝高不
知從何得之
戊戌抄沒落於
人間而得
之也
更年七十記

(39)

廣宮蓋同相而獨對僚友所忌也徒取辱耳公亟辭	之又翁常熟五月前能從容請求新政及六月派總	理衙門行走事殷多至夜分自此不暇見士大夫而	一事不辦吾累書勸其力辭總署之差常熟不能從	後以割膠事為罪謗所歸榮祿嗾其私人劫之常熟	卒以是逐常熟去官後云悔不聽我言也	春成紙店	光緒二十二年丙申三十九歲 講學於廣府學宮	萬木草堂續成孔子改制考春秋董氏學春秋學使	徐君勉王鏡如為學長七月與幼博弟游羅浮八月	游香港十月至澳門與何君德田創辦知新報將游	南洋不果獲田慷慨好義力任報事後遷城六月時
----------------------	----------------------	----------------------	----------------------	----------------------	------------------	------	----------------------	----------------------	----------------------	----------------------	----------------------

康南海自編年譜

(40)

在同人局行抽簽舉局長行地方自治法惜無人能	行之遂罷局事先是為同人購書千餘金畧備是以	感欣成一書院卒不能十二月重游廣西與羽子兄	借鏡玉借行鏡函學佛若有得而狂不可近蓋所謂	天魔入心者至陽朔遣之還自丙戌年編日本變政	記披羅車蹟至今十年至是年所得日本書甚多乃	今月蕪譯之稿乃具又撰日本書目志	春成紙店	光緒二十三年丁酉四十歲 正月十日到桂林丹	寫風洞擬築桂林馬路以山路不合未成然用日本	伊豆人力車則可行也與唐菽卿岑雲階議開聖學	會史淳之撥善後局萬金游子公布政捐千金蔡仲
----------------------	----------------------	----------------------	----------------------	----------------------	----------------------	-----------------	------	----------------------	----------------------	----------------------	----------------------

以按察希紳激昂義主持之乃為草章程序文行
 之借廣仁善堂供孔子行禮日士夫雲集感儀甚盛
 既而移之依仁坊彭公祠設書藏講堂義學規模甚
 敬日興學者論學義學童幼尤彬彬焉暇則游山挂
 林山水既極勝去城七里有中洞者若若一室兩西
 皆通俯瞰諸岫石筍巉然吾欲於此結精廬焉四月
 與安會匪大作陷瀘陽各縣蠢動勸史撫於桂林戒
 嚴不顧也與唐薇卿謀請其歸鄉辦團以聖學會行
 之唐薇卿慨自捐數千金募勇吾乃夜叩蔡泉門
 請其假軍械馬時五月初也編春秋考義春秋孝文
 成撰日本書月志成六月遂專請學時學者大集乃
 晝夜會講八月納妾氏八月築室花球將終隱焉



乃室成而未歸已被抄沒人生原逆旅我身非我有
 而何一室哉吾一生不用營謀稍營謀輒無益更可
 信天命也月杪携同薇至上海九月游西湖十月遂
 上海中國人滿久矣美及澳洲皆禁吾民往又亂離
 迫至編考大地可以殖吾民者惟巴西經緯度與吾
 近地域數千里亞馬孫河貫之肥饒行沃人民僅八
 百萬若吾遷民往可以為新中國當乙未吾欲辦此
 未成與次亮別曰君維持舊國吾開闢新國時經割
 台後一切不變壓制更甚心震必亡故欲開巴西以
 存吾種乙未之歸遇葡人及曾遊巴西者知巴西曾
 來約通商招工其使來至香港而東事起巴使在香
 港候吾事定至數月東事益劇知不諧乃歸吾港澳

商咸樂任此。何君德田學畫甚詳，任雇船招工之事。於是擬入京舉此。適膠洲案起，德人踞之，乃上書言事。工部長官滋莊讀至，恐偏安不可得語，大怒不肯代遞。又草三疏交楊叔嶠分交王幼霞、高理臣上之。乃與曾剛甫約，月遞察院，先與都憲徐壽蘅言之。壽蘅本守舊，而能待士，不以此摺為然，而允為我代遞也。李汝園侍郎敬屬忠憤，欲聯九卿上摺為草。之後無聯名者。李公文司業詣教上之。既謁常熟，投以書告歸。與李合肥言巴西事，許辦之。惟須巴西使來求乃可行。是時將水河，於十八日決歸行李已上車矣。常熟來留行翌日，給事中高燾曾奏薦請召見，并加卿銜出洋。常熟在上前力稱之，奉旨交總理衙門。

春成紙店

議許應駁阻之於恭邸。常熟再持之，恭邸乃謂待臣等見之，乃奏聞奉旨。令王大臣問話，御史楊瀚川深秀博學高節，來談欲相奏薦，草稿有大才槃槃孤忠，取取之語，力辭之。時欲續強學會之舊，先與鄉人士開會，曰粵學會。於十二月十三日在南海館創辦。京友集者二十餘人，以各會館皆為京官會集，欲因而導之。乃草疏交御史陳其璋上言，請將總署同文館群書頒發各省會館，以便各京官講求。奉旨俞允。又與文中允煥、夏編、修虎臣及旗人數輩創經濟學會，已為定章程。呈慶邸，請慶邸主之。且為慶邸草序文，既而以欲刪會字，議不合，事遂已。乃令丁叔雅佐壽百福成知恥會。

春成紙店

自十一月十二日德人發砲據膠州擄去提督章高
 元朝廷託俄使言和德使甚難詰翁常熟及張蔭野
 日與議和未就日人參謀本部神尾宇都宮來甯鄂
 督張之洞請助英拒德時經劉台後未知日情朝
 士亦多猜疑日本恭邸更主倚俄乃卻日本之請吾
 走告常熟明日本之可信且與日使議請將償款再
 推十年並減息日使矢野君極有意而吾政府終不
 信是議乃為御史楊深秀草疏請聯英日又為御史
 陳其璋草疏再請聯英日畧謂康熙十一年以救西
 班牙立主與法戰乾隆六年以救澳與普法戰又二
 十一年以救普與法俄瑞澳戰嘉慶元年攻法拿破
 倫而救普咸豐三年至五年與法救土耳其而聯俄

春成紙店

頃重兵於斯巴士撥死士二萬廢兵七千萬鎊光緒
 二年與法奧意救土耳其而拒俄頃重兵於毛魯爾
 島故英真救人之國也日本與我唇齒俄法得志東
 方非彼之利昔東事之役彼以國小變法自強已久
 欲奮揚威武以求自立既得勝得遠東而不得其勢
 不能恨德俄其來請聯助乃真情也英海軍甲地球
 又扼蘇彝士河之權利也若英不欲戰歐西各國不
 能飛渡若聯英日則東西南三面如環玦皆可晏然
 今地球大勢東流皆以我為土耳其若我與聯英人
 必出上於常熟請主持之乃作聯英日策編告朝士
 李必園侍郎深然之持以示廖仲山尚書合肥不以
 為然因面詰張蔭野張謂英大國未必肯助我遲疑

春成紙店

一第丁下叶 續修四庫全書 第 4 版 亥 內

不敢發遂割膠州已而英使果出請將旅順大連灣
威海衛通商俄使巴德蘭富大怒謂李合肥曰若貴
國必欲將旅順大連灣通商則吾兩國從前盟約皆
斷朝議數日不敢決吾聞之上書常熟曰此中國生
機也吾意且欲盡開沿邊口岸以眾國敵俄况旅順
大連灣乎必勿拒英雖俄怒以諸國力抗之必無害
也言甚切又與張熊野言張以吾言英可聯今英果
出甚信之謂可西告常熟卒不過而西后及恭邸畏
俄甚卒不徇英請時賞日本之一萬萬英人又許代
借三厘息不扣俄關之又強相借四厘息扣於是議
論紛紛有主兩借者有主兩不借者吾言可借英款
俄大言恐嚇必不緣此小故發兵也政府畏俄又不

春成紙店

敢乃用兩不借之說此事英實有底蘊之意而兩拒
之殊為失機惟有與同志歎息而已然經此事後俄
英日之情皆見朝士漸知英日之可信而知俄之巨
測有此群議咸知俄英日矣吾又苦常熟謂俄欲耽
耽諸國並來吾無以拒之請盡開沿邊各口與諸國
通商既可藉諸國之力以保境又可開士民之智識
又騰書與廖仲山言之常熟大以為然倡言於總署
於是王大臣集議多不通情勢咸駁是說議不行然
自是大連灣廣州灣之要素自此紛紛矣
是冬幼博在上海大同譯書局刻孔子改制考春秋
董氏學日本書目志成時嚴範孫請開經濟特科常
熟主之此事遂成其章程與沈子培同議之者也乃

春成紙店

說常熟並張樵野成之籍此增常科以陰去八股

光緒二十四年戊戌四十一歲正月初二日總理

衙門總辦來書告初三日三下鐘王大臣約見至時

李中堂鴻章翁中堂同和榮中堂徐刑部尚書康壽

恒戶部左侍郎張蔭桓相見於西花廳待以賓禮問

恭成紙店

變法之宜榮祿曰祖宗之法不能變我答之曰祖宗

之法以治祖宗之地也今祖宗之地不能守何有於

祖宗之法乎即如此地為外交之署亦非祖宗之法

所有也因時制宜誠非得已慶問宜如何變法答曰

宜變法律官制為先李曰然則六部盡撤則例盡棄

乎答曰今為列國並立之時非復一統之世今之法

律官制皆一統之法弱亡中國皆此物也誠宜盡撤

即一時不能盡去亦當斟酌改定新政乃可推行翁

問籌款則答以日本之銀行紙幣法國印花印度田

稅以中國之大若制度既變可比今十倍於是陳法

律度支學校農商工礦政鐵路郵信會社海軍陸軍

之法並言日本維新仿效西法法制甚備與我相近

恭成紙店

最易仿摹近來編輯有日本變政考及俄大彼得變

政記可以為鑑焉至旨乃散榮祿先行是日恭慶西

邸不到閣日召見樞臣諭以吾言入奏上命召見

恭邸謂請令其條陳所見若可採取乃令召見上

乃令條陳所見並進呈日本變政考及俄彼得變政

記七日乃奏陳請誓群臣以定國是開制度局以定

新制別開法律局度支部學務局農商局工部鑛
 務鐵路郵信會社海軍陸軍十二局以行新法各省
 設民政局舉行地方自治於是晝夜繕寫日本變政
 考俄彼得變政記二書忙甚正月琉璃廠大神廟百
 貨並陳僅於人日一游餘無暇晷時粵學會數日一
 集各省會漸成正月初十日林暉谷開閩學會成十
 八日宋芸棟李孟符開閩學會成楊叔崎蜀學會亦
 成於是鼓動直隸及湖南浙江江西雲貴令各開會
 矣
 前摺許應駁仍攻擊於恭邸前抑壓遲遲至二月十
 三日乃上即下總署議常熟將欲開制度局以我直
 其中時進呈俄彼得變政記附片請變生童歲科試

易八股以策論並下總署議已而俄人索旅順大連
 灣三月初一日吾上摺陳三策請拒之若出於戰則
 敗而復割未遲否則用西人蒲盧多士之例聽俄人
 佔據非吾所願猶可取也三則盡開沿海口岸以利
 益各國俄人當無如何已開定計將割矣時門人麥
 孫博公車適來吾口授一摺請以旅大與諸國聯英
 拒俄言極激切立寫上又令孫博與龍濟修況晴皋
 等百數十人於初三日進呈恭邸見已於初四日
 畫押矣察院亦不收矣於是法索廣州灣英索九龍
 威海無不惟命是聽然英之索威海為拒俄也固我
 所欲與當俄之索旅大也上大怒面責恭邸及合
 肥謂汝等言俄可恃與定約輸以大利今約期未半

不獨不能阻人之來今乃自渝盟索地密約之謂何
 蓋李合肥與俄盟保五年太平也恭李皆免冠叩
 首曰若以旅大與之密約如故上大怒向西后变色
 后曰此何時汝乃欲戰耶上默然而出遂定約時御
 史文佛素託大言謂欲願一死以報國又見華丹雲
 輝高理臣王佑選等勸其聯入乾清門伏闕痛哭請
 拒俄變法文佛許之楊濟川亦許之吾愛濟川欲留
 為他日乃為文佛草摺及彼上時自改請令使俄辦
 之若不許則自刎俄人前蓋逆知朝廷必不聽其使
 俄生事也
 是時以旅大軍朝廷震悚不遑及內政故寫書已成
 不進至初八日進呈附日本變政考順時呈泰西新

史攬要時事新論等書時債日本之款甚急中允黃
 恩承請用外國公債法行昭信股票下戶部議北權
 房總辦陳宗媽晏安瀾素主搜括者也力主之司員
 簽名者二十餘人吾聞而投書常熱力諍之謂方今
 無事何為作此亡國之舉乙未借民債雖張之洞之
 六十萬亦不肯遂民怨久矣中國官民之隔久矣誰
 信官者且名為借債而以官力行之吾見乙未之事
 酷吏勒抑富民至於鎖押迫令相借既是國命無可
 控訴酷吏得假此盡飽私囊以其餘歸之公民出共
 十國得其一雖云不勒索其誰信之徒飽貪吏矣於
 國計無益而生民心為淵嗷魚明世加糧可為殷鑒
 言極激切並以書責樵野而相上即日奉旨行矣

不可挽回。然各省分派僅得千餘萬，不足為償。日之用，再與德華滙豐兩銀行借一萬萬兩，八折四厘半。息去年英借而不受，今乃息昂重扣而取之，失策甚矣。且歲歲借款，挖肉補瘡，僅支目前而絕不為經營。自強計則賠款無已時，借款亦無已時，是坐自斃也。統籌大局，非大籌五六萬萬之款，以二萬萬築全國

春成紙店

鐵路限三年成之鍊兵百萬，購鉄艦百艘，編立各省各府州縣各等各種學堂，沿海分立船塢，武備水師。學堂開銀行，行紙幣，如此全力並舉，庶幾或可補救。以全國鑛作抵，英美必樂任之，其有不能則暫邊外無用之地，務在籌得巨款，以立全局。既與常熟言，為容純甫熟悉，美事忠信，可任借款，又草摺二份交御

史宋伯魯陳其璋上之樞垣，疑其不能行，留中，真可惜也。又草請改律例摺，與王佑選上之時，粵中草堂

徒侶雲集，前摺既緣膠旅事擱起，知其不行，將擬歸

以公車咸集，放偏見其英才，成一大會，以伸國憤，由

是少盤桓焉。李木齋亦來言開會事，卓如新在湖南

開南學會，極盛時扶病來京，幼博以醫，卓如故同寓

三條胡同金頂廟，乃定於廿二日開保國會於粵東

館為草定章程，士夫集者數百，投籌公舉演說，舉吾

登座樓上下人皆滿，聽者有泣下者，蓋自明世徐華

亭集靈濟宮講學後，未有所舉也。廿五日再集於茲

靈草堂，廿九日再集於貴州會館，人皆逾百數，是時

各省人士應時開會，保漢會保浙會繼起，人數皆逾

各省人士應時開會，保漢會保浙會繼起，人數皆逾

春成紙店

百數當是時公車如雲采見者日數十座客填塞應
 接不暇分日夜之力往各會宣講客果或不能見見
 亦不能答拜多有怨者吏部主事洪嘉興者守蓋之
 有心力能樹一細党者三來拜不得遇聞者忘其居
 址又未能答拜洪以為輕己乃大造謠於是謗言益
 作浙人孫灝者欲得舉經濟特科洪銘之謂某公惡
 康若能攻之必可舉特科也孫故無賴喜從之洪乃
 草駁保國會議謂吾將欲為民主教皇刻數千本編
 投朝貴於是謗言益沸乃停會而四方之士投書預
 會者紛紛於是李盛鐸參保國會以求自免四月初
 七日潘慶瀾附片劾吾聚眾不道上曰會為保國豈
 不甚善然慮西后見之特抽出此片蓋吾正月之相

春成紙店

已請開社會局明會党之善又編日本會党考附日
 本變政記進呈上知各國通行之俗以開民智而
 勵士氣者故不禁也時御史黃桂馨劾保漢會保浙
 會並及保國會皆洪嘉興為之云於是謗言塞途賓
 客至交皆避之不敢采門可羅雀與三月時成兩世
 界矣上讀日本變政考而善之再催總署議復然以
 粵中學者咸集已決歸上時決意變法使慶邸告
 西后曰我不能為亡國之君如不與我權我寧遜位
 西后乃聽上於時恭邸薨吾乃上書常熟促其亟變
 法勿失時常熟以吾謗鼎沸亦欲吾去乃召廷亦聽
 吾歸矣時與日本矢野文雄約兩國合邦大會議定
 稿極詳請矢野君行知總署答允然後可大會於各

春成紙店

省而俄人知之矢野君未敢時蓋黨議甚熾常熟頻
 被劾以吾行後無人鼓舞故欲成數事乃行十八日
 乃草摺請定國是而明賞罰交揚濬川上之畧謂門
 戶水火新舊相攻當此外患交迫日言變法而眾論
 不一如此皆由國是未定故昔趙武靈之胡服秦孝
 公之變法俄彼得及日本維新之變法皆大明賞罰
 定國是而后能行新政又為一編交徐子靜學士上
 之徐君廉靜寡欲無意仕宦吾以開會由金頂廟遷
 出上斜街與徐宅相望日夕過從徐君老而好學乃
 至請吾說春秋側座聽之近古所無也廿三日奉明
 定國是之諭舉國惟欣先是又草變科舉摺亦為三
 篇分交揚濬川徐子靜上之又草請派近支王公將

奉成紙店

摺請開局譯日本書摺請派游學日本摺皆由揚濬
 川上之奉旨允行又為宋芝棟侍御請推舉經濟特
 科摺又盛宣懷借款八百萬歲息約三十餘萬無人
 敢言之乃請提其息為譯書學堂之費皆奉旨俞
 允於是學堂有款而舉特科者紛紛矣又為御史李
 成鐸草譯書游歷及明賞罰辨新舊摺李上之附片
 即言勿用新進蓋聞吾之召用也人咸謂其有相才
 有云是時已定二十四日出京適見家信云粵中疫
 癘甚盛學者皆散歸宜遲歸即歸亦當在上海少候
 是日以國是既定與其候於上海不如少留京師或
 更有補選遲遲行廿五日忽為徐學士薦備顧問奉
 旨着於廿八日預備召見廿七日詣頤和園宿戶

奉成紙店

部公所即見奏旨遂常惠令榮祿出督直隸並統三
 軍着二品大臣具摺謝恩並召見並令天津閱兵蓋
 訓政之變已伏於是知常惠之逐甚為灰冷廿八早
 入朝身遇榮祿謝恩同對與談變法事榮入對即劾
 吾辯言亂政矣榮祿下吾入對上問年歲出身畢吾
 即言四夷交迫分刻存至覆亡無日。上即言皆守舊
 者致之耳吾即稱上之聖明洞悉病源既知病源則
 藥印在此既知守舊之致禍則非盡變舊法與之
 維新不能自強上言今日誠非變法不可吾言近歲
 非不言變法然少變而不全變舉其一而不改其二
 連類並收必至無功譬如一殿材既壞敗勢將傾覆
 若小小弥縫漏風雨既至終至傾壓必須拆而更

恭成紙作

築乃可庇託然更築新基則地之廣袤度之高下磚
 石楹棟之多寡窗門楹樑之潤窄灰釘竹屑之瑣細
 皆須全局統算然後庀材鳩工殿乃可成有一小缺
 必無成功是殿終不成而風雨終不能禦也。上然
 之吾乃曰今數十年諸臣所言變法者率皆畧變其
 一端而未嘗籌及全体又所謂變法者須自制度法
 律先為改定乃謂之變法今所言變者是變事耳非
 變法也臣請皇上變法須先統籌全局而變之又請
 先開制度局而變法律乃有益也。上以為然吾乃
 曰臣於變之事嘗詳考各國變法之故曲折之宜擇
 其施行於中國者斟酌而損益之令其可施行章程
 條理皆已備具若皇上決意變法可備採擇但待推

恭成紙作

行耳。泰西講求三百年而治。日本施行三十年而強。吾中國國土之大。人民之眾。變法三年。可以自立。此後則蒸蒸日上。富強可駕萬國。以皇上之聖圖自強。在一反掌間耳。上曰。然。汝條理甚詳。吾乃曰。皇上之聖既見及此。何為久而不舉。坐致割弱。上以目視。簾外既而數曰。奈掣肘何。吾知上礙於兩后。無如何。乃曰。就皇上現在之權。行可變之事。雖不能盡變。而扼要以圖。亦足以救中國矣。惟方今大臣皆老耄。守舊不能外國之故。皇上欲倚以變法。猶緣木以求魚也。上曰。伊等皆不留心辦事。對曰。大臣等非不欲留心也。奈以資格遷尊至大位時。精力已衰。又多兼差。實無暇晷。無從讀書。實無如何。故累奉旨辦學堂。辦商

恭成紙店

務彼等少年所學皆無之實。不知所辦也。皇上欲變法。惟有擢用小臣。廣其登荐。予之名對。察其才否。皇上親拔之。不吝爵賞。破格擢用。方今軍機總署並已用差。但用京卿御史。西官分任。內外諸差。則已無事不辦。其舊人且姑聽之。惟彼等事事守舊。請皇上多下詔書。示以意旨所在。凡變法之事。皆特下詔書。彼等無從議。取上曰。然。對曰。昨聞張蔭桓寶星。何不明明下詔書。上一笑。自劉治後。民志已離。非多得皇上哀痛之詔。無以收拾之也。上曰。然。吾乃曰。今日之患。在吾民智不開。故雖多而不可用。而民智不開之故。皆由以八股試士為之學。八股者。不讀秦漢以後之書。更不考地球各國之軍。然可以通籍。累致

恭成紙店

大官。今群臣濟濟，然無以任事變者，皆由八股致大位之故。故台遼之割，不割於朝廷而割於八股；二萬萬之款，不賠於朝廷而賠於八股。膠州、旅大、威海、廣州灣之割，不割於朝廷而割於八股。上曰：然，西人皆為有用之學，而吾中國皆為無用之學，故致此。對曰：上既知八股之害，廢之可乎？上曰：可。對曰：上既以為可廢，請上自下明詔，勿交部議。若交部議，部臣必駁矣。上曰：可。上曰：方今籌款如何？乃言日本紙幣、銀行、印度田稅、畧言其端。既而思昭信股、票方提為起行官，若縱言其詳，則未能變法先富民矣。乃畧言中國鐵路、鑛務兩地為地球所無，若大舉而籌數萬萬，備築鐵路、練民兵百萬、購鐵艦百艘、備開郡縣各

種學堂、水師學堂、船塢，則一舉而大勢立矣。但患變法不得其本耳。中國地大物博，藏富於地，貧非患也。但患民智不開耳。於是言譯書、游學、派游歷等事。每終一事，稍息以待上命。上猶不命起，乃重提備及用人行政，未及於推廣社會以開民智而激民氣，並撫各會匪，因謝保國會，被劾上為保全之思。上皆默首。稱是又條陳所著書及教會事。久之，上點首云：汝下去歇歇。又云：汝尚有言，可具摺條陳。乃起出。上目送之。蘇拉迎問，蓋對逾十刻時矣。從來所少有也。既退出，軍機大臣西奉諭旨，着在總理衙門章京上行。走時，李合肥謝恩，同下。面色大變，對我歎惜，謂榮祿既在上前，勅我又苦剛毅，上欲賞官，勿予，當予微

差以抑之上問拒臣以位置吾時廖仲山將欲言請
賞五品卿而剛毅班在前請令在總理衙門章京上
行走蓋欲以辱屈我也於是發書告宋芝棟令其即
上廢八股之摺蓋已早為草定者乃與幼博游西山
既還將詣宮門謝恩以諸臣忌甚又無意當差於初
一日乃具摺謝恩並再陳大誓群臣統籌全局開制

恭成紙店

度局三義又陳請廢八股及開孔教會以行聖公為
會長聽天下人入會今天主耶穌各立會長與議定
教律凡有教案者歸教會中按照議定之教律商辦
國家不與聞並進呈孔子改制考請聽沿邊口岸准
用孔子紀年附呈列國歲計政要疏留中五月初五
日奉明旨廢八股矣先是十九日芝棟摺上上即令

樞臣擬旨是日京師譁然傳廢八股喜色動人連數
日寂然聞上得芝棟摺即令降旨剛毅請下部議上
曰若下禮部彼等必駭我矣剛又曰此事重大行之
數百年不可遂廢請上細思上厲聲曰汝欲阻撓我
耶剛乃不敢言及將散剛毅又曰此事重大願皇上
請懿旨上乃不作聲既而曰可請知故待初二日詣

恭成紙店

頤和園請太后懿旨而至初五日乃降旨也百事皆
如此上抗於西后下抗於頑臣變法之難如此及命
下之日惟聲雷動去千年之弊政非皇上之聖武豈
能若此之剛斷乎初三日總理大臣代遞謝恩摺上
命曰何必代遞後此康有為有摺可令其直遞來又
令樞臣廖壽恒來令即將所著日本變政記波蘭分

減記法國變政考德國變政考英國變政考立即抄
寫進呈乃片陳謹當書夜編書不能赴總署當差西
告李合肥廖仲山張樵野以不能奔走此差辭之向
例總署章京由各部司員考取又覆試之其最高列
者尚須一二年然後得到僅當譯電等差有年乃轉
司務廳也又一二年者乃得派入各股又數年乃可
升提調然後升幫辦總辦吾被特旨派差為向來所
無入署即可派總辦提調知交多勸就之吾終不為
屈也鄉會試既廢八股而用策論生童歲科試仍未
改吾三月所上之摺交總署議而未行欲因勢並行
之乃自草一摺為揚潯川草一摺又令卓如草一摺
交宋芝棟上之奉旨允行於是歲科試均廢八股而

改策論矣時八股士驟失業恨我甚直隸士人至欲
行刺于海若至屬吾養壯士住深室簡出游以避之
吾笑而不避也時以愚民之官既去當開民智泰西
文明多由於有製新器著新書尋新地之賞初八日
上摺言之奉旨交總署議張樵野即屬卓如議稿乃
為議定即令總署奏定章程頒行天下者也時新定
國是廢八股舊黨甚沸御史文惕黃桂馨等奔走謀
之聚議將無名翻國是復八股乃草摺交揚潯川上
之請御門誓群臣並定請新政之律其有敢請亂國
是後八股者重懲之於是上諭再責舊黨謗議乃少
息也時許應駁議經濟特科及廢八股事多方阻撓
御史楊潯川宋芝棟聯名劾之上惡其阻撓科舉即

定罷斥剛毅乞恩不許請令總理衙門查覆不許乃
 請令其自行回奏上不得已允之許應駿夜走請於
 剛毅剛毅屬其牽攻我可免許從之上重於為我故去
 大臣故聽之於是與洪嘉與聶文煇劫宋揚而專意
 及我軍機得文摺喜甚以為必去我矣上閱摺大怒
 謂文煇受許應駿指使將革職剛毅求之乃令回原
 衙門行走凡言官回即署例不補缺不派差與革職
 無異也其指証甚非上之明吾不免久矣彼來吾八
 次而謂來二次彼摺皆情吾作而攻宋揚情吾作摺
 甚至謂吾畫素名教保中國不保大清走湖走越後
 此偽齋皆緣此摺為定案也吾累年累京皆寓金頂
 廟入城多宿於是帶傘枕者以僧寮無是也文煇心

恭成紙店

術能詐彼留吾談而詢吾從僕曾訪樵野即以為吾
 宿樵野所樵野無端被禍實文煇妄指為之京師危
 疑之地可不謹哉以新定科舉事請採用朱子科場
 貢舉議分科試士令人習一經如詩一科書一科易
 一科儀禮一科禮記附春秋公羊穀梁一科左傳附
 之史記兩漢書一科三國晉六朝史一科唐五代宋
 史一科遼金元明史一科國朝史若會典原華錄
 十朝聖訓一科經史各五科四書則人人須通西學
 則人專一門普通之學以為論每章一摺為徐學士
 草一摺奉旨禮部議為所駁附片請將優拔貢改試
 策論並請凡朝殿試勿尚楷法得旨允行時大學堂
 已定吾乃上摺於各省開高等學堂各府開中學各

恭成紙店

請吾擬吾為定四款一曰預籌巨款二曰即撥官舍
三曰精選教習四曰選刻學書選刻學書者將中國
應讀之書自經史子集及西學選其精要輯為一書
俾易誦讀用力省而成功普不至若曠昔廢力於無
用之學以至久無成功也又所請各分教習皆由總
教習專之以一事權時派大學士孫家鼐管學孫家
鼐素知吾來西請吾為總教習并請次亮為總辦又
來勸駕時大學肄業有許曹翰林道府州縣等官習
氣甚深自度才德年位恐不足以率之度教無成徒
增謗議故西辭之時孫尚未睹卓如章程也時李合
肥拒臣廖仲山陳次亮皆勸孫中堂請吾為總教習
及見章程大怒以教權皆屬總教習而管學大臣無

春成紙店

權又見李合肥廖仲山陳次亮皆推較疑我為請託
欲為總教習專權又欲專選書之權以行孔子改制
之學也於是大怒而相攻我遂命卓如告孫誓不沾
大學一差以白其志時承保國會之餘孫瀨誣攻之
後承保國會之潘慶瀾又孫之親戚也又有謠言於
孫之前者孫於是大有惑志始孫願言變法與編修
前尤典言曰今朝士忠肝熱胆而心通時務者惟
其一耳若皇上責我變法我惟舉康某人我則不
能其相待若此至是相攻謂吾孔子素王改乃自為
教王民主於十九日上摺勸孔子改制考并謂康某
才氣可用以為宜如漢文之待賈生老其才折其氣
而後大用之上令軍機大臣傳旨與孫家鼐令孫家

春成紙店

稟轉傳旨與我而已並不明降上諭蓋我已將孔子
改制考進呈並無少妄早鑒在帝心也時廣東學政
內閣學士張百熙奏荐我經濟特科又奏保使才不
識其人亦不知其事也時網羅天下人才及同門才
者交諸公奏荐陝西劉古愚皆為推轂時八股已廢
報會紛紛學堂大開矣六月一日乃上商務一摺請

春成紙店

令十八省各開商務局先在上海廣東善堂中公舉
通達時務殷實商人試辦限兩月內草定章程呈
署進呈御覽荐上海經元善嚴作霖為總辦廣西龍
澤厚副之奉旨交各直省督撫議行廣東商務局七
十二行即舉何穗田為總辦以知新報曾言商務章
程也儀侃頻書來促章程事忙甚令儀侃等實議之

時潘行桐等欲攘商務局事適谷雲階放廣東布政
使乃以何穗田託之時時務報汪康年盡虧巨款報
日零落恐其敗也乃草摺交宋芝棟上之請飭卓如
專辦報並請選擇各省報進呈奉旨交孫家鼐議時
拒臣相惡欲藉差擠我外出然後陷之乃託孫家鼐
請我辦官報並以京街及督辦字樣相誘吾卻之當

春成紙店

是時葛光謨言充塞皇上無權等日造謠言
謂上重病已豫大行衣衾棺槨諸人皆為我危勸我
勿預政事勿博則專意在廢八股有八股廢後民智
大開中國必不亡上既無權必不能舉行新政不如
歸去選港中西文學者教以大道三年當必有成然
後議變政我中國未晚也日以為言每當上摺必阻

撓之謂辦此瑣事無謂日與卓如言之時榮祿出天
津條陳辦事情形有摺上太后而無摺上皇上此本
朝人臣所未有也榮祿素結李聯英以媚太后故迎
合李聯英以輕皇上至是出統三軍謀定於天津閱
兵而行廢立故敢無君至此上怒而傳旨申飭榮祿
奏荐三十餘人上無一召見無一用者有要人告我

奏成紙店

曰我請皇上召見榮祿凡三奏皇上未嘗一召見上
之惡榮祿深矣是時榮祿日攻新政而太監內務府
等諂攻皇上無所不至幼博言之甚切我則曰死生
命也我昔經華德里飛磚掠面若逾寸中腦死矣假
中風疫頃刻可死有聖主在上吾以救中國豈忍言
去哉幼博又曰伯兄生平言教以救地球區區中國

殺身無益凡言此者屢矣至是辭官報事孫家鼐將

仍歸之汪康年卓如慮其顛倒是非也故請我領之

吾亦以朝局危疑欲藉此以觀進退乃許之初八日

孫家鼐入奏奉旨令督辦其事吾具摺謝恩條陳請

令武備文官教職以上及諸生閱看並請定報律時

吾遞書遞摺及有所傳旨皆軍機大臣廖仲山傳之

奏成紙店

京師謠言皆謂廖為吾筆帖式甚至有謂為康狗者

廖避之乃面奏謂官報事宜令我商之孫某並傳言

謂此後凡報事皆交孫家鼐遞摺先由軍機大臣傳

旨與我今告知孫家鼐乃見孫家鼐為之草奏云某

月某日康某轉傳軍機大臣面奉諭旨此也可笑事

也孫某再三批剝卒用我言奉旨俞允并令我定報

原不作謝言
明原而美之

原不美云

律而諭旨聲明孫家鳳面奏蓋專為避嫌計也時正月所上制度局之摺京師傳之御史楊濬川宋芝棟李木齋王鵬運學士徐子靜皆以制度局為然我為各草一摺於五月時今日而上皆制度局之意也楊濬川宋芝棟亦奏請御乾清門以誓群臣皆為剛毅所阻時言新政皆小臣耳無大臣言之者於是卓如為李必園草摺陳四事一曰御門誓群臣二曰開懋勤殿議制度三曰改定六部之則例四曰派朝士歸辦學校乃下之慶親王及孫家鳳議拒垣最惡御門及懋勤殿事屬慶邸及孫家鳳阻之上乃推問我總署正月制度局之摺西責張蔭垣馬總署以事關重大派軍機王大臣會議既會議以敷衍游辭駁之上

春成紙店

發還令再會議殊批責以無得浮詞擔責倘仍敷衍塞責定必嚴辦向例非有重大事無出殊批者至是咸悚懼我請於京師開十二局外省開民政局於是流言紛紜咸謂我盡廢內閣六部及督撫藩臬司道矣故張元濟請翰林院都察院岑春萱請廢御寺裁局員皆歸之於我於是京朝震動外省悚驚誰諄不可聽聞矣軍機大臣曰開制度局是廢我軍機也我察竹旨而已必不可開王文韶曰上意已定必從康言我全歐之則明發上諭我等無權矣不如畧敷衍而行之王大臣皆悟咸從王言遂定議所云誓群臣定國是一條以為詔書兩下國是已久定此條可無庸議我所請選天下通才二十人置左右議制度一

春成紙店

一條乃改為運輸產科道十二人。輪日召見。備顧問。於是制度局一條了矣。我所請。令臣民咸得上書一條。改為職官。遞本衙門。士民選都察院。我所請。開法律局。定為每部派員司。改定律例。夫員司無權無才。無從定之。又非採集萬國憲法。與我本意大相反矣。學校局一條。則以大學堂及各省中小學堂。已經奉旨另辦了之。農工商局。則以屢奉旨飭辦了之。所謂起民兵。以練陸軍。購鐵艦。以成海軍。則以裁兵併餉等旨了之。我所請。民政局。則擬旨。令督撫責成。州縣妙選人才了之。惟令開一鐵路鑛務局。請即在總理衙門派人辦理。於是所議。我摺似無一語駁者。似無一條不行者。上亦無以難之。雖奉旨允行。而此摺

春成紙店

又皆成為靈文矣。大官了事。所謂才者如此。雖輕舟已過萬重山。而惡我愈至。謗言益甚。然七月。令人人上書之事。羣臣紛紛召見。乃至道府專摺。州縣遞奏。及制度局懋勤殿之事。皆出於此。然點禮部六堂。以名榮祿之變。亦萌於此矣。時編書未畢。未能出京。及辦報館譯書事。擬先遣幼博出京。先是上摺請開農工局。並進呈農學圖。奉旨派端方。吳懋鼎。徐建寅。辦理。端方者。剛毅之私人。但為骨董之學者也。徐建寅者。裕祿之人也。吳懋鼎者。王文韶之私人也。惟徐建寅願游外國。餘皆非能辦事者。是以各督撫皆藐上。無權抗不遵辦。於是心力稍倦。吾亦決意出京矣。時奏派狄平。接辦報事。而汪康年私改為昌言報。據而

春成紙店

不天乃與孫家霖面商請在京師開局孫承振垣意欲擠我不願其留京師也仍屬往上海乃電江西布政使翁曾桂兩江總督劉坤一兩湖總督張之洞湖南巡撫陳寶箴浙江巡撫廖壽豐並令劉坤一勒令汪康年交出無得抗旨劉坤一立即電奏奉旨令出使日本大臣黃遵憲過滬查辦劉坤一得旨即電上海道蔡鈞封禁昌言報江西亦飭禁以報軍查辦後留京時湖南巡撫陳寶箴奏荐我而改考考上留中是時王先謙歐陽節吾在湘招徠大改新黨新政學會學堂一切皆敗於是草摺交楊漪川奏請獎勵陳寶箴上深別白黑展旨責湖南黨仍獎陳寶箴認真整飭楚事乃怡然非聖明洞燭萬里何能如是

又請親試京僚點其不通者然朝士之冗闕者大恐剛毅阻之卒不行時譚鍾麟不行新政又縱盜賊草摺交宋芝棟劾之奉旨交陳寶箴查辦先是為文佛草摺初雲貴總督崧蕃貪婪革職馬時萬壽請頒御像下愛民詔書以結民心利新政詔書騰黃遍貼窮鄉僻壤以廣德意停止昭信股票或作為公債交回本地方起農工商之業以惠民困利源黃及昭信股票事皆奉旨允行昭信股票官民至甚富商小戶無得免者至是皆得昭蘇同日上海天下裏足摺請獎勵各省不纏足會令各省督撫飭地方官勸誘士庶仿照上海不纏足會例推行並定律光緒十五年所生女子至今十歲者無得裹足若有裹足者不准領

受封典諸臣以俄眉不關政體沮凡不行時徐致靖
學士請開編書局於京師存我編萬國強或弱亡之
畫及制度風俗之事剛毅沮之謂大學堂已有編譯
局可無庸另開遂不行當萬壽後選波蘭分滅記言
波蘭被俄兵分滅之慘士民受俄人荼毒之酷國王
被俄人控制之實守舊黨通抑之深後國王憤悔變
法俄使列兵禁制不許變法卒以割亡哀痛言之上
覽之為之唏噓感動賞給編書銀二千兩七月初四
日總理衙門傳言某謂當有旨到命勿出門既而章
京李岳瑞來口傳諭旨即令僕人將賞銀捧出倉卒
拜受此本期未有之舉不知何以報也時應詣宮門
謝恩以上未降明旨知有曲折恐為太后所忌故亦

春成紙店

不敢詣宮門請對但具摺謝恩於摺末極陳時變之
急分割之苦新政變而不變行而未行之無益制度
局不開零星散雜之無裨末復舉波蘭事反覆言之
摺凡數千言於是上大感動從此大發雷霆非復曩
時之迂迴矣時七月十二日也附片辨孔子制度考
事辨孔子稱王為歷朝封典非自我創造事自上此
摺後以制度局未開不復言事矣然修英德變政記
日無暇晷是時既許群臣上書大臣多有抑遏之者
禮部主事王照條陳請皇上東游日本痛抑守舊一
摺尚書許應鑾懷塔布擲還不肯代遞幼侍以為皇
上明日遠聽廣開言路豈容大臣阻蔽不達謂劾之
小航性勇直即具摺彈劾堂官時侍郎整岫溥題在

春成紙店

室令掌印者勿收小航懷之而出謂將逸察院兩堂
 乃許代逸而許應駿遂劫小航妄請乘輿出游異國
 陷之險地日本素多刺客昔俄太子出游及李鴻章
 奉使皆遭毒手王煦既用心不軌故臣等不敢代逸
 乃敢登堂咆哮然上閱我所進俄大彼得變政記已
 極以親游外國為然乃降旨責禮部大堂嚴塞言路
 並云親游外國之舉朕躬自有權衡無煩大臣起觀
 過慮交部嚴議部議駁上怒其不遵旨盡褫尚書
 懷塔布許應駿左侍郎望岫徐會澧右侍郎溥頤曾
 廣漢六堂之職而令羣僚封章直遞又令各直省道
 府自行遞摺各州縣文督撫代遞上諭謂藉規中國
 人之才識自是我請臣民上書之說乃始行於是群

僚士庶情意疎通奔走輻輳以報聖主各衙門每日
 摺數十件厚或盈寸上熟鳴而起披覽章奏至於日
 是不盡體裁踏雜上并不責問至有野民漁人上書
 紙用二尺長條稱及皇上亦不抬頭上亦一笑置之
 又有紙上變亂祖法自稱開創置祖宗於何地者極
 臣欲罪之上亦謂當廣開言路之時不必有所謹責
 以塞之其寬大求言如此於是廣開言路之路若荆
 交於公車上每日輪召見之必問其通時務與否給
 事中丁之斌不能答則面責之令其講求中外之故
 其稱旨者立行擢用於是台諫詞館移風皆爭講求
 又以學上條陳京師西書為之一空外省八股已廢
 改試時務學堂學會遍地並起事講萬國之故守舊

者知上風旨已定亦不敢有他言於是作新之風氣
 幾定矣上以樞臣老耄守舊而又無權去之乃專用
 小臣特加侍讀楊銳主事劉光第中書林旭知府譚
 嗣同以四品卿銜為軍機章京參預新政上以無權
 用人為大臣故名為章京特加參預新政四字實宰
 相也即以群僚所上之摺令四人閱看擬旨於是軍
 機大臣同於內閣實伴食而已春成紙店
 書請殺吾及卓如上特發文譚嗣同擬旨駁之又傳
 我密諭令林旭帶出蓋上之用林旭以其奏摺稱師
 知為吾門生上之用譚嗣同以其與我同為徐學士
 及李慈園尚書所荐皆吾徒也故拔入樞垣楊銳為
 楚撫陳寶箴所荐而陳寶箴曾荐我楊蔭川又曾保

陳寶箴上亦以為皆吾徒也而用之時譚復生寶箴
 於吾林嘏谷亦日日上意有所欲傳吾有所欲白
 皆藉譚林通之時李慈園尚書奏荐甚力上以忌兩
 后未敢顯然用故用譚林楊劉代之上之意極苦矣
 時奏摺繁多無議不有汰冗官廢御寺之說尤多上
 決行之樞臣力諫不獲听且曰康有為並請廢藩臬
 道府何為不可而吾向來論改官制但主增新不主
 裁舊用宋人官差並用之法如以尚書翰林同直而
 齋侍郎編修均兼學政親王京卿同任樞垣總署提
 督千把同作營官專問差使不拘官階故請開十二
 局及民政局選通才以任新政存冗官以容舊人軍
 機大臣廖仲山聞我為託人來請我言之吾乃草摺

言官差並用之制引唐宋為法舉近事為例乃言方
 今官制誠不可不改然一改即當全改統籌全局如
 折漕之去漕運抽罷之去鹽官尤為要義也上即大
 裁冗教卿寺及雲南廣東湖北三巡撫及各省各局
 並及漕運兩后不肯裁漕而新局之置上將有待也
 廖乃於我將請吾諫止裁官而吾請全裁蓋上於變
 政勇決已甚也又左右無人顧問議論故風利不得
 泊也吾以古者皆有散大夫以備諷議蓋有行政之
 人而無議政之人古今亦無此政體乃請置三四五
 品散卿三四五六品教學士草摺文徐子靖侍郎上
 之時禮部六堂易人上擢李慈園倉督為禮部尚書
 王少詹錫蓋為左侍郎徐學士為右侍郎內閣學士

春成紙店

潤普通武嘗上疏請議院上本欲聞之吾於日本變
 政考中力發議院為泰西第一政而今守舊盈朝萬
 不可行也上然之然雖不用潤言猶拔為禮部侍郎
 上於言必剛如此知人之明鼓勵維新莫不頌我聖
 明也時章交公車上尚慮天下人才未盡遂令天下
 士民有欲上書者即交本籍州縣上於是天下欣欣
 莫不吐露於聖主之前此則三代懸輅設鐸所未及
 也時言者雜沓無所不有上於其可者立予施行時
 復生力欲荐吾入軍機吾自避徐學士力欲荐吾直
 懇勸殿吾因為行新法不為富貴又以觸兩后之忌
 辭之極力而君者猶強牽不已時吾觀復生及林敏
 谷之相謂卓如言曰二子刑法皆輕不類開國功臣

春成紙店

也。今茲維新開中國四千年大局，負責非常，而二子起布衣而驟相，恐禍將至矣。昔何晏節賜執政而管公明謂其鬼幽鬼躁必及於難，吾今懼矣。以徐榮甫及徐毅甫形相甚好，可入軍機，謂卓如福氣過人，或可消弭。並欲為沈子培奪情，舉吳德浦、小村及孺博數人。又留黃公度勿出。於時復生、曠谷又欲開議院。吾以舊黨盈塞力止之，而四卿五臣敢舉新政。吾以制度局不開，瑣碎拾遺終無也。故議請開懋勤殿以議制度，草摺交令宋芝棟上之。舉黃公度、卓如二人。王小航又上之。舉幼博及孺博二徐並宋芝棟。徐學士亦請開懋勤殿，又竟荐我。復生、芝棟召對，亦兩奏請開懋勤殿。上久與常熟議定開制度局，至是得諸

春成紙店

臣疏決意開之，乃令復生擬旨，並云康熙乾隆咸豐三朝有故事，飭內監捧三朝聖訓出，令復生檢查。蓋上欲有所據以請於西后也。先是語復生，以上無權榮祿不臣，復生不信。至是乃悟。是日擬旨，樞垣傳出。京師咸知開懋勤殿矣。是日七月二十八日也。是時以天津閉兵期迫，收兵權則恐警覺，不撫將帥則恐不及事。日夜憂危，復生至是知上果無權，大恐懼。吾於是連日草請仿日本立參謀本部，選天下虎羆之士，不二心之臣於左右，上親振甲冑而統之。又請改維新元年，以新天下耳目。又請變衣服而易舊黨心志。又請遷都上海，借行幸以定之。但率通才數十人從辦事，百官留守，即以棄舊京矣。力言舊京旅大膠

春成紙店

威門戶盡失俄人屯重兵於旅順扼吾之吭無可守
 矣又北京連年水災城崩屢次塵土盈天泉惡脈壞
 王氣已絕又旗人環擁舊黨彌塞下則市僧吏胥中
 則瑣例繁雜種種皆亡國之具不易掃除非遷都避
 之無俾易種新邑不能維新也借行幸舉之則定天
 下於無形精選參謀部之兵才武之將以師兵鉄艦
 為營衛居於上海通達之地以控御天下其於新政
 最便上皆然之先是慮九月天津閱兵即行廢文夙
 夜慮此友朋多勸吾避居日本以待變吾不忍以將
 帥之中袁世凱風駐高麗知外國事請變法昔與周
 辦強學會知其入與董彞一武夫迥異擁兵權可救
 上者只此一人而袁與榮祿密慮其為榮祿用不肯

恭錄紙店

從也先於六月令徐仁樞殺甫游其幕與之狎以觀
 其情袁傾向我甚至謂吾為悲天憫人之心經天緯
 地之才使毅甫以詞激之謂我與卓如芝棟復生屢
 奏存於上上言榮祿謂袁世凱跋扈不可大用不知
 公何為與榮不洽袁恍然悟曰昔常熟欲增我兵榮
 謂漢人不能任握大兵權常熟曰曾左亦漢人何
 嘗不能任大兵然榮祿卒不肯增也毅甫歸告知袁
 為我所動決策存之於是軍急矣先是為徐學士草
 摺荐袁請召見加官優獎之又文復生遞密奏請撫
 袁以備不測上即降旨召袁世凱廿九日至京師而
 是日上召見於頤和園交密詔與楊銳帶出稱朕位
 且不保令與諸同志設法密救初一日袁世凱降旨

恭錄紙店

嘉獎賞給侍郎初二日明詔敕促我出京於是國人
駭悚知禍作矣以向例非大事不明降諭旨有要事
由軍機大臣面傳諭旨而已至遲遲促行一事非將
帥統兵逗撓無明降諭旨之理况吾為微官報亦小
事何值得明發上諭既嚴責駝吳便當革職何得謂
欲得通達時務之人與商治法開康有為素日講求
反與我語耶又上召見臣工無煩有明乃聲明召見
一次亦從來未有之事故國人皆曉然上復恐吾疑
惑召見林旭令其持密詔交出先是有懷塔布既默
李鴻章故信亦撤去總署差蓋臣惶駭內務府人皆
環跪后前請上妄變祖法請訓政后不許立山等乃
皆走天津謁榮祿請廢立旗人冠蓋相望御史楊崇

春成紙店

伊亦榮黨也草摺請訓政出示榮祿榮祿許之令楊
崇伊持摺見慶邸而面商之慶邸與李聯英皆跪請
西后訓政立山等至謂上派太監往各使館請去西
后西后大怒故上自八日還海請懋勤殿都人士方
側望而密詔遞下榮祿見袁世凱被召即調轟士成
守天津以斷袁軍入京之路矣謂董福祥軍密入京
師以備舉大事楊崇伊於初二日至頤和園逸請訓
政摺西后意定上欲保全我故促我出京也是夜未
見旨飲宋芝棟家李慈園尚書徐子靖侍郎在我左
右唱鹿曲極樂而聲帶憂微曲終哀動談事變之急
相與憂歎自是夕與二公遂不復見矣既而歸見敦
促出京之旨又見歐谷留書云來而不遇屬明日勿

春成紙店

出有要事告初三早，嗽谷持密詔來跪讀，痛哭激昂，單密摺謝恩，並誓死救皇上。令嗽谷持還，繼命並奏報於初四日起程出京，并開用官報關防。十九日交揚銳帶出之密詔，揚銳震怒，不知所為計，亦至是日由林墩谷交來，與復生跪讀痛哭，乃召卓如及二徐幼博來，經畫救上之策。袁幕府徐菊人亦來，吾乃相與痛哭，以感動之。徐菊人亦哭於是大眾痛哭不成，聲乃屬譚復生入袁世凱所寓，說袁勳王率死士數百扶上登午門，而殺榮祿，除舊黨。袁曰：殺榮祿乃一狗耳，然吾營官皆舊人，槍彈火藥皆在榮祿處，且小站去京二百餘里，隔於鐵路，慮不達事洩。若天津閱兵時上馳入營，則可以上命誅賊臣也。幼博早已

春成紙店

料之矣。復生入城後，卓如至金頂廟，容純齋處候消息。吾稍發書料行李，是日盡卸客，及夜楊漪川、宋芝棟、李孟符、王小航來慰，揚言京師市人皆紛紛傳八月京師有大變，米西皆騰貴，並董軍紛紛自北門入，居民震恐，乃有紛紛遷避者。李孟符言英人有七艘在大沽，將與俄戰，吾未與諸公談密詔事，而以李提摩太交來瓜分圖，令諸公多覓人上摺，令請調袁軍入京勤王。至于刻內城開，吾亦入城，至金頂廟候消息。知袁不能舉兵扶上清君側，無如何乃決行。聞五日袁召見上，另有密詔與袁，則不知其云何矣。聞袁知變不奉命云，容純齋欲請美欽使，然以其無兵無濟於事，却之。天將明乃睡，九點鐘起，訪李提摩太與

春成紙店

謀英公使亦避暑北戴河。逃出無能救者。又惡假權
 外人。故見伊藤博文而不請救援。但請其說太后而
 已。既夕出城。而見南海館居室燭傾。覆心竊怪之矣。
 黃仲致饑我。戒以事變作。榮祿將謀害我。勸易裝出
 山東。勿經天津。歸則賊谷來言。英俄已開仗。是夕太
 后還宮。以為外患方殷。或稍紓內憂。稍為安心。不知
 榮祿之詐言也。車如幼博。咸勸我微服行。吾以死生
 有命。聽其然。乃留幼博與卓如謀救上。而獨携李唐
 於天未明時出京。令幼博帶行李。遲日乃出。幼博送
 我至門。遂永訣矣。車中猶思仲致言。或為山東之念。
 卒以死生有命。故決出天津。不願至。甚至抵塘沽。即
 登招商局之海晏矣。以無票不許搭客。遂乃入官船。

蔣成紙店

以其初六日四下鐘。乃開。惡久滯船中。忽思另搭客
 棧。人噴有煩言。挑夫亦重索價。慮亦謂可勿回。意既
 決。遂運行李。還入店。浴於浴室。至初六早。搭太古之
 重慶輪。十一下鐘。乃動輪。既去天津。無恙。亦無戒心
 矣。過煙台。購梨及石子。初九日。抵滬。兩點鐘。將入吳
 淞。出船頭。眺覽。有浙江貢生姚祖義。以其所上書來
 示。因與議論。而船中莫不知吾者。忽有英人來問。君
 為康某乎。其人固不識面者。姑應之。英人即入一室
 出。照相相視。曰。此君之相乎。曰。然。問曰。君在北原曾
 殺人否。笑曰。吾安得為殺人事。何問之奇也。英人手
 出其上海道蔡鈞一書。抄白偽上諭。一道云。吾進紅
 丸。裁上。即密拿就地正法。覽畢。眩然哭。英人曰。汝有

蔣成紙店

進丸裁上事否。即寫諭與之。並哭言其故。英人曰。我
 英人。漢蘭德也。我領事固知君是忠臣。必無此事。且
 向知汝之聯英惡俄。特令我以兵船救君。可速隨我
 下輪。事不可遲。恐上海道即來搜船。乃隨之下。小輪
 時閉上裁。又不知英人如何。痛不欲生。即預為蹈海
 計。即口占一絕句。忽灑龍泉。對太陰。紫微光。掉帝星。
 沈孤臣。辜負傳衣帶。碧海青天夜夜心。乃革與家人
 遺書。及與諸弟子書。及與徐君勉一書。以家事託之。
 匆匆數言。交李唐密藏之。漢蘭德見吾哀哭慰之曰。
 上大行尚無確信。但傳聞耳。可待之。可少節哀。至英
 兵艦旁之公司。船即函電澳門。知新報陳儀。似劉孝
 寔何德田。皆無恙。屬其救家人。又電雲衛書。屋萬木

草堂。屬即移家澳門。英領事班德瑞來見。取回船中
 行李交來。次日。總領事璧君來見。並送行。而上海道
 連日搜船。追問英領事甚急。既知救在英船。派人來
 則船主不准登船。上海道又派兵船二艘來。英人又
 派兵船二艘夾護之。仍慮有變。先調威海衛之大鐵
 艦來護送。是艦方上煤。聞電即行。艦至為十二日矣。
 乃動輪。兵艦咸備戰具。護至福州。道無中國兵艦。乃
 還時在滬上。託漢蘭德交大同譯局各書。皆云局中
 無人矣。十四夕。到香港。何曉生即同英港督所派之
 輔政司波君。總巡捕梅君來迎。蓋璧領事先有電告
 之也。君漢巡捕房。有第四弟來見。知家人已到澳。而
 老母未來。憂思甚矣。十五日。張夫人自澳來見。知母

春成紙店

春成紙店

適從港到澳以畏風浪不來十六日母來抱膝跪哭
 幸脫虎口獨念二叔父介藩公以及二姊四妹並家
 罔眷屬乃託陳維昭往訪繞過三水迎之時逮捕嚴
 急親友皆不敢行矣先是吾以五日行偽臨朝六日
 廢上午命步軍統領崇禮率緹騎三百圍吾所居南
 濠館捕幼博及門人程式穀子良錢維驥君向並僕
 人王升王貴田叔以去是時幼博入廁本可避矣館
 長班恨幼博嘗責之帶兵往搜遂及難車騎塞米市
 胡同口觀者如山三人各乘一車至步軍衙門訊吾
 何往答以已去天津乃拘在押官員之監房尚有一
 床一桌錢維驥流涕震恐欲尋死幼博反從容言笑
 以解之是時聞交刑部程式穀曰吾等必死矣幼博

曰汝年二十餘我三十餘不愈於生數月而死數歲
 而死者乎一刀而死不愈於久病歲月而死乎若死
 而中國能強死亦何妨子良曰外國變法前者死後
 者繼中國新黨衰弱恐我等一死後無繼也幼博曰
 八股已廢人才將輩出何患無繼哉七日四點鐘一
 卒提幼博交刑部而於次日釋子良君白及諸僕刑
 部堂官親訊問吾何在答以已出天津謂何以私逃
 答以我奉旨敦促經奏報初四日起程並非私逃堂
 官曰汝兄不來必不釋汝必寫信令汝兄來方釋汝
 云獄中飯食及鋪蓋皆獲生與贊候任之也聞南海
 館既不得以文牒奏劾我曾宿張樵野所緹騎遂圍
 張宅刑部主事區震適在焉誤以為我捕之去既乃

釋之想野遂因此下獄園張宅不得七日榮祿入京
 遂發兵三千閉城門斷鐵路大搜凡吾知識之人多
 見累者京師搜不出則大搜天津塘沽客棧並停一
 切輪船大索並發電烟台上海搜船廣東拿辦家
 屬於是查知吾搭招商局船而獲回改搭重慶即發
 飛鷹快船追捕飛鷹者新購自德國每點鐘能行三
 十海里速率倍於重慶追可必至而船長以煤盡中
 道返遂下獄或曰船長義士也煤能返津即可采滬
 其出於仗義也卓如與復生謀所以救我者皆以為
 必無生理矣復生促卓如入日使館姑請伊藤設法
 救之伊藤博文聞而頓足電滬中日領事小田切然
 無能力也時捕卓如甚急復生乃勸卓如東行而自

春成紙店

誓就死卓如遂以七日行時京津間風聲鶴唳處處
 皆傳吾所在捕搜嚴急誤以卓如為我聶士成至親
 帶隊出搜捕者既登舟強索護送之日領事鄭永昌
 亦失色無以答之卓如據中國被革家書危甚幸去
 海岸僅十餘里聶士成兵至則日艦已先列隊護之
 登舟雖再三索問日人拒之僅乃免是時上幽南海
 瀛台中王小航與日人謀踰南苑救上譚復生與京
 師俠士大刀王五亦謀救上皆未及事九日譚復生
 被捕小航被逮甚急日人勸之東行遂以十日行八
 日揚浙川逸摺請偽臨朝勿刻政逮被逮昔郵壽奏
 請王莽歸政漢室退就臣列其意不可及今浙川復
 類之然郵壽不死王莽真大度哉嗚呼浙川可謂古

春成紙店

之道直矣。九日早，逮捕楊叔燾在床未起，單起就縛。林旭入直，就縛。劉光第、徐子靜聞捕，乃自投獄中。是日，緹騎遍地，人人震懾。時又欲捕保國會，則株連偏天下矣。朝士紛紛恐及禍，多避而南下。鐵軍輪船擠擁甚，各直省聞之，亦慮會事株累，又傳聞上已有不測，各國紛紛調兵，咸恐懼國變，或奔走避匿，有若大亂者。十一日，下偽旨，謂吾結黨營私，餘免株連，以安衆心。而熱野出救軍台，自六日後，言官揣摩希旨，爭以攻劾新黨新政為事。張仲忻於六日首劾我，而黃桂馨請先殺六人，無貽後患。十二日，兩點鐘刑部正堂開堂訊問，偽旨命軍機大臣榮祿剛毅、王大勳、廖壽恒會訊。忽傳偽命，不必審訊，即行正法。四下鐘菜

春成紙店

市口行刑，觀者如堵。幼博先就義，欲有所語，而左右顧盼無一人。五君子以次從容赴難，嗚呼痛哉！幼博就義時，衣短衣，南海館長班張祿既得吾衣物，乃為縫首巾，植葬於南下窪龍爪槐觀音院旁，立石樹碑。曰：南海康廣仁之墓。九月一日，陳士廉介叔曾冒險難走京師，夜梳之，歎起運難，而運者嚴密，未竟而還。是役也，梁元理同行，至津而歸，介叔慕義蹈險，真古之人也。幼博才斷絕人，方就官主事，上條陳言，改元遷都事。王小航疏荐於朝，上聞懇勸，殿十人名單，傳聞有幼博名。後以西后有變，衣帶詔出，事不果。幼博之才，一不展用，年僅三十二，無子，遺一女，名曰同荷。八齡耳，老母在堂，吾遂折翼，竟以吾故，致家大殘，白

春成紙店

骨不羸瘠可言耶政變之獄一以文悌之摺為案據
 先是四月大閱吾與幼博出西直門視之還游極樂
 寺入西直門經文悌之宅吾順與幼博訪之後文悌
 直入室未視吾疾幼博陪之與論變科舉數言文悌
 幼吾竟牽及幼博名自是京師無不知幼博者謠諑
 之興乃至謂幼博出入內廷曾有乾清宮門遇之者
 晨轉傳述或信為真故舊黨洩憤遂及大戮而楊漪
 川亦以文悌劾之有不可告人一語遂至京朝謠言
 滿聽吾及漪川之禍皆出於此張無野之萬里軍流
 亦為吾夜宿一言詩云謔人周極交亂四國又云取
 彼謗人投畀豺虎豺虎不食文悌之險敵有之詩人
 所以痛絕之哉極樂寺耶悽愴心目極哀出之透此

鞠凶先君之躬惟我二人吾今孑然憂愛何以為生
 耶
 當初六日聞變卓如電上海瑞博告變上海於七日
 得電楚柳雲想為吾與日本亞東時報館人設法救
 我而汪穰卿告上海縣引捕役來大局局及卓如之
 家逮捕乃皆走避初八日陳子襄電廣州公善堂區
 謀之時吾築室花埭謀之夜渡江來吾家告變而不
 欲明言然時以吾為必死矣舉家飲泣謀之竟夕生
 催檢行李至九月五更舉家下舟是日為禮拜港
 澳輪不開十月乃下澳船船甫開逮捕吾家之兵即
 至蓋譚鍾麟亦於八日接電城內則已於八日夜到
 雲衢書屋矣不得吾家人故九日侵曉而來也兵役

來大掠捕看屋三人去。吾電發已遲。若無子復之電及謀之適在而謀之之勤之也。家人皆被逮矣。又幸適築花埭新屋。若仍居雲橋舊屋。則在城中夜間謀之無從飛至。亦無從飛出。早及於難矣。嗚呼。豈非命哉。是時吾母還蘇村。君抑得讓之信。即令僕人關純往迎出港。澳家人震驚相對泣。二姊決力勸母行。十日。關純偕一女僕。護老母出城。十三夕。由城下香港。關純過薩畏。謂不當坐上艙。乃生下艙。坐客繁多。竟夕無臥處。又雜稠人中。言語穢惡。氣味腥膻。吾母屏氣不敢語言。不敢屏涕。皆生平未嘗經此者。至港入鴻安客棧。而不知吾家人所在。十四日。關純復還城查問。乃知過澳門。十四夕。關純還港。十五晨。護老

春成紙店

母過澳。則知吾還港。十六日。復來港相見。然老母生平寡出。出必有子孫從。又未嘗居客棧。當惡難憂。驚到港。無歸。僅與一女僕相對。隱泣吞聲。悽惶萬狀。既見。告知為不孝。未能救天下。幾危老母。雖天幸得全。而貽以大憂不孝之罪。上通於天矣。弟婦及同荷亦於翌日來澳。時風聲傳播。奸人生心。親戚多被擄挾者。吾舅遂為奸究所脅。索千金而後得還。吾二姊四妹託于妯娌。高樓深室。每夕一遷。父母妻三族人。凡數十。並皆走避。而望門投止。或多見拒者。甚至吾鄉六姓及吾鄉鄉良。登鄉並皆駭逃。數十萬戶村落皆空。十一日。封吾花埭之屋。波及吾從叔中丞第及其園田二頃。皆皆抄沒。於是中丞公之業盡矣。十二日。

春成紙店

封雲衛書屋吾所藏之書及所著書稿盡失矣十八日退吾蘇村鄉封去一屋一廳軍及高祖炳堂公祠廟二十二日封為木草堂以吾所藏及書藏書三百餘箱盡付一炬所著行之書亦已行各省燬版矣封吾家周鄉叔父之屋及祠而卓如之鄉亦於十七日被圍鄉人咸走避捕其遠族一孕婦墮孕而死嗚呼慘哉姊妹久不至復遣關純往迎之並踰垣迎先人木主來澳關純言吾鄉空巷悽悽尸無炊煙蓋弥月焉當吾家之才移而吾母之未出也何曉生於八日託陳欣榮至城迎吾家梁鐵君請於英廣州領事用小輪入鄉迎吾母雖皆先去而俠士高義令人感泣吾二十一日移居何曉生家港澳賃屋薪水皆何德

田供給周入隱微何曉生復金數千以安羈旅藉以濟宗族及供游貲焉二何君今之俠士義高海內何可復得哉當十四夕吾到港也英人前海軍卿柏麗輝亦適到約見慷慨野救我皇上我告俄人屯兵旅順者二萬貴國未易輕舉也柏海部卿指頭誓死以救我皇上蓋雄才熱血不可多得之人也時日本入宇佐穩來度借領事上野季次郎來見以大隈伯在相位有志營東亞先欲至日本求救限伯電許保護連之來先是日人宮崎實藏託梁鐵君來送金二千兩之日本諸士皆好義周旋懇摯故以九月五日東渡乃議游歐美焉在港凡二十日日日憂君親之亡哀家族之危聞捕殺之信李蕊園張樵野之見流徐

子靖之下獄宋芝棟陳寶箴父子及江建霞熊秉三
 王錫蕃李孟符張菊生之被革文芸閣黃公度之被
 捕日接於耳目聞公度以我捕慮其必死雷英領事
 救焉而為日人救之乃為領事馬其他復八股禁報
 館捕會社及主筆人罷經濟特科農工商局復冗官
 停漕折務反其舊凡昔所經營者盡皆罷廢詩無逝
 我梁無登我筭我躬不閱違恤我後既丁此厄一身
 不自保復計其他哉久而聞幼博及五子之難益令
 哀惻肝肺矣維新之事吾以四月二十八日召見至
 七月二十九日奉密旨凡九十月是役也身冒十死
 思以救中國而竟不克豈非天哉事後追無一生理
 吾先出上海辦報則上海捕立死皇上無明詔密

春成紙店

詔之教促遲遲出京必死榮祿早發一日無論在京
 在途必死無黃仲弢之告宿天津必死從仲弢之言
 烟台亦必死搭招商局之海晏船英人欲救無從必
 死是日無重慶之輪開或稍遲數時行追及必死飛
 鷹快船不周煤乏運必死萊青道非因有事往膠州
 則在烟台必死上海道不託英人搜則英領事不知
 無從救必死英人不救亦必死凡此十一死得救其
 一二而無所濟而曲線巧奇曲曲生之留吾身以有
 待其茲中國不亡而大道未絕耶聚散成毀皆客感
 客形深閱死生順天俟命但行吾不忍之心以救此
 方民耳諸子欲聞吾行軍請吾書此此四十年乎當
 地球文明之運中外相通之時諸教並出新理大發

春成紙店

御試備官日記

宋 趙抃 私誌

二月二十六日晴

宣赴崇政殿後水閣同直孺內翰貫之維端充編排

官

御前劄子三道下編排所

二十七日晴

上御崇政殿試進士明經諸科舉人

王者通天地人賦

學海類編 御試備官日記

事功

天德清明詩

水幾於道論 出老子道經

聖駕幸後苑往來迎

駕

御藥院公文二道傳

宣精加考校

內臣二人傳

宣賜食并酒編排三四五等第一百二十七等

二十八日晴

內臣傳

宣賜文儒二字

聖駕卯刻幸考校所編排經生

特奏毛詩十一人

特奏尚書九人

特奏明法四人傳

宣賜食二酒一茶

二十九日陰旬休傳

宣賜酒七寶茶

學海類編 御試備官日記

事功

初考經學官 王惟熙 祝諮諮 夏璋

覆考經學官 王彭 張兌 朱從道

詳定官 賈壽 吳中復

彌封官 傅求 王陶

出義官 王逢 傅卞 盧士宗

三月一日微寒風

聖駕幸考校所 起居四拜編排諸科卷子

宣賜酒食果子

二日晴

聖駕幸覆考所 起居

宣賜酒食果子

第一謂學識優長辭理精絕出眾特異無與比倫

第二謂才學該通文理周密於羣萃中堪為高等

第三謂藝業可采文理俱通須得及第者

第四等謂藝業稍次文理精通於此等中仍分優

劣優即為第四等上

第五等須必然合落者謂文理疏淺退落無疑

不考 謂犯不考式

學海類編 御試備官日記 三 事功

批謬 謂所試之文並皆荒惡

六日陰寒

駕幸詳定所 起居

點檢官 孫坦 鄭穆

進士初考官 沈邁 司馬光 裴煜

陸經

進士覆考官 祖無擇 鄭獬 李縉

王璣

點檢官 孫洙 王廣淵

詳定官 楊旼 何郊 王安石

對讀官 胡稷臣 蘇養 傅堯俞

張次立 宋迪 周孟陽

特奏名進士三十八人

作樂薦上帝詩

謹用五事以明天道論 編排

特奏名進士卷子

賜酒果寒食節食

七日晴

學海類編 御試備官日記 四 事功

駕幸詳定所 起居

賜寒食節上酒各二壺果子一合又酒果冷食編排

進士卷子共一百號

特奏名一號

八日晴

駕幸編排所 起居訖進

呈進士卷子二道

御藥錄白中書劄子進士以下等第云云編排進士

諸科等卷子

賜食酒果

九日清明雨

奏乞送焗字號卷重詳定封彌關詳定五號

奏取

旨

御藥院關奉

聖旨看詳定奪靴襪舣舣五號等事

賜酒食果子

學海類編

二

御試備官日記

五

事功

右日記一卷子家寶藏蓋清獻趙公手書也公

時為右司諫直孺則翰林學士賈公黯貫之則

侍御史知雜事范公師道也按嘉祐六年

昭陵在宥已四十春而猶垂意科選親屈翠華以次

臨幸雖上已寒食休暇之辰孜孜不廢且訓敕

勞賜無日無之可謂至誠不息者矣嘗考

國史大中祥符元年書

帝徧至幄次諭李宗諤等各務精詳勿遺賢俊四年

書

學海類編

三

御試備官日記

六

事功

帝徧至考官幕次天禧三年又書

帝幸考校官幕次撫問久之出七言詩賜晁迥等今

日記所書幸考校所者二幸覆考所者四幸詳

定所者二幸編排所者一是皆恪守孫謀而又

加詳焉於戲盛哉宜乎

天佑生賢名臣輩出坐致太平而又畱為奕世不窮

之用近時

御試幕次在集英殿之前不復在殿後而

駕幸之議雖無有知之者蓋其廢已久則此記所補

續修四庫全書 史部 傳記類


豈獨文字之閒而已因備錄之嘉定癸酉立夏
前一日劉昌詩謹識

學海類編

御試備官日記

七 事功

元郭思榘史雲山日記



元郭思榘史雲山日記序

自來一鄉一邑之中先輩之嘉言懿行足稱鄉先生者代不
數人或以事業或以著撰或以翰墨代愈遠見愈難不過存
十一於千百而流風餘韻猶使人景仰於丰采之間觀感於
意言之表曠百世而如相接焉然流傳既艱散佚尤易豈不
賴後賢掇拾之補苴之傳播之得以閱千百載而永存哉丹
徒郭天錫先生手書日記一冊安邑宋芝山跋云自至大元
年戊申八月廿七日訖二年己酉十月三日止并閏月閱月
十六逐日詳書天氣之陰晴寒暑人事之往來酬答所尤詳
者飲酒必書求書畫必書觀書畫必書游寺觀必書稱謂之
閒褒譏寓焉感歎之際義理昭焉細觀一過如見其人之性
情心事而與之周旋談笑於十有六月之久也芝山此跋真

雲山日記序

能傳日記之精神而誌其勝槩鮑刻客杭日記非全文也陳
君善餘得之杭州重以鄉先生之翰墨付梓以永其傳天錫
美類髯人稱郭髯書仿趙松雪畫師高房山名大顯於元中
葉而其子啟所編之快雪齋集俞希魯所序者業已久佚即
此日記一冊人亦重其墨迹輾轉傳鈔不如墨板得以廣布
先生生於前至元歿於後至元朝貴尊崇文名洋溢而睹西
番之塔時深易代之悲讀玉殿之詩不免故宮之恨未經桑
海猶慨判駝何耶善餘並為考其年略搜其詩文以附益之
藉以示後之學者深仰止之思焉近時錢塘丁氏有武林掌
故之編常州盛氏有先哲遺書之輯善餘搜尋鄉土紀載業
已刊行數種使一鄉一邑均有人能為廣續俾見遺書大出
一掃前人錮蔽之習真所謂守先以待後者其在斯乎癸丑

正月試燈日江陰繆荃孫序於海上之書連屋

雲山日記序

二十

雲山日記卷上



元 京口 郭昇 天錫

二十七日晴餘熱 李行簡來 為真空叟作墨竹一枝頗

奇 毛國華秀才自常州來見 俞用中張仲方趙茂元

來 盛季高來閑坐久之 見徐生不遇 回毛兄禮

二十八日 早雨止晚稻菜豆之類得濟 鄭翔遠來 陳

和甫來

二十九日陰 葉子華來

至大元年戊申九月初一日 早到路學同知拜殿諸官先

散王教亦追逐而去遂請住投公牒為梅保蕭學司事公

堂對眾亦以乃事白之眾人及陳學正 燒壽星紙 拜

親 訪何德甫 次見余慶餘會胡山齋戴居雲蓋君玉

雲山日記卷上

十一

橫山草堂

路遇趙茂元亦馬上行數十步遇雲谷顯舍人握手話

去年此日在邳州道中時相與一笑 堯子泰來值出

章君文來 孟宅取染

初二日雨 陳靜齋來 房晦叔續至坐頃葉子華來 陳

舍人來自沙閒沽酒待之 金壇催僕蔣興談新來 夜

雨

初三日雨 陳和父來錄示新文 小窗兀坐誦滿城風雨

近重陽之句誰其慰予岑寂耶 葉子華徐耐翁來

初四日雨晴 出見李提舉會李和之辛提舉康錄事 見

郭元吉不遇 見俞仲連會趙心甫 回謁陳直學 訪

章君文會周寬夫 訪陳君義 次見陳茂叔 見陳和

甫不遇 陳景南來同見房晦叔

初五日 陳和甫來 金壇催僕蔣興來分付鈕受二租
洪耆宿來 陳菊田來 邢竹埜來 王君鼎來 盧仲
益自沙閒來見 李仲謙一山之姪自常州來見 宗定
齋來 趙茂元來借印書板 甘露新古厓和尚來爲碑
事借鎮江志看 晚見王君鼎不遇

初六日晴 早回謁李仲謙 次過丹陽館前遇吳良臣
次到府中見王君鼎 盧生來求書弔挂十四幅 李仲
謙攜紙求書畫蘭房仲明亦求四幅 趙心甫俞用中張
仲方趙茂元來 回謁洪天錫 路遇孟君澤 訪陳君
義 過五條街遇東景南同訪陳響林出示小米手軸臨
伯時馬雪林行虎三老培海公物也看畢同景南行至市
閒分路

雲山日記卷上

二

橫山草堂

初七日晴 侍親訪滿梅隱道錄說焦佑之謀道司令史
次訪徐耐翁會葉子華 次拉子華來舍下小勺 侍親
訪因勝寺昂鶴峯會真空叟鶴峯留酒麪僧司朱提控續
至 訪邢竹埜有客不復進
初八日晴 訪李提舉值出乃子行簡留茶會夾谷同知舍
人 回謁趙心甫山長會張仲方孟進之堯楊二小學教
諭 訪袁總領不遇 訪郭元吉會石剛中 回謁俞用
中不遇 葉子華來說周七郎錢事 常子正來陳茂叔
來值出 陳靜齋來
九月九晴 祀先 葉子華來小勺 邀徐將仕李四乙耶
午集 焦彥明來不曾相接章君文來 邢毅夫來
初十日晴 同三哥出見章子實不遇子實近歸自杭欲扣

一二事云 次登甘露寺見本無傳長老留酒午麪仍求
書放翁水調歌頭孫楚望摸魚子二詞于多景樓下壁上
又以紙求書遺教經四十二章經瀉山警策證道歌 林
生稜稍鋪具茶 訪湯景先 章子實來小勺 張泰齋
來值出

十一日晴 早上城隍廟問籤劉吉甫待湯 爲甘露寺長
老寫水陸堂并護法龍王牌

十二日晴 爲甘露本無傳長老鈔經客有惠杭州潘又新
筆者書小楷數千而不伐可愛可愛

十三日晴 邢毅夫來 湖州文端甫來同王趙二兄過訪
偶出不及迎肅 龔子中折簡相招晚勺會宜興岳仲遠
山長沈國良岳德敬趙心甫李奏差蒙古郭元靜岳舍人

雲山日記卷上

三

橫山草堂

楊以吾蓋諸人送子中閣中岳氏自鄉中來酒未盡以夜
禁而歸
十四日晴 早見文端甫不遇 問候青陽君輔 普照寺
前遇李和之 葉子華來 城隍祠卜籤吉 焦佑之來
王師善岳仲遠岳德敬楊以吾來 盛季高來值出
訪盛季高出示李重光墨竹鶴鶴希遠墨梅古木房仲明
同茶 次訪章子實
十五日晴 后伯玉房晦叔朱敬之來
十六日晴 送所寫遺教經還甘露長老 晚趁呂城夜航
作錢塘之行
十七日午前抵呂城壩下倒換小舟至奔牛復換小舟晡時
至常州入城元豐橋見白湛淵提舉值出江陰未回乃子

无咎次子无華留歇同白无咎到太平寺觀壁上畫水中
作一筆繞之不斷立視久之若洶湧生動之意奇筆也寺
僧具茶茶已乃出門外建新塔方成 晚二白兄具酒晚
飯宿于无華書院

十八日晴 早尋蔡德甫來說話无咎待早飯蔡兄同 无

咎借馬同出訪馬習齋教授于郡學會龜山王山長劉練

江馬教仍約午集 同无咎回蔡德甫禮留小酌煮蟹蒸

芋 次訪李仲謙出門解后包古江山長赴馬習齋之約

坐客羅漢臣余及白无咎食五品酒散作別次别无咎昆

仲登夜航之姑蘇有北客喧呼至二更乃睡

十九日 午後抵平江見龔子敬山長父子留宿具晚飯飯

已留燈夜語是夜多蚊

雲山日記卷上

四

二十日晴 早子敬以八月二十八日禮上學道書院山長

作武臨清提舉書張德輝外郎書趁余入杭之便 飯罷

登航解后杭人潘伯起呼酒酌之蓋在大都時曾相識故

也共上船行

二十一日 晡時上長安買飯

二十二日 四更到杭州城外霜月滿天寒氣逼人候北關

門接待寺鐘動換舟入城拂明潘伯起送于歇于施水坊

橋梳頭沈待詔之樓遇金壇尹子源同寓 橋東訪趙伯

可儲叔儀 打猪巷見李伯玉留茶話乃事 次到江浙

省中照磨所見李叔義 省西見張菊存下龔子敬書會

張松澗府判 到五房後見武臨清提舉會王一初周有

道二都目李教授及武公令似□□教授 歸寓所會吳

茂之 房主人具酒小飲余亦續酒 同茂之到長生老
人橋見唐仲文新補廉吏不遇而還 過紀家橋解庫門
首見吳若遺提點

二十三日客杭晴 早過井亭橋解后張雲心州判 次遇

湯北村同知張景芳學正 到玄同觀見吳若遺若遺有

他事令師孫羅康伯相接具早飯鄭表白同集柏窗鄭君

之子也飯已入壺中林壑次開北斗殿看李息齋所畫松

二株於壁間 是日郝左丞趙子昂方會而去欲見子昂

不果 見李伯玉改所幹之文約來日于省中見其子

出北關門湖州市妙行寺中尋伏維那已于昨日登天目

山矣徒有恨快寺僧宗兄供紙留數字而退觀正殿佛三

尊偉甚中設毗盧遮那佛像前殿止有藏一座次入法堂

雲山日記卷上

五

有碑石數本云喻彌陀神筆所畫佛像傍刻本末不暇記

也次禮古觀音像相傳唐朝塑者兩邊畫壁以屋暗不可

細覽門有放生池俗云接待寺者即此院也回路足行倦

甚坐小舟而還 唐仲文李叔義來值出 趙伯可來

寓樓頗潔便于坐臥大抵杭城樓居相連自有一種風韻

耳 婺州孔君立來聞孔提舉新除 晚見唐仲文外郎

出示米老研山圖路遇王成之都目相與立談久之又遇

王壽之

二十四日晴 客杭 早到省中照磨所見李叔義改抹元

文 到儒學提舉司攜李兄書見王一初都目投呈子會

王壽之王子芳任伯和是日分付該吏金君玉承行 次

約金君玉毛令史市樓小集 雨作 湖上兜率寺見趙

子昂學士不遇乃姓趙仲美具茶訖致意

是日過半學甫宗壽卿徐君美袁義甫楊廷秀丹徒宣差狄仁卿田君美蔡宜使許芳所 應旌

二十五日陰 客杭 早到省中見李叔義 次入禮房見

張德輝外郎話乃事 到提舉司催金君玉書卷王一初

未允 再到省中見李叔義託見王公 范成之主簿來

晚張德輝請說話會三中山教授德輝檢尋解由未見

託為換問 見范成之 尹子源約小飲是夜客樓暄甚

必兩作也

二十六日陰 客杭 湯北村同其子君白來 張德輝來

到省中

辛巳好晨聚會禮房見張德輝德輝作書與王都目 見

雲山日記卷上

六

張菊存會衢州鄭子實山長 到儒司不聚 結縛橋西

前洋街回謁湯北村同出訪張晴川次見崔進之同北村

具酒午麪澆書數紙屏稍高彥敬古松一株可愛窗外矮

榻數樹結子無數壓枝欲折若吾鄉則無此也飲散乃子

君白由大街轉歸 張菊存來 晚見張德輝 吳茂之

來值出 今日見北村說葛元白曹梅南戴祖禹金子仁

胡穆仲皆為古人可惜再到杭城愈覺舊遊之落落也

客樓暄甚衣襟流汗借扇揮之

二十七日陰 寓杭 早到省中見李叔義 次到儒司見

周都目以官吏未允所請歸家寫狀再到省中見張德輝

德輝約晚來說話是日於省卷中檢尋學錄解由方見

晚晴登吳山下視杭城煙瓦鱗鱗莫辨處所左顧西湖右

俯浙江望故宮蒼莽獨見白塔屹立耳次謁伍子胥廟轉

至拱北樓即朝天門行大街官巷而歸 茅山書院山長

赤蓋象賢金壇教諭王竹所來茶罷同見趙伯可 見張

德輝改告省狀子會三中山 趙伯可儲叔儀來 吳茂

之遣僕約來日早飯 尹子源相過夜話 路遇程鵬舉

二十八日晴 客杭 鄉人胡君用來 赴吳茂之早飯坐

客余及運司宋外郎廣平人也 訪王成之託見武公

訪湯北村 訪君子行出所作無稽集皆戲談也 玄同

觀見趙子昂時都左丞坐正席子昂問都下事 游開元

宮舊楊駙馬宮也深遠可愛正殿日景命萬年之殿 見

鄭鵬南簽事留席坐客來僧錄事柯以善尹存庵劉耕莘

又一客及余共七人 晚見張德輝看省卷又作學錄教

雲山日記卷上

七

諭擬倒矣託其宛轉未知可行否虎人幹事不料其相誤

也 湯君白來值出 同謁赤蓋象賢不遇

二十九日客杭晴 早到省中見張德輝李叔義 訪王成

之不遇 訪柯以善 再到省中禮房為立擬劄事 到

儒司司官不出獨吏輩兀坐司房而已 訪張景芳學正

訪張竹村書院觀諸公詩牌 湯君白來同游明慶寺

看新塑佛像 次入廣化院 次游仙林寺寺中無可觀

者相近一術士之女談星說命若懸水然 次與君白午

飯君白具茶茶已自觀橋行至官巷而歸 吳若遺送魚

麵果盤來 晚持魚果見德輝 朱良齋山長來 是日

趙伯可歸湖溪就付景明書

三十日陰 客杭 早到省中禮房見張德輝李叔義是日

改正擬劄 次訪朱敬齋 湯北村遣乃子同李兄來求字 到儒司見二都目催申狀會王成之 同君白出游宗陽官時裝塑未就 次游新宮佑聖觀看攤壁二十四堵皆新畫也 路遇胡石塘主簿煎魚沽酒會尹子源沈六郎 晚見德輝約來日到省中計會選本 晚雨晴甚 夜雨生寒 大德十一年二月十七日 禮房呈前 鑲江路儒學學錄郭昇給由東奉省堂鈞旨連送遇房于學正山 長內任用者

十月初一日雨 客杭城施水坊橋東岸沈氏樓 早冒雨到省中 次見張德輝 雨中悶坐朱敬齋山長邀至其家具小酌午翹翅已雨止 路遇莫知事蔣文甫

初二日雨終日 客杭 到省中付文書與選房以未照元除又欲刁證張德輝宛轉言之 見李叔義 到儒司大

雲山日記卷上

八

橫山草堂

雨中止有武老兀坐廳上諸吏無來者 湯君白李君得來算範圍數次同到官巷問茶茶已訪周君遠道士次到君德家出子固墨戲開看看已分路各歸 晚尹子源招飲沈六郎同集 子源為財賦府吏求書

初三日又雨 客杭 到省中見李叔義 伺候也先伯提控不出 到儒司二都目不出 同尹子源見備叔侯留小酌次同叔侯到子源寓樓開尊薦亥首 同子源到大街問茶 次見沈誠之看翠雲子 次見唐仲文不遇 湯君白來 是日儒司緩慢吾事略發數語使之聞之 晚遇金君玉云王都目書卷矣 德清吳菊泉相過夜話 子源同問茶吳公至元二十七年赴北寫金字經者 省東藥鋪遇張君遠

初四日乍晴 到儒司坐整日方得解子 解后陳無逸昆仲 牟學甫吳茂之來值出 訪范成之 李君德湯君白攜命書來 燒玄壇紙 宗壽卿來言來日有人歸鎮江付家書 晚見張德輝付申狀

初五日陰 飯後到省中禮房同張德輝見馬外郎楊典付申狀 午同小王覓舟到北新橋覓方仲明不見空費船錢壹貫二百五十大雨作只得急回 晚見德輝於省前到龍舌頭西去漾沙坑見馬從簡 外郎言乃事未允

所請 回見德輝云來日當為著語卻不必出也付後司使用 吳菊泉見過夜話 省中遇賈州判

初六日雨不可出 寓杭 吳菊泉攜紙二幅求書 別歸德清付陳有之教諭紀事 見湯北村 次見張晴川

雲山日記卷上

九

橫山草堂

見趙子昂不遇見趙仲時 見陳無逸不遇乃弟陳正一相接 湯君白來同出見李君德留茶 訪羅康伯不遇 晚見張德輝 儲叔儀隔河樓上見呼出紙索書具酒 晚飯

初七日雨 客杭 到省中見張李二兄 李君德湯君白來攜紙索書就送紙一幅訪吾子行求篆字閑話久之惠印色方 路遇胡石塘儲叔儀相招五盃午翹坐客焦君用尹子源余及陳外郎主人飯罷焦公買紙求書 晚見張德輝令來日見馬公 路遇范君用 初八日雨 客杭 早拂曉伺候馬外郎未從所請其意已諾之矣 見張德輝於省中 游淨慈寺禮佛看羅漢五百尊訪朱敬齋 張德輝來同出見唐仲文不遇 次見

廉司書吏趙潤卿汴梁人也曾湖州路吏章共之回路德輝待羊飯 訪莫知事路遇聶通父兵房 丘中山教授來

初九日喜晴 客杭 早見鄭鵬南廉訪 次會柯以善以善留三酌劉悅心張景芳寫篆字丘秀才續至丘杭人吾子行之高弟也 到省中是日眾官為別不花平章送路不聚 訪吾子行不遇 訪湯北村亦出 訪張晴川于崔進之家 訪張德輝 儲叔儀以今日登舟還義興相呼午飯出紙求字會焦君用 路遇井同知蓋為后降香作使來杭 盛親家章端甫自鄉中來寄至家書拉同市樓小酌大街問茶 燈下自官巷歸分路 尹子源請薦海蜆話至二鼓

雲山日記卷上

十

橫山草堂

初十日陰 早見鄭鵬南廉訪 見柯以善 到省中 盛親家見借鈔一笏以今日歸不及作別 張仲美湯北村來值出 李君德湯君白來求書 鄉人趙翔甫求字本晚再到省中伺候吏輩 到新宮橋見井同知况於郭都事處著語 晚方仲明尊舅來留宿

十一日又雨 溼熱 早湯北村招早食坐客方仲明宋與之父子同方舅到省中見張德輝會新市陳副使省前具茶 是日李叔毅著語馬外郎吏房 次同方舅見高國良司丞 次同到下馬婆巷見李君實新授宜興都目茶罷方舅拉往新門具麪 路遇宣州胡則大梅主簿汝說趙祥甫來 晚見馬公猶未慨然 次見德輝急步而回汗流溼衣幹事未成殊焦煩也

十二日 客杭 早到省中換劄于候押 朝天門訪張雲心州判留坐具午酌薦糟鱗雞麪坐閒雨作取傘乃回再到省中 路遇到希聲 胡則大來值出不及相會晚雨大作 張德輝送紙來寫刷卷宗目至二更乃辦十三日雨 客杭 到省中 趙翔甫送果子求字本 尹子源具午酌

十四日又雨 客杭 到省中 遣王二到湖州幹事作趙文卿陳有之書 訪湯北村吾子行張景芳 尹子源待午飯同出問茶 會溫長卿金沙人也 路遇王敬臣常州路司吏 見唐仲文不遇 張景芳送紙求書吳興虛徹道人詩偈道人費氏景芳之曾祖母

雲山日記卷上

十一

橫山草堂

十五日 客杭城施水坊橋沈六郎樓 雨作不可出 陳無逸教授來 朱敬齋山長來 張德輝外郎來 尹子源呼酒過余寓樓酌之德輝去後于源具午飯蓋遣王二之湖州客中乏僕故耳 李君德來 趙祥甫來 先妣憫忌日

十六日又雨 寓杭 張雲心遣僕寄書來雨中約相過彼此客况蕭索耳 吳若遺招午麪 到省中伺候吏輩方仲明來雨中拉出見高國梁說假借事 赴若遺之約坐客未澄齋提領史元輔道判 是日若遺他出令水邱養直相伴 訪王眉叟提點不遇 晚見德輝 次見馬生未允所請 回再造德輝家 方仲明舅來留宿具晚酌待之子源同

十七日晴 客杭 早同方舅早飯 見張德輝晚寫吏牘

方舅拉出見高國梁會李君實 路遇王君澤邀茶君
澤來日之鄉聞託奇聲 王二自湖州回 路遇買景顯
紀祥甫周謙甫 李伯玉來 李君實來 鄰樓尹子源
得財賦府文書了辨可喜于滯留日久所幹未就愈覺憂
悶耳 遣王二到省中問話 李君德湯君白來張德輝
續至 晚尹子源燒紙招夜飲坐客余及沈成之沈國寶
沈六郎父子 夜與張公抄文字

十八日晴 客杭 早到開元宮見王眉叟提點不遇徒弟
徐雲谷相接會吳江張景亮州判謝退樂府判景亮師道
學士之長子也時問方蒜山禮任事 到省中本問乃事
楊生云今晚可見馬公 聶通甫拉入兵房出紙求書四
幅會湖州章共之 次見叔義德輝 到小堰門回謁張

雲山日記卷上

三

橫山草堂

仲美知事不遇過王師善之姪 是日游大般若寺在
鳳凰山之左即舊宮地也地勢高下不可辨其處所 次
觀楊總統所建西番佛塔突兀三十丈餘下以碑石裁之
有先朝進士題名并故宮諸樣花石亦有鐫刻龍鳳者皆
亂砌在地山峻風寒不欲細看而下 次遊萬壽導勝塔
寺亦楊其姓者所建正殿佛皆西番形像赤體侍立雖用
金裝無自然意門立四青石柱鐫鑿盤龍甚精緻上猶有
金朝銅鐘一口上鑄淳熙收元曾觀篆字銘在皆故物也
行至左廊記得壁上一詩云玉輦成塵事已空惟餘草木
對春風憑高□□□□目斷蒼梧夕照中寺門俗云望
江亭俯視錢塘江水大略與揚子江同但隔岸越山蒼翠
差勝耳遠見西興渡口煙樹如薺 次遊新建報國寺行

至殿後有塊石僅留二十餘字僧為別立一木牌云五十
年前理宗夢二老僧日後二十年乞一住足地恍然夢覺
今築地得此石卻無年代可考昔梵剎為王宮今茲復為
梵剎如波入海以予觀之亦好事者為之也且朝代之廢
興皆天也二僧入君王夢中孰記而傳之耶浮屠之說妄
矣傍有二客相與一笑而回 訪買景顯不遇 張景芳
來取詩卷去買景顯續至 晚見馬生 次見張德輝

遣小王下長安盛親家處借錢 路遇宋春卿石剛中
十九日晴 客杭城 早到省中見楊典 三橋早飯飯已
見吾子行寫篆字相送仍取玉簫為子吹數闕子行隱居
不仕時能道滑稽語亦近來罕有 同李君德訪崔進之
索小楷碑文回路君德邀市飯 再到省中乃事小見次

雲山日記卷上

三

橫山草堂

第 晚見宋春卿郎中索根腳抹子
二十日晴雲 客杭 早見宋春卿與根腳抹子 到省中
見馬公登吳山城隍廟壁畫二鬼頗得回立門首左顧西
湖右視大江杭郡人家皆在足下 次遊玄妙觀門立徽
宗御書碑石殿前立高宗御書道德經石刻經幢二亭覆
之後有真武觀記開平二年物也有老道士云吳越時已
有之昔為紫極宮惜前朝碑石有天慶觀字皆鑿去不存
殊失古意且朝代更改敕額曰玄妙當存其已往而新其
方來可也道士俗物大敗人意回到省中石路高下足力
少倦 湯秋巖通判來約尹子源同到旗亭沽酒酌之
湯君白引張伯愚來攜扇十柄求書李君得後至 張菊
存來 是日本司文書有好首為張士瞻者阻之令人敗

興乙巳日

二十一日晴 客杭 尹子源辭歸金壇 到省中未見書

卷次第而歸 湯秋巖來邀飲紅酒次送秋巖至蘭陵坊

分路 張景芳送照元除劄子來路遇陳如心教授 開

元宮見王眉叟會張景亮及二羽客 訪宋春卿郎中會

厥魯山廉訪秦彥立外郎 名植 省中選房之本把也 方

仲明寄紙求書畫情緒不佳更遲一二日下筆 慶玄壇

香囑告乃事 省中遇李君實王儀之

二十二日晴 客杭 到省中馬生以張郎中未允所請故

為託辭會夾谷郎中送照元除劄子下架閣庫雷毅夫收

見李叔義 胡則大來 湯君白來同到府學見李鑿

峯教授 次見張晴川 次見湯北村會韓竹開 路遇

毛海雲山長 孫周卿來同僉公之姪也 路遇王仲可

晚香

二十三日晴霧 客杭 省中假日 早冒霧到馬婆巷見

李君實託馬惟良見張士瞻說話 次到省中見楊典損

見謝暉照會 到寶胎坊佑聖觀橋西回謁胡則大不遇

張景芳來 鄉人盛壽一官人相遇為高子西在此子

西病瘥同見湯北村問藥不遇回路盛兄邀小酌 湯北

村胡則大張景芳來 晚盛壽一哥約飲于欽善坊

二十四日陰 客杭 早到省中 次到儒司見金君玉問

白无咎禮任月日 湯北村費謙夫來費公鄉人也年六

十三 再到省中架閣庫見雷毅夫為照元除事 是日

解后郭千戶夾谷舍人王仲可相拉到朝天門酒家午飲

雲山日記卷上

古

坐客大名入三都目皆軍中掌案廣者獨程其姓者通文

湯君白來燈下同到官巷問茶 再到省中囑楊典

二十五日晴 客杭 早到省中解后孔良甫楊廷秀胡宗

伊李景仁 再到省中架閣庫 訪宋春卿不遇 訪湯

君白借典章 幹事未就而回遇蘇淳齋杭之善醫者也

約市肆小飲 回謁王仲可不遇 路遇田管勾今為泉

府院令史在都下時曾同寓云

二十六日 客杭 早重霧 中見唐仲文不遇為長興欠

俸囑呈文催討 次見宋春卿會江陰李外郎春卿出紙

四幅求書 盛親家公自長安來同西盛壽一哥及二鄉

人相訪 到省見馬生催促之到架閣庫送吳令史使用

紙錢 見李叔義訪王眉叟 盛親家約到芳潤橋午麪

壽一哥同集 晚又到省中囑馬楊二生 李君實來取

字去報馬維良已見張士瞻說訖商量甘結 晚見德輝

不遇 夜香

二十七日 客杭 到省中伺候書卷已完馬生改抹但咨

省而已令人恨口再囑馬生不允 見張德輝 盛親家

來別付家書報事體如是 晚見馬生云非不用力首領

官不從奈何欲退元物不曾收 再見德輝 見湯君白

同見李君德借錢 歸家問甚奔走兩月今日壞盡

二十八日 早見唐仲文囑俸事 次見宋春卿會李士可

同二公游開元宮次到寓所其茶二公更欲相攜余以事

不如意舍之而別 李君德來 問卜 再到省中見楊

生令稍遲一二日 見張德輝論乃事 訪賈景顯不遇

雲山日記卷上

古

訪郭總管不遇會李齊賢 又見德輝值出 晚燈下
坐久謀之無計更遲二日且往長興索伴作歸計耳

二十九日 霧中早見唐仲文不遇 到張德輝家 到西
倉橋見方仲明 到省中別李叔義 張晴川來值出

晚作家書發王二來日歸

三十日晴冷 王二歸鎮江 出別張晴川崔進之柯以善

吾子行 湯君白知余事不如意呼舟過湖開行散悶游

南山惠因華嚴寺次游開化院次遊石屋洞俯視洞口深

暗不可測覺陰風逼人壁上記姓名而回 入勝果尼寺

與石屋相對君白令親惟德母子為尼延坐設茗罷次游

水樂洞扣寺門久之乃得入寔寺皆奇石門有亭扁曰聲

在寺後口泉滴洞中相應鏗然有聲故名亭有石刻坡翁

東陽水樂亭詩觀畢而下踏石上黃葉攀徑邊古松山林

閉自有一種清氣借筆題云至大元年十月三十日京口

郭天錫同湯君白來此聽泉寺僧具茶飲之清甘即此水

也更過一二僧寺以心緒不佳不及詳記泛湖而還西北

風起同君白錢塘門小酌分路 見張德輝 路遇黃明

叔

十一月初一日 辭吳若遺不遇會王介叔朱提領 李君

德揚君白來同出到君白家具茶路遇鄉人孟子長晚別

張德輝德輝具酒會丘中山杜器之宋口口李仲雍歸已

盡醉

初二日晴 客杭 到省中領文書取回甘結 同孟子長

見胡則大值已回宣城路遇鄭君祥宣史同茶 同子長

見吾子行就別 次別湯北村 晚見馬生了絕乃事

晚繼子長小酌囑照元除事 別李叔義

初三日 早別張德輝 同沈六郎買人事 午覓小舟至

塘頭下至西會橋見方仲明留小酌晚飯就宿於其寓

初四日晴 離杭州 早方仲明待早飯飯罷遣丁提控福

憲般行李上航船遇杭人魏提領稽太醫同載 唐涇晚

飯 夜行

初五日 平明曉寒至湖州覓小舟由城外載行李寄于清

塘門人口口入苕城見陳有之 次到儀鳳橋解庫入息

到湖州路總管府口國祥不遇會康安道李仲立倪子

德趙子益 有之具酒小飲飲至日西有之送予出清塘

門上船遇長興州吏盧口甫有之再於市店具酒乃別登

舟夜行舟中人稀宛勝夜來之湫隘也

初六日晴 平明抵長興 見趙文卿父子 會李質夫留

早飯飯已同文卿見陳素心教授 次見孟雲心 次見

沈孤峯不遇乃子希古相接 次見陳繼之見周剛父不

遇 訪廣福寺琦伯玉講主留小酌壁上作竹石 錢梅

巖請席坐客陳素心子及文卿質夫酒散歇於趙文卿家

輔之具晚酌 夜聞輔之釀酒牀頭糟牀淋漓有聲

初七日晴 寓長興 早飯文卿相待即晉卿亦至同食仍

贈米一升 同文卿出見安亭甫不遇 次見袁正甫陸

草窗 次見沈孤峯殺雞具酒仍約陳繼之共飲 路遇

張古愚袁壽卿 過口和父門留茶 早琦伯玉講主淵

古潭和尙來 陳素心潘吉父盧希顏費德輝來值出

雲山日記卷上

六

雲山日記卷上

七

見欽察同知新授臨安縣達魯化赤 晚文卿父子待酒
酒盡拂牀而睡窗外風竹蕭颯可聽枕上意舊游又復二
年矣令人感慨

初八日晴 寓長興趙文卿宅 文卿待早飯 出謁李王
廟 訪錢英甫 訪劉巨川值出郊未歸 訪劉竹西

訪潘吉甫留素食五品蔬果甚整 欽察宣差來拉余過
廣福寺會陳素心欽察同予至其家仍約琦伯玉講主看
畫出唐本渡水僧秦太師物也觀音二軸小幅崔白蘆雁
武后真餘皆下品漢銅挈壺一煮雁開尊朱雲袖續至其
飲至月上同伯玉歸已鍾動矣 文卿夜話

初九日晴 客長興 文卿待早飯飯罷同出見沈孤峯囑
知州處說俸事時陳有之自湖州來共茶 謝欽察宣差

雲山日記卷上

會傅子壽說全真道教呂知州朱僧正續至二公去後欽
察公留酒午飯飯罷同游廣福寺陸州劉巨川亦至琦
伯玉一茶而別欽察上馬後數客送予歸 陳繼之相約
不及赴 沈孤峯陸草窗蹇成子來值出 晚文卿待酒
具飯 送詩與孤峯伯玉

初十日晴風 客長興 陳繼之邀早飯同文卿往赴坐客
沈孤峯陳竹溪予及趙文卿陳有之不期而會者陳素心
居首坐飯罷已亭午矣有之相拉見孟雲心 次見陳教
會蹇成子 次陪有之希顏出東門散步游沖真觀歷歷
皆舊遊處 回路有之買肥驢肉沽酒共飲飲散自麒麟
坊轉大雄寺前歸踏黃葉簌簌聲見一二小童拾墜樵於
古松下不勝故山之思晚已醉飽文卿自食白粥余炒

豆相與共話就以賈景顛所惠範圍數爲文卿贈

十一日晴 寓長興 呂知州送紙求書畫 劉九舍人來
陳有之盧希顏後至茶罷陪有之五峯炷香 文卿待早
飯 午赴劉九舍之約坐客余及陸草窗食五品 欽察
宣差約食水花傅子壽同坐閒錢茂卿外郎來尋李令史
云云押過催俸關子矣 嚴君壽來值出

十二日晴 客長興 早寒 文卿待酒早飯 見安亨甫
同出見劉元履託語知州公爲俸事 次同亨甫到寓所
欽察公遣人相請閑話於大雄寺前人家時亨甫亦在
坐話已亨甫拉至其家具午酌 醫學沈教諭來 陳素
心相約不及赴蓋爲劉九舍陪話故也 回沈教諭禮不
遇 路遇錢君愷吳提領 次見周道副希顏同行

雲山日記卷上

十三日晴 客長興 文卿待早飯 盧希顏來同出東門
閑步 次入沖真觀畫壁一堵周道正具小酌 希顏相
拉見孤峯同孤峯見呂知州不遇乃子呂舍相接茶罷孤
峯拉至其家小酌回路欽察宣差留茶至月上得歸 朱
半山僧正來值出 陸關長皇甫懋官來亦值出 文卿
待晚飯燈下和陳教詩 施若虛來

十四日晴 客長興 文卿待早飯飯已寄蔣介卿書 同
文卿見沈孤峯爲俸事 欽察宣差來請至廣福寺會琦
伯玉傅子壽 回謁嚴君壽不遇 次訪孟景先三勺孟
雲心亦至同出回謁施若虛道士若虛約登市樓小酌倒
澆麪 回謁董子順會陳中美出門遇趙輔之同歸
十五日五更長興州學拜殿會呂知州詹提領蒙古李教授

趙松岡沈孤峯吳堯卿皇甫雲村及諸學職公堂具飯
訪欽察公同出閑步回至其家出宣和御府黃居寀雪雀
圖用雙幅絹畫角上添金龍長可六七寸圍葫蘆御書并
內府圖書二印雪樹數株棟桷上下復作二鶴鶴真奇
物也欽察公凡三次招往看畫獨以此為冠耳又看破衣
呂公像陳尚書家物也及小幅宣和飛禽不敢斷為真物
具午飯飯罷過劉祥甫藥肆切羊沽酒仍約趙文卿共飲
會司吏潘國寶 晚陸草窗來文卿具三酌 朱雲岫來
值出 訪包亨甫不遇舊曾為鄰居者 呂知州送紙索
書

十六日晴 客長興 欽察宣差令畫史拜絹來求畫山水
安亨甫同鄭子固來相約到亨甫家具小集午麪 早

雲山日記卷上

三

續修四庫全書

文卿待飯酒三行 見劉巨川取藤黃亨甫同往 次陪
亨甫訪武雷岩道士 嚴君壽來值出 李質夫請齋不
及赴 文卿待晚飯已飽不敢領 晚歸月上聞鄰家打
稻童稚徹夜唱吳歌不歇亦豐年氣象吾鄉則未聞也
十七日雨 客長興 文卿待飯 欽察宣差來索畫文卿
具酒待之 陳仲美來訴其親素心公不與齋發
十八日雨 客長興 劉祥甫來請早飯 省委官劇郎中
君相請於史氏廡院求書殺雞具酒會令史周謙甫飲散
欽察公相拉訪孟雲心看畫次到沖真觀回路欽察公沽
酒買羊共飯抵暮以口送歸 吳長卿陳四官人來為索
通事 安亨甫來 夜雨
十九日雨止苦寒 文卿具早飯陳繼之來相拉到其家見

王知錄具小集 夜大風 借陸草窗坡詩六冊客中讀
誦

二十日晴 客長興 飯後見沈孤峯為俸事 次見欽察
公會朱雲岫出門遇錢梅巖相引欽察到盛瀆前人家看
羅漢一軸次到客舍觀予所作雙松雪澗圖次請琦伯玉
來看欽察公又呼畫師沈兄來看皆為予起敬茶已乃別
復請沈孤峯同見呂舍人囑與乃尊知州說俸事會傅子
壽同孤峯歸過州橋解后陳素心孤峯口口到其家小飲
歸已及暮 路遇石子方 文卿有難將產未下于用北
游所得之方抹之立產得男

二十一日霜寒 客長城趙文卿直學家 飯後同謁朱半
山僧正不遇 次見嚴君壽 次同孟雲心見王州判不
遇 文卿待午飯 次訪陳素心索俸會張月心 晚同

雲山日記卷上

三

續修四庫全書

素心陸草窗趙文卿見呂知州于州後煖閣說俸事 次
訪陳伯祥留茶 許阿四米到學
二十二日霜寒 陸草窗來 王二自鎮江來文卿具飯飯
後攜王二出見孟雲心陳素心沈孤峯陳繼之下大人書
欽察公相攜拉雲心抱琴造廣福方丈沽酒具有適費
德輝劉巨川皇甫孟一哥具酒於口口家相招辭之而往
領三君子之約趙輔之錢國寶同集集散欽察公又遣人
相拉至日暮行至廣福寺前石橋松陰之間送欽察雲心
抱琴而還 錢梅巖送紙求書
二十三日 客長城 趙文卿具早飯飯罷買香燭弔費月
巖先輩 陳素心李質夫袁正甫來文卿具酒 陳繼之
來取字去 耶晉卿來口月梅亦至文卿具三酌輔之待

晚飯 路遇毛可齊

二十四日己卯晴 客長興 文卿具早飯趙口口求字

憲成子喪其妾來乞米 陳元善來約文卿及子到其家

觀蘇漢臣孩兒四軸具酒三酌 沈孤峯請午飯 陳繼

之來約同赴孤峯之約坐客陳素心王知錄余及趙文卿

陳繼之趙達道沈希古

二十五日霧晴薄暄 五更文卿約打魚予以庚辰日不及

往 輔之待早飯 憲成子來 訪欽察同知同出見李

君章於稅務之務官具酒時石子方者欠欽察錢怒欲及

之子為解紛 次同欽察公到沈畫家會胡州錢春堂琦

伯玉講主後至同歸分路後伯玉拉入廣福方丈具午飯

出川紙求書心經 李二朝奉求經堂大字 錢梅巖求

雲山日記卷上

主

三樂堂扁 陸草窗袁正甫陸關長三君載酒有見過同

文卿共酌酌已文卿以新打之魚續孟陸袁二丈守朱墨

為業物微而意實厚也惟有感激 錢國寶求書

二十六日晴暖 禹長興 趙文卿待早飯 出謝袁正甫

陸草窗沈孤峯陳繼之 送筆與劉巨川不遇 劉子敬

教諭相訪不遇行至州橋偶然解后拉具午酌仍約到西

溪 到李質夫家為伴事留小酌憲成子趙文卿續至就

以式鈔贖憲秀才

二十七日晴暖 早張潤甫自杭來見報照元除已辦潤甫

景芳學正之子在行省選房寫文書與費德輝親 觀文

卿捕魚長興人水車用手挽不用脚踏 西溪劉子敬遣

舟相請以錢英甫相招不及往孟雲心來亦具酒相約展

至來日 陳素心相招坐客稅務提領呂大使金副使子

及趙文卿 晚陪陳趙二公赴英甫之招草草盃盤而已

至二鼓乃歸 周直學來 伯堅

二十八日風雨 客長興 謝文玉攜舊藏徽紙數幅求字

陸草窗陳元善來文卿具早飯 李質夫徐令史來

以謝兄紙為雲心作古木一小幅為琦伯玉講主書多心

經并煙江疊嶂詩 劉子敬以舟約往西溪願風雨正作

寒氣逼人不能前也作書謝之 晚飯已燈下同文卿論

八門數 錢梅巖又以紙求書為寫天寶諸王愛名馬詩

二十九日雨止 客長興 文卿具早食十五會客陳素心

子及陸草窗湯儀甫袁正甫陳繼之盧希顏李質夫 李

質夫皇甫茂官送紙求書 新陽節至思歸故鄉不自由

雲山日記卷上

主

也 三十日冬至節 客長興 早起燒香酬酒 到州學與士

友拜 先聖先師 公堂稱賀 陳素心拉至其家具小

酌半山僧正後至 同沈孤峯陳監鎮袁正甫盧希顏

沈希古賀呂知州三酌諸公去後呂侯獨留子看許道監

溪山漁樂圖上用宜和殿寶後有伯幾仲賓子昂三公題

李君章物也次觀漢銅爐一隻內有啐字會白雲宗僧正

次賀沈孤峯欽察同知俱出 劉九舍相招坐客陳素

心傅子壽余及陸草窗劉梅南陳守中劉祥甫劉伯通劉

巨川及諸劉兄陸關長皇甫茂官九舍二令似 楊卿雲

王伯以詩來見值出 文卿待晚酌燈下對坐和陳素心

楊卿雲二詩

閏十一月初一日 客長興 雨霰不可出 陸草窗來見
教大衍數十有八變而成卦法 沈希古來相約午集
周剛甫遣人相招余已諾沈公之約不及往 錢梅巖董
子順來相約到子順家小酌領一盃而出 同草窗文卿
赴沈孤峯席坐客陳監鎮陸草窗趙文卿余及陳繼之沈
希古七人酒盡復大作 費德輝送紙求書

初二日陰 文卿享先具餽飽早酒趙二官人同集 陳繼
之請席 董子順來 陸草窗相招已諾繼之之約不及
往 同文卿赴繼之席坐客沈孤峯余及陳監鎮趙文卿
錢亨甫李質夫周秀才趙輔之酒未半雨雪大作見燈而
質夫輔之先歸主人行酒與正濃而鐘已動相留過夜眾
答醉帽欹斜狂歌盡醉鄉俗以冬至至元宵各家擊鼓謂

雲山日記卷上

去

雲山日記

之催年鼓和歌諸老亦不自知手舞足蹈也至半夜醉眠
乃已孤峯方去終夜雨大作宿繼之書院文卿共榻繼之
所居地僻人稀四邊皆林木也

初三日雨 陳繼之留早飯三品坐客陳竹溪趙文卿余及
錢亨甫飯已冒雨而歸 陸草窗折簡相招午集雨中同
文卿往赴其約劉巨川亦在坐草窗出示司馬溫公劉無
言真迹次又出紙求書陸天隨杞菊賦是集風雨中尊酒
論文至暮乃歸儒家氣味洞見其真率也 是夜風雨不
止簷外竹樹蕭颯有聲

初四日又雨 客長城 趙文卿待早飯 劉巨川送紙索
書連日諸公求書弔挂借艸窗坡詩一部其中絕句寫盡
無餘

初五日極寒飛雪 文卿待早飯飯已同拉質夫到學中見
陳教為俸事可否久之開倉支米貳拾石陸斗欠四石般
寄于徐勝家 趙文卿公堂具三酌 復拉文卿到下樓
小集輔之後至

初六日陰 寓長興 文卿待飯飯已出別安亨甫不遇
次別袁正甫陸草窗潘吉甫劉元履劉巨川 路閒解后
孟雲心拉至其家作胡刺主人 次同雲心別欽察宣差
具酒午麪 別周剛甫

初七日晴冷 周剛甫具早飯相招六盃仍以生絹為贖
陳繼之以紙六幅求書 陸兄關長來取字去就以詩寄
草窗 孟雲心以神仙手刻桶底蓬萊圖見惠 同謁繼
之不遇 陸草窗攜紙四幅求書繼家詩

雲山日記卷上

去

雲山日記

初八日霜寒水凍 文卿具早飯見沈孤峯會白雲宗圓提
點陳繼之孤峯留小集午飯 次同繼之到學中為餘欠
米事忽齋僕姚壽者抵觸陳教又與陸慶致爭本官正怒
勸解乃已不及白其事也 晚繼之復約孤峯及子到其
家飲酒晚不可歸同繼之踏月送孤峯過濠上歸是夜宿
繼之家寒夜不寐

初九日 早起燒松明火 繼之具早飯飯已同出尋李質
夫 寫批子一紙次同見陳教覓印押發付姚貴下尙吳
卿催欠自學中同陳教出至太平橋李學司與陳老喧爭
余與繼之解紛散歸 潘吉甫送茶以紙十二幅求書
畢君舉袖紙八幅求書 錢炳之求梅巖古溪大字古溪
李二朝奉之雅號也 文卿具午酌陳繼之李質夫同集

初十日 寓長興趙文卿直學家 文卿具早飯飯已到州
前解后欽察同知到姚子和藥舖其茶茶已恐其留連
誤耳遂別歸 約趙文卿李質夫趙輔之小集至暮乃已
十一日霜晴 董子順招早飯食五味同趙文卿往赴 陳
教者以呈文白呂知州拘收已還俸米知州云汝既親自
開倉與了卻教我作惡人卻之弗受 陳教來趙文卿及
余問及前事大與喧爭卻無語答後同文卿以乃事白之
孤峯元履草窗三公皆不以爲然 錢梅巖攜魚酒見過
邀余及文卿質夫子順共酌 小王上湖州雇船
十二日晴 文卿待飯見欽察同到王二官人家見李八塔
赤相士劉心月呂舍人傅子壽 欽察在彼蹴毬 午後
船到 遣徐貴再白陳老下米於船中

雲山日記卷上

天

十三日陰 客長興 文卿待早飯飯已出見沈孤峯約同
別呂知州 陸庭翠來見攜紙四幅求書董子順後至文
卿具酒共酌 同沈孤峯別呂知州父子不遇 次同到
州治作別知州舉乃事予對眾分辯呂無語可答孤峯相
拉到其家小飲 是日訪孟雲心出示黃居寀萱草湖石
蝶猫二軸蔡月卿物也黃氏父子作石用筆橫拖少作罔
子俗謂之野鵲翅
十四日 早文卿具酒食五品爲余酌別仍約陸草窗共飲
沈孤峯續至送贖禮 訪周伯固道正具小酌湖州吳道
士後至 路遇嚴君壽就別 是日滿擬登舟文卿父子
相留來日作別
十五日五更東裝賦歸 文卿賢夫婦作別待早飯已文卿

送至溪邊上船 李質夫遣小童送贖 早離長興午過
呂山下松竹蒼翠前一橋曰甫里橋人言是陸天隨隱處
詩家醞藉猶可想像也 晡時至湖州舍舟由西門入城
幹事 晚宿東門外 有一白雲宗僧來趁船至平望云
是儒家子亦可與語
十六日 早發東門午過南潯 震澤 晚抵平望已昏黑
矣

十七日 早發平望西北風大起過太湖塘岸巨浪濺水入
舟掀舞可畏 午後至吳江州見本州教授方蒜山尊舅
時爲開讀他出見方五舅母令似仲思 相接就手三酌
辭之登舟 晚宿平江閶門外

雲山日記卷上

幸

十八日 早發平江 午後抵無錫城河中米船塞擁舟子
喧爭至昏黑方得通行就泊無錫州門外
十九日 早發無錫 舟過毗陵東北風大作極冷不可言
晚宿新開河口三更舟逢浙浙聲乃知雪作也 五更
月復明
二十日苦寒 早發新開河舟至奔牛堰下水淺不可行換
船運米至呂城車堰方辨船上篙櫂皆堅冰也舟人畏冷
強之使行泊橋口
二十一日 早起衾裯如水潑堅冰四合舟不可行 至午
喚舟子打冰風復大作凡避風處冰不可開迎風處爲波
浪捲冰丁東作聲岸下聚冰高三二尺行至丹陽催行至
石羊子鋪口住舟就泊蓬上爲冰水所濺皆如懸挂琉璃
然

二十二日晴 冰厚舟不可行滯留不發 遣王二步路先歸 泊舟處皆村民米船悶坐竟日

二十三日晴 舟中午前家閒發馬來接哺時抵舍 拜親以上出路計九十七日

二十四日晴 張和甫來金沙老儒 大人赴滿提點席歸 同王石溪房春谷王表白到舍下晚酌春谷近歸自燕京新授揚州道司知事

二十五日晴 佃戶劉七二攜豚蹶來見 陳舍人來以細茶一合與之 出見滿提點錢學錄石民瞻盛季高龔子中房春谷俱不值 見米起卿亦出 見李仲傑提舉會李和之太醫梁宣使 回謁張和甫 侍親登甘露寺長老本無傳相接先于方丈小酌次登多景樓具麪僧司吳

雲山日記卷上

夫

令史亦在坐 石民瞻錢深之來俱值出 晚袖香帛盛親家母蔡氏

二十六日晴 出見錢深之 次見王師善會陳茂叔錢深之楊以吾 見趙心甫會堯葵軒父子 章子實來李行簡後至三酌 石民瞻來 晚同四哥見普照本宗主

蔡宣使令似來 二十七日晴 陳茂叔來 陳靜齋來 朱良卿來 王思善來 楊有之父子續至留午集仍約錢深之共飲

二十八日晴 盛季高來季山泉亦至 蕭景玉來趙心甫續至 孟子長張學生來子長報省中選事 邢竹莖來 二十九日晴 出回謁陳茂叔孟君澤會明光甫 見聶知州不遇 同四哥到市閒買物 章子實來陳菊田續至

蒙古謝學正來 孟君澤陳景南來值出

十二月初一日 五更列排香案具羊酒紙燭謝眾神蓋去歲往北時所許者 請盛季高午席 余友梅朱信庵來會各石民瞻趙心甫王思善錢深之盛季高

初二日晴暖 燒紙 出還聶宅器皿 回謁余友梅朱信庵茶罷余繼善邀湯彈琴 回謁陳靜齋 會徐彥翁 訪堯葵軒 訪潘庵主 本宗主來 回謁邢竹莖陳景南俱不值 回謁房晦叔會房共辰

初三日 盛季高來相謝留以酒 同四哥見錢深之於客樓待酒張和甫在坐 次約孟君澤見新任趙提領不遇 登城隍廟抽籤吉但遲遲耳再扣北方之信卻好 見陳茂叔 次同見東高千戶不遇 見陳和甫出門王宜

雲山日記卷上

夫

之舍人相留傾酒五青鍾 晚見章子實子實留小酌 初四日晴 同四哥乘馬到墳所 次遊雲臺寺闐然無人

次到蘆灣 次到焦山莊經都管三酌自定波門外汝山下沿江而回是日暖如二月閒在家兀坐無味駕言出游以寫我憂耳 張和甫來

初五日陰 約章子實午集 陳東村張和甫來 章子實李四乙郎來赴招 初六日晴暖 章子實來謝 蘇知觀來袖馬裕齋書數紙來看 侍親到墳所

初七日晴 同三哥送書與施公恕 次見郭元吉 次回謁蘇知觀 次回謁蕭景玉會胡舍人 次訪錢深之 陳行之舍人相邀余兄弟三人小飲薦臘雞

臘八日 祀先 陳夫人借米 房晦叔來

初九日晴 房文一官人來為乃妹不告而出事 陳行之

來陸靜居同其姪文富來

初十日晴 堯一哥來借輪為人所先不敢諾其請

十一日 王時中自高郵來同出到府中不聚 次見劉倅

亦出 午間邀時中飯 俞景仁來 連日暄如二月

閒 發書與曹舜咨回舟

十二日 袖香到下河頭船中弔顧三朝奉就慰其子子靜

知事 龔子中趙心甫來 房晦叔陳菊田來為一郎事

來 同謁俞景仁房晦叔朱良卿會相舍人 房文一官人

來 十三日 早送顧朝奉殯出西門 章子實來 見陶提領

雲山日記卷上

三

乃子問關文事 次見章子實會於于公右之樓戈君議

盛子中同茶 到丹陽館前見湯秋厓府判 同謁龔子

中會李行簡 陳茂叔來酌之

十四日 送關文與王思善會湖州趙仲山朱正甫 李行

簡來

十五日 早到路學殿謁 本宗主遣其徒來請到龍華會

寫修造寶塔疏二軸留茶果午麪

十六日 早長興丁君耀齋吳長卿書來 同仲方弟覓小

舟下金壇湖溪風特甚天欲飛雪 夜泊珥村

十七日 早發路遇庾祥甫鄭翔遠蓋為催運官糧偶然相

遇耳 抵金壇縣令弟入縣分付喚鈕佃討租 午至湖

溪歇行李于趙宅書院見王敬仲敬仲令景明長子吉官

相引到劉仲明宅上方見趙景明解后張仲方山長劉公

留酒飯與景明同歸又飲我以酒忽報王直溪到此同入

書院見之夜與仲方山長對榻

十八日 寓湖溪趙宅 早景明具飯到羶坐客王直溪張

仲方余及趙五官人王敬仲仲方弟龔已道上船 午

閒張仲方亦去 劉仲明來景明于書院火閣內具酒仲

明出紙求書傳益直至燈上景明諸子姪及王敬仲趙伯

高又具蔬果籠炊來客房夜酌

十九日陰 寓湖溪趙宅 早趙東湖山長自宜與襟塢回

拉余入書院早飯飯罷請景明到客房說話未畢劉仲

明來同東湖及舍弟游僧庵登諸天閣次遊敬親道庵新

開一逕遠長蕩湖邊頗覺軒豁遊回仲明邀至其家看所

雲山日記卷上

三

藏書畫官窰磁器古銅小餅次入筵坐客趙東湖余及李

和甫鄉提領趙景明王敬仲仲方弟東湖酒半取青青子

豪飲抵暮乃歸再與景明卻酒夜話王敬仲亦在座閒

趙伯可自宜與歸未見

二十日雨作 寓湖溪趙宅 早與景明說話 午閒東湖

開宴坐客劉仲明余及趙五官人王敬仲東湖景明仲方

弟

二十一日 寓湖溪雨止天色未晴 東湖昆仲約入書院

商量聘儀數事 劉仲明相請過其家出思陵御題乘鸞

女小米山水趙子益水仙梅花手卷求詩具早飯飯已趙

景明亦至劉宅諸子姪求字本是日欲過長蕩湖以風雪

不可仲明以食米為贖辭上縣中 劉君用相留過午開

花園看梅求作竹石及愛梅大字羽士董生求寫疏頭復入東湖書院午酌聯仲仁同集至暮乃歸趙會江方叔令似 是夜雪大作

二十二日 寓趙宅雪作 東湖昆仲具早飯二十五日乃東湖壽日意欲相留余以上路日久堅辭不許願風雪如許只得更遲一日也東湖索壽詞即席賦之 晚飯已東湖與蔣如愚圍棋余先出 景明具酒肴來客房雪夜共酌仍約王敬仲同集二子亦在坐傍留連至三更乃已 是日景明剪綰一正求書扇面趙伯可亦求書

二十三日雪晴 早飯已趙東湖父子相留之心愈堅余以歲除在近且事有未就者別之登舟趙景明獨送至溪邊仍再囑乃事 泛長蕩湖半日整遠望村落雪樹相連接

雲山日記卷上

三

雖覺清致然寒氣亦不少怨也抵水北已日西矣 見曹本齋時乃弟舜咨山長之杭其子彥高彥良彥實彥博俱相接 是晚集五盃館答范謙甫同飲 風雪

二十四日雪止 寓曹宅 本齋待早飯飯已彥高備馬同仲方弟遊集仙觀訪史道山不遇壁上鄭子實畫松一株根生石上彥高命予作竹石相對頗覺稱手羽士路松隱留三酌 訪曹愚坡亦出 次同仲方弟看鍾呂二仙像併殿上水壁上馬而回 本齋待夜飲范謙甫共酌

二十五日 雪意未已 寓曹宅 本齋待早飯飯已欲出以雪泥載道故止之 晚集于曹公穿堂坐客范謙甫子及口道士仲方弟曹彥高

二十六日 雪作 寓曹宅 本齋待早飯飯已彥高彥實

同出游花園 晚刻曹彥高彥良彥實彥博四昆仲待酒過集仙曹愚坡待五酌

二十七日 雪大作 寓曹宅不可出 曹兄昆仲出紙求書本齋待飯 晚刻諸弟兄相伴傳盃至半夜窗外雪竹一林壓倒欲折彥博善吹洞簫令作數曲送酒亦自不惡 二十八日 雪小止 願四望無路 本齋云雪深如許君將何之只得更留然歲且盡奇食于諸公家自覺無意耳 是夜彥高昆仲殘雜具酒飲至二更謙甫同集

二十九日 本齋具早食食已借馬二乘賦歸主人堅留不許予以新正還舍有親在堂不容不動身也既上馬莽無歧路踏冰而行午至金壇縣中次行至珥村僕夫有倦意晚抵橫塘並無宿處而馬料亦無僕夫損足不肯行有土

雲山日記卷上

三

居趙四官人者設肆壺酒相留一酌宿路途途中亦難得者三十日 早踏雪發橫塘 次抵丹陽縣下馬見步德二官人時充水馬站吏取馬草喂馬相留早飯 曹公二僕強之不可行且有怨色發馬遣回以錢贖之河冰無舟次踏雪泥自丹陽覓人夫擔行李余與弟步行而歸不勝勞苦余嘗遣童僕出路每遇雨雪輒責其緩蓋不厭此境則不知也抵暮至仁和門外房清夫家覓湯洗足喚馬而歸清夫留三酌 除夜香燈甚整足倦而睡不及往看終夜足痛

雲山日記卷上終

共字一萬五千七百四十一
丹徒張思慶校刊

雲山日記卷下

元 京口 郭昇 天錫

至大二年歲在己酉正月初一日 拜親 陳菊田來留以

酒章子實來留午酌 陳行之來相拉過其家小飲 回

謁朱良卿三酌吳成甫在坐

初二日晴 表叔憫忌 陳舍人真空叟來三酌 雪消

初三日泥滑 早賀郭元吉會王應夫俞宜中 次回謁章

子實乃尊章司丞相接丹徒戴典史亦至 回謁李行簡

乃尊提舉公相接 石民瞻來龔子中續至 晚約陳舍

人李四乙耶小飲 夜雨

初四日陰 燒土地紙卜兆吉 石民瞻惠筆 訪房春谷

時自杭回會陳大師田白雲三酌 李四乙耶立于後門

雲山日記卷下

前邀入其家小飲

初五日 顧子靜來

初六日 章子實來房春谷後至三酌 子實約余及春谷

到其家小集 大人章君文後至共酌 次同春谷訪李

仁卿留酒孫胸山後至 路遇盛季高蕭景玉景玉送至冠子巷

南分路

人日早晴 天無片雲 訪堯葵軒會楊古性就問葵軒揀

日 孟宅揀大衣羅 訪因勝昂鶴峯長老留飲餅之食

盞齋麪 見盛親家看羅留三酌 戈君讓盛子中來值

出 楊古性來甘雲卿後至三酌 晚送羅還孟宅染紅

初八日早陰 高子西來章君文續至 焦彥明來 賈仲

傑典史來 章子實來求寫章綵帛宅位牌 東高總管

送屏風四扇求書 施公恕自常州來袖紙二大幅求畫

初九日陰 出回謁洪天錫 次見孟君澤父子同孟子長

回謁高子西施公恕不遇 回謁焦彥明 次回謁戈君

讓不遇 同子長造勝果寺顏大師具茶次入方丈華山

主煮銀杏小酌有張其姓者帶酒直入子別而出 訪房

春谷會田白雲出與子長分路各歸 騎馬訪章子實同

到長安店訪半景陽孔德永演 新授臨海主簿自京師來

會趙心甫張仲方二山長別後同子實到蕭景玉家茶罷

各散

初十日晴 回謁賈仲傑 陳茂叔張泰齋來

十一日晴 洪天錫孟子長來 王竹所來 貴監院來

出訪堯子泰為揀日事會楊趙二兄 見顧子靜知事留

雲山日記卷下

三酌

十二日晴 回謁孟子長乃尊相接會孫湛然 回謁陳茂

叔值出 朱良卿道傍相遇邀茶

十三日晴 盛季高來施公恕後至取竹二紙

十四日晴 春色盎然 回謁盛季高 同陳景南出到市

閒看斷酒榜 次回張泰齋禮 次過千秋橋有陳氏子

翦紙燈懸于門首紙帶十六條其閒作走獸及人物花草

極其精妙牽箱處只如絲髮狀用工五月方得辦此 蕭

景玉來值出 晚章子實來同出看燈遊至其家三酌步

月而歸

十五日 早路學拜殿 訪孟君澤會洪九二哥 陳行之

來求作小竹一紙湯秋厓後至行之約余同秋厓出鶴林

門游張祠及西岳廟回路行之買酒一尊共飲仍呼一老者歷二崂子消遣半日 祭先

十六日晴暖 飯後同仲弟遊東岳廟 次入靈濟院解

后盛季高蘇硯山房仲明同入僧房有一畏吾僧年方二

十五御著江南禪衣游方問道步趨儼然南僧也 法姓月

章子實來五酌 晚同朱選卿橋上看月四顧荒城紅

燈數點而已 蔡宣使來辭入京

十七日晴 早見袁國梁縣尉不遇范千三郎具茶 次到

蔡郎中 趙仲山張仲方來留午酌同登壽巨見本宗主

啜茶

十八日晴 蘇知親來 陳行之相約同出回湯秋厓禮

次回謁張仲方回路行之具午麪 林君昭來約小酌

雲山日記卷下

三

十九日早陰 趙景明自毗陵遣沈提控來 問候邢竹菴

趙仲山王仲章來送刻漏圖 夜大風

二十日風作 送書與王榮之家託轉寄 訪陳茂叔會史

克誠 訪孟子長 訪章子實三酌于公右後至傳疥藥

方 在杭時借盛親家鈔二笏今已還訖索回元批本日

扯碎訖 晚訪朱良卿解后朱元度講命閉坐半日吳誠

甫亦在

二十一日晴 問候潘堯章會陳景南 訪顧子靜 堯葵

軒來待以酒屬揀日事 洪九二哥孟子長來 同長弟

到普照寺看念藏經王提點邀茶會古厓及浙東二僧

二十二日晴 賈仲傑來酌以酒 龍舟過

二十三日晴 安同舍人自淮州回來見三酌 劉二總管

來留以酒

二十四日晴 李行簡來 張廷玉來為小弟看脈

二十五日雨 送郝仲明書與楊古性不遇 見張仲方亦

出

二十六日雨 發張德輝書口盛親寄去 夜大雪

二十七日雪到燈後大作 戈君讓盛子中來

二十八日雪止 立契許神香紙 庚戌十二月 初一日還訖

二十九日晴 張君玉房春谷來五酌 章子實來

三十日 楊主簿來顧子靜續至袁仲平趙仲山後至 以

木犀象棋一副到報親道院別張君玉道判就付陳又新

書蓋明日入京陳庵主具茶楊希微出紙求書 送字法

與章子實

雲山日記卷下

四

二月初一日 府學拜殿 耶律經歷下學 師善講書祭

如在祭神如神在是早會花提領新任趙古灘大使陳東

村歸舍雨作 孟正夫同親保下金壇 滿道判來 龔

子中來借王荆公萬言書 焦彥明來 嘉興學正陳汝

梅趙茂元來道曹舜咨致意 鄰婦劉氏為欠陳舍錢託

其陳令少緩于取索陳舍領余登樓數酌 訪朱良卿會

范仁卿李司服 阮大舅邀茶 夜雨

二月二陰 四哥生日 小集

初三日 四更同二弟到學觀禮 問候邢毅夫會陳東村

乃尊相接 同四哥出見朱敬之 次到張廷玉處取藥

訪章子實不遇 見趙岳甫大使有客不復進 訪余

繼善不遇 訪郭元吉

初四日 童子實來 倪松巖道錄來

初五日晴 出回謁倪道錄不遇 見滿道錄留茶 到安

同舍人家 到林君昭書院 以紅羅錢壹定送孟宅

見龔子中不遇 湖溪趙伯可來待以小集 次同到伯

可舟邊姚兄留茶

初六日 早請趙伯可早飯倪松巖同集飯已出游孫硯山

園見河間李輔道郎中時為財賦事產在園中德符堂置

局整吏牘 同伯可游口隆寺本長老延敷酌 回路訪

鄭子美陳茂叔俱出與伯可小市分路四哥同行

初七日 到孫園見陳舍為修堦糧事 華堯章來 甘露

伏首座焦山雅首座同觀本心數僧來求書畫蘭就以墨

竹屏風面子與伏兄雅首座號澹雲 安同舍人引戴宜

雲山日記卷下

五

卿來見丹徒典史之子也 斗香

二月八日 早夢得一銀盆兩環繫其上擊之有聲而覺蓋

孟正夫自金沙回扣門聲也得曹彥良書 和華堯章詩

令長弟送去 侍親張祠炷香 次炷西岳行宮香 同

二弟口口口寺 盧元吉來 鄰里醮會為紀君瑞孫女

不口收淚 趙伯可來值出 晚雨

初九日 趙伯可來待酒午麪 晚見伯可次同見盧元吉

趙五官人亦往

初十日晴 趙伯可相約早飯飯已發書請伏虎林首座引

領作焦山之行虎林聞呼即至是日春色佳麗江靜無風

到山見謙選中維那次入方丈見尊無能長老留茶茶已

領入具酒煮麪坐者余及趙伯可二僧司官伏首座登山

之頂看塔展目眺望次憇于飛仙亭同見雅澹雲首座選

中煎魚具酒小集酒盡伯可先睡度不可回先遣諸僕渡

江晚陪尊長老虎林澹雲到海門邊看日落一瞬萬頃金

波蕩搖可謂奇觀散步而同尊老既別仍送酒果到澹雲

房小酌次拉虎林選中踏月上羅漢巖訪福東濟禪房佛

燈熒然爐香未過具茗果閑話俯視栖鶴危巢皆在窗下

與二僧月下聽江聲倚樹清論久之洗城市之塵俗也

夜宿選中房虎林共榻

十一日 四更鐘動大眾誦經宗性海監寺相約食索麪

先赴澹雲首座早飯飯後出紙求書畫 次到庫堂陳暘

谷監寺具三盃辭出登寶蓮閣次上江山偉觀樓觀本心

侍者引了即休書記來前在徑山伏虎巖徒弟癩而有文

雲山日記卷下

六

三山人也同赴性海之約坐客余及趙伯可了即休雅澹

雲陳暘谷伏虎林謙選中集散游朝宗亭留題與諸僧說

詩氣味相投宛勝章句之儒也 次同諸公入蒙堂訪省

徹堂和尚登小閣設茗果澹雲復約寫扁 性海具酒三

盃後上船虎林伯可同還 方仲思自吳江來見寄蒜山

舅書以金鱗壽麪為大人壽

十二日 早寫遊山詩寄虎林首座 到孟宅算還紅羅錢

解后常子正 同謁方仲思不遇七姨婆令新婦袁氏

出拜 路遇趙伯可 又遇孟子長同歸至市間分路

陳東村來送壽儀 雨作 伯可來值出 二弟冠巾

十三日雨晴 寫香狀還七載之前常州心願 上墳

十四日晴 飯後到表叔呂西厓墳所挂紙 伏虎林同瑛

白石侍者來求作廬山詩留一題 是日二公就余焦山詩

十五日晴 大人壽日 午閒家宴至晚乃散

十六日 侍大人出見昂鶴峯長老不遇 回路見徐耐翁會劉遵道 趙伯可來辭歸金壇

十七日晴 春暖可愛 見鶴峯值出真首座留茶會焦佑之常維那 章子實來李行簡後至 蘇知觀來 陳都

寺送素優頭 騎馬到甘露寺回謁伏首座伏欲具酒辭之余云本欲聽清論耳初不用此為禮也次入新古厓房晚出寺門望定波門外桃李紅白遠見焦阜樹石厯厯可數蓋江靜無風故耳

十八日清明三月節晴 陳東村來留早飯 楊舍人來

雲山日記卷下

七

陳汝梅學正自水北來曹謙所致意 陳菊田來 楊叔

義來 午後同二弟出鶴林門造鶴林勝果二寺

十九日晴 約陳汝梅早飯 顏子固自金陵來拜 章子

實攜其子剋奴來求書值出 訪朱良卿會吳總領聶舍

人 為章子實書鵲橋仙詞四軸 錢子有來正卿之子

也求書二幅 晚見章子實會于公右 次到丹陽館前

遇王教直學輩 過千秋橋馬上遇高唐劉總管 訪宗

範卿不遇 晚回謁張君遠 雨作

二十日陰 顏仲元來求書 伏虎林遺僧來取證道歌去

到學中

二十一日又陰 陳和父來 晚得張德輝書

二十二日晴 楊叔義張青陽四哥來求牒保充濂溪學吏

送詩與陳汝梅不遇 送德輝書與莫知事乃子保保收 聶舍人來

二十三日晴 早見陳舍人為埠糧事 會葉子華 薛夏

甫來葉子華來同到孫園見財賦劉提舉張都目分付修埠事 孟子長來章子實後至陳汝梅亦至 道冲觀徐

知觀來 貴監院來 朱良卿來取靴 春日清明會事有不如意者悶坐而已 侍大人見汝梅沃已山

二十四日 早聞阮大官人為酒事到蔡市橋紙鋪問之陶石民瞻自杭歸就路見之留坐出示摘瓜圖併六朝古鏡待早飯飯罷耦提領來余別而上馬 沃已山來辭歸三茅 陳汝梅來辭歸嘉興

二十五日 邢侍郎李八哈郎中來 盧仲益來借馬

雲山日記卷下

八

二十六日晴 訪朱良卿 晚見陳茂叔顧子靜會茂叔

同謁趙心甫時自杭州歸就問選事報李仲陽王師善至

余馬不及入

二十七日晴 早到路學行

辛巳日同仲弟造普照寺禮趙處士本宗主領上新閣具

茶 訪朱敬之俞景仁路遇葉子華同行至玄妙觀前王

大師具茶會朱信庵 李提舉來值出 送鮮與張君文

父子作別 斗香

二十八日晴暖 訪翼子中不遇是日為岳氏與李宅過禮

有幹故也 馬過郎二哥藥鋪解后李行簡具茶 早上

城隍祠問籤得不如且守東方祿不久遲遲喜事來之兆

見邢竹筵會陳四官人 貴監院來 賈景頤來求作

範圍歌解敘 晚回謁景顯會盧元吉

二十九日晴暄 章君文來辭赴長山鹽司丞年老遠官有

惜別之意 王應夫學正來 范仁卿來 到孟宅爪羅

錢 晚雨大作

三月初一日 游普照寺龍華會新閣上具茶解后陳茂叔

初二日晴 同四哥遊普照寺是日天氣晴暖游人甚盛解

后趙岳甫張仲方趙仲山楊有之玉提點邀茶 賈景顯

送紙求書 陳東村來值出 伏虎林來送焦山諸僧所

和詩茶罷伏兄拉出游萬壽寺見謀長老會端都管 顧

于靜來

三月三 千秋節早到學行香領眾 見陳舍人不遇 回

謁陳茂叔不遇 聞章君文昨日已行見章東叔

雲山日記卷下

九

初四日雨晴 呂二叔自僕僕來 同口哥出見陳舍不遇

次訪林君昭同游龍華庵惠庵主具茶餅閑話 次同

登山岡江山俱可見茲寺不十年而創造已復如此栽種

竹樹蒼翠可愛 次同四哥過長橋游南報恩寺寺僧裕

兄延茶一新土木舍其舊而別作山門佛殿兩廊壯加於

昔聞之歲收米麥不滿三百石而規模若此堂堂郡學歲

收四千而為鼠輩竊食遠不若緇流之盛也令人浩歎吾

師有靈何時假我以權出一臂力為吾徒吐氣耶 晚待

呂二叔

初五日 早見陳舍人為孫七修埤糧米事 呂二叔去丹

陽 初六日晴 晝長無事同仲同弟到靈濟寺訪極古林盛季

高房仲明續至淨監寺待茶 次入登雲寺寺靜闐然無

人門徑雖深窈殿堂卻窄狹 次入永安寺問觀音籤

初七日晴 蔡德甫寄書遺惠老來 寫書寄孟子長問杭

省選事 宗居士來陳菊田後至同茶 參政下朱總領

來求曹山長書為糴米 晚同仲同弟到楊師香堂問兆

吉 是早五哥渡江之揚州

初八日 新任本路學正吳良貴來見婺州浦江人也攜至

顧淵白書

初九日 早飯後送吳學正禮上會士友于三體小堂 次

見王思善趙心甫陳茂叔趙仲山石剛中陳副使送吳兄

到其寓所會館客方韶卿茶罷茂叔約王趙二兄及余到

其家具茶茶已乃歸 蘇知觀來求寫茅山記事 常州

雲山日記卷下

十

葛明甫同錄事司宣差大令似來見 以人事送葛明甫

入北兩見不遇託姜生轉達 方韶卿來 陳和甫來

初十日晴 訪朱良卿借說文字韻

十一日 十二日 保福大聖院眾比丘尼求午齋

十三日晴 湖溪趙景明遣沈提控送茶來就為售馬事得

景明書 前本路塗教授令司子履道來自江西 同謁

塗履道於丹陽館不遇 方韶卿來

十四日 塗履道來 袖詩回謁方韶卿 會吳良貴孟君

澤吳公具餽飽 回路馬上遇雨

十五日 早路學拜殿 馬錄事行香 吳學正講書孔子

曰入其國其教可知也 云云 庾琴隱陪講點爾何如鼓瑟

希 云云 景明二僕騎馬歸湖溪 高子陽來為揀日事孟

君澤續至郭元吉續至報新文 貴監院來謝齋 出見
余提點新自平江歸會上官道判余繼善蓋君玉

十六日晴 塗履道來 朱良卿來

十七日雨作終日 陳東村來

十八日雨止 買舟下湖溪 夜泊珥村雨大衾褥半濕

十九日雨大作 午後至湖溪見趙東湖趙景明昆仲及諸

子姪館客王敬仲書院小酌 晚飯 宿于樓下客房

二十日雨 寓趙宅 景明待早飯 是日東湖令愛接東

宅定禮留宴於書院坐客媒人潘兄子及敬仲 晚景明

留燈談乃事

二十一日雨 寓趙宅 景明早出商議乃事就晚敬仲寫

擇日帖子與常州諸子姪求字法東湖待酒晚飯 夜雷

雲山日記卷下

十一

雨

二十二日雨作不可歸 東湖待早飯 劉仲明相招坐客

路司吏陳子野徐巡檢趙東湖余及潘仁卿都提領劉仲

玉期而不至者景明酒散徐巡檢者與蔣其姓致爭 晚

歸景明待飯既出就宿景明長于都官攜酒有夜酌雨如

傾盆 景明令人灼壺

二十三日 雨作 無舟可買溪流如箭 寫詩送景明以

四月初三日起程赴處州明善書院山長 午間東湖具

酒余及王華甫王敬仲東湖令婿潘兄 潘心月來求書

卦牌就晚卜課 晚景明送出又欲具酒辭之話至夜深

啜茶三盞

二十四日 飯後別趙東湖趙景明言歸 會葉居竹 次

同景明別劉仲明兄弟令乃于君用送至溪邊上船 午

抵金壇縣中壩上水急舟三次上而復下借人夫拽之乃

上 學僕蔣興輩來接 晚泊珥村又雨

二十五日 早發珥村堰與水平不勞車拽 午過丹陽練

湖水出聲如雷震晡時到家自出路至到家七晝夜並雨

二十六日晴 方韶卿來同大人出見吳良貴會趙仲山趙

茂元別後大人約韶卿同游甘露寺登多景樓上千佛閣

伏虎林相延于清虛室小集午麪

二十七日晴 龔子中來 塗履道來 訪普照本宗主留

午麪

二十八日 訪盛季高會房共辰房六哥 拉其辰相伴游

東岳廟解后沈義方同歸至竹竿巷分路 真空叟首座

雲山日記卷下

十二

來

二十九日晴 盛季高同萬壽寺因無礙首座來見次陪二

公訪朱良卿借絳帖看又觀許道靈松樹二幅秀潤可愛

訪范仁卿不遇 范仁卿周東溪來 次同仁卿到其

園採桑 會歲四哥

四月初一日晴 早路學殿謁 鄭鵬南廉訪下學路學官

輩同行會王成之奏差 回謁龔子中不遇 見李提舉

會老卒總管趙大使趙子翔辛提舉李提領 回謁蕭景

玉留午麪 林君昭來 耶共之孟希聖來值出 盛子

中下世 年少而有文可惜

初二日晴 見范提領換零鈔 李山泉來 修鋪

初三日 燒白龍王香紙 普照善友二人來上錢修寶塔

佃客劉七二劉七三經省五皆壯夫也不半月皆病死可傷

初四日 房子通自揚州來見留少集 吉州陰陽教授劉

心天張君遠來 晚回謁房子通不遇

初五日晴 見范提領不遇 回謁劉心天不遇託楊以吾

致意 回謁張君遠不遇 問候盛親家呂姊病 鄰里

諸人醪會爲王二開米鋪與錢者王老劉總管令舅何秀

才朱舍人祀崇節約十四五人 訪盧元吉閑話久之會

陸二哥出門遇林君昭同登龍華庵沈國寶亦至曹首座

具茶茶已而下沈兄相邀於鄰家小水亭晚酌數行仍請

洗浴及歸已暮 曹舜咨山長孔天隱教諭章其之王叔

恭自金壇來歇於後屋 初三日侍大人問候徐五乙郎

雲山日記卷下

五

令婿次見龔子中不遇 次見滿道判會史石庵余繼善

觀山谷題彭口口畫魚十幅夏提點物也 連日事有未

就緒者隨事輒忘附錄于此

初六日 早見舜咨天隱共之 張雲心州判經過下訪請

舜咨相見復送於河上登舟

初七日 陳茂叔來 朱敬之來 茂叔就見舜咨會心甫

盛親家來 見盛親不遇盛二哥同出問卜吉

八日雨 會客孔天隱曹舜咨章其之王叔恭 潘生載酒

初九日晴 以香紙帛徐將仕令婿丁三郎 陳菊田來李

山泉續至 到平准庫見范提領爲換鈔事 宗範卿來

鄭翔遠來 晚見菊田不遇再造乃見 回謁鄭翔遠

祝眞白參政來

初十日 早送丁三郎殯出中土門 陳茂叔來張藥山續

至 李仲陽王仲祥張仲方來 宗耆宿來 曹千二郎

爲賃屋劉府判來 段知事來 曹舜咨置酒坐客大人

孔天隱章其之王叔恭不期而會者錢正甫茹仁甫

十一日晴 李山泉來待早飯 徐允伯來 陳子野外郎

來 李行簡來 普照善友來勾錢修塔

十二日晴 何經師來王竹所續至 陳媽憫忌日 盛親

家來約到其家小集會陸大使

十三日 燒九里紙 孔天隱王叔恭歸金壇 鄰居王道

士過門報張君玉道判羽化可惜可惜年三十

十四日 何經師過門留早飯 同章其之出見龔子中

次訪張仲方不遇 共之招飲于范公橋下潘店 過舟

雲山日記卷下

六

中見段吉甫

十五日 早路學拜殿 朱敬之講書善善者義 石總管

下學 爲共之書字數紙 李山泉來 曹舜咨拉出到

市樓小飲坐客杜五哥楊壽卿余及舜咨共之 夜共舜

咨詩

十六日 陳舍人相約小酌

十七日 伏首座辨都寺來同見舜咨 何西賓來 聞滿

道錄令師孫王監齋羽化往弔之年二十二謙而好學亦

可惜也

十八日 早送王監齋殯出青陽門外 金壇李叔恭章其

之來二勺復會于舜咨座上欲相約一出余辭之 石民

瞻來自杭歸 先曾祖省元忌日 晚陪舜咨出見龔子

中陳君實 次見石民瞻會劉府判朱正甫 次見李仲陽

十九日晴 置酒與舜咨午集一麪 回謁李叔恭會蕭舍人見張藥山不遇 李山泉來 晚曹彥高自金壇來

二十日 陳菊田來高子陽續至 趙心甫同令弟趙台叟來 史州判來劉舍人同至袖紙乞書 午延曹舜咨小

集侍大人送至河邊登舟 錢正卿相約集坐客曹彥高及余二人

二十一日芒種晴 午共彥高小酌同彥高到高橋修馬鞍

二十二日暄 房春谷來謝道滿道錄之意 同彥高孟正夫上普照寺看繡幡二各長二丈餘平江張總管布施者懸于處士堂與知庫待茶 次同彥高上北固山甘露寺

雲山日記卷下

五

彥高買果一盤見伏首座會惠首座王提點留午酌二僧先去是日日本寺接使臣賜金襴袈裟門首就見姚推官同

路彥高邀市樓午麪 晚浴罷少涼與彥高路座閑話

二十三日雨 呂二叔自丹陽來

二十四日晴 陳菊田陳靜齋來報新任張教到揚州見

二十五日 陳菊田趙資深來 孟君澤來報杭省選事

二十六日 見張仲舉教授不值 王思善張教二人來 陳茂叔來曹彥高相延開尊 同曹彥高袁敬叔游萬壽宮 晚見張仲舉

二十七日己卯 到萬和店見郭祥卿新自北歸授廣德照磨坐上會盛季高章同文同文報余得宗文山長云得之 俞景仁說 是早張教禮任往送之趙資深諸公為欠俸

米阻押解由與王生陪李仲陽輩送王思善歸

二十八日晴 兀坐無口到普照登楚山閣壁上畫松一株 張居士具午麪宗主及數善友同集 趙資深來

二十九日晴 驟熱 曹雲居相請到玄妙觀雲堂後午集 坐客王雲閑曹彥高余及薛雲山潘上座袁叔明集散同

彥高叔明到勝果寺納涼

三十日 陳菊田來陳茂叔後至 徐卷石自太平教諭滿歸相訪 俞景仁來報新除 見余繼善會東平孫待詔

時塑玄帝像 訪楊石泉 張廷玉來 趙資深來 為鄺道判作修靈應道院疏 為曹上座作化鍾磬疏

五月初一日晴 早到學拜殿 俞景仁高德剛講書 郭元吉焦彥明來彥明約至其家烹雞小集集散陪二丈到

雲山日記卷下

六

章同父家分路乃歸 林君昭楊以吾續至 徐卷石來

初二日 早到長巷顧宣使宅送元二朝奉殯出青陽門 回路李仁卿盛季高同入報恩寺覓茶茶已上馬

初三日 王功父來 孟希聖送扇求書 趙資深來

初四日晴

五月五日微雨 祀先

初六日夏至 祀先 到學中會朱敬之何講師 見張仲舉不遇 見郭元吉會石剛中 薛老來晚見徐吉水借

米 初七日 趙資深來 李山泉來 陳景南來周寬夫續至 曹彥高自金壇來 邢毅夫來說杭省選事 朱良卿來 斗香

初八日 范仁卿來待午麴彥高同集 訪朱良卿會陳菊田吳成甫菊田說乃子山長公賈屋事陳公去後良卿出香印盤一面作三層刁以香印之如層臺之狀妙物也黃平山司丞自北歸來見 訪錢正卿不遇 晚與彥高聯轡見黃平山 次訪孟君澤

初九日晴 祖母生日壽麴

初十日

十一日 黃平山來並馬出見薛良卿 次見朱敬之 送平山至小市分路 曹彥高約出小飲

十二日 聶舍人來約出小飲邀彥高同往 是日聞孟子

長自杭歸報子得饒州鄱江山長 蔣公乘來 石民瞻

來

雲山日記卷下

七

十三日 早見孟子長問新除 次見蔣公秉新授德清教

諭會房晦叔 曹副觀來求寫清真觀化鍾磬疏

十四日 楊主簿次子來云歸自杭州攜扇求書 是日會

黃平山陳茂叔

十五日雨 午後上城隍祠炷香曹彥高同行避雨于孟子

長家

十六日微雨 朱良卿來

十七日 邢毅甫來 孫提領遣華三郎來取書與饒州楊

正卿問缺事 過朱良卿家借新得香篆看會王道士

斗香

十八日 回謁邢毅甫乃尊相接 到路學會黃平山張仲

舉坐閒聞王思善被軍人捉酒犯禁凌辱于道昨夜已在

逃矣 訪東高千戶不遇 訪郭元吉聞趙德章自杭歸有新聞往見之不遇會堯子泰楊以吾子泰學生高兄求書扇二柄 回謁石民瞻不遇 到余直學家尋趙兄不見而回 到孟鋪買紗送黃平山司丞值雨 曹彥高歸金壇

十九日微雨 陳茂叔主簿來趙德章續至送到饒州路鄱

江書院山長省劄待以三酌 陳菊田來 盛季高續至

季高歸自常州道乃叔虎林教授致意四月十八日禮任

出見毛聲甫新得松江府上海縣儒學教諭省劄亦是

趙兄帶來者 訪王山意不遇

二十日 方詔卿來留早飯

賀客 趙心甫 徐卷石 孟君澤 鄭子美 明光甫

雲山日記卷下

八

毛聲甫 焦義明 陳茂叔 陳景南 房晦叔

以果麴出謝趙德章乃叔心甫相接會張仲方王仲祥堯

子泰牟兄善丹青者 回謁盛季高值出 方蒜山次子

祐大師自吳江來見

二十一日雨 連日天氣涼甚可衣袂衣 孟子長教諭來

石民瞻寄所和詩來

二十二日晴 洗衣 金壇蔣興來寄至孔天隱書 訪張

藥山 回謁孟君澤父子 次回謁祐大師于方七姨家

回謁焦彥明時長弟同行 訪朱敬之會章同父 回

謁陳景南 于君璧來求乃兄練塘挽詩 龔子中來

二十三日 回謁鄭子美 次見陳茂叔過朱良卿門留茶

石民瞻續至閑話久之 回謁龔子中 會李行簡 次

訪陳馨林 陳和甫來 蔣興取回書去 伏虎林首座
來值出不及接

二十四日 寫岳祠香狀 張仲舉教授來待羊飯

二十五日 石民贈送紙來寫所和詩 盛伯真邀午集

伏首來求書受戒文 赴盛伯真席坐客丹陽黃壽卿偶

師得郎希顏伯真季高賢昆仲期而不至者石民贈李仁

卿

二十六日 濕熱 蔡松江自廣東英德府歸經過下訪

陳景南來 孟子長來求送行詩

二十七日 侍親上岳祠柱香 倪性堂來 邢竹莖來

朱敬之來待午飯 林君昭來 斗香

二十八日 早約盛茂實林君昭早飯飯已周二公上次到

雲山日記卷下

九

報親道院 次訪羅秀夫不遇回路盛公道午飯 李行

簡同洪舍人載酒求書余已醉矣乘興作大字二紙客乃

去

二十九日 飯後訪郭元吉留坐門首看神會徐卷石盛八

四哥陳二哥布舍人首克明俞秀才同集午麪

六月初一日 約盛茂實渡江 路學殿謁 劉茂實家就

手三酌同出解后雷府仕遺早飯飯已行至西津有人追

逐報盛茂叔乃尊歸遂不得成行時暑熱可畏過金山少

憇信留數酌而同

初二日 早起騎馬到江上盛茂實後至登舟絕江瓜洲換

船會劉舍人巨川之子 楊子橋午飯 午後至揚州歇

行李于茂實舖中 訪裴君得相遺小樓共飲坐客余及

茂實蔣善輔裴蔣二公求書 是夜就舖中宿多蚊不得

寢

初三日 早茂實邀洗浴市樓早飯三品孟一哥同集 飯

罷趁舟抵邵伯 換舟晚至高郵 是日行舟兩邊淺水

皆紅白荷花行數十里不斷亦一奇也舟中有章武殿果

大師者同宿舟中是夜雖熱卻無蚊

初四日 早趁興化船載雨而行船中各多相與促膝而坐

二溝買飯晚抵興化登岸解后鄉人俞七哥引至詹廉

訪宅相見會劉巨川陳總把詹公令婿王時中令子詹德

潤待晚飯留宿遇晚蚊極多揮逐不少退比之江南之蚊

既大且嗜利夜眠不敢揭紗帳也

初五日 寓興化詹宅 早投書與詹公 看況肩吾道所

雲山日記卷下

十

畫山水況廣西廉訪司書吏也 黃仲文來都陽人也前

興化教諭陳升甫縣尉劉巨川亦至詹公相留小酌坐頃

就問黃兄都江事體 同巨川時中出游開元觀道士彭

南溟相接正殿塑玄帝人言兵燹時本縣寺觀多焚蕩不

存獨此殿歸然有欲焚之者錐其柱流血梁間光彩發露

畏之而止具以茲事刻之柱間事之是否姑勿論特彰神

靈耳余亦作禮而出 次登縣前譙樓此非通都大邑覺

規模少隘而縣官如詹雲卿劉漢臣王之芳三縣宰後皆

為御史亦一盛事也 次游城隍廟有畫師王景山作鬼

神二堵差得 次游寶嚴寺觀新塑佛像 次訪許桂巖

俞七哥

初六日 寓興化詹宅 早訪黃仲文出所著理學源流圖

大率祖濂洛諸儒語耳 就見胡子貞感子玄子玄子貞之妹婿也

初七日 許桂巖來同出到縣學揖 先聖見教諭李景恭

陳總把載酒劉巨川同集 晚同王時中赴桂巖俞七

哥之約 觀詹公所藏書畫

初八日 陳千戶來因識之 晚同感子玄胡子貞游義阡

寺次訪醫士李恆甫 觀歷代聖賢圖

初九日 寓興化詹宅 胡子貞送紙求書

初十日 寓興化詹宅 胡子貞置酒集於德潤客位坐者

詹公余及黃仲文李景恭趙伯潛主人 時中求書

十一日晴極熱 李景恭趙伯潛二公置酒坐客即昨日諸

公 晚同王時中李趙二公造義阡寺長老密隱峯待茶

雲山日記卷下

幸

瓜云數年前曾于本宗主坐上相識云暑氣在在皆然雖

行野外亦無涼意

十二日 寓興化 詹德潤置酒亦昨日諸公但添龔子芳

子芳子中之姪也居於高郵集散陪諸公到全真道院有

梓樹四株坐于其下以待風涼為趙伯潛寫飲酒詩二十

首

十三日 為詹公畫英石石不滿一尺許高六七寸奇怪特

異若神剗鬼刻無一點金鑿痕也畫就招畫師王生來看

仍取椰瓢酌酒至午已醉 晚同龔子芳感子玄許桂巖

訪李景恭于縣學會黃趙二公以隻雞斗酒席地而飲飲

散各歸

十四日 寓興化縣 劉巨川新醅初熟味頗純美早攜一

壺來與詹公共酌數行 午閒劉公燒二甌載酒共飲坐
客余及黃仲文李景恭諸人飲罷胡子貞妹婿感子玄呼
小舟約余及龔子芳徐昇之游荷花蕩趙伯潛同往少頃
詹公父子劉巨川掉小舟亦至盤桓片時入義阡寺寺主
具酒味不甚佳復登舟採蓮時日落風涼眾客多折荷葉
作盃傾酒不善飲者輒為酒狼籍至月上乃還 是日甚
樂但多蚊敗興耳

十五日 寓興化詹宅 本縣宣差暗都刻同邢典史來

詹公置酒食瓜餽 晚與詹公坐橋上風月頗清剖瓜酌

酒

十六日 為詹公書大字 午酌

十七日 寓興化 每夜酷熱出汗如雨興化之蚊既大且

雲山日記卷下

幸

藉利露坐閒著人如撒沙土然 晚巨川約至縣學乘涼

晚酌李口臧黃同集

十八日 寓興化 胡子貞李景恭王時中諸公相約到縣

學口黃仲文綵帳 晚熱不可當詹公撐船入海子乘涼

亦為蚊所窘又復罷興 是日詹公出古銅敦上有銅馬

字兩行曰賢伯長宜子孫擊之有聲

十九日 胡子貞家早飯 夜雨少涼

二十日 為王時中畫蘭 龔子芳感子玄約于開元觀納

涼次造四聖道院約徐東溪徐昇之同余五人訪劉東庵

諸人醪飲門見荷花至暮乃歸 是日到縣治正廳扁曰

景范堂蓋文正公作宰于此云 晚催德潤辨乃事

二十一日 寓興化詹宅 劉巨川來共午飯 龔子芳徐

昇之買紙求字墨竹

二十二日 與詹德潤文字 詹公烹鵝為余送路坐客余

及胡子貞 邢典史來 為德潤書章蘇州詩一卷

二十三日 阿伴總領交鈔 李景恭趙伯安知余將行送

乾魚十斤攜紙一束求書畫 邢仁卿典史求字坐屏畫

竹仍以雙鵝石麪酒樽為送留李趙諸公假尊

二十四日 寓興化 今日滿擬登舟忽雨大作終日不止

又留一日 徐東溪善傳神者攜紙二幅求竹 胡子貞

以口字小書為贈求題温上人蒲桃并畫竹 為詹公畫

古木二軸畫已收拾行李

二十五日 早別詹公父子以椰瓢端硯相送復令王時中

雨中送至河橋忽為宣差拘船捕蝗託王時中到縣衙分

雲山日記卷下

付乃得行 是日徐昇之翼子芳二公出船錢捌千晡時

至高郵府同龔徐二公游東岳廟歇行李于龔子芳宅

晚涼一浴覺神思頗清比之興化更無蚊蠅睡至半夜滿

牀月色

二十六日 留高郵府 早龔子芳同出游天王寺訪海長

老觀新起之閣子芳待早飯飯已同到府治過濯纓橋

次到府學揖 先聖學後有亭曰愛蓮錢淳父書也後有

文游亭燕五峯書陳茂叔建傍祠塑孫莘老秦太虛像

次同子芳市樓問茶 次過畫史張心鑿門問是鄉中人

留一茶出所畫閣看 次到徐昇之家昇之他出出門解

后龔子翔山長說十三年前相會時事攜登西番佛刹臺

殿偉甚子翔拉余到其家具午集出示徐熙畫紫口口牛

并書畫數種仍買紙求書十餘幅三子侍側長日立夫小

者曰伯牙兀夫其次忘其名也集散子翔送歸子芳家子

翔所居曰仙居坊前有玉女井云 徐昇之相尋不見送

豬頭麪餅 晚子芳烹鵝共酌立夫攜紙來求書子芳令

弟同集子芳月溪之子也暑中延客禮意甚厚

二十七日 早子芳相送出高郵城外登舟舟中早飯 午

抵邵伯換船 兩大作不可上岸冒雨趁航而行湫隘之

甚舟中皆匹夫無可語者卻喜風順晡時至揚州見盛茂

實同到浴堂洗浴回到其寓所具酒裴君得亦至共酌宿

于鋪肆中

二十八日 早裴君得陳仲明邀余及盛茂實市樓共飯飯

已到通洞橋登舟舟中一僧曰善和尚金山禪僧也又一

雲山日記卷下

客曰安奏差云是于參政門人差可與語午後抵瓜洲渡

江風濤可畏抵舍日猶未西

二十九日晴 洗衣

七月初一日 早路學拜殿 鄭鵬南僉事高唐劉總管新

官下學登堂聽張教講書儼如北方道傍之小說者斯文

掃地一至于此可勝歎哉可勝歎哉 余時與同歸到舍

下共茶 王四坊正者來喚蝗夫 見陳茂叔同上府見

段知事分付蝗夫事喚蔣子東省會放免 郎共之孟希

聖來 張藥山來 高子陽來 到張千戶家送小百戶

所寄之錢 訪郭千戶

初二日晴 出見高子陽 次到孟宅問綬 次慰章子實

乃尊君文司丞歿于慶元長山鹽場 回謁孟希聖郎共

之 訪焦彥明龔子中 曹彥博自安口賣米歸寓于玄

妙觀往訪之就拉曹雲厓到舍下小集

初三日 同五哥訪郭千戶商量買絹 到孟鋪下買綾定

錢 同五哥到沈宅 曹雲厓曹彥博來相約午閒會于

玄妙陳和父來到玄妙東廊乘涼曹雲厓具午集于及彥

博潘玉溪道士同酌 西廊邊亦坐會蔣竹坡高士坐頃

方韶卿亦至剖瓜茶各散

初四日晴 寫書發王二過揚州銷金 到學中會張仲舉

朱敬之于公右方韶卿陳子南張藥山盛君錫何明二生

會閒口方老求齋發事二直學二司吏亦口 訪東高總

管陳茂叔口出 訪孟君澤父子

初五日 方韶卿來辭留飯 陳靜齋來范仁卿續至 陳

菊田來 林君昭來

初六日 訪盛親家公託買物不值 曹千二郎來 祀先

約盛親午集付鈔五笏上杭州買物

七月七晴 送染錢與孟宅 林君昭蔣君楚來 謙選中

維那來相拉上甘露寺摘魚酒酌于虎林首座房酒雖不

多味極厚數酌徑醉 龔子中來值出

初八日 侍親見茂叔為許生事 次見段知事口口留午

麪會口用口見到府判道詹廉訪致意 同謁陳靜齋會

陳子南 同謁張仲方會青陽四哥探問張仲舉不出

見郭元吉待茶瓜 訪堯葵軒不遇

初九日 早楊達道自金壇洪墓來同蕭君益相訪君益相

邀余及楊兄早飯于市樓 次同二公見孟子長教諭蓋

雲山日記卷下

壬

楊君新授丹陽縣小學教諭與子長為同官 次到學中

會張教堯葵軒周石二直學張藥山盛君錫 爪郭千戶

絹錢不遇留其錢分付乃安 訪房石口 同謁陳菊田

邢毅夫來毅夫新除饒州雙溪山長聞之與鄱江相去

三十里他日赴任庶幾聲跡相聞亦一美事 作書招楊

達道來日早飯

初十日晴 早邀楊達道早飯期而不至者蕭君益 堯葵

軒來 本宗主送位牌四座求書 邢毅夫來

十一日晴 送所畫山水與伏虎林託轉寄謙選中

十二日晴 東高總管來 孟子長同張福口來 訪徐耐

翁朱敬之李山泉趙資深

十三日晴 滿道錄來陳茂叔後至邢四哥亦至二公去後

留茂叔午麵 訪本宗主會顏知事留茶瓜

十四日晴 早見毛聲甫為趙生關省劄錢事

十五日 早路學拜殿朱敬之講書七月陳王業也同堯葵

軒先散 祀先 毛聲甫來 郭元吉來 張鄉司來告

齋發

十六日 陳茂叔來 周寬夫來

十七日 到孟宅問染 過那其之藥鋪乃口口湯戈君讓

同集 訪陳馨林

十八日晴 石國寶知房來請來日公宴

十九日天壽聖節 路學隨班 公堂錫宴三品 范仁卿

來為照籍事 龔子中來晚書二籤 章子實來謝 戈

君讓同焦鄭毛三令史來見

雲山日記卷下

癸

二十日喜雨 范仁卿來求保牒待午麪

二十一日雨 常州蔡德甫遣惠老寄書來為道日事

二十二日雨 到張敬之家付詹德潤所寄平江書信 早

發惠老行 到路學會石周二直學張盛二教諭張仲舉

陳茂叔是日為分付蕭令史墊范仁卿文書 次與茂叔

分路歸細雨過橋滑甚

二十三日 曾祖妣楊氏太君忌日祭祀 訪俞景仁病瘡

自杭歸問彼中事體 次到玄妙觀見房春谷會曹雲厓

茅存庵陳大師戴居雲 李行簡來 訪蕭景玉借縶子

乃知夜來弄璋之喜 訪朱良卿

二十四日 曾祖省元闕忌祭祀 訪陳茂叔 訪孟子長

雨作濕熱

雲山日記卷下

毛

二十五日 訪陳茂叔 次到學中問范仁卿文書會張教

朱敬之陳和甫周直學蕭學司 孟子長來值出 晚曹

彥博至自金沙留歇

二十六日 陳茂叔來 趙伯可遣王提控寄書來早飯

以茶麪見本宗主稿土木之工 見王伯玉知房 邢竹

莖來

二十七日

二十八日 早送孫子明閣中盛氏殯出鶴林門

二十九日 早到錄事司見王伯玉 次訪陳茂叔不遇

顏提點來

三十日 蕭雲心送扇求畫 見堵濟川不遇 見龔子中

會呂幹臣書吏章子玉典史顧漢卿奏差 蔡古梅來

李行簡來

八月初一日 府學拜殿迎接不講書 堵濟川章子玉周

謙夫來 范仁卿來 薛正叔自龍興歸來見 鄭子美

送紙求書

初二日 到錄事司 陳東村來 高子陽來 蔡古梅來

余與曹彥博留午麪 到孟宅為絲帛事解后蕭景玉就

以所畫扇遺之 到潘庵主道院還結子 到郭元吉先

生家以鈔十五兩託轉送與趙德璋還關省劄錢 到七

姨家尋蒜山乃子不值 俞和甫鍾國寶來見彥博同余

晚酌

初三日雨 朱良卿來借大字筆 為鄭子美畫山水寫梅

花賦 陳秀才來 陳大師來

雲山日記卷下

未

初四日 早到錄事司見陳典史 同謁蔡古梅不遇 同

謁薛正叔不遇 蕭景玉來范主一舍人後至曹彥博亦

至 同彥博到普照寺同謁興提點不遇張居士錢善友

領登新閣具茶 晚同彥博見余繼善 次回謁范主一

不遇乃伯仁卿相接 陳茂叔來留午麪 楊友之主簿

來

初五日 到錄事司換牒 郭總管來 見陳菊田賀新遷

回謁朱良卿 余繼善來 是日錄事司見陳典史王

伯玉孫君得

初六日 陳媽忌日祭祀

初七日丁巳 五更路學陪位祭 先聖先師 見范月觀

提舉時自湖廣來將赴北為解納書籍之行 會客鄭子

一第丁丁... 8

美曹彥博湯定一秀期而不至者朱良卿

初八日 請陳大師來穿珠冠 趙資深來陳菊田朱敬之

續至盛伯真令子亦至同茶 晚見范月觀提舉付文書

次見陳三舍人新授管田提舉

初九日晴 趙伯可遣王提控寄書來為道日事 到錄事

司同五哥出見張廷玉不值 次見堯葵軒擇日 買金

紙解后沈國器邀茶 到孟宅催綾緞 鑽斂冠只用火

燒鐵攜往匠者鑽之巧言索錢甚多小人趁利一至于此

晚見俞景仁 回謁朱敬之 趙資深來求保牒令見

響林同作保狀

初十日 早送梳篦孫千二提領殯出中土門 陳提舉來

小酌 同五哥見張廷玉候脈取藥 張福四郎來修堂

雲山日記卷下

三

後門限裝修書院窗子通作三間

十一日雨 曹千二耶來道孫同知致意見留真州明日登

舟不果見也時自黃州任滿云 五哥熱嗽走馬尋張廷

玉遇諸塗拉回舍下用藥

十二日陰雨 盛親家自杭州發花朵冠盃口物來者

十三日陰 張泰齋來為小弟看脈并求詩

十四日陰 早到館驛前聞潘御史到解后蕭君益同造隱

居藥室共茶 鄭翔遠來 見茂叔值出 到學中見陳

教石剛中朱敬之等聞之宜差出屋 翼子中來說浙東

近聞 回謁鄭翔遠以字二幅還之 晚曹彥博相招余

及景德長陳三哥同集德長善吹簫酒邊作數曲可聽

十五日 早府學拜殿 潘御史何萬戶劉萬戶蘭溪宣差

石總管宋同知高唐劉總管等官下學解后新引道知事

是日庾琴隱講書 新引道來 曹彥博議花氏之親

相招小飲坐客子及曹雲厓陳孟二兄 茅六官人遣外

孫惠柿子 孫七白沙上來

十六日雨 早到館前 次問蕭君益免役之文 次見陳

舍人問石灰 曹彥博下定相招坐客余及曹雲厓陳西

巖孟正夫仲同弟是日袁叔明來自金壇報李伯康抵此

借屋歇行李余諾之

十七日雨 表叔呂四一教諭忌日祭祀 李伯康來會于

客位

十八日風雨 焦山寶都寺謙維那來 夜雨

十九日雨 以詩送別曹彥博并託買羊會李伯康袁叔明

雲山日記卷下

三

兩作驟寒

二十日 先祖朝奉憫忌祭祀 以詩送還張泰齋父子會

堯葵軒 問候羅宜慰會宋同知堵濟川童子玉出門解

后楊有之趙岳甫 到孟改之鋪中會高子陽 到學中

無人乃出 訪范仁卿乃知提舉公十七日起程赴北矣

烹雞留午飯招客李伯康袁叔明 回謁伯康到蕭譯史

宅不遇

二十一日晴 見王伯玉不遇 艾主簿來 陳靜齋來

二十二日晴 俞景仁來謝昨日禮上直學 陳菊田來陳

叔後至 堯葵軒來朱敬之續至

二十三日 張藥山來 早得曹彥博書 見新引道不遇

晚發官保下金壇齋免役文字與本齋東湖天隱

二十四日 早雨中饒州李山意相訪話鄱江事 訪菊田

菊田來同出見陳茂叔議所填木事 還過杜五官人

門首解后盧千五郎同茶 李山泉來

二十五日子時九月節晴 早到錄事司 張仲舉來 曹

彥高自金壇來袁叔明具晚酌 趙宅王提控來

二十六日 到學中押保張仲方關於轉申總府陳菊田解

后于學中同出行至京口壩上丹徒縣尉司前相陪道墳

木事 以申狀與張仲方不遇 二十五 早見張仲舉會趙

資深張公留蒸餅 晚見陸洞之 景德長來 李伯康

蕭舍人來 李山意袖紙求作蘭竹 訪高子陽

二十七日晴 金壇趙君買茅叔叔來 上城隍祠卜籤

李山意來 晚李伯康蕭舍人趙茅二兄具小酌集于後

雲山日記卷下

辛

屋

二十八日晴 陳菊田來 訪新邨道不遇 龔子中來

二十九日雨 李伯康袁叔明辭歸金壇

九月初一日庚辰 早到路學石侯拜殿 張教講書鄙俚

之談不可聞遂出 生日壽麪 發請期俵物往常州

小酌 晚見陳舍人為石灰事 會楊三郎真首座烹魚

小飲 新濂溪山長苗懷德同張仲方來見寄至吳江万

教書

初二日 辛巳好日 路學拜殿 同茂叔到濂溪書院送

苗懷德禮上會諸士友欲送仲方歸以馬滑不敢前也

青陽君輔來 戈君讓景德長來說明日焦彥明禮上淮

海小學教諭 同謁龔子中相留數酌午麪趙心甫續至

初三日微雨 早到淮海送焦彥明禮上會休寧典史張德

明王仲祥童子王蒙古朱教授及諸公常州請期

初四日 李行簡來 攜香紙弔房文一官人大令愛 晚

見陸生不遇 次到倉前尋趙宅船

初五日 同長弟到王庫 趙心甫張仲方來 還李四郎

口錢 周寬夫來 陳靜齋來 早到錄事司 午後二

走卒至

初六日晴

初七日晴 早到錄事司 寫聘儀啟狀

初八日晴 到孟宅取紅斑及雜物 曹彥高歸金壇

九月九晴 王主管來酌之以酒 祀六神 午後趁湖溪

趙宅船載聘儀下金壇仲方弟及諸僕同行舟中有收金

雲山日記卷下

辛

黃待詔 帶月夜半宿丹陽

初十日晴 早發丹陽曉時抵湖溪見趙景明及趙伯可昆

仲 景明留晚飯宿歇

十一日晴 寓湖溪趙宅 早景明取聘物看過令閭逐一

點對整頓 午間寫禮物狀 景明具酒午集坐客水北

潘子秀余及王敬仲仲方弟趙伯大 趙東湖自縣中歸

劉仲明續至茶罷仲明拉至其家觀新起後堂九間穿堂

三開書院內具酒晚酌坐者潘子秀趙東湖余兄弟 去

歲余作竹石於仲明書院石民瞻題其上飲罷陪東湖踏

月而回

十二日晴 景明待早飯飯已收船二隻陪景明往常州一

舟載諸僕及聘儀一舟景明及余兄弟共之是夜泛白鶴

溪月落浩然如白日也景明烹雞具酒舟中小酌比住舟時已夜半矣宿道士橋

十三日晴 四更行舟 午前抵常州 余到學中見盛虎

林先生 景明到錢府 仲方弟將聘儀到蔡德甫家

見盛先生相接一年之別如轉首也乃子季方乃親二施

兄出見具小酌晚飯留宿于教授廳 燈下出示伯時人

馬精妙圖四騎作走射狀生氣活動又出舜舉倦繡圖伯

幾詩卷及陸實翁手帖

十四日癸巳晴 趙景明仲方弟發送錢府聘儀 寓常州

路學盛教授廳 盛先生具早飯飯已借馬同盛季方游

玄妙觀看新起三清大殿偉麗可觀 次見李叔敬待小

酌李兄鮮于伯幾之外孫也令余受禮 次到尼寺看子

雲山日記卷下

昂古木 回歸寓所趙景明蔡德甫在坐德甫不知予到

此也景明相報已收聘禮中有多荷景明維持是日二公

辦事小倦借馬送歸 晚盛先生待酒蔡德甫載酒肴來

共酌蔡公去後余與盛先生對飲至二鼓 是日盛季方

出紙求書

十五日 常州 費剛叔來見 陳亨甫學錄陳道夫教諭

周若虛張玉田章德遠來 景明來商議姻期數事議已

作別登舟蔡德甫送別于學前車二堰 晚帶月宿柵口

小舟容席坐臥不便所賴者天晴若風雨則不可

十六日晴 早發柵口 午閒到家已上出外八日並喜天

晴

十七日晴 早送河三官人母氏殯于登雲門 訪陳菊田

不遇 訪滿道錄 訪郭千戶不遇 回謁焦仲明 回

謁盛季高不遇乃姪相接 訪湯秋厓留小飲蕭君益俞

韶卿續至續尊共飲及暮乃歸

十八日晴 湯秋厓來取荔枝合齒藥 元復初文學齋擊

詔書經過令人相請走馬至丹陽館見之會眾官 次陪

元公見竹真伯參政同行者姚推官劉經歷宋提領靳知

事 口人上馬送出南水門余以步行不可往故止之

楊有之主簿來陳菊田續至小酌 夜風

十九日晴 驟寒可挾纊 早到錄事司吏輩不出閨子者

在 回至府前解后趙心甫張仲方許桂巖同張趙二兄

到林耕甫紙鋪一茶 見陳茂叔 歸家飯後出見陸動

之不遇 訪張廷玉會松江陸悅道紹興錄事曹彥卿朱

雲山日記卷下

元度 馬過郎其之門首解后堯葵軒王芝山共茶 李

千戶林千戶王聖保來為王子琪 墓牌事 哈班郎中陳茂叔來

二十日晴 驟寒 孫君得來 寫關文為貢德成屋事到

學中見張仲舉乃子張國祺石剛中蕭學司 以文書二

冊還陳茂叔三勺乃婿徐舍在坐馬過忠祐祠門遇孟君

澤問乃子丹陽近況待三勺洪者宿續至 以路學申牘

見馬彥實外郎 次見張仲方不遇楊以吾相接 晚見

朱良卿會陸靜居吳成甫 曹彥卿來

二十一日晴 薄寒

二十二日晴 見陳舍人會來舍人三酌分付孫七事 以

手卷送七哥宣差赴武進宣差 訪林君昭館主沈國寶

求書大字邀入巫氏園庭小酌 晚訪郭千戶 次見陸

洞之 陳景昭干路學求米作書記添力

二十三日晴 早見王伯玉 次到方七姨家送方大師人

情 寫盛元仁先生書七哥宜差三勺 會陳舍人同出

到陳舍處三勺 孫君得來

二十四日晴 訪靳引道知事 次見孫吏目不遇 到學

中公堂與直學輩坐久之 訪陳茂叔 訪李總把留數

酌

二十五日晴 早到總管府見馬彥實 到錄事司 飯後

到學中見張仲舉次同仲舉見茂叔不遇 次見東高伯

昇總管張公先去 高侯留坐求書素屏風哈班郎中高

唐劉總管陳茂叔同集具午飯 李行簡蔣用和來值出

孫顯卿來值出

雲山日記卷下

畫

二十六日晴 苗懷德來青陽君輔續至 茅六官人大令

似來 訪菊田以易簡方還之

二十七日 出見郭元吉 次見張子新 次見曹彥卿不

遇 到方七姨家見祐大師 訪章同父會章帥幾就付

謝趙景明書 見王伯玉議乃事 次到千秋橋陳書鋪

門首有北客出書數種買下馬一觀解后張輔之 夜風

雨

二十八日雨中侍親老上墳

二十九日陰 陳靜齋來 早約盛親家陸大使午集 次

約陳東村二酌

三十日雨 陳東村來謝筵 王二王七皆王子琪知事之

子也以松木大牌求書乃尊知事墓扁櫛酒肴至時趙心

甫相訪同飲 王二議姻 盛親家送斜皮鞋材併京棗

一合

十月初一日 早雨中路學拜殿 張教說書余入淵源堂

與石剛中輩少坐不及詳聽

初二日雨 滑不可出 陳茂叔來錄示新文 章同父來

青陽君輔來言新得本學小學教諭 余繼善作書借

馬鞍不及應命 為謙選中作山水枕屏 陳景南來

初三日 早出見張子新為閔子事 次見曹彥卿 壯餒

急歸 到錄事司見王伯玉 見陳東村會蔣用和 回

王七哥禮煎魚小酌 訪孟君澤 李仁卿來 孟良卿

送貢德成房屋府帖來值出 晚以府帖送與孫君得

王君德邀茶

雲山日記卷下

柔

初四日晴 薄寒 陳總管來 訪良卿會石剛中 東高

伯昇總管郭千戶來陳東村續至

初五日晴 謝盛親家不遇 訪滿道錄 陳典史借馬

雲谷來求書

初六日晴 馬彥實睦君玉二人來求書樓扁曰心遠留早

飯乃去 同小弟見蔡炳三哥不遇 過郎其之門留茶

次見張泰齋會邢子正北方之醫者泰齋為小弟診脈

到蕭令史家分付府劄乃尊相飲 到學中請二石直

學分付俸米事 陳行之相約小飲 次請洗浴

初七日晴 官沙小卒來 謙選中同萬壽先維那來取山

水小屏去 斗香

初八日晴 陳菊田來作山水

初九日 李提舉來 滿道錄來 到高橋 到學中會直
學輩次到甘露寺下問羊 次登寺訪伏虎林首座煎楚
小酌 送鈔陸拾交還盛親家公煮餅三酌吳三哥小弟
同集

初十日晴 早申伏七來領去買羊錢伍拾貫 到錄事司
見王伯玉為買屋事司存坐久候塾文書 訪本宗主
教化國公下世普照撞鐘 同季弟見童子玉問祭羅老
事次見堯葵軒解后楊有之主簿

十一日晴 取染 買紙
十二日晴 早同季弟到五條街看羅都水出殯 到路學
尋蕭君益分付鈕佃租事次見王伯玉送帛挂四紙山水
獨幅 陸靜居同知來以獐猿圖典錢酌以三盃 晚見

雲山日記卷下

毛

見俞景仁言俸米事路遇盛壽一哥邀小酌以酒惡辭出
十三日晴 早到馬市見松江衛山齋治中會童子玉王宣
使 到學中為鈕真二欠租事關學道復見張教會陳東
叔楊古性及直學輩 訪東高總管會哈班郎中亦刺馬
丹千戶李總把林百戶魏仲素都目 訪孫顯卿不遇
訪良卿會范仁卿相嚴二兄 范仁卿來 伏首座來寫
中峯和尚蕪林說 同季弟見張廷玉候脈 次見蕭景
玉會顧宣使
十四日晴 陳行之送羊 邢毅夫來 訪菊田良卿 房
共辰來 趙伯可自湖溪來歇于客位
十五日晴 早路學拜殿石總管下學 俞景仁直學講書
日俞教諭非名正言順之義 待趙伯可早飯 先妣憫

忌日祭祀已到墳所燒紙 陳元吉典史來石民瞻續至
林君昭攜手卷三種來為巫兄求題 孫顯卿徐威卿
來二公皆軍中吏目 到方七姨家欲送保住學裁縫
十六日晴 陳靜齋來 趙心甫張仲方來 曹彥博來白
金壇亦歇于客位 到路學發饒州儒學關文照閱期會
章子實同到倉前尋錄事司吏輩 晚同趙伯可曹彥博
登普照寺閣錢知庫待茶季弟同行 晚以一尊待伯可
彥博

十七日陰 到學中過教授廳見張仲舉會趙心甫張仲方
時菊田同行
十八日晴 出見張廷玉不遇 次到王仲祥家見張仲方
先到淮海見趙心甫不遇乃子相接 與趙曹二兄夜

雲山日記卷下

秉

話 送關文與君益
十九日晴 祐大師來 見張仲方案墨竹會李仲陽王仲
祥趙心甫 訪廷玉又不遇長弟同行 陳行之約飲于
潘店至晚乃醉
二十日陰 滿天雪意同伯可彥博聯轡到萬壽寺訪謀無
略長老 次訪因無礙首座出所藏書畫閱看 米老墨
跡一冊計四幅 米老書琴詩澹乎無味中指下清音發
□□□□空山墮涼月歸尋英光集檢之不見 東坡
墨跡 參寥子書東坡海棠詩後有辨才師及李方叔 爲
題跋三公字跡皆學東坡 圓悟禪師墨跡 張孝祥墨
跡 陸放翁帖近世温上人能畫蒲桃者作字師放翁
參寥子書海苔古詩 吳道玄涅槃圖羅漢九人作涕淚

悲泣之狀看已上馬 到因勝寺訪昂鶴峯長老留五酌
訪陳子野外郎延坐園亭小集坐客金壇李副使余及伯
可彥博

二十一日 陳菊田來 出見張仲舉教授 長興丁君耀
來取鈔二十五兩 會客陳子野趙五官人趙伯可曹彥
博陳行之湯定一哥

二十二日 早伯可彥博賦歸及余起時已上馬矣 金壇
趙君質來寄章共之詩 陸靜居來三酌

二十三日雨 湯定一哥歸金壇付王敬仲書 盛親家兩
中相招坐客陸大使余及周二官人杭州王一郎

二十四日晴 出到學中 次分付夏姓納苗 訪孟君澤
五條街解后茅六官人孟希聖相邀小酌 訪焦彥明

雲山日記卷下

美

二十五日 先叔憫忌 孫君得來說許生被箠 訪陳茂
叔會哈班郎中 次到府前問折白米事 楊達道自洪

墓來 送米

二十六日 送米五石五斗與夏家納苗 到學中 訪王
提點留坐久之看江西晏生雕觀音 訪邢竹埜 陳無

逸教授赴澧州新任同乃親趙煥道趙心甫過訪留飲至
暮

二十七日 楊達道來伏虎林首座後至留二公早麪茹素
飯罷達道言別託寄共之書 虎林以紙求書永明壽禪

師誠語圭峯座右銘龍門三自省 孟君澤來三酌 趙
宅王主管來 滿道錄 茅六哥令似來

二十八日陰 作宋同知詩 和昂鶴峯詩韻併寄石民瞻

江西黃省堂來

二十九日陰 陳行之邀小酌
三十日雨

雲山日記卷下終

雲山日記卷下

早

共字一萬八千六百九十八條
丹徒張恩慶校刊

元郭天錫手書日記墨跡四冊始於至大元年戊申八月二十七日止於二年己酉十月三十日并閏月共十六閱月逐日詳書天氣之陰晴寒暑人事之往來酬答委曲瑣屑靡不備盡所尤詳者遇飲酒必書求書畫者必書所觀書畫必書所游寺觀必書稱謂之間褒譏寓焉感歎之際義理昭焉細讀一過如見其人之性情心事而與之周旋談笑於十有六月之久也天錫墨跡傳世已少此冊行楷細書妙逼松雪翁四冊凡三萬餘字逐日書之無一懈筆真海內尤物屬樊榭先生曾摘鈔其各杭日記吾友鮑以文曾刻入叢書第一集中非全文也余於乾隆己酉之冬以大米行書赤壁賦易之於揚州汪竹農兄旋為吳杜村同年借觀去冬復來游揚

雲山日記跋

一

揚州汪竹農

始獲索歸十二月十九日作武昌之行因於舟中錄成副本藏之行笈甲寅元日舟泊九江安邑宋葆淳記
余少具書癖聞父執屬樊榭先生有手錄郭天錫日記未克一見既為吾友鮑涑飲刻入叢書然僅客杭一卷惜當日樊榭未錄其全也今春密友宋君芝山招余小飲出手錄全帙見示酒邊展卷狂喜不可遏搆歸靜讀覺朋友之往來風氣之好尚歷歷在目不啻追隨古人于朝夕而數十年所未遂者於是大暢天下事殆有不求而自得者耶芝山云此書宜贈涑飲以廣其傳蓋涑飲所好篤所校精而且勇於從事余因急命長男之玉日夜鈔錄行款悉依原文閒有字體草草未能識者芝山僅據墨跡不可不闕疑也錄成急以遺之時嘉慶庚

申春日錢唐趙輯靈跋於竹影盦
嘉慶庚申四月初九日錢唐趙素門先生鈔贈知元蹟在宋芝山先生處十一日借周松泉五兄訪芝山於翦刀巷寓館以真蹟不在行篋中出手鈔副本見借即趙本所從出也袖歸舟次校勘竟日五鼓次大麻始畢記此以誌良友之惠 廷博

雲山日記跋

二

揚州汪竹農

雲山日記跋

元郭天錫手書日記四冊真蹟原在揚州程氏雍正乙巳厲
 樊榭客揚州見之錄其中客杭事以歸未全錄也至乾隆已
 酉安邑宋芝山葆淳易得真蹟於癸丑年錄為副本嘉慶庚
 申錢塘趙素門韞壺復從芝山借錄以贈歙縣鮑淥飲廷博
 自是四冊真蹟始有鈔本可以傳觀錢塘丁松生善本書室
 藏書志有精鈔天錫日記一卷為勞氏丹鉛精舍藏書蓋即
 傳錄之本光緒丁未丁氏八千卷樓藏書載歸江南此日記
 在焉板心題曰雲山日記余以江督端忠敏之命領江南圖
 書館事因得逐錄析為二卷為之雕播其書始於至大元年
 戊申八月二十七日止於二年己酉十月三十日并開月共
 十六閱月逐日書之人事酬答靡不備盡芝山跋所謂如見
 其人之性情而與之周旋者誠有味之言也自元克江南時
 人逸士浮沈里閭多以詩酒玩世元貞大德以後稍出儒
 黃以淑後進天錫於大德閒一鎮江儒學學錄耳戊申至江
 浙行省求充學正山長所志不遂己酉五月始得授饒州
 鄱江書院山長詳是月十蓋是時天錫三十歲矣天錫年五
 俞用中天錫文集序序作於至正十五年中有天錫子啟曰
 不幸棄諸孤今二十餘年矣從至正十五年上推二十年為
 至元二年丙子序文謂二十餘年是天錫之卒最少在丙子
 前一年乙亥始以乙亥為年五十六上推至至大己酉為年
 三十也余別有郭天錫年事方壯所抱未能酬也故其言
 曰郡學歲收四千而為鼠輩竊食令人浩歎何時假我以權
 為吾徒吐氣耶己酉三月初四日其自傷身世之意固已情見乎
 詞此俞用中序天錫文所以謂仕不稱其志也惟此記十六
 閱月中其在里居者及十閱月潤之者舊皆在往還而梵宇

琳宮又靡所不造謂與諸僧說詩氣味相投勝章句之儒至大
 二年二月可以想見其逸致其經行關閣高橋修馬鞍至大
 二年四月二日千秋橋陳書肆有北客售書九月二日知彼時市塵之
 盛在城內漕渠一帶也又記所遊有巫氏園庭至大二年九
 月二十二日孫硯山園園中德符堂曾置局整理財賦至大二年二
 月初六日至順
 志無所記也又記本路學正吳良貴婺州浦江人初八日
 而至順志十七學正無吳之名也又記王思善被軍人捉酒
 犯禁凌辱於道至大二年五月十八日至順志卷十七教授
 王公進字師善嘉興人大德九年三月至
 則元時軍人之橫可知又記元復初文學齋肇詔書經過鎮
 江事至大二年九
 月十八日可以補史傳之遺元史元明善傳仁宗居
 東宮首擢為太子文學
 不記此事又馬祖常元公神道碑至大戊申仁
 宗養德東宮公首被簡拔授以直郎太子文學是吾鄉舊聞
 往往見於是記誠足寶也惟天錫真蹟自芝山錄副後不知
 流傳何所趙素門跋即言原文閒有字體草草未能識者芝
 山僅據墨蹟不可不闕疑淥飲跋亦謂得素門贈本訪芝山
 借真蹟不得但借得其手鈔副本本校勘趙本云云此則校錄
 之餘想望原墨余所引為深憾者也己未仲夏月三十日庚
 戌丹徒陳慶年跋於傳經樓

味水軒日記
卷八

吳興劉氏
嘉業堂刊

味水軒日記起萬厯己酉正月終丙辰十二月凡八年
釐為八卷其間所紀繙閱書畫評騰翰墨十居八九而
時事異聞奇物酒筵花鳥寄情觸目者附之所絕不涉
入者月旦雌黃陞除寵辱種種俗慮亦可仰見先大夫
篤嗜之曠懷卓品之一二矣不孝肇亨謹述

味序



味水軒日記卷一

嘉業堂叢書

明秀水李日華著

萬曆三十七年己酉歲正月一日平日西南風晴朗晚

益和

二日

三日晚微風

四日大風戴升之來云有倪雲林竹窗圖趙榮祿書四
段邀余往觀

五日陸開田持示黃子久員嶠秋雲圖用筆工秀真妙
品也自題云蓬山半為白雲遮瓊樹都成綺樹華聞
說至人求道遠丹砂原不在天涯余臨李思訓此圖

味一

嘉業堂叢書

已二十餘年矣今日偶爾簡出清容先生見之歎賞
不已豈亦有嗜痴之癖耶并賦短句為贈天祿二年
八月十日大癡學人黃公望記 又文衡山題云李
侯點筆元無敵子久摹神更有華紅樹白雲千嶂合
山翁已過碧溪涯思訓原本雖未之見而得見子久
摹本未必子久後之也賞鑒者須珍重之當倍於他
作矣嘉靖庚寅文徵明識

六日盛頤玉來云白苾莊後圃有梅大如拱柱者蓓蕾
千餘邀余往看余因舉林君復日賣一梅故事謂頤
玉曰凡花皆可云賣云買惟梅不可但當云聘梅嫁
梅耳頤玉曰君豈欲強委禽乎行為治膏沐矣相與

大笑而去

七日過沈純甫先生齋頭率兒子執業

八日沈晴峯先生見過談老子元化之旨甚伏□□君
采解註為不可及晚雪

九日雪意未已

十日晴盛頤玉以小盆梅貽我露根偃幹疎花數點極
有古態午後盛德潛吳仙臺戴康侯張嘉林小集仙
臺談中原舊游為之悵然

十一日

十二日玉臺山有萬年冰者乃深岩積凍之處大暑不
消者也衲僧五六十人結茅于此有僧名如滿者為

味一

二

眾出山募米未就誓不以粒米沾唇朝暮止食菜葉
須到山與眾同飯人因號為菜和尚至是以一冊求
題為作二段話先題者董太史思白陳徵君仲醇吾
鄉包襲明沈汝訥王季常三孝廉

十三日為沈天生圖扇用王叔明筆法系以一絕云車
馬風塵屬壯時得閒今不恨閒遲泉光雲影虛亭畔
定不將人染鬢絲

十四日夏賈持文衡山古木寒泉圖來看老幹霜根甚
有生氣

十五日過戴升之齋中閱所謂倪雲林竹窗圖者非真
趙榮祿書四段良是旬日晴煦小盆水仙梅花盛開

香氣鬱淳終日在氲磨中有招者俱不赴不欲虛此清供也

十六日客有持趙丹林山水筆意仿北苑柯丹邱竹石驗俱可疑

十七日

十八日連晴天氣乍暖城南真如寺忽傳有倒挂塔影士女游觀者駢集凡塔影必倒蓋空中光氣非一塔既兀峙光中攝影影中流光顛倒顯露非凡目可究也

十九日暮得小雨甚快

二十日復霽晚仍晦

味一

二十一日晴出問徐德夫疾

二十二日晚陰 五更風雨甚壯

二十三日晴

二十四日

二十五日李如垣陸三孺兄弟小集如垣從閩回具言泛海遇風脫險事甚可震駭又言是月十八日黃昏時海鹽半路平野中忽起軍馬之聲振空人皆出視天作黃色空中見有人馬旗幟無數但不見其足一片南去人因追逐之直至縣入北門出南門沒于海中萬目並見令君亦登城望之云得于錢紫芝口說錢半路人也如垣又云去歲江右有士夫費堯年者

前宦浙臬家食數年矣忽一日端坐化去良久復甦云有數輩走卒來請將便擁去所歷異境非一至一處有吏人呵卒曰此是何地而令生人露目乎因以一紗套套之外又加皮套即漆然無見如行昏黑中耳畔備聞諸禽獸與人類呼號慘楚之聲意是地獄及至一院卒爲去套備章服肅進云此第六殿王也費仰視乃故南祭酒馮具區先生降與費相慰藉如平生云召公無他乃上帝前缺一掌判故舉公補職耳此美任乃人所不易得者費求歸與妻子別馮曰亦可但上帝限嚴止可八日耳因呼卒仍前用套套身與去至家得甦日夜辨後事八日果歿云此得之

味一

金午川午川遊江右故也

二十六日未申間大風會葬賀伯闈太夫人至批驗所

東夜與沈子廣屠元卿小坐雨滴階

二十七日陰寒晚作雪霰

二十八日寒晦雪霰午後風甚厲

二十九日晴猶寒

二月一日雪霰甚寒

二日陰寒

三日晴

四日赴盛頤玉招至白苾莊後圃梅盛開紛如積雪五六年來所僅見也

五日集陸閒田齋中嘗河豚坐中一客云屠冲陽大夫園有木本菊高五六尺亦世之罕物

六日

七日小雨

八日小霽蘇人持太倉王昇州家所刻褚令哀冊甚佳後有陳深跋

九日潘兌部麓泉公書來問余餘灌灌餘其樂何如潘與余同為開封屬令同分癸卯鄉試同被總河檄開黃家口河盤桓最久每公事疲勞後談白苾莊居有餘灌堂以讀書暇即負甕出後圃圃中又有灌餘亭以灌久即復小憩讀書故潘柬及之

味一

五

十日小雨嘉樹堂玉蘭吐白

十一日雨中與潘兌部麓泉吳山人仙臺同泛駕湖遊王杞縣別業登煙雨樓抵暮乃歸

十二日雨市儈持柯九思雲石軒小景來索值甚高然非真者

十三日晴平湖張光祿吉庵求余女肇淑字次子翌寔主盟者伯兄養白也

十四日寒雨竟日

十五日晴

十六日同養白兄賀伯闈高永仁陳孟嘗集徐德夫蕪葭湄園

十七日陰晦庭樹鳥聲極多鈞聒可聽

十八日晴

十九日

二十日

二十一日雨盛德潛以沈石田仿倪元鎮小景歸余

二十二日雨欲霽風甚壯市儈持假黃子久畫示余乃臨本也紙色慘惡中見此老磅礴氣百分之一款題為如泉相公畫如泉者高太史季迪號也

二十三日晴

二十四日方巢雲以古玉冠一官窻香爐一紫檀芝朶擊子一歸余 夜集諸客客言撫浙甘中丞患對口

味一

六

瘡一客云此瘡用白茄蒂七枚去梗加何首烏等分河水煎服無不愈者

二十五日戴升之項于王沈傳林邱元禮四孝廉小集入暮雨

二十六日雨

二十七日霽

二十八日雨奉家君率婦子掃祭于先塋雨甚僅成禮而返

二十九日晴午後奉家君往石佛寺禪室

三月一日就石佛寺禪堂延衲子允冲等七員禮懺薦先妣

二日余暫回東風甚厲余以郡公夙有仁文講道之約誓回講約原本于甘公紫庭適

于是月捐館因撤講

三日余復同兒子往石佛是夜作瑜珈施食法至三鼓方息

四日在允冲房禺中方起諸比丘乞詩畫者趾相錯矣因爲解如冲如二小師繪扇二握一作米山題云二米已涅槃我今正說法解如心孔靈臨流見津筏助我宣密義且莫去行脚蓋解如善畫且將有五臺之行也一題云道人一喝具三乘十二分教吾一點墨亦攝山河大地此關捩彼此互操且試與冲如上人參之又作送解如游五臺詩一首古木野航圖一幅

味一

七

贈慈航上人又作同允冲上人聽竹一絕句云風中修竹一百箇日夜敲成環珮聲賴得禪心如濕絮隔牆能不動纖塵其他草草口占應去者不復記飯後解維抵家未暮五更雨

五日晴

六日晴暖始揉泥口松子

七日出甲夏海峯屠熙春夏以鄉雋爲武城令性嗜酒屠孝廉念慈父也亦嗜酒與夏爲高陽之游良厚二月中夏方夜飲就枕即脫去明日人以告屠屠甚嗟異即拉友葛漢山者與其子孝廉同載往禔之一路嗟憤歎失良友不已屠所居去夏約二里將抵岸屠

忽不語傾倚漢山懷次漢山撼之便不能轉側即返棹救療已絕氣矣二君平日放浪杯竿頗不以世故自縛其去亦爾儻然但方行弔不及視含斂而接踵以逝人命脆促所謂骷髏歎骷髏智者可不深省耶

八日晴

九日閱邸報二月十日壬戌夜四更候得白氣經天闊二尺如白布穿過氏宿太微垣北河星井宿巽位至乾位良久乃滅占云白雲氣經天下有拔城大戰入氏宿天下疫入太微垣主兵起入北河星邊兵動入井宿大雨水又爲胡王死真如寺僧道耕號牧隱者詩僧定湖之法孫也以詩來謁且求定湖詩集敘

味一

八

十日吳觀察本如以紫柏語錄還余又抄未刻者二種寄予大抵與本如及趙虔所吏部所談居多其旨灑灑真百斛甘露也

十一日姻家張吉庵來行允吉禮

十二日謁宋明府

十三日余初度辰也亨兒書室中小盆菖蒲忽見花五六穗如水蓼之狀而蒼碧色其花蒙茸然余嘗詠唐人詩云菖蒲花發五雲高而未嘗見花應劭風俗通以爲菖蒲花難得見人得食之長年而適與子誕辰會亦奇矣余敢不勉自保齋以副此嘉徵因令兒子作菖蒲花賦暮小雨

十四日齋嘗虎邱新芽

十五日大雨

十六日霽陳白石持祝京兆書東坡後赤壁賦草法蕭軟驗非真者

十七日沈茂真先生來談竟日兒子書室前石池大葉菖蒲乃前歲午日戲插水中者至是亦花觀唐人又有句云菖蒲花開月常滿味其語意亦是難得見之說也

十八日圖扇二握一用米法一用子久法又作觀音大士像贊一首

十九日穀雨風雨竟日夜感寒疾

味一

九

二十日

二十一日晴

二十二日疾小閒

二十三日

二十四日雨

二十五日

二十六日大風

二十七日惠山載水人回得新泉二十餘甕前五日昭慶雲山老僧寄余火前新芽一瓶至是開試色香味俱絕

二十八日

二十九日身猶未快延醫診脈言余氣分素歉心神亦過勞大約作文為祟也每欲焚筆枯坐野寺中以絕遊轍竟以俯仰故不能也

三十日購得古端大硯長一尺二寸闊六寸五分高三寸平面枵背作覆洞形墨池陂陁漸斗右角二活眼為雲透月狀中峙一犀回顧制極雅朴周遭墨秀殊班光采豔發以方于魯第一煤試之三四動腕而濃瀉潏然矣偶陽羨人以精芥四十銖見歸急煨泉潑茗且摩挲硯石而嘆之不覺微痾脫去大叫奇絕而罷

四月一日

味一

十

二日出拜客陸三孺持舊人團扇圖三幅來示一作梅花仕女者頗精細

三日飲沈甥家壁間陳沱江小景草草逸筆頗好

四日立夏

五日

六日大雷雨昭慶寺僧雲如送茶至

七日齋

八日

九日大風

十日大雨客持趙子昂蘭竹一軸唐伯虎山樓望瀑圖俱非真者陳白石以海虞榆庵徐君元懋所著古今

印史抄本歸余云姚禹門先生遺物也

十一日雨

十二日奉家君同至許太微莊赴藥師琉璃光如來佛會主法者天台國清寺僧了萍者也許乃觀察鴻川公子家有釋道二藏蓋巨室之好脩者

十三日雨竟日

十四日雨竟日天氣如秋

十五日大雨傷麥

十六日雨赴沈振羽招夜集坐有客譚四方詭異事甚資嗚噓

十七日雨

味一

十二

十八日雨海上警哨昌國衛有倭船三隻官軍衝擊傷

一把總海鹽縣戒嚴城守參將移兵駐洋山 晚同

養白兄至平湖

十九日大雨會葬項元池夫人于平湖城南晚回家

二十日雨霽姑蘇陸衡甫駿介沈子廣來謁所贊王雅宜行書單幅二詩古雅勁秀似獻之章草又示斷紋

琴金玉徽軫與錦囊流蘇燁然照目鼓之亦常聲斷

紋浮起非真品也 祝枝山草書杜陵秋興良雄快

可喜

二十一日

二十二日飲馬太守家

二十三日夏賈持梅道人竹石一紙題云有客抱琴來

爲我彈雲和曲終抱琴去瀟灑當如何至正十年中

用小印庚寅二字秋八月 又文衡山粗筆仿黃大

癡題爲南屏薛君作

二十四日夏賈以陝搨九成宮質斛米去

二十五日風甚壯

二十六日治杭行晚泊北麗橋

二十七日晚泊崇德雨甚兩涯比戶皆綠絲聲夜三鼓有行劫者

二十八日陰雲開朗忽雨忽晴今夏水多山谿泛溢石

橋稍低者舫不能進因別覓小艇運至松毛場煙波

味一

十三

蔚薈一葉眇然甚有佳趣夏將半矣晝必複襖夜必

絮衾未嘗有一日張蓋揮箑亦異數也晚至雲山僧

房

二十九日雲日舒斂弄晴閣雨氣候不定張禹玉示扇

頭釋子智舷號秋潭所作新柳詩有夜雨尙憐勝不

得春風只管舞教頻之句因爲作新柳圖以益其態

五月一日霽

二日曹介人來訪華亭孝廉而隱西湖之上者以所校

畸人十論見貽

三日雨晚霽

四日張雲臺大參招飲湖舫觀競渡士女填咽所謂一

國若狂者也

五日

六日訪曹介人坐垂露亭良久而別俄遇陳良卿相與閱市購得羅長源路史全帙十六本汪然巨觀較歷代小史所刻者刪削不啻十之七矣

七日赴黃貞父招集靈隱之松隱房與周太學本因温太史員嶠坐澗心橋俯聽流泉談諧竟暮而別

八日訪馮長離不過過徐山人出觀南溇葉客所攜韓幹畫照夜白有米芾題字及危太樸以下諸跋佳品也黃子久九峯雪霽圖不真雨不止晚霽

九日武林沈無回孝廉來訪周本因以手臨王內史王

味一

七

潤帖孫虔禮草書孝經來示并索題徐生見示王叔明秋山草堂圖山樹點擦重複澹極類范寬馮生率徵客二人來以李息齋久雨竹一幅見示枝葉堆墮頗盡濕重之態又梅道人竹石非真石田刷絲枯筆小景下作漁艇柳枝極有氣韻文五峯攝山煙雨圖題為懋文先生贈上則雲湧峯尖下則煙籠沙渚亦一段瀟湘也

十日

十一日

十二日訪高瑞南子麟南出其所藏郭忠恕復寫摩詰輞川圖上有內合同印元人袁稱跋又有廬陵李珣

字元暉者敘述本末云是忠恕奉江南李後主命復

寫者卷長三丈樹石極精微山有勾斫畧用筆滃澹

所謂松針石脈別有異趣余所見盧鴻草堂圖王右

丞江山雪霽卷可與此鼎立麟南又出宋書小簡三

段舊畫冊三本俱不足觀午後赴姚元素給諫招飲

湖舫與黃貞父同坐風雨暝晦湖波洶洶滋有奇趣

十三日赴王懷我招飲湖上小樓得句云樓當山好處

人在醉醒時馮生持示倪雲林小景上題云寫於王

雲浦漁莊為張子宜所藏系一詩曰江城風雨歇筆

硯晚生涼囊櫜未埋沒悲歌何慨慷秋山翠冉冉湖

水玉汪汪珍重張高士間披對石牀

味一

七

十四日霽為沈無回孝廉圖一便面

十五日兒子入試科舉首題德潤身次題得見有恆合

下節經題昊天日旦及爾游衍

十六日同伯兄養白內兄沈翠水亭兒入山余與兒子

先走龍井聽四水泉聲清聒可喜翠水走天竺午皆

會于法相寺主僧納雲不在其孫淨因白皙肥腴詠

諱善酒治具頗潔足佐半日之歡

十七日閱市晚過販珠者葉賈樓寓見壁間郭忠恕溪

山樓閣單幅筆意明秀綠色沈古真迹也又石懸磬

一架長二尺五寸高五寸厚寸餘有腹背廉鏘形如

懸鯉色青綠相雜叩之含宏清遠在宮商之間云成

國公家物昔余在潯董獻可謂余曰潯有柳匡廬別
駕者世廟初人性耽古善鑿一旦踟躕山下遇沙路
下鏗然有聲知有伏石發之得磬材昇歸以爲寶豈
卽此是耶抑其類耶考石鐘山記稱彭蠡之濱拾片
石叩之無不成鐘鼓音者不獨泗濱之浮玉也然當
其埋沒則佳響消沈一遇奇人搜剔遂爲華屋錦屏
之侑摩挲夏擊不能自己流傳之餘尙獲上價士之
遇不遇何以異是耶爲之三歎

十八日治歸裝從松毛場登舟夜泊北關

十九日泊宿石門

二十日禺中抵家

味一

二十一日雨

二十二日雨夏買持思白小畫一幀筆意學巨然上系

一絕云拈筆經營輞口居心知習氣未能除莫將枕

漱閑家具又入中山篋裏書此老平生跌宕憂謾畏

譏如此然世波雖險以高流衝之適增千古奇觀耳

二十三日雨小霽作文壽項又新母陸孺人又新子京

先生第三子善竹枝寫生余書畫友也

二十四日晴杜夏卿來談海中有寇以隳幢爲家長數

十丈闕十餘丈外裏牛革三重內有磚壁列屋以居

隨潮漂泊擁眾萬餘人遇島可耕耕之已復縱出劫

掠爲首者號沈碧峯甯波人也黃服金冠頗僭服御

崇明沙金山衛九圍等處歲有侵犯今歲四月初旬
海警卽此賊也不治恐貽大患又言遼陽事口口三
衛合精騎十五萬洵洵思南牧可懼朝臣無一人慮
及方構訐相攻如閭巷小兒詬啐此何等時也而容
處堂輩啁啾耶夏卿平生喜談兵今年七十六矣猶
耿耿如此

二十五日

二十六日晴

二十七日亨兒錄科舉將應秋試余爲料理三場之業

從此讀史功稍減輟矣

二十八日

味一

二十九日

六月一日拜家君壽

二日姑蘇陸衡甫來攜其尊人陸廬峯先生書寄余陳

白陽草書一幅初搨停雲帖一部

三日

四日招衡甫示余王孟端山居樂志圖筆法頗沈鬱仿

董元又碧玉簪一頗澄瑩玉珉一有血侵

五日客持趙子昂黃庭換鶯圖卷來質錢所作右軍神

情灑落意象欲語奇品也後綴宋搨黃庭一張子昂

臨本一張跋云余內人得古搨黃庭經請余作圖又

自臨一過江陰黃琳美之家物也有張伯雨題字

六日

七日往石佛住守謙德公房大雨

八日雨稍霽酉刻有虹經天彩色鮮明異常

九日熊郡丞平宇以賑饑至寺中顧余余以野服辭不

獲遂與相見因覓村酒雜坐適寺有廢閣基先年為

人強祠其中因為寺作楚余稍為調停之且謀復閣

奉大藏其上寺僧歡然乞余文行募

十日老僧慈航贈余詩云山花發淺紅林竹森寒碧脩

然北窗下避暑來佳客雲光落茗杯清風展書帙問

余住山年一笑指蘿石幽淡有味亦一時實錄也

十一日晴初聞蟬

味一

七

十二日

十三日集萬竹房

十四日五鼓解維抵家日三竿矣午赴項又新招熱甚

十五日

十六日

十七日復至石佛

十八日熱甚

十九日熱甚

二十日熱甚老僧道光示沈石田青綠山水一幀上題

云山影倒波碧松陰匝地青獨行向何處西舍勤茶

經錫山僧解如貽余古畫一軸絹素沈黑不辨何人

作然筆法類洪谷子

二十一日戲于石橋上學釣因作天下第一釣者圖以

寓意系一絕云淺渚平灘水漫澌尋常漁父盡能知

孤臺迴出雲霄上獨有先生百尺絲主僧德公乞留

山房夜二鼓大雨

二十二日稍涼

二十三日

二十四日回家盆蘭已盛作花白蓮亦挺二葉矣

二十五日涼甚

二十六日

二十七日拜夏靖原靖原以閩興化郡丞回里劇談閩

味一

六

物以江瑤柱為首 閩邸報今年四月十日山東濟

南歷城縣舉人王啟亨莊上產黃牛一雙頭三眼兩

鼻兩嘴四足一尾本月十七日青州東苑縣民人程

尙勤家產牛雙頭并連一處四眼三耳兩鼻兩口四

足一尾至二十四日死存其皮查史晉元帝建武元

年七月彗成帝咸和二年五月皆有之是時南北分

主中原紛擾景象可知也不意聖明乃觀此耶

二十八日

二十九日

三十日連日俱大東南風

七月一日徐潤卿來談蜀道山川云峨嵋六月始開凍

七月下旬卽又飛雪西望雪嶺連亘如粉堆日光照
曜蓋萬古不消之雪也暑中間此不覺起慄

二日

三日復往石佛久晴水縮一路桔槔

四日解如出觀石田畫冊十葉亦摹本之小有意者守
謙出項少岳先生四絕句行草清道亦吾郡先輩之
楚楚者夜大雨震電五鼓方止

五日午後仍大雨

六日回家暮亦小雨

七日齋乍涼夜臥冷簟小不快客持宋張擇端文友清
明上河圖見示有徽宗御書清明上河圖五字清勁

味一

九

骨立如褚法印蓋小璽絹素沈古頗多斷裂前段先
作沙柳遠山縹緲多致一牧童騎牛弄笛近村茅屋
竹籬漸入街市水則舳舻帆檣陸則車騎人物列肆
競技老少嬉醜百態畢出矣卷末細書臣張擇端畫
織文綾上御書一詩云我愛張文友新圖妙入神尺
縑該眾藝采筆盡黎民始事青春蚤成年白首新古
今披閱此如在上河春又書賜錢貴如印內府寶圖
方長印另一粉箋貞元元年月正上日蘇舜舉賦一
長歌圖記眉山蘇氏又大德戊戌春三月刻源戴表
元一跋又一古紙李冠李巍賦二詩最後天順六年
二月大梁邱璿文璣作一畫記指陳畫中景物極詳

又有水村道人及陸氏五美堂圖書二印章知其曾
入陸全卿尙書笥中也後又有長沙何貞立印又余
姻友沈鳳翔超宗二印記超宗化去五六年矣其遺
物散落殆盡此卷適觸余悲緒耿耿也清明上河圖
臨本余在京師見有三本景物布置俱各不同而俱
有意態當是道君時奉旨令院中皆自出意作圖進
御而以擇端本爲最供內藏耳又余昔聞分宜相柄
國需此卷甚急而此卷在全卿家全卿已捐館夫人
雅珍祕之諸子不得擅窺至縫置繡枕中坐臥必偕
無能啟者有甥王姓者善繪性巧又善事夫人從容
借閱夫人不得已爲一發藏又不欲人有臨本每一

味一

十

出必屏去筆視令王生坐小閣中靜默觀之暮輒厭
意而去如此往來兩三月凡十數番閱而王生歸輒
寫其腹記卽有成卷都御史王忬迎分宜旨懸厚價
購此圖王生以臨本售八百金御史不知遽以獻分
宜喜甚發裝潢匠湯姓者易其標識湯驗其贗索賄
四十金于王爲隱其故王不信恡子因洗刷露其新
偽嚴大噉王因中之法致有東市之慘夫王固功名
草草之士宜不具鑒分宜少頗淹雅晚年富貴已極
搜閱甚多宜一見了了而王生之僞必藉老匠以發
則臨本之工亦非泛泛者今臨本不知何在而真獨
出亦有數存乎其間耶夫書繪本大雅之玩而溺者

至以此傾人之生語者至以此媒身之禍豈清珍之品本非勢利波所得借資者耶所謂衛懿公之鶴不如稽阮之酒觀此則有癖古之嗜者不當復媒榮應而都顯倨者亦可推此以遜寒士矣王生號振齊亦因此構仇怨庾死獄中或云真本為衛元卿所得元卿續獻之嚴偽本乃敗未知的據

八日連服補中益氣湯甚快客來言常熟人有陳龍川者晝夜能行七百里飯必斗米飲或數瓊駕空騎氣可越江湖昔年袁了凡好奇嘗一交之亦曾見馮具區先生今二老繼歿棲棲旅食竟無識者夫以如此蹻健不置之寒垣絕微令有所樹豈祿食在位者盡

味一

三

塗目塞耳耶以區區粗能顯著若是猶無援以老矧機略蘊寸靈經術在深抱者又何煩歎不遇也

九日見文衡山洞庭兩山圖青綠入細在伯駒子昂之閒周公取楷書王震澤先生賦一首戴文進溪山清隱仿子久粗筆亦疎爽

十口客懷姓者持蘇書表忠觀碑來觀驗係鈎填之佳者魯公畫沙之錐季海奔泉之驥隱隱俱見乃項子京舊物也

十一日今年六月十七日夜月蝕臺官失察有檢舉疏不之罪也

十二日

十三日

十四日

十五日夏買以端硯質米色澹澹如遠陂春水叩之頗有清音

十六日汎舟往杭夜泊崇德

十七日申刻至昭慶雲山房

十八日小雨俄霽樓居甚涼

十九日茅買以粟留錐筆十一支見歸頗堪揮運

二十日購得楊南峯逸稿十種內金邊二小史余十五

六時見之吳閩一友家覓之三十年今始得之快甚

二十一日

味一

三

二十二日海上僧量虛來以普陀茶一裹貽余余遣僮棹舟往湖心亭挹水之清澈者得三缶滄之良佳僧云普陀產茶不十數斤此手焙者尤難得余名之曰觀音靈芽余因訊量虛今年四月閒倭警量虛曰此六帆大船海商也欲往大唐街者大唐街在漳州對岸大洋中風順二十日可到地介日本琉球大西天小西天諸島之閒故華夷之商皆在焉自我浙備嚴此處容奸尤眾然控御得法不激不疎自可無事夏閒詞報實我兵挾漁船行剽致彼有犯耳

二十三日復熱流汗不已而東林仙客名芝言見虞伯施真蹟大畧與信本相類極恬和之妙世傳宋榻廟

堂碑皆惡濁不足觀

二十四日熱甚同項于藩訪陸伯承比部于大佛寺伯承作樓新成當湖山一曲最爲幽勝余扁之曰倚醉伯承又自作三笑傳大抵皆感憤之言然文采湧溢情理條然亦近代能言所絕少者

二十五日

二十六日廣陵薛青萍名維堦郭明時名三城者來拜索書扇去

二十七日臧願渚來願談近日所刻異書有夢游仙游二錄非詞非傳奇乃警媼彈琵琶調也而有深致相傳爲楊廉夫避地江南時所作尙有俠遊錄未見願

味一

渚又言我明事事俱落古人後其超絕者茶酒墨與打棗歌而已又言貂鼠毫作筆極圓轉右軍所用者此也暮飲陸伯承倚醉樓

二十八日稍涼龍井人送至小春茶二斤遣僮負罌罌至瑪瑙寺後披草汲葛洪洗丹池水點試良芬烈時下浙瀝小雨

二十九日大風雨

八月一日霽仍熱

二日熱甚拏舟往淨慈訪馬茂才天城及元津衲子因汲龍王堂水三缶歸西湖水本兩山諸泉會納味極甘美又有水關去故留新各處水泉應無讓者特爲

酒舫長篙攬激與取草船所瀾不能無塵沙浮汎耳龍王堂當三橋乃六橋之中水稍深而不當歌舞之衝故得全其美焉凡泉在山下出源者寒冽而薄其會流凝蓄者醇和而粹美南冷泉在江心中蓄納千里之精所以最妙也

三日晨有霧霧醒熱甚如三伏時方巢雲以泉帖見示余定是湖莊

四日熱甚巢雲又持祝京兆草書象戲卷來筆法學旭素似徐天全天全京兆外王父也幼時草法從此而進

五日得小雨熱略解脫雷雨益壯

味一

六日霽稍涼

七日雨時作時止天氣頗涼購得萬麻初窰真言字茶杯二隻甚精雅可玩近善鄣國告蘇摩羅青已竭而景德鎮匠手率偷薄苟且燒造雖繁恐難復觀此矣然近日建窰造白器物日以精良豈人事搏坑之工亦隨造物轉移耶 申刻雷震破昭慶寺鐘樓左柱

八日雨如注不歇

九日雨如注不歇

十日亨兒從小寓回知舉舍中水深三尺士子踟躕水及譬監卒日夜立水中不得動腓皆白腐父老咸謂目所未睹也首題誰能出不由戶一節次果能此道

矣一節三物皆然心為甚毛詩首題正是國人胡不
萬年次或哲或謀或肅或又三秉心宣猷考慎其相
四日靖四方 方巢雲持示水銀古鏡一大圍三寸
定武肥本蘭亭趙子昂作圖又臨蹟一紙有柯九思
王弼州跋非真

十一日雲日弄晴時有浙瀝

十二日晴霽二場論題大舜善與人同表題上命黃淮
楊士奇擇古今名臣直言書錄成刊印賜皇太子太
孫及諸大臣謝表 寧波李子年者名德豐豐南禺
之甥諸生也同杭人孫道華者來訪余自言曾見宋
徽宗水墨山水甚精細學巨然又云傳得豐氏物白

味一

五

樂天杜子美真蹟近又購得顧凱之三士醉歸圖筆
法如春蠶吐絲著色甚淡又云曾於馮具區先生之
僕購得夏圭畫一幅乃白宋箋用墨微妙與世所傳
絕異子年語氣自負精鑒不羣又云高瑞南家郭忠
恕輞川圖不真

十三日湖人朱錦環來持示東坡墨竹一幅黃箋紙有
藍花邊題云勁節干雲霄何憚嚴冬雪竹莖淡墨一
筆至稍濃筆作節葉止五六片有雪堂逸士印 又
朱淑貞書璇璣詩錢舜舉作蘇若蘭像翰林學士魏
舒刺史章之彥同觀于清華堂題字 又陸天游佳
山詩友圖為其友顧汝民作筆法在曹雲西徐幼文

開天游名行直洪武中以翰林典籍致仕吳江汾湖
人也 又徐承之畫鶴大如拳風格灑然有生氣
十四日

十五日策題一問聖學儲學二問經史三問氣節四問
名實五問士民

十六日遇徽友吳歷山出觀李伯時臨韓幹馬有曾公
卷跋俱絹素未的確一文王方鼎樣亦稍闊欠雅
沈石田仿吳仲圭長卷筆墨縱橫變化不測真絕品
也後有題識乃為其友字存道者所作末云存道跳
躍稱譽不已然不知仲圭染法從董巨深妙中來豈
易到也蓋沈翁服膺梅老如此此其所以擅脫胎之

味一

五

妙乎 又過杭友邵雲岩出觀文王方鼎一良勝歷
山者倭水晶伏鹿筆格一成化密水醴一朱色甚鮮
今不可復造矣王叔明樂山圖一軸淺絳著色良真
倪元鎮山水小卷一筆墨亦纖秀上有秋水芙蓉四
字印篆法極雅然非真蹟 又過朱錦環觀其所蓄
哥窰筆洗一沈速香山一座高五尺倪雲林小景一
幅著色布景極奇上作大山一堵屈曲溜泉成川下
作重林複屋低橋矮柳種種掩映題云高元素幽居
為王仲和所得疎林脩竹極隱處之妙每一寓止輒
三四年暇日聊寫其致夫元鎮潔癖難近噴嗟易處
而仲和之居乃能留之三四年而不厭去計仲和亦

必一勝流也宜其作越格之畫以寵之矣此畫全學李營邱無一筆作平日荒率之意始知古人不可定格求要是所見未廣橫局夏蟲之識爲深可歎耳又過徽友吳與陽甥施姓者出觀與陽所藏東坡竹石竹作捲葉如就枯者石作坡陀止飛白二筆而神韻超逸後有黃庭堅米元章蔡端明題句驗蔡係偽作強附之者又趙子昂洗馬圖白宋箋秃筆草率而成有天眞爛熳之趣自題古風一首書法類大令章草古澹雄渾亦秃筆所就也鮮于伯機一絕句書法用汝南公主碑有清森閣印記乃何元朗家物也董思白跋數字較量子昂伯機以爲伯機宣耀精采

味一

不無矜束而趙獨以氣吞之亦是妙論但余細繹視之亦由趙用秃筆不得不全渾璞鮮于用銳穎自然莊栗耳思白此跋學懷素渴絲勁鐵縈轉多奇亦其傑耳

十七日治裝歸家以餘杭南湖水溢松毛場一帶俱洪流用小舟礪運遇低橋帖身仰面而過至觀音橋始登雪舫晚泊唐樓三更乘月行曙達崇德

十八日酉刻抵家舟經菜花涇同曹允大及亨兒觀晚霞倏忽變幻備極奇麗五色中金葉紛敷亦所罕觀者

十九日

二十日晴朗謝客不出灑掃齋屋竟日秋蘭歇後又開五六莠甚芳馥

二十一日閱邸報五月二十四日夜漏二更福建省城洪水入城門湧至屋簷候代撫臣徐學聚登屋僅以身免至明水勢方平流尸遍地

二十二日沈甥大詹以舟迎余往長溪祖宅檢先世遺書自觀察石雲公大參寬川公編修凡軒公所積與太學超宗君所續得不下八萬餘卷散落泡爛十之四五若金石繪事秘玩種種悉入胠篋手無子遺矣爲之三歎夜宿雪舫

二十三日午刻檢書完二鼓抵家

味一

二十四日

二十五日

二十六日陰晦小雨天氣蒸氳如五月時

二十七日雨時作時止

二十八日小雨

二十九日晴浙榜開所錄大率老成宿士亨兒雖委羽余甚喜嘗見學業未成而蚤捷者往往不克有終父兄之教亦不能行經此折挫可與深圖學問矣閱邸報薊鎮軍餉上半年闕三十七萬有奇太倉已罄請發內帑不報

三十日雷雨亨兒從杭回攜來曹介人丙丁雜佩一編

內極有砥時之語

九月一日晴明

二日俞生持趙文敏行書秋聲賦來觀有朱文石收藏跋然紙色黯漆墨法枯悴贗本也

三日楞嚴寺大佛開光郡諸老皆集佛像融銅二萬斤既成坐稍偏眾議移正應搭高架索緬用百夫之力有西城人蔣少川者有巧思令匠鑿去座下石像卽玲瓏透活又運石支左右以防傾壓然後用兩壯士以鐵挺撥正之所省費多矣蔣向遊項子京門下脩古琴破硯古鼎彝之屬民然無痕實一時絕技

四日小雨俄霽徐賈以趙善長破窗風雨圖來參閱余

味一

三

疑其稍薄未真趙自題一詩云一室蕭然誰與同清如獨鶴寄樊籠詩成春草池塘上夢繞玉堂雲霧中花氣每隨嵐氣入書聲時與竹聲通從容更覺新晴好臥看東窗日影紅又樵李有沈廷珪字德璋江漢字朝宗二人題句皆吾郡先民也

五日夏老持南宋院畫山水卷來示筆法清勁林木蕭疎沙嶼顯遠極力追步營邱其石雖用勾斫而著色分合閒露出石稜亦奇作也或謂劉松年筆未審是否 午過馮權奇齋頭出歐陽文忠公像瞻禮白哲圓面遠頤短鬚兩目炯然上視如有思者英靈人也 有吳苑庵公贊語

六日清河橋小庵中有僧號正宗者沐浴更衣坐化觀

者如者 閱邸報六月二十三日山西繁峙縣民李

宜妻牛氏一產二女面首相連一女一眼一耳四齒

手足全一女一眼一耳四齒一手兩足 盛草汀以

張貞居行草書一幀見示乃自書其詩詩曰寒食今

年二月晦又分新火入廚煙碧桃花落間誰掃白芷

衣輕老自便發篋但餘金薤墨老年政在玉堂編大

書絕類顏光祿小字駸駸逼墓田此詩追和蘇長公

題真迹後仍用首句而記句曲外史印記

七日候謁周幼華兵憲郡中諸老咸集坐有宦閩廣者

因談海事海中諸島國無數大畧喜市易廣則香山

味一

三

澳閩則海澄縣日本則大唐街皆諸夷貿易通處也

近有呂宋國人引致紅毛番入東海市易其人紅髮

黑臉脚板長二尺餘本羅刹種也國于西北陞胡虜

戎夷無不畏之海中爲大山限隔東西不通近乃造

船于山石下潛渡凡行暗處七晝夜而後出就明處

其船甚長大可載千人皆作夾板皮革束之帆幟闊

大遇諸國船以帆捲之人舟無脫者橫行海中有窺

據日本之意蓋十來年事而近又稍急矣 岳之律

云利瑪竇乃香山澳主所遣以偵探中朝者爲近日

有掃除香山澳之議故也澳中有寺瑪竇曾爲寺中

僧

八日會秀水史明府云今年初場日青田麗水二縣大水縣堂亦三四尺福建省城亦大水不能入試改十
二日初場十五日二場十七日三場

九日陰晦暮有疏雨家君足疾未愈余足亦以夜出省疾爲庭中支屏黃石所罣傷遂罷登高之會

十日作石佛寺重建藏經閣募文從僧謚公請也

十一日雨

十二日雨出拜熊郡丞

十三日晴

十四日晴稍熱

十五日雨校訂紫柏長松茹退完

味一

三

十六日晴王生持夢英書夫子廟堂記來觀夢英以篆名此書有篆籀氣後跋云此記刻于湖州臨安縣乃知臨安元代本屬湖也

十七日沈翠水以菊七本見貽頗修挺可觀去歲值澇圃者皆抱空蔓對此更覺欣然

十八日

十九日閱邸報陝西鞏昌等處六月十二日子時地震八次傾倒城垣一千一百餘丈倉廩公署民房四百六十餘處摧損邊墩五百七十餘里壓死軍民男婦六百二十餘人

二十日

二十一日

二十二日各持示梅道人山水一幀樹石蒼蔚淋漓綠坡作小竹含雨意 又一卷題爲趙千里臨支仲元四皓圖絹素沈晦細視之老人眉稜顴縐種種具態一仕者執笏迎之二從者持斧鉞豈留侯耶一老據石彈琴一老箕踞負杖而聽一老倚杖回首有不顧之色一老坐松下讀書不輟一童子椎背亦奇作也柯敬仲題云右趙千里臨支仲元商山四皓圖杖屨蕭散意度閑逸千載之下可想見遺風又永樂閒學士王景隸書一跋又行素張輅一長歌中允景陽一跋東橋顧璘一跋

味一

三

二十三日

二十四日

二十五日宴太守立門未公去優戲而以雅談從事公朴茂忠恪自然起人愛敬乃近年仕路所極不易遇者

二十六日家君足疾愈起觀庭菊甚快

二十七日往當湖奠張吉庵夫人

二十八日辰刻至吉庵家一飯而別暮至大六匯奠宗兄奉江夜飲二鼓宿于舟中

二十九日蚤發至東湖登弄珠樓樓頗軒爽前有一塔聳峙左右有水九派湖沙所通俗謂之九龍吐珠故

以名樓蕭明府象林重創增偉麗焉董太史思白題
扁甚莊雅可觀藉抵家夜雨

三十日晴大風

十月朔日大風

二日兵使者郡邑大夫鄉紳博士弟子會講于仁文書院

三日客持文衡山著色小景一幀渲染虛渾用趙文敏家法一古柏一草亭四面竹篠旁有澗流上系一詩曰茗杯書卷意蕭然燈火微明夜不眠竹樹雨收殘月出清華涼影滿窗前 又文五峯溪山飛雪圖一軸凡層累四五段雜樹大小偃仰坡麓錯沓深山雪

味一

畫

中之觀中段石岡上一人張蓋一人披褐一童子以袖蒙頂而皆曳屐其將為袁安之訪乎上段一舟維坡岸一舟行樹抄一翁執蓋坐舫頭其將為山陰之棹乎又上一層作平屋二間青帷素几一客擁書孤坐意態傲兀豈所謂雲隱山房五峯子自寓耶筆法學營邱摩詰較衡老覺多蒼澁之氣大小阮聲價當付千古後人著眼 又祝京兆行草牡丹歌一軸仿李太和福清牡丹詩筆意有元美二字印又琅琊王敬美圖書印又許氏元復印又吳中三讓里居印知其為婁東物也 五峯畫題云隆慶己巳冬十二月至歲終凡八度飛雪時寓雲隱山房漫爾寫此以適

其興

四日

五日同沈翠水過城堙屠氏園中看天目小松松針頗短但少偃蹇之勢圃人習燒鑿細縛之術欲強松使作奇態此如揚州豪家收畜妓女盈室極意翦拂其中不無可悅目者以供仕宦一時之求然而西家處子乃在苾蘿山中非范少伯私行探之不能出也因與翠水訂游天目嶮巖昨嘒窟竅間必有應余者 六日夏買持元人一行卷來凡四幅首絹素趙子昂行草一絕句云籬外涓涓澗水流槿花半照夕陽收欲題名姓知相訪又恐芭蕉不耐秋乃尋隱者不遇題

味一

畫

也 次夔子山一律曰老君臺上涼如水臥看冰輪轉二更大地山河微有影九天風露寂無聲蛟龍並起承金榜鸞鳳雙飛載玉笙不信弱流三萬里此身今夕到蓬瀛味其語乃詠看月詩趙筆姿婉約極得大令法子山雄宕塞垣刁斗耳 次倪迂一柬與寓齋先生者中云得拜德公于牀下又云中吳風流大雅淪落漸盡獨遺執事歸然如魯靈光又云相與話先正之前言往行閱秘篋之珍圖名跡想所謂寓齋者蓋先輩高賢也又云大令嗣要畫幅到家心情未定稍遲納上也又云見惟寅丈乞致謝意蓋陳維寅也又云鶴山書院碑刻冀為留意尋訪一本得五六

日中自攜來尤好歐陽全集亦可攜來周仁卿懷崧樓記玉馬相見間儻其出城道便令其帶出一觀倪老孳孳搜訪古翰形于簡札如此宜其所造日躋高明耶末云諸生倪瓚謹緘稱諸生亦如弟子之意又一柬云儒生陸樞再拜唐律一章謹呈大尹相公伏希台覽聊藉一椽蔽風雨豈期終歲屬貪婪鴟鴞毀室傷幽頰鳩鵲居巢歎召南百里瑤琴絃白晝中宵海月照澄潭今朝幸遇張京兆一洗蒼生恨不甘此似有人奪其居止而訴于令者書法楷正疎朗亦元之佳士

七日

味一

八日霧俄晴徹

九日

十日

十一日移盛頤玉偃松一盆細蒲如蜂螯上挺者一盃

十二日陰

十三日雨

十四日澁雨弄晴徐賈持示文待詔小景一幅筆法類

李晞古黃一峯圓渾中帶蒼老之氣灌木飛泉意氣瀟灑佳作也上題一詩云有客扁舟自陽羨夜堂風雨對高眠不辭談笑成佳會祇覺淹留有宿緣別後交遊如夢裏意中山水落樽前青燈酒醒還生戀明

日相思更渺然後題云己巳八月廿又一日宜興口祖貽過訪適風雨大作留宿家兄雅歌堂飲次爲作小畫并賦此以道契闊之懷兼簡李健齋杭道卿吳克學諸故人聊發百里一笑文壁 又文水青綠大幅學趙千里蒼山白雲長松秀石一老幅巾道服攜二美姬渡平橋尋眞之游上書一詞云翠嶺浮煙畫橋橫木看碧水流芳渡萬疊雲霞逸客擬尋佳趣便命駕往陟東山更攜取雙姬同去任世事覆雨翻雲且笑傲碧岩瑤樹林下徐揮白羽自愛紅顏借酒風流如許賭墅圍碁雙履蒼雲高步響寒濤風送松聲囀嬌音歌傳金縷記年年綠滿羣峰正是公初度

味一

畫法瀟灑脫塵眞仙筆也後題云嘉靖丁未六月景山張君壽登六秩謹寫東山圖并填綺羅香小詞奉祝茂苑文嘉詞味豪爽華逸不減柳耆鄉書法清眞在歐褚之間此公翰墨丹青最稱傑思矣挂齋中素屏夜漏三下猶與兒子烹茶秉燭咀玩不已藝事要須一時神到何必遠索王李荆關耶

十五日晴

十六日從敝人購得陳白陽雲山長卷備極雄快後有碗面大行草書杜工部一律李翰林一絕筆勢如米元章大夫馬賦奇物也夜登雪舫泊宿北津候送熊平字郡丞

十七日饒熊丞于張氏樓舫抵暮方回

十八日家醞竹葉酒初熟清徹甘美夜飲至醉

十九日雨

二十日雨不止

二十一日晴

二十二日閱邸報御史張邦俊上言關中應補諡諸臣內及原任提學副使李夢陽重其文也前代班馬却無此例然考諡法一命俱有諡雖荒厲不廢諡唯處士不及而其私諡出于門人與妻子者上亦不之禁也 午刻饒送史省愚明府至北津夜大雨

二十三日蚤霧蘇州陳叔禎寄示王叔明山居圖款云

味一

三

至正辛丑十月念日為古愚徵君寫山巒雄秀前岡竹樹繁密後浦沙清明媚一老兀坐茅亭飛泉正灑其上一老緩步平橋古松偃仰其側徑路鑿山而紆柴門映竹而敞此幅大經營構來與余所收秋山草堂可稱雙璧 又黃子久方幅一幀闊狹止尺餘而作層山疊樹備極巉岩翳鬱之致翰林朱善一詩云雲山疊疊樹重重聞得先生住一峰今日尚迷樓隱處黃葭霜落冷芙蓉楊士奇題云翠嶺兮岩岩白雲兮洋洋澄波兮滉漾交春木兮芬芳息有廬兮濟有梁田可以穡兮原可以桑蹇驚足兮周行時不處兮歲將晏遵東臯兮聊徜徉刑部尚書建昌魏源題云

微雨歇清晝輕雲散薄陰人家隔西崦僧舍旁東林樵漁斷行屐山水空遺音軒冕詎不貴遊塵如海深杖藜閒野叟瀟灑任天真又題云一峯黃子久平江常熟人也自幼善于山水宗師董源晚變成法自成一家風度異凡人所罕及余過訪思庵吳先生得見此圖翰林學士朱公楊公皆有詠余因以題跋吳貌庵公題云黃子久筆墨自與人殊雖片楮尺素而深林邃壑蒼翠撲人眉睫令觀者應接不暇常謂古人咫尺之間有千里勢癡翁得勝解矣此幅原為九龍冷道士之物道士傳之孟端孟端以歸啟南啟南徵子題遂留我庵中我後當終歸沈氏也成化己亥三

味一

三

月十日吳寬記 又沈石田一松樹上題云綠樹黃鸝尚有春惜無笠屐佐清真隔船山好非生面敗興雨來殊俗人滿座酒杯淹倦客鬧鄉旗鼓阻遊神諸君本是邑中秀倡和短篇須意新弘治改元三月廿七日久雨發霽因以虞山近而可遊遂命舟往其晚止山麓治具約蚤登及聞土神出遊有太平鼓板亦喜觀其熙豐之象夜半雨復作其輿為之頓敗人事物情各相悒鬱舟將還忽孫君世節桑君民奇冒雨來觀少頃顧君應和攜酒及海魚亦至小酌賦詩甚可撥悶竟忘南歸應和席次談及致道前院古松枯而復茂捉筆圖此特幹此詩亦紀時事錄于松頂云

又唐伯虎畫一軸重岩複嶺一老深居題云柴門

雪霽楹林疆藤榭新開煮酒嘗正是騷人安穩處一

編文字一鑑香詩味清絕乃此老桃花庵中活計也

又倪雲林小景作散木數株石崖陡下沈黑如李

晞古有異平日題云至正辛亥秋八月十四為伯庸

高士寫林亭秋霽勾吳倪瓚有張翥一絕云雲林館

東石崖上愛此數株嘉樹青今覓幽人煮春水寫將

煙雨出山亭

二十四日沈晴峯先生來顧談次言有闕客從海島回

知口口為其下康伽所弒伽父子厲兵治艦日夜為

併朝鮮之計

味一

二十五日饒送宋立門太守于獅子匯徐德夫光祿云

王江涇諸生錢士元田中產嘉禾一莖五六穗者入

九本

二十六日雨

二十七日大風

二十八日澁雨如霧出至精嚴寺訪陳白室因看戴穉

賓疾穉賓寓澤公舊寮瓦鏽土釜親自噓燧畫具薰

鑪而外寒蕪滿庭而已穉賓幼孤業不成故無營進

之心氣體弱故不娶因得此優游視熱鬧煎心者天

未必果薄穉賓也

晦日大風

十一月朔日風而陰晚有日色

二日晴

三日周秀岩引一老王姓者來頰頰短髭歛人也探懷

出二卷為沈石田奚川八景筆法仲圭子久之問後

系一長歌首云奚川乃在虞山北大江長繞連喬木

知奚川乃常熟地也 又一為趙千里漢王入關圖

晦翁一跋云昔漢高興王師誅無道秦先入關士民

按堵竊嘗誦讀其史恨不得一見其人今觀是圖江

山壯麗筆法精美寫其張疑擊惰轉鬪乘勝之狀國

王氣象章章在目此非陸氏不能作非趙氏不能摹

也宜永寶之新安朱熹又吳苑庵一跋云予在舍館

味一

時值中官刁瀛洲脩武庫內垣得見我太祖經畧金

陵圖大學士宋濂表中有云漢陸賈作高帝入關圖

則晦翁所稱陸氏蓋陸賈也此卷特趙氏所摹耳精

麗雄秀幅素中隱隱百萬甲兵非探天工得造化之

巧者孰能與于此長洲吳寬晦翁書法行草含蓄有

味半類魯公半類季海與他所傳灰土頽墮者迥別

又王孟端竹石枯木一幀仿柯南宮灑落秀韻余

購得之 項又新以黑綠絨一端靖密白甌四隻文

徵仲行草書獨樂園記一冊陳白陽花石一幅饋余

作潤筆徵文壽母夫人六表

四日鹽官王丹林以書畫來殊無足觀止管魏國竹枝

數莖小有意 又米書一絕句大徑尺審是臨本詩
日船下廣陵去月明征虜亭山花如繡頰江火似流
螢

五日賀伯閻以二縑書畫鑑硯爲潤筆徵先贈公懷椿
先生傳夜雨

六日同陸三孺飲徐德夫園

七日微雨淨道出拜孫別駕沈節推午刻鍾侍濱者持
古畫冊二十四方來止趙昌桃花白棟與徐熙一立
鷺爲真可玩

八日霽稍覺寒篝籠初著火客持示趙千里明皇幸蜀
圖有邱瓊山一跋未必真

味一

墨

九日

十日辰大霧聞人林海壇陳貫文來謁持示右軍書楷
康絕交書前有王尹寶篆珍翰二字係冷金紙失去
前段豐南禺補書至悔吝不真蹟自老字起春容閒
雅一字具一態後有思陵跋云絕交書嵇康所作六
朝人書也康之詞致前賢墨妙益爲傳世寶其後紀
元天監乃梁武之初元所謂雲者疑爲范雲史載其
機警有識梁武素與友善及後參贊位至通顯豈當
時使之賞鑒歟損齋書又元幹克莊跋云此絕交書
右軍眞蹟梁武御府物也續帖中定爲李懷琳甚繆
惑矣其迹與豹奴末春二蹟同黃伯思與劉無言論

書有云李懷琳絕交書多有古字堯等九字疑有所
受非懷琳自能作又疑懷琳見叔夜自書眞蹟故放
焉又疑其卷尾題右軍書蓋誤焉殊不知卷尾湘東
所進等十一字是梁武筆況梁武內府所藏皆有朱
异唐懷充輩押尾後天監下押雲字乃蕭子雲亦非
范雲此非梁武御府物而何乃定爲李懷琳也余謂
梁武去右軍未遠又號賞鑒豈誤也哉況堯等古字
豈他人所能此右軍蹟斷斷勿疑宋思陵亦止定爲
六朝人書豈諸賢皆未辨卷尾所題爲梁武押尾爲
蕭子雲耶豈亦不以與豹奴末春並觀耶至正元年
後五月廿三日靈武幹玉輪徒克莊在武林驛書幹

味一

墨

者其姓玉輪徒者其名克莊號也又豐南禺一跋云
此帖舊藏吾郡楊尙書家余百計求觀終吝不與偶
于吾口之清暉軒得一縱觀廿年之願償矣余家世
寶一拓本與此帖較無絲毫差乃知于此帖上摹入
者前逸去二十三行余尋與臨補不量力甚矣賞識
者未知以爲何如幹克莊爲勝國鑒賞該博之士書
學虞永興所蓄晉唐法書甚富前所論極當損齋宋
思陵也此帖不意流轉至此偶得一賞慶幸慶幸四
明豐坊拜書坊字存禮官至考功郎以偏風廢書法
博極諸體晚年狂草尤怪怒鑒別甚精應非浪賞然
余爲九江理官時以查覈至吉之安福安福令君楊

仲堅庭筠者余同年友也暇日出絕交書一卷係絹書完好筆力精緊有墨采云其地鄉達張姓者家有冤濫楊令君洗滌之感甚獻此爲報楊不取又恐終爲豪者所得建一樓藏之一時縉紳閒傳以爲盛事余至今追思之此帖風采尤在心目今復遇此豈墨寶靈怪能分身現化耶董翰林思白想慕安福本託其門人嘉興令顏君致來一觀歎絕還之林君又以此本示董董搖首以爲非真乃來就質于余余諦審之定此卷爲唐鈎以其形體完備而微有肉勝故也又定安福本爲唐摹以其有精色而託之絹素且無鑒定跋語蓋唐宋人以鈎本下真贋一等而摹者爲

味一

次故耳然右軍真蹟既不可得遇此兩本皆絕世之物摹者非虞褚諸公不能鈎者非趙模馮承素輩亦何能精到乃爾此余目謂千古公論以俟知者

十一日林海壇來因與小坐林前爲葵源丞以好古嗜奇官不振家亦日落薄游江湖云其弟爲句容丞亦不振今寓白下曾搨石翻淳化閣帖精甚初搨就以視王敬美先生先生以爲古木百金購之後乃知其近搨也今本尙在白下林君許余致一本

十二日夏賈持諸畫來披閱乃上海潘氏物也皆神品一一疏記之趙子昂白沙圖一軸密絹地淺色下作坡石叢林三堵層層壘石一崗高峙對岸一坡脚水

勢滾滾上層作遠沙碎石渺然雲際最有奇思此長宜二興太湖濱景也不知爲誰作有題句云山之凹兮水之匯沙棱棱兮石疊疊有嫩人兮如彼蘭蕙思之不來兮使我心痲 劉松年雪江凍柳 文徵仲爲復生楊君寫意仿大癡筆 又文徵仲仿梅道人一軸老木空亭對岸蘆葦中一漁郎吹笛有詩云曉雨晴來山斂黛暮潮平處水浮空一江秋色無人畫都屬詩人短笛中 石田蓮石蒼鵝一軸楊循吉題云蒼毛冷落秋江靜獨立清灘眸炯然不羨隴西鵝鵝貢長羈金索畫堂前沈公此圖爲存菊所藏失而復得因賦此以寄意鄂渚黃公山人李承芳題云江

味一

湖散性野雲姿淡落羲之洗墨池只爲愛蓮飛不去春陵有個道人知湖西義學印記錢福云石田居士學凌波淨友相看發浩歌厭殺陸家池上鴨只留王氏筆頭鵝周伯器云雨餘深院野塘幽幾柄芙蓉立素秋鷗鷺元非我家物只教鳴鵝在中流徐彝仙云玩物有徧終是癖愛蓮心與愛鵝同蓮花自閒鵝自靜萬古乾坤只恁公金綵徐霖祝允明云磊落東陽筆下姿風流崔白未成詩鵝羣本是王家帖傳過羲之又獻之 黃子久小景重巒林屋筆亦蒼莽但紙素不稱款大癡二字亦可疑太原王行止仲者一絕云朝雲乍起千林暗夜雨初收萬壑鳴此地煙霞誰

領略却輸痴老筆縱橫 李營邱煙嵐蕭寺郭河陽
古木寒山絹色沈晦俱不的確

十三日客持趙承旨摹李公麟東坡三像一旦起理髮
女奴握節在後公昂首直背手漉燥豆一午窗坐睡
公坐胡牀閉目袖手氣息深深想見華胥至樂也一
夜臥濯足公倚胡牀秉燭燭首觀書女奴就盆水剪
爪情態俱絕鮮于伯機跋云蘇長公以一代清名而
所遭輒厄然百世之後猶令人景仰李公麟曾有三
像蓋當時對景寫形天趣具足公麟已不可見見承
旨摹諒不籌輸一著也虞集題云趙文敏畫品爲第
一而蘇長公三像尤見冲雅蓋其私心景仰故彷彿

味一

墨

獨真吾衍題云蘇長公像趙文敏畫鮮于太常書可
稱三絕祝允明題云余生平所見文敏畫甚多然布
景寫形則有泉石樹木之趣此卷直寫蘇長公像衣
服古雅設色冲淡直可追蹤探微道元向在余克恭
家付裱裝褫爲人攜去後三年而復得之長安邸中
不勝欣幸索題于余爲書其後李東陽題云僕生平
景仰蘇公之爲人而恨生不逢其時乃不見其丰神
而幸其遺像猶存展卷之次亦豈能彷彿逼真如此
題畢爲之三歎王元美題云余家弟于燕中獲一玉
局仙像懸之靜室如對眉山公毛髮鼻孔皆動不意
又有此卷意氣神情俱備非公麟不能作非魏公不

能摹非眉山公亦不能發二公之佳思也寶之無數
范文正道服贊較停雲館拓本尙有名公題語未
盡刻者富川吳立禮分隸題曰獲觀文正公之詞翰
洵重清勁如其爲人每展卷諷誦未嘗不想見風采
何名德之重使人愛慕如此其深也此幅紙有檜字
一方印又秦氏藏書一印又廉希憲題云文正公爲
同年友許書記作道服贊言皆至理書特清勁至今
觀之悚然增敬所謂寵爲辱君驕爲禍府重此如師
畏彼如虎是又美不忘規益可玩味乃知異時丞相
堯夫布衾銘寶權輿于此歟是贊不載文正集中則
公之文之遺者有矣抑亦盛年之所作而或失于編

味一

墨

次也耶因綴廿字以寓景行之意云文正道服贊忠
宣布衾銘家乘揆一德名言符六經寶祐乙卯冬日
文彥博覽夫題云竊觀范文正道服贊文洵筆勁既
美且臧以盡朋契之義有以見高陽公之德矣傳曰
不知其人視其友諒哉戊申後十有七日許昌郡齋
中題江萬里題贊云范文正公道服贊其書有法而
詞有氣前人題跋盡之矣余復何言敢僭用公韻敬
作遺墨贊欲范氏後裔益知所寶重云武觀遺墨端
嚴口楚柳骨顏筋微公孰與龜文龍鱗或翔或處烈
士忠臣兼文兼武畫見諸形曰心爲主詞發諸口曰
學爲府石決怒猊章成繡虎百世珍藏弗替厥祖威

澆甲戌秋日眞德秀題云范文正公當時文武第一人至今文經武略衣被諸儒譬如著龜而吉凶成敗不可變更也故片紙隻字士大夫家藏之世以爲寶至其小楷筆精而瘦勁自得古法未易言也端平甲午十一月朔文天祥題云余嘗謂士君子能爲光明俊偉之事業必先有高潔灑落之胸次爲之地也范文正道服贊所見如此其身心固若蕭然出于風埃之外者則其所立卓越千古者有以哉咸淳癸酉二月文天祥書趙松雪題云文正公爲其同年友許君作道服贊都九十八字磔勁弩策皆入規矩中上有悅生印蓋賈秋壑故物也因題其後至大二年四月

味一

聖

二日

十四日出北津送靳崇德西風甚厲客持趙文敏白描佛母圖來觀錢舜舉一詩云擊筑彈絲舞錦茵摩耶宮裏誕麒麟當年笑拍金盆水詎信身長丈六金書溪翁鄧文原題云余宦游京邑多載目閱古今名畫不可勝計惟白描罕得其妙邂逅獲觀佛母圖甚造元微後之習描法者自宜師尙焉至治二年重陽日巴西鄧文原題王敬美題云趙文敏此畫如顧虎頭吳道子龍眠不足道也萬厯庚辰十一月觀于莫廷疇齋中積雨連陰忽若霽朗十五日出謁新令陸君

十六日戴穉賓病起以諸畫來易米 沈石田仿倪雲

林小景上作嗟峨高嶺層疊而下林樹勁挺筆筆露刷絲蟹爪眞傑作也有題句云迂倪戲于畫簡到更清癯名家百餘觀所惜繼者無況有冲淡篇數語弁小圖吳人助清苑重價爭請沽後雖多學人紛紛墮繁蕪崔子強我能依樣求葫蘆墨濕不成運林慙澗與俱何敢希典型虎賁實區區醜惡正欲裂捲去不須與今夕秋燭下再見眼模糊妄意加潤色泥塗還附塗崔子豈不鑿愛及屋上烏成化庚子遇水南山隱避暑因潤色舊臨雲林小景漫賦 文徵仲仿盧浩然寫虛閣弄竿圖樹石攢簇類草堂圖有詩云雨

味一

吳

晴飛瀑瀉潺湲拔地蒼松生畫寒詩思攪入眠不得起臨虛閣弄漁竿 又徵仲柳隄聯轡青綠瀟灑有詩云蒲水浮針綠玉灣浮花吹盡晚風前夕陽聯轡湖堤水正見青青柳外山 陸包山青綠小景詩云荒臺淒雨畫冥冥盡是鉛華未死情一度一聽魂欲斷山南山北子規聲語意盡指姑蘇臺也 又包山銅彝水仙海棠精絕彭年題云邊庭柳暗金微雪御苑花開玉壘春蝴蝶飛來疑入夢凌波還見洛川人 王延陵題云出門大江橫銀濤數千頃仙子御輕颺環珮搖虛影中宵月無光天地冰壺淨輕盈何所之飛夢西湖冷王穀祥云瑤環月下鳴翠帶風中舉胡

然洛浦神胡然漢濱女文嘉云誰見凌波自洛川海棠婀娜更嫣然山齋坐對渾成惱國色天香共可憐陳元復云傾國初輪豔凌波尚怯寒春光兩相競并作一時看 項子京山靜似太古小景又山僧觀瀑俱筆意清絕

十七日夏買引華亭客持倪雲林古木秀石一小幀筆姿秀絕高柯閒爛葉老苔點綴瀟然出羣元鎮不留款吳仲主題云屏去丹青字墨卿疎篁古木有餘情嚴陵灘下東流水流到吳淞恐未清澤居題云試拈案上猶豪筆解賦屏閒鳳尾圖擬借星槎去蓬島瑤臺清玩月輪孤錢福題云避世士出世姿竦枝淡墨

味一

覽

無聲詩留題更出驚人句三昧深透禪關時百五十年誰得知摩膏剔骨唯存皮鄭聲紫色爭亂之具眼自識元王維元王維安得起諸九原一洗詩人脾雲林墨妙世能寶之而得其真者少況此幅真而獨妙故題之

十八日

十九日

二十日過項孟璜齋頭出觀澗化閣帖精好絕倫又一本祖搨不全者尤精采乃願研山物又定武蘭亭二種俱好有趙明誠印章

二十一日

二十二日購得古玉卮一犀小竿一大如當三錢又如新生荷葉背刻梅花一朵精甚

二十三日集徐德夫寶綸堂同年蔡五岳劉完白王崑星在坐夜驟寒蔡為香山令言澳夷事頗悉澳中多半是佛郎機國人近與紅毛番爭互市之利訶報時亦可虞

二十四日寒甚有堅冰

二十五日

二十六日冬至晴朗廓徹無片雲

二十七日北津追送馬稚彬孝廉北上不及而返

二十八日

味一

五

二十九日

三十日晴暖如春

十二月朔日周本音來以手書洛神賦見示索跋乃贈周麗人菲菲者丁南羽雲鵬寫洛神像沈千秋題其後菲菲名文初字綺生能詩時有秀句如陰峯淡畫眉明月許相照亦洪度輩流也一時有薛素吟道遜周而蘭竹最勝又徐山人之女名安生者竹枝倚灑似管仲姬

二日客持花定徑尺盤二面來頗瑩細可玩

三日過沈荆門出觀古冊葉二幅款云大癡道人驗乃盛子昭筆也又石田仿梅道人畫一軸題云長松落

落暑生寒七尺絲綸玉作竿傲漢英雄千古在漁人
莫作等閒看 又文衡山青綠山水一軸題云春岸
離離芳草齊春雲靄靄碧山低山人不出春雨足一
日開門花滿谿

四日

五日天陰晦

六日晴夏賈持碧玉帶鈞一陸子剛白玉簪一來看
又浦子汝良自寫榴子圖一卷姚雲東爲題首贊詠
者其弟浦正國子助教南陽滕嶢譙國戴成大進士
姜學夔延陵吳埴遺槐居士談詔廬山陳佃廣東按
察司副使闕里孔鏞汝南周震從子浦應祥皆成弘

味一

至

閒文雅秀出之士也汝良號翠巖居士家有寫山樓
圖因舉子輒天至六十五舉一兒以此寓留止之意
耳

七日同盛若華憲副集夏郡丞宅二公俱宦閩粵黔滇
談南徼事甚悉海中有金絲燕似燕而金色海灘有
蠶螺其肉有助燕啄食之肉化而助不化燕因吐巖
石上成窩以育雛海風振搖連雛覆地海人拾之今
燕窩菜是也羊眼豆四時皆花實三年乃易其本盛
云滇中有夜合花碧跗白瓣厚如燒香白玉鈿形態
極佳非吾地百合也

八日

九日

十日治武林之行與嚴蓋夫同載至皂林西邂逅陸虛
緣因相過夜坐泊石門五鼓各解維虛緣自爲武康
之遊

十一日暮抵北關與蓋夫劇談有二事足存警省錄之
海寧董孝廉明吉余辛卯同榜也甲午冬北上至丹
陽偶失囊金疑舟人夫婦告之官至鸞舟以償恨猶
未解囑其令囚之云俟余南歸釋汝耳遂去至山東
邸店邸主人宿有夢見一神人告之曰今冬當有新
狀元姓董名明吉者過此當善遇之主人乃日日偵
伺詰問姓名既遇董大喜厚陳設禮之且告之故董

味一

至

亦大自慰負迫明主人嗟吁出曰相公此來曾困一
舟子耶昨神人云上帝怒此舉已削君鼎首矣董聞
慄慄至京果不第南還亟釋舟子後益忽忽一疾竟
終 海寧諸生唐引元者素負決科之望其父爲贅
婿婦翁卒有庶生子二人孤苦唐父每凌蔑之欲啜
其產每曰我子中科且以旂扁揭此居誰敢爭者迨
丙午科引元卷爲本房掄選而不得登薦既撤棘房
考召引元謂曰子豈有宿負于人耶我每欲登汝卷
則見一短黑麻鬚者跪而陳不可曰若中此則滅我
門矣引元歸以問其父父曰此汝外祖也丁未冬引
元被黜

十二日泊松毛場

十三日辰起同蓋夫以肩輿入西溪會葬馮具區先生溪路饒梅時已著疎花點點霜曉細香暗撲人袖風景良絕溪人種魚飼蠶伐竹摘茗又引泉灌畦獲多功省所謂沿山十八里錢塘之沃也馮師無恙時每曰吾終當以西溪為菟裘故特買地數弓然架結未施竟作埋玉之所亦可慨矣已過佛慧寺蓋夫舊讀書處也主僧古亭出迎茶話久之翦其庭中天竺一穗歸舟併溪梅數枝插酒壺中物色相映如珊瑚林中一羣嬌女笑面生春不復知為殘臘夜泊北關十四日四鼓發棹至暮抵桐鄉城下遠城柔柘犬吠竟

味一

香

夕恍如深村令此者督課理紛之外高拱漁樵之上而已城雖如斗大甚堅壯昔年倭寇困圍踰月城中百出奇計以應此中素有狡黠者未可以僞固忽之也

十五日謁桐鄉令藍君報謁罷即別去西刻至西郭同蓋夫訪微友吳無為值其從弟東籬君在焉乃昔年以寶晉帖歸余者昏黑抵家

十六日凍雨蕭蕭盆中水仙開五六芩香氣旖旎撲鼻十七日晴

十八日許叔重以倪雲林六君子圖來觀此余友許伯厚物也昔留余齋中者一年今復觀之倪自題云盧

山甫每見輒求作畫至正五年四月八日泊舟弓河之上而山甫篝燈以此紙苦徵畫時已憊甚只得勉以應命大癡老師見之必大笑也倪瓚大癡題云遠望雲山隔秋水近看古木擁陂陀居然相對六君子正直特立無偏頗大癡贊雲林畫朽木居士題云江頭碧樹動秋風江上青山接遠空若向波心添釣艇還須畫我作漁翁徵江趙觀題云天風起雲林眾樹動秋色仙人招不來空山倚晴碧吳興錢雲題云黃公別去已多年忽見雲林畫裏傳二老風流逸鶴語悠然展卷對江天董元宰題云雲林畫雖寂寥小景自有煙霞之色非畫家者流縱橫俗狀也此幅有子

味一

香

久詩又倪迂稱子久為師俱所創見真可寶也壬寅重九後二日觀董其昌 又王叔明小景一幀樹葉个字與側筆攢點相雜扶疎翳翳山頂小樹作連空茫昧之勢溪屋前一亭紫相挨傍皆有興趣董元宰題云雲開見山高木落知風勁亭下不逢人夕陽淡秋影董其昌題黃鶴山樵畫 又沈石田小景筆意仿子久題云山亭花落樹蕭騷隔岸諸峯翡翠高欲把小詩收拾盡不勝撩亂鬢邊毛 又文衡山青綠山水學趙松雪題云綠樹蔭虛堂攤書映夕陽水流聲不絕簾捲起滄浪

十九日風

二十日風寒河冰皆合

二十一日寒甚

二十二日稍暖為林海壇圖扇作寒林淺瀨系一絕曰

石虛江影碎沙白浪紋消何處牽幽思寒林百尺梢

二十三日

二十四日

二十五日客從鹽官來言是月四日海濱有大魚隨潮

逆上淺閣不能去度之長十八丈高闊二丈無鱗悍

少年登其脊遭蹶者四十餘人掉尾死者一人千夫

共封其肉初下刀魚噫氣如黑霧所餘骨節可舂二

斗米兩疇大如毬置水中有光蝦蜆細微悉見歛商

味一

以七百緡取其一而一歸令君父老相傳嘉靖閒亦
有大魚留海灘未二年有倭寇亦可戒預矣

二十六日

二十七日夏賈從錫山回持一紫端硯長一尺闊三寸

五分上下瑩滑如玉墨鈔堅亮宋硯之佳者陳白陽

小景一楨墨樹蒨蔚枝梢如鐵穎山頭用赭筆拖就

上雜焦墨旁點亦奇製也

二十八日徽人持宣銅琴一張來彈之頗有清響然琴

是雅樂之首本取絲木之音絲從桑化是亦木也故

能涵和暢性洗滌邪穢今綴絲于銅金木相激非其

質矣池中鐫字云宣德二年中秋月紫陽山人精斲

此應云鍊今云斲亦非也總非雅器還之

二十九日天陰有微雪

除日蚤有積雪俄消盡晚晴

味一

味水軒日記卷一

味水軒日記卷二

嘉業堂叢書

明秀水李日華著

萬厯三十八年庚戌正月元旦晴稍寒

二日大雪

三日晴

四日過陸虛綠樓居與范長康包彥平夜坐

五日陰寒午後雨霰

六日雪至外家沈氏新阡送葬地名伊河童家橋一路

曲流寒林映帶如營丘粉景思極清曠暮抵岸泥濘不能登襍被舟中甚耐也

七日霜曉岸凍遂能赴塋所拜奠回時午矣

味二

八日晴

九日闕門生陳禹玉寄至蠟房二瓶蜜羅柑四隻新刻

考工記述注一部洞茶一勛茶味色俱劣僅堪停冷舍以喫蘭

十日張甥翌寰來懸燈百盞大合樂以饗之是夜月色亦妙

十一日徐玄仗陳與同見過

十二日出報謁諸交戚沈芾南丈從高州館回談其主人趙肩吾之俠肩吾名任癸未進士也初選中書舍人每沐浴即出四獵一日臂鷹從棋盤街行鷹聳翅欲奮如有所覩肩吾即命解縱縱其搏擊鷹入朝亡

間為執法所糾謫外縣丞已稍遷令又遷廷評即棄去今為俠於膠萊間其父精陶朱術每致萬金肩吾輒散之喜為詩學宋元諸家不能唐也任氣礪礪不為富貴沒溺乃亦有此君

十三日吳人張慕江來慕江名體仁年八十一而老矣平生以書畫舫行江湖間今所攜有倪迂松坡平遠闊幅作葉底低巒樹根淺瀨極蕭閒疏曠之趣

自題云門前漠漠風吹沙閉門倦客獨思家樓頭吹角夢初醒猶聞深院響琵琶 白雲蕭條楓葉丹愁人行吟復坐歎歸心夜趁東流水夢入松溪第九灘

少年持家學詩禮馮老侍御之孫子觴半投筆調

味二

白羽拔劍醉舞為君起 至正十年九月因過郡中留學之椽郎宅五日其子思誠温粹勤儉而好學已能持家具甘旨之奉今年纔十有七歲矣僕既寫此為贈并賦三絕句其上東海倪瓚

董思白題云九灘在荊谿倪迂遊踪多在焉此圖當是其中年所作以其書法最工晚年字不稱畫矣

文徵仲山水一軸兩松一平陂二老坐語上下山巒 匪筆意類李唐而蒼鬱過之題云草樹離離落照 閒清言輪與兩翁閒就中消受無人會滿耳清泉滿 眼山文壁畫并題 陸五湖師道題云此衡山先生 未改名時筆也先生蚤歲專學荆關故筆意如此嘗

聞石田翁贈先生之詩曰老夫開眼見荆關意匠經
營慘淡閒未用荆關論畫法先生習次有江山愚謂
此詩非先生不能當然非石田之知先生不能有此
言蓋二公皆學洪谷而能自得者觀於此圖尤信癸
丑二月師道敬題 五湖細楷如菘豆大精工之極
皆天地閒尤物也 又黃筌吐綬雞一幅展翅鷺一
幅皆真 陸包山燕子磯圖 米元暉雲外孤峯下
作偃樹決渠小橋橫跨林閒屋架參差有態 黃子
久青綠大幅秋山行旅絹素剝落雖雄渾恐未真余
迎慕江慕江坐扁舟不能起余因贈以白粒宿釀而
別 暮細雨

味二

十四日同岳石帆石梁高永仁集徐宏字寶綸堂

十五日同馬廓菴禹山吳赤含集黃藩伯宇參第燃鐙
百枝鉅麗晃曜一城之冠也

十六日風寒

十七日寒

十八日寒

十九日奇寒武林楊淇園侍御來午出報謁楊已返矣
行至千戶所前夏老止予輿以一畫見示乃叔明雙
松釣艇也筆意絕異平日松如趙仲穆石如李晞古
遠岫如倪雲林題云一箇釣船千頃月兩株松樹滿
山秋如今老作江南客水國漁鄉處處留 又鄭明

德題云何郎酷似舅北上何時歸森然五色筆終當
補衮衣不應畫松并畫石時如其舅作戲劇 又亭
侯筆如高吏部能寫千歲龍真疾風不動丘山重
恰似王家雙柱臣 鐵蓬道人 係篆字

曾聞城市有閒人莫道蓬萊無處尋一幅畫圖常在
目百年榮辱不關心雲山遠近來春色煙樹微茫帶
夕陰曠是此中風味好令人幾度憶王君至正丁卯
八月望日金壇王元徵題時年六十有九也目不能
近視惜乎汗此佳畫

余細閱畫法又以三詩參之非叔明筆也老鐵題字
作篆太恭謹可疑叔明楷法亦纖弱不類遂昌首題

味二

云何郎畫松石乃是元時一何姓者之筆亦係鄭氏
之甥故云然耳餘皆後人強綴之以博時價然此品
本亦不惡也

二十日稍暖方丈室從金陵來攜梅道人竹一幅題云
不可一日居無竹搖著數竿青有餘何似寫歸圖書
裏清風露月在吾廬梅道人戲墨於椽林下 寫竹
如寫字法方妙筆到則已故非摹搨手所能也白文
蘇後若趙松雪高房山王淡游吳梅菴倪雲林各臻
妙處以其寫法迥出流輩非庸常可及也此幅顧君
德潤所藏其運筆雖不經意然一種風氣使人斂衽
願君宜寶之九龍山人王孟端 吳君寫竹枝一紙

千金重葉葉清風生觀之毛髮聳鶴城沈璧題

徐賁山水長幅層巒複澗筆筆如斷索生韻之極題

云徐賁寫贈德恆徵君 鄭文伯一絕云第宅當時

接窅冥九龍山色坐中青十年烽火遲歸思早晚誅

茅重結亭昆陽鄭思先想元末兵火鄭君有此句也

管仲姬瀟湘夜雨圖卷竹態雨色俱極飛動石作一

筆飛白勢重沙掩映淒清不可言後系一絕云夫君

去日竹初葢竹已成林君未來玉貌一衰難再好不

如花落又花開延祐二年四月二日仲姬書寄子昂

二十一日

二十二日連日晴暖日色暉黃俗謂之落沙天農人以

味二

五

為有麥之徵

二十三日暮有小雨即止

二十四日盛德潛持宋晁補之手書法華經來觀紙色

白素堅韌較金粟山者更勝後題云自摘拾以來人

事如洗心手閒逸課寫蓮華經七翻體效僧格願生

中更無為士人也閱八月日始熙寧十年丁巳三月

三日畢十一月一日濟北晁補之識

補之字無咎以蘇黃黨羽為時宰翦落故有懟語補

之學佛最有勝解所著雜冊集中有猪拇齒曰肉佛

贊奇麗精深見地如此猶不免於懟功名勝劣之場

黏縛人豈有窮哉

二十五日細雨

二十六日雲陰過邠伯承新居言陸務觀出蜀記較入

蜀記更妙

二十七日霽盛德潛以柯丹丘藏硯一質余金一鑲去

石長三寸有奇闊二寸五分澹紫色叩之鏗然墨銹

遶額上下背鐫竹兩三枝丹丘外史印章余拊之喜

甚因試染筆為譚孟恂寫春柳頗有韻

二十八日

二十九日

二月朔日

二日連日晴暖小齋前去復牆斥廣地三尺有奇移西

味二

六

偏竹植東偏盆松益蘭皆有位置每披讀倦即曳杖

行諸卉間曲折盤辟甚有意趣從此樹陰竹色鳥語

花香似所偏饒也

三日同兒子過真如訪郭調鼎於槐龍僧房河流甚澗

抵暮步自毛家堰入卜者雜間觀碎石殊不堪采

四日

五日俱大風硤石吳丹麓以英石一見削高二尺有奇

闊一尺六寸嶙峋蹙浪勢如斷雲置齋前竹下

六日暮雨

七日雨竟日

八日小霽

九日雨

十日雨王丹林攜眉子歛石硯見視樣似風字稍長亦舊物也又犢頭商玉彝一亡其底土繡血侵可玩項墨林畫林塘灘鴻扇面背面臨玉枕蘭亭甚有褚法此君藝事種種有味以其挾多貨故江湖閉止傳其收藏好事耳丹林又以扇索余作米山題一絕云竹光浮硯春雲活花氣薰衣午夢醒寫得米家江上意
蕪蕪細雨正含情

十一日雨

十二日雷雨如注方丈室攜卷來乃坡公蹟也云柳十九仲矩自其城來持大官米作飯食我且言百泉之

味二

奇勝勸我卜鄰但言此心飄然已在太行之麓矣十

七日東坡居士書

此東坡先生真筆濃穎積墨揮灑神奇後人安能及哉余觀之不覺昏眇明爽古人云閱瀾川而愈頭風良不虛也淮南馬玉麟跋于清河道中

蘇文忠公真蹟余心慕之已久第生也晚意不能復觀其墨妙矣今山陰王諫議見示此卷觀其風神骨格種種動人捧覽之不覺心花頓開若置身層風間苑不謂在人間世也當時不摩勒于石而竟以墨蹟流傳後世摹者豈遂無匠巧之工邪余雖不能收為匱中之藏亦願知音者珍而重之相傳不朽可乎不

然後有損失疇能摩補醉竹生項汝玉書

此書已刻晉府寶賢堂法帖中而此跋云云何也又有虞集華亭管時敏二跋俱浪語非真

此卷印章極多今摘記於此

陳深 寧極齋 華皋 海虞吳思菴圖書印

巴西鄧氏善之 白玉堂史 奉華堂印

高麗物 越袁梅氏 松寥閣 楊氏家藏

眞寶居士家藏 快雪堂

沈石田溪山長卷做王叔明二律云世外有仙跡山中無俗情流霞倒岸影涼翠合溪聲倚杖孤鴻遠空亭獨樹清行行總眞樂不是好逃名弄筆聊乘興溪

味二

山野意存世無眞隱者畫有古桃源曉色孤煙暈春

容徧樹根還期一振策花裏問柴門弘治甲子春二

月望日長洲沈周

十三日晴復雨

十四日雨錄得楊君謙逸詩數首乃南峯稿所無者一絕題沈翼南畫云相城文物名家沈廝役皆能畫與詩誰道石翁肩背下翼南更有出塵姿又有字材叔者於姚疇艇樓居爲君謙作授衣圖皆不知何許人也

十五日雨如注

十六日霽

十七日

十八日至馮權奇齋頭出觀黃子久括蒼山圖上作屏
障直下有脚右一陂陀用斷索紮四五筆可數樹疏
散較子久他作又一變局也

味二

九

靖康甲辰上巳日易安居士識

仲瑛筆法清迥不知其何所祖習一日偶散步入攸
芋廡中見簾帷齊控複壁中香繼如霧更觸入數十
武忽雙環入九呵問云楊秀才也顧即拔履自出曰
此僕祕地正思兄可其入坐齋中空潔如洗鼻端冷
冷如聞異氣肺藏欲空北壁下橫置一几上有書率
意取視白香山手寫楞嚴一卷也楷法鮮戰風流若

味二

十

生紙為蜀中所造碧箋烏絲闌若晴絲裊空含持秀
物也玩此不覺肉翻欲飛援筆索寫尾紙上顧即領
之幸矣至正辛巳花朝日會稽楊維禎書

余每謂宋三四百年情人才士止李易安一婦人集
甲有喜得樂天楞嚴偈幾千言手腕如錦臂中無塵
今又更見此經與卓老何多緣也甲午五月四日寓
武昌李贊題

此經乃李卓吾游金陵日以貽馮具區先生者有梅
氏祕玩印蓋麻城梅氏物也

十九日

二十日馮權奇來顧以白玉蓮花杯見示大如五升蓋

權奇有金陵遊云且有三四月之留計此時余家村莊小池蓮應已花相約用此大浮話長干風月也客持文徵仲淺色山水小景來玩雲林蕭疏石瀨清激小橋橫跨溪上一老支策而過筆采娟秀意做洪谷營丘乃少年各壁時所製一律云秋風昨已到山堂坐愛閒亭過兩涼月榭誰家悲玉笛露桐虛井滴銀牀病侵肌骨驚寒早年入衰遲覺夜長氣候不齊殘暑在等閒絨扇未能忘往歲作此幅及今壬子餘二十年矣重陽之次命筆題於東禪精舍

味二

又高房山雲山一幀主峯重疊作八層滌染右旁又參差二峯每峯又各二三層下作沙渚橫橋墨樹濃

詩題云至正三年六月二日高克恭寫
二十一日雨夏賈從金陵回持示成窯鏡籠酒杯一隻五采把杯二隻古銅青綠水滴一件作伏彪形又帝青寶耳環柱二枚大如母指狀如腰鼓照之深青中有五色流珠此海南番船所攜乃夷國煉化物也世間琉璃瓊瑤之屬皆西洋諸夷銷石爲之非天然八寶也夏誤以此爲柴窯不知柴窯者柴世宗時吳越錢氏燒祕色窯以充貢獻後其法絕不傳卽唐末詩人所詠林煙漠漠越窯開奪得千峯翠色來者其精祕可想然亦陶瓦之屬耳宋元好奇者拾其碎片碾就嵌妝具亦深惜其難得故爾非此物也夏聞余言

胡盧而已

二十二日雨

二十三日雨夏復持綠玉盤螭帶鈎一枚長三寸乾黃漢玉鈎一枚長寸餘哥窯印池一枚形製古樸皆郡中一巨姓家物也帶鈎素爲主人所珍每言欲以爲殉屬纊時猶繫腰閒氣斷遂爲人竊出因相與玩視歎息而去

二十四日雨

二十五日陰寒作吳淞歌贈盛堯民畫士從沈翠水請也

二十六日徐春門見過貽余筇竹杖一枝長六尺有十

味二

節其子羨門爲資縣簿所寄者

二十七日客持王叔明仲夏園林單幅山用燥筆麻皴而無滲淡草堂左右皆碧梧青篠頗有意態所恨手腕癡弱驗非眞者遂昌尙左生鄭天祐一絕云密樹陰陰帶綠蕪草堂雲暖鶴將雛相逢未遂還山約空復年來看畫圖
里中有朱肖海者名殿少從王羽士雅賢游因得盤桓書畫閒蓋雅賓出文衡山先生門於鑒古頗具眼每得斷縑瓌楮應移易補款者輒令朱生爲之朱必閉室寂坐揣摩成而後下筆眞令人有優孟之眩頃遂自作贗物售人歛賈之浮慕者尤受其欺又有蘇

人為之搬運三百里內外皆其神通所及所歎者每臨文義輒有齟齬易於納敗余每以橫秋老眼遇其作狡狴處一抹得之念其衣食於此不忍攻也客言余前所見馮權奇家白香山書榜嚴經本張卽之筆朱為補款并作鐵崖跋語則出馮手構余固疑其類卽之諸跋忽未察耳

午刻嚴蓋夫徐德夫馮叔堅來德夫談及淮上一貴臣籠絡士大夫沽釣名書而內實縱恣金珠子女之外難及古玩嘗三遣人以千金購吾郡項氏所收天保鼎未得其撫屬徐州守馬從謙者竟以二千六百金得之貴臣聞令人假看馬懼其見奪又懼違之賈

味二

三

禍一日籍府庫授印其佐稱病急抱鼎遁去德夫以馬有米顛弄石之風余以為片石碌碌為世所棄而適有奇姿故足動漫仕之好耳如其索價至千百是貪奴居積何足向乎恐吐去久矣馬湖廣人能棄官全尚實稍賢於貴臣也

二十八日雨中有巨室網紀僕負物來看端硯一不佳哥窯香鑑二其一稍可琥珀杯一紅瑪瑙杯一俱恨小黃大癡楚山春曉一幀從下至上作四五層樹主峯亦甚雄渾沙脚映帶種種不失然氣色慘暗碎爛之極當是臨本偽作古態耳

二十九日

晦日林海瑄持絕交書真蹟索跋去

三月朔日晴

二日同兒子赴仁文書院講會舟行春漲如醉岸柳澹黃搖曳入春來第一日晴光也

三日晴霽

四日天氣乍暖始注水養石有人持宋徽宗雪圖一橫卷作屋層疊三間一長松挺踞陀石上遶籬皆翠篠門對一平橋屋後煙樵縱橫沙際碎石遠沙渺茫中作老檜頂森露極有意勢但紙色慘惡題款印記率是偽物當屬臨本無疑

思陵題云可憐今夜鵝毛雪引得高情鶴筆人紅蠟

味二

十四

燭前明似畫青氈帳裏暖如春

董玄宰跋云右圖相傳為徽宗畫觀其印款晞遠二字蓋趙伯驥云前書絕句則高宗筆題伯驥畫者伯驥伯駒俱宗室丹青能事不減令穰而希遠尤為希觀蓋學燕文貴而入室者也

後又有思陵書雪賦一段字大如錢筆法做徐季海玄宰題云德壽殿書雪賦有唐人風氣中缺一構字是避道君諱者當是真蹟竟不能終篇其有蓼莪之感乎

余諦視此書沈厚斂蓄略無鋒穎所謂怒視渴驥意象何在蓋得季海之藏而失其宜耀者宜其甘心

和終老湖山閒不能踰江淮一步也絕句有瓊帳如春之句其竟忘天山雪積中有踟躕穹廡者耶何俟遇諱方爾輟筆此孝宗書也高宗名構故諱構若高宗為徽宗諱則爽矣

又梅花道人竹譜一卷不真其寫竹訣卻真有數語關鍵摘錄於此凡畫竹幹節枝葉四者不由規矩徒費工夫終不成畫濡墨有淺深下筆有輕重逆順往來須知去就濃淡麤細便見榮枯仍要葉葉著枝枝枝著節山谷云生枝不應節亂葉無所歸必令筆筆有生意面面合自然四向團欒枝葉活動方為成竹古今作者雖多得其門者或寡不失之於簡略必失之於繁雜或根幹頗佳則枝葉謬誤或位置稍當而

味二

十五

向背乖宜或葉似刀截或身如板束麤俗狼藉不可勝言縱有稍異常流僅能盡美至於盡善良恐未暇獨文湖州挺天縱之才比生知之聖筆如神運妙合天成馳騁於法度之中逍遙於塵垢之外從心所欲不踰準繩故余一依其法布列成圖庶後之學者不墮於俗惡云

五日同沈荆門登東塔佛閣復過思林僧房看山茶茶幹交挺皆大如拱柱五百年以上物也每春時著花萬餘遠望如錦堆落紅襯地厚寸餘瓏瑜地衣不啻也郡中唯王靜村處士家綠萼梅枝覆庭除谷五燕几玉簫瓊葩散漫馥郁可以配此城南真如寺有老

槐天矯若龍陰亦覆一庭寺僧厭觀者遂付斧斤湖南包大夫園一桂大十圍秋深金粟萬斛相傳亦千年物

客持售黃子久散筆方幅小景草草下筆一片天真如李勢妹在桓家握髮致詞釵橫鬢亂而精態欲絕真奇品也自題云壽之持此半張紙便要癡翁畫山水談笑都無頃刻閒收汗揮豪三伏裏翻思古人畫難得五日一水十日石壽之如此相促逼王宰定不留真蹟至正十一年六月十二日大癡道人畫并題又梅花道人枯木竹石一軸古檜勁挺風篠縱橫題云樹大高於屋竹長清如人生平何所修靜與為比

味二

十六

鄰梅花道人戲墨

又徐熙水花汀草絹色沈古真蹟

六日客持售顏魯公祭伯父豪州刺史文稿真蹟卷乃絕品也係小行書與爭坐位帖競爽諸題跋亦勝卷尾題字二行 中書侍郎禮部尚書集賢殿大學士崔埴

錢穆父題云長安安氏富蓄法書顏帖數種此其一也觀其筆法圓勁初不用意實為奇蹟又歎魯公之義烈而曾不得少容於朝廷至逐為饒州刺史迄不免淮西之行則時事可知矣此尤可深嗟而永歎云元祐九年甲戌四月會稽公穆父題時在開封東

紹聖初載九月八日上御集賢殿策賢良方正陳陽等三人臣京臣總臣執中臣服臣古臣陶臣卞同待詔殿門同觀此書卞記 此蔡卞筆字大如魁栗剛果有力勢

右唐顏魯公祭伯父豪州刺史文彥真蹟

宣德八年秋九月丙申前史官國子祭酒兼翰林侍講太子賓客致仕胡儼拜觀謹題

又包彥孝別書副本綴後題云右顏魯公祭其伯父豪州刺史公文彥一通觀其出為饒州刺史時眷眷朝廷之恩以一門生元哀榮告伯父於地下略無怨望非上之心真可謂懷忠之志也當明皇寵祿山公

味二

七

固知其必反張九齡亦知其有反相人王蔽固以深而不之知及反公以平原太守起兵討之明皇歎曰二十四郡都無一人義士獨不識真卿何狀而能若是嗚呼其真不識真卿也耶苟識之人無能閒之者先與從兄杲卿戮力摧挫賊勢杲卿死於賊真卿亦不容於朝九齡隨罷竭胡猖熾幾覆唐祚可勝歎哉公歷事三朝數為檢邪所構累斥而卒至縊死嗚呼悲哉天乎人耶徒起萬世之下扼腕而已撫為過化之邦祠而祝之宜也其手澤之留於撫者人之贊之代歷兵燹翰墨猶新重若拱璧兼金其有以夫元祐中錢穆紹聖中蔡卞題其後皆以為奇蹟觀其字體

有快戟長劍龍跳虎臥之勢可謂發諸心畫者也撫郡李懋德氏藏之累世屬書副本乃為錄之如右并題其後觀者當知其忠烈之不磨也宣德九年龍集甲寅春二月拙文淵閣祕書校正豫章進賢包彥孝書

此顏魯公祭文章也公自蒲州刺史封丹陽縣侯乾元元年御史唐旻誣劾貶饒州刺史至東京作此文以祭伯父及其一門之親約可三百餘字雖改擅塗抹字字皆有規矩不失常度余觀公平日碑刻正書其峻聳如山岳廉利如戈戟其嚴毅莊重如端人雅士垂紳正笏於廟堂之上不敢褻近此則小行書也

味二

六

剛勁而圓熟與爭坐帖大略相似余未敢以伯仲評之也爭坐石刻此則墨蹟尤為可寶者自乾元迄今千有餘年楮墨完美筆畫爽朗而精神映發雖在草草之間而正氣凜然史稱其如秋霜烈日可畏而仰非虛語也宜乎博雅君子珍藏什襲愈久而不失也公歷官至太子太師李輔國惡之盧杞嫉之屢遭貶逐年八十遣使李希烈雖不屈罵賊而死亦少知幾哉悲夫景泰四年秋七月既望朝請大夫贊治少尹南京國子監祭酒致仕前翰林侍講史官陳敬宗謹題

顏魯公祭伯父豪州刺史文書在長安安師文家安

氏別有魯公青草五紙米老嘗盡得之然尤獨以此祭文為天下奇書今從毗陵陸論德廉伯借觀累日信米老之言不虛也感慨之餘敬題其後吳郡李應楨

胡儼題大癡畫云大癡胷中富上壑筆底變化生巖嶠忽然突兀聳奇峯滿堂眾賓皆錯愕灌木陰陰猗澗阿茅堂寂寂依林薄堂中美人非俗流春日耕雲秋采藥白駒皎皎空谷中我欲留之去如奚想當下筆寫此圖六月炎蒸汗交落紅桃碧李出雕盤冰盃楊梅殊不惡癡翁欣然發天趣意匠經營動揮霍片楮之中勢磅礴流傳後日真奇作清廟朱絃音正希

味二

九

匏樽玄酒無糟粕我今作歌翁不知翁知當作遼東鶴 頤庵 胡儼

七日同郡紳壽黃宇參太夫人午過徐玄仗園居

八日

九日

十日蚤有微雨氣候極佳垂絲帖梗西府三種海棠雜置彝中物色之豔未有過是者 五里亭人負諸卷軸來看俱不佳止白陽山人擘窠書一詩極快利有魯公法今天下不復有能為是書者矣詩曰嘉禾古越地去災僅百里本在唇齒間何當較彼此我未游越時不道甚密邇帶月挂蒲帆早已到東市市中有

崇山山中多羽士相見即殷勤置我碧梧裏登樓縱老眼軒豁快無已願結方外交幸勿誚我鄙戊戌秋日南游寓玉樞道院漫賦陳衍復

十一日小雨

十二日霧俄大霽同家君挈兒子省墓

十三日晴五更雷雨

十四日雨

十五日雨

十六日有日色家君自十四日脾泄至此忽患癰下迎

醫陸心泉診視以為大腸有積熱用分疏之劑

十七日晴家君稍安

味二

十

十八日晴家君益安浮梁景德鎮人吳十九者寄柬至

十九精於陶事所作永窯宣窯成窯皆逼真人亦文雅好吟喜繪畫余於戊戌春受委選揀御用各色窯

器知十九之賢而召見之髮已皓白矣余令造流霞

蓋以新意雜丹鉛類燒成祕色余付之直參金俄而

余以讒歸流霞蓋不復措念矣今書來知吳十九燒

成五十件附沈別駕歸余竟為乾沒沈杭人以狼藉

轉王官又營稅監保留士大夫不齒之宜余蓋之羽

化也樊御史玉衡贈十九詩云宣窯瑩薄永窯厚天

下馳名吳十九更有小詩清動人匡廬山下時回首

余贈詩云一室蕭然隱市廛松聲雲影自壺天憑君

...

點出流霞蓋去泛蘭亭九曲泉

十九日家君啜粥

二十日家君起坐啖粥用補劑新進士賀孝延家僕婦生一子一目閉一日白眇滿口細牙腦後垂髮一縷頭有二肉角如繭栗紅色產下即斃又其家走報人臥堂中竟斃死一人不知何異也午赴宇參黃方伯陪宴陸明府宇參出觀蘇長公書前赤壁真蹟行筆極森秀自壬字起至柄字凡三十字斷壞文徵仲補之甚有蒹葭之歎有賈似道小印印縫又有秋壑方寸印全卿印記乃陸尚書完家物也余平生見蘇書皆肥褊沓拖此獨精緊快利神明煥然豈公於寓黃

味二

王

時流落孤寂酬應較簡故得卓立神情為此不朽歟藝耶董玄宰云此賦騷雅之變此書蘭亭之變亦可謂善索意味矣

二十一日盛德潛以余舊所作杞菊老人傳來求再題數語為乞米地其冊後又得余杞菊詩古風四首

夏賈持詩畫扇八柄來看內唯文徵仲做吳仲圭山

水周之冕雪洲雙鴛鴦項子瞻草書一律項子京秋蘭

數葉平地木一株為佳又沈石川溪山長卷非真

二十二日徽人持宋畫彌勒頗古勁又梁溪過儀字廷

章者漁樵小景一橫卷頗有元人風氣刑部主事史

敏一長歌得句云秋煙澹澹秋水清草色半黃溪雨

晴書法類李太僕

二十三日細雨

二十四日午後雨

二十五日雨

二十六日晴用卵石伍萬有奇登偃松軒前地雨一過

不煩曳屐可以散步

二十七日

二十八日門生喬鳴埽守安慶一年矣始來以貳拾金

助余買山夜大雷雨有冰雹

二十九日晴驟熱夜仍雨

閏三月朔日過岳之律儀部出觀研山堂帖亦佳夜三

味二

王

鼓大雷雨

二日霽

三日

四日吳赤含家看牡丹出觀趙子昂行草書獲麟解真蹟

五日客持陸包山湖干小築圖青綠做大癡法彭年一

律云愛殺春湖日夜流有人結屋住湖頭門前釣石

臨黃鶴牀下魚波洗白鷗未識何年變春酒且將吾

道付滄洲天光月色溶溶地更好憑虛著小樓

六日風

七日

七日

八日高如晦來顧客挾文徵仲做東坡蘭竹怪石白宋
箋紙極清韻可愛自題一詩云靈根珍重自甌東紺
碧吹香兩玉叢和露紛爲湘水珮凌風如到蕊珠宮
誰言別有幽貞在我已相忘臭味中老去相如才力
減臨窗欲賦不能工如晦言在京師見宋徽宗畫一
幅澄心堂紙二尺有奇層嵐密樹大類巨然題曰秋
山雨霽上有宣和璽

九日與項孟璜餞岳之律儀部於杉青閘有葉中和者
以善養生之律孟璜俱狎之因闢入坐孟璜令致汗
閉息少許汗即濡體又令收汗叩齒三下用手推卻
者三試捫之體已燥矣人以此大伏之以爲神仙可

味二

立致余以爲此不過熊鳥引縮小術止能卻病耳談
至三鼓方別 葉言方諸出羅浮山外有包裹如水
晶中藏方諸團藥六寸色微紫光耀四出奪目不可
定視山海精英所結許眞君作大丹用此石於八月
望前後晴明廓徹之夕投壺中引其光上覆以東海
大蚌光射蚌口漚出至清之水一合三分以和丹藥
蚌即枯無用矣今淮南諸家注意以方諸爲蚌非也

十日午刻雷雨

十一日客持示陸叔平桃杏雙燕極輕翾豔冶之趣自
題一絕云曉妝宮女鬪春妍濃淡相持各自憐只恐
鉛華容易改悔教合德到君前

十二日

十三日郡諸紳餞兵使者周勿華於天寧寺

十四日設具款孝豐令陳霖巖湖口人也陳云丙午丁

未年有方士從金陵具大舫至匡廬山下所載美姬

八九人自云得容成御女之術已二三百歲從之游

者數十人黃綺石太守棄官與之周旋無何營聚藥

物作鍋竈將就五老峯下燒金液大丹會有撓之者

因罷去不知所往其人善飲噉雖傾百瓢不醉亦小

小知文墨每自稱祝永壽又稱彭齡或疑爲先朝羅

念菴蹤跡莫定其敢恣行江湖間者有頭角人爲之

處處津濟故也或云給諫祝世祿鄖撫胡心得皆其

味二

弟子大都富貴之人意得志滿昏酣泄越之中所難
冀者年壽難供者精力耳故幻妄之士得操術弄之
使之竭蹶奔命而不敢違而彼得肆志焉冷眼者窺
破未嘗不匿笑也陳撫掌以余爲知言

十五日門人石騰霄聲諧以湖舫邀余拍浮迨夜月色

如畫

十六日

十七日

十八日

十九日舟至念里橋

二十日

二十一日同沈翠水過沈心江來鷗墅林薄幽花生香不斷燒筍命酌抵暮乃返其鄰陸澄初者少年有致云其家畜數種芙蓉最奇又甘菊有子撒之則生豈介甫所謂滿地金者耶

二十二日過徐德夫德夫從黃山回極談峯嶺之勝因貽余松蘿茶一瓶 德夫言黃山湖中有夷魚四足一尾若蠅蚘之屬每含水登木於葉間仰張其口水閣不咽汪汪然小鳥渴者輒就飲之因閉喙移時鳥死禽入湖徐啄啖之亦異物也

歙人程生攜示唐伯虎古柏疏篁橫幅高五尺闊六尺有奇淡韻可愛唐自題云灌木寒氣集叢篁淨色

味二

圭

深冰霜歲暮方昭君子心射干蔽豫章慨情自古今嶢谷失黃鐘大雅變正音爲子酌大斗爲我調鳴琴仰偃草木閒世道從浮沈 夜細雨

二十三日雨

二十四日霽

二十五日方丈室攜示紹興開張安道賜硯作覆斗形長四寸闊二寸有奇周遭鐫浪魚出沒色紫燥非佳物

二十六日吳赤含夏靖原澄原陳白石沈翠水集余齋街鼓動散去

二十七日雨

二十八日雨

二十九日晚霽大風

三十日雨

四月一日晴

二日先是三月三日秀水濮院鎮陳金爲神會結綴羅綺攢簇珠翠爲擡閣數十座閣上率用民間娟秀幼穉妝扮故事人物備極巧麗迎於市中遠近士女走集一國若狂蓋無賴輩誘惑愚蕩利其科斂乾沒所入不貲故耳且迎會之日民間親戚來聚其家漿酒藿肉費用甚侈貧者至典質以應之又有擡閣經行之處羣惡少竟自毀拆牆屋無可告訴甚則踰越之

味二

圭

盜乘人盡出恣行探賂不良之姬飄蕩之子潛相拐引其他幼弱挨擠蹈背折支酌狂鬪狼喪生構訟騷然不寧者數月未已鎮民甚苦之云每三年必遭一劫蓋三年一迎會故也特以鎮去郡邑遠官法不能盡行而無賴輩結黨橫肆良民不敢觸之也今歲郡中諸無賴輩抵掌效尤以城隍神爲由自閏三月十四起至二十五六日晝夜騎馬嘶鑼糾聚勒索嘉興陸令君前後出示嚴禁不止反借他事編謠歌以污蟻之又假借諸鄉紳名目公行抗拒日夜攢簇擡閣城內外約七八十擁塞街巷司理沈公出不避道公怒命焚之諸無賴慮人搶掠各拆卸遁去余以爲令

行禁止乃可爲國令不行禁不止何亂不釀何法可恃此真可爲寒心也而無識者反怏怏於游觀之不足此何異燕雀處堂者耶

三日羣少呼集裝演愈熾松江無錫杭湖之人萬艘鱗集爲首驚傑者呂公巾補服項插令字小旗飛騎往來如織禁止牌面與之俱行市中官府莫可誰何真異事也

有王江涇陶姓者假以二畫費余求見實欲借余門廡閱觀會耳畫亦非石田真筆然布置蘊略極有勝趣各題句云雨裏荆溪疊山濕雲藏翠有無閒歸來老眼模糊在水墨還消白日閒行盡崎嶇路萬盤

味二

毛

滿山空翠溼衣寒松風澗水天然調抱得琴來不用彈

四日羣少迎會未止

五日同內子至白芒村居數竹得六百二十竿經營畦圃審度向背將成小築爲鹿門之隱迨暮而返

六日大風

七日雨

八日忽雨忽晴氣候極佳鳥聲如沸

九日樹陰濃綠中時作淅淅小雨日光在雲裏忽一閃露無事坐美蔭軒聽鳥聲極清適偶閱定武神龍諸本蘭亭咄味不已因憶項氏所收唐摹一本甚佳余

曾鈔得文文水一跋云唐摹蘭亭余見凡三本其一在宜興吳氏後有朱初諸名公題語李范菴每過荆溪必求一觀今其子孫亦不輕出示人其一藏吳中陳緝熙氏當時已刻傳世其三卽此神龍本也嘉靖初豐考功存禮嘗手摹使章正甫刻石於烏鎮王氏然余未見真蹟唯孫鳴岐鈔得郭祐之詩跋鮮于伯機長句每誦二詩慨然思欲一見而不可得蓋往來余懷者五十餘年矣今子京項君以重價購于王氏遂令人持至吳中索余題語因得縱觀以償夙昔之願若其摹搨之精鈎填之妙信非褚遂良諸公不能也子京好古博雅精於賞鑒嗜古人法書如嗜飲食

味二

毛

每得奇書不復論價故東南名蹟多歸之然所蓄雖多吾又知其不能出此卷之上矣萬曆丁丑孟秋七月三日茂苑文嘉書

十日

十一日治姑蘇之裝同沈子廣張倩襟仲兒子亨共載夜泊八尺

十二日蚤過松陵弔盛奇雲午至姑蘇泊閶門雨

十三日至虎阜天霽遇五臺僧承芳者講經士女闐集余與諸子散髮坐松石下環視陂陀崖巒不知昔年點頭者在也

十四日泊閶門買得精磁四五十件惠山空寒之泉虎

丘無色之茗可以隨意點試其為幽棲寶祕多矣

十五日弔沈伯宏於楊安浜返棹夜泊八尺

十六日午刻抵家盆荷透蕊高一尺有奇

十七日雨閱邸報本年二月二十二日河南衛輝府獲

嘉縣南門裏街東住人王守己家黑特牛一隻產犢

未落死後剝出犍牛犢一身兩頸兩頭四眼四耳兩

口一尾四足

十八日出謁關郡丞午刻過沈純甫先生

十九日

二十日弔王仲常 有持示陳白陽草草戲筆作二松

蘆葦陂激頗有子久之致而稍涉疏曠耳自題云長

味二

松落落映寒流衰葦蕭蕭一葉舟歌罷滄浪誰肯和

青山滿目送清秋嘉靖辛丑秋日自山中還湖上戲

寫此紙以紀莖興

二十一日往白苾莊坐竹下竟日真如小年

二十二日雨

二十三日雨晴不定買人持回青徑尺大盤一來看又

淳熙續帖大觀帖晉唐小楷皆非至者又江夏吳小

仙長幅畫四所作樹根石脈亦老健有風霜之色恨

姿韻濁不入士流耳自題云余過白下劉長史索配

沈老畫勉強圖上砒硃與美玉並也江夏小仙小仙

名偉正德中供奉有盛名而藝不稱沈老者石田啟

南也可謂刻畫無鹽矣

二十四日舉家君八旬之觴女優劉月蘭衍藍關記令

人慨然有凌雲羽化之思三鼓罷去

二十五日

二十六日雨

二十七日晴稍熱

二十八日

二十九日

五月朔日出拜沈司理陸令君 府賓館中曾嘉善陳

與同工部桐鄉巨孝廉與吾郡比舍吳州守亦舍劇

談吳言嶺南海澳中有一種人鱗身黑色潛泳水中

味二

則諸魚從之游出陸則與人雜處澳中人家各收養

一人以誘魚入網網滿輒頓掣以示岸人即牽之所

獲甚多其名曰盧亭相傳晉盧循敗入海所統軍士

與魚羣合所生遺種益廣天地間異物皆隨時幻出

原無定數可以驗矣

二日會講於仁文書院熱甚

三日沈澱水以虎鬚蒲二盂見餉

四日彭澤王同年箕仲以書來寄余楊少宰新刻岫巖

碑并箕仲自鑄集古陶徵君帖碑凡七十七字大禹

所紀治水事也宋何致子因樵牧引至崖石下用所

攜麻紙摹歸凡三本一留自玩一寄曹轉運彥約一

刻夔門觀井中及岳麓書院後漸湮沒嘉靖甲午長沙潘郡守鎰得於岳麓小山中始搨傳之沈文學鎰楊太史慎王文學佐相繼釋之湛若水刻於南都管登之復刻於岳麓書院楊少宰時喬於萬曆甲辰考校古韻說文諸書通釋明之且爲疏說使無滯義刻之棲霞寺亦盛舉也箕仲官南工部得搨以見餉

五日雨如注

六日雨如注

七日晚霽

八日晴

九日

味二

十日

十一日園丁以雜花進得紅梔水榭紫鶴石竹翦春羅

十樣眉柳串魚諸種

十二日午刻大雨

十三日

十四日

望日謁直指鄭公

十六日

十七日普光寺僧一慈以盆荷四本來餉

十八日連日大熱

十九日過沈翠水坐葡萄棚下竟日有風晚大雨

二十日雨戴升之示余宋刻法華經七卷字如半菽乃三衢善照比丘所書元祐七年秋月板行者後有淨慈守訥題語

二十一日鄰人持示宋板太平御覽一百本余亡友吳公甫物也其值百金

二十二日

二十三日購得盛子昭魚樂小景一幀

二十四日

二十五日客持示倪雲林層巒開幅上題云春渚芹蒲秋郊梨棗沃野收紅稻簷前炙背映晴陽天涯轉瞬

迷芳草魯望漁村陶朱煙島高風峻節今如掃黃雞

味二

啄黍濁醪香開門迎笑東鄰老至正甲午八月十八日曲全叟倪瓚寫于耕雲山居 又題云戲墨重看

十七年閩閩樓閣蕩飛煙儻村蘭若風波外坐對湖

山一惘然辛亥十一月九日復覽因題雲林子

又松石道人竹一軸不知何人錢唐希范題云鳴鳳

去不返湘江空自流鷓鴣煙雨裏翠袖不勝愁 又

王蒙春澗觀濶至正元年二月望寫

又黃大癡方幅小景九觚商彝一官窰徑尺盤一古

龍泉雙魚洗一白玉穿心盒一哥窯高足斗樣印池

一白定香椽橐一

楊禹錫來願攜談學山志伊畫達摩布袋和尚二幀

求贊學山以任子起家貴雄里中籠致書畫玩好甲天下然為人就奇任性不諧於俗人皆目為癡絕乃其繪事超卓追跡唐宋如此斷然傳矣世俗子椎米繪數錢其作惺惺兒隨以漸盡所得竟孰多耶

二十六日

二十七日

二十八日

二十九日

六月一日家君往石佛 沈甥伯遠餉烏思藏寶瓶大士一軀章款執神二其一龕龕有玉頂 盛德潛貽天台藤杖一瘦勁多磔矧節目

味二

三

二日

三日

四日過項宏甫出觀趙子昂筆策書蘇子瞻煙江疊嶂歌筆法雄厚徐季海李北海柳誠懸顏清臣無不有也李西涯首篆松雪真蹟四字又有名廷璧者作一長歌跌宕蕭灑書法孫過庭亦妙品也後有沈石田文衡山二圖衡山純用元暉染法風韻較勝 又趙子昂小楷陰符經黃庭內景經一卷款云大德六年十一月廿日吳興趙孟頫為東季博臨 又題云臨書之法欲肆不得肆欲謹不得謹與其肆也寧謹非善書者莫能知也廿年前為季博臨黃庭殆過於謹

今日昏手弱不能作矣漫題其末而歸其子善甫至治二年四月十八日孟頫題

五日

六日至石佛迎家君夜宿謚公房

七日同家君回

八日客持示徐幼文溪山亭子一幀山頭學董源中層淡墨縹緲如倪元鎮下岫麓雄渾墨樹一夾葉樹一枯梢樹一俱北苑法也題云東海徐賁為彥文寫上方吳元博一詩云畫裏溪山好溪亭景色幽闌干三面水風月四時秋楚客常停杖漁人每繫舟此中容隱味何處覓丹丘 又方方壺小景淡墨滄暈作沙

味二

三

樹雲石晦明出沒之狀蓋得米法而脫化者題云方壺子作於定林之小洞天

九日過真如牧隱房看盛德潛疾德潛憊矣檢點平日書畫雜蹟除易薪米酬交游外尚有零細種種對之曰我去後不知竟落誰手又曰公異日書畫想像錄刻出幸附賤姓名無忘也因以正德中吳人劉永暉所製關板竹骨扇一柄貽余曰扇工雖瑣細然求如此渾堅精緻者其法絕矣扇有陳眉公書一絕云萬壑松濤碧影流石牀冰簟冷如秋卷簾飛瀑懸千丈恰對吾家竹裏樓詩意既清適書法亦蘇黃米相雜牧隱出其祖定湖謚公像眉公亦有作云白頭撥火

煨黃獨賣桑買穀留僧宿六月高冷露頂涼不羨深
山雪埋屋往來誰者有智舩老癯貯得黃梅泉煮泉
斟酌新詩篇松風竹籟心翛然笑它行脚如蓬轉袖
中乞得牛腰卷傍人門戶常苦饑何如獨把楞伽轉
智舩者詩僧秋潭也

十日

十一日

十二日夏買持唐伯虎畫來看做李唐筆自題云山腰
繫帶家收曬水面生皺船撥回不是吾儂識風雨只
緣生長在蘇臺

十三日購得盈尺小崑石一巒岫竅穴俱具置之案間

味二

以代少文之畫又一小者高五寸以畀兒子

十四日

十五日許生覺三示余雙鉤唐敕蓋顏書也勁整之中
頗雜圓脫掩其署名鮮不以爲徐季海李太和也其
文云右司禦率府率員外置同正員張令曉右可守
資州磐石縣令敕決勝軍副使朝散大夫前守澧州
長史上柱國賜紫金魚袋尹庭泚等並竭節輸忠逢
時展用或承乏於州郡或從事於疆場或城守與板
築之功或軍府適輪轅之用或心戎獻狀連率論功
或昆季效官同居一郡遠嫌分職易地從宜且俾貳
六條之政以裨百里之道無謂遐服期爾效能可依

前件大厯十四年七月十二日 太尉兼中書令臣

俠 中書侍郎闕司封郎中知制誥臣張院奉行奉

敕如右 牒到奉行大厯十四年七月十二日 侍

中闕 門下侍郎同平章事祐甫 給事中迺 月

日 時 都 事 左司郎中金紫光祿大夫吏

部尚書 眞卿 吏部侍郎闕 吏部侍郎闕 尚

書佐丞 停 告守資州磐石縣令張令曉奉 敕

如右符到奉行 主事意 令史劉環 書令史

郎中翰 大厯十四年七月十二日下

唐制誥敕有書令史今不書名其爲魯公書無疑

十六日爲楊禹錫作布袋和尚贊

味二

十七日閱邸報本年四月廿八日永平燕河路軍人潘

眞家生猪七口內一口一身二頭六蹠二尾有氣不

能食

十八日

十九日往平湖弔見臺叔婦夫人之喪風逆湍涌篙纜

檣棹並施盡日方抵岸

二十日乘飽帆而歸良快

二十一日

二十二日雨

二十三日雨自大暑至立秋每日大東南風天氣常如

八九月亦數十年未有事也

二十四日出賀新郡守吳公長谷

二十五日客持示唐曹霸羸駿圖不真

二十六日客持示米元暉山水長卷沙法樹法皆有異

右方作三層大坡三枯梢樹內層作疊葉檜分濃淡

可望通卷山巒起伏攢點皆可數無一筆複者此其

異也款云紹興十九年九月十五日癩拙老人米元

暉戲作

又王晉卿煙江疊嶂橫卷畫係偽物東坡題長句云

江上愁心千疊山浮空積翠如雲煙山耶雲邪遠莫

知煙空雲散山依然但見兩崖蒼蒼暗絕谷中有百

道飛來泉紫林絡石隱復見下赴谷口為奔川川平

味二

美

山開林麓斷小橋埜店依山前行人稍度喬木外漁

舟一葉江吞天使君何從得此本點綴毫末分清妍

不知人間何處有此境徑欲往買二頃田君不見武

昌樊口幽絕處東坡先生留五年春風搖江天漠漠

暮雲卷雨山娟娟丹楓翻鴉伴水宿長松落雪驚畫

眠桃花流水在入世武陵豈必皆神仙江山清空我

塵土雖有去路尋無緣還君此畫三歎息山中故人

應有招我歸來篇 右書晉卿所畫煙江疊嶂圖一

首 元祐三年十二月十五日 子瞻書

帝子相從玉斗邊洞簫忽散斷非煙平生未省山水

窟一朝身到心茫然長安日遠那得見掘地寧知能

及泉幾年漂泊漢江上東流不舍悲長川山重水遠

景無盡翠幙金屏開目前晴雲幕幕曉籠岫碧江溶

浴春接天四時為我供畫木巧自增損媼與妍心匠

構盡遠江意筆鋒耕徧西山田蒼顏華髮何所遣聊

將戲墨忘餘年將軍色山自金碧蕭郎翠竹誇嬋娟

風流千載無虎頭于今妙絕推龍眠豈圖俗筆挂高

詠從此得名因謫仙愛詩好畫本天性糊口先生疑

宿緣會當別寫一匹煙霞境更應消得玉堂醉筆揮

長篇 右奉和 子瞻內翰見贈長韻

晉卿作煙江疊嶂圖僕為作詩十四韻而晉卿和之

語特奇秀因復次韻非獨紀其詩畫之美亦為道其

味二

美

出處契闊之故而終之以不忘在莒之戒亦朋友忠

愛之義 有損文 卻因病瘦出奇骨鹽車之厄寧非天

風流文采磨不盡水墨自與詩爭妍畫山不獨山中

人田歌自古非知田鄭虔三絕君有二筆勢挽回三

百年欲將巖谷亂窈窕眉峯修嫵誇連娟人間何有

春一夢此身將老蠶三眠山中幽絕不可久要作平

地家居仙能令水石長在眼非君好我當誰緣願君

終不忘在莒樂時更賦囚山篇 閏十二月醉後寫

此 子瞻再和前篇非唯格韻高絕而語意鄭重相

與甚厚因復用韻答謝之

憶從南湖北山邊慣見嶺雲和野煙山深路僻空弔

影夢驚松竹風蕭然杖藜芒屨謝塵境已甘老去棲
林泉春籃采朮問康伯梗龜養丹陪稚川漁樵每笑
坐爭席鷗鷺無機馴我前一朝忽作長安夢此生猶
欲更問天歸來未央拜天子枯荻敢自期春妍造物
潛移真幻影感時未用悲桑田醉來欲畫山中景水
墨想像追當年玉堂故人相與厚意使嫫母齊聯娟
豈知憂患耗心力讀書懶去但欲眠屠龍學就本無
用只堪投老依金仙更得新詩寫珠玉勸我不作區
中緣佩服忠信匪論報短章重次木瓜篇 元祐已
巳正月初吉晉卿書 晉卿書法渾質方雅類徐季
海書誥救體

味二

五

又徽人持示倪雲林小景一幅枯筆寫樹石有刷絲
濃澹點苔有暈不類平日所作款書洪武壬子倪瓚
有江東司馬及元美二印太倉王氏物也今歸余

二十七

二十八日購得祝枝山行書古詩十九首用金粟山藏
經紙五張款云甲申秋七月望後一日過守谿內相
園中辱林屋留款出經紙索書古詩十九首酒次勉
爲應命 允明

文衡山跋云枝山先生咸稱草聖此卷筆力遒勁乃
法鍾繇人不可及有客持覽書此爲識 嘉靖丙戌
二月徵明書又有彭年文嘉顧德潤王世貞李攀龍

周天球諸跋蓋王文恪公物後王元美購得以貽李
于鱗者

二十九日同細君往白苾莊居摘蓮理荳蔓徜徉竟日
方歸

晦日臨安年家子高陶淑高匡昆季執贄來問業貽
余天目眞茗一筥淪之味勝孝豐君所寄者又熊蹯

二亦山中奇物

七月朔日

二日招二高生飲一鼓別去

三日卯時子闕沈產亡先是忠胎瘧延醫陸心泉者調
治凡十許發疾勢小閒矣至是日寅時不意其產產

味二

五

又甚易方驚喜婦亦親視浴兒罷又進薄粥忽自稱
氣急卽發暈余急持童便排闥入已無及矣婦平湖
沈翰林晴峯先生之孫太學荆軒君女也年十七歸
余家至是卒僅十九耳產一女尙有氣令婢媪瀝乳
汁延之

四日沈徵梅伯翁偕其子伯鸞與其大姪來視含斂

五日舅翁趙五叔者來弔

六日

七日

八日舅翁趙二叔六叔者來弔 陸津陽長郎以僚壻

來弔

九日遺女徧體生毒至是亦氣絕

十日細君與亭兒以悲慟故臥疾戚屬慰藉者稱近日
劉翁兒事翁號字全年幾七旬住柴場灣窳弄止側
室生一子七歲矣至今年五月忽患痘瀕危翁哭之
慟曰吾老止一子死吾子不若死吾也兒咤曰誰為
汝兒者我天台桂林房僧也昨見鄰僧來過余曾負
渠五金相索甚迫當往償之耳家眾錯愕因指嫡母
問之曰若負余金伯兩自余生汝家凡費九十餘金
矣今當為治後事恰伯金也蓋劉翁不問家財秉皆
內子執之又指生母問之曰若匠者受余金治佛屋
前後乾沒三十金故以姪育勞相償翁曰然則我何

味二

望

人也曰汝為余蒙師余誦論語時扶余過苦失口罵
汝今呼爺數年可以補救矣大抵人家眷屬短折者
於過去世皆有因果非浪然者達人何過傷悼乎

十一日

十二日

十三日甚熱

十四日小雨

十五日大雨竟夜

十六日涼

十七日客持示趙文敏畫菜一幅題云幾年肉食走京
塵夢想山中菜甲春歸來倚梅江沙晚燭煮香根永

玉津余歸自京師道經松陵適風雨繫舟驛亭煮菜
以飯味殊美遂寫此紙并賦大德四年三月廿日子
昂

又元人墨菊一幀 宋昌裔題云華上玄霜壓鬢寒
葛巾漉酒不曾乾高風千載無遺影誰寫墨花秋露
團海漁子題 水國秋高八月涼誰將玉杵搗玄霜
西風吹入東籬下萬朵無尋一點黃錢唐凌雲翰
江國秋風第一枝清香不殿羲熙時柴桑午夜松蘿
月景下疏窗色更奇裴日英
又方方壺雲山自題洪武己未秋日金門羽客方方
壺非真

味二

望

又姚雲東行書仙家豈在弱水外只在人間人不知
長歌一幅書法類張伯雨款云成化紀元乙酉夏五
之望子抱疴寓邸越十餘日始愈將入內堂適孫文
著自鄉中來敘話後即出此幅求題余喜故舊合并
乃呼蒼頭持玉雪坡研遂試張文寶紫羅筆書于上
方不暇稿飾亦一趣也

十八日蘇客陳韜字仲明來顧攜觀高房山夏山高閣
圖文五峯鍾陵山圖錢叔寶漁家釀飲圖沈石田山
靜似太古長卷余止購其侯夷門做黃子久一幀上
方有三人題句 天下山川數會稽千巖萬壑使人
迷黃冠敕賜雲霞主別有仙書降紫泥王寵 空山

經歲掩蓬蒿，懶性無營臥。自高不爲絕，交交似絕久。
虛書問到山，壽周天球。萬樹濤聲走碧空，雨花當
戶白雲重。馬鞍困頓方無賴，猶自憑高對晚峯。文彭
十九日購得錢叔寶畫冊十方，內臨戴嵩牛二幅，妙筆
也。

二十日馮權奇從廣陵回過，余劇談彼中，戲賈有好事
者於汪景韶長郎處見夾雪本閣帖對幅，黃子久寫
桐柏山真景，俱妙絕。又米元章真蹟極多，權奇既津
津不覺令人涎出。權奇貽余真松蘿茶一缶，青麟髓
墨四挺。

二十一日報謁陳仲明，仲明亦善繪事，出一幀示余，余
爲鈴一鑒賞印記，且賦一絕云：尺一珍圖萬疊霞，散
仙含墨布雲沙。願將仕籍刊名姓，只向青山判五花。

二十二日
二十三日陳仲明攜示沈石田畫一小幀，樹石類子久
山頂圓渾，絨文漫衍，似李唐一絕。云：深林黃葉獨
行人，短髮蕭蕭兩鬢銀。因得泉聲過橋去，層巒宛轉有
空亭。兒子從平湖回云：外家示之古羽觴，色沈古
非金非石乃太倉。王澹生所奉於沈翁，晴老者晴老
主壬午南畿試澹生其解首也。余遙斷曰：此必古陶
蓋漢以上物也。

二十四日雨竟日，庭際玉簪秋海棠盛開。

二十五日
二十六日王丹林持示唐太宗興慶宮詩，搨木又睿宗
景雲鐘樓銘，款書景雲元年歲辛亥。金八月朔已酉
金日戊戌，土鑄成於時日五行取金與土以鐘本屬
金而土生之耳。

二十七日從諸紳會天寧禪寺議均田均里。
二十八日大熱汗流夜不能寐。
二十九日過項宏甫觀王叔明畫葛稚川移居圖，山勢
開合筆法半用句勘，樹夾葉丹翠純法唐人。一翁攢
雲冠鶴氅服飄然獨往，二僮息擔前岡所擔盡卷軸
琴箏之類，後一媪懷兒騎特緩行，二婢踽踽隨之。凡

岡巒五六折而上，有逕直抵平麓，籬槩備草堂三
四間，先有泛擘者按稚川蹤跡多在南徽，豈衡嶽祝
融羅浮武夷幽絕處耶？叔明白篆葛稚川移居圖六
字，又題云：蒙昔爲日章作此圖已數年矣，今得再觀
始題之不知日章竟何人也。

是月十三日盛德潛卒於王家橋坊從子之居，至是
其從子以所遺哥窯洗一圍徑五寸，倭漆香鑪一木
外砂填裏甚輕，黑漆金描浪紋水花形製頗雅，倭地
木堅而輕，海砂勻細，所以爲佳。以是質錢勉應之。
八月朔日
二日雨即霽，同諸大夫孝廉文學會仁文書院講均甲

事宜議倡於徐寺承德夫先是海鹽嘉善平湖三邑前後行均甲法海鹽田多士紳少行之最便嘉善平湖稍稍稱不便德夫既上疏議革監兌議裁白糧水脚民頗德之因勇爲此舉然嘉興田最少士紳最多優免不如他邑則士紳嗾然免如他邑則所均田益少不勝役乃曲議消去一百六十餘里以當優免之數夫無故而日蹙國百里恐非上所樂聞也且舊士紳之不充里役原無限免之數故田多至數千畝者不過二三家其千畝以下或不滿五百畝者往往而是今既限甲科三千畝鄉科乙千五百畝貢監而下遞減以至吏承皆有免額勢必受詭匿取盈而止其

味二

吳

數占必多受均之田益狹矣良民安得不困且近來人情誦詐躲閃百端每至十年編審必藉精察英斷之令密切留意預先調探得富厚之實者不拘其田多少一以重役任之故雖詭出之田漸自收復今既拘田數善詭者無法制之不均之歎方復興矣余私爲兩言以括之曰明設免額則富民姦詭之窟愈多必拘田數則有司操縱之權盡失未爲無見也又議官解蓋欲將各項解京解司解府錢糧一委之官以蘇民意非不善也但錢糧解各衙門者收兌掣批不無使費勢必厚其杠價不能不加編加編而可省民勞誠所不惜然行之既久恐不免又生枝節而

所編之銀又不可減如近日修衙祭祀等費既入條編不免又費之里長坊相家火既斂銀置辦而近又紛紛借用於鋪行寺院大抵有治人無治法在當事者隨時均節之爲妙耳吾郡田每畝除糧米外編銀至八分有奇矣又可輕言加派乎

加編既非人情所樂於是議將原編海塘夫銀叩抵吾郡自萬厯初年海嘯衝決塘口漂溺男婦數十萬毀壞墳墓廬舍不可勝計內地之田被鹹水浸灌盡成斥鹵凡用數十萬金五六年之力而塘工始就其所編海塘銀者蓋欲逐時防護勘驗遇小有壞泐卽請銀修之不俟其既決而後發帑營築也今議者見

味二

吳

各縣海塘銀多冒領拖負無一在官故有叩抵之說眞所謂懲噎而廢食者議者又見海鹽三倉斗級守候賠折之苦遂議折銀每石徵銀五錢誠爲省便然原立倉輸米之意正以海上宿兵餉不可缺恐後豐歉不常常令倉中有五年不盡之蓄故不惟七邑皆有三倉之糧卽湖州各邑亦有之且倭警一發所調集客兵必多千里饋糧何如開庾散給之便此眞有深意卽漢晁錯趙充國等屯田塞下之遺策也而議者不察何不爲桑梓一熟慮之邪

徵人持示盛子昭桃源圖山頭沈綠樹色蒼蔚頗饒

古趣題者云 野服相隨歷遠峯石林雲樹翠蒙茸
春風處處桃花水不辨仙源第幾重陳顛 夾岸桃
花水一川漁翁浪說會神仙如今一統山河固寧道
山中別有天王來 仙洞融融畫景遲春雲爛漫簇
高枝昔年曾逐桃花水猶記龍門變化時任敬敏
又黃公望縹緲仙居圖山頭嵐氣如蒸樹皆漬墨間
有个字者大都雜用米法款云至正甲午大癡道人
黃公望時年八十有二

味二

又文徵仲古柏脩篁酷類趙文敏題云纖纖小雨作
輕寒最好疏篁帶雨看正似美人無俗韻清風徐灑
碧瑯玕 雨中祿之攜松雪畫蘭過訪即與觀此

三日晚登舟往奠姻家張吉巖光祿母楊安人亨兒侍
行夜泊雙溪橋外
四日午刻至張宅地名周家堰西至平湖縣十八里東
至乍浦廿五里海濱淤沃之壤多草蕩先年分給各
竈丁取薪煮鹵今每畝止徵銀四分近民居者稍闢
爲田佃者畝輸粟五斗鄉大姓世擅其利張君藉先
貫游京輦得官侍從脩長挺峙談論壘壘生三子長
翼宸次翼寰次翼宣翼寰聘余女肇淑蚤慧有文情
余極愛之嫌少佻耳張君引余觀屋前後佃丁雜僮
奴遺住百餘家其祖基梁柱俱宋熙寧時物也有題
記可考國運隆泰時和歲豐草澤閒擁有成業指揮

一方又稍飾以文激揚吐氣此其人豈讓古千戶侯
視市井大商豪賈射利一時非不與服赫奕卒不免
蕩析傾覆子孫或不能保數十年之產其相去萬萬
也今士大夫樂市居之嚮華厭田里之俚樸處於眾
爭之地爲不保旦夕之謀卒與商之轉徙同歸亦甚
愚拙矣余於張君之居歷宋元迄今爲之深感

五日熱甚夜飲吉巖兄善巖家

六日飯後發舟順風駛迅一鼓抵家

七日雨

八日以雞醑酌盛德潛於王家坊之委巷德潛自號杞
菊老人余爲作傳又著閱古錄紀平生交游閒所見

味二

法書名畫鼎彝巧玩甚悉余又爲作敘

九日雨

十日購得枝山草書一律云今古神仙窟羅浮道士家
牀前挂星斗腳底蹋煙霞已見橋橫鐵曾聞竈伏砂
此中成道易攜履莫教賒筆勢天矯大類旭素枝山
外大父爲徐天全翁內父爲李貞伯書法淵源宏遠
矣

十一日

十二日雨飲賈持覽文休承大幅山水樹石巒麓重疊
蔽虧瀟灑有味琴一張曰海濤冰柱古物也滇劍
鈿室瑩滑人所久服者

十三日大風

十四日晴過馮權奇權奇言成化年有楊景章者畫學

王叔明與沈石田父貞吉同時

十五日無月

十六日鈕伯谷昆季招登酒舫泛南湖在坐沈子廣高

孟益朱完樸歌伎梁一歌童方二任八維梢菰蒲閒

月色靄澹遊者鼓吹閒作絲肉雜陳亦有以火花煙

爆佐之者余成一律云煜煜輕綃隔鏡區娑娑桂影

一分偏寒潮暗滿菱花港宿雨初收荳莢田桃扇忽

欹窺素面湘簾半捲壓金鈿拍浮幸值魚龍夜爭採

驪珠未肯眠

味二

完

十七日

十八日

十九日大雨

二十日為組三稔書齋扁雪峭二字以齋前有三尺崑

石白色瑩然如積雪成峭峯耳

二十一日同鄉紳姚羅浮賀道星岳石帆陳如崗徐玄

仗謁吳太守長谷為同年高永仁送雙節紀略求旌

其生母常氏外王母姜氏

二十二日夏賈從錫山同持示沈樵所繪山水一軸筆

意大類王叔明蒼松紅樹水亭三高士跌坐談話涯

際川丹綠點綴木芙蓉數筆知為晚秋物色山頭攢

點小樹層層主峯圓渾秀潤

陶菴沈貞吉題云 破國四字 不相逢今日重來覓舊

蹤老態尚如秋後菊結交誰似歲寒松樽前談笑攜

君手筆底風流寫我容自是人生懽會少扁舟歸興

莫慙慙不將閒筆染江山只為吾親寫壽顏但願壽

顏常不老年年相對畫圖閒璞再題寓意 交游湖

海豈無人屈指知心只有君樽酒幾回同夜月世情

多半若秋雲山花勸飲當筵笑楚烏呼名隔樹聞正

好相留又相別高歌一曲聚飛蚊沈璞 應臨揚雄

孫子丹青手貌得吾家世父真風采便如堂上老兒

童不信畫中人聲華自此當追古筆法隨年漸入神

味二

辛

留取墨雲三百斛漢廷應待寫麒麟 成化壬辰十

月二十一日適周世父生申之辰其壽既登七十又

三而神完若仙於是諸子泊周輩 拜賀于全慶堂

上友人楊景章亦以賀客至景章工寫照法名於吳

中諸子因舉觴屬景章貌其殮霞曠日之標筆法精

到座客莫不喟喟稱真景章可謂得阿堵者矣世父

首倡一律書於季子樵所繪別圖之上周亦隨詠於

後併志其迹而歸諸行李云

璞字書音樸未成器也德韞其字與樵皆陶菴子姓

陶菴弟名原吉者生石田觀此相城畫派淵源已久

而一時父子兄弟文雅相照何必減重圭疊組哉

又文徵仲寒林曲澗寫霜樹四五層樹身紐搭俱用
刷絲粘筆其上枝梢湧噴有捎雲觸日之勢峯頂陂
腳石皆嶒岬有稜刃此幅純用北苑法掩其署名鮮
不以爲白石翁也自題一絕云霜後平林含古色雨
餘高壩雜風聲空山歲晚無車馬一鳴斜陽曳杖行
又文伯仁谿山仙館淺絳重巒疊樹意象俱足所少
灑然之韻耳

二十三日泛舟至相湖弔吳判官承默冢宰默泉公季
子也官亳州判卒於宦邸四子扶櫬回住相湖之濱
路經白鷺溼白蘋被渚紫蓼搖風秋晚矣

二十四日小雨石佛僧允沖無見來乞海日菴記菴在

味二

至

澱浦金牛洞相傳唐時土民舉伯通兄弟見海岸山
側有一金牛遂往趨之牛入地又穿掘不已山崩兄
弟覆焉因名金牛洞南對鷹窠頂亦見海中出日無
見精苦行募得地四十畝將卓菴居之余名其菴曰
海日無見且云鋤心之暇頗有餘日當覓舉亭山楊
梅松江袁山竹筍龍井茶子黃山松苗雜蒔之余爲
欣然果爾亦余杖屨淹留地也鷹窠頂有松花葺極
佳澱浦民家能作澆牛乳皆足供茹素者不暇問海
鮮矣 夏賈攜一缺尸滲血漬甚厚

二十五日小雨倏霽

二十六日

二十七日雨沈翠水過攜示文文水小景 蔣文藻竹
枝學梅道人題云愛寫琅玕未肯休枝頭忽聽叫舸
轉籃輿直造不問主借問何如王子猷西湖遊子戲
墨

又祝京兆書後赤壁賦筆勢縱橫極頓掣之致款云
乙酉冬十月望夜余方擁鑑獨坐適半閒過相與談
論久之煖酒對酌偶思蘇長公是夜赤壁之遊呵凍
書此歸之半閒不知半閒者何等人也

又文徵仲亦行草前後二賦筆稍褊薄不快意
又祝京兆臨宋徽宗草書三十九字云絳霄紫庭金
書赤字乃以甲夜下於艮嶽如鳳飛龍躍鬱起可讀

味二

至

日受天之祐皇帝永寧光曜日月浮動

又臨唐太宗屏風書四段

又臨古帖吾目且及今食噉都不下非常所言復在
客舍所求者並乏加以年老期如等復得年月耳

行末又書云圓而能轉字字合節度乃東林之儔也

又句吳墨妙一卷周公瑕篆四字適圓可喜

首枝山二行書手札與文衡山先生者

一云恭喜令郎游泮正欲造賀緣有松江之行弗克
致儀明當奉補幸諒荷荷允明頓首

徵明二丈先生侍史

一云適桃谷降舍聊治草酌屈過一陪再無他

勿拒荷荷一日允明頓首

徵明二丈先生侍史

此二札圓婉豐逸絕類獻之

王雅宜行書一詩 三月阻風古城驛憶吳中牡丹

書寄野亭錢丈 王寵

憶得名花倚玉樓舞衣歌扇闕春游癡兒拋卻千金

笑咄咄書空古渡頭

又一札云霖雨初霽借華生閣帖一展惟冀盡發為

妙有奇物即過賞鑒至屬 王寵頓首

衡山二丈先生

又王履吉行草書二首 晚 翠竹紅霞霽景鮮週

味二

至

天日月見雙縣解衣盤礴龍鱗石露頂蕭疏玉屑泉

多病馬卿真慢世長齋蘇晉欲逃禪江湖何處無魚

稻休問唐生躍馬鞭 鞭字誤寫卿字 曉 城烏

猶未起吹角滿江東星月秋山白雲霞曙海紅縵歌

舟楫動楚哭井闔空世事催虹箭生涯只鳥籠 雅

宜山人王寵呈 文水二丈請正

此二詩蹟驚矯廓落見出塵之韻

又祝枝山一簡云伏聞令孫文學入游芹類桂闕杏

池高步伊始吾丈綿綿世祿何有既耶輒具紗帕一

事藉手少將賀 私脫不鄙遺垂納幸甚 辱眷未

晚生祝允明頓首再拜

此一札做鍾楷蓋施於所尊者故耳

二十八日沈翠水持示趙子昂小楷書道經數種絕倫

精好卜氏物也

二十九日同馬禹山太守吳紹溪比部吳赤含州守謁

陸令君訂宴期

三十日湖州烏鎮沈華嵩來顧即出報謁

九月朔日諸生名濤甫者澠湖先生之孫也澠湖以善

書名郡中家多精帖諸生因亦善鑒至是持修內司

本十七帖來視首有張正鶴印記比部翼菴先生物

也先生恬脩潛養立朝不一二年以忤權貴歸杜門

不交世俗日以臨揚名蹟為務書遂超勝有二王風

味二

至

軌余為諸生時好為古文辭先生乃忘年友余每相

見談筆法追尊吳興而頗非蘇米然非得精手界畫

行閒未嘗輕下筆也以故法度有餘而風神未曜今

先生化去已十餘年矣手其遺帖為之慨然諸生又

以先生所書東坡梅花詩一卷見貽宛然復映眉宇

也

鄰媪持荔支木小佛籠一精甚高三寸闕三指又倭

漆香盒二內府織成青絲盤龍腰帶一又盈尺靈璧

石一英石研山一古銅青綠小帶系一來質錢余方

收帖無以應之

二日移植庭菊八本

三日燕陸令君於馬禹山太守宅 賀吏部伯闇作均田補議糾正甚多主議者不悅

四日購得姚丹丘柳陰釣艇一幅自題云李白平生趣在詩陵陽每恨釣魚遲不知此老吟多少山水中閒且一絲

五日
六日楓涇黃章甫來

七日方丈室攜示黃公望龍江阻風一圖不真又吳匏菴手寫書目一本陸五湖師道手鈔後題云右書目一冊休承所藏故大學士文定公匏菴吳先生手筆其間所載古今大典子集名家如杜氏春秋

味二

至

傳不詳其姓字而管晏等書皆不之見疑是收藏家所錄然每門之首又詳載前史書目何也要是公隨所見聞纂輯故有未備耶既手鈔而重裝之且書以質于休承嘉靖己亥陸師道題 余按杜氏春秋傳乃杜元凱預也何足致疑其中有昔異事雜蹟一部乃爲罕物

八日治往齊雲之裝辰刻發舟夜泊石門得選古一夙志禮靈嶽差池胷塵棲纓組幸已解樊籠安足羈皎皎晴昊碧蒼蒼平楚低清風引余袂快舸遵水涯如彼入雲鶴矯矯凌晨曦

九日由謝村取餘杭道曲溪淺渚被水皆菱角有深淺

紅及慘碧三色舟行羽手可取而不設塵壘僻地俗溜此亦可見余坐蓬底閱所攜康樂集遇一秀句則引一酌酒渴思解奴子康素工掠食偶命之甚資咀嚼平生恥爲不義此其愧心者也夜泊楊家橋去縣尙二十里明晨登陸矣成一律以應令節

夢結靈峯頂身爲獨往雲高流溯欲盡仄嶺望初分笑與鷗鳧別行隨麋鹿羣龍山塵土事拂鬢亦埃氛十日從餘杭埠口覓筇輿衝煙而發三十里至青山坡石皆沈紫色老苔漬之極其古秀畫家所未能狀也又十里至五柳又十里至馬溪橋溪流得雨濺濺有聲橋左一大士廟老僧進杯茗五里至臨安西市汪

味二

美

鋪饋食皆淡味古云山中無鹽豉故壽其然邪十一日五里至青溪渡溪多馬卵石一路多水碓泉流甚壯又五里至錢王鋪又十里至化龍鋪十里至橫塘又十里至藻溪時雨初霽雲氣亂如奔馬四山多畫眉聲三里至瓶窰河口溪聲瀉瀉跨溪建一觀音閣老僧煎茗施行者土人趙老角巾禱衣來迎客云閣本其所建生二子一掾史一諸生平生步履不越溪上日聽水聲看山色而已談吐頗有味馬少遊輩人也七里至戴石十里至鎮郭有萬壽寺樹木頗陰森而像設荒落五里至方園鋪十里至太陽鋪盡日行兩山合沓間一峯吐雲一峯送日夾路墊松雨蒸

日炙香氣撲人衣袖爲沾漬者然之皆有龍麝氣
十二日雨十里至廬嶺十里至昌化縣縣在萬山中無
城儒學倚一峯下面對稠林森秀之極十里至白石
橋十里至手挖巡司十里至朱柳有睢陽雙節廟十
里遶溪行六七里四面峯巒迴合疑無徑路踰一小
嶺又三里至結口宿焉是日雨不止衣袍沾濕僕夫
頗疲頗余於輿上領略雲山滃濛之狀沈綠深黛中
時露薄緒倏斂倏開非襄陽米老斷不能與造化傳
神乃知此老高自標置固非浪語向余不知畫法不
爲此行在萬山中適值澍雨亦何由證入哉憶余初
從餘杭渡口晴色可矧止西望有晦昧之意今乃知

味二

五

余來時正山靈醞雨之候也余實步步入雨境耳
十三日大晴自頰口起行五里至高路五里至橫溪橋
十里至嶺脚過車盤嶺五里至順溪五里至楊家塘
五里至昱嶺關五里至新橋鋪上老竹嶺嶺當兩山
迴合處嶺以東水皆流入太湖嶺以西水皆流入浙
江山勢兩背相抵曲澗蛇行其間萬杉森森四望疑
無出竇而竹嶺稍通一綫亦半假人力鑿治真一夫
當關之勝也氣候新晴愈覺澄朗諸峯曉色澄翠拖
藍日光射之遠者如半空朱旗近者如塗金錯繡丹
楓蒼檜點綴其間萬壑屯雲千流漱玉到此又思李
昭道父子畫法不爲虛設大小米如中書堂淡瀟判

押挈其總領而已山有草花紅媚可人葉如牡丹而
小土人名之秋海棠我地秋海棠生牆陰濕地花如
豆蔻葉如莧乃斷腸草非此種也今因改名秋牡丹
以配之且令僮輩攜其種回不知肯滋殖否度老竹
嶺西脚鮑店酒頗醇美十里至王干巡司廣葉嶺鐘
嶺黃土嶺所謂王干三嶺也一過老竹卽爲歙地山
形非不雄壯而勢稍散闊土人工殖利山下開塘蓄
魚慮人竊取則作甌牆圍之每亘數十百步以雜樹
與相子利薄多改殖槿子砵油轉售故無紅葉點綴
鑿石煨灰多作窖穴白堊淋漓可厭蓋陶白猗卓之
策行則孫綽謝眺盧浩然之趣不免減損物之不能

味二

五

兩大固其理歟又十里至杞梓里宿
十四日三里至徐鳴七里蘇村五里至斜干有槐源大
石橋五里至蛇坑五里至賜麟橋五里至山後鋪五
里至鄭坑五里至七賢橋土人云昔有七賢者作七
井七竈爲糜以食餓者又共作此橋利濟詰其姓名
則不知爲何拂碑碑泐不可讀口里至方村一里至
北岸一里至大佛鋪吳氏住處喬木陰森俗傳半夜
夫妻八百丁者有衍慶橋蜻蜓灣四里至蔡鳴口六
里至章祁鋪有越汪公祠詰土人不知公爲何人余
按唐杜伏威部將王雄誕傳稱歙守汪華在郡稱王
已十年雄誕攻降之至今歙人稱汪王其卽誕耶抑

其子孫耶五里至郎源口又五里至柵木嶺二里至
七里廟有八相公祠二里至新窰第一關六里至城
繞城行一里至河西橋橋有十七洞下俯大溪雄跨
勝吳江垂虹也余以山人裝竹兜潛行不敢過諸豪
貴交人亦無從物色余蚤息旅館無事作山中十三
聲詩亦經行所感也

十五日十里至巖市鎮街術縱橫車轂湊擊聚落之雄
勝者以禮岳故不敢遲徊流覽入一小肆中午餐几
案楚楚薰鑪研屏若蘇人位置壁有文太史畫一幀
題句云秋色點霜催木葉清江照影落扶疏高人自
愛扁舟穩閒弄長竿不釣魚長洲文壁十里至楊村

味二

五

十里高橋十里萬安橋十里休寧縣縣治壯麗江南
北所未見冒雨行四十里至巖脚沐浴更衣躡級而
上日已崦嵫矣至天門有青童二人執炬導余歸黃
庭院院主陳建宇吳立齋具精蔬款余羽流俱能酒
酣肆雄快絕無城市跼蹐卑趨之態恨無展陸妙手
作醉道士圖貽之耳

十六日五鼓起盥櫛同羽流鼓吹詣拜表臺上章天風
獵獵清寒砭人骨如置余九霄鬱羅之府塵海浩浩
俱出履帶下也歸院午殮罷羽流乞書扇者芬集漫
占語應之不復計其工拙天門外石室中遇張躡蹻
一百二三十歲人

十七日蚤下山改從溪路取嚴州道至休寧過落日臺
乘月行五十里至屯溪
十八日易船行四十里至辰山渡二十五里至箬團山
山多翠箬

十九日行十里至縣溪有汪五峯墓

二十日晚至黃館驛易微客汪姓者船夜行五十里

二十一日至七里瀧過巖先生釣臺五十里至桐廬五

十里至新店四十里至富陽連日大東北風水勢既

闊行灣曲中霧氣茫茫浩如泛海

二十二日辰起霧未解風勢未定余從富陽起陸覓官

輿一乘驛騎四匹以行沿山度嶺七十里至六和塔

味二

六

一望煙江無際余向所乘舟竟不知何處始信置足
實地之爲快也又十里至赤山埠覓西湖撈船至昭
慶雲山房宿焉舟中遇同載一僧從雲棲來號慧文
頗知詩因言雲棲巖下有一穴僅容一人側臥有一
僧處之上則草木蕭蔚下則澗泉澆澗僧寒暑不出
慧文作詩贈之曰巖上草蕭蕭巖下水澆澆中有上
皇人側身臥其閒癡憨似布袋撒顛類寒山乞食尙
無瓢世故豈相關自言無體面要求方寸閒其風可
想矣

二十三日從松毛場覓舟得湖客舫子夜行泊石門

二十四日抵家哺矣

二十五日姑蘇陸孝廉諱時選者饒州別駕廬峯公之
長郎也以余嗜名蹟寄惠王文恪公草書詩一幅乃
贈奚令文者瘦勁高朗有利錐畫堅木之勢蓋饒介
之法也詩云奚家園裏千株杏處處花開不待春種
樹由來兼種德枝頭顆顆總含仁

余友令文奚君家世業醫吳中賴以全活者頗多遂
扁其堂曰種德賦此以贈 光祿大夫柱國少傅兼
太子太傅戶部尚書武英殿大學士王鏊

二十六日

二十七日出弔郡司理沈平台太翁之喪

二十八日招沈華嵩封公小坐

味二

空

二十九日大風諸生持沈石田小景唐伯虎疊嶂飛泉
俱非真 夏賈持示文徵明雪景筆力頗老恨絹素
希薄古銅水盂一哥窯印池一 夜集沈心江家

十月一日同沈翠水往平湖奠建臺叔孀夫人

二日返舍覓得小玉梳一本枝葉團欒可愛寒月青翠
如黃楊已有葆蕊待春而敷盆玩之珍也 張甥伯

始出其曾大父及山先生手書一絕有吳興風氣及

山於弘治中以神童能書召至殿陞立書忠孝二大

字以進上大稱賞賜錙而出後第嘉靖開進士官至

工部尚書今玩其印記云玉堂掌制大夫豈又嘗官

翰林耶

三日諸生持示王叔明黃鶴草堂圖焦筆淺絳頗老氣
然無深韻款云王蒙為靜菴上人畫廢物也

又古素方斗畫一幅溪樹釣艇意象蕭然號之以盛
子昭亦臆斷耳

四日張媼持陳白陽散筆山水來觀氣象荒率一時乘
興之作也然如豪士哺嚼初不經意而雄邁自露一

絕云長松落落映寒流衰葦蕭蕭一葉舟歌罷滄浪
誰肯和青山滿目送清秋嘉靖辛丑秋日自山中還

湖上戲作此紙以紀興白陽山人道復 行草如指

項天真爛漫大類唐人林藻

五日

味二

空

六日過徐德夫陳孟常

七日

八日連日俱大晴暖

九日微雨西風甚厲飲陳白石家湯慧珠在坐談臨安

山水奇勝與余意合

十日晴

十一日

十二日至北津送譚聖子主政

十三日高儀部過談

十四日諸生持示沈石田淡色葵榴圖題詞云風雨葵

花小院前老夫留此學安禪家中儘有家中事客裏

還修客裏緣蒲酒底棕盤邊一般佳節過流年浮生
所寓誰拘我著處爲歡也自仙 右寓東禪寺過端
午詞寄鷓鴣天

十五日雨如霧入夜始有滴瀝

十六日晴

十七日吳江周本音來顧索題其所書洛神賦卷本音
書從褚有悟入近益精緊而縹緲 夏賈持視文衡
山青綠山水做趙吳興長松數株落落有入雲之槩
一高士倚舷面山若有注想者一絕云短棹夷猶綠
玉灣微風拂晚波聞夕陽不隔天涯色一片湖南
樹裏山 又漢鏡一規水銀晃白恨銅質稍劣耳

味二

李

客持先輩姚學士弘謨書題一絕云風寂梗猶冷露
滴林初曙山鼠不畏人松閒自來去亦山中寶錄也
十八日夜月色如晝與周本音坐石臨水痛飲大醉
十九日同周本音許廣文高元雅萬蓋吾沈尊生陸孝
廉集項孟璜齋頭出觀顏魯公深慰帖楊凝式神仙
起居法褚摹蘭亭唐鈎萬歲通天帖高閑草書千文
皆余平日再三經目者顏帖最爲甲觀通天帖鈎填
入神矣高閑書散漫潦倒定是偽札又出蔡君謨十
帖俱真余止記一帖語蓋因其字畫之尤妙而深味
之故也

大規盈尺風韻甚佳齋中之花繇是而至瓶亦是嘉

品感荷以珪易却用以商於六里則可真則趙璧可
愛未能決之尙當面議也 襄上 都尉公閣下
都尉者豈王晉卿邪以珪易却未審何說商於六里
乃張儀誑楚事想亦文玩博易君謨持重所愛故著
語如是耳

又一帖水林橋花字如荔支譜特端勁有風格

倪雲林題語中有云宋人書唯蔡端明有晉魏六朝
風軌粹然如琢玉珊瑚之潤密若米元章非不宗尙
右軍大令然矯異怒張終有子路事夫子氣象

二十日諸生攜示弘文館十七帖後題云大唐貞觀十
七年歲在癸卯三月一日尙書僕射上柱國永興郡

味二

畜

開國公臣虞世南翰林學士諫議大夫河南郡開國
侯臣褚遂良等 奉敕摹充館本兼太子率更令勃
海郡開國男歐陽詢奉敕校定無失

孫過庭跋云官本法帖號爲佳玩然其真偽渾淆久
矣如劉次莊有能書名其所摹本亦有分一字半居
前行之底半居後行之顛者最爲可笑唯此十七帖
相傳真的當時雖入官卷中而揭本故在人間幸不
淆亂此本馬莊甫所摹刻也玩其筆意縱橫有鸞舞
蛇驚之勢而氣象仍從容閑雅不束縛於法而亦不
離於法說者謂右軍致一書陳一事卽造次之際稽
古斯在觀此帖不信然耶書家得是帖臨摹三味何

患不升右軍之堂與之神遇哉

又宋廣平寺文安公牡丹詩十首劉孟堅作序書法類聖教序

二十一日過許廣文出觀劉松年做張僧繇碧山紅樹偽物也 於許君處鉤得瘞鶴銘全文一百六十六字較東觀餘論所載邵資政考次者多六十八字文亦互異

瘞鶴銘并序華陽真逸撰鶴壽不知其紀也壬辰歲得於華亭甲午歲化於宋方天其未遂吾翔寥廓耶奚奪之遽也迺裹以玄黃之幣藏乎茲山之下仙家有立石旌德事篆銘不朽詞曰相此胎禽浮丘著經

味二

癸

迺徵前事出於上真余欲無言紀爾歲辰玄門去鼓華表留聲我唯髣髴事亦微冥爾將何之解化惟寧後蕩洪波前固重局右割荆門末下華亭爰集真侶瘞爾作銘上皇山人逸少書 峯山徵士丹陽外山尉江陰真宰立石

二十二日借萬蓋卿所藏陸叔平大幅灌菊圖山稜巒峭樹木疏朗大槩用子久法草堂踞平岡籬薄環遶樹有行列隔水有閣虛敞可望二童擔水行灌一童濱澗挹水注器中二老跌坐堂前一拊琴一抱膝極有神會後山遙峯下一亭聳然石砌籬牖用五色小點攢簇為寒葩晃晃若夕陽映其光輕風拂其態也

款云壬申九日包山陸治作于餐英館中

又文五峯小幅山水皴法雖似黃鶴山樵而樹石布置全學唐人自下巖上凡五六層皆松樹極欹偃遮露之狀上至縹緲峯頂皆小松如髮乃五峯平生傑作也一絕云松岡濃翠色參天萬疊芙蓉半入煙策杖閒來觀勝槩虛亭正在石谿邊五峯文伯仁

又文休承張公洞圖輕鉤淺色極鬆逸之趣一律云福地真傳霹靂開仰空虛竇瞰崔嵬千盤磴道穿深黑萬古仇池接往來頗怪洞中常見日翻從地底一登臺聳身忽自崖間出回首仙蹤悵草萊乙亥三月文嘉

味二

癸

二十三日 二十四日許叔重導松客以董氏寶鼎齋法帖來售凡六卷皆思白臨古帖也題語云紺碧玉珪廣一寸長倍之小篆瑯文云洛脩貢兮江獻珍散金景兮敲浮雲寶鼎現兮色蕤蕤煥其炳兮被龍文即班孟堅寶鼎歌而微有異其陰有癸鼎二字意元鼎年得寶鼎而刻玉以紀瑞者孟堅仍其語於賦之亂辭耳或治河沈璧金泥玉檢即是物耶甲辰秋余得此於西湖因以名藏書之室兒子刻余真行各種書稍稱合作者為寶鼎齋帖有徵余書者以此塞請足以簡應酬之煩壹似示師作鐵門限也因書寶鼎名齋之意以

素之萬麻已酉十月朔董其昌識

二十五日

二十六日廣客示一海卵石灰白硬如石大鵝卵一倍對日視之闕然無光意亦蛟螭所產也

二十七日諸生少湖攜酒化不全閣帖二本來觀亦古榻之佳者

二十八日沈翠水貽余倪元鎮小景一幅題云蕙草兮青青芳芷兮繁生桂樹團團兮卉木抽榮紛雜陳兮戶庭玩春樹兮芳馨彼美人兮采衣若英集芙蓉為裳兮女蘿為纓樂哉消搖兮此亭 戲為仲英高士寫溪山亭子於玩芳亭并賦玩芳亭操雲林子瓚二

味二

月望日

二十九日

三十日連旬晴霽麥未有苗

十一月朔日陰晦

二日小雨如噴霧俄而西風甚厲

三日同湯慧珠許叔重亨兒孥舟至池灣訪沈爾侯仲貞兄弟留集北山草堂堂面山臨池左右脩竹映帶栝松九樹本大五六圍幹皆如柱亭亭入雲其他雜木芳卉蒙茸蔚蔚山有四洞其三嵌空中容石坐其一下有伏流橫梁而渡乃先世白林公所築白林好古博雅性喜白色衣履帷褥悉從縞素曾蓄鶴百餘

號百鶴道人其弟號某者蓄百硯以副之爾侯出觀

其父貞石公諱士立者手書數通楷法精妙虞永歐顏靡不融貫出入筆端遇其合作且將肩隨大令後矣貞石年三十餘而蚤世故書名未洽然有賢嗣君寶愛藏襲客至與古妙蹟錯陳賞玩識者歷眼自然歎絕又安能終掩之邪爾侯又出觀夏圭洞庭秋月大軸上層空濛沙樹甚纖遠下作老木塊石極古勁蓋禹玉畫法本出關仝故也有高宗御題橋香浦浦青黃出維舟日暮柴荆側湧波好月如美人矜誇自弄嬋娟色風高掠水白紛紛夜深河漢正無雲五更何處吹畫角披衣起看低金盆

味二

又趙子昂書札三通管仲姬札一通與其子三哥

又沈石田昭明三檜圖備極怪狀自作詩亦雄邁又有張淵者吳興人和石田作書法逼真李太和

又淳化閣帖一部亦舊榻

仲貞出觀倪雲林南渚圖筆意絕類惠山圖自題云

南渚無來轍窮冬更闕寥水寬山隱隱壁曠月迢迢

想像寫南渚冬盡詩意圖至正廿四年十月六日倪

瓚記 窈窕茅堂石徑曲小山叢桂足淹留仙人已

跨遼天鶴寫得雲林一段秋錢仲益 昔年來看墨

池鵝風雨扁舟載酒過一自春歸清祕閣幾番蛛網

落花多嘉禾朱逢吉

蕭散雲林子詩工畫亦

清吟情何浩蕩筆勢更縱橫鄉里推高誼江湖足令
名近傳乘鶴去應想在蓬瀛華亭顧祿 圖中 圖六
古苔凝綠上松根前輩空留翰墨存寂寞雲林堂下
路一峯殘雨映孤村門生王達

仲貞又出觀梅花道人畫冊

第一幅作宋人詩意圖

南陵水面漫悠悠風緊雲輕欲變秋正是客心孤迥
處誰家紅袖倚江樓梅道人戲作時至正癸巳秋九
月也

第二幅作董源寒林重汀

紅葉村西夕影餘黃蘆灘畔月痕初輕撥棹且歸歟

味二

卷

挂起漁竿不釣魚 董源畫寒林重汀筆法蒼勁世
所罕見其真蹟因觀此圖摹其萬一與朋友共元用
當為著筆

第三幅作削壁臨水上生篠竹

野竹野竹絕可愛枝葉扶疏有真態生平素守遠荆
榛走壁懸崖穿石罅虛心抱節山之阿清風白雨聊
婆娑長梢千尺將如何渭川淇澳風煙多老梅戲墨
元用以為如何

第四幅作枝竹

梅花道人戲墨于晚風清處

第五幅作懸崖竹

題前詩野竹野竹篇至正三年冬十月十日似之來
游武塘下訪出帙索拙作恩恩行意秉燭而為老草
率易以塞其請俟他日泛蒸溪造竹所再作也梅花
老鎮頓首

第六幅竹枝

與可畫竹不見竹東坡作諛忘此詩高麗老爾冰雪
薄戲作歲寒巖壑姿紛紛蒼雪護碧籜謾好風扶
重枝伫看雷雨虛堂夜拔地起作虬龍飛梅花道人
戲作墨竹并題

第七幅作風竹

我愛晚風清順適隨所賞曩古竹林仙恩恩竟長往

味二

卷

荒塗雜廢墟幾度蓬蒿長可人日相就言笑容抵掌
斬餘一席寬何用居求廣荷鋤藝尤蔬刊地芟草莽
舉步山水長引引支離杖行役忘爾汝嘯答巖谷響
淡然入無何朝來山氣爽 我愛晚風清枝枝動庭
竹慘淡暮寒多蕭森分楚綠窗間冥色佳靜賞歡易
足人生遽如許萬事徒碌碌有盡壯士金餘僂匹夫
玉軒車蘊斧鉞梁肉隱耻辱嫋嫋五株柳采采三徑
菊享盡生前歡毋貽死後哭高歌晚風前洗醴斟醴
醴似之出紙冊素作墨戲勉為隨筆呈上因圖醉里
入景去後再黏

第七幅竹

憶昔初逢武水頭，行行送上木蘭舟。
遙憐落日蒸溪上，坐月風聲幾許愁。
梅花人吳鎮頓首至正四年二月二十日也

第八幅作寒菜

菘根脫地翠光溼，雪花翻匙玉脂泣。
蕪羹金谷已塵土，美人壯士何顏色。
山人久刮龜毛毳，囊空不貯挪揄錢。
屠門大嚼知流涎，淡中滋味我所便。
元脩元脩今幾年，一笑不直東坡前。
因食菜糜而作今承索就畫并題也

第八幅作筍

綠陰畫靜南風來，晴梢拂拂煙雲開。
籜龍走地牙角

味二

圭

出班班玉立，攢蒼苔長鏡穿雲石。
路滑錦衣脫，綳玉版白鳴牙未下冰。
壺蕭開籠先放揚州鶴，索作菜對戲爲亦可發笑也梅老書

第九幅松枝

硯池津津墨吐汁，蒼髯呼風山鬼泣。
濤聲破夢鐵骨冷，露影溥空翠毛溼。
徂徠千樹老雲煙，湖山九里甘蕭瑟。
何如置此明窗下，長對詩人弄寒碧。
梅老書

第十幅寫閩蘭

舶權風下東吳舟，杯土移入漳泉秋。
初疑紫挺攢翠鳳，恍如綠綬繫青裘。
猗猗九畹易消歇，奕奕百畝多

淹留軒窗相逢動一笑，悠然蒼翠成風流。
因作松竹梅遂爲寫南蘭一枝以陪清思也

三日夜宿沈爾侯園亭

四日飯玉麟堂爾侯出白玉蓮花杯，綠玉荷葉盤行酒。
又以哥窯白定等厄繼之，期以每器一酌百爵而止。
余適與俗客期不能副其意，爲五六酌而起返棹抵家午刻矣

五日諸生持黃大癡天池石壁圖來觀，余驗其爲臨本。
然重巖沓樹氣象磅礴，此老雲夢之曾隱隱自寓。
唐人收畫各遣工就摹之，王維輞川圖好事者家有一本。
宋人論畫亦重粉本，唯元人貴筆意，故不可摹耳。

味二

圭

余謂近代妙蹟零落得佳臨本亦自不可棄，正如書家鈎搨未嘗不寄髣髴也。
款云至正元年十月大癡道人爲性之作天池石壁圖，時年八十有二。柳待制題云性之得大癡道人天池石壁圖，請余作歌。余愛其合作歌而識之圖上，且以發道人燕閒一笑。
連峯巽巒雲簇簇，石壁天池秋一幅。
大癡道人騎鯉魚，夢入神仙采蛾綠。
覺來兩鬢風泠泠，顚氣湧出芙蓉青。
徑巖下匯龍池水，絕觀高連閣道星。
道人弄筆筆不知入柱，誰能張地維金繩。
鐵紐一何壯，烏道險絕橫。
蛾眉三百年來畫林壑，葦米中間稱合作。
何嘗惜墨點微茫，問亦塗丹記搖落。
吳興室內大弟子幾

人斲輪無血指十日五日一筆成能事於今誇聲聲
大癡小點人所訶道人忤物良已多微君白起歌黃
鶴柰此石壁天池何至正二年八月翰林待制柳貫

六日

七日出壽丘層城年兄

八日長至湯慧珠寄示沈石田麤筆山水學黃子久自
題句破裂不全有語云滿眼白雲無俗物蓋鄰碧樹
有高株一峯道者吾宗主煙海蒼茫不可呼之語蓋
其醉心於大癡至矣有楊君謙題數十語大略謂石
田先生文章雄麗可以主盟一時而四方但馳幣索
其畫乃文為畫掩為可惜而不知畫正石田文之尤

味二

偉麗者也輕縑薄楮一經點染即有金石之壽何必
減豐碑大碣與金匱石室哉

九日寒雨

十日華亭周仲涓以孫雪居畫梅并書孫太白與林和
靖爭孤山五絕句跋者董玄宰陳眉公章憲文陸伯
達諸人成一卷來索題題之

十一日

十二日大風

十三日

十四日聞前月二十七八日夜海寧海鹽半路豐樂鄉
等處俱有地火燃燒民皆移徙避之

十五日同史叔重陳良卿汎至東市稍

十六日

十七日

十八日

十九日與沈錫伯遠開文

二十日

二十一日同包振瑞項孟璜馮權奇集沈甥家

二十二日

二十三日周翠巖持示陳白陽米山小幅筆甚蒼蔚購
得之

二十四日吳仙臺從淮上來餉余淮酒一罈海物數種

味二

二十五日招吳仙臺飲大醉劇談中原舊游歷歷如夢
倏忽七年餘矣為之慨然

二十六日陰寒同沈岳沈翠水許泰徵孫長吉沈荆門

集張元歿十竹齋夜坐至漏下三鼓別去

二十七日病酒吳仙臺攜示李晞古七賢過關圖卷

虞伯生跋云黃要叔七賢過關圖以精絕聞於當代

至宋李伯時亦嘗為之黃長睿見而有映照前古之

譽要皆深得諸賢真靜閒逸之妙耳此卷乃河陽李

晞古唐之筆當建炎閒晞古待詔畫苑所作精工此

七賢圖衣製古雅筆畫雋逸尤非平時簡易之作余

承乏史館得親內府所藏欲求伯時要叔雁行伯時

舍旃古吾誰信歎虞集識 袁清容一絕云七駿嘶
途跨七賢衝風蹋雪出雨關懸知越度非無意正值
強秦逐客年清容居士袁柄題

又米南宮雲山卷近層作四段三橋一渡林木枝梢
撐勁煙葉堆墮有法遠層山靄出沒亦極其趣款云
襄陽米芾作於海岱樓行書搨頂大然余驗其爲臨
本也後八分細題云中統四年七月望不忽木公邁
里古思周正平同觀 雲山隱隱遠巖塵茅屋悠然
旁水濱此地難留車馬客小舟常載讀書人鄧文原
南宮畫幽深無際出有入無此卷舊在梁禮部思
伯愛之時置几案舍弟得與觀焉余癸卯秋自建業

味二

揚帆歷采石皖城眺九華匡廬之勝遙岑近渚空青
潤翠輿舫相出沒令人樂而忘返今在郢城中如斗
大坐臥一室忽忽無聊偶散市衢不意得此於賈人
肆中殊自珍愛時展玩之以當臥游且以慶此卷之
得所也在興魯坊龔子巷寫臨川危素記 小篆題
云元貞二年歲在丙子孟冬十有七日薊丘李中行
孟津楊泰交古城張仲嘉同閱 山居幽賞動長風
處處村村自不同欲識江南風景好雲煙一派出南
宮彭城錢良右 又細楷題永樂壬辰孟春二日三
丰遜老觀 又洪武甲子秋八月望前二日陶凱任
亨泰吳士元同觀於望月樓 又草書畫騰天來大

酒腸天樣寬千杯不覺醉一笑盡君歡醉登望雲樓
閱米老雨山圖酒興顛狂戲爲寫此解縉

又臨巨然山水一幅筆氣蒼蔚不知誰人作
又江南小春圖一幅作茅茨稻積意象荒率無畫史
習氣是士大夫筆也一絕云小春時節笠人家酒熟
雞肥茶又芽牆角稻堆營屋舍樹頭楓葉似桃花乙
巳小春張文憲寫 章伯氏 文憲不知何人吾郡
崇邑有張爰山先生官工部尙書以善書稱不聞其
善畫而亦名文憲豈卽其遺筆耶
二十八日同賀道惺高永仁劉漢冲集丘伯畏家坐隅
有黃菊一盆凡百餘花尙鮮茂云僧人所藏以獻者

味二

二十九日過項晦甫玄度昆季晦甫出觀盧浩然嵩山
十志圖草堂樾館期仙橙枕煙庭倒景臺滌煩磯雲
錦涼幕翠亭金碧潭洞玄室每景造意皆造微入妙
石稜轉折入面樹態偃仰自然誠畫家宗祖也後有
楊凝式行書題數字天真爛然亦爲希世之蹟
右覽前書記左郎中家舊傳盧浩然隱居嵩山十志
盧本名鴻高士也能八分書善製山水樹石隱於嵩
山唐開元初徵拜諫議大夫不受此畫可珍重也丁
未歲前七月十八日老少傅弘農人題
又沈石田周東村合畫韓退之畫記景物文徵仲行
書記文

又宋十賢書蹟內唯范石湖成大字字有二王家法歐陽公行書當三錢大勁利似誠懸

玄度出觀趙吳興落花游魚圖綠蒲長二尺餘者十數莖水面蘊藻鋪漾落花泛泛諦視是貼梗海棠作條子魚隱脊露口喞喞吸水紋者四五尾一魚彎身全露口喞落花若相趁游移而前者意態欲絕誠化工之筆也文敏亦自滿志行書一絕云水光山色濃於染風送落花春幾多頭白歸來舊池館閒看魚泳白漚波延祐七年三月六日春雨初霽溪光可人歸來池館戲作落花遊魚圖就題其上殊有清思耳進之在坐不知以為何如

味二

夫

又王叔明花溪漁隱圖雜樹垂柳甚眾而所作桃花皆用筆鈎圈主峯澹冶虛無得春山之態乃知古人命意斷不虛造

又叔明畫大士菩薩天真像長松下道者跏坐深靜之容可矧上有鮑恂題贊恂吾郡人也國初徵入朝授太子太保不受歸而講學語溪之濱一代高人之冠也此二幅尙有題語甚多過暮色不能熟記

又趙千里原憲瓠圖張伯雨顧金粟倪雲林皆有題不及記

管道昇做文湖州雪竹以贈其長姊者有題絕止記二句云誰道謝庭吟絮後有人千載續楊花

玄度堂懸梅道人畫一軸高山下瀑泉注地曲折有勢二松華潤軒秀水瀉其間題云問渠那得清如許會有源頭活水來可與余家松石泉壑圖並珍

三十日寒甚

十二月朔日寒甚淨慈壑公來報永明禪師舍利塔已就又於寺後桑林中孫太初舊隱處構樓三間亦山中一時勝緣也

二日

三日寒甚河流俱凍舟楫停滯

四日稍和同亭兒過高如晦村齋出觀米書大天馬賦字徑三寸雄逸震蕩筆無定姿大略妍媚則剽褚之

味二

夫

腴沈聳則時顏之骨而一出一入法度森然則山陰父子的派也余所見米蹟未有傑思踰此者本余亡友吳公甫物如晦以百餘金購得之即裝潢亦出邵百川瀚手相傳分宜相沒官物黃方伯與參得之以轉授公甫者

海岳能書又能詩書品超邁入神詩稱意格高遠傑然自成一家人嘗寫詩自投許沖元自言不襲古人生平亦未嘗錄一篇投豪貴元豐中至金陵識王介甫過黃州識蘇子瞻皆不執弟子禮其高舉道如此時論章伯益書如宮女插花嬾嬌對鏡自有一般態度能繼之者唯海岳耳或云海岳學羅讓書蓋其少時

非得法於讓也此帖詞翰兼美誠佳品也勿澄宜寶藏之永樂甲辰中秋前五日浚儀張肯識

淮南老守米南宮筆法今評妙品中翰苑寥寥千載後不知誰復可相同天全有貞題

五日客攜示米南宮行書蕭閒堂記

四明從事晉陵錢君世系字延叟過襄陽米芾曰昨送李濟明渡江與汪行之復會蕭閒堂已撤幕壁間有君像而題曰權杭州觀察推官米元章像楊之儀筆楊之傑贊曰君子之友小人之讐以人方人叔度宜儔余以袖掩字而問行之曰誰歟行之曰君也僕為檢同氣德友識面三編無二君名姓嗚呼古人論

味二

世取友况同世哉世復有三君子者觀文殿學士王公韶字子純樞密直學士劉公庠字希道則僕竟不識其面選人蔡天啟肇相知中語僕若素腹心者云得僕於王荆公蓋僕元豐六年赴希道金陵從事之辟識公於鍾山閒公門有數後進喜爭名而相非又記以長者之言也如天啟樂道人善者一人而已僕老矣不知一蔡二楊何因能識面乎因延叟之語發歎并記其事於家集中以貽子孫因系以誣誰起蕭閒堂圖贊凡陋質昧昧豈我思有懷斯士吉吾生終不遇二陵已相失苟養走四方公卿更絕迹向我交漸稀背憎十六七豐我九畹蘭任沙滿林棘我豈蕭

閒人偶然得空壁美哉何方彥精絕入妙筆君不愧顧長康取媚桓公圖九錫我不媿孟浩然緩策京山過摩詰前此友道久不康紛紛白頭都不卒嗚呼紛紛白頭都不卒迴首此君應辟易襄陽米芾元章書右蕭閒堂敘先臣芾真蹟米友仁鑒定恭跋又研山圖用黛筆描成有天池翠巒玉笏方壇月巖上洞下洞等目銘曰五色水浮崑崙潭在頂出黑雲挂龍怪爍電痕下震澤極變化闔道門寶晉齋前軒書又閣立本西夷貢葵圖作一獅一葵一羊四胡人未必真

味二

又古斗方冊三十葉內唯梅花道人一小幅夏圭煙瀑圖王孟端松下定僧圖趙千里翠山遠瀾倪雲林野篠馬遠梅石彈琴係真品又極古素畫雪林亦佳六日顏平原祭伯濠州刺史文藁真蹟復歸我七日八日春波舊第連市塵取稅房大小百餘閒沿燒悉盡家君一生拮据所就蕩然矣恐重傷親意以世界浮幻之說曲譬相慰家君慨然曰吾年八十豈復須厚殖乎談笑殊自若九日督諸僮理煨燼

十日與包振瑞項孟璜集沈甥家

十一日

十二日

十三日

十四日前是三十五年余以春波舊第假馮權奇居住
權奇性狀幽寂不習世故啟堂前畝地種竹竹死輒
易之又鑿牆多作圓光至是引火入內不可救藥權
奇又以佛藏經十餘箱置樓上而樓下即其妾所居
家人婢子潤褻狼藉竟招烈焰煙燒蓬勃眾人見空
中如曳帛東西散去者數十三四日閒野人率於田
間獲經卷或在十八里橋或在朱家樓或在石佛寺

味二

全

章家橋等處鑿鑿有據皆完好各收置所在巷觀是
必護法諸神怒其褻而燬之又留散其餘以儆世耳
可不敬懼歟

十五日與徐玄仗過上層城年兄見座師郝先生手寫
雙松壽者圖有黃鶴筆意

十六日

十七日同顧海陽侍御沈懷棧主政項扈虛進士燕吳
郡公關郡丞

十八日

十九日微陰仍開霽

二十日

二十一日

二十二日

二十三日郁伯承來求先嬾庵記并圖介翁公先生書
以請是夜微雨

二十四日沈爾侯仲貞來貽余玉麟堂帖皆其先世筆
蹟也 沈淡如謂余近得宋刻梨板虞永興指頂楷

書離騷亦罕物也許搗以貽余

二十五日

二十六日陰寒

二十七日雨

二十八日風雨拏舟往嘉善謁徐令君

味二

全

二十九日寒雲閣雨小盆梅吐白

除夜晴霽

味水軒日記卷二

味水軒日記卷三

明秀水李日華著

萬曆三十九年辛亥歲正月晴為郁伯承作先癩庵記

二日出賀岳青門年伯生孫 夜雨

三日雨

四日海鹽喬令君來顧談日本併琉球事言中朝既累

世受其朝貢不宜置之不理即力不暇勤兵亦宜於

海島附近處稍安插之令奉宗廟血食以俟琉球臣

民之忠義興復者而為之策應是在督責閩廣二撫

臣不宜噤不發聲使遠夷謂中國不足倚也又言福

王府五六年不報完工言路諸公亦宜說破喬君偉

味三

然丈夫其議論如是

五日雨不止

六日晴

七日郡南門火二十餘家

八日

九日

十日

十一日數日皆與匠氏量審繩墨巧者較度高卑豐禡

相知者咸勞苦余且笑余平生癖癩而今竟何如余

解嘲曰余所厭者登壘之跋夏畦之勞耳若夫塗墍

樸斲且將竭股肱誠未見其憊也

十二日

十三日

十四日

十五日

十六日連夜月色如畫

十七日

十八日疏雨

十九日過沈純雅觀定武蘭亭又褚摹白素本及李龍

眠蕭翼賺蘭亭圖有雲西珍藏印記曹氏物也又龍

色米芾之印此卷絹素沈古然余不敢定其真偽夜

始聞雷

味三

二十日

二十一日雷雨

二十二日

二十三日陰雨

二十四日雪屋瓦皆白一冬所無也

二十五日霽

二十六日

二十七日

二十八日

二十九日

二月一日

二日俱陰雨

三日霽

四日

五日飲鉏三穗墨芝堂

六日晴朗連日俱點讀楞嚴經有味郁伯承引僧閒閒者來云參看萬法歸一話三年頗樂靜定然終不能除礙膺之物余勸之且讀楞嚴經

七日作周彥雲中庸發覆編敘

八日小雨有寒色

九日晴嘉樹堂玉蘭盛開

十日人持視漢玉貝壘一金剛子數珠一滲銀佛一明

味三

眼石眼掠一蟠螭古銅書銀一梅花道人竹譜卷一

勘係詹仲和偽筆

十一日同潘見源地師往祖塋相地

十二日上海門生蔣楚白率其姪孫起秀字中翹起榮

字中芳來拜謁以錢鶴灘先生集為費

十三日

十四日

十五日

十六日連日點讀禪集

十七日客持示陳白陽米景題云蕭蕭風雨晚來多江

上漁翁未解簑撐入蘆花清淺處且圖安穩避風波

秋水秋山徹骨清幽人常自結殷勤俗情原與閒情別倚興來觀隔浦雲 白陽山人復題

十八日

十九日

二十日至朱家樓送沈少湖葬

二十一日

二十二日作金明寺建造禪堂疏文

二十三日晴暖

二十四日

二十五日雨

二十六日霽殯亡媳沈於祖塋東屋

味三

二十七日夏賈持示馬遠梅譜十八葉趙文敏山水一軸樹石皆秀潤

二十八日

二十九日

晦日

三月朔日與賀伯開醮錢放生於楞嚴寺

二日登雪舫往姑蘇夜泊吳江北郭

三日泊姑蘇驛嘗新茶暮雨風撼舵牙徹夜

四日雨

五日

六日五鼓由姑蘇解維昏時抵家

第丁丁册續修四庫全書第 24 版反內

七日

八日

九日譚愚公以董思白傲黃子久富春山圖見示筆意亦鬆活松人效者不能也 石塔頭民居火二百餘家

十日

十一日俱晴朗

十二日

十三日王懷我同年寄龍井新芽二瓶至

十四日

十五日

味三

五

十六日赴吳郡公宴同席者李伯兄曙庵毛海澄令成

菴願侍御海陽巨進士存峯

十七日餞高少江儀部於北津

十八日

十九日雨姚大理羅浮其弟心源隱君沈岳翁沈內兄

翠水小集湖舫暮雨

二十日

二十一日

二十二日晴過張霄函齋頭嘗隣點甚甘滑霄函出素卷爲作米山盈尺題一絕云沈水香酣罷讀書墨花飛濺玉蟾蜍雲沙千里湘西夢只在晴窓一卷舒

二十三日夏賈出吳氏鞭竹塵尾傳觀其形如閩中龍

蝦彎曲相就其堅如石其色如黃玉上端受棕尾處

菌縮齟齬有類蓮蕩花跗者五六莖真異物也余二

十年前目覩吳伯度以十二金購於吳人周丹泉丹

泉極有巧思敦彝琴筑一經其手則毀者復完俗者

轉雅吳中一時貴異之此物乃丹泉得於所交黃冠

者必深山窮谷結根石上野火焚燒憤子觸突浮脆

悉盡霜荻獨存偶爲辟穀餐芝者所見遂摩挲露奇

耳伯度已作九原下人此物不殉竟爲盧兒婢子偷

易米肉可歎也

二十四日

味三

六

二十五日鉅伯穀招看苜蓿青紅紫白爛然如錦坐客

王太僕性靈巧能採霜瓠就形似作種種玩物花樽

香爐俱濟實用又得小葫蘆拇大者剖開各半用漆

液紙糊其裏中容滴水養花挂紗巾中花不萎而意

味甚巧異其家一綠萼梅偃蹇覆庭可容燕几三四

花開率五萬餘朵江南所一二數也

二十六日立夏

二十七日小雨

二十八日赴鉅兩岐招賞芍藥女優王鳳臺者演戲頗足觀

二十九日

四月一日訪隱者王靜村先生年八十二矣神情矯然
言論有味歷數平生交厚中有翰墨雅致者諸澎湖
項少嶽項墨林姚玄鶴沈少湖張翼菴張樵溪皆已
凋落衲子澤東溪謔定湖黃冠王雅賓山人吳玄鐵
亦相繼殞沒此老獨存悵然無交閉門對庭梅索笑
耳尚能細楷如蠅頭出觀所蓄畫文徵仲傲倪雲林
小景樹石蕭洒題云遠山過雨翠微茫疏樹離離挂
夕陽飛盡晚霞人寂寂虛亭無賴領秋光 戊午四
月既望效雲林子徵明時年八十有九
又沈石田小景近樹槎枒石面礪礪上層遠山作半
嶺左方平坡短橋沙水一曲甚有新意題云地僻人

味三

七

蹤靜風高木已凋晚山初霽雨新水欲平橋
又姚雲東方幅傲梅道人極粗辣有氣上層半壁高
嶺下石崖叢木帶沙葦一舟橫其中題云愛此山水
窟扁舟住亦安樹深天易暝雲薄運多寒中酒於陶
近耽詩逼杜難日高塵十丈何處不漫漫仙癡姚子
一日廣陵僧覺印來求其師夜臺禪師像贊夜臺昔住
五臺日則宴坐夜則經行遶臺歷五峯皆徧虎狼逢
之不害深雪沒體凍僵復活虜婦三娘子迎之不肯
去去歲十月隨人渡海躍入海中盤膝巨浪上為雲
霧擁之而去董太史思白已為作偈陳眉公又為作
傳虛其左以須子贊云

三日
四日連晴因督奴子曝畫
五日自余隱角里飲酒不能甘不能苦又不能淡而喜
冲與列冲非甘也而覺味之輕以舌之易舉也列非
苦也而覺神之清以喉之無壅也於是內子大講釀
法春有百花醞夏有蓮露秋有竹葉香冬有雪汁皆
備冲列之致余感其意為作繪以酬之系一絕云家
住江南楊柳村春來釀得百花樽平生解笑劉伶婦
酒國同游勝鹿門

六日

七日暮雨

味三

八

八日赴陸令君招
九日金華邵客持瀆熙續祕閣帖寶晉齋全帖二十卷
者來觀 為沈倩繪一便面作巨然筆意題云到處
浮滄波今始臨赤岸海月低可拾松風吹不斷高嶺
雪嵯峨碎石霞凌亂右軍樂東中蕭洒飛逸翰
十日郡人徐海門者有巧思往來湖海間覓殘碑斷碣
裝潢成帖鬻好事者以為常因精研拓搨楮墨之訣
鐫成寶晉齋法帖十卷幾於奪真余購得一部
十一日登雪舫往鹽官夜泊鄭尚書第前
十二日謁喬令君小駐資聖寺令君報謁與岳水部登
城隍廟小閣黃冠進茗色如淡金味甚甘冽訊之云

餘杭石瀨山茶也午燕西司同席者姚大理羅浮張州將羨陽岳水部石帆徐光祿玄仗夜一鼓乘月行至半路稍泊候曉禺中時至王店訪李太學玄白兄適沈孝廉天生至同飯談蕭山來姓有巨寇聲息駭人玄白因言是月六日有異言服二人各負剪刀一又口散之鎮民云其價四分候六月十九日小姐自來取人問小姐何人曰我女兒也所散之剪唯及丁壯其老弱婦女雖固求不與人見其散剪時執一簿籍其姓名人有以僞姓名告者輒曰汝實某人何見給乎玄白家僕有二人散剪者皆驍健也驗之剪係蕭山所造倏忽半日散迄而去不知何意也申刻與

味三

九

玄白別一鼓抵家十三日也

十四日夜雨

十五日治杭州之行夜泊崇德

十六日夜泊北關熱甚

十七日寓昭慶雲山房

十八日謁吳方伯段參知午刻參知來報謁

十九日謁賈廉憲午刻廉憲來報謁

二十日午刻赴三公之招集柳洲亭有柴孝廉家小優

歌聲杳杳可聽臬幕譚木天送酒盒譚嘉舊令也

二十一日休寧吳爾選太學執費來謁稱余弟子爾選

名兆登久寓湖上習業兩中副榜歲僅一二歸省亦

士之篤志者爾選具湖舫飲余其兄止水弟旌卿俱在坐歌者呂六云從院中來豐肌委髻如不勝情暮與爾選別抵北關登雪舫是日裝潢人湯二引一客持物至寓有郭忠恕寒林樓閣圖一卷袁清容跋仇英明皇訓子圖一卷唐伯虎桂叢仕女高房山春山曉霧碧玉冠尊一古印章銅玉各一

二十二日夜泊石門

二十三日午刻抵家雨

二十四日

二十五日許松寤令杭買持法帖來看有五代搨本黃庭經一本筆畫渾厚兼有鍾法有緝熙殿寶鈐記

味三

十

右軍黃庭經帖世皆以會稽隆州二刻爲佳行於世者多矣獨未見內司又有一刻本也當時大臣或能得之有緝熙殿璽紙墨搨法俱精真奇寶也友人陳士元重購得之如獲隋珠和璧裝潢成冊示余榮觀觀畢漫識歲月以慶生平之幸云爾時同觀者張堯民蘇邁陸希衡戴澄之傅有慶劉歧馬如龍魏道明也德祐二年丙子冬十一月七日豫章胡承記

琴心玉文洞玄金紐朱錦乃汝傳子能得之可長年楮素纈粟完且堅橫理如髮約兩邊從有赤道如朱弦文居其間走玄蟻飛雲卷舒相終始天道甚夷非力使無爲自然有至理誰能精專換骨隨明窗之

塵不瑕穢目中有神乃識眞白玉爲軹裝車輪裏以天城翠織成仙人樓居儼長生鸞鶴翔舞操援輕子能得之慎勿驚宮室之中夜月明上清眞人楊與許焚香清齋羅玉女手作此書留下土千年流轉子爲主東方蒼龍石白虎廉石子求奕勿與大宋紹熙二年辛亥春日林正大觀題

至元庚申正月十八日紫芝生俞和敬觀

有太僕鮮于子固仲穆子昂等印記

二十六日杭客持示唐搢履教序全碑碑額列七佛像

甚古樸字畫纖悉具備楮墨皆有古香眞絕品也上一印記曰太子太保傅文穆公家藏圖書又句曲半

味三

十二

印是曾入張伯雨鑒賞者碑後列云太子太傅尙書

左僕射燕國公子志寧 中書令南陽縣開國男來

濟 禮部尙書高陽縣開國男許敬宗 守黃門侍

郎兼左庶子薛元超 咸亨三年十二月八日京城

法侶建立 文林郎諸葛神力勒石 武騎尉朱靜

藏鐫字 守中書侍郎兼右庶子李義府等奉 勅

潤色勒石者鈎勒上石也鐫字者用刀鐫刻也潤色

者修潤字形使美觀也

又蔡天啟做米元章山水一軸 天啟名肇王荆公

客元章後輩人而師事元章者也蕭閒堂記云選人

蔡天啟肇相知中語僕若心腹者云得僕於王荆公

蓋僕於元豐六年赴希道金陵從事之辟會公謫居始識公於鍾山公門有數十後進喜爭名而相非如天啟樂道人善者一人而已 天啟此作大得米法峯尖雲氣虛白飛動樹葉漬墨朶朶重複可辨枯梢蟹爪鷹喙如篆籀天啟當日親見米老故雄逸乃爾襄陽淵源從此可證入矣緝素亦古色可玩題者三人 老子風流似米顛戲拈筆墨亦蕭然高情不逐時人好妙處當令識者傳卒應龍 際 林疏秋氣早有客夜攻書明月印虛睡天香飄故廬吳興陳康祖 絕憶丹陽蔡天啟秋林澹墨意縱橫元章筆力能扛鼎可見前賢畏後生癡道人黃公望

味三

十三

子久此題極爲的據俗賈偽作米芾二字敗意敗意

二十七日

二十八日購得姚雲東黨筆竹石肆幅蕭洒絕處之品

也自題四絕云東塗西抹此瑯玕紙上風煙也自寒

誰個筍與無處去只於隣舍覓花看杜若溪頭綠水

生石崖新竹鬪鮮明匡牀坐此忘歸去卻恨淇園句

未成竹有情風慣拂塵石開堪坐紫苔茵微之音響

今將絕明月相隨是故人平坡兩欹竹陰多葉底枝

頭鳥似歌桃李蹊問足游子寥寥此地意如何郁伯

承從天台雁岩還胎余龍湫茶一瓶淪之芳辣與洞

山峯兄弟也

二十九日陰雨 入夏未有快雨河流枯澀至不勝舟
客以載文進做夏圭小景一軸宋板李翰林分類
詩十本初搨真賞齋帖一部質錢去

三十日小雨

五月朔日外家賽神有歌舞 夜雨

二日沈純父先生以綺紗一襲林貢葛一選詩約註一

見貽徵幻住十記序

三日

四日郡中苦旱祈禱甚力

五日暮有澀雨未能破塊

六日澀雨過沈純父先生出觀鄒彥吉畫綠蘿莊圖及

味三

雜畫數種大約自標規格上摹唐宋而不涉元人一

筆者

七日雨勢盡散治裝往當湖一路桔槔聲栽插十未二

三苦矣暮抵養白兄家留宿書室庭有盆荷三十架

已作花清芬襲人

八日蚤謁朱令君令君報謁招飲以方雲禱辭不赴

午弔陸九芝大夫 訪同年馬心印州將曹平子節

推曹堂中素屏有祝京兆草書唐人一絕天矯有勢

又陳白陽水墨桂枝一幅極有澹韻題云虛庭颯爽

見秋容白露冷冷月滿空何處妙香參鼻觀及時桂

子動微風又沈石山阻風圖不真 申刻平子來報

謁貽余陝搨智永千文一卷白絨包一白葡萄瓊瑤
葡萄番米各一封曹與余同舉於鄉中戊戌進士妙
才高韻以註誤謫邊方置陞慶陽司理假差還里中
氣味疏宕終巨壑品也夜宿舟中

九日午刻抵家

十日雨

十一日復雨分殖蘭蕙剔去腐根留其吐穎者

十二日周秀巖持姚雲東詩翰來閱有老柏一株屈曲
凡五折而上淡墨作紐紋焦墨作老苔其穉穉細葉
則以濃淡之間爲之甚有氣韻梅道人之流也自題
云莓苔老幹閣青銅香葉紛紛細細風蜀相祠前行

味三

腳到賺將黛色上圖中 行脚僧家事豈寫以貽禪

伯者耶 又寫生一卷作辣芥蘿蔔老菘三種題云

既有辣芥亦有盧服山廚之間俯我僧粥餽粥固薄

此味實長願言卒歲飽食徜徉懶仙 又系數絕書

法酷摩張伯雨 小畦高壘北園深菜雜青紅帶夕

陰湖上幻仙閒想象百年能契丈人心 貞居晚號

幻仙 貞居雜菜味何深漫自題名附漢陰抱甕不

辭爲圃戒開圖方見寫生心 先生曾爲傳水壺我

愛貞居只寫圖欲問當時靈石塢可憐故老眼中無

夜讀山中外史詩興來握筆寫烏絲一圖菜品收

多少絕勝圖公采肉芝 癸卯正月四日藻具紙來

對雪呵凍為書于白雲枕書寫時疏櫺寒光燦老目
因草草也逸史用趙松雪風字研張文寶兔毫筆
藻者蔣生文藻雲東書畫弟子也號林塘味此數詩
似張貞居有寫生卷作此菜品而雲東特做臨之耳
十三日晴農望未淡

十四日古虞葉曜字士明介雲麓兄書謁余以袖珍漢
雋一部手鐫名字印章各一貽余

十五日門生蔣楚白饋中山酒二罇 為譚孟恂圖扇
做趙松雪小景頗秀發題云遙岑碧煙古木翠雨蘭
露滴漉桂風飄羽招搖列仙俠侍玉女琴餘酒半瑤
瑤見齋

味三

五

十六日蔣楚白具湖舫招飲譚愚公閻仲昆季亨兒同
坐二鼓罷去

十七日愚公挈僧道可者來 午赴岳石梁招

十八日雨 是月十一日平湖柳口民張姓婦一產三

女二男母子俱死是月七日新市一民家婦一產五

男母子俱生孳子不足為異累數至五幾同犬豕又

俱見於一邑不知何祥也 餘杭門生高淑陶從漢

中回貽余秦涼葡萄脯鮫鮓川椒陝搗右軍聖教

序懷素草書千文顏清臣爭坐位帖歐陽率更多寶

塔顏書千福寺碑皆佳

十九日雨得同年余立吾愈憲書寄余酒費多兩東坡

洋州園池詩木本一帙 屢觀我貽余稽瑞錄廿冊
英風記帖肆本香雪酒十缶蔬四瓶

二十日高君燦指引一人持祝京兆草書唐人律詩一
卷筆力雖蒼辣然無秀韻枝山落筴也 為門生許

叔重圖扇做黃公望題云絕壁晚霞籠薄楮高松老
翠入青冥頗有奇趣 午赴譚孟恂招共泛湖舫維

黃孝廉莊雷雨未快

二十一日出謁平湖朱令君於沈家行舟次

二十二日同徐德夫岳之初之律謁王兵憲岫雲是夕
宴於德夫宅

二十三日

味三

六

二十四日

二十五日俱大熱

二十六日午刻雨有白龍下飲於鴛湖

二十七日蔣楚白引其兄國璵字萃懷者來執贄稱弟
子

二十八日大雨

二十九日

六月朔日家君誕日御觴不御避東塔禪堂放蛙千數

二日有賽神之樂

三日大雨漳蘭分殖後擢葩肆莖凡三十六莖移置飲

食壽康處終日旖旎與細君兒女輩共之

四日客攜示倪雲林樹石遠岫圖下作漫坡疏排十一樹左四樹一窠右三樹一窠又右二樹一窠中二樹一窠皆挺瘦昂直下通而上掩遠山微茫隱其間此古人所謂窠植法也自南宋院體布置結構絕去天巧與民間士俗好尚率以層巒疊嶂爲工而此法不傳如髮矣非迂老天縱真逸豈復令後人得觀此邪摩挲諦詳爲之神躍 迂老題云余嘗見常樂佛因地圖山林木石皆草草而成迥有出塵之格而意態畢備及見高仲器郎中家張符水牛圖枯柳岸石亦率意爲之韻亦殊勝石室先生東坡居士所作樹石正得此也近世唯高尙書能領略之耳余雖不敏願

味三

十七

仿像其高勝不敢盤旋于能妙之間也因新齋高士持仲傑周君紙素來需僕寫樹石遠岫故云至正己亥六月十四日瓊

又石田摹雲林溪山一橫幅自題云虛亭帶遙山絕澗鳴疏林山水只如故倪迂邈難尋景物自千古寥寥無知音目送飛鳥盡塊坐停瑤琴 此幅假

五日夏賈持示洮河卵石硯高八寸闊三寸形如枕瓜色如水蒼玉入手瑩滑試之與墨相妮紫雲碧煙壘壘彌布絕佳品也云得之婁江王司寇元美物也匣有鐫字轉鬻者慮留蹤影因留匣漫滅之夏索余畫因許留硯齋頭不遽取也余按趙希鵠博古明辨云

石在臨洮大河深水中不可漉取得之者以爲希寶格古要論又云有火點者佳今驗此硯有火點二午赴許伯厚嚴盡夫陸三孺項于蕃許叔重馬永叔湖舫之招熱甚

六日方丈室以米搨九成宮虞書孔子廟堂碑聖教序李北海雲麾將軍帖又館本十七帖又吳匏菴楷書書目一本又祝京兆臨鍾書四表又石田粗筆山水一文五峯青綠樹石一王叔明澹溪草堂圖一質錢去祝卷極佳十七帖青李來禽二十字俱草與修內司勅字本異不知何也且其筆多勁怒豈唐人臨本耶 暑甚岳媼病瘧內子歸省余散髮謝客有索行

味三

十六

草者漫成閨體二絕應之 帳挂玄綉煙霧輕水晶方枕簟波平峽雲不動高天迴夢繞芙蓉九疊屏晚妝初卸月華流荳蔻湯溫膩粉柔暗簇蘭芽青鬢裏賺他蝴蝶上搔頭

七日吳伯乾貽余丁南羽繪觀音一幅上有莫秋水題贊字做褚令哀冊

八日

九日

十日

十一日過普善菴訪吳伯乾不遇

十二日

十三日

十四日連日焦灼

十五日赴三塔放生會午後雨

十六日風雨如深秋虛堂無事因出所藏元人六逸妙蹟展觀之一趙子昂枯株嫩條石學宋徽宗有生氣款云子昂爲成之作二馬文璧盈尺山水千巒萬壑窈窕倩深絕奇品也款云春山清霽至正丙午歲春正月望日馬文璧畫於書聲齋書法用急就三倪雲林安處齋圖下層作罔麓漫坡樹三一枯柳一皂枯一枯杞意極蕭散屋二在樹根麓趾石法俱用勾勒取勢淡墨暈其稜複處濃墨點苔如遺粒可數此倪

味三

十九

畫作法之極異者余平日見迂畫不下三四十幅如此幅畫法僅一見耳元人目雲林繪事謂之減筆李成營丘本學李思訓句勒思訓法也迂翁神明其道故以點墨代丹綠而氣暈益飛動如此古人胥次可輕測哉 倪自題云湖上齋居處士家淡煙疏柳望中賒安時爲善年年樂處順謀身事事佳竹葉夜香缸面酒菊苗春點磨頭茶幽棲不作紅塵客遮莫寒江捲浪花十月望日寫安處齋圖并賦長句四趙善長陸羽煮茶圖林樾翳開一草堂角巾高士趺坐木榻童子篝火案有盪洗茶具筆法蒼恣久視服其老手有題句云睡起山齋渴思長呼童煮茗滌枯腸

軟塵落碾龍團綠活水飜鎗蟹眼黃耳底雷鳴輕著韻鼻端風過細聞香一甌洗得雙瞳豁飽玩茗溪雲水鄉窺班五方方壺小景老筆縱橫酷意摹董元者六林卷阿山水橫卷卷阿畫不甚著名纖眇有黃鶴家風氣以細楷題其端云癸丑冬閏十一月訪遠齋副使於竹崎談詩論畫因道余師方壺公及孟循張先生迺知用行與二師相周旋好古博雅尤精書法日與雲林倪公善長趙公游戲翰墨之場令人慕羨心同千里晤對故余寫此爲寄便中萬求妙染并二公名畫一二見教以慰懸情優游生林卷阿 觀此則卷阿乃方上清弟子亦一黃冠也

味三

二十

十七日大雨竟日摹宋搨聖教序頗見當時用意處十八日雨不止溪河驟漲三四尺雨勢所不及老農云遠山谷中必有蛟蜃發洪之變

十九日

二十日晴訪岳之律因袖祝京兆臨鍾太常四表卷與之律易祝行草雜手簡一卷歸咀味之覺其天真爛漫唐宋諸名家咸在筆端亦有直逼大令者唯右軍法少耳簡凡八方前七方與子容與其父號約齋者不知何人也大抵皆託其借書鈔錄語不雜他事所借書天寶遺事南部新書能改齋漫錄畫境錄吳船錄騷錄錄揮塵錄古杭夢游錄述異記集異記灌畦

暇語文體樞機說郭江文通集白氏文集清異錄靈
怪錄雲仙散錄計一十八種且囑云亦須整齊端楷
蓋自蓄之品故耳 古人勤勤好學不倦如此自然
取精日多習次日拓偶爾落筆氣已空羣豈徒沾沾
在指腕閒較工拙哉

二十一日作三塔寺重脩大悲殿募緣疏

二十二日

二十三日

二十四日出謁江西藩參胡公於北津

二十五日雨連日氣如深秋夜御單衾

二十六日

味三

三

二十七日大風雨爲項于蕃圖扇又作一小幅題云峯
頭木末任從容登陟從誇健似龍盡斥羣山襟帶下
自將雙耳領松風

二十八日雲陰幕穎井稌帖纖瘦飛動純以筋骨取姿
此如休糧仙人縹緲鶴背之上令人可望而不可扳
攬非洞精書法窮歲研磨未易得其關楨也徒欲凌
躡效顰則綿弱詭異種種惡態從此生矣 按黃山
谷嘗論洛下張景元龍圖所藏云斷地所得初號杵
蘭其字輕瘦勁健與定武本不可高下神氣飛動尤
覺天成識者云此真褚河南所臨也自是易名褚蘭
猶憶靜躁諸字妙處不能形容此豈卽其遺耶抑數

傳猶隆準者耶

晦日立秋淫霖徹夜連日皆大風

七月一日

二日大風雨中垣屋倒塌者百餘處

三日

四日連雨海鹽海塘毀四十餘丈

五日稍霽同徐德夫岳之初項孟璜設席燕鮫使者張

公

六日

七日

八日

味三

三

九日往吳江夜泊長橋

十日介盛寓庸顧脩吾沈伯榮執幣求婚於沈都憲太
素家太素之從弟號洪宇名令言者盛服行事午刻
余解維是夜泊八尺

十一日未刻抵家

十二日會飲於徐德夫第客言是月二日之雨松江杜
完三給諫以冊封回南經過鎮驛舟中見七龍下飲
於河青白黃碧諸色燦然鱗甲鬣鬣皆可數惟不見
其首耳易云見龍無首非虛語也

十三日訪許廣文靈長出觀沈石田綾畫長卷筆法學
梅道人自題云余生平喜作山水漸爲人知逼索至

終日以此應酬而不能闖入古人之藩籬良愧今日

既登天平絕頂盡見吳中佳山水歸舟吐此不能萬

一豈天成者終不可以筆墨追歎時年五十六歲

十四日客持褚登善陰符經行書墨蹟來玩紙色閭慘

筆意拘局非真品也有三跋 褚河南書法為唐朝

一代冠冕世傳哀冊枯樹賦蘭亭聖教序等帖至今

為臨池指南此陰符經乃奉旨所書知為用意者觀

其天機逸發多法右軍世之人徒見其所書與右軍

類者遂疑之殊不知先哲有兼人之才而其作字初

不拘一體使其觀此必將吐舌而走矣眉山蘇軾跋

味三

三

入右軍之室故唐之能正書者僅二十八人而登善

居二三之間此卷溫潤視右軍最為逼真誠希世之

寶也當謹其傳焉大德丁未秋九月望日御史中丞

楊肩載 褚河南所書蘭亭聖教序枯樹賦等帖無

不精絕獨此陰符經尤為墨香浮溢韻采驚人披玩

之閒不能釋手因題永樂十五年十月望日書於袍

一齋雲間沈度 是日北郭門內顧姓者一家五人

被賊殺死而賊未獲亦大變異也

十五日購得文徵仲蘆蟹逸筆有致又王酉室擘窠書

唐人二絕亦雄邁似夔子山

十六日奉家君挈兒子上沈岳翁七十壽

十七日客持示一古硯色赭四沿有溝壑多缺蝕印之

無韻是唐

十八日

十九日俱大熱

二十日曝書檢得杞菊老人存古錄記褚河南臨大令

飛鳥帖柯九思鑒跋 臣獻之頓首言今十二日辰

時中使宣陛下睿旨俯詢字學之由仍賜臣玉璽牋

令臣小楷親疏以入臣仰承帝命密露天機味死有

言狂率待罪臣年二十四隱林下有飛鳥左手持紙

右手持筆惠臣五百七十九字臣未經一周形勢髣

髴其書文章不續難以究識後載周以兵寇衝斥道

味三

三

路脩阻乞食揚州市上一老母姓沈字光姜惠臣一

殮無以答其意臣于匙面上作一報字令使市貨近

觀者三遠觀者三未經數日遂獲千金臣父義之字

法為時第一嘗有白雲先生書訣進於先帝御府蒙

眷獎過厚錫予有加而臣書畫不逮父祗益慚愧所

有書訣謹別錄一本投進宸展伏乞機務燕閒留神

披覽不勝萬幸臣獻之頓首死罪 杞菊云事奇故

全錄之余以為此妄庸人偽作也大令文筆高華語

氣既鄙俗不倫且晉元帝諱睿而曰睿旨何也登善

博雅風流寧不辨此而臨之耶總是金元時無識庸

人偽造以欺其主如指藝豎以為樹生之類耳孫虔

禮不信筆陣圖爲右軍物矧此又其紕陋者也

二十一日休寧門生黃寅甫持一破碎畫幅來贈云是郭熙桃源圖然極視之竟不能了且不復可料理矣

因謝還之

二十二日周霖望廷評以所著大學遵古錄來相示且乞序

二十三日諸生以其祖澠湖公行書陶詩一卷計十一首來玩書法酷做古千文古千文者相傳羲之臨魏鍾繇書其語與周散騎相出入書類李北海柳誠懸蓋亦唐人庸妄者僞託之耳澠湖名夏以歲薦老篤意筆墨與項少岳咸中岳諸公友善其書有功力而

味三

識韻不超 前有篆書澠湖墨妙四大字許初字元

復筆

二十四日

二十五日往魏塘夜宿東岳行宮客云嘉善便民倉左側濱河堤岸下今歲五月中忽涌泉涓涓上出接之終日僅能盈缶味甘寒之極今沒水中水涸時必能遠致一二乍當絕勝幽澗也余方遣舟往惠麓聞此

躍然

二十六日在東岳行宮陳羽人房索書者焚集酒汗爲揮八扇夜返棹三鼓抵舍

二十七日甚熱

二十八日過范長康見舞蛟石翠蘿蔽蔚颯有清風長康劇談金陵交游閒事時一拊掌午後甚熱三伏時所未有也

二十九日人以陳白陽墨荷一幅質銀去筆法草草天真爛然得徐熙野逸之趣自題云波面出仙妝可望不可即薰風入坐來置我擬香室書態狂縱類蘇滄浪

晦日大雨

八月朔日運惠麓水二十五罈至 嘉善茂才葉汝茂丁巖德執贄來稱弟子

二日集沈翠水可月軒

味三

三日過馮雲將舫齋出觀趙千里散牧圖凡作七馬駢驪駟赭白雲錦燄然偃伏齧亦種種盡態佳品也又文徵仲小幅山水作寒林遠瀨上一峯森秀之極乃於畫背裱紙上率意所成故爾臻妙自題一絕云天空木落思悠悠水淨煙明見遠洲偶向晴牕閒點筆被人呼作李營丘亦雅自負矣

四日會講於仁文書院

五日池灣沈仲貞乞殮勝齋近藝序

六日同姚羅浮岳之初之律集湖舫餞徐勳寺立仗還朝暮雨

七日作楞嚴寺法雲房募蓋觀音文昌堂疏

八日作女貞篇為鄭母董夫人賦

九日

十日往白苾村齋

十一日

十二日復會仁文書院宜興史給諫玉池先生主講席

十三日過沈純甫先生歛吳爾選門生來 夜月色如

畫

十四日

十五日招吳養中蔣魯完楚白許叔重馬永叔小坐是

夜月色變變

十六日細雨陳白石鈔寄余陳眉公求忠祠記載方遜

味三

三

志抗命時魏澤以刑部尚書謫寧海尉捕方氏幼子

德宗方九歲澤匿之有台人秀才余學夔者乞食翔

於市口喃喃唱歌以諷澤澤心動叱曰扶顛子去越

兩日途遇歌如前澤知其義士密託德宗於余入松

江島嶼中厯青村諸鎮以織細資米得活余又潛入

郡屬祠部郎俞允護翼焉時任勉為參政家居聞之

就見德宗德宗初引御勉出癸酉錄示之知勉與允

皆門生始安允妻以養女冒俞姓恐同姓賈禍旋改

余轉遷白沙鄉而學夔亦遂遁去不得跡矣德宗三

子友直友諒繼許生者友竹子孫繁衍居華亭萬厓

三西督學侍御楊廷筠檄郡立祠

十七日條雨倏晴秋氣極佳

十八日夏賈從杭回攜書畫來看無甚佳者 黃大癡

溪山蕭寺款云至正庚寅九月十一日大癡作非真

陳沱江梅竹雙鉤寫意極瀟灑款云嘉靖丁巳沱

江子陳栝寫 文徵明赤壁圖絹本不真文休承書

前賦行草相閒筆筆學長沙有採鐵裹針之妙世眼

不知也 吳文正行書當三錢大在金粟紙上乃二

律詩句亦佳大舶西來趁晚潮留雲亭上興飄蕭水

從濫瀕流偏急春到崑崙雪未消萬里京師瞻北極

一朝人物慨南朝中冷入口平生足坡老詩名已命

騷登金山與客來嘗第二泉山僧休怪苦相煎結菴

味三

三

正在松風裏裏茗還從穀雨前玉椀酒香揮且去石

床苔厚醒猶眠百年重試筠籠火古杓爭憐更瓦全

登惠山弘治戊申春日辱石田先生過書以博笑通

議大夫吏部侍郎延陵吳寬書做坡公之學季海者

渾厚可喜

十九日梅墟周表叔七旬誕日扶家君率兒子往稱觴

以陳白陽畫古檜水仙圖為壽家君題其上曰老檜

煙霞背幽花冰雪姿本根互被覆枝葉相扶持如我

老兄弟白首同棲遲露滴天酒味雲含碧蘚滋收為

萬年藥笑傲樂清時 是日雨

二十日小霽作省吾居士贊居士新安人姓吳以什一

起家有隱德其子從人乞文有人偽作余手書贊應之者族人吳兆登余門生也辨之因轉乞真者以去冊用松江研光綾書字冕目極助神采

二十一日

二十二日晴暖得高同年少江書知余乞養疏以七月二十日封進會極門至二十六日 旨下部

二十三日

二十四日

二十五日

二十六日晴暖

二十七日朝霧熱甚家君往楞嚴禮懺

味三

二十八日小雨作小景長幅應王學博崑星之求王越人余鄉薦同年也爲題句云秋花籬落暮雲天越國溪山妙若仙不是官忙渾忘卻未曾椿得買山錢

二十九日

九月朔日雨

二日大雨北僧東明者以達摩像索贊先有人贊其上
方余書贊於其跌下曰江浪踏飛蘆嶺雲攜隻履花
果後來繁葛藤由爾起別人當爾頂門上喝采我卻
向爾腳根下著語且道著個恁麼語噴笑爾傳衣六
葉後赤體堂堂無片縷

三日霽客持示謝樗仙時臣古木疏篁極有氣韻彷彿

類石田自題一絕云疏篁落水款清秋十載平泉是舊游入夜挑燈潑狂墨西風黃葉起汀洲 又作二

松一俯一仰有怪勢題云大夫廊廟具高蓋逼蒼旻

一操固無侶千秋生茯苓 此二幅極是謝傑作樗

老聲值遠在相城下觀此有駸駸欲度意未易凌蔑

也 又橫卷高八寸長二尺餘縑素上作細竹煙瀨

筆意縹緲石法圓渾秀逸沙嘴碎礫點綴有濛濛閒

想必是元以前畫手妄庸兒題作王孟端上方題者

五人唯末一首號夢草者佳 蕭蕭萬竹半臨溪老

眼看來忽欲迷恰似黃陵廟前雨春陰一片鷓鴣啼

夢草

味三

四日郡邑大夫會仁文書院

五日陰晦

六日雨

七日雨作周彥雲大學遵古錄序

八日小霽書賈載新鐫諸書來求售偶挾錢磬室一小

幅草草溪山滋有勝韻自題云疏林含宿雨遠水帶

斜汀策杖度危磴秋色在虛亭庚戌秋日爲慈雲上

人寫錢穀 得得臨溪路陰陰溪上林攜琴向何處

日暮少知音文彭 萬頃春波碧浸天滿堤春樹綠

紫煙濛梁盡日稀行客閒看沙鷗作對眠袁尊尼

匡廬山人

九日霽沈倩伯遠餉黃雀四十頭肥白鮮脆得味之蚤者夜飲為傾二缶 屠賓賜以新刻荆川史纂十函見貽余有舊刻二部適湖賈操舫至余以易松刻稗史類編等書

十日周伯昇之戚施姓者為崑山丞歸橐有二卷索得研觀之 劉松年四皓圖作長松二株盤石夾路一人冠劍漢裝肅揖其留侯所遣使耶一老叟杖行松下三老相圍坐其一手一素卷舒觀之一赤膊童子槌背一老橫琴膝上一老箕坐橫卧其杖又二童子隱樹閒竊語柯南宮諸人跋之 子讀留侯世家所謂四人者常高其氣不為屈辱因帝欲易太子呂后

味三

至

用留侯計卑辭厚禮招致四人為太子助此四人亦幡然無難色司馬公謂審有此是子房為子植黨以拒父也愚以留侯被劫畫計之日惟用圯上老人設變制權之術豈暇顧父子之倫哉然此四人既不為父用肯復從其子有可疑者一也向以帝之慢侮而匿不就今從太子見寧必其不輕且罵哉有可疑者二也且此四人高蹈遠引宜不役志於物一旦以金璧書幣而來有可疑者三也夫其間可疑者三子是以知此四人者必不苟出焉雖然四人從太子遊者必有謂其果為商巖之老乎則余不知也奎章閣學監書博士柯九思題 四皓圖跋 呂政苛虐四皓

遂隱入商山及漢鼎已定問高祖素慢儒聘且再終不至此其節可嘉也至高祖欲易太子呂后用子房計使人奉太子書以往交始一出儲遂定然卒無所建明使當時雖太子卑詞亦不出吾將以夷齊比稱惜乎其未也春秋責備賢者吾於數子究論焉成化大淵獻秋七月沈杰甫 漢高祖晚歲欲易太子蓋以呂后驚悍惠帝仁柔為宗社遠慮初非溺於戚姬之愛而為是謀也蘇老泉謂帝之以太尉屬周勃及病中欲斬樊噲皆是知有呂氏之禍可謂識帝之心者矣子房曉人也乃引四皓為翼使帝涕泣悲歌而止帝之泣豈為兒女子而泣也厥後如意以鳩亡惠

味三

至

帝以憂死向非呂氏先殂平勃交驩則劉氏無噍類而火德灰矣杜牧之所謂四皓安劉是滅劉者誠哉是言也學士解籍書 宋徽宗鴻鵠圖前有御筆二大字楊士奇書楊氏家藏印記君謨紹興小璽宣和御筆四字一押开 鴻鵠灘頭狎浪隨君王縑墨慣娛嬉淒涼晚歲鴛鴦漂漢雁沙鴻未必知前集賢待制馮子振奉皇姊大長公主命題 靈沼靈臺造有邦般游未始足音楚誰知春草池塘夢怨入宣和畫鳥雙魏必復 月華連水映雙蛾鴻鵠驚分繡藻過卻恨前王無紀範空教池館鳳雛多監脩國史長史李洞敬題 暖日晴雲浴淺灣幽禽相顧效雙鷓為

生賴有宣和筆贏得宮闈一笑看儒學提舉陳廷實
歛衽書 貞嶠真逸 生意蟠留賦與真一雙鴻鵠
狎相親阿徵尙記呈祥兆飛下灘來事更神中書平
章政事張珪敬題 飛來鴻鵠下前灘曾是西臺擢
豸冠底事宣和圖畫裏只因毛羽入時看集賢大學
士趙世延敬題 君王遊翰羽毛間只爲深宮盡日
閒大觀諸臣真解事日無封疏犯龍顏玄教大宗師
吳全節題 世后文王工畫品長繖小幅世爲珍道
君妙思宗神跡鴻鵠容儀自奪真翰林國史院編修
官杜禧敬題 北廷西夏勢如山童蔡相歡日宴安
八葉中原宋天子御教人作畫工看御史中丞王毅

味三

畫

吳越王孫

十一日雨山人俞羨長安期以白著琴琴集見飾

十二日大雨如注

十三日霽

十四日晴明圃人饋菊黃白紫燦然列檻際今歲夏潦

甚苗盡淹死市中絕無担賣者 是日嘗小春茶

十五日夜雨

十六日霽稍寒

十七日

十八日

十九日作孫令弘朴語叙

二十日

二十一日過夏澄源出觀姚雲東枯木幽篠極類梅道人又草書采菱歌一幅似趙吳興黃鶴山樵山水一小幅布置甚委宛樹石學盧浩然而筆癡重廣作也

二十二日

二十三日郁伯承假余范石湖攬轡錄駿鸞錄吳船錄三種皆紀游之語覽之一過東西南北數千里山川古蹟如指諸掌而一時寒暑晦明亦若開歛其間奇書也

二十四日連日晴明有佳思

二十五日譚孟恂問仲從金陵回云留都私錢盛行府

味三

畫

尹陸津陽出示禁止姑令私錢折官錢每一當二市橫不便之故勒鋪行仍收私錢無折法因相與閭閻公擒其尤六人將重懲之時探江中丞丁敬所公多行惠於閭閻每出必令健卒囊錢散丐者丐者日擁集隨其輿所散錢皆私冶也諸丐乘閒以陸禁白公公曰官府禁示虛套耳汝輩第行之自若眾因譁咸嘗陸公候陸出擁其輿諄語幾至於變丁公又爲謝罪於諸丐者始釋陸而錢禁弛矣嗟夫冶鑄國柄也竟爲民所盜京尹尊臣也竟爲丐所辱而丁公以蕭娘呂姥之態偃僕其閒幾批大毀於輦轂之下時事何如哉

二十六日過岳之律之律從武康回稱若中山水奇秀恨不能卜築其間

二十七日徐觀我銓曹來願以三金為家君壽且力勸余出余笑而謝之

二十八日小雨

二十九日陰雲霽色閃倏未定

十月朔日雨哭沈純甫先生 張倩襟仲出韓郡丞肖南公手臨禊帖求跋韓餘姚人平湖籍起家孝廉官至蘇州府同知有廉幹居家靖默年七十五矣余甚敬之然不知其能書也今觀此帖不拘不縱風氣自如深得筆先之意公云兩目幾瞽但信指腕不復

味三

五

自知其合否此公書之所以工也余嘗見虞伯生晚年喪明後書塗糊潦倒而真態溢出彌復可貴良由法度意趣熟爛胸中廢目而一以神行之故有意外之奇耳

二日雨如噴霧

三日陰晦

四日赴方別駕招飲天寧寺漢風閣下午刻余先至憇僧房因過訪勉公淨室茶話久之無期亦至談禪品

詩頗洽幽興

五日辨題道可行卷

六日奠沈純甫先生是日先生誕辰也賀伯闇先期釀

相知者數人作文聯屏為壽至是并納之

七日賀孝延招飲湖舫夜大雨

八日雨

九日沈白生銓部岳之律太守小集余齋

十日雨霽稍寒上海賈人持書畫來閱四五十卷止一

二佳者 倪雲林小景一軸全法李營丘近作四五

樹前坡後石壁平頂隱隱如高臺四畔列奇石遠作

縹緲峯巒一帶自題一律云來訪幽居秋滿林塵喧

暫可散煩襟風迴視沼搖山影夜靜寒蛩和客唼危

磴白雲侵野展高桐清露濕窗琴蕭然不作人閒夢

老鶴眠松萬里心 陳白陽杏花春燕自題云春日

味三

五

劬書嚮紙窗少年習氣未曾降牆頭忽見杏花發走馬何時到曲江春日偶作杏花春燕將寄社中并搜舊詩題之白陽陳道復 此卷畫法精細洒逸書如盞面豪放類米元章

十一日寒雨竟日

十二日西風甚厲天宇如拭

十三日晴朗

十四日理水仙叢得葩二十餘穗翹出者已奕奕欲吐

此花候之極蚤者

十五日晴暖夜月如晝

十六日周梅翁以諸子華楷書便面歸余筆意類麻姑

壇子華名夏即滌湖居士也一而又作墨蘭數葉沈子廣引辟穀沈生來見自稱野人沈蘭不知其何謂也初游秀水岸中年患蠱腸偶於孤山遇一道者教以保氣之法漸有效因棄去習靜腹中氣充然遂不思食斷粒凡七年矣亦能閉氣入水中盤坐竟日不出對客談久以酒潤吻而已不多飲也聞余節略鈔得道藏故特垂訪其他未嘗枉一人也 作先福勉公道可詩叙

十七日暮雨

十八日晴

十九日招賀孝延飲湖舫

味三

二十日夜集張嘉林樓居酒味甚醇

二十一日書金湧樓扁

二十二日賦手柳酒三詩送賀孝延北上

二十三日

二十四日與賀孝延集湖舫有酒侑周仙仙

二十五日

二十六日

二十七日

二十八日作寄高永仁徐德夫書

二十九日小畫作合郡鄉紳祭沈都御史繼山公文

十一月一日閩同年徐翰明諱大紳之子一元一貫者

來謁翰明司理吾郡陞寧波郡丞卒官

二日見邸報知余乞養疏部覆在十月十日 歛人程

用貞名學智者來謁貽柳花詠三十韻求評語

三日夜與二徐小飲大徐字善長小徐字唯吾

四日暖甚眉公先生見過

五日同諸鄉紳奠沈純甫先生

六日

七日張虞懸以閩人冊索畫爲作小米數筆題一絕云

煙開露沙清木落見人家彷彿相逢處溪名是若耶

八日暖甚

九日陰晦諸生持示古帖一本標云蘆溝橋集古法帖

味三

載右軍適得書以下諸帖不知刻於何年亦不知有

幾卷

十日客攜觀潤州金焦北固三山古今碑刻計百種無

一佳者又觀鷄鳴山太廟功臣畫壁圖

十一日徐潤卿同陳衛伯攜三卷過我評閱一趙文敏

洗馬圖白楮細描筆法精緊奚官手勒波閒鬃鬣縑

縑纏結猶有餘滴盞洗竟欲就陸者子昂白題云鬣

邴覆駕誰能御驚蹇紛紛何作願青絲絡首錦障泥

鞭筆空勞怨長路明窗戲寫乘黃姿洗刷歸來氣如

怒不須對此苦歎嗟男兒白昔多徒步至元廿八年

八月廿一日在家道人書 子昂稱在家道人而不

名僅見此 馬頂上青絲轡勒用篆筆畫成備剛柔
二性 憶昔秋風從翠華騰驤萬騎獵龍沙而今局
脊蓬窗底坐對此圖空歎嗟是年十一月四日自廣
陵還始償此債養晦當發一笑鮮于樞題 趙吳興
與鮮于太常同時吳興固遜鮮于助其翅羽觀此卷
二詩鮮于所謂見其善者機故多姿態子昂所謂見
其杜德機故多骨力鮮于猶有矜莊之色子昂乃以
氣吞之故多勝耳董其昌題 竹懶曰鮮于書法度
極熟用筆極圓勁而少風神子昂鮮豔豐潤而乏骨
氣此卷書意含蓄古澹似孫過庭孝經行草中雜思
陵數筆鮮于指頂行楷酷摹哀冊自是兩種意頭董

味三

堯

跋以趙為氣吞漁陽恐非公論一鮮于伯機行草坡
公後赤壁賦熟勁有法一沈石田有竹莊小圖石田
故有有竹莊圖青綠長卷贈史明古者此又重出畫
法學梅道人荒率簡遠絕有勝韻自題云顛毛脫盡
野僧如世好都歸一懶除欲博晏眠高著枕圖便老
眼大鈔書屋須矮小茅須厚廳要清虛竹要疏心與
陶翁有相得時歌吾亦愛吾廬弘治己酉秋日廷珍
過我有竹莊賦此系圖以贈 夜聚飲沈倩伯遠家
馮權奇談項宏甫家有文與可晚靄橫看圖妙甚相
約索玩 梨園女旦傅生年十七矣風致翩翩金墀
富人麾五百金圖為例室生鄰其為人一夕遁去亦

可見也

十二日夜集沈翠水可月軒

十三日

十四日哭戴升之升之幼與余同學已同游馮具區先
生門下已又同參紫柏姿韻枯澹書法初學蘇子由
丙午舉於鄉至是竟卒年五十耳識者悲之

十五日各攜視沈石田水墨花鴨筆法蒼潤有生氣自
題擘窠大書客來具雞黍我具能言雌頗肥如秋瓠
留飯客莫辭尚愛好毛羽黑白相參差更復存紙影
若聞鳴聲悲食品何足惜所重故舊私用昭將行以
此致餽聊發解纜一笑

味三

聖

十六日郡公集鄉紳吏民講聖諭六言於天寧寺

十七日

十八日會殯沈純甫先生於四十二溪之原

十九日長至

二十日寒甚

二十一日作壽應龍濱先生文

二十二日

二十三日連日在美蔭齋前榮負暄自適杭蘭四五叢
俱吐穎鑽苔而出春候之極蚤者也

二十四日

二十五日

二十六日至金橋金帶村送姻家葬舟沿枯葦浙浙敲水而行晚同姚通政賀吏部集願完三節推第有歌舞

二十七日晚姚仲子壁閒一畫絹素沈古筆法蒼酣類范寬題云謝縉不知何許人也

二十八日夜集范長康拜石軒

二十九日晦連日俱暖與同年曹平子圖扇題云有酒

腸暑塊者堪寫石有節目勁挺者堪寫寒林文思鬱勃者堪寫煙雲草樹曾吞雲夢八九者堪寫沙水渺

迷

十二月朔日陳白石攜示宋魏鶴山手錄渠陽讀書雜

味三

鈔字如半菽精繁有柳法楮勻細潔白前云起寶慶

三年四月後硃筆注云咸淳癸巳臘月傳與劉養源

密記密者元周密公謹也有印記四一周密章一華

不注山人一公謹父一鐘鼎文不知謂何

二日

三日陰晦

四日細雨作祭親家翁吳江沈大中丞太素公文太素

名季文丁丑進士起家工部郎歷闕泉齊晉監司衡

文秦中陟齊藩長以中丞出撫河南告歸捐館舍幼

女字亨兒以是月之八日往葬吳縣上方山遣兒挽

紼附以奠章

五日晚霽夜赴項楚東別駕招同坐者許靈長學博孫

鼎石萬戶有歌舞侍子妍妙者紫煙春啣寒芬秋聲

數人紫煙尤所篤幸者也徵余詩余戲揮一律云歌

舞當場第一仙水晶簾影妬婢娟低腰乍似迎風柳

瞥目渾疑出水蓮籠極不須愁曲誤羞多翻自取人

憐夜來衫袖襪甚偷伴穩穩一醉眠

六日項于王招飲湖舫岳之律昆季有項孟璜在坐

七日寒

八日甚寒

九日雪

十日霽

此

十一日寒雨蕭然昨夜霜月滿庭無纖翳陰晴難料若

十三日雨雪雜樹

十四日晴雪融滴瀝有客饋余舒鳧舌百枚想其呷引

清流啜喋蘋藻於遙沙闕浦閒可望不可即何事而

舉族見佇競拔舌以供酒人嚙嚙也是日梅蕾放白

杭蘭微坼隱隱香撲衣袂爲之傾一鼻

十五日復雨竟日

十六日雨歇至夜復雨

十七日雨竟日

味三

此

十八日陰晦

十九日晴松江年家沈石樓侍御子名士棟者來謁出

觀 宣廟賜其先世沈學士民則諱度者御製醉太

平詞二首睡起詩一首御畫鸚鵡龍眼一幅 三春

暮久晴一雨動歡聲如膏潤物總敷榮動吾民喜慶

秀添麥隴苗新盛紅垂柳檻花交映綠舒荷沼葉初

生盡道是豐年好景 濃雲散雨收花苑內鳴鳩曉

來喜見日光浮暖融融永晝麥苗潤澤添清秀榴花

溼映紅光溜農夫鼓舞盡謳歌是處慶豐年醉酒

宣德戊申四月九日書 廣運之寶 賜翰林學士沈度

睡起詩 真珠簾外薰風起青瑣窗前午夢醒寶鼎

味三

散煙香細細石泉落澗響冷冷閒看古畫消長日旋

煑新茶解宿醒頗覺襟懷清似水數聯吟罷不勝情

宣德戊申五月望日書 賜右庶子沈祭

龍眼雙鸚圖 宣德二年御筆 賜學士沈度

右圖迺 章皇帝御筆宣德丁未賜先臣學士緝用

內府所藏色白細潤可鑑廣二尺有二長三尺有五

所圖為龍眼色黃鸚鵡二色朱神采生動迥異凡染

御款十一字御篆曰雍熙世人視國寶羞小猗歎休

哉當 宣廟朝正偃武脩文日也潤飾太平萬幾餘

暇留神翰墨先學士以書受知暨先臣少卿兄弟並

膺殊眷若此繇今想之真可謂雍熙盛世矣萬曆三

十年春正月望日七世孫御史臣時來謹識 時來

者即余同年石樓君也與余同觀政通政司每早衙

列坐右廡仰視大銀臺判牒至日卓午方得散去團

聚無事因狎語終日相樂也無何各授職石樓以大

行擢御史巡視居庸紫荆山海等關有聲俄而捐館

人謂君豪飲竟罹酒禍不竟其抱傷哉三子伯仲繼

歿士棟其季也

二十日晴

二十一日雨府中奉到余乞養疏部覆云為照本官蓼

莪輟誦菽水嬰情依八旬之父而子然一子委難為

絕裾之行愛一日之養而抗志三公宜遂其陟岵之

味三

願據其辭榮而重本必能移孝以為忠既經該司查

與例合又有同鄉官結勘前來相應覆 請合候

命下咨本官在籍終養吏部案候親終之日給文赴

部聽用等因萬曆三十九年十月初五日具題本月

初九日奉 聖旨是欽此

二十二日風而寒

二十三日霽村莊紅白梅開盛

二十四日雪點洒浙

二十五日雨亭午雨歇鳥聲甚繁枯草復萌泥融地溼

宛然仲春之初不知其為窮冬也

二十六日至新豐送黃侍御貞所公殯回棹東風甚駛

一身... 月... 2... 片...

二十七日陰晦

二十八日霽眉眼豁如

二十九日

三十日

味三

四五

味水軒日記卷三

味水軒日記卷四

明秀水李日華著

萬曆四十年壬子歲春王正月正日家君八十有二余率婦子進椒柏酒羅拜庭下

二日買得杭蘭盛花 邑試儒童

三日雨夾雪午後大澍郡迎土牛溼不能舉乃藉以蘆葦昇去

四日晴朗摹二王帖覺古人得處米老為多

五日霧雨門人張霄函以高麗繭紙索繪余為作寒林

書屋系一絕云雪後茅堂護曉寒酒餘呵筆弄清酣

不須更簇閒花草凍柳捎雲已耐看

味四

嘉業堂校刊

六日雷雨

七日雨甚

八日小霽項子蕃來出余舊所圖扇已為董思白題云

今士大夫習山水畫者江南則梁溪鄒彥吉楚則郝

黃門楚望燕京則米友石嘉興則李君實俱寄尚清

遠登高能賦不落畫工蹊徑余竝得受交亦稱知者

鄒彥吉名迪光曾握兵使者節駐吾嘉尋棄官隱郝

名敬字仲輿余座師也辛卯之役余文跡地甚先生

獨犯格錄余且曰天下那得如此好秀才米友石為

銅梁令辛丑與余會於京師即舍數公俱豪達天下

羣走其望余悶悶守一丘一壑董公槩為比數亦以

此道寂寞不妨多為鼓吹耳

九日圖寒山別意送鉏伯毅赴北雍暮飲沈翠水齋中

俄冰雹大風留宿

十日大風

十一日

十二日

十三日俱晴朗夜有月色

十四日夜小雨半夜月出

十五日晴煦夜簫鼓燈毬滿城如沸

十六日始出報謁諸交咸余嘗時道經狹邪每執蓋者

前往諸姬輒匿今日偶易便輿去蓋倚市者笑語自

味四

若余坐輿中得悉其態遂得一絕云短箔輕輿躡曉

寒春城風雨杏花殘前騎暫卸青羅蓋贏得朱樓粉

面看

十七日

十八日鈔騷錄貽岳之律以之律方守慶遠戒途也

并以數語又系一律月白梅花晝冰消薺菜春酒香

薰客夢燈影澹離魂江曲千羅帶山多萬玉簪騷

如有錄應蚤寄柴門

十九日小雨盆梅盡開沈翠水又攜一本至作櫻桃花

色名照水玉蝶嫩紅繁萼梅之老格幾變正是綺疏

中物耳

二十日至西津送岳之律泛馬頰湖寒條刺天而黃碧

之色已動楚人籬落問梅梢點白尤有清興

二十一日飲吳州將赤舍第雨

二十二日陰寒

二十三日蚤微雪

二十四日晴

二十五日

二十六日

二十七日陰晴倏忽梅蘭盛花終日在香氣中

二十八日溼蒸如四五月霖器皆汗流觀諸子華行書

王子初宮詞五十餘首筆法學趙吳興

味四

二十九日溼蒸益甚無事偶出所藏唐陸柬之蘭亭詩

五首真蹟觀之多雜米法高妙處亦似出褚登善手

余考桑澤卿蘭亭考云陸柬之時工臨寫今錢延

年校理有柬之書蘭亭用綠麻紙押尾署陸司議書

雖外露毛骨而雅有風氣又唐陸元方傳伯父柬之

善書官太子司議即太宗時人所謂歐虞褚陸者昨

日觀蘭亭詩固知是柬之書已嘗言之矣後題司議

益不疑也此世無有請寶之敏求上文玉家藏此帖

云陸柬之書次道能筆法僕信然如帖尾羲之書恐

是一手臨書耳仲冬九日雪中過文玉陳繹和叔題

郇國公觀元豐七年二月初七日尚書省題 唐

陸東之臨寫蘭亭五詩後有二行云吾所噉日去不復解此意思足下明必願之遲遲義之頓首司議蘭亭此帖尤麗結裏圓轉趣媚不窮復題司議蘭亭後一行有跋云天復二年九月三日盧家阿姑遺其月二十九日夜記年十五 觀蘭亭五言詩江左風流蕭然在目筆跡古雅亦在二王然少雜奇險豈陸君所摹耶博陵用吉得之盧家阿姑非大姓故家莫能有此也元豐八年二月十二日眉陽蘇軾書是年十一月十八日輟過泗州嘗觀 竹嬾云參觀此數種議論知陸書有司議押尾卷末又有臨帖數行今皆無之驗楮亦略無筆意吳江周叔宗斷爲米臨未爲

味四

無見 此卷項墨林物也憶余初第歸里中墨林長郎蘭臺君方豪侈結客一日集余輩數人以碧綉障伎妾令迴奏新聲每一伎終項君輒掀髯曰此秦聲此趙此楚此涼州塞外以大白浮客必令極醉方樽罍未集對設長檝出法書名畫恣客披閱此卷在焉後以三十金歸其弟又新又新游太學又以奉馮成公歿遣長君權奇權奇假余春波里第以此卷作六十金爲質庚戌冬第燼於火此卷留余處獨爲靈光之存神物呵護真非偶然也 此卷後仍還馮

晦日風雨蕭然

二月朔寒雨竟日 填五秋歲詞一章壽高東溟中丞

中丞之撫我浙三年矣至是上其考而攬揆爲六十故郡大夫徵文爲祝云銀濤碧浪瀛海浩無涯花覆水月籠沙魏豨團紫戟鸞鶴引清笳歡聲動江南百姓萬人家劍履青霄近郊原湛露賒鐫倒薤進胡麻字字琳瑯兩杯杯琥珀霞開燕處老人星現五雲車又詞醉蓬萊看桃岸蒸霞柳堤拂黛西湖佳麗玉螭金龜渺渺浮蒼翠鸞仙史排馬衙官雜杏笙歌地蒲穀清風桑麻膏雨十一郡嬉娛春臺士女此去海門浪穩浮槎直上天河許雲披閭闔日捧蓬萊九霞光裏

味四

二日
三日俱大風雨
四日晴謁寶懷南右藩伯於舟中
五日
六日寫嫩寒沙渚圖寄譚木天明府
七日熱甚五鼓大雷雨
八日雨
九日同賀伯閩陳孟嘗孫子長張海珊項孟璜宴寶藩伯於吳太華空宅寶兼攝督運言年來以缺木料清江厥船隻停工運舫敝漏缺船數百漕臺議令民自僱船輸運其說果行則江南民力益不支而時事拒

擾益大可慮矣 孫子長云南直蘇松行均田法意在抑官家之濫免以甦民困而奉行者過於苛急竟將縉紳編入里役凡役色之重者悉士大夫充之一士夫絕點點應看櫃每日即衣冠而往親自秤投不歛分毫之耗又一士夫僉糧解自詣縣領水脚銀舊例水脚本縣官潤棄物也於是民間謠語太平新政說姑蘇糧長收頭盡士夫只有一人稱不便脚銀偏有耗銀無聞者絕倒

十日雨

十一日

十二日雨

味四

六

十三日午晴

十四日晴壽沈振羽

十五日治往武林之裝與盛寓庸同載夜泊崇德

十六日寓昭慶雲山房之蓮花界夜大雨

十七日細雨不出後舍有烏思藏老僧名姑洛者寓止

能作西域諸國方言即阿彌陀佛四字而絕各不同

十八日方巢雲持高瑞南家郭忠恕輞川圖來玩郭忠

恕摹王右丞輞川圖暉首宋碧描雙龍紺牋四匡雲

采飛鶴朱印徑方二寸御書之寶八分書六字摩詰

本輞川圖合縫朱文印武林高氏瑞南家藏 輞水

華子崗 孟城坳 輞口莊 界畫極精 文杏館 山下

勾染俱如 斤竹領 竹葉雙勾 木蘭柴 茱萸泝 泝水 斷折鐵線 折上三段長 宮槐陌 鹿柴 北垞 欽湖 臨湖亭 柳浪 作柳十二株 株各一態 樂家瀨 金屑泉 南垞 二鶴一舞 白石灘 竹里館 辛夷塢 漆園 椒園 河北郭忠恕奉命復本

王右丞輞川圖與余昔在杭茗故家見者一樣前有集賢院御書印內合同印題摩詰本輞川圖後書郭忠恕奉命復本則知為江南李後主時臨本也虎賁中郎更無辨處郭亦妙筆矣右丞唐開元天寶朝士名維字摩詰工詩畫輞川其所居自寫為圖精密細潤在小李將軍著色山右今如魯寶玉大弓絕無僅

味四

七

有吾昂霄珍之重之攜上天京名公相一見賞識鑒定價增十倍大德戊戌冬至廬陵民八十叟李珏元暉敬跋贊絕句云園圖親畫蚤流傳已是人間五百年凝碧池頭秋句在當時幾負此林泉藍田奇勝朱家莊認得伊家華子崗身後不知誰是主謾留副墨至今香

食淡衣粗識幻身如何幻境却留神蚤知大地非真有已了前生不二因吳澂

輞川圖有二本此從矮本所臨畫格高絕觀此猶有生意為賦短句 詩中傳畫意畫裏見詩餘山色無還有雲光卷復舒前溪瀨父宿舊宅梵王居千古風

流在披圖儼啟子袁柳

天台楊敬德和輞川絕句二十首楷書

開元宇宙承平日華子崗頭曾燕客至今自貌輞川
圖不有幽人交莫逆辛夷塢外黃澣隔亦復扁舟春
蕩涵竹君冰霰歲寒傲未使申椒能辨屈平生雅志
厭朝市醒醉悠然睠泉石是間山水無限趣況迺嘉
賓得裴迪規模想像郭忠恕垂四百年留妙蹟驚啼
花落春句在誰信長安嘆凝碧後來拊卷意迷茫且
復追惟三太息 南海金元帥出此圖與余三十年
前張子有家觀摩語真本無不似者則忠恕殆神仙
者流信名下之士不虛也海粟子振

味四

八

猪龍兒嬉錦棚好三郎歲晚歡娛老阿環姊姊擁華
清朝士宮前誰敢到右丞脫却尚書履布襪青鞋弄
煙水藍田別業堪畫圖矮本丹青自遊戲華子崗輞
口莊湖亭竹館遙相望小橋摺轉青紅窗樹窠歷歷
煙茫茫樂家瀨前兩舟上柳浪一尺春水狂詩成與
和者誰子我外表迪誰能雙上壑風流妙如此安知
畫外淒涼意凝碧池頭天樂聲白髮繁臣淚如洗亂
後歸來舊第中玄牆綠戶老秋風人生過眼皆夢境
乞與山僧開梵宮伊誰得此千金價客來寒日莫匆
匆四百年前御樹畫按維本傳輞川乃宋之問別墅
在藍川後表上爲清涼寺臨江李杭

萬麻丙申秋奉 旨持節封吉藩道出武林觀高深
甫所藏郭忠恕摹右丞輞川圖其畫尚沿晉宋風規
有勾染而無皴筆所謂雲峯石跡迥絕天機筆意縱
橫參乎造化古人評維畫無一字虛設矣子家有右
丞江山霽雪圖及恕先越王宮殿圖與此卷別一法
然以見古人遇方爲圭因圓成璧之妙耳七月廿有
八日史官董其昌書

萬麻丁酉秋奉 旨校士江右歸訪高深甫宿魚磬
軒重閱十月晦日也董其昌

王摩詰手製輞川圖當時好事者各寫一本有巧尼
出新意攢簇盤飴各就輞川一景則人間所傳應不

味四

九

下數十本袁清容所云有高矮二種者殆未必然也
矧摩詰所圖在清涼寺壁蓋由凝碧散後洊歷危阻
悟火宅之終虛仗真乘之妙濟捨莊作寺而又不忘
平日遊涉之趣故以毫染存其蹟於壁間未聞移之
楮素也郭恕先筆法通神尤以界畫稱絕此卷題字
云奉命復本正復其所傳之本耳非臨摩詰之蹟也
古人首重壁畫次列屏障卷帙之製自盧浩然自寫
草堂外實不一二見恬爐滑几一卷一舒消受千古
祕勝豈是小因小緣所能結集得是卷者應作難遭
想作殷重想作頭目龍腦護持想勿輕譏彈能消現
福萬麻王子春仲寓武林昭慶寺六湛堂柳澹花疎

春寒尚峭垂幕謝客游意其間恣足乃已嘉禾竹懶居士李日華題

又朱淑貞小楷書蘇若蘭織錦璇璣詩一卷前仇英補圖四段楷法纖妙不下吳絲鸞唐韻而實甫繪法精能之極淑貞自書一記文亦婉暢

蘇若蘭織錦璇璣圖記

若蘭名蕙姓蘇氏陳留令道質季女也年一十六歲歸扶風竇滔滔字連波仕苻堅為安南將軍以若蘭才色之美滔甚敬愛之有寵婢趙陽臺善歌舞滔悅之置於別室若蘭知而得之苦加捶楚由是陽臺積恨譏毀交至滔大恚憤時詔滔留鎮襄陽若蘭不願

味四

十

偕行竟挈陽臺至任若蘭自傷因織錦為迴文名曰璇璣圖亘古以來未有也乃命使齎至襄陽滔感其妙絕遂具輿從迎若蘭於漢南恩好踰初其著文五千餘言歲久湮沒是圖猶存唐武則天皇帝嘗序圖首今已魚魯莫可辨矣余侍家君宦游浙西一日宴郡倅衙偶於壁間見是圖余得好之償其值得歸惜其粉墨脫蝕絹面塵流僅識圖字其序誌漫矣若蘭小像尚可臨也觀究其理莫可貫通因悟璇璣之理試以經緯求之文果流暢渙然無疑蓋璇璣者天盤也經緯者星辰所行之道也中留一眼者天心也極星非不動蓋運轉不離一度之中也中一方太微垣

也乃疊字四言詩其二方紫微垣也乃四言迴文以二方之外四正乃五言詩四維乃四言迴文三方之外四正乃交首四言詩文則不迴也四維乃三言迴文三方之經曰黃道乃七言迴文臨邊四經乃青道白道黑道赤道皆七言迴文可周流而讀也比余備細錄解藏之中笥已十一年矣身既于歸俗事多累疾首畏風瘦腕且顛不能自已得非好奇之所役耶噫以若蘭之巧能織於前非余之勞莫解於後何世異而志同若此則不知後之工於是圖者復何人也庶見者勿以婦人不事內修而詫務文藝烏足為美若是則非憐才之士矣請勿敢辨冀余同心者似焉

味四

十

吁寶之時皇宋紹定三年四月吉幽棲居士朱氏淑貞書

十九日風雨枕客潘琴臺吳卿雲來袖示趙子昂臨張長史秋深帖白宋牋紙長幅作掛軸筆氣極雄倨汰盡吳興姿膩之習古人能領人意若此余以四金購之 文衡山細楷書拙政園記及諸詩園乃陸魯望舊隱寫贈槐雨先生者 又宋元人真蹟六家一張卽之劄子一通為人書扁答其東蓋施之所尊筆法堅利時時露鷹鵠嘴爪又卽之買田號段注歷一張畝數及租戶名姓與租鈔貫皆朱填之想便記閱耳一趙子昂家書二方與八哥者字多斷爛一鮮于伯

機草書二首絕句雄逸酷似李太和雲麾將軍碑止
記其一絕云燕山十月寒墮指雪盡長途風走沙爭
信江南此時節漫山輕霧溼梅花一俞紫芝手札二
通一俞友仁手札一通友仁即紫芝子一僧祖瑛篆
書一段一祥止庵詩草二方筆法亦有天趣詩語甚
有致一帶青山十里塘不知村落有茅堂春風入路
看高柳野水當門著小航長日把書教弟子閒時尋
友索文章有橋不脫丁家姓疑是當年孝子鄉沙門
德祥前詩不工復賦五言併書於此一步莓苔路誰
能住少時水清魚盡避林僻鳥多饑俗外非無得閒
中亦有爲鹿門真隱士采藥共妻兒祥再賦 又開

味四

十一

皇蘭亭石本搨墨沈古較肥瘦定武本自含別意大
都典厚中時一宣曜芒角內豈字山頭帶起圓渾有
蟲篆之妙按蘭亭考禊帖真蹟乃隋內府物煬帝爲
吳王時僧智果就王借出臨摹不還後傳至辨才爲
蕭翼所賺則此刻意亦智果輩經營拓石耶前方子
昂作蕭郎賺帖圖後方子昂臨禊帖絹本多定武法
不能開皇也

二十日微雨謁吳寶二方伯二方伯相繼來答拜 方
巢雲引湖州僧印南者來出觀諸種祝京兆草書卷
一綠漫衡皋帶茂林林亭遠對接疎襟江邊竹影鋪
豐席雨浥梅蒸滴素琴檻水生漪浮淡爽棟雲團蓋

落虛陰人間最是難消此未解塵心誤道心何處青
冥欲一沖短翎應近市塵中夜來相見銀塘靜失後
休嗟蕙帳空自嘆無魚難久館誰言有鶴不如籠故
鄉一夜秋來月吳水吳山幾萬重舊作書於夢椿從
一齋中時乙酉春三月望日也枝山

二十一日雨不解出謁王帖雲憲副已先至寺中顧余
印南又持卷軸來黃大癡松溪草亭長幅筆法學巨
然山頭隱隱碎礫漸下漸虛極有氣暈點子作樹稀
密濃淡任意天趣灑然必是元時高手以爲真公望
則不能斷疑蓋公望入骨處有一種精魄能動我勝
意根者不可以告語人也以是終日嗟賞終日疑不

味四

十二

斷印南曰公之論畫若是真申韓哉米元章雲山一
下層潑墨樹三株小橋沙渚一徑斜繞煙外簑笠者
榜舟波心中層攢點雲樹不分露二屋角上層二尖
峯一濃一淡純墨水漬出印南云是其師祖號桐石
者購藏索價五十金余以紙色可疑卻之又文壽承
草書一絕大如盞面而筆意虛廓天真爛然余以爲
草法之妙絕勝豐人翁徐天全張東海諸先輩不獨
勝其家翁也玉色吳牋勝陟釐端州古硯墨花垂試
拈閣帖閒臨學不是羲之卽獻之三橋彭又文休承
淺色山水小景雨過山舍翠迎風樹作秋世情方擾
擾消盡一溪流茂苑文嘉 以上二軸余購之以酬

印南僕僕

二十二日吳珍所先生同其友楊茂生名秀者見願出所藏文衡山小楷書盤谷序索跋 文太史蚤歲辭溫州公之聘晚年不赴道藩之召忠孝大節照映千古翰文藝事待其餘耳小楷精緊峻削得率更三昧此卷尤其蓄意合法者也公自解組後夷由巨壑縱浪風雅享有上壽名播八寰即昌黎所云車服不維刀鋸不加為不遇時之大丈夫非耶爾之先生得此卷寶之亦欲為山林吐氣耳余故欣然願為之執鞭云王子二月武林昭慶僧房竹嬾題 又出觀文壽承草書二詩筆法橫逸詩亦清俊有寂寂寥寥無個

味四

十四

事滿船風雨滿船花之句又彭龍池細楷遊天池石壁記俱佳 珍所名正儒字醇之丙子鄉薦授河南蘭陽令俄罷歸不營俗務製一樓舫極華潔畜歌兒倚美者數人日拍浮其中每歲於桃花時移住西湖六橋遊觀自適迨嘗新茶始去別遊姑蘇陽羨諸勝地今年六十有九矣而飲啖甚健殆天以閒福奉之也 是夜先生招飲靜修僧房項楚東別駕在坐項有侍子子延寒芬秋聲三人與主人侍子玉潤珠明者夾侍伯觴又有金陵院姬劉二亦善調笑主僧靜修酒態狂縱狎友范三郎君賞者擅新聲之妙曳如綠繭吐若伏流清亮孤圓溫涵醞磨每一聽驚奇人

欲絕吳飲之伎平生所未聞也積然竟醉而罷

二十三日晴步至六橋入項老兒店老兒蓬首垢面風采如故俄從塵埃中出雜畫一沓相示中有一幅號郭熙者無款山頭渲染虛明晚藹極得其態下作濃葉樹四五株小艇一隻坐釣逸致可愛趙子昂青綠小山水一幅人物米粒大在山光樹色中皆作白衣欲相表也可愛沈石田小幅秋景虛廓簡遠似李唐臨川聶大年小字詩草一幅筆意做樂毅論畫像贊詢舊所畜杜東原秋林醉歸圖何在則云已同數種物易得倪迂畫一軸即索倪畫諦觀之則贗筆也此老窮徹骨不能得余四五金而東原妙蹟遂不知入

味四

十五

何人手可歎也至淨慈訪壑公轉至赤山步訪黃貞甫俱不遇 二十四日蚤大霧俄開朗同盛寓庸方巢雲戴鑑若釋印南過沈圖南出觀諸種趙子昂釋迦雪山像倪雲林題稽首無上兩足尊無我人眾生壽者千偈闍翻了無說拈花傳燈不斷絕無諍居士寶雲庵主倪瓚又文衡山仿黃大癡小景上就枯筆作山方仄咋呀用濃墨卧筆點苔極相煥發下樹石老氣有餘題云雨過郊原不起塵青山隱隱水鱗鱗應知騎馬長安者輸我水邊林下人徵明又倪雲林小景上作蛟壁三重下疎樹茅屋石臺平淨傍有小舟停泊泊舟靡

蕪渚渺渺煙波情徙倚盤石上愛此木葉陰辛亥八月與安素高士篝燈夜話寫此以贈又沈石田雪景勾筆作雪巖樹亦槎險題云獨蹇騷騷灑澗岳蓮猶見雪中詩翁瘦骨凍不折風逆吟髯未去關沈周又王齊翰挑耳圖李公麟耕耨圖俱不真諸磁中止一白定盒蓋面作疎梅一枝甚好 過吳卿雲卿雲高瑞南內戚也出觀宋唐冊葉二本無佳者又錢舜舉榴花鸚鵡梨花戴勝二幅真又宋搨孫過庭書譜好 午後赴項楚東湖舫之招

二十五日方巢雲又引一人持卷軸來無佳者贗本柯南宮山水一軸樹石極森秀山作細碎礮頭重嶺杳

味四

壁而筆踪纖微如不欲落墨者蓋宗營丘法也與倪迂同一流派而柯境稍拓耳惜不知真本竟何在自題云天風起長林萬景弄秋月幽人期不來空亭倚蘿薜至正三年八月望日南宮柯敬仲寫 午後松毛場登舟夜抵關而宿雨不歇

二十六日大風雨夜宿大茅

二十七日過崇德與靳令君相見於津次燈時抵家

二十八日海鹽鄭茂材以朱西村詩集見餉西村名朴字元素嘉靖中隱者亦善畫好學米南宮余昔年嘗見其山雨溪行圖闊幅濃染有氣韻

二十九日晴

三月朔日爲鄭茂材圖四扇各具一體

二日晴

三日往當湖奠陸氏姊夜飲養白兄所

四日辰刻抵家甚晴朗范生者介陸閒田持周東村畫長卷來鑒定筆意甚粗率是真而非工者凡草草率意之筆非石田白陽不能入妙若東村輩正以工緻得名耳捨所長而效步未有不匍匐者也

五日出弔沈汝納孝廉

六日

七日朱季長從闕回貽余沈香片沙谷米闕游詩一編

八日盛寓庸致鸞脰湖水二缶

味四

九日

十日賣方伯懷南以時局不合拂衣歸山舟經吾里百姓泣挽者千百人

十一日

十二日

十三日王宗師校試諸生亨兒入試

十四日

十五日赴吳赤舍招與沈白生銓部聯席演新戲紅梨花坐客言梨白色紅者異種也不知梨花有紅白紫三色陝中咸有之而紫花梨結實最妙

十六日與虛緣步至試院前闕市甚少珍異止見扇三

柄一爲侯夷門畫極得子久蒼秀法一爲王仲山草書天矯雄健林藻孫虔禮之流一爲項墨林寫殷紅寶珠茶花一枝細雪糝其上如生此老余及與言笑不意藝事精工至此徐熙黃筌豈遂絕迹哉市中有賈本雲林畫一軸長松一枝斜倚一古樾下作陂麓一層極蕭洒題云爲夢吉孝廉寫

十七日方巢逸從杭來貽余滄橋二十顆攜示趙子昂小景山下攢點作小樹甚秀發題云借君此地安漁艇著我滄江聽雨眠又黃大癡曉嵐疊嶂巖下雜樹無數諦視之蔽虧歛映一一有歸著中層樹漸小上層漸小作點子漸入模糊雲氣不可辨識而飛泉數

味四

六

道注之此景非入匡廬衡霍深處不易遇也人傳子久一生只在煙嵐泉瀑中過活噴之紙上乃其尋常供具耳又沈石田山水長卷絹地淺色約畧用梅花道人法題云山疊氣未迭衍迤勢巨窮溪壑互吞吐草樹叢青紅縹緲神仙居隱現金銀宮飛霞隔鸞鶴叢篁思閩風誰從此招手度我逍遙翁存一兄過余有竹莊持余前所作畫再乞一題識於後余細觀前畫雖未能盡合古人要之運筆處亦頗有得存一持歸不知將信余言而寶之否沈周又石田爛柯仙弈圖一卷草樹頗率意二老踞石對弈一人荷鋤傍立題云成化辛丑冬孟爲古漳王樵隱寫長洲白石翁

沈周樵隱者想國手也 巢逸困於遊余將以白竺梅花圖旁屋借居之巢逸以靈璧研山一質金去研山長潤一尺上聳東西二峯東峯高三寸五分背面齟齬又自連五小峯下跗二朶如鳥偃翹翹下穿漏成洞西峯高二寸五分兩尖雙豎如廬山雙劍峯中凹處嶙峋陡削有自然澗壑色蒼玄而潤間有白紋相錯叩之丁丁清響武林高氏物也梨木座鐫瑞南印記是夜嘗龍井新茶

十八日有一市丁破褐彙彙探懷出一卷投余乃宋搨褚摹本蘭亭寶晉齋雜帖右軍王畧帖阮生帖歐陽公鑒定樂毅論作一軸裝潢蘭亭較定武纖約饒熊

味四

九

款云貞觀八年遂良摹又楷書一行云右褚河南摹本得之江西故家刻於東陽此卷馮司成物簽云三米蘭亭非也米氏父子摹刻者在淮山樓桑世昌蘭亭考列此於婺女下云一本褚遂良正觀八年所模敘首無永字今驗首果無永字而東陽則婺州屬也王畧帖卷首有米行書三十字云晉右將軍會稽內史金紫光祿大夫王羲之字逸少書王畧帖天下法書第一謝太傅書八月五日帖多斷爛阮生帖淡墨蟬翅搨字字可辨樂毅論纖麗飛動類黃素黃庭較他本絕異有歐公跋右樂毅論石本在故高紳學士家紳死家人初不知惜好事者往往就閱或模傳其

本其家遂秘藏之漸為難得後其子弟以其石質錢於富人而富人家失火遂焚其石今無復有本矣益為可惜也甚妙二字吾亡友聖俞書也論與文選所載時時不同考其文理此本為是惜其不完也樂毅論舊傳王右軍親書於石其他皆紙素所傳唐昭陵哀集二王墨蹟惟樂毅論石本在其後五季以來復傳人間國朝入高紳家石已破缺末後獨有一海字者是也歐陽文忠公博古妙一世嘗以此卷為是得於公元孫雋家因命工刊於建業郡舍紳書閣先時晁守所刻定武本蘭亭記之右二書相先後廿二年茲以類聚豈亦干莫神物終當相合故耶乾道己丑

味四

三

三月望日丹陽史正志謹題按此乃六一公博古圖集中一段事也史君重刻於建業郡耳後又有元人索清行書墨蹟數行多斷爛可辨者云蘭亭敘三本皆佳阮生破羌帖此軸有褚摹本米南宮最稱賞之見於米集中卷末亦錄出所云錄出者今在余前所收定武蘭亭卷後此公書法亦極古雅奇奧此卷質錢去終日咀味不厭也
十九日同沈翠水步至試院前閱市有大靈壁石一形如伏虎色黝黑光潤背面元章鐫記又橫鏡列翠二大字又英石尖峯一高二尺有五湖二尺多蹙浪文可愛又白定酒盞一大能容斗米又碧玉巾圈一對

碾雲裏天雞頗細妙又瑪瑙方圈一對就黃黑班碾作樹石雲月亦妙又閣帖古本一部無斷裂紋價二百五十金措大出遊成隊率目飽而已 晚飲翠水齋前花下

二十日同內子貞兒禮玄祖於小武當大雨
二十一日雨
二十二日華亭唐子躬名元修余同年常山令層城君之子也層城名之屏蚤世至是子躬刻其集并鐫雪中舞鶴詩十首於石來謁
二十三日招唐子躬周鑑之不至鑑之余華亭故人周草窗孫也草窗今七十而老矣少嗜酒挾貴自雄喜

味四

三

花石幽玩余結髮遊松從陳眉公授毛詩草窗眉公之友故與狎習今相隔三十一年矣而草窗飲啖不衰可念也
二十四日新霽氣候甚佳
二十五日
二十六日細雨鍾生持姚丹丘溪山春釣圖來看筆法用梅道人而荒率太甚山凡四五轉下二層朱點作野桃灘頭一艇釣者坦腹皤然自題一絕日暖緋桃香樹樹山高嶺轉挂飛泉草堂無客開來往唯有長溪著釣船雲東逸史寫溪山春釣圖弘治四年二月念一日題記顏魯公乞米帖拙於生事舉家食粥來

已數月今又罄竭祗益憂煎輒恃深情故令投告惠
及少米實濟艱勤仍恕干煩也真卿狀乞米帖見魯
公忠義大節從固窮得之非特書法可傳亦千古雅
語也 褚河南書如瑤臺嬋娟不勝綺靡乃其人以
大節著所謂宋廣平鐵心石腸而賦情獨冶豔者顏
魯公碑書如其人所謂骨氣剛勁如端人正士稟不
可犯也然世所重惟其行書如爭坐位祭蔡明遠劉
大冲馬病鹿脯乞米諸帖最為烜赫有名直接二王
出唐人之上蓋以氣格勝磊磊何何不受繩束最是
端人正士本色癡人前不得說夢說著如端人正士
便作算子書安能使木佛放光照諸天世界耶 歐

味四

三

虞顏柳書皆不得如算子樣 世無鍾元常帖皆右
軍臨本惟戎輅表是鍾跡當與官帖王世將書同觀
晉人書取韻唐人書取法宋人書取意或曰意不
勝於法乎不然宋人自以其意為書耳非能肖古人
之意也然趙子昂則矯宋之弊雖己意亦不用矣此
必宋人所訶蓋為法所縛也 邢子愿侍御嘗與子
言右軍之後即以趙文敏為法嫡唐宋人皆旁出耳
此非篤論文敏之書病在無勢所學右軍猶在形骸
之外右軍雄秀之氣文敏無得焉何能接武山陰也
雖然其可傳者在自成一家望而可知為趙法非此
則鮮于康里得並驅於墨苑矣 余十七歲學書二

十二歲學畫今五十七年矣有謬稱許者余自校勘
頗不似米顛作欺人語大都畫與文太史校各有長
短行間茂密千字一同吾不如趙若臨仿歷代趙得
其十一吾得其十七又趙書因熟得俗態吾書因生
得秀色趙書無不作意吾書往往率意當吾作意趙
書亦輸一籌第作意者少耳古人云右軍臨池學書
池水盡黑假令就之若是故為勝余於趙亦然米老
云吾書無一點右軍俗氣吾畫無一點李成俗氣然
世終莫之許也政恐余所自評猶數憐兒不覺醜耳
辛亥中秋董其昌此數段董玄宰議論因臨顏帖而
發者

味四

三

二十七日
二十八日王宗師錄科舉案出亨兒名在一等第八
二十九日雷雨
晦日出謁桐鄉胡令君不遇夜雨如注
四月朔日雨
二日雨
三日晴
四日晴兩日有賽神歌舞之會
五日閱邸報吾浙鄭按君薦舉地方人材及余判語云
仕不急名行維先孝悲切號風之木情深愛日之年
大抵皆撫余乞養疏中語也前是數夕余夢衣冠偉

丈夫一人執筆品第士大夫儿上有銀牌十數面以書品語其目余者四字云篤行文人詢書牌者爲誰乃海鹽喬令君也至是喬亦膺鄭首薦云

六日閱倪雲林畫有荆蠻民一幅乃赫烜有聲者一亭空虛五樹離立碎石犖确平坡坦然上作連岫在出沒遠近之間秀冶幽澹妙不可喻自題云弄筆聊乘興溪山野意存世無眞隱者畫有古桃源曉色孤煙嶂春容遍樹根還期一振策花裡問柴門眞甫過我清閒軒遂留半月談詩論字最協心目既以告別輒圖小幅贈之荆蠻民倪瓚 是日得沈晴峯先生計七口吳丹麓致惠泉二缶茉莉一本

味四

八日小雨

九日同張嘉林往王店鎮弔顧玉虬尊人肖山君是夜留飲小園紅紫薔薇盛開在坐者玉虬從兄西巖從子西星皆嘉庠生也論文談謔無忌至三鼓辭矣

十日飲於小園與玉虬作別抵家日晚

十一日有人持柯九思枯木竹石來鑒者楮色汗惡筆法穢陋題云海中鐵網珊瑚樹石上銀鈎翡翠梢烏夜亂啼江月白圓樂飛影下窗切乃謫石字爲不字樂字爲奕字余心知爲烏將軍者弄精怪一見郭代公不免截蹄洒血耳因與兒子終日笑不止後又僞作會稽楊維禎題謫稽字作乚字此又村媪見人嚼

藕歸而作鑽孔蘿蔔也 是日作江亭秋暮小景一幀頗有倪雲林筆意雲林娟潔喻情殆不可一世然於繪事輒綴長句短言豪宕自恣譬之陶詠荆卿嵇嘆廣武非忘情者余平生目觀大小眞贗幾四十餘幅今日無事偶追步之雖曰過屠門而大嚼亦自洒洒題一律云寒沙細細插江流木老陂荒葭莢秋書卷不離黃犢背釣竿只在白蘋洲千秋戰壘孤煙沒三楚精靈落日留自笑平生臂鷹手儘將雄思寫琴頭

十二日亨兒爲人作小景甚有子久法喜而題之墨兵恥作書偏霸筆戲誰甘畫辟支自笑年光虛半百寧

味四

知弓冶屬家兒閱邸報三月中寧國府五縣童生聚眾圍擄鄉紳給事顏文選家放火劫財提學御史熊廷弼參題奉旨部院看了來說後五縣生儒俱停科進學唯太平縣不與得如常

十三日往白苧過譚孟恂別業孟恂攜有扇面書畫冊成弘靖隆諸公墨妙也內岳漳河岱山各一面用筆雄渾蒼老得仲圭子久兩家參合處非浪作者近日惡書俗繪扇頭尤甚此冊眞可寶耳

十四日吳貞所見過索所藏畫軸展玩余爲出二十餘軸客手持扇有陳眉公先生書小詞一首佳甚錄之遙憶去年穀雨柳蘸鶯黃春水水上奏琵琶一痕沙

曲罷留儂歸去家在竹谿西住古木挂藤花喫新茶
十五日

十六日老夏持唐伯虎畫一軸題云青雲臺殿泉聲隔

黃葉關河雁影來別有詩人好懷抱西風雙鬢一登

臺蘇門後生唐寅寫奉何老先生大人又陳白陽松

樹周東村五雲山房圖

十七日細雨微賈處一白磁竹節簪纖細巧妙之極頂

鑽一壽字僅如粟而楷整有法中一卍字如芝蔴而

毫髮不失且內外俱白黝瑩然殆類鬼工也

十八日作鹽官金牛洞海日庵大悲閣募文從允冲禪
師請也

味四

十九日為姑蘇之行夜漏下三點與兒子登雪舫宿秋

涇橋

二十日夜宿盤門

二十一日至閶門購得王右軍實際寺碑一本米元章

學窠書天馬賦一本亭午至虎丘購得贛蕙二本珍

珠蘭一本茉莉高七尺者二本夜宿虎丘後麓

二十二日舟經閶門湖賈舟誤觸余舟櫓碎易之得行

夜宿吳江

二十三日過平望取水於鴛鴦湖盈四缶哺時抵家

二十四日暮集沈白生書齋與項孟璜浪談劇飲二鼓
別去盤饌中有白海參亦奇味

二十五日沈振羽招飲吳赤舍州守胡毅庵孝廉在坐

二十六日過陳良卿家

二十七日

二十八日沈何山來顧

二十九日沈何山岳季有同集沈白生高寄齋觀沈石

田畫雞丹彩鮮澤俛啄翹尾甚有雄勢題云百合吹

香處雄姿立晚風吾行函谷道人在曉鳴中沈周

晚集項孟璜山亭

五月朔日

二日

三日連日淒風冷雨氣候如深秋為丘仲岳圖一扇題

味四

云葛蔓牽藤竹粉殘一籬花影掩松關摩挲睡眼無

些事自寫江南秀絕山彭澤何養重名九遠者來養

重以甲午年選貢入太學授職來安令

四日挈亨兒與三塔僧世藏者同載往小子滙尋讀書

處溪流淺曲盡日行藻荇菱蒲纏繞中樾不得快所

尋處復湫隘不堪乃定往石佛矣

五日譚孟恂以項子京扇冊寄示大畧皆蕙蘭竹石甚

有逸韻一面行書似李北海而古雅逸宕過之山半
占招提空林雪月迷亂流分石上斜漢映松西雲集
寒庵宿猿先曉磬啼此心如了了祇此是曹谿又一
面圖滇茶二朶大如甌面題云滇茶產渤海遙從萬

里無足至前爲有人好之者今有士焉特行孤立雖同族莫之知嗟夫余也亦將有感於斯墨林子又一面枯樹沙水極率畧題云秋水牽沙落寒藤抱樹榮六日雨飯罷登舟薄暮至石佛寓雜石房主僧德公出余舊畫第一鈞者圖老宿慈航出觀余舊所貽畫具見爾時興趣鬱浮在黃鶴子久問

七日作詩四首揮四扇贈鄰僧石亭古峯譚閣仲攜書笈至

八日作詩揮八扇貽本房僧、夜主僧具饌

九日大風余不快晚寒熱益甚

十日服僧水鑑藥疾稍愈

味四

十一日始進薄粥聞遠近冒風病者甚眾夏將半氣候如稟秋此百年所無也

十二日起冠櫛進粥如故從僕遞卧起無不病者

十三日聞家君亦冒風寒熱亟歸侍已進粥矣

十四日進城壽沈岳母

十五日家君以進粥驟復熱服陸心泉藥一劑燥結俱

下三鼓乃得安

十六日家君益安

十七日家君進粥糜

十八日

十九日自初九日以咳嗽戒葷飲至是十日矣

二十日白龍下飲溪潭

二十一日

二十二日雨珍珠蘭盛開香氣鬱浮夜始親杯杓覺其

甘醲隨止之

二十三日雷雨閩蘭敗者悉吐芽爲許伯厚圖扇題云

讀易未終卷幽禽啼樹梢溪流漾花片不遣過平橋

二十四日雨未止硤石人來言用雪水深蘭作綿有天

然碧色織以爲綢謂之松陰色甚雅觀但不易多得

也余謂蠶食桑腸中抽繹青蒼是其本色特木氣既

極反兼金化故繭被白章耳雪者天地至潔之物故

能濯露其本色非謬巧也爲號若蘭者作扇圖從沈

味四

翠水請也仿梅道人筆題云灘喧子魚上雨歇乳鳩啼盡日忙幽事蒲苗剪未齊

二十五日蚤大霧俄雨晴閃忽戲作小景做柯南宮筆

題云古木幽篁態有餘山隈水曲湛清虛盡將篆籀

供揮洒可道官名是鑿書此幅贈楊荃淵

二十六日

二十七日雨門生韓朴如來餉余雷州貢葛一端

二十八日爲岳季有圖扇一作梅沙彌筆意題云樹色

蒼茫暮晚煙寒泉落處聳吟肩清新句子生無限幽

烏先將好意傳一作入細黃公望彷彿又類巨然題

云余見黃子久細畫未嘗無營上河陽伯驢伯駒兒

弟用意處特其機迅手辣一擊便碎烏兔之腦不復作盤旋態耳正如江西馬駒踏殺天下未嘗不自拈花微笑中來昔年曾見子久桐柏山圖乃了此意

二十九日兒子從石佛回

三十日得徐光祿玄仗京師書云有尙衣監陳忠者極言大僚缺臺諫缺司禮東厥缺瓊林日積殿門不建諸事最痛上顧后曰若瘋耶忠曰不瘋殺我凌遲我終不能事上上亦霽威第著養病直房於此見九廟有靈而外庭諸臣足為愧死 入暮雨不歇

六月朔日家君誕辰始巾櫛起坐余率婦子稱觴歡然沾醉

味四

三

一日岳季有以七扇一冊徵余書畫余為圖三扇一作梅道人一作小米一作黃大癡細筆米最得意覺神氣煥發題云松嶺挂蒼雨苔溪漾碧煙一聲漁子笛雪浪正連天顰古老人之僕負四畫來見一郭熙絹舊墨浮樹石亦荒亂無緒一王叔明張公洞圖枯燥無味一文徵仲乃稀絹蒙真本而脫出者一陳白陽米山筆筆俗惡無一點空圓之趣所謂學我者癡似我者死真三世佛冤也急閉戶取子所藏郭河陽秋山行旅圖王叔明山居圖陳白陽五湖田舍文徵仲小滄浪等軸張素壁飽味之更淪上界引吸以助清真之趣笑謂客賴有此洗滌勝具不然滓穢我神識

矣

三日沈何山大參書來示余飲酒詩十四章語真味澹意豁如也其自序曰辛亥夏秋閒有櫻余懷以靜遣人澄然無事拈陶白飲酒詩卧而讀之欣欣有會率爾成篇數減白者二白詞不離酒陶半之夫酒言耳何必言酒吾從陶友人米君夢欲為點竄始合調余曠然曰吾詩也乎哉知竅于物不得不鳴合我鳴也不合亦我鳴也大風何體擊壤何調惟非詩而後見我寧作我 何山名嶺字叔敷與其兄庶子淮同余壬辰榜進士

四日午後大雷雨

味四

三

五日暮雨用趙文敏筆法寫宋芝圖壽同年吳本如方伯從項于蕃請也又賦長律一首

六日午後大雷雨

七日

八日晡時雷雨

九日晡時亦雷雨夜始見月

十日出弔岳青門封公已至昭忠書院看張伯始報謁沈怡文不遇堂懸文文水畫一小幀赭山黛樹竹間平屋數間一婦當壚筆甚老健題杜句云竹裏行厨洗玉盤花邊立馬簇金鞍

十一日始熱閱錢叔寶摹戴嵩牛二幅一雨牧牽微一

晴坡乳嶺皆高柳覆蔭風味蕭然庚戌歲余所購於姑蘇人者偶因曝書出之譚孟恂攜項于蕃所蓄畫來看其一闊幅重林多山號爲關全驗絹素尙新筆亦凡近僞作無疑其一文徵仲雪林筆意簡古遠山只作七八勾斷而層疊之勢自見題云河堤衰柳不勝吹又值東來歲暮時木落夷亭潮信斷雪迷眞義棹行遲村墟杳靄天低樹鳧鳴驚飛草滿陂三里橋邊孤塔影相看已是隔年期癸酉冬十二月六日冒雪過崑山舟中賦此贈同行吳敬方併記小圖云此畫簡妙宜與余家所藏石田翁雨圖小幅參觀文詩鳧鳴驚飛草滿陂句非雪天本色

味四

十二日客持陳仲美春游角技圖來玩大畧仿張擇端清明上河圖而爲之者其筆意蒼勁則變擇端之纖巧而務臻古淡也會稽楊維禎跋云仲美諱琳高才博學與趙魏公相友善多所資益故其山水人物種種臻妙此卷尤所合作者觀其舟車輳集士女駢填百技戲舞爭妍鬪進皆草草數筆取之生意飛動雲峯石室樹態鳥情咸有陽和之象非胸中具四時百物行生之趣者未易窺測也當與輞川擊壤等圖並馳名不朽矣臨川危太朴跋云仲美春遊圖筆意簡古神情散朗較張擇端清明上河圖更有勝氣向爲周公謹所藏今成齋王先生得之誠可寶秘也爲題

而歸之時己酉六月六日也危素

十三日湖賈貽余許雲村先生年譜一編讀之知先生歷官僅六載以外艱廬墓終身不起隱紫雲山中夷猶丘壑四十餘年前卒之四日尙寫叢蘭二本題詩寄意有曾參名姓累何怪楚聲同之句蓋若深嘆然於名迹之未泯而人得標譽之者所存寧可涯涘耶先生暮年製斗笠長簑出入松林中儼一行脚僧朱西村繪雲村笠雨圖作詩爲卷以贈此眞可寄想像者也 吾鄉先輩如張黃門靖之先生與雲村先生俱海內人望高風素節照映千古雲村有手寫蘭靖之先生有海天落照圖尤鉅麗特其崖岸峻絕凡流

味四

能扳攬無敢以藝事干之者故所傳寥落耳雖然甘露洒浙花雨繽紛正以罕見擅珍豈同溝澮之集耶 晡時雷雨傾注夜甚涼

十四日出投吳郡公刺隨往毛家濱報謁孫希之茂才所居湫隘而饒竹竹之右一池泓然眞席門者所宜託也 馬衡舉攜示沈石田探梅圖山石巉露林樾縱橫一蹇獨跨於風雪中題云雪中羸騎衝寒至爲問梅花開未開賴得南枝掠半蕊不然空作子猷來又溪航暮泛長幅遠山層疊參差沙邊二垂柳一翁坐檣頭艇子有子久筆趣題云樹影浸秋水風來還借涼澄懷澹無慮日落坐溪航又一畫稱諸儒不知

何人也筆意學黃鶴山樵而蹊徑未脫化題云少白
同我登書臺落日捫蘿紫翠開瘦石縱橫窗下踞白
雲窈窕峯前迴石上文章自今古人間豪傑成荒萊
棠陵歸來云已久胡不學仙遊天台丙戌歲仲春十
日煙霞漫叟諸儒寫於撫髯亭上贈微言章先生博
一笑章微言亦不知何許人又姚雲東溪山釣艇一
小幀題云塵埃牛馬浩如雷闌闌駭駭去復回如此
溪山空濶處無人肯掉一船來馬生又出手臨宋徽
宗八種荔支形具耳殊無風韻

十五日為沈白生圖二扇一做郭河陽晴原晚照題曰
複嶺紆迴處人家煙樹重徑微樵子到溪淺鹿麋通

味四

畫

歲節占芳草晨昏聽遠鐘不須尋谷口已遣白雲封
一做倪雲林河橋新柳題曰沙上柳枝黃未勻綠波
泛泛沙草春孤煙一聚遙山下知有憑高送目人
十六日用峨眉雪卵研品試所蓄諸墨無如程君房青
麟髓為佳邇來墨法愈精愈奇不遜古人惟賤楮鮮
得佳者若縛筆一技殆已絕矣索價彌昂一管不足
兩三日之用可歎也端硯新斲者嫌稍燥然亦可用
為吳赤含圖一扇做梅沙彌題云笠橋新雨足夏木
轉多陰欲就迎涼處時為散髮吟月來湖空濶風入
樹蕭森一倍添幽賞溪山稱此心
十七日稍熱

十八日熱暮有火雲如山

十九日上晡時雨有札山看火鳥非時而鳴

二十日戲寫廬山煉丹圖題云林樾靜可息百紛不至

前偶然厭形累滌志祈雲仙羽人授我書流汞常烹

煎一丸紫霞霜吞之凌非煙孤鶴亦鏡鼎俯啄如嚙

涎我乘爾為馭海島俱盤旋千載同歸來纍纍笑墓

田此翁今何在荷衡廬霍間

二十一日為貞兒做梅道人圖一扇題云春煙染水復

染空淒迷青蒼落照中孤亭突兀在山巒占斷江南

千萬峯

二十二日沈翠水示余沈潤徵所藏晉楷帖一帙內得

味四

畫

右軍一帖十九字所未見者弟常患常羸頓遇寒進

口物多少新婦動止仰人右會稽內史王羲之辭世

帖筆法酷類褚令哀冊豈右軍有是帖而河南篤做

之耶抑褚愛其辭而筆之耶抑米元章手述之耶又

謝莊希逸詞翰遠勝戲鴻堂刻裴曜卿邊功表亦典

厚含蓄與時拓本不同

二十三日午大雨

二十四日申刻大雨

二十五日盆荷作花閩蘭吐蕊沈白生致惠水四缶

二十六日過沈甥竹林四圍修竹三千餘竿新養成者

三四百竿徘徊其下蕭然無暑此孫簡肅公故居也

茶話次客談五月中陳孝廉居一手腕忽癢爬搔不
已赤筋團縮隱起一進字用墨塗片紙印之筆畫宛
然俄漸消沒竟不知何祥也

二十七日湖僧印南者來貽松蘿茶一缶淪試有味微
客吳姓者攜畫來謁唐伯虎山水長條高幅筆意灑
落古松瀑泉數轉而上有茅堂二楹門側挂青笠黃
簑一高士據榻讀書題云十年隱跡無人問一片秋
山映讀書黃梗稻香醲釀酒紫萼絲熟飽羹魚蘇臺
唐寅詩畫字如當三錢極雄恣如李北海又李昇雪
竹一幅係贗物

二十八日憲副吳生白來顧午刻於津滸報謁迫暮頂

味四

孟璜遣使持羣玉堂帖來鑒定余驗其爲新拓本此
帖宋韓侂胄家刻石觀其列索靖爲馬索靖又不知
樊上翁卽杜牧之而列其別號又濫收蘇才翁僞作
李白醉草而仍其僞署此豈目中有珠者

二十九日曝書偶閱蒙泉雜言知王右軍以五十三書
道方成不知何據爲陸三孺圖扇用子久法題云石
田茅屋入雲峯夾岸清流漱玉龍隱者近從王屋至
天壇移得小虬松

七月一日熱暮小雨

二日大雨

三日王丹林以古印草贈余來乞書畫云係唐李長吉

物按此篆不甚古雅背紐雖蒼綠近來蘇賈藥燒僞
物甚多未可信也購得姚彥昇山水卷一仿郭河陽
極蒼勁之致石皴巖辣有氣勢大類趙善長卷後附
綴行草杜子美贈鄭虎長歌一幅筆法銛銳有芒角
似宋仲溫書而無款印記爲吳松水月豈陳又東張
南安之流乎又元人雜蹟一卷內釋子彌穹題招隱
處士一律有丹光照夜赤於日桂子經秋香滿枝亦
秀句也唯陽訥中子邵桐山中樵者衛服文正後裔
范霖時雨鴈宕山樵范觀皆能者舊揭顏魯公爭坐
帖璩元玉物較余所蓄高一籌唐宋人畫冊十葉內
唯劉松年旅別圖衣褶行筆稍得古法

味四

四日汎舟往杉青聞迎蕭座師玄圃先生時先生以吏
部右侍郎給假省親從維揚渡江取道歸西粵余數
日不得往石佛坐偵候師舟未到耳師一見問曰君
十年不出補何意余曰已具小疏中皆衷語也先生
頷之良久

五日蕭師來顧

六日同施羽王太史鍾萬石蔣瞻杞進士燕蕭師於西
津樓舫終日風蒲獵獵不知有暑一鼓散去是日子

正刻亨兒妾舉一孫壬子 丁未 戊戌 壬子

七日

八日作湯餅陸虛緣攜示趙子昂楷書五種道經今列

其目太初九素金華景元君道經九皇上真司命君
道經太一上元禁君道經元虛黃房真晨君道經晨
中黃景元君道經後鴈尾書張氏寶藏四字印記忠
良貞一世家

九日

十日俱熱夜月色甚佳

十一日

十二日周秀巖持黃子久山水卷來質無題欵拙筆草
草山下作茅屋數間田疇環繞乃村居圖也逸氣可
掬題曰江山勝覽非是後有余乙巳年跋蓋孫茂叔
物余忘之矣有錢溥題黃公子久生於海虞終老於

味四

美

雲間雲間文學家多愛其畫而此圖則遺曹雲西者
尤為精妙不易得蓋嘗聞其為人詠諧如曼倩癡絕
如愷之而尤高尚其志不事王侯故揮灑皆逸氣所
發自成一家不與畫工爭畦徑宜愛之者多也今侍
御姑胥徐公以先大夫手澤所存尤加愛護不啻如
封殖嘉樹然又非特畫之可愛而已正統五年春已
未進士雲間錢溥題於金臺官舍 是日以家君平
復設席酬醫陸心泉有歌舞

十三日申刻得少雨連日氣涼晨暮可御單衣

十四日歛人翁素字自稱方樵逸之甥攜卷軸來看無
一真者米元暉雲山長卷凡作三橋四渡村聚五六

處卷尾行書一絕云邀賓壯觀不辭寒玉立風神氣
上干欲識謝公清興處千山萬嶺雨漫漫紹興八年
四月十三日友仁戲墨余壯時於好事家觀米元章
長江萬里圖曾留題焉伯世變遂為烏有今彥和出
示所藏元暉卷雲山樹石皆有天趣且書法得風檣
陣馬家風吁前輩書畫識其好手真蹟能幾人耶而
彥和嗜好不倦必擇其精是其為博雅君子也夫雪
松老人王嘉會題陸天遊清溪漁隱圖柯南宮一絕
云野飯魚羹何處無不將身作繫官奴陶朱范蠡逃
名姓那似煙波一釣徒倪雲林疎木新篁圖自題云
夜遊西園渚初月光炯炯徒倚巖石下愛此林葉影

味四

美

滄浪漫士瓊修篁細含春微雨溼蒼樹十年山中遊
識此幽真趣仲圭疎樹翠雨欲滴幽篁清思常飄獨
坐高齋秋淨相思詞客天遙華亭願謹中題太常沈
石田畫冊八葉每葉題一短絕釣竿七尺玉夕陽干
疊山山容恰好晚正值鳥飛還湖北歸來日落扁舟
滿載西風目送一行白鷺秋懷欲與天空青山間碧
溪人靜秋亦靜虛亭藏白雲莖鶴度幽徑山木半落
葉西風方滿林無人到此地野意自蕭森石丈有芳
姿此君無俗氣其中佳趣多容我自來去野樹脫紅
葉迴塘交碧流無人伴歸路獨自放扁舟綠樹如綠
霧青山生白雲自天生此景平與畫家分扁舟不可

泊任隨流水流東西與南北人物兩悠悠此八番皆拙筆也宿田老兄索遺其孫宗善宗善方隨父世資官崇藩畫皆江南所有宿田意俾覽而有所思亦絕勝含飴而弄矣成化辛卯四月日白石翁沈周以

上俱從真蹟摹下故存其語又白玉仙桃冠一白玉桃杯徑二寸五分者二倭髹香撞一宣銅彝爐一青東磁小香盒一背底有汪家盒子記五字印文燒就者俱佳

味四

一行云一樣二十箇內府物也宣銅瓜棱小香爐一古犀杯一成窯馨口敦蓋一妙宣窯玉蘭杯一重五六兩古朴有致內瑩白外施薄紫花蘆交錯爲底索價四十兩瓦缶貴溢金玉至此極矣墨漆木扁壺一狀如懸鼓一面彩畫蘆鴈一面刻記一首大畧言出新意肖古鳴夷之屬旁有耳鈕受繩索春日一奴絡於背以爲眠花藉草之具而文無高格書法尖薄意亦酒徒之膚淺者爲之耳大理石屏二大理石嵌背胡牀二云皆安華二氏物也

十六日董參戎介馬心印來謁談海上事甚悉諸郡市民逐利者以普陀進香爲名私帶絲綿氈罽等物遊

諸島貿易往往獲厚利而返因而相逐成風松江鏡關口日有渡者恬不知禁昔年徐海等亦以舶賈相勾致爲東南數十郡大害當事者可無戒心乎

十七日翁素宇攜示黃子久丘壑深沉圖小景係臨本又倪雲林雅宜山齋松礪園三松偃仰松下屋二間屋旁各有慈竹一叢稍口坡石上又作古楝二樹對岸石磧在樹腰一橋橫近麓上上層兩員巒雲氣勃勃題云秋暑多病渴征夫怨行路瑟瑟幽澗松清陰滿庭戶寒泉溜崖石白雲集朝暮懷哉如金玉周子美無度息景以消搖笑言思與晤遜學親友秋暑辭親將事于役因寫幽礪寒松并題五言以贈亦若招

味四

隱之意云爾七月十八日倪瓚購得姜立綱楷書車屈律一辭筆法類虞永興夫子廟堂碑極有和雅之度世以吏胥習公書遂目爲俗筆此正猶見俗醫誤殺人謂神農作本草流害不大可笑耶余定本朝書家得虞永興正脉者二沈之外僅有公耳

十八日史仲純介徵客程姓者以酒觴迎余及亨兒至鴛鴦湖中坐呼廣陵摘阮伎二人絲肉競發頗有涼州風調酒酣月出登煙雨樓清嘯二伎更爲吳歛新聲殊柔曼攪人也

詔下天恩鵲在君家喜自誼準擬縣官將布帛封溪
東寬舊旌門性甫偶出此紙索畫時雙鵲飛鳴而過
前遂觸目作此是日報建儲恩典至其詔條內有孝
子舊旌者皆獲布粟之賜性甫尊人特榮及之因頌
是絕事出偶然可為故事云成化五年四月一日沈
周昔日啼鳥綠孝感今朝飛鵲報恩榮葑溪水遠旌
門下却喜朱翁獨有名吳寬

二十日午時用日者言登舟取丙方送亨兒往會城鄉
試晚泊阜林

二十一日泊松茅場

二十二日蚤飯後至昭慶寺雲山房寓樓

味四

望

二十三日解如僧來自言向住無門洞洞在初陽臺之
麓無門祖師錫處也祖師為中峯前身有碑記可
考又言洞前後尚有四五洞皆宋時鑿石徒用因成
竅穴乃知世間巖洞天成者固多而人工斧鑿者亦
不少昔一老者嘗言虎丘千人石臺乃王珣兄弟築
第時所平治是以生公點頭之石屏除殆盡非無見
也解如無錫人出家慧山性喜幽奇點筆作山水頗
有思理要余一至其庵余為訂期而別

二十四日遣僕運葛公水三缶至寓索主僧雲山手焙
茶淪之良快友人齋壁見沈石田柳枝新燕石田自
題云今年見新燕猶似去年見主人頭髮白轉多只

有烏衣不曾變年去年來不差分明記得主人家
柴門大開風滿屋飛入隨楊花君不見相國門
前車馬塞一朝相去車馬寂車馬寂草萋萋燕子還
來樑上棲亨兒曰此勝國楊廉夫詞也余未暇考

二十五日蘇賈肆閱畫有大幅倪雲林上下作坡麓二
四段中有大樹五六株左方又作偃仰樹四株枯者
鷹爪葉者攢墨山石極磅礴每稜角摺搭處俱用撒
米法點苔恨係絹素已模糊矣題詩云岷江陳秀士
小隱闔閭城覓句仍工畫看山不愛名基梓消永日
曲調寄閒情摩挲鬚髯美春苗長過纓至正口年十
二月為維允契友寫并贈此詩雲林子倪瓚按此乃

味四

望

贈陳公美者仲美之兄所謂大髯者也又文衡山小
景一幅題云夕陽蒼翠此登臺臺下春波一鏡開滿
目詩篇勞應接碧山流影過溪來

二十六日杭客攜示唐伯虎雪景一幀題云雪霽溪山
白渺茫一編斜倚映寒光勤劬不是孫康意要傍梅
花一樹香唐寅為愛梅老友作譚孟恂來留數酌與
晚步湖塘而別

二十七日萬蓋卿孝廉來攜宋搨智永千文乞余跋余
為作數語書千文自承師始嗣後褚登善李泰和孫
虔禮輩咸為之按古本律呂作律召意謂律陽呂陰
律所召之氣足以調陽耳他如女慕貞潔作絜絜扇

員絜作潔策功茂實作實多士寔寧作寔稽顙再拜
作稽嵇琴阮嘯作嵇咸有異義若如俗書渾渾則干
文衍三字矣此搨精好又與古字悉合其爲薛帥所
拓無疑薛乃鏡石換定武禊帖者固翰墨精良之宗
也壬子七月寓武林昭慶寺禪味樓題

二十八日大雨客攜古帖數種有目未經見者漢車騎
將軍鄧騭討羌竹簡書類急就文云永初二年六月
丁未朔廿日丙寅得車騎將軍幕府文書上屬國都
尉二千石守丞廷義縣令三水十月丁未到府受印
綬克討畔羌急急如律令馬卅匹驢二百頭日給又
鍾紹京書每至甲子及餘甲日服上清太陰符十枚

味四

又服太陽符十枚先服太陰符也勿令人見之寧與
人千金不與六甲陰正此之謂太元玄冥六甲所生
窈窕空虛六府內靈坐在立亡日月俱并迴氣密席
坐我命青甲子之祖名曰桃平龍衣虎鬚在帝之庭
又唐胡英書樂府詩筆法纖細飄揚類黃素黃庭昭
昭素明月暉光燭我牀夢人不能寐耿耿夜何長微
風衝閨闥羅幃自飄颺攬人曳長帶縱履下高堂東
西安所之徘徊以傍徨春鳥向南飛翩翩獨翔翔悲
聲命儔匹泣涕忽沾裳唐天寶十一載三月六日王
丹林持骨董箱來檢閱帶環一中玳瑁一片黑文白
成鷓鴣旁柏枝瑪瑙一片文細瑣儼如柏葉一枝又

類水藻摩利石一方如蜜蠟金而稍暗馬價珠一正
綠色白定入土甌盒數事入土青綠古銅爵一高八
寸下列三足上聳二柱前吐一舌長二寸餘與世所
傳爵稍異周身青綠腰圍雷紋左柱篆截鼎二字耳
內又篆魯公尊三字豈古者爵器之屬皆配鼎與尊
爲用故兩系之歟丹林力勸余購此且云尙有其二
在友人處一視此稍小一更小余曰昔劉景升有伯
仲季三雅藉令購成當襲其號亦醉鄉中勝事也
二十九日夜雨前是督理織造內臣孫隆於昭慶寺兩
廊置店肆百餘容僧作市鬻僧帽鞵履蒲團琉璃數
珠之屬而四方異賈亦集以珍奇玩物懸列待價謂

味四

之擺攤余每飯罷東西遊行厭而後舍去今日張霄
函以扇乞書戲占一絕應之蹋鞞僧廊百步餘六陵
碑碣九蠻珠無錢袖手還歸去佛腹琉璃映讀書
八月一日條雨條霽天氣極佳乾雀數十邊簷飛鳴不
已午後吳丹麓來言去臨平三十里黃鶴山王叔明
隱處峯巒迴複林石清閼真高人之居左近有安平
泉東坡飲而甘之作詩刻石云鑿開海眼知何代流
出菱花不記年當時陸羽空收入遺却安平一片泉
叔明畫法從此中醞造出來何由得不高勝余約秋
稍深與丹麓同遊而丹麓有濟上之行匆匆別去有
好山水不得好同人曾遊者指導正恐武陵漁人亦

不易做耳

二日招張元弼小酌

三日熱杭人莫姓者持黃大癡山水長條畫王叔明秋
山草堂圖俱不真為張元弼圖一扇做大癡筆法題
云西風榭葉秋小雨莓苔路幽人呼未應悠然碧山
暮

四日辰大雨俄霽熱甚

五日熱甚吳聲一來言典試者尚未得旨監臨虛無人
二司皇皇飭諸務以俟士子官吏騰錄之胥對讀之
生監守之卒百作工匠不下萬人勞集都會且議改
試期不復得如常科矣查我朝各省鄉試間有改期

味四

聖

者非有兵警大故則文場火另復校閱未有無故以
耽延易期者誠異數也

六日熱甚松江金浦帆孝廉名雲鵬者來顧浦帆能畫
持論雅不足時流余云某公畫海內所推無奈假者
盛行浦帆云真者可假則真亦假假者逼真則假亦
真及至畧無可別處即謂之出一手可也謂之出眾
手可也琢削髹采之工擅絕技者正以其必不可假
耳今真者與假者混只是一隊一夥同逞伎倆何可
相尤余甚服其議俊快廊肆中見唐伯虎叢竹題云
一林寒竹護山家秋夜來聽雨似麻嘈雜欲疑蠶噉
葉蕭森更比蟹爬沙亦奇句也

七日稍涼無事假王丹林所攜璩君瑕藏舊揚魯公爭
坐位帖手摹再三頗窺其中用意處米元章云真蹟
乃先天廣德中先豐縣牒故楮用禿筆起草任胸中
浩浩落落之氣與老手腕率意為之縱橫狼藉無一
點粉澤布置而奇態溢出信藝苑絕蹟也元章東坡
山谷書俱從此出但東坡雜徐季海李泰和故圓肥
而肆山谷雜虞永興與長沙草筆又稍規摹瘞鶴銘
故瘦勁而繁元章於書無所不獵而得褚筆較多故
雄逸而宕若其驚激取險則三家無不本魯公此帖
蓋書法猶煅煉家不具五金八石何以受魯公鐘鼎
不經鑪鞴豈得通靈余嘗恨趙吳興精工博大幾合

味四

聖

古人眾妙而不脫元人習氣亦於此等帖不甚留神
不服魯公刀圭一匕三百六十骨節未得換黃金瑣
子耳

八日金浦帆作雲山卷貽戒山禪師欲余著語余信筆
書云老樹枝枝撐破雲寒沙脈脈銜殘雨微茫超忽
高低山髣髴毋乃大小米浦帆畫取意空曠絕去蹊
徑然元人高房山輩曾著論專辨二米寫山法俱從
實地起其精思更苦於營丘諸家特下手鬆活巧取
浮動耳其言有理不知浦帆曾見否

九日細雨淒其寓中諸友俱以坐失試期鬱陶悵悵
呼慨歎之聲雜然四至余命烹茗與亨兒對啜縱論

古今書繪二法以解駭牢兒又潛構時藝一章意泊如也

十日辰刻細雨俄霽寫溪山高逸圖與王丹林題云晴巒翠色看欲無曲澗幽泉聽還有兩間窄屋半藏雲一片直腸唯貯酒閒人何意占溪山溪山自落閒人手

十一日飯罷與兒子步登寶叔塔院看譚閣仲所據樓在青林之杪坐見全湖遠望江海南北諸峯俱在枕席間晴巒溼靄頃刻百變余謂湖面淺遊當以寶叔爲第一又步至六橋至項老店與之雪藕而食項老欣然出卷軸相評賞有黃大癡畫三幅其一圓淨類

味四

吳

李唐其一作高杉四五株甚秀媚石皆層疊堆塔乃山之作碎石勝者公望偶一爲之耳不意近日雲間遂作一派畫法使近之陂陀哈呀遠之縹緲映帶盡失之而眼中礫塊徒爲礙膺物耳可歎也題云至正壬午大癡作時年七十有二其一焦墨老腕揮洒而就每峯頂用薄赭山身用淺黛籠之於峯罅作大小石臺三四俱矗雲而上極可望此嵩衡台宕深山中

有之非江南物也題云至正年大癡時年八十八又唐伯虎畫卷作園林景一童子掃花後書落花詩十首爲項老選去四首杏瓣桃鬚掃作堆春風白髮感衰頽蛤蜊上市驚新味鷓鴣催人再洗杯忍唱驪歌

送春去悔將羯鼓徹明催爛開賺我年添老知到來年可爛開剎那斷送十分春富貴園林一洗貧借問牧童知沒酒試嘗梅子又生仁若爲歌舞欺花且難把餘香笑樹神料得青鞵攜手伴日高都作晏眠人夕陽黯黯笛悠悠一霎春光又轉頭控訴欲呼天北極胭脂都付水東流傾盆怪雨泥三尺遶樹佳人繡半鉤顏色自來皆夢幻一番添得鏡中愁時節蠶忙擘黑時花枝堪賦比紅兒看來寒食春無主飛過隣家蝶有私縱使黃金堆北斗難饒風雨葬西施匡牀自拂眠清畫一縷茶煙颯鬢絲簇簇雙攢出繭眉淹淹獨倚曲闌時千年青塚空埋怨重到元都只賦詩

味四

吳

香逐馬蹄歸蟻垤影和蟲臂胃蛛絲尋芳了却新年債又見成陰子滿枝芳菲又謝一年新能賦今無入斗陳命薄錯拋傾國笑緣輕不遇買金人杜鵑啼血山中夜蝴蝶遊魂葉底春空色由來知不異欲從調御懺貪嗔又沈石田水墨芭蕉草草數筆而清意溢出祝枝山小楷一絕云玉府仙都老雲衣冉冉輕不教葬塵土移傍楮先生字法歐率更與項老購得臨川聶大年小楷一律酷摹王右軍所書洛神賦精能之極幾造唐人闔域矣故鄉羣從多如雨鴻雁來時音信稀對月竟成今夕夢未霜先授去年衣奚奴瘦馬侵晨出細雨斜風薄暮歸猶記鄰莊行樂處山田

黍熟荳苗肥聶大年上園趣先生丈席罔趣不知何人亦雅號也

項老款人初占籍仁和爲諸生以事謝去隱西湖岳祠側近老屋半間前爲列肆陳瓶盜細碎物與短松瘦柏蒲草棘枝堪爲盆玩者率意取錢糴米煮食有以法書名畫來者不吝傾所蓄易之支牀堆案咸是物也其中不能無良楮而意自津津初年尙有一妾蓬鬢麻裘不啻司空圖之鸞臺也無何化去老遂獨居朝起或懶炊卽汲西湖水盥饋出數錢買鑊餅食之率此度日晨暮非剪拂松竹卽繙閱書畫或支頤看山意緒忽忽春日遊舫至綺紉裘馬照耀夾路項

味四

辛

老獨以椎髻垢面傲睨自若交易之外絕無一言或論價不相值卽交膝胡牀呼之不復應矣住湖上十餘年人漸漸識之亦不改其操也項老名寵淑號玉懷道人余贈以詩云西湖流水供濯足南屏山色對梳頭雨夜酣眠琴當枕雪朝枯坐絮爲裘盆花巧作千金笑壁畫貨雄萬戶侯何用更尋高士傳先生標格在林丘

十二日始得典試辭朝報在前月二十八日正考翰林鄭以偉副考給事中李瑾 熱甚夜不能卧

十三日熱甚

十四日題丹林居士像贊面縹海波紋鬚帶松梢雪肝

腸佛子同丰度常人別翠色摩鼎彝土花指環玦聊借嗜古求亦用自怡悅婆娑入市來襪解誰人結烹微笑口中含藏好風月天上與人間煩惱總不涉馬心印寫細竹有亭亭嬈嬈之致而態稍似柳不意此君風格爲馬老點作兒女纏綿余爲戲成二絕其後絕不敢出也風前一簇青鸞尾花下三停玉女腰欲向湘波候明月春沙先沒廣陵潮春雨春風又曉煙輕軀嬈嬈鬪嬋娟坡翁未押篋留字著眼渾疑灞岸邊

十五日大雨更餘月出

十六日雨僧海欽者夜臺之孫以卷乞詩漫應之衲子

味四

辛

披雲遠見尋客應何用一開襟山陰書法輞川畫酒墨堪爲布地金

十七日雨亭午稍歇步往澗雲房看張虞懸禹玉兄弟同寓有吳人張九嶺以醫行江湖間攜有栽松道者託胎圖縹面白髮形骸瘦瘁宛然一山澤之癯肩荷一鑊頭挂一小松栽神閒意寂生韻可掬衣紋用倒薤掣筆上有元統中古庭老禪名守訓者題一偈不成話余細驗楮色勘係元人筆九嶺修爲吳道子開元中人時方崇尙講席達磨一宗尙未騰布又五祖之生近唐末矣道者託胎周氏話榻未得遽落人間道子何從描抹之耶又祝京兆行書願節婦詩百餘

字有柳誠懸沈頓之法又漢玉一片僅方寸餘厚三分上作半朶雲頭中有空窾一痕不知何物也兩面俱有血浸古人衣冠襟帶中物今人不能悉詳之九嶺云是名太乙無恥宮人懷姙則錫之謬悠之談何所據憶昔亡友吳公甫得蒼玉長寸餘闊二指上篆廉頗二字大喜誇余得古兵符余曰兵符古者重秘之器其制爲龍爲虎形有受合處每發兵則遣使持往合之其大小長短各國所制誠未暇考然必非寸餘物所勝也且不聞符上有主名藉有主名則無忌所奪晉鄙符不可施用矣此玉篆文碾深四分非今人所爲當是唐宋間修金錄玉錄醮儀取古名帥以

味四

至

列天將之位此其標署者耳不然或是小兒辟驚之具公甫聽余言茫然近日士大夫類多嗜奇不甚原理市井魁猾又百端炫飾之使墟墓間細碎瑤珞之物皆享上價可嘆也

十八日復假張九嶺祝書顧節婦贊細閱之乃用禿敗筆信手揮就者神檢奕奕較枝山平日緻密婉麗者生氣一倍飛動始知書道斷在神骨未可以功力意態取也是日雲氣相逐如奔馬至夜復雨

十九日小雨王丹林以靖隆來諸公手贈羽流婁道人詩卷近百餘幅浼余銓擇佳者余僅爲存莫中江陸敬齋莫雲卿吳明卿王元美茅鹿門張靈虛張吳梁

周公瑕王宸玉董思白陳眉公王伯穀沈嘉則屠緯真余君房陸伯遠諸公而汰其餘者

二十日小雨蘇人持畫軸來看黃大癡杉壑圖又大癡雪山又王叔明松壑高逸圖欵云至正乙未秋日黃鶴樵人王蒙筆紙薄墨浮偽物也有陳琳題跋不成話又陸包山秋山題句云翠壁自開琴外意丹楓遙點鏡中花又唐伯虎水墨山茶梅花正德二年寫贈某先生者姓號磨花去題句云紅蠟山茶白雪梅是誰移向一壇栽先生耆德余紈綺也得春風一月陪

味四

至

卧蠹衣安期有棗能如許抱核難勝玉液肥右瓜蒌芽老去竹成墩松粉飄殘畫掩門細雨忽晴添圃色碧叢初挂紫崑崙右茄

二十二日雨竟日夜益大樹達旦杭城街陌湧水三尺

二十三日雨竟日不止

二十四日晴步至東西響水開觀水砰然有三峽之勢

二十五日晴稍熱

二十六日雨京考藩臬率諸有事者入簾定以是月二十九日初場九月二日二場五日三場較常期逾二十日或云今歲置閏節候本遲廿餘日貢院中桂至是纔吐花

二十七日雨

二十八日霧雨俄霽大覺院僧覺海來乞詩院在北新關後唐憲宗時弘辦法師道場也歷宋元暨昭代屢廢屢復近又燬於倭警至萬曆三十三年僧圓神覺海募復之諸事草創而已院有唐呂侃塑佛三軀大圓像鏡一面東坡遺大覺鼎有銘宋柳塘和尚手種百八松今燬余漫應一律云勝蹟升沈指顧中夕陽山色半蒨葱龜趺剝落初無字象設巍峩尙有蹤寶鏡夜懸孤月白法幢春綻土花紅重興傑構須椽棟還憶當年百八松

二十九日晴亨兒入試初場題惡不仁者其爲仁矣不

味四

善

使不仁者加乎其身序事所以辨賢也學不厭智也教不倦仁也詩經就其淺矣泳之游之四句樂只君子保艾爾後周邦咸喜戎有良翰日就月將寓樓獨坐甚寂因爲沈無回孝廉圖扇作晴巒煙瀑雜用子久仲圭叔明法題語云恰似春風相欺得和鶯吹折數枝花唐句也然宋詞境闊矣丹青霜葉秋明滅水墨煙林暮有無宋語也然元畫妙觀矣大畧韻人胸次中物新新善貸隨時出與吐語落墨俱有不自由處或者謂從規倣而得不知遞推而上以至無始竟誰倣耶子由不云乎天地吾畫筭也然因是而遂廢學古又不免作天然外道願與無回熟參之

三十日項于藩示余沈石田做梅沙彌闊幅山水驗係

臨本題云梅沙彌梅沙彌水墨真傳世有誰越水吳山開慘澹墟煙雲墅生淋漓淋漓水無功慘澹墨胡爲沙彌竊取造化巧遊戲三昧手不知老夫年老鬢全禿亦種梅花繞茅屋五更忽夢見沙彌急起敲冰寫長幅長幅雖窮意轉豪任渠楮穎日相嘲沙彌化去不可作構里荒煙今寂寞此圖爲匏庵先生配雲林舊拙筆也時正德丙寅秋八月三日沈周此幅真者爲余亡友吳伯度購得懸之堂中大有氣韻余每見必袖手忝觀嗟賞不已伯度欲撤以贈余固辭之曰鄙性喜觀古人翰墨子室中所有將悉置目焉能

味四

善

盡見與耶伯度笑而止庚子春伯度訪余白芷日君誕日近矣將以梅沙彌爲壽何如余胡盧應之伯度旣去亦忘之矣俄伯度病胸疽甚劇余往視別去忽一僮持畫軸追余且傳主命曰此向所欲贈者幸持去恐負諾責於九原也時已暮色語又酸甚因不開視抵舍展之則他作極謬者吳氏故多黠僕余心知爲所易念伯度善怒病中不可語俟其愈日審之越三日而伯度絕矣絕後所蓄書畫紛紛散落獨此不可物色今對所臨真如活人影像生氣斷矣然念伯度涕淚猶蘇蘇也

九月朔日晴暖

一日同王丹林至菩提寺訪僧宗朗索觀所藏諸帖因書一絕扇頭貽之藤枝倚壁休行脚柏子浮空靜掩關寶帖懸樑須解下相逢今不是黃衫宗朗學書於湯隣初一時藩臬有碑碣皆令代書亦能品也出觀宋搨聖教序完碑無裂紋宋搨周處碑佳舊搨內景黃庭經筆意不失舊搨楷書清淨經首有元始天尊像書法類歐陽率更宋太平興國五年二月二十一日始平龐仁顯書白廷琛畫像消化閣帖一部完好無銀錠紋字字摘看俱有意但墨法無古韻且來歷無據憶今年春吾郡試院擺攤鋪有一本與此同不應古帖之多如此聞山人俞羨長曾番夾雪舊本

味四

至

於汪景滔家未出豈卽其物耶王右軍遲汝帖墨蹟勘係唐鈎有題跋周世卿家藏得之俞大受吳說題嘉定二年正月廿四日平川王鴻禧觀壬戌十月之望瓊州守八十二翁徐明道固始黃伯淵同觀於玉山公署庚辰九月三日玉龍山人申躔觀王羲之書名不虛有不可不寶太常博士虞集羲之書筆下有神通古一致也觀者金玉重之鷺湖住山德潤復題竹懶曰此卷有寧府圖書之印宸濠物也玉山鷺湖皆江右地濠敗後落人間耳米元章三接帖真蹟覬報承有三接之喜深副友生之望馬上之語自此應乎速尋第爲佳累欲請見以出入無容身處故尔

芾皇恐子昭學士李蜀潛賃王宅十千可住曹門內右米南宮三接帖故松雪齋藏物也曾經鮮于太常康里學士品題魏公亦自有跋識兩朝墨妙片楮爛然先司徒公寶惜不啻拱璧余什襲存竒出入必攜曩落職過維揚卧病蕭齋跋尾竟爲好事者割裂而去賴神物有護阿尙存此帖邇來展玩輒惆悵累日吾子孫勿輕示人也弘治二年八月翁洪記字守洪馬遠小景野橋疎梅短舫中一翁軒渠氣韻古澹妙品倪雲林小景疎排三樹沙際作柳二株屋二間隱陂麓中在闊幅古高麗紙上有題句春雨春風滿眼花夢中千里客還家白鷗飛去江波綠誰採西園穀

味四

至

兩茶燕子低飛不動塵黃鸞嬌小未勝春東風綠盡門前草細雨寒煙愁殺人沈石田落花三十二律文衡山補圖乃贈袁永之者迫暮不及錄記其中奇句云焚追螺甲脩香史煎帶牛脂嚼膳娛以玫瑰堪和香作餅牡丹片可著酥煎食也未央宮銅瓦硯一片闊四寸高六寸厚四分背有隸書未央宮瓦左大漢十年右丞相鄒侯蕭何監造面有溝及砥平受墨處皆鑄就者此妄庸人爲之以欺三家村墮肚漢者可一笑官窯花瓶一哥窯花瓶一古銅彝爐一有燒癩偽物烏思藏佛三其一兜帽比丘形者佳端石硯一人面形四圍有佛菩薩形色頗潤余欲易以寫經未

就竹臂閣一雕竹石蘭草極精雅銘亦好執以管類以蘭筆事已矣湘東三不律毋乃太多唯墨沾臂須此物

三日爲山下一隱者書扇任筆成一絕頗有白香山風味林間白石醉時坐湖面青山飽後登三尺雞孫堪把滑常常閒却一枝藤丹林持董玄宰起草冊求題語漫應之董太史玄心逸度雖倉猝酬應語皆有標韻正如昭陽麗人唾點落地成石竹花長安饑兒逐韓王孫拾其墮丸皆黃金也至於書法天下已知貴之此卷乃其起草物勾乙塗注濃淡枯潤一任自然而天趣溢出觀者以比顏平原爭坐帖信無忝矣但

味四

五

魯公感憤時事忠義激發故多鬱怒太史夷由盛世葆養恬和筆端更饒古雅以羽人言概之魯公所謂忠孝度世而太史則揚許之流歟

四日吳孺升蔡德卿持高氏米顛墨蹟來看薄箋紙行書當三錢大甚有氣韻乃二手簡也芾皇恐蒙教審台候萬福牌寫了久將謂已取去來日遣人來并今日者來取兒子入寺檢未得也區區別啟芾皇恐上公震太尉台坐芾皇恐大雨恭維台候萬福名筆爲亂道遂塵污矣七月一日大年約來蒲池閱畫能一遊寺乎草草芾頓首上公震太尉台坐

五日過吳孺升出觀謝樗仙溪山無盡卷長三尺每段

轉換大入經營來恨此老筆韻太粗莽亦是虛曠處少耳蓋胸襟之咎也孺升自稱能畫手臨趙千里長江萬里圖始京口抵峨嵋四序景物逐漸改換一舒卷間如經年旅泊作吳蜀遊一番亦奇作也王丹林有龜紋石鎮紙一枚通體皆龜甲文格古要論中曾載此塗銀書妙法蓮華經七卷字大如半菽書法類沈民則後人強名爲張卽之非是

六日同兒子踐解如無門洞之約從松毛場取路過漏澤園夾路皆杉松凡六七折至山麓躡蹻而上又六七折至解如靜室門徑據岡嶺細竹森森長松古檜間之下置黃石砥平者八九以供客坐坐定同眸流

味四

五

盼四面山色環合蒼翠撲衣恍入異境同住僧寄緣亦澄澹有道韻曾遊海外於船上帶暹羅鐘一枚出觀之口圍六寸高尺餘叩之清越泠泠響徹林表解如又引余至許庵主僧號了元庵創自新安許文懿公宗魯廢棄之餘尙多名卉根栽乘時敷策者後有巖洞奇石主僧請余名之余名洞曰歸雲名巖曰叢桂名石曰蕉石又至陳侍御庵門徑俱藉石壁峙清池一泓夾池修竹高松風來蕭颯如在千巖萬壑中不知山之淺也住庵者二黃冠一曰劉華陽湖廣人一曰葉旭陽四川人童侍一人曰費聚芳杭人華陽已應人召往城中余同解如旭陽與兒子四人鋪松

枝於地坐於松陰間縱談三教名理旭陽殊有深領
俄聚芳者挈茗具至進茗余命之坐聚芳亦時進一
語悉玄著也旭陽云曾遊終南見堯碧天真人云又
引余至忠蔭庵岳武穆王後裔所創也主僧本懷初
不識文字掩關枯坐者三年忽有所觀自此出語衝
口橫心無不有味余逆望知其奇納也與鬪一兩轉
語乃拍手大笑相拉至解如靜室晚齋有鶩子罩生
松下烹之脆美之極迨暮余告歸解如貽余篋竹杖
一枝本懷貽松下黃芝二莖無門洞在山下不數武
以暮色不及遊解如寄緣本懷三衲送余至路口幽
泉活活夕鳥倦還抵寓已燃燈矣不意入境數武之

味四

全

近穴中半日之間而所得幽清之趣不可勝書如此
七日拜王懷我同年馬天城孝廉馮雲將文學經貢院
前列肆中有倪雲林畫一軸上作高嶺煙瀑一線注
下下有小小堆阜草樹點綴又下二樹一亭大略類
雲林所作惠山圖而筆稍欠秀緊上題者三人一日
慎修一日南州一日靜庵驗印記知南州爲徐庸字
用理靜庵乃釋子慎修者不知何人而印記一日後
生一日雲林晚進豈卽雲林之門生後進而畫出其
手耶晚覓渡至北關登雪舫夜泊橫里
八日儘夜行至崇德始曙舟中熱甚抵家已昏黑矣
九日大雨

十日諸戚來願談次知前此吾郡新方鎮淨相寺有狡
僧乘民間多疾穴殿中地置一人其中朝暮飲食之
以木橫安其口候風雨夜令羣僧曳倒殿屋瓦石覆
壓故遲三數日始率鄉民撤所覆則其人起坐無傷
因嚙語喃喃作神附體狀且云余觀音大士也憐此
人無罪又平生敬信我我故芘之鄉民恫愚譁然稱
活觀音出現僧輩百端誑惑刮地泥雜他香藥號靈
丹治疾一錢與匙許又潛僱男婦偽作聾瘖跛躄狀
得藥服之卽示瘳愈人益信惑遠近相煽又有紳口
嗜利者翊助之所聚幾數千人賺騙銀錢萬計郡守
吳長谷公廉得其奸狀捕獲械繫之始散誠撲亂萌

味四

全

之首功也稍緩旬月卽滋蔓難圖矣
十一日
十二日史仲純來言前是姚通政羅浮公有疾冥遊見
閻羅王庭羅數百人號呼索命訊之皆姚昔爲御史
巡邊所戮不用命之卒主者對簿姚以國事爲詞王
乃叱之散王又曰公爲大臣雖無大過何無片善姚
曰某爲御史時曾疏請賑濟活數萬人何謂無善主
者曰無之姚固爭及檢閱簿錄則前善注同郡吏部
主政賀燦然之下賀姚密友疏實倩其筆姚曰雖然
疏實列某銜儻逢上怒亦某當之奈何全屬賀也主
者乃分注之近日亡友陳元康死後月餘忽附體其

將笄之妹敕斷家事了了如生平且曰速具飲食焚
楮錠二健者在戶守余以妹權質余來耳問妹何在
曰在城隍司此時且留茶無苦也又具悉已受苦之
狀悔平生所為多過犯偶語人陰事一不實輒摘舌
出痛不可言又呼其婢至前罵云初次作功課被汝
不淨衝破全無用惟第三次小女所作功課得實且
正在油鑊邊幾為阿旁推墮而赦書至幸免耳又責
其子慢遊不讀書其父與討一賃房取租曰此以贖
一年柴薪者與阿翁當何濟乎談久倏然起執其妻
手擁至內室令並枕卧又附耳語絮絮不令人覺想
俱私密語也俄起坐如前其父懇無久苦妹曰妹有

味四

空

師保護之何得傷迨妹醒述所見城隍司事歷歷果
為城隍夫人留侍坐賜茶不謬蓋妹平日誦金剛經
齋素自治故鬼神欽之如此余觀睽車宣室搜神諸
記錄以為有節語不盡信今此二事乃觀閱之極真
者人可不於善惡轉頭處重惕之耶赴項楚東別駕
之招有歌舞

十三日吳江顧修吾來談次云八月十七日至廿二日
凡六日日旁有孛星親見之

十四日與沈翠水觀黃山短松於屠氏籬落間有奇態
十五日連夜俱佳月

十六日

十七日浙榜出嘉庠止中一人陸鼎鏞實海寧人也嘉
邑乃全脫云

十八日

十九日夜小雨

二十日

二十一日

二十二日

二十三日謁兵憲潘公午集項孟瑛齋頭出觀宋思陵
手臨黃庭經在黃素上乃外景右軍所書者非楊羲
內景也標簽云臨黃素黃庭誤耳邵唯復跋云渾厚
而精深沈著而閒暇自有九重高貴氣象與草澤不

味四

空

類信然

二十四日沈翠水餉茶樹一盆綴五十餘蕾翠水云茶
樹不可移移輒壞此就山中以子殖成者開花白瓣
黃心香極烈每年自十月始花至春不絕吾輩但知
飲其汁而失其自然之芬芳今特致此使知陸鴻漸
張又新諸人未嘗不可與郭橐駝同傳耳

二十五日

二十六日賀伯闇以林居漫錄評正見貽漫錄吳中伍
容庵學憲所著也中多譏彈時事一欵侵賀論乙巳
京察疏賀因激憤有此刻

二十七日過岳之律之律以外艱從西粵慶遠回之律

云慶遠卽古宜州也宋黃魯直謫此後百年有張自明者來作守數年忽遇仙授訣一日集吏民化去甫闔棺卽有風雨飛葬丹崖洞中洞門鐫四大字云紫府丹臺又書葬處石上云丹崖刺史之墓其題句云百尺長弓手獨攜金烏玉兔竝東西成言一了閒遊此赤鼠天元青鼠題蓋隱其姓名與字與年月干支也張自明字誠之於丙子正月甲子日題此儒者不信神仙幻化之說今故蹟炳朗若是豈盡虛妄耶

二十八日

二十九日雨

十月朔日小雨沈子廣攜示石田山水卷寒林蕩蒼石

味四

奎

嶺巉巖一老婆娑堤橋之畔自題云予作此圖韓山人不嘆草草却謂有董巨意思山人迺具目人多人信其說但余自不能知其何如也一笑甲午春日長洲沈周按此乃臨本憶十年前亡友沈伯宏以此卷真蹟併伯虎奇石山茶水仙圖項子京郭五遊焦山煉丹圖示余於姑蘇舟中不知誰氏之物欲得金數銀耳會余方有西陳之行促刺不及成購而別至今往來余懷也項畫酷類黃鶴後有細楷書郭山人傳亦得褚法

二日雨出莫岳封公青門鄒鴻臚鳳竹

三日雨霽大風有人持古帖伺余送客亟投示乃矮本

黃庭經後有虞伯施題語蓋所罕見者購之王內史草隸爲古今標幟迺與樂毅論黃庭經九世所珍賞人獲隻字若拱璧況全墨哉余直引文上每詔書列女傳願未得羲之真蹟爲楷是陶者無型也偶閱秘府得黃庭此卷其筆力神妙具備諸法殆天授者歟焉能彷彿其萬一銀青光祿大夫伯施虞世南敬觀按題秘府蹟不稱臣而稱字可疑詹事府主簿陸季高來願季高冢宰五臺公少子與余弱冠交今隔隔幾十六七年矣至是歡然道故如平生焉因鈔余乞養疏去

四日晴

味四

奎

五日

六日連日爲人排解紛難覺此世界憑腹臆者任意縱橫負角距者必恣踉躅波浪險巖可畏可懼乃知古人退步讓步真大熱惱中一杯甘露也沈子廣來與擘蟹對飲語此更覺添味

七日余門生陳汝言者雅負侯白黃幡綽之材以笑笑錄一編相示雖市里穢雜之語經其挑撥極有奇趣一敘亦詼譚可喜載此僕有笑癖實出愁腸拍手呵呵腰裏只差破布袋花頭簇簇口中却有薄皮刀玉笑還讓老天鐵心也須倒地只圖眼飽那管口酸造殺老黃牛頑石尙然會倒趕走黑蝴蝶黃河那怕不

清人世難逢偏我得殮笑草機心不測對人一味虛
花女號蚌浮人稱烏說腸多絞斷分明喫盡酸湯嘴
若笑歪情願賠他冷麩如有同道將來湊淘若盡無
知拏去扯碎

八日往常住橋鈕大夫別業小集夜歸霜月皎然

九日

十日客有廬姓者欵門以巨然晴空立嶂圖來評賞近
陂三樹點墨葉欹側蔽虧有生韻對陂小樹稠密蒼
鬱樹尖合處作屋二間層樓一間軒牕玲瓏疑有雲
氣出入下石脚參差以焦墨點苔襯出重數樹根露
白盤互一橋橫其下上聳圓巒十四五層雲氣苔色

味四

至

虛浮動盪大約簡於筆蹤而妙於吞吐從此悟入便
可絕去板結刻三病矣想其磴磳時有無限營構而
後得脫塹也上有上寶司卿柳莊袁忠徹圖記又祝
枝山草書扇一律云山人歸去意何如八尺方牀自
卷舒側岸採茶敲石火隔峯剪竹溜清渠碧潭印月
菱花鏡白雁橫空貝葉書後日相尋定何處不於吳
下卽匡廬

十一日同張州將項別駕集姚大理宅賀伯閣吏部在
主席

十二日馬吃持畫三軸來一王蒙長松登澗僅得匡廬
不真一大癡石壁圖有柳貫題句凡三入余眼矣作

偽者留天壤間竟不可磨滅耶石田楮山松屋一小
幀却真自題句云蒼松夾屋午陰濃地僻山深雲更
封白日不知塵海事碧苔門徑少人逢

十三日杜筌涓來年七十九背僂而聰喪矣猶抵掌談
兵不已云有海澄人張姓者在日本日夜謀內犯閩
浙淮揚北達登萊一帶俱可慮也臨別留邊防議一
冊去

十四日雨

十五日雨

十六日晴科孫彌百曰爲淨願願名之曰先枝

十七日

味四

至

十八日同郡中諸老送沈繼山中丞入鄉賢祠吳方伯
本如以入覲經郡中來顧飯項孟璜家聞即報北畿
鄉榜第二名童學賢挂議分考官進士鄒之麟搜落
卷強主考中之又乙榜第三名余煥赴順天府領閱
落卷卷標中第一百名後以余應龍易之亦具疏憤
爭主考翰林院侍讀郭涓疏陳始末賴上在宥汪歲
厚恩徐付部議假當肅廟時有此震怒不測矣暮集
姚大理第談兩邑均甲消里事紛然咸咎創議者輕
於條革釀此佛騰恐非旬月可底定也

十九日剗刷許生斷一指療母疾諸名家貽之言余亦
漫書數語云欲調穎叔羹忽斷股輪指今日怡白頭

他日鑲青史笑語絕裙人毋乃頽有泚

二十日雨

二十一日凍雨如毛俄有日色周秀巖引蘇賈持畫軸
來一沈石田著色菊花題云黃金秋色相灼灼富東
籬把酒宜陶令重陽獨有詩一石田枯筆鴛鳥草草
寫就極有生韻自題句云鴛鳥能人語疎林只是幽
夜來清露宿獨占樹枝頭八十一翁沈周一梅道人
疎林釣艇至正元年四月十七日梅花道人戲墨此
幅墨浮筆薄驗係廣筆華亭門生張衷明從長安下
第回來過與擘蟹縱飲大醉

二十二日晴

味四

矣

二十三日陰而有風

二十四日陰寒

二十五日晴

二十六日陰寒

二十七日蚤有日色俄陰寒客談居商谷隱居不干世
事每閉門索句既成淋漓染翰務以自快最工小楷
書人扇頭蠕蠕如黑蟻較文衡山殊不多遜特名不
振耳余因憶十年前得商谷小景一幅於亡友戴子
文野亭疎柳湖水渺瀰意極淡遠其自題云點染青
山四十年寸縑不改舊風煙散人漫竊江湖號未買
松陵一釣船此余四十年前所作子久持示因題此

甲申二月望居節年五十有八矣

二十八日

二十九日有日色俄陰寒

三十日陰寒連旬無日農人穫而不能確米張禹玉持
余舊臨米元章行書小天馬賦來閱覺爾時書與殊
湧溢恨臨摩功疎不能宛轉如意耳後題數語却於
米法有窺處米書大小天馬賦余皆得見其真蹟大
者力厚神完蓄藏神駿之氣大略取精於顏柳而間
掠季海所以不矜不佻馴穩有餘真和鸞節奏法駕
中物也小者筋骨嶄露顧盼睚如純用褚河南枯樹
賦筆意稍兼誠懸之縱掣譬之注坡葛澗塘陣絕馳

味四

矣

之騎又如五陵豪士玉鐙金鞭飄搖騰踔於杏花芳
草間雄恣華態可望可羨二種俱為猾賈廣筆所亂
流行石本無一可意者壬子秋八月在武林西湖寓
樓風雨無事縱手臨此

十一月一日同諸紳饒吳郡公於項孟璜第

二日同諸紳宴關郡丞歐司理於項孟璜第與吳生白
憲副聯席談謔有味憶生白丁艱時余走漵浦弔慰
值大雨登海門寺閣縱飲吟嘯如昨日耳屈指十四
年矣生白居恆坦易不設邊幅嬉笑任真視士大夫
拱揖凝重如木偶而胸羅戈戟者天淵也然生白後
余第而官已南面列城窺富貴者何必大張金鼓講

韜鈴終日以殺機從事哉歸已三鼓呼酒更飲爲之
滿志

三日同諸鄉紳宴集項孟璜弟海鹽彭對薇封公出一
古銅器云得之關中掘地而出者大如三升釜有三
足旁斜鑿二管圍一尺餘高寸餘眾莫知爲何物亦
莫辨所施用但信意指目資笑謔而已乃知蝌蚪文
未易辨汲冢師春書未易讀而方頭古坳人鮮不爲
時流所矚也

四日同馬心印邱伯畏徐德夫施羽王岳之律迎座師
李晉江相公於杉青津次治具舟中沿流送至斗門
師齋齋談長安舊事雜以詼謔神采愈煥略無老翁

味四

主

衰憊之態與被讒去國半騷之色且圖書數匣家僮
三四人一舟飄然飲水甚淺非眞品眞人何能有此
師言爲秀才時無一日不做文入中秘時無一日不
課館業爲祭酒時無一日不陞講爲禮部與兼攝各
衙門無一日不公座迨入閣無一日不進閣票擬事
隨到隨了久之精神益湧出至今更歷百變吾心湛
然如一日耳又云近日朝士憂吾甚於憂邊防吾甚
於防寇不知我原無出意乃不必憂者是夜談至三
鼓別去抵家已晨光矣

六日大晴

七日

八日霧雨俄大風發長女奮往張光祿宅
九日大晴

十日王丹林從武林回來謁云余向於僧宗朗處所見
閣帖乃閩門專諸巷葉氏所造果中余摸索矣

十一日

十二日長倩張襟仲來逆女余登雪舫送女至平湖因
過養白伯兄後圃鑑止亭臘梅已綻菊猶未萎伯兄
蕭然其間無一事質天資之閒也午後姻家以酒舫
來迎余與伯兄狎坐入夜余過舫與女執別主人堅
留余以計脫去泊東湖是夜雨

十三日風雨未刻抵家

味四

主

十四日陰晦方樵逸同吳雅竹來所挾古物與卷軸甚
夥止錄其佳者沈石田橫披大幅做黃子久作洞庭
景小行書題一律云湖上看山山水俱君家偶住此
水壺書聲還許烏魚聽人迹不教塵土汗夕陽收橘
金自足秋月泛槎仙可呼我生不游亦欠事捕影臨
風聊畫圖又李滄溟題云青天嵯峨擁高峯方舟遙
映千芙蓉長松脊窈窕晝無日飛泉迸入深林中環林
倚石一亭子空際江山有如此丹青手沈先生寫出
意態殊縱橫千年不改秋山色萬古留得茆茨名淋
漓翠黛展半幅身在錢唐與天目濟南李攀龍張夢
晉莊子夢蝶圖作枯樛荒坡一老隱石而卧二蝶栩栩

栩栩杪衣紋用道子丁頭鼠尾法極有雅韻夢晉名
靈才極高唐伯虎高足詩句傳播詞流不聞其能畫
今睹此乃是罕物自題云尊前花月蠻號足眼底功
名蟻戰酣信是大鵬招鷄笑何須萬里更圖南文徵
仲名壁時題云莊生齊物能忘物舉世濛濛大夢間
却笑黃梁待炊者漫將車馬入槐南唐伯虎杏花春
燕圖自題句云試向臨邛看杏花紅橋低界綠池斜
清明時節殘陽裏個個人問酒家文衡山小行書
一詞晚涼斜倚赤欄橋天遠白煙消酒醒願見花間
影浮雲散月在林梢野火青山隱隱渡頭綠水迢迢
昔年曾此醉清宵共艤木蘭橈十年曾踏行春路同

味四

三

遊伴半已難招夜靜山亭月小玉人何處吹簫右調
風入松盛林號前溪者古木竹石頗瀟灑有趙文敏
法自題云竹樹疎遠密雲霞淡復濃秋山無限景煙
寺一聲鐘殊與畫不合何也張石川寰一律晚登大
石山房次郡守可泉先生韻靈秀茲山最躋攀兩腋
輕乾坤惟此石丘壑自生平絕壁蒼虬倚孤亭海月
橫徘徊欲忘返何處闔閭城後學張寰頓首稿呈懷
雨先生親長吟侍下丁亥二月十四日筆法摹六朝
與王雅宜相出入
十五日吳儒泉爲其宗人東舉持吾郡李臨川先生手
蹟一卷求跋乃與其先世少溪翁往還札子也首一

幅草書絕句云先生忍負薔薇約老朽寧忘芍藥期
乏騎相吟過斗室春風催我漫題詩上少溪翁兄丈
當帖臨川先生名樂由進士官藩臬當江陵橫恣時
拂衣竟歸住湖州之烏鎮貧居樂道無故不謁令長
平生極慎許可而少溪者以歛之布衣寓居我地先
生與之交至致臭味如此其人亦可想矣

十六日吳雅竹以上海褚蘭亭所鐫涑化閣帖相示蘭
亭家有宋搨本倩精工拓成余爲諦視之覺其肥圓
典厚有絳帖遺意亦末代之傑造也乞余題數語攜
去閣帖自泉刻滋行徒充嫁奩貽遠之具吾輩不復
可置目每得古搨數行輒爲研味滿意矧此刻清明

味四

三

朗徹如秋夜不雲之天星躔斗緯歷歷可指數信藝
苑之琛也黃雲林米漫仕雖極攻發然欲見古人鬚
眉正在此傳摹想像中耳不可忽不可忽壬子大雪
後一日竹懶題於偃松軒

十七日陰寒

十八日晴

十九日

二十日雨陳眉公先生來索觀書畫極喜王叔明秋山
草堂一幅以爲在清弁圖上又觀亨兒畫冊題語云
會嘉遊戲畫海似得無師自然之智然自子久叔明
懶瑣幼文種種具在筆端畫學深詣如此豈徒南宮

之虎兒當是大小李將軍復現耳

二十一日同岳石帆徐立仗赴陸太和令君之招

二十二日晴

二十三日

二十四日風昭慶寺清公同王江涇具足庵僧覺庵者來

二十五日寒潘景升寄余華嚴新經論此論唐李長者所著大中歲釋志寧始割論附經謂之合論今景升去經單行之還長者之舊也焦弱侯作敘甚有理解二十六日稍和同岳之初至楞嚴寺佛殿階礮上有老者擁衲映曝而坐杖端懸一牌云正德九年生人今

味四

圭

年九十九歲遇緣化齋之初與余就之語雙目已失明云從終南來禮普陀叩佛法大要曰只是去妄妄息生死自破久之覺其人精悍異常客攜姚丹丘秋江漁隱圖來閱下層作三樹泥石寒莎水草點綴如趙文敏家法沙畔一小艇緋袍人垂竿晏如也上層老筆勾抹遠巒又類梅花道人但著色半用趙法耳緋袍烏帽人如玉扁舟遠勝黃金屋竿小一絲輕閒身不釣名西塞桃花水斜風兼細雨日暮竟忘歸山前白鷺飛雲東逸史嘉禾姚公綬畫并填菩薩蠻一詞於上弘治戊申七月晚岸青楓樹秋江白鷺蓑爲漁將取適不樂更如何倚棹仍哦句垂綸莫唱歌請

無輕此意平地有風波此秋江漁隱圖也吳興公昔有此余能記憶而仿爲之既填古詞矣復書四十字於其空以揄揚詞所未及之趣中秋日逸史識

二十七日戴康侯攜觀沈石川畫冊十二葉乃贈秋官周于岐者于岐從吳門至金陵省父大理公而後北上謁選故石田以所歷分十二段爲冊以贈姑蘇臺婁江慧麓北固石頭黃樓呂梁孔林日觀峯潞河蘆溝燕山畫法悉用黃子久又唐伯虎山水長卷款云正德仲夏吳趨唐寅爲惟亮世兄寫盤山書屋圖夜同陳葆初大參岳石帆水部徐立仗勳卿譚凡同駕部陶元暉縉部赴秀水吳儼五令君之招三鼓散去

味四

圭

二十八日

二十九日長至細雨

閏十一月朔日凍雨灑浙許叔袖潘景升巨史一編示余迺所紀金陵廣陵吳越燕楚諸歌姬之才豔者頗有情致內周綺生者質猥妓初居我郡之王店鎮與雜賈交無何徙郡城綺生稍能筆墨少年緣飾之遂以詩名其所云閨中人亦與往來者乃突禽市虎之語景升既耳食又滋口業謬矣余少時於魏塘見王輕燕坐客強余賦輕燕詩止記中四語云梨花魂夢能銷骨楊柳腰肢易斷腸臂舞乍疑翻蝶雙棲常自學鴛鴦又同沈子廣訪吳門侯娟娟其妹小娟

適聞疾余爲賦二絕綺窗香霧暗銷紅鴛夢昏昏花
睡濃爲博十郎詩句好強開眉眼對春風雨寒江閣
卧爲鴛翠被深籠墮馬粧特爲才人頻造膝起攜金
鴨白添香又於江陰見徐初月初月纖亭多態善酒
誰浪傾其座人雖微暗無倦色女弟纖月年方破瓜
綠鬟紅咽已解眼波撩人余業與目成竟爲初月猜
忌閉之深室不復覩矣余作懊恨詩一章情緒無端
似柳絲綿綿邈邈動芳思一宵好夢成還破兩字相
思只自知豈是新荷驚驟雨却教豔蕊鎖深枝他年
蜥蜴痕消處記取王昌初兒時又雪中與沈子廣
舟曲阿子廣不勝寥落躡雪遠城闌冀有所遇余以

味四

去

捕風嘲之子廣不顧去良久果得一麗人於深巷敗
屋中一老蒼頭執爨蓋富人所娶院姬爲正室所逐
將謀他往而僞止此者朱姓名淡雲歌舞俱擅場子
廣爲一櫛工指引初闕其門頗示微拒子廣勇於情
纏綿之遂留欸作三日淹臨行出素卷索淡雲詩余
漫應二絕浙零時作催花雨斐齊如燒柴甲香一種
柔情在何處淺籠斜月映新粧分得巫陽一片明捲
衣猶作六銖輕腰肢瘦盡渾無事正好乘風上雪城
又戊戌仲冬遊吳門遇張六姬於湖舫中六姬金陵
曲中人也以避仇爲湖海之遊因居泛宅余過訪值
其理髮旭日照之花明雪豔真如洛浦之逢矣貽以

一律波鏡光交亂芙蓉色自妍水雲籠鬢薄沙柳映
眉纖鸞起鏡金粉魚驚落翠鈿無端鄭交甫望望隔
朝煙仲冬十五夜泊吳門外霜月滿空同沈伯宏
沈子廣戴子文盛寓庸吳仲賢團飲張六姬船頭酒
酣客有彈三絃者妙絕賦長句爲贈洞庭木落西風
多布袍越客登飛艫寒溪遠城月照水渺渺煙樹啼
棲烏笙簧中斷踏歌歇美人盈盈坐霜月杯分綠醕
灑金波釧冷單衫露肌雪豪談劇謔意已盡坐中忽
出三絃客客年三十美風姿正是撥風弄月時青絨
暖耳紫半臂纖手削玉揉花枝一絃一珠珠活潑三
珠滾滾亂挑撥化爲黃鳥入花間淡日和風響鈞聒

味四

去

海棠貪睡柳貪眠一齊喚起春風顛深沈堂院下紅
雨雨聲滴破青苔磚隔窗有人愁聽雨噤噤唧唧相
爾汝一朝蕭瑟轉無聊陰廊切切秋蟲語沙頭老鶴
亦斷腸劃然驚起天地霜千家砧杵夢魂裏萬騎鏡
歌關塞傍悲歡意緒總不同盡在撈撈抑抑中風箏
線斷刀尺冷佩環何處敲玎玲鼠肝蟲臂吉鴉舌蜂
鬚蝶翅相蒙茸喜爲微溜吐幽瀨悲作老木含淒風
四時氣候俱可變何況鬢凋青黛顏消紅蔡女十八
拍嵇生廣陵散潯陽江頭泣菱婦柯亭老竹驚飛翰
何如此客細作碎金啄玉裂繒聲引我詩魂入清境
客彈已罷歌亦竟明月欲落不落美人欲睡不睡坐

客低桐頭伶俚總爲餘音嬾人聽若非白骨觀初成
幾爲三條絃子愁成病余少遊狹邪中者止此數處
可憶然不過浮杯弄翰助人權笑而已實未嘗濡足
其中而所遇亦自可憶恨景升未之見也

二日大雨

三日淫雨不止吳江顧修吾以泉州閣帖一部來看多
斷泐差勝近行者非舊搨也又王仲山爲法雲上人
擘窠書長歌一首款云隆慶辛未七十一翁王問書
字圓肥多趙法仲山平生書有極蒼勁可喜者若此
卷則瞠乎在姚丹丘下矣

四日晴爲姚岱芝給諫圖一扇題云霜前歷落樹煙裏

味四

夫

鬼峩峩峩峩曾遊處依稀似剡中

五日

六日同徐德夫孫瀟湘沈白生謙秀水吳令君於岳之
初宅更餘就席四鼓別去

七日東雨顏嘯吾余舊書記公車時挾之北上其人善
酒與新聲今老矣偶從人閑遊來別

八日同徐德夫孫瀟湘沈白生饒嘉興陸令君於岳之
初宅

九日

十日送陸令君太和於北津

十一日爲沈翠水寫秋林釣艇圖做董北苑筆題云春

看馬勝花秋垂笠澤釣不作攢眉歌但聞開口笑門
生魏塘曹勳允大以其大父吳塘先生諱津者所輯
周禮集傳來乞敘先生以明經歲薦授青陽訓導歷
官至南安教授解官至家八日而卒平生篤意經術
著述甚多此其一耳子穗亦學官高等弟子孫燾與
勳皆問業於余而勳尤蚤慧

十二日與亨兒至法華庵訪僧雲山不遇因過白芘莊
居省張伯始後圃梅森森蓓蕾盈條矣

十三日鄰孀媪潘氏家有怪白日拋擲瓦石拾視之上
有字作孔攸文不知何異也

十四日

味四

夫

十五日夜月明如晝無纖雲氣亦不寒

十六日余生持趙子昂秋林聽琴圖橫卷來鑒定有徐
天全題字二行云天順八年二月有貞觀於錫山草
堂又沈石田小景柳亭沙岸一高士箕踞上作層巒
礬頭用子久法又古銅辟邪水滴一繡花白定香盒
一南唐貢硯一余生方樵逸之內姪以鍊墨聞於吳
中作書畫估乃新參耳余爲購得右軍書稿中散絕
交書石刻一本較停雲刻有異趣

十七日張倩襟仲同女來寧

十八日夏買攜透明犀杯一琥珀帶環一舊玉玦一來
看賈從金陵來云近日書畫道斷賣者不賣買者不

買蓋由作偽者多受給者不少相戒吹壘不復敢入頭口中耳

十九日

二十日爲張倩排當有角觥之戲二姬碧梧翠竹江淮間人也音亦杏鸞可聽席罷月午矣

二十一日微雪俄霽戴友石之友有號平山者友石爲乞平山詩余乘醉爲擘窠書云何處展雙眉煙江萬株柳下有雪浪翻上有風檣走陽春二三月花絮沾杯酒詞流傳勝事昔日來歐九文章氣骨在山川落吾手誰人號平山奪席撓我有賴遇漚和翁頰舌關其口扁舟時可買諧謔俱曹偶不願爭平山願作平

味四

全

山友

二十二日

二十三日同亨兒往當湖莫沈晴峯先生申刻卽回棹夜宿新豐

二十四日蚤霧抵家日高春矣

二十五日同沈倩過岳石帆坐有丹客吳生抵掌談魏伯陽之學云藥物不外銀鉛沙汞其用八石者非是又云陶朱石崇與國初沈萬三皆得丹故富甲王侯特崇與萬三不善用以禍其身耳余不覺爲掩口卅便造陸澹園大夫山居中多奇石堆列凡四五折竹樹蕭然有客持姚丹丘雜手札十三通又諸公寄丹

丘東十通來閱丹丘暮年遭同祿家貲蕩然故所作東多干求語又有因求不得而怨尤者可笑也丹丘得王叔明岱宗密雪圖亦燬於火每言及輒隕涕李西涯一札云自得西涯詩畫以來蓋嘗具簡申謝獨不能再繼書問以爲愧耳而來簡乃若闕焉未之省者豈書郵之過使然歟又云雅情高誼雖歲致一劄猶不足以報況疎簡若是誠可罪也亦是此老責備西涯故西涯答之如是也又有稱舊治生吳昇者東云蜜酒俟熱天做就奉寄茲致淮麴湖水十字酒一樽酒名甚奇想亦佳醞又云武克顯寄絹二方拜煩大筆揮染竹菊鳩鳥之類萬萬勿辭余見丹丘畫竹

味四

全

枝晴雨鳩於友人項又新處果證妙品且有洒然俊邁之韻不徒若錢舜舉止工渲染刻畫而已又有名魏瀚者字法甚妙多顏筆又有稱小弟方印文公矩拜上大兄侍御者豈公羣從耶東中及靖江王府選儀賓與鎮守巨璫黨惡事云使吾兄當此必將霆激雷迅非徒長厚者所能支也語意似感憤時事而惜公蚤歸山耳蓋亦士大夫有志意者字法類楊鐵崖二十六日夜同譚樊桐赴鈕萍鄉令心雲之招二十七日晚雨山人潘景升見過言因黃山欲纂黃海一書凡事係黃帝者悉載之幾六百卷偶閱蘇東坡仇池筆記載數種酒韓退之詩拋青春郢之富水烏程

若下萊陽土窟春富平石凍春劍南燒春杜詩雲安
麴米春裴劄傳奇松醪春亨兒曰大人所飲有奇酒
亦可著乎余曰余遊未半天下何足多數然亦有可
言者燕京雙塔寺蕙苴酒范工部光父飲余易水酒
建昌白麻姑酒趙思日郡丞飲余南海荔支酒德化
令楊紫泉飲余棗子酒光如琥珀又飲余西瓜瓢酒
色如甜味甘邳縣酒醇醲如膏襄縣交酒性極烈陳
州羅州將飲余治民酒味冲雅少飲輒酣多飲不醉
妙品也山人繆仲醇飲余五味酒虎丘張豫園釀梅
花酒福橋酒鯽魚酒皆奇品也

二十八日過沈倩齋頭壁挂唐伯虎霜松煙瀑圖無款

味四

全

余定爲周東村筆東村工密而蒼老伯虎秀潤而超
逸氣韻自然不同若仇實甫工密有餘蒼老不足無
望超逸矣以三家者均法李唐而雅俗流別如此特
爲指出又文徵仲松壑高開圖小幅有致出觀南唐
貢硯二其一盤澗呵之汁流其一燥甚上巖石耳又
豐考功書觀世音普門品經筆法戰掣採韌全學柳
誠懸考功平日雅以書道自負余嘗見其細楷端勁
有率更風氣又見其臨聖教序備含藏宣耀一出一
入之妙乃知此公於書功力深矣世徒贊其晚年旭
素狂筆豈足爲知公也公自題云大慈悲父靈感聖
師智慧圓通威神廣大循聲救苦觀世音菩薩從聞

思修入三摩地詳藏楞嚴與法華普門品義理相發
余嘗見蘇東坡手書此經與今經坊本數段不同蓋
經坊所刻出於應付俗僧口熟所授顛倒錯亂文理
不通今以蘇本爲定嘉靖四十三年六月廿四日南
禺世史豐道生書於秀水縣天寧寺之東隱精舍余
以近刻經文與公所書讎校果有數處增減不一然
於大義無相異也夜招景升小坐景升貽余名山注
三吳雜志數種飲酣因徵酒事景升云黃山中羣猴
採諸果雜置石窟中醞釀之成酒山人得偷飲之甚
美漉杯勺於案香聞一室懼羣猴之怒不可多竊耳
余因記西陳劉曜如爲余言其里中老人家有佳梨

味四

全

每熟則數百枚爲人購求立盡因潛蓄百枚囊藏之
埋於地中忽忘之至三年後憶得掘啟之則清酒澄
泓甘香不可言勺滴入喉痰涎悉化此得造化自然
麴葉老人以無心致之乃天賚也後入效之輒腐敗
不成

二十九日

三十日陰寒雪霰

十二月朔日寒甚始見堅冰前是煦煖梅幾吐白得寒
又復葆固因憶袁中郎詩寒勒梅花未放香之句乃
實錄也

二日偶閱豐道生筆訣云如屋漏雨如壁坼如印印泥

如錐畫沙如折釵股此皆古人論作書之勢也勢之一字甚妙但未分疏終令學者茫然因為箋出之以授兒曹屋漏雨言相承溜下滴滴不差移而瀚畜奔瀉處有自然之變不可預設此在統視連行中得之壁圻凡泥壁圻裂其紋隱隱綻開而全堵不動書法中每作字有筆不連而意連意斷而筆不斷者此於兩字相搭或策勒過度處得之印印泥筆畫快利起止無粘滯又全體渾成不見湊簇安排之迹此於骨體間得之錐畫沙錐鋒銛銳所當沙特豪末耳而沙性疏擁受錐處闕現有餘宛如善用筆者筆鋒正行而姿肉滿茂此於用筆用墨間得之折釵股釵股彎

味四

全

曲無圭角而有勁氣此於轉筆處得之又有斷雲作策勒三折筆法也刷絲枯筆帶拂法也墜石作點向下法也驚濺作挑水法也飛蘆白舉奮筆直遂法也又有聞嘉陵江水聲而悟筆法者悟其起伏激驟也見舞劍器而知筆意者得其雄拔頓挫之妙也見擔夫與公主爭道而識書理者擔夫負重成隊絡繹而行雖公主騶從呵禁而不能止者以其聯絡成勢不可斷也此亦於統視連行中得之也余嘗欲做禪家公案作墨池拈古錄盡發古人秘奧而讀史未暇姑志之

三日

四日先是閏月二十二日酉時有流光照庭戶從東西

行或曰慮為火祥至是因延太古院羽流六人作清

醮禳之班首王震暘陳說院之起廢甚悉云國初有

劉浩然高士道價重海內嗣天師親訪之為書逸潤

軒扁至今留院中院甚僻靜古木藤蘿蕭然如在深

山中歲惟士友習靜者借居其屢蹟可數也余贈震

暘詩一章云嘗聞太古院松老鶴翩翻頗容讀書子

來此寄青氈壁苔繡乾雨窗竹搖晴煙仙翁寂默坐

暗誦黃庭篇有癆醫劉生引至趙觀畫鷹林良雙雁

又萬孝廉蓋卿寄示盛子昭畫三軸俱不佳

五日晴暖如春紅梅破萼

味四

全

六日出帛鍾羽修羽修觀察侍山公孫頗喜書畫刻有

寄雲堂詩集余為作敘年僅四旬耳士友無不悲之

七日

八日陰寒高生指引一人持東坡墨蹟一軸來乃行書

洞仙歌詞一首字如當三錢大豐茂多姿全法徐季

海此詞首語冰肌玉骨自清涼無汗舊傳蜀花蕊夫

人句後皆坡翁續成之豪華婉逸如出一手亦公自

所得意者染翰洒洒想見其軒渠滿志也有願庵圖

記胡文穆公家物

九日雨

十日細雨溼蒸如春時喜善門生卜樓訊費求教樓字

休文與曹勳合刻楓溪合草中多傳語

十一日大雨電時立臘五日矣門人石夢飛攜示薛素素手繡大士精妙之極可謂針絕上繡般若心經一卷字如菽得趙子昂筆法聞素素作此以壽沈純甫司馬者人但知其能挾彈馳騎與散筆蘭竹耳何意多奇若是又米元章潑墨山水一軸縑素沈黑中有一折縫當是古人卧屏之類左方沙上作煙樹四五重其樹株根梢棘手亂拖極有雄勢非後人所能擬也款襄陽米芾四字不真蓋舊畫用米法耳

十二日晴方巢逸從蘇來出一硯古端也鐫其背草書數字云成化庚寅在龍潭精舍張汝弼記乃東海居

味四

全

士物居士平生喜作旭素狂草然長史郎官石柱記楷法精繁長沙律公祝融高坐諸帖極有二王規模非浪騁勝氣者恨居士此硯未成舊也文徵仲傲倪迂層巒奔瀑下層作沙樹水亭如本法題云平生最愛雲林子慣寫江南雨後山余亦兩窗閒點染疎林斜日有無間又徵仲雪景重林疊巘旅人游騎酷摩李營丘題一絕云晶晶日色弄寒雲消得階除雪幾分一樹梅花消酒興詩成偏屬鮑參軍

十三日雨強出為人排解
十四日湖人致茶子一禽云以立春日下種春深即生
生二年而花凡茶不喜移植必用子生故民間聘婦

以茶明其一定不可移也茶喜生爛石沙礫之上吾地無山鮮業茶者昔年白竺陳翁號五洲者其茅亭前籬脚下皆植茶每春晚手摘焙斤餘藏以自飲間出供客之清勝者風韻良妙特味稍重其烈不勝山中茶耳余欲從破石鷹窠等近處稍運碎石黃土作茶田自農而食未必無膏腴之收也

十五日雨杭蘭一穗初坼幽香逼人

十六日為惠山僧解如題募法華山團瓢冊

十七日見兵憲潘公

十八日

十九日

味四

全

二十日以沈倩有田訟登雪舫往嘉善暮泊儒學前步訪門生姚怡如則曹生允大卞生休文已先集候余矣呼燈圍坐一小閣有狎遊者朱生擅新聲善諧謔酒酣覆一盃仰一盃相磨切作磨麪聲把箸一握劃案上作打籬篋聲又口自歌若店人作勞者遇曲一變即叱驢一聲無不逼肖宛然若居麪肆之旁也因各沾醉盡懽睡時夜漏三下矣

二十一日辰刻謁署縣劉別駕於賓館遇陳藩參穎亭穎亭名于王丙戌進士談時事洒洒云今天下士大夫洶洶類漢唐末造由宰相之無權而士大夫不懼黨錮之禍賴主上汪度銷籍叩之不應真確語也午

刻劉公答顧卽返棹抵家日暎矣

二十一日吳江馬玄洲常熟葉少源移書畫舫就余出觀倪雲林小幅山水枯係元時雲粉箋畫筆粗辣似學董源作兩枯樹疊聳而上石法老氣類其所作獅子林圖款云雲林倪瓚寫祝希哲行書題上方云高樹棲殘綠青山笑客忙此亭有吟侶何異輞川莊巨壑簡淡不著一人此倪子清閤閣畫法也余閱此幅則曰人品高矣但渠意涉玄虛故題之若是祝允明書竹懶曰味此語是枝山於倪迂畫稍致不足之意矣然迂嘗自言曰吾畫寫胸中逸氣耳若以形似相求是責寺人以不髯矣冤哉枝山似欲以律儀槩散

味四

六

聖鳥可得也又王叔明樂志圖淺絳色用筆古拙全法顧陸恨楮稍黯慘收藏不密故耳顧謹中題云讀仲長公禮樂志論使人超然有違世絕俗之心觀王公叔明樂志圖飄乎有凌虛馭風之想此余所以辭金門而甘白屋翕精和而葆天真者非有契於斯乎因題長句於上云黃鶴山人仙者徒何年寫此樂志圖知公愛讀仲長論澹墨晴窗親手摹筆精意到奪神造尺素幻出三蓬壺夏田美宅背高嶺曲林小苑涵平湖修篁過雨翠陰密花樹得春紅夢敷主翁消搖處其下二三儔侶恆相呼鹿皮軟齒藉碧草龍頭巨杓當黃墟肥濃腊毒豈足貴物雖菲薄誠非誣香

團瑤實薦新果贈飛白雪嘗鮮鱸一酬一醉恣傾倒雙雙行酒青衣奴山花易落春易老勸君不飲成空辜當窗小婦曲屏裏星眸霞臉朱肌膚似知翁意恐酒乏隔屋再喚東鄰沽眼花耳熱高興發仰天拍手歌烏烏笑將名利等敝屣唾視金玉輕錙銖有舟不泛人醉甕有車不躡長安途醉來捫腹隨所往拂衣起捉烏藤扶從人喚作葛天氏老我豈知馮子都清標自出一世上此樂人間無時無嗟余見畫措病目塌然俛首增長吁生平未了讀書債誤蒙選擢發神術十年奔走輦轂下蚤朝日候雞鳴趨冗曹愧無一事補虛糜廩祿徒馳驅時持古鏡照顏色面縐髮斑

味四

七

非故吾肘枯豈懸六國印腰瘦懶佩千金符乞身偶遂鑑湖願買船東下歸田廬幸存松菊延歲晚重闢三徑除荒蕪文園病渴久憔悴邯鄲夢覺成盧胡時得酒且快飲日日震風吹不甦安得王公爲我畫題詩更倩眉山蘇又沈石田臨倪雲林山水作三疊布置大槩俱以秀潤爲宗題云春山同遊不同席却被青山笑相隔村蹊宛轉行不進來者固遲行亦急問人行去苦不遠如酌稍延常有及空亭鳥下小燕過祇見殘花與殘核手捫路竹漫刊詩時記後來君可識白雲醉汝一杯酒不問老兵何得失弘治己未春三月約客山行先後相失因賦偶遇明古於吳門

舟中匆匆話別不及造數語以錄是詩沈周又唐伯虎款鶴先生圖畫者據案於高山流瀑之下一鶴延頸而前若相款語者題者數家適屋先謀二頃田野懷端為蓄胎仙九霄晴雪不飛去一地懶雲相對眠種竹何須待凡鳥茹芝還欲共長年人家有此清事足聲和讀書風朗然沈周雙雛元買向青田賣藥人家雅似仙步關自於幽興適頸長宜閣瘦軀眠海山蓄久知留客橋水功成不記年未得相過試能舞只憑傳說意悠然鄞浙次款鶴仙人秋菊衣水香雲淡稱幽棲緱山萬仞紅塵息遼海千年白晝遲兼有鷓鴣新得色更無鷓鴣未忘機華亭相憶嗟何及訪

味四

李

爾應須蚤見幾山陰蕭鳴鳳吳山無俗侶野鶴自相通警露魚牀外眠雲月榭中傳書將渡海擬駕欲盤空莫遣機心起徒傷幽桂叢白沙景陽字時臣雲棲露立不須籠似與山人野性同去意已忘仙嶠遠安巢寧厭主家窮冬藏夏見看梁燕北往南來感塞鴻唯有慈公舊時鶴年年門外伴寒松西樵朱應登百尺寒松五色芝山中何事不相宜秋雲更與安巢久莫起青天碧海思姑蘇顯璠字華玉傾市乘軒不用謀白雲巢向碧松頭百年人事都成幻載月重邀赤壁遊江東易舉上客眠雲思最閒却開荒圃挾飛仙曉留看院松相映夜聽談經月共妍長笑臨泉虛短

夢遙知緱嶺自前緣山中好結千年社何必乘軒入市塵陳津庭前馴養九皋禽塵外相期萬里心應自盤旋隨處士豈同懊惋傍支林秋風石徑邀低舞明月瑤琴和朗音碧落他年終有約飄然還共度仙吟陳汭風格飄然迥出羣老年得與散閒情青藜借步過雲嬾白髮相看就月明千歲遠留塵外迹九皋清稱曲中聲為渠鍊得軀相似辟穀丹上竹負盟鳴時周郊竹懶曰此卷余凡三見之余家又有一小卷亦伯虎繪圖祝希哲楷書款鶴先生傳其標韻較勝此余亦有引鶴一短律附載此為爾昂藏甚低柯盡剪除竹疎通引步池淺易窺魚清語真堪共修翎欲替

味四

李

梳腰纏幸無物雲外好舒徐
二十三日葉君以崑山短穗水仙貽余余過其舟舟與馬君相聯馬君烹上界款話所出觀珉玉廣鼎之類碌碌無一醒目者

二十四日

二十五日

二十六日連日晴暖

二十七日晴暖如莫春至汗流不能御袂庭前梅蕊無大小一時俱放紛然如雪野人來言桃李亦花蓋近數十年所無也

二十八日晴暖午後有青黑雲如蓋起丙戌之間余知

有陰雨之候至夜果小雨

二十九日雨仍御棉裘有人持丸球等林鍾馗筆法亦古又有棗涇居士畫一幅濃澹焦墨學北苑而謬者

味四

空

味水軒日記卷四

味水軒日記卷五

明秀水李日華著

萬曆四十一年癸丑春正月一日小雨灑浙俄大風余率家人拜慶家君前科孫亦知孩笑家君為色喜滿引

二日蚤起瓦縫有積雪

三日暮又雪與沈子廣同至白苾看梅紛然如雪

四日雪霽寒

五日

六日

七日俱寒雨不能出人事頗簡

味五

一嘉業堂校刊

八日客以舊榻李北海雲庵將軍帖求跋余信筆應之昔張伯雨見趙松雪求書法松雪以此帖佳本授之伯雨於黃篋樓中盡心摩做踰年書道大進乃至揮運灑灑無有一筆弱者松雪雖多二王規撫蕩除元人習氣不盡正由於北海此帖少見也

十一日赴項孟瑣招集園居余先至冒細雨登陟岡嶺遍尋洞壑衣裳沾溼久之孟瑣始至已岳之律至已譚聖子至團飲盡歡所談皆垂髫時筆硯閒事因感世局日新交態雲變白水青松可訂盟者不數人也此園項氏舊築以祀襄毅公者圯廢良久孟瑣近得之為之鼎新構結尙未竣事園中奇石極多憾布置

者胸中無邱壑堆聚湊蹙如三日媳婦妝梳非不金翠炫目於淡冶之趣無一點也余與之律極口慙慙孟瑣更張未知能用否耳有元章書乾坤一草亭匾甚雄快

十六日晴夏買從杭回袖出一物乃拾入土碎玉片琢成琴樣高五寸闊二寸五分厚三分蓋好事者用為臂閣之玩耳賈曰是三代物侯伯所執圭也不知圭形銳首平底典重之極豈磬薄若是又何用肖為琴形耶自士大夫搜古以供嗜好紉袴子弟翕然成風不吝金帛懸購而猾賈市丁任意穿鑿駕空凌虛幾於說夢昔人所謂李斯狗枷相如猿鼻直可笑也

味五

二月六日晴朗鄰人持高房山雲山圖一小幀宋白箋紙下作滄濛三四樹根株向背有法左方微瀨露白雲氣靄然上作重巒純用米法款行草彥敬二字題者四人 江蕪漠漠水泠泠林下幽人半掩扇熟睡不知春雨過起來雲外數峰青渤海高啟題 西村原不隔西冷未晚人家戶半局要覓巢居新閣處試從煙裏喚樵青句曲外史張雨次韻 漠漠層巒障晚嵐參差沙樹似江南眼明見此房山筆不減當年海嶽庵白羊山人張簡 層巒雨氣碧氤氳矮樹蒼茫路不分直欲杖藜窮絕頂一壺春酒看飛雲翰林王達題字達善有張氏仲寬印記

三月十八日徐潤卿來出姚公綬肇窠大書聽松軒歌一卷索跋字如黃涪翁而兼張句曲盡蒼勁淋漓之趣歌語亦雄肆歌云老僧種松今十年蒼蒼便滿軒楹前濤聲半空戰白日鶴亦不敢歸巢眠僧閒高眠不厭聽聽亦不礙僧之靜靜中有動動有聲聲到無聲心即鏡鏡光湛若明月光照見軒外虬枝蒼條爾鏘鏘響琳瑯大風來不皆相忘我亦人閒愛松者嘗欲結茅在松下十年誤落紅塵陌衰颯謝歸始得小松種來如粒大一榻蕭然坐清夏相期僧為我開軒傾耳聽之何厭繁人言不是蓮花社乃是給孤祇樹園僧宏託半閒高先生求題聽松軒時余在福源

味五

精舍將飯弗皇用意起語捉筆大書有愧桐村翁之作多矣成化甲午七月公綬余漫跋云宋蘇米黃皆喜肇窠大書米於顏柳閒取筋蘇於季海取肉涪翁晚得瘞鶴銘摹之清勁之中益加尖銳識者偏許其骨姚侍御此書本規樞豫章而波瀾所及往往奄有趙吳興張句曲故勁而不枯橫而不怒即令三家者並轡而馳亦當互有軒輊非末代篤弱之蹟所可擬也歌語豪宕可喜固是眉山餘燄潤卿其善藏之以存吾郡典型使染牘者不致迷津可耳潤卿又出自作秋林放舟圖闊幅做梅道人筆意余題云家住江南蘆荻灣滄波白鳥伴人閒雨餘自揭孤篷看一帶

疎林兩岸山

十九日過徐潤卿不遇其子節之余門生也出祝枝山
行草一律筆法淋漓極饒天趣詩句亦妙消暑因能
暫閉關未須多把古賢攀并拋杯勺方為懶少事篇
章恐礙閒風墮一庭鄰寺葉雲開滿面隔城山浮生
只說潛居易隱比求名事更艱又姚公綬雜札一卷
所言皆與友人商略書畫閒及酒杯茗盃絕無他語
又吳匏庵李楨伯與匏庵兄子嗣業諸手札
六月四日熱甚夜泊橫里散髮步柳林中舉亭諸山正
入指顧

味五

十六日兒子同新婦至自無錫婦兄沈中散以送親來

辱有燕席

十七日具湖舫與中散拍浮

承幹謹按正月八日以後七月一日以前原缺以
嘯園葛氏所刊節本補之

七月一日沈伯遠令人持其尊人所藏卷軸來求評定
錫松年孟公提轄圖古絹素略已破壞圖意作閉
門垣牆之內一水閣踞林石之勝一客在旁屋偷臥
一客傍徨憑欄自恣一客方欲偃臥孟公持杯強之
閣外二童子其一諦視井中一轄浮沈僅露其稜閣
畔二樹夾葉偃仰有態枝梢行筆老勁如雀爪所謂
細中求力此類是耶門外一樹水墨點葉空濛多氣

韻跋者二人 右錫松年投轄圖行筆秀潤意態各

足宛然酣暢於樽俎之間暗門之名豈虛得哉 高

平范栢題 松年居錢塘清波門俗呼為暗門劉孟

公投轄意則勤矣至於杯盤狼籍為酒食所困亦人

情所不能堪豈特誤朝參而已哉古人一飲百拜故

終日飲酒而不得醉焉所以避酒禍也孟公之不為

酒禍亦幸矣 河東李侗士宏 宋思陵行書真蹟

上與羣臣論止盜或請重法以禁之上晒曰民之

所以為盜者由賦繁役重官吏貪求飢寒切身故不

暇顧廉恥耳朕當去奢省費輕徭薄賦選用廉吏使

民衣食有餘則自不為盜安用重法耶自是數年之

味五

五

後海內昇平路不拾遺外戶不閉商旅野宿焉又嘗
謂侍臣曰君依於國國依於民刻民以奉君猶割肉
以充腹腹飽而身斃君富而國亡故人君之患不自
外來常由身出夫欲盛則費廣費廣則賦重賦重則
民愁民愁則國亂國亂則君爽矣朕常以此思此故
不敢縱欲也 張元素召見問以政道對曰隋主好
自專庶務不任羣臣羣臣恐懼惟知稟受奉行而已
莫之敢違以一人之智決天下之務借使得失相半
乖謬已多下諛上蔽不亡何待陛下誠能謹擇羣臣
而分任以事高拱穆清而考其成敗以施刑賞何憂
不治上善其言 賜曾觀 上蓋印御書之寶 隆

興二年中秋日臣觀等從 上詣 德壽宮謁見朝
回 上御內殿語臣等爲政恤民之道甚難往蘇湖
潦饑發封樁賑濟運綱稽緩出內帑助調小民猶有
瓊林大盈之言安知吾心哉固政不勤則荒民不恤
則怨人心然也吾常戒慎不敢怠忽臣觀等拜賀曰
誠如聖諭毋以逸豫爲期而思海宇之廣邊境之虞
必使人物咸若登春臺躋壽域而後可同樂也猗歟
盛哉 上是日閱唐史至太宗與張元素語隋主有
好專之失親灑宸翰以寄其思推廣當時太宗爲治
之意語臣等曰吾行有不迨卽時奏無隱故書此以
賜卿臣觀謹捧頌謝無任感激伏書於下八月十六

味五

六

日中大夫秘書監丞兼左諫議臣曾觀記 曾氏觀
印 有五雲生 林宗周印 二記 竹嬾曰按隆
興乃孝宗年號重華旣受內禪力行孝道令宮中遍
習太上書此爲孝宗手筆無疑也而謬者題爲思陵
余又曾見友人吳公甫收一卷目爲思陵雪賦中有
構字皆作闕筆以思陵諱避故避其嫌名則亦非思
陵書矣胸中無古今漫從書畫賈口皮轉換何處得
隻眼分耶三歎三歎

二日手摩趙文敏小楷閑邪公家傳覺其用筆瑩朗與
褚河南排口樂毅論相類閑邪公者故元兩浙轉運
使李秉彝也歷官有剛介惠績傳稱有人求吏以東

坡穎濱二先生手寫奏議三十冊賂之不受曰凡天
下罕有物人所不能得者我獨得之鮮不爲禍以戒
子孫余以爲此說非也先賢手墨雖是絕代瓌寶不
當與珠玉同例士人視之猶其祖先之物卽貧甚當
竭力購之又如釋子遇佛菩薩遺跡自當不恤隨腦
爲之擁護用特以爲賂則不可受耳二先生天才卓
逸計不能耐煩作下學功夫而手抄至三十冊之多
宜其成就益復遠大二先生點畫片楮尺縑俱享重
價而累裘之厚如此眞令人涎出恨不作蠹魚遊其
中也有盧熊隸書一跋 趙公書追軼魏晉小楷尤
稱第一此卷當與阡表同時清勁雅正乃其得意書

味五

七

也李公之政事得此筆翰足爲不朽矣楊子綸以先
人所藏謁余請識其後想念今昔爲之慨然范陽盧
熊與金華宋璠樂陵張伯誠華亭朱孟辨鄞史靖可
同爲中書舍人 洪武十一年春二月閱於翰林院
之東署

三日閱伯遠所藏沈石田秋山訪隱圖長卷淺絳色疏
辣有味文徵仲一詩 蘭橈十里下橫塘漫漫風搖
鬢影涼野水秋來寒玉淨碧山西去暮雲長行邊黃
暖禾棲畝眼底紅酣樹飽霜飛盡落霞新月上空江
渺渺白蘋香嘉靖丙午秋日郭西泛舟至楞伽寺偶
見石田先生秋山訪隱圖漫題以寄興耳 徵明

安邑趙儕鶴先生刻笑贊一書以諸謔寓感憤之意每引笑話一則輒以數語附之以寄岳石帆又系以贊名笑贊贊屬余題語余漫應之題云偶與佛者步至一寺門見大比丘偃坐哆頤而笑余曰何居佛者曰此彌勒乃當來治世者曰何笑曰彼見世界中種種笑具余又摩挲其腹曰胡便便是曰處此世界須是大著肚容他笑具曰現在佛不笑當來佛卻笑何居曰當來處局外故眼明種種笑具瞞渠半點不得又腸冷怒機不受觸觸著便成嘻笑去余曰有是哉子莫曾讀笑贊贊來

四日諸生之老蒼頭持朱西村高梧篠石一小幘來閱

味五

筆法疎淡類王舍人孟端此老高節雅尚與張靖之黃門許雲村給諫爲徒步泉石之交未嘗輕與人落筆此尤其簡逸可貴者也自題絕句云高梧滴露淨涓涓杜若洲空碧篠煙猶憶西亭夜方半月明孤鶴傍人眠西村朱朴元素 又姚公雲東竹枝瀟灑可數題云 種竹多近水取竿會釣魚客來知姓字節下亦堪書丹邱 又雲東做張伯雨行書一絕句 一榻高明爽氣添樓居疑似駕銀蟾參差臺殿玲瓏樹不滿南風八尺簾

五日

六日漫作一小圖稍用米法而簡澹題句云煙瀟一

溪暮滄波六月寒不須尋釣伴獨自過橋看

七日自六月六日雨至是纔有小雨秋海棠大半成枯

八日大風雨暑頓掃

九日雨竟日

十日霽秋字澄曠汀蘭復作一番花清遠幽馥挹之不盡鄰有盲媪吳人也雅善絲竹呼之攜四絃與洞簫至所供皆盛唐諸公律絕與花閒草堂小令淡雅冷冷一洗閭閻葷酪之氣 媪姓胡其夫亦善琴阮

十一日爲僧蘊空書法苑提綱扁

十二日

味五

十三日爲三塔僧公治作修塔募緣疏用筆窠大書塔緣起有元黃潛撰碑記周伯琦書篆可據郡城西五里爲景德禪寺寺濱白龍潭相傳有龍伏其下波濤渺瀰舟楫往往震驚僧行雲者負土填之不計歲月潭遂滅殺每風雨輒吐白光三道行雲又募建磚塔如其數以應之而祠龍於其旁後雷之應濟侯光乃歛戢有宋思陵手書救藏寺中余幼曾展閱今救已歸豪姓矣塔之下餘艘如織年久塔漸剝落故公治發念新之疏云 四大各居不相入涉風火蕩空終鮮根葉蹠實遊虛水土浸滅野黎塊處斥鹵廣業介鱗淵潭崩岸善齒各侈厥封啟疆毀孽我佛悲智調

御萬靈建幢推魔叱彼旁生匪私橫目宏法在人吾
郡澤國蟻繩與鄰爰起三峴煜互青冥赫嗟神物莫
之敢嬰有大導師芘勅行雲負石擲礫以實漪淪怪
景鏗滅利勢峻嶺數倅所吐擁蔽千春飛隄梭織牽
綆刃糜鐵石失堅甃寧負屬高者或夷卓者或曳若
彼偃旗敵侮倚禦不創孰開不踵焉繼敢告大心整
斯頽弊仗三寶光久屬緇裔以視行雲微力去誓涓
竭填廣豈讓精衛元祐歲腹素猿月尾列區受縉勝
事伊始借居士筆寫比邱語

十四日婁江山人陸鳳錫浪以書畫詩三者遊江湖閒
以長卷乞題漫應一絕 柬之禊帖臨摹到揮灑機

味五

雲妙絕詩更有閒情付磴礪尺縑寫出探微獅

十五日

十六日譚孟恂假觀攜李英華乃朱輪漢翔所選吾郡
人詩自元季陳秀民至成化閒周澤凡九十三人無
一秀句知名者八人 貝項字廷珩 釋衍字道原

釋金字西白 鮑恂字仲孚 周鼎字伯器 張

寧字靖之 姚綬字公綬 懷悅字用和 名姓稍

晦而別號有味似多隱操者九人 朱繩字仲綱號

古庵洪武初由人材起 陳繹字思文號如醉 程

本立字原道號巽隱老人 姚綸字允言號夢草

張振字孟起號植蘭 陳顥字漢昭號竹鄰 范俊

字廷秀號菊鄰 馮驩字宗德號松雲 季潘字廷
用號櫟庵

十七日興善寺僧道敷字覺明精嚴寺僧文貞字蓮生
雪竇寺僧智證字生明來見出詩一編乞敘皆秋潭
舫公門人也

十八日門人徐節之以所藏畫軸來閱有文徵仲小幅
粗筆山水極有逸韻蓋做子久而超放者草書一絕
云短策輕鞋爛漫遊暮春時節水西頭日長深樹青
幃合雨過遙山碧玉流 上方王酉室亦題一絕

樹色春來秀山容雨後明閒遊命倚侶無限五湖情
穀祥 又徵仲青綠大幅一軸作雙松疊嶂二道

味五

者踞石對話題云 天風縹緲約飛泉千尺晴虹拂

紫煙疑有仙宮琪樹裏隔溪遙望水晶簾 文文水

小景乾筆無暈淡極瀟灑自題云松陰覆水野雲平

白鷺磯頭一棹橫酒醒詩成風亦起空江落日暮潮

生 文嘉 陸叔平雨景空濛虛廓濃煙中似聞水

聲得南宮家法而兼有大癡黃鶴者節之尊人春門

公會以見借留二月而取去懷之十年矣今又重見

如逢故人也自題云 雲雷屯未解鬱勃滿江湖路

自潮平斷山從入雨無荒簷雞鳴寂空谷嘯猿孤門

外行踪絕清溪長綠蕪包山陸治 題者又二人

楓林映天遠草蔓閉門深砌亦朱華冒簾常綠薛侵

園香三夜雨雁過一城砧已畏洞庭晚休添幾客吟
林屋蔡羽 踏踏山光畫不開冥冥溪雨水生苔寂
參草閣經過斷忽有幽人笠屐來 穀祥

十九日項孟璜乞詩畫壽其岳陸澹園水部余爲寫松
泉芝壑圖而系以一律云雨泄金芝滿石徑松泉一
派濕青冥入雲遍試朱藤杖涉磻俄逢白玉扇香案
侍宸會抱犢關門迎氣或傳經漢廷簪笏如天上只
有東方是歲星

二十日項于蕃引一人持畫軸來多姚雲東草書率皆
平調有倪迂竹石一幀甚有逸韻老樹一身並擢二
榦自相蔽虧態度欲絕石用扁筆如水拖就圓頂削

味五

踵於倪法中又一變也自題云 篝燈共聽蕭蕭雨
時節催花二月過翠竹喬柯渾漫興研山忽覺薛文
多

二十一日

二十二日雨宿石林方丈元樸長老命寫竹石寫已併
賦以發一笑是夕德上人誠藏主賓講師同集倪瓚

題者三人 承塵賦鵬已多年雨木霜筠共悄然

昨日不堪江上過數聲鄰笛寺門前 雙鶴軒人元

德 林石蕭蕭聽雨時爲摹清閣閣前枝倪迂仙去

今何在東海投竿掣巨鱗 翠屏道人德卿 清詩

蕭散疎仍密淡墨淋漓瘦更腴三絕真能入三昧令

人相對憶倪迂 每得雲林小景蓋未嘗不佳此紙
尤其得意筆也非得荆關肯綮者能之乎 堯卿
是夕同姚羅浮岳石帆沈甥伯遠集項孟璜第酒榼
中有鮮瓊瓊葡萄云項于蕃尊人景星公爲大同戎
幕于蕃往省帶種回植之庭中茂甚石帆曰極北之
菓來此東南亦地氣轉易耶余曰葡萄性易生博望
後從西域流沙萬里外攜至漢地笑止吳晉之邈耶
眾以爲然

二十三日

二十四日

二十五日治裝同兒子往石佛寺禪堂禮懺薦先慈吳

味五

太孺人辭世已十週矣法主謚公余宿其房熱甚

二十六日開懺寺長老慈航濟公出萬松評唱天童頌
古一百則對參頗有入處敘之爲元移刺耶律楚材

字晉卿法字崇源號湛然居士卽世所稱耶律楚材

也楚材麻律藝數無所不通而能留意宗乘透脫如

此真異人哉

二十七日熱甚夜與禪者藉空談大藏觸問如注亦僧

中之不易得者

二十八日熱甚爲證公書齋扁曰獅子窟作三開士詩

集敘夜放燄口施食

二十九日飯罷登雪舫中刻抵家以仁安法師楞伽參

訂疏歸

八月一日暮得雨

二日

三日

四日石夢飛兄弟以湖舫邀余因過三教堂僧一初者善藝蘭菊庭下鬱然

五日過項孟璜有客持雙貓睛一顆乃淡黃石一瑰如拇指大上有暈二點週遭外白中黃黃處頗有光能鑑人面而已不見所謂一綫溜射者是亦凡石耳客索價二千爲之一笑

六日

味五

十四

七日歙人胡長卿來以松蘿茗二缶見貽余同兒子過長卿所寓東塔寺僧房主僧賓陽者茶話長卿出前在武林所示鮮于伯機書歸去來辭袁清容詩稿趙子昂手札余忠宣致危太樸書共裝一卷再一展閱又唐子畏潯陽江商女琵琶圖後黃姬水草書樂天琵琶行頗豪壯淋漓 同長卿賓陽步至禪堂又入丈室中瞻新造佛像頗精麗有章審彌勒一尊高尺餘亦古雅

八日爲胡長卿跋鮮于袁趙卷

九日

十日長卿辭去堅以銀星硯一枚爲別背鐫宣和二字

十一日同兒子汎舟往順興橋訪蘊空法師石佛允仲關主暨其徒韻松亦在焉法師出手緝大明釋教策目義門凡八帙披閱大略遵台教所判五時說法之意爲定其前後而每部載其大都讀之則一大藏瞭然得其槩過大藏一覽等書遠甚亦近日義詮之要典也飽伊蒲饌而歸

十二日鍾賈攜示梅道人小幅山水姚丹邱題句云蒼洲老樹碧山前煙水茫茫一釣船不是尋常畫師手東菑莊在朝川邊 晚集外家有歌舞女且張雪澠擅繞梁之伎時淡雲微雨俄而月出皎然

十三日鉏伯谷兩岐三穗四穎昆季以湖舫邀余汎月

味五

十五

十四日

十五日連夕月如晝

十六日有人持萬岳山人鐘鼎款識凡八帙大抵龔薛尙功之舊余所恨未見者趙明誠金石錄耳

十七日余鄰居有楊司理名鐸者幼孤育於俞姓一老儒因冒姓俞名廷讓頗負不檢聲俄舉於鄉人亦陰薄之無與深交者至庚戌年垂六旬矣以今名得第授吉安府司理履任年餘亦無善狀以病乞歸里中杜門不交人事疾勢漸篤至今年七月十四日夜令奴步拜城隍神至鄰人倪姓者之門倪曰汝爲主禱耶竟何益言畢即覺有一人槌其背者闔戶入室遽

病至十八日瀕危謔語曰我倪姓楊家事何與於我
又卽自答云有牌是汝名也又若視牌狀曰倪鐸倪
字係磨洗改筆汝何得賂而妄以我代死耶又若固
爭者數四乃呼妻囑曰我死棺中多置紙筆當辨訴
且慎勿焚我至廿八日我返矣妻竟焚之楊聞薙髮
披緇令人舂輿至東塔寺僧房宿二夕忽驚曰我當
歸矣至廿八日竟卒豈倪人得辨而楊終不能幸脫
耶何其期之符也此一段事置之睽車夷堅中人或
疑有文致今耳目最著如是何疑哉以審實故不遽
書故筆於此

十八日夏賈以一玉瓶來質錢辭之復有人持文徵仲

味五

汀洲細竹圖來閱自題句云睡起西窗竹雨收醉和
殘墨寫滄洲恍然置我扁舟上十里青山一片秋

十九日

二十日

二十一日送陳梅岡封公孫區吳大參入鄉賢祠皆余
作奠文

二十二日

二十三日

二十四日假得項孟璜宋人名畫冊四十二幅一一漫
評之 梁楷圖扇二幅無款 此二幅似梁楷筆前
幅乃樵者行沽後幅有胡僧有白衣居士有飛天神

女當是佛家因果圖之一耳後幅石紋樹樾乃雨瀟
灑 花石獅子二幅無款 宋畫院周照專畫狗又
善作花竹此二幅所寫獅子極瑣瑣髮鬚之態拒霜
秋葵雞冠奕奕生動如江南八九月入野人籬落間
可貴也 馬和之山水圖扇二幅無款 二幅筆意
頗掣有飛白之狀余向見馬和之寫毛詩圖數幅類
此 劉松年以下耆隱二幅無款 此爲劉松年筆
無疑蓮葉閒細魚用筆甚簡而神韻脫出 徽宗戴
勝山鷓鴣有御書小印押字 此道君所寫戴勝山
鷓鴣道君不能留意農桑有愧此羽鷓鴣惟炎方有
之五國城深沙苦雪豈堪念此 蘆雀團扇二幅無

味五

款 黍甘故背爪競用菓濕則羣目睜視物態物情
固然耳 紫白牡丹二幅無款 此是破損大屏幃
翦落 榴房柑子二幅無款 榴房上裂癡柑覆背
垂蒂處擬議之工與天造不隔一髮 馬遠新柳竹
枝二幅有細書臣馬遠畫 上有楊妹子題線擦依
依綠金垂嬾嬾黃後幅兩洗娟娟淨風吹細細香
楊妹子光宗朝宮人性喜圖畫帝得馬遠手蹟輒令
題識此二幅楊葉竹枝婀娜有情態是其所喜者金
垂作今係筆誤紹興閒高宗有乾卦圖書小印此一
印用坤卦乃僭母后章物矣亦見妹子寵橫光宗不
能制也 江村秋涉二幅無款 此二幀院中人步

武營邱而未至者 馬遠海棠遊魚二幅有款 上有楊妹子題月下海棠後幅題魚遊春水 前幅月色花容相為涵澹後幅花片輕鯨皆以簡筆掠取得神者其妙若此元趙松雪有落花遊魚圖本於是也

徽宗海棠黃鸝被翠鳥二幅有御書小印押字

前幅花光葉映中有深居穩占之意後幅蕊端側露蠶股如絲如髮鳥目專注之技入微矣 竹下鬪鶴

鷓二幅無款 鬪鳥搏擊輕毳墮地吹之欲起其黃

居案父子所奏耶 夏圭團扇二幅無款 柳枝魚

罟沙雪征鴻是禹玉入思之作 周儀團扇二幅

有細書周儀畫 周儀喜摹唐畫精工幾及馬遐叔

味五

十五

而老氣不迨後幅寫古人詩句手彈五絃目送飛鴻木謂彈琴手法如飛鴻前去今作轉項引盼殊非其旨 梁楷枯木棲鴉二幅有款 枯槎斷葦氣韻沈厚想其下筆時精魄方在元氣胚臍中未易測也後入宗之如江夏吳偉則惡濁甚矣 夏圭團扇二幅有細書辛未夏圭畫坤寧生辰散付後幅作乙亥此二幅中有夾柄痕乃真紙扇宮人所執者餘無痕者乃圓圖屏幃閒物或後人得古繪素就剪之耳 坤寧節畫院所進必有坐派此稱散付乃隨其意作以給敬付人用耳 海棠梨花二幅無款用采色漬出本徐熙法 芙蓉秋葵二幅有李迪款後幅作李

衷 相去五百年鮮豔生動如許真絕技也 蘇漢

臣嬰兒二幅無款 蘇漢臣寫嬰兒備諸態豈見宣

和君臣荒嬉舉國若孩故激而作此猶唐人作嬰兒

詩以刺嚴武歟 前幅所作覆地者彈碁局也古人

製彈碁用代擊球故彈碁者手中握七擊球者有杖

皆取遞相擊撞以為俊快今人目蹴鞠為擊球目闌

甚為彈碁益兩失之 荷葉斗方二幅無款 一莖

二葉相翻覆豈即漢宮中夜舒荷之類耶

二十五日

二十六日

二十七日哭母舅敬泉吳府君

味五

十六

二十八日周秀巖攜示古名賢畫冊內張僧繇凍泉圖采色與鉛粉堆垛為之極有生韻巖間一線粉痕乃凍溜之垂者又用粉筆作草離離雪岸大都此一家畫法與潑墨同一機杼 又王維關山積雪圖 樹皆森聳寒條刺天用粉筆糝之凄迷滿目余昔以臘月行刑滑閒氣象類此 又趙伯駒金碧小景二幅亦真

晦日景色清凜如初冬

九月朔日遣人賞香往白岳余茹素

二日

三日俱晴暖鄰老周姓者乞詩漫作一律云青鞵綠玉

杖白髮紫綸巾芳草百回步花枝兩頰春怕逢湖海
俠甘作酒家鄰昨得麻姑約桃源可問津

四日寫小景系以句云霜酣樹葉紫江落水痕斑何處
容孤傲空亭鳥正還

五日

六日盛寓庸攜沈石田倣倪雲林竹木小景來閱筆法
過蒼不類自題云燈下秋山影凌亂更兼眼底亦模
糊筆端要得生蒼潤墨法原須入有無是我開簾看
翡翠憑誰作釣拔珊瑚倪迂標致令人想夢入邯鄲
笑轉迂子偶觀倪雲林之筆喜臨于燈下之作也

沈周

味五

七日

八日小雨門人石夢飛寄示黃子久山水一長條境界
頗奇下作五六樹離立樹中俱隱露沙黃小樹中層
二橫嶺交直如門限限內乃作茅茨橋道上層平巒
半雜雲氣款云一峯道人

九日沈山人恆川從閩歸來謁得同年蘇石水書恆川
贈余海鹿蹄筋十挺桂林酒一甌桂林者同安縣村
落名純取荔支肉釀成不用黍米清香甘冽色白如
雪真異品也宗昆養白令同安三年歸對余未嘗言
有此酒官之俗人如是哉因爲拊掌盡醉桂林酒一
名荔枝香

十日夏賈攜視文徵仲畫冊十二葉倣梅花道人又王
晉卿煙江疊嶂圖挂幅俱非真物

十一日

十二日徐節之借觀謝楞山小景筆倣盧浩然精能
之極非復平日所見沓拖者比余有榜仙所臨浩然
草堂十志一卷豈謝於此中得之深耶自題云白髮
休文病未瘳細評詩律在高樓黃花零落青山瘦秋
色於人一樣愁吳門謝時臣詩畫奉汝佩尊兄清覽
十三日同沈翠水亨兒過孫和石昆季出觀張黃門芳
洲公畫李白廬山觀瀑圖筆法用范寬嗟峨磊落有
萬仞剛氣象泉作垂綆一筆直下煙光濛濛中如玉

味五

龍下飲對嶼二長松蒼鬱異常一丈夫軟帽紫衣登
肩轉顧面有酒容非胸吞湖海齒嚼冰雪無此標格
余讀芳洲公集知其淹博好古又平生挺一樹奇節
不苟進取爲吾郡冠冕未聞其繪事之精如此甚可
貴也公手題云 兩臂束蹙肩雙攢仰首挺立如禁
寒平生斗酒百篇興似爲廬瀑吟盤桓江東無人酒
船返黃鶴放歸南道遠絕唱從來和者稀紫煙落日
香鑪晚 清秋時閒痰嗽小愈几案紙筆良具因寫
觀瀑圖于一笑山桂香深處乙卯九月朔日七十翁
張靖之畫并題所惜筆老不佳大非昔比亦事理之
常然者耳 觀題語又似公夙擅此技者何所見之

寥寥也昔有稱公海天落照圖者恨未之覩耳 又
趙仲穆白描黃梁圖自題云舉世通驚夢一場何須
抵死說黃梁煩君切莫煩開口恐惹癡人論短長
句曲外史嘗以炊黃梁圖見索余俗務冗冗殊未及
筆偶因雨夜製此奉寄寓一時之興耳非謂黃老也
幸勿相訝至正丙申中秋日山心齋趙雍書 又戴
文進桃園春曉圖松泉灑落夾岸散筆作桃花極有
逸韻山頂一片用薄赭籠之儼初陽之狀此文進蓄
奇為之者大都此老磅礴神氣雖不及相城當其用
意奇奧亦不減古人 又倪端天順閒錦衣千戶畫
法夏圭一幀作嚴陵釣叟一幀作南陽臥龍雪岩冰

味五

溜清寒之氣逼人亦國朝能手也 又周東村蘆灘

漁父亦佳

十四日得江州父老書

十五日往弔平湖朱令君母夫人之喪午刻至椿樹原

奠宗伯左江夫人夜宿六行港

十六日東南風甚駛午刻抵家

十七日夏買持一冊來閱凡十二葉止馬遠一幅真又

梁楷水牛枯柳雖贗本然甚有韻

十八日小雨

十九日夏老引無錫人持卷軸來有王孟端竹石古木

做柯南宮筆意題者四人 新篁依古木苔蘚綴雲

根共歷冰霜久添滋雨露痕 錦樹山人 海客乘
天風靈槎泊銀渚回望落星灣楚江夜來雨 曾棨
玉倚雲根樹半枯王維遺墨近來無高堂清玩宜
珍重莫比尋常別畫圖 錫山倪維岳 翠鷺盤陀
護薛痕亭亭高出倚寒雲空山零落那堪惜歷盡冰
霜共此君 永樂丁亥十一月望後三日翰林庶吉
士吳興楊勉 又文徵仲雲林煙瀑圖倣子久筆題
云萬仞峯頭掃翠煙古藤疎蔓帶飛泉置身疑在匡
廬下坐對銀河落九天 徵明

二十日

二十一日陰晦小雨時作時止家圃所蒔菊以旱故半

味五

萎令人遍覓無佳者竟闕珊矣 偶閱雜記中述趙
文敏與人書中語云自冠便知讀書屬文中閒不幸
為雜好所分如彈琴繪畫吹簫之事日夜不休爾後
覺吹簫不甚佳最先棄去次知琴之為理甚長而世
俗皆不解於是極意討論既得其說亦棄去不復為
而獨於畫未能忘情而人不知其用心之苦此等語
皆公實歷而得之願獨不及臨池豈不以書法自是
士人本業與讀書屬文為一串事不容以欣厭置其
間耶亭兒於簫琴畫三者俱汎濫懼其雜而不精或
罹魏公之悔節出戒之令其有餘力且以八法自娛
自恣可也余亦因以自勗

二十二日晴購得沈石田學篋書一長幅規模雙井詩
所自作亦惕然醒人名場世局大熱鬧中一杓甘露
也 兔走烏飛疾若馳百年光景似依稀累朝霸業
今何在歷代英雄一局碁禹治九州湯受業秦除六
國漢登基人人欲遂平生志只恐蒼天不順機

二十三日雨沈山人恆川寄奇南香油一兩真安息片
子二兩今年薰燎事已辦明日恰立冬又煖爐會中
一種佳況也

二十四日雨竟日

二十五日晴同史仲純張遐叔步至沈山人家觀籬菊
黃白亦自楚楚過比鄰朱山人山人新結一樓俯眺

味五

五

曠野頗極滌漾之趣余名之曰雲趣樓樓下一小室
甚潔余名之曰紙醉齋山人日夕偃仰其中非作字
繪水墨則披展古人法書名畫終日於紙素閒酣恬
自適故以是名之又唐昭宗時孟益居蜀所作居室
結構奇雅有室四壁與什器皆用金紙糊飾朝夕臨
之晃曜不足謂之金迷紙醉此則非余贈山人意也
山人出觀所蓄李營邱松石釣艇筆法入細古韻可
掬余疑是郭熙又陳白陽米山亦翫鬱題句云晴雲
細細鎖山腰定有仙人未可招行過小橋纔咫尺已
知塵土十分消又白陽益面大狂草一絕奇逸之甚
乃題玫瑰花者云色與香俱賦汀鄉種亦稀鄰家走

兒女錯認是薔薇 又沈石田落花卷作樹三四攢
一老婆婆亂紅間有可憐之色

承幹謹按九月二十五日以後十月二十五日以
前原缺

十月二十五日雨如髮客邵姓者攜元人繪卷來閱子
昂折枝山鳥二幀用墨滄淡漬出如生本徐熙法也
陳仲美小景黛山赭樹四直一款極有氣韻題者三
人 石林雨過晴雲薄溪水春深釣艇閒今日東吳
見圖畫清風猶憶富春山鄧余夢祥 卷盡溪頭水
滿堤維舟只在石橋西花梢清露墮如雨半夜月明
烏亂啼東海嚴恭 陳生落筆超凡俗流派源來得

味五

五

魏公古木蒼崖妙奇絕令人瞻仰憶高風顧瑛題
又王若水雲山題云雲白山青樹碧不費一泓澹墨
何人高掛雲帆界破一江秋色時至正甲申望日若
水爲孤霞子作楚山春曉於行雲窩王淵若水 又
倪雲林入細山水皴法極異兩松樹秀挺可望破麓
閒用筆精緊又作小平坡與細樹掩映聯絡有千巖
萬壑之勢余生平所見迂翁此又一作法也句云狂
風二月獨凭闌青海微茫煙霧閒酒伴提魚來就煮
騎曹問馬只看山汀花柳岸渾無賴飛鳥孤雲相與
還對此持杯竟須飲也知春物易闌珊倪瓚王子春
又盛子昭重汀漁艘近樹四五株勾圈如斷鐵線

石紋山脈如利錐畫堅木用濃墨作株楸小樹佳甚
又姚彥卿桃花織麗可愛題云醉裏春歸尋不得
眼明忽見折枝花向來飛蓋西園夜萬燭高燒照爛
霞鄉先生姚子敬詩為良佐併書於此 又王元章
墨梅纖條層疊花蕊攢簇疎密俱有生氣題云我家
洗硯池頭樹個個花開淡墨痕不要人誇好顏色只
須清氣滿乾坤 王冕元章為良佐作 以上一卷
共八幅王伯穀云往年秦汝立得於華中甫後歸朱
十六在明余凡見其三易主矣

二十六日霧雨

二十七日客攜示沈石田大幅雪蕉圖上有筆集書長

味五

美

律一首王維偶寫雪中蕉一種清寒尚未消前輩風
流思舊觀後生模擬見新標殘黃潦倒留詩跡破綠
離披折扇杓今日蒙翁同澆墨曉窗呵筆費詞招石
田沈周 又石田碧山綠樹傲黃鶴山樵碧山我所
愛綠樹亦可坐誅茆即其地可以謝世過匡牀據白
木把卷時仰臥鳴泉遠屋下啼鳥或一個閉戶却來
敲林選葉自墮未必終南山隱計如此作長洲沈周
又石田除夕小景傲倪雲林夜半鐘聲送酒杯五
人坐暖覺春回一年好景今宵盡八載思親人夢夢
爆竹已憑時序發燈花還傍喜筵開弟兄拚醉莫成
寐明日新正歲又催除夕與才叔德醞二兄守歲

上口占因作小圖得此空方聊為補一首周 又陸
包山關山積雪筆勢雄勁巉險髣髴大癡家法自題
云朔風吹長途立馬不得發積雪暗龍沙雙關鎖雲
闕野燒鐵衣僵寒聲刁斗歇遮莫綠窗人歌鐘待明
月包山陸治

二十八日晴

二十九日大雨偶張樂招客阻者過半

三十日雨稍歇招徐潤卿朱殿卿張嘉林夜半亭兒出
紅魚白磁杯飛五十餘爵頽然竟醉客亦競誇酒味
之美吾家釀法成矣

十一月朔日赴項楚東別駕之招與王穉方孝廉聯席

味五

美

楚東命家樂演玉陽給諫所撰蔡琰胡笳十八拍與
王嬌琵琶出塞凄然悲壯令人有罹苦雪之感夜仍
細雨

二日客攜示文徵仲小景作草堂於半嶺下樹根梢葉
蔓灑灑俱在屋瓦上對崗一松聳直饒古韻自作菴
豆細楷書詞上方近來無奈病淹愁十日廢梳頭避
風簾幙何曾捲悠然處古鼎香浮興至閒書葉几因
來時覆茶甌新涼如水簟紋流六月類清秋盍簪坊
裏人如玉空相憶相見無由最是詩成酒醒月明徐
度南樓右調風入松病中有懷王君祿之填此奉寄
時戊子歲六月八日也越今七年君歸自選曹檢校

得之持來相示而余忘之矣且以舊作小圖俾錄於上而余日益衰老無復當時情致書罷爲之慨然嘉靖甲午四月十四日徵明記

三日雨甚

四日雨

五日雨

六日細雨

七日霽西風甚厲張霄函寄示徐潤卿所藏文太史楷書金剛經精整之極大都鈔銳矜栗純得信本之法題者數人款云嘉靖十年歲次辛卯夏四月廿又五日書於玉蘭堂衡山文徵明友人王中翰以菩薩

味五

天

相現宰官身奉佛至謹晚年構一精舍竹牀蒲椅朝梵暮磬寂如老禪每過余齋頭卽索書金剛般若余辭以非朝夕能竟浴佛日復齋戒臨請至再卽不獲辭因憶蘇文忠書四十二章經趙文敏書度人經及諸品經古人寫經大有功德遂屏居靜室薰沐楷書以塞中翰之請與如來結緣也丙申秋七月朔徵明再識 衡山先生小楷世不多得而是帙金剛經端楷工藝用筆時若有神力所護先生云王中翰請之已久三易寒暄方始書就宜寶之 嘉靖甲寅上巳酉室王穀祥識衡山先生小楷愈妙大書愈大愈奇可謂能兼蔡君謨石延年之所不能兼者也況此金

剛經凡數百言而以垂白之年端坐精楷出規入矩無一筆苟簡則松雪翁之書靈寶經不是過矣孰謂古今人不相及哉 五湖居士陸師道金剛經勝國惟趙吳興最多國朝惟祝京兆最多先太史不多書書必焚香端坐作精楷此本筆法出入羲獻微參以歐虞故瘦不露骨肥不帶肉有不容言之妙王祿之陸之傳跋語鄭重其胸中蓋有真賞云 仲子嘉謹書

八日寒甚

九日寒甚

十日長至陰寒雨冰珠灑竹樹淅淅有聲

味五

天

十一日賀孝延岳季有具湖舫招余泊煙雨樓時河水片段觸舟夕陽射之如碎玉岸柳千樹寒條刺天遊者絕迹余以爲清虛洞朗無踰此時者勝春江夜月多矣

十二日吳興人攜示沈石田畫二軸其一爲荆溪兩山大有氣韻墨樹拖雲飛泉百道箭射而下石競若瀾濺聞水聲題句云雨裏荆溪疊疊山濕雲藏翠有無閒歸來老眼模糊甚水墨還消白日閒長洲沈周又溪山欲曙圖水墨微茫樹頂參差與遙山略辨草亭中一老支頤坦腹想寫暑中蚤起之景亦奇作也題句云長河半落天蒼蒼開門汲井夜欲央雞聲入

語杳無際落月曙色相為光臨風短髮不受握泣露
碧葉微生涼屋頭日出萬事集借取靜境聊徜徉

十三日招朱季長夜坐季長鹽官人善談聽之聲不
倦云昔年海上贅塘之功無如王五江都丞之奇王
名青江西弋陽人由吏員起最精心計初至視塘工
周迴按行久之乃議掘塘內浜渚可通者通為一大
河以達於秦駐山時豪姓沮議者譁然謂外有洪濤
擊撞而內又疏地脈以延之是助海若為虐也公堅
行之不顧既成即山取石者以一舟往來所省輦運
脚費不貲無何塘成其未成時關口即有狂波橫入
得河槽順流而下不至漫漫如曩時所保腴田又不

味五

三

知若何也公後晉秩運同移治寶應河歿於工所詔
贈行太僕少卿又言鄉人馬曜武者以壬午鄉薦授
棊江令棊與播接壤先是播酋楊應龍桀驁不恭又
肆虐所隸五司七姓之人朝廷深督過之至繫重慶
府獄逸歸五司七姓益逃竄遠棊江而居朝議復奪
其人使不隸五司應龍益怒一夕率兵盡屠棊江城
外之人積屍蹈而登城應龍直入縣據令公座曜武
已匿覆釘下索而得之出與敘賓主驩然曰無恐吾
有所託吾非反者自誅畔奴耳煩公於督府一作證
明令我得安故疆當重有以報因索質子曜武以妻
舅之子為子而以舅許生護行曜武得與妻孥潛歸

窟地以居俄勦播之議決而許生父子併命曜武亦
死窟中初許生偽作庠生衣巾庭謁郡邑大夫猖狂
作姦為人所持不得已挈子依曜武不意竟代曜武
死而曜武偷生僅一二年如穴鼠壤狐亦可嗤憫矣
十四日莫聖瑞來攜示陸包山湖石水仙散筆草草極
有逸韻題句云煖吹羅袖玉生春綽態臨風浴露新
若非洛水雲中見疑是襄王夢裏人叔平 又謝時
臣溪樹漁刀做吳仲圭而稍欠淹潤耳題云水月暎
汀沙漁人發棹歌悠悠江海調清廟失雲和

十五日

十六日

味五

三

十七日
十八日買舟往武林夜泊石門之東柵
十九日暮抵松毛場既泊聽篷背浙瀝聲甚愁其雨
二十日曉起霜濃如雪山日曠瞳出薄雲中俄而大霽
呼肩輿至昭慶寓樓暫憩無事為章廷綸題所畫松
攫拳羅刹臂灑浙老龍鬚怪麗天應託孤撐鬼亦噓
半空穿日脇當瀑碾雷車獨上徂徠頂摩挲口太虛
二十一日出謁王岵雲觀察楊致吾驛憲午後二公來
報謁
二十二日購得宋板大戴禮一帙四本有楊君謙都玄
敬文承壽收藏印記又購宋景祐名劄一通書法類

柳而尖薄處似蔡卞中書劄子戶部侍郎知河陽軍
范雍奏臣昨知永興軍體量得前資寄住官員頗多
子弟輩不務肯構唯恣嘲詈輕薄鬪諜詞訟自來累
有條約與諸處不同有過犯情理重者並奏聽敕裁
然終難峻革蓋由別無學校勵業之所是致輕悍成
風臣到任後奏乞建置府學兼賜得九經書差官主
管每日講授據本府分折卽今現本府及諸州脩業
進士一百三十七人在學關中風俗稍變益文理見
是權節度掌書記陳論管句欲乞特降敕命指揮下
本府管句官員令常切遵守所立規繩不得墮廢候
敕旨右奉聖旨依奏劄付永興軍准此者景祐二年

味五

十一月宣德郎試祕書省校書郎權節度掌書記管
句府學陳論立竹懶曰宋法多濫官一官滿未離任
一官已候代又有一官續至所云前資寄住官也
覓肩輿至六橋鬻古項老已物化矣爲之悵然者久
之

二十三日爲章廷綸作越游稿敘午拜楓山蔡將軍夜
赴王觀察楊驛憲招飲玉蓮亭同坐者姚養谷黃門
養白伯兄

二十四日蔡將軍具湖舫邀余酒味甚佳夜登湖心亭
將軍縱談瓊海事令人有萬里之想

二十五日蜀僧參益號峨媚雪貧者投余詩卷并所著

楞嚴法華二經直指與十漸春秋要余題語余偶出
不遇攜其書歸爲後期方樵逸來攜示陳道復山水
頗似徐賁從販墨者方生購得沈石田闊幅赭山碧
樹極有氣格上系二絕紀一時耳於畫無涉也滿城
風雨重陽句今日端陽雨滿家把酒且因時節醉湖
田無穉亂鳴蛙湖田無穉亂鳴蛙未見吾生底是涯
白髮把書聊訓子生涯如此悔農家端午日雨作蓋
承前月積陰湖田浩然一浸強與承恩張先生小酌
破時而農計縈懷殊無樂地酒半乃形詩二絕觀此
可知老況甲寅沈周 又購得文休承桃花春水靑
綠趙文敏絕佳品也題句云靑山縹渺白雲迷綠樹

味五

陰陰曲澗西雞犬千村斜照裏桃花何異武陵溪壬
戌春日茂苑文嘉寫 從寶雲僧房購得龍井翠靑
茗大小二甌此絕不易得者俟歸以惠山水潑之應
不負耽茶種性也計水仙已芽梅已口顛矣午後買
舟解維行五十餘里泊唐樓

二十六日雞鳴解維飯於石門抵家街鼓動矣

二十七日

二十八日吳雅竹以王叔明秋林讀書圖來玩不真

二十九日

上二月朔日

二日送岳青門年伯葬於姚家蕩

三日

四日孫三郎弘弼者圖小景信筆題一律茅堂深樹裏
來往洽幽期路窄綠山轉橋平貼岸垂渚花沾雨展
林葉墮秋帷近得天台信松栽正可移

五日

六日震澤門生施孟嘉來貽余扁桶味甚佳

七日

八日夏賈復持文徵仲秋林曳杖圖來質銀余不見此
畫凡三越歲矣開軸諦視如重遊勝境不覺留連太
息

九日夏賈又攜示沈石田長松高士圖綾地蒼筆做子

味五

久題句云高松陰下清於水遠嶂青邊淡映秋滿地
夕陽談不倦疎髯風動雪颼颼

十日

十一日周公美以所善伎楊素婉作柳枝詞求跋中一
聯云自家飛絮猶無定那有長條解絆人思亦微婉
公美之郎字九倩者少年納一妾大徵詩以鳴得意
余亦勉作小豔詩以應之曉來呵鏡暖成雲眉翠鋪
舒已十分不用更描檀子暈笑渦滴滴向夫君春宵
懶聽白圓歌若個情慳若個多穩約胸前萱草帶任
他蝴蝶上裙羅書籤挑撥芙蓉粉燭燼研和翡翠煤
莫笑儒家少攢簇十眉圖樣刻新開箋香不獨擬康

成口說毛詩調侍人今日郎君初舉眼櫻桃花下其

吹笙桃根桃葉解連株萬樹春紅總不如橫出一枝
今入手共開笑口莫躊躇吹笙纔罷又橫簫彷彿聞
呼賽小喬一字不曾經曲誤眼波何事潑人嬌

十二日

十三日

十四日出謁嵯臺楊君公名鶴楚人袁中郎社中友也
為人灑灑好接詞流大索郡中諸名家誌乘而去觀
風校諸人亭兒居首極加褒譽

十五日集徐元仗南州書院款延評魯雅存同年

十六日歛人吳長卿來出觀宋劉貫道渡水羅漢頗極

味五

奇詭

十七日夜亥時亭兒側室舉第二孫 癸丑 乙丑

庚子 丁亥

十八日往王店奠繼泉宗伯過玄白兄不遇歸時街鼓

動矣

十九日

二十日雪雨

二十一日大雨竟日

二十二日

二十三日

二十四日陰雨

二十五日稍霽夜大雷雨

二十六日雨

二十七日陰寒有客攜示王叔明長幅小景高松曲澗
仙者三四人盤桓徙倚叢薄中隱一鹿橋址一鶴延
頸急流遶石閒如有灑灑聲秀雅之作也款云至大
甲辰春余為荆溪之遊舟行九里湖時雨初霽而煙
靄空濛尙未開朗諸山濕翠欲流真奇觀也歸就山
房想像以寄興耳黃鶴山樵王蒙畫 姚雲東題一
律云雅勝城南訓阿符清幽絕似輞川圖松閒更不
容三友花下還應借一壺淨綠染衣行處有空青排
闥望中孤少陵仙者詩長在亭上豪吟儘自娛 右

味五

三六

為玉雪賢公子追和鹿冠老人之作乙未五月大雲

姚綬

二十八日歛人吳雅竹以趙文敏行書莊生說劍篇求
跋余漫應之云趙文敏行楷本宗虞永興而補思陵
故圓熟穩密最為蹈規繩者所喜然諦觀波掠間不
無蘭亭用意處宜其傑然自命而人亦競以山陰的
系推之想其得妙於獨孤本為不淺也此創說正堪
咀味當知余非臆論耳 雅竹又以文衡山千巖競
秀與江山積雪二圖求評騰皆贗本也又侯夷門懋
功秋山圖粗筆草草甚有子久風氣余披閱再三雅
竹因質銀去

二十九日

三十日霽除夕燎松盆時春波里人皆見河面浮物首
大如栲栳身長七八丈纖尾蜿蜒從北往南迅逝而
水波不為余曰此螿蟬得鼓聲震動之聲而出遊耳

味五

三七

味水軒日記卷五

味水軒日記卷六

明秀水李日華著

萬曆四十二年甲寅歲春正月一日晴霽率婦子拜家慶家君欣然舉余之觴室人久卧疾至是洗沐副筭特未能拜起耳昨寐至五更夢與人數四昇余登山轉轉益高至絕頂俯視江海山皆赤崖翠壁光景異常一石巖上刊字云天下奇絕處大丈餘旁復題小字云襄陽米元章曾到此余自入冬督賦獲理租稅外應冠蓋車馬之交汨汨無片刻暇而忽做清夢如是豈列子夢醒苦樂相質之說果驗乎抑余外庸與中堅固自有異也

味六

嘉業堂校刊

二日

三日

四日為蘊空上人書義天標旨扁

五日平湖養白兄來夜坐寫樹齋轟飲大醉

六日至漏澤寺晤典藏僧省宗得萬松老人從容錄

林泉老人空谷集虛堂集園晤禪師碧岩集萬松老人請益錄五家綱宗盡是矣

七日沈怡南從膠萊回貽余鱈魚鯪魚針魚三種鱸皆奇品也

八日

九日

過范長康出觀韓逢禧手臨楊羲黃素內景黃庭

經逢禧父宗伯敬塘公收藏真蹟甚富此蹟研摩最久故得其彷彿云

十日

十一日戴給諫春樛公之曾孫樛負笈來從亨兒遊
十二日朱季長來貽我澉川志一帙宋寶祐間里人常棠集唐開元五年張廷珪奏置澉水鎮宋時置澉浦水軍又置澉浦稅場抽海船之貨係鎮官兼職嘉定四十年朱俯修鹽場得舊額有騎都尉監澉浦鎮稅兼鮑郎鹽大觀二年重修字朱俯以前卻以鮑郎鹽場兼澉鎮稅煙火公事繫衝此地宋時有軍有民有商有甯番然雜居而鹽稅皆國用所倚水軍又海道所切張官置吏蕭為巨鎮今則海邊一孤壘而已

味六

二

海門寺大悲閣舊貯藏經兩函萬餘卷其字卷卷相同殆類一手其紙幅幅有紅印曰金粟山藏經紙間有元豐年號五百年物矣其紙內外皆蠟無紋理與倭紙相類造法今已不傳想即古所謂白麻者也當時澉鎮通番或買自倭國而加蠟數日漸被入盜去四十年而殆盡今無矣金粟山即在澉城南十二里有金粟寺紙即此山所造有宋時監鎮趙潛夫作弦風亭詩甚有思致怪他蟹舍蠟房地不是吟情住亦難數尺短牆圍畫寂半鉤疎箔障春寒水生草滿蛙鳴合日薄花陰鶴夢安底處青衫病司馬浩歌

東望取琴彈

十三日微雪

十四日吳雅竹以黃大癡松谿草亭小景來質銀此畫
壬子年余於武林寓樓借觀者累月知其筆法蒼古
疎宕斷不出俗手但非子久真物耳款印俱偽 又
出觀沈石田山水長卷仿梅道人題云余早以繪事
為戲中以為累今年六十眼花手顛把筆不能細運
運輒若思生至大山長谷喬木片石揮墨淋漓心爽
神逸自不覺其勞矣此卷於西山回途中拈紙且寫
且行風淡波平蕩舟如坐屋底抵家卷遂成因題其
後長洲沈周 夜集吳貞所萍居齋舫貞所自號無

味六

著居士以鄉薦授蘭陽令致政歸即勅斷家事以畫
舫遊江湖閒遇賓客雅集令家僮度新聲或演劇以
佐歡笑超然自得所謂蜉蝣遊天地之間不嬰世之網
羅者也余為作萍居記略曰先生曰我舟東不至海
東南不至錢塘西不至震澤西北不至揚子周回六
百餘里平波如鏡曲流如帶無不可涉入是故有沿
溯之樂而無掀播之憂吾蚤春探梅於杭之西溪蘇
之光福中春薦櫻桃嘗燕筍於常之荆溪潤之北固
春夏之交摘茗煮泉於錫之慧麓茗之碧浪秋則松
陵之霜楓冬則臯亭之雪巖一境之勝一候之奇赴
之如脫弦之矢迨其既倦掩篷振舵端坐而返乎敝

廬故我常有轉移適物之權而無匏繫株守不及物
之歎登我舟者非天放高流則澤居曠士非豪於詩
則擅於奕非縱於酒則狂於歌左右使令之人非魯
望之樵青則子美之阿段非標情盼之姿則奏竊渺
之響花觚酒榼琴筑笙竽與書卷筆牀共載蓋我舟
之裝視鳴夷適齊之賞則萬不能一以較元貞鈞具
不啻奢矣誠得嵇阮蘇黃之賓呼鷗狎鷺相與枕藉
風騷拍浮煙月固無日不即官無夜不赤壁也

十五日次孫彌月簪髮家君名之曰丑孫

十六日

十七日

味六

十八日同賀伯閻賀泰生燕陸太和明府於天寧寺泰
生云五臺山雲深處有肉菓本樹生僧食之味如肉
若竊懷下山即腐爛又云終南山盤互處往往數日
無人煙但前遊者每於岩石上鑿坎折松枝燎火每
過者必擲一松枝得火不斷以供往來者炊食

十九日

二十日

二十一日亭兒沈倩伯遠讀書譚梁生水香居余送往
梅花已狼藉齊菜可挑從此春事日拍拍矣

二十二日雨

二十三日細暮頰井蘭亭見其入微處輒題數語云細

筋入骨如秋鷹言其道緊銳利也物之有筋所以束骨而運關節肉不得此則癡骨不得此則悍凡所為柔調血脈令牽掣生態者胥筋之用耳今人有終老學書而不得一筋者煉形家云使骨成瓊子腸化為筋乃有冲舉之望所謂腸化筋者正是汰盡滓濁耳定武骨勝褚摹姿勝此獨以筋勝凡書偏骨者神未洽偏姿者肌有餘也

二十四日雨雪陳生慵字衛伯執贄來稱畫弟子辭不可勉受之

二十五日細雨竟日

二十六日集沈子廣可月軒

味六

二十七日雨甚

二十八日為羽士王玉陽題募置道藏冊作學集大書

二十九日雨

二月一日霽盆蘭香氣逆鼻

二日

三日為蔡楓山將軍圖山水冊又和其自壽詩二律仍次韻多君雄略冠清時組練爭明五色絲橫海威名誇靖虜磨崖文藻更憑誰春風細柳登壇話朔雪寒蘆出塞詩今日西湖開甲帳飛來山翠滿軒墀鸞鶴原隨貔虎臣風雷常送佩符身一編黃石封侯券三尺青萍答主恩幕府霜清飛羽斷錦堂花暖雅歌頻

斯王蹤跡湖山畔領取高標揖古人

四日太倉陸生來極言湘中山水之佳袖出一卷子昂行書士衡文賦云乃梁溪徐麟卿家舊物有諸跋子昂書士衡文賦曲盡變態詞之妙固有以發之亦未嘗不資乎字之妙而交相發也松江普照乃士衡故宅聞師其緹襲善藏傳之無窮焉丁未重陽前三日陵陽叟牟嶸書 余老且賤獨不幸得文名遂來華亭每過士衡故宅恨不起千載而商之碧溪上人出子昂所書文賦示予人患不游心秦漢以上士衡所賦固猶在叮咛中耶子昂當一笑也句章任士林 二王死後久無人文賦書來筆法存深得晉人波撇

味六

意風流氣象見王孫洛陽俞焯題 右松雪翁文賦

精妙無容贅言乃余家舊藏物也別去二十餘年無日不在懸想今得于子舜凝香閣再見恍若隔世事子舜好古博雅最所珍重此卷其得所矣吾何憾焉嘉靖壬寅冬暮白陽山人陳道復 趙文敏公嘗云結字因時相傳用筆千古不易書法雖以用筆為上而結字亦須用工右公所書文賦結字用筆無不精到蓋得意書也公書初學孟法師碑晚學李北海而皆過之此賦雖無歲月要為中年書無疑昔胡汲仲謂子昂書上下三百年縱橫一萬里舉無此書非過論也嘉靖丙辰七月七日文徵明跋

五日

六日

七日過譚梁生水香居櫻桃大花

八日慧山僧解如持畫軸來索題云其友勤如上人將行脚而乞人詩畫以實行李者余漫應之衲子芒鞋處處山何須更覘畫層巒煙雲要觸卷舒手泉瀨教生點畫端密意草頭參已遍常光沙界悉令含清涼一冰窟峨嵋雪莫厭巉巖路百盤 又出陳白陽益面大草書太白宮詞少年行乞跋雄快歷落想當年旭素正應爾今人重古蔑今留五百年後酬善價竹嬾題 又宋時南唐貢硯一枚具三眼紫潤發墨

味六

七

九日招鈕心雲父子夜坐鈕伯谷譚其鄰人靜村王翁者少遊膠序頗有聲後棄去敦隱操自十五六時手植一梅于庭旦暮翦拂之今柯樾橫覆一亭下可張五六燕几春時敷十萬花香浮滿座翁每旦持竿坐樹下自護鳥雀花時開門縱客入玩有雅士翁即具精茗醕醞盡日欵洽不厭自號梅花驛今年八十餘而終人曰翁胡不大徵梅詠或繪成卷軸侈盛事乎翁蹙額曰若是又為梅花作瘡痍也人聞而彌高之十日陳衛伯來出所藏畫軸展閱盡二十餘幅悟時史之謬因與衛伯約俟余所製雪舫成當相攜共泛遇沙水雲林老樹槎枒崩崖岬岬處且盡意寫之不必

成幅較筆即投匣中所寫多自得其曲折凡寫山水

不難難於寫樹寫奇怪者一株兩株成以漸增至四五七八而後寫重柯交樾雖數十層自然奔湊筆下矣今蘇松一派謬習皆由不知寫樹草草攢簇或亂如蓬茅或枯如其梗或淺植危聳狀如瓦松縱有山骨亦被堆擁豈成畫哉此法余于子久真蹟中悟來非浪語也王摩詰畫祖也其詩曰一邑佳山水樹樹畫不成夫樹以畫不成為奇則畫成以奇樹生色可知矣

十一日從馮霞巖請書小楷金剛經一分

十二日過沈子廣庭梅四五樹未殘水仙幽蘭競吐適

味六

八

松客沈仰松者至縱譚吳中新事相與引滿大噱別去月出矣

十三日

十四日閱客朱長文貽我古虞徐伯鷹落花詩九十首檢其佳句有開日肯緣傳詔發流時偏與避秦通已見帝魂飛怨淚空懷人面笑春風佛國誰曾現優鉢仙城空自說芙蓉不堪少女枝頭別盡向空王國裏逢紅情綠意真無賴觸忤詩人到酒缸五風十雨渾常事一刻千金歎已非斷腸淚滿胭脂井經眼看峽蝶圖深逕無人紅自滿春山過雨鳥空啼錦綃亂綴秋千索香豔還留燕子釵如逢浪蕊應相惜若遇

浮萍欲定交瓊蕊藉中稱謫吏紫萍圖上寄浮家紅
隨燕嘴歸菱井香逐經聲到石牀祇恐夜遊燒燭短
故來吟席引杯長鶯語百般如訴恨遊絲千丈似牽
情桃根水漲迷前渡玉樹歌殘冷後庭一自仙人歸
閨苑更無妖夢到羅浮因思古人妙句白樂天有枝
上三分落園中一寸深宋莒公有泪臉補痕勞懶髓
舞鸞收影慘鴛腸宋景文有將飛故作回風舞已落
猶成半面妝沈石田有縱使金錢高北斗難饒風雨
葬西施唐伯虎有收鏡院落雙飛燕細雨樓臺獨轉
鸞休向東風訴恩怨自來春夢不分明又杏子單衫
初脫暖梨花深院自多風又書當無意開孤憤帶有

味六

九

同心縮合歡馮具區先生亦有鬻單不成笑魂斷尙
浮香皆落花譜中餘豔也

十五日細雨偶閱元吳開詩有獲玉印一首引云茅
山道童遇白兔入穴掘之得一玉印乃九老仙都君
印也宋宣和時物詩曰瑤瑛篆刻鎮華陽猶帶宣和
雨露香玉兔有靈開地藏金童無意得天章九重臺
上增春色萬里書中耿夜光喜過明時薦神瑞三君
珍重護宏綱按開闢名全節羽流也元君封為元教
大宗師張伯雨亦師事之其言宋宣和中物必有據
余朝茅君時于提典處玩視此印印文良是山中人
不能言其始人或競傳謂是卞和所泣之玉剖作三

印一為秦璽一為張真人印一為此印者乃齊東野
人之語也

十六日胡雅竹携示王叔明秋山讀書圖下層茂林蕭
疎湖石沙草間一老垂竿對岸一童刺小船中層山
陂凡四五轉當回合處一水閣臨澗草樹豐蔚稍轉
而上一草堂有內人點茶湯草堂外雜樹攢簇又上
皆山岡轉側每轉必點攢葉樹為眉目裏層亦斷續
襍縱作山縹無空缺者對岸峻峭直下至中麓亦有
茅屋四五間多樹攢擁上平臺四五堵筆法茫昧疎
豁時隱時現無刻峭之跡欵云叔明為日章寫文休
承跋其上方 王叔明秋山讀書圖相傳為吳文定

味六

十

公物後為燕京朱太傅所得余神往久矣不知何故
復流江南貞叔以重貲購得之持示余余正小極為
之頓起觀其布景設色大略與巨然林屋圖相類而
一種生動之氣似更過之真最上乘也前人評其畫
云叔明寫就滄溪曲雲景依稀在筆端觀此圖信然
萬麻甲戌閏十二月之八日題於歸來堂中茂苑文
嘉

十七日蘇客持至倪雲林幽窗水閣圖下陂麓雜樹五
株上平遠巒六七層甚有飛動之趣欵云至正辛亥
十月之望延陵倪瓚 又陸天遊小幅山水用筆甚
簡而意趣饒恰妙處全在虛廓中欵云天遊生陸廣

又宋郭熙秋樹野亭無款

十八日胡雅竹又特二卷來求跋其一子昂畫老君像後書清靜經余跋云子昂好書道經每以整栗標勝此卷獨虛和恬澹從容處永風規且燥潤之筆可數而天趣溢出蓋趙楷中絕不易得像亦儼雅猶龍神變阻之自露不煩玉文琅檢寫其相好也 又子昂朱書觀自在真感偈管仲姬畫菩薩象偈云菩薩布施濟貧乏令得安樂度苦惱果報永滅餓鬼趣及得斷除諸煩惱菩薩諦信行佛法度那由他若眾生不求名譽及富貴不染纖毫之欲塵雖住城隍聚落中不求聲聞緣覺證此心為度眾生故我說是名為菩薩

味六

十一

薩菩薩出過於三界斷盡煩惱而現生雖昔受記于佛前此證菩提亦非遠無量盲人不見道無一得入于城郭或生嗔恨或誹謗是人少智墮阿鼻菩薩涅槃即生滅生滅眾生心自迷能發淨心住寂靜名離一切生滅法生滅無二無分別色受想行識皆無不著纖毫無所處是行最上菩提行若菩薩行自寂靜成等正覺證涅槃身苦樂等皆不及行如是行及佛智行己不見如火滅是故名為入涅槃乘大修行度眾生斷眾生界諸邪見大乘之乘不可得乘涅槃往諸方所善友方便令知覺惡友同行及化他若聞此法彼定得過去諸佛成受記偈從般若所生出寶德

波羅蜜證知菩薩若能如是行一切功德能集聚石偈一十二首共四十八句乃觀自在大師託夢盛子轉以授子者其遊天宮事奇怪似屬魔境余不敢承三復偈中語意則皆為余而發大要自檀波羅蜜歸于般若究竟涅槃句蒼旨奧非思地中菩薩所能道也其言體欠輕安即維摩示眾生之意警余深矣敢不齋心拜受是用朱書作我座銘皇慶元年春二月吳興善男子趙孟頫謹識 余跋云子昂夫婦篤信佛道皈依中峰曾于小口築管公樓勸其婦翁修淨業晚歲又作同修庵畫圖傳後留翰墨場作千秋話禡彼皆聰明絕世者盡心大教若是良由夙生植般

味六

十二

若深根世智辨聰悉從此中流出耳此卷感菩薩意生身冥示法要而子昂錄偈仲姬圖形種種光怪照耀閭浮每一展舒如阿閼復見若夫正信不沒而翰墨緣深者其慶快更可知矣

十九日雅竹又尋常熟人持卷軸來看有沈石田長卷溪山雲靄手腕甚辣文徵仲行草題其後云石丈高情點筆間悠然胸次白雲閒憑君莫作元暉看自寫吳門雨後山吳門何處墨淋漓最是西山雨後奇一段勝情誰會得千年摩詰畫中詩當年詩律號精誠晚歲還憐畫掩名世事悠悠誰識得白頭慙愧老門生高人不見沈休文漁子沙頭幾夕暝斷墨殘繚和

淚看碧山千疊鎖愁雲石田先生人品既高文章敏
瞻而學力尤深出其緒餘以供遊戲要非一時庸生
俗匠所能及也先生蚤師叔明子久既而無所不學
皆逼真晚歲得高尚書粉本十三段喜其高雅渾融
氣運生動得米氏父子之趣間有所作不啻過之若
此卷是也是豈可以藝名哉嘉靖乙巳三月十又三
日文徵明題 又石田山茶淺色淡暈極生動題云
應和冒寒過我歲寒村荒無足供玩獨山茶一梢始
花遂圖楮間以永其好云 又米元暉雲山一小幀
未必真然是舊人作陶南村有題句海岳老仙非畫
工自有邱壑藏胸中大兒揮灑亦莫比妙趣止足承

味六

三

家風偶向高堂懸此圖一紙猶費千緡沽自緣絕筆
人間少如此雲山何處無南村叟陶宗儀題

二十日細雨有客持晉唐宋細楷帖來評定末一帖乃
赤城王廟記筆法清整超妙於黃庭樂毅元常諸楷
之外別標勝韻大約于張旭郎官石柱丹陽瘞鶴銘
間斟酌取會或以為薛稷然記文有張乖崖乃宋以
後物也有如此手筆又能于鍾王外自立一家寧有
不名世者意或是蔡君謨黃長曆諸人耳記文節略
錄後真君姓趙名昱灌州人與道士李珣同隱名山
共修大道大業中召為嘉州守嘉州古犍威郡也有
治源二河苦蛟患真君斬之隋末知天下將亂遂隱

去不知所終厥後嘉州江水漲溢忽有神人乘波而
至旌蓋飄揚知為真君也是歲水不為害封為勇大
將軍張乖崖入蜀詣祠虔禱果驗

二十一日夜大雷雨

二十二日過思賢橋城東精舍訪月林燈公公出其手
所書華嚴經一部凡八十一卷一十六函一兆九千
四十八字始萬厯丙午歲訖壬子歲六年而後竣屬
余題後方燈公會參夜臺師別錫五空之號云不久
且入峨眉以老余贈之以詩有碧瞳老作蚍蜉字赤
腳深探虎豹宮之句

二十三日

味六

十四

二十四日寒雨竟日

二十五日霽寒甚

二十六日

二十七日夜集沈倩齋頭

二十八日過相湖弔張氏之喪

二十九日大雨上先塋晦日雨種牡丹一本

三月朔日雨

二日霽

三日作詩賣沈子廣梨花蓮子廣之鄰張姓者有大梨
樹花時團雪萬朵子廣每許予折一枝為瓶玩凡三
年竟不至詩曰高人近隔水雲阿坐起南窗睡夢多

風雨幾番晴幾日梨花消息竟如何

四日

五日同亨兒沈倩戴奎生步至顏氏莊看西府海棠四大樹甚盛值主人出祭掃鎖門不啟僅從牆隙中一窺而已因口占云春郊雨霽展雙眉步入東風錦幃帷不道村深亦家法紅妝只許隔牆窺

六日招陸開仲節推夜坐開仲平湖陸中丞仲鶴仲子也以進士授江西建昌府推官癸丑行取暫回籍今赴部來別因談豫章舊事

七日爲沈倩寫溪山釣意小景題句云石流有激湍溪魚無滿尺釣餌久不施持竿自標格

味六

五

八日寫小景以高麗蘭易溲樹酌子久南宮二家法爲之題句云煙樹不可辨風泉斷還落躍入重雲中簾枝健如鶴

九日過水香居同沈倩戴生亨兒小酌花下時絳桃七八樹如坐霞幔中二鶴翩翩雪羽映其間風景良絕沈倩文思驟進爲之滿引

十日

十一日閱史知鑿板書始於孟蜀毋昭裔昭裔爲蜀宰相好藏書在城都令門人勾中正孫逢吉書文選初學記白氏六帖板行之

十二日過水香居同王鹿柴沈倩亨兒花下小酌高如

晦許仲芳戴奎生步至溪岸刺船來迎余因攜榼至

如晦齋頭俄戴友石亦至相與團坐痛飲月色如畫

如晦又出觀古繪種種樂甚余賦詩留贈兼呈諸子

云碧流初洗盞深柳又停舸各有招攜興何妨其嘯

歌蘭亭羣從在輞水勝遊過月爲今宵好花仍此地

多古圖開雪蘭新築做煙蘿未盡盤桓意重來踏徑

莎如晦出觀古繪二長幅一楮一縑色俱沉古筆

法朴渾層層岡嶺層層作小樹遠沙不留隙地此必

唐以前物如晦指爲巨然荆浩竊謂非也又濮州

蘭亭一本筆韻視定武有異後有古楮題字作當三

錢大云趙子崧觀於廬陵凌波閣伯起伯慈侍歲戊

味六

六

申八月二日

十三日余誕辰適值乙丑諺云生日值本命延壽一紀戚屬率以此相賀

十四日前是衲僧慧悅於普善庵掩關余以語致之云

行脚千雙草履掩關一個蒲團行商坐賈各多般只

要趁文錢且道得錢入手時若何縱橫買斷人間路

處處歌樓聽管絃慧公曰貧道活計不留卓錫地豈

圖攤浪耶余曰如是如是雖然莫將頭角摧藏盡且

與時流作樣看至是悅公託陳衛伯致答語云無欲

無依錢著何處買斷路頭早成鈍滯且道畢竟如何

舉揚舉出杳無人著價爲伊不是世間珍又一偈曰

草鞋繩斷卻歸庵饑即食兮睡即眠一種平懷何處
著半邊鼻孔向誰穿竹懶云莫愁鼻孔爛卻且自救
取雙眉

十五日微雨客有年六十徵詩稱壽者漫應之百番花
下醉六甲數纜周秀骨石般古疎髯松樣虬鶴分栽
藥地僧借泛雲舟別有安期約書來碧海頭

十六日同王鹿柴戴奎生亨兒過沈倩齋居賞牡丹余
有詠侵曉鈎簾處驚為警面逢粉留殘醉薄衣染夜
香濃弄影參差外含情綽約中似因詩句惱脈脈訴
東風

十七日初嘗伏龍新茶有蕭山人乞書大素齋扁留紫
味六

石大墨斗方徑尺者而去

十八日恭遇大行慈聖皇太后哀詔至郡同鄉紳哭臨
於郡治西墀

十九日蚤赴府哭臨小雨

二十日蚤赴府哭臨 胡雅竹攜視趙子昂書文賦行
體類李北海雲麾將軍會稽郝通跋云余素好趙魏
公書宦遊四方得觀真蹟頗多而為子中有者二其

一筆陣圖在都陽周仲玉家其二舞鶴賦有錢惟善
倪元鎮諸賢題識乃錫山張氏家藏物也永樂甲子
奉旨浮海代祠天妃歲晚至莆陽鬱閣中友人陸進
之又出此卷不覺塵慮頓豁憶前二卷雖佳又當退

舍矣八月上澣日會稽後學郝通書 又方方壺松
風江月圖為忻笑隱書陶南村有跋不真 午刻夏
賈貽余柴季通印史石刻小冊一本精甚乃吾郡姚
太史禹門公物也前列子昂敘云印章惟漢晉佳絕
時去古未遠皆用白文筆意精彩至唐用朱文筆法
少廢末后漸為奇巧相尚哀哉程儀父家有寶章二
編此本擇其精粹者集為古印史後載王西室題語
云四明柴氏季通博雅好古攻於字學於篆書尤有
精詣患近世印文之陋往往手自篆刻務台古一日
攜趙文敏印史示余曰茲文敏精蘊也鈔磨則展轉
失真鏤梓則圓融或病我將壽諸貞石以俟同志乃

味六

擇其尤者四十有五種親為摹勒真意躍如刻成復
示余余擊節歎曰嘻非知而好好而樂者其孰能與
於此不亦可以繼文敏之後存漢晉之古正今而傳
後哉余少嘗從事於斯今既昏不能進於是矣聊識
賞鑒云爾嘉靖己未夏四月長洲王穀祥 內有一
印文曰水窗飄樣印世傳王右軍有水窗玉室又
云蘇子由印

二十一日霽

二十二日胡雅竹以唐人青綠山水長卷見示余因攜
至高如晦齋中同玩沙水樹法數十種俱奇後有虞
伯生跋不真有潘履仲文圖書記乃上海潘氏物也

如晦自出觀北宋無欵重林疊嶂掛幅一紙如桑皮
樹法崢嶸森聳細裂節盡露老氣逼人余斷爲荆浩
筆 又馬遠枯柳水牛二妙 又方幅細絹地沙柳
雲山如晦舊題爲燕文貴余斷爲夏圭

二十三日治姑蘇之行夜泊尹山

二十四日泊閶門購得米元章得真樓帖蘇子瞻洋州

西園詩夜雨過吳貞所萍居齋筋管虎邱新茶

二十五日泊虎邱焙茗於周氏浮光樓蘇人張正甫攜
卷軸來看有米元章研山圖跋者十數人張伯雨作
纏絲細字亦佳跋語雜客談不得錄 又王維吳王
避暑宮殿圖不真 又陸包山濶幅山水佳甚 又

味六

九

趙仲穆枯椿睡鳥 又祝枝山行草盤谷序夜招吳
貞所先生長公東白張省庵丈過舫小飲張豫園梅
花酒韻甚佳至醉潑虎邱茗漱嚙是日可謂揚州鶴
矣夜泊盤門

二十六日蚤發東北風甚利舟駛如陣馬午後抵家

二十七日步至水香居櫻桃半紅矣沈倩出陳白陽畫
扇寫山石如馬和之法和之白描人物甚精而樹石
草草見意有六朝風格余見其公子出亡圖與毛詩
幽風圖往往如是

二十八日細雨

二十九日

四月朔日余看宋史自壬子三月二十三日始今歲三
月二十八日止凡二年而後訖功以余汎涉他書頗
多而雜應亦較前歲頗繁故也 莫生攜視謝樗仙
畫靈巖小景長幅甚得子久法與平日沓拖者大不
類題云吳中梅雨開霽樗仙子偕門生孫朝蕭蔡維
清子侄濱採舟歷勝直抵靈岩山之沿太湖採吳王
西施舊蹟如響屨廊採香徑麋鹿臺之荒址高躋琴
臺撫景長嘯肆興遺世之想乃對景彷彿成圖分遺
諸子并系二絕以紀同遊故實云雲落孤峰天氣清
琴臺石壁振衣輕遙瞻林屋涵銀鏡背拂穹窿下玉
笙兩餘岩岫鬱蒼蒼紅粉離宮碧草荒拾得古時金

味六

五

瑟瑟玉人爭看說吳王嘉靖二十載五月二十七日
謝時臣

二日

三日

四日同門人陳衛伯禮白岳治往新安之裝夜泊崇德
舟中跋陝本智永千文聖教序皆衛伯所携也

五日辰刻崇德令程君來顧余以冠服不便辭之饋稟
饋是日作小景長卷題句云虛閣延朝爽風帆趁夕
陰人家隔煙翠沙際露漁生計野人足浮名達者
輕溪山往來慣鷗鳥不相驚晚抵北星關

六日雨從松毛場登陸寓昭慶雲山房後舍項別駕挈

家遊西湖寓此一月矣過訪訛蔡遊我楓山知其出
沈駐昌國衛未回

七日兩午刻稍歇步寺廊觀列肆購得郭熙扶桑曉日
圖一卷題首隸書四大字三橋文彭筆畫法簡古紅
日半吐海波霞氣倒射石壁皆紅樹用鷹爪鉤剔絹
色沉古斷非偽作題者五人 河陽郭熙得妙傳卷
圖流世幾百年各家巨室爭市購重之不啻千萬錢
古人遺墨傳者少今得此畫堪矜憐日輪湧海海水
赤照見九點齊州煙扶桑枝頭雞一唱燭龍吐火紅
欲燃羲和鞭取出陽谷流光倒射金蠅燧三山樓觀
耀人目列岳朵朵青於蓮元氣淋漓曉雲濕彷彿太

味六

三

始鴻濛先鳴騶朝士方待漏隨驢隱者猶自眠憑誰
扶日正黃道鳶魚飛躍歸天淵遊遊八極招飛仙上
窮遼廓下漏泉晴虹晝夜貫白月同汎米家書畫船
黃塵瞬目變桑海坐閱今古如彭佺魯齋許衡題
青山深處有人家十里長洲帶淺沙別是天台好清
景桃花流水赤城霞一髮青山是海邊曉來霞氣滿
晴川不因愛畫聰明到誰識河陽郭氏傳毘陵呂志
學 曬曬旭日上扶桑萬壑千巖被耿光不是河陽
傳畫者今人何處覓滄浪如是翁破學識徐敏學印
素隱岩崖頂開門海日紅朝鮮通閩苑弱水接岷
宮縹緲三山曉高低一鶴風披圖恍神會身世合鴻

濛東吳姚廣孝題於淮南陸彥遠百杏園中 又文
五峯仿六大家方幅小景後又自作一方裝成長卷
內梅花道人黃子久俱逼真王叔明翠山紅樹湖心
轟起大石一座透空玲瓏一水閣即構其下筆法渲
染大類錢舜舉山水巨然一幅用渴筆兩崖合處一
橋橫截而小艇出其下趣亦奇變高房山倪雲林俱
肖本色

八日霽肩輿至天竺進香午至飛來峰冷泉亭觀新瀑
歸徑六橋頂老肆中檢所遺畫片好者多被人取去
有王叔明桐陰高士圖長卷為倪雲林作者布置細
密山水樹石各踞其勝雖係後人臨筆然可念也

味六

三

九日謁王岵雲憲長乞一牌護行即午登舟行四十里
泊餘杭水次是日舟中戲作米山一小幅與衛伯商
略山水遠近分合聚散之理頗得其解
十日辰刻餘杭令戴君來願饋廩餼余報謁於苕溪公
館已刻始登陸行四十五里至臨安駐察院行司臨
安令霍君來願饋廩餼余報謁於縣署俄簿尉俱來
謁
十一日西行六十里至於潛宿寂照寺於潛令徐君以
疾辭令人饋廩餼主僧筠坡者出應客云此寺曾經
坡公流寓余同年岳石梁太守書坡公扁贈之又留
題五言律一首因次其韻和之一徑雨初霽千峰翠

色新拂衣雲墮地理策馬驚塵古寺開蒼峽高軒傲
緣筠道人指點處語語自天真

十二日霽行四十里至昌化駐治平寺昌化令康君來
顧饋糜餼晚又以酒至主僧號敬字者體腴而貌恭
夜話頗浹

十三日行三十里至手挖飯於旅舍過老竹嶺夜宿嶺
脚

十四日薄暮抵徽州住河西橋巴舖

十五日令人通徽守洪遜齋余同年又同官豫章司理
相與莫逆交也值其禁客初甚猜拒已令人偵伺知
余親在旅舍始悔責前探者迎余至郡城乾明觀宿

味六

三

焉觀有宋理宗書鳳玉樞之府端勁得顏法遜齋初
約余禮岳回國喪闋乃晤至是仍來顧饋糜餼併通
燕啟余以茹素辭之主者黃冠三兩人汪靜字方文
甫程松雲

十六日肩輿同衛伯行六十里至休寧途中澍雨衣袍
沾濕駐西察院公署休寧令張公來顧饋糜餼一飯
即行二十里至岩脚雨稍霽昏黑抬扱登岩至天門
一鼓矣駐黃庭院陳見宇房余舊寓也相與圍坐飲
數杯而罷

十七日辰刻上殿拈香醮禮畢歸寓坐小閣中見字出
所藏朱勳仙枯柳水牛展觀頗有神氣朱名拜號豐

溪世廟時人縱酒落拓山水人物大略宗吳小仙牛
其最勝者見宇乞題漫識一絕黃石陂深野草煙一

蓑春雨到山前自從函谷曉經後解種青芝白玉田
是日道流爭乞余書扇凡揮三十餘柄衛伯亦作

雲山蘭竹散筆應之見宇又出大幅紙四張索山中
四時詩為懸堂之用余亦漫應之玉殿春晴片片霞
雪融泥暖樹生芽黃庭讀罷渾無事風撼一簾山杏

花綠樹陰濃晝日長紙屏瓦枕竹方床倦來一覺遊
仙夢消得爐中栢子香曲几疎簾面面風一簷秋雨
滴梧桐鳳簫聲隔重雲外知在蓬萊第幾峰卧擁重
衾睡起遲黃梁炊熟已多時夜來積雪高二尺壓折

味六

三

梅花四五枝 鄰院有羽童姓汪字元卿者風格韶
秀年纔十七道流引之來乞余畫戲作小斗方如本
山之景與之題句云雲岩山下遶山田一簇村墟百
井烟樹鎖山腰雲鎖樹那知箇裏有神仙

十八日同羽流吳立齋步至天門外訪張蠟躑躅聞
余至喜甚曰吾夜夢覺有異君非凡人也因相與圍
坐階石上話無町畦蠟躑躅自起手煎茶來飲余又散
果於諸從者雖乞子亦與之又諳諳戒余勿多飲酒
酒至五合必經汗一番而醒是真氣之賊也余心佩

其言蠟躑之徒別出餅餌椿芽款洽甚至余以一律
書扇貽之偶從福地遇真仙圍坐長松怪石前淡話

常言番有味烹茶分果結多緣年過甲子再甲子遊
遍大千又大千他日相逢定何處天台山裏石橋邊
十九日辰刻下山行三十里至休寧公署報謁張令君
又來謁以乃考張陽和先生集一部見貽余以遊白
嶽詩一章答之名岳分殊氣宸居奠紫邏雲霞千嶂
曉風雨百靈呵古洞散珠瀑高栢拂絳河塵緣如可
謝來此託岩阿 金憲副麗陽公余同年也來顧招
飲余以茹素辭不聽因以明日具蔬筍供爲請

二十日報謁金麗陽公出素饌凡百事楚楚豐潔飭茶
之物俱以菓核雕鑄八寶甚有巧思又以蕨粉點朋
脂作榴子與眞無二休寧之俗奢而喜飾此類是也

味六

三

是日仍張戲演郭令公玉魚記公又以扇墨莖茗爲
贈余爲坐三十刻而別晚抵乾明觀觀中前有南安
孝廉王叔躬名以稼者寓其房亦遜齋通家舊理南
安時門生也於談次見叔躬才甚高因相與剖臆縱
論今古良快

二十一日辰刻報謁遜齋因及郡倅諸公諸公來報謁
饋糜餼招飲以茹素辭之午刻叔躬出所梓薄遊草
乞敘余亦漫應之大略謂遊道之盛無如孝廉諸公
以其材譽淡而未膺官政所至倒屣冠服蹤跡得以
時隱時見用是得魚服之趣而無虞於稼且之網亦
實錄也是日雨遜齋來顧訂燕期

二十二日畢允堅名懋眞者來顧又同年汪鳴鑿之子
奕芳者來顧汪初第甫及頭選偶與友人飲京師一
寺中寺有樓封閉甚固相戒不開者久矣汪強之乃
開因携酒榼飲其中小奚支鑪暖酒一櫃上灰火一
星漏櫃縫俄而霹靂一聲煙焰達勃焦爛者數人蓋
先年軍營所貯火藥也汪竟負痛而死今其子爲庠
生竄甚亦可憫矣午刻過遜齋燕席叔躬亦在坐及
夜而別

二十三日雨中無事戲寫巨然秋艇頗得筆意又爲程
生扁書松雲二字

味六

三

自題云南嶽拔地五百里登祝融峯下視世界盪爲
雲海其谿谷諸水奔瀉湊合汪然浸爲洞庭涵天浴
日畫者難措其手獨其沮洳漫漶處從青草湖而上
爲瀟湘二江渺瀰荒忽唐人詩所謂笠釣青茫茫者
淒迷黯澹可以想見余往在京師董上林處見李伯
時瀟湘暮雨圖筆蹤可數而氣象出沒深歎古人於
一滴墨水中吐吞天地山川之變別去已十餘年矣
甲寅首夏遇蓉城王叔躬於新安邸中其人恢偉負
奇深解畫趣偶徵余繪事勉作此圖步步趨趨且有
睜若之歎矧夢中說夢耶聊資一噱而已

二十五日休寧潘景昇來顧貽余黃海瓦史等書三套

又具素饌於提點房夜坐至二十刻而別且訂秋杪
黃山之遊

二十六日往別遜齋治行改由水路午刻行十里至浦
口得一兩頭尖舫乘之甚涼爽一路溪聲山色應接
不暇較陸行又一景趣衛伯創見甚奇之余日子歸
作溪山景不煩他稿矣夜泊深渡

二十七日東風甚勁暫泊岩下午餘乃行至涪安夜泊
清溪門

二十八日辰刻涪安令李君來顧饋廩餼余報謁於官
舫行一百二十里東風仍勁泊楊家磯夜大雨

二十九日行四十里至嚴州大雨舟行灘中兩岸峯巒

味六

吞吐雲氣條有條無水聲澗澗遠近相接神思清曠
令人欲仙夜泊釣臺雨不絕余得句云無數雲峯綠
刺天桐江一線碧於煙夜來伸腳蘆花底絕勝駒麇
帝腹邊

五月一日雨行四十里至桐廬昏黑至富陽泊西許

二日辰刻登陸襄成而雨大注富陽令方君遣人饋廩
餼卻之冒濕行七十里至浙江驛日方午易夫馬由

萬松嶺至昭慶雲山房禪味樓雨不止寺前擺攤舖
有南京賣香人籠畜二鼠一純白紅嘴爪一斑文如
豹豈即古所云鼯鼠者耶籠中施兩匏穴之實絮其
中作鼠窟宅啖以果實飲以水所至人輒聚觀亦異

品也

三日同寓王少岳來顧王斬水人名三奇由選貢授蜀
之廬州判有政聲俄爲忌者所擠改判滇中所談滇
蜀事甚有奇聞又性喜方術席間卽授余彭祖蒸臍
法云得之者可以不老夜明砂一兩五靈脂一兩枯
白礬一兩麝香二錢前件除麝香碾作末分作四包
每用一包於二分二至交刻時仰臥先將麝香五分
按臍內再用蕎麥麵四兩水和按條作圈子圍臍外
次放藥末在圈內上以槐樹薄皮一片剪圓蓋之皮
上又用小麥麵圈一個圈內安指頂大艾丸灸之視
人年紀每歲灸一丸務於一日內了之艾氣薰透四

味六

肢口鼻俱香風濕盡散妙不可言

四日余初意欲暫止湖上尋舊遊見雨勢殊未止急於
松茅場覓舟西歸水漲舟高來時橋道僅能通艇子
稍遲卽不能行矣午刻行六十里夜泊唐棲

五日蚤行四十里天始明至崇德買菱首蒲根索從者
麓中適得雄黃數塊碾之與衛伯泛蒲於石門灣抵
家暮矣

六日省沈岳翁疾

七日延鬱秀觀道侶建醮繳香

八日

九日杜山堂子名元禮號楊林者來顧以繪事相質與

之談其人甚長厚尋其筆墨處時流蹊徑耳度其未可與深言胡盧而已

十日大雨報謁杜楊林招之飲訂期翌日

十一日薄暮楊林來與沈翠水同坐夜一鼓別去

十二日

十三日

十四日同年黃繕部貞父至自金陵岳之律書來邀余

同酌貞父於西水舟中貞父縱談神加王其舫齋攜

一白兔處銅絲籠中雪毳被體雙睛如琥珀貞父因

是自號恆玉主人

十五日同徐元仗陳如岡岳之律養白兄集湖舫徐元

味六

元

仗舊令太湖坐中疊疊談太湖事元李邑民有舉珀者居鄉任俠家多藏粟太祖與偽楚戰鄱陽湖相持未決遣人與珀借餉而楚使亦至珀以香煙卜所從知天命有歸日夜礮粟又以山路崎嶇特撥壯丁開溝達江運至軍中事卒以濟太祖甚德之問欲官乎曰不願上見其四子皆驍健慮有後患各授以指揮使分主齊晉戎籍以離隔之珀為女擇婿見汪氏童子有傑氣乃畫計殺其一家俟童子孤無依而後收之所謂汪元者也太祖定太湖賦額悉取裁於珀珀任私恣行顛倒汪元後檢首其不平上亦不之省特架庫存汪元辨明卷案官其土者一查閱以消息之

而已此事郡邑志皆不載此典故所不收也

十六日

十七日兩山人戴青笠名詢者來顧杭人也性嗜書畫能詩袖中偶出其移家舟中長歌一篇語頗悲壯錄之儒生恐為含沙中冬夜移家河已凍野曠遙看鬼火青天空仰見寒星動舳艫呼來盡室登顛危卬有親知送強顏篷底尉妻孥笑口難開心自痛行裝僅覩讀殘書蒼頭更挈蓋鹽齏白晝愁逢故里人黃昏怕作歸鄉夢迢遞關河望轉遙豈期帆飽如飛鞚囊金羞澁何足憂吳門有笛還堪弄

十八日青笠攜示卷軸米元章手札一通帶頓首啟經

味六

三

宿奉候冲勝石山試納文富且看芭山暫給一視其背即定交也少頃勿復言帶頓首彥和國士本欲來日送月明遂令力送耳此米老與人博易石山札子也尾十二字皆渴筆勢尤奇變 又蔡忠惠行草碧牋札子語斷爛不可錄宋邁一跋云忠惠公翰墨遺於世者絕少余十年前於都下獲一手札與王荆公告歸者後為宋秋江索去余每不忘矣此帖真蹟無疑不易得也歸之京兆宋邁 又文徵明青綠晴山春樹仿李思訓自題一絕林壑春晴淑氣澄坐深還見碧峻嶒川原遠近緋桃發不是天台是武陵 又五峯古木寒泉長幅仿王叔明山石雲氣甚奇款云

嘉靖辛酉仲秋望後爲汝章先生寫五峯文伯仁此幅余購得之 又沈青門雪山行旅大幅仿范寬布置逼塞饒筆力寫意象

十九日和戴青笠詩書扇頭貽之雨寒卯酒頻頻中踞縮空齋似蠅凍柴門屐響蒼苔深新竹橫梢隔牆動熱客俄引生客來同調相逢廢迎送縱橫畫卷參意象歷落詩篇快沈痛石泉真味屬茶鎗虹月精光埋酒甕書魚且餐意外意蕉鹿誰尋夢中夢高談狎語互鬥奇淺草平原馬雙鞵丈夫多定眉睫間安用桓生笛三弄

二十日青笠冒雨來別復携示蔡忠惠墨蹟後一跋字

味六

類柯南宮錄之至正十五年九月既望同彭君仲曹震西曹叔雅過雲軒精舍觀唐本蘭亭坐間晉城劉季美出蔡忠惠公一札其用筆妙於起倒得楊少師李西臺筆法余往見其尺牘甚浩放多隨意曲折意到筆不到乃覺少進意之所到輒能用筆然比之古人入則重規疊矩出則奔逸絕塵安能得其髣髴耶此書今日之藏亦足以廣見聞備訂尋不可廢也半峯老人八十二翁翟秋書

二十一日夏賈携示王孟端小景山水筆法在雲林大癡間 又伯虎茂林飛瀑自題云濺沫飛流白練張重雲深鎖樹千章空山盡日惟猿鳥堪笑紅塵市裏

忙 又文文山仿倪雲林小景題云潔癖倪迂未可攀能將水墨繼荆關疎煙斜日茅亭外一片江南雨後山

二十二日

二十三日雷雨

二十四日

二十五日徽人汪姓者持元人張子政柳枝雙燕挂幅來看楮頗斷題句甚多可錄者十一人憶昔烏衣巷裡時於今見爾不勝悲江南春色知何處立斷東風楊柳枝天台林右 隋堤楊柳東風軟燕子飛來春幾何寂寞烏衣成底事故人不似向時多貝翮 二

味六

月紅樓燕子飛可人楊柳故依依獨憐湖海思歸客滿日風塵不染衣范公亮 千古隋堤樹絲絲拂盡樓飛來雙燕子不解識春愁海叟凱 東風池館柳依依掠水穿花雨後歸王謝樓臺今寂寞不知何處是烏衣華亭管時敏 御柳春如海昭陽今是非舊時雙燕子無語立斜暉雲霄 韶華明媚灞橋東語燕雙栖翠柳中不顧江南春色老啣泥猶趁落花風葉見敢 章臺路上新楊柳王謝堂前舊日飛如此風光多感慨老夫盡日不吟詩雲間顧文昭 柳花撲簾春雨香元鳥上下爭飛揚春來秋去只如客留得遺巢在畫梁吳郡顧謹中 故園楊柳綠成絲燕

燕飛來寄一枝桃李漫將春色去滿身風雨立多時
郎庠素齋胡廣文書 楊柳風輕燕燕棲補巢銜罷
落花泥交飛不向烏衣巷困倚枝頭羽翼低廬陵朱
京

二十六日

二十七日

二十八日登雪舫送盛觀察母夫人之喪於長蕩正收

圩夜泊盛望前

二十九日午刻抵家

三十日

六月一日家君以誕日避客於外 僧蘊空以所撰大

味六

明釋教彙目義門來乞敘

二日

三日連日俱小雨

四日始霽

五日

六日招王少岳飲坐間劇談瀘川擒盜事具有方略每

當奇險處余為之引滿稱快

七日

八日

九日陳衛伯攜示乃祖芝田公贈言卷沈石田作芝田

圖張黃門靖之亦有繪事甚沈鬱古雅一時名公如

錢鶴灘呂九栢姚雲東皆有篇詠憶得一聯云培藉
松茶土滋分石乳泉良妙

十日

十一日寫洞雲芝草圖又系一律壽人從張天徒請也
不知所壽為誰何萬壑綠雲濕千莖芝草生露珠晨
欲滴霞采夜猶明入市懸壺小還山駕鶴輕因為眉
壽祝片語借長庚

十二日熱甚夜不能寐

十三日華亭周渭仲以孫世聲畫梅卷乞題語漫應之

羅浮君稜稜老幹峙俠士之骨離離疎影參幽人之

蹤淡淡寒香吐詞流之韻風槩孤絕所堪親傍者惟

味六

半部離騷一枕清夢耳涓仲結盟已久應作司空見
慣乃又倩世聲寫照何契玩之深耶余不揆且將借
師雄幻境為子猷徑造涓仲其勿謂我唐突也

十四日汀州萬心一者以醫遊吳中所療治俱驗云少

年縱酒色得偏枯疾羸劣濱殆醫皆謝去有江西李

翁者求見許以三日可起人皆驚笑始留試之翁手

煎桑寄生一斤成膏入川草烏羌獨活各五六分入

酒飲之至第四日蚤心一忽能起立又稍運臂腹即

漸能運行再調理二三月體充健如常心一感激一

意學醫每日止看古方中一湯頭考核藥性三四味

務得古人立方用藥之意如是踰期稍稍為人治疾

無不愈者內兄沈翠水延心一治岳翁風疾良驗
心一傳治瘰癧方狗糞尖入瓦酒壺中好酒盞餘夏
枯草三錢隔湯煮一沸候溫服之即消神驗

十五日

十六日連日熱甚夜不能寐

十七日稍得雨

十八日閱邸報五月十七日申時分宮女盧天壽頭頂
長隨紗帽腳穿布鞋襪腰懸忠字四千八百三號牙
牌由仁德門西華門逃出長安街出城問呂平道被
獲審衣帽牙牌乃內官魏卿所與亦異事也

十九日

味六

美

二十日夏賈持倪雲林喬柯竹石圖來閱上有章憲題
句云能將三昧稱三絕清閨風流未可攀不知章憲
爲何許人會憶春初有人持縑素上徑尺大字書一
詩云山勢蟠龍虎桐陰下鳳皇讀書聲滿耳清蔭紫
薇耶亦有章憲圖記

二十一日午刻大雨

二十二日里中談翁號繼菴者工兒子醫所至閭巷歡
迎翁以一視決生死片語出人即歌哭隨之以其無
虛發耳潔一室庭中列奇石雜蒔松竹居恆嘯咏其
中儻如也至是徵予扁書及堂聯爲書種杏軒三字
又作一聯云眼空塵海浮漚航一室松陰竹影手矧

上池清露灑萬家桂穎蘭芽

二十三日

二十四日

二十五日午刻大雨

二十六日過馮生偶閱案頭書知西湖旁有西馬塍栽
花千種爲張伯雨隱處其稱西者以別於松陵之馬
塍也

二十七日

二十八日得晉江蘇弘嘉書貽我白磁應真像一軀

二十九日

七月朔日閩人黃懋弢來顧貽余琴莊隨筆四卷琴經

味六

美

或問一卷山遊鼓吹一冊懋弢蘇弘嘉觀察之友弘
嘉稱其亦魯亦竺亦琴亦詩但不能飲米汁耳余乍
視其氣貌嶢嶢沈時信非彈鍊歌魚爲青山白雲作
滓點者

二日過精嚴僧舍訪黃懋弢懋弢出古琴一張撫玩名

曰萬壑秋聲

三日黃懋弢以五岳琴遊卷來索贈言漫應之逃暑竹
林下赤曦赫欲然客懷有冰雪逗入松風絃塵慮蕩
已淨眉目炯欲仙空山巒落石古澗幽咽泉澗若無
義語轉如觸機禪山遊獨攜此洞壑同卧眠感君顧
我意拂拭當南軒愧非鍾期子洗耳聊周旋 爲新

安吳太學爾瞻圖便面仿梅沙彌題句云瓦盆注酒
石盆注墨酒盡墨顛倒狼藉秋來夢夢入羅浮煙
樹雲沙盪胸臆醉中吐出無盡藏梅翁拍手稱相識
四日沈甥伯遠以先世所藏歸來堂帖示余有王右軍
二謝帖乃閣帖中所無者臨摹數十過覺虞伯施行
草筆筆從此中流出諸家跋亦勝二謝書云即以七
日大斂冥冥永畢不獲臨見痛恨深至也無復已已
武妹脩載在道終始永絕道婦等一旦哀窮並不可
居處言此悲切倍劇常情決不能自住未遂面緣撫
念何已不具義之頓首 熙寧九年十一月十四日
趙抃閱道越州清思堂之西至樂齋觀 右軍真蹟

味六

近世漸少觀二謝帖紙札尙完殊可愛也按貞觀目
錄淳化法帖皆不收此豈當時爲好事者祕藏不出
耶熙寧丙辰冬至日丹陽蘇頌子容餘杭郡西閤題
假守徐師回丁巳仲春十日覽之 郡倅朱正民
同觀熙寧九年七月六日書 會稽關景暉 存中
熙寧九年五月廿五日三司北軒觀 華陽王仲春
觀丙辰仲夏旦日 清河崔彥博唐公元豐乙丑五
月望日觀於西安縣東齋 武夷范錢觀元祐二年
八月十有七日三衢龜峯廳筆 貞觀尤愛右軍書
訪求殆盡其後并葬昭陵今所存法帖人謂皆哀疾
之問故不復進上得傳於後豈其然乎此書亦然又

法帖之所遺也當用墨錦玉軸裹以貽子孫寶之海
陵曹輔子方信安郡齋書 曹使君借玩書示通守
郭庭誨與觀者五人林師醇醇仲余翼肅之梁秉文
憲古林季淵萬宗葉常權之紹聖五年三月二十日
元符二年季秋九日鄭子猶出此帖於榮陽尉舍
以示余因得以觀右軍筆畫之妙第有嘉歎而已吳
興劉欽止繩祖書樂安李炳崇寧元年十二月初九
日榮澤思軒敬觀 張子和高適正梁濟道李晦叔
毋仲山同觀于陳留大觀元年五月廿日 歸來堂
帖又有禊帖二種其一賈平章悅生堂本跋云俞壽
翁家蓄禊帖特多所甚珍者有三自言一以遺安晚

味六

一以遺後村餘清閣堂本最後則歸之余謂視前二
帖更奇余常欲會二翁所得者參訂之而無繇留揚
時適得片石如玉又適有善工至因手搗清閣本親
程視之日刻一字踰年而後成精神肉骨不失毫髮
楮以北簾墨以廷珪以是無有能悟其晚出者書題
得一二售之雅士率獲善價識真之難乃如此幸甚
與後村同朝得成前志一日携俞氏本相示與予所
得者同益信壽翁所珍非妄大較一段奇古意如老
成典刑人望之使人心莊氣肅而擬仿求似祇類河
朔少年舉體香拖不可耐識真者病焉然猶未見安
晚本逮扣其孫寺丞則云初不甚惜久棄置敗楮斷

簡中搜討無復存此固有物司之耶抑實非所寶耶
余願與後村各寶之勿失後刻本併於鑒裁有若夫
子虎賁中郎自不難見又焉知更數十年祖刻銷沈
此石頡頏亦願後村共寶之景定壬戌重午天台賈
似道敬識 辨說蘭亭猶眾認精良此刻更何疑辨
才付囑昭陵後玉匣爲塵世祚移倪瓚王子人日
蘭亭書家之楷則學者未有舍此而能者也今觀此
刻雖後於定武世亦罕得足可尙矣趙雍 其一唐
臨本跋者四家 眞本已歸昭陵世所傳本尤多而
皆不同蓋唐數家所臨也其眞偽優劣覽者當自擇
焉今觀此刻與尋常所見者亦異永叔之言信矣于

味六

五

文傳題 祕帖之妙古今字書絕冠筆迹不可得而
見矣石刻之眾世傳定武宋末權勢百計巧取豪奪
歸之悅生堂者何啻三數十本厥後不知散落何處
尤物移人亦足累人此卷筆意灑落自有習人態度
何必號稱定武以虛名爲累耶至正元年八月十九
日口之 蘭亭帖不問刻之精否見者無不愛玩爲
其流風餘韻猶可挹也蘇人錢良石 石刻蘭亭以
定武古本爲勝然歐公集古不錄定武東坡亦惟稱
河朔起草本而以成都本爲絕倫自山谷以定武爲
肥不剩肉瘦不露骨於是士大夫爭寶之而五字損
本不損本肥本瘦本薛氏本李學究本眞本僞本說

如聚訟矣按彙世昌蘭亭考載蔡山甫云頃見唐刻
本二一是眞觀間石刻一是泗州山南杜氏所藏板
本米氏父子嘗擬刻之號三米蘭亭鋒勢筆法絕不
類他本區區寶愛定武者是不知有唐刻本也又米
南宮云得唐刻本蘭亭絲髮不差遂用其本刻成今
天下惟此本矣詳覽二說則定武之外亦有佳本固
不可得而廢也予觀此刻乃是板本今米本不傳不
知卽是杜氏所藏者否但其筆勢飛動與定武不同
有可愛玩因手摹入石令章生藻刻之與博雅好古
之士共焉是歲萬曆甲戌七月既望茂苑文嘉書於
歸來堂

味六

四

五日熱甚書東州節俠四大字贈東萊趙仁齋從沈翠
水請也
六日沈景情來顧云利瑪竇在京師將死前月餘日有
一人周旋其左右既死爲治後事因悉有瑪竇所遺
稱其弟子號龐順陽
七日客持石田畫長卷來閱筆在仲圭子久間世所目
爲啟南本色者有題句溪谷泛暖春波動蒲葦茸茸
鷓鴣共草閣風平碧幔開高松蓋偃青雲重睡餘茶
熟心冥然采菊南山清入諷阿誰艇子過湖來短檣
輕檝斜陽送惟得君家似畫中坊頭不到常飛夢沈
周 湖上尋歸路行行背落暉青山嫌客去白鳥背

人飛不覺過泉牖空勞帶雨衣江南如夢醒仍見水
田肥吳寬 又祝京兆徑尺狂草一大卷純學張長
史想其下筆時縱橫變化奇態溢出如草中躍兔樹
杪驚猿不可拘制真傑作也款云辛酉六月與王君
祿之史君明古文君徵仲避暑王履吉園居晝長無
事漫書帝京篇三十首聊用破晁云爾枝山祝允明

八日

九日

十日連日皆大熱

十一日

十二日

味六

十三日連宵皆有好月惠山運水人至

十四日

十五日

十六日方樵逸攜示大癡天池石壁圖款云元統乙亥
六月大癡道人為文敏畫天池石壁題者一人為李
松谷 雲斂天池淨秋清石壁高道人多眼力摹寫
到纖毫李祁 又王叔明雙梧草堂圖 吳仲圭霜
林煙瀑 唐伯虎倦繡圖 又李晞古漁村圖不真
又倪雲林林亭秋霽臨本題云至正辛亥秋八月
十四日為伯庸高士寫林亭秋霽勾吳倪瓚 雲林
館東石崖上有此數株加樹青會岷幽人煮春水寫

將煙雨出山亭張翥題

十七日

十八日

十九日為石安甫寫煙林秋瀑題云峯下蕭蕭雨林端
颭颭秋片雲閃閃處瀑色上虛樓

二十日以雪舫載客泛湖

二十一日

二十二日鄉紳會城隍廟議三縣田糧事

二十三日鍾澹甫來談次言曾從衢州走甌穹衢有江

郎山平地拔起數百仞遠望如豎指漸近乃露三尖

上多樹木蒼鬱而樵徑不通聚蛇極多山下古剎客

味六

宿其中透帳帷几案皆蛇也五六年前茅頂忽自生
火焚燒林木略盡焚時氣香聞百里火既熄炭燼墮
落拾而炙之皆成芬馥人爭售之價至二十金一斛
自是蛇乃絕迹余覽佛藏知蛇好抱旃檀樹以消其
熱毒豈其上固旃檀林為蛇所窟宅耶又斲水王少
白常言斲固多蛇一日有賈胡過山家指其後岡上
一老樹求售樹故山家所輕故昂其直索之得百金
因掘根株載去不三日斲之蛇數萬如風雨飛渡江
至興國界以香樹既移失所依耳
二十四日梁溪客泊書畫舫來見所攜有文徵仲溪山
深雪圖細密仿李營邱款云徵明為文敏先生寫

又沈石田漁艇題句云誰倚孤航號隱淪平沙淺瀨
足秋萍釣竿本是功名具渭水桐江古有人 又小
幅倪雲林四五樹細秀森聳一亭峙其下此公常調
之入意者題者數人止錄其一云雲林先生此圖余
數年前曾覽於崑山謝仲和館今又見於華亭姚彥
卿齋中往事如一日耳黃鶴山樵王蒙 余有彥卿
畫卷筆法用郭熙今觀此乃知叔明好友也

二十五日

二十六日

二十七日偶得觀倪雲林小楷書和虞奎章題東坡墨
蹟後七絕句坡所書乃蔡君謨夢中詩與陳述古壁

味六

聖

間題句及營伎周韶脫籍事蓋武林舊話也倪詩清
縹綺麗書法飄飄有楊羲黃素黃庭之妙此君才情
加是人徒知貴其墨戲而沾沾摹仿之豈易窺其門
庭耶 盈盈秋水眼波明脉脉遠山螺翠橫西北風
帆江路永片雲不度若爲情雨挾江湖來浦口霜彫
木葉見山尖寒波會照飛鴻影髭雪朝朝與恨添風
雨餘江夢裏驚忽思鳳馭絳霄翎世間安得麻姑爪
癢處爬搔憶蔡經湖邊隱戶倚青紅此日應非舊日
同太守與賓行樂地斷碑荒蕪卧秋風奎章閣下掌
絲綸清淺蓬萊又幾春三十六宮秋寂寂金盤零露
泣仙人戊申十月十七日瓚蔡公閣嶠雙龍壁蘇子

儋州萬里船何似歸田虞閣老醉吟清浦月娟娟嗜
酒狂吟禿髯翁華陽壇館百花風晚年傳得登真訣
歸卧江南欄谷中十九日又追和虞奎章韻

二十八日

二十九日連日俱酷熱農人憊於桔槔諸鄉紳以與嘉
善爭糧事相約往杭謁外臺藩臬

八月朔日大雨僅盈寸而止

二日

三日吳僧印南携卷軸來看僧福懋金陵懷古山水仿
文衡山細楷書四律頗整栗浮圖壯麗只茲山名在
當朝鉅剎間舍利毫光雙闕映琉璃紺室萬人攀靈

味六

聖

從元聖中天降書自文皇北極頌一度瞻依一留戀
恍如兜術奉慈顏右報恩寺荷衣落魄旅京華江左
名山此結跏挂杖千秋仙苑樹登臺三月帝城花金
銀夜色林端麗鐘鼓晨聲谷口譁更喜青門連白社
相過唯召邵平家右永眞寺碧山蘿磴上蒼煙下俯
蓮池萬嶺懸龍象盤旋天苑外風雲來往佛燈前岩
花猶似諸禽獻洞草曾經獨覺禪更道峯頭多聖迹
爲乘殘照一攀緣右牛首山啼鶯寂寂樹陰陰蘭杜
吹香似水沈峯勢巧爲三鳥秀池流全浸十洲深長
松雨去虬龍潤叢竹風迴鷺鷥吟祇願清朝多暇日
休文數借此抽簪右徐氏西園嘉靖丙辰春三月至

白下歷諸形勝坐夏於雨花臺南之永真寺得篋中
古楮因作水墨併錄四詩於後道人福懋 文三橋
草書二律筆氣有高座律公之妙秦淮秋老淨涵沙
映出鍾山曲曲斜皇業從來分錫洛土風猶自愛清
嘉金門深鎖芙蓉闕水閣都浮菡萏花正是壯懷消
不得月明何處奏琵琶秣陵秋淨少塵埃風振庭柯
落紫苔靜裏多愁頻作客旅中畏病數銜枚山圍水
拂神州麗虎踞龍蟠帝業開六代興亡真歎忽江流
自遠鳳皇臺金陵客懷二首文彭 金陵步月有感
乙卯歲官街秋夜淨無埃月出浮雲萬里開煙斂鍾
山青似玉波明淮水碧於苔銀河耿耿橫天漢御柳

味六

吳

絲絲隱鳳臺誤矣載書三十載白頭何似又重來
遊靈谷寺作帝京何處氛埃淨下馬來參第一禪松
徑入門猶十里袈裟布地已千年誌公寶塔金身在
吳偉長廊粉墨全雲氣常疑靈寢近閒看白鹿走蒼
煙茂苑文嘉 觀音閣江山峙絕壁山腹起飛閣波
濤驚壯麗空水混寥廓龍宮海潮音估客石城樂後
夜月明時憶君從此泊陸師道 月落秦淮萬樹霜
鳳臺清曙挂初暘要舒客裏塵羈苦不惜城南去路
長雲擁翠微煙磬遠竹深晴殿雨花香文園倦後忘
機久願學無生借上方右冬早天界寺王問臣 吳
地標仙嶠梁朝啟化城岩開千佛古塔建一珠明草

沒徵君石苔留過客名探奇到此盡山水獨含清攝
山栖霞寺一首黃姬水 忽憶空門友然燈歲欲闌
誦餘江月曉定裏雪山寒城市容蘭若門徒禮石壇
白光如肯照爲我起眉端右寄月江禪師兀坐先生
顧孟林

四日

五日

六日夜大雨

七日

八日

九日

味六

吳

十日皆大熱得邸報前任巡撫高東溟公薦地方人材
及余語云純孝聲稱白社貞操價重丹青正好馳驅
奚容肥遁

十一日

十二日

十三日

十四日岳之律儀部以湖榜招客遊馬場湖自月之三
日至十八潮生之日聽客自占至必以已散必以戊
能以奇醞精替至者戒無過傷不能者准以詩詩以
五言律爲的不及律而以絕者數字償錢有喻的而
歌行填詞者主人償以錢每集推一人爲詩監選其

住者登梓不能詩與能詩而偶不欲詩者俱勿強也
余以是日同常儀部少江徐勳卿元仗赴集俱無詩
十五日有畫估持卷軸來內唯倪雲林一幀小有意當
是贗本之佳者風柳一雜樹四五遠沙一帶而已題
云二月雨聲從子月三江舟楫住吳江春愁不醒如
中酒浪著狂風撼客聽戊申二月十日瓚
十六日胡雅竹携石田秋渚圖來看樹石仿梅沙彌題
云扶杖閒行秋水邊風吹雙髻卻冷然楓枝殘葉忽
墮地幾點亂紅隨澗泉啟南 連日熱甚如三伏喘
汗揮拭不能已有客云平湖近日邑試儒童案出居
前列者承鄉紳子姓孤寒者闕然謠云中尊秉公公

味六

望

子公孫公弟童生含怨怨祖怨父怨兄或曰秀邑童
生更怨曰何故曰渠云祖父科第誠不易得難道皂
隸頭不能買一個時秀邑續收案百餘名皆衙役所
稟也暑中不覺絕倒夜大雨

十七日驟涼

十八日

十九日購得元謝伯寬磐石諸侯圖乃一墨猴鎖臨江
石上手弄一蛛引蛛下絲極得神韻易元吉之流裔
也有印章云謝伯寬云司空掌銀臺事凡三顆
二十日夏老持一卷來索評定云是郭河陽殊草草跋
者盧彥柔范滙陸之輔三人俱不成議論乃近日蘇

人捏怪也 綉花白定筆換一稍大實果碟也 午
後邀陸盧峯別駕小飲盧峯名槓吳縣人以選貢授
國博陸饒州別駕余官九江時與交契頗密今年七
十有六神明不衰生七子十三孫七曾孫坐間談話
有味覺此老之不易及也

二十一日僧解如來約余為超山之遊極言彼中幽勝
饒松石居民淳朴夜戶可不閉解如所居象王菴人
跡罕至

二十二日

二十三日有人乞言壽項孟璜四十余漫應之云項君
四十強玉面微髭鬚長日樂情曠焚香讀異書偶然

味六

哭

餐脈望肉翻已遶遶太元酒中語浮遊天地初吾飲
五百觥磨墨徑寸餘為君書真誥華陽新拜除

二十四日方樵逸携金碧山水小幅來看題云吳興趙
孟頫余深察之非是當是顏秋月筆耳 暮集湖舫

坐中與徐元仗譚凡同極談時事為之俯仰太息周
孝修云西粵榕花酒清甘絕味

二十五日徐節之以趙子昂秀石疎林卷見借石用飛
白法刷絲枯筆可數小樹參差四五株枯者間用鷹

爪全仿宋道君細竹嫩草點綴有物態柘湖何氏物
也有何元朗印題云石如飛白木如籀寫竹還於八
法通若也有人能會此方知書畫本來同子昂重題

水精宮裏人如玉窗敞鷗波可釣魚秀壁疎林秋
色滿時將健筆試行書丹邱柯九思題此兩行字有

歐書也禪師筆法 叢篁偏映寒雲色古石猶凝翠

蘚痕曾是碧瀾堂上月獨臨若水憶王孫臨川危素

題 玉署當年雅度若川晚日高居每向詩中見畫

今於畫裏觀書姑蘇王行止仲 信意揮豪趣自多

霜筠雨木帶煙蘿玉堂人物今何在留得風流似永

和武寧盧充穎

二十六日胡雅竹同僧印南持卷軸來黃子久弁山清

曉圖細秀不類大癡布景似叔明遠山皆水村疎林

垂柳掩映有致余曾見趙子昂鵲華秋色圖同一關

味六

擬款云大癡學人仿洪谷子 又子久秋林曳杖圖

林木層層森聳有刺天之勢林間皆有平地曲折若

可盤旋者 又陸包山溪山秋意蕭黛淋漓老氣鬱

勃題云浮玉峰頭雲幾重風清霜白下丹楓江深曲

曲秋無限縱有桃花未易窮包山陸治 又倪雲林

小景題云石澗苔痕雨過竹陰樹影雲深聞道齊名

安素能容狂客孤吟癸丑四月六日邂逅牧軒徵君

於安素齋中因戲寫小景并詩題贈

二十七日

二十八日

二十九日治往武林之喪時雪舫方登陸繕治因假沈

倩舟以行夜泊桐鄉鳳鳴寺前知姑蘇陸虛峯寓僧
房因往訪之

九月朔日拜胡元毓令君令君餘干人也虛峯以饒郡

別駕攝其邑篆余時以九江理官勘災至邑與虛峯

飲琵琶洲上觀明月泉令君尚為孝廉別十七八年

於茲矣相見歡然道故令君猶記余題壁句回舟令

君來報謁饋廩餼且招飲辭之即行夜泊大茅

二日雨午至松茅場雨甚不能登陸

三日飯後至昭慶雲山房禪味樓邂逅餘姚許茂才夜

飲竟醉

四日霽出謁憲長王岵雲晡時憲長來報謁同年施二

味六

華憲副來新都王爾極以卷軸古器物來閱有黃大

癡煙林雲岫下層四五樹聳挺穿雲峯巒圓渾半落

滄濛中間類李晞古此子久變法也款云至正辛酉

大癡學人寫於煙霞樓 又王孟端幽篁古木粗辣

仿柯丹邱題云老石卧蒼蘚竹樹含風煙相看多古

意誰為作春妍文靜求寫小筆因為寫幽篁古木又

系之詩題贈九龍山人王綬 沈石田青綠水村景

二柳一立一卧有態題句云插羽飛杯酒漫傳水嬉

人物望如仙落霞孤鶩湖中句綠幕紅簾畫裏船高

棟失花風入樹稚秧無力浪吹田題詩勸客休辭醉

須信浮生少百年弘治庚戌六月五日頤君應和新

舟成首過余楊湖之上是日搗酒拉客作水嬉於湖
陰卽席賦此以紀樂事畫亦信筆也沈周 又文文
水張公洞圖虛廓蕭散有致題句云福地真從霹靂
開仰空虛寶驟崔嵬千盤磴道穿深黑萬古仇池接
往來頗怪洞中常見日翻從地底一登臺聳身忽自
崖開出回首仙蹤悵草萊文嘉 又唐伯虎畫韓熙
載夜宴圖凡四段備極沈涵聲色之態有狎客戲其
姬而熙載從屏後躡其蹤者款云吳趨唐寅寫 又
烏思藏銅佛一軀結跏手印高尺有五水晶杯二官
窰茨菇酒瓊一妙古白玉一方背有紐闊寸長寸有
五厚四分面鐫文云吳山越水中人 又文徵仲雁

味六

至

峯五峯三橋文水王履約履吉黃淳父陸子傳彭龍
池諸雜手札一卷俱真

五日謁劉方伯諱汝廉已謁劉撫臺石閭邂逅奉化戴
進士澳已石閭報謁於公館饋糜餼席儀午後方伯
報謁餽糜餼俄門生石夢飛使來得賀伯閭不祿信
以月之一日捐館爲之愕眙惋歎

六日王孺汲同年招飲二留堂出觀管仲姬墨竹卷前
書修竹賦絕類子昂行法竹作八竿橫斜疎散極受
風之勢意謂是八風舞幅尾有行書二行題云至正
十年五月二十四日男奕拜觀於竹溪寓所 孺汲
前令華亭此卷乃得之松江故家者余乙巳年曾與

蕭瑤房憲副同觀題數語於後去今十年矣墨色如
新余與孺汲各已星星而瑤房竟作九京之遊塚木
且拱可歎也

七日乘肩輿遶湖堤至赤山埠吳氏園亭訪黃寓庸繕
部不遇回經岳墳購得暹羅鐘磬各一架文螺一具
大五升背紋如鷓鴣斑可供飛白之用又黑髹酒鷄
一具形如懸鼓上有唇吻高半寸下有趺容酒二斗
餘一面彩描人物樹石一面有銘云宋代于土中得
漢銅器圓其腹具口與足蓋貯酒之器今仿其製易
以木漆加以藻績於以供藉草之歡旣雅且便不失
古意與博雅好古者共焉瑤蓮山房藏此歛人胡仲

味六

至

嘉之製也仲嘉以詩酒遊江湖間余曾遇之於馮具
區先生坐上 晡時登舟夜泊謝村

八日夜泊皂林

九日禺中抵家

十日

十一日

十二日霽午過沈翠水擘鱗大醉步籬落間見近移黃
山松針短而攢簇翠色鬱然翠水又出倭七首觀之
利甚

十三日徽人黃坤字携卷軸來倪雲林小景上層疎林
亭子下層重疊沙石點綴有深遠之趣題云優鉢曇

花不世開道人定起北岩隈遠山迢遞窗中落垂柳
 低昂水次裁丈室淨名禪不二三生圓澤夢應迴閒
 雲野鶴時相過草草新詩為爾裁壬子正月廿三日
 邂逅芝年講主于婁江來氏之芥舟軒中芝年熟天
 台之教旨嚴菩薩之戒儀七遮既淨一乘斯悟與語
 久之歛衽敬歎因寫圖贈此雲林生瓚 又倪迂一
 小幀題云筆鋒雖小劣景物亦清新蕭瑟楓林晚江
 湖有逸民至正甲辰瓚 又徽宗宣和石譜文徵仲
 臨筆凡十二 蹲螭 月窟 排玉 玉玲瓏 怒
 猊 雪門 曳煙 冰碧 日窟 立玉 停雲
 溜玉 嘉靖甲寅初夏偶過師道竹齋煮茗談藝

味六

畫

之餘適友人持徽廟所製石譜奇怪古雅種種秀麗
 雖鬼工亦不能過師道喜之不勝矚余臨之乃捉筆
 揮洒不覺盈卷連爾塞責後之覽者毋以邯鄲之步
 誦之長洲文璧徵明記 又徐幼文獅林十二景
 獅子峯 小飛虹 玉鑑池 含暉峯 問桃門
 指栢軒 竹名 禪窩 冰壺井 臥雲室 吐月
 峯 一幅破碎缺題字 余友徐賁幼文洪武間為
 獅林如海師作此十二景極為精妙余嘗題其上逮
 今四十餘年矣蒲菴上人繼獅林之席今年來京師
 過余出此卷觀之真若隔世事幼文如海皆已謝世
 余髦獨存不能不興感於懷也上人復徵余識其後

故書此以紀歲月云時永樂十五年蒼龍丁酉春三
 月望日太子少師吳郡姚廣孝識
 十四日弔賀吏部伯闇 購得曹雲西畫卷四段一仿
 趙子昂松下一艇衣緋人坐舫頭傲兀領山水之趣
 一仿黃子久山林泉石蒼潤蕭疎化筆也一仿王叔
 明松陰高士圖雜立作五六松三士踈踈其下一童
 治茗事二童映蔽林石閒筆意極清圓秀雅其一仿
 盛子昭重林遠沙縹緲岡嶺之下對岸垂柳水閣一
 士孤倚筆法細秀卷有曹士望印記蓋曹氏世守之
 物雲西名知白字貞素公望叔明皆當時輩行之交
 聲價頗顯不遠惟不得見趙榮祿耳此卷亦偶然寄

味六

畫

意以備諸體其自運中秀韻不可沒也
 十五日
 十六日以草書便面易得莫雲卿行書絕句云古幢插
 雲表人代今寂寥上有蓮花字風落仙梵飄
 十七日微雨復霽胡雅竹攜元末國初雜手札一網細
 檢無甚佳者內一段乃蓮菴跋董北苑風雨蕭寺圖
 語筆法學褚可愛錄之昔蕭子雲隱居玉笥山有羣
 玉峰九仙臺金牛坡白雲岩栢霞谷之勝至帝運寺
 成詔子雲飛白大書蕭寺以揭之後數百年好事者
 保之獨存李約之者得一蕭字買歸東洛結一亭曰
 蕭齋愛其書之工也張文潛詠孫彥古畫風雨山水

歌言白日忽變黑風驅雲驚雷疾雨木披葉偃令人目迷心懾乍讀之謂其形容若有太過者今觀陸守道所藏董北苑風雨蕭寺圖向之所言者盡見於此藝老筆精氣韻生動信乎妙畫通神也洪武著雍攝提格蓮菴老人書啟宗

十八日

十九日鈕伯谷昆季招飲湖舫觀旂於北郊松江二徐閣如怡如在坐

二十日晴朗點筆爲沈明允圖便面題句云秋林薄處見峰尖煙樾霜柯指顧便小作沙坳容野艇空明留與白鷗天

味六

二十一日

二十二日

二十三日過徐節之齋頭出觀趙子昂行書千文大有褚法又唐伯虎小像簷帽綠衫微髭遠喙鬚毛下至頰蓋以骨勝者後段烏絲精素祝允明小楷書自作伯虎傳精品也又文徵仲小楷書姚穀菴文集序後段文壽承楷書姚氏世刻後序皆精妙

二十四日

二十五日雲陰步至白苾訪菊野人籬落無一佳者

二十六日辰刻小雨俄霽

二十七日

二十八日假得沈倩所藏唐張浮休名鸞朝野僉載明甫陽林嵩原仲成掃塵集俱鈔本精好與世行本詳略迥異蓋伯遠尊人超宗厚貲購得者

二十九日

三十日嘗家園橋佳

十月朔日

二日販墨者汪生以卷軸來閱有舊人臨顧閔中韓熙載夜宴圖較余武林所見者尤勝有三跋可錄韓熙載夜宴圖昔李主遣國手顧閔中於熙載第偷寫者曲盡其縱逸跌宕之態閔中別寫本行人間故鑒賞家有之今仇實父此卷雖本之閔中而筆法精潤

味六

人物飛動布置經營各擅其美卽以真蹟並視亦未易優劣也壬辰夏四月望後二日徵明識右韓熙載夜宴圖仇實父筆也按照熙載事絕不足道顧其意欲自汗不肯作亡國相有出於長卿犢鼻之上者昔嚴續僕射爲其父可求索熙載作神道碑以千金雙環爲贈熙載不肯作諛詞重不之苦欲博潤立卻其婢題一絕於泥金帶曰風柳搖搖無定枝陽臺雲雨夢中歸他年蓬島音塵絕留取樽前舊舞衣觀此則此老胸中耿介權譎種種不可測余故拈出之時嘉靖壬辰秋九月廿又七日雅宜山人王寵書於辛夷館熙載夜宴圖人間合有數本惟仇實父所臨最

稱美麗樹石類松雪人物模周昉所畫酒鎗茶具圖
書鐘鼎靡不古雅精工飛觴促羽縛管繁絲歌聲遏
雲舞態迴雪真若置身歌姬院中睹此老拍板長歌
時態較顧闳中所圖不知何如然的是近代高手也
萬厯王子春仲坐雨竹墅題王穉登 余勘此卷與
武林所見俱非仇筆乃仇以前人也 又顧德謙畫
唐中宗射鹿圖旄麾騎從映蔽樹石間皆有生氣一
白鹿迸逸掠水飛渡帝著赭袍卷袖在馬上設弓注
視精采英毅昔山谷老人見高宗手蹟歎曰怕婦漢
何得雄快乃爾余於此亦云趙子固題詞亦妙赭袍
玉帶虬髯怒人似真龍馬如虎英風猶似天可汗肯

味六

五

信昏房困韋武上林草綠聞呦呦飛鞚霹靂梢長楸
畫旗圍合晚不休後庭雙陸誰能籌追遊不記房陵
辱五王竭來勢猶獨空誇大明飛絕谷不射妖狐射
生鹿畫圖令人生感嗟天寶回首飄胡沙仲宣早解
習祖勢不遺御筆空中花吳興趙孟堅題

三日客持元人臨黃筌三龜圖其一仰腹昂首彎足作
翻身勢其一曳尾行泥中其一登石延頸左顧所作
背紋坼裂與肉麟隱起皆精絕止莫雲卿楷字一跋
畫品惟寫生最難不獨貴其形似貴其神似宋黃
筌嘗作龜圖今載宣和譜中後生不可復覩矣語溪
沈慰先好古博雅家藏此卷出以示余其筆法精妙

殆非畫家所能彷彿真神品也豈卽筌遺墨耶且有
宣和私印可證蓋當時已爲御府所珍矣余幸賞玩
因識歲月萬厯癸酉五月望日華亭莫是龍書

四日陰晦細雨購得祝枝山草書蘇東坡孟嘉嗜酒桓
温笑一律筆法極盤紆轉折之勢觀者率謂得旭素
之精余意正是閣帖中六朝諸名家淹貫所出耳
又陳沱江枯叢梅水仙所作花蔦堆墮寒梢萬針與
石下水仙葉葉紛披層側萬態筆力所及如人含物
一口噴出若稍忙思卽有滯筆不能矣此公墨戲至
此以視乃翁真冰水青藍不啻也

味六

五

有疎風淡日之致欵押一字軾 又東坡小行書壽
命說筆筆用徐季海法而蒼勁有加跋者一人 蘇
長公以元符三年二月責授瓊州別駕安置儋州六
月渡海七月十三日至儋僑寄城南天慶觀故公爲
援筆書此會正月祐陵登極大赦天下五月移公廉
州六月還瓊復渡海至廉七月又以皇長子生國有
大慶遷舒州團練副使量移永州八月終方自廉啟
行卷後題云庚辰歲七月十三日書則正在儋州客
中時也十一月行至英州又復朝奉郎提舉成都府
玉局觀任便而居公遂渡嶺南明年爲建中靖國元
年辛巳五月至毗陵六月因疾告老以本官致政七

月二十八日遂薨公之書是壽命說時年已六十有五距其薨僅隔一歲實爲晚年之筆多挾海上風濤之韻當爲蘇書第一也寶之翰林學士長沙楊宗瑞

六日雨

七日霽

八日夏賈以文徵仲存菊圖爲本來意態甚驕余不語久之徐出所藏真本並觀賈不覺歛避所謂真者在側慙惶殺人者耶可笑是卷余購藏二十年餘矣欵云存菊圖爲達卿先生寫先作大山稠林後漸作平麓迤邐於岡阜間作四五精舍一老凭闌遠矚一童於籬下灌菊一童於室中捧硯籬外一士人曳杖而

味六

五

來若相訪者隔岸遠山數重白雲涌溢如奔馬樹石瀟灑蒼潤純用黃鶴家法乃衡山少年精工之作斷非凡子所能效抵掌也有題句云西風采采弄秋黃種菊人遙菊未荒老圃尙餘清節在殘英長抱故枝香愁侵九日還逢雨寒入東籬忽踐霜珍重孤兒偏護惜百年手澤自難忘長當作常長洲文璧 又祝允明細楷書存菊解一段欵云正德四年己巳春三月一日祝允明造 王存菊公孝友天植於先世所好罔不繼其志而菊尤心注焉此固曾子嗜羊棗意也先太史爲之繪圖亦識其意於不衰耳且一時名碩相與歌詠前後光昭要之卷在人間奚啻照乘珠

也珍重珍重男彭敬識

九日

十日肩輿經試院前因過馮生小樓出觀唐伯虎畫洛神一美者亭亭煙水中寫木芙蓉上下僅露根梢濃淡隱露欲有欲無妙極情致有題句云迷茫煙水接瀟湘雙珮鞞鞞憶澹粧試向蘋花問蘋葉定應羅襪有餘香吳趨唐寅奉爲金奏先生寫奏字損壞以意度之未確 又出觀礬石一塊晶熒燦射如日中積雪大僅盈握可置硯格間余因名其樓曰礬雪樓

十一日

十二日晴暖如春

味六

李

十三日方樵逸攜示倪雲林筠石喬柯用筆粗棘樹幹皆就渴筆刷絲中略綴芒刺石棱如篆法竹葉簡勁乃倪法中所罕見者欵云壬子二月五日雲林生瓊戲寫筠石喬柯題者一人雪風吹盡葉聲乾贏得看山眼界寬一夜秋聲無著處明朝重爲倚闌干永樂十三年秋八月過宗澤十三郎書院見此畫乃雲林高士絕筆也遂賦此王達善

十四日

十五日

十六日杭人嚴華亭挾卷軸寓屠氏廢園同方 逸過訪之時白雲映空 葉覆地茶竈蒸爐煙霧相雜居

停主人為歛吳太學宇暘其妹靖王生余總角故交也三四閒人各出鼎彝珎瓊指點摩弄于虛堂之上不覺耳目清快神情散朗疑不在塵世間憾所閱法書名畫贖者踰半為嘽然耳 董北苑柳巒深樹 王摩詰小楷黃庭內景經 鄭虔秋樹有 史官謝徽題署 趙子昂飲中八仙圖白描 夏禹王雪巖此數種物皆名盛而實不副者余戲題右丞卷後云此異代異蹟誠為異寶然須俟異識歸異人措大不能 有也竹影破牕金片瑣碎恨不能呵幻即真各飽饒 意耳 一古玉縑環銅翠滲入碧照眉宇誠為罕物 十七日大風

味六

空

十八日 十九日 二十日吳仲賢携示陸包山小幅山水仿大癡筆意高山重泉氣韻高爽題句云屏間素練空中落山外雲峰闕處明聞聽朗吟鄰谷應知中自有卧遊人包山陸治 二十一日方樵逸袖一卷相示乃宋畫院仿梁楷渡水羅漢形狀雖奇詭筆路不佳 二十二日 二十三日賀儀部立菴治母之喪於鹽官故第是日往弔夜泊城東詩

二十四日進弔立菴已他往即解維抵家日暎矣 二十五日 二十六日 二十七日年友岳石梁太守再娶華亭徐氏戲作連理篇賀之焚罷靡蕪香手羽胭脂雨洒浙海棠梢逗漏春如許玳瑁珠網送進青鸞語雲聯今夕至瓊戶何時啟笑引鬱羅仙堂堂拜夫婿夫婿列侯長潭居淨秋宇百顆夜光珠千疊鴛鴦綺鉤屏圍紫綃卻扇蘭釭底瀾幅小蠻賤句吐情千縷更有答秦書字字合芳醴誰傳子墨卿編入瑤華紀雙雙玉鳳皇九雛振其羽明年湯餅客先為歌連理賀詞手書又附以

味六

空

奇南香膏一匕玳瑁合一事 二十八日 二十九日吳宇暘太學以所藏法帖求跋松江董太史元宰已先著語矣董云此為鼎帖至佳本去闕帖不遠因裏鮮快雪二帖有寶晉曹之格印款遂強命之寶晉齋帖耳食者類如是伯樂教子相馬不相千里馬但相凡馬凡馬人易知而千里馬鮮售耳余故為拈出以示鑒者其昌題 竹懶跋云余嘗購得寶晉齋殘帖樂毅論一段尾有歐陽修字印記者標首篆書寶晉齋三字圍徑二寸紙膚緊細墨色勻淡古意自然逼人乃知今所行寶晉齋帖者悉是杜撰漢指

畫耳董太史證此爲鼎帖真精鑿矣昔陳繹曾謂鼎刻石粗而易泐今驗之良然終潭黔汝與泉鼎諸帖俱稱閣本血裔零落散亡之後得其隻字數行不啻迦舍佛時所留劫外教蹟其當寶愛何如也

十一月朔日沈倩入秀水學宮夜賽文星有歌舞

二日周宗師楚人諱延光蘇科舉亨兒居第三食廩餼

三日

四日

五日周學憲來顧

六日歛吳止水貽我秋松蘿苕一缶試之良妙

七日胡雅竹攜示唐伯虎槐陰高士圖樹石秀潤人物

味六

奎

俊麗一老角巾跌坐銜杯傲岸灑落之意可弔石脚作玉簪百合夏菊之類生氣藹然題句云清尊涵白髮上壽畫堂深萊彩兒圍膝春風花滿林高年一甲子佳興五絃琴從此悠然去口時好陸沈唐寅我翁年六秩白髮未能侵杯酒樂口世五絃調舜音新華麗春色喬木布涼陰家業付兒子陶然自養心吳奕白頭稱市隱六十尙康強養老陳三豆推尊杖一鄉竹枝歌衛武楮樹協蒙莊誕慶花朝後春風日正長可竹陳翁今年壽躋六十二月廿二日是其誕辰其倩譚維時請詩爲壽漫賦如此正德己巳長洲文壁書

八日

九日無錫倪生持卷軸來奇者有倪雲林長條畫松一株筆法極蒼鬱上有兔絲下作古樸亂草乍見靡不以爲梅道人也題云松枝虬曲松葉鬱然成陰吾近日所畫者子道善藏之雲林 旭日曜蒼巖翠嵐生嫩寒幽人詩夢醒清響聽松湍聽作得王元章題長松偃蹇空山道風吹金粉落瑤草采花釀酒瓊映香飲之令人壽彌考華君好奇得此圖鬼神反走驚相呼虹光貫屋未足怪雲林變化當何如呂志學又曹雲西小景仿郭熙二松挺峙下雜木翳蒼一橋橫水面二隱者荷筐筥以進遠沙急湍半隔煙氣真

味六

奎

妙作也歎云雲西老人作 煙鐘隱隱起蒼茫嶺日分暉到草堂昨夜山前春雨過小橋流水落花香會稽全美有南渡戚里印記乃全皇后族屬也 碧雲消盡好山多茅屋春深長薜蘿行處聽來心自協野禽啼罷野樵歌異志生 筆底江山不露鋒茅茨千尺倚長松采芝空谷歸何晚知在晴雲第幾峰遂昌山人有鄭所南印 晴旭流暉曜翠微蘿煙開處有荆扉澗橋兩兩提筐子疑在深林采藥歸武林顧易十日 十一日倪生復持一卷來乃祝京兆行書史君樓記酷摹黃浩翁筆趣奇逸展玩之久益悟黃書出於魯公

記亦真率有味 火君在南樓上甚小入乃不覺
小其內為南牖下置一几以布帛之設筆墨研著壁
乃所常觀書百許帙當窗鋪木榻容一人卧榻北長
桌亦堆書不甚多則古簡奇牘非常觀間展一二以
驅煩發清者南面頓二繩牀西臨壁架木階十有一
級並階又一桌亦微設玩物中桌恆虛之鼎孟瓶合
之屬與文房器分閣諸桌上左右壁懸佳圖畫楹間
扁曰小樓樓外好樹環植北隔小陌是信心僧菴西
南極空曠可眺遠目明者可見諸名山東南為鄰室
所障其下卻喜一小池能起人爽思視去鄰屋數丈
如十丈樓內外景象大較如此余嘗詫史君意格疏

味六

奎

朗似禪人仙流未得其所致今日見其居如此乃始
得之弘治元年十二月十五日友人祝允明

十二日

十三日印南僧持黃子久冊葉十二幅古畫四皓畫有
鐵笛跋皆不真

十四日項子晉以小像索贊漫應之曰神骨峻峙逸氣
不可籠何以自御伏策讀書見前無窮據梧沈思見
後無窮前亦一無窮後亦一無窮處此兩無窮之中
而傲兀自若曰吾不榮通曰吾不醜窮亦惟是盪雲
澆酒之胸

十五日

十六日

十七日

十八日吳江羅生以卷軸來不佳有錢舜舉蹴鞠圖亦
偽物 倪雲林小景亦常調題云夕陽渡口見青山
誰識其中有此間君本為樵北山北賣薪持斧到人
間壬子八月十四日為彥昇寫并題一絕雲林生
十九日客貽濂溪遺集讀之見倪雲林有題長洲縣學
教諭周遜學天根月窟軒一絕云手攀月窟躡天根
已識乾坤即此身安樂窩中方寸地浩然三十六宮
春廷翁亦遊戲道學教門耶

二十日寒甚

味六

奎

二十一日

二十二日

二十三日方樵逸持示姚雲東仿趙子昂小景蒼潤可
觀石間二老跌坐轉側有態題句云綠樹垂陰處黃
簾弄影時有山無俗事歸去且遲遲逸史

二十四日賈文星有歌舞

二十五日僧本宗乞詩適觀趙子昂疎林秀石圖漫應
之云松花一鉢飯艾菘一爐烟碧眼洞庭水白頭嵩
華巔喃喃作佛語潑潑了諸緣欲覘經行處疎林秀
石邊

二十六日入冬至時晴暖無雨雪河流枯涸井泉淤墊

令人掉舟至先月亭下取水八缶澄之爲淪茗之需
所謂秀水者是也父老相傳每八月秋霽月暉之夕
水面輒浮五色光煜煜然如珠吐焰如金在鎔者移
時而滅蓋西北天目雙徑西南阜亭秦望諸溪曲折
奔赴皆滙於此而後東北入海故精華涵澹獨呈其
異耳邑以是名而人不知貴真日用不知者可歎也

二十七日

細雨氣候如春

二十九日寒雨沈翠水自寫畫冊贈姑蘇醫隱張九嶺
要余著語余既被酒漫應之丈夫清勁骨碌落如玉
石雖然具關節頗不受屈抑鬚髯戟奮張眼皆露黑

味六

六

白九經作波瀾百家爲蕩滿當其議論翻豪雋驚洄
沒忽逢九嶺君峩峩峙高格五芝充腹腸入水潤喉
盜本草細分疏靈樞究宗極恨不起扁鵲重與插羽
翼余曰雄恢哉橫橫胸膈君曰平平耳義黃可拱
揖有友號雪鷗所耽在墨汁描水水生波描山山弄
色人心不可描窺之杳難測人間四百病病病有湯
訣一丸丹元宮無可施針灸不如痛飲酒醉卧林下
石何人呼我對村南李太白

三十日

寒雪

二月朔日

八雨

二日

三日蘇人王生以卷軸來余購得祝京兆行草離騷經

一卷結法如右軍洛神賦而波掠取妍處時涉虞褚
此公少年時最用意筆也諸跋亦勝 祝京兆草書
爲國朝第一此定論也抑孰知其行草之妙乎是卷
既不入時亦不放縱骨俊而搆嚴足可稱右軍狎盟
雲莊謝雍題 吳中書家首稱祝京兆文內翰二公
子每見其手書輒臨摹數過方始棄去京兆生平得
意書有千文月賦及休承氏所藏古詩十九首種種
妍妙余皆及見之獨此離騷卷未入鑒今日偶得披
閱愛之而不能學徒有擊節歎賞劉君其世珍之雅
宜子王寵 祝京兆素性豪宕最喜橫書大紙此卷

味六

六

筆法非凡信草書之宗匠也孔子曰老子猶龍子亦
曰祝公筆亦猶龍云兩泉陳鑿 枝山先生以草聖
冠名一時頃見其離騷經一卷不覺驚異此大手筆
似非食煙火人即張顛之雄壯藏真之飛動視此俱
退三舍矣嘉靖辛丑八月舊吳彭年識 右離騷一
卷爲枝山翁行草第一神情蕭散結體俊逸誠希世
珍也五湖陸師道書 嘉靖甲辰之三月既望同河
南陸治叔平汝南袁襲尙之過芝室劉君閱觀此卷
蓋枝山先生最用意筆也寶之當並于連城茂高陽
許初書 我朝稱草聖者惟祝京兆爲第一此卷離
騷經因座師之命不欲違逆且少年英銳之筆點畫

金石人所莫及即王右軍遺風不滅聖教帖也後尾已隔十有八年尤見蒼勁余欲雙鉤入石與停雲館帖古詩十九首並行於世奈老眼昏花力不足耳撫卷展玩不勝三歎以俟後之君子茂苑文嘉

四日項孟璜招飲二鼓別去孟璜貽所著呼桓日記呼桓者桓鎮惡威勇患瘡者呼其名立止孟璜瘡中筆所見聞故名

五日集徐節之竹浪館節之尊人潤卿出所藏文衡山文水陳道復莫雲卿諸家畫軸懸壁間相與談笑評議以代絲竹朱山人肖海以手製籜竿匏樽行酒余與兒子俱大醉

味六

完

六日以病酒故不能進勺飲

七日方丈室攜示琥珀二大如鵝卵一淡黃如金一般紅如血琥珀不獨松有之深山中樹有脂者淪入地種種凝結惟楓樹獨多耳 又出一卷裝潢極精雅展玩乃楊凝式神仙起居八法從停雲帖中摹出者楮色印采雖極意模擬而偽態種種綻露近日蘇人書畫舫滿載悉偽惡物然晴窗無事不論真贋一卷舒指摘儘可消日忘年所謂證真固樂窮偽亦快也 又文文水山水一軸筆意縱橫酣暢極得董北苑家法陸五湖題句亦佳奈為無賴子將五湖詩柄中文水二字剔去改大癡二字又重下一款于左方云

至正二年四月廿二日大癡老人作方生本無知者固索昂值不售一笑擲還之錄句於此寂寂岩扉畫不開坐看林影轉蒼苔門前黃葉溪橋路時有幽人問字來 甲寅八月九日過壁峰先生齋中出示文水先生此畫乃仿董北苑筆也清潤蒼秀觀之竟日為題句師道

八日從徐潤卿假得姚雲東行楷書一冊中有張句曲藥井石闌一詩事亦雅韻錄之 戊戌蜡月十日既望得張外史約井石闌其上刻天一泉外史作詩吳叡隸古銘皆虞邵菴俞紫芝所製誠舊物也爰置於雲東仙館之北藥室之後虛靜山房之左賦詩志之

味六

完

幻仙遺井在仙壇不見泉源見石闌疑是百年隨邑改可堪九仞告功完轉轡聲斷桐陰暝科斗文埋草露寒今日雲東重濬治桃花洞口伴燒丹 雲東翁書法真有楊少師擬式遺意以其能離松雪谿徑耳雲東一生與楊鐵崖張句曲有緣廉夫鐵冠與伯雨句曲外史冠與馮開之祭酒印蟠螭玉紐與茅孝若恨翁不見見之則當與藥井闌並入石室中矣秋日得見翁真蹟附記於此眉公陳繼儒 竹嬾曰姚雲東行書大抵以右軍薦福永興二碑與周府君碑刻為宗晚年稍涉張句曲而句曲亦以右軍為命脈而波及李泰和者眉公以為似楊少師未知其然否

九日從方樵逸購得文文水楞伽寺井圖筆意瀟灑在
雲林黃鶴之間畫之以幽澹勝者題句云名與三泉
亞鑿當楞埠坡清冷元比德風浪肯添波習靜輪僧
占分甘愧我多還當裏茗去一試近如何茂苑文嘉
十日沈翠水攜蘇人物來玩有琥珀五岳巾圈一又琥
珀鷓鴣扇墜一刻紋精雅又琥珀一如拇指大照之
中有一物儼如水浮鴨亦奇品也又倭銅食筋一雙
上鑿水草細紋精雅之極 宣廟柳枝貫魚圖不負
汝帖一亦常本

十一日細雨

十二日澁雨不止同鄉紳謁新郡守莊公 方樵逸以

味六

劉清惠公麟雜手札數通來展閱語多峻潔筆法蒼
勁清惠與孫太初諸人隱菴上邁世之品也

十三日澁雨不止胡雅竹攜示邵二泉寶所書蘇子瞻

十八羅漢贊甚有柳公權法

十四日霽西風甚厲

十五日寒甚始見堅冰

十六日夏賈以一白玉狻猊水滴來領下有裂紋潤三

寸長六寸亦佳物又青金石圖書一色正藍大如拇

指 又曹雲西谿山清隱圖小景左作墨葉樹二株

右松一株甘蔗二本松下二人跌坐樹根雜置盃盃

書卷之類余驗是元人作桐陰高士圖葉本傳寫非

真筆也

十七日雪譚孟珣王毗翁沈倩伯遠夜集珂雪齋孟珣
携祝京兆正書宋玉風賦行書陸士衡演連珠 又
米書應吉甫華林園詩押縫有石湖精舍圖書記又
棧伽居士印記

十八日同石夢飛夔拊昆季兒子亨造南郭汪愛荆東
雅堂堂前松石梅蘭列置楚楚已入書室中手探一
卷展視乃元人翰墨也首幀仿小米雲山樹行欹疎
嵐氣滃鬱當是房山一輩人而無欵後有楊鐵崖趙
奕等雜手筆數通亦佳已登墨華閣列大理石屏四
座石榻一張几上宋板書數十函雜帖數十種銅養

味六

花觚罍洗之屬汪君所自娛弄以絕意於外交者也
愛荆少時曾與黃冠王雅賓游故得嗜古之趣雅賓
文衡山先生門下士也汪之長子玉水遊太學歸與
石氏昆季同里余因得相引以入玉水又導余入一
密室見櫺高四尺潤五尺以紗蒙隔中貯烏思藏佛
大小百餘軀又白定宣磁數四瑪瑙彌勒尊者一頭
腹俱瑩白而衣紋紅纏絲皆就生質琢之者又白玉
觀音一高八寸手提籃一紅鱗乃瑪瑙所琢者憶昔
年華亭徐文貞公家紀綱之僕捨多贊營佛事曾介
一僧求先師馮具區先生作文以此為潤筆余為代
草而觀音留供先生書室中不二月失去莫可踪跡

今忽觀此如逢故人而旁添一善財則他玉所琢頭
白背膊俱白而腰裏裳衣乃藍色亦奇品也初愛荆
丐董太史書堂扁董詢其居東向因命之東雅見者
頗疑其無據余是日適攜名公雜札一卷就堂中觀
之有彭隆池年與張元洲東云軟輿暫赴東雅堂當
有奇觀之語玉水因大彭暢以爲千古之合云薄暮
石氏攜酒榼至痛醉而別霜月滿空夜漏下五十刻
矣

十九日霽

二十日沈倩伯遠以宋孝宗手書唐史語三段賜會觀
者爲節餉又侑以精綺四端還綺而留其卷

味六

二十一日盛寓庸携示姚丹邱梅花鷓鴣圖著色清脫
有錢舜舉之風題句云羅浮驚夢翠禽呼醉問參橫
月落無山鷓於今獨飛到窗前花影夜模糊逸史

二十二日朱季長貽余壽州誌偶映曝揭之見耆義傳
一事頗奇正德間有民胡涪者好施慕義出粟千餘
石賑饑又封還遺金免其鬻女償官家畜一青馬兩
胯忽生毛片成梅花二枝又喜鵲各棲其上宛然畢
肖戈指揮繼元以百金購之不與俄爲鳳陽內官以
厚貲勒去後其馬每日垂淚思胡不旬月竟斃人以
爲天故神其事以取償于內豎也

二十三日

二十四日汪玉水以鵠遊亭楷書帖選見貽乃溫陵黃
克纘紹夫所鑄也自鍾元常迄文徵仲凡二十二人
內蔡端明楷而不能小蘇子瞻米元章小而不能楷
而王洽王虞輩則又雜取行狎書以足之將毋諸公
之各有擅而不相通耶抑紹夫撫羅之未廣耶

二十五日

二十六日沈伯遠遣平頭持一卷求鑒乃錢舜舉蕭翼
賺蘭亭圖也白袍儒生手指點畫面有俠氣廷羸老
僧據牀不下丁奴治茗事一赤髯奴子傍立吐口若
驚詫失意者情態欲絕題句云鼠鬚注硯寫流觴一
入書林久復藏二十六行經進字回頭不比在塵梁

味六

吳興錢舜舉 繭紙蘭亭世絕倫蕭郎小點始驚人
錦標牙軸今安在回首昭陵迹已陳卧雲散僧無本
可住 使星東犯斗牛來猿鳥忘機豈見猜莫笑老
僧藏不得昭陵玉匣有時開桂衡 書生設計渾如
海開士珍藏重若山不道當時俱詐吝翻成佳話落
人間集慶淨曦 蕭翼辭京奉德音辨才識淺墮機
深雖然賺得蘭亭帖未合君王好事心姑蘇釋德謙
又嚴陵邵亨貞一跋議論淺謬不錄

二十七日譚孟恂質得張擇端清明上河圖携至求鑒
乃余四五年前所見物也眞品恨縑素又增朽敗矣
二十八日張嘉林以謝樗仙漁村小景一軸爲節餉乃

仿梅道人筆也頗蒼鬱有氣題句云水月映汀莎漁人發棹歌悠悠江海調清廟口雲和樗仙

二十九日陰夜晴暖余得一絕云江南臘月全無凍海上春風自有期爆竹一聲催曙色梅花無數上新枝

味六

畫

味水軒日記卷六

味水軒日記卷七

明秀水李日華著

萬曆四十五年乙卯

正月一日率婦子拜家慶於飲食壽康處內各進椒柏酒於家大人大人於是年八十有五矣是日寅卯間東北風停午轉東南風晴朗

二日細雨沈翠水來與飲竟日去翠水年五十四初狼子今連舉二子余以春聯贈之云春雨蘭芽雙引玉晴霞芝草遍鋪金翠水曰余至是且將盡焚干祿書閉門灌花竹令生意鬱然不斷日攤稗官襍說其下縱酒笑歌以達此生子能從我乎余曰諾

味七

嘉業堂校刊

三日雨

四日雨購得盆梅紅白二樹樹高三尺各敷五百餘花因憶少時讀書亡友吳伯度園齋有蟠梅綠萼者兩株高五尺結幹三層敷萬餘花時望之萬玉玲瓏如珠幢寶蓋香氣浮動每歲首卽已放白伯度性豪飲又喜以酒醉客月下花影中往往有三四醉人齕臥醒乃散去余獨取屏幃遮圍置牀其中甘寢竟夕曙色動始起坐覺遍體肌膚骨節俱清梅花香氣中不知趙師雍羅浮夢視此何如也俄伯度歿雙梅爲徵人購去移植不得其所詢之已供爨火矣乃知盆玩雖微皆主人福蔭所持唐人牡丹詩云看到子孫能

幾家旨深哉

五日霽

六日

七日晨起屋有積雪日出消盡周伯昇以宋紙一幅乞繪事尾有賜紫勾當守英印記想當時主僧領造藏經者紙視金粟山色微澹而縝薄可愛因爲寫溪山秋爽用子久法

八日出謁直指李懋明公午同施存梅太史王巽吾比部養白兄宴直指於徐勳卿元仗第直指云浙中海防兵餉歲費三十六萬餘金又歲欠織造銀二十九萬有奇

味七

九日直指守巡郡邑諸公卿紳孝廉文學會講於天心書院

書院

十日招朱季長父子夜坐季長貽余黃文獻公集公名

潛字晉卿金華人宋潛溪學士師也集有陸秀夫遺

事一篇甚典核

十一日

十二日夜集清樾堂吳州將赤舍岳水部石帆譚兵部

凡同項進士扈虛歌者李文姬歡譔竟夕月色如畫

十三日購得文徵仲落花詩十首陸叔平補圖彭隆池

跋 吳故稱善畫藪迨我明興有文衡翁陸叔平並

登神品短箋尺幅人藏爲榮顧每爲四方好事者購

去非真有翰墨之癖者不爲所得珍矣茲從石川大夫齋頭獲觀此卷衡翁書法適麗得聖教序十之八九叔平繪理蒼潤得荆關十之六七真雙璧哉令人把玩奚啻聽雲中仙子吹鳳笙弄明珠遊水晶宮也快哉大夫其世珍之毋使置之塵篋中令時時吐光怪也時嘉靖戊申冬十月二日舊吳彭年識

十四日胡雅竹以吳中名公手墨來質錢內祝京兆詩草極橫逸似懷素干文詩語亦壯麗 壽南峯先生錯落金門賦琳琅玉局文樽開淮泗水石掃華山雲巒礪松多節嘉祥鳳不羣函關候紫氣極目正細縷馬援丹心在陶公碧眼方衣冠天下偉日月卷中

味七

長芝紫休歌曲河清好釣璜飛熊今有兆主上是文王 送峩齋水部之京千古河陽縣三春建業城風光臺草碧官況壑冰清飛舞中原鳳間關上苑鶯元龍圖報國大播水曹聲 暉暉江日淨冉冉驛花深樽酒洞庭水片雲鴻鵠心修塗將整駕離思欲分襟明歲遷官秩山人聽好音 送陳子秀夫太學北上別意盡尊酒出門嘶紫驢江春碧草動海日黃河流鴻鷗九霄舉風塵千里遊中丞舊事業願子驅前脩西風吹錦水浩浩古城陰日月亭嘉令山川歷壯心天寒啼雁急江冷落楓深携手河梁上褰衣遊子吟 送東塘毛老先生北上志欲起三代權能總百

官慶雲天有瑞和氣國交歡永日望彌近紫泥封未
乾致君堯舜上公去諒非難 白日進巨觴中流揚
素波春陽盛嫵媚名位高嵯峨芳草剪碧色景風扇
微和公門富桃李須聽南山歌 又王雅宜別兄履
約古風七首楷書似破邪論 又文徵仲伊僉事傳
楷法似寶曇帖

十五日過郁伯承伯承貽我張橫浦鄭西塘二先生集
橫浦張無垢九成西塘鄭俠上流民圖者 兒子購
市中燈備魚蝦蟾蟹四形極肖因奉家君於飲食壽
康處燕笑二鼓罷去

十六日風寒甚

味七

十七日至石佛寺德公房德公出其祖濟禪師辭世偈
一首又和余偈一首覽之不勝感愴師號慈航性疏
豁通內外典籍自言幼參雲如令看趙州勘婆話不
契一日偶閱萬松評唱見誦此則因緣云三軍不動
旌閃爍老婆正是魔王脚趙州無柄鐵掃帚掃蕩乾
坤空疎疎不覺桶底脫相似自是手脚輕快知此中
決定無所用心遂一意夷光鏗氣同眾作息有時自
吟小詩工釀酒自斲自斟自飲兒孫不能測也但寺
中僧行讀經書有疑義輒就師決之因競呼爲先生
云師一見余輒契合一日坐竹下出萬松評唱將所
評公案一一勘過因相與大笑余爲梓其竹間話一

編亦近日叢林中門椎拍板也師以去歲二月八日
示疾預刻化期趺坐而逝辭世偈云大千世界沙門
眼一道靈光亘古今莫道吾今終杜口風林水鳥演
餘音和余偈曰寄語同參李居士驀地翻身杜吾口
這回若欲重相見除是面南看北斗余答其偈云偈
塞虛空絕往還黑漫漫處白漫漫勸君著眼須分曉
莫向森羅錯定盤

十八日購得陳白陽山村風雨圖款云乙卯三月六日
避雨山村酒家作此圖以謝諦視乃用村家退筆草
草點就而蒼辣之氣涌溢真逸品也 又祝京兆大
幅狂草一軸恍如顛長史復出亦晚年化筆五色祥

味七

雲擁六龍開禁殿列臣工主恩皇澤禮樂象成功文
華物采口天風動萬國來朝貢調朝天子戊戌秋明
堂禮成慶成宴樂章一首允明

十九日稍和

二十日王孝廉釋方從閩回携一五色鸚鵡紫翎黃翅
翠襟素腹元頰朱喙紺足青爪海南舶上物也此鳥
最慧初至能念梵經置座中漸久遂能華人言凡鸚
鵡雖慧猶俟人再三教習此則聽聲即能肖之性最
畏風露孝廉置之木櫃中不一月即斃見者無不惋
惜朱季長習遊閩云此名紺質鳥在彼中亦值六七
金

二十一日方巢雲携祝支山行草樂詞十六段來求鑒
書法爲世所傳唐人仿王右軍心經轉折盤紆法度
丰韻無不精到余視祝公書多矣至是始服其淵博
蓋胸中醞釀諸家妙處不覺變現出沒如是耳歎云
歐陽鳳林先生進賀萬壽表承銓部鄔茂翁老先生
索書奉贈敬錄萬歲樂及感皇恩十六詞以應之時
丙戌元宵後二日也南京應天府通判祝允明 自
古草書推張芝楷則推鍾繇至山陰父子兼而有之
後世雖有作者莫可及也近代惟吾友祝希哲挺出
於諸體無所不學無所不宗以至行楷入妙草法入
神真可分山陰八九者矣因見此卷嘆羨久之都穆

味七

六

吾友鳳林宦游白下得吳中名公筆出以示余余
但聞祝京兆之名而不得覩祝京兆之筆今一見之
使我心花頓開竟不知權從何處生也漫綴數語聊
記歲月云爾嘉靖戊子九月既望奉訓大夫戶部湖
廣清吏司員外郎劉元 余辛卯歲入南雍日唯閉
戶讀書人語不聞時有鳥聲相關而已適歐陽先生
過訪慰余寥寂並示枝山翁十六詞據跋語稱爲鄔
茂翁所求而茂翁又枝山所樂與者固應用筆俊逸
結體翩翩自有龍翔鳳舞之態是歲七月十二日也
雅宜山人王寵識 鳳林年丈同寓燕京與余稱莫
逆交時索吾鄉名筆余許之歸而忘却嗣後鳳林任

南京與余不相聞而茲忽報吾翁過吳余出金閶得
一把臂劇談十年前事猶一日翁因出希哲卷以實
余前言之謬不覺赧汗如淋展以觀之頓令老眼開
豁儼然鍾王悉具目前孰意希哲暮齡傾倒萬斛珠
璣於雪蘭也鳳林珍之不下連城之璧故命予懇文
徵仲一言適徵仲在玉峯敬倩伯君爲之全余數年
之諾兩泉陳鑒 余嘗謂作書不知擒縱故字中無
筆耳字中有筆正如禪家句中有眼非深解宗趣豈
易言哉今觀枝山先生所書十六詞真有龍翔鳳舞
之妙豈非字中有筆者耶此卷爲歐陽先生出示因
識數語不知先生以爲何如後學彭年書 歐陽老

味七

七

先生過吳門持祝先生書卷托兩泉倩家君跋其後
適家君應玉峯吳五舅之請轉囑不佞代爲塞責然
此卷筆法神妙諸公已鑒定矣余復何言三橋文彭
南濠雅宜諸公自是書家輒稱祝京兆乃知諸公
秉無上法眼不易許也京兆一片苦心端不在歐虞
之下然此卷得諸公跋語而聲價益增貴矣嘉靖王
子仲冬二日陸師道題 余髫髻時得侍文夫子玉
蘭堂每見枝翁則豪興滿筵醉後信筆大書與素師
無分高下茲卷乃其任南都時筆見之恍然後六年
而歐翁復懇文夫子遂淹匿齋頭憶昔歐翁兩過吳
而不得文夫子一筆此卷不能全二美也黃姬水

二十二日集項希憲第沈司理一乾宗兄元白聯坐
二十三日孫令宏以繭紙求寫讀書圖戲效董北苑筆
法漫附一絕云拋却書編便看山不教雙眼落塵寰
有時合眼還成夢夢入匡廬校馬班時余正讀史故
末句及之
二十四日自正月二日微雨至是悉晴暖河流皆涸入
夜始聽簷滴甚喜

二十五日

二十六日霽

二十七日

二十八日飲沈翠水紅白梅下暮細雨

味七

二十九日里中黃黃裳者善鍛錫爲茶注模範百出而
精雅絕倫一時高流貴尙之陳眉公爲作像贊又乞
予數語漫應之道剖而器德降而藝旣爲世資亦用
資世古之至人若倅若般若歐若扁咸卓有所樹而
不見其細嗟嗟黃裳朴貌古心自發靈慧取材從革
妙兼冶化旣成而傲兀於壘洗瓶甌之間覺灑然而
有以自異者歟若夫岩芽吐白槐燧燎青春雪騰沸
注虛挹盈酒餘狎坐吟壇策勳嗟嗟黃裳生可以杖
履於又新君謨之堂歿可以俎豆於竟陵子之楹者
也

三十日雨爲孫令宏書陳眉公讀書十六觀中語七則

余又益以一則云昔陶淵明讀書不求甚解趙州和
尙看涅槃經只是遮眼竹懶一日山行有客穿林踏
石都不領略口喃喃語十年恩怨事不休竹懶笑曰
余亡友吳元鐵與余對勘杜詩元鐵好記佳句余初
不留念只觸眼取快而已以爲丈夫胸次當蕩蕩卽
杜句不欲點之矧人間恩怨耶夫淵明之不解與余
之不記亦讀書觀中所當參取也不知令宏以爲何
如

二月一日雨

二日吳赤含招飲項孟璜在坐孟璜云洞庭許氏父祖
子孫昆季俱不出痘疹先世傳一方甚簡易攬核一

味七

枚糙碗底磨水於水閉日服之一歲凡六水閉日磨
服盡一核永不出矣

三日晚霽

四日棹舟至白苕後圃紅白梅盛開徘徊其下久之胡
雅竹偶借居草堂裝潢書畫卷有王叔明鐵網珊瑚
一軸乃寫二枯木聳峙叢篠間以竹枝橫斜垂葉覆
蔽如網木梢錯出如珊瑚口耳叔明寫此贈范玉崖
而諸公競題詠之亦見一時同調之盛也備錄之
鐵網網得珊瑚枝寄與東吳范高士翠鳳飛來毛羽
寒石化青羊叱不起金鼎夜鍊天地根閉門不識桃
花春吳煙拂草瀛洲綠鳥啼花落空愁人百壺美酒

恣傾倒銷盡春愁人不老却從鶴背看塵寰四海如
杯嵩華小黃鶴山人王蒙畫並題 天上仙人王子
喬由來眼看天下士黃鶴山中卧白雲使者之徵那
肯起崑崙老樹盤玉根青鸞對舞瑤臺春昨朝贈我
神錦段謂我九老仙都人閬苑花前因醉倒謫下人
間容易老百花樓中作酒狂一聲鐵笛乾坤小玉崖
生范立奉和 王公外家襲金紫不比尋常韋布士
一時結交多譽髦早歲聲華倏然起閒移翠竹當雲
根更有古樹枝含春自云珊瑚出鐵網投贈豈與塵
中人范君相見即傾倒喜盃朋簪成二老玉壺滿口
紫霞流痛飲狂歌天地小益齋王彥文奉和前韻

味七

十一

黃鶴山中名畫史自昔文章冠多士淋漓醉墨寫幽
篁翠梢搖搖拂雲起古樹槎枒鐵石根虬枝糾結江
南春苔花香透外家宅玉堂仙去今何人清尊却憶
花前倒憂樂只應懷范老畫圖難寄相思心滄溟浩
渺珊瑚小安湖老人王士顯次韻 中文兄示及叔
明王公所寄詩畫命僕品題之僕隨口和韻中文嘆
賞既久之即命書以冠其顛云珊瑚千年生海底至
寶終當遇奇士黃鶴山人狡獪徒笑踏靈鰲輕掣起
波濤洗盡泥沙痕元氣尚帶龍宮春裏藏什襲贈知
己長生范老非常人明窗玩之驚絕倒世間一任韶
華老釣竿猶記拂長枝三點神山眼中小吳郡願祿

奉題 黃鶴山人多意氣真是高亭老仙士揮毫仿
佛如有神怪石嶙峋筆端起琅玕玉樹生雲根畫圖
奪得江南春邇來遨遊東海上持贈玉崖之高人兩
翁相逢遂傾倒醉裏不知天地老持竿共結滄洲期
一釣猶嫌六鰲小奉和黃鶴山人贈范玉崖詩李仁
廷珪墨掃金華紙知是香光老居士鳳向高岡時
一鳴龍從碧海雙飛起紫苔碧蘚點雲根占盡湖山
無限春上題詩句天藻麗遠贈高平英偉人此圖當
世俱壓倒我亦唱酬繼諸老高堂落筆風雨驚不覺
氣吞雲夢小沈瑜奉和 王公獨得天然趣揮毫不
效丹青士淡墨雲箋掃畫圖琅玕屈鐵參差起碧苔

味七

十一

清水流石根深山花落黃鸝春琴書几杖白晝靜何
日置我塵埃人高亭之仙非潦倒醉後狂歌不知老
有約盧敖賦遠遊九點齊煙望中小豫章胡僊次韻
玉崖先生命和前韻賦詩曰山骨嶙峋浸秋水虎
視耽耽如胄士青鸞三上聞風來下立瑤階不飛起
坡頭有樹蟠虬根上凌霄漢中含春只疑老蛟出海
底化作千載之神人眼觀此圖欲絕倒飛上香煙尋
五老一尊試酌湘江仙徒玉崖先生世名士一時傾蓋兩相
鶴山老樵列仙徒玉崖先生世名士一時傾蓋兩相
逢作畫賦詩高興起倏然為寫竹數根旁有古樹同
陽春蛟龍盤擎鳳鸞舞清氣因之能逼人金壺墨汁

都傾倒歷盡蘇翁並米老須臾更著石嶙峋海上移
來蓬島小中逸吳樗 黃鶴山人寄余詩畫兩學賢
友俱有和章明窗展玩珠明玉潤照曜後先其脩篁
古木不滅在於崑閩間也喜不自己余初效顰之後
復續此詩以謝諸公之佳祝云爾黃鶴仙翁有詩寄
不比尋常之畫士天入丹山鸞鳳飛雷驚陸地蛟龍
起人生如寄蓬無根相逢意氣皆如春東吳文學最
瀟灑二王尤是風流人長仙醉來玉山倒散盡黃金
數東老吏部李白共餐霞誰謂壺中天地小錢唐范
立

五日霽薄寒

味七

十三

六日

七日書林張氏梓眉公廣秘笈凡雜說五十種既成來
乞余敘 歎友吳東籬來顧貽余精墨四函松蘿茶
一缶是夜三鼓聞雷

八日澁雨駁雲寒煖不定松江一人持文衡山小畫一
幀求鑒青嶂綠波緋桃碧柳用意極工少年筆也題
云綠陰千頃碧溪前翠掩晴空散紫煙自是高人能
領畧試烹新茗汲清泉嘉靖庚子春日畫並題徵明
九日招郁伯承夜坐伯承云於金陵曲巷購得宋張安
道文集抄本今留焦漪園先生處又有人以宋板石
狃徠集求售以價昂未就伯承好古酷嗜奇隱張氏

所梓眉公集大半都其書也

十日

十一日陰寒夜細雨

十二日陰寒午後雨雪雜下

十三日

十四日

十五日連雨

十六日作賀潘兵憲之載攷績文

十七日至北郭見新柳

十八日大雨竟日

十九日霽

味七

十三

二十日晴光澄澈崇德朱孝廉得祚爲其房師湖州司
理李君乞詩壽母漫應之李蜀人也茗水西迎濯錦
川海槎拂斗下蒼煙白雲粉署神君誦紫竿黃流壽
母筵已轉熊丸成鼎味應收瓊粒布芝田筆端剩有
雲霞氣點綴霜松雪柏篇

二十一日

二十二日

二十三日有送殯事登雪舫夜宿於北津五鼓風雨

二十四日早至四鶴涇橋歸舟得沈岳翁詩急同亨兒

入喪次俟主人成服而還

二十五日雨方小子引松人持卷軸來有梅道人墨竹

長卷所寫竹俱在回岡斷坡奔流伏波之間雄逸震蕩蕭寒淒迷奇觀也危大樸著語亦奇植物之中竹難寫古今雖畫無似者惟君下筆獨逼真丹青以來惟一人人畫竹身肥擁腫君畫莖瘦節節疎人畫竹梢死羸垂君畫枝活葉葉動不根而生從意生不筍而成由筆成野塘水邊倚岸側森森兩叢幾百莖嬋娟不失筠粉態蕭索盡得風煙情舉頭忽見不似畫側耳靜聽疑有聲西叢七莖勁而健省向天竺寺前石上見東叢八莖疎且寒憶曾湘如廟裏雨中看幽姿遠思少人知與君相顧空長嘆吳君老可惜手戩眼昏頭雪白自言便是絕筆時從此竹尤難得周

味七

十四

景遠先生一日過訪出示吳仲圭畫竹爛熳盈卷素余題識漫附此歌於清風高節間相為悠遠云爾時至正二十一年春三月既望臨川危素識 洪武改元二月四日周待制月巖吳助教養浩金華宋濂同觀 江頭雨裏寫娟娟更畫新梢入晚煙還未數竿題未徧龍吟清夜涓溪邊洪武戊寅秋日在松陵周惟敬齋中閱此卷敬題道衍 永樂甲申歲重陽日張紳徐貴同觀於周氏敬止齋 畫竹忌屈不忌直仲圭由來有筆力今日畫圖幾百年人間尙自留真墨空堂展閱風雨寒明滅纖霧生微瀾細觀見竹不見畫何時削此石上青琅玕八閩高士黃司馬平生

好文兼愛畫碧草停珂夏省中白雲捲幔晴窗下每逢賓客出評語遂使破素增高價開圖似惜孤鸞叢胡為寫置荆棘中君不見洞庭之上瀟湘岸翠篠倚篁沙草亂鳳凰不棲鸕鶿怨洪熙改元春日齋居適友人以仲圭竹卷示余漫書此詩以歸之沈祭 成化改元春四月舟次松陵觀畢敬題陸友 又一冊稱祝枝山墨跡乃遊洞庭諸詩也行筆酷類柳公權蘭亭集詠所書句有佳者節錄之自胥口入太湖沙邊過雨龍腥暗帆下分殮魚鱗香登縹緲峯云生蔬薦雨僧齋薄寒榻眠雲客思清下縹緲峯小憩西湖寺云藥苗細染雲絲碧石翳重生雉尾斑林屋洞

味七

十五

歸道中作云積儉振家風俗美繁寒傷橘地租虛遊資慶寺一首云啼禽聲斷野花疎一徑松陰到淨居松偃重門分兩院竹開別徑有精廬茶炊竈火薪啣鶴飯洗雲波鏡繞魚慚愧山僧塵土面靈珠何日拭泥淤按此末句乃一遊山衲子所書非祝公筆也市賈得人佳書輒流去其名跡強綴知名人號所謂湮沒不彰者多矣可嘆

二十六日往沈岳翁喪次夜歸五鼓大雷雨

二十七日

二十八日沈儀南從萊州回貽余海鹿腊一肘鯊魚翅四片龍頭魚鱗二尾大如鯉鱒頭生三叉如蝦非如

俗所指四明小白魚如鱸殘者也又黃鼠十頭亦佳
二十九日

三月朔日是日日食未末至酉初松江同年李補之之
孫名之碩字得輿者來謁云其家拓落不能爲生將
爲山人游以糊口補之諱尙袞己丑捷南宮壬辰殿
試不及授官卒都下得輿貽余一詩未成句卽日報
謁河濱別去昔杜審言孫以詩窮徹骨吾慮得輿不
免耳

二日茗人持卷軸來有王雅宜行草詩一卷筆法秀穎
句律清妙錄之旭日開春霽殘雲變午霞登臨如有
待山水更重華石乳初懸溜流鶯復滿花林中有肥

味七

遁吾欲傍生涯 鼎食非吾事泠泠冰雪腸煮茶師
自得斫屐與偏長花氣熏泉竇山形拱石堂江湖自
有樂高詠和滄浪 頗愛嵇生曠營高司馬遊圖經
隨意讀山水與神謀舉世悲籠鳥全身學海鷗此生
知得遂天地漭悠悠雅宜山人王履吉 又艾葉猫
一幅張德純筆也題句云狸兒新得虎兒斑特市溪
魚備午餐只爲護書勲業重主人相遇過馮謹吳江
張德純寫

三日次孫丑郎播痘經十二日焦視賽神爲樂家君爲
之加箸夜大雨

四日沈倩家來訂婚期 購得文壽承草書千文一卷

諦玩久之覺孫虔禮書諸素師律公諸帖皆在此公
筆端國朝書法成就未有如壽承者也歎云嘉靖壬
子六月五日時明日小暑天氣如清秋雨絲絲不絕
小樓獨坐書此一遣孤悶文彭

五日

六日寒雨竟日俞生持端硯一求售不佳

七日雨不止客持便面一文壽承草書詩一律休承點
筆小山水蒼淡有致采蓮涇上雨初收秋色催人爛
漫遊日暮白蘋風乍起陂南黃葉水交流美人齊唱
滄浪曲彩鷁斜穿窈窕洲落盡晚花無耐冷一尊相
屬更夷猶文彭 又姚丹邱讀書圖筆法仿梅道人

味七

題句云盡道山深可讀書只將萬卷究三餘雲邊或
下仙人馭樹底常停長者車吾愛謝家春草句誰云
元晏竹林居滔滔獨有門前水流去年光却自如宏
治甲寅四月望日雲東逸史姚公綬畫並題長者下
課車爲居因用注脚醉中草草可發大方君子一笑
八日偶以事至九曲柳條曳地桃花有散落水而者齋
居之人寒雨踟躕殊不知有一日春也

九日老僧燈公來乞余書偈貽余細蒲草菊苗穉松余
方編竹作籬襍置籬脚問甚添物色

十日作眉公廣秘笈序

十一日同兒子省墓因過顏掾看海棠甚盛

十二日

十三日余初度買得黃山松一株翠鬚扶疏可愛黃楊一本葉丹綠相雜甚奇沈子廣又貽余老少年子一裏三物皆壽禮之意長孫科壽適播痘兒孫漸成長吾將篤意種樹修王逸少之樂多致花果奇種是我業也

十四日方樵逸同徐生來携示開皇蘭亭卷江村萬里圖著唐子畏欵皆偽物 開皇蘭亭在高瑞南家余及見其真者江村萬里圖乃前宋人所畫長江萬里圖如范寬許道寧輩而此其臨本借重唐伯虎耳又沈石田荔柿圖用筆精雅題句云庚子元旦即興

味七

夫

起問梅花整角巾忻然草木已知春白頭無恙人惟舊黃麻多情歲又新行酒不妨從小子耦耕還喜約比鄰年年天肯賒強健老為朝廷補一民右近作一首侑以荔柿圖奉宿田老兄新春一笑沈周 又商德符小景一軸行筆秀潤類徐幼文欵云至正三年浴佛日鳳翔曇公以李庭珪墨見贈作此商琦德符

十五日

十六日

十七日

十八日

十九日

二十日此數日以長孫科壽痘症險惡日夜同家人婦子近問醫卜焦然無一刻寧

二十一日科孫竟殤此孫受孕六月半而生口不能容乳日滴乳而哺之踰歲頭角嶄然成就笑啼宛轉極得老妻意老妻亦極意調護之曰我女嫁後須此孫以娛寂也每食必據其膝又擅專七箸縱恣顛倒不以厭棄即佯怒之必啼號跳擲伺祖母色解而後已故愈益憐愛之然余於癸丑冬生次孫之夕夢一物如魚黃色飛騰跳躍已化為小兒旁一人曰此汝孫也又大書經文字曰家長公夢起而次孫舉矣嗣後二孫戲弄於前心輒懷疑不已然不忍言亦竟不與老妻言至是始驗余甥常星海以世醫名里中自孫見痘日夕來救療百端不能取效余曰力不可與命爭智不可以衡化又何嗟噴之有哉

味七

夫

二十二日

二十三日俱攬涕淚吳興孝廉王暉如名德化書來乞行草單條以紫端硯板一薛鏡二附以種種為潤筆

二十四日始嘗新茶

左側

二十五日瘞殤孫科壽於白芒西港庶祖母薛媪塚旁

二十六日沈淡如貽余虞伯施正書離騷石本一卷甚有夫子廟堂碑筆意 又宋真宗賜賀蘭栖真手勅

乃集右軍書也而丰態有餘蒼勁不足勅賀蘭栖真
汝棲身巖壑抗志烟霞觀心眾妙之門脫屣浮榮之
外朕奉希夷而爲教法清淨以臨民思得有道之人
訪以無爲之理久懷上士欲觀真風受命使臣以禮
徵聘汝其暫別林谷來至闕庭無辭跋涉之勞當體
招延之意今差入內高班內品李懷養往彼詔汝赴
闕故茲示諭想宜知悉秋冷汝比好亟遣書指不多
及十八日勅詩賜賀蘭栖真元元留教五千言有象
難名恍惚間教進篇章達至理時吟時詠道情閒
揚州錢山人來謁以所寫墨竹一幀爲贄且索題句
漫應之曰東坡得酒生芒角石室相空作偃波不數

味七

梅花枯梗手襪材今已集江都

二十七日

二十八日門人陳韋伯孺遊金陵同好者皆有贈篇余
亦漫附一律之子空靈性探奇上白門筆噓春霧合
鞭指暮江奔踪跡從疎散襟期恣吐吞到來憑弔處
認取謝公墩

二十九日

三十日雨

四月一日大雷雨美蔭齋新插竹籬所移植海棠茶蘼

玉卮錦帶薔薇玫瑰之屬悉活

二日雨讀徐文長集袁中郎宏道表章之以爲當代一

人然其人骯髒有奇氣而不雅馴若詩則俚而詭激
絕似中郎是以有臭味之合耳襍劇四聲猿却是妙
手

三日雨方小子引蘇人持卷軸來沈石田畫四幅學梅
道人悉贗筆又石田訪趙松雪吳山雙騎圖垂柳緋
桃黛山碧水頗盡遊冶之趣題句云燕口滋泥迸公
筍東風力汰柔條靜烘雲曉日開眼光起軸湘簾尋
紙影落花悠悠碧泉冷餘香猶熱胭脂井樓頭少女
泣羅巾浪子馬蹄飛軟塵春來遲春去急柳棉欲吹
愁雨濕黃鸝留春春不及千里王孫爲誰碧故苑長
洲改新邑阿嬌一傾何口立踪跡不定流蓬萍後人

味七

感慨前人營余家舊藏趙松雪吳山雙騎圖因摹此
幅與仲修甥捲去今壬子歲持來索題屈指三十又
四年矣老眼模糊自嘆精力不及前耳沈周 又王
孟端仿雲林小景作七樹欹斜聳直間搭各有態題
者二人新圖寫就自長吟水木清華雨意深今日九
龍山下過草亭寂寞掩空林青城山人王汝玉 羣
山巖巖擁雲青嘉樹森森蔭石亭不見九龍山下客
落花芳草滿林柯翰林老友王達善 又陳白陽米
山潑翠峯巒題句云吳水雲中綠吳山雲外青數椽
南嶺竹一卷太元經道復

四日雨同亭兒出奠譚聖俞母夫人

五日

六日過玉樞院訪歛友吳德符出觀文徵仲盆蘭一幅極有吳興筆趣上作漢隸書題語百餘字精妙不可言係公少年筆也欸云文壁 又沈石田小方冊二幅其一著色鴛鴦其一飛立三鷺俱精細有生氣又周東村雪景橫披酷類夏禹玉 又陳白陽行草書陶淵明飲酒詩筆法流利華潤似顏又似虞白陽絕得意筆也 又過春波橋訪歛友吳存吾出觀奇南香佛高一尺五寸重十餘斤芳烈逼人亦一時罕物也 又舊人畫梅月下美人存吾指云管仲姬像余驗是梅魂 又舊團扇一面畫十六羅漢禮普陀

味七

五

大士細入毫髮存吾指云李龍眠余驗是南宋待詔筆

七日同兒子登雪舫泊後渚將早發為姑胥之行

八日辰刻至王江涇風急水駛我舟為估客舟所觸幾殆遣人呼巡司拘估人脩舫余與兒子暫止吳太守

生祠中太守名國仕號長谷甲辰進士歛人為政寬厚有惠澤脩松陵塘又建橋於涇上民德之因立祠於橋左午後余始得行夜泊八尺

九日早過吳江未刻泊虎阜焙茶於周三峯家買得建蘭二叢茉莉二本夾竹桃珍珠蘭各一本夜宿後麓

十日舟中曙色動鳥聲如沸起櫛沐雲陰開歛不定氣

候極佳余得句云水氣從開歛春陰忽有無樹深禽語亂花晚蝶情孤策策理遊緒行行問酒墟盪雲胸

次在不遺落塵蕪 信步訪張豫園普薇玫瑰杜鵑月季紅白滿庭酒香撲鼻而豫園兩肘掣掣不能起坐矣余嘗謂人具花酒福者必須有閒心腸健身子

心腸之閒可以排遣致而健身未易得也杜子云明年今日知誰健醉把茱萸仔細看情深哉

十一日泊閶門遇戴生者邀看書畫多文沈襟跡俱贖物不足屬目止唐子畏一美人用筆蕭散有神情題句云蘅杜洲邊粉膩香雪肌冰骨水雲裳不憑青鳥傳消息誰識東風一面粧吳趨唐寅 午刻至新橋

味七

五

訪沈恆川國醫出觀弘治年內府圖繪本草四套計四十本自玉石部至草木禽獸介鱗蟲豸皆畢肖其形而傅彩暈色有天然之趣每種列地名質味性合治反忌等目辨析甚精先朝留意方術不苟如此真盛時文物也恆川云得之吳江林廷用廷用得之內侍固知金匱石室之藏其漏逸於外者多矣是夕飲恆川家泊舟新橋

十二日早發至濠市買藥竟行舟中圖便面二其一作黃子久寒山野渚題云老木露根株寒流見涯淡平生讀盡書念著無一字其一沙石細碎樹陰繁合仿

巨然夏山愛之欲作細楷題署舟艤脆不可就暫置

匣中 兒子寫山水小景橫卷余諦觀之酷有勝國
周菊溜筆意因題語云廿年前余曾見元周菊溜所
寫陽羨山水有此調度今人古人共攬天地之變及
其吐之紙上風雲倏忽各就墨兵部勒咸取之意地
非所謂暗合孫吳者耶今世畫家放者謂可信手塗
抹拘者至欲筆筆相師悉謬習耳竹懶闕次偶題
夜仍泊八尺瓶釀齋沽飲味甚醇

十三日未刻抵家

十四日

十五日暮細雨

十六日自蘇回連日患耳根痛有傳方莖草名荔支青

味七

五

者春汁醕醋漱之稍愈

十七日氣凜如清秋

十八日徐生携示錢舜舉竹林七賢圖運筆纖婉道染
冲雅題者三人 舜舉自題云晉人好沉酣人事不
復理但進杯中物應世聊爾耳悠悠天地間愉樂本
無愧諸賢各有心後世無輕議錢選舜舉 林下晉
賢凡七人山王猶謂不足云老錢定有筆外意所畫
如何無此君痴兒每以形似論如此風致殊蕭然披
圖直可見妙手自是胸中有七賢夏溥 叔夜致憎
因傲物嗣宗白眼視人閒雖逃於酒終揚己爭似劉
伶善閉關潘冲公服駕輶車偶過黃公賣酒壚邀若

山河忽興嘆竹林還憶舊朋徒牟應龍 門巷寡轍
迹靜對溪南竹溪水淨堪染竹色與分綠有時澹相
向襟抱如瑩玉安得萬簷簷遍植清溪曲豈無嵇阮
輩遁世邁往獨浩歌日酣宴達生亦云足往歲居建
康青溪第一曲與蒼篔谷相對憶竹林眾君子故有
此作今觀此圖遂書於其後湘中劉致

十九日圖便面仿華光作小景楚山湘樹系以一律云
笛聲隱隱起平波舟在深深黃葉陂蒼峽有猿巴樹
合碧天無鴈楚山孤簾籠空貯江湖字粉墨時留洞
壑圖一段淒清無著處且隨詩夢入魚罟宋僧華光
惠崇俱善寫湘中山水尖峯斷岸瀾水長雲當其滅

味七

五

沒處遂開二米堂隨時人不知也余偶入意時一寫
之

二十日徐生携示陳白陽習齋圖蕭疎空遠甚有子久
風氣即房山瀝波法中無是也

二十一日耳痛甚

二十二日

二十三日耳痛甚服醫萬心一藥至六劑愈甚

二十四日耳痛甚有客持卷軸來質物無一真者中二
紙乃元人龔璠詩翰却有妙致余欲以一鑲留之不
可乃止得錄其副 書閣年華荏苒故客况寂寥新
雪融疑是雨風和欲近春疎梅繁小鳳宿草負潛鱗

書閣閒登望時煩載酒人 偶題宿雨池館淨閒官
造請稀石榴朱夏色山鵲青雲飛遐矚臨風檻冲襟
散暑衣陳編撫芳潤脉脉髮初晞 郡樓久客有遠
思肩輿登郡樓聊爲避暑飲更學御風遊登翠城南
面雙虹水北流流將五湖去葉葉采蘋舟 述懷二
首古道直如矢古心能斷金今人思古人寥落誰知
音旭日臨前除暄風散幽襟相彼好鳥鳴擇陰嘉樹
林豈無念朝飢慨漑釜與鶯大川無停波高山上崑
崙白髮何由元寒暑日夜侵叔孫獨楚製莊生常越
吟我歌行路難歌闕意彌深葦荷不用織采蓮尙可
食芳時安可常秋風鳴檝槭美人明月璫青霓以爲

味七

美

裳手攬北斗柄低昂挹天漿天漿解渴心下土何茫
茫九牡閭闔開寸誠函綠章焉得飛仙術與陪鸞鶴
翔所憂年歲駛敢畏道路長啟戶辨夜色驅車遡晨
光終然江海濫臨路空徬徨 次韻劉景初偕陳元
佐見訪松閣啟晨眺東雲白英英空尊媿坐客函道
聞屐聲郊墟地自迴林巒暑逾清官居屬冗散遊從
多淡成拂塵急雨過聯鑣去隄平書味一何長襟期
浩已盈挑燈咏篇什寤寐山中行 楚雲湘水圖謝
張師夔教授離騷之國幾千里十幅蒲帆順風駛順
風猶須兩月程伊誰移來墮書几張君墨妙遊戲爾
亂峯因君接天起蒼然古木摧不死君應曾隱茅屋

底得非是間種蘭芷慘澹經營聊及此松連閣上聽
秋聲讀書眼花字如蟻玉立長身挾童子披圖置我
平生喜憶昔詩家愛許渾凌歊荒臺尋舊址云何姑
孰大江邊望湘潭雲尺有咫我今識君意強爲詩料
理雲兮楚之雲水兮湘之水迴鴈夕陽銜一葦嵩高
見衡嶽江遠會南紀君兮君兮可奈何我詩敢削屈
賈壘 題李克復治中所藏兔圖雄撲朔雌迷離自
是生生無盡期如何昔人好異說兔子之孕惟望月
水中影對素秋圓天上身居廣寒闕烏鵲相低枝白
鳩但視風走物具四支毛與羽不同螭虎亦四足無
路通水穀雖則能變化蟲豸竟偏枯氣化飛之徒形

味七

美

交走之屬驗從上古燔求爾在野逐韓公滑稽毛穎
禿八竅吐出殊駭俗不須更問然不然至今富者中
山族 題温日觀葡萄墨雲過雨月正黑香摘虛空
了無迹一架縱橫碧落秋戒壇池上僧房側 老錢
折枝桃似胭脂梨似雪折花人似惜花人折枝圖上
堪腸斷忍更題詩破費春 泊舟小舟尋夜泊明月
散風瀾故人相別處雙鷺在前灘子歸京口省墓天
錫出此紙微予書宣城詩記憶不甚真天祿二年孟
夏二日龔璠識 余生江南所敬二子敬先生吳興
姚儒行何可企及此龔公所著對之斂衽癸酉閏二
月二十八日暮夜過京口天錫示此卷其述懷二章

真無愧古人龔敬今亦古矣噫勾曲外史張天雨記
壬子秋八月余同叔明友兄養病於汾湖之瀆承
京口郭天錫廣陵王伯容兩來慰訊携龔子開所寫
詩一卷見示嗟嗟子開逝矣書法絕矣外史張君與
余有卅年之交近聞隱僻修真會晤未卜何時撫卷
三嘆荆蠻民

二十五日耳痛甚齒不能啟右車頰一齒與齦內相齟
物入不能哺嚼日止呷淡粥數晝夜不能寐憊甚
二十六日耳痛甚有人傳一方用馬欄頭搗汁和醋醋
漱口齒縫忽能稍開以指捫摸右腮連上齶腫起如
粟大始知爲牙癰因呼一醫媪來視以筋挑撥不能

味七

治而去

二十七日迎口齒醫沈紹山者來服降火涼血之劑加
童便一盞用藥吹患處良妙

二十八日早起右腮腫消齒猶不能嚼紹山來仍吹藥
而去

二十九日得雲麓宗兄書兄司教新城寄余茶三裹其
一分水貢餘分水縣在新城溇安昌化之間萬山盤
互茶味大都如芥而清芬勝之點法用沸水投入壺
中又置壺熾炭上再一沸味方出其一大山雨芽其
一紺山雨芽兩種俱厚味潑七八次猶堪用皆深山
眞品未可與俗流徇名者共也

五月一日口痛漸愈圖一便面仿梅道人題句云半徑
莓苔通曳杖一溪流水可呼鷗江南四月無晴雨一
片雲來忽舉頭

二日始能嚼物

三日

四日

五日以禁飲罷泛蒲之會

六日合所蓄小盆蒲草作一大盆覺寒翠愈壯

七日沈子廣携示石銳畫一卷云是文衡山門人不佳

胡雅竹引一僧以舊紈扇畫冊二十一幅來質錢中

有江貫道一幅係臨筆夏圭馬麟俱眞

味七

八日戴友石出所藏趙松雪行書杜李禩詩一卷諦視
之結法宛肖而神氣不來知爲後人熟臨之筆有釋

德清印記

九日雨竟日

十日

十一日胡雅竹携示王叔明澹溪草堂圖吳仲圭谿山

煙雨長卷勘係臨本薄暮有賽神歌舞

十二日雨

十三日雨今歲春夏多風少雨卽雨亦不成滴灑浙遂

止河流枯涸農人方以播種爲憂至是連雨新水才

生一尺有奇

十四日晚霽

十五日

十六日美蔭齋前結竹屏曲折回互頗仿獨樂園圖中制度籬脚紅白葵百合盛開是夜飲酒始甘

十七日得湘潭令包儀甫書稌刻數種皆論民申上條析利弊之語也湘俗溺巫覡喜殺牛儀甫為梓可已編首載徐鳳竹公語云遵國之禁利農之耕全物之命弭盜之源去俗之奢解時之疫惜己之福勵官之箴

十八日暮雨

十九日雨

二十日

二十一日

二十二日

二十三日

二十四日

二十五日

二十六日

二十七日

二十八日

二十九日

三十日

三十一日

三十二日

三十三日

三十四日

三十五日

三十六日

三十七日

三十八日

秀也

二十二日徐生善印章所蓄一提壺色黝而沉古必古陶也余名之曰太朴壺 又陳白陽羅紋箋上寫墨

花十餘種逸品也

二十三日對客閱邸報客因舉時政闕失曰主上不郊

不廟二十餘年儲宮撤講又十餘年瑞王年踰二十

五六而請婚無期惠桂二王年俱十六七以上而選

婚無日福邸寵數踰制田連三省管業召佃不屬有

司司於有土有人開店賣淮鹽又侵入長蘆分國利

柄邊臣飾功邀賞闕豎四出為虐入座之位止三尙

書五侍郎而侍郎注籍者三尙書未任者一臺省樹

黨攻訐藩臬憚勞虛曠膠萊飢饉易子相食閩浙弛

禁番舶恣行今歲大比遣試時至五月雲貴尙未有

人脩橋建寺動支巨萬浸浸福利之惑夫主厭事則

綱維不張相無權則股肱廢墮鋤治既乏芽蘖萌生

元穹眷命祖宗福澤烏可盡恃也因相與咨嗟久之

忽童子報曰蒲芽焦瘁菊叢有牛籬根裸英亦以失

雨半就萎落余拊手起曰吾輩真可謂宰與知防孽

不恤緯者矣亟呼園丁理灌溉事

二十四日

二十五日沈翠水携示項墨林竹渠圖作細篠決溜連

岡斷嶼有清雅之思是夕快雨

二十六日

二十七日

二十八日

二十九日

三十日

二十六日雨不止歛友吳心暘諱思齊者持卷軸來
王叔明銅官秋色下層左作四樹右作五樹俱露根
右就樹株間作一橋中層作屋四五層屋後小樹離
離平立與左右遠岡樹相應上層作平頂方巒如世
忠靖冠樣極有異趣余二十年前於春波里第中曾
見一幀與此又別且無題詠今題者三人 銅官十
里翠□□□由來覓舊踪得得行吟無一事□□
風送□□□馬治 □□山城□□□□曾未一
相過今朝尊酒留連地雨洗銅官□□□周砥 樵
仙已騎黃鶴去妙墨常留天地間不到荆南今十載
指圖猶識舊遊山徐賁荆南者荆溪之南也 又徐

味七

幼文歸去來詞圖十八幅欵云徐賁寫贈南村居士
者陶宗儀南村也有華亭夏顯跋

二十七日雨中沈子廣沈倩伯遠以誕日與內子稱壽
因團飲美蔭齋雨稍歇散去余與兒子泛小舟抵獅
子滙吳心暘舫中心暘又出觀卷軸 趙子昂溪山
靜釣圖坡石上亭亭一松松下一櫟當樹杪一方舫
釣者朱衣烏帽舟尾一奚欵云大德改元九月望日
子昂作溪山靜釣圖寄德卿友愛 又東坡書王
閣銘大如當五錢有顏徐兩家法欵云余渡海北海
進士李光道自番陽送至曲江求此文余爲作之元
符三年八月東坡蘇軾 又李嵩畫鼎彝十二子昂

行書跋此卷寫商周秦漢五代鼎彝之屬凡十二事
南宋李嵩筆也嘉定寧宗年號嵩寧宗畫史意德壽
殿有此數種偶當御愛特命寫以自悅耳一日周景
遠出以見示形範古雅傅色蒼郁令人觸目遐思用
代摩挲可寶也景遠時拜行臺監察御史 又宋李
確四時圖絹素沈古斷裂春作二老者於桃花下偶
語夏作一士袒裸於深竹間秋作一橫琴者向黃葉
碧蘆冬作寒條刺天一艇冒雪獨往筆意古勁大略
如馬遠而規製頗濶文徵仲一跋評騰甚當畫四幀
幀際有李確字確宋南渡紹興時人所作類馬夏筆
意豈當時習尙使然耶而石勢磅礴樹陰繁密又似

味七

取法李唐要其經營規度遠在高麟樓觀上也徵明
題

二十八日吳心暘又出觀吳道子鍾馗慶元宵圖馗乘
一孖婦乘一驢又襪一嬰兒鬼從二十餘輩扛酒榼
食具前作一燈又一舞仙旌上標云慶賞元宵所作
人物衣履俱殊詭古勁樹石縱橫蒼莽真奇物也題
者數人不能悉其妙余因戲效昌黎體作五言題之
月落雲糊天空林掃雪軌老爐終南來鬢髮碧藍襪
脂帽額磕匝鵲衫肘軒舉鬼婦煤煙塗鬼嬰細鞞韋
老特曳漏燔疥驢掉檝尾簇簇如嚴程穆穆漫遊履
卑廝數十人背腦極殊詭厚唇覆短頰鈎吻揭齶齒

陰梳若翻風冥旆亦垂雨晶燄一籌白馬血轉枯
纍髓絆酒甕昔簪負果筮嘔啞忽聞歌大小調體語
跳跟或作舞骨節貫絲縷老尪笑豁口頰毛尺有咫
伊啞羣鬼來我不孤負汝孽骸數肋脅敲尻憑臂隨
貴以潤鼎鎔聊用資燕喜蕭臺九枝焰光景不射此
寧知冥默中豪者爾栩栩幽花亦根葉幽關亦閉啟
鬼車馭鶴鶴變罔鞭茶壘老尪固鬼雄吳生亦墨魅
依稀地獄變鼎鬻嘗一指醅陶偶卷舒指注示兒女
夜牀有啼孩呼喝或爲止

二十九日程掾具湖舫迎余同賀儀部立庵泛新漲呼
善阮者楊姬侑酒余三年前曾識楊於酒壚今高髻

味七

五

綽約光艷異常又挾一小姬各乞詩因請賀同賦楊
姬一律云共適高陽興重爲洛水緣晚花低笑曆初
月上眉尖密意添今夕前期數隔年狂歌白也醉乞
取鏡湖篇小姬一絕云羞多未慣通賓語曲誤時防
被娣嗔却有一般留眼處半痴半黠最撩人
三十日國醫沈恆川寄至洞庭梅七十餘枚大如十歲
小兒拳

六月一日家君誕辰率婦子上壽

二日至北津新水添二尺有奇

三日

四日

五日大雨竟日沈伯遠二便面冊葉留案頭展閱有味
沈石田一面作巨然小景題云老去不信老自然筋
骨疏忙緣一懶飯病髮十朝梳掃地風無力推窗月
曬書秋蟲不耐靜干聒夜涼初 一面祝京兆行草
詩一律云小艇出橫塘西山曉氣蒼水車辛苦婦山
轎冶遊郎麥響家家碓茶提處處筐吳中好風景最
好是農桑 一面陳白陽秋江釣艇點樹鬆活山勢
虛含極空濶之趣此老得法於米而寥廓變動又所
自得也 一面許高陽書元日野泊澱山詩云澱山
風雨暗重湖此日逢正興轉孤野饌漫思挑菜甲煖
杯何處送屠蘇百年身世誰非客半舸圖書只故吾

味七

五

莫怪老懷偏易感舊遊蕭寺已蘼蕪 一面文壽承
草書詩題云蒙介老以內賜攢盒分惠作云大官和
饌錫元良攢簇勻齊蜜綴行君賜定知先正席書生
何幸亦親嘗玉階擊處天恩重朱盒分來閩里光朗
詠伐檀還自愧令人飲德不能忘按介老者卽分宜
相也壽承時爲國博而相以賜饌盒貽之可謂好賢
下士矣是以此老初年甚有虛譽厥子怙惡竟陷大
厯惜哉元良字非人臣所宜當豈壽承偶未之檢耶
藉令當時拮據者得之又作一重羅網矣 又一面
文衡山散筆小景極粗辣題者俱名公太古不可見
悠然泉石存離離芳樹綠煙雨過吳門南坦劉麟

遠樹澹無色，崇岩欲飛幽。居自堪老何事，未言歸
顧。嶙東橋，衡山妙小筆，落落出古意。枯木帶霜痕，
靈石含元氣。唐寅 鱗石澗湖碧墮林楓，葉丹蒼然
平坐外更看幾重山，視允明

六日閱邸報五月初四日有不知姓名男子持棗木棍
闖入禁地犯東宮毆殺守門者一人又毆奴婢韓進
用東宮奉聞奉 聖旨法司提了問欽此。余雖草莽
藿食不覺震驚七箸

七日客有持素筆索書者走筆一律亦觸時之語也江
邊烏柏樹昨夜水平梢，鷗喜亂出沒魚喧爭布苗。低
橋眠度艇虛閣，坐觀潮隱約滄波外。伊人近可招

味七

八日訪沈恆川於太古西院因過吳氏莊居初見紅蓮
九日夏賈携示唐子畏小景一幀款云寅爲昌符寫文
衡山有題語溪亭面虛曠乃在山之陽俯矚玉淙淙
仰視岩蒼蒼幽人抱奇僻卜築臨此方協我清絕想
謝彼馳驅場口有同心人杖策來浮梁相尋無俗論
幽事與商量子畏曠古風流超塵墨妙圖繪傳於人
間真世寶也適叔貽携示因題以歸之丁未徵明
十日往金橋小武當禮元祖小武當者相傳郡先達陸
侍郎杰奉旨監泰和山殿工有忤神意病歿於任又
悉燬其家而子姓仍不寧居故捨貲壘石造殿奉神
所以懺罪神靈甚春時士女朝謁殷填余昔年偕家

人抵廟下雨不及登嗣後屢形夢寐故特消日以往
舟經金橋南所過膏田沃壤鬱鬱芊芊一邦樂土也
羽人悉出一童子應客了香火事歸舟夕陽滿篷始
覺有暑

十一日冒雨擊舟謁楊致吾大參於西水 胡雅竹携
示倪幻霞溪山一幀上層作圓巒高瀑雲氣滃其腰
山趾叢薄平林重沙碎石下層五樹三者行立兩者
交鼓又抱之以嵯峨大石而不作平陂亭綽於老迂
法中又一變也款云歲辛卯懶瓚畫溪山圖題者二
人消搖天地一閒身浪迹江湖七十春惟有雲林堂
上月於今曾見昔年人青城山人王汝玉爲伯永契

味七

家題 疎木晴巒墨尙新清詩佳麗出風塵披圖又
覺成今古詞翰誰能繼晉人休休翁盛景 又唐子
畏江亭呼網圖題句云頭扶殘醉欲羹鮮高拍闌干
喚網船藜藿山妻嫌不繼各開紙裏賣文錢 又沈
石田秋山題句云窈窕清川蕩夕光秋山瘦盡木蒼
蒼行人過去風忽起落葉點波流細黃
十二日同徐德夫具酒舫送楊致吾大參入賀至北津
而別暮復同德夫集沈翼乾節推第鳳覽堂席俞有
蜜漬荔支極鮮美沈云此楓亭驛狀元紅也閩中荔
子以楓亭驛爲第一
十三日爲湖州守吳白雪公圖扇二從王孝廉皞如請

也一仿王叔明溪山深秀一仿黃子久又為白雪公
寫香兩樓圖仍有詠松風謾謾夏脩竹蒼山萬疊溪
千曲隨人野鹿見標致去蠹幽禽聽啄木樓高軒檻
花兩香晝靜簾櫳草痕綠由來許史作真官手把洞
文此中讀

十四日

十五日大雨

十六日

十七日辰刻登雪舫往武林夜泊石門

十八日抵湖市

十九日辰刻謁劉中丞石閣即賓館報謁午刻暫憩靈

味七

三

壽寺飯罷同施孟嘉至淨慈過譚孟恂寓因定寓所
於鐘樓房主僧雲峯酉刻過昭慶舊寓主僧清公以
細茗二缶見貽隨歸湖市登舟泊北新關

二十日卯刻即發至唐棲雨甚沽酒同孟嘉暢飲劇談
林屋兩山之勝遂訂遊期夜泊崇德

二十一日申刻抵家

二十二日霽夾竹桃始花

二十三日為陳白石作廣諧史敘

二十四日霽

二十五日歛人江汝脩以夢蓮卷索題數語林泉瑩潔
淨無泥燦發心花只一枝欲識元公無欲旨請看波

靜月明時

二十六日

二十七日

二十八日譚聖俞以其先公行略來求狀

二十九日過褚工部出觀米元章手書淮上詩三章大
如盃面乃臨本也

七月朔日

二日

三日

四日連日熱甚

五日戲作玉版師傳 沈伯遠送蘋果八枚云從淮安

味七

三

泛海至者

六日治往武林之裝午刻解維夜泊皂林

七日暮有青雲承日金光四射光景異常夜泊謝村

八日飯後覓輿從湖堤至淨慈潮音房樓居焉

九日同兒子過譚孟恂寓乃偕孟恂步至藕花居手摘
菡萏四紅一白以歸主僧出大缶注水養之芳氣襲

人暑中一奇也晚主僧出葷素饌邀孟恂暨鄰僧朗

微本院僧寶篋與余露坐雅誦雜出頽然竟醉

十日熱甚晚譚孟恂以小舫具酒榼拉余與兒子同泛

從藕花居荷葉深處沿湖進內六橋出三橋抵湖心

亭團坐石臺時壁月漸吐清風乍來頃暑濯然散去

一第丁分心册賣多回車全書第 2 頁五句

歸舟抵掌談詩指點孫太初舊隱處爲之慨然太初昔有句云楓犁支甕隔鶴齋落琴床余曰鶴有虱乎一僧曰有孟恂曰不然乃藥草名也太初愛其清僻而故撫之耳

十一日停午陰雲起巽隅得風散去有人從虎跑來者云驟雨盈一尺

十二日大風凝沙滿席

十三日飯罷步至法相主僧靜緣延入竹閣觀畫壁乃孝廉李流芳與莆人張珏寓居時留筆亦時越之稍異者供筍蕨清醕爲數勺而出因購得龍井初芽二小甌靜緣曰凡茶性亦喜肥而惡留滯龍井前後兩

味七

俱黑沙滲洩陳穢故茗味獨佳耳

十四日慈谿姚稚高名元凱來願以坡軒近義爲贊亟讀之-high材也次科姚遂掇浙榜元

十五日夜同譚孟恂亨兒步自蘇堤北望段橋水面浮燈萬數閃爍如金杭人貧不能葬者往往拋骨段橋水中而俗重中元孟蘭佛事至是士女傾城夜泛湖中大小船無不受僱者迫明乃止然亦只東北半壁如沸若湖南寂寂一片月光照踏歌數輩而已同時至浴鵝灣小住孟恂指一敗屋在煙樹中云此金華唐汙甫所寓日閉戶燒金液大丹不知成否因相約暇時訪之

十六日熱甚閱邸報五月十二日湖廣石首縣天雨豆具赤黑二種堅滑不可嚙 大興男子尹姓者雙鬚怪形闖入東安門肆言無忌邏者得之以聞上命磔於市已先斃筆下矣

十七日出謁王右藩帖雲

十八日王右藩來顧知今歲浙省解額奉旨增七人

十九日

二十日辰刻松毛場覓船東歸夜泊崇德

二十一日午刻抵家

二十二日

二十三日夜雨

味七

二十四日大雨竟日

二十五日晴

二十六日雨戴青笠之子從湖州來出觀國朝諸公書余檢留其二紙一爲沈民則行書李士文墓誌銘翰林胡儼撰士文蘇之長洲人永樂初太醫院太醫能詩亦善書畫民則此書圖熟中亦有顏法蓋不易得者其一王雅宜草書自作詩喜看高士傳夢繞北山樓翠竹攀雲幄丹藤飲澗霓湖平吞海若谷響和天鷄萬事何勞問行藏志已齊右懷故山作 春水桃花色星橋寶帶名鯨吞三鳥動龍卧五湖平表裏關形壯東南海勢傾當知題柱者猶是一書生寶帶橋

林中開枕簟蒼翠畫屏圍山鳥時窺座榴花乍點
衣清風吹洞越殘露滴霏微猿鶴依然在幽人胡不
歸榜伽竹下 又趙子昂行草一絕句宋箋紙大如
十七帖春入西湖到處花裙腰芳草抱山斜盈盈解
珮臨煙浦脉脉當爐傍酒家子昂

二十七日方樵逸携觀曹雲西雪景小幅筆法用郭熙
款云至正二十六年臘月八日雲西老人作於知白
軒題者一人曙雪蒼蒼迷四鄰靜看雲物又茲辰乾
坤暗入初陽律節序頻驚久客身薄宦行藏宵酌
貧家門戶玉璫珣無由隔屋相呼飲漫發狂歌和郢
人雪中訪雲西翁翁出酒相款翁半酣遂對雪圖此

味七

望

為賦七言律於上以見翁之興致云長水錢郭

二十八日熱甚草譚贈公桂亭暨配史孺人行狀從其
嗣君駕部聖俞請也

二十九日夜大雨

八月朔日雨徐潤卿寄示姚穀庵禱札十三通有楷筆
仿右軍樂毅論行筆類張句曲草純法趙子昂或一
札中三法禱出天真爛然又有顏平原筆意此公於
書當是無所不學札語俱通津要學牘不足錄

二日細雨驟涼夜御袂袞

三日欲之杭以齒痛不果

四日方樵逸冒雨來求附載往杭不知余之不果行也

樵逸云西湖隱者秦冰玉蓄元人畫十餘幅又有虞
世南真蹟一卷訪之可以通博易因憶中元之夕余
與譚孟恂步月湖堤遇一翁禿冠藜杖挾數酒人歌
嘯自若孟恂云此山人秦冰玉也自負能詩能扁書
不履城郭郡司理楚黃孫公屏騶從一訪之因而交
友禱杏非復向時敗屋老樹焚香掃軌風度矣

五日霽白雲青昊涼颺襲人庭草茸茸然極有佳思
六日松人持沈石田堂畫四軸來閱不真又雄精山一
座重二十四兩雕刻羣仙拱壽頰瑩澤可愛余止購
其倭髻香撞一事外靴羔魚皮文點歷歷然前後渾
成無迹驗係宋物 又董思白仿倪迂山水一幀題

味七

望

句云剩水殘山且卜居粗知馬夏渡江初誰憐簡遠
高人意一一毫端萬卷餘昔人評趙令穰畫少胸中
萬卷書元季倪雲林散筆聲價驟貴正以胸中之書
淘洗俗師淨盡耳甲寅夏兩窗戲寫因作絕句其昌
人謂倪書有黃庭遺意此論未公倪自作一種調
度如嗽欄欖時有清津透頰耳畫家四忌甜邪俗賴
倪從畫悟書因得清灑偶仿畫降格書此貴取一家
眷屬其昌再題 竹嬾曰倪雲林書遇其精整合作
真有黃素黃庭之風晚年就繪筆草草作題稍有跋
跡杳拖之嫌昔張靖之曾云迂老畫日造精微而楷
法漫矣此殆確評也

七日

八日至白苾村居舟行蓼灘菱渚中野曠天清桂花香
逆鼻竟不辨誰家池館也

九日往太古西院禮文昌道者王至元茶話出觀姚雲
東柳汀漁艇題句云李白平生只愛詩臨流每歎得
魚遲不知此老吟多少滿地江湖且釣絲大雲姚綬

道者言太古院初止一房本房乃隱院既廢撤
屋住此詢屋隱舊何址云卽宅上嘉樹堂側吳冢宰
存日占佃以廣其居又詢隱何始曰宋高士陳伯
禮所創以脩真者子孫相仍脩葺得不廢而今竟毀
於吳吳亦不得終有也將別道者又出丹書三種曰

味七

沖虛至道錄沖元至道傳乃長春真人劉玉元著又
靈寶畢法鍾離雲房著余假之歸覽俱有味

十日細雨卽止

十一日沈翠水來坐美蔭齋小飲歎人余生持姚雲東
橫披山水一幀求售因購得之筆力蒼古酷肖吳仲
圭行書一絕爽逸類張伯雨此公得意作也題云石
壁空青帶斷雲碧蘿懸樹篆蛇紋人家盡向終南住
誰肯林泉問隱君雲東逸史

十二日

十三日夜月明如晝方啣杯坐前榮俄舍後誼沸詢知
東塔寺天王殿火登樓望之洞照四野烟焰蓬勃延

燒西南僧房烈火中有猪聲四起比邱好立柵養猪

汗清淨伽藍被災晚矣

十四日胡雅竹持便面冊葉十五幅求鑒定止文徵明
春江待渡一圖精妙有宋人法 又康時策書其所
作雁字詩一律可錄胡霜漸塞秋寒南國來賓刷
羽翰直度一行臨楮易亂飛幾點釋音難影聯星斗
文成象表奏天閣鳥紀官歷遍風雲多妙跡墨花筆
彩未爛珊

十五日陳衛伯從金陵同貽余涇縣紙三十番供畫材
十六日

十七日細雨氣候甚佳點閱大慧書問其與李漢老諸
公往來提撕縱橫透脫若親見此老用處

味七

十八日雨歇雲陰

十九日霽亨兒試畢從杭回

二十日閱邸報本年六月十九日河南懷慶府河內縣
利下七圖景明村住民王少讓妻周氏生一女人手
人脚尖嘴眼生額上腦後有孔巡按御史張至發查
據陰陽占驗稱係旱魃主大旱後十三日內有雨則
解無雨必災

二十一日

二十二日作達知襍錄序

二十三日

二十四日方小子引一人持卷軸來有蜀人王宗元山
澗蒲雪圖 宋陳譚碧山紅樹俱不真

二十五日

二十六日松人携觀趙子昂小楷書韓節婦詩筆意含
蓄勁健兼樂毅論哀冊汝南公主碑諸法是其有意
作則書非泛筆比 宋未有天下堅正臣禮秉開國
百戰功每陳唯雄整及事周恭帝臣心常炯炯帝曰
卿北伐山戎今有警死狗莫擊尾此行當繫頸即日
辭陛行盡敵心徒逞陳橋忽兵變不得守箕穎禪讓
法堯舜民物普安靜有國三百年仁義道馳騁未改
祖宗法天胡肆大眚細思天地理中有幸不幸天果

味七

四

喪中原大必裂冠衽君誠不獨治臣實無魏丙失人
焉得人垂戒常耿耿江南無謝安塞北有王猛所以
戎馬來飛度巴陵境本期固封守誰謂如畫餅烈火
燎崑岡不辨金與礦妾本良家子性僻守孤梗嫁與
尚書兒銜署紫蘭省直以才德合不棄宿瘤瘦初結
合歡帶誓比日月炳宛央會雙飛比日願常並豈期
金石堅化作桑榆景旄頭勢正然蚩尤氣先屏不意
風馬牛復作此燕郢一方遭虜劫六族死俄頃退鷁
落迅飛孤鷺弔空影替堅折白玉瓶沈斷青綆一死
空冥府憂心常炳炳妾志堅不移改邑不改井我本
珊瑚器安肯作溺皿志節匪轉石氣噓如吞鯁不作

燭火燃願為死灰冷貪生念麩蛾乞鄰羞虎阱借此
清江水為我全首領皇天如有知定作血面請願魂
化精衛填海終成嶺 宋季巴陵女子韓希孟魏公

五世孫嫁賈尚書子瓊為婦岳州破被虜之明日以
衣帛書此詩自投於江而死長興州判官沈君以此
詩託親戚劉元履求余書元履諾而未言余一夕夢
副禱麗人設禮致辭不幸罹運代之厄不辱經特
假君子之筆發揚詔後余方不知謂何且而元履至
備述沈意因為敬錄一通歸沈焉大德二年九月吳
興趙孟頫書 余侍先人復齋翁東平時故人趙子
晉隨嚴侯扈從世主南征適凱旋出一詩示先人曰

味七

四

岳境初破巴陵女子韓希孟為士卒所獲以歸於侯
侯命載之別舟不知其為魏公五世孫賈尚書子瓊
之婦也忽裂衣帛書此詩敘其姓名投江而死予謂
亂離之際匹夫匹婦經於溝瀆莫之知者何可勝數
觀韓氏之志蓋有平日居大官食厚祿以男子自名
者遠不能及何肯與草木俱朽夫死而不求人知則
亦已矣知而不能章厥善於天下後世使之終於泯
沒亦知者之過也故余每遇士大夫必誦是詩談是
事聞者莫不稱嗟及調長興州判官與子昂學士相
去密邇遂因劉元履求為之書庶可因書法以傳不
朽而韓氏有知先期見夢已得所請至則欣然操筆

略無留難吁世之知子昂者知有此節婦矣古魏復齋後人沈思安跋

二十七日方樵逸携觀一卷一人唐帽幅巾而髻云是坡翁像不知誰寫有三跋吳門艇子淮南船我慣乘之眼欲穿老來愛酒不得飲歸向桃源種朮田袁梅烏靴窄窄稱宮袍雙鬢風翻見二毛聞道中山止十驛急須乘馬釀松醪虞集 東坡公欲買園種橘於荆溪之上然志竟不遂豈造物者尙有所靳耶而楚頌一帖傳之後世爲不朽則又非造物者所能靳也趙雍題 又舊揭定武蘭亭子昂十三跋外尙有四跋錄之 携定武帖過子固湧金門外邸樓因得

味七

展卷使人冷然有扁舟水晶宮之想端平三年修禊後九日干岩病翁施商輔 定武蘭亭禊飲序當以此爲第一真古今絕品也至元三年丁丑四月初吉揭奚斯題 僕曩侍趙文敏公學書暇日嘗論禊帖定武本佳者絕難得僧獨孤本見存更有趙子固及越人倪仲剛武唐吳靜心此三本流落人間不知何如至正甲申謁瑩之於竹莊出此本見示乃其祖靜心先生所藏文敏公題跋甚詳誠可寶也句曲外史張天雨 右定武蘭亭乃神妙之本其寶之不可輕易與人也康里夔題

二十八日

二十九日

閏月朔日蘇客携示倪雲林春溪放舟圖題云至正十二年三月八日冒風雨過九成荆溪舟中劉德方放舟煙渚留宿談詩明日快晴移舟綠水岸下相與嘯咏仰睇南山遙望飛雲夾岸桃柳相映如散綺霞撥芳芹而薦潔洗山瓢而樂志九成出片紙命畫眼前景物紙惡筆凡雖欲騁其逸思大乏騏驥康莊也歐陽公云筆硯精良人生一樂余亦云然時章煉師岳隱君對奕吳老生吹洞簫胡人郊掾史邀我宿溪船把酒風雨至論詩煙渚前晨興就清盥思逸愛晴天復過武陵守共尋花滿川倪瓚 又文衡山秣陵秋

味七

別圖精細秀潤峯巒樹石皆仿黃鶴樵人題云柳外新涼入馬蹄秋風人向秣陵西丹陽郭裏看初月白下橋南認舊題天府江山千古麗辟雍冠蓋萬方齊知君得意今遊道不用臨河嘆解携履約將赴南雍賦此奉贈正德十六年辛巳七月朔徵明 二日同亭兒挈歛方樵逸爲姑蘇之行舟行風駛暮泊吳江西岸

三日

四日辰刻抵閶門過吳吳山樓居吳山以書畫估遊公卿問不見八年餘矣至是遊道益振出觀卷軸許道寧谿山行旅傍礪有氣勢 燕穆之春風曉渡圖有

徽宗御璽及蔡京奉勅題句俱偽作 巨然春山曉嵐純用水墨積染而氣韻生動余驗係宋僧花光惠崇輩或江貫道筆非巨公也 王叔明寒林高瀑欵云黃鶴山中樵者為聽雪舟主者作筆意秀絕乃胡雅竹向為余言者 倪雲林筠石喬柯筆意絕類柯敬仲有王達善題語欵云壬子二月五日雲林生璣戲寫筠石喬柯霜風吹盡葉聲乾贏得看山眼界寬一夜秋聲無著處明朝重為倚闌干永樂十一年秋八月過宗澤十三郎書院見此畫乃雲林高士絕筆也遂賦此以識歲月云王達善 又沈石田小幅山水簡筆蒼老兼子久雲林兩法題句云夜半燒燈寫

味七

手

畫時眼花零亂墨離離青山却嘆書生老何苦窮吟惹鬢絲沈周 摩詰年高處處詩寫山隨意墨淋漓何當投筆寒江上烟水扁舟弄釣絲戴冠次 五日至虎邱吳山携酒榼追隨就竹亭團飲主僧卧雲水月者摘秋茶號秋露白手煎供客鬻古者競持卷軸來魚目燕石不勝嘔噦就中有一二真者 文衡山行書一絕句用黃涪翁法詩亦瀟灑公事回來夜雪埋兒童燈火小茅齋人家不必論貧富纔有讀書聲便佳甲辰二月微明 又曹雲西畫松二株氣韻挺特高古標目云鐵幹霜枝題者四人瀼西五鬣長松樹時得髯翁為寫真刷徧茯苓雲已去尚留雙

影對幽人細林山人周之翰 秦官沐髮怒氣直鐵幹霜枝龍起立擬尋琥珀煉金石又恐白日飛霹靂悟光題 氣摩霄漢三千尺皮老風霜五百年廊廟棟梁期大用飽承雨露傲林泉瓊 雙龍盤踞入青冥江上秋風濺鶴翎喬木故家今有幾好山還繞白雲屏張樞 六日購得龍潭石黑髯榻一張矮桃一枝枸杞矮簇者一本與樵逸別樵逸出松人王懶軒所鑄養養菱面銅鑪一質銀去是日嘗高郵藕脆美勝西湖碧藕午餘理田樾風順暮泊吳江長橋南 七日卯刻解維西風益壯舟如奔馬至盛墩得一舟相

味七

手

纜並行乃敢張帆未刻抵家 龍潭石生潤州界內初不入用姑蘇金梅南者有巧思素以精髯聞江南一日偶至龍潭得其石稍礪治之見其質美可亂大理鳳凰石因益募工掘地出石鋸截成片就其紋脉加藥點治為屏几牀榻碾觀者莫不以為大理也梅南曾以榻一張眩崑山錢侍御秀峯貽其六十金後覺幾為所困 八日 九日 十日胡雅竹携示子久畫一幀備蒼莽泉石之趣有題語樹杪盤盤石磴斜茅堂長日白雲遮夢醒身世知

何繫穩看飛泉石縫花庚子臘月望寓槎溪大癡寫題

十一日購得陸叔平青綠山水小幅岩岫巉岨林薄蒼蔚一茅亭在其趾二老對話近麓小石激流中作雲氣與遠波相爲滅沒景象空寒真包山傑思也有題語草閣新涼虛玉琴楓林寒籟薜蘿深前山一夜湘潭雨坐對南屏萬壑沉陸治

十二日貞女出閣期在是月之二十有六日今行納徵禮宴大媒氏於清樾堂至夕微雲籠月有五色暈童稚相驩呼爲月華余以爲清秋佳夕之常也

十三日

味七

十四日購得雄黃重四十斤又一小者重十斤

十五日震澤門生施爾嘉致黃雀百頭去霜節前半月餘得味之最早者

十六日沈倩致黃雀百頭肥美勝施所致

十七日

十八日

十九日

二十日連日晴暖佛桑花開析炳然如丹海榴在其傍頓爲奪色

二十一日

二十二日沈倩家來行催粧禮是日發奩

二十三日貞女笄告廟

二十四日詣東塔禪堂謁湛公公自云是曹洞兒孫黑龍潭慈曜和尚之子曾參紫柏因相與慨然嘆五燈之微思振起之而緣感未協每一仰屋而已

二十五日老僧燈月林者以年四十時小影索贊漫應之曰青山巔忽蒙雪蓮花面起波瀾恆河依然見何起滅試嘗晏坐於白銀琉璃光中八萬毛孔熾然同說燈公燈公好一條玉馬鞭切忌打做兩橛

二十六日貞女出閣余送至其門婿從叔沈受繁諱純社執主人禮以迎岳太守季有項進士孟璜以懿親陪席成禮而返

味七

二十七日出拜岳季有項孟璜暮雨

二十八日買得巖石盈尺置矮松側如積雪未消松趣愈妙

二十九日方樵逸携蔣乾一畫一幀來不佳 高生遣

僮持示石田一蹇馱詩圖仿盛子昭筆所作松雲細秀古雅題句云松陰蓋路日遲遲一蹇馱詩獨去時記得神仙有潘閭三峯回首畫中奇 又錢叔寶青

綠小景作二高士各棹釣船沿波對語文衡山題句云綠陰啼鳥水灣灣隔岸閒雲隔岸山笑殺一瓢村酒盡釣絲風裏棹船還 又覺隱枯槎一小幀款云至正辛卯冬爲輔之作印文八分書誠道原三字印

覺隱之名蓋元名衲

九月朔日陳白石致余諸生時所著大覺心詮刻本覽之灑灑然憶爾時閉關習靜於西河市樓日閱宗鏡錄有得故能下語如此年來塵土埋沒無復向時受用老不如少若枯河之日就淤填甚可懼也

二日同沈翠水訪菊于顧氏徐氏之圃俱稱今歲夏秋燥濕不常菊皆凋瘵又造呂茂材齋居紅白楚楚獨異蓋茂材置之益盍可携徙以就陰陽之中又不貪多所葺止十餘種故超勝耳內中韶腦一種尤佳

三日鍾侍濱以漢玉鸞襟佩一枚文衡山細楷滕王閣記進學解克己銘一紙孫漢陽畫一軸質銀去 漢

味七

香

陽畫題云山寺煙靄乃贈隱士宋雨庵去陳眉公題詩其上歸來柳上月蒼蒼相對山僧橘柚香何日扁舟洞庭去一爐煙燼話斜陽雨庵社兄歸自樵李漢陽太守畫梅沙彌小幅贈之雨庵索余題其上時值吳門洞庭二僧因入之詩中以志後約繼孺

四日薤溪高賈以蘇米行書真蹟求鑿蘇已脫去米書選詩中夜不能寐一首筆意酣縱然細勘其戈鋒波脚隱隱露勾填之跡雙鈎之精者跋者二人亦不的確 又文徵仲寫贈卜益泉長松高士圖有華祭題句收藏失慎半已泯爛

五日

六日購得宋范石湖田園雜興詩行書帖一卷筆意似蘇玉局而稍宕然其宕處正其散緩處也周伯琦有跋 右石湖范公成天四時田園雜興絕句詩一卷公以文學知遇思陵阜陵遂登執政此詩蓋謝事後所作曲盡吳中郊居風土民俗不惟詞語膾炙人口而筆墨標韻步驟蘇黃百載之下使人健羨名不虛得詎不信然至正辛丑長至前三日鄱陽周伯琦為達卿御史題於歲寒軒

七日

八日

九日沈倩同貞女來省與宴會而別

味七

香

十日吳吳山書畫船泊我河次訪之出示漢玉澡豆一團徑五寸膚厚四分諦視瑩白而土鏽苔黓蒙之古色照人旁作五小兒皆俯首視豆中其一騎竹馬其一踏鼓手倒提一兜鍪不知何意也 又蘇氏六帖冊子其五東坡襍柬一叔黨題畫三絕句木落沙明秋浦雲收煙澹瀟湘曾學扁舟范蠡五湖深處鳴榔望斷水雲千里橫空一抹晴嵐不見邯鄲歸路夢中略到江南諸子只應見畫此中我獨知津寫到水窻天杪定非塵土間人右題郭熙平遠眉山蘇過 右蘇文忠五帖其一與郭廷平二與中玉提刑廷平不知名提刑不知姓所言報答小事耳外獻蠓帖極言

蠓之美致令叔黨勿宣傳北方君子恐求謫海南以分其味蘇釣秀才帖言歛研發墨滑潤雖非絕品亦不必他求嗜閔仲叔不以口腹累人公人品絕世豈以一蠓秘於人大率寄其高逸之韻如以啖荔欲長作嶺南人游事奇絕而不恨死皆此意也然復以此望於人可見其視一世滿中皆同志君子何其閔博大人也帖在朱子僮所後一紙為叔黨題郭熙平遠三絕氣度正爾與乃公相綴屬尤可敬愛正德庚午長洲祝允明跋 右蘇文忠公五帖首帖與郭君廷評者無歲月可考次二帖皆與忠玉提刑按公同時還往有王瑜馬某並字忠玉集中不載此帖莫知為

味七

美

誰然王嘗為浙憲公元祐六年三月罷守杭州四月到闕內一帖以四月發而有來日渡江愈遠左右之語當是自杭赴召途中與王忠玉者又次歛硯帖亦元祐四年在杭時書公嘗謂高麗墨如研土炭此又自矜其墨用高麗煤何耶最後食蠓帖已卯冬至前二日書是歲元符二年公自惠移僮之三年於是公年六十有四矣明年移廉尋復官北歸以迄於沒距是才兩年耳風流笑傲蓋未嘗減也先是公在惠與中原故人書云頗習其風土食物而議者亦謂公飲鹹食腥凌暴颶霧恬然自樂觀於此帖豈直寄其謔浪笑傲而已友人朱子僮藏此五帖裝為一冊附以

叔黨三詩自田里寄至俾為評記公書尚敢評哉浩翁謂公晚年書挾海上風濤之氣非餘人所能到然則食蠓固優矣斜川詩語字畫妙有家法昔人謂能亂真乃翁此帖非題名固莫能辨也正德庚子春二月朔文壁題 東坡書尺牘五種皆有徐季海李泰和風致叔黨三絕句謹守家法咄咄逼人子敬自稱勝父外論不爾若叔黨捉刀可無去時大醉之訝也吳性中從項氏探此驪珠勿遂落好事手宜揭傳海內共賞之甲寅十月觀於吳閩舟次董其昌 東坡如至人談笑信口無疑山谷謂沉著痛快乃是東坡耳六帖為蘇氏翰第一若他本正似圓珠走璫不能

味七

美

及此波策也吳性中若摹傳之更請王閑仲所藏妙高臺及聽琴烹茶三帖並行亦是墨池快事陳繼孺同丁南羽高仲舉觀於吳延陵之疎快齋 十一日邀吳吳山衲子虛庵小坐美蔭齋吳山復携觀東坡書養生論文壽承有跋 蘇長公書名滿天下然行楷多用擘窠書法若赤壁賦表忠觀碑是也不知其字學從顏平原發源而精力既深運用亦妙故其結構至晚年愈精而愈不可及余向在都中從朱太傅家見米海嶽天馬賦蘇長公金剛經辭于太常送浮屠文暢序相說以為蘇公法書骨肉停勻結法綿密為宋第一手然寫經微傷板不若此卷前半悉

仿平原爭坐位帖跋語始用本色體備真行草而波
磔轉側之際動合矩矱展閱間如神采映注眉睫真
可愛也宜補庵先生寶之如照乘不輕示人耳嘉靖
壬子六月十又四日三橋文彭觀於劍光閣下

十二日過沈翠水為孽蟹之飲因步入屠氏廢圃圃人
皆藝菊無一佳者

十三日

十四日至濠股塔院訪菊主僧道吾者擅其事所植皆
秘種若玉甲西施披金紫絨者尤其所秘也余携其
四本同又同沈翠水松雨亭兒看松於儲氏齋居儲
之父號源泉者余少曾識之項子京客也松亦子京

味七

弄

從天目分貽源泉者身大一拱亭亭直上多作偃枝
疎陰冷秀籠罩一庭其下置竹葉瑪瑙石桌面方圍
一丈二尺想見源泉隱者徘徊吟嘯之迹恨其嗣不
與同趣已斬刈薜蘿傾圮登石行議徒置此松矣為
之浩歎

十五日訪菊於屠錦川隱居主人不在繞籬黃紫爛然
白山茶一樹盛開佳品也過項孟璜以鴉孫口痛於
此握手數語而別

十六日

十七日題湛然禪師募造戒珠寺鐵像緣起冊又為石
冑禪師作秋山散逸圖一幅題云千山初秋一葉

墜井人弄雲波鶴啄松影是中無言略然心領
十八日張廣文大受以河圖洛書悉作圓圖謂象數皆
本太極既成索余贊贊云水文燈暈不規而旋探墨
引繩圭隅出焉方者人歟圓抑其天不有靈識孰窺
帝先三撫茲圖乃聖乃賢

十九日

二十日偶適東鄙解后歛友王熙字出觀仇十洲阿房
宮圖纖麗之極前有宋曾空青紆書杜牧賦古雅有
黃庭法乃陸尙書水村翁物也初本趙千里作圖後
為項墨林所得圖已逸去乃倩仇補之有諸跋不及
錄

味七

弄

二十一日雨得鄒南泉先生書貽余沉香一片詩扇一
柄太平山續集一部

二十二日乍寒有微雪

二十三日過徐節之竹澗齋出觀趙子昂竹定為臨本

二十四日客持米元章孽窠大書詩一冊欸云大觀元

年上幸祠宮作歸寓居瑞墨齋書內一絕云借我白

毫筆贈以木蘭酒我書將示誰汝筆稱我手想此絕

以寵筆工者

二十五日

二十六日

二十七日大雨俄霽

二十八日

二十九日

三十日連日大雨

十月朔日購得古玉蓮瓣卮一枚長四寸闊徑寸有血
紋數處或曰此錘也後漢隗囂傳囂祀高祖太祖世
宗因割牲以盟三十一將十有六姓其詞曰錘不濡
血錘不入口是欺神明也錘形如匙如杓而尖刻以
入血中或玉或銅則異所執耳今築堤所作石錘亦
以尖刻下刺能分殺水派得名意亦可思

二日

三日夜復雨宴客於清樾堂有歌舞

味七

卒

四日歛友汪仲綬携示文衡山山水卷仿趙子昂筆乃
贈吳山泉者山泉有清尚製墨甚精故諸公樂與之
遊皆有題句 送爾乘潮涉大江詩爭一字未能降
故山對月人千里新水浮天鳥一雙雲過松杉開畫
障沙明蘆荻映船窗知君不忘吳趨夜萬眼羅燈照
玉缸漢梁用荆公金陵懷古韻送山泉本題四首孔
嘉以才短止和其半予才非二君之擬則宜其又半
於孔嘉也 彼美休陽客清修信絕倫遺音調太古
逸興寄秋旻江上煙波瀾應前玉樹新眷言無遠棄
長共結詩隣辛丑春二月山泉子命其姪陽復持戊
戌贈別詩卷示余余以不與一言為嫌因追賦此芝

室子杜詩 流寓藏吳市真成大隱名琴樽時寄興

利達久忘情結侶詩壇盛垂聲藝苑清白駒在空谷
端可擬幽貞西室王毅祥 草草交遊三十載頭顱
各各二毛侵樽前空駭浮雲跡別後真懷落月心聞
闔晴虹看拂劍吳趨夜雨聽鳴琴江頭莫道無相識
共誦悠悠空谷吟三橋文彭 贈山泉先生一首皎
皎白駒初在谷冥冥黃鵠已冲天琵琶新譜聞珠落
邱壑高情隨杖懸何日吳趨分席坐與君終夕一談
玄吳門袁表邦正甫 又元人行書小詞一首筆法
訪李北海甚精采詞曰尋春春在鳳城東羅帕玉花
聰美人半彈垂鞭袖遊塵遠目斷雲空淺碧湖波雪

味七

卒

獻淡黃宮柳煙濃相如多病賦難工宿酒況頻中歸
來按得新聲譜頻誰解唱與東風報道先生歸也杏
花明日應紅有龐氏彥修印章
五日方樵逸同太倉一人來携卷軸相示多偽物只文
徵仲雪景一小幅沈石田新鷺垂柳真而佳各有題
句烏絕雲埋萬木空行行一徑得孤松休誇鄭谷漁
蓑好自有吟情付短筇徵明 茸茸毛羽酒黃時信
筆揮成宛變姿幼稚那堪工雋永白頭今欲一哇之
沈周 汪仲綬又有趙子昂小楷書趙氏畫訣分上
下卷萬有餘字 又有王叔明谿山秋色長卷沈石
田跋云余觀黃鶴山樵用墨喜濃今宜與吳大本先

生訪余於張公洞舟中出此卷樹石皴法俱簡淡疎率而有雅致亦本法中所罕有者 又文衡山散筆寫生十二幅石用飛白樹枝楮竹葉紛披篆籀俱備恍如趙榮祿手跡佳品也各有題句句尋常不錄

六日

七日作送莊太守入覲文

八日

九日

十日

十一日作譚贈公桂亭先生暨配史孺人行狀

十二日

味七

空

十三日

十四日

十五日過沈翠水齋頭遇崑山王仲舉精橐駝之術植樹卓石咸有位置尤善藝菊羅致數十百種自云得淵明所愛菊乃蔓生沿籬落閒作小黃花西風起仍散落如金然余官潯陽往來柴桑栗里五六年未嘗見且未嘗聞有此種也

十六日盛寓庸餽水仙一盞五六穗已吐白花候之極

早者

十七日歛門生吳爾選來留飲碧雪軒

十八日亭兒過沈伯遠齋中携其所蓄謝枏仙山水長

卷展視雄奇高邁極得白石翁三昧歛云前輩石田

沈先生畫法宗荆關巨然石翁用筆清古往往超出

過之僕私淑石翁有年時嘉靖廿六載丁未燈下寫

成長卷計紙六段深愧筆力生澁遠不迨石翁瀟染

難言之妙是亦邯鄲人學步並失其故也抑亦人品

不侔而藝有優劣不可強而及矣檇仙謝時臣記

郭外青青堆亂山眼中不復見荆關石翁仙去檇仙

老我欲神遊楮墨間每見石翁長卷愛其墨汁淋漓

雲氣滃鬱既脫去畫家昨逕無一點塵俗此卷已造

石翁堂奧若非自題幾於不辨信檇仙之能事也文

彭題 檇仙筆法老逾工寫得江山似石翁一卷煙

味七

空

雲足舒展蕭閑如到水晶宮思此畫不特追蹤白

石真得董巨遺法者茂苑文嘉觀之因題短句其上

辛亥正月二十五日 畫家以生紙落墨難於絹素

非用筆有圓神之妙則澁滯而乏天趣矣我朝畫山

水得士氣者前輩首稱石田先生其水墨溶溢真入

神妙先生以正德己巳化去余髫年猶及見之善學

先生者今復得老友謝檇仙氏良可重也己酉春日

許初題許又作卷首石田遺法四篆字

十九日

二十日夜三鼓郡城隍前後殿俱焚

二十一日

二十二日遇茗上尹翁得芥山秋芽瀾之色香俱妙

二十三日題周之冕畫杏花雙燕金鸞又木筆山鷓二絕句爲李澄之母夫人壽鮮紅雲朶日邊開紫玉翻風掠髻釵太液波恬沙草暖翠衿丹領望蓬萊紫瓊杯暖露華濃縹緲雲霧閣重山鷓忽來拖繡尾老萊雙袖潑春風

二十四日

二十五日沈伯遠出觀古玉葫蘆杯馮司成公遺物也數日前夏賈亦持白玉瓜杯一唐製端石硯一來玩亦云司城物將司成篋笥中物盡出耶抑賣者託之耶

味七

五

二十六日方樵逸携一舊冊來觀乃吾郡杉青閣圖也筆法簡古疎澹大類宋人寫司馬溫公獨樂園圖乃玉田劉廷震筆有題語及姚侍御記略備郡中典故故悉錄之予觀嘉興諸君子送黃門俞汝欽八詠之帙帙滿詩文俱美可羨所謂八詠者惟杉青閣一詠有畫其七詠皆無雖一詠有畫復不能全余亦好畫者遂補缺略加以雲霓庶爲可觀不知汝欽以爲何如也玉田劉廷震醉中畫時丁亥歲九月廿五日題之於行垣亨津八詠記工科給事中俞君出判沂州之明年以少傅公之喪奔歸越三年服闋上京師綴率交遊之能詩者爲亨津八詠以祝君之往

首宣公橋在郡東門外市合於此爲甚盛無少長皆知誦公之名賢者次鴛湖在郡城南兩陂相偶水波吞吐汀花岸草縟繡而臣布城西北隅有月波樓折而東則天甯寺皆郡之勝地西水驛在西門外當吳越之衝使節往復如織浙東西首驛也去城北數百步許曰杉青閣自毘陵姑蘇而南抵於杭獨此爲水勢之節水今平行兩堤石相峙如故特不設扇樞耳亦一壯觀也六者皆郡中景物若垂虹亭則松陵城西左控雪灘右挾太湖去吾郡兩驛盡一日之行則泊乎其下故飲餞者以前之六詠猶爲故鄉物色不遽違也至此則判袂矣黃金臺爲禮士而築人迄今

味七

五

不替其稱國朝建北京而昔人遺事亦因而重行者之求至又假之以言故爲八詠之終夫八詠而冠以亨津者所始所至所行所履在在在亨津也或謂綬曰君以少傅公爲父以文學受知以賢科奮身而以黃門出判何者非亨津耶亨則氣易盈滿盈滿則祝之者過矣子當爲規戒詞綬曰古祝者未嘗無規戒者焉今以宣公橋首之者以公在唐文章相業炳如爲吾郡先君求無愧於公豈不偉哉終之以黃金臺者以今用不失賢而君之見禮重於當世則如隗見諸事業增重於鄉郡則如宣公以是望君豈專於祝耶君必知所以致亨之道不待規也嘉興姚綬記

嬾曰余觀杉青閣圖作石錕三座皆架屋其左右而最前者為神祠今皆漫成阡陌不可考矣俞君以給諫出判府事在今日為劣轉而姚公文以為亨而懼其盈滿今昔人情亦如陵谷如變幻不可識耶

二十七日

二十八日

二十九日夜集沈伯遠齋頭伯遠世父景倩博雅士也云曾見李伯紀文集四十卷禪理極精其為靖康相年止三十餘耳

十一月朔日

二日

味七

三日至天氣陰暖

四日入冬連陰而暖至是大澍雨如春夏蒸溽時庭中二色鷄冠猶鮮活綠蕉蔚然亦異候也

五日伯遠携其伯景倩所藏金瓶梅小說來大抵市譚之極穢者而鋒饒遠遜水滸傳袁中郎極口贊之亦好奇之過

六日雨竟日

七日

八日

九日

十日陳衛伯携素卷乞書卷中秋潭舫公作顏草一段

甚有爭坐位風氣此衲子老病面如削瓜孱然不勝衣而臂腕與魯公拍鐵手爭勁亦可異也

十一日作書寄李夏津附吾邑隨計人黃郎給事陸明府最久少擅羊車之譽漫書一箠貽之入口暖無雪沙柳半留青素手長條在歌眉黛色侵驛梅裝馬背旅酒吐車茵欲識登天樂黃郎夢裏尋

十二日同兒子過高明水齋中出觀錢舜舉層岩遠渚金碧長卷纖密婉潤畢盡李思訓父子之法亦舜舉所自得意者題句云目窮千里筆不到自恨餘生筆太凡一日興來那可遏推窗寫出碧巉巖巽峯老人選有陸脩正跋語不甚佳 又文休承仿倪雲林小

味七

景沙柳遠峯鬆活虛淡一片天機也以小楷題上方云雲林先生常賦江南春云汀洲夜雨生蘆筍日出瞳矓簾幕靜鷺禽蹴破杏花煙陌上春風吹鬢影遠光搖樹劍光冷曉轡水咽青苔并落紅飛燕觸衣巾沉香火微繁綠塵春風顛春雨急清淚溶溶江竹濕落花辭條悔何及絲桐哀鳴亂朱碧嗟我何處去鄉邑相如家徒四壁立柳花入水化綠萍風波浩蕩心怔營文嘉追和云三月江南薦櫻筍鷓鴣鴻鵠迴塘靜蛛絲縈空網落花雲母屏寒浸對影簾外沉沉春霧冷綠蘿欲覆花間井泥金小扇障紗巾畫橋紫陌踏香塵花開遲水流急紅鴨對眠莎草濕吳姬如花

花不及摘花笑映溪流碧楊柳煙籠萬家邑柳下王
孫爲誰立幽清泥香生綠萍閒看梁燕壘經營辛丑
六月長日無聊寫此小圖並錄倡和之作於上
十三日同郡紳謁新兵憲王蓬岳公公前令消川余令
西華每以公事至會城相聚談笑甚樂奄忽踰十二
年矣歲月不居齒髮非故可念也

十四日

十五日西風始壯乃霽

十六日沈伯遠携觀錢舜舉刺貪圖作鼠啣粟聽眼光
瞿瞿甚得饒竊驚顧之狀有題句爾形可惜無牙穿
屋狸奴當前終難飽腹雷挨翁錢選舜舉 老穗壘

味七

突

累落曉煙不堪嚼齒汚殘涎玉堂學士存深誠爲爾
重歌碩鼠篇中書禮部員外郎元永貞 點吻工饒
恣陸梁粟初黃候未登場君堪一穗填渠腹可信年
年恣太倉前集賢待制馮子振奉皇姊大長公主命
題 七尺長身愧負多清時空食幾困禾營營蒼鼠
才分寸不耐詩人總譴何翰林直學士袁桷 又題
者十人 儒學提舉陳庭實 趙岩字魯瞻 蔡文
淵 集賢直學士鄧文原 集賢學士王約 國子
博士柳贊 集賢大學士陳灝 監修國史長史李
洞 翰林國史院編修官杜禧 集賢侍講學士魏
必復

十七日至杉青圍送桐鄉胡令君入覲至則行矣

十八日過東塔印空房觀水紅月季花

十九日客携示倪雲林老木叢篁有題句喬木之傍終
有君子泉石之盟久見如此君子之心竹石之音如

玉如金配之斯箴甲辰倪瓚寫於塵遠軒

二十日爲石月禪人畫船子家風卷系以一絕空山說
法石點頭水面安禪一葉舟山色水光無證據白雲

紅樹兩悠悠

二十一日送譚氏殯至分香鋪南俞勝港始見冰漸

二十二日從沈景倩借得燈花婆婆小說閱之乃爲脰

湖中一老獼猴精也宋咸淳中撥震澤劉諫議家遇

味七

突

龍樹菩薩降滅

二十三日買得盆梅一樹長尺有咫而結三百五十二

蓓蕾

二十四日寒甚

二十五日

二十六日稍和

二十七日過沈倩齋頭觀文衡山小景畫精細之極有
題句峻嶺崇山帶茂林激湍飛灑濕瑤琴安知倡詠

盤桓者不是當年飲禊人

二十八日沈倩出六硯評試偶拈舊楮爲寫江干欲雪
圖有題句沙柳橫攢千萬枝草根幽澗咽冰漸人煙

雁影蒼茫外正是江干欲雪時

二十九日細雨從沈倩假得主履吉行書長卷皆與其兄履約侍御手札率意縱橫畧不加檢而天真爛然玩之不忍釋去此君書以清峻標逸擅場不無生造之迹而此卷無意求之乃更妙耳

三十日雨

十二月朔日夜大雨

二日

三日沈翠水令茗溪人持卷軸來曹雲西溪山雨意黃子久趙子昂合作山水俱偽物 馬遠松下疎梅真

陳白陽與姪子克禠札數十通 文三橋草書集

味七

山詩五首 彭孔嘉擊窠書陋室銘俱佳 梅花道

人畫漁家傲八段俱作蓬櫂方舫垂釣者或幅巾或唐帽知是元真魯望之流江面蒼山起伏遮斷大入

意象詞亦率真有天趣絲楊初睡暖風微萬頃澄波浸落暉鼓棹去唱歌歸驚起沙鷗撲鹿飛 幾年情

況屬漁船人在船中酒在前山兀兀水涓涓一曲清歌山月邊 風景長江浪拍空輕舟蕩漾夕陽紅歸

別浦繫長松知在風恬浪息中 一个輕舟力幾多江湖隨處載漁蓑撐明月下長波半夜風生不奈何

殘霞反照四山明雲起雲收陰復晴風脚動浪頭生聽取虛窗夜雨聲 白頭垂釣曲江潯憶得前生

是姓任隨去住任浮沉魚少魚多不用心 釣擲萍波綠自開錦鱗隊隊逐鈎來消歲月寄幽懷恰似嚴光坐釣臺 桃花水暖五湖春一个輕舟寄此身時

四日閱邸報十一月一日二更時分刑部大門外左側巡風廳之前一枯槐樹生火自焚邏者驚呼撲滅是夕百官齊宿衙門時也

五日買得東坡烏臺詩案一帙

六日偶過項孟璜值其裝潢卷軸得觀梁令瓚五星二十八宿真形圖 陳喜雪竹鶴鶉 李營邱松泉遊旅 米南宮錢塘春眺前南宮筆妙四字乃張無垢

味七

所篆畫法纖細精謹峯頂作三浮圖意似寶叔雷峯與江岸六和也元章繪事絕去蹊徑雄豪跌蕩而此獨不類何耶且無款識所據止無垢一跋耳無垢以為韓氏醉白堂物要是前宋名筆

七日

八日

九日客持趙千里江城春曉卷求鑒余定為元人顏秋月筆

十日為沈子廣寫寒林漁艇有題句樹梢藤刺罩寒流石齒沙稜半隱舟鷗鳥不來魚不食一蓬山色在漁鈎

十一日雪

十二日霽客携示趙子昂行書中峯和尚懷淨土詩十

二首

十三日暮登雪舫泊北津送沈岳翁殯

十四日五鼓解維至幽湖林宿圩之原

十五日

十六日送沈冰壺吏部殯至先福寺東

十七日暖甚紅白梅俱吐作石佛寺禮請湛然禪師講

法華經募營千人齋供疏

十八日

十九日雨

味七

二十日太倉孫姓者携白定水中丞一青東磁甕紋小

彝爐一來看 又石田瀟橋詩思畫卷一作長堤枯

柳一翁騎蹇衛雙眼反白如屬思狀後一奚奴挑酒

壺書卷行行欲度野橋神態欲絕筆法類常粲梁楷

此老傑作也一詞唐多令亦妙聞道瀟陵橋山遙水

更遙六十年蹤跡寥寥下困人今老矣雙短鬢怕

頻搔行著要詩瓢酒壺相伴挑望秦川千里翹翹再

畫一驢馱我去便不到也風騷時正德己巳夏五月

端陽日也字肇策如涪翁真成三絕捐數金購之

又徐幼文獅子林十二景布置似盧仝草堂而筆稍

文弱有題詠 踞地似揚威昂霄渾欲吼猛虎見還

猜妖狐寧敢走右獅子峯 林端斂夕霏泉石闕清

景澹然娛人心相看忘日永右含暉峯 空山無宿

雲月起當殘夜漸出一峯間分光到林下右吐月峯

不雨自橫空低垂疑飲潤樵子過還驚神僧度應

嶺右小飛虹 扇鏞總忘機魔外自難入虛圓日夜

明一塵原不立右禪窩 萬竹雲朝合孤亭月夜明

鳳來原覽德非為玉簫聲右竹谷 夜靜起山深隨

風舒片影澹澹覆柴牀獨卧衣裳冷右卧雲室 兀

立雪迢迢松堂篆霽銷安心了無法徒受雪齊腰右

立雪堂 蒼蒼庭前柏明明西來意禪翁指示人又

在第二義右指柏軒 雪中疎蕊開不知闍香發幽

味七

人試問時正值黃昏月右問梅閣 疏鑿傍雲根虛

寒深百尺時汲煮春芽為待參元客右冰壺井 非

假琢磨功滋澄似鑑同朝來蓮葉盡波動覺秋風右

玉鑑池 余友徐賁幼文洪武間為獅林如海師作

此十二景極為精妙余嘗題其上逮今四十餘年矣

今默庵上人繼獅林之席今年春來京師過余出示

此卷觀之真若隔世事幼文如海皆已謝世余髦獨

存不能不興感於懷也上人復徵余識其後故書此

以紀歲月云時永樂十五年倉龍丁酉春望日太子

少師吳郡姚廣孝識 此卷獅子林圖徐幼文作凡

十二段有題名篆隸寫之獨損缺其一當是雪堂云

各系以五言詩凡十二首不書名氏詞翰皆簡健復有少師姚榮公跋尾榮公稱余友幼文為獅林如海作十二景極為精妙余嘗題其上則卷中書當是榮公手跡郡之所宜有也幼文名貴仕至河南左布政攻詩能畫吳門四傑其一也獅子林在蘇城東北隅本元僧維則之道場也最號奇勝則好聚奇石類狡狴故取佛名卷首圖一石題獅子峯者是已或云則得法於本中峯本時住天目之獅子岩蓋以謙授受之源也姑蘇新志維則字天如姓譚氏至正初人跋尾稱如海師豈即其人歟但榮公跋於永樂丁酉似為其徒携至京師而作故有四十餘年之嘆而與咸

味七

七

於幼文如海之謝世矣嘗聞榮公以少師還吳訪其師於獅子林為所拒至夜漏深以微服往後門求見有僧瞑目端坐止以手捫其頂曰和尚留得在此蓋榮公功成貴顯猶本僧服故不曾蓄髮徐云和尚撒下自己事却去管別人事恁麼榮公憮然而去可謂本教中之喝捧手乃大善知識豈即維則歟又聞榮公法名道衍嘗學於相城之靈應觀道士席應真者盡得其兵法機事執弟子禮豈還吳所見又應真耶願風旨嚴峻糠粃事功異學中自有之不必深求其人亦可也暇日偶閱此卷因重裝之聊記於此若獅子林之題詠尚多而幼文亦自有作天如詩尤可誦

乃錄幾首以資閒中一覽 高啟同徐賁獅子林池上觀魚穿蒲尾獨掉唼藻口羣仰波平沒見痕池靜跳聞響漁父已免捕僧孟每分養落日意無驚識我臨深賞徐賁 微微林影涼悄悄池魚出欲去戲仍戀乍深驚還逸行循曲島幽聚傍新荷密不有濠梁興詎能坐終日倪瓚過獅子林蘭若 密竹烏啼窅池清雲影閒茗雲鑷煙嫵松雨石苔斑心靜境極寂何必居在山窮途有行旅口暮不知還贈道衍晚至獅子林 無地堪逃俗乘閒復至林半山雲過磬深竹雨留禽觀水通禪意聞香去染心扣山驚有客想亦為幽尋嘉靖癸卯六月望儼山陸深書 陸廣成

味七

七

辰嘉平月與叔寶同觀於卧雲樓文嘉
二十一日
二十二日
二十三日往當湖夜泊焦山門更初大雷雨
二十四日蚤起忽晴辰刻抵家暮復雨
二十五日大雨竟日
二十六日停陰閣雨
二十七日閱邸報吏部於十一月二十五日推余南京禮部儀制司主事命未下 杭人戴青笠携示元倪珽小景畫一幀筆墨蒼古樹點有類夏圭者題長句一首亦豪宕有致 紫溪翁過甫里先生舉酒相屬

醉而歌曰一邱之木其棲深也屋吾容不辱一溪之石其居平也席吾勞以息一竇之泉其音清也絃吾琴在懸得乎人得乎天吾不知所以然而然先生弁而麋之曰采江之魚兮朝船有鱸采江之蔬兮暮筐有蒲左圖且書右琴與壺壽歟天歟貴歟賤歟歌闕而去至順二年春三月松雲隱居倪珽

二十八日客持卷軸來評賞有石田松溪圖長卷筆粗辣長歌亦豪邁 長松青青不曾歇清溪滔滔不曾竭溪流之水深且長松歷之年歲連月松耶溪耶兩忘情人兮物兮兩相悅憶昔豪觀九里松翠濤怒捲翻天風又嘗移棹道荆溪太湖演漾波涵融十年歸

味七

美

來形夢寐意欲想像丹青中惜哉無人寄高興虎嘯幸見松溪翁翁家虎溪勝西山千松萬松映虎嘯虎嘯仍是許溪名南北帆檣來萬井采松花釀松酒釣溪魚拉溪叟客至烹魚不論錢主賓醉樂無何有養松看就棟梁材溪魚要化蛟龍種賴翁子孫奔葉光我詩我圖相與傳無窮長洲沈周爲松溪翁作 又文衡山雲關圖卷筆仿李唐而老韻灑灑有獨得處後行書贈雲關上人詩三首雲關者華山之靈境也無住居天池寺號雲關真僧實余稱之乃賦雲關詩贈焉 三山開石扇萬古號雲關峭嶠朝昏啟矇朧日月還松深空翠撲澗激寒聲潺仰止元途靜真僧

幸許攀 逕轉林俱寂石開雲自關遙知遠水上未識秀岩間不雨煙嵐翕長春花木斑固應能說法閣闢俯龍灣 關深真習靜雲擁不離禪莫辨芙蓉嶂空疑松柏煙香床坐霄漢雕案繞山川勿謂師無住茲遊結勝緣微明 地與山齊潤泉將谷鬪分有僧心朗若雲樹自紛紜松影落朝翠人香結暮氛試看空水界兀爾獨無聞師道 雲白天青好掩關澹然棲跡向空山昔人面壁真能絕任爾乾坤去復還黃魯曾爲無住上人賦法號雲關詩 蓮宇翠微處嵐光旦夕多榻雲晴亦繞窗月夜方過石砌生青蘚松扉挂綠蘿竺書盈几案白馬昔曾馱彭年 蓮峯栖

味七

美

跡不知年白石爲廬雲作關閱盡閻浮禪觀寂參殘迦葉道心閒六止居士周天球 師也黑衣傑精修道岸躋松關常自掩唯共白雲棲天室道人黃姬水吾師久卧青山麓坐對松蘿靜裏看羨爾此心無住著不將衣鉢戀旃檀鹿田居士史臣紀嘉靖己未十月望 白雲深處作禪關十載焚香坐碧山塵世妄緣都已盡東飛錫杖有思還靜觀杜瓊

二十九日除夕

味水軒日記卷七

味水軒日記卷八

明秀水李日華著

萬曆四十四年丙辰歲正月一日辰起拜北闕竟即率
婦子稱椒柏觴上家君壽午至城隍廟

二日暮有微雪

三日雪甚微人楊不棄之兄字子久者來攜示叔明谿
谷采茵圖二松鬱然山勢起伏磅礴之極松根用黛
筆作蘭數莖一老一僮儂然其間亦入思之作恨破
碎耳

四日仍雪積四五寸乃六七年來所罕者客攜文休承
草書卷見示卷首壽承作篆四大字云舍弟醉筆所

味八

書是其所作詩末段又作雲山壽承仍以小楷題之
云雲來山不見雲去山自如青山原不改浮雲任卷
舒休承自題云日暮碧雲薄秋清山影寒與子元長
卿月下訪道園上人坐月白齋一首乘興叩禪關蕭
然水竹閑路危應九折屋住只三閒齋白月懸鏡花
明菊破顏茶香解留客深夜不知還郭侍御請永安
直疏干明主孤臣謫異方寸心元自赤遠道敢辭長
雲皎武夷月風清崗嶠霜丈夫開萬里好去闢豺狼
深水逢故人萍逢得故友水宿感煙波笛起關山弄
杯傳子夜歌竹深防臥虎江近有鳴鼙興極渾無寐
翻嫌月色多辛亥十一月與長卿訪壺梁醉後書此

請教文嘉又杜東原谿山佳趣圖卷筆墨蒼古辣氣
隱見是北苑的派有各名公題語樹大者近也樹小
者遠也有亭館者則遠之近也寒江忽斷似乎絕也
突兀復起使人莫知其所來也有水湯湯皆激石之
奇流也噴湧奮怒若不可禦也若此者乃為水也峰
迴路轉蓋有不盡之意也俄發一樹出乎所不料也
境物者天地之寶藏也今聚於此則東原公之造化
也由其胸中而布之筆下何其該蓄之大也東濠楊
循吉題右東原先生溪山佳趣圖一卷水村山隴人
家竹木谿魚野艇縈迴映帶若桃源然觀之便有移
家之想似此世未必無之豈在筆楮間幻迹以娛人

味八

之目邪嘗讀柳子厚先生愚溪之文可見也文與畫
無二致得此卷者毋直以畫視之弘治紀元戊申秋
八月望後學沈周泉聲汨汨樹離離絕壑危峰望欲
迷誰寫當年詩裏畫令人千載憶王維吳寬
五日客攜謝葵丘山水一幀評賞乃破碎之後杜東原
所補也有諸題語家在山塘水木閒塵中何事得相
關更無一二談詩客長日誰來作伴閒葵丘謝縉為
志隱寫併詩右圖併詩皆鄉先生謝孔昭之所作蓋
為吾廷麗錢君贈也歲久為鼠蟲所傷詩既逸去畫
亦不全然詩能記憶畫亦可補廷麗徵予補之仍書
所書於上雖不能無續貂之訥然亦可以周飾是圖

志隱者廷麗之號也先生於錢年長以倍而不字之
可見前輩謙光過厚而廷麗之見重於人可知矣景
泰癸酉夏五杜瓊志文聲購得此圖而復求志於我
自癸酉至今年丙戌已十有四載何光陰之迅速如
此哉文聲方盛年其勉於進德不可負此光景成化
二年中秋鹿冠老人斷崖絕壁杳難攀好手真成謝
疊山更愛溪南添數筆便移長樹映柴關蔡丘先生
善畫畫山尤善常自戲謂謝疊山吳寬能移未必從
愚力既得終知是楚人紙上青山百年影一番題詠
一番新弘治丙辰爲文聲重題沈周雲樹溪堂疊疊
山蔡翁詩畫重人閒做餘又藉東原補林下清風信

味八

三

不慳邵陵張習萬山環繞樹高低十里煙霞路欲迷
一夜芙蓉花亂落莫教流出武陵溪潁川陳疇老去
蔡翁興不慳尋常破墨掃雲山晴窗短幅橫秋色愛
著高人樹石閒邵陵周京

六日霽寒甚雪未消

七日稍和雪消未盡

八日又大雪

九日過常永仁已過沈子廣酌紅白梅花下

十日

十一日同常永仁至朱家樓送徐潤所夫人葬

十二日客攜示宋人張楓雪景一小幅大似夏圭

十三日購得建珠燈一架所簇人物乃羣仙拱南極聊
以爲家大人壽

十四日宴諸耆戚於清樾堂

十五日微雪夜月色茫茫是日爲沈翠水書堂聯月白

梅花畫冰銷薺菜春

十六日張瑞徵攜觀沈石田溪亭高逸圖長卷筆仿黃

鶴山樵有題語秋到湖山好尋幽杖屨忙野橋通略

約落日映林堂過轍疑無地讀書還有方老夫聊紀

此三日作詩狂庚戌秋日余過虞山道經湖上見村

居野寺幽致可愛明日爲圖并題詩以紀佳興耳沈

周

味八

四

十七日赴沈伯遠席華亭門人黃章甫張衷朗來章甫
出紙索畫爲作溪屋讀書圖題句云讀書當快意山
水助清暉又出繭紙索行草書且云得雜議論一段
足矣余因戲爲評古次第二晉唐墨跡第一五代唐
前宋圖畫第二隋唐宋古帖第三蘇黃蔡米手蹟第
四元人畫第五鮮于虞趙手蹟第六南宋馬夏繪事
第七國朝沈文諸妙繪第八祝京兆行草書第九他
名公雜札第十漢秦以前彝鼎丹翠煥發者第十一
古玉珣璣之屬第十二唐硯第十三古琴劍卓然名
世者第十四五代宋精板書第十五怪石嶙峋奇秀
者第十六老松蒼瘦蒲草細如鍼抄併得佳盆者第

十七梅竹諸卉清韻者第十八舶香蘊藉者第十九夷寶異麗者第二十精茶法醞第廿一山海異味第廿二瑩白妙磁祕色陶器不論古今第廿三外是則白飯綠齋布袍藤杖亦為雅物士人享用當知次第如漢凌煙閣中位次明主自有灼見若僅如俗賈以宣成察脆薄之品驟登上價終是董賢作三公耳丙辰元夕後二日五茸黃章甫過余與之飯戲論及此十八日吳水長攜一蒼壁相示徑六寸環尺有咫肉徑二寸厚四分中空徑寸有痕半之蓋其受合處也色蒼綠相雜有火鑿處商周間物也

味八

五

十九日雨雪雜下夜久亦有月
二十日仍雨而寒
二十一日雨出謁郡丞劉長梧
二十二日雨
二十三日寒雨竟日劉中丞石閭公以二月朔日誕辰余檢畫笥中有張平山畫白鹿一幀筆氣雄健如生因作白鹿歌書其上方將以為壽蓋石閭於同年誼最篤而余尤辱其知云五老峰頭雲氣濃幽花細草春蒙茸深巖忽出仙人馭雪毳紛披紫霧重朝餐摩霄夏漢翁鬱枯檜之古葉暮飲傾崖倒峽奔激谿壑之飛淙交枝雙角峙長戟灑浙寸尾搖松風四蹄碎踏芝泥融時有鸞鶴參其蹤嗟吁白鹿來何從遠躡

大華超衡嵩玉龍沙邊毓真輔掌握風雨開濛鴻保釐南國分陝寄七十二城和氣中貌貅閒臥鼙鼓息牛犢徧野犁鋤功鹿銜瑞草金五色指授玉兔加高春煉成真丹兼壽罔南極正照蓬萊宮鹿聞此語欲騰越生絹八尺留其容嗟吁圖鹿之筆安足數行向麒麟貌我公

二十四日雪同鉏萍鄉宴劉郡丞於清樾堂劉楚漢陽人也能酒清辨妮妮二鼓別去

二十五日霰雨雜下竟日夏賈以偽畫來題云五峯文伯仁仿黃子久松溪漁隱下方用顧金粟阿瑛小印記可晒也

味八

六

二十六日陰寒澀雨時雜冰珠胡雅竹之弟五朝奉者攜姚雲東春溪垂釣圖來閱筆甚古澹題律一首書法張句曲此老鐵手腕真仲圭之裔其灑然自得處未嘗落時流恬滑套中而松吳之人以浙派疵之此正松吳近習不可醫之根也溪柳搖東風汀花含宿雨人無喧喧聲鳥有關關語梅老遺畫法吾尙循規矩氣韻如流動未識何人取雲東逸史畫
二十七日陰寒湛然禪師來別往石佛開講法華禪師云曾由闕泛海至寧波眼界甚闊四日夜順風可到又言呂宋國有番薯大如屋柱極易生熟之可為飯碎之為粉糝釀之為酒俱妙昔年闕撫金省吾公差

人以計密取其種回闢人處處種之今寧波亦有其種此亦饑歲所必藉也

二十八日寒甚

二十九日欲往武陵以雪盛不果行遂同細君亨兒丑孫攜酒榼茗牀泛雪沿菱塘橋東至白芷折紅白梅插兩舷而回暮矣

二月朔日作畫二幅其一用米法題句云雨歇纔分雲外樹山晴遠見樹根泉平生不作襄陽癖墨汁從教落酒邊其一作疎林釣石一老垂竿題句云雪消春水動涵光東柳垂枝未破黃不信滄江有詩句富春山下問漁郎

味八

七

二日客攜文三橋雜札十五通閱評皆與王祿之陳白陽諸公者筆趣尖麗處時雜君謨元章此公書法枝山雁行也

三口

四日集沈大音樓齋

五日偶過南山老人藥室其旁舍寓一姬廣陵人也姓蔣字長卿以茗碗款話風度亦灑然因出紙索詩漫應一絕春陰緩暖杏花忙蝶影差差近筆牀留取雙眉不輕畫倚門凝盼墮鞦韆

六日爲湛然禪師題募刻涅槃經會疏卷字如當三錢從友人沈定凡請也鹽官吳邦爲名文憲來執費稱

弟子邦爲善詩梓有微九齋漫草又落花雁字詩各一帙邦爲貽余文壽承行草赤壁二賦筆姿宕逸極類祝希哲慧麓僧解如從徑山來以鄒彥吉畫一長卷見示樹石意似仿米而遠近布置自成彼法余未暇參也解如云徑山自臘月廿七日雨雪訖正月盡平地雪高六尺路皆凍斷今稍能通步耳

七日

八日細雨蒸溽器皆如汗流鳥聲不止

九日

十日

十一日大雷雨

味八

八

十二日霽胡敬竹攜高房山秋靄圖來求鑒不真十三日過徐憶山樓居憶山出其大父鶴山公手蹟與所交遊贈言卷披閱有王柘湖李青霞行筆書俱爽健鶴山名元春以明經授饒州司理晚節恬退工詞翰稿多散逸有席閒貽妓句云燕釵明夜玉蟬鬢掩秋金亦雅麗

十四日無錫人攜畫幅來止石田漁舟秋泛可觀下作三大樹二直一偃墨葉淋漓如溼雲籠翠艇上一翁垂釣其下層作沙草四五重至頂僅露淡墨峯尖而已蓋仿梅道人而入思者一詞亦妙殘葉林梢風瑟瑟秋波照眼通天碧南北東西聊泛宅人不識江湖

自有江湖客裊裊釣竿三百尺金龜未換鱸魚白船
本窄一般自有容身策右詞寄漁家傲沈周

十五日同仲賢至十八里橋飲村酒而醉

十六日驟熱

十七日

十八日

十九日連日病目坐暗室中調息自遣

二十日清明以病目不能往祖塋令婦子輩代往

二十一日日病稍閒松人持米元暉雲山卷求鑒余定

以為南宋人吳琚輩手蹟以其閒用鈞欵與絹色別

之跋語皆後人強綴老樹筆閒生奇石筆下出濃淡

味八

九

高低遠近山陰晴一半雲閒沒漠漠江天杳杳空不

勞施力自然中若於沙際尋歸路來看霜林葉半紅

士弘河東李侔冥冥濛濛方寸天不知所以然而然

枯槎老枿溼風煙羅雲縹董樓蒼玄晴窗開卷作三

叫看得米家神氣小塗指濃墨幻東白汗我滿湘山

色曉延陵邵亨貞題右海嶽山水筆墨簡古非他畫

工所及卷後兼有李河東士弘邵復孺亨貞二題詩

字皆精妙誠可寶玩也萬曆庚辰二月十七日雨窗

展玩因書其尾茂苑文嘉余嘗見敷文大姚邨圖與

此卷甚相類信家學之有自也河東李公云濃淡高

低遠近山陰晴一半雲中沒殆得之矣考米氏父子

本襄陽人而寓居京口亦嘗寓蘇與朱樂圃輩同遊

故吳中時有真蹟留存修宋史者直云吳人而後之

論者皆曰吳縣人非也衡郡文肇社跋米元暉有細

謹如營丘者有疏宕如北苑者不專以突兀冥濛為

奇而後人失之乃信手點抹自謂米家山此如仿顛

張之草聖而不從郎官壁記入門真無本之學也此

卷全寫煙景至其規矩法度於山頭勾欵見之乃楚

山清曉圖之一變大姚村圖在余家又復狂怪與此

不倫文基聖以為絕類非也雲間董其昌跋

二十二日為讀孟恂書聊齋二字扁仍系語其後云涪

翁云白雲青山江湖之水湛然可復有不足之歎邪

味八

十

無不足之謂聊也夜大風

二十三日項孟璜貽余温州乳柑剖食之甘甚而韻稍

遜章

二十四日風雨而寒客持沈石田畫卷評定雙松之下

一老持竿挾書且讀且漁四顧溪山疊疊筆類子久

後段別書採蕨行一首字亦蒼勁得涪翁家法春雨

歇出採蕨根可掘苗可折十中取一敢汎濫傷多正

恐明年絕甲痕斷處綠膏流葉拳兀兀綴莖頭篋縱

橫筋雙亂淪湯潦倒算子柔糝薑著醋味兼爽淞上

尊絲當喫棒清明日因掃松隆池道樞木塢行吟采

蕨得此篇會克廣姻家書以贈之沈周

二十五日寒甚高弁以屠氏所藏梅道人墨竹長卷來玩題句有翠濤借月生秋潤蒼雪因風入夏寒又未段作素草云以上筆筆學文湖州不知後來同余趣者幾何人也蓋此老灑然滿意如此又蔚藍玻璃杯一闊二寸有耳點金白玻璃盤一闊一尺此嶺南海船上物也

二十六日寒甚

二十七日雨寒客持南山張復陽蚺蟬細書作衣縫寫仲尼顏曾三像諦視乃魯論二十篇也

二十八日寒雨氣候如冬購得劉貫道飲中八仙圖一卷每段揭曼碩楷書杜句後款云至正二年八月揭

味八

十二

侯斯書有龔子敬跋中山劉貫道飲中八仙圖筆端無纖塵若其摹唐室之衣冠類晉代之風采靡不人各肖不第得眉宇兼得神情嗚呼酒致一塗而會者一轍究其高尚奇蹤則倚馬臨池驚筵枯坐莫可稍入軒輊甚矣搦管者之苦心也高郵龔璠題又文徵仲草書便面一律路轉支硎西復西碧雲千磴石為梯羣峯繞出穹窿外絕壁回看峯巒低午焙送香茶薺熟春風釀冷麥苗齊怪來應接都無暇觸眼風煙費品題彼面溪山小筆題句云木落高原淨秋清石壁寒飛泉挂天漢只作玉虹看

二十九日有人索沈翠水畫為黃貞父壽屬余題句玉

室金堂隱洞天煙蘿雲木挂飛泉鶴來叫破松風夢御筆催題小有篇

三月一日雨

二日雷雨

三日雨歇

四日霽

五日夏賈攜元朱德潤澤民秀野軒圖卷來閱秀野軒者元周景安徽士隱居也在餘杭山中踞玉遮峯之勝澤民筆法荒率爛漫奄有荆關雄勝之氣卷中題詠甚多知名者高啟徐賁張羽與澤民之子大吉卷首周伯琦篆軒名三字亦妙

味八

十三

六日武林戴生來袖出一卷乃唐伯虎夢筠圖也以李河陽筆寫細竹寒流一高士倚書囊坐睡後書律詩一首仿蘇東坡筆法聞說君家新闢庭參差滿種粉梢青炎時靜坐不覺暑晝日仰眠常見星一點虛心通曉夢百年手澤與忘形秋來四屋聲如雨帳掩薰爐獨自聽吳趨唐寅為夢筠作小圖長句

七日

八日戴生持倪雲林闕幅山水來閱下層作樹三四叢上層近巒外作縹緲遠峯四五處無亭閣無橋綽併無平陂亦此老別一意致也題句云地僻林深無過客松門元自不曾關展將一幅溪藤滑寫得溪陰數

點山淨名居士瓚又購得祝京兆擘窠行草書飲中
入仙歌一冊筆法初仿米南宮後又出入旭素蓋神
氣橫溢不能自制耳有款云甲子仲春同文徵仲唐
子畏遊東禪清溪堂雲空上人持紙索書有感酒仙
漫錄以應之枝山允明

九日張嘉林率子姪虞懸禹玉霄函同李醇之吳松雨
具湖舫迎余與亨兒看顏氏海棠金陵角伎楊文者
佼麗而善新聲是夕久陰忽得鈞月挂柳間相與歡
呼笑飲至四鼓別去

十日余爲沈子廣作梨花怨十二絕因草書長卷卷端
擘窠書梨花怨三字又俳語一引以報子廣亦一時

味八

之漫興也詩并引刻紫桃軒雜綴不錄

十一日汪玉水同夔甫鳴甫攜示趙子昂行書光福寺
碑記真蹟有梅梁馬蘊收藏印記精品也又管仲姬
著色閩蘭陸幅舊有子昂小楷書蘭賦脫去文徵仲
補之有陸源沈啟南諸人跋不及錄

十二日馬生衡舉者持元楊鐵崖手書大笑居士傳來
評閱蓋爲易履安道作也履宋純孝先生之後本并
州人善騎射中歲強力學問陰陽律曆書數之術靡
不究知兵變陷寇中其年斬其將函其首獻大藩承
制授都司不受更調浙漕亦辭其人蓋山東雄俊而
有隱操者也署款云鐵史者李忠愍榜第二甲進士

今休官雲間人呼江南鐵史會稽楊維禎也卷首鵲
湖陸橋洲書儒林翰墨四大字又有呂九柏憲鄭鈞
州珪跋語不錄

十三日兒子以余初度治酒舫同沈翠水沈伯遠吳仲
賢造顏氏海棠下時雖有落紅擁樹而枝頭殷紅不
減又過黃氏園適一鶴伏卵人近之輒驚喚昔浮丘
公著相鶴經以爲鶴必胎生其卵生者皆鶴類也人
駭笑不信今諦視其伏卵狀殊無香漢之氣而有雌
哺之態乃知浮丘非浪語耳是夕有月盡醉別去

十四日方樵逸攜示沈石田溪山長卷墨氣淋漓仿梅
道人有題語坐深誰問夜何其數喚添衣且不解情

味八

到老年難作別人非今日是相知月明高樹雅翻處
風靜虛堂燭轉時再把一樽酬笑語憑君看取鬢如
絲周與育庵先生年各向老每別必有詩紀之此紀
庚子歲季冬望之夜話也偶與育庵寫長卷漫書於
左沈周樵逸又以唐子畏黃花翠竹圖爲余壽伯虎
自書句沽得重陽酒一壺滿城風雨正催租黃花自
作東籬主覓個閒人絕世無唐寅

十五日欵友吳秋林來與之小坐秋林出觀國朝名公
書卷有孫太初手蹟快利勁捷如宋仲溫詩亦集中
所無錄之遠遊海水照髯影天風吹角巾早年負奇
好五岳散閒身日觀倚高寒車箱夢猶真一笑謝塵

世採藥青澗濱偶來不解事長句驚四垠幾年問格
闕中原白骨新山鬼夜啼血層雲愁高旻青鳳叫孤
月茫茫鼎湖春攀聳不可得終歲泣遺臣我愛陶弘
景我愛陶弘景不受萬乘束挂冠事棲遁歸來臥空
谷青山讀玉書白鶴下高木乃知怡悅心長日雲相
逐循華陽洞六言一首偶過東南地肺雲中坐對三
峯折得瑤華獨玩月明歸去騎龍太白山人孫一元
書於載鶴舟中

十六日客有以姚雲東楷書鐵箴道人傳見示者愛而
錄之鐵箴道人者會稽人積書數萬卷泰定閒以春
秋經學擢進士上第仕赤城縣令轉錢清令又轉鐵

味八

五

州市監建德李官皆不信其素志輒棄官將妻子遊
天目放于宛陵毗陵開霽中雲閉山水最清遠又自
九龍山泝太湖大小雷澤上縹緲七十二峯東抵海
登小金峯冠鐵葉冠服褐毛寬博手持鐵箴一枝自
稱鐵箴道人鐵箴得於洞庭湖中冶人緱氏子嘗掘
地見古莫邪無所用銘爲鐵葉筒筒長二尺九寸竅
其九吹之竅皆應律奇聲絕人世江上老漁狎道人
時時唱清江欸乃道人爲作鐵箴引和之箴罷仍自
歌曰小江秋大江秋美人不來生遠愁吹箴海西流
又歌曰東飛鳥西飛鳥美人手弄雙明珠九見鳥生
雜貴富人口道人所幸聞箴道人爲一弄畢便臥送

客客卽不去臥吹箴自如也嘗對客云箴有君山古
弄海可卷蛟龍可呼非鈞天大人不發也晚年同年
交有以文白于上用玄纁物色道人于五湖之上道
人終不起云其文之驚世者有三史正統論五千言
太平綱目二十策上皇帝書一萬言碧峯記歷代史
鉞二百卷詩有瓊臺集洞庭集及古樂府琴操等五
十卷藏於鐵崖山云贊曰有美一人兮冠鐵葉之簪
翳服冕褐之襪履雷澤之濱鐵崖之巖喻陰呼陽小
往大旋萬竅不作全賴於天其漆園氏之傲吏邪亦
緱山氏之遊仙也耶又危太樸小楷書絕句四首想
其自作也太液池頭春晝遲太行飛翠拂晴漪落花

味八

六

曉鳥多芳思試問遊人恐未知臘酒吹香度水濱落
花多處碾朱輪春光不屬閒鶯燕偏入晴窗更惱人
玉殿遙瞻雉扇開鳳笙龍管遞相催晚來千騎東華
道知是朝臣錫燕迴紅杏枝頭露未晞玉階無數亂
花飛故人昨日題詩罷卻從臺臣奏疏歸危素上
十七日治往姑蘇之裝夜泊毛家滙挈方樵逸同行
十八日舟中無事樵逸出紙索畫爲寫子久溪山題句
云孤亭芳草悵天涯鷺羽新波鴨嘴沙積雨春寒難
破遣傳聞消息到梨花暮泊葑門
十九日辰刻至虎丘周華峯樓居焙茶主人出楮墨索
詩漫留一絕句雨痕收盡日初長茶市千家午焙香

越客扁舟繫何處伏龍岡下虎丘傷購得小盆牡丹
一杜鵑二夜宿後苑

二十日蚤至閩門訪吳吳山不遇有孫青城者攜卷軸
就舫齋閱之唐伯虎悟陽子靜室圖文徵仲作記又
伯虎五月江深草閣寒沈石田題句云唐子弄造化
發語鬼欲泣游戲山水圖草木元氣溼多能我亦忌
造化還復惜願子斂光怪以俟歲月積石田沈周又
文徵仲赭山白雲又元姚彥卿瘦癯寒林筆法仿郭
熙楊鐵崖題海州自賦歸來後猶有平原樹半存接
羅今作騎驢樣相見江南黃葉村會稽楊維禎又吳
名公八種梅花文徵仲文休承王酉室錢叔寶陸五

味八

七

湖陸包山朱清溪尤子求競出新意寫橫枝疎蕊正
側背面與梢幹轉搭務標奇格所題句俱妙不及錄
卷首徐緝仙霖小篆破春小梢四字亦佳甚午刻即
同樵逸青城拏舟過劉華臺出觀涪翁擊窠書自作
詩一卷宋人正書四分律一大卷又倪雲林小景眞
蹟佳有題句門外漠漠風吹沙閉門倦客獨思家樓
頭吹角夢初醒猶聞深院響琵琶白雲蕭條楓葉丹
愁人行吟復坐歎歸心夜趁東流水夢入松溪第九
灘少年持家學詩禮馮老侍御之孫子觴半投筆調
白羽拔劍醉舞爲君起至正十年九月因過郡中留
學之椽郎宅五日其子思誠温粹勤儉而好學已能

持家具甘旨之奉今年纔十有七歲矣僕既寫此爲
贈并賦三絕句其上東海倪瓚題者三人清曉虹光
起碧波異香來處小蓬過平生笑殺王摩詰子我誰
嫌此意多朱逢吉南宮才子桃川去留得雲林舊日
圖一路好山何處似料應紫蓋與蒼梧貝翹故家池
館錫山阿門徑寧容俗士過清閣閣空詩社散幾經
蛛網落花多管時敏又過保國寺西訪虛庵衲子出
觀蘇東坡題李伯時三馬圖贊趙子昂細楷大洞玉
經米敦文海岳庵圖王叔明雪舟主者山水眞蹟又
倪雲林樹石題云益公以道不見忽已七改年辛亥
七月余來自苕溪偶寓松陵之桐里雙井院數日矣

味八

七

以道適過慧日懺堂解後一日因寫竹樹小山并賦
詩寄意云一笑相逢喜有期因懷西庵話移時李公
堂裏頻曾宿陸子泉頭有舊詩旅思淒淒非中酒人
情落落似殘棋雲濤眼底三生夢鷗鷺秋汀又語離
是日性源秋水二上人同集以道因詠余舊詩春日
試茶一首今卅有餘年矣併書畫上喜看新酒似鶯
黃已有春風拂草堂二月江南初破柳扁舟晚下獨
鳴榔苔生不綴山人屐花發應連野老簑世外寧辭
千日醉未容人事惱年光是夕解維仍泊葑門
二十一日蚤行舟中無事樵逸又出紙求樵逸圖余以
黃鶴筆意漫應之題句云懸崖磨斧罷平崗地擔餘

何必看棋局且自挾編書有餘興又作米家溪山題
句云雲氣堆中隱茅屋沙洲斷處數江帆款云丙辰
三月過吳門同方樵逸孫青城訪虛庵禡子出觀小
米海岳庵圖諦視極知當時用意出沒處恨楮色慘
惡毛脆後段題語益復漫漶歸舟念之橫吐此幅我
自寫我意中事未能為襄陽父子雪氣也是日取鶯
脰湖桑漿水潑新茗良快昏時抵家

二十二日吳赤含邀看薔薇屏二鼓醉別去

二十三日徐潤卿來出其亡友王野賓詩藁草一卷相
示筆法蒼勁詩句閒澹亦隱人之傑也野賓名復元
少爲黃冠往來文衡山先生之門後客項墨林所以

味八

鑒古游張翼庵沈繼山諸公閒余總角時嘗及見之
猶記其早春送人詩一聯云春寒花信少地溼草痕
齊頗有中唐風味潤卿與之爲石交沒時潤卿治其
後事故手蹟存潤卿篋中者最多客攜趙丹林畫評
閱有題語古石犖嶙荒苔生排雲高木寒蕭森行人
不到路將絕繁陰滿地春沈沈我家舊隱吳山麓幽
逕透蛇入空谷風吹飛雨灑千巖繞舍樾林生淨綠
年來置身白玉堂宮花拂簾春晝長故山雲霞渺千
里卻憶林樹空蒼蒼寵恩新賜東歸去重訪平生舊
遊處詩成先向畫中題明日滄洲弄真趣余將有中
吳之行過嘉言山月軒告別出示丹林生臨北苑畫

索題賦

二十四日細雨鳥聲千轉百弄獨坐美蔭軒領之
二十五日胡雅竹攜示元人孤雲處士王振鵬樂社圖
筆法纖細宛密務在取肖物形亦張擇端之流也雅
竹又貽余唐子畏菊枝一幀有題語錦里先生日醉
眠瓶中無粟榻無氈酒資盡在東籬下散貯黃金萬
斛錢蘇臺唐寅秋色盈盈何處好黃花數朶傍東籬
壺觴獨對忘言處正是淵明寄傲時長洲張勉學
二十六日至四月十八日以病目甚受醫戒不飲酒不
看書史不見客日坐暗室點治殊悶人因從兒子索
舊藏宋琴漫置爪甲亦自鏗鏗然取自娛弄而已至

味八

是日稍愈治往武林之裝夜行抵曉達石門

四月十九日夜泊松毛場

二十日辰刻見劉中丞石閻公公報謁賓館午刻過淨
慈已過法相寺主僧淨緣自朗出莛筍侑飲談山中
往事爲之盡醉夜宿竹閣

二十一日冒雨出山謁王僉憲弘台王名應乾辛丑進
士睢寧人起家太康令與余同官開封相見道故如
平生午刻余小駐昭慶弘台來報謁餽麋餼招飲辭
之

二十二日辰刻謁參藩周幼華公公諱善南昌人丙戌
進士舊治兵我嘉有惠政以宅憂歸起補今官午刻

公報謁餽糜餼招飲辭之

二十三日買茗得龍井一缶天目精者二缶主僧雲山貽手焙茶二小缶以免兒泉沃之良妙酉刻理歸權夜泊橫里

二十四日舟中作畫三幅一仿吳仲圭滄浪漁笛題句云白石丹楓落照邊千峯雲靄一江煙漁郎短笛無腔韻吹起蘆花雪滿船一仿黃子久秋林觀瀑題句云康王谷口經行處五老峯前佇立時高聳吟肩斜側目玉龍飛墮雨絲絲一仿倪元鎮老木虛亭題句云彭蠡波寒秋葉脫瀟湘煙霽晚峯孤虛亭竹色蒼茫裏自有閒人聽鷓鴣此幅歸仲賢夜抵家

味八

二十五日

二十六日購得五采均州水孟以養萬年松良稱虛庵寄示王叔明雪林鍾馗粗筆放手氣韻蒼辣石畔一鬼蹲躲樹杪一鬼下窺而老馗方挺劍怒視鬚髯張磔若將有搏擊者亦奇作也款云余昔年在燕見董北苑畫寒林鍾馗距今三十有七年矣甲子歲暮守歲東海上外孫陶震家戲拈筆畫此以繼北苑之意云洪武甲子十二月二十九日黃鶴山中樵叟王叔明題

二十七日購得石刻米芾孽窠大書自作詩一冊筆勢雄妙與天馬賦一例丙戌四月九日來登峴首薄暑

清風良快襟抱石赤表雄名三辰出濁清負海中行瑞殊香下玉京神靈禮金碧梵力度幽明揭榜訛浮玉莊嚴是化城壯哉夜湖落入枕百川聲金山踟躕山下濡須水我更委它物阜時和迨暇相逢笑且歌江湖樓上憑闌久極目滄波天鑑如磨偏映華簪雪一窩厭市衝煙入忘懷對客遲吟看飛鳥沒坐到夕陽時阿氏金爲屋姪家玉作臺得官塵土古揚州好客常稀俗客稠掩簿叱須無潤我冒風踏雪作清遊竹西桑柘暮鴉盤特地霜風滿倦顏不用使君相料理都緣塵土浣青山贈我白毫筆報以玉蘭酒我書將示誰汝筆稱我手家山只在東流水每到橋時眼

味八

三

便東昨夜南宮一覺夢早來堂上看飛鴻露降帝籙號御史述先猷耕道深爲本傳家學更優飯山高仰止激水引清流圭組相輝日真成不獲收大觀元年上幸祠宮作歸寓居瑞墨齋書

又姑蘇邵姓者衷示文衡山小卷長尺有咫頗秀潤題云百疊春雲百疊山杏花三月雨班班分明記得橫塘路一葉輕舟載雨還正德庚午春仲坐雨停雲館乘之持佳紙索圖戲爲寫此長洲文壁 又沈石田粗筆山水仿大癡題句云老去心情付漫圖時時弄墨手俱烏因山便欲尋盧岳借水還須濯太湖滿眼白雲無長物蓋鄰碧樹有高株一峯道者吾宗匠

遼海茫茫不可呼

二十八日莊太守觀同諸紳往謁

二十九日從虛庵借得海嶽庵圖因一一錄之先公居

鎮江四十年作庵於城之東高崗上以海嶽命名一

時國士皆賦詩不能一一記翰林承旨翟公詩云楚

米仙人好樓居植梧崇崗結精廬朝暾赤縣賓蟾烏

東西跳丸相馳驅腹藏萬卷胷垂胡論議長河溜挾

渠掀髯送目玩八區欲叫虞舜臨蒼梧云云餘不能

記也卷乃庵上所見山大抵山川奇觀變態萬端在

晨晴晦雨開世人鮮復知此余生平熟瀟湘奇觀每

於登臨處輒復寫其真趣趣使爲之此豈悅他人物

味八

者乎此紙滲墨本不可承仲謀勤請不容辭故爲戲

作紹興口口孟春建康貳官舍友仁題羊毫作字正

如此紙作畫耳右將仕郎米友仁畫瀟湘奇觀一卷

且自識之蓋其父爲禮部員外郎先居潤州羨山川

佳麗於是結庵城東號曰海嶽宣和間嘗進友仁所

畫楚江清曉圖上悅因得名當世然其筆意大率與

奇觀相似御無畫工之習故士大夫寶之嗟乎一門

清適自家薦許亦可以見其父子之能矣上清外史

薛養題米氏父子書畫擅當世是卷沈著病快字如

其圓尤合作也臨川葛元詰題米家父子最風流點

染豪端滿紙秋海嶽庵前天欲曙瓜洲渡口望滄洲

吳瓠碩晉安會環敬觀沛郡朱希文觀于鄭氏愚樂

齋甬東邊猛生拜觀于鄭氏飛雪樓江南奇觀在北

固諸山而北固奇觀又在東岡海嶽晴雨晦明中執

筆摩寫非其人胷中先有千巖萬壑者孰能神融意

會收景象於豪芒咫尺之間哉米家父子何奪天巧

之多也宣城貢師泰題此卷友仁真跡無疑山川浮

紙煙雲滿前脫去唐宋習氣別自一天胷次可謂自

渠作祖當共知者論至正癸卯立夏後五日劉中守

書於三山之枕玄行軒細觀米友仁瀟湘奇觀筆墨

溫粹渾成信夫鍾山川之秀而復發其秀於山川者

也其後跋語若貢公泰甫葛公元詰劉公中守言之

味八

盡矣至於上清外史薛公卿素與吳興趙松雪評論

畫畫尤爲精到且知其父元章公宣和間嘗進友仁

所畫楚江清曉圖爲當時稱賞况奇觀者又晚年之

作也居貞其寶之雪鶴山人鄧宇志文迨象敬觀於

鄭公之東軒余家藏倪迂遺集有與陳叔方書云海

嶽庵圖旦晚臨畢即見歸而集中亦附載陳書云海

嶽庵圖謹授山甫盧君以達雲林胷次清曠筆意蕭

遠當咄咄逼真矣暇日能寄小幀如對可人也因展

觀錄之小米墨戲余所見瀟湘白雲圖沈啟南跋云

三十年耳聞求一見而主人靳不出晚歲始得觀則

無益矣其尊重之如此二卷亦瀟湘之流也瀟湘圖

與此卷今皆為余有搆以自隨今日舟行洞庭湖中
正是瀟湘奇境輒出展觀覺情景俱勝乙巳五月十
九日董其昌

三十日過肖海朱山人樓居出觀沈石田桃花書屋圖
圖為其弟繼南而作筆法細秀文弱如徐賁亦此老
別調也有題語桃花書屋我家宅阿弟同居四十年
今日看花惟我在一場春夢淚痕邊此桃花書屋圖
也圖在繼南亡前兩年作嗚呼亡後又三易寒暑矣
今始補題不勝感愴乙未九月沈周小隱新成水北
灣桃花千樹屋三間讀書不作求名計時復牽帷只
看山有貞結屋東林勝小山讀書終日掩柴關桃花

味八

千樹無人看一片風光春自閒陳寬

五月一日購得王孟端墨竹酷似柯南宮我愛君家雖
帶郭鶯塵不到南薰箔相過聊為寫閒情楚雲數葉
秋陰薄寫餘自覺襟趣清幾絲颯颯新涼生何當為
君作長笛持向君山吹月明僕偶過逢吉高軒茗話
餘出此紙求畫遂寫此併詩以塞責云時永樂元年
五月既望九龍山王紱孟端識龍丘筆意肖房山秋
影秋聲戶牖閒不是此君清似玉何由埃壙化高閒
南陽滕用亨書法元於畫法同半窗秋影墨池中同
州仙去房山遠賴有王君繼此風趙吳興詩有云石
如飛白竹如籀書法元于八法同是吳興公以書而

作畫者也同州房山亦同此妙若薊丘息齋皆不足
與論此者也今觀友石公此筆深有契於吳興公所
論之妙座中朋來同軒二先生以僕之言為然故書
其右云浚儀張有識此君畫意非畫畫高士激賞俗
子焉我亦平生頗諳此許君不在房山下閒齋雨晴
風日妍偶呼筆硯置几前為寫黃陵廟前景鷓鴣啼
處煙蒼然坐中有客皆俊逸尤解鑒之稱噴噴明朝
風雨更來看只恐蛟龍夜穿壁太原王公子孟端寫竹
雅得房山筆趣翛然窗几似有清籟與南薰借來僕
素嗜此不覺技癢遂邀南陽滕朋來浚儀張夢庵同
賦同觀者為蘭陵繆伯高是日午飲主人二茂異也

味八

永樂乙酉孟秋既望安定梁用行題

一日余生攜示倪雲林秋林山色仿巨然筆意峯巒樹
石特為雄渾題云寓館風雨秋閒門草苔翳懷人思
奮飛攜書此留滯玉琴和幽吟竹牖聊靜憩西山日
在望白雲淡生媚寂篋棲德園清虛捐世味石竈有
餘煙未收煮茗器八月二日寫秋林山色并詩以遺
伯循文學瓊是夕程客拉史仲韶方光宇具湖舫載
揚飛卿墨卿二麗人邀余泛九曲漢維舟柳下秉燭
推篷盡展新聲之妙因為三絕句以狀之從容請也
野岸春深聞捲蘆燈前皓齒發春飲誰知花底吉鴉
舌解作空江獨鶴呼高調雨檐竹溜滴春渠檀口香

一
開
卷
第
四
頁
全
書
第
四
頁
五
二
二

噴字字珠不信念奴能醉我酒痕狼藉滿衣裾中調
綠車忽引一絲輕乍聽還疑隔葉鶯悄訴衷懷方種
種怕君著耳未分明低調

三日程客籠畫眉烏來饋適姻家張姓者貽百合一盆
挺三十六薦以漸開敷從此終日在花香鳥語閒

四日與客展玩國朝諸公手蹟卷深服陳白陽文三橋
足繼枝山之後文衡山小楷精妙德靖閒士大夫阡
表墓銘必乞其手書鐫石以行而石工有章文者因
藉衡老以售其技至取潤屋之費即章田章藻之祖
先也盧石湖有詩贈之云文子文章暇興至輒臨池
俛仰千載開二王真我師行隸各臻妙小楷尤絕奇

味八

箋麻滿几案金壺墨淋漓人子揚先德爭乞書銘碑
碑書非李邕不孝相詆嗤當時李邕書刻者伏靈芝
文子屬何人章文實多資惟章世鐫勒鐵筆當畚舊
我昔識厥祖白髮兩肩垂專工松雪體書刻老不衰
而父名益張有郡咸相推年方四十餘有此寧馨兒
成童擅巧技即受文子知甫接乞書客首問刻者誰
客曰將委文握管乃不辭文書亦文刻姓名雅相宜
附麗用不朽百世允爲期正德戊辰十月十日石湖
盧雍書於杉檣寓舍

五日泛蒲後同吳仲賢亨兒過范氏廢園爲賃房者所
拒不得入因過顏稼莊居觀盆荷有兩盆相接處一

藕度空如橋一葉一蕊從藕節中生出葉如小錢蕊
如小指尖已有欲開之狀人無不異之

六日復同仲賢亨兒又益以曹甥弘宇造范氏廢圃賃
房者他出曹甥與之通家呼童開棧叱令掃除供茶
無不如意因入墨兵齋拜石州登桂臺觀亦蘭亭引
流屈曲處甚有荒蕪之感以主人方議棄之兒子固
勸余營爲菟裘乃躊躇觀之耳

七日客持示沈石田泛湖小景筆極疎簡而渺瀰之勢
如在目前有題句歸程迤邐出城東春水重湖渺渺
中雙眼儘明無物礙一舟故在覺天空鳥邊山閣將
西日棹尾波催向北風喜有許詢同此快笑憑杯酒

味八

吸雲虹甲辰仲春六日歸自吳城與國用方舟而行
道自楊湖蓋取便風也湖中卽景爲畫卽畫爲詩發
國用一笑石田沈周
八日夜夢勾武林兔兒泉烹茶飲之甚甘成一絕句云
每向洪爐撥紫煙要將行業證茶仙兔兒暗滲方諸
水不數仇池九十泉

九日爲譚平叔繪扇作溪山深隱圖綴一律云生來骨
相落溪山松作蒼髯石作顏吐語忽驚春瀑下挂瓢
時惹曉雲斑懸崖墮菓煩猿拾絕壑迷筇信鶴還偶
爲修琴到城市獨歸又見月初彎

十日雨購得周東村梅村書屋圖勁豪燥墨純是骨氣

絕非東村平日伎倆

十一日

十二日雨不歇門人許覺三從林屋回攜得護法泉見
簡通叙友吳存吾以手焙松蘿茗一裹寄惠點試良
妙

十三日至二十三日復以目眚故束書廢點閱有金華
吳寄玄者自稱吳玄鐵猶子得異人術雖日晴毀者
服藥亦可復生余駭其言未敢信也過其寓樓見書
一聯於壁云三氏不可說道通都委巷唯邀瓦片子
劇談一編無何有書白晝清宵常隨鼻息孔朗誦不
知何人語也

味八

无

二十四日武康人載石四十枚大者如蹲獅小者如伏
狸易米以去余聚之美蔭軒庭中朝夕環步其閒稍
掠山壑氣味而已

二十五日招秀邑葛丞飲葛彭澤人與余有舊

二十六日史全甫攜示王叔明園林清賞圖周東村潯

陽送客圖

二十七日細君誕日兒女稱觴紅白蓮與葵榴盛開內

城數人倪仰竟醉

二十八日

二十九日仿王叔明筆意寫松岡獨坐圖有題句孤亭
冷光翠松路秋苔生野老午飯罷信步來行行衣破

聖石角履穿刺藤莖略馬捫膝坐聊復娛閒情側耳
幽澗響注日遙峯明安得千丈流濯我冠上纓

晦日熱甚俄大雨

六月朔日率婦子稱家君之觴有歌舞夜得雨爽然

二日門人許覺三再致悟道泉一缶包山茶一裹泉為

宋慈禪師卓錫出之東坡諸公飲之而甘以為不在

惠麓下人畏震澤風波棄置不取耳茶味較伏龍為

勝

三日同石氏考鴻昆季過汪玉水齋頭閱商鼎一文鼎

一俱青翠徹骨可愛趙子昂唐馬未真文衡山夜泛

赤壁圖陳白陽草書賦俱真又陸五湖覽勝圖筆意

味八

无

仿子久而秀潤異常五湖畫不多見益覺知希之貴

又項子京為三塔僧鑿慧作行脚圖長卷蕭灑秀逸

與元徐幼文曹知白相頡頏自子京沒而東南繪事

日入纏習嗜痴者方復崇之甚可歎也一時謹謹之

口可以黃鼓千古目豈盡可矚哉

四日客攜示呂洞賓贈沈東老絕句石刻真蹟字形頗

怪異然當時書壁用榴皮未必可摹入絹素豈善草

若蘇滄浪之流為之邪有願舍人跋呂洞賓先生於

有唐貞元間少聰敏日記萬言矢口成文至咸通間

三舉進士不第因遇鍾離雲房先生授以仙術道成

別其師誓曰必修功立德方圖昇舉於是徧遊人間

隱顯變化迨今凡幾百年至宋熙寧間遇湖州東林
沈山作此詩今萬麻已卯余奉使滇南還京偶獲此
墨蹟觀其鄰字之奇不字東字之結構雖釀字之顛
縱散盡爲收書字之神化非仙家變幻者不能況先
生去顛素不遠盡得其草法又加以天然故超古今
也與余家所藏張長史蘭馨帖王文恪公家四絕句
帖陸太宰家煙條帖又若陸太宰家懷素自敘夢遊
仙姥二帖目睹草聖真蹟乃知此帖無一毫不中矩
度豈非仙家變幻而然邪太原王壽之爲余摹仲兄
汝脩出古石金闔施復春刻龜於玉泓館之松院武
陵願悅義敬識

味八

五日得前太守長谷吳公書又得江州門人吳天錫書
寄余青東磁花罇一

六日朱生攜卷軸古玩來閱有張僧繇函關積雪圖將
龍江滾馬圖文伯仁松巖蕭寺圖余購得雄精觀音
一座刻爲山巖海浪鬣頭侍衛甚精重五十兩亦奇
品也

七日

八日偶發興畫長幅山水做梅花道人筆題云石流寒
映目崖樹密垂陰赤日不到地清風時泛襟好句忽
衝口故人俄上心久虛洞庭約理權待秋深

九日胡雅竹攜觀城南小隱卷卷首陶南村篆四字吳

仲圭作圖艾衲道人錢鼎作記其宅題詠數十人蓋
爲陸德明贈也德明淞之儒隱多長者交家有花竹
亭榭亦國初元末一豪士云

十日

十一日

十二日購得文五峯秋山蕭寺圖

十三日

十四日

十五日有俗客之譙

十六日具湖舫宴客一登煙雨樓

十七日得報儀曹命下

味八

十八日自得儀部之命日脩報賀報謁之禮倥傯無暇
兩目因染風熱赤腫流淚醫云此疾戒酒與讀書酒
猶可稍犯而讀書用勞目精所深禁也因誓斷緡閱
者兩月至八月朔日果效從前事無可書偶閱書畫
亦不敢札記其題跋精者令掌記者錄之別成帙中
閒惟七月十一日合族會祭始祖唐西平忠武王祧
祖宋侍郎忠愍公觀文殿學士曾伯公於東津里第
昨飲驩甚與祭者不可無紀紀之父伯行止家君一
人兄弟行培字培之龍南縣知縣原中字君時國子
監助教在公字□□旌德縣知縣日華衷純字玄白
乙卯舉人衷奇字蘊夫生員子姪行士嵩字小龍舉

人鐔字仲耳晉字畫接廷愷字元朋明瑞字泰符華
崑字幼玉士標字霞舉明岳字青來可久字綠園廷
鑾字孟鳴肇亨光陞字雲卿俱諸生是日戴穉賓來
攜示倪雲林墨竹一幅澹墨脩疎如不經意有題語
陳郎鼓琴初月明能向楚人作楚聲江風動地波撼
席蘆雪撲帳雲棲叢每驚遠道意慘愴忽此聚首心
怔營賦詩寫圖以為贈比竹貞德琴亮清至正丁酉
十一月五日余友陳兄惟允偕愚隱長和過余旅寓
為余鼓楚詞一再行因寫墨君并走筆賦長句以贈
時夜漏下二刻矣筆研荒落自愧草草惟允當有以
教我也卯瓚午過高如晦莊居出觀古研數枚內一

味八

斗研縱尺有二寸橫尺色如遠天叩之若磬諦視紋
作風漪細浪佳品也客指為歛余定為端又方幅雲
山一無款有印記曰三山漫隱意其為方上清邪抑
三峯遁老也

八月一日夜移舟宿會龍橋將為平湖之行也

三日辰刻弔盧明府太夫人之喪

四日客攜王叔明雙梧草堂圖來閱不作大山而離腳
有蜀葵雞冠之屬園林景也有題語坦然黃先生古
之所謂獨行士也捐產攜家避地於汾湖之濱結廬
於蘆溪之傍有碧梧翠竹奇葩異卉日與句曲張貞
居雲間陸峻之往來其間扁之曰雙梧草堂叔明友

兄作此圖姚彥卿補先生小像於其上余遂詠贊短
章其詞曰以汝為西家愚夫耶其目炯然以汝為北
禪逃客耶其心坦然其氣浩然冠黃冠之卷然服野
服之翩然結俠客而青萍在收異書而黃金捐饑飯
胡麻之粒醉巢雲松之顛吹桓伊之鐵笛歌長丘之
青天不知者以為人間之癡漢其知者以為地上之
行仙也歟逸民喬宗拜贊

六日

味八

七日

八日大雨雷電

九日沈倩處借得蘇文忠春詞帖子手蹟細玩乃董氏
戲鴻堂帖中所刻者婉逸沈頓視帖之變也有諸跋
乃鴻帖所無右文忠公在翰苑所進元祐三年春帖
子詞副本也公嘗以示鄉貢誰氏子乃流落人閒余
東游湖海偶得之惜闕數章而公手所更定墨色猶
鮮也嗚呼二聖以先志起馬呂諸賢付以政而中國
奠安四夷悅服氣象一何盛哉方其為熙豐安知有
元祐及其為元祐又安知有紹聖見遠識微之士必
將有感於斯也巴郡稅與權拜手謹書于建鄴議舍

嘉熙庚子冬十二月時有詔以明年爲淳祐云元祐治象熙然如春坡翁是詞端本于宮壺積慶之厚者視周家思齊關雎等詩千古一轍也其閒數章闕焉安得起老仙健筆而補之淳祐元年春望潼川王辰應謹書人臣幸得致身清燕之地以文藝事君所當述古義寓規諫於詠歌誦美之中漢武好文大進能言之士東方朔以滑稽名者而時直言極諫上帝用之司馬遷世爲史官乃自謂文史星厯近乎卜祝主上以倡優蓄之帝非庸主也奈何不以滑稽忽朔之諫諍乃以倡優待遷之文史豈朔能自貴其所賤而遷不免自賤其所貴歟然則士之以文藝致身者亦

味八

三

當知所戒矣唐人崇尚翰苑恩禮獨異而專事詞藻習爲容悅者頗多求其上不負天子下不負所學未有如陸宣公之懿也國家列聖俱重文翰而脩身齊家又皆循古法度故凡爲文墨議論之臣皆知約之以禮東坡先生所書元祐春帖一卷在帝閣則有下寬詔憂民瘼籍田重穀玉關受降等語在后妃閣則有清心省事讀書下帷侍女減珠翠貧民得袴襦等語大抵欲使富貴逸樂之鄉能知勤儉艱難之意洋洋乎真得宣公之遺者此可以爲百世法迪偶以末學待罪玉堂稅君持以相示可謂善教我矣卷內帝閣缺第五首後二句六首全章太皇太后閣缺五首

并第六前二句如取元文書續之以便觀者羣玉堂帖中亦有此刻君其摹本補亡乃畢能事淳祐癸卯中和節清江曾宏迪謹書考文忠公此詞蓋鬼章釋縛之始故有玉關受降君長來賀之句且以邊庭無事詞臣進詩方將開太平盛觀然玩其言旨詠籍田而布宣德意紀繭館而推本風化切切焉惟農桑是務大國不幸而因師旅之後可不爲根本慮乎此坡仙微意也有諷諫之義焉公在翰苑僅踰年以俳優縱橫詆而攻之者與此詞適相後先雖秦陵恩禮不衰明年公請外矣是又歎正人不能久於位也淳祐癸卯夏五中澣番陽黎安朝拜手謹書於淮海官舍

味八

三

玉堂中著此老當此時爲此詩而猶有憂民未解顏之語猗歟盛哉淳祐改元二月旣望鄒亭李曾伯成都所刻坡帖中有春帖子一卷疑卽此也它日還家客閱寶馬尤煇敬題公以元祐元年九月丁卯爲翰林學士二年秋兼侍讀此帖乃十二月五日進也時中外之局面方更諸賢之根脚未固公憂盛危明惕焉不能一朝安故雖文藝閒亦不忘規飭之意如憂民受降克己讀書等語真有得於主父諫諫之義或謂公之文俳優縱橫可乎漢儒靡麗之詞勸百而諷一君子猶少之唐燕許以大手筆日侍清燕徒能鋪張朝覲封禪之盛規戒何有哉使其閱公之詞當愧

死矣。治祐三年夏五，合沙林存端拜書於淮東制幕。仁皇在御，覽歐陽公所進春閣帖子篇，篇有三思，歎曰：舉筆不忘規諫，真侍從之臣也。坡仙蓋公弟子，宜有是使人益有感於慶曆、元祐之盛際。云：治祐癸卯中元日，豫章胡逸駕拜手謹書。右蘇文忠公擬進春帖子，勔本爲真蹟無疑。至於憂愛懇切，詞寓規儆，讀者猶可想見其風節。按公於元祐元年十一月擢居詞林，距是纔一載，已爲羣邪攻詆。明年上疏乞外補，又明年出守杭州。自古君子小人消長之際，可以觀世變矣。元祐之爲紹聖，良有以夫。延祐改元七月十一日，蜀後學鄧文原謹題。文忠蘇公抱負奇節，平

味八

五

日愛君之念，每見於筆墨議論間。況當元祐職在詞科，擬進春帖，宜其安不忘危，儆戒猶著，然不得久留於中。遽爾補外者，事勢浸殊，而君子之道微矣。時乎怪哉！後學張友賢謹題。右東坡墨蹟一卷，當與溫公日錄中所載春帖同觀，皆寓規諫之意。有唐虞儆戒，無虞氣象，靖康後諂媚成風，晦菴謂今之箋表是臣諛其君，良可爲世道歎也。秦後學張樞謹題。元祐文忠任詞職，毅色正言，古遺直農占蠶兆九處三宮壺春吟存楮墨周公惻怛陳艱難無逸幽風但耕織豐鎬溼潤遙相望八百餘年終不忒陳橋推戴出俄頃安得累積同先稷愛人忍詬戢兵端舍己崇儉優民

力弭災銷變一以誠三百年餘傳玉食卿林相業富賢良講席諫垣多道德通都達宦固廉貞遠縣小官尤謹飭君子皓首畢典墳野人黃馘常稼穡祇今眞蹟落世閒象軸鸞標嚴設飾先正已遠不可追空使孤臣淚垂臆永康胡長孺好學神孫類祖宗又安知他日紹聖之誤乎。今觀春帖，卻思宣仁社飯語至今使人悲此卷乃稅巽父家物，巽父學於鶴山先生魏文靖公有師友雅言行於世，記諸此。延祐丁巳季春廿三日，高郵龔璠書殿閣位次春帖自歐公涑水之後，惟有坡老因頌寓規，不但求工樂府而已。坡老欲以秦耶供帖子，豈非以其才調宜用於此邪？少游不

味八

五

歷此官，莫知工拙。周美成亦有才思者，代內制春帖子卅首，率平平無奇。及讀楊庭秀詩云：玉堂著句轉春風，諸老從前示寓忠。誰爲君王供帖子，丁寧綺語不須工。劉潛夫嘗充祿，直恨不得當筆措詞，以續古人使果楊劉爲之，又不知能如坡否？若徒緝綺諛說之詞，則在太白清平調王建和凝宮詞下風矣。予曩年在道宮，見一本文雖完而字頗肥，不及此軸遠甚。噫！元祐往矣，咸淳而後不見春帖者四五十年矣。黃金臺下白玉堂中，今揮翰手代不乏人，太平典故行當拭目錢唐，治祐遺民仇遠謹書。時與四明戴仁長偕本場同觀蘇文忠公文章翰墨，稱妙天下。今觀此

卷光采動人儼然一段承平古意諸公題品在前眞稀世寶也夫復何言延祐丁巳季冬廿三日錢唐馬臻謹書東坡風流儒雅照映當代流落人閒者不過文章字畫之妙耳然世所寶玩愈久愈珍曾見此帖使人嗟敬不意今日得觀眞蹟可謂平生幸遇方今朝廷崇文重道賢士彙征必有人才開出若此老置之玉堂中則其忠懇切至見諸文章亦餘事也延祐四年季冬廿三日杭城孫衍敬書坡老忠義激烈得之於天故出語便有愛君憂國意不特瓊樓玉宇詞也今觀其春帖藁箴規儆戒如此皆自其肺腑中流出夫豈僞爲者哉李資深挈拾詩句曲爲箋注欲以

味八

美

誦訕入其罪此老豈有是心天乎冤哉字無人心理固不足怪宣仁賢智不世出號爲知人者面諭黃門數語亦爲貝錦所惑何也上下數百年間能幾元祐而公論抑鬱尙如此何責哉是事且置予於此藁凡見三本而此本最眞蓋其早年筆力未老時所書微欠瘦勁耳但第二紙是後人臨補似反爲此卷之累夫亦何損宋名賢如蘇黃米蔡片文隻字皆可寶何必添蛇足哉延祐丁巳嘉平日北村老人湯炳龍題十日家君患腹疾初燥結已又洞泄自此至廿一廿二日視洩便疏數雖每夜月色佳甚不知也亨兒自此月之四日往華陽禮茅君至十四日回傳聞江北

皇至丹陽衰減入姑蘇界乃絕

二十三日沈伯遠攜所藏元華祖立畫玄元十子像吳炳摘寫各傳精品也首幅直書漢延熹八年己巳陳國苦縣老子祠陳相邊韶撰碑文字大小如黃庭而體兼歐虞其後關尹子文子庚桑子南榮越尹文士成綺崔暹柏矩列禦寇莊周俱節書莊列書中語筆法酷摹褚令哀冊幾至奪眞吳炳書不多見何所造絕乃爾不知趙魏公當時曾得一鑒賞否前幅有張伯雨小楷題語二行延熹東漢孝桓帝八年乙巳至十年丁未改元康今書誤作己巳宜正諸句曲張天兩謹記總款云泰定三年三月特賜泰定虛白文逸

味八

學

明德眞人大宗師命吳炳寫傳有諸跋粹德眞人猶叟王公道純德美爲世宗師樂吳興山水清遠初開玄眞館德清山中金龍峙其前玉塵負其後龜溪環遶其下花竹茂密草樹葱蒨道宮琳宇鮮克與儔文逸眞人孫公大方自汴朝元宮緘寄華君唐卿畫老子等十子小像徵君吳彥暉各書名氏於其側可謂二妙眞人將刻石以傳求紀其實昔漢張叔圖七十子等刻於成都石室歷代以爲盛事唐卿之畫彥暉之書鏡之琬珍獨非他年盛事乎眞可比跡石室圖而傳也至順四年龍集癸酉三月望日泚中劉致書吳興趙榮祿早歲爲谷眞人製十子圖傳書畫入

妙品既摹上石好事又鏡於木畫則異乎其爲傳增
長語矣此本蓋天遊真人得傳於木者畫師唐卿潤
色之學士吳徵君書皆有法始傳夷門數千里乃今
計籌土塵並藏真蹟亦異哉元統甲戌春二月清明
日太上弟子茅山張天雨謹識靜齋讀老子書有所
謂載營魄抱一能無離乎之說蓋嘗妄意以爲亦猶
書所謂哉生明之義乎營猶生也先儒謂老子得易
之體夫易陰爲體陽爲用陰退而陽進也匪退無以
基其進也哉生魄者藏用而存體歟故曰抱一能無
離乎者存體之謂歟伏觀天遊大宗師所珍玄門十
子圖因管窺而書其後初春道士楊靜頓首題

味八

聖

二十四日從汪玉水再假過石湖春曉卷展閱錄得彭
隆池冬遊石湖記吳中山水之勝大而遠者曰洞庭
小而近者曰虎丘大者險小者隘若夫遠而夷近而
曠兼大小之勝者曰石湖故洞庭非好異貪奇者弗
之虎丘則軒冕綺縠之所萃大夫士清修雅尚者多
爲石湖之遊余竊自慶生長太平又適與父執諸老
與二三君子辭榮故里每良辰令序未始不游游未
始不之石湖而亦未始不攜杖屨以從也今年夏四
月十有三日遊焉儀制陸公子傳謂予曰錦繡山川
夔龍人物香山洛社何以加諸盛極必衰恐難常也
時海上雖用兵尙無門庭之禍越十日賊遽深入掠

婁葑二郭五宿乃去六月四日賊再至焚戮金閭壞
萬餘室邑里蕭條人跡久絕而去從石湖溯浙幸其
意亟一草一木無犯焉然遊事遂少軍城晏開于戈
載道雖欲繼往不皇暇也蜡月十有六日偶與周君
公瑕袁君魯望張君伯起沈君道徵有事湖上宿枋
伽僧舍旣而納言石川張丈自崑山至秋卿補菴華
公自無錫至明伯存叔兩文學侍焉開戶呼酒數酌
就寢翌旦遂偕諸公步自行春橋謁范文穆祠覽觀
音巖經茶磨山抵治平寺觀新發越公井松下少憩
肩輿進道歷紫微村上上方嶺涉吳山之西麓南望
太湖雲濤煙嶂隱見於空濛杳靄之間夾路梅蕊雪

味八

聖

英芬芳飄灑而風不甚勁略無寒色魯望攜具盧侍
御園小飲而反補菴乃啟泛舟之宴湖光山色風帆
沙鳥遠落天際近拂几席羽觴飛浮麗唱賡和可謂
極臨眺之娛窮賞心之樂矣華燭屢跋雲月微明諸
公乘興復席圯上酒酣樂極感慨繫之望郊臺則憤
閭閻之僭竊瞰越溪則偉句踐之刷恥又竊怪夫吳
不善用則受侮島夷何古今不相及也華公則曰茲
游擅山水之奇免風波之懼領泉石之趣謝登陟之
勞良朋萃止詞客滿座邊烽晝警此夕稍息不唯得
天之勝而人之勝兼有焉焉可無述哉於是諸公賦

詩陸公繪事俾子記之時方多艱後會難卜余恐他日之視今又若今之視昨也故追念陸公之言以識茲游之不易得嘉靖甲寅蜡月既望陸池山樵彭年識

二十五日

二十六日過蕉雪菴張霄函讀書處霄函出徐潤卿兩景求題蓋其得意筆也率尔應之晴窗醒眼忽模糊細竹荒蕪是何處石亂不分界道泉雲多難辨臨崖樹陰陰漠漠最愁人良久似聞鳩獨語我歷江湖二十年巴陵洞庭乃如許客聞大笑云不然徐翁筆端有秋雨

味八

二十七日

二十八日治往武林之裝夜泊斗門

二十九日至崇德舟中買得黃紫雜菊數本

三十日至昭慶敏公自恣堂松江楊石閣同年之子名汝豸字元憲者寓焉因相過談笑

九月一日謁僉憲王弘台公公辛丑進士名應乾淮安睢寧人初任太康縣令與余同官開封又同治河交最嫌每見必談中原舊遊公喜長生之說自云有得以近日朱海瀛爲偏於清靜彭齡者偏於彼家必兩者兼到爲得午刻弘台來報謁饋糜飯招飲
二日爲主僧書禪味樓扁有餘墨因作小景有題句霜

氣入林呈紫翠煙光浮石潭清蒼人家遠隔重雲外正見秋江落日黃是日無門洞搏得一虎夜招楊元憲飲二鼓別去

三日求書扇者全集皆趁筆應之止記一律一絕小憩協余意塵囂半破除窗虛墮鳥影簾靜買花鬚帖展行行玉詩成字字珠松陰疎薄處且了讀殘書曾懷貯海口懸河觸著風生浪捲波五岳行遊應已徧大還消息竟如何此贈金華吳奇凡者喜大言故及之四日報謁同年楊侍御淇園因閱市購得鍾紹京楷書五經殘帖又宋人牡丹詩帖白定小甌一成窯碟二俱妙

味八

五日往辭弘台不可訂以六日午餘同敏公步至吳生房出觀周叔懋名官者十八羅漢像卷極古雅有梵隆之風文衡山王雅宜跋之不及錄又出觀柏廩瓢藤根如意皆磨瑩發光可愛

六日弘台張具昭慶後殿同席者凌太守登名姚少卿文蔚吳郎中大山是日薄暮又搏得一虎爪傷三人七日辰刻別寺僧解維夜泊唐棧

八日午刻抵家齋中籬菊二十餘種爛然矣

九日西華舊役偶在京接余憑送至有馮令君書暨邑中士友起居狀余一一條答之

十日

十一日

十二日長興姚姓者持卷軸至有不全太清樓帖九葉
蓋華樵者題之不知何人也右殘帖九葉皆大令羲
之書定為太清帖中所有然不必計也兵革四十年
真本贗本皆煨燼之末今見石刻一行半段皆當惜
之文中持此求跋當是知此者雙峯互深碧遙岑直
其傍幽溪帶晴坡秋葉還蒼蒼地偏人自寂豈謂川
無梁放舟者何人一絲弄流光濯纓吾所諒無為問
滄浪傅翰長興人又有沈石田青綠山水自題云秋
江直如弦秋空淨如沐秋樹著微霜新紅變殘綠老
漁操小舟持此一竿竹消遣歲月閒豈但為口腹放

味八

歌人不知青山豁我目沈周詩畫

十三日舟往濠股塔看菊作詩貽主僧遊塔散花女弄
影入秋叢衣搖金絡索鬢掩玉龍從色重栴檀雨香
分蒼菊風欲參破顏意特地叩禪翁

十四日

十五日往夏湖蕩省沈倩地近汾湖學蟹最妙夜月色
如畫四顧皆水蘆葦蕭然真水一方也沈倩出觀宋
榻聖教序有姚丹丘跋語

十六日飯後解維午刻抵家

十七日客攜示倪雲林東郭草堂圖筆法鬆脆如李龍
眠蓮社圖於跋石下作城堵一灣亦一奇作也有題

句東郭誰為友毛穎與陶泓有客附書至云是楮先

生潔白中含素溫柔表至精愛此風林意更起丘壑

情寫圖以問詠聊寄草堂盟甲辰十月念又七日為

仲遠徵君作東郭草堂圖并賦此詩雲林子

十八日徵人攜卷軸來有唐伯虎獨樂園圖作高梧峭

石竹屏遠之翠蔓纏絡可愛一老獨坐茅堂靜謐恬

愉其司馬文正邪又有沈石田桃花書屋圖重巖疊

嶺屋在半崗緋桃夾之下有赴壑奔流上有捎雲密

樹蒼崖奇秀董北苑的骨也題句舊有讀書處桃花

深雨中人歸髮未白春好樹仍紅富貴浮生外弟兄

我道同眼前千謝令屋下兩陶翁奉羨賢昆玉高尙

味八

故迹因舊所作圖題之丙午長洲沈周昆玉上有二

字摩去

十九日屠生以玉凌茶一樹見貽素葩紛如雪片兼有

奇香

二十日

二十一日胡敬竹攜示沈石田枯柳沙坳筆韻蒼辣填

一詞柳梢青十丈枯槎長身兀兀一半欹斜水洗孤

根風搖瘦影月挂殘檣煙江渡口槩家猶幾度斜陽

暮雅著意青黃無心雨露老大何耶右奇柳梢青圖

而賦之將以自況云沈周

二十二日購得靈壁小山一座凡具五峯而嵌空穿溜

數十處皆有洞穴窅隨之形余置之研閒恍如與米老相接出其袖中瑒瑒也喜甚

二十三日

二十四日陳眉公先生來以所刻晚香堂蘇帖相示

二十五日

二十六日

二十七日連日讀中峯廣錄見其得高峯和尚之道縱橫恣肆而所握極精一乃至決不流至第二念英雄哉

二十八日出謁郡大夫勸余駕

二十九日沈翠水引松江超果寺僧攜示倪雲林小景

味八

呈

題曰春林遠岫有題句余既爲子英徵君寫春林遠岫又書所賦閒止齋詩其上義熙陶處士閒止日逍遙吾子亦癡絕懷賢長詠謠茅齋開斐屬鳴禽變春條余心適復尔聊以永今朝至正廿七年三月在蕭閒道館中作時于子中王叔明同集

十月朔日聞鷓鴣湖養白兄訃

二日往哭養白兄夜宿舟中

三日午刻抵家

四日戴稚賓攜示石田仿吳仲圭竹巖清霽圖雄渾可喜有題句醉墨淋漓興未闌滿堂煙靄坐來寒道人

不記梅花勝仙骨全偷董巨丹成化辛丑春社日爲

楊學士摹吳仲圭竹巖清霽圖并題沈周

五日

六日方樵逸攜示錢舜舉仙奕圖有題語仙人好弈消閒日也居中者鬼谷先生右黃石公左徐公此卷乃楊庭光筆想唐人畫入神品余留太湖之濱愛而擬之且作歌曰大丹蛻骨兮成真仙安知陵谷兮多變遷文楸一局兮幾何年緜緜難老兮全其天霄溪翁錢舜舉

七日淞陵人攜卷軸來有王孟端山水層巖疊嶂筆氣淋漓而稍帶文弱徐幼文曹雲西之流亞也有題跋萬古山川一鏡開層層疊疊見樓臺雲隨曉月風前

味八

呈

墮陽逐春溪樹裏來兩岸落花人蕩槳半汀殘雨客街杯寰區何處有此地物外四時無點埃豈但右軍多筆法要知黃石是仙才奔灘觸浪飛鯉絕壁凝嵐護翠苔玉室金堂疑太華紫芝瑤草憶蓬萊相看六月不知暑一榻清風真快哉吾弟孟端三餘之暇頗工畫高出人意表黃君叔洪吾之至友也書無不讀卽醫卜耕稼之藝亦用心焉今觀孟端爲叔洪畫此圖筆法高古用意精深一幅之中眾妙咸備豈二人道術相忘不求工而自工邪二君好古志趣亦足多矣洪武丙子耐軒居士王達識前山後山蒼翠深大樹小樹寒蕭森不知何處打魚者日暮泊船溪水

陰翳叟

八日閩門人陳禹玉來以十八娘乾荔見貽

九日往相湖送工部陸滄園之喪

十日邀賀孝延史仲純沈子廣飲殘菊下俱醉

十一日客攜示陳白陽小景上有題句甚麗象牀凝寒

照藍笥碧幌蘭温瑤鴨靜東風吹夢曉無蹤起來自

覓驚鴻影形簾霏霏宿餘冷日出鶯花春萬井莫怪

唬痕棲素巾明朝紅媽塵作塵春日遲春波急曉紅

唬春香霧溼菁華一失不再及飛樓北望眼花碧樓

前柳色迷城隅柳外東風馬嘶立水中荇葉牽柔萍

人生多憂亦多營右和倪徵君江南春詞并圖陳淳

味八

十二日

十三日

十四日

十五日久晴得小雨

十六日客攜示錢磬室林泉圖甚有子久蒼秀疎落之

氣有題句云六十年來鬢未絲優游林壑澹無爲青

山滿戶尊盈酒此是君家得意時小詩拙盡奉壽民

望隱君六表錢穀自十六日至三十日凡半月日治

田租事無可書

十一月朔日購得國朝諸名公手蹟一卷首沈石田送

林郡侯雨中寓雙峨僧舍一首錄奉存道先生博和

雨氣津津薄火篝故人喜會破僧樓短窗紙脫風吹

硯高閣雲沈漏咽驚病爲郡侯嫌少出老於工部坐

多愁天晴明日還歸去棲畝吳瘦尙未收侍生沈周

拜萬國欣逢天壽節小臣恭拜嶽陽城桂旗搖曳東

風起樓觀參差北斗平嵩嶽山呼瞻黼座雲韶九奏

想神京府公舊是鸚班侶此日能無戀闕情舊作錄

似博和應楨拜石田先生高士曾誦坡仙有竹篇此

君相對意翛然聊脩故事開三徑賸有清風繼七賢

白日布陰金瑣瑣碧雲洗雨玉娟娟自家食肉原無

相且得胷中著渭川丁丑三月雨中書微明細雨斜

風日釀寒江南原隰水漫漫黑雲出岫迷千里白鷺

味八

呼羣占一灘野老惜春徒尔耳好花欲秀亦應難狐

威猛勢人驚虎避路無言白眼看友生仲和頓首再

行此詹仲和景鳳筆也行法雄快絕妙孤墅倚高原

扁舟晚到門琴聲虛草閣月色滿沙村霜落魚蝦出

煙收花竹繁不須燈下坐臨水好開尊右友人郊墅

一首枕席錢塘館更時未北還每當身作客轉覺意

能閒雨氣橫秋海潮聲入夜山道人看默坐應笑鬢

輕斑右錢塘玄妙觀作枝山祝允明此楮草法縱恣

而廉肉相副在文皇大令閒昔誦北山文今棲鶴阜

雲秋林時夜嘯天樂忽空聞弟子胡麻薦頭陀罽席

分那知江海客不亂衲衣羣雅宜山人王寵書于石

湖草堂古洞疑龍宅雲深不可遊水涯晴亦雨石榻
夏如秋新月鉤初上輕霞幕欲收珠簾中坐久風露
入杯稠右此仙白稱何仙書贈王西室考功者西室
錄以示余余粘之齋壁夏口仰竹太學柱願見而愛
之遂轉錄奉贈嘉靖甲寅五月吳郡彭年識辛亥七
夕與子庸過劉園見玉蘭盛開因賦詩紀異就邀子
庸同賦玉蘭常自春風見此日真從七夕看瑤碧差
差雲葉長璫葩冉冉露華團已同玉樹三枝秀不是
梨花九月寒史筆紀祥吾豈敢一杯聊爲余盤桓十
八日嘉具草秋石一小盆奉上并望目入月中步雪
分人字月如皎鏡雪如銀一片寒光兩映人天路向

味八

至

明寧讓曉瑤花先發已偷春風來飄舉聊成馭步入
清虛不染塵餘興夜深猶未盡恹然鶴望望丰神賦
得雲母屏燈分塵字裁成雲百疊製山月重輪光滿
將爭畫冰輕已向春水中蓮作炬鏡裏玉爲人願使
分餘照毋令委暗塵石上禹門兄少嶽山人洪葉

二日久晴得微雨

三日雨

四日

五日吳邦爲攜示張靖之先生秋林落日圖一小幀筆
法渾厚蕭澹全法范寬氣象悠然物外高品也有題
句松下題詩落日閒秋風獨上五雲山林深未見鹿

吟伴船在寒蘆野水閒丙午秋九月靖之爲張用弘
畫并題
六日奠程邑丞之父少湖翁彭澤人也以余舊理江州
稱通家焉翁爲徐州判治水有功陞陝西西寧州州
同高致不赴

七日胡敬竹於院前擺攤鋪持卷軸同有鈎填米字葛
枕叔帖一本不佳未綴視京兆與妹婿帖卻妙秀爽
精煉熟中有生氣大似蔡端明京回未及走謁逕白
今日老母生辰專煩遣舍妹歸一拜早晚即還宅也
況僕亦相別久矣小女亦在舍以此相邀惟情照萬
萬初十日允明頓首在塾賢妹丈侍次又文五峯寫

味八

至

湘君湘夫人像上楷書九歌二段細如粟粒仍作小
行書題語二篇迺離騷九歌之辭也楚屈原所作原
被放後卽巫覡娛神之歌去其鄙俚褻慢者而爲是
皆以事神不答不能忘其敬愛比事君不合而不改
其忠蓋二篇爲男主人主事陰神之詞故其情意曲折尤
多焉暇日旣爲秋涵老兄寫二神之像因復錄系之
以爲贈云嘉靖癸卯冬日五峯山人文伯仁書又錢
磬室寒林鍾馗筆氣粗辣可喜周公瑕題句長空糊
雲萬里起不憤成羣跳狂鬼倒提三尺黃河水血流
蓮花舞秋水栗粟影黑曉鳴鶴飛螢負火明月羞綠
袍烏帽騎行事襟腦裂腸天亦愁中有巨妖誅未得

盍駕鸞輪驅霹靂如何袖手便忘機回首東方已生
白江左周天球

八日至十二日無可書

十三日購得國朝名公詩翰一卷標簽云箴母子藏不
知何人也首沈石田至項少岳凡十人

十四日方樵逸攜示沈石田支硯山居圖煙林石逕筆
氣雄放佳作也有題句子作此圖韓山人不噴草草
卻謂有董巨意山人乃具目人人多信其言但余自
不能知其何如也一笑甲午沈周小隱結茅屋城西
無盡山一林雲鬢滿地水潺湲紫籠朝來發柴門
夜不關時憂鹽米累蹙額到人閒唐寅支硯山人韓

味八

善

魏公十三世孫名京者之別號居蘇城三讓里而以
支硯作號者志其先墓所在耳成化五年秋八月南
京國子監助教致仕南陽滕塏為作傳

十五日松人攜示倪雲林小景有題句優鉢曇花不世
開道人定起北巖隈遠山迢遞窗中綠垂柳低昂水
次栽丈室淨名禪不二三生圓澤夢應迴閒雲野鶴
時相過草草新詩為爾裁壬子正月廿日邂逅芝年
講主於婁江朱氏之芥舟軒中芝年熟天台之教旨
嚴菩薩之戒儀七遮既淨一乘斯悟與語久之斂衽
敬歎因寫圖賦詩以贈倪瓚

十六日午刻治杭行之裝夜泊皂林

十七日西風甚厲牽挽泝流而上盡日僅抵橫里
十八日午刻至北新關取湖市松毛場路兩處俱為米
舟阻塞迨晚始得泊岸

十九日謁撫臺劉石閭公乞得馬牌一紙將遣人齎疏
在京陳情也

二十日解維夜泊橫里

二十一日蚤行抵家一鼓矣是行在昭慶倣公房遇克
僧非玄者云五臺山有大白草名白玉盤生千圍大
楓林下唯六七月細雨後有之味勝天花十倍香百
倍所產不多傍近穴居之僧自受用地也余聞之不
覺為空齋者良久

味八

善

二十二日

二十三日

二十四日

二十五日作書寄彭澤王震澤同年王為柳州守有惠
積棄官歸隱邑之柳林人皆欽其高致余以一絕懷
之松梢明月柳梢風拋卻魚須理釣筒醉眼不知何
處落小孤雪浪正掀空

二十六日客攜示文衡山遙林疊嶂圖有題語居生士
貞以縑素請余為橫幅小景適有人以趙魏公水村
圖相示秀潤可愛因用其筆意寫此連日賓客紛擾
應酬之餘時作時輟更句乃就嘉靖癸卯九月既望

徵明識時年七十有四文太史此卷蒼古清潤得文
敏位置十七得子久氣韻十三生平用意筆也萬曆
丙子九月與虞山孫七政華亭顧正心新安畢竟可
同觀於尊生齋中五湖陸師道乍開卷恍以爲子久
未辨是也待詔此筆絕得松雪三昧非飽歷吳興清
遠者亦不能深賞其妙吾倦遊矣安能置一艇其間
作汎宅也丁丑初夏九日世貞題萬麻戊寅嘉平月
北上過周公瑕棐几齋觀此卷蓋衡山先生最經意
也寶之嶺南黎民表

二十七日華亭故人周草窗遺其孫鑑字鑑之者來謁
寄余張南安草書虞文靖道園詞一首有長沙筆法

味八

詞亦華綺畫堂紅袖倚清酣華髮不勝簪幾迴晚直
金鑿殿東風軟花底停驂書詔許傳宮燭香羅春試
朝衫御溝冰泮水拖藍飛燕又呢喃重重簾幙寒猶
在憑誰寄銀字泥緘報道先生去也杏花春雨江南

風入松

二十八日雨

二十九日夜雨達旦

十二月一日雪書一絕扇頭送莊子儀省親維揚雪歷
竹枝雲覆地雀銜梅蕾語生春寒江有艇橫空去知
是揚州載鶴人
二日爲蜀僧性悟作金剛經貫意敘

三口微雪

四日方生引崑山袁姓者以卷軸來評鑒有劉松年畫
雲中君陳無逸題之長松百尺吹天風仙人憑虛離
紫宮明月挂樹雲溶溶牽衣獨憩流青瞳炯若秋水
涵芙蓉玄霜未下珠露濃桂樹偃蹇山籠從煙蘿空
青深太古薛荔吹香雜蘭杜渴飲石泉饑瓊蕊道遙
不比巫山女朝爲行雲暮行雨人間回首空塵土何
如丹丘與懸圃珊瑚然玉珮風冷冷羣仙夜誦蕊珠經
紫金之冠朝玉京青嶺絳節鳳凰笙蓬萊弱水今清
淺何當從之拾瑤英一往不死三千齡天台陳無逸
又洪厓移居圖錢舜舉筆古雅有致袁伯貞一跋甚

味八

詳核按真誥所稱洪厓先生爲青城仙伯者與赤松
子俱爲神農氏師此則唐張氤先生生於隋一名蘊
字藏真亦自號洪崖人以爲卽其現身云長七尺五
寸眉目疎秀戴烏紗衣紅蕉葛衫烏犀帶短鞞鞞
筇竹杖所乘白驪曰雪精從者五日橋栗朮葛抽負
六角扇垂雲笠方木鐙二支書木如意長生飄魏惠
壺不注杓常應開元帝召欲爵之不應辭去尋乘羃
入彭仙煉丹井以化今考舜舉此圖貌飾乘從靡不
昭合而筆意更自超逸海虞劉以則珍藏既久出示
徵題漫綴數語於後景泰二年歲在辛未中呂月上
澣之四日會稽袁鉉志

君實太僕云近代真蹟零落得佳臨本亦自不可棄此言甚有會乃知明眼人不肯作高世眩俗語也

石田去成此書時僅百年徵仲則二三十年前事也當時已多贗物何況今日善乎王虛舟之評書曰二王帖但當論其佳與不佳不必辨其真與不真此有得之言彼執印記絹色以校銖銜者猶刻舟之見也

近來市買所售墨蹟多從法帖中雙鉤而鑒家所刻法帖又多從摹本上石輾轉眩幻幾於罔兩問影不謂太僕爾時已盛行贗鼎也太僕言證真固樂窮偽亦快余直謂真偽平等但悅目即為姝耳

日華手墨余曾見之體雜行草晉齊手自繕定正本可謂勤矣其間誤會筆意勿作他字亦時有之

味跋

嘉慶戊寅正月廿二日寒雨獨坐翦燭閱此吾衰已甚奈何

戊寅二月六日小雨重陰牆隅紅梅正開小病嗽粥閱此撥悶晚間居士記

味八

卷

味水軒日記第八

味水軒日記八卷明李日華君實撰君實亦號竹懶秀水人萬曆壬辰進士選九江府推官補禮部儀制司主事官至太僕寺少卿通籍後侍養乞休者四十年杜門卻掃所居曰味水軒日坐其中以法書名畫自娛間求養生家言時或出游與友朋賞奇析疑著有竹懶叢書此日記八卷起萬曆己酉三月終丙辰十一月凡八年釐爲八卷手稿藏知不足齋字雜行草趙晉齋手錄其副王晚聞復錄之加以六跋數年前友人殘本介王頌堉上舍交來屬爲校印惜其尙缺卷一卷五卷六卷七共四卷去秋上虞羅子經待詔復以友人所藏全稿畀余與所得殘本參校前賢遺著缺而復完補闕叢書中

味跋

有節本乃其曾孫含潛手寫一百五十五條雖仍分爲八卷非完書也明自神宗季年廷臣結黨互相攻訐君實獨潔身引退奉親讀書儻然埃壒之外若有以自得者是編多寄情書畫兼及山水勝游可想見其曾次之高曠論者僅謂其沈潛風雅筆墨雋爽與紫桃軒雜綴六硯齋筆記相亞尙未得爲知言也癸亥中秋節吳興劉承幹跋

3
2
1

孫徵君先生日譜跋

憶自歸蘇得侍夏意軒先生函文道光初年先生購得理學三傳刻本朝夕披閱蓋是書始行世也越二年先生徵借夏峯集鈔本命余手錄之繼時余方馳騁舉子業祇浮慕其著作宏富究未能少涉藩籬越十餘年得讀湯潛庵先生遺書節鈔之行篋必隨痛心折其學問正大功業宏博先生固由瀋商監司家居後徒步數百里受學於夏峯先生之門者已向任之不能去迨通藉後從事比部十餘年來時讀湯子書奉守之兢兢未敢失墜作人處事遇艱鉅不敢退避經挫折不至氣餒

日譜


心有圭臬故也迨解組歸里得交夏峰先生裔孫士佩備讀先生全集又輔助士佩募刻晚年日譜近指譏輔人物考行世士佩時攜先生日譜數冊錄每過予談談日語卷帙繁多擬鐫刻行世苦無刻版資欲舉而旋止者數矣甲戌秋士佩來郡述及購求日譜底稿往返南陽府數次跋涉數千里幸原本尚存其失去者五本耳若再進數年變遷多則損失其能存者幾何也乃決意發刻其志甚銳余固憐其執而求肯綮得與邑寄中山王生文泉蒙慨捐五十金斥即學博唐一峰先生借捐十金並與上海滬英捐三十金實經邑侯方存之

孫徵君日譜錄存跋

先生捐十二金中州臨漳邑侯翁于木齋武陟邑侯張牧皋西先生均塵念感事用意真切必能大有補助尤可敬者武陟王少伯先生躬任校閱精力甚銳倘是書之成也先生顏眉畢現士人家置一編如親先生耳提面命誠後學厚幸也夫

昔

光緒改元孟春之月鄉後學武汝清頓首謹跋



日譜



二

徵君夏峰孫先生日譜序

吾人體道之功不極之息春瞬存則天命之流行者不能凝承在我而人欲間之易日君子終日乾、夕惕若厲盤銘曰日新又新周頌曰日就月將論語曰晝夜終食之間遠仁古之聖賢閑邪存誠兢、致力於日用間者信去一息之或懈也

國朝理學名臣日譜序用莫如湯文正公而文正

日譜序

三

嘗師事夏峰孫先生其稱先生之言曰
倉述曰德凡日用動作應事接物纖細必
書維患難不離人事繁瑣未嘗稍廢晚
年造清益精默契神化超然物外回視數
年前必有日進月長可自澄自勘而他人可
疑誠測者又曰先生動靜澹然忘世道妙
一堂之上太和景象如坐春風又曰其學以慎
居宗以誠認天理為要以日用倫常為要

際博陵尹中丞疏洛翁編佳先生言與文正
異月然則先生之學洞見本體後致證于躬
習之間庶幾自種不息造次顯濟必于忠者
歟所著有程學宗傳四書近指講易大方
書終正行聖學錄兩文案錄甲申大難錄
歲寒居文集答問日譜藏輔人物考中州
人物考孝友忠家乘四札和乙丙記事記
文正公年譜諸編全集先已梓行而日譜

日譜序

四

獨出蓋以授內人魏蓮陸兩刑定近幾
湮失先生商孫士佩得而錄之雖付剞劂
者也雖君如心寓書素告每屬為之言
茲先居道先生里云遠又策荷于學志終
備先生之書何以者論先生愛學文正
之稱先生者致微簡端以誌景仰云先緒
巳年十一月既望古廊後學街榮光謹序



孫夏峰先生日譜錄存序

光緒辛巳秋九月 壽恒 督科試衛源舉徵君孫夏峰先生

生裔孫 九世孫士佩十世孫馥堂 手先生日譜錄存謁

請序言譜自順治己丑迄乙未凡七卷未鈔梓者尙若

干卷都若干卷此書經上谷魏蓮陸手定魏故先生高

第嘗審刊先生年譜者也卷首舊序三一即蓮陸次則

范陽耿誠齋睢州湯文正公皆先生門人 壽恒 款啓于

學何敢於魏湯二公後贅言然蒙若有不遠舍然者則

耿君之序之言也耿君曰學於天者近學於書者遠又

曰道學經秦灰而復明尤其意若深恨呂政不再作洛

日譜序 31

聞未與驥山之阱者然嗚乎何其激於辭詭於理嗣先

生之書而授斯世以詭聞也夫所謂道學云者無世無

之也元人修宋史取以名列傳蔽也道何寄寄於學學

何依依於道學不能絕乎世世不能絕乎道也何也學

不同而道同也不同意可得言矣為訓詁為詞章言道

者瞞焉然漢之董唐之韓與李有學焉未見其非道也

至程朱則大以精矣至陸王則簡以疾矣二者非疆食

靡角也山大以精入者及其至亦必簡以疾焉由簡以

疾入者及其至亦必大以精焉何也學不同而至同也

揚越之民赴京師越人舟洋海取捷速數晝夜而至揚

人車徐究之聞頗埃難孤數十晝夜而始至出不同而

至同也已越人在京師則大怒擗揚人曰女敢請至京

師女適數十晝夜至京師女敢請至京師聞者必在而

妾之矣庸止是惡知夫當其乘風跋浪偶失勢操舟喪

神不督漂于外夷及無何有之域邪故夫人之於道處

其學之至與未耳苟至焉陸王道程朱道董韓李亦道

也未至則經生文儒人知其鄙矣為程朱者必藥為陸

王者必悍又禪夫至於悍又禪學于天者果近乎則雖

藥也毋亦竊為其學於書者遠平先生之學少雖假道

姚江晚更和同朱子之說所著理學宗傳論次宋元明

申譜序 六

儒甲第不謬齋泰然則先生之學之于道在是矣耿君

親業先生顧分茅設絕誠其言至此文正有言曰慈湖

傳子靜失子靜龍溪傳陽明失陽明 壽恒 懶夫耿君之

言繼揚王之覆而北馳乎道也故詳辨焉以為先生日

譜錄存序時在光緒八年正月嘉定廖壽恒謹撰

日譜序

江少從鄉先生游聞中州文憲盡在夏
心竊慕之而以未得讀其書為憾丙
子通籍後宦游豫訪先生書友人告江
曰先生容城人晚年徙居輝邑講學於
蘇門山麓今其苗裔居輝者多而其著
作盡在輝焉欲求其書盍往輝無如一

日譜序

七

行作吏欽掌風塵心欲往而身未能至
耳庚辰冬十二月來館輝篆下車伊始
遂訪之購得先生所著書十有餘種案
牘餘閒覽其詞玩其旨竊覺見理之精
且深說理之明且透直可洩天地之苞
符闡聖賢之蘊奧向所聞中州文憲盡
在夏峯益信斯言為不謬矣明年春先

生

九世孫 士佩 馥堂

晉謁出示日譜二卷屬

江為序曰此先徵君已丑出門後日有
見聞筆之於書所以補年譜之未備也
江受讀數過見其言皆日用云為之故
友朋贈答之詩間或採節義之事與志
行之人無一不關人心世道脫非躬行
心得者烏能與於斯嗟乎予生也晚未

日譜序

八

獲躬列門牆親炙先生之教而又地分
南北未及早睹先生遺書以為磨礪我
躬之助徒於二百年後二千里外遙聞
先生之名空慕先生之風良足慨已茲
者來官斯土得以游其故里接其後裔
讀其全書以想見其為人亦此生之
幸也夫竊惟資性庸愚學問淺薄未能

說先生之道何敢序先生之書况湯耿
諸名公序之於前發是編之蘊者詳且
盡矣又何待江贊一詞哉然而景仰之
忱有不能已於言者爰不辭孤陋謹著
數行於簡端以應士佩之請云爾
昔

光緒七年歲次辛巳暮春上巳之辰

日譜序

光緒

賜進士出身同知銜知輝縣事發源後
學潘江文濤氏謹撰於古共城公署



孫徵君日譜錄存敘

光緒辛巳年春九世孫士佩十世孫穉堂刊其祖徵君

日譜錄存成自順治己丑至康熙乙卯如千年為如千

卷初湯文正公亟稱徵君日譜然近世所刊徵君全集

無之乾隆中尹會一續洛學編同治中李元度為先正

事略於徵君書紀述甚備不言有日譜事略記徵君第

子魏一繁事稱魏君為徵君訂正年譜今攷文正送魏

君敘知所訂者日譜非年譜也康熙庚戌冬文正與魏

君會於蘇門徵君以日譜授魏君使刪定魏君北歸則

移書文正使校正其本末如此然王廷燦楊椿先後輯

日譜

十

文正年譜皆不言枝日譜事蓋是書雖存知者鮮矣同

治癸酉年士佩始得之於王君子涵題曰錄存蓋王少

白刪定本既以歸鑲板於輝光緒乙酉年刻成於是徵

君書乃大備若乃修學道古大指與夫應事接物一言

一動繼介之誼死生存亡屈伸進退之節若升階排闥

接席而親受詔於徵君也蓋學之難思自大儒所親述

傳之其人其為文易知而其道甚美也不及百年或我

焉無聞知至若文士私學小智鈞析六藝異端曲說依

附大道為之者難學之者勤君子病焉而傳之久而為

日天好奇博厭平易乃自古歎之矣士佩謹撰於

諸於晦佚之後而表章之使後君之道益顯豈可謂不
賢乎抑詩有之無念齋祖事修厥德士佩 誠堂誠念之乎
則修厥德以世其家將自今始

光緒十一年二月武清徐紹康



日譜

序

士

孫徵君先生日譜序

先君子潛心理學嘗輯傳心要語以夏峯徵君集明儒
之大成每欲刊刻全書以公同好咸豐戊午清等隨侍
保陽得日譜原稿于徵君八世孫先君子視若拱璧過
時即欲發刻旋以屢疾遠里不果幸西王戎院匪迭擾
內鄉家中數十萬卷書盡燬兵燹而此書屹然獨存固
由先君子保持之力抑亦徵君所護之有靈也今歲秋
舍弟之江小兒豐稷赴省鄉試得賜徵君九世孫士佩

始知鄭松峯公祖王少白先生高刻是編尋此原稿因
馳書千里告知於清浦維先儒之顯晦有定數即先儒

日譜

序

士

著述之顯晦亦有定時雖是編之刻先君子未克手成
其事而後有同志亦可償先君子未竟之志矣特急函
致舍弟令將日譜履齊奉還至於徵君學修海內君子
胥能言焉無待論之再贅也已

鄉後學菊潭范棧王之清頓首謹識



孫徵君先生日譜序

歲辛未 予日歸洪州嘗遊其城適其時先生以兼山名堂以良山之義奉友為良山家人之言先生之遺言在是矣 日未得親列門牆日傾訓勉不免有人往風微之慨今幸矣先生裔孫 士佩 穀堂 攜日譜至展卷捧讀不啻日相晤對其言有日須從日用常行內直道先天未嘗前旨哉斯言殆能窺破良知之旨乎良知蓋發自陽明者也先生學雖本與王究不駁朱其所王者道而已會合兩家之說以求一是之歸天下講學無異同之見者自此譜始且夫譜固傳先生之學者思其通四方則

日譜

序

三

日遊諸其誌一生則有年譜亦是規其生平大凡而其功之最密者莫如日譜一書凡師友之問答弟子之追隨與夫儒先之授受聖學之淵源莫不宗於是譜中由是因王追陸由陸會朱斯道合一之旨不至廢墜者是先生之譜之意也是譜也始於順治己丑年歲月成於歲暮殆有隨時隨處體認天理之意焉是年先生九十有二前多快氣至此則歸於聖賢矣特序以表其學力之所在云是為序

光緒二年桂月鄉後學崧嶠侯伯良敬識



孫徵君先生日譜序

昔文中子生隋唐之際佛老盛行教然以孔子為宗匹夫肩絕學之統其有功於斯世甚大朱子集釋儒之大成其徒傳之金華諸子遞相授受至明初制作一代典章率本朱子之教以是知大儒抱道空山修明六經非一世之業也谷城徵君孫先生登萬曆庚子鄉薦與鹿忠節為友以躬行相砥礪居親喪結廬墓側於憂戚備慕中悟心性原本慨然以聖人為可學而至天啓乙丙間大興鈎黨之獄左魏周二君子橫被榜掠故交避匿先生獨上書樞輔鳴鼓舉議為之鳩眾仗助生死禍福


日譜序

四

不足動其中其剛大之氣復如此時會搶攘保全危城避亂山中隱然負王佐之望徵書屢責堅辭不應晚年攜家蘇門聲華刊落生徒數百結廬相就其地自姚許之後稱再盛云先生於道慎擇而約守之發為文章皆躬行心得之餘未嘗有新奇可喜由其說而持循之人人可以寡過所著四書近指讀易大旨尚書近指精義明前儒所未發嘗以古今諸儒見有偏全力有淺深要以此不謬聖人為歸慈湖以傳子靜者失子靜龍谿以傳陽明者失陽明備而雜禪不可不辨苟無致知力行之實徒憑揣摩億度以軒輊前賢先生之所不與也九十

昔人見其詩家則謂其空靈為竟日無情客事物之來
泛應而當酒酒孤燈對友誼學至丙夜不倦自非功深
於入之所不見者烏能自強不息如此乎當草昧初開
十戈未戢人心幾如重麻賴先生履道坦坦貞不絕俗
使人知正心誠意之學所以立天經定民彝不因遷會
為遷移擬三百年儒者之精而為 興朝理學之大宗
其於文中紫陽何如非愚之所能知其有關於世道則
一而已矣

睢陽門人湯斌敬題



日譜序

孫徵君先生日譜序

道之大原出於天天不變故道亦不變上古無書可讀
故人直見道原毫無障蔽豈非學於天者近而學於書
者遠哉中古人漸多書亦漸多生其後者之拘縛轉甚
豈非中古之書增中古之蔽哉是故士生中古之後共
明上古之學無取乎敷衍前人而貴乎擴前人之識俾
聖真復明其功大是故理學自秦火之後暗而還明見
知聞知至程朱而聖人之真境漸出然則程朱豈非度
世之津梁上古之大有功人也哉然聖真如天天有二
氣四時以至七十二候在程朱不過發聖人之一端盡

日譜序

六

聖人之一境非謂聖人之境逐盡於此也而後世之
功令遵朱亦曰有程朱可遵則遵程朱姑如遵道不遠云
耳豈曰程朱之外竟不許人擴充之哉無如訓詁家不
善奉承

功令俾後人經傳立疑之際敢於疑經而不敢疑傳甚至
不敢背傳而敢於背經夫傳以傳經也使人不敢背傳
猶可言也至於敢於背經豈所忍言程朱有知豈不樂
有評臣以匡身後哉

師生中古之後而闡程朱之精微兼表章效評論於程朱
者而後人知程朱之外復有天焉是故注各為用而一

氏之縛以解建安亦無朱元晦青田亦無陸子靜姚江亦無王伯安而訓詁之縛以解諸縛解而後聖人真境煥然復明於世聖真出而道之大原睹矣道之大原睹而後程朱之苦心見苦心見而後其為功於聖門者益著豈曰效誦論於程朱遂廢程朱哉

先師之曾孫以宜因錄日譜成而問大旨予為言其大略如此識此意者可以讀日譜且可以盡讀中古之書而無所蔽矣以宜曰吁是可以為日譜序

康熙壬申夏至後一日范陽門人耿極敬識

日譜序

七

孫徵君先生日譜序

從遊先生四十餘年矣每愧風塵馳逐湮沒半生與我者已不可復問自丁酉解組後兩過夏峯我夫子起居語嘿者逾月甲辰夫子歸里復得追隨杖履日聞所未聞始知吾人性分中原有不豐厚而富不爵祿而貴不表暴侈張而可大可久證之往古質之來

致此心無不同此理自無不同然此心不能自認心之或明或昧若存若亡之過也夫子每於此嚴為指示余恍

日復其見天地之心復者陽之初

日譜序

焉矧人心哉是冬取夫子日譜讀之細心捧閱將及門之問作已心之疑將夫子之答解

段段發覆如目之去塵沙以還明耳之去木梘以還聰四肢之解羈縛以還舒泰也程子曰吾學雖有所受天理二字却是自己體貼出來

吾心乎或問余曰子之師

本心之說將無異乎余

師之言心矣惟精惟一

論矩之謂也心與天奚

中學人之病者三百餘

豈但有功於後學實 聖人之道也行將與理學

宗傳並重矣余 敘開學之次第以告吾黨以余

之在昔為戒 明夫子之道焉庶不負師門誨誨提

誨之 余之所厚望也夫

康熙三年甲辰臘日上谷門人魏一鰲頓首題



魏適陸先生序文雖有殘缺文義尚可通即日譜內

語亦間有缺字 鄙見不必貼去留空以待補完若因

有缺字即將此數日刪去既有間斷即與日譜之名

日譜 序 九

相戾且每日下所缺之字有限有意義可考正不必

貼去所酌之

光緒乙亥夏四月十九日略文光特識



孫徵君日譜錄存序

天下名山大川多矣未至其地則固不知其美也然而

遊天下名山大川者亦多矣乃或有周覽數出詢以山

之高川之盛則又茫然與未至其地者無異則是遊天

下名山大川者非其中有所以為其地猶然不

知其美也未至其地而不知其美則固無可貴焉至其地

而其心之所好不在焉其美此山川則其美也既

而又居於晉之鄙自就外傳後先君子即為其師而教

之然而所習者舉子業耳日揣摩時好以求一售其於

聖賢之道理學之旨不啻與越人講秦語與燕人談江

日譜序 十

漢也暨壬辰釋褐筮仕於皖之潛陽因吏事而反求焉

始悟前日伏首帖學父師之所以教我者昔為今日實

用之事而非徒博一第為也則又求所為聖賢之道理

學之旨於詩書文字中凡遇古人行一善事未嘗不感

慨留連恨不遇古人之時居古人之位而借吾有志而

未逮也歲次癸卯來貳上谷守訪上谷之賢於潛之協

鎮金君抱一因知有徵君先生至側造其廬而請益焉

一鉢之頃見其應門侍側如元方季方之在大印前老

老幼如少少長長雍然大和氣象則固在一室中矣先

生言自忠孝動即檣模傲床踈席總成柔境非真有得

於聖賢之道理學之旨者詎能如此乎及歸於蕪陸
師之埃頭見日譜一書再四翻閱然後知人苟有志於
聖賢則無一人不可為無一事不可盡無一時不可學
反而求之於身心之間日用之際念之所啓意之所適
去小人之中庸而存君子之戒懼無非聖賢立脚之所
而凡古人之詩書文字則皆教我以從事之方而非謂
汝但講求乎此而口能為言筆能為書便謂聖賢在是
也今者先生之書具在則天下之名山大川也始願
知好之矣當粹以公同志凡有能至其地而心焉好之
者其某山如何佳某水如何盛則固在其人自得之耳

日譜序

三

方由此而求進焉則固不能代為之筆歸矣

乙巳季夏晉陽門人常大忠拜題



孫徵君日譜序

心愚魯且工八股業斃斃窮年終未得當其於理學蓋
情乎其未有聞也新中同志友郭熙侯每為心言夏峰
有 孫徵君先生學宗孔孟接濂洛關閩之傳吾從遊
親聆其訓誠一代偉人不可當吾世而失之心聞言始
知理學淵源統系在夏峰夫子誠不爽也咸壬寅介熙
侯延見得親炙光儀因識其著述諸書吾家規卷問讀
易大旨近指宗傳節孝錄年譜日譜各為不一而其泰
酌古今衡論人物闡明斯道之宗發揮心學之秘不外
日用飲食而天人理道聖賢與古畢昭焉曰若等從

日譜

序

三

吾遊不知工夫要領所學何事隨時隨處體認天理此
八箇字吾生平精神盡在此若等舍天理便無志趨舍
體認便無工夫即其教言諸書大意悉可嘿會矣至他
書編次刊刻各有定本獨日譜一書因時紀事帖括浩
繁觀音難於披讀君憂世兄毅然以訂正信明為已任
於庚午歲元日立志手錄自是筆不停披兩年告竣其
他書已載者無登字義差訛者悉訂焉芟繁取簡擊領
提綱俾檢本者按序可索探源者溯流可學前此未及
裁定者君愛仰體而裁定之將斯道自茲可行心學自
茲可共証矣豈特叙編次工模楷已哉嗚呼哲人云在

苦心如見淵源一脈家學傳燈足見一斑矣是為叙

壬申孟春汲水門人任宅心書



日譜

序

三

紀事

先徵君日譜共三十六卷自順治六年十一月告墓移家起至康熙十四年止一言一動一筆一墨皆先徵君所手著也門人子孫各有鈔本藏於家道光壬寅取出觀之蠹蝕蟲穿不能展卷傳蔭軒表兄見之恐其遂就溼廢即命裱工通為裱出訂為三十本時林縣徐龍溪先生假去寫成七分未克終卷丁未南陽府內鄉縣王子涵觀察欲獨力付梓將原稿取去旋因宿疾纏延未能刊刻自此不見原稿者二十餘年因借龍溪先生鈔本寫出數卷至於原稿之存亡幾有不可知者

日譜

三

矣同治癸酉以事至汴適子涵先生少君之江及令孫在焉訪而詢之咸曰徵君夫子日譜存吾家者有年今既相遇即當歸於君家矣不勝欣喜遂自南陽取回惟期敬謹收藏尚未敢遽言付梓也甲戌以事至廣平詹一峯先生謂曰日譜既獲原稿即當刊刻不可延緩遂以朝服與十金作為捐資曰此事我先開端武酌堂先生於是寫一公啟編告同人而捐資乃稍稍集矣遂以校對之事屬之武陟王少白先生先生慨在不辭即於是年冬日開雕陸續刊成數卷旋以捐資告罄兼值光緒二四年豫省大荒遂以停工越光

籍庚辰江右陳右銘大人觀察河北邑侯潘公即以日
 譜公啟稟呈道憲首先倡捐而捐資因之駢集於是又
 復開工越今歲而告竣此日譜一書之始終本末也惟
 是此書歷年已深剝蝕十分之四順治九年十年十一
 年及康熙九年十年片紙無存康熙十四年十五年並
 缺數月即現存之冊亦每有字跡斷滅不成文理不得
 不刪去者謹就其大體完全殘闕未甚者命小兒金桂
 照原稿錄出付之梓人被謹登板顏之曰錄存僅嗣後
 陸續尋訪再有所獲則另為刊刻名以補遺焉可矣
 光緒十一年小陽月上浣九世孫世致謹識

日譜

八世孫家慶

九世孫世芳

世恩 全刊

十世孫金相

金鰲

孫徵君日譜錄存 紀事 目錄

孫徵君日譜錄存總目

第一卷

自順治己丑十二月至十二月

第二卷

自順治庚寅正月至六月

第三卷

自順治庚寅七月至十二月

第四卷

自順治辛卯正月至六月

第五卷

自順治辛卯七月至十二月

壬辰癸巳甲午諸書俱在
譜係甲午所著另册梓行

第六卷

自順治乙未正月至六月

第七卷

自順治乙未七月至十二月

第八卷

自順治丙申正月至六月

第九卷

自順治丙申七月至十二月

第十卷

五五三

自順治丁酉正月至四月

第十一卷

自順治己亥正月至八月

第十二卷

自順治己亥九月至十二月

第十三卷

自順治庚子正月至六月

第十四卷

自順治庚子七月至十二月

第十五卷

目錄

目錄

二

自順治辛丑正月至四月

第十六卷

自順治辛丑五月至六月

第十七卷

自康熙壬寅正月至六月

第十八卷

自康熙壬寅七月至十二月

第十九卷

自康熙癸卯正月至六月

第二十卷

自康熙癸卯七月至十二月

第二十一卷

自康熙甲辰正月至六月

第二十二卷

自康熙甲辰七月至十二月

第二十三卷

自康熙乙巳正月至四月

第二十四卷

自康熙乙巳五月至十二月

第二十五卷

目錄

目錄

三

自康熙丙午正月至六月

第二十六卷

自康熙丙午七月至十二月

第二十七卷

自康熙丁未正月至六月

第二十八卷

自康熙丁未七月至十二月

第二十九卷

自康熙戊申正月至八月

第三十卷

自康熙庚申九月至十二月

第三十一卷

自康熙己酉正月至七月

第三十二卷

自康熙壬子八月至十二月

第三十三卷

自康熙癸丑正月至四月

第三十四卷

自康熙癸丑五月至十二月

第三十五卷

日譜

目錄

四

自康熙甲寅正月至十二月

第三十六卷

自康熙乙卯正月至四月 二月以後係考終錄

右孫徵君日譜錄存三十六卷皆先生由燕遷豫以後

所手著者也先生之學以躬行為法程以時習為工

夫以復性為宗旨當時親炙之以成其德者指不勝

屈而以湯文正魏蓮陸趙寬夫三人為最著至開其

風而興起者大河南北代有其人而其最著者則西

州馬平泉新鄭王淡泉河內李文清也 先君生平

服膺先生之學 略 自幼時即授以四書近指一冊便

孫徵君日譜錄存 跋

之研究體駁後雖為周先生之書而資質庸下反躬

自驗迄無實得每以扼腕先生著述十餘種久已不

脛而走風行海內此書則藏之家藏罕有見者同

治甲戌先生九世孫士佩君以事至原平武廟堂唐

一峰兩先生特為倡捐屬之發刻君既歸即命其弟

嗣禮堂照原稿通行寫出而以校對之惠相屬 翰

憶 庭訓為之故然不敢推辭惟此書深平既深處

閱已甚覺校大非容易迥同數世有知者亦不接續

者有事實未能盡明無從考據者有原稿既有闕字

後人漫為填補未知其是與否者有前册已見後册

日譜

跋

五


復出難辨其為何時之言者因但就其錄出之稿與

原稿詳加對閱改其錯訛俾之授梓雖簡斷編殘難

稱完蓋然先生當年進德之隆門牆之盛與當時海

內賢家往來酬贈之情事亦可以識其大略矣

光緒十一年小陽月上浣後學主 翰謹跋



五五五

先徵君遺像




像贊

六

自贊

問爾為誰曰歲寒氏歲既云寒爾何為耳曰勿讀書
妄意青紫長知立身頗愛廉耻雖困公車屢蒙薦起
骨脆胆薄不慕榮仕衣厭文繡食甘糠粃隱不在山
亦不在水隱於舉人七十年矣選滕多士有士老
而學易欲探厥旨聊以卒歲如斯而已

已酉八十六翁書于兼山堂



助刊氏

詹桂	王輅	王灝	王灝	祝塏	方宗誠	駱文光	楊誠一	張培元	陳寶箴	潘江	稽錫恩	衛榮光	劉啟彬	王樹葵	張紹渠	施春膏	陳緒傳	鹿伯元
通州人	武陟人	文泉人	慶州人	安亭人	存城人	子木人	商齊人	南宮人	右第人	文潯人	錫池人	靜湖人	林縣人	鹿邑人	羅山人	密縣人	河內人	鹿邑人
吳致祥	王義生	王振祿	王縉	張王林	駱慶鑄	王惟馨	王燕堂	李德均	徐本華	席元鑾	方胙勳	雷冲霄	戴文海	蓮益章	慕玉相			
固始人	成安人	易州人	溫縣人	磁州人	磁州人	香谷人	河內人	平南人	桐鄉人	錦州人	慶南人	劍華人	定遠人	六交人	武原人			
劉毓楠	張鴻志	張鴻誥	張鴻九	邱增級	萬裕興													
南和人	磁州人	磁州人	磁州人	臨漳人														

校參姓氏

唐桂	通州人	張金芝	壽州人	范乃勝	武人
武汝清	永年人	張金式	武州人	荆獻珍	武人
王輅	武人	武河清	武人	石方敬	武人
李良先	武人	戴彬元	武人	王登選	武人
陳寶殿	武人	申清輝	武人	牛漢奎	武人
潘江	武人	田芸生	武人	史	武人
王士型	武人	邱	武人	王士傑	武人
徐紹康	武人	衛獻璋	武人		
張	武人	張積芝	武人		
鹿傳霖	武人	雷冲霄	武人	郭春	武人
唐威仰	武人	楊彥修	武人	杜世清	武人
陳	武人	董慶恩	武人	郭春	武人
姚近韓	武人	李國治	武人		
賈致恩	武人				
鞠捷昌	武人				
楊修田	武人				
朱克揚	武人				
袁鎮南	武人				
許	武人				

孫徵君日譜錄存 像贊 助資姓氏 校參姓氏 卷一

孫徵君日譜錄存卷之一

順治六年巳丑六十六歲	後學 永年武汝清 校訂
十一月	武陟王 輅
十一日	九世孫世瑛 金桂 監刊
姪婿張丹九攜樽話別	
晚抵郡城門已閉宿姻友賈方伯莊有句 到門一	
鎖隔重山骨肉相違咫尺開入夜投林猶倦鳥不	
禁肢體久蹣跚	
十二日	
入郡城視孀女母子	予長女為賈方伯子婦撫孤居孀
高薦馨鹿密觀先候於此各治具賈聚五王類錫兄	
第王君祥兄弟各攜尊就予	
十三日	
保定蚤發 垂老出門值歲寒蕭蕭書劍伴征鞍離	
家百里烟雲隔凍餒方知行路難	
密觀同外孫買焯然隨行晚宿傅家營	
十四日	
抵邳州 先是刁非有孝廉以聲氣好且與啓美第	
有年誼寓書訂過晤假館授餐意倍殷切	

是夕晤李舍樸李符慶兩孝廉

十五日

李太公明吾攜其子古心孫瑟王過晤許心鉢同年

許盤明子張光仲良鄉孝廉署祁論亦以年誼各

來惠顧

十六日

祁陽諸紳士過訪

十八日

奏兒韻兒宰族黨先行謂之曰凡同行皆是一家一

體之人出門要同心合力各捐私心各務本分二

日譜

卷一

二

人同心其利斷金三人同心黄土成金汝等數十

人果能同心到處皆樂土矣豈患流離豈憂凍餒

哉

贈刁非有爲子毅稱 誰知此地別開天眼底無氛

氣爽然開道雖懸之子後行年已占衆人先寡修

益覺精光薄孤學應知識力偏原擬渡河聊解帶

恐因知我倍流道

十九日

同李符慶謁張子子厚嗣張子官于祁故祁人尸祝

之徐子曰仁亦祁守未有特祠因與符慶言祁人

風教之貽二公遺韻尚在承前啟後我輩不可不

勉

二十日

題報德祠 有引 刁殷望與子弟啟美爲天啟元年同

選士教授生徒不樂仕進沒而邑紳士暨及門爲

祠祀之額曰報德 祁陽立節郡公生此地光自

淑與淑人兩念結中腸烹廟首羅士攜手吾季力

季方類告予公也古賢良焉知念餘載始登之子

堂公雖不可見遺像尤輝煌再拜若有辭肅然心

氣涼嗣君稱人傑怡怡敬父行位我於祠下夙夜

日譜

卷一

三

有所商契公在夢寐嗣君日贊襄優於公父子感

生復念亡邦家修祀典以德重馨香 又聯 不

怨不尤逐世抗侯王之節先知先覺淑人授賢聖

之傳

二十一日

贈張光仲 停車南邇路何意得逢君靜此山頭月

幽同水面雲人能宏此道天未喪斯文握手聯前

好依依未忍分

二十二日

張振存過晤其伯父樂庵公與先大父爲辛酉同年

友因脩前好

二十三日

靜坐 日日須尋靜坐時靜中光景更堪疑新詩初

就嫌無味舊稿重刪愈有疵幽趣好從鷗鳥見孤

懷豈向世人知開然獨抱元來意一念澄空神自

怡

二十六日

李太公明吾招飲為作逸老篇 燕南有逸老嚴寒

挺孤芳亭亭松柏心健氣欲凌霜我過祁陽路刁

子設胡牀公攜子若孫觸目皆琳琅一再相晤語

日譜 卷一

四

蕭然羅酒漿相信若有素密意迴尋常年登八十

四五世萃一堂入夜體忘倦展書目猶良壽也攸

好德福分未可量商山遠結伴浴下堪頡頏安得

善養老惟公雅相當

二十七日

世契篇為刁非有許心鉢張振柱作 祁陽三世契

俱為名家子非有真孝廉行誼推闡聖而翁稱端

人教授精妙理心鉢克宜家鉢傳得父旨兩世我

日擊元氣激表裏刁子遺德予詩即佐薪不宮會

免蕪岑復得振柱氏折柬來相招因之仰前修

有榮菴公世擅雕龍技譜為大父行百年交伊始

我於此三人義各有所企對許見若翁晤刁思阿

美我祖久云亡於張儼在咫賦茲世契篇示我君

子履

二十八日

題非有書齋曰潛室 聯 學先不睹不聞地功在

勿忘勿助間

二十九日

飲李符夢別野符夢為予言平生艱辛之狀母氏

聞之苦因以動忍二字額其軒 聯 天於霜雪

日譜 卷十

五

含春意人自艱危見道心

十二月

初一日

為李符夢母子節婦立傳 入嚴寒續集

初二日

張光仲招飲為言其曾祖尚賢有隱德其孫予

孫女暨曾孫女俱以節死 入取節錄續集

初十日

王五脩攜家過祁

十一日

八經自降平來言奏兒等過鹿夢周高邱兼攜其手
書為賦此 聞道隆平一日留故人漂泊雨經秋
他鄉親舊情相洽一紙書來慰旅愁

十一日

高薦馨自保定馬構斯鹿曠觀自定與李介蕃自容
城仇文軒自新安來視予

十三日

薦馨問日用間只覺不能行所無事如何曰此莫看
得太輕易了禹之行水疏濬決排不知費多少心
力始能注之海洋之江如不能得其要領肯窳便

日譜

卷一

六

泛濫橫溢安得有安流之時其不能得要領肯窳
者病痛全在一鑿字世本無事庸人摸之賢知有
賢知之鑿愚不肖有愚不肖之鑿堅元世界破裂
多端總不能行所無事有一大聖人出焉歸諸宿
於天地歸安阜於民物亦只是行其所無事也然
非朗然高懸一天地萬物之經事務之紛投時事
之艱難未免有遲回顛慮沾滯不自得之處行所
無事一語是聖賢豪傑一了百當大本領我輩不
能行所無事先自必有事焉始久之自當省事而
漸進於無事矣不然悠悠日用行習罔覺而復云

行所無事也豈不謬哉

送高薦馨南遊 有引薦馨每及南遊潸然淚下余因

與訂茗上之約今行矣異日余之茗上則薦馨所

過名山水便成熟路二三子各賦詩言別占此句

送之 淒淒惜別意何深想見相從六載心爾我

渡江情一致經過好景待重尋

十四日

同人集飲報德祠為余誕辰也

十六日

復上虞謝元明 鴻寶先生以忠魂領袖一代當歸

日譜

卷一

七

機時即知有臺仁之經紀其事也私心已切嚮往
後讀和玉孺大司馬詩向之企慕其人者若恍然
見其面薦馨來惠表忠一刻字字為諸君寫生遂
恍然見其心矣當世之孤鳳潛龍足下其庶幾乎
不肖衰遲病困久矣浮家於山岑水湄世緣已絕
攜家南徙次且於真定道中漸圖渡江但卸短途
長不知何時可抵茗上與臺仁一傾倒耳甲申大
難錄一册亦邇年所得之同人者借手請教孫少
師三十五忠詩附上

二十日

爲仲兄啓運先生纂年譜成

二十一日

讀放翁詩 放翁無日不豪吟山水幽懷託寄深

曰甘貧能耐老勿忘家祭是初心公有句云王師

祭無忘告乃翁

二十二日

爲仇異渥作存理序入成集續集

二十三日

寄新安十老社 我輩皆桑榆之人一回相見一回

覺老所須魯陽戈當更急於壯歲月會想不可聞

日譜

卷一

八

斷兒童侍杖白叟高歌便是人世第一樂若對青

山談世事當須舉白滿浮君病叟以此一語佐酒

政何如

二十五日

壬任驅過邪因詢問家園消息

二十七日

夜不寐有作 跏坐披衣數漏傳淒涼心事不成眠

赤貧食衆仍凶戾弱骨家適且暮年稚子三千楮

事迫老妻甘載病魔纏鷄鳴一糶分跣婢愧我遙

透雨念惡

二十九日

報德廟守歲同刁非有李符夢王五修諸友暨

等得多字天字漫成二絕 老來光景已無多積

雪凝霜經幾過客館優勞悲世事那陽此夕是陽

和 離家二百另開天種月耕雲亦闌然况復驚

鷓鴣有和須與酣飲即明年

日譜錄存卷之一終

日譜

卷一

九

徵君口譜錄存卷之二

順治七年庚寅六十七歲

後學 通州詹桂 校訂
武陟李良先

正月

初一日

攜諸同人迎春飲友人齋

初二日

立春得奏兒韻兒淇園家報 此日此時春始回平

安家報自淇來眼昏入暮卒難閱但促挑燈細細

開

初七日

日譜

卷二

邀友人以詩代簡 客邸逢人日開襟憶二君一樽

思過我春色好平分

初八日

博陵蕭光胎過訪 有客翩翩氣色新入門肝膽喜

相親是非毀譽尋常事過虎方知獵虎人 額點

終知龍是鯉毛存自見豹非羊乾坤珍重經綸手

好把艱危仔細嘗

初十日

寄茅止生子師忠 客秋付翰明一函囑其過禮

商所懷得無浮沈否時勢孔棘日切春水之慮

去冬已離政廬暫寄祁陽原意渡河徐圖渡江完

德門一段姻事但病骨踰關老境多無能卒達

有做門人高薦馨以數年相從之雅一時其事慕

若雪山水欲借一枝之棲此君名宿志友天下士

兄能讀父書亦不可失此人耳甯紹道已嚼爛掉

有便不妨通問前尊翁刻鹿太常江村筒寄尚未

得見便覓付我

十一日

寄劉玉孺司馬 某已於客冬攜家出門矣抵祁才

孝廉包素託聲味遂爾淹留今將南移借臺蔭或

日譜

卷二

二

不至轉於溝壑耳姪婿旋曲荷生成稍具心胸敢

忘銜結薦馨南遊聞已束裝會與之為若上之約

計期或在明歲然六年聚首一朝別去未免黯黯

某骨腐腸痴垂老江湖既辱生國士之知斷不

敢妄自菲薄仰負知己

十二日

寄薛行塢京兆 出門後悔不抵京與先生一語

雲謫謫延行爲勞仲冬抵祁天氣凜冽我病難言

已遣兩兒先行目今尚濡滯洪水僕於仲春自祁

南發蓬元先生推先生之愛每說項於貴鄉先登

諸老可謂脂以名車策以名駒矣晤時幸為道黃

十三日

馬習仲自箕山過視

十四日

鹿夢周自隆平至

十五日

是夕偕同人徐振九處證謎許心鉢處觀燈經九處

彈琴酣飲忘倦

十七日

為賈正卿再敘篤行君子卷

入歲寒續集

日譜

卷二

三

十九日

習仲別去自述邇於山中得究易義以潛之一字相

質因病而藥余於同人三致意焉

二十日

心鉢掃其別墅為同人講誦之所余顏其軒曰靜寄

取淵明靜寄東軒之意

二十一日

盧肯祥自五峯山過祁執贄稱弟子

二十二日

問理學節義事功文章有不可相兼之事即父子兄

弟夫婦朋友亦有不能兼盡之時曰理學節義事

功文章總是一樁事其人為理學之人遇變自能

殉節當事自能建功操筆自能成章觸而應起而

起安有所謂不可相兼者如不可相兼必其人非

真理學則節義亦屬氣魄事功未免雜霸文章祇

成空談耳即如事親從兄以至刑寡妻信朋友亦

是一樁事然其義總統於事親如不違於禮喻親

於道古來仁人孝子自有苦心極慮處不失其身

以事親一語千古定案處兄弟處妻子處朋友總

從此一念為蒸動或直或婉或順或逆自無犯手

日譜

卷二

四

難行之事志欲覆天下而力不能庇一室何必勉

為慷慨激昂之行也藏鋒歛鏑甯後一著退一步

吾切有望於賢友

二十四日

為王允明作咏忠詩序

入歲寒續集

二十五日

寄王允明一別十餘年人堪幾回別念之悵然年

兄局冷身閒孤懷靜寄可稱吏隱惠來佳什暨表

忠釋學二編具見志之所存此最是生平大得力

處忠詩偶拈數語然不足存也

二十六日

蔡城毛晴嵐慶惠詩自題曰毛詩今中多詠節烈事

兼訂余過訪之期訓此 箕山咫尺得人豪佳句

郵筒未恒勞筆有春秋惟守禮詩無今古總稱毛

天雨舒卷還吾輩河朔淹留為若曹未識荊州神

已醉到門應自解征袍

二十八日

為許心鉢序家譜入歲寒續集

為年友許蓋明立傳入歲寒續集

二十九日

日譜 卷二 五

博兒間有人喜稱人善本庸流也便侈言之為英雄

豪傑有人喜道人不善亦庸流也便苛論之為亂

臣賊子二者交譏所失何者為甚曰喜稱人善者

滿街皆聖人喜道人不善者不信世間有忠臣孝

子自不可同日而語然過於信人之長亦是自露

其短從來比匪之傷敗國喪家者不少如有所察

必有所試

又問一庸流耳何至頌之為英雄何至擠之為亂賊

是皆已甚曰莫把英雄亂賊看成一定不返之局

罔念作狂克念作聖此是聖賢不易之論先儒有

言只一愛做官弑父與君便無不可為漢賊斯言

吾人試於清夜之時細細體勘始知英雄亂賊過

環其域此處認得分明著力驅逐亂賊獨標一英

傑面目學問之功全在此得力

二月

初一日

送人歸蕭山 聞君此日掉歸舟我亦攜家若上遊

和隔清輝應咫尺浙山浙水好同收 一再逢君

氣味投臨岐那得復悠悠經過知我如相問為道

蘇門歲月留

日譜 卷二 六

初二日

薊州孝廉盧裕楫以詩為贄依韻贈之 策杖思南

下祁陽暫解行艱危人易老憂慮夢多驚未面聲

相應投詩誼更明兩情從此始各不負生平

初四日

王五修問收放心須是靜坐仍有雜念往來胸中不

能掃除應如何曰收放心亦只是隨時隨處體認

天理雜念往來便是於天理有碍當下掃除豈容

姑待姑待之心便是聽其放而不知求一掃除則

此心仍歸本舍不以天理作主此心安得有靜時

起安之體只是不為私欲搖亂不搖亂於私欲雖
動亦靜也陸子靜專講求放心與先立乎大者而
先立乎大者又是求放心主腦

初五日

少宰張達元寄書至

初七日

固安李四江過晤故人謹我之子追憶往事悲喜交

集得聞楊都尉家死難始末人取節錄續集

初八日

為蕭光胎作詩序人巖寒續集

日譜

卷二

七

初九日

奏兒自淇來迎同李太朴至

初十日

客秋曾有字寄孟謂之兄弟字未至而謂之兄弟書

來訓以二絕 靜坐停披手一編忽然涉想葉竹

邊遙望有斐二君子聲氣十年惠我箋 千里神

交各寄書孤鴻悠悠惠雙魚吾家父子君兄弟奇

聚天教共卜居

十一日

姪暹雅維雅自故園來視

十三日

耿幹汝以其試藝來質曰文章當取法前輩以說理
為主不可為時氣所蒙試看今日藝林中所傳述
之以為名言者皆載名理而出之無名理安得為
名言

十四日

博兒問頻年作客道應如何因為一絕題屋壁 孤
懷牢落許誰儔此夕祁陽去復留要得兩情終始
合主人無怨客無求

十七日

日譜

卷二

八

一友歷舉某人某人以某事負我言之憤憤思與之
絕予曰某之所以為君者至矣人負我是成我之
為仁人長者我負人是成我之為刻薄小人孔孟
躬自厚三自反只是求不負人至人之負我不負
我俱不必問我之大賢於人何所不容豈皆不負
我者而始議容之哉能多容負我之人則德量空
洞益不可測方能置身雲霄之上下祖流俗之憤
憤以我知覺開彼羣蒙若一言一事而與之較則
我且為憤憤之尤者矣况人不負我而我且負人
是明以刻薄小人自待而以仁人長者待人則亦

不思之甚矣

十八日

問學者莫先於治生日治生亦學者事若云莫先於治生則全副精神盡注之於謀食今日治生亦學者事則生之食之為之用之自有道在前人之語要善看陽明云能調停的此心無累即日做買賣何妨

十九日

題五修讀書處曰尋樂謂之曰樂不是一味愉快要知俯仰無愧怍便無入不自得到的自得時任他

卷二

九

憂思哀戚憤怒俱無不得纔是樂之本體心齋云樂者樂此學學者學此樂最有味不學從何處尋樂

樂

二十二日

寄示立兒 此番出門原非草草我亦不

家終是虛議論憶在渥城住了一千二百餘日未嘗出南門一步豈不令龍谿老人笑耶在家在外

各有自立總之以仁孝二字為師爾恬淡成性目前恪守祖墳墓門戶關係最大爾無疹期爾婦病已深聞潛孫亦病種種皆係我心淵孫長成

期未卜尤我早暮牽腸之事待宗族鄉黨宜寬宜和成就後生小子爾之職事二伯臨危所囑不可忽也爾處朋友不患不信患其隨學問當日日求長進爾父爾師衣鉢在爾爾當打起精神與同志者共勉之

二十三

寄故園諸親友

行時未得一面念之悵然猶曰祁陽去吾鄉僅二百里聲聞時時相通今漸圖南移於故園日遠則於知已益疎矣良朋悠遠臨路凄然古人黯然魂銷良非虛語也憶我寶藏社盛時

聚樂光景真如天上安得不令我一二白頭老人腸斷心傷耶

日語

卷二

十

二十五日

語梁甥其曰爾年十二偷情自甘爾未知爾身之不可菲薄也爾父早亡爾祖父祖母無端冤慘家破身亡爾母淚碧腸枯望爾成人一紓此鬱爾縱不知自愛獨不為爾母茹苦忍死一憤發耶

二十六日

謂五修等曰人一日之間起居食息儘知有善可為然或於善之中一涉表暴或有要譽惡聲之意便

病已深聞潛孫亦病種種皆係我心淵孫長成

病已深聞潛孫亦病種種皆係我心淵孫長成

是作爲皆所謂已私也顏淵無伎無施正是克已
孔子毋意必固我無已私之可克也其餘日月至
焉當至之時與不違同一境界而至之前至之後
又未免有已私隔斷此段功力非戒懼慎獨終無
自慊之時

二十七日

與刁非有話別 同人分袂莫蹉跎仗劍登車感慨
冬作客大梁休嘆老歸來細話舊山河

留別李符夢 居停日日待君過臨路凄然感轉多
我有心期非泛濫浮雲富貴一輕囊

日譜 卷二

十一

二十八日

酬別李太公有引庚寅仲春自祁之衝李太公明吾

惠我別詩四章欵然良對臨路凄然因爲酬贈

世衰道已喪孤立如臨淵何意得交君磨礪老逾

堅素心不受涅語合聖人篇言出無齟齬相對各

欣然念我偶之衝握手倍留連驪歌幾投贈老懷

猶未宣但囑毋淹遲臨河整歸鞵我亦幽棲士常

怪薄情緣八十五歲翁此道莫或先

二十九日

祁人聞予南發爭來留行予曰我之不忍別諸君亦

猶諸君之不忍別我也今夕尚寄居於此三月後
當圖再晤

示博兒 居已之道惟一敬字處人之道惟一恕字
以責人之心責己以恕己之心恕人則得之矣

三十日

南發量姪望兒各攜家隨行留博兒尚兒奉其母暫

居祁兩兒亦依戀出郊外李太公明吾以八十五

歲翁攜其子古心孫含樸瑟玉暨徐陽九劉握丹

鰓余於南樂城耿緘我暨其子幹汝河橋對望意

甚徘徊過西河許心鉢之舊居在焉惜子奇玉同

日譜 卷二

十二

刁非有李符夢刁過之喬又申高陽孫又庚紫淵

四淵三兄弟提壺榼欵襟話別各有詩見贈

抵王賣王五修與袁東白仲彥紫烟暨張君璧王璽

若在焉有亭名叢處欵致幽冷前面臨河袁

氏兄弟與君璧各有詩爲別因有句 此處名君

子塵外有獨醒一曲抱村流臺榭亦幽勝諸君各

攜壺賦詩爲別贈相扶渡板橋後會欵欵定我亦

惜離別返轡元非佞

五修與博兒且步且騎至丁村至仲伯家丁爲非有

妹夫先非有有字相聞仲伯自定州歸里治具相

勞殷殷之意不減投轄

三月

初一日

遣博兒歸祁五修徒步隨行質疑問難多所發明殊忘行路之苦

晚抵無極署諭郭芝仙見顧于邸舍

初一日

與五修趨藁城訪毛晴嵐晴嵐諱三光以貢士為平涼府別駕當逆闖時遂棄官歸里詩酒自娛前會寄詩有既遠許巢仍給袂曾經堯舜懶彈冠之句

日譜

卷二

三

後有詩訂余過訪及抵藁城晴嵐鄉居因訪董正誼正誼名釋帷不赴京兆試應補廩以多方謝之父名性理號養遠臨貢時以病謝並不受衣巾延余至其家居然止宿鷄黍之意

初三日

董會極相招會極名其成亦夙聞之謝舉甫者李節溥趙升九申若時彭南圖來晤

董正誼為余言張明經英標名榜貧而有志因過其廬與之談頗久

正誼問讀書當從何處讀起余曰便當從大學之道

讀起此處果能領畧五經四書皆可迎刃而解世

人以讀書做人為絕不相蒙之事故讀書破萬卷

祇謂之不識字如讀一孝字便能盡事親之道讀

一仁字便能存惻隱之心任從何處讀起此理之

會歸自一

初四日

白藁城南發

別董正誼 三年勞夢寐今親未云遲乍見絕塵氣深談無蔓辭貧如蔬食美靜與淡漠期此夕輕分手星梁倍所思

日譜

卷二

四

李節溥惠詩口占以報 有朋違咫尺何意一逢君投我明珠句相期意獨殷 會極正誼送出郊外正誼復同五修步至石井其故鄉也依依不忍別

初五日

早發梅化大風眯目口占贈五修 塵沙眯目透重裘借爾衝風與未休識得友朋真趣味便知陳蔡也非憂

抵大石橋題句 果老行踪亦罕存但傳橋畔有蹄痕華山道士同驢墜未可隨人一槩論

張于度於前一日同此相候

初六日

杜向高攜其子來晤 向高名性喬園學會舉孝義

為余言其女姪十六歲被逆闖所執罵不絕口賊

怒斷舌剖心死極慘因有句 杜家有女迥非常

罵賊渾同百鍊鋼斷舌剖心魂慘慘好留青史與

天長

是日得義烈四則入取節錄續集

初七日

大石橋早發

日譜

卷二

五

過光武斬石人處 德元自合作天子何必高談斬

石入文叔生平元謹厚誤愚圖識卻遺真

晚宿柏鄉

初八日

宿金堤店

初九日

官莊店遇高海門借酒館相勞

晚抵順德邢臺令米輔之屏驕從過晤因玉孺司馬

有字

初十日

滿下過米輔之堂舍賓館淒涼特甚輔之處之恬如

也余曰他人入官便是得意之境使君今日猶為

磨礪之地大任之降兆於此時後及其座師某者

自謂禮法疎畧余曰門生之報老師正在不愧百

姓不負朝廷方是仰酬知已區區餽送問候以此

為報答師恩不亦淺耶 米諱襄邑民德之

是日得節烈事二則入取節錄續集

十一日

宿塔連店

十二日

日譜

卷二

六

抵臨洛關晤李承蜩

十三日

王柔之既先行囑之曰同行多一箇好朋友不如少

一箇不好朋友好朋友未必當時受福不好的朋

友立刻可以取禍比匪之傷千古烟戒交絕不出

惡聲又古人待匪人之道也

張于度篋中出一扇乃亡友茅止生十五年前惠余

詩內云靜修尚有三分恨王猛終為百世羞讀其

語益思其人因占句 恨無半點心方快羞有一

分事總非王猛靜修俱無論居停聊爾息五機

晤宋茂才如京同籍宋仁宇孫也閑雅有儒風稱佳
子弟因贈一絕 五十年前同籍友何期今日睹
冢孫清標迥絕風塵外名德自應裕後昆

十四日

阻雨

客有誦人情薄似秋雲者余解之曰世八爭道人情
薄我謂人情薄亦厚厚字還從自己生向人求厚
厚何有

寄薛行塢 抵臨洛李承蠟一見傾吐大河南北伊
及昔熟問之地村不商棲止之所謂蘇門百泉從

日譜

卷二

七

古名勝可與同人遊覽終當以林慮為歸然令尹
與司理處總借臺仁覆露之竊惟其衰朽漂蓬分
宜溝壑謬蒙先生垂念之殷不啻自為計此誼古
人罕睹豈可得於今之世乎

十五日

張文峰遣僕馬來迎望兒五修從之廣平晚抵其署

十六日

劉涵思鏡劉珍思鑑社長虹霽遠韓興寰士傑來晤
涵思為逆聞所擄不受偽官珍思持雙棒往尋之間
關數千里終得合有義棒二絕 五倫獨有翁兒

長何忍分飛雁斷行歷盡艱危終得合天教雙棒
柱綱常 至心惟付鬼神知金到精時色自奇賀
裏有愚仁裏過令人千古說心痴

十七日

李根茂永培來晤根茂平谷人其父友竹曾為容城
論世好故禮敬甚至因贈句 蕭蕭書劍過平干
高誼如君世外看回首容陽學舍裏一時握手幾
悲歡

馬搆斯至廣平

日譜

卷二

六

韓興寰招飲 春來頗覺勝遊多一飲荊州與愈番
戒跡都忘知客快語言無忌見天和款襟座上驚
飛塵回首家山發浩歌言別匆匆思兩地山陰孤
棹可重過

十八日

文峰出其詩與文相質贈句云 入疆聞化雨差足
愈銷魂局冷腸逾熱官卑道自尊立身應有三御
世貴無痕莫忘相期意孤懷借爾存

十九日

黃子石過署中相晤道蓬元玉孺行塢三先生相念

之意甚周因與于石曰諸老爲衰朽出門每切溝
壑之慮然僕五十年拙守斷不敢自負以負諸老
五修堅從之南遊聞學使試保定渠一廩生亦不顧
也繼而聞其母遣人追尋促之還

二十日

南發

登聰明閣

晚派肥鄉

二十一日

賀宣三應旌設榻信宿歡若平生其兄士以名應旌

日譜

卷二

七

孤介士也有句贈之 少小讀書今白頭閉門獨

自閱春秋悠悠塵外無人識待我重來雪夜舟

贈宣三 雅慕龍谿老更遊短節此日向中州逢

君北海一尊酒臥我元龍百尺樓勝稿挑燈猶共

讀孤懷抵掌幾深籌一門況是多風味千里盡簪

傾葢投

二十二日

李世其父子招飲 有引世其諱愷啟美第同選士也

三十年絕仕進之念贈句云 良朋悠邈幾多秋

何意今朝氣味投孤學好從塵外得幽懷偏向意

中求溪山盟約屬誰事天地清明借若留一飲競
門思未已其城春色兩悠悠

二十三日

早發賀宣三送之郊外依依不欲別

晚抵成安訪李允繩於柏寺營

王玉乘元鑣自成安來晤玉乘愛讀傳習錄因贈詩

從古爲儒多腐氣爲儒不腐更如何欲知化腐

爲儒意好向姚江細揣摩

肥鄉臨行時宣三囑訪傳習錄暨鹿太常說約因遺

字 載明德而南抵成安訪李舍親於柏寺營其

日譜

卷二

三

人正在相憶他鄉故舊喜可知也舍親係太常老

門人其師之語錄文集暨陽明先生傳習錄俱攜

在此弟囑之陸續送去或看過來取乘方新之氣

正好講明恐兄目前未必即訪得出弟亦未必即

攜得來也

二十四日

吳廷生路我珍過訪

陳亮明招飲 垂老琴書興未磨感君投轄意偏多

淋漓撤盡藩籬相此夕分明是太和

二十五日

柏寺營早發李允繩路我珍相陪至馬軍營甲震寢
申泰交止宿相款

二十六日

留震寢齋頭一絕 茶熟香清客到門更誇王樹與

金昆居然止宿洽鷄黍此誼千秋共足論

抵澤州訪張湛虛司馬 山斗原為一代師座前下

拜未為遲早從廊廟欽搏挽適向江湖識委蛇天

下得公殊有慶寰中著我愧無奇燕山滄水相望

久甫入龍門慰所思 語及讀易讀春秋湛虛云

據講義而疏句讀人能知之然於一經之旨趣實

日譜

卷二

三

未有知也余曰書生一列高等便不肯自居於不

知公之自謂不知即是真學問

晚宿王家店

一十七日

早渡漳河

過文王美里城 稽首文王是我師宮牆鬱鬱望中

思不須登廟瞻遺像演易卻從憂患時

晚抵湯陰徘徊武穆祠在城中以門禁戒嚴不及入

謁有句 直抵黃龍約已成令人千載仰精英一

城咫尺相望久痛飲元來酒未傾

宿城南五里之光村舖遺字於孫世若 第五十年

老賢書與少師交三世因少師得聞翁臺先輩之

品行私心嚮往久矣昨南來高陽諸兄翁寄候音

二紙託為轉致已於旬日前令舍姪先投不知得

達否今旅 貴庄主人且知翁臺甚悉因付

此字聊當一面後晤 有日也

二十八日

過有斐一君子荒涼特甚 淇水澄澄亘若斯不知

歷盡幾平陂千秋有斐一君子觸目荒涼更係思

抵淇縣之西崗村秦兒韻兒已先移居於此是日張

日譜

卷二

三

于度耿廣我李霞表等各攜家至李太樸攜壺榼

相勞

二十九日

贈李太樸 八口託庇意有餘更欣千里過吾廬身

如飛燕巢無定心羨遊魚水到渠壯士何堪問處

老豪情每自淡中疎多君頻下陳蕃榻一室從今

廢掃除

三十日

父老士庶言及姻友崔西星已已作令時愛民好士

為地方事極力擔承功德在人口碑益著此真志

思也因有口號 二十年前此宦遊士人尙自說
君侯假令當日無遺愛彼即不言亦抱羞

四月

初一日

薄敬之過訪 舊約淇園幾夢遊託君聲味暫停騶
少年孤志慚空許垂老幽懷恨未酬拈句難工聊
嘯咏出門易倦每勾留何堪獨力波濤日一柱行
看障海流

初三日

李太素來 誼贈句 我來爲避地分宅

日譜

卷二

三

誼何如投契驚流俗交權追古初心堪盟閣室行
已服鄉閭潦倒今逾甚欣欣一起予

初四日

過三仁祠 賢人從古裨人國難道三仁任紂亡事
不啻同各足色總爲天地立綱常

立夏 無計留春可奈何一年好景客中過勝遊從
此復何限但得無憂樂已多

初五日

答王允明 僕數十年頗有志於學亦嘗思訪究其
人自伯順既沒真實講求此道者邇乃得之足下

前惠二札昨復讀奇字至憂不深則心不沈心不
沈則學不遠窮古今之變極性命之致等語皆真
切篤擊近世學人罕窺其詣我輩既一意向學須
置毀譽得失於膜外凡學問之精進正不在得意
之時而在失意之日其於富貴貧賤之非道也何
以有不處不去則其所重可知也聖賢諸儒之言
不必盡同總於行已處取齊一較是非計得喪則
工夫未免走向外邊

初六日

度雅姪暹雅 詢問故園消息接梁如星王

日譜

卷二

五

太冲手字

謂奏兒曰披荆斬棘牽動同人千里避地之思國鏡
此語可稱汝之知已然吾憫汝之太勞也一人之
身精神幾何况赤貧之人自顧性命不暇而戚友

鄉族供其緩急此所謂作無米之粥耳欲立欲達
自是仁者之心而博施濟衆必不得之數也韻雅

從汝出門識力未具一任拮据少小失學老大徒
悔陳幾亭云一日三分一分靜坐一分應事一分

讀書日當三復

初七日

謂姪度雅量雅曰汝父棄汝等為日未久而汝等俱攜家遠來此所謂流離顛沛之時也平常居喪禮儀自不必拘然禮有禮之常禮有禮之變其無疾於心則一耳當時時思汝父六年墓所不茹葷不御內終身淡薄臨危見道萬不可偷情遊逸自甘暴棄此方是孝友堂子弟若再能純一其心老夫更有顏矣

劉天錦 晤孟調之依之即夕同車過西崗

夜話共關潛龍之義調之云不止惡名不可居善名更不可居因贈調之句有云吾家父子君兄弟

日譜 卷二 三

奇聚天教共卜居

贈孟調之 扇頭 讀罷兩眉舒愧我非元亮

知君陋本初行藏 歲月一牀書龍卧南陽

穩誰堪問草廬

初八日

謂諸同人曰我等俱係鄉鄰戚友今來千里之外共廬比鄰自是一家一體之人然大家各看的遠耐的久不可因一言一物一事遂爾參商人有已私當時時簡點自己萬不可尤人長者各教其子弟少者當各奉父兄之教僕隸當各遵主人之命

躬自操作務竭心力以立此身以養其父母不忠信不篤敬州里難行况異鄉乎

初九日

孫睡仙侍御惠詩刻賢疏文 三十年來欽盛名何期今日得嚶鳴詩輝義卷燕增色公有句贈容城義士魏士友疏冠朝端史有聲閱世孤懷留癖韻村居幽事抱奇情遠聞佳士輒相許 蹤老眼明

初十日

睡仙有戲贈偷竹者八絕夾 復云 午睡正酣得來詩一快讀之何物偷兒 添宗匠許多韻味日

日譜 卷二 五

僕昨晚歸疲甚讀罷神爽偷兒益添僕一段韻味也凡事作此觀便可一得喪消多少喜取營逐於胸中敬佩達識寧直韻絕

友人謂此時詩文俱不中用只宜著書立言以發明

理學為事余曰莫把理學看的太板了詩文豈遂妨於理學若欲做詩人做文人終身亦不見有到

家之日若欲做學者詩文奇興自不可少但理學

亦非口頭講說古人知一分行一分今人知十分

行不得一分全要在躬行上理會

十一日

孟調之集諸同人於良相嘯歌酣飲有青梅之

意良相者以留侯相韓從此始此地有子房廟

坐客談及朋友之義宜勸勉不宜標榜依之曰標榜

之義正如佛家所謂接引庸何傷余曰願爾後及

之禍實所自取標榜與接引此中正千里耳

十二日

寄王譽之孫備九 莫作尋常汗漫遊攜家千里得

良儔波恬浪靜登舟好免使瀕行風打頭

十三日

與于度話舊偶成 常憐體倦性宜睡暫喜眉鬆不

日譜

卷二

三

掛愁舊緒拈來新譜就若天心事兩悠悠

十四日

過郝家園芍藥百叢紅紫爛然但牆垣頽廢四望蕭

寂花神迷不勝其亡聊占一絕以慰之 當年位

置幾番新今日寂寥舊主人為囑花神休悵望題

詩卻助一精神

十五日

憶唐瞻斗有引 瞻斗名國欽雄傑諸生與余交五十

年相別既久以八十三歲謝世余姻家李霞表其

門人也為余言其生平貧苦乏血允余缺焉鷄窠

未展回首從前論文把酒信我愛我之深至徒步

百餘里攜友過訪不禁酒淚四州為賦一絕 杯

土已埋吾友身生平心事老逾真獨怜血嗣乏承

尤相對唏噓各愴神

謂量姪奏兒等曰汝等五人皆孝友堂子弟今來千

里堂不能攜孝友二字豈容一刻去懷臨事不敬

交友不信總為不孝不友之事實汝等皆鹿大常

門人汝師立教宗旨認理提綱日當讀數過此日

此時此事求一箇此心過的去便是一了百當語

又曰立身之道須臾定一恕字實實磨勘於不欲勿

日譜

卷二

三

施之際痛自刻責方有出頭日子一時不提醒一

時便昏昧一時便放逸小人一味怨天尤人正是

昏昧放逸處

十六日

與李霞表談易 常怪尼山欲假年誰人識得此幾

先晨昏相對渾無語談易胸中卻洒然 畫前有

易世人知說破何如未破時安得萬年終渾沌千

戈揖遜總兒嬉

十七日

聞言有述 聽風聽雪待春回待得春回夏復來千

里相傳仍亂耳不知何處是春臺

十八日

入濟經桐山少憩大醴門入壽淇東暨子與爾邀至其園亭設款

晚抵濬

十九日

登南山遊劉家園園創於朱懷石侍御迄歸劉漸就荒落然其規模秀麗平地進三級而登絕頂有坊題天上人間四字山名浮丘面對大伾山嵐光翠色燎人心目有句 別開天地非人間娛我幽懷

日譜

卷二

完

一夕間暝翠浮嵐看不厭而今始識大伾山

二十日

同崔太公須字筠澗承一暨姜益我登浮邱山過窳堂僧舍詩以貽之 閒行攜友到山房淨洗腥暈茶味香人在粉紅駭綠裏禪僧應與世相忘 謁子貢祠 尼山四友羨黎公築室獨居意更隆天性文章徹悟後魯愚聰穎道聿同

二十一日

自警 白頭墮落竟如斯孤負垂髫立志時逐妄百年皆苦趣告微一夕得心怡學先慙世須由己文

未喪天應屬誰觸目鳶魚恣傾畧林枯水涸自生

音

二十二日

登大伾山 纔信比山即大伾河流湮沒迷元基高卑一任滄桑變細讀陽明王子碑

贈姜益我云 浮丘山又大伾山次第勞君共躋攀

樂意相關勤指點山靈應為我開顏

益我南園留飲 一卷已具名山勢半畝偏於金谷

麗解事主人愛客深瀕行松下仍留憩

二十三日

日譜

卷二

三

齒落 日不能黏歲月徂嬾餘美睡作良圖齒牙搖

落尋常事木老應知葉欲枯

得消臺閣季子死兄事一則入取節錄續集

友人為余言蜀人劉養真逆闖時以兵部郎哭 先

帝極遂棄官隱於卜寄寓都門

回西崗得家報喜聞外孫楊智永消息亡女井邊貞

魂有所依矣

二十五日

別孟依之 有序 依之大梁偉男子也將渡河過余言

別氣味方合忽驚袂分不覺黯然繼而云丈夫各

有志但勿欺所志耳從此自勉求無墮落仰副知
已余因聳然感提攜之意占一絕 纔喜相逢忽
別離老情淒斷復心怡勿欺所志非無事正是英
人磨礪時 大河南北鬱相望移粟移民意正長
小艇山陰俟我至炎蒸漸淨夜生涼

一十六日

弔閻季子 有序 季子名祺大名之滑縣人兄駕部
爲眇賊擄去季子尋得之賊強之從季子不可兄
曰而在俱死而政行可兩生季子泣別賊要請塗
以好語誘之既而露刃脅之季子罵曰吾清白吏

日譜 卷二

三

子孫豈作賊耶今來千里得見兄死無恨矣遂過
善後賊敗兄攜季子骨歸此與廣平劉錡尋兄事
同雖一生一死均於弟道足色同爲詩以誌企慕
前聞義棒欽劉子今日閻季事同揆此誼古人
幾見之漢之倪萌羞可比推肥代瘠幸兩全季子
逃生卻得死所重罵賊不偷生烈烈香名垂青史
初念千里爲尋兄得見兄面事畢矣堪笑敵地片
椽同室爭卽云讓果同衾亦未耳勘到至死不易
從兄心較之臣死君如冠履子死父屬毛裏更進
一妙理

二十七日

觀奕 既苦觀書勞澀眼翻嫌對奕動機心邇來解
得安閑法午夢初醒酒半斟
一友有厭棄時文之意謂文運衰微語言魁殊不
欲觀予曰日星河嶽天地之文章五經四書聖賢
之文章星河經書萬古不晦則斯文一脉明而晦
晦而明者亦無終喪之日吳草廬道問學說其言
直接孔孟文生於心心靈不滅文當自靈剝復明
滅之關其機甚微不可忽也

四月 此下數卷原名蘇門譜故另標四月兩字

日譜 卷二

三

二十八日

西崗早發

過潞王墳 潞王壽域草芊芊屋瓦紛飛一炬燃再
拜徘徊思舊德廢興那得不潸然

晚抵輝宿薛行塢山莊

二十九日

曹涵甫滋甫澄甫來晤爲備客糗之需

晚曹佩巖明府兼慰其二子 憶昔相看國士傳蘇
門有約未成遊山容慘淡花街恨水色淒涼柳帶
愁儲淚幾回傷聚散結腸百轉嘆沉浮感恩知已

頻回首頗有琳琅聲味投佩聲皆作容城令

五月

初一日

樓居有述 短筇千里來今夕薛公有約貞金石

▲客近予意甚殷腐儒名姓聞夙昔山勢參蛇分太

行大橋村炸絕塵跡曲折何殊履高閣坐臥依然

樓百尺眼前山色不盡收胸中邱壑豈外適飯豆

羹黎復何求盟雲誓水成三益萬事只宜靜裏看

百年到處俱作客

初二日

日譜

卷二

三

曹滋甫澄甫邀遊百泉同陳靖君聯袂而往過諸大

夫園亭頽廢者過半滋甫曰二十年前尙可觀三

十年前極盛時也抵清輝閣澄甫先爲治具借李

天池張敬之在坐清爽絕塵泉水之北東坡題蘇

門山湧金亭六字於石亭下波光日映水草縹緲

若五色雲炫人心目入聖人之門瞻拜先師轉登

嘯臺望邵窩二祠雖日就傾圮然高人風致自不

可以劫數遷流山靈應借二公生色澄甫曰稍東

與邵祠並峙者聖母宮也時而進香男婦紛雜備

山滿谷孫邵一祠絕無過而問焉余曰古來隱者

子可聞不可見可望不可即如昔所云陶公坐高

秋俗士不敢入况此蚩蚩無知之人乎眾曰然

過諸大夫廢園 遲我來遊三十年園林臺榭半

頽然靈源珠吐仍依舊假者難真真者全 題百

泉 百畝泉源滙百川如斯不舍古今聯康民濟

國無窮利天一生來自有權 題嘯臺 長嘯山

頭事最奇清談叢裏別開基遺康數語深於易務

怒不形是我師 題邵窩 易學淵源另有傳不

慙不爾歷多年欲尋安樂今何在豈向先生問渡

船

日譜

卷二

三

初三日

客談獲嘉賀仲軌以鄉紳家居聞 先帝變同妻妾

從容就義

初四日

曹滋甫出其家藏翰文冊索題予題曰聲歎依然

初五日

許傳巖作梅過訪山庄未遇

初六日

訪許傳巖給諫望西山諸峰翠色可觀土人云此青

羊白戈之數也有句 諸峰聯翠蔚生文請聚留

爲屯若雲豈是昔年錫馬帝亦非當日書州軍提
安祇恐作虛應龍絡或難策寶動以買牛稱雨
便太行深處足耕耜 抵九聖營一學上道傍端
立目予而笑予曰公必陳靖君兄弟也答曰姓許
遙知公來故不相避延之居停卽靖君書館靖君
兄潘源太和俱來代傳巖設款竟日爲詩以贈
給諫高風迥絕羣獨行幽澗意欣欣世緣盡付春
來夢物態幸同雨後雲山水清奇能着我乾坤浩
蕩更逢君論交別有聲光在分袂還回已夕曛

初七日

日譜

卷二

三

題薛園竹林 一片森陰竹影移風清難遣俗人知
松梅自古成三友偏我來遊事又奇 數盞意酣
忘暑氣一編興會足幽欣主人遙憶千餘里應喜
儂來臥白雲

初八日

晨書觸目示從遊二子 吾家太行山之東西南千
里勢愈雄腹背面目雖未熟蘇門烟景獨稱隆我
愁薛樓已旬日目之所觸神已融大者龍躡小虎
踞遠近吞吐理無窮獨喜珠璣百泉水悠然派衍
萬壑通澄泓鬚眉立可鑑魚鳥忘機無事中另遊

紛紛刈麥急連陂稻渚方墜工日夕香氣竹風來
榴花爛熳火讓紅樓前植樹棕與桐樓虛四牖引
清風遙望戴笠荷鋤者似無租賦擾其躬老天坐
此心自空此樂願與二子同

初九日

勉攝斯 爾志非流伍爾氣非人俯我謂志宜堅志
堅誰敢侮我謂氣宜沈氣沈誰得怒此在學力充
充實光自吐章從聞處積不由人去取

示望兒 爾性亦不愚爾識亦不惑所慮者簡束未

必詣自得所慮須藩籬未必契規則學先破流俗

日譜

卷二

美

俗破立自特此道非義讓功深惟一默
邀交眺飲以詩代柬 蘇門名蹟不勝遊清絕於今
在薛樓面背拱朝各有致堂軒室閣總成幽絕看
山色連陰入近聽泉聲雜韻流好待良朋同眺飲
地靈從古借人留

初十日

名薛樓曰聞嘯樓蓋樓與嘯臺相望取一時作客嘯
歌之意昔見公和其人焉爲一絕 倚樓遙望嘯
臺空迹跡逃名大化中欲繼嗣宗聞一嘯鸞音恍
惚與心融

望兒問登何以不言而付之一肅曰登之時可以不
言也無可與言也火輪之論全體皆易習室豈復
有兩身段隱矣何以言為不朽精光聊寄之一嘯
以洩其秘予謂肅即言更有深於言不言要看得
活

十一日

善感 我來千餘里思見英雄人胸中羅古今萬物
待其新入也而天遊釣渭與耕莘不然隱君子山
水樂相鄰邱徑適吾意皎潔不染塵二者皆悠遊
斯道竟沈淪乃知古人出則堯舜其君民處則坐

日語

卷二

三

使風俗淳尼父嘆未見好仁惡不仁仁可覆天下
亦可善其身此字不分明痛癢總不親庸眾無是
非英雄好惡真此是經綸手千古一人倫

問好惡要分明便不能無言說有言說似非其默足
容之旨曰正不相妨孔子一生默而識之者也而
其所為所誨皆好仁惡不仁之事莫把默字看成
填穰莫把好惡字看成激昂好惡不從默來便不
得肯綮夫子致嘆於未見正謂其多浮動之好惡
耳試看好仁惡不仁能好人能惡人一毫已意不
得而與焉此非得力於默者曷能語此默字一味

聞終不怨天不尤人下學而上達便知好惡自是

十一日

與客論蘇門山 蘇門之山等一卷草木不生色猶
然何為博得古今傳幽事由來在百泉百泉奇絕
自生妍山不在高靈在仙更有名人踵後先靈脈
元白遺山延千里相望幾盤旋應有高人得其全
靜坐 幽懷正在寂寥中無事合尋靜坐功一日
云只兩日子西聊與我心同

日語

卷二

美

加多非能少害人飢渴更難醫
省思慮 何思何慮葛天民益我情緣役我神省到
懸壺不動處心如頑石却歸真

十三日

得輝輝烈婦吳氏孔氏蔡氏趙氏事四則入取錄
題松竹梅三友 挺挺圍中松幹枝繁且那開門
見君心氣喜為壽 修竹含西林日供賓客賞
無車馬喧讓我獨稱長 高士如梅花道尊香自
寂偏宜雪後看幽韻誰為敵 誰為松竹梅三友
詩從遊二子亦各有作爾世無梅並時於松竹之

問徒追憶之而增想耳予因慨然曰正如吾黨二
三子有清挺如松者有清韻如竹者有清幽如梅
者或遠去數千里外或遠在千里之外或在數百
里間即近亦在百里間各有事事豈能一日俱集
思之而即至乎復爲懷人一絕 松竹之梅並良
朋聚難停雲各持望離緒減清歡

是日俗獲隱商 漢家氣運既將終何至生公萬古
雄天地人心同一體照臨處處仰神功

移榻 移榻高樓快客心衰年未倦日登臨元龍百
尺猶虛願祇以一言臥至今

日譜

卷二

美

睡起 夢中別是一乾坤著面時時帶枕痕起坐欲
尋山上路掩扉獨步已黃昏

莊外席地月夜皎然回首家園六子四處立雅守祖
父墳墓博雅尚雅寄居祁陽奏雅積雅樓連淇水

望雅從遊蘇門別雖未久而團聚未期口占二十
八字 萬里無雲孤月明蚊雷初動暑方生遙憐

諸子平時意四處樓連百感生

十四日

友人惠文房各二種 喘樓從倚自英英四窗

波客情銅瓦成逢松使者毛錐幸遇楮先生六

亘古元無悔千聖源流終日明奇跡蘇門開嘯
脫巾聊寫水風清

山行 足健身閒汗漫遊到來無地不清幽佳山有
客旋宜避野寺無僧政可留世態偏嫌熱處着人

情好向冷中求變龍勳業他人事烟月一竿釣蓼
洲

夜涼 白水清秧匝地流天教病叟此中留花經名
客神偏艷士似枯禪道更幽四野蕭蕭風襲面中

天皎皎月當頭夜涼有喜眉間動例疾從今莫一
寒

日譜

卷二

平

十五日 空山紙乏力不能多構有可紀載從遊二子取葉
之以當簡 紙貴空山似洛陽特令竹葉入文房

天心似厭無知輩未許競多亂舊章

過石門三仙宮有老僧八十一歲問其號曰亦人無
號可稱從遊二子再問之云如前予曰空門一切

皆空矣有句云 未必老僧能盡空空門元自有
宗風全收炫耀歸清寂避世繇來意有同

十六日

一友問定靜安慮四字作何分疏予曰照志據依游

四字體貼其意自見因爲四絕 孤學紛馳志未
或迷多蹊徑擾吾行果於道內無旁適那怕西天
萬里程 誰憐風雨浪中過孤力難持洩越多行
道會心終不失一腔痛證自無波 日在危疑震
蕩中造微那得有餘功仁能顛沛必於是萬里安
湖御順風 上下分形雖異名其中條理自然明
括來事事成遊刃中道從容百慮亨

奇才非有 先儒云欲爲一世經綸手宜讀數編緊
要書周易孔麟蓋莫緊要於此矣箇中旨趣良非
疏解可了礪州司馬豈偶爾道及當必有進而求

日譜 卷二 望

之者

十七日 得博兒邠州家字 勞兼薪水古人期磨礪偏須煩
餓時不敢貽憂千里外此言頗解老人頤

十八日

蔣履貞自定興至借構斯南行

于度問士固不可苟富貴顧亦豈可徒貧賤然業已
貧賤矣不尊則不信不信則弗從即欲不徒貧賤
烏可得也日應貧而貧應賤而賤則貧賤即道也
即仁也不以其道之貧賤尚不可去道中之貧賤

而可去乎不去仁者不去此貧賤也無終食之選
造次必於是顛沛必於是善德無一念一事有不
安貧賤之心也貧賤至此而豈徒設人不尊我而
我之道自尊人即不信從我自得以得天下後世
之信從此是義盡仁熟境界只在此處貧賤之
中窮不失義達不離道非兩件事禹稷顏子易地
皆然元是一樣人

十九日

同于度諸子再過百泉山光水色欣欣相接因賦放
翁山水曾遊是故人句令望兒足成之

日譜 卷二 望

抵貢院五經閣上巍然大士像在焉王司分考
列於下戲題一絕 儒元釋教列三門貢院何來
拜世尊怪道嗚云佛力大三千士子盡成光

二十日

于度歸淇 我老江湖爾老漁漫差漂泊食無魚琴
尊盡典懷涼夜好向虞卿學著書

二十一日

友人惠茶 炎深寄跡在天涯竹院尋僧自在茶惠
我鮮芽煎穀雨游塵忽已脫繁華

山僧送茶 不廢朝餐與夕飧一兒一僕度晨昏

僧饒我園中蔬蔬齒還能咬菜根

二十二日

客有言買山者 出門已博雲千頃行李仍留月一

囊隨意耕耘無遺賦買山得此最為昌

二十三日

示望兒四絕 有身吾生平喜幽閒慕靜逸然未免塵

事營擾敗我幽情不得閒惡能靜又惡得逸心逸

日休有道之士也須從淡泊甯靜中來今日境幽

身閒正宜理會靜與逸是何光景四字相因能為

山谷之幽人當世之閒人自可稱靜士稱逸民學

日譜

卷二

三

問親切趣當自見 幽 清澗茂林修竹旁不禁

俗士日相妨坐看見寫黃庭卷倦倚高樓納晚涼

閒 塵務何由有了期空山孤寄淡忘時着衣

吃飯作功課邀月眠雲意自怡 靜 怒浪驚濤

幾受侵鷄鳴無語自追尋工夫只在行無事伏虎

降龍不動心 逸 無端桎梏自相招踏破樊籠

便九霄隨意居遊無望碍莊生讓我說逍遙

二十四日

題竹筵 閒將竹筵寄幽思那復當年掃蕩期遙憶

旅懷郭有道兩情相對無言時

二十五日

友人書室成索額予題曰自覺齋隨遊以字云 舉

世在夢迷中誰為覺者古來獨伊尹稱先覺大賢

而下皆急須自覺耳試看此事從何得正自他人

著力難願與同志共勸之

澄甫自名其齋曰藏拙予聯云 巧留一線即成偽

拙到十分更見真

二十六日

出門與農叟談久之戲作 榮辱場中不問渠是非

叢裏不關余人人各負經天手日在鏡頭而在劍

日譜

卷二

四

二十七日

四石盟有序 吾居停有四石焉南垣下曰太湖敗蔓

絡身面目不可見下有小石如獸抱子玲瓏可愛

然面前去樓太促樹木繁雜東西二石並峙其性

喜水微有枯槁之意予日與之對摩抄相語石亦

似解予意也若謂予知我而不能位置我與不知

我者同予日爾有賢主人我將代爾言因相與盟

閱世莫如此石深堅貞之性不受侵四時常帶

太古色代謝興廢浩莫測雖然古蔓絡其身太湖

本質豈失真堪喜小石如虎踞玲瓏那論置非處

雙劍嶙峋峙西京不出渴水亂其中石不空言若
有意謂我待若結詞志予亦終身愛慕情相
對欣有託肅然再拜與君盟至人千里一
人運樸倍於爾應為爾等解縛而吸水

二十八日

題園花

後園花事儘堪尋位置寬閒意亦深傾
無人恣芻牧牧童未解主人心

無雨 眼看千里盡焦枯三月出門一雨無屈指立

秋能幾日西成何以慰來蘇

二十九日

日譜

卷二

墨

贈趙秋杵

有序 秋杵年踰古稀以奕擅名既鮮敵手

而琴復清絕亦寡知音形而下者如此况形而上

者乎為一絕貽之然終惜其未遇也 千里攜來

一素琴高山流水鮮知音聞君一曲廣陵散喚起

當年叔夜心 一局英英自擅奇河圖數內得心

知拈來只覺不經意未遇英雄決勝時

題藏拙齋

拙齋自命意何長但恐工夫參未詳世

巧豈堪輕著眼約君同拙不須藏

孟調之李霞表同奏兒過聞嘯樓

三十日

偶題 世上誰為第一籌祇因初願得相酬愛山真
覺山容靜樂水偏欣水色幽月落萬川無二水
歸一致總同流拈來信手皆成趣豈向遺編汗漫
求

六月

初一日

李天池過我 到處焉能使俗瀆孤舟難繫臥雲身

舊從燕市飛談塵迥向蘇門垂釣綸未識三千條

歲事已成六十七年人與君猶恨相逢晚知我何

妨過我頻

日譜

卷二

墨

初二日

奏兒同調之過林慮牛叶應王開右各遺一字二君

乃行塢所託以作居停者

送孟調之遊林慮 家世大梁素有聞蕭條孤寄砥

流紛眼中邱壑能藏我脚底乾坤獨信君煮酒漫

談杰士事買山聊策洗心勳此行林慮多名勝揭

得白雲好共分

寄懷祁州居停主人非有 觸目詩題難盡放開

雲亂石也風流愧無大手如燕許安得君家過

樓 是誰託友楚中遊斯語千年話未仕交遊面

今成砥柱殿君高出古人頭

初三日

讀困卦旅卦二絕得亨字 不能處困烏能享憂樂

關頭介死生但得剛中真要識諸般困象自消平

即次懷資重僕貞幾人處放得分明道無不在

非當荷中順甯云只小亨

初四日

新月 一鈎新月照銀河屈指相違時幾何好望依

依歸去速明朝漸喜傍人多

初五日

日譜

卷二

七

自傲 忿忿繁心喪我真見伊不是便非仁同人於

野方為德富以其鄰猶是貧稽古未成乏自得用

迷有志問行津眼前流水何停際濯足還思一泥

身

觀釣 六爻怡喜遇風山種月眠雲水一灣省事人

問惟有釣好從之子共清閒

初六日

友人泊具就余是日謂之龍會日夕得雨 羣龍相

會意如何浦雨油雲萬物和通志由來惟君子三

人不速更加多

與友人論詩 病骨空齋火除離家千里苦無書
作詩何與吾身事偶爾幽情真可掬

初七日

雨晴 雨晴翠色更堪親觸目催人詩句新光景千
年道不盡眼前一點是天真

初八日

先考忌辰 有序 考棄予四十六年矣初不肖兒為國
人率諸孫叩首墓下猶足冀先靈慰而享之今兒
若弟俱逝守墳墓兆立兒與二三孺子耳不肖孽
在千里之外長一歲倍切一歲之痛依遠一里倍

日譜

卷二

八

勞一里之許望情事較往年更覺難堪怡然於
率成一律 四十餘年見背時到時登復有窮期
衰遲倍切瞻依望隔越尤深焉慕身閱事定
自守心馳屋漏敢誰欺平生殊愧乏迎養客歸靈
魂一格思

初九日

友人出遊不及從賦此 閱畫名疆亦是偏誰知好
景只當前雲橫不渡山容媚雨細初停花氣鮮悅
且幽情塵外領賞心樂事意先傳古人到處人欽
企試想梁鴻與仲宣

初十日

贈三無氏有序予姻友李霞表生平口無雌黃目無煩惱胸無機穢予因贈之為三無氏然勿讀易老而無倦其書靈與漸之六爻與否之大象以示我思深哉其命我也至矣且明於釣術時臨溪執竿心無所競釣也又通於易矣 易學從誰問渡津三無便是易精神深明釣術恰相合混俗即為脫俗人

十一日

追想從前夙病每犯多因飲食作此自警 平生常

日譜

卷二

兪

與病相隨防病須於未病時下箸儼然如對敵無端憂患豈能窺

十二日

聞愁感甚 何事雷霆怒不禁祇緣忿怒素凌侵忽然自省幾微際一語相欺猶動心 忿怒出來是上魔洗心自合用工磨犯而不較作何景雲淨天空見太和

十三日

題王允明釋學篇 纒纒千言釋學篇源流本末俱昭然不能默識不能釋千聖工夫一字傳

十四日

讀杜君異才非有高薦警所為望兒進奏集序意各不同固各有其意也致各不同固各有其致也固為懷三子詩 三子我良友相期故不羣潛心攻此道合力扛斯文致可供僉賞意還足獨欣江南與冀北遙望幾停雲

十五日

客有商蘇門卜居者作此示之 從來寄跡多名賢試看南川與北川地利屬誰誰享利此山愛與客為緣

日譜

卷二

辛

憑几偶題 養病蘇門暑氣薰不言終日自加勤有時閉閣常思過無事閒居正策勸愛竹觀蓮清偶寄登山涉水意交欣此心空洞元非滯玩物還為物所紛

讀易舍爾靈龜戲為一絕 舍爾靈龜不自顧未雋竊喜影形隨龜山恰與龜齡合又有龜堂陸子詩韻兒攜家過閱嘯樓

十六日

移入城居停瑣屑一切應用之物皆澄甫兄弟為之備

二十日

示望雅韻雅 病來藥可廢客至酒難飲此况清
憤兒曹漫自嗟

二十一日

讀輝縣志得節烈四則 入取節錄續集

二十二日

望兒爲友人寫超然臺淫孫十一歲彈歸去來辭因
聯云 坐看兒寫超然記臥聽孫彈歸去辭

二十三日

易州趙九如名巖因王申之譽之備九寓書通相從

日譜

卷二

三

之誼答云 披誦手字見吾文虛懷之甚未免有

過於信三友之意王汝止於陽明先生已輪服下

拜矣夜而思之有不合處晨請仍據上坐行復辨

論必至於心折而後納款北面足下於僕未嘗不

顏接辭徒以信三友之深而洗心束身投誠於千

里之外卽此一段虛懷所謂篤於學道人也古

且難之豈敢望於今之世三復手教愧而生敬姑

就師友一道略言之師云友云爲學而設也世人

於學之一字不明則師友之道皆廢矣孔子一世

自謂好學獨許顏氏子爲好學試想此學是何等

事內聖外王天德王道一了百當而不足以滿學

之量學不厭不厭此也詩不倦不倦此也六言六

蔽非學不祛無物不有無時不然亦惟學方能體

認耳三友既從事於隨時隨處體認天理一語此

便是學之大旨也引而伸之觸類而長之道豈外

是與吾丈既信三友之深潛不以僕言爲迂也

二十四日

舊高陽令陳守光卜居蘇門因贈以句 傳星曾喜

接吾鷹復向蘇門共卜居聲味由來流賞外風塵

此日論交初少慙計吏公車與老懷諸賢啟事書

日譜

卷二

三

泉上從今風月好得君且莫賦歸與

二十五日

同人爲亡女賦節烈詩愴然有懷 慘慘幽魂十五

年今逢良友一振宣詩來字字增予慟益切衰遲

兒女緣

二十六日

顏書室曰留雲舍因天池惠詩有山空試作留雲舍

之句故云 雲飛無定處我住亦何心客作留雲

舍應無物累侵

留雲舍聯 半畝亭臺唯種月一家生計只依雲

二十七口

絕薪 近山時有絕薪時買米歸來與已絕五十餘

年歲一字朝餐及午亦忘飢 幼試酒明乞食詩

此懷難遺俗人知五男紙筆俱無好種南山酒

一厄

二十八日

曹滋甫惠喜雨詩予答以此亦各言其志之所存也

一雨經三日幽懷漫自寬滂沱農色起零亂

心寒薪絕停朝藥糧賒減夜餐兒童相視笑此際

得清安

日譜

卷二

一

日譜錄存卷之二終

孫徵君日譜錄存卷之三

順治七年庚寅六十七歲

七月

初一日

江西陳寶箴 後學 武陟王 駱 校訂

九世孫世琰 世金程駱

韻兒讀孟子謂之曰子須先識孟子然後好讀孟子

書不動心三字是孟子一生大造詣大本領出入

千聖萬賢之中壓他不到真正是一箇聖賢象傑

百代殊絕人物試思道不動心三字千難萬難北

宮黜孟加舍一味用罔傳壯世卻有此等人然非

孟子所謂不動心也秉禮而處奉法而行當世節

日譜

卷三

一

道喪之會憂危惕勵驚懼多端獨能使此心坦然

甯謐故曰難也孟子自討老腳曰我知言我善養

吾浩然之氣言是與天下闢通之脈絡不知言無

以知人此是孔門家法至養浩然之氣則發前聖

未發之蘊且養無害塞乎天地是何等功用然其

歸者又言集義必有事焉勿正勿忘便與聖人同

一無息子是一不二已舜禹湯文周孔夫豈有他

道哉程子曰孟子學已到至處知孟子方可與讀

孟子

初二日

示途孫 途孫十一性何慧 屬對雖 奉旨徵 我謂

童子宜習勞 懽然趨事色無戾 想路依稀似成人

經書大義語無滯 敢云風雲萬里心 祖父家聲可

勿替

初三日

先仲兄生日 猶疑此日欲開筵 忽憶鵲原草已辛

零亂空山數點淚 南風吹向北邙前

初四日

鄉思 鄉思會聞老更加 豈耽寂寞滯天涯 無家安

得復相念只怕歸來益自嗟

日譜

卷三

暑深 暑深耽臥出門稀 例病從來正此時 寄思代

人成短旬消閒邀友戰枯棋

初五日

鄰人惠酒惠茶相繼致問感而有賦 酒美茶香惠

我頻多君雅意迥非塵 孤懷自愧疎慵甚敢謂今

朝喜得鄰

初六日

爲王允明構釋學編序 入歲寒集

初七日

七夕口號 女織男耕帝力多天工 垂象意 如何無

端競起填橋事徒惹詩人筆底波

初八日

爲賀宣三搆和論語頌序 入歲寒集

訓睡仙侍御 長歌 惠我長歌字字珠 空山日夕

對孤吟大河南北推宗匠老筆高懸萬里心

初九日

答孫睡仙 前惠雄篇吞吐河漢震盪風雲自是此

道奇觀也白也詩無敵翁於老宗匠亦云然過燕

門逾兩月爲例病所苦日兀坐空山應酬俱廢與

到時輒與一二同人過百泉 對碑間大作以娛

日譜

卷三

三

客懷擬於秋爽後體中稍健過林慮一遊聞道途

崎嶇此願恐莫之遂也南陽龍臥侯歸淇日當策

蹇相訪義棒詩想已就矣此等題萬不可少一作

答王允明索序 釋學三篇功深力到病中讀之爲

之起舞率爾成敘聞有便人入京遂付之竊思此

道吾鄉自鹿伯順而外復得年兄妄擬天地儘寬

尚自有 不 接踵其人者不意南來千里餘寥寥

乏人安得縮地與年兄常相晤耶

初十日

得甯晉張氏一門五烈 入取節錄續集

十一日

題甯晉張氏一門五烈 五烈一門真氣種 坤山借

爾獨峙 胸誰能不有潔身事 肯 肯讓婦人

共城喜晤徐 家世燕雲一偉人 蘇山邂逅得

相親 鄉心處旅情 偏為交遊世 門誼更真 行甯借

君光氣色 江湖待我娛 閒身從今已 肯 鳴好風

月佳時 惠句新

十二日

立秋 一葉飛來天地秋 雨餘暑退半窗幽 長途未

墜詩書業 晚節甯為貧 賤羞耳絕市 貴之物 果門

日譜

卷三

四

無俗駕與天遊 烟波萬頃留聲起 好覓綸竿上釣

舟

十三日

寄賀宣三 函樓信宿意 申言外俱見 至情此誼豈

可多望於今之世 且令兄令郎 殷殷相愛 莫不如

之僕 何以承此 賜德 豈別來 晤港 虛司馬 下士之

懷 迴出 涉 伊 時 即 作 字 託 李 允 繼 舍 轉 致 意

得 達 矣 僕 留 滬 三 月 此 中 山 水 頗 興 客 懷 猶 在

擬 從 此 過 林 慮 一 遊 先 送 小 兒 往 禮 只 薪 水 之 數

萬 非 貧 士 所 能 居 目 今 家 口 在 其 城 洪 水 兩 處 倘

未得定止耳 所委論語 頌序 草率 報命 竊思 此道

千餘里來 竟無一人 提起 舉世 行習 舉世 不著不

察 良可 浩嘆 足下 大力 深心 肩承 此任 關係 匪細

北歸再過 門樓 當為 傾吐 耳

十四日

高賓皇齋 頌漫賦 自是 凌霄 一輩 人偏來 塵外 著

精神 都忘 忌諱 談方 洽盡 解儀 文形 較親 事到 快

心多 具癖 品成 足色 總歸 真得 君不 恨相 逢晚 莫

向天 涯嘆 此鄰

十五日

日譜

卷三

五

友人說買山 涼雨 新秋 迴孤 雲獨 去還 噴詩 消旅

病讀 易伴 身閑 萬事 隨緣 度一 貧到 處艱 巢出 箕

賴便 何用 買山 錢

十七日

張羅 月雨中 過訪 積雨 孤蹤 百感 生到 門有 客獨

英英 遠聞 佳士 猶神 賞老 見奇 人更 眼明 聲氣 飭

氣千 里合 風雲 指顧 九霄 輕居 停高 誼出 塵外 豈

減南 州下 榻情

十八日

工部 馬玉 符名 光裕 過昭 山西 安邑 人

十九日

送牛叶應之秦 君家林慮陽我住易水曲
里隔顯晦亦殊局一朝聲味合謝肝傲若烟
知己言所在不一足愛而忘其腫直俾石為玉
憐器謙薄孤學日益精衰運窮困身 無長可錄
飲君設項心政貽金蘭每乘鼓出秦關名世正相
屬遙望勞勞亭驪歌聲相續

二十日

贈馬玉簡水部 斗山元在望未暇已相親
平生謫然市漢真德欽去遠高襟照等倫公餘
開絳帳百年計作人斯文欣有託
燕腐儒等亂故交淪感君塵外意無隱不披陳古
人醉醕醪此語良有因歲月驚秋早江湖旅色新
名世與幽士蘇門其一鄰

二十一日

友人談蓮花勝開病不能往觀憶而賦之 會小
塵泥水漬蓮花叢裏寄身鎮日坐臥不厭類一
日不見花若喚西郊避園香滿闌月伴招烟滅精
神椰陰橋畔色自新爛熳紅白語津都不能力
往相親終是與蓮隔一塵

二十三日

西郊觀蓮 君子不可見花中得其真者看
擬擬不染塵不以有人芳不以無人草幸不值風
雨坐悅清暑長無欲心乃靜蓮
幼來儼如對佳賓亦思一舉痲病因復巡巡潔肅
三致意示我渡世津恨不結一茅張食水之濱
寫香與色知君聞已願託契在幽獨有值看花人

二十四日

鄉僧過訪 敲門借問是同鄉提起家園欲斷腸
嗚廠持麈性詠無勞回首望斜陽

二十五日

秋晴 久點初晴秋氣新衰年亦助一精神形無潤
澤雖云病舍有粒歌豈是貧老僕淇園能負米小
童山澗可收薪一編周易讀將竟答譽元來不自
人

二十六日

答友人問疾 僕自二十二歲六月中遭先君之變
隨患嗜嗽嗣後每年輒犯迄今四十六年平生於
病可謂有緣矣兀坐如枯禪萬事皆廢薄福之人
苟延殘喘所以不敢有繼毫富貴功名之念今歲

居蘇門應酬時少靜坐日多事未至於狼狽山水之靈也臺仁之庇也

寄湛虛張司馬 先生當世第一流未始先生知有先生既晤先生唯先生千里出門為不虛矣蘇門三月擬從此過林慮近大賢之居殿得常瞻顏色不謂道途崎甚衰病之人難於跋涉且彼中薪水甚艱大非貧士所宜日今思覓一枝暫棲於此曹子推先生之愛意極殷至某之受庇於曹子者是即先生之惠施無窮也

二十七日

日譜 卷三

八

昭明道先生裔孫 明道先生百代師裔孫世系列如肩算來六百年間事家學淵源應付誰

百泉訪邵振宗不遇振宗康節先生裔孫 君為康節之裔孫安樂窩中故址存落落孤雲何處去令人惆悵叩柴門

二十八日

再題義棒 精亦尋常物無勞珠玉裝一朝兄弟台千古友子芳伏虎降龍手屢冰囓雪腸歸來應愛惜夜夜護清光

二十九日

贈友 一日一番氣色新眼前光景莫生嗔呼奴不至宜平怒待飯未來且檢身坐有良朋實足樂囊無長物豈云貧巨細精靈元一貫等閒認得即家珍

八月

初一日

客有好感否人物者作此示之 由來感否寓春秋防口如川更可憂百孔千瘡難自醫是非何用到人頭

初二日

日譜 卷三

九

客堂太潤移榻東偏為作此句 蓋茅一把可藏身堂潤棖華未似貧握扇全然無用處秋深肅氣恐難親 欲移小榻東偏室額留雲正好眼掩窗塞窗風力失身安且可省加綿

初三日

章芸屢惠詩酬此 孤學不名家作詩亦非意獨以澹忘心聊巧為自試夙昔勉朋儕故交南北地喜得徐孺子山立質自異一照驚流塵深談淡素志高吟三百篇一字無塵思我史嘉其樸心口殊無二於我父子間論交有獨至飛鳴應在睫勿謂我

不字世豈有定局清亦非一
致君子慎所履小人
得所視

初四日

雨霽 連日陰雲此夕和忽來羣鳥噪行窩似應戀
我不飛去卻比俗交情更多

讀葉謙齋詩譚 葉子詩譚不在詩合盤學力具於
斯非從言下窺元秘還憶躬行實踐時

初五日

友人偶拈四語相質意甚愛之取作首句為四絕

學先主靜非耽隱靜裏工夫惟戒謹則行之要

日譜

卷三

十

則違有心遜世即為悞 丈夫無品焉能貧困倒

從來無限人筆瓢疏水尋常事孔顏樂處此中真

海內論心甯有幾古人尚友置身偉為君請轉

一言云於野同人豈比匪 老松閱世不嫌霜玉

汝於成意甚良駭綠紛紅雖燿俗一經風雨便跟

踏

李彝卿名經國過訪滄洲人

初六日

東李彝卿兼致封印令宋子飛 蘇門秋色入懷清

佳客相過雨意傾千里款襟談故國一朝攜手訂

新盟乾坤愧我精光薄湖海看君意氣橫此去封
邱只一舍好將蘭味託琴聲

初七日

夜雨不寐作此自規 淒涼夜雨不成眠冠縱魔橫

正竊權此處豈容人借力廓清須恃已當前 誰

云難過鐵門闕玉鑰匙投一瞬間自在遊行成破

竹陰晴風雨總歸閒

初八日

予與彝卿談甚久多及千里以外節義事彝卿樂為

言繼而曰士人喜談節義事固好即不喜談而不

日譜

卷三

十一

惡人談亦是好處予聞而悚然因憶有一貴人向

其同儕頌一人之賢也其人若罔聞復有人再頌

其人之賢也其人總若罔聞旁觀者訝之予曰不

觸其怒足矣蓋賢在彼則不賢在此矣非克己之

士孰肯輕與人以賢之名而以不賢自處乎顧厨

俊及互為標榜皆不善居其賢之過也無譽無咎

道固應爾因紀之以示我子弟

初十日

得太康烈士王樹采秦尚友大興李毅侯臨江楊伯

濟方與烈婦李氏陳氏死事六則入取節錄續集

十一日

諸友泉上賞桂花不及赴 百泉仙桂關香魂嘉客

遙臨共一樽愧我非時花枝插素將病骨倚柴門

水部孫紹開光啟雞澤令朱方來級過昭供廣西人

十二日

高賓皇招飲山莊同孫紹開水部徐章芸孝廉 曲

徑清流致委蛇幽篁深處足棲遲主人好客饒風

韻萬里中原共一厄

贈孫紹開 與君相隔數千里倏爾相逢百泉水傾

蓋投權猶素交肺肝昭示無藏百樵漁牧豎可居

白譜

卷三

三

遊花竹禽魚供徒倚昔年花滿境相連此日河清

鄰復比古今元在覆載中南北何殊 襄一寒

豈自插藩籬同室應無違視指任教而覆與雲翻

流俗借君為柱砥

贈朱方來 湘水源流遠桂林發脈奇地靈不受涅

人傑自相宜迢遞他鄉夢棲遲故國思漫嗟雲路

迴遊旅有心知

十三日

憶王申之孫備九王譽之三子 一從陵谷遷到處

未安席顏已全非朱貧仍如是赤平時徒自盟也

十四日

日竟無獲遺憶我同人夢魂飛旦夕

張湛虛司馬惠詩見懷用韻酬贈 南來懷刺到侯

門滌盡塵襟對酒樽易學已探千聖秘麟獨獨

一王尊公嘗自言讀易讀春秋然皆未解 仁元造次無容去道豈

須臾有不存每憶箕疇當日事此懷難與世人論

世事渾如河白波遺愁疑若塞黃河山空好聽

蘇門嘯耳熱猶聞易水歌康濟一身非見少彌綸

萬物豈加多出迷正借鈞陶手霜髮蕭蕭奈老何

十五日

白譜

卷三

三

翫月有述同共城諸君子 萬里此明月無雲特快

人良朋攜酒至樂意轉相親 坐月到深夜中原

氣色清天心懸一鏡疑為客星明

彝卿惠柬口號 為因竹葉入文房殘卷裁成束甚

良毛穎輕烟欣得友等閒題遍舍東廂

十六日

坐月有述 忽然一夕過中秋但恐清光漸漸收圓

處憶從缺處得人心逸去幾能留

十七日

讀世說迂談 流寓共城訓應既少有暇可以讀書

但目力昏迷苦不能多予姻友李霞表讀世說每當快意輒爲予頌之予亦爲忘倦至於牙室太利筆鋒過銳者每多以理裁之而慮其過甚也夫不學之流弊自應至此獨念司馬仲達欺人孤兒寡婦狐媚以取天下石勒且羞之而國祚將二百年不爲不久矣說者猶謂亡於清談予謂晉祚而亡於清談也司馬氏之幸也不清談將不亡乎獨惜一時清談諸君子奇情曠逸真所稱賢知之人與未聞君子之大道也不讀人間非聖書凡可以奪吾好而易吾聰者蓋有百倍於此可不慎諸

日譜

卷三

古

十八日

孟調之惠詩用韻訓贈 砥世茫如障海流維風難似移山邱山川豈爲興亡改氣志皆因衰病休故國十年罹患難蘇門此日復淹留感君千里書迎我攜手一朝味更投借古聊評當世事說此心憂素琴可冀知音賞寶劍遑堪碎離投老未除遊俠氣途窮不向俗人謀雲臺未審誰龍虎涇浦憑人呼馬牛喜爾兄弟皆一德慙予父子隨同舟長生乏藥精光短挽日無戈歲月適惟有澄心而定慮宛如溪鷺與沙鷗採薇何必西山岑

鈞無庸東海陬淇水百泉只一舍皎然心事兩悠悠

二十日

李彝卿悼內賦此慰之 與君見云晚契君誼偏切每聞知己言名義腸獨熱口談猶未置繼以筆爲舌因悉君家世蕭北稱閥閱忽有內子慟慘淡情欲絕自云四年來嚴親先見缺繼之以慈闈伯兄又別笑號一寡妻漂泊病相擊一朝忽棄捐牽衣兒女咽因念閨中人婦道未嘗缺公姑能稱懼子心亦云悅且喜同茹淡俾我無差跌五女兩男

日譜

卷三

古

兒苦累形神竭一念一迴腸負慟無容說書仍有此日日裏心徒熱夜仍有此月月下氣倍結我聞之子言吁嗟食爲噎坤維有足風英英女中傑君非苟奉倩婦德可昭揭

二十二日

友人問如何是道學曰日用間凡行一事接一人無有不當理中情之處此所謂道也即所謂學也必待聚衆上坐開講擬程擬朱恐其名是而實非道學之實不可無道學之名正不必有

二十四日

張達元先生寄問 三十年來聲味投感恩知己兩
相稠書生無地酬明德元老迺思慰旅愁渭水潭
澄綸未歇傳巖墅冷夢聿收黃扉豈向青山老道
在仍同箕子籜

二十五日

馬玉筍水部招飲同西粵孫紹開古燕徐章芸大梁
陳守光 揮塵飛觴兩意和蕭蕭白髮醉顏酡六
千雲路天中飲河朔當年未足多

二十六日

友人問諸儒同異曰君子亦仁而已矣何必同再為

日譜

卷二

六

轉一語曰君子亦仁而已矣有何異因咏放翁詩
云未言看到無同處看得同時已有功

二十八日

答王允明 中秋後讀石友沈公所寄字透胸達背
見理真切若來教云聖賢之學有大主宰大主宰
處透悟由也升堂顏曾入室矣此言最可味夫主
宰者何心也此心我與千聖萬賢一而不一然非
學何以知此心之與千聖萬賢無二也非戒懼慎
獨勿自欺其知以為學又何以能令此心與千聖
萬賢無二也言知便在行上不能行何以謂之知

陽明子知行合一之論既詳且確羅念菴痛除將
就冒認四字正為所行非所知者下破一言可以
盡終身終身不能盡一言甚矣知之非艱而行之
維艱願與吾丈共勉之來教云聖人之心與吾人

之心一而無二學者知自己之心則知聖人之心
謂聖人必可學而至見地既透發願亦猛烈吾人
卒難與聖人合德者只因此心久被私欲隔斷非
時時用省察克治工夫則昏昧既久放逸難收又
未免認賊作子到的知止而定理欲分明時此心
便有主宰便好下手聖而不可知之謂神亦此善

日譜

卷三

七

信也此言最是日用循習確有實際下學在此上
達在此但不容的一毫表暴一刻作較孔聖人非
時習安得有悅樂悅樂後仍須防愠意纔可謂之
成德來教云蕭霍申屠房宋裴李之流其相業彪
炳千古然而謂之聞道則未也又曰周程得君行
道安知不為名相則是以周程為聞道乎非聞道
乎僕嘗謂尼山聞道二字除顏曾而外恐未敢多
許道統天地古今之全合從來帝王賢聖發揮不
盡不過各就所值之時所履之位行其一端堯舜
之禪讓湯武之征誅周公之禮樂孔子之刪述繼

其時之所發現而中之所託處遞衍之而為事功
為節義為議論亦各道中之一節一日聞此者不
論窮居不聞者不論大行君子所性一章直揭底
蘊士生孔孟之前定案毫不可易士生孔孟之後
立論亦難盡憑若周茂叔程明道心性處了然分
明庶幾所謂聞道與

九月初一日

錄姚江語數則粘座右

書西銘

日譜

卷三

六

初三日

夜雨 蕭蕭一雨到天明入耳簷聲淒復清不足有
餘天地感恒風恒雨豈無情 天道由來非渺茫
細思何日是平康綢繆陰雨終無礙但覺黃綸襖
子長

初四日

淫雨過甚樹上生苗三寸許 淫雨連綿動入旬二
分秋色已沈淪害耕傷稼尋常事泥榻青苗精面
勻 一暴十寒秋色闌流光一去再來難從頭檢
點吾心事能幾清甯日月寬

初五日

一箇僕穿打柴值淫雨僕且病柴不能辦計日授直
更增苦累戲為口號 貧僕特來為辦薪入門值
雨病遊巡主人姑息應憐汝授直加餐更苦辛

初六日

題扇 此扇誰云意已疎卷懷珍重自如如行藏用
舍非關已好待明年二月初

初七日

望晴 密雨稠雲晴復陰眼看秋 森誰能透
得乾坤秘冷暖升沉不動心

日譜

卷三

九

初九日

重陽漫題 中秋倏過又重陽心事悠悠難自量
菊既無兼之酒漫吟陶句兩三行

十三日

王柔之王大為視予共城云各北歸迎世兄同來
之子桓桓兩俊英有兄奕奕擅時名武 禦侮文
先後趨未深寒好計程

兩王生自西崗來余謂之曰處人不可全見人之不
是一見人有不是則責人之意長處已不可全見
已之是一見已之是則自責之意短君子小人之

分無他求已求人而已矣

謂望兒等曰此心一日之間不可令其無事無事則

非必有事焉之意又不可令其有事有事則非行

所無事之意然則相妨乎曰非也無事則一飲食

日用悠悠無知之民耳烏能行所無事哉必有事

者集義而心慊到得慊心時自能行所無事矣行

無事先自必有事始

十四日

謂奏兒等曰汝師伯順先生生平有三變為諸生時

有嗜書之癖飯至呼之常不應初登第一介必嚴

日語

卷三

三

萬人必往故到處能循職掌人人驚為破格事掄

闕三年功名之念已灰生死之關亦破每以朝聞

夕死為談柄故能從容就義而神不亂

馬玉筍徐章雲同時舉子戲為此句 雙璧同時報

獲麟天教世德煥家珍蘇山正自問無事湯餅進

頭好作賓

十五日

謂諸子曰人心無無念時念之所起即意也或理或

欲人不及知而已獨知所謂知也理必務存之為

快欲必務去之為快所謂誠意也理與欲不相蒙

正理中之欲亦不得蒙所謂致知也致知與

十六日

賦保汝自范陽來 千里徒行氣未降讀書喜爾得

姚江龍場三載成何日博得良知滿一腔

十七日

西崗人來得立兒容城家報博兒祁州家報 從來

貧病苦相侵兩地家書刺我心事有可愁難作喜

衣衣跌坐聽更深

二十日

日語

卷三

三

保汝欲渡河去看母兄謂之曰如汝去看母與兄則

母與兄便是物當去看即去看所謂格物也此念

惘然不受遮蔽所謂致知此念惘然無有詐偽所

謂誠意到得誠意時心有甚不正身有甚不修事

親從兄滿其量家有甚不齊有國者而國治有夫

下者而天下平凡舉一物格致誠正修齊治平一

貫到底一言以蔽之曰明明德只因私欲障

人有此全書大用人人皆天 良可痛惜

三十一日

杜清美以書生投筆就觀焉一弁迂其途來視余抱

別之際出一扇索題余曰汝欲為行道計耶遠矣
而應曰救死耳余曰能救死是亦行汝之道也此
身非無用隨地隨時可以自策不辱祖父不愧師
友正不在高爵厚祿間矣書此以當祖道

二十五日

過衛輝

十月

初一日

至西崗

初二日

日譜 卷三

馬梅斯自江南回攜張元微字二紙

初六日

寄刁非有一區博得嗚嗚傍半載蕭蕭各路長曾

約歸祁應有日結茅雲嶺待聯牀

節孟調之 問君何事繫眉頭日日相持結百憂近

得真人一字訣但向吾心可處求

贈孟服之 心火焦灼無了期細思此在試何為釋

無默備發源處依舊天竺雲淨地

始王腹心 翻覆而雲難料單人情久矣誰平康惟

君樸茂猶存古不謂而今見彥方

初七日

同于度醮謁之客館

初八日

回其城宿關外

十一日

謂耿保汝曰君子所貴乎道者三非專在容色辭氣

間論也正見勳容周旋中禮盛德之至非道學自

修以至惻懷安得有威儀

十二日

馬梅斯南來得死忠山陰劉宗周部處住王轅著余

日譜 卷三

煌陳季武北直王之仁餘姓熊汝霖孫嘉績列婦

涿州劉氏烈女龍游徐蓮姑等十則入取節錄續集

十三日

涑水李白乾寄詩見懷 開緘接得故人書屈指相

遠五載餘咫尺還思遠倍切讀詩字字起躊躇

十四日

得忠義淮安魏賢一則入取節錄續集

十五日

謂保汝等曰吾人一日之間念慮遷轉主實純駁不

知凡幾然非有一個善卻又有一個惡來相對也

陽明所謂善惡只是一物本體上才過當些子便
凡惡了肫然不雜一念恰恰合乎天理當乎人情
此之謂由仁義行生知安行者之事偶涉一念而
即覺之存其心養其性不違之復學知利行者之
事私欲萌生內省多疚然獨知獨憤不憚已百已
千所謂愚必明弱必強此困知勉行者事生安者
日齊天晴纖塵不起學利則浮雲之過太虛耳困
勉雖重陰積蔽而太空之體終不受礙我輩既立
拔俗之志念之善惡豈容自昧善者急為長善惡
者急為克治獨知獨修正在此處用功全不靠著

日譜

卷三

五

外面今往視其兄當以此語告之艱難困苦本性
正好出頭幸大家策勵勿甘墮落

十七日

謂保汝等曰玉筍馬公一日謂道學之名畏途也因
人眾未竟其說後見予與友人論道學之實不可
無道學之名不必有雖然有當於中謂其解先達
曹貞予先生以躬行實踐之君子猶不免貶謗於
人予曰甯獨曹公以陽明思而不免程朱也而不
免此固必然之世情無足怪然亦謂學諸公有以
敬之也蓋學者愚夫愚婦之同然正在不為夫婦

之愚誘焉還之以各得如講學者居然先自負為
聖賢君子之品從講者各自負為超羣絕塵之人
只此一念岸然自異已非遊世無悶之意旁觀者
肯帖心降志乎况從遊之人成千成百為名為利
安保盡能傳習師說保汝今日既暫寄居於此便
且安心靜坐我輩數年聚首不易親師取友安頓
身心是目前緊要功課如望雅既體弱不能耽勞
苦悠優涵咏謹疾課兒便是學問韻雅酬應之暇
章句不廢便是學問塗孫酒掃應對客至捧茶讀
書百字便是學問即如時童打柴買菜內外傳話

日譜

卷三

五

各無違禮俱是真實學問所在莫淺視此日用常
行
循理所以居敬踐形所以盡性格致所以誠意致知
所以致中育萬物所以位天地

十八日

寄馬玉笋水部 曹世兄退地之狀呈上竊惟某以
七旬之年攜老幼四十餘口走千里之外所恃以
為作家之計者全借地主之緣今幸託兩賢宇下
且將合西崗之親友子弟各禮負而至出於其途
耕於其野矣初與曹氏約二年後仍歸地主者蓋

慮兩賢榮摧後恐有驪之他往者不得不計及於此然託二天之庇想不至是萬一歸故園則地歸本主有成言在修明府處幸為致謝

十九日

西崗房產仍歸馮生

二十日

為馮構斯作南遊歸序入歲寒集

二十三日

同西粵朱方來古燕熊贈北登文書閣有紀 高閣

峻瞻眼欲醒桂林燕樹兩開屏斯文統緒元無晦

日譜

卷三

美

振贖提聾看日星

二十六日

同友觀余五忠手蹟五忠者楊大洪左浮邱魏廓周

周蓼洲鹿伯順也

題城隍廟聯 神本退藏雖潛伏在不睹不聞之地

理還流露更昭宣於莫見莫顯之中 神廟聯

人自造欺嫌招禍招福神偏有較量降殃降祥

引善念杜惡萌多方設相去人欲存天理甯待見

形 孝順祠聯 百行之原忠臣義士同歸是為

仁之體作聖希賢總在斯 索命祠聯 闔地關

天誰云暗室殺人無鬼瞰宿因宿報自合法堂負罪俟神誅

二十八日

寄耿保汝 保汝渡河之夕是日徐章堃不及留款

黯然低回者久之予曰何相念之殷也徐曰耿子

澹遠不可以淺近窺予曰何以見之徐曰吾見其

傲袍而無忤色也與人落落穆穆不次治然意

之所可不難以身許人又常與之對弈見其意不

在棋所謂勝固欣然敗亦可喜不佞每逢良友便

欲下拜若耿子者豈容不在念耶予曰君可謂保

日譜

卷三

美

汝知己保汝不濫交予嘗詢其所師事者曰杜君

異友事者曰王五修陳國鎮又喜得一章芸矣

二十九日

寄賀宣三 讀手字近裏切已毅然以從事此道自

任此千餘里來立志發願第一共學僕四十

年日中所僅見之人何幸如之至謂下手入門誠

意致知四字既看傳習錄則錄中透發此旨一了

百當但要虛心而體實意以承高不可求頓為元

則出姚江而親見尼山將在是矣

寄張馨遠 平于風味至今魂夢尚依依也蘇門景

迴兄每一過之意與更留連笑歌田社酒竹

比賢壽登七十一小極遂經綿兩月臥牀褥

彌留見性天毫髮無掛帶本體已釋然兄猶握我

手請我福如川不受塵世涅天際羨孤鶩語終遂

為別含笑赴黃泉高子已立傳我詩再披宣今夕

是何夕為期已告遷絮酒不及陳遙墳城北垣衰

年倍懷惻涕泗寫哀篇

初十日

寄毛煥斗 過彙城全為訪仁翁不意竟面成違天

豈有意如人良晤耶然家累眾多搔擾水厨不安

日譜 卷三

三

實甚南來千里棲止未定適於晴窗高之傍暫

覓一枝時與二三同人遊咏其中殊恨不得與名

手分題步韻未免令山光水色笑人黠黠耳

十一日

偶事志警 好高一念最難銷借習慧德自無泰

嶽何如平地好開行緩步亦逍遙

十二日

語友人曰無瑕可攻無非可刺鄉愿所以亂德也

過即改有善即遷豪傑所以證聖也此全是真偽

欺慊之分陰陽理欲之介學者辨之不可不早

十三日

王申之自五公山來得易州烈女趙氏一則入取節錄續集

十四日

喜王惠迪過共城 例病纏綿日日新藥停終放只

緣貧喜君不遠來千里恰是叔和一後身

十五日

憶王生洲有引久不聞子姻友王生洲消息申之忽

及其甲申後在南都有防江一疏甫為痛哭因道

憶其初入臺泰劉元斌暨薦范質公諸賢今竟

泊支離家口困頓而死者幾半雖為全軀保妻子

日譜 卷三

三

之士所劬笑然堅忍之志艱苦之情可為惻惻

為敬重因占一絕 與君言別已十霜心事如同

百鍊剛兒女情緣無掛帶祇為叔季振綱常

馬玉筭為余刻蘇門詩

十六日

寄王譽之 太公與申之早得一來何等有趣一番

古道度不落俗今未免負愧僕所為夢寐不徹耳

道丈用意篤厚立規宏遠自是當世偉男子然非

研精學問便直是血氣用事大約學道之人須得

枯槁一番方有著腳立身之處申之見解已極分

曉既得同人之助當益自策勵病更倍光

十七日

寄孫備九 申之來悉道丈欲來之情不能來之勢
爲之低徊斟酌目前似且不必求速來速來恐多
頭緒生事端耳方寸爲我千古同堂我輩相隔僅
千里猶比屋也豈遂疎遠西崗一專詳在申之之
口道文質美行醜流俗砥柱然六言六歲所借學
之一字甚意頗異同人日日講求惟恐其已非
古人是所望於君友耳

十八日

日譜 卷三 三
靜觀別墅話馬玉笋李白中 偶過別墅話偏新榻
畔圍爐趣更真賓主與飛隴一室行藏道在寄三
人歲時悠邈幾微續富貴灼薰轉盼陳一夕靜觀
千古意霜凝寒溼總生春

十九日

何生餘饋魚適值客至 薇採西山味有餘不須強
缺嘆無魚金鱗饋我長盈尺正值門前客到初

二十日

寄宋篤齋 敝鄉去仁里咫尺耳憶二十年來僅一
望清標良晤之緣天似不輕以假人迄漂泊南來

老親翁爲計卽次之安且轉托仙友

多方隱露共爲計卽次之安此段高誼異失其重

淵失其深矣月前過淇舍姪擬旋里走叩都門遠

晤某謂親臺以艱歸今且停膠封邱蘇門山色今

古膾炙不知親臺有意一遊否

二十一日

客稱徐沛間雨孝廉有顏古者鼎革後上書中丞
乞一片地爲首陽誓以身殉中丞亦不怪責令其
擇處萬年邵聞之始出門見客

二十四日

日譜 卷三 三
客有能悔過者爲賦此 恥過從來習染深遂令儼
潔積重陰霧雲奚足爲空累日月何嘗受物侵內
訟望穿尼父眼飾非剝盡仲由心鷄鳴一悔成佳
話學道源頭此處尋

二十五日

張子度自開歸過蘇門出其詩數首 黃河直渡抵
商邱白髮蕭蕭仍壯遊細數經過名勝地等閒題
句也風流

句也風流

二十七日

王開佑六行過訪 太行北望瑞雲深忽爾高軒訝

惠臨海內十年求識面蘇門一踏
遂需耽隱最良處須借作雲蘿
我
戈會自有知音

二十九日

長至 日臨長至雪霜深倚榻
非誰共語百年感慨入孤吟
向琴書寄遠心此際陽生人不覺
貞元消息好相尋

客來相晤每道人情翻覆到處爲然
行不爲敬雖州里行乎或爲作此詩
戈矛久矣

日譜

卷三

重

滿乾坤談笑油油鱗甲存吾道將爲斯世烈此懷
豈向俗人論機忘到處狎魚鳥累盡隨時渾怨恩
蠻貊可行州里阻尼山元自是專門

望雅問如何是行習著察曰明廢物察人倫是千古
來著察的榜樣人日與廢物人倫相酬對而廢物
之情形誰能明明則無一物之不格人倫之常變
誰能察察則無一倫之不盡所謂由仁義行非行
仁義後儒以孔明韓范諸公爲氣質之美暗與道
合然與舜之明察較自不可同日論恐後儒之所
謂明察或亦口頭了了反之躬而義盡仁無不知

能無愧否著察全不在口頭上要歸在行習

三十日

得烈婦安邑周氏一則入取節錄續集

十二月

初一日

晨起有作 著底工夫莫自瞞誰人信到已登壇行
常有事操功易夢寐無欺爲力難鼎沸林枯心粉
肅天空雲靜體清安兒童相對非言說但覺朝樂
與夕餐

初二日

日譜

卷三

重

長夜挑燈孺子環坐每以對試娛我老懷 幽懷面
目認來真門外無喧即避塵糧絕方知蔬食美交
清始覺親書親隨緣歌咏閒舒嘯任意抽排總化
噴三世挑燈圓半榻老懷翻助一精神

初五日

憶王五修 徒步平干往返時千餘里外兩心知留
雲舍裏誰佳士語到君家繫我思

初六日

憶陳國鎮 安肅同車話別離悠悠心事我凄其可
堪千里風塵隔強讀天涯知己詩

作事之心乘之耳

二十一日

博兒尚兒奉其母自祁陽至共城王大為實有勞焉

攜李太公明吾刁非有李符夢手書各致

其懸望之意祁俗之厚如此

得姻友王生洲闕中書其子景沂送孫女孫婦抵故

園

博兒抵共城 奉母徒行八百餘勞筋苦骨意何如

果能識得其中趣勝敵人乘駟馬車

二十七日

日譜 卷三

著

奇杜君異 相隔既遠相晤自難日夕相念此何待

言僕寓蘇門八月夾蘇門可居而不可居可居者

公和亮夫 高隱之地山水亦自清幽不可居

者謀生 難近山多有絕新時此甚難為窮漢耳

千餘里來節取之人不乏真實學問者寥寥每與

二三孺子追憶江千星聚勝友雲集此千古希世

之事親大與國鎮勉圖之元未可輕望之他人也

寄董正誼 千餘里來喜得橋梓以親見古人為快

手紙至候仙嘉適有字策勵諄切亦猶之乎凡一

勉勉不怠之意同志有人此道不孤大抵學問一

二十七日

三君詩有別 憶余南來幾遠元少字到玉

行焉京兆三先生各寄字所知

識三先生之 然心飲三先生之

三君世所宗朝野推者舊名德著于古古人稱

已 陋與余隔雲泥謬謂石中瑋少宰撫畿南為我

洗塵詎吾家武城宰多方受培覆契從伯順合期

步靜修後司馬有難見虎園曾同售奉詔舉所知

猥以余為首內院奉綸音次且未敢就京兆思謫

祗領我諸生袖不謂辱師門藥籠復見收特疏讓

日譜

卷三

美

司成益切清夜疾今茲策杖來思築蘇門岫邱壑

得清安廟堂陰愈茂愧我非堯夫公等真韓富

十四日

李九繩梁拔素自成安來孫備九自易州亦於是日

至

十六日

復王玉乘 足下樸茂誠篤望而知為敢道之器

清眉宇久貯意中尤老攜手字來蘇門山水宛若

生客近臨也吾丈既有意傳習錄此書能令人胎

骨皆靈超凡入聖信心探討趣味自永但不可

事只是求慊此心此心得憐無限悅無限樂然須
 緊緊防一愠字枯寂冷淡熬然不過便起怨尤廢
 半途敗末路者大率坐此足下猛力精心已得之
 於見端之始勿忘勿助當奉足下作四字箴也
 寄侯仲嘉 別來千餘里過彘城得董正誼其人者
 真足下一流僕以平昔與足下語語之與為雖然
 手札到日正誼字來復述與足下語二君素在心
 識久不相聞何一旦寄思同時而至此見我輩聲
 氣之通不約而合喜甚慰甚評史功課此中定自
 有得於候賜教隨應紛紜不及多布應寄離人致
 日譜 卷三 美

二十九日
 艱危賢者心當以此二語為贈

除夕 六十七年除夕過共城漫自嘆蹉跎盤中芋
 栗食家味客邸兒童歲事和日月雖深仍闌淡結
 神幾散未消磨要知學問無懈處此際清歡得已
 多

日譜錄存卷之三終

孫徵君日譜錄存卷之四

順治八年辛卯六十八歲 江西陳寶箴 校訂
 後學 武陟王 翰

正月
 初一日 晨起北望瞻拜天地昔曾奉教君子不敢設天地位
 設祖先位於客館率子孫致祭

初一日 北方俗有墓祭仍於客館行之

初四日 題衛源祠聯 衛水悠悠地中行去澤何溥源泉混

日譜 卷四 一

混天一生來道自尊

初九日 張薛二公惠米 年近古稀作客時欣逢二老慰吾
 私三年孤學非緣穀入口為家幸免飢分宅敢忘
 司馬意推賢難副國師期身無片善徒養素殊愧
 諸公說項斯

寄題賀宣三函樓 樓函萬卷豈誇多無字真經編
 瑞摩認得分明觸目是外王內聖總同行

初十日 得李太公明吾書 志學忘年老益勤八旬六歲陪

斯文質疑字字猶稽古此道終當冀一聞

十一日

博見為余言符夢純篤力行署其軒曰責志喜而有

作 生來暗察志疏此中道無成竟若何責志一言

千聖訣好從屋漏細琢磨

十二日

寄祝張湛虛司馬 從來稱壽豔蓬萊幻出蓬萊安

用哉臣忠子孝光家國岳峙星明天地開惟公登

第三十載朝野殷殷望手彩世路平歧閱既多危

疑展擲色不改解組漳河日杜門千里相違道所

日譜

卷四

二

存儂斯洛下堯夫叟司馬依然道自全今

南山下蘭桂森森威大雅座上應無流俗人

遙寄佐杯罍

十四日

李國華招飲時同人各問方 舊德馨聞政未休春

宵設款集名流機忘不作文人色墨妙應推國士

儻精力半生歸業賦經緯此夕還驚詩酒方開席

借取酒次第勞君一劑參

十五日

其以元宵有懷馬書仲 此夕那堪憶舊年

邁歲重新音書東海淹知已燈火蘇山鮮故人志

士可堪閉裏老幽懷偏笑病中身雖憐客館各岑

寂禹里薰蒸共一春

二十二日

玉笋示我節孝事二十三則 節孝不彰風教微人

心何怪日相違只今二十有三則喚醒人間是與

非

二十三日

讀邸抄晉州韓孝子應宗十一歲父歿數日不食事

母孝及歿廬居三年詩以紀之 人傳孝子得旌

日譜

卷四

三

閻豈為三年倚墓居十一兒童孺慕切知能良處

勝詩書

二十八日

客至常言不如意予曰人生不如意十常八九我輩

以不如意為家常則無甚失意之感一不如意而

嗟怨憤恨則無一如意時矣

二十九日

復李彝卿 當世有心人安得如公語其人者玩世

之難難於傲世恨別去匆匆不得親手一深談耳

迴環手教處已處人不知幾經斟酌學問於此時

正大動心忍性豈可輕易錯過總之我輩做人只
問有不負人之我安得問不負我之人經一番負
我便當進一番處人此卻是人生最得力處只今
一意下帷亦是妙事

二月

初六日

馮水部招飲百泉尊凡三移同謝玉汝景乾禮辭悽
我 北海西山不介親尊移二處與來類林園設
景仍依舊業遜隨時又布新晉宋當年兩處士乾
坤此地二賢人須教異日看今日一夕千秋好自

日譜

卷四

四

珍

是日得家報瀾孫娶婦孫女出閣一日完此二事頗
慰容懷君異亦有書志喜

初七日

安邑諸生景應熊以玉笏字來從遊自言某絕無寸
長且寡聞見無可為受教之地予曰自以為無長
便是長處且學人政不欲有聞見有聞見便有意
識有意識便不能虛已今日政喜君問見之寡也
更望他日有聞見不可受聞見之累願之克已舜
之舍己文之望道未見孔之何有於我何嘗日以

聞見為見長之地

初十日

仇異混為其父繼軒乞像贊題云 我何以名公之
人我何以寫公之真居已抑抑與人循循未入仕
而高堂之六論無敢弗避少讀書而孔聖之四勿
誠潔在身十老社中推逸長吾愛其機忘而可親
姻戚隊裏稱仙翁眾欽其年高而德醇飲無量而
喜歌家不裕而善貧我聞添一箇喪元氣進士不
如添一箇守本分平民況有身身令子可以堪
六逸訪十友靈魂縹緲猶於白洋之濱

日譜

卷四

五

十二日

王汝就讀我招過居停有作 不速三人山右來
相逢傾蓋樂銜杯心心坐照輝無逆但覺林梢元
氣迴 在客何辭招客過居停靜對意婆娑有懷
致欲勤思質况復東君情更多

十四日

為成安柏寺營關帝祠作碑記入歲寒
二集

十五日

張湛虛期過澄水報字云 有道仁人夢魂思就前
北歸小兒因娶孫婦嫁孫女尚積家園老妻素養

病千里衝寒困憊益甚稍可自支途上之游未
忘也前示佳什所云不可示先人者正可以示天
下後世矣有歲寒集數卷兒輩正在料理圖請
教有容南來常燕公固無恙

十七日

出門交謝引 余自出門凡於交游間寄信謝已載
入日譜然交游中有與余簡密倡酬者有為余說
項而轉寄其友者俱散亂未有版歸兒子輩謂古
人一飯之德不可忘况乎知己之言焉可忘棄而
輯之為三種余題曰出門交謝取易出門交有功

日譜

卷四

六

之意云

二十日

與友人 夜來足下皇遽而去未免紛紛僕為悶悶
幾不成寐思天地間無無道理之時試觀古來聖
賢豪傑處君臣之變者有人處父子兄弟之變者
有人須得原委盡所以處之之道則拂亂動忍皆
所以玉汝於成足下福人受享太過稍有違逆鬼
神正有意求已克已徹底一言以解此問

二十三日

擬春日訪友得梅字 春山欣澹澹遊日煇高林鳥

坐枝頭語人窺物外心誰家多釀酒我去好攜琴
聊以娛閒晝同人寄一吟

二十五日

飲馬水部尊五樓有序 辛卯春分前四日馬玉笋水
部邀余與徐子章若過其山莊先借景子乾禎薛
子懷我屏驛從遲余於南郊迤邐東南十餘里之
夏峯有樓幾幾進四層極其巖四望晴鬢心皆增
爽益信小魯小天下雖曰勝次超然亦所登之地
有以使之章若曰昔劉元德臥元龍於百尺樓上
徒以一言傳此樓至今水部飲我輩於此可無以

日譜

卷四

七

名此樓乎余因題之以尊五水部請其義余曰僕
意甚淺近請三子各以意言之將無同懷我曰馬
先生置此身於五達道之中所云尊五殆謂是歟
乾禎曰先生從政久矣安知非尼山所謂尊五美
也章若鼓掌稱善曰想不出二仲意予亦有說皇
極五福須身在五達道中能實致其五美然後能
全享此五福耳余為之躍然曰三君子先得我心
之同是可以名此樓矣水部浮大航修僧無算因
分韻各為詩以志佳會分得君字 凭欄一望蔚
生文水色山光入座分天際尚容初野鶴橫空正

好貯孤雲御杯隨地堪為醉拈句何人不算歡
五有名超百尺風流今日更推君

二十八日

得節烈二則入取錄集

又二月

初六日

寄懷張集公 蘇嶺春深坐息機懷人天際濤忘歸

生平襟契十年別千里音書一雁稀笑我為儒衰

且為喜君建節德生成從今莫訝相違久鼓興山

陰印微飛

日譜

卷四

八

初七日

寄封印令宋子飛 每思過赤縣只為帶黃河水患

今消未民逼近若何寸心知欲嘔四野久與歌報

政嘉循績繁黃未足多

初八日

望兒渡河寄集公字 錢中郎詩固佳得親壑之評

益入妙正昔人所謂一經而題便成佳士第非此

道中人而勉強為此適足駭一笑耳若云收名定

價於君侯則吾豈敢

初十日

老妻病苦有述 老妻素善病適乃益纏綿逆旅之

嫻黨道路苦速遠觸目家山別况復心性情由來

多謹飭一語不輕宜事偶與情違中懷幾熬煎

婦暨孫女歸來路六于出門不及見念結痲寐前

鬱鬱常不樂所需亦缺然林樾侵尋久藥餌每失

權猶幸諸孺子承意在言先願稱佳兒女病稍庶

無愆衰遲老腐備每切同病憐

十四日

王申之視予共城言前代藩左長史趙繼鼎死節事

一則入取錄集

日譜

卷四

九

十六日

余舊有六疊約張罄遠復為狀梓之

十八日

有人積憤難解就而質予予曰萬里之鵬豈向枋榆

息步千鈞之弩不為鼯鼠發機予常書紳此言故

敢以告足下其人沈吟久之曰命我矣

二十日

得孝子潯州梅進一則入取錄集

申之言自勝承過聞孫錫屏死於廣平南之樊丹村

兩子皆未及諫五日始殞病中語曰吾志不在故

鄉何必歸葬為榮旁人多憐之答曰錦屏以先朝舊廩生棄而不取流寓異鄉寄居人廡下困頓而死此即古人溝壑之志到此已畢復何恨魯連蹈東海而死即樊丹便是東海有何異觀吾人識得此義隨時隨地無不可以畢此餘生不亦暢然乎

二十二日

申之以予家有病人求歸西崗余曰相知之中獨子最深且久在宅人合聽其去獨謂子不可去者守志甘貧誓死不移者惟子一人耳余五十歲始識一貧字正賴有同志者實履其境而深阻其味昔

日譜

卷四

十

伯順嘗謂我於貧字未嘗身試之所稱無謂無怨終是虛談今我輩以貧賤之身而值流離憂患之際典琴書質簪珥忍病停藥日不再食屢矣對妻子終難快心對同志應無慚色此字不明終非真實學問大家不講明終非我輩力砥流紛之意也鼓諸孺子之志氣佐病叟之衰遲正欲與子同尋一飯耳豈遂無意乎申之欣然請留因名予為曰共饑齋

二十四日

得節婦葉城董氏某氏烈婦葉城張氏慈吏葉城知

縣劉三元事四則入取節婦葉城

二十六日

答友 予平生無他嗜好獨喜與人談節義事自壯至老不倦尤喜談寒士立節若吾邑之侯仲嘉孫錦屏雄縣之馬習仲新城之王申之葉城之董正諒肥鄉之賀士以皆其所寤寐於心而讚頌於口者一友謂此等寒士名不掛仕籍行不出閭里豈遂能法今傳後乎予曰問品原不在顯達論人亦不貴聲稱况實至者名必至如王莽時之栗融會慶碑章習竟皆儒生去官不仕當時重之聲流于

日譜

卷四

十一

古節義各執當身論正不分一介與萬鍾也

三月

初一日

睡仙示我蘇門處圃解入絕讀而快之因紀 錯怪林園有廢時林園廢處獨君知色翠山岫聲還水 黯淡文明又一奇

初二日

寄仇吳渥 尊翁作古不能匍匐攀前一慟言念慈老社中笑敬追隨此情何堪吾丈弱體苦境中不能一慰視此情倍依依也子車氏云送死足以當

水頗於作客有緣第愧僕不能為山水重耳

初八日

復劉涵思珍思兄弟 驅車漂泊曲路得聯金昆大

是年來快事高懷義槩足堪儀型末季僕逢人說

項即汨沒之後人亦同此秉彝之好耳亡友重荷

開幽中心藏之誼願增愴賜詩語君子幸以此言

道謝平干多才魂夢已先送矣馨遠朝夕得良友

之益麗澤不淺義棒詩五章專上

初九日

復董子翰 偶從聲師處讀手字一通足下之神情

日譜

卷四

五

色笑已宛宛在眼中矣小兒歸以目中所見之子

翰而質諸僕意中所此之子翰相符不爽僕平生

無他嗜好獨喜論交有如性命但來札比擬太過

殊令病叟汗顏耳憶昔有兩人俱出門訪友一視

其友如高山歸而失望一視其友如平地退而飯

俛悉足下之高視病叟者終不免於失望也陽明

之言曰泰山不如平地好然人多見泰山而不見

平地者總好高一念為之耳足下與僕言非泛泛

故敢以此言告

初十日

予交劉聖修有片 予交劉聖修近十年矣若善釀酒好客

予雖不嗜飲每遇君則請予南來聞君病瘳且死

鷄酒缺焉拈一絕便而於之墓門以志人琴之感

劉郎何事厭塵居因憶渥城載酒初掩卷無

心慘惻兒童只道暫停書

十一日

復秦公學 僕平生無它嗜好五十年來以友朋為

性命遂得結交令外祖百世公稱莫逆焉前匆匆

別去殊不知此段夙緣接手教新知舊好兩念俱

切問大君之言不能不令病叟感良友凋謝之久

日譜

卷四

五

南來有期想不吝再過蘇門耳

十五日

哀孫備九 有序 備九名鳳立從予遊數年矣質極善

口無偽言常贊其父多行陰德事意所不可事之

偶疑非面析即具顛末來質絕無回護予因有答

問數卷實備九啟之也庚寅歲杪猶視予共城明

年正月歸去約攜家俱來不意抵淇嘔血至中途

大病未幾竟死於易州嗟乎慟哉學將有得天不

假年所志未遂困路而致命也奈何天地不情

甚斯人何遽亡事親和氣色取友見肝腸有同心

佩切無欺意獨長迄今披篋語字字泪沾我

十七日

與王申之 得公亮信轉死而生喜出意外備九竟
死矣初聞其病可生盼其有寧今乃生而死耶
慶斷欲絕僕已有數言欲焚之墓門親文回可將
也衰病之人久無情緒不意忽有備九事滅我眼
食親丈應同此情耳

十九日

簡玉笋 連日料理逆關一案三晉殉義者甚多夾
袋中所得可一示我實縣令房公之屏盡節事如

日譜

卷四

六

何貴族智烈夫人係此案否

二十一日

諸孺子為其母病久夜靜禱於神予聞而謂之曰
理在有無問謂其有子路請禱子曰即之禱久
謂其無周公又何以為武王禱也總之無無道
之時如此時侍病藥餌飲食竭力自效此不必說
更有吃緊一節病人困頓日久喜樂時少怒哀時
多豈能一一中節侍病者正直平心和氣以承事
久而加敬兄弟相戒論妯娌相勸勉成就為佳兒
佳婦正在此時大凡齊家修身之人時時有齊之

修之之道一念玩忽便生罅漏此時此際更宜理
會先儒謂凡遇事不可輕易錯過試思此時錯過
後豈有償補之日乎

二十二日

謂景乾禎曰人盡以文事為學予謂文事未嘗非學
而學正不專在文事道不可須臾離仁不可終食
違此正學之所有事也加一分學間存一分性真
會之日省會之學也子思之戒慎不覩恐懼不聞
子思之學也孟子之知言養氣而不動心孟子之
學也周之無欲程之主靜朱之窮理陽明之致知

日譜

卷四

七

皆竭心力無一時一刻放下方庶幾乎不離道
不違仁成就一箇學者然此皆庸德庸言日用常
行之事只要存存不息勿忘勿助便是作聖工夫

二十三日

世人不讀書者勿論即素有志於學動輒曰目前為
貧所苦為病所苦為門戶所苦為憂愁拂逆所苦
不知學之實際正在此貧病拂逆種種難堪處不
可輕易錯過若待富厚安樂時始向學終無學之
日學之勝於天下也久矣

四月

初三日

鹿麕觀自上谷來視予謂之曰汝祖嘗云貧字兒抬

舉人又自歎於未嘗身受饑寒恐終成虛談耳夫

餓體膚較苦心志勞筋骨則不同矣至拂亂所為

又不止餓之而已也試觀我輩今日艱難險阻飢

餓拂亂無不身嘗靜簡此心果有動忍之意乎抑

徒自無聊困苦付之無可奈何為也古聖賢豪傑

於治亂窮通全局在手故不淫不移即功名富貴

之流掃地已就出而問天下事莫不立致卿相皆

先有其具非苟然者汝祖昔所自歎於未嘗親受

日譜

卷四

六

者今日親受之傳鉢當在是矣歸當以余言告國

鏡應有發明以佐其不逮

初七日

與博學論交友 古人論行結交流俗不講此凡

相與稱莫逆者純以聲勢相高酒食相悅以詩文

相倡和儒雅風流亦不能多見至於孝弟忠信之

人禮義廉恥之事絕未嘗過而問焉此友之一倫

所以日晦於天下泛言之盡人皆友實核之舉世

無友也取友之道原在本身此身為不孝不友多

愆多尤之身而能取極孝友無愆尤之士千古未

存身分愈高所取之友益寡管仲獨許鮑叔知我

尼父謂知我其天其義自見然此處卻不是立崖

岸專嘉矜容四字要時時玩味

初八日

郭孝廉多多名益善過訪謂奉郡伯意舉山林隱逸

已有成議子聞而愧汗謂子且晚渡江為幼子就

婚不能久居於此也力辭之後託水部致謝郡伯

得寢其事

初十日

寄方非有 別來相約歸祁之日方僕抵蘇門之日

日譜

卷四

六

遠不及返書至衆多家口為累經年尼山善平仲

日八面能敬僕不能不醉心於年兄也獨老妻抱

病至此久困牀褥勢益難支流離衰鈍之人即強

自排遣不能不神瘁心焦耳祁風清厚凡諸親友

見及於僕者無非推年兄之愛幸為致意蘇門草

一紙請教此中之情與此中之人已見一斑匆匆

不盡曠觀悉之紙我父子躬耕舌耕微有次第附

詞一慰

十一日

寄李符夢 每讀手字切切以學問為事率我千里

停雲之思竊念此事患不信患不肯實實下工夫果能信而下工夫五經四書皆我註腳夫豈他求千聖萬賢亦豈有異道哉千里來讀書人不少而讀一字識一字識一字行一字恐萬里亦不多見其人也

十二日

寄李太公明善 八十六歲之老人力學不倦且虛謙益甚每切問不能問寡之懷此段頌德天下未聞同人驚詫為黃伏生再見今世小兒來其道健履倍為愉快獨是八口經年屢煩肩禮且令郎令孫莫不以太公之心為心此尤翁之刻肺腑而治痛寐者也

十三日

當事者以衛源水司太岑寂談清源已而不果水司字來稱快予飲其茹意為句頌之辭濃就讀是何人潛裏誰知真但得此心無外慕笑妨清宦到頭貧

十五日

復李介善 相隔益遠相見益難一紙之通亦非容易忽接手字具悉別後情況更喜百餘日遊遊聲

氣淋漓因念僕五十年以前筋力頗健而遊興不來六十以後遊興忽發而筋力已衰矣渡江之念雖切不知竟能遂否目前結廬瞻臺邵窩之傍暫與兒輩躬耕於此無奈食指繁老妻而下多困於病此又鬼神之所以重困病叟也

十六日

別徐章芸歸都門 與君俱作客不介得相親談諧無俗調坐悅忘宵晨有時詩興發有時歌喉新到處爭倒屣落筆輒驚人越人而燕籍南北猶此都投契方伊如何來歸興頻頻銷為惜別未別已傷

日譜

卷四

三

神黯黯蘇山雲飛飛燕市塵闊河千里隔頽然病裏身君應作霖雨予合安賤貧脫有折梅便相過
衛水濱

十七日

老妻病困五閱月女孫暨孫或四歲或三兩歲入門解問起居老妻雖危殆猶凝眸顧盼以意答其語稚弱頻頻問起居病人雖困色疑舒到頭兩字惟情理老幼斯時見性初

十八日

尚兒侍其母病每當狼狽掩面悲號予謂之曰汝劬

不益增母之病乎只宜躬奉湯藥慎進飲食母心得歡母病可減此人子侍疾之道也

十九日

室人楊氏卒馬玉笋差一役為經紀喪事隨令景乾祇辭懷我來弔問所需

二十日

玉笋來弔致財

祭室人楊氏文 嗟乎憫哉汝歸予三十有二載多

半困於病其病也以汝心太細胆太小胸太窄心

細則不肯輕出一言輕舉一事胆小又不敢輕出

日譜

卷四

三

一言輕舉一事胸窄則一言一事之如吾意而神

鈴一言一事之拂吾意而衷鬱自汝歸予汝所育

之子三而非已所出之子若女五予五十餘年老

賢書蕭然寒素食指日繁汝既與予共安貧賤而

克勤克儉一身拮据且二十年來屢經患難浮家

於山浮家於水而以細心胆小胸窄之人安得不

鬱而病病而困耶然有所甚幸者汝惟心細胆小

而胸窄遂終其身不肯有失言失禮於非已所出

之子女且令非已所出之子女終其身絕無有失

言失禮於汝之身姻親姻黨三十餘年頌汝之慈

頌子若婦之孝若不知其為後母并不知其為異

母兄弟此皆細心胆小胸窄之所貽也而敢為汝

咎乎予嘗以此戒汝勸汝而予之病正坐此每當

胸懷憤悶抑鬱無聊之時汝且慰我曰我之病素

坐此如何君亦犯之冷然一汗良友之言豈是過

耶汝不識舅姑面而時祭忌辰有獻必潔處始煙

族黨和睦平生不與人戲諱抵共城五月俱在牀

褥竟不起嗟乎憫哉歸危之日問所欲言曰我從

來未嘗自主行一事今何言亦無容言病困五月

百苦難堪絕無一拂禮不中情理之語今已矣此

日譜

卷四

三

夕入棺矣子孫滿前永無見面之日矣幸書此語

以告汝并以示後之子孫汝靈有知定鑒予言

二十一日

諸兒喪服半備諸大夫親友陸續弔奠予以喪年亦

不敢以筋力為禮

二十二日

鼓盆吟 清貧共守卅餘年良友規條寄憫前五

共城掩病骨一週涉想一潸然 嗚我年高莫憫

心慟心更在老將臨鼓盆莫認心非慟忍慟為歌

慟轉深

二十三日

先是申之構斯視予共城因老妻病篤依依不忍去暨沒遂為護喪且旦晚與病叟相伴差可慰解

二十五日

封靈有文云 汝之逝也倏忽七日今暫封汝靈於客堂客堂之東偏諸兒諸婦且夕守護汝雖卒於

客子有六五在此婦有五四在此姪有五三在此而宗族鄉黨親戚故舊給釋不絕且此中之官師紳士莫不來弔汝頌汝之婦道母儀賢成寡二蓋棺之日頗不落冥予衰年淚眼相看不禁淒斷每

念汝宜保重之言強自排遣以慰汝心汝義理素明神氣不亂靈魂定當依戀於此豈以幽明路隔精爽遂不相通耶

日譜

卷四

語

二十七日

遺立兒家報 汝母於四月十九日辭世五月病苦不堪回想初以孫女孫婦兩事不及到家一看為

歉及病甚以汝三十三年恭謹不及一見為恨在

邠州與汝大姐欲圖一見又錯過三姐在邠多受勞苦又念高雅之母替而老以一帕遺之凡吾家

長幼男婦無一人不在意中臨危神明不亂無一

語不中情理馬工部差二役經紀喪事申之構斯在此晝夜相伴差可慰解擬秋後歸櫬須大費

商量耳汝聞信當為位投呈於學惟疾之憂千里之外倍軫老懷慎之慎之羅夏傳說維雅病又犯

令我心憂窮困至此甯堪多病千萬謹慎抱雅家

有數口地無一畝不知作何生路

二十九日

八姪過高似斗以扇索書因寄一絕 為予築室傍

宮墻古道淋漓意趣長一自與君分袂後迄今魂

夢遠留香 若有留香素 每勝予於此

日譜

卷四

語

又寄高瞻斗 遲水三年星聚時留行別築冥心期

蘇門愿下相望久惆悵臨風有所思

三十日

雙壁為王馬兩志士 雙壁英英挺士林何期千里

慶同臨當身各具絕塵骨靜對無言託遠心

五月

初一日

為亡室楊氏實錄入家譜

初二日

與馬玉笋 向因心血不足常苦不寐夜來風雨驟

至此身忽陷水窖中因思處人之道既疎治心之功復淺遂不免鬱結於中夫鬱則思竟結則思解因咏靜修詩云恨人最是裏師德須記春生未唾前第之自處只合於城外山莊得數間蓋茅之舍數畝種瓜之田與諸兒棲息為上著無奈罹此不幸老妻客死秋後歸櫬力萬不能聞有令親最精堪輿即借庇蔭於先生莊傍擇一席隙地暫寄老妻於淺土庶得後圖歸葬所謂生死而肉骨子孫奕葉飲明德無斁

初二日

日譜

卷四

美

復李彝卿 衰病之身罹此不幸是所以彰僕之不德也夫何言極知憂戚無益勉憶古人鼓盆而歌是何神情然憂從中來忽不自禁始知古人忍慟而歌其慟轉深耳遠辱慰奠深荷知己之言佳詩足為沒者生色感當不朽矣

初五日

與馬玉笋水部 託先生庇蔭地已得吉歸而心傷者久之繼而復自慰念亡妻甘貧借隱不減庶下今流離客死游魂不返人非木石能禁淒斷然何以欲卜地而遂有其地遂有相地之人又有左右

相地之人神鬼一一默為布置俾死者不委於構整此段知愛又能不令人感而慰慰而且愧耶

初六日

為水部敘丹衛圖說

入歲寒二集

初七日

有四僧送鎮宅靈符余曰宅之不安為失道也父父子子兄弟第夫夫婦婦而家道正何以鎮為符理則安從微則危千古不易之理已之不正而來媚於鬼神皆惑也學者不可不知

初八日

日譜

卷四

美

申之欲歸口占為別 垂老傷心在百門感君左右慰晨昏平生不解惜離別臨路凄然欲斷魂 潮孫來視其祖母離家之日即其祖母謝世之日也 盼盼然冀其一見迄來而不能見矣 每向家園念爾殷何期生死永離分憑柩慟哭呼孫至 游魂疑有問

初九日

郭襄源和予詩二十首賦此以志聲氣之投 與君同北地作客復相鄰謀面雖云拙交情不介親小詩聊慰我老筆輒驚人引玉慙形穢青從藍得真

初十日

王景沂一曾搗其第一廉王因逃洪光朝其尊人孫
蕃為高陽孫少師承宗定與鹿太常善經請諡少

師諡文忠太常諡忠節

從王景沂得節烈濟甯楊定國一則入文節
錄續集

十一日

從景沂得兩中忠義事數則入取節
錄續集

十三日

寄虞山老人 離家千餘里一二同人云先生道體

康健舉手加額王生旋歸臨洛入都僕已入蘇門

日譜

卷四

天

與遠未得歸然爾讀手書見先生之面見先生之

心復舉手加額恨不即生翼而南茲有所甚苦者

老妻素病臥床經年兩次幾死迄強起抵蘇門五

月纏綿竟不起衰朽沈離罹此不幸就婚之事又

須少精然私心所急欲請教者舍親能道之舍親

生洲長子於寒家累世姻親平生契誼况亦素託

先生聲味中幸進而教之于度同來未得同居

泊之苦殊不堪言孫氏兄弟亦欲歸原籍靜觀難

在家有兩弟相隨出門矣公亮作東郡守備

十四日

復歸安蕭道生 止生表公 與令表兄結婚一事親翁

所目擊者止老兩書在公之家乘常備能頃刻忘

已丑冬仲搗家出門雖為故國難居漸圖南徙實

為就婚計不意抵邳州而老妻病病經年幾死弟

先過蘇門庚寅歲抄始迎老妻至又不意甫至蘇

門而病轉劇纏綿五閱月四月十九日竟不起衰

朽沈離罹此不幸憫死念生淚碧腸枯歸櫬既苦

不能只得卜地寄葬正在料理手教忽至十餘年

濶違與令表兄南北九千里生死骨肉情况齊到

心頭竊念老妻與幼子相倚為命母也客死他鄉

日譜

卷四

无

而子遠去就婚恐無此情理也且幼子體素弱今

憫母弱益甚此事或當徐議之茅二哥母子可悉

此情耳門戶事王念尼云已託郡伯與司理杭州

工部王悔庵復囑之竭力保護後有可託者自不

敢不盡心也景沂特此過訪雲來親翁何人無首

耗

十五日

寄王生洲 相別十餘年相隔數千里死生流離艱

難險阻不忍聞不忍言景沂來握手對泣慟定追

思恍在夢中竊意古來忠大義不一途慮死而

死則死有攸當應遁而遁則遁有攸當此微生上
干所以同歸於仁也老親翁平時諒草多偉論迄
國變在差而遜可為一代殊絕人物亦何恨獨第
苟延殘喘無足重輕殊可愧也第未出門先二兄
已作古甫至蘇門老妻復客死第想昔鼓盆人忍
慟作歌其歌也情當不減於慟耳歸櫬不能圖寄
葬蘇山之側亦不知何處是安土也天人之際其
幾甚微在近不能窺遠在遠則可以測近景沂洞
悉此機親翁此身儘自寬綽矣令孫女暨孫女完
此兩件皆託福蔭冗次不盡俱在景沂腹中

日譜

卷四

辛

十六日

寄高薦馨 新從鎮江令表弟得聞起居為慰然君
居會稽僕寓蘇門相望二千里而遙視昔渥城此
鄰而居朝夕聚首者何如耶在昔聚首未見有分
外之樂今日離羣殊覺有分外之苦至惟此不孝
老妻客死衰病流離益不能不切同人之思王景
沂過訪倘得相照當悉此中情況耳君家客中光
景便幸示我備九作古人矣可惜可惜
與金仲遠 世道膺蒙同人零亂每念知己相隔益
遠相見益難此中不能不凄斷耳同知孤懷挺秀

萬不至墮落然食指甚繁體中甚弱近日不知作
何安頓僕寓蘇門景沂過訪當自悉之
寄李平子 乙酉歲接手書嗣後即有一函託劉範
修轉致不知竟得達否然時從習仲靜觀口中企
仰風烈恨不能縮地即見其人焉弟出門千餘里
讀書之士所在有之立節之士百里僅見至潛心
性命之學則千餘里絕未見其人翁臺嘔起淮揚
學者倘為泰山世道因之砥柱家聲國運兩有借
焉蓋所稱天下士千古士也弟衰病羈旅願見有
懷而節短途長不知晤教何日也

日譜

卷四

壬

十七日

故室人楊氏擬寄葬夏峯東原是日開鑿

十八日

工部孫紹開孝廉徐章法等十六人為文以誄之

二十日

衛守沈石友與琛丞張寶田世榮倅李鳴鹿振璽司

理蘇澤公銑輝令休和璧國璽為文公祭

二十一日

寄墓室人於城東南十二里夏峯村之東南臨馬水

郭玉笋莊地也堪輿者文學郭景璣名鑿相視之

坐亥向丙有聯云 三載浮家幸託靈山同應下
一朝客死勸將骸骨寄蘇門

是日同衆戚友宿水部尊五樓

二十二日

尊五樓贈雨水部字來供給甚殷託景乾顧代爲款

客稱云 凡抵墓門者皆至戚與宗族鄉黨耳不

在客例先生過爲用情諸親友踴躍之甚

二十三日

同諸戚友墓祭後返邸舍

二十五日

日譜

卷四

三

贈郭景璞 君是景純一後身穴龍沙水認來真蘇

門邊迥得相親偶值鼓盆罹苦辛酒淚旅亭意未

申荒原寄葬地何掄水部先生廣注仁夏峯東隅

餐服新君家眼底別有神指顧之間高舉陳遠山

環帶若相鄰坐下一席氣鬱醇敢云邀福借嶙峋

遊卽五忠自古人

二十六日

賀宣三索題函樓聯 左列史右列經古今興廢供

搔首暮對賢朝對聖身世安危入倚樓

與李允繩 曠觀心小體弱未嘗更事處已處人之

道惟姨丈指示之弟罹不幸老妻客死念三十餘
年借隱滯焉腸斷歸旣苦不能客舍久停未便

已於二十一日寄葬夏峯之東南隅初意奉迎相

視因路遠不能遣一力適有晉人郭景璞者善堪

輿水部鄉人也即館於其山莊暫借喪事此事總

借水部周旋可稱前世風緣向來疲勞例病欲犯

匆匆不悉

二十八日

感逝 神仙何處是行旣逝者紛如水而波梓里友

朋嗟喪亂天涯親舊幾踈踈未見身心益後

日譜

卷四

三

死徒令憂患多但得朝聞夕可矣回天蹠壽竟如

二十九日

景沂兩過歸安茅氏家敘述其孤寡相望之意因憶

丙子止生攜其長子師孝勤王北來過北城草堂

余讓其子前行止生曰是不許我登堂也前曾備

言通家子姪見通家老伯之禮今令之前行不肯

受禮得非君嘗曾有是言丹未之許也乎是不許

我登堂也堅令其隨行登堂再拜立而受之隨行

復拜別見父執之禮止生始一修明之

一友人父子常不相見問其故曰侍兒多不便承顏

繞膝耳構斯曰此妖氣也奈為之擊楫父子子
兄弟第弟夫夫婦婦此是家與中一段太和元氣
非身修之人家何以得齊這福不易享一為妖氣
所中愚者方自侈為得意殊不知于弑父臣弑君
皆歸於此可不慎諸

六月

初一日

景沂之聞欲迎其尊人生洲公來蘇門為序送之以

其幼弟一廉從余遊序入歲
卷二集

初二日

日譜

卷四

言

尚兒以肩素書 侍母初陽奉母共城皆相依為性

命母憫爾勞瘁而慮爾體弱多病爾可慎寒暑節

飲食盥洗俗習歸諸雅睡以慰母氏地下之心事

火從兄真性正在此時出頭過之勿墮落

初四日

傳聞初陽時李符夢會云前州有同年李潛龍名孔

昭尚尚士也後盧濟如亦云父子俱入山絕跡塵

世矣癸未進士

初六日

俠士歌 聞道貧交入骨親得君堪愧覆欄人豈無

鮑叔託元賞應有要離欲卜鄰

初八日

先考忌辰 四十七年見昔時衰殘病困竟如斯蕭

條蔬果共城裏滿目悲涼未有辭

初九日

異史評 余讀談友夏異史而有悟於子之不語怪

也此事幻杳非人共見然作始者一人而後之流

傳附會者多遂以為史傳所載確有定據賢知之

士願薄庸庸言其中此病也更甚蘇長公汝妄

言之予妄聽之其意可見大凡學人非得力於

日譜

卷四

言

修而操功於獨知者不宜讀此悠悠怪僻之書徒

亂人耳目驚人神情庸庸言千萬世不易之理

子聖賢發揮不盡如此怪謬之事何關倫常日

用而啾啾不已俱失先師不語之旨甚矣人情之

好異也

初十日

安邑四子詩 有引 喜從玉笋水却接其雨第第如王

喬兩相曉傳綬若昔雅士因例病為苦不及時常

過從伏枕有懷用佐酣飲得五十六字 有帽羊

衰老病生扶風帳下接羣英撲撲不落時流徑清

議酒存月且評別墅酒勳封大都救閣墨墨作精

兵馬家長弟俱有白謝氏安元今又慶

十一日

再送徐章芸 客舍凄然荷藉深歸晚一夕掛橫參

有兄自是稱雙壁得友應知可勸金京國卿雲呈

瑞色共城殘雨滴愁襟不眠脚坐聞鷓唱盡付君

家起舞心

十二日

廣史評 此册雖無緊要猶足拓人胸懷開人眼界

然讀者務得其對治之法如異字須以庸字對治

日譜

卷四

美

廣而不攝之於近不約之以禮者驚神馳洩越不

益甚乎盈天地間皆有妙趣元理全在主人當下

領取之耳

十三日

逸史評 逸史一編世間清福人生受用刻畫盡矣

余謂其人而坦蕩蕩也到處皆成樂地其人而長

戚戚也觸目便惹愁腸地豈有順逆哉人心自生

喜嗔耳君子有三課父母俱存兄翁無故與得天

下英才而教要皆本於不愧不怍方得自操若以

怨尤叢集之身飲食醉飽自謂能領畧山水禽魚

之趣吾不信也

十四日

學問第一吃緊當先透死生之關此關透功名富貴

自可不消費力古來聖賢壽考俱多或六七十歲少

或三四十歲無一人不死此大七十與三四十在

世間直一瞬耳所謂生寄死歸任人東西南北交

馳過一日少一日無非以賭為期先師曰朝聞夕

可蓋恐道不及聞徒死遺恨利馬寶念念不忘死

儻欲傳人日夕戒懼臨深履薄自不敢恣情縱欲

作越理犯分之事逸史云常念病時則塵心漸滅

日譜

卷四

毛

常妙死日則道心自生有味斯語因書此以自警

十六日

寄懷安昌景為真 共城佳尤喜盤桓梅信忽傳荷

笑看君向碧天分爽氣我同傾月抱清寒傳經漫

講家庭適學道歸來天地寬鼓棹山陰雖有待無

趁今夕為伊彈

十八日

示劉孫 千人之英萬人之傑非謂於魚食之

人高出千人者便謂之英高出萬人者便謂之傑

若然則一州一縣億人兆人何以號為英傑者百

里千里難得其人焉此等人如同上公車者曾不
操觚命申獨壓倒千人萬人自然輪服冠帶不
敢以雁行進今立志之士須不讓古人乃不御於
今人若稍知自好不見惡於鄉黨輒自矜為千人
之人萬人之人恐不免為千人萬人中之一人耳
烏能出類拔萃與千古賢豪爭壇壝哉汝年弱
冠資性頗醇汝祖母常稱之曰知孝知弟謂於汝
父無違言侍汝母之病久而無倦色搗持保抱其
弟無厭色也立身已有基本然此世之所近須要
知學孝弟何以為仁之本仁義知禮樂之實何以

日誌

卷四

三

俱託於孝弟實務之於庸德庸言嚴破流俗風掃
胸次勿限於耳目見聞之近方是英傑本領學人
志趣孝友堂家法汝歸當與永興永徽等共勉之
勿怠

二十五日

王魯之問君子亦有訟乎曰訟卦豈為小人設但與
以陽中為主如今日於某生是也曰正為此某問
之人言我輩既欲為善人君子則當聽人吞之弱
之而已如何又與人競曰此等議論世俗之所謂
善人而非所以論君子也非其義也非其道也一

介不以取與以眾人之賣衣鬻牛多方措處百二
十金之易產退還人十月有奇房產不住地又不
耕而價值分文不得御忍創受寒乞貸於人且難
端自彼發之不能明目張胆伸一言而曰恐妨我
之為善人也此所謂鄉愿亂德者也惟仁者能好
人能惡人平天下君子正在能惡以全其能愛况
此房產之價子與備九居半我不言而任其吞蝕
須我出囊中金償子兩人原物則可不然據他人
之悔費別姓之財豈情理也哉若以其生素行阻
其功名之路則不必多此也就事論事可耳

日誌

卷四

三

二十六日

張達元可空寄禮經至書索予日誌

二十八日

支邑有道王翰如弟文學高古過訪各惠詩調以律

新秋翠色層雲密此夕新知似古歡已自遊燕

飲玉立還從入洛訂金蘭餘生老去枯禪客綵筆

風登詩士壇外朗固應和內潤瓊章映月生中看

二十九日

介公問今日當從何書讀起曰經書子史俱宜討究

只是讀者自讀書與我毫不相干古人經明行修

讀書只為窮理窮理正以修身子而設一字便醒一字任從何處讀起其歸源處總會到此心

日譜錄存卷之四終

日譜

卷四

甲

孫徵君日譜錄存卷之五

順治八年辛卯六十八歲

七月

初一日

在孫世教十世全程歸

李彝卿自封邱赴京兆試過余曰某坐封邱數月別

無長進只覺於嗜慾頗淡予曰別處長進只是一

節一目嗜慾能淡纔是全盤長進天地一嗜慾之

場也古今盡嗜慾之途也嗜慾之濃淡君子小人

之所稱分淡的一分即一分君子濃的一分即一

分小人君子達而上不過澹之至小人達而下不

日譜

卷五

過濃之至此外豈有它道哉淺言之日用飲食一

嗜慾之流行深言之富貴功名生死總為嗜慾盤

據固結牢不可破果能澹也省多少勞擾憤鬱便

是居易行素無入而不自得矣

初四日

李闈然以觴觴我因易酒觴客 病骨蹒跚夏日寒

良朋咫尺寡追歡以觴觴我應觴客質酒休教除

酒難

初五日

邀玉笋暨其子弟併王謝諸君 青梅煮酒應知友

不尋常白首論心自謂交非泛濫敢擬荀陳之
弟竊望御車思尋王謝之風流敬為折簡賓從
聚坐擬合圖卜夜為期肅楮先敬

初六日

得立兒家報內有為其繼母實錄一通凌斷不堪讀
已而翻自慰也 三十三年託青標來字字是
哀吟蘆花浚井何如事因此應知母子心

初七日

簡李鳴鹿別駕 古人好士禮攸存海內曾勞慰
益東魯名賢臨衛水南燕迂叟寄蘇門登龍爭謂

日譜

卷五

二

前無李長嘯誰云後有孫公事得聞余病已尙圖
一晤領春溫

初八日

謂王介公曰子之父兄遠在數千里外然此身刻刻
是事父從兄之事非謂待父始言事對兄始言從
也自家庭笑語以至精義入神無非此件堯舜之
道被四表格上下只一孝弟而已矣 又曰尋常
人家子弟振起御易為賢者後則難矣為聖者後
則益難矣一專不中情理微與其大人不相似便
是墮落謂之不肖子可懼也

初九日

乾顧赴試來別日向來日用舉業工夫遂不曾得盡
學問工夫予曰舉業何嘗妨學問得失之念不掛
於胸中便是真實學問大凡身外之物宜看得輕
看的輕則我大而物小看的重則我小而物大舜
禹有天下不與只是箇我大而物小

初十日

李甯然自西歸視予其城謂之曰我輩居身居家居
官總著不得一毫躁念試思從前忽然而起投筆
之興不可謂非躁也忽然而又起歸休之興亦不

日譜

卷五

三

可謂非躁也均非行所無事之意然躁雖於寮廢
不合畢竟是有血性人經一分蹉跌要長進一分
識力庸德庸言正須臾不可離終身無盡期者也
正助無所用只恐因循日就於忘耳

十一日

答友人慰問 手教以僕衰年多病罹此不幸諄切
相慰此之愛我也至矣僕年過七旬父母之喪亦
不可以禮制况其下者然人心風俗總借禮教古
人有妻死不哭者鼓盆而歌者此之胸次曠達原
非禮教所能縛然用以治世則不可聖賢禮儀天

平律令身型家底到底不容暑起僕從來秉父兄
之教則功而下僕不致草草今流離病困欲稍存
此禮未能也至生死關頭當下即不得了了亦窺
破一二矣

十二日

晨起夜眠兩兒相伴頗自慰有句云 朝雖停藥堪
瘳病夜即捐燈可詔心

十三日

獨坐自簡 招九總長國言易書皆誰知行忍難

十四日

日譜

卷五

四

偶閱舊稿覺可刪者多 新詩愧少不刊語舊稿歎
無可剩篇

十五日

為潤孫書勉學語一則

十六日

一友人來顧謂予曰久慕先生無繇一見今又以考
遺才來殊覺無顏予曰豈謂入網羅者皆彥士滄
海遂無遺珠耶巨壑終不可以編得真正英雄亦
未易以世法相收也其人嘿然而返

十七日

望雅問馬山九似功虧一簣九似之積力最難一

簣之覆操功甚易何至遂自棄也曰莫輕視此一
簣非終食不進仁後更不離道之君子正未易言
夫人生平矜名立節銳意修為迥出流俗之表豈
不儼然一丸似之山也哉迨至望高譽集稍不提
醒始焉弛其敬小慎微之心終遂墮其肩宏任鉅
之力自古及今學問不到家英雄不足色皆坐此
病予謂此一簣也萬難於九似不覺汗下

十八日

味爽起坐謂博雅曰提醒此心正在此時或湯味爽

日譜

卷五

五

丕顯千古治心之學也問曰丕顯一字於何著落
曰達而在上者著落在平章協和窮而在下者著
落在修身求志既窮患難者著落在空乏憂虞舜
說諸人不閱歷山版築深阻艱難之跡烏能兼善
天下空乏時丕顯與協和時丕顯總是一樣戒慎
恐懼以提醒此心耳

十九日

寄梁如星 老妻客死千里之外是天所以彰僕之
不德也前小兒寄字猶謂長公傳老社翁垂念至
意繼而聞次公因耗渡斷者久之壯歲茂修所志

未遂一旦奪之造物亦太無情矣老杜翁所以念
僕之苦者僕能不轉而念老杜翁之苦耶恨無能
縮地握手一動耳雖然我輩俱迫桑榆死生存亡
之數亦當勘彼諒不至蹈西河之誦

二十日

寄王梅菴 附景沂一函以為臺從走潞河矣繼而
馬玉老沈石老傳致相念之誼咫尺未得一晤可
勝悵然歸安茅氏又有字來催幼子就婚門戶苦
累孤寡難支特令小兒先往一看有借鼎重處想
親翁念止生舊託聲氣定不吝一引手耳武林佳

日譜

卷五

六

山水久切夢寐之遊遲速圖了此願也僕譜中答
問一種因奉教旨敬呈覽政倘於尊意稍有當煩
椽筆題數語於其首何如二千里學人寥寥此派
畢竟江南為勝况得親翁提撥鼓舞吾道南矣拭
目望之

晨起謂諸子曰學者用功切莫侈言千古遠談當世
最吃緊處只要不虛此當下一日自子而亥時雖
不多然事物之應酬念慮之起滅亦至變矣果能
實實者無有不處非道富貴之心行不去非道貧
賤之心常存而不放則自朔而晦自春而冬自少

而老總此日之積也一日用力而力足一日不用
力而心放澄心靜觀日子而亥至者幾時放者幾
時此處已有獨知或慎之功豈容他人着力

二十二日

客曰某居常有憤焉不平之意極知毫無當也但無
此一憤便無人氣故常以言語得罪人某兄時以
為彼未能即改予曰必不欲以言語得罪人便是
鄉愿一派若以言語為無傷古人訥言訥言先行
其言亦凜然不致輕出矣夫凡學士輕言因乏近
裏善已之功昔與周忠介蓼洲友憤世嫉俗毫無

日譜

卷五

七

避忌予與伯順亦極服其心事之光明俊偉然未
嘗不惜其議論之過激從古豪傑濟一事成一名
須備極堅忍而招尤取謫者率多放言輕舉自負
為無疚無惡之人聖門諸賢如堂堂平張也子路
行行如也其精光氣魄自是不磨然尼父每為下
砭正為堂堂行行與吾聞然之體毫無干涉我輩
萬不可以避鄉愿之名而致失其狂狷之實吃緊
一言南容是吾師也

二十三日

復鹿氏兄弟 聞令祖母前番病甚今想健矣遠在

千里外不及時常問題來功課日讀今應說約
敬則此昔年願覺親切惜此中人無可語此

二十四日
湖孫旋里為宗黨故舊作報字

二十六日
陽廷道見太師集內有為吾邑楊忠啓序又於程生
處見靜修集舊本首序亦吾邑所未見也俱當錄
存為一邑文獻

二十七日
千聖萬賢不過要識一仁字而吃緊工夫只在克己

日譜 卷五 八
夫子不獨告顏子即語仲弓是教他克其不敬不
恕之已也語司馬牛是教他克其躁言之已也凡
語諸賢因病下藥皆是教之克己

二十八日
謂于度曰我輩今日不必問平章如何協和如何只
此一家之中老少長幼各守本分各相雍睦便是
一家之理照子曰惟孝友於兄弟施於有政孟子
曰道之不行不行於妻子此最切近精實處纔毫
不容襲取

二十九日

豈雅妮欲渡河一遊謂之曰凡遊心有所為其所為
者不必一一問所可問者到處有山有水有有德
之人有有才之人有鄉黨自好之人有能文能詩
之人隨處皆師資也果能留心物色豈不勝終年
屋宇坐耶

三十日
驛傳道李儕仙過訪 名子和年友李蘭晚仲子京兆盤桓憶舊遊
箕裘今復篤前修烟霞色借雙旄動牛斗光掃一
塵留賦綠紛紅競自賞素心蘭韻淡相求益從後
輩欽先輩世德繩繩止未休

日譜 卷五 九
八月
初一日
鄧陵韓叔夜攜高薦蘇南中書過訪薦譽謂與前進
士陶岸生會講於龍泉書院

初二日
簡李儕仙 兩接清光迴出塵外當代偉人目中罕
視益見令先君明德無窮極也至云古道自處僕
感之敬之尚敢以世法待年兄乎年兄以古道自
處復以古道處人僕必欲以今人自待復以今人
待人甯不自愧也哉獨古道二字自年兄先之不

六三一

忘其先人固不忘其先人之友意味深長若自僕
先之則亦妄人而已矣年兄既鎮重此誼五十三
年情事宛然目前滿筆成五十六字用志此段佳話

初三日

諸生十餘人以考選才事再過相囑予曰流寓初生
縱有濟才之心未有薦賢之路諸生曰此中諸上
官莫不仰先生為山斗言出於口誰不見聽予曰
山野之人不可以居官論也昔人云國君聖而文
人聚技吾遂部道諸公皆有薦賢之責於此事不
容冷即致衰病之人於此事過熱祇令人憎其多

日譜

卷五

十

事耳

初四日

沒緣蓋二書以所為詩一冊來晤謂予曰初念未嘗
不善只是多悔念便不如其初念初轉時猶理欲
支離之一語種種貴功名蒸動於中此時念之
所不能者只有不殺人不為盜耳予曰知有難
念便是能提醒此心如不提醒任其昏昧放逸盡
失其本心而不自覺即如不殺人不為盜亦莫視
得大易仁不可勝用只是充無欲害人之心錢不
可勝用只是充無穿窬之心此非真實修證作不

自欺工夫未敢輕以語此

初五日

題慈津寺重修疏入歲寒二集

初六日

光州王石鶴名翰同叔夜過訪索觀予歲寒集

初七日

孟二青名瑤執贄稱弟子

水部有字於墓傍公田一頃為孝子拜墓之資報云

公田百畝資諸兒拜墓此先生仁孝錫類之盛

心也諸孺子感而泣下敢不拜賜

日譜

卷五

十一

初八日

兩生入關過予曰先生上公車十餘次當下第時不

知如何難過予曰昔人云人以下第為恥我以下

第動心為恥予未入關時日日服膺此語到第

時便視為固然也大凡貧富兩途只打算居貧得

共兩念只打算不得遂無甚難過處

初九日

開封李巖同名光座過訪

初十日

客懷 公和康節客中過靜裏工夫相揣摩但得清

風明月在一際寧謔自無波

十一日

望兒問古士相見禮還清存否曰今之弊俗中凡稱某也願見無繇達託為先容暨投刺請拜用贊主人回拜或遺贊或另具儀皆古人之遺意也禮教廢夷已不可言然禮之意終古難晦版因夏周因殷總此一禮不得不損益於其間繼周者百世可知古聖持世之大莫先於冠婚喪祭冠禮久廢祭儀全非其初婚喪僅存而先聖於婚也則首惡其論財於喪也則獨取於棺威此正禮之精義而後

日譜

卷五

三

度數在所畧焉如大哉聖人之道所係以賢者極者禮儀之三百以儀之三千餘三百三千不從一厚字山鳥能優優過滿厚即所謂德性也禮彰明須是仁厚君子實有道問學工夫纔可與言禮即如士之相見正道問學中人取以為輔仁也故鄭重其相見之禮若無所裨益徒煩相見之節文奚取於此

十二日

憶北 憶北非徒為故鄉人心向自有商榷可知
燕垂清議夢吉椒山遺韻長

孫徵君日譜錄存 卷五

有人焉手持數卷欲速了問其所待曰忙中六會全

經眼裏過豈暇有存想時耶予曰此之謂正與助耳古人讀一句存想一句存想一句解悟一句纔是會讀書人

十三日

論子弟 世之人有一人不求富貴也豈求富貴之人有一念不在富貴也哉求之途廣而求之念吝此心之放全放於此愈求愈放愈放愈求本心遂一出而不復返人盡失其本心不得不以書心為主大家亦相安恬不為怪今汝等之求放心也亦

日譜

卷五

三

惟時時提醒默諗本心從言行上求信果於家庭中盡孝弟但求為世間一有恥之人此便是道德此便是聖賢人人具足不待外求唯不知此之為貴日營營逐逐求之於外所謂拋卻自家無盡數沿門持鉢效貧兒亦可憐已汝等果有志於學問之事須淡其欲富之心而堅其守道之念如其不能淡不能堅則痛責吾志之不立若負人世之大疚而難以比於人則其心自道學而不敢放故欲求放心必自責志如

十四日

六三三

劉廷圭子劉仕諱與妻劉濟寬公定蘇妙茂游過
訪周王晉之曰世人千般醜態總從欲富貴惡貧
賤而出不知富貴終不可以求得極貧之盡境為
飢為寒至溝壑而極然溝壑一片地豈無志之人
所能到賤之至不過為漁為樵為農抑知古來帝
王將相偏發跡於此中即不發跡而終老於漁樵
耒耜者亦庶幾乎古之逸民我輩今日吃緊學問
便當從不恥惡衣惡食做起

十五日

對月三首 南列 中秋一夕所感者三一集友謂宜之

日譜

卷五

西

與講斯三子也一傷老妻之云亡一憶止生客江
村百歲時恍如昨日情之所起各為一絕俱得秋
字 共城兩次度中秋客邸啜鳴老未休或在太
梁或上谷更兼明月是良儔 逢人俱是愛風流
若箇風流得盡頭缺陷誰云非世界月圓徒自嘆
中秋 憶昔江村與百樓三千里路共中秋故人
經月頻相照英氣依然向月留

十六日

張湛虛有詩相慰令其子衍來顧

十七日

薛行塢寄懷詩二章令其子弟蒼生等過視

一友問魏武殺楊德祖始其勝已也果否曰才人始
才千古通患不慮此病者獨若無若虛不伐不施
之顏氏子以子貢也而悅不若已何況其他天下
事斷非無才之人所能辦而小有才者便自矜其
才又妬人之才妬心一生相傾相軋奚所不至此
不獨禍中於朋友君臣父子兄弟間正不免英雄
豪傑須要克此一段勝心方能有濟不然即周公
之才亦不足觀矣

大康耿耀攝其孫帝德曾孫履介耿是經字來訪

日譜

卷五

圭

十八日

韓叔夜惠詩用韻謝贈 自識荊州日千秋約已成
百篇盟藝苑一劍倚長城揮塵神逾遠投詩誼更
明暫將分手去欲別我心傾

十九日

寄高薦馨 韓叔夜寄手字至開函色喜頓舒闊懷
更喜得隨岸生為友此君力學立品人皆仰之既
得良朋當益憤發方不負此一番遠遊耳

二十日

奏兒同馬構斯李甯然渡江過歸安茅氏謂之曰出

門以不可見人之不是一見人之不具便是已私
爲貴卽如三人中飲食語言亦不可先持已見必
欲人之從我已私無大小只見已而不見人便是
人欲橫流旅卦童僕貞二字甚有味况至戚骨肉
之間乎拓眼界開胸襟古人得力於遠遊者不少
而長途邸舍風雨飢寒其磨鍊人者亦復不少古
人得力處正在此磨鍊處耳勉爾此行勿爲泛泛

二十二日

一友問先生五十餘年老賢書仕進之心夢想不到
何不向深山窮谷選跡息影鹿遊石岩而尚寄託

日譜

國卷五

六

風塵之內幽士爲與通人不拒此於避世之旨何
如日子之愛我也至矣昔人結木巢棲塞戶竇伏
資身賣卜傭工灌園甚至爲卒市門毀形易面予
高其誼憐其情然非予心之所樂也余少秉癡心
以友朋爲性命老更婆心謂滿街皆聖人故於人
之貧賤賢愚凡有意於我而惠然肯來者則不厭
諄復而告語之至於通人尤是賢者所當盡力導
果肯來虛心我輩何妨實心幫助實一分受一分
分之賜安樂窩中叟是予自也

二十四日

庭秋茉莉 此種人傳秋茉莉香清色豔沁心脾名
花何必驚流眼恰喜生來到處宜

二十七日

高斗南視予共城

二十九日

郭扶陽衛門自陳州至

九月

初一日

簡高斗南 漂泊蘇山絕送迎到門有客價連城十
年海國淹知己千里烟雲對短檠志士履常心獨

日譜

國卷五

七

吳達人涉險氣逾平秋高知有滄洲興瓶粟猶堪
歲暮情

初二日

晉殺一茅舍

初三日

郭衙問問人心風俗日異而月不同勢將何所底極
曰人心雖陷溺之極其千古所同者自在風俗卽
薄惡之極其千古不異者自在秉性初風以昌移
夫子一身曰始吾於人今吾於人已不同矣孟子
亦曰人之所以異於禽獸者幾希今又千餘年濁

益深風益下自不待言然幾希一線去者自去到底仍有不勝感之人培植人心經提風俗畢竟從人各具之良提醒

初六日

斗南謂十餘年漂泊江南寄居海上而談諧未具世系未清欲詢之父老已不能欲俟之後人益不可宜如何余曰宜急時料理疑者闕之而傳其信者再為延緩轉盼間并信者亦成疑矣

初八日

扶陽謂吾見人目前饑寒絕不料理非追憶從前之口譜

卷五

六

受享則妄冀後生之富貴日日怨尤而已余曰此所謂小人長戚戚也下學君子只是當下自盡饑寒空乏拂亂正是玉汝於成過去未來何須入念

初九日

茅舍集諸同人蔡括蒼治具括蒼即君售北關錄至括蒼旅共城不能即歸而不能不念其空乏謂之曰但囑郎君仍前甘此淡泊少見賓客乘方新之意氣春闈再捷遂了此八股生活稍一歇手便不可知姑待延緩坐廢半途者皆因有得意之見也

為高氏家譜序 入歲寒二集

初十日

為俯學宮文 代郡守沈石友 入歲寒二集

十二日

郝雪海邀晤

十三日

斗南 死之說云西學謂有始而無終者靈魂是也人死必靈魂不散但非飢食渴飲有形體之物其靈魂 必若少集總在生前之積善積惡予曰堯舜周孔 亦在正正靈魂不散耳如云具體賦

日譜

卷五

九

形之人皆有此靈魂恐未必然

十四日

歸留雲舍

蘇澤公過晤謂南方於同鄉甚是關切即中州一帶亦莫不然獨吾北方殊不然此何說也曰不在事鄉不覺同鄉之親予來千里同鄉相視便藹藹多情况數千里外乎朝夕相處人且多無怪其漠然

十六日

扶陽以約名齋令博見書之復索予數語發約字之義予謂陽明博約說言簡意盡無庸再贊一辭汝

傳教第一節大旨皆所以發明此章之意願扶陽
歸正其所以取是說沉思而力行之則幾矣予何言

十七日

謂君子之心不得其正只緣恣慾好樂等情有所放
耳然亦極知所之為累而不能行來應應者總歸
平日用功不能知之明處之當故觸處皆成滯滯
知者不其仁者不憂勇者不懼所不期無而自無
矣

二十日

欲得此歸謂之曰禍福無門惟人自招日與善人居

日譜

卷五

三

聞善言見善行是即吉祥而福莫大焉日與不善
人吾聞不善言見不善事是即妖孽而禍莫大焉
至誠則知正必之於善不善耳我輩今日勿謂近
小人為無妨比匪之傷古人今人每蹈此病不可
不痛自警省轉轉相告也

二十一日

報王五修 老妻危時諸兒為製一新衣不甚愜意
每念其素所著之服欲令人邠州取贖正難之曠
觀持門下所贖之衣到病者不覺色喜為加一餐
此時此情師弟真父子矣中心之感又不直平乎

往返徒行也札中所言講學諸公後復有不足於

中者此是五修之高處亦是五修之極處高者取
法不可不上偏者道大不可以一端論也或曰初
學宜從偏處入亦恐落入鄉愿路徑耳余曰鄉愿
病痛全在一媚我輩正以至誠淋漓消彼偏黨意
見之私此中何啻千里因學力較前大有益進故
其言如此

二十二日

報仇異渥 大為來將手字七紙文生於情情生於
文總見骨肉閔切惻死念生惓惓病叟之意此誼

日譜

卷五

三

何可忘又何能忘聞居苦次守禮甚嚴雪虛先生
身型家範於此見之只此 念古初與叔季今人
與古人不作歧觀也獨城中諸老者一時凋謝劉
瑞老素心更為可傷至談及獨醒齋門前雙柳隨
下一泓已令人神遊其際矣

二十三日

友人問天下國家何以可均而中庸何以不可能曰
漢高祖唐太宗皆所謂均平天下之人而以語於
中庸之道能乎不能乎才力知識能驅駕今古到
的中庸上偏絕毫用不若故廣清海易慮清才

心雖性聖者能之夫子自不敢輕以許人

先儒所賢每有學規以誥教學者余亦約四則以誥

我子弟 一居家之要曰敦倫 一為學之要曰

明理 一存心之要曰勿自欺 一立身之要曰

躬自厚

二十四日

望兒問某人者行有違心顏色怏怏若無道可以自

容耳曰此正是本心發露雖相遠之習猶存相近

之性此時之怏怏卻是羞惡之心未嘗漸滅有此

一端而是非辭讓惻隱全盤皆在然不畏名教須

日講

卷五

三

畏律令從此悔圖猶是生路所謂生於憂患死於

安樂也

午夜不寐 疾從中夜集物欲忽相侵氣到塞天地

只憐一寸心

二十六日

慰友人下第 下第何人不動心羨君別具一知音

幾微含愠終非恬得力須從失意尋

十七日

三介公從其兄景沂過蘇門景沂入閩欲漸移其尊

人還北介公不能待歸賦此 一茅舍裏下帷時

忽整歸鞭促別離閩海有人凝望眼鴻飛須寄八

行書

二十八日

憶渥城舊居東仇異渥王五修 寂寞空齋孤寄時

悠然二仲繫吾思漫云千古蘇門嘯珍重離前雙

柳垂

二十九日

奎樓聯 符分赤帝形狀希奇教亦多術矣 建孔

庭心靈煥發文不在茲乎

東高仙友 咫尺斗山猶往十餘年未得一瞻顏色

日講

卷五

三

夢寐為勞南來抵官莊不意道逢尊大人取酒烹

羊淋漓豪宕迄今神情猶在太翁襟帶間也至豫

徘徊於淇水蘇山之間數閱月竟借一枝棲息於

曠臺之傍又辱老親臺垂念衰病流離遺字於澤

公司理而澤公遂推愛無已懼成莫逆千餘里之

外廿餘口之家總在臺仁露覆中

十月

初一日

劉範修南行過晤句以送之兼致王悔菴 興來思

遠遊顧我共城裏入夢已神迎行行還且止

君何所適云欲過錢塘過憶我良友無言正長
聞孝子一則 王公友四十餘歲潯安府壺關縣人
年荒流移洪縣爲人傭念其母老不能出門賣其
女爲養母之資其妻拾麥數斗負四百里歸遺其
母夜常慟哭問其故曰不忍離其母越數日竟歸
去耿生禎曰有妻子則慕妻子彼不難賣 以養
母矣百里負粟古人之傳之史冊此何人也今
何時也而竟四百里負粟乎洵不可及也

初二日
入冬七日體中尙弱較從前又是一番情狀賦此

日譜 卷五 詩

漫云多病道心生滅我食眠瘦我神倦由來秋
漸好而今又是一番新

望兒婦許氏以產後七日不能言
初三日

爲許氏經營衾棺之事
初四日

寅時兒婦許氏卒
初五日

寄許佑之 鬼神警僕之不德之妻客死其苦已不
堪言令妹於前月念七日得一女六月後忽中風

不語醫藥罔效一日半遂至殞命小兒在女室
爲于度淹留亦未得而衰病痼疾醫婦婦老妻而
逝舉家傍徨僕腸且寸斷矣令堂高年素鍾愛此
女聞之其何以堪

復馬玉笋 鬼神重警弟之不德遂令兒婦繼寡妻
而逝此婦頗賢事姑睦異乳兄弟傳吾家不墜孝
友堂家聲者此婦有力焉卒然罹此舉家傍徨小
孫孫女夜叫月晝號天殊令人不忍聞不忍見第
向來心跳神瘦當此未免淒斷千里外絕無親知
不謂先生又有河干之行未審何時可歸孺子婦

日譜 卷五 詩

萬不敢勞先生長者賜弔寄壙之期須小兒到讓
之承俯念爲計費用此何啻骨肉然先生非有餘
陳仲子恐向伯夷求貨耶

初六日
許氏入棺之夕憶其賢而哀之 憶昔甲戌歲賢婦
入吾門勞瘁每居先機儉還自存屈指十八年事

姑色倍溫姑常道其賢內外無間言姑也夫後母
汝視惟同恩夫弟皆異乳汝視爲同恨既翁先好
和伴我閒心魂孝友堂中蔭繁及子若孫蒸動戶
以內流離情更悽今日汝云一令我減喪殮

祭季兒婦許氏文 傷哉賢婦此夕入棺汝夫不
及訣倍為淒斷汝之寺且賢吾已有請志之汝孀
大禮明大義生順沒甯定亦無憾獨舉家徬徨謂
汝生平無病一病而遽不起寢出意外傷更難堪
今與汝之子若女若小叔若姪若孫汝汝屍
歸棺未忍釘蓋猶俟汝夫且晚來而相見懺我
慟哉賢婦有知從遊汝姑於地下能事之於生自
能事之於死幽明豈有二理哉勝其發之

初七日

景乾禎下第未及歸省即回其城曰此番稍暇庶得

日譜

卷五

三

洗心學問之事固與之曰真實學人之難總在無
志志立矣又懼其久而怠心生也又在實志時時
責此志則志立而學問之道在是矣

初八日

天氣甚寒人思就熱博兒謂天殆開入以附炎之路
何怪人情之奔趨乎曰就日造日飲湯飲水天時
有自然之運仲尼上律天時正法其自然與時推
移畧無成心入火不焚入水不濡賢者審時度勢
自作主張不隨人俯仰不肯就寒不肯就熱趨之
附之是何等樣心腸何等樣行徑所謂至水火而

死者也試看古今史冊中有一箇當權得令之不
人出焉凡衆小人趨之附之那一箇不被他燒死
溺死

初九日

先慈忌辰 蕭條旅館薦常儀心事淒迷難致辭四
十四年千里外白頭依舊倍兒時

初十日

景乾禎問孟子謂求放心一言足盡學問之道而求
放心下手處當如何曰人心之放其根源總在好
貨好色等項令人浸淫不自知今欲下手只時時

日譜

卷五

七

刻刻考察此心偶起一念莫自瞞昧則急宜痛責
此志志之倒塌人不成人果真切自訟自悔私欲
自不能容漸去漸復心始還舍然又非一還遂不
復放一刻昏昧又復放逸道學自修是終身用不
盡工夫莫言須臾不離終食無違只時時防此心
之放放矣便急追之此外原無他學問也 又曰
放心亦各不同矣愚不肖有愚不肖之放賢知有
賢知之放奸雄有好雄之放夫子獨稱顏氏子好
學三月不違始為不放其餘日月至焉至之前至
之後亦不免於放但不至如愚不肖之沈溺奸雄

之假竊求之功愈得則致之路益遠正助之害氣
理義之徑情稍與本心不相符合皆放也道高一
尺魔高一丈六欲七情種種皆成賊吾心吾性之
具降得倒時徹底廓清則徑寸之間塞天地配道
義亘古今總不離此腔子內作用此之謂能收能
放把柄在我造化生心人前陸象山除求放心先
立乎其大之外別無學問予謂先立乎其大亦即
所謂求放心也

十一日

人生不得受享只爲二箇魔軍作祟惡魔是也惑

日譜

卷五

天

能令人識眩憂能令人神昏懼能令人骨竅發
之字自生踟躕循環無端廓清無日算來只因身
非降魔之身迷令魔軍愈甚知仁勇一來登壇彼
將不驅而自退矣知仁勇亦非二箇只一誠字盡
之誠則無敵而明誠則無惑而樂誠則無欲而剛
望兒自山右歸謂之曰汝今遭汝婦之變要知學問
之道全於人所最難堪處能有主張不可任意錯
過

王士良投書具贊介李允繩通拜稱弟子

十二日

復李嚴通 得接之字大慰辰心今先君高風遠韻

古人罕儔覺爾請節猶多一彭澤令劉靜修猶多
一贊善大夫也第憶衰年軟筆不能揚揚懿美徒
於狀中畧爲次第仰副仁人孝子之心正不妨削
之潤之惟存其真可耳

十三日

蘇澤公司李惠米

十四日

都方伯殉義傳引 余不識方伯然於賈孔淵梁
如星前後轉讓時悉其爲端人也後二十年流

日譜

卷五

无

寓蘇門孟宗伯季子爲余道甲申榆林殉義事
余爲擊楫嘆服述其概入吾取節錄繼而嗣君元
祺過余益得讀其傳子山所謂傳生氣凛然鬚眉
如在雖未核其生平足概生平矣因念甲申遊闕
長驅所與賊爭鋒者獨榆林與甯武甯武猶武帥
而榆林則文吏耳獨能合諸將家死守血戰不降
不逃亦烈矣哉古人無二傳之理余亦嚮傳子久
思欲梓其傳以告天下人敬弁數語於其首

十五日

馬步先關腹引 余每與入場人語謂宜先清得失

之念然聞馬仲子之售也則不能不躍然有喜色也余未識仲子時仲子之戚友人人言其必售余問其徵象謂其先世積德厚且步先事母從兄外無功課焉讀書靜坐外無嗜好焉不獨人事抑天道也迺見仲子靜穆醇謹以所聞而質之所見益簡慕之聞撤之夕其兄水部公盼盼於其第之一捷以慰母氏之驩今售矣而母夫人鞠育幼子之心慰戰然而加一餐可知也水部公篤念天顯且更以老親之心為心其中心之慰更可知也諸戚友謂仲子必售信天道之果然驗人事之不爽

日譜

卷五

辛

惓然且各若身售焉余友水部公深安得不躍然而色喜耶乾頤曰消得失之念者中喜樂之節府何妨會其間中腹至信觀者恐後水部公曰行將授梓請正同人因囑余題數言於其首

十六日

馬步先秋捷歸謂余曰先生謂功名為身外之物最不可先機得失之念故觀於入闈者固然也倖而入闈亦若固然也不意乃得曾願先生再惠教將奉為終身曰此雖為一時之言乃終身之言亦于

認的此身則我大而物小身外之物自能超然洒

脫不認的此身則物大而我小終日營營為物

役得失之念如何能降伏得下孔顏曾食雞飲浮

雲富貴爵禹有天下不與道繼是莫實境地不作

得失之念我輩於聲華勢利淡的一分則於身心

性命濃的一分淡者日淡濃者日濃則欲去理還

危者安而微者著矣然目前下手處卻不在高遠

難行只如吾子所云不喜赴俗庸不喜說虛話不

喜粧戲腔便見近裏著已下處在是土遠在是張

子西銘言乾父坤母萬物一體之意而京銘指示

日譜

卷五

三

下手乃在戒戲言戲動始引伸擴充勿忘勿助不

離日用常行內直造先天未畫前

十七日

有人苦家務之難者曰陸象山當家三年自謂於學

有進此正可想於有政是亦為政全是孝友真

切實際處莫徒作米鹽簿籍細碎說也

十八日

張于度過觀且惠詩為慰 淒涼客況不堪論對菊

牢豎更斷魂漫道天心生我輩故教要思因蘇門

十九日

過玉笋別墅忽客送名酒至飲而甘之明日復攜尊
惠我 向來強飲爲消愁名酒忽逢新我憂昨夜
醉鄉眠得穩準 今夕又封侯

二十日

東馬玉齋 聞仁兄賤間旋里弟無可將敬者一履
一巾一茶其物甚微而鄙意有所取焉後取無益
君子之貞也巾取拂塵日新之象也茶取綠微清
虛之府也由無咎而日新而清虛聖功畢矣此香
取會狀登鼎鼐一時賀客自不乏此言第請取會
狀登鼎鼐仍不可忘腐儒之言耳

日譜

卷五

三

入夜素未熟因督諸孺子學文偶翻放翁語衰年病
久難停藥孺子學荒豈廢燈

二十一日

平且起坐 幾希一念葆鷄鳴無奈挂仁巨義情漫
向人前作証語學利善要分明

二十二日

水部馬玉笋其弟秋捷輝令爲送鼓吹玉笋欲卻之
余曰必欲用不可不用亦不可老親鍾愛幼子暫
借一部鼓吹以諫親心此天倫樂事不當作外人
聽也

玉齋過別其兄爲製一新衣自謂踴躍此身不堪與
先生相對余曰寒士必欲著鮮衣此俗情也非寒
士必欲不著鮮衣亦矯情也衣服飲食之間有道
存焉因乎其時便見學力總不可有執滯耳

二十三日

報王伯常 憶昔晤令先君於江村杜鵑江齋頭一
時風雅宛宛在懷不謂二十餘年後復得於吾丈
結塵外之知其相信相愛之深如此王汝止庭謁
陽明業已北面入夜思之有疑於心明日仍請據
上坐反覆辨析必心折而後再拜焉小兒歸述吾

日譜

卷五

三

丈投誠遙拜具書請贊何所聞何所見而遂欲法
之若是耶僕且自愧矣即君來晤具悉近况惜別
去匆匆不及多致

報李允繩 小兒歸具道絳帳之下良友雲集不獨

謂喜得英才而教江村夫子面目重開傳錄有人
厥功偉矣弟漂泊孤踪兒孺卒然告殞正小兒延
留成安時也旅邸悲涼甯堪此凄幽耶鬼神重警
不德夫復何言吾丈道義相關慰諭殷切俱自肝
腸出之至布素之惠誼高解衣敢不拜賜

二十五日

報賀宣三 小兒旋讀手字兩函具悉靈仁深情遠
韻蓋不獨大河以北信巨擘也伯順而後此道絕
響不意近復得之仁兄說理提綱兩心相印所謂
千百世南北海此心此理同也梅銘字字汗下子
輿欲發之蘊始無餘矣此正可為知者言難與俗
人道耳

二十六日

問齊宣如何公然自謂好貨好色好勇好樂豈非獸
氣孟子亦如何公然自謂皆無妨且云足王豈不
失之諛乎曰舉世有一人不好貨好色者否有一

日譜

卷五

言

人不好勇好樂者否且晝之皓亡夜氣之戕賊夢
魂之昏濁皆此種種為之崇舉世好之舉世不肯
承認獨齊宣不作自欺欺人之語此正天資樸實
足用為善孟子引之以致王亦從人所真切同然
處下手試看居有積倉行有餘糧內無怨女外無
曠夫此是何等世界可想王民熙皞景象非孟子
不能有此心眼

二十七日

王介公持繆當時太史所為夷齊餓首陽文質於道
子望雅謂只名非所知也一句是一篇骨子篇終

埋名委蛇固無望當日之樵夫牧豎憐其骨而收
之亦何意後日之忠臣義士過其地而弔之哉韻
雅曰首陽已為周之首陽矣夷齊一餓首陽固夷
齊之首陽也薇亦夷齊之薇也採薇名在即商在
名又何必逃乎余曰夷齊古至心人也當日之事
只是求懷此心非近名亦非逃名求仁而得仁耳
君子去仁惡乎成名

十一月

初一日

蒼頭負一飯篋來內有伯順手書十餘紙 十六年

日譜

卷五

言

來色笑違忽驚微飽滿珠璣關情字字神飛動友
道千秋有所歸

同孫紹開過夏峯 紹開精地理

初二日

崔竹酒自楚還魏假道過視其城方在外艱值余悼
內 楚山楚水路三千慘意接情兩地懸相見未
遑相致語悲風助我一潸然

初四日

得高薦馨書 漂泊人嗟旅食難獨君到處得清安
可知忠信無違碍讀罷音書加我餐

初五日

李國華秋捷 綠筆風登名士堂 此日喜騰翔
虬松豈與凡花競好砥波流一柱長

初八日

與蘇澤公 涿州諸生趙文經與兒等同社且至賦
也寄居頭坊店其人木訥之極昨曾投見老親令
自鑒其無宅偽巧但漂泊孤寒土人排擠勢必他
徒然總之不出老親翁宇下還望仁人一言覆露
庶吾鄉窮士不至溝壑耳

初九日

日譜

卷五

美

邢欽之刑履中過訪

初十日

寄元城馬猶仲方厥國二廣文 元城孝廉耿先生
諱慎動庚子署容城論僕受知最深後令歸陽別
數年猶通音問今其子孫不知有繼其業者否二
仲振鐸天雄斯文攸賴冠裳奇得靈植僕借
德以報師誼不啻躬承之矣

十三日

望兒問夫予以克已復禮語同見賓承祭語難為難
言詞語午節語遲亦嘗言先難後獲此皆從已止

著力不假於外獨與遲言愛人何也曰仁未嘗分

已與人也干聖萬賢為仁只在已上而已卻不遺

人試思愛者人矣而用愛者誰乎然愛人正未易

言也人有上知有中人有不惡人有仁士我者有

家人我者有仇敵我者國士我自足令人感家人

我已不令人憐而仇敵我更且令人恨此非真能

克已私利淨盡以天地萬物為一體鮮有能用愛

者舉直錯枉化枉為直正是善居其愛知人亦是

愛人中事子夏聞言解悟所謂篤信聖人

十四日

日譜

卷五

美

聞陳三捷殉義事入甲申大難錄

十六日

立雅問貧賤如何是不以其道得之請舉似其人曰
顏子裕為邦之略而軍懸匿巷原憲處生塵而
辭祿九百總因富貴是人之性命榮辱者不處人
只是欲貧賤是人之仇敵緊說者不云人只是惡
貧賤原與道近做聖賢全在此處體驗孔顏造下
這局面要入此門者嫌貧賤不得

十七日

題不以其道得之不去也文尾一位高難勝任金多

慮厚亡何如貧與賤到處得徜徉

二十一日

追憶二友 有引 二友者一上谷潘子美芹一大梁張

林宗民表子美最不羈人多苦其凌厲然予生

謹涇渭甚明蓋有心人也後國子美而交林宗林

宗詩酒自況議論亦偉年衰而氣不挫子美壬子

賢書公車逾二十年同舍少年輩輒以古董目之

子美曰諸君蓋未識古董耳予有商周法物諸君

豈願見之乎 指予與林宗 林宗嘗為諸談迄今

追思猶令人絕倒因年來其鄉之後進搜尋其遺

口譜

卷五

完

詩邀文簡傲有子美林宗和鹿伯順詩遂為憶

二友 三子胸中各負奇中原旗鼓兩相推不堪

回首一追憶此道於今更有誰

二十三日

景乾禎問孟子只言性善陽明乃曰無善無惡心之

體先生亦曰未習以前且無理何有欲是所性無

善無不善似與性善之說不合曰性是夫之所命

原無不善之理孟子所以道性善陽明無善無惡

心之體謂意未嘗動心無所著不止無惡并未有

善乃至善也予所謂未習以前且無理何有欲亦

渾然至善也何嘗背於性善之言必泥定無善無

惡無理無欲是說性無善無不善則失之矣以解

二十四日

得節義事六則太康諸生耿耀錄來 入原錄錄錄錄

二十六日

代題紫星館聯 交而信乎傳而習乎念茲吾黨事

其賢者友其仁者樂此嘉賓

二十七日

束李彝卿 昨友人傳親翁假鄰家大磁器二十

口譜

卷五

完

賦甚賦甚此乾坤何等時乃作此大破格事昨

王張之按君與部道諸公共巾儉約之會遍揭中

州其意甚善僕前六器之約在此時不啻奢矣不

能得親翁之信豈敢再望他人理無巨細義無精

粗莫謂飲食為小節也再往一幅定求如約

二十八日

寄蓬元司空 出門小語聊志歲月多淺近鄙俚之

言家庭細碎之語何足辱先生觀哉然既蒙先生

之不鄙棄或於適言而稍有當也至與數語於其

首

十二月

初一日

沈石友過訪 風流一使君 塵外具心 塵外我意何

深衛源翻覺淺

初三日

於笥中得亡弟武城事字一幅 揭之樹 倏忽十

年別精神筆墨間 聯林不可得 恍自夢中顏

初四日

安邑吳聖翊道明來晤

初五日

日譜

卷五

平

聞左蘿石二僕一名左李一名左傅同主人死

初七日

作聚星館記 人歲寒二集

初九日

為文寄焚黃鶴墳墓上 入歲寒二集

十一日

榻銘 兀然一榻每坐夜分竹戶經牀風雪時聞疎

籬敲席榻隱無文客至時常乏酒自奉安必有重

旁人竊笑而竊憤病與心安而意欣幸諸孺子長

幼成擊詞詩讀畫背額香焚長枕大被至性氣

兄弟而兼師友 賦食起居隨意適形而絕不覺其

紛紛各為忍慟於其母故念其父而靡殷此一榻

也莫嗟落寞莫厭荒涼不愧乎一室之中便可以

策千古之勲

簡沈石友太守 某燕南腐儒也少而志學老無所

成流寓宇下殆將二年矣古稀已近間道無期自

分無能為賢豪長者所齒錄乃臺仁不自矜重每

過而問焉且為授餐某何足以當此惟石慙竦而

已然某所以不敢辭者使天下知沈使君待士為

有禮於某之不賢而譽且禮之况其所謂賢者乎

日譜

卷五

平

亦昔人請自隗始之義也郡準古封建爵為諸侯

諸侯有賜於士而安受於其家不抗乎臺仁知

我定自詠我

十二日

寄于杜若謝彝甫 舊歲付張生一函久無音耗不

知達否二仲負過人之才立必為之志兩年精進

當有日異而月不同者但未審近裏著己之功從

何處下手每起念恨不能縮地一晤僕客中多

亂老妻逝後第三兒婦云亡天所以彰僕之不德

也夫何言董正誼真切向學前曾寄字宗答亦付

之恐未必無浮沈耳有便一問安拙夫近作何狀
此中有孫紹開工部朱方來明府俱係其桑梓欲
一探其消息

十三日

得老友梁如星書 吾鄉有逸老言別歲三更月到

思君處書來慰我情家園勞北望婚嫁事南征破

帽歸與日烟霞對奕枰

得雄縣段氏死節事一則 入取節錄續集

十四日

生日 我生當歲暮寒色借孤陽愁深知夜永客久

日譜

卷五

星

惜流光骨以艱增老年隨世引長古稀今在望學

問愧荒唐

十五日

復梁如星 僕平生薄德薄福從來無受享之事亦

不敢妄起受享之心出門掃亂情景難堪此正落

德薄福人所應受者夫何言鄉中人來俱道體中

康健懷抱如前此足徵道力堅定老益有得秋間

時大河南北紳士過晤者莫不詢問且感老社丈

為德於豫崔西老為德於滇皆為僕客中生色人

謂靜修椒山二老止聞其名至梁公祖往父母則

實其惠我輩做好人做好官萬不可輕易錯過
益古斯民古道到處不暇僕出門原為弟子就婚
江南俟此願遂返舊故園效首約安開門掃墓與
老社丈朝斯夕斯了五十餘年夙緣耳

十六日

復張元微 相別數載數千里外人情風俗山川雲

物得之目擊者多矣良朋佳景固足豁人胸臆即

不然者亦借為磨礪身心之地所謂善不善皆吾

師只在此心有實受益耳丈此番閱歷遭際倍經

動忍可卜識力堅定候出門拂亂不堪言然不忘

日譜

卷五

星

溝壑一念未嘗退轉二為久不得一言耗薦馨每

有字客懷頗快

十七日

寄邵陵韓叔夜 寄居共城一歲有半所遭拂亂殊

不堪言獨喜得識荆州幾番晤對語人胸臆且因

而得接諸同人益快得朋第以相見晚而相別速

不能不悵然與思耳第南來原擬渡河徐圖渡江

淹留蘇門不能遷遷不知何時何地得與荆州一

傾倒也無待縮地聊假舍親張于度與舍慈過大

梁得晤子新令姪肝腸意氣恨不即見其人間有

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

蘇門之遊山光水氣折然以待

十八日

寄立兒 見汝寄來諸字俱關切著痛癢汝望我歸

自是汝情然我出門之意謂何尚雅婚事就自有

道理耳寄汝梁先生字閱而封送之便知其意情

斯不能歸我等負情斯非情斯負我等也論公論

私汝當自勉博斯心腸最難得人情有厚有薄風

俗有滴有瀉到處皆然我嘗謂遠近朋友佳山水

飲食晏樂自足賞心一流蕩志及經意尋詩美而

有不美之處其俗固陋其人懇直令人欲不得勝

日譜

卷五

三

口不敢開卻是養廉寡適所謂善不善皆可師無

處非動忍之會學問之地我適來覺於此較親切

耳父子兄弟之間當拂亂時各求無愧則拂亂中

豈遂無玉成偶為榻銘汝其覽之內而骨肉外而

親朋前託汝寄聲暨有問我者皆以此告語

十九日

尋樂齋日抄序 入歲寒二集

二十日

馬關如過暗口占為別 聞如諱雲錦 安邑孝廉 山有多君子如

君更可人衣冠猶近古言語祇存真神已欣初合

交應耐久親千秋此一日同謂自成鄰

得高義專三集 入 取 高 義 專 集

送馬玉書赴春官試 初入長安道春風拂色青天

應似舊德人益悅新詞行卷千人廢孤芳四海聲

北堂華萼映珍重答形廷

二十一日

贈陰惟馨 履信明 府孫 願領慶源一病身何來千里踏風

塵呼童取酒相勞問應念君家前輩人

二十二日

題陰履信先生城守感懷詩後 先生登戊子賢書

日譜

卷五

三

一時相與語公獨先生為長意曠遠畧小節於語

公中偏契予時就我談時招我飲謬以予為小友

沒久遺文散失嘗追憶其口語簡奇數則舉以示

後進曰此吾鄉先輩賢者非時流所知也辛卯啟

抄其孫流落蘇門偶及先生感懷詩意况如生額

色再見矣因跋其後

二十三日

景于初度題言 嘉平之念三日景于乾願誕辰也

詩客蘇山以不得歸拜二親膝下為悵悵且若念

古人不以父母幼勞之日為樂予廷之留雲舍觴

而記之曰不得拜不為樂皆是日偶然之情耳子與氏謂事孰為大事親為大守親為大守身為大不失其身以事親豈在此區區儀節間哉守身之義甚宏甚遠曾子之養志閔子之舞雩言皆洞然於身之守矣至武周之達孝文王之止孝虞舜之大孝豈能於守身之外加毫末事喜怒哀樂有不中之節視聽言動有不合之禮子臣弟友有不盡之分總於守身之說有未盡也為天地父母愛此身當於窮理盡性明此守以行誼友天下從詩書論古人葆此身無纖毫玷候時而隱居便可求志

日譜

卷五

吳

時而行義便可達道則所以榮其親壽其親者至矣故曰不得拜不為樂亦不必太介介也

景乾禎初度

有引

景子初度予既為文贈之社中諸

子爭為詩復得二絕念菴云祝年莫如惜時變身

莫如務學蓋其相策勵非區區效祝辭也 初度

逢寒盡陽開發育新蓬萊儒不道星霜有長春

子年未及卅孤意已先立且書嚴鷄鳴所傳踐所

習

二十四日

馬玉笋初度即用惠予詩韻為祝 客鄉初度喜相

鄰取路雖分各得身君自凌霄推萬士我備耽隱號山人百為有主寸心合片念無欺舊法真海屋何如此別墅一年一度祝長春

迎春日作家報 共城兩度報迎春為念家園寄語

頻但道病癯猶健飯老來兒女意逾真

二十五日

立春 履雪茹霜老病身誰知此際已生春氣氣稚

于淒涼色獨喜東風不厭貧

二十六日

李人式知白謝華甫象申恒殊象超三孝廉以上策

日譜

卷五

吳

過蘇門訪余夜集馬水部署中 不速公車客停

驂水部居心深各有致意遠更留餘卜夜忘繁短

臨歧逼歲除長安梅綻日好寄數行書

二十七日

題春聯 有懷贈北斗無語付東風

聲里右 貧堅志士節病鍊老人心

二十八日

除歲前一日 空齋忽忽歲將除百日猶妨一日疎

臘月要看二十日朋來靜對一牀書

答馬玉笋 令師司空欲道做廣此古諸侯禮士高

風然弟非其人也聞古士相見禮介經甫至主人
辭不敢當請先往見况於大夫諸侯有坐而致之
者乎弟即往叩為弟告虔

二十九日

除 客邸兒孫坐滿牀淒涼情緒可相忘此時簡
點終年事好去焚香告彼蒼 次兒南去大兒北
各有事焉效一得驪城山川指顧中四千里外如
同闕

少司空劉瀛洲過晤

除夕懷頤菴 同在此城裏思君未及過一櫺隔界

日譜

卷五

吳

尺遞爾若山河

語王介公 爾來共此夕此夕爾應知今古無停如
人生貴惜時 闔海共今宵相關有獨至知予父
子情念爾應無異

問風俗如何是好曰人人親其親長其長便是唐虞
三代之... 並忘其為孝子悌弟之事迨至知其
為孝子為悌弟而人爭敬慕之此是不孝不弟者
多故特標孝子悌弟之名以立範疇是風俗好處
降而至於不知有孝子悌弟之事偶有一稱孝稱
弟之人羣而謗毀之風俗至此遂不可言矣

日譜錄右卷之五終

日譜 卷五

吳

孫徵君日譜錄存卷之六

順治十二年二月末七十二歲

永年武汝清

後學

武陟王 略

校訂

正月

二十日

在孫世琰十金程駟

論立兒 起畫來傳汝絕無失意之色從此進之一

切榮辱毀譽天大事總屬平常至縣學問岸為汝

申文薛學士陳按君聞他人言即道字當事汝何

以得此高誼於茲公當益自策勵仰答眾人之意

可耳

二十一日

日譜

復孫葉淵 兩接手字宛如覲面師相文集得存六

七幸矣幸矣刁非有斯文正統一刻急借師相大

題目大文字數首以為重乞即付之南中亦有後

文者俟彼刻成便好傳本歸里無期全集不知何

時得一快讀手字率第姪閉戶讀書避人避事無

所用其氣而氣自靜見邇來學力舉皆加額為師

相泉下色喜伊耳蟹之甚漸成廢人念衛武耄而

好學不敢不勉

二十四日

送崔映華李甯然歸里 雲老西山共採薇夕陽客

久倦言歸臨岐雙雁驚翔視天北天南無定飛

二十五日

李尤繩自成安視予共城過路主墳相視其地友人

云此地必不佳國破家亡凶莫大焉尤繩云地即

不佳未必至是余曰此係天運地理又在天運之

中與圖中凡都會陵寢不知幾興幾敗總歸氣數

遷流不為氣數遷流者便是立命造命人

二十九日

尤繩手錄其師伯順先生說約三十則每錄一則自

謂其師之面目精神宛宛如在忽王景沂自閩來

日譜

攜其真人侍御公請易名疏高陽先生得謚文忠

伯順先生得謚忠節師生戚友相闕諱切恍見易

世之人焉尤繩曰侍御生洲公之精神亦恍在筆

楮間矣

三十日

郭襄臣索書 余初識襄臣於其岳見予所已而移

居夏峯之山莊則與襄臣比鄰余既交襄臣諸父

公望兄弟則襄臣頻相過且相招質魁杰而氣屬

厚時談孝子悌弟事則津津樂道之此其人可知

已襄臣先輩為河北巨室家範依然儼型不遠矣

嘗謂風俗流薄孝弟未興也堯舜仁覆天下只完其為孝子悌兄之事中庸論達孝而言明禮之可以治國孟子論仁義之實總天下之道而歸之事親從兄則弟之外豈有餘蘊哉入孝出弟孔子以為家養之始守先待後孟子以為聖功之終極卑遜乃真高遠極高遠總不離真卑遜大聖大賢不能滿其量愚夫愚婦可與造其端襄臣曰愚夫能為孝子則愚夫便是聖人余曰王汝止滿街皆聖人正從此處看出因索書遂以此贈之

二月

日譜 卷六

初一日

嘗見士子評文評詩者意見不同去取各異遂久嘗無已時余曰各從所好正不必雷同耳陸子靜聞伊川語輒若有傷我謂人曰伊川之言奚為與孟子之言不類紫陽以為明道語渾渾淪淪超邁學之無可依據不如伊川語的確精密能令學者咀嚼以二子亦各從其所好而已

初二日

呂成公祖謙之言曰日用間蚤起晏寢飢食渴飲終日為之而未嘗覺便是元養覺有念屏即消融覺

有凝滯即開豁病至服藥不必預安排以淺深數言從容中道文公稱其身備四氣之和心涵千古之秘推其有足以尊主而庇民出其餘足以範俗而垂世蓋推此

初三日

蔡季通元定從文公學文公扣其蘊大驚曰此吾老友不當在弟子列與對榻講質與義恆至夜分學禁作編管道州元定方宿留文公所聞之笑謂學者曰化性起偽烏得無罪不辭家就道文公與從游十數人餞別蕭寺坐中有太息泣下者而元定

日譜 卷六

四

咨疑質是灑如雍如文公喟然曰友朋相愛之情季通不挫之志兩得之矣

黃真卿幹志堅思苦文公以其子妻之遺書曰他時直卿可代即講席及病革深衣及所著書授之曰吾道之託在此矣直卿剛介於師傳存心致知之學身體之無遺力雖暮齡宿疾未嘗一夕倦也

李敬子燔從文公學喜道有明以為雖三公九辟不與易也嘗言素富貴行乎富貴正以堅志熟仁不令居養移氣體耳又誦古語言分之所止一毫不上善處者退一步耳又言人不必仕官有

方為功業但隨力所及盡其心及物即修業之實
故能仕止窮通皆若素者稱為黃李朱門弟
子如清江張洽南劍州廖德明溫 重味道昭武
李方子浦城詹體仁漳州陳道學皆有感俱能卓
立於世傅伯成表裏洞達徐備清苦刻厲並負天
下望程門弟子未多讓也因次列之

初五日

真德秀者論甚富方學禁於 卅即學府語孟亦為世
大禁西山與魏了翁脫出獨慨然以斯人為已任
講書服行天下興起者甚眾濂洛關關四六儒之

日誌

卷六

五

學顯於世二公之力也

初八日

一脈相傳系系不亂而子靜崛起獨力
與紫陽爭席故當時排之者有指之為偽有指之
為禪百世後以爲口實其說豈盡當與曰濂洛
關關傳夫子之道而未盡夫子之道也子
於紫陽而未必不合於夫子其自言曰熟讀孟子
而有得也百世後遂以爲直接孟氏之傳 明可
謂陸氏知己

初九日

歐陽子晚與蘇學士試言吾老將休付子斯文又曰
吾所謂文必與道俱則其生平著作可知矣其學
獨推尊愈孟子以達於孔子謂愈關佛之功不在

孟子下孟子闢楊墨之功不在禹周孔子世人
習其說而不知其功若以為僅空言也蘇子有云
孟子既沒申商韓非之學違義而趨利殘民以厚
主其說至陋而士以是罔其上上之人僥倖一切
之功靡然從之世無大人先生如孔孟者推其本
末權其禍福輕重以救其惑故其學遂行秦以是
喪天下凌夷至於勝廣劉項之禍死者十八九天

日誌

卷六

六

下蕭然洪水之患未必至此噫信斯言也前無孟
子之闢楊墨後無韓子之闢佛則孔子之道不著
三綱五帝民彝泯亂其禍豈止如由韓而已耶故
曰以學徒殺天下後世此何可不慎

初十日

古人有與人同退不與人同進者有與人同患難不
與人同安樂者非矯也君子自處之道應如是或
曰彼亦君子也必欲與我同進必欲與我同安樂
則何如曰亦不必矯惟義所在

十一日

論古人只宜論其長處若苛求其短則聖賢亦不能無過但其過不足爲聖賢病耳

十二日

才人每犯輕薄之病才愈高則輕薄愈甚蘇長公非千古入豪也哉正叔以大儒入侍君子道長之時性矜莊言動必以禮亦儒者本色長公好詆譭嫚易之類諷其不近人情氣味不合自不相下此必然之情也程門人遂劾其館職策問爲誇訕則過矣蘇復縱言正叔之短至詆爲姦邪則過之過矣才人不善居才最怕相激不獨一蜀洛爲然或曰

日譜

卷六

七

犯而不較曾子獨以許顏子後世學者周茂叔程純公之外恐未易多許也

十三日

爲友人題素履軒聯 清澹一途說意嚮平常兩字驗工夫

十四日

吾郡有孝廉張九萬名榜者前窮飢餓不能出門戶同年有周之者口盡人以爲有心疾竟以凍餓死

十五日

花朝日同李景尼賈合章博兒顏兒攜尊飲孟莊口

菴之竹亭訪滇南盧頌斐盧有懷王入郭襄臣
觴客有紀 春暹無一事攜客偶來遊花發
鳥聲韻境閒人意幽乾坤不異俗南北好同舟欲
去仍還止浮雲天際流

十六日

李景尼視予夏峯述其母之生平予自悽飲泣曰予小子寡昧無以報母艱苦敢煩長者一言庶足令沒者存而子孫世世借榮施也余曰前已爲序代成有終卷不可以再景尼因爲請立傳之人予曰君欲不朽其親須求其人足不朽者而其言方

日譜

卷六

八

足以存雖然此猶第二義古來稱范母陶 匡有
其子務與侃使滂與侃也而不足存則其母之朽
也公羨君之母貞而能孝無虧古兩母君之身孝
矣而復爲循吏其所以報母夫人者正在此使其
母爲貴人母報猶淺使其母爲賢人母報更深矣
蒞道蒞境美政已留去思今閉居攝靜所殫力於
身心性命之際者復何限刻刻皆母夫人臨之於
上也願益勉之

十七日

一紳持準提晨起然誦阿彌陀佛百八遍方出應酬

予謂其意曰薄蕪味以清五神非敢侈言利益也
又向持念佛珠誦百八遍者何也曰即以收放心
耳予曰心於何放放於聲色貨利猶放於昇仙
成佛更深孟子之所謂求放心者明指仁義而阿
彌陀佛正以陰蝕仁義而不自知乃用以求放心
耶曰請得四字為攝心之法作日用功課予曰哉
聾飲天和食地德借祖蔭而託父庇凡有血氣其
孰能外時時刻刻不忘天地祖父亦庶乎一念仁
孝之思也

十八日

日譜

卷六

九

書孟二青扇 二青讀放扇詩而有惜也予曰放扇
詩多學人語而無學人之處因拈家貧視力量夜
夢驗工夫暨改過先幽隱收功在細微此等句皆
學人真實體道之言不可以詩人論也詩與學其
旨趣原非有二二青詩人也因詩學願進一解

十九日

余嘗謂對妻子非易對夢寐尤難人邪之信也不知
對妻子夢寐而無愧者便是徵庶民建天地質鬼
神實際處談何容易

二十日

予嘗作渡江賦辨不意後渠崔子已先得我心之同

然

二十一日

或問邵子溺於數如何亦列聖學曰數也而不悖於
理則數與理豈岐而為二雖懸入殊路適道則均
鄧元錫謂數溺則惑通則神自有生民來建天地
之極極其用箕子也夫堯夫也夫

二十三日

怪誕之事偶一有之然不可為訓也文人才士結想
元幻厭聞庸常適有傳某為城隍之神某為西岳

日譜

卷六

十

之神者予問何據曰某有某人夢某有某人見予
曰夢者固夢恐見者亦是夢青天白日之下乃作
此夢語耶子所不語世人好語此是索隱一流學
人慎之

二十五日

一紳偶及某得旨好生可惡某得旨具見急公然此
未可以喜怒論人也諫官以逆鱗為職好生可惡
雖犯顏也而眾望攸歸具見急公未必不拂民以
逢君耳予曰知此說者可以持毀譽矣

二十六日

保定金瑞之張元徵諸君子 胡蒼恒公祖施實
德於吾郡吾郡尸而祝之所以明報也然自有應
操筆之大老以鄭重其事豈宜問記於外縣之腐
士且流寓在千里之外何能取信於人無論僕之
不文於事體實有不可唯諸君子裁之

一十七日

王夢航大史攜尊見訪 十里城南一草堂夏峯通
客旅相忘一身多病耽高枕四海無家只短檣
背酒壺非泛濫龍吟詩句豈尋常更欣聯袂詩
趣呼取鄰翁醉海棠

日譜

卷六

十一

一十八日

事君者每求多於君歎不逢王交友者每求多於友
歎不得朋愚謂君臣有一日之魚水朋友亦有暫
時之嚶鳴引而伸之觸類而通之積誠感動中主
可勉為賢君中士可進為益友此事君交友者之
責不可不自盡也

一十九日

清明感懷 世人修祀事展墓在清明封土與點漿
童稚隨父兄子與記燔問今古同一情田廬經籍
後祀稅不私墜西墓松林每歲納米
十畝耕禁下採伐時祭鮮及墓

有祿密及祈生理何顏面胡為杜子廣初撥蹈東
海島上無田橫再欲訪文山崖山久已傾心懣蘇
山岑孫邵結為盟念吾始祖氏與州徙容城與州
今何地容城近盛京前事若觀火後事宜承貞所
嗟回車難去土亦豈輕迴環一念問中夜坐還驚
祖考儼在茲痛寐啓前征

三月

初一日

憶張于度 草昧初開數尺田移來花木色依然
西處士遙相憶多病愁深耽晝眠 天啟元年一

日譜

卷六

十二

貢生燕南烈士舊知名蘇山忍餓無八識拈句猶
能金石聲

初二日

瓶中海棠移燈取影 覺多致偶為句令諸子和之
賞花何必向名園意在花前花有源花貯瓶中
知幹短影移壁上見枝繁乾坤原是歸虛幻動靜
由來自變蕃漫道無香人恨惜一番相對一忘言

初三日

池循源主李穆如韞玉齋 今夕是何夕古人修禊
時尊來不速客好賦得朋詩 修禊前三日曾聞

一阮名何期今夕會應自有聲

四日

蘇袁中給諫招飲 殞藻薦古人寤寐蓬村裏欲寡

愧未能今乃見君子 飛豈因倦還雲出無心岫

山水自作聲對君聊永晝

初五日

李碧虛招飲 百一 一堂約今尋雞黍來知君不避

竹故我欲收苦道大形逾恕 飲自開不嫌疎

放甚重倒舊樽醅

初六日

日譜

卷六

三

為友人題自慊齋聯 作事能令祖父知何難對天

對地有懷不愧兒孫見便無愧影愧衾

十一日

寄葬許氏張氏兩兒婦 望兒婦許 與茂才雲

衡君顯達次女也性溫厚知大義 弟繼姑從年竹

色姑重稱之謂其勞怨不辭處母兄弟妯娌 與

雍和 弟二十戶內外無間言可稱賢矣哉子

一少一寄葬夏峯村存也 一作墳誌 弟兒

張氏新安廣文選醇老鳩備次女也

學宮口氏十餘歲即應瘰癧為婦十一年在病

姑愛其誠而憐其苦然疾久無違禮無失言非明
於大體者不能也女一與許婦同日寄葬同處
去許婦塚咫尺知生可知死矣

十三日

謂景沂曰吾身所本無者些 添不得吾身 所本有

者些微減不得此身初未嘗有瘡瘻粟許 塊腫

痛十餘日寢處靡甯此身初未嘗耳聾一失

口割捨漸成廢人然此乃有形之添減耳無

知聚至無形之情識意見忘想填胸滿臆恬公安

之不為怪無形之始亡戕伐夜氣雖存良心盡失

日譜

卷六

四

誰肯過而問之哉景沂歸問請人此言質之君家

大人可知乎病况

十四日

東坡譏伊川云何時打破數字故邇來學人每欲打

破理字總是苦 字理字為束縛為單板不打破

不得脫洒自在豈知脫洒生於天理之當存天理

之常存生於教畏之無間離此則成無忌憚矣

十六日

送王景沂歸延平 有序 生洲父子久寓延平每數天

末念有宋龜山仲素延平元晦四大儒以此地

隨因緣有在今景沂攜其弟公歸後其父為
此句 閩海蘇山共一天斯文未喪日星程門
有道能攜去奇跡何庸歎地偏 真儒探源系祖
傳數載棲遯似有緣橋梓北南今復合去庸何且
作歸船

十七日

答問馬遷作史記不為女婦立傳劉向則傳古烈女
母儀賢明類凡七匪直以垂內則且政必自
此始班固作漢書乃復畧之豈終謂內行不出關
門故置之與直何遲也余曰節無論士女均不可

日譜

卷六

五

一日去身者也以今觀之居婦矢志節用驅女
每有士行而素好讀書深明義理者倉卒決擇反
讓婦人女子一籌弁而冠者不足傳冠而弁者固
足傳耶家風治亂關係女德不淺必曰內行不修
闔書何以稱焉

十八日

問孝文為政余曰最緊切之言卻是人所忽也孟子
親長而天下平正謂此試看孝友人宗一室
草木欣榮不孝不友之家恣睢乖戾民散場
孰大於是古詩盛時方在朝廷以

為家人行多在野世衰道喪士不修行孝翁無聞
而見稱於宗族鄉黨者亦罕矣安望平治世張仲
孝友周宣之所以中興也

十九日

高薦馨自上谷過視夏峯云已致巾服於學使者其
呈詞有堯天之六無鄰禹甸之寬卜處余曰正待
子同釣於百泉之上亦快事也

二十日

古來賢知節義之士自具一段確不可移易之見
方能成就得一德一行所論各盡聖人之一體者

日譜

卷六

六

也然以語克已則難矣一稱空學子之稱舜皆
曰舍已論韶祀夫子亦曰母我克已又進一籌
聖學舍克已別無從入之路原之克已克已怨
欲祇見其為難耳意見自負者到處用不著適足
為字病

二十一日

寄劉厥汝 吳燕右腐備衰遲漫泊自罷學以來
於山水水涓若若而年自謂喘口餘年不
尚欲策勵耄耄圖報稱存養於萬一年來求
四方而真實斯道者寥寥焉南遊得良友為快

奏兒歸持手教殊慰數年仰企令兒先生以忠魂
傾袖一代先生復以鑄鐸振教東南真所謂厚
天外鶴鳴雪中管刺林良貞獨存碩果嚮道實甚
暨禮序箋宗傳備釋防維佩教良多此書原甲印
寓水鄉時成之未及訂正適復有七子一編其中
有欲謂益者雖遙不能就正念臺先生所遺未得
一卒竊想自有定見若水瘡痍有年此心此理應
不以南北海隔耳深山大壑相望徒使歸者唯存
翹緒

二十五日

日譜 卷六

七

復王生洲 弟與親翁相隔四千里相別十餘年人
生幾何堪此幾別日夕冀髮首蒼門精刻存德為
終老之計不謂八郎君言旋復欲之闕歸依老親
此孺慕至愛堅不可移但恐去既匪易安望即賦
歸來最近兒能懷蕪山蘇水當與老親翁有長算
也第衰病日甚耳自去年磨心膝則忘其歲月古
人耄而好學弟有其心而無其力可奈何八郎聞
載相從憊乏身軀今南矣龜山先生遺教固在况
有若翁為之師弟不至墮落耳

二十六日

寄張上若 文母太夫人之喪聞者親翁與六親
哀毀過甚鷄骨如柴令人起敬然竊聞之禮有制
慮其滅性與不及者言望其企而及老親翁仁孝
性生則不能不望其備而裁也太翁先生為念好
合哀戚之過執杖見父金昆定慮及此矣

二十八日

書注孫扇 從古談家門之盛莫如荀山陵陳太師
至長文載著車中文若坐著膝前千載下膾炙人
口以予觀之文若有情德矣長文尚可言哉意者
陶士行之有靖節光乃前世迥乎尚矣淫孫索書

日譜 卷六

六

漫識於

四月

初一日

聞過則獲聞謗則怒不獨愚不肖為然此病中於賢
知更甚人告之以有過則喜仲由之所以升堂也
公孫頑膚赤寫几几周公之遇謗何其安閒而不
迫乎二人者吾師也

初二日

語諸子弟 古人讀書取科第猶第二事全為明道
理做好人而道理不明好人終做不成者慎

之習氣未除故也。還歸應對先覺謂所以折其傲
與嗜之念。知言哉。傲情除而心自虛。理自明。容色
詞氣之間自無乖戾。舛錯。事父從兄。交文各有攸
當。豈不成箇好人。日用循習。始終靡間。心志自足。
開豁。文采自是煥發。沃根深而枝葉自茂。爾等今
日辨一虛心實實。務除其傲。以情之念。下學在是。
上達在是。先後本末。一以貫之。不知者。祇見其爲
洒掃應對而已矣。

初四日

伯夷伊尹柳下惠得百里之地而君之皆能執諸侯

日譜

九

有天下禹稷顏子易地則皆然。此皆未燃事。非孔
孟道眼。烏能進退隱顯。各得其當。則伯夷顏子只
作一介節士耳。

初五日

問龜山謂五行在天地間有則俱有。必如洪範配諸
人之一身。皆有先後之序。有水然後有火。有火然
後有水。有木然後有金。有金然後有土。雖常人皆
知其不然。然箕子何爲確乎其言之也。曰。箕子傳
道之聖人。使其言悠謬而無當。孔子翔書必有說
似不必苛論。

人之生也。直不揉其直而生。不罔矣。子曰。斯民也。三
代之直道而行也。孔子曰。師。猶如柴。燧。燬。燬。燬。燬。
嗚不仁哉。宰予。小人哉。樊須。皆無所回護。至懼見
不悅。學稼。學圃。禮崩。樂壞之類。凡有所贊。亦無隱
情。總是直道。流行飾知。賄情。但詐相高者。孔子罪
人也。

初六日

問顏子克己欲正心。邢龜山曰。然從何看出。曰。心有
所忿。懷恐。懼。好。樂。憂。患。一毫少差。即不得其正。顏
子盡屏視聽言動之非禮。則好樂憂患等項。自不
至於有所視聽言動之非禮。已也。好樂憂患之有
所亦已也。克則俱克。心正身修。豈兩項事。

初七日

功業自誠意做出。三代而下。諸葛孔明。其庶幾乎唐
之狄梁公。李鄴侯。宋之司馬君實。俱堪敬重。
于度爲吳聘。君不受官。爲勅書。太重。似嫌少。在果如
何。曰。此非知聘君也。聘君因咸甯而來。求而受官。
未免失身。君重之相重之。變然而去。視一宮論。若
敵。履然。此豈漫無定見者乎。議之者。苛責毛學。無
庸深辨。

初八日

題薦馨淵頌詩 薦馨顯遠人也酒致喜談詩余

無酒腸而愛觀其飲余不知詩而樂聞其談蓋酒

取其忘機詩取其和厚余借以爲衰遲之助迄遊

吳越數年歸復依子蘇門出所梓淵頌詩相質余

謂詩言性情者此詩可以與 立曰小補暴厲之氣

譏諷之言皆性情之展耳狼跋之詩曰公孫瓚崩

赤烏几几周公之遇謗何其安閒而不迫也一節

詩皆主厚字陶杜其度乎近之道學詩無足稱者

伯清和溫公諸人禊飲詩未須愁日暮天際乍輕

日譜

卷六

三

陰又泛舟詩只恐風花一片飛其溫厚之意於隨

溪流出言之者無罪體之者有感乃爲有補於人

心有補於世道是所謂得真性情耳余嘗括此言

爲同人佐酒故以之題高子詩

初九日

問孟子七篇稱引詩書罕及於易先儒謂如孟子者

方是能曉易從何看出曰君子而時中乃所 易

也六十四卦三百八十四爻總之時中二字孟子

曰孔子聖之時者也乃所願則學孔子也故其言

曰必有事焉而勿正心勿忘勿助長君子深造之

以道欲其自得之蓋言易之在我也人人有易人

人自得豈向外求君子亦仁而已矣何必同惟

所在大人弗爲君子不諫惡乎執正是學孔子之

時中庸深處多在孟子故謂孟子方能曉易

十一日

弔王仁臺明府 有序 王明府廉而慈良善愛之類愚

不長也不善催科一夕苦供應作絕命辭 繼死

之日裏頭求五尺之布不可得母妻稚子 繼未

能憶明府在顧山中喜聞善言突遭此慘 以平

之 忽聞君慘繼童叟俱傷神世事一如夢天心

日譜

卷六

三

亦不仁遺言非逐幻含笑竟歸真雖是憐輕死猶

疑見古人

十三日

題耐齋 余居恒嘗語同人曰學不到家事不足色

或半塗而廢或九仞而棄終成一欲遠見 苟且

自全之士皆起於不能耐不能耐則心有 而

功有作廢此昧於立身立世之道也吾友國華胸

次坦夷神情曠遠嘗爲余設榻余每過之瞻懷不

忍言去以耐名齋正於我心有獨契焉天之道曰

不已誠之道曰無息稍凌躐焉則素且亂參在聖

門賦贊最魯一不耐烏能承一貫之傳國華之意
深乎阻雨信宿有佩此語為耐齋記

十四日

偕高子薦馨過百泉之素園望兒博兒亦與焉素園
主人閱尊竟夕晚宿烟霞館素園臨水國華孝廉
別聖烟霞館宋隱君為吾儕作公會處也泉上園
林固多此兩處頗饒意致

父子師弟居蘇門者康節有子伯溫姚文獻子焯姪
燧許平仲子時可稽夙從公和遊三年康節問易
於李之才遂結廬百泉之上姚文公熈寧七年

日譜

卷六

三

十二從叔公茂遊魯齋之門趙仁甫復以公茂搆
之蘇門魯齋聞之來從於太極書院白棟號素庵
太原人從遊魯齋父子俱葬於此王惲號秋澗沒
人從王磐學於蘇門

十五日

清輝閣望兒鼓琴清風徐來不彈而音韻鏗然響徹
四座高子曰山水有清音正謂此耳李彝卿云此
琴曠也

諸子各舉清輝閣額子相質高子因請子為四字予
曰會心不遠李子云泛論山水與吾便無干涉舞

十六日

雪三三兩兩在勿忘勿助之間會心處正不在遠
共城佳勝雖在百泉然百泉未盡其城之佳勝也西
望翠色森秀山勢雄麗自白雲寺至西頂人能道
之而人所不能道者其佳勝尚多也誌俱未以此
山之混沌猶未闢乎余筋力雖衰尚欲借一二健
足友朋得山水之趣者令渠述作與同遊也西山
一帶史稱兩河忠義之士終元運未入版籍徵文
考獻未有確據此乃山川人物大關係處考其地
考其事急俟之同志者焉

日譜

卷六

詩

題煙霞館 有身須宇宙無事即煙霞予極賞此語
蓋身遠天地古今為一體離宇宙何以安頓此身
堯舜之達而在上孔孟之窮而在下局有隱見然
分無加損總皆所謂勞心者耳若荷簣丈人之流
則不然治亂自在世於己身無與焉果哉末之難
已至用行舍藏非役情於宇宙而曰有身須宇宙
非癖志於煙霞而曰無事即煙霞則隱見有道卷
舒合規非聖賢而豪傑者鮮能與於斯予庚寅遊
地來蘇門隱君已先結廬於百泉之上予嘗以煙
霞逸客四字額其廬隱君即以此館為同人遊憩

之所予因為社約數則蓋為此地不可無此館而此館不可無此人蘇門一區從來多高客許平仲自河南來姚公茂自柳城來寶子聲自肥鄉來班荆而友相視莫逆堯夫暨子伯溫公茂暨子誠齋姪牧庵許平仲暨子時可則父子與借王稽康之從公和姚牧庵白素庵王秋澗之從平仲迄今父子作述師友嘔鳴猶為蘇山蘇水留爽氣也人固藉山水為緣山水猶藉人為重豈詩間哉隱君少壯行踪非耽邱壑老而休息於此其謙越誠有大過人者矣

日譜

卷六

三

凡譚學者語言文字自不容少還須返而問身身之出處死生則其大焉者矣高景逸劉念臺鹿伯順到頭於出處死生之際毫無所苟此是理學真種子

人之所以為人以此本心也失其本心便失其為人故聖賢有愛之然本心卻自難認誤以後來添入之心為元來最初之心本之則亡矣夫添入之心入心也最初之心道心也道心微而難明楊敬仲每問如何是本心恍惚若有見焉又不能即見焉一遇斷扇之指示遂恍然見之矣關盡釋洒然

自得日用方有天則飲食纔能知味象山傳教人求放心正是教人認本心本心認得出便是先立其大教仲見及此尖而無聲無臭之見雖入元微反滋雲霧能深入者須能砥柱纔是善學初從伯順讀傳習錄陽明集微覺胸中有心因多構僑書共為印證其說之透胸達背聊無窒碍無過此錄者

十八日

鄭南郭公望令僕馬相迎族子士進叔子望雅從

十九日

日譜

卷六

三

榻設多景樓漢陰縣汪若干孝廉毓珍其館賓也相見甚確有句贈之 束髮論交老未休今逢佳士喜相求此自有劉元德應臥君家百尺樓多景樓几主置一編曰俊傑傳自留侯至誠意得八八焉乃公望手自點定彙為一帙因為句 多景樓頭論俊傑留侯而下八人列古人面目今人情刪述憑君手自搆

二十日

劉一六過視

題多景樓聯 古今影樣憑搆首身世行藏入倚樓

俊傑傳序 予過公望之多景樓樓頭一凡一編曰

俊傑傳專凡八人漢之子房孔明唐則懷英子儀

宋程圭希文與元晉卿明誠意曉此八人者其千

古之俊傑也或八人而非俊傑誰當稱俊傑者本

之言曰識時務者是為俊傑一時有一時之務

一人有一人之時不甘以凡民自固便具其俊傑

自期為之即是其誰限之公望靜息多景樓日與

此八人對也其識趣過人遠矣憶茅止生寄居鹿

伯順江村謂予兩人曰劉元德一庶宗耳四海無

家徒以一言無地樓臺欲臥元龍於百尺樓上

日譜

卷六

七

千載下遂以百尺樓專屬元德他人不得過而此

焉今予三人固各有百尺樓也不知誰當據其上

者伯順問止生止生曰吾欲臥郭子儀李光弼耳

伯順曰吾已死... 王伯安矣予曰陳太邱郭

林宗是吾客也今公望臥此八人於多景樓其好

客過吾儕遠甚多景樓當與百尺樓並峙千古矣

公望為蘇門先生嗣召高才守先蔭李德裕一流

人甲中後銜前代陸公望... 恬養絕意仕進非

所稱識時務者耶其手... 八人也亦所謂奪他

酒杯澆我磊塊... 公望定以... 為... 也

二十二日

高薦馨同博兒至

公望集諸客泛舟 載酒樂朋儔乘油無盡頭歸來

忘日暮天地一孤舟

過斐如齋憶主人 園林一曲帶河流花竹綠森爽

似秋遙憶主人天際遠西湖應護此清幽

過收野 臨河北岸一孤村破壁寒煙日氣昏云是

當年收野地元黃從古關乾坤

訪默疑八年閉關僧也 此心擾攘為誰忙起滅無

端根據長閑閉八年作甚想默疑應自有商量

日譜

卷六

天

題多景樓 時若千一六薦 手澤欽先德... 處留

景從多處見致向意中求交合四千里人期第一

流會 不在遠壓倒... 家樓 水南有有 多景樓集

二十三日

大道不翕聚則不能發散聖人法天故必戒懼於不

視不聞之地纖毫屑越便非性命流行至誠覆物

載物成物配天配地配無疆總曰闢然曰不為蓋

容不得一毫屑越屑越即的然也

客問公望曰於日用飲食接人應物處總見一厚字

古稱六行庶幾近之規模寬遠多詩書能訂臨百

今人物問若干曰與之語通敏無凝滯言下便會
識取能窺其大嘗自信知及之矣看仁守之功如
何問一六曰所見的是便欲行其所見確乎有執
不受搖奪二君各據所長互剋之佩韋佩弦更見
友道相成之益

二十四日

劉一六邀過其鄉司馬村有新築索額題曰靜遠

隸靜遠齋一絕有序孟夏初一六劉子於靜遠齋同

汪若干郭公望高薦馨從子士進望兒博兒亦與

焉一六出其翁潭月子靜猶子仲馨卜夜相款予

日譜

卷六

三

倦臥高子飲酣題詩因拈句紀勝登堂此日別

諸昆小阮英英羨德門攜得良朋能佳子多君卜

夜酒盃梅興酣索筆尚題詩善諱清談互見之

發夢忽驚人秉燭猶宵午夜未云遲

二十五日

汪若干謂聖人不可律以死節之事其道前知其幾

先見如危邦也必不入亂邦也必不居明哲保身

正聖人所優為予曰殺身成仁舍生取義曰聖人

之言然非聖人之所貴也

靜遠齋記 乙未孟夏既望余與同人暨子姪集

公望多景樓臨古餘鳴琴賦詩復以舟為竟日遊
既命車過一六廬少長與僭雍雍於野樵壟牧間
詩若干謂一六曰今而知處事接物之道矣昔明
道先人終日端坐如泥塑及至接人渾是一團和
氣自古大儒皆然譬之日月不擇物而照故能徧
物苟留一毫渣滓於胸內便非太和元氣流行即
列之舍已顏子克已不過去得渣滓淨盡余然之
舉以告一六一六曰舍已克已皆從虛中得來天
惟虛故能包地於其中萬物皆資以為質山惟虛
故能通澤於其上萬物皆資以為氣心惟虛故能

日譜

卷六

三

受人於其內萬物皆資以為用此成卦大象曰山

上有澤咸君子以虛受人與象辭天地萬物之情

皆是一虛相感二君之言皆窺其六一六又曰古

人言行不過當日君臣父子間問答數語做出幾

件正事後世傳為謨訓以古人言行皆從德中出

來不可草草放過故易曰君子多識前言往行以

畜其德此足以規一六矣一六功深氣靜有遠志

余習之久因訪於其家一六曰小築新成借一字

為額余題曰靜遠若干云武侯一生事業正從此

做出理會此二字便一生用之不盡君子於言不

可苟也類如此叙其語作記

二十六日

一六謂講性命雖未必真強似講情欲講道德雖未必行強似講俗事余曰既講性命豈容不真既講道德豈容不行不真不行何貴於講一六曰對無知之人言始借此以引之耳

奢儉豐約數有循環勢相倚伏達人斟酌損益當於未窮之際先有通變之旨更不至於束手如不審於履盈持滿一味庸舊習非陰陽消息之道也

望

日譜

卷六

三

二十七日

聲色貨利入人隱微不遑不殖是大聖人事學人不可以此借口不見可欲使心不亂宜峻其防而杜其

其也

大手段

二十八日

郭氏家譜序 余憶王子與二三同人讀書京師每

搆一藝東君潛令記室錄去送所知參閱已而知有蘇門先生評因往謁之側聞緒論不意四十年後浮家共城乃得交其嗣君公望稱莫逆焉乙未

夏留多景樓 日讀先生萊竹園 賦文悉俾略觸

目手澤凡貽厥孫謀者慮固深遠 故其子若孫 彬郁英秀覺四十年前觀面未替 旨猶可追溯

德音懿範於四十年之後復悉面語先生清貞高 節為當世名賢仁者有後豈待問耶 幸慮先聖

世系或溼于孫枝繁有素且欲彙從前遺文教澤 而歸於一以奇如在之思急思修兩家譜與余商

定其規模次第此可以知公望英譜之義事關仁 孝自道喪教 斯義不明而與孝與翁所以難耳

是舉也蘇門先生舊有家乘一編公望遺述其意 而增益其未備以表率一方人有同然之心相觀

而善公望實啓之君子曰公望知所重矣

二十九日

汪氏家譜序 乙未夏余與汪子若千集公望之

多景樓聚首十日或同舟或同車上下其議論才 敏性通語無疑滯真所謂學道人也若干亦自

知及之矣看仁守之功如何其虛衷受善迥異時 流一夕與公望談及修譜一事刻欲舉行余曰

仁人孝子之所務也若干因言系出江右自六代 始居漢陰未有顯官焜耀當世余曰窮達異

微同源學人正於此處提定耳蘇門先生有言據所傳聞不敢一語失真以上誣先人下誣後裔正如寫真家務求肖貌一毫不似便是他人雖美容貌能不外作斯言也余嘗舉以告人甚不可務為粉飾以罔其祖父於地下不意其言之符也若干他日學成定當名聞於世三千里外獲此良友故其序譜也唯欲以一家之仁孝與一鄉與一國與天下此固若干意中事譜之立也豈曰小補之哉

五月

初一日

日譜

卷六

三

中庸傳道之書曰仲尸祖述堯舜憲章文武上律天時下襲水土如天地之無不持載無不覆幬如四時日月之錯行代明其尊推孔子位至矣盡矣然其道則本諸身而所以本諸身者總不日用喜怒哀樂之中節故鄉黨一篇直記其飲食衣服容貌辭氣之事繪出一箇活孔子不生不滅於天地之間骨髓皮肉無不具備鄉黨從卑邇處言中庸從高遠處言所謂即卑邇即高遠也

午刻歸夏峯

初二日

知行合一 是聖者事知及之仁不能守便分而須用擇善固執功夫所謂盡人以合天是思慮皆是由知求行驟希頓悟不事學修試一返省便不敢冒認知之非艱行之惟艱言哉

學問思辨莫認是知學而能問而知思則行矣究竟知行一事但不可躐等

初四日

跋耶律晉卿傳後 嘗聞元有三儒許平仲耶律晉

日譜

卷六

話

卿劉靜修余靜修里人也知有靜修而已繼而平仲集賢薛文清崔後渠之推尊平仲始知平仲矣今來百泉遊息公梅溪舊居之墟再取其傳而讀之益驚歎晉卿之為古大臣也好生一念淪洽於人元季而生此人斯世斯民之慶也梅溪之蹟已湮梅溪之人不朽為書其傳後俾論世君子者衷焉

初五日

述聞二則 陳光啟字顯吾陝西漢陰人明恩貢判

河南光州居官清正士大夫服之不樂久宦上官

屢薦竟辭歸究心理學諸儒語錄

七十餘勤修不輟門人從遊數年

之了接引後學學不倦鄉人多化之

字豎之陝西石泉人博學能文鼎革後不復治

子業有司知其賢而貧預給三年廩餼辭不受

棄第子員環堵蕭然彈琴賦詩晏如也性喜充

賢士大夫多與之友焉 野史氏曰孟子論鄉

自好之士夫士不能有為於天下則鄉黨已耳

好已耳然身之所親事之所關則不止於鄉黨

兩君者名教屬羽儀吾黨可稱三千里佳士

卷六

重

得之汪孝廉毓珍西望紫氣因以覘秦中之有人

並以俟後之尙論者應悲其遇云

初六日

只步當下無欠缺無愧怍便是深造自得之學

酒飲微醺花看半開此中正可想見不識之趣

凡事一便該思如何收煞有初鮮終德之棄也

初九日

忌語言不從默中簡默行事不經靜裏參詳皆屬苟

工已心不快八安付帖服

初十日

予連日交清靜坐觀心閒中一樂八字作功課客

曰心何用觀曰為其不在也客曰不在而何以觀

曰一觀之而即在矣時時觀則時時在到得不待

觀而無不在則無不樂非誠意君子未易語此

客曰道大乾坤小人閒日月忙此語不幾於誕乎曰

非誕也君自不理會道生天生地生人原無與道

並大者故曰乾坤小聞道之人靜正深固齊得喪

一死生故覺人閒而日月常忙此語能於正

當參悟

十三日

日譜

卷六

美

重葺關帝廟引言 關天子漢末人生卒月日史皆

可考非杳茫無據如世之說鬼說神者也考其生

平信義足色亘古如斯能起死回生婦之頑情復

能攝正人君子之隱微聖而不可知之謂神其斯

之謂與嘗有言日在天之上心在人之中此是至

誠無夾雜處萬古此天萬古此心萬古一關土

也夏峯東隅有廟在焉將圯風雨剝蝕無以

靈春秋禴祀何以綏衆志居於斯言成欲修

僕之欽企夫子不後於衆人爲數語於簡端或輸

糧或助工心有同然方當各盡諸君子其勤事

赴功之念僕將樂觀其成

十五日

客問師友之義曰賢一人以覺舉世之迷元非使之
作自子漢也伊尹之言曰予天民之先覺者也予
將以斯道覺斯民也此實責在稱職者最少若友
直友諒友多聞孔子嘗言之矣蓋一身之成敗得
失舉而付之於友故不得不嚴其人然直諒不合
人視多聞易形人短其人固未數數見之而我
能心與之合其咎又不在人而在我矣

十九日

日譜

卷六

三

送汪若干歸秦 若干秦人也余邂逅新鄉郭公望
家相聚旬餘日將歸復過夏峯言別愴愴於世之
汨沒日深承當之力每有言矍然起躍若有當於
中也嗟余羣矣自顧所學如鏡中花執之而未有
也如水中月捉之而未能也何以益吾若干因友
誼久廢而虛懷受言未易得於是乎有言即告之
若干謂流俗有權執德未固余曰知流俗之有權已
默有所以抵擯之矣慮執德之未固已陰有所以
操攝之矣倏明而後修述者曲學之無志者也一悟
不復迷者傑士之獨與者也閨中人物不必遠稽

空同對山之風節少墟之學術表表著聞跨歷當
代以君之虛懷善下門企前修自不待言余且將
望其進而友天下士友千古豈復有汨沒於流
俗而頹廢於半途者乎歸而求之有餘師子與氏
固言之矣

宇宙內事皆分內事學者要拓開心胸極力擔當不
然仁以為己任無端挑此大擔豈不多事

若干云先生括洒掃應對為折其傲與惰之念某竊
自勤傲似可憐而惰則難除余曰傲與惰亦相因

日譜

卷六

美

若虛纔是不傲傲自會情情亦成傲童而習之自
首無到家之口簡此心無時無處非提醒修證之
地
孔子云毋友不如己者此千古交道之宗也然曰毋
友但不友之非絕之耳可者與而不可拒未免多
一拒字便不似尊賢而容眾嘉善而矜不能來得
渾成容字矜字中有多少意味在

二十一日

跋郝涿川先生手書後 晨起博兒於篋中簡得郝
涿川手書一幅乃遺其同里趙龍揚君者也越

日譜 卷六 元

與夢鶴皆感 郡人篇中雅相敬重其麗澤之益近
今未有至其相期向學不肯以老自諉尤令人深
省其言曰學則憂忘於樂不學則益就於衰學非
俗學也俗學蔽其天光正學滋息真氣此真知學
之味者耶衛武公耄而嗜益篤想昔得力於此不
知此味者便以學為自苦之事北方學人最少靜
修而後吾黨開山非公其誰儂曾於十年前為公
立傳今得此幅企慕不忍釋若其高不仕之節
於川上怡然曰得白沙一流人也白沙亦公友有
遺公手書 存數句尙可想見當年交朋節節
往復之意
二十一日
跋白沙先生與涇川手書後 先生集滿天下有目
者共觀然其于蹟則不可得而見矣其人非字印
工不存也其人是字即不工不可不存也如先生
者豈容無片言隻字於几案間哉先生靜中微悟
嘗有句云飽歷冰霜十九冬肝腸鏡樣對諸攻涇
川生平所學亦耽元默故其交合惜遺其書僅存
殘幅予珍之二十年矣家貧乏寶玩此數字者
頑明珠也

日譜 卷六 甲

跋朱勉齋手書後 予甲戌公車鄂人士手相謂曰
此中無史道林金伯玉便不成京師矣時伯玉讀
禮家居因予論交焉隨有人稱朱樂三者津津不
置後交其師鄒孝徵復述其懿行歷歷予私識之
曰都下三君子今果皆有以自見望隆一時聲光
後世偶閱樂三手書附此語於幅末以志企仰後
之君子定有為三君子合備者
跋伯順手蹟後 公平首寫字多用敗筆殘紙予問
之曰字不成家留佳紙筆以俟能者予曰伯順字
再醜幾分當有人寶而玩之公歿未幾吾鄉後進
珍重公手蹟 謂以人言公生平遺予手字甚
多偶簡數幅 裝成卷以便出入攜帶藏之不秘
竟為愛者私士 其人精氣不磨鬼神定為阿護終
當復出在 在此耳
二十四日
答汪若干 此 與天地同廓故孔顏得之而樂
孟子得之而 行不加窮居不損舜禹得之而有
天下不與只 此心被私欲隔斷故於天地間一
切富貴貧賤 皆生死毀譽俱不能措手終日紛
擾祗成俗 吾心體了不干涉我輩今日且暮

言上一層下一層只就口用事物求不說此心此心原是靈通廣大私欲撒而真體見一日之克復天下所以歸仁也故無精粗上下之可言釋氏有上截無下截所以空空耳足下既理會到此時加提醒觸處逢源豈虞扞格請以質之公望

二十六日

述聞三則 解三秦字伯元漢陰人少以學行冠諸生後為劍州司訓多士化之上司知其賢委署刺史事不數日而弊竇一清姦吏懾服後值變革屢頻於難為賊所執將殺之神色不變卒得全年七月

日譜

卷六

三

十餘好學不倦口不談人過有善則樂道之家無斗筭晏如也 漢中人癸酉鄉試第一癸未賊兵入漢中置偽曹光棄家不顧浩然長往賊義之亦不忍入其家鼎革後當事者重其節表其門曰不二臣命兵守其門賊無敢有入者 李景貞漢中城固人甲戌進士值逆 寢迹跡山林不為賊屈內戍英王入長安 賊目自晦竟不能屈云

二十七日

高陽孫少師詩蹟後 按少師年譜此詩辛未一片

石作戍寅殉節且十七年矣而此詩尤氣如新者臣心事一片石有靈猶能識之其言曰有天子無人有君無臣夫天之下皆人君之下皆臣安得謂無人無臣也哉則其心亦苦矣雖然精忠亮節已揭日月而行中天千載下共欽其仰將指而目之曰少師之人也天之下一人也君之下一臣也又何歎乎無人無臣也哉

二十八日

在希夷從晦菴學篤信力行晦菴稱其開濟後為禮部尚書以周元公程伯淳正叔張子厚尚書贈諡

日譜

卷六

三

上言四人為理學之倡乞定議賜諡朝廷從之趙方從南軒學 時曰未死一日當立一日紀綱以身殉國 實德難以殫述如二公者可為師門生色偶 宋史而識之

二十九日

謂于度望兒曰汝一人於北海亭從事伯順先生久今海內舊人 有欲盡識北海亭奇節異能之士靜言思之北海亭日就黯黯亭中人日益零落誰可以答海內舊人之望者汝等宜奮起精神承接伯順之心拓伯順之事尚復俟之何人待之何

曰悠忽二字最是誤人歲月虛過學無所得不惟無以對眾望而亦不有愧於師恩耳當下提醒當下開明試自勘驗

六月

初一日

人生在世逐日擾攘漫無自得尋其根源除怨天尤人別無甚事孰知孔聖人一庄卻只是不怨不尤怨尤兩忘何等脫洒

初二日

學問之事與無身分之人言言之不受也與無機親

日譜

卷六

聖

之人言言之不悟也安得身分而有機親與之言方不失以不失言

初三日

于度抄文清讀書錄謂之曰當釋其旨要所在千言萬語天命之性是也其體用在日用常行其著落在綱常倫紀深造自得左右逢源文清可謂好學也已

閱前後語錄文清之學深得濂溪圖說而窮理盡性點點滴滴直接紫陽故錄中極推有未諸儒表章之功在天下萬世真實用力老而彌篤不人權

術不傍二氏明儒醇正自當推先生第一

文清之學大約似晦翁初年故於象山之學毫不肯假借

初四日

儒者一人之見安能盡聖人之大聖人如天地四時儒者各分春夏秋冬之一令清任和皆聖清任和皆備然偏至之品各成足色故曰行造其極之謂聖

初六日

舊錄濂溪通書因意有重複字有差訛者遂任意去

日譜

卷六

聖

取於先生之全體大用未免割裂今再讀太極通書當與經書並列天壤上接孔孟下開諸儒孟子自負見知予謂濂溪其聞知者與

初八日

是日為先嚴忌辰奠於其位愴然有懷橫渠張子云古人於忌辰不為奠薦之禮特致哀示變而已或者三年之中服制未終不徹几筵有日祭之禮故不另為奠薦特致其哀焉耳不然一蔬一菓一茶一飯何不可致其哀慕之情禮亦緣乎心之所不容已者而已張子秉禮教者也其說豈無所據

初一日

讀朱陳往答書 陳同甫與朱元晦往來辨論諸書

各伸其是人謂元晦意有不與而不能奪也愚謂

天地大矣道德功名文章節義正好並存天地間

固不能多生幾箇謂元晦亦甯有幾箇陳同甫同

甫嘗自負爲人中之龍文中之虎晦翁亦具降龍

伏虎之氣其論議可否疑似之辨千載下自有定

評也

十二日

有人讀程朱書而厭其腐者余曰一番拈動一番新

日譜

卷六

聖

方是會讀書因憶少年習八股業友人教之化腐

余請問友人云致知力行兩股此老頭巾也萬不

可用迄有志向學友人云學遵程朱然不可蹈其

腐余請問友人云亦猶之乎致知力行保守老頭

巾也乃今思之腐莫腐於致知力行新莫新於致

知力行千萬世有離此而別有道理別有學問者

乎千聖萬賢總做此一箇題目只是做不盡靈機

妙緒俱在眼前難摸摸柄稍有厭心非雜則偽吾

事知之矣

十三日

復徐章芸 流寓蘇門六年矣別無快意樂多賢友

庶幾近焉靜言思之賢孰與徐孺子樂莫過於得

徐孺子此吾兩人所共矧者也前自蘇門來者語

近毀適自上黨來者語多贊弟之所自信於知己

者固別有在也

十四日

讀晦庵文抄 諸大儒惟晦翁集甚繁舊選宗傳止

取晚年定論友人云若只存此則朱陸當欣然相

得安得許多同異道問學與尊德性原是一樁事

正不妨並存見聖道之大各人入門不同又如格

日譜

卷六

吳

物與陽明王子不同俱當互見以示天下後世因

簡從前朱與陸始焉不合之語并其繼焉漸合之

語終焉相合之語並列於冊見以明之益相得之

難如此後之學者不知陸並不知朱必以爲到底

不相知至舉其晚年定論之語亦不之信見有人

尊信陸子者則極力擯斥之見有人指摘陸子者

則極力推獎之此與朱陸何涉適足明已之拘而

不大千古學術豈一己之意見遂爲定評哉王子

格物之說冒險犯難歷盡諸攻始得休息然亦與

朱王何涉究竟建安亦無朱元晦青田亦無陸子

靜婉江亦無王伯安

十五日

于度抄臨庵集於凡斥責蘇子處皆不錄謂蘇子之
文久矣膾炙人口况其言有臣雖不才不敢以他
途進風節可想朱子痛絕之謂且不得與安石並
得無太過乎余曰蘇子之文與風節自是抹殺他
不得然其言有不本於理道而不合乎聖賢者誰
能代他迴護太凡前人批駁處各抒已見後人看
前人文字正不必著一分成心耳

十六日

日譜 卷六

聖

禱雨說 客問禱雨之說於理有諸曰有之曰極備
極無天行已定之數九年之水七年之旱堯湯不
免何有於有司與士庶哉曰堯湯水旱堯湯未嘗
一日忘儆戒修省堯曰浚水儆予湯以六事自責
畢竟以人修天世際雍熙治成解網若怠荒不恤
天變何所恃以感格天心曰肅時雨若曰狂恆雨
若洪範豈漫無所據而言也客曰君爲天之子感
格猶易乎卿大夫則疎矣士庶則又微矣格天之
事夫豈易言曰卿士佐君以治民鬼神代天以效
用陰陽五行總此極至之理鼓盪流轉於天地間

善感善應惡感惡應鄭俠繪圖以進曰請下臣言

十日不雨斬臣頭以正欺罔之罪王良往謁陽明
請於父不允其父令禱雨應而後允行二子禱雨
而雨應者誠故也今六十日不雨未盡棉土庶之
禱雨千人萬人各爲性命想無有不誠者矣邑侯
賢而憂民者也其告虔於山川鬼神者已非一日
四境合而應之合而感之顯微無間情理相通此
亦必得之數也

十八日

答李頤菴

日譜

卷六

吳

是德之敦化諸儒皆小德也
流流者流其所敦者也敦者敦其所流者也
來只此一物亘古聖賢只此一事端緒稍異便
異端周子主靜主此也程子識仁說此也朱子
理窮此也陸子先立立此也王子致知致此也
謂各人走路疾徐遠近雖不同畢竟有到前時
所以云殊途而同歸親翁於諸家從入之途了
在口其行此路也已如飢食渴飲自不肯頓刻停
歇耽延時日所論濂溪明道爲一冊正叔晦菴文
清爲一冊子靜陽明爲一冊知言哉較厚卷則
更覺快然

三十一日

人謂孔明善治國程伯高稱其有儒者氣象又云孔明可與禮樂人止知伯高為醇儒愚謂伯高有王佐才或曰何以觀之曰儒而不達於政由士也腐儒也有天德然後可與行王道如徒言之而躬之不副此處士蹈虛聲者耳何以為儒明道儒而醇者必果達藝不足以擬之據其上神宗謂子論王霸之辨得君行道自有可觀然不用則抱道而處耳顏子裕為邦之畧不遇故竟與尼山空老

二十三日

日譜

卷六

四

予從來喜讀儒書因家貧生長北方不能多購諸家文集積二十餘年始成一選曰諸儒宗旨自董江都至鹿江村計五十人繼而病其太繁於五十人中自周濂溪至王陽明得十一人曰理學宗傳念理學之宗非侈講說須重綱常劉念臺以方正學為明儒之首非所謂讀書種子乎正學與黃幼元前志未有也合高景逸劉念臺鹿伯順為一編名曰五人傳宗錄暇又與二三同人向論諸儒各分尼山一得如川流不息然亦各有氣類不待強合故濂溪伯高為一册正叔元晦文清為一册子靜

陽明為一册堯夫白沙為一册同聲相應同氣相求庶不至於抵牾耳豈不快哉七十二歲不學便衰而老矣蒸餼磨脚以銷暑因讀之候後看如何

二十五日

草亭前新移竹數竿菊數本暨雜花數種時久不雨時令小僕汲水澆溉僕無多力水不能得種命僕先澆竹次及菊餘可省二三孺子不忍諸種之就稿也務均之余因思此未免是作好作惡之意愛在竹則以竹為善愛在菊則以菊為善愛在雜花則又以雜花為善總是造化生機人心生意何必紛紛作好惡於其間哉或曰陽明有云草有妨礙理亦宜去雜花豈得與竹菊等余曰有妨則可同在我培之中何忍泣視其稿也

二十七日

事未來而將迎事既去而留滯擾擾此心遂不能行所無事無人不犯此病竟無一人能治此病不獨不能治此病更無人知病之所由來于度曰此病坐在在有所者心不在焉故也博雅日程子定性書正為此病而發患在自私而用智不能絕去私者此心安得廓然順應哉曰二子知病所由來

左當思療之術安在二子請問曰心不在者心不
得真正也自私而用者意未得其誠也正心誠
苦物來自能順應有何將逆有何留滯哉天下事
何思何慮只是無意必固我之私耳噫此學之難
而學者立必為聖人之志切不可謹疾而足也

日譜錄存卷之六終

日譜

卷六

三

孫徵君日譜錄存卷之七

嘉治十二年乙未七十二歲

後學

江西陳寶箴

校訂

七月

武陟王 駱

初一日 答王五修 來字云云俱見真切用功非口頭襲取

也疑者悟之門固深喜吾子之有此疑也不觀不
聞是本體戒慎恐懼是工夫此不待問而知陽明
曰見得真時戒慎恐懼是本體不觀不聞是工夫
是合本體工夫而一之也初學未能合一須認得
本體分明實實下手作工夫之方得融成一片

日譜

卷七

不觀不聞人人有此本體而其實作戒懼工夫須
是至誠至聖之人無工夫是無本體也陽明從本
體說工夫從工夫說本體王汝中外恐未易言錢
緒山數年用功始信本體工夫合一見得未真終
難肩認所疑戒慎恐懼中有許多就業本體何在
不觀不聞中聲臭俱無工夫何著此正是當年緒
山實請作工夫處只循此戒懼久而靡聞將就業
忘而本體日充聲臭泯而工夫轉密所謂由仁義
行非行仁義也尚何本體工夫之兩歧哉陽明又
曰言合得本體是工夫做得工夫是本體亦是此

意

初二日

又答五修 三月中所寄字至六月始到字未到已
知吾丈赴令君之招迎之致敬有禮自無妨於就
但其中易起是非令而賢士民德之廢免於議倘
性情未調恩怨互起各有所歸矣其跡不可不謹
也至謂天下言學者多口頭說話腳踏實地便難
害此病者從古為然我輩果立必為聖人之志日
用間所循習者何事提撕警覺勿蹈口耳但求無
荒已田何暇問人廢業又云學得日用常行非是

口譜

卷七

二

過卽是不及過處似著於助不及似流於忘陽明
謂工夫全在必有事上用工夫原不問學不須更
說勿忘原不欲速求效不須更說勿忘凡忘與
助皆未嘗必有事焉者也至不親不聞戒慎恐懼
本體工夫之說鄙意謂一言可盡只是以工夫復
本體而已宏道者人之能也道焉能宏人哉戒慎
恐懼四字千聖萬賢心訣王汝中見到此恐未肯
下實詣工夫詳具別幅

初三日

楊堯叟過夏峯為語沈方陽選君到死日身無長衣

稿無完席餅無粒米貸於舊交貴人貴人日賤萬

錢莫肯分涓滴相助幸劉玉孺為襄葬事甫竣而

王孺逝芳楊歷官清苦李賊知其廉釋之因枷一

紳甚苦沈直上語賊首曰天下之大四海之廣何

患無財賊怒而枷之脛骨竟折

腐儒少豪氣豪儒多霸氣不腐不霸者乃所稱君子

需問小人何以云儒曰規模隘如硜硜然小人哉

抑亦可以為次矣夫子所以廣子夏也若後世希

高慕大自負孔孟奚足管子夏一盼

初四日

口譜

卷七

三

問後儒謂漢儒不知學謂孔明韓范諸公不問道何
如曰以孔子之所謂學恐漢儒未必知漢家不重
儒術其所學多在躬行而不在口耳孔子之所謂
道恐孔明諸公未必聞孔明諸公不講學其所聞
多在行事而不在談說陽明謂天質之美自多暗
合道妙雖未可盡謂之知學盡謂之聞道然亦自
有其學違道不違者也此亦持平之論必以為氣
質用事未免於行不著習不察恐非聖門之所謂
著察又以已之昏昏而求人之昭昭矣

初五日

題第...美詩賦後 啟美舊錄其詩四首淫孫愛而
珍之臨其字並誦其詩按此詩在甲戌前京衛武
學作也有詩數百首抵武城困於病以稿付余令
選而投梓余時無多暇僅錄什一於千百後謝病
歸詩更進且益多因書劍應零刻與選兩無力焉
歲月悠忽撫卷興思小子輩護存之以俟後之君
子

初六日

問理學宗傳如何遺方正學曰正學自是足色人物
其節太烈未免爲龍而亢者也靖難之事當事諸

日譜 卷七

四

公初亦未得親親之意迨禍愈烈而節愈奇以聖
人之道聖人之學律之畢竟有曲突之先一著在
宋德祐景炎之後精神先生往往窺匿山谷或衰麻
其身慟哭荒煙斷壘間不復有榮達之願者有宋
之遺澤未盡也久而盡矣德有未周學難自固今
古人情大都如是

初七日

陸象山曰李白杜甫陶淵明皆有志於吾道愚謂詩
亦道也文亦道也藝亦道也無物不有無時不然
者也淵明三君子有志於道所以爲千古詩人之

冠具眼者自不獨以詩人目之離道而云精於詩
精於文小技耳雖有可觀君子不貴也
朱文公曰晉宋人物雖曰尚清高然箇箇要官職道
邊一面清談那邊一面招權納貨淵明真箇是能
不要者蓋其懷抱曠然守貞安道不淫不移定之
有素從古隱逸中乎理而恬於情者必以公爲祭
酒焉

初八日

客問日用間何術之操能得此心常樂曰循理而已
不循理則多疚心之事豈能樂乎客曰安敢有不

日譜 卷七

五

循理縱情越分之事但八口之家衣食不給百畝
之田租稅難完內迫於室人之交論外逼於公家
之追呼此中懷所以長鬱也曰貧士皆患此病古
來勞筋骨餓體膚者殆不止此只要辦得一片能
勞能餓之心自能隨時儉約隨時經營百畝不治
而八口爲憂者情農也自貶伊戚耳誰禁之不樂
哉

初九日

邵伯溫云以一歲而言冬三分不用以一日而言夜
三分不用皆以存本也存本不用用乃不窮故人

事不可盡常留十之三可也至哉言乎此天地聖人之秘也人各有用用各有盡思盡留餘不獨盛滿宜戒

初十日

聖賢垂訓立教千言萬語不過探人恥心故孔子曰行已有恥又曰知恥近乎勇孟子曰人不可以無恥又曰恥之於人大矣恥不恥之間其人禽之介乎

立朝之恥曰邦有道穀邦無道穀交友之恥曰匿怨而友其人立身之恥曰巧言令色足恭居心之恥

口譜

卷七

六

為機械變詐之巧

國仇未雪忠臣之恥也前愆未蓋孝子之恥也再醮之婦貞女之恥也

孔子刪書以秦誓終篇蓋知繼周者秦也康節嘗語

伯溫曰世亂蜀安稍可甯居及宣和末伯溫載家

使蜀故免於難乃知所貴乎前知者有補救趨避

之益焉亦可謂識進退存亡而不失其正者乎伯

溫克紹家學後未有嗣其譽者

邵子之學前此未有也後此未有也秦漢以來一人

而已始學皇極之時睡不施枕者三十年伊川曰

數學至康節方及理學康節者必欲盡康節此必不得之故也其言曰物理之學或有所不週不可以強通使格物者必欲於此而求其理有勞且病耳善乎明道之答伊川問加倍法也曰已忘之矣非果忘之若謂何事於此徒費心力人各有能有不能不能何病故曰雖聖人亦有所不能焉

十一日

一生不遠數百里來予曰子嘗從伯順遊于師之音容笑語還能憶否曰能憶曰子師之精神行事還能憶否曰能憶曰師門教旨云何生茫然曰說約

口譜

卷七

七

一編未嘗寓目乎認理提綱九則師門教旨也師

往矣而教旨常新日讀一過日日對師面也噫不

識師面者多矣誰非孔孟之徒誰識孔孟之面

孔子得為政必先正名不得為政故退而作春秋春

秋名分之書也為天下萬世嚴亂臣賊子之防凡

於名分二字有愧者皆未識孔聖人之面者也

讀張子韶傳 人謂子韶為禪為其拈佛字夫覺字

不獨祖伊尹孔子不曰先覺者是賢乎此無可議

况其立朝大節無隙可摘而刻意獨行銷盡世味

其強力有大過人者其言曰汝且道我用心每日

在甚處若一一白頭至足理會此形骸卻費了多
少工夫我不被他便且要我使他此等話頭是學
道之士修行老僧方說得可謂自寫其神矣

讀李延平傳 延平謝絕世故餘四十年危坐終日
驗喜怒哀樂未發前氣象此是元公主靜學問不
落語言文字間做工夫也故其言大要以學問之
道不在多言但嘿坐澄心體認天理實見是理若
顏子之歎卓然不違乎心目之間然後無所不遇
若直以文字求之悅其詞義以資誦說其不為玩
物喪志者幾希故謂元晦曰公恁地懸空理會得

日譜 卷七 八

許多道理而面前事卻理會不下道亦無他元妙
只在日用間著實做工夫便自見得此亦有好大
爐錘在延平無著述不立言其淵然自得後之人
固未易窺其蘊耳

十一日

胡文定父子康侯負氣節學亦醇正謝顯道謂如大
冬嚴霜百草萎死而松柏挺然獨秀此可想見其
風采矣安石廢春秋不列於學宮此千萬世界人
康侯潛心二十餘年以為天下事物無不備於此
則春秋一傳延平謂當以文定為準其功亦在大

下後世仁仲氣節學術克肖其父厲辭秦檜示以
不可召之端辭疾南軒挽其素好佛之意皆有深
心作用非死板道學也

十三日

羅仲素 李延平謂朱元晦曰羅先生極好靜坐某
時未有知退入室中亦只靜坐而已先生令靜中
看喜怒哀樂未發之謂中未發時作何氣象此意
不惟於進學有力兼亦是養心之要此延平以得
之於師者授之於弟而仲素之學則自程子每見
人靜坐輒歎其善學此元燈一線也大凡學人不

日譜 卷七 九

從靜中領悟窺見本原接拾口二句見幫襯補救
祇由土耳其仲素服膺龜山更於心書上一著猛省
此是真切下手處

十四日

復姜二賓 前接光霽極蒙延款最是人所棘手時
獨能脫然行所無事謂是元公明道一流人恨相
隔遠山中簡寄未便不謂學道君子虛懷益甚於
悲天憫人之際益切事賢友仁之思某即衰朽何
敢負此下問區區所望於使君者正自有桂陽上
元之榜樣在學優而仕仕優而學猶此言之對簿

書則學在簿書也對獄訟則學在獄訟也所謂德在民上明新民正所以明德已在百姓上修安百姓正所以修己昔人因事鍊心今人驅心役事只此見使君學有主宰故能有事若無事銷節盤根正別利器吾儒中得陽明大為吐氣庶理學經濟不分二事某生長北方見園一圃少而有志老無所成年來與二三同人輯有諸儒語錄一編偶同人攜之會稽得獻汝評定闢發匡我不逮繼而念宗傳二字甯嚴勿濫顏淵死而孔子之道不傳曾子外餘不得與又於衆多人中標七子另為一選

日譜

卷七

十

俱無副本路遠不便寄去各家之書具在謹錄其姓名暨所評請教此等事正要就正海內有道其為商定非區區所敢僭也內有宜去外有宜取望為指示某雖耄而親師取友素切於中豈敢忘誦我之德

十六日

孟氏沒而孔子之道不傳董子明乎天性一語最得頭腦此程子所以云度越諸子也雖又曰見道未甚分明然草昧已久誰能得聖賢之意者河汾得陽明之論而定無復置議昌黎當邪說橫流獨能

張胆明目推其本末權其禍福輕重以救其惑使三綱五常未盡泯亂其所謂儒而豪者哉雖有曰見道不甚分明三子創闢之功未可與承流者同日論也予敘宗傳不能不推三子開山之力

十七日

張南軒初亦好佛得五峯挽之而歸於正遂以古聖賢自期學先義利之辨夫人生最難順者於君於親之際最難得者曰師曰友之人南軒以忠獻之子深得孝宗之知以五峯之弟契結文公為友少年遭遇如此格君有機恢復有具猶未竟其用而

日譜

卷七

十一

展其所學君子惜之

十九日

問古來聞道之士於生死之際脫洒無繫如程嬰絳叔侯生輩於死生之際亦脫洒無繫彼亦有所聞乎曰彼亦各以其所見為道然未可謂之聞道也死有重於泰山死有輕於鴻毛此中有義焉非可苟焉而已故曰烈士輕生未聞道也

按孔廟配享始於曹魏七年止顏子一人迨宋元豐七年進孟子為二配議者謂孟子受業於子思子

思受業於曾子咸濟三年遂以曾子子思並配宋
祀朱子繼祀龜山議者謂朱子之於李侗羅從彦
猶孟子之於子思曾子也羅李因得祀師第淵源
之義亦重矣故孔門師弟之後曰河汾曰程門曰
姚江而周元公之有二程則何啻千人百人也師
友淵源之義亦重矣哉

初讀儒書凡於學問有涉者統彙之爲一編曰諸儒
宗旨繼思學有淺深賢有大小因爲理學宗傳一
編計四十餘人又思宗傳非識透本源學已到家
者未易承當也故又有傳宗錄一編止七子然從

日譜 卷七 主

前所彙諸人語言見道者頗多閱之既久不敢遺
忘惟曰宗傳考天之生才非易卽如考中人亦豈
可多得哉嗣有聞見未得定宗先以入考以俟清
議之攸歸

草亭之西間接一茅題曰樂是取淵明樂是幽居意
也因爲聯 有子非能好紙筆餘生聊自樂田園

性之不定只是自私自用智四字
須先識仁是爲學頭腦誠敬存之是用功頭腦

二十三日

理學諸公無人不講格物及立人之本朝卻不能就
君身上理會何以謂格君心之大臣諸葛武侯范
文正司馬溫公諸君未可輕易也雖曰窮達無二
致非顏子斷不能同禹稷靜言思之史冊中言語
多有令人信不及

二十五日
李仁甫自成安過視

日譜 卷七 主

東李允繩 向來料理江村令頗遺文性若其
言恍若見其眉宇益信此心之靈原不可以言
限不可以幽明隔也于度與聖賢各錄其生平言
語行事十餘則又移字君異國錄其立見
所記憶者述之共爲一册附集後吾文得令師說
約之傳獨深豈無意於此乎第於理學諸公爲三
編一編四十七子博而收之大觀也一編七子約
而取之傳宗也一編五忠見理學以綱常爲重不
專在言語文字也

八月

初一日

人黑白不分者不可以涉世處人黑白太分者不可善世宜民吳道二才士使蜀武侯甚偉之後二人伏諫武侯曰此人只是黑白太分明耳學問須要包籠才是天地江海之量

初三日

題謝紹開趁鶴軒聯 無將無繫流雲手不怨不尤趁鶴心

初六日

問釋家有觀心之說儒家亦有靜坐觀心閉中一樂日譜 卷七 古

之語某苦思慮管授正欲求一刻之靜以觀此心是如何氣象纔欲觀時而知故萌生此心已不在矣明知其不在當下又收拾不來愈增一番煩苦不知作何法可以治之曰觀心者欲令此心常在腔子裏即晨起問主人翁在家否禪家以不得勿求為主故能硬把捉文公謂其勢逆其途險其機危而迫聖人之學於彼正相反本心以窮理以應物當知故萌生時正好窮究根因令他無處藏躲起一念旋治一念此處他人不知而已獨知掃除廓清他人烏能措手即天地鬼神亦不能代我為

力認得本心明白種種添入之心自不得竊據本位到此時視方能有見聽方能有聞食方能知味何樂如之

初九日

薛文清云程子論邵子為人只是無禮不恭恐與聖人之學異顧涇陽云明道見處極高便有元語伊川見處極正便有拙語橫渠見處極深便有艱語康節見處極超便有玩語晦翁見處極實便有滯語象山見處極徑便有狂語即此言便見愚魯僻嗔隘與不恭俱無妨於為聖為賢文人曲士自護其短不許人道一破綻者適足明其暗昧而自棄其學者也

日譜

卷七

古

十一日

分明一好題目在眼前人人知之人人不肯做事機已過方痛自追悔嗟何及矣知之非艱行之惟艱美味滋毒人爭嗜之死而靡悔甚矣君子貴知幾也

十三日

人熟為重身為重前有千古以身為承後有千古以身為垂是身之所係者何如其重而可輕視之乎

不輕視其身則莫大於學矣學則能大吾身以通天地萬物爲一體而千古之上千古之下皆聯屬於呼吸一氣之中故學者聖人所以助乎天也不學則身亦夷於物耳何以仰答天地父母之生我

十四日

問聖與仁何所分曰以人言大而化之之謂聖中心安焉之謂仁以心言心之神明不測之謂聖心之生意不息之謂仁然非聖人不能滿仁之量故孔子曰若聖與仁則吾豈敢

十八日

日譜 卷七

夫

寄薛行屋 聞長世兄得意南宮卽覺便志喜旋知先生請假歸省私謂昔草廬以親老辭魯齋以教成請先生其身之者耶每羨先生一身而兼三樂歸省之日攜蘭桂戲綵萊庭卽深山窮谷傳爲盛事某叨塵世誼輩曠日甚不能鼓短筇一覲顏色金老云臺旌有過百泉意是或假之緣耳莊客來山村辱溫問先及感曷言喻其曩輯先儒傳宗者獨於吳許之苦心不能釋手今日非先生其誰望之知己之感不欲以寒溫進也

十九日

復沈石友 鄉居曩曠不堪對貴公長者乃辱惠問復承珍味下施山中童稚醉飽明公之德某藜藿承授餐有加唯有媿汗已耳對便鳴謝

二十一日

答周李白 僕衰遲漂泊百念俱灰獨求友之誠未嘗少懈前披丰度名世風流不第司牛耳中州也辱承翰教藹藹虛下之懷溢於毫楮僕年逾古稀學疎識闇寥寥里言未敢質諸大道曩有小刻三二種板在敝鄉篋中無有存者近刻請教咫尺素心倦切曷已

日譜 卷七

二十三日

寄于杜若 連年水患未祛今歲旱暵學稼不逢年奈何未審貴治歲與民無辜此軫恤更費拮据僕耳聾倍首未嘗以事累子孫兒輩躬耕誦讀之外無可爲道者惟讀書於醴陵之北因建書院吾丈絃歌之志能尙友其人不知可能得其遺集否僕輯先儒之傳宗者四十人東萊先生已置一恨語言文字不多得彼如嗣字尚存稍一修葺亦嚮選昔賢一段佳話也

九月

初一日

問可欲之謂善何者為可曰明明德於天下此至善之極則也何時能滿其欲乎從心所欲不踰矩矩即可耳美大聖神豈有餘蘊哉

初二日

鄭海壁號之古言薛亳州蕙之約言多會心切理可
以訓世

初五日

孫紹開謂連日思慮紛擾二十年前事齊到心頭求

日譜

卷七

六

靜愈寡欲驅益熾作何法以治之曰此皆意之妄
支而蔓焉者也法當肅然自責於念起時即詰問
此念從何來獨勘獨證自認自供既難昧於獨知
又何能逃我指視真上帝鑒汝斧鉞加身當此際
未有不凜然汗下者對治久之妄念漸清真念漸
復吾儒治心之功多如此不然告子不得勿求邪
更直截亦急則治標之意

初七日

郭駘臣來夏峯問學曰學惟視乎所志所志在富貴
富貴未必得所志在功名功名未必得惟志聖則

聖志賢則賢未有求之而弗得者目前吃緊只要

抵禦流俗流俗之人欲富貴而思就惡貧賤而思

逃竭一生心力無非為此君家弱冠篤修未經世

染須先清濃淡辨雅俗於聖賢諸儒之言虛心體

認莫只作語言文字二一身體力行千聖萬賢惟

此一條路徑學者學此而已

初九日

高平南過視夏峯憶前辛卯是日仍在共城也 兩

番晤對俱重陽髮白菊黃客思長深夜月明各有

意君猶熱處我偏涼

日譜

卷七

九

初十日

寄張蓬元先生 客歲得披光霽至善之旨觸處流
行如夢者得覺醉者得醒敬拜明教歸為砲聲震
耳今逾年矣一官不靈通體皆病程子云不學便
老而衰某服膺先生之教自不敢以衰遲廢學宗
傳一編較前又為增減錄其劄評請正幸詳示之
先生言建安沒天下之實病不可不洩姚江沒天
下之虛病不可不補此對症針砭今舉世皆病而
實者日益補虛者日益洩求其愈自不可得且並
其虛實真辨雖有良劑將安施乎後集集呈上後

渠學問甚正特於青田擠之太過先生以為何如
十一日

甚矣人情之好議也議論繁則過當者多矣宋儒固
大有功於吾道但開口便說漢儒駁雜夫經書傳
註未嘗不資漢儒亦有不及漢儒者乃譏其訓詁
謂漢無人恐不足服漢儒之心以服天下後世之
心此宋儒議漢儒太過聖人之全體大用及門諸
賢有具體而微者有各具一體者宋儒亦不過各
分一節一目近世有見與程朱偶左者便謂得罪
於聖人夫解易者豈遂盡易之奧乎解春秋者豈

日譜 卷七 三

遂盡春秋之旨乎惟聖人知聖人何妨指示虛公
共質大道此近儒信宋儒太過然亦儒真切修證
學術大明道統不紊信之過者不失為君子今之
講學者本之不務徒工口說甚至竊禪之緒餘益
聖之秘義則又譏宋儒太過甚矣人情之好議也
十二日
修身之士必借良師友故夫子以朋來為樂又曰事
大夫之賢友士之仁書曰在知人在安民易曰聖
人養賢以及萬民子產在鄭孔明在蜀皆收拾人
才足勾三四十年之用後世不知修己以安百姓

故亦不知親賢之為務予智自雄師友道喪風俗
日替人心日漓豈待問哉
十三日

自堯舜至孔子道統相傳歷歷如此義軒以上又誰
為受而誰為傳耶莫之為而為者天也
十四日
就氣認理認氣為理兩言明有分別在人善觀而默
識之朱子終身認理氣為二物其言曰氣強理弱
理管攝他不得
十五日

日譜 卷七 三

盈天地間知覺運動聚散流峙者皆氣之為也而知
覺有知覺之理運動有運動之理聚散流峙有聚
散流峙之理就中正可體認
十六日
從來大儒宋之程子張子朱子明之陽明子初肯學
禪能究其蘊後於吾道有得始大悟其非而力排
之惟恐人之溺於其中也淺儒腐士不能窺其底
裏即痛闢之渠烏肯服愚獨謂孟子當揚墨告子
之時仁義晦塞性學淆亂而危言峻辭隨其說而
折難之此真是體統至善左右逢源周於德者耶

世不能亂

程子云聖學本天禪學本心本天者性善也本心者無善無惡也

十七日

問如何是習氣曰有物過眼必看有聲入耳必聽小
小如意即喜小小拂意即怒小小利害即恐懼其
根源總以聲色貨利為著落故抵擯習俗必豪傑
之士

甚矣故習氣之難脫也俗人有俗人之習學人有學
人之習古今有世習四方有土習真與習化機成

日譜

卷七

三

天作即自謂拔俗之士而日用之習見習聞所趨
所避不知不覺又落在習氣中主苟不大加學修
之力令真性流行與天為徒終是習未淨

十八日

問通乎晝夜之道而知曰不必談說元微只就此日
間莫令物欲借亡夜間莫令雜氣紛擾時時提醒
到乾夕惕則貞明不息便是通乎晝夜之道

十九日

唐虞之世已有一種清虛恬澹不耐事之、巢許一
流是也然巢許當年自生自化於經正道明之世

不敢以其說惑人有謂二氏即其宗派者其學術
恐未必同後世不事王侯高尚其志終老山林者
殆成幾斯人之徒歟

三十一日

世儒於死生之事其有其無必欲明言確據愚謂人
生不能作夢中之主豈能作死生之主耶游魂為
釋也

二十二日

學問之事能勘透死生一關則富貴功名便無難割
捨或曰有生必有死誰不知之何難勘透愚以為

日譜

卷七

三

知生之所以生死之所以死又知生而未嘗生死
而未嘗死恐未可輕與世人言也生之所以生能
不失天之所以與我者為世間不可少之人此輔
相天地裁成萬物之人也其生也榮矣死之所以
死是於父母全而生之者全而歸之無絲毫虧欠
所謂朝聞夕可其死也哀矣生而未嘗生是飲食
醉飽從開闢到今不知有幾多騃人憧憧往來於
時行物生之中所謂罔之生也幸而免死而未嘗
死則生前一點靈明昭揭日月天地且借以撐柱
試看從古來幾箇大聖大賢為君為相為師為忠

臣爲孝子家傳戶誦思慕不忘者其靈爽何嘗不
至今存也愚所謂劫透死生者蓋吾儒盡性至命
之實地若如禪元兩家之論則非愚之所知也

二十三日

吾鄉楊忠愍初官南都南考功郎鄭淡泉曉時稱冰
鑑謂諸僚口此人心志氣節事業將來不可言也
甚相愛日告以居官守身之道與夫古今典故又
從韓公苑洛學律呂三月而得其精遂能自制樂
器播之聲音各相和諧公歿而樂之學遂絕響矣

二十四日

日譜 卷七

雷

視千百爲千百者禮之異一本散爲萬殊也小德之
川流也視千百爲一者仁之同萬殊原於一本也
大德之敦化也

仁與人兩相附麗故曰仁者人也然仁不能離人而
人多不能體仁必如明德親民止至善之大人修
己安人安百姓之君子乃所稱仁人焉外此鮮有
不自絕其仁而並失其所以爲人者矣

二十五日

夫子贊乾德而首日剛論近仁而首日剛又嘗致慨
於剛之未見聖門諸賢豈皆不足當之耶由之強

氣質或未盡融豈回之不遠仁者猶存乎見少也
蓋亦言其性之所近不偏以剛見嘗試擬其人其
爲孟子乎孟子善養浩然之氣者也義集而行無
不慊道充而心無可動意者可以慰聖思矣或曰
夫子所思之剛卽所以告由之強也味四強哉矯
其人可想

二十七日

讀三異人傳有述 三異人者明忠臣方正學于肅
愍楊忠愍三先生也統以三異人者蓋三先生超
異殊絕古來忠臣罕比篤生於明二百年相望而

日譜 卷七

雷

得此三異人亦奇矣哉三人者事有本末死各不
同而忠烈之心同也正學一死而受累者八百七
十三人慘極矣略無轉念忠愍再起藹籍死而不
悔兩先生者稍有顧生之心忠愍何必自蹈死地
正學卽死亦當不如是之慘耳獨肅愍事機之遭
當國家存亡患難之際非義理明決安能立斷社
稷爲重一言不獨保安疆土而北轍得歸實有功
焉然北轍歸而功之首且爲罪之魁矣三先生所
爲亦各見爲當然初何嘗求異於人哉人不能爲
則人自見爲異耳三先生亦無樂乎以異見也

二十八日

剛健中正純粹精也夫子以此七箇字贊乾之德愚謂聖人法天則七箇字又古昔聖人之格式剛言其不撓健言其不息中言其無過不及正言其不偏不倚純言其不二粹言其不雜精則潔淨微密之極矣然以此律古聖人恐堯舜文孔之外鮮克中此式者大哉乾乎聖人之於天道亦非可一蹴至也

孔聖人萬世之師道之宗也學者立必為聖人之志只折衷於孔子足矣顏曾思孟而後獨推周程張

日譜

卷七

庚

朱為傳道之人朱稱集大成矣因集大成遂有議其一二語之不合於孔者意欲效忠於朱非薄朱也因有效忠於朱者遂有一種為尊朱之說曾敢於背孔而不敢於背朱愚謂非宗者多一非之心即尊朱者亦多一尊之心之朱固不忌人非而亦不借人尊也解者合想忘於無言耳

出游淦水馬構斯同博兒御車

晚宿占象屯

抵淇縣遇鄉人自北來者傳立兒來沽酒相勞

二十九日

立兒自故園來遇於淇口占志喜 我今北去子南

來恰遇淇陽綠竹隈乍見還疑身是夢情鍾無語已顏開

是日仍留淇

十月

初一日

自淇北發即攜立兒同行

謂從行者曰走路不必欲速一欲速便是正助百里

之程豈俄頃可到善走路者能忘正助之念則走

路便是學

日譜

卷七

壬

宿李朱舖

初二日

抵彰德李景尼止宿

初三日

蚤發大風雨不能行投橋口禪寺止宿

初四日

渡漳河遇雨抵磁下榻張司馬貽樂軒

初五日

慰張司馬悼內 有引 甲午春過淦上起司馬先生山

水之約深辱館餐將備予登岱遊嵩期已戒余聞

日譜

卷七

三

淑人志亟止之迄東遊歸復留滄逾月見賢允內
翰君延醫視藥知淑人漸有瘳矣乙未先生走字
云侯內子病愈仍訂嵩少之遊勿傳凶耗余悲淑
人之賢不大年且傷夫子之失良友嗣君之失師
恃也聞淑人病劇時嗣君賢子婦不惜身以籲伏
塊聲漸倍增先生恒悼先是老妻借宿蘇門頓盡
朝露先生貽言唁慰每一讀之時愴病懷曾日月
幾何復同曰炊之夢悵望纏帷譚虎色變同病之
言不能不轉而相憐也 白雲泱泱夕陽斜玉露
朝塵冷幽霞造物無心折地軸甲前何意付霜華

初六日

秦吉生出高忠憲壬辰日譜一冊記日用間應酬事

秋聲何事聽枝鴉

孫徵君日譜錄存 卷七

寥寥數語而檢身省心之意無處不在 秦名沂
無錫人癸未進士前兵部郎

初七日

白元明見招 白名所見以進士授魚臺令歸安貧教授為業 風留滄水上得
見古人情心遠不偏地官貧豈愛名披幃餘月伴
種秫足雲耕閭字門填屢祈聞絃誦聲

初八日

世人責備富人動指其吝余曰吝於財病猶小吝於
過病乃大善乎曾子固之對其君也曰安石勇於
有為吝於改過可為名言

日譜

卷七

三

初九日

母忌 作客逢親忌一尊為位難念之情欲絕病骨
轉踴踴

初十日

謂立兒等曰友朋諫諍須求有濟不可自謂直諫令
人有難受之實徒貽拒諫之名忠告善道猶後積
誠而動自令人不忍負不信未可輕言諫也

十一日

友人兄弟偶有小激爭論不已予解之曰是非在他
人且不必太明况乎兄弟兄弟念鞠子之哀不必苛

六九一

求於其弟舜不見象之不是所以能化象弟篤從
兄之義不可固執於其兄叔齊甘從其國不忍背
兄願公之兄弟取法此兩大聖人各見有已之不
是則善矣

十二日

過風俗肆肆在大營主人張還白以肆居遠邇來學
者

李煜蕃自南來視予蘇門聞予出門即過滄上因同
載至大營

煜蕃與立兒訂朱陳之好先是與其兄愷蕃會約為

日譜

卷七

三

婚姻而子女有殤者未終其事故煜蕃再尋前好

十三日

謂張谷王曰義學一事先定規模行之須有條理方

可久可招徠俗儒者而英豪必不至東林書院志
可傲而行之

十四日

大營莊客向谷王訴其子之不孝欲訟於官行王斥
之去余曰學以移風易俗為義俗之不美莫大於
不孝君家以主人出一言為其僕定父子之分安
父子之情便是當下真實學問

十五日

語韓生曰君與構斯肄業風俗肆肆此是絕妙機緣只
奮起精神併心一路月計不足歲計有餘天之所
以困我者在此時天之所以成我者即在此時也
他日為風俗肆出色人便在此君

十六日

父母生此身元來無壞修亦修其本無壞者而已此
心元來不偏正亦正其本無偏者而已此意元來
無欺誠亦誠其本無欺者而已此知元來無蔽者
亦致其本無蔽者而已元來者斷與殆盡認後來

日譜

卷七

三

添入之情識意想以為元來皆自失其寶所謂罔
之生也可哀也

人只為口裏講道理遂自渾身無道理道理原不可
向口頭取也

骨肉之間多一分渾厚便多留一分天性是非正不
必太明

百福集於謙每見人有自託於傲者亦一念之不慎
也

十七日

少司寇霍魯齋聞予在磁欲相見上若庶常道其意

予以重聽恐失禮於長者辭之

晚宿彭城景尼齋頭

十八日

劉借庵學使趙錦宇 叩憲劉孝廉粹禎見顧

十九日

留鄴下偶憶鍾伯敬功首罪魁非兩人流芳遺臭總

一身此亦持平之論魏武應以為知我

二十日

湯陰謁岳王祠 王精忠義勇人人能知之能言之

知學見道未曾拈出文官不愛財武將不惜死元

日譜

卷七

三

下太平矣大哉王之言乎一哉王之心乎人有以

從祀孔廟請者不為無見

二十一日

車中謂諸子曰內顧疾言親指總是瞻視言語失其

常度動容周旋中禮自無此失甯獨車中為然感

儀在恂慄之後故容色辭氣之間君子之所貴也

二十二日

文士不沾沾於詩文志士不沾沾於節義學士不沾

沾於理道淵然穆然其所以自得深矣

富貴人不輕薄寒士貧賤人不容悅勢要乃可信不

諂不驕

二十三日

晚抵占象屯宿孫八歲率三歲孫溥為其大父伯父

叩頭骨肉他鄉兒童嬉笑亦足樂也

二十四日

抵夏峯同祖弟姪輩合長幼二十餘人集齋頭飲新

釀話夜

二十五日

立雅為述其師友族戚某某俱云請大人歸故園予

曰春秋雨露未嘗一日忘先人邱壠也但自我出

日譜

卷七

三

門即蹈東海西山之意拜掃之事已付在爾身然

貞不絕俗隱不違親予固心誌之敬為我謝諸招

我者

二十六日

何謂庸言子臣弟友是已何謂雅言詩書禮是已

世人舍此不務而立奇好異快已胸臆諛人聽聞

苦懼失其心而移其性也或曰異之好也自讀非

聖之書始知言哉

二十七日

晨起謂立兒曰夜來夢寐甚覺不憚乃知學問之事

對質衆易對妻子難對妻子猶易對夢寐更難古
人夜夢驗工夫是真實用力處不從此著力終苟
道也

二十九日

奇才非有 過溢上湛虛先生出斯文正統披讀稱
快其評選精嚴真是陶公坐高秋俗士不敢入湛
老擬於襄夫人葬事後敘成作報先託聲意繼而
蓬元先生寄同字識議正投深感相助有專函代
致僕毫矣聾聵日益甚然不敢廢學東昌溢土兩
先生身分學問各有所長我輩友一鄉友一國友

日譜

卷七

壽

天下則此二公者俱所稱千里之士也邇來覺受
益於二公者不小未易一二爲俗人言耳僕目前
功課諸儒合選外復有七子一編於明得五忠理
學忠節合并一身者也又爲一編容請教

三十日

我躬不飭自損其德猶小且令人訾議先世則不孝
莫大焉若後嗣不能光大前修日即匪類雖曰暴
棄自甘則貽謀未善祖父亦不容不分過也教孝
正止慈事

十一月

初一日

虞廷五聖人契司教數人倫正與天之惇庸秩敘相
合其德至矣故賢聖之君六七作較夏周猶盛孔
子殷人也又以木鐸師萬世明倫之功大矣哉
世人爲子孫積財置產殆無虛日然不計子孫之賢
不肖何如也子孫而中人猶不至於墮落如其不
肖積金其能守乎積書其能讀乎徒與兒孫作馬
牛耳
善貽謀者得一本分自守之子孫數十年之家運可
保勿替如其爲賢人爲君子則所以彰顯其祖功

日譜

卷七

壽

宗德者與山俱高與水俱長較之積財置產者所
得不既多耶此等事庸愚皆知之賢知者不能也

初二日

陳生不退楚遊歸謂予曰三載軍中身無一命囊無
一文赤手去赤手來殊無可爲先生長者道也予
曰子益矣身在官外乃可以閱文武將吏之功能
賢否以爲此身當官之法戒囊惟空乃可以貯江
山風月之佳勝所得已多矣子益矣

初四日

斗南問諫中近代人物曰覃懷許平仲薛文清推爲

紫陽之後一人至甯陵之呂新吾鄴郡之崔後渠
通祀縣之劉湛靈獲嘉之賀景瞻皆可羽儀百世
初五日

皋陶陳謨曰在知人在安民孔子告哀公曰舉直錯
諸枉則民服舉直錯枉乃知人之實也第直多不
令人喜枉能結上之歡非真實無欲徹底澄清鮮
有不愛其顛倒也民之不服何以得安舉錯宜而
化枉爲直此中有神機焉

初七日

報崔竹湄 當事者大有人也據所見之言所聞
日譜 卷七 吳

之語所行之事令人起敬又令人生畏但囑賢友
勉豎明德實惠及民豈慮無知已也

初十日

族弟奇鵬少酗酒無忌予苦心諭教之懲戒之渠無
怨且銜恩卽戒酒斂跡予時避兵山岑水湄鵬持
鐵棍與其弟遠來衛護予南來鵬以鐵棍贈王大
爲從行囑之曰此物件君卽某相隨也今七年矣
立兒過視鵬囑之勸予歸展墓又囑之爲我致語
戒酒仍如昔不敢忘教我之德鵬嘗語人曰非吾
兄教我我不死人人便死我每以此勸人遷善改

過不事詩書之人卻勝誦詩讀書人遠矣

從子念雅生平本分二十年前予嘉其孝入取節錄
立兒爲述其窮乏餬口無計竟以饑寒而死可憐
也夫喪心之輩尙可苟活本分之人卻乃餓死無
怪乎人不肯安分也憶從前每有憂喜慶弔之事
念雅無不周旋料理今死矣妻子顛覆令我心惻
因識之

十一日

宋韓億訊其子以奏案其子稽於庭則怒之唐元暉
之母必問其錢物所由來而擬賄於審今之士大

日譜

卷七

毛

夫位高金多者有動韓父之怒而動崔母之間者
乎有此怒則無冤溢於獄有此問則無穢汚其躬
賢父賢母成其子爲良吏而已享令名於無窮不
亦休哉

十二日

孔子曰性相近孟子曰性善孔子道其全孟子指其
本孔子謹於習孟子充其端兩義互資後之說支
而贅矣後渠此論最確又曰孔言庸人不符孟言
有時而窒此亦尙有未融通者在
遵朱之學痛點頓悟以爲顏子極仰鑽之勞斯見真

爾曾子力隨事之察斯唯一貫若所悟出於頓人已隔判事務遺棄聖賢之傳授無之不知頓從漸來無漸何頓可言天下之歸於一日正以有克復之漸也吾道之貫於一唯正以有忠恕之漸也紫陽亦云用力之久一旦豁然貫通則衆物之表裏精粗無不到而吾心之全體大用無不明何嘗非頓悟乎用力在平時收功在一旦漸者下學也頓者上達也豈可以二事言

十三日

謂立兒曰憶汝姊歸寧時吾家長幼男婦自汝母而

日譜

卷七

美

下無不肅然起敬蓋孝事舅姑和睦妯娌惟身有之所以言之能啟人聽聞汝來弟若姪將於此取型焉當晨夕誥教之令耕者讀者各勉其所有事勿忽勿怠勿較勞逸勿存形迹以好和既翁者而得父母之順則家庭之間便是唐虞三代何美如之何樂如之

九姪調雅敬美次男也夫婦蚤亡遺一女寄養外大

母命立兒撫育之

是日奏兒生辰設尊占象屯集骨肉姻戚十餘人有

閩中盧誦蓼廣文八十三歲笑歌暢飲頗娛老懷

四日

宗傳考引 予既輯理學宗傳所得人不下五十繼

而慮其雜也又為傳宗錄止七子今又為宗傳考一編何也蓋我年無事日取儒書以爲閒晷偶當於心者輒命孺子輩錄之漸成卷帙其言皆不謬於前選故復爲此編以俟同好者之爲嘗試思之儒宗首推元公而表章元公者則朱子獨後於諸子豈前之選皆賢之大者而後之選遂爲賢之小者耶孔子初與墨子論學子初與荀子並稱

日譜

卷七

美

何其不倫也大易以下筮之書得不廢學庸亦問雜於戴記曠代闕揚各有攸契操進退之衡司上下之鑒者請以質之當時異世之大人君子以慰予思

先正有云方希直之志李時勉之直薛德溫之清工公度之不折明四臣而已予請益以二人于忠肅一言而安社稷王文成倉卒而擒逆藩亦志亦直亦清亦不折其所謂古大臣與

十六日

題雙立 立者何立志也雙立者 曰見爲夫之此

志也志不立天下無可成之事陽明爲其弟守文
作立志說極言志之不立多方以責之語語令人
神竚骨立頑者起而懦者興竹朋雪友兩弟兄秀
質敏心輝之雋士也以予友紹開從予遊予且晚
期之奮飛因過其讀書處而以立志責志相勸二
子之共立固不待予言或因予言而更加策勵是
予之望也然予之望甚遠且大有陽明立志之說
在

十七日

會稽倪獻汝清苑張元徵同日書至 迢遞常處乏

日譜

卷七

甲

便鴻夏峯小築在牆東兩函錦字同時至 一自燕

南一越中

十八日

語諸子曰令人議古人失著非難惟當機立斷能不
失著乃稱難耳無論忠孝大節每多依違卽日用
應酬接人待物中禮中情者亦寥寥其人尙暇議
古人失著也哉

十九日

人生受病口過最易故防口甚於防川古人納言訓
言慎言謹言總之無所苟而已矣一苟非少心則

怠行故法古人之立言猶後法古人之不苟於言
乃立身第一吃緊工夫予衰矣猶頻犯此病敬錄
以志吾過并告教我子弟

顏淵沒孔子之道未盡傳學者有大不然其言者愚
謂子哭之慟曰天喪予其對哀公也曰不幸短命
死矣未聞好學者也嘗語回云用行舍藏惟我與
爾有是夫至告子貢曰莫我知也夫知我者其天
乎此語定在回亡之後觀孔子之言則道之未盡
傳也似亦非誣豈可以足咎此言之妄

二十日

日譜

卷七

甲

東郡丁野鶴惠詩 嘗云野鶴在鷄羣所見於今合

所聞詩教衰微能振起濟南之後另推君

或問詩與文當以何代何人爲最佳曰予不知詩焉
能說詩予不知文焉能評文然以意言之陶謝李
杜之詩自佳而三百篇更佳先秦兩漢之文自佳
而五經四書之文尤佳學者當於其本焉圖之則
不止爲詩人也文人也

學者有望見一理字遂欲打破此之病在虛法宜
有望見一無與忘字遂以爲賊夫學者也此之病
在實法宜洩破理字是無性也無命也固不可

無與忘則聖人之忘物忘我天載之無聲無臭又何以稱焉厥病性均皆非善學

二十一日

謝疊山謂宋亡於道學大明之日斯言亦過矣宋室之弱遠遜漢唐亦能享國三百二十七年不可謂非道明之方論者謂漢之明經以修行宋之注經乃衍詞漢士質宋士浮漢協忠宋爭名儂謂漢去古未遠機茂猶存歷唐而宋醇氣漸薄亦代之升降為之也今之視宋何如哉

二十二日

日譜

卷七

三

立兒問從前所與之理學忠節可指數者有幾曰汝師伯順以靜修之修而兼忠愍之忠外曹真子於沐理學也潘懷魯宗頹以監軍而死戰陣周葵順昌魏廓國大中左浮邱光斗周綿貞起元俱死逆璫孫愷陽承宗闔家以殉城死薛百當一鶴與伯順俱以殉城死金伯玉鉉以國變死張元美羅俊張二酉羅彥金鶴冲毓嗣韓曉寰東明俱以國變後守保定死逆闖王楊大洪濂范質公景文史道林可法僅得半面之識而有知己之言質公在南司馬以書與檄來聘未赴在北司空又欲疏薦

辭之且汝季父受其此伯父飲其家誼深矣大洪曾以予家有小人之誣問而髮指力為解且託人聲問道林督南師託友相招三君子之意甚遠迄今思之此懷猶耿耿也

二十四日

過新鄉訪郭公望張于度立兒隨行

許斗南張蘿月周顯承來晤劉一六就予榻話夜

二十五日

客談孟縣兩孝廉一李號肖梅死逆闖絕命辭云君思深重背則不忍老母年高離則不便只有一死

日譜

卷七

三

以謝君親遂自縊 一喬名騰鳳不肯出仕築室山中不見一人俱壬午科余謂李孝廉有母安得死

二十六日

晤少宗伯薛行 十載神交一日謀面行揭自謂向切私淑禮意殷殷居然塵外之交

二十八日

吾容城新令施元引困於途次自衛源道書并故人譚允謙字予湊七金公望代湊三金令立兒往見復書云 咫尺衛源不及一望顏色愧歎何言辱

手字過情之聞更令人抱慙無地即令小兒叩謝
行臺明春稍可自支當圖展墓奉明教也

二十九日

歸夏峯韻兒生辰已備一鰲立兒亦自衛源至

三十日

倪主簿從政鴻寶先生族子也以先生弟獻汝字執

贊從遊

十二月

初一日

立雅述其師伯順語十餘則亦予所夙聞但未經拈

日譜

卷七

罍

出師之面目未必隱而第之精神無所見是即傳
之不習也可以此語質之君異國鎮諸同列

初二日

寄杜君異 吾鄉中人來無不仰親丈之高無不憐

親丈之苦至有謂形容顛頓大非曩時僕明歲擬

歸家展墓相見時當更憐衰朽之顛頓耳令師認

理提綱海內學人無不推重但數則太少復益以

說約二十餘則昨立兒又有遺問十餘則望兒二

十餘則世誦誦就久江大家指出面目一新是亦

我輩傳習之功自身之一也

初四日

問桓文並伯一正一也孔有定評然晉代主盟齊遂
不振者何也曰晉臣讓善齊權相軋耳衛靈無道
賴諸臣得不喪賢有大小而效亦隨之士獲良友
之益亦如是

初五日

子曰文勝質則史又曰吾猶及史之闕文也則史之
失其真也由來久矣蓋非堂上之身固不能辨堂
下之是非况以貪生怖死之人而敘列殺身成仁
之事塵尾不揚何以鼓舞天下後世故欲得信史

日譜

卷七

罍

須慎史官

初六日

仇繼軒暨配崔氏合葬墓誌銘 君名煌繼軒其號

也始祖貴乙於永樂間自揚州江都縣移新安遂

家焉貴乙生志明經為司訓志生信信弟惠為名

侍御贈父如其官信生廷昭昭生鐸是為君祖代

有隱德多壽考君祖母即氏至孝姑馬患背疽即

為挑疽洗癰六易寒暑有瘳公舉孝婦專載邑誌

鐸生餘慶與弟雲慶同為邑庠生皆以孝著餘慶

先卒雲慶執兩親喪如禮廬於墓者六年學使奏

聞於其門遠邇稱雪廬孝子君餘慶仲子也五歲失母君號哭於巷求母所在里人憐之兄性鷙君事之謹無間言繼母劉遇無忌禱不施纜所履屨穿君復善事之其孝友蓋得之天性云長以貧故廢讀書雖不博能出所見以論古人而猶詳三禮時勸人為善為人息爭讓葬地於宗黨者三處家處鄉終身無競或有訾至亦不之較笑歌自娛怡然忘老余丙戌借居避地其書為十老社又集同人為君題卷稱壽季子憲稷又為君索像贊余雅重君皆不忍辭嘗謂古之英人烈士得志則為

日譜 卷七 哭

帝王師不得志不過與鄉人言禮讓止矣所謂大行不加窮居不損分定故也君沒之明年余避地蘇門憲稷擬以君狀來乞銘因甫終喪心血耗竭遂不起其友王生之徵代為請銘予嘉稷之不忘其親并嘉王生之信於其友也按稷之狀其父也曰生平艱危歷盡辛苦備嘗地鮮十畝屋僅半間無五尺之童無兼食之味種久敝十載不更窮襤布單三冬乏纒然胸懷亢爽曾不介意而小有志未伸其孰知之讀其言字字是淚矣稷沒而七亦殞王生之代狀其母也曰崔氏性慈和能中

饋專舅姑孝事繼姑尤曲謹妯娌子孫莫不感慕與繼軒共歷艱難者七十年從無交謫之言并無拂戾之色賢矣哉世不多見者乎余有以得氏之概矣君生於隆慶元年十一月日時俱不詳卒於順治七年九月十三日距所生得年八十四歲配生於隆慶二年二月日卒於順治十一年七月初四日距所生得年八十七歲子三憲仲秀水尉憲師憲稷廩生女一孫七孫女四曾孫三以某月日合葬於城西之善讓崗銘曰世之所不足者不能永年君白頭伉儷孰與較先世之所不足者子未賢君有子清修孝第力田世之所不足者身之多愆君貧約終身所得已全無榮無辱非禮非元三三兩兩躍魚飛鳶其古之遺民與余為斯言以永斯阡

日譜 卷七 哭

初七日 仇茂才異渥墓碣 茂才名憲稷字異渥新安人鄉耆繼軒君季子出家世載繼軒誌中茂才幼奇巖以智識先人恥流俗伍為文能自成一家言大有聲於里庠間仁至孝環堵蕭然菽水奉二親而中懷澹如也甲由以親在臺臺則京兆試不效

離膝下朝夕色養有古人風余丙戌借居渥城茂才與王生之徵時相過從雖癯骨如不勝衣而神情鼓勵引我忘倦繼而王生執弟子禮茂才亦與猶子量雅約爲婚姻已丑余南來茂才復寓書正師弟子誼蹤跡既遠就正益切未幾繼軒君逝茂才寢苦枕塊哀毀盡禮茂才固赤貧喪葬后不忍恬然家居借墓傍禪寺寢斯食斯居喪一如禮先是其叔祖雪廬以孝著稱生能取型更光先德三年禮成過易水送門人試偶嘔血數升死慟哉時癸巳臘月日也仇生有志未逮夫復何言昔靜

日譜 卷七 哭

修之門三臺里王綱居母喪過毀後父病又作綱斯夕憂戚致疾而卒靜修先生爲志其墓茂才甫終父制而致養其母情事大類王綱王生之徵道茂才以父誌缺焉爲恨余旣爲之誌其父矣哀茂才懿行恐湮並付此語使後之聞光而採遺行者有所憑弔焉銘曰問爾之貌不逾中士問爾之年未及強仕貧窶之家田舍之子蓬壘是居困厄以死然有遠心非關閭里不苟富貴行已有恥有懷二人存歿中理昔之王君今之仇氏三百餘年前後同揆動首清風常照渥水

孫徵君日譜錄存 卷七

初八日
學人不能入道病在褊見未融也執念未化也勝氣未降也名心未破也褊見未融則一隙之明烏能窺其大全執念未化則膠固之守烏能語於變動勝氣未降則浮動之氣烏足語於靜深名心未破則的然之好烏足語於闊淡好學者當深思而自得之

初九日
陽凶人爲不善惟日不足所謂性之善者安在日人結亡於旦晝而休息於夜氣元來一線終不能盡

日譜 卷七 哭

斷所謂善者性之真體爲不善者情之浮用羅子云體則足以運用而用不能遷體也此語有會

初十日
人患不能信更患不能疑人患無所知更患有所知人患不明白更患太明白此非真實有理會者未易語此

十二日
重刻鹿伯順先生四書說約序 鹿子伯順爲及門士說四書矢口了然言無滯義彙爲說約久已梓行其旨蓋取子與博學詳說將以反約之意夫博

七〇一

與約非二也博原自約出非博不能約約原自博
具非約不為博是義也孔子固嘗言之顏子亦身
承之故曾子之修齊治平一本於誠意子思之中
和位育一歸於慎獨迨至堯放勳舜重華禹平成
博矣而一廷授受執中而已矣不獨帝王四時行
焉百物生焉博莫博於天矣而維天之命於穆不
已萬古此行生也萬古此於穆也一越其宗即為
畔道即諸儒繼起各以所見為發明如周之無欲
程之主敬朱之窮理陸之本心王之良知皆從浩
博中體認精微所謂殊途而同歸百慮而一致正

日譜

卷七

辛

此說約之旨耳今天錫復刻此編於楚意謂伯順
之說得之陽明最深而說最相符合予謂由陽明
而子靜而純公元公豈有不符哉由純公元公而
顏曾思孟以邇之孔子豈有不符哉由孔子而建
天地質鬼神考三王俟後聖亦豈有不符哉總之
本諸身者是則言無不合言合而本諸身者非即
合亦離也切願學人因伯順之說而觀伯順之行
予自丁酉交伯順至伯順殉義丙子之年蓋四十
載深知其為渾成虧齊得喪一死生之人故其所
說皆躬之所行未可以語言文字為融通了晰觀

也伯順生平極服膺朱子晚年定論謂王子為朱
子功臣又何有朱陸之異而約之不合一哉

十三日

客惠予詩且歡然笑歌為賦短句 歲寒病叟作詩

題彩筆驚人各吐奇真客耄年猶過祝一厄未舉

一歌隨

十四日

客散偶書 問爾之年七十有二外若無營神實多

瘁言須大聲讀忌小字耳目昏聾語每失記獨此

寸心凜不敢肆赫朕帝命嚴乎國事催呼迫人暴

日譜

卷七

至

兵日異身懼淺藏足慮輕出親朋過祝遲來速避

飯不暇飽酒惟飲意二三族子嗷嗷聲淚兼之同

人遠行顛顛勞勞我心夜不成寐

十五日

予有句云評詩忌俗士品酒宜幽人客曰陸放翁俗

人猶愛未為詩歐陽公醉翁之意不在酒正此之

謂也

十七日

入城避兵接借楊王漢眉處城中諸公俱勞延欸

二十二日

偶聯 身閒心卻忙忙因甚事人冷我偏熱熱欲何

為為博兒行續粒禮

二十三日

黃石齋大滌記一段云兩日諸友先後間至剖析塵

驚疑義稍稍與子靜開條諸友亦欣然無異漸復

汎濫易詩書禮樂新故異同之致不能不與元晦

牴牾然而元晦醇遠矣子靜之言簡確直捷可

以省諸探索之苦然而弊也易繇僕之言靜觀微

悟可以開物成務然而弊也支繇元晦之言拾級

循牆可至堂堂高者不造頂無歸深者不眩崖齋

日譜 卷七

五

陸繇其道百世無弊則必元晦也此論亦甚平

夜坐 歲暮孤燈寒氣侵擁衾跏坐到更深迴環七

十餘年事負卻垂髫萬里心

二十四日

暫移其城題壁 人境喧車馬悠悠閉閣陰晴無

日定漂泊此生閒高著局先得香醪酒後刪古來

誰可比伯仲管陶間

二十五日

為全孫行完婚禮

二十六日

石齋謂太元出於春秋元經本於太元極言古人何

可輕貶子雲只為優游新室蒙仕莽之嘲八十老

翁亦何所求其功也能使弟子廬墓三年不去其

行事亦有過人者看他推尊李仲元嚴君平其意

自見焦漪園亦謂劇美不出子雲之手但其學問

深醇不及文中耳石齋文字癖與故深契太元之

旨可謂憐才然推之而與於斯文則過矣新室何

人之朝豈八十老人優游自娛之地耶

二十七日

石齋謂一部禮記皆為孝經作傳自哉言乎

日譜 卷七

五

二十八日

謂立兒等曰自渾樸散而象數之繁異同之見理氣

之分種種互起爭長然皆不謬於聖人所謂小德

之川流也有統宗會元之至人出焉一以貫之所

謂大德之教化我輩不能有此大見識切不可專

執一偏之見正宜於古人議論不同處著取理會

如夷尹惠不同微箕比不同朱陸不同豈可相非

正猶有此異以證其同合知廉勇藝而文之以禮

樂愈見治鑄之手

謂來有欲專舉堯夫者有獨尊堯夫於周程諸儒之

上者此豈定論耶各言其志也己矣并可以知堯夫之學

道在何處無物不有無時不然八字要體得親切學道之人從何用功體用一源顯微無間八字要認得分明

二十九日

論淫孫 爾受室已列成人便當思所以成人之道行遠自邇登高自卑一章最是實際處循習無厭卑邇便成高遠到得極高遠時只是卑邇此所以為中

日譜

卷七

七

三十日

以孝弟仁讓為教則言滿天下無口過行滿天下無身過聖賢學問帝王政治俱憑此為根本楊無庸闕墨無庸誅所謂經正則庶民興孟子得力處在此懷廣文盧頌蓼丈人 孤客七千外行年八十餘歲聲猶嘹唳詩思幾躊躇興至時乏酒饑來安問魚念君今夕忘咫尺覺情疎
夏峯守歲是日六男一姪四孫在列且兩新婦入門客邸際盛頗娛老懷

日譜錄存卷之七終

孫徵君日譜錄存卷之八

順治十三年丙申七月十三

正月

初一日

新石渠明府過訪惠以而

在容未展寸敬些微之志不蒙納豈堪收同

受之

初四日

送新石渠使君 某歲峯裏澤守不見諸侯之義

而賢使君每容其疎懶使某得漂泊於此

日譜

卷八

一

間石翁新使君造予容有卓政而於某即嫌子姓培覆尤深欲見戴飢渴無何以外艱奪去甲元日枉道過夏峯荒村鷄黍見其子姪逾信宿別既恨相見之晚復恨求別之速聚晤誠非易事某謂蘇門之麓去嵩雒若北鄰借山水之綠慰風雨之想使君豈無意乎使君嘗以侯生係孫生兩祚為吾容二士於世外別者眼知寓意深矣草書志別并申後約

初六日

立雅欲歸故園破屋幾門殘田數畝思為料理日

守而勿失但恐汝力薄骨脆不能任知昊天

上帝為生人一大主人壽考日月星辰則王伯亞

旅也山河大地則田廬妻兒也一皆運世乃所由

承遺為業堯舜禹一中授受乃傳祖業之人姬公

仰而思之孔子終日不食則清理祖業思為子孫

萬世貽謀之計顏之克復魯之忠恕思之戒懼孟

之仁義皆謹守先業不至其墜周之太極程之定

性又從荒墜中而得其不絕之線子靜字由吾分

內陽明六經我冊籍皆祖宗舊物也而惟此遺之

日譜

卷八

其間身被染之勞躬耕墾殖者隨時隨地未嘗

乏人然零星曲隅未暇大言猶以燕居而修言

渤坵垤而高談華佗耳其笑田疇安而廣居

宅萬古常新自開闢水火不能焚亦不能溺家

持此祖業家不能離一任類也無絕

過而問壽者天無日不注人而不注行一承

業之人天負人耶人負天耶汝能清理及此方且

肖子

十九日

許丁野鶴立兒來此五月每道生佛掖至意

而擴之使宏迂而引之使達此子即孤癯不能領

受弟感佩不啻身承至於詩之道時賢人人准重

弟謂非忠孝人不能作詩人淵明子美是何等識

趣人謂二公深於學故深於詩子貢論學而知詩

子夏論詩而知學詩身正不作岐觀耳薛行老

十年受知適始謀面一見便津津丁先生意亦不

專在詩也黃石齋合春秋詩易三經為一詩之道

無微不入無顯不見真直三經自義文周孔以來

有字之書無字之理同條共貫其有不貫是異端

也弟絕不知詩之人而與先生言此為先生已得

日譜

卷八

三

詩之趣矣門下士不知孰可言施父母江南名士

定於此道有得兩相倡和興始不孤弟展墳有懷

歸裝無力知兩先生屢歌之餘或不忘七十三歲

老病夫於千里之外也

十九日

東昌有言建安沒而天下之實病不可不洩姚江沒

而天下之虛病不可不補吾愛此二語嘗舉以告

同志同志中左祖建安者便謂建安無病左祖姚

江者便謂姚江無病此亦各就其所見而言之如

人飲食有愛食濃者有愛食淡者各從所好舍其

所好而強從人之好終非其心之所安須自己知濃知淡而論齊之以適於中此不可以口舌爭也

二十日

或謂煉石補天之說甚誕予曰此實理亦實事顧未可為昧者道耳解在中庸戒慎致中和而位天地盡性贊化育而參天地覆物載物成物而配天地非所謂補天者乎不獨至誠至聖匹夫有志一事足色則一事之補於天一念足色則一念之補於天日用常行事載此事理彰明最較著者但須有煉石之心方所稱補天之手煉石云者

日譜

卷八

四

心無纖毫夾雜雖頑石亦靈矣

二十一日

寄張湛虛司馬 立兒從未出門此番來得侍先生聞所未聞見所未見矣今歸里望兒與偕再晤先生冀有以發其覆也後生家有志自立者甚少敝鄉固味尤甚先生德望既尊學力亦裕後生小子輩欽服已久冀一言提命以為指南即弟身承之也第學曠日加精神日減念男子一日在世便當一日求聞斯世斯民以至昆蟲草木何者不與吾身相關邇於友人處得石齋大滌函書讀之此老

見地極大忠孝性生其文山一流人固宜先生友之也

二十四日

復刁非有 年兄斯文正統一刻大有功於此道讀之不忍釋手學問之事從古千聖萬賢總在日用常行處得趣綱常名教上取齊小小異同各成所見夷尹惠不同於孔子禹湯文武亦不同於堯舜所同者仁也石齋謂古人不同處我輩正好著眼孟子不同道姑舍是獨學孔子此是何等願力當補當洩兩言邇來東昌述涇陽之語弟常舉以告

日譜

卷八

五

我同人憶江村吾友確守姚江之說入門既專學有自得今一二及門尚守師說而不變年兄獨謂柴陽無病病在支離柴陽後人用其方遂成虛証具見深心定力不搖於他岐他日傳柴陽之派者其正統已在斯矣弟生平獲此二良友快當何如向來編輯規模甫定條理未清目力心思日減一日俟有定本當就正耳

二十五日

寄王念尼 學問之道須於失意處磨勘方是實際此古人所以齊得喪渾成虧也道文噴力非凡用

功已久定於此處無復動心若於此則微有動心
之意非學問人則可如其爲學人舍此何以言學
文其勉之卽不三公都是希聖所得不既多耶僕
七十三矣念尙父八十有三猶凜凜於教義之誠
武公九十有五猶拳拳於切儆之章男子一丁在
世當一日求聞於道斷不可冒昧假藉虛度此生
非文誰可爲此言者願與吾丈共勉之

二十六日

復張逢元司空 歲之前歲之後兩承教旨洋洋
灑灑服何敷先生不倦之誨與好學之心老而

日譜

卷八

六

篤尙父武公得先生而三某年七十矣回首垂
之志竟成影響浮游真不堪自對伯順歿而孤學
鮮克自立平生簡拙賴天之靈得先生提命且因
先生而得遊涇陽南界少墟景逸諸先生之精神
面目春風沂水至善在是恍然若有所聞別後想
慕道模常於夢寐見之此言不可向他人道
也世道益不可言曲學爭鳴儒風不鼓不希高
奇則嗜偏趨僻而託迹於禪者且欲駕吾儒之上
使聞先生知行合一心理合一之訓於注地土
一體認不恍然自失乎斯道在天下常如一日而

汗隆之幾實有可畏某嘗謂學人不患有異同之
見患存形跡多已諱迷不能共証此學同偕大道
承先生指示某何敢自外至謂顧高兩先生有人
又言曰向見時賢多有此話頭偶蹈之未詳其意
若云微之豈七十歲外衰病之人攜子弟衝炎冒
暑往必千餘里就正於有道之意某語蒙吉云以
所學質之東昌先生如大冶鑄物無一不受其裁
成彼求一言以爲重亦可見吾黨皈依之誠矣

二十七日

寄范箕生 壬子相別於今十五年矣不奉手教又

日譜

卷八

七

復三年回首舊遊每憶於親翁祖孫父子江村祖
孫父子兩家託契四世爲驪此段奇緣古今罕有
當友道凌夷時向同人叙述吾黨聞者亦多企慕
思得古人交數册以勵頽風臺下豈無意乎伯順
先生集經大手選定構斯歸里囑之索選目與大
序不知曾晤否認真草壯歲以前文字以節見猶
有應酌之文三歸草多晚年見道范質老刻之南
都未及傳而板已灰燼天耶人耶言之浩歎不知
大手所選定者亦合三歸草否客傳親翁日夕讀
書私心嚮往夫讀書自清事樂事當此時而讀書

以選君在閒而讀書更清更樂詩文已臻堂奧想目前所讀者更自有在伯父凜凜於敬義之誠武公拳拳於切磋之章古人盡而好學一老為最近見蓬老年八十矣手不釋卷才非有久不赴公車而讀書之其愈銳僕嘗借以自儆誠見不學便老而衰尚冀親翁有以發吾蒙也

二十八日

哭鹿巖觀 有片曠觀少負高志念懿祖殉節不就童子試繼而出外館賀孝廉家下帷攻苦舉秀才第一未幾而病病而死孝廉為之歸櫬而傷之

日譜

卷八

八

傳訃猶如夢槐歸事已真垂髫志未迷虛作採芹人

二十九日

謂諸子若孫曰從來不知學之人以無人管束恣意縱情為快不知此小人閒居為不善自辱之階阱之中也君子三畏首曰畏天命天命不已是無一事一時可不戒懼大人以身體之聖賢以言傳之自堯舜舜業以至諸儒之居敬窮理無非畏懼一念流行於無窮此正天命之不已也小人不知故不怕天地不怕王法不怕先聖垂訓斷世之戒

莫放逸其所以異於禽獸者幾希君子不獨畏大人而匹夫匹婦不敢忽不獨畏聖言而習善工皆可採皆所以畏此天命耳天命在日用常行中成湯顧諟天之明命亦只在此處顧諟

三十日

或謂堯夫焚香祝天詩語意太淺薄予曰此堯夫之詩未可為他人言也開口以身與天地三光相對越其祝意願天下豐年壽考國有忠臣家皆孝子且干戈寧靜已享清貧此大道為公萬物一體即先師老安少懷友信之志深莫深於此厚莫厚於

日譜

卷八

九

此公等作詩切不可失其意

二月

初一日

告火神 正月元日僕人不戒燒燬茅屋三間晦日又燬茅屋三間幸而風停不至蔓延神之示儆以寄仁厚至矣切思五行之運總關一身火之用烈其或有怒不中情而致干其和者耶敬以香楮酒菓告虔於神神其鑒之

初四日

立兒歸里

殷伯巖過行

初五日

為殷伯巖題卷 儂孽贖自廢門外絕跡伯巖篤念

舊好迂道視我夏峯過貽賦什挑燈話夜或古人

之事或今人之情若我有懷而伯巖代為之語若

伯巖有懷而我先為之宣兒子輩簡舊稿以示言

無不合儂喜得印同人伯巖亦欣稱知已七年之

間千里之外獲此良友信宿言別伯巖為我言將

一部論語置案頭合者取之不合者棄之此是伯

巖家傳要訣儂亦時舉以告同志此又吾兩人之

日譜

卷八

十

心相契者別去率書三則以遺之

初六日

伯巖信宿促膝互有規切言無違拂其行也再拜首

亭為定師弟之名予曰君實吾老友豈宜在舍

列君過虛已予未免犯好為人師矣

與殷伯巖語三則 學問之事要得趣於日用飲食

而有裨於綱帶名教其規模宜宏操功宜闢不徒

闢然處用力總是假之也故論語首章即指出

溫二字 富貴功名有做不出之時而聖賢家徒

無不可為之日果欲做聖賢家徒直從夜氣清明

簡默從前所為自當猛然汗下 論人當於短中

取其長不當於長處苛求其短平生求友老而轉

切顧安得澄然無瑕者而事之友之乎一事足述

急為援引要見有滿街皆聖人之意不

人獨指我為聖人

初八日

為不退題扇 君家父子兄弟俱以至戚從伯順先

生遊謹守師門教旨不肯纖毫失墜皆推君家難

弟謂君投筆作封侯事遂分矣儂謂不然昔伯巖

先生鄉居立文武兩社會文經武緯其意甚遠先

日譜

卷八

十

生以兩途取士君家合并於一身上馬殺賊下馬

草露而途何嘗分耶伯順平居有言武侯之澹泊

甯靜關帝之日在天上心在人中岳王之文臣不

愛錢武將不惜死皆是尼山老師真血脈從祀廟

庭應用此一般人侈記齋齋詞章乃儒生俗士所

務豈孔子所貴哉不退同學人極稱其熱腸能佐

人緩急且能容人背負此有用男子也師門教旨

儂又以此難兄矣

初九日

寄陳金餘 士之操行莫先於固窮孔子獨難於貧

而無怨伯顯亦恒謂貧者之利也凡吾黨之所
熟聞而嚴守師說首推君異君異為新朝忠選士
不赴廷試有人詰以詩曰淵明別有書教子和靖
何勞祿養親然貧之至而無怨僕特舉以告同人
不遇云伯父金谿公正好植頌舉其事歷歷金谿
與君異俱素豐之子長而家落今年在楚暮園占
之後且已無家而操行益堅老而靡篤此其人可
知己金谿亦貢於天子數年矣例當博一德以糊
口而閉門不問人謂力不能謁選或亦君異不以
祿養親者而金谿并不欲以自養耶賢者固不可

日譜

卷八

測也特表而出之以勵士之操行者

初十日

寄涿郡楊蒲水 語云不知其人視其友儂因國鏡
兄弟而知蒲水久矣思且暮遇其人繼而南轅遂
艱良晤適不浪自楚來脚底潮闊人亦多每當毒
梅煮酒輒津津蒲水稱為真善人舉其事歷歷僕
曰孔子思善人而不得見可意昔斯世而得之
水孟子道性善是無人非善人也經文在止於三
善則由善人而君子而聖人矣由一欲而充之化
之以至於美大聖神矣此善也豈無小大而聖

偏全一國之善士較一鄉則有分天下之善士較
一國則有分千古之善士較天下則又有分聖賢
水與范陽諸君子其聞斯義勿獨為善人也

十一日

復李完一 立兒歸具述年兄提攜至意或以為孺
子可教耶讀伯和諸什神興飛動具見學力第耄
矣冀曠自廢然不敢廢學令師說約老來讀之其
味更永向父敬義之誠時年八十有二武公切磋
之咏年已九十有五每念此故不敢以衰遲自甘
偷惰非年兄誰可以此言告願共勉之

日譜

卷八

三

十一日

復崔竹澗 聞吾丈收時苦心與同境成宿之狀真
令人喜而不寐但願以策勵於初者而無倦於後
則仕優而學亦優矣所論大梁誌事非熱心人不
肯做非冷面人不能做大既與聞其事有可議者
不妨令人來面商之聊以佐吾才一篋可也若欲
僕身任之曷曠自廢目力心思萬不能謂都尊之
託幸統致之
聞東漢氣節皆名流何以謂不列學曰學問中止不
正焉 氣節之見時至事起不得已而以

人君子所欲故均天下辭爵祿蹈白刃皆可能而中庸不可能其斯之謂與

則孔子終身行而終身藏者也魯論叙列荷簣丈人

晨門儀封楚狂沮溺諸人又言賢者辟世次辟地

次辟色次辟言究與及門諸賢退老洙泗畢竟是

隱之意多曰行由人藏由已由人者存乎天由已

者存乎我夫子... 必有心也無可無不可

問儀封人以孔子為木鐸是具千古隻眼不知當日

邂逅之頃從何處認出孔子曰封人固賢而隱者

出其間人多矣乎... 天地四時之氣于其稱其

日譜 卷八

溫良恭儉讓之德縵來動和之畧料當世諸侯王

皆非大有為之主而晏嬰子西翬不少其人

獲展所學於當年自不得不垂教於後世該方

故見的透非無據之言

十三日

或問孔子往弗擾往佛辟其意如何曰欲使之歸

耳程子謂天下無不可為之事無不可改過之

其意自見又問見南子何也曰孔子... 衛軍甲

正君... 議官議教南子聞車聲而知伯玉之... 賈

仰孔子為聖人獨不可借之以佐君出政乎

孫徵君日譜錄存 卷八

心腸這段機竅... 孔子可做亦未敢明以告人

亦未可輕以借口狄梁公事女主亦孔子見南子

之意然不能反周為唐其何能有譽於天下後世

宋初未有道學之名迨周程繼起師友漸涵而道學

始盛實自范希文倡之希文在仁宗時以學職為

孫明復以中庸授張子厚... 是徂徠有石守道蘇

湖有胡翼之各以其學教子弟論者徒以希文功

業之盛遂不得與道學並列司馬君實亦然夫謂

道學不專在功業則可謂功業非道學矣可哉羅

仲素卒延平果賢於希文與君實乎

日譜 卷八

十四日

哭孫紹開 造物不情甚何遽殞斯人入官思古處

禮士更裕民利處留適愛去久慕逾真我過蘇山

岑幸君託此鄰西粵與燕南不介而相親客邸借

周旋六載如飲醇君罔忘機者一朝額為顰含悽

向予言別母十餘春久矣絕音書偏地是風塵今

母倚門闕歸裝尚遠巡一夜幾廻腸子道何以伸

我云君連去君病已切身病劇心逾急心急病愈

臻君近日不脫我痛徒傷神哭君無可道魂應歸

省類

十五日

構斯至持家報傳五弟婦賈氏以正月二十八日逝

十六日

祭五弟婦賈氏文 傷哉賈氏自歸吾弟啟美四十

餘年內助之勞難以指數雖不及侍舅姑而處兄

弟妯娌宗族姻戚之間無違禮儀體恤人情予前

後兩室人終身感之絕無一言相尤使吾一家咸

既翁之兄弟且令眾多男婦雍雍睦睦於門以內

者氏之德也吾弟宰武城迎兄嫂諸姪諸姪婦於

宦邸情理周至分甘共苦有古賢淑之所難者前

日譜

卷八

六

淵孫字來云汝病狀即令一兒兼程歸里不意未

抵舍而訃音已至予衰矣不能歸治汝喪就其位

而哀之汝素知大體定當歡此

十七日

問孟子之門獨樂正子稱高弟而後子敖徒哺啜其

所失恐亦不小曰王驩為輔行雖不與之言行事

豈能不與之俱朝暮哉孟子所云徒哺啜即不與

言行事之意君子待小人之道應如此故師以之

教其命謂正子果為哺啜來又何為喜而不厭

問邇來有所為百學者非謂非元以三名教其說似

不謬於聖人曰彼即不謬於聖人但守善聖人定

矣吾夫子以東西南北之人兼天地古今之蘊區

區一隅之見烏足窺其大觀陳相見許行而悅願

吾子勿蹈其轍也

問周公東征誅管蔡大義滅親也管蔡以殷畔正守

文王三分有二以服事殷之志非所謂大義滅親

乎孔子聖湯武仁微箕獨令管蔡抱沉寃於千古

何也曰夫孝者善繼人之志善述人之事管蔡泥

迹武周達權孔子亦取其時之所重者而已矣豈

服一概論哉

日譜

卷八

七

十八日

王崑伯赴儀封令之招過視夏峯信宿言別謂之曰

君子成人之美不成人之惡儀封令能為君子為

善人造福於地方則我之為君子復何說也儀封

令未能為君子為善人而流毒於地方則我之非

君子又何說也顯行其權與陰行其意者一問耳

君之行也竊附贈人以言之意

十九日

鹿伯順先生文抄序 伯順先生認真草十五種行

世已久此壯年之文以節見三篇草晚年見道之

第一冊 頁六 頁七 頁八 頁九 頁十 頁十一 頁十二 頁十三 頁十四 頁十五 頁十六 頁十七 頁十八 頁十九 頁二十 頁二十一 頁二十二 頁二十三 頁二十四 頁二十五 頁二十六 頁二十七 頁二十八 頁二十九 頁三十 頁三十一 頁三十二 頁三十三 頁三十四 頁三十五 頁三十六 頁三十七 頁三十八 頁三十九 頁四十 頁四十一 頁四十二 頁四十三 頁四十四 頁四十五 頁四十六 頁四十七 頁四十八 頁四十九 頁五十 頁五十一 頁五十二 頁五十三 頁五十四 頁五十五 頁五十六 頁五十七 頁五十八 頁五十九 頁六十 頁六十一 頁六十二 頁六十三 頁六十四 頁六十五 頁六十六 頁六十七 頁六十八 頁六十九 頁七十 頁七十一 頁七十二 頁七十三 頁七十四 頁七十五 頁七十六 頁七十七 頁七十八 頁七十九 頁八十 頁八十一 頁八十二 頁八十三 頁八十四 頁八十五 頁八十六 頁八十七 頁八十八 頁八十九 頁九十 頁九十一 頁九十二 頁九十三 頁九十四 頁九十五 頁九十六 頁九十七 頁九十八 頁九十九 頁一百

言質公先生合刻於南都予編及第止生所訂
者未及傳而板遭灰燼三歸草無遺本遂多遺失
范箕生於認真草十五種中錄其文之佳者六十
餘首另梓以傳屬余為序余不嫻於文何能序伯
順之文伯順常言我不欲使人名我為文人也則
序伯順之文者或亦不專在文也余與伯順交四
世箕生交亦四世兩家託契別有姻緣故不自嫌
其不文耳伯順質朴性直淡嗜好與俗不諱辯力
學問四十年已窺堂奧說約一編提綱數則語語
皆聖學嫡派時流露而為文章乃置文章流露而

日譜

卷八

六

為事功乃真事功流露而為節義乃真節義到處
迎刃不假安排余叙聖學宗傳自董江都以至吾
伯順則伯順乃理學中之陸子靜也王伯安也又
叙忠臣自方正學以至吾伯順則伯順又與高景
逸劉念臺同以理學而兼忠節所謂不欲使人名
我為文人者意在斯乎箕生請先生即不以文
自見然其文則居然歐陽永叔文而歐陽也文豈
可易視乎哉理學忠節功業文章分之能同合之
惟一伯順直以一身兼備之美其生聖祖後嗜讀
過於少年豪吟直道往往其為斯道也意亦不窮

在文也

二十日

聞箕生論詩絕不隨時流為夫取退伯敬而進止生
其意自見因為句 當代詩人次第評另開心眼
不狗聲每嫌伯敬流風弱豪宕獨推茅止生

二十二日

為范烈女碑文稿 人歲寒二集

二十六日

攜幼也斐園主人索亭名暨聯額其亭曰會心聯云
起居食息觀心境花竹禽魚見化機 亭畔紅梅

日譜

卷八

五

爛熳香色撩人心目坐而悅之不忍去因有句

園情致遠溪流豔色散披香更留莫訝病夫偏

嗜此 人一口是千秋

二十九日

斬太公闢齋處士墓誌銘 斬太公當世之隱君子

也人知軒冕之貴而不知布衣之尊唯不知布衣

之尊無怪乎岐嶷遠顯胸而二服之也予聞甯為

刑罰所加不為陳君所短又聞甯無使王彥方知

則人之誠信恒限於二君者何請軒冕與布衣哉

以予之所聞斬太公殆其人與公諱光字子明聞

齊其別號州河南之盧氏人先世多隱德父某母某氏公生而凝重不凡寡言笑重然諾兒時有同儕作誑言者奔告其師曰某言無誠實請黜之鄉人大異公終身不作誑語少失怙恃阡陌農桑之務公身自服習勤儉治家家亦漸裕每恨二親未遂生養風雨伏臘過墓所則泣然殞心風木之身如一日庶母第二撫恤周至竭力為之婚娶兄弟克恭厥兄其孝友之著於家者鄉之人罔無問於昆弟之言也倘儻好施凡鄉黨之不能婚不能葬者皆力為恤給卽負亦不較過歲儉遺積聚為行

日譜

卷八

辛

貸一日以金寄館人求之不得家慮其相累願為陪償公殺卻之邑紳顏河趙公為盜所獲索馬畜甚眾公聞之悉以廬中所有叩頭贖之賊重其美適逢雨暵冬性嚴重不容人之過里閭有疑難者皆就公道之謂子翁以躬行為先不事浮華喜食粗糲子弟雖仕宦不敢以鮮衣見公至有疎失雖長不免响斤太和目嚴肅生而禮之行於宗族鄉黨者人方之為太即彥方其素所誠信悅服於公者早已肇於兒童時矣元配劉相敬如賓白頭偕老別無媵妾家庭聚散閭里多愛慕之邑紳山多

寇數遭鋒刃百不一免公舉家獨全可謂獲報於天矣公伯子臺彥令予容服膺庭訓治狀稱古循良迎養於宦邸居未幾思歸即於是冬捐賓客臨危時以孝弟力行教後人以清白作吏訓遊子是公雖未嘗祿仕而素行孚於其鄉復成其子為循吏實於民物有造矣嗚呼其視紆青拖紫而實德未施於人為鄉里所唾請者不大徑庭耶嗣君以憂歸顧予蘇門乃自為狀以珉石屬病叟某仰太公布衣之風感令尹君不於軒冕而徵山人風塵外別有元嗜按狀公生於萬曆二年六月十六日

日譜

卷八

壬

卒於順治十年十一月初八日得年八十有一可謂上壽矣子男二長臺彥即容城君娶氏次鼎彥邑庠生娶氏女三長適邑庠生姚璋次適邑庠生薛學貞次適邑庠生楊蘊孫男三長考祥彥彥出次旋祥次元祥鼎彥出俱未聘孫女三長適庠生王基次幼未字將卜丙申某月日奉兆於之麓嗚呼古來英人偉士得志則為帝王師不得志則與家庭言孝弟禮讓已耳若公者終老布衣雖無勲績聲施而卻館人之償不為利疚叩賦人之壘不為威移豈中無所主而然歟余嘗輯古

立節之士結異代之知而公實可傳也因系以銘
銘曰古有至人抱璞含真逃名適志混跡同塵猗
歟斬公繫維逸民乃竟抱璞以終厥身有肝鬱鬱
有後振振嗚呼我將續野史以薦藻瀕

三月

初一日

言學者偶言其心之所見不必定求與人同不必
定求與人異一有求同之心是謂雷同一有求異
之心是謂好異雷同是拾人咳唾之曲士也好異
是謬為隱僻之詖學也與其多一言勿甯少一言

日譜

卷八

三

大哉聖人之道無不包也無不入也所謂語大天下
莫能載語小天下莫能破凡禪元刑名技藝之流
其說之稍有當於理者聖人之道即具焉然其全
體大用自非禪元刑名技藝之流所能窺謂禪元
刑名技藝之流必無一同於聖人之道者是惡足
與聖人之道之大

初三日

友人問修志大旨予曰見於經則夏有禹百周有職
方此作志之體也然其所以提醒人心風俗者其
吃緊全在人物稱薦未當是非失真何以示勸懲

秋之義嚴於衰鉞志即無羶惡之例彰善既肅耳

目自開嘗見單懷志人物以攝政為首雖按世代

叙列而政豈垂世立範之人須於人物中分列數

款先理學而忠節而勲業而文章以至孝子節婦

俠士等類此未可泛為論列令人貿然無所適從

也或曰此史家之例通志府縣志未免擬於僭曰

吾鄉孫少師修高陽志於此義籌之熟矣單懷前

有韓文公後有許文正自是人物之首薛方山集

中向與安陽崔後渠嘗論宏治間人才在中州者

則以何柏齋王蒼公為首稱謂其志於理學而李

日譜

卷八

三

空同何大復王汝川孟有涯諸公則文章氣節之
士耳臨汾張西磐吏書亦與後渠之論同何名塘
河內人

王名尚綱
鄭縣人

後渠集中稱司馬公言顧行立功以德尹和靜學為

已述程弗消許魯齋筆修紀尚行克立又皆豫產

出口祀諸合前方山之論則理學之在中州者可

屈指數矣

初四日

安陽郭東野太宰修鄴郡志當事者欲列其祖若父
於人物太宰固辭乃錄其誌文二首於藝文之末

太宰識其後云郡守常公以樸固辭先祖父免列於人物特令錄此載入菟文非樸敢自專也味斯言也太宰真善於處已善於處祖若父每見士紳修志者居已過高則持論者卻嚴責其短為其祖若父標譽太甚反致同儕苛求其訾而醜詆之竟廢厥事三十年來見此屢矣儂嘗謂非自愛以愛其祖父若太宰者真賢矣哉

初七日

讀薛方山高士傳摘論 從來隱逸之士要皆樸穆自守不見可欲其在唐虞之世有被衣王倪齧缺

日譜

卷八

言

固太古之遺也巢由一流則不受天下之讓以為累已而逃之三代之時若卜隨務光伯夷叔齊其人之高不在唐虞諸人下或者惜其自沉稠腐餓死首陽猶有烈士殉名之說周之季去古既遠時乃有商容老氏之徒棲心元漠亦被衣倪缺一流子臧季札敝屣侯封甘心徒步視老萊子林類榮啟期披裘公江上丈人飲水壘山拾穗行歌帶索鼓琴披裘負薪者固無以異也荷簣沮溺石門諸人隱居自適於世無涉孔子欲接引之不可得豈印子林老商氏列禦寇莊周蓋亦老氏之流段干

本東郭順子公儀潛皆離羣絕俗其與陳仲子許行雖未免為孟子所責備較諸乞墾益地不亦霄壤也哉擊伯陵名峻在漢武時已逆知仕路之危

成公安邱望之郁越宋勝之張仲蔚嚴遵揚寶暉順郎樸李宏彭城老父當成衰之世王莽用事禍

機已著宜其高蹈而遠引也子陵文叔同學故人既已聘至而箕踞抱膝張目無視恐亦不免為天

子所動牛牢被髮屣履詔不答一何簡易也光武中興賓禮遺逸風流所漸而懷賢席珍之士若向長

日譜

卷八

五

父徐穉魏桓周燮黃憲姜肱鄭元任安龐公姜岐荀靖諸人高蹈邱園枕棧山谷皎皎雲霞之表至有激揚名聲互相題拂以釀成黨禁者斯其人縱高君子不由也申屠蟠見幾郭泰袁闓僅免猶自取焉漢之末世黨禁甫釋而董卓煽亂曹操陰危此何時也士生其時以才華技能而罹其害者不少矣哇夸李謐詩書自娛微辟不就管甯遠涉遼海張璠易筮茲歌胡昭樂道冠不忍犯而焦先屨累寒貧子則更起脫皆優游以終真鳳翔於雲霄之外晉之衰也難以清談然孫登譏火之語董京

乾道之備夏統上風之吞魯袋錢神之嘲漢安之
之破琴斷續節之端其瞻遠孤高陽係世風多
矣可盡以清言目之乎齊梁何時天地開賢人隱
宗廟家成孔高之周禮之禮法賜褚伯玉阮孝緒
賦縈緒庚易宗測沈麟士馬樞固宜放情江海道
德節矣矣揚隋之世氣運短促李士謙崔廓張玄
詡華志懷纓冕與世相忘此豈可以易視之耶唐
興賢人在位衆多其道哉不居者纔數人耳元德
秀宋就惟李元暉高天經秦系崔觀陸龜蒙苦
象音則傳所未及特表而出之五代之亂極矣

日譜 卷八 美

陽作史謂其時搢紳之士無復廉恥僅得四五人
列之一行傳余取而視之自鄭邀外猶未免有負
俗之累耳宋室破運文明丕彰慶歷以後君子滿
朝馴至熙豐以迄南渡之後學禁旋作善類受累
孰與李瀆魏野邵雍松江漁翁杜生醬翁蘇摩利
承一 張舉南安翁順昌山人蘇雲卿郭雍形潛林
壑氣薄雲霄其視弓旌綸帛之品若將免焉非惟
富貴功名不可同日語而以理道招尤者亦嗟焉
其後矣完顏弼胡撝我北土士生其時亦甚不幸
考之史冊得高蹈者六人趙質郝天挺高仲振宋

可若褚承亮不對策而出杜時昇以伊洛之學教
後進尤其卓然者也何時哉宋之遺民甯死不仕
者實多杜本張樞孫轍危復似若未足爲高但吳
許大儒以扶世淑人之故不能決於去就之間苛
責者未免有遺議則四人者豈不卓然也哉我明
開基以暨靖難功業節義跨越前代獨徐舫裴笠
以示同儕傅涪退密以傳家學鮑恂薛宮輔之榮
謝應芳甘龜巢之隘織屨者直絕師祖之交襲詡
不負城門之慟亦各從其志也已矣按高士傳肇
自皇甫謐阮孝緒諸人薛方山復爲毋補更取晉

日譜 卷八 三

魏以來擇而緒之余於方山摘論中去顏曾諸大
賢錄以示吾同志蓋隱士一流原不必律以聖人
之道而亦不謬於聖人孔子而遇此輩自當禮敬
而接引之下車於接輿反見於荷蓀其意自見余
素知欽企此一流人望兒亦輯有一編名曰求志
錄其人可與此互相考也總之可貴者心隱爲上
身隱而心不隱畢竟有終南捷徑之意南史李延
壽氏謂碧澗清潭翻成麗陽挂冕東都何難之有
千古應不之此素心人也

初八日

從來史家苟悅袁宏前後漢紀范祖禹唐鑑歐陽修五代史各成一書咸可法戒司馬光資治通鑑上起戰國下終五代先後貫穿而一千三百六十二年之事迹燦若指掌紫陽因之而成綱自事半功倍則司馬一生精力可謂不枉費矣自宋以下有李燾之長編劉時舉陳桎之續編議者謂其紀載失次筆削未當薛應旂雅志紹司馬氏之事馮十餘上下於宋元四百八十二年之間成茲一百五十七卷之書名曰宋元通鑑未獻之闕下尙藏之家塾元儒揭傒斯有言修史在於得人

日譜

卷八

五

學問文章而不知史事者不可與有學問文章知史事而心術不正者不可與世安得如薛氏其人者而與之論史哉嘗思宋亡於元明祖驅之漠北復我中夏不以滅宋爲元人之罪而曰天命真人於沙漠即位之明年遂詔修元史聖意淵微未可盡窺然國可滅史不可滅則其較然者矣

初九日

我明之成憲典章謙切監觀萃出之志因竊跡窮山微文考獻罔無所披竟成虛念所見通鑑吾學編大政紀本朝紀事始末從信錄筆意錄覽等星野

史數種其書又皆散遺議者謂通紀做編年而燕鄙吾學編効紀傳而斷落大政紀謂爲某相私書適有同志相期欲共成四朝實錄擊贖自今不能執筆而往竊思此事關係甚大念之爲公爲私人之或真或僞天地鬼神實爲鑒觀愚夫愚婦各有直道亦嚴矣哉春秋作於二千二百餘年之前爾其響者獨推綱目我祖有靈當有卓識大手任其責者矣

十二日

宋文憲公濂謂備有七日游俠曰文史曰曠達曰智

日譜

卷八

五

數曰章句曰事功曰道德道德之儒孔子是也餘皆不足以入道儂謂六者備用之不可以入道正用之何嘗非道獨儒而僞則鄉愿也僞而禪則異端也此正孔子所惡而攻之者與

十五日

聖門俎豆古今鉅典尙有濫竿無怪乎鄉國之名宦鄉賢多失真而假藉也程敏政考正孔廟祀典議禘爵罷祀者載聖廟向賈達馬融何休王肅王弼杜預八人各祀於其鄉者鄭衆盧植鄭元服虔范甯五人又議黜楊雄荀況而進王通胡瑗皆確有

所據至顏曾思三子之父坐廡下而三子坐堂上
必有不安於心而不敢款其祀者中理中情三賢
父子當擊節九原之下并程珦朱松俱從祀啟聖
祠可謂曠識確議吳沈孔子封王辯改王為師張
季敬以其說進始定至聖先師之號想孔子亦以
為知我崔後渠於十哲之中欲退冉求宰我而進
有若公西華未知當否錄存以質諸天下

十八日

孝經辨義序 子曰吾志在春秋吾行在孝經春秋
之義隱而難明固不敢擬望於後生小子孝經明

日譜

卷八

三

白簡易童而習之矣白首未悟也余闕黃子道周
孝經辨義數則可謂能讀孝經人矣五季皆先引
詩而後發明玩味本文其義自見分章錯亂不善
讀者之過也黃子在獄時手錄百本本各為跋究
也忠成足色亦止竟其讀孝經之事藉嘗思之我
明太祖經緯天下首重孝經逮及孝宗世宗神宗
測其淵源實資茂本至烈皇帝頒布學宮申飭誥
教累經祖宗培養始篤生一能讀孝經之人是豈
偶然因令孺子輩各手錄莊誦並黃子之辨義附
之以質諸天下後世

十九日

為麟書抄序 稿入歲寒二集

二十日

出師兩表大哉武侯之言一哉武侯之心先帝二字
凡十九見其所以感動後主與僚屬者至誠淋漓
入人微隱漢賊不兩立一語大義凜然雖云王業
偏安而正統攸歸昭示千古武侯之烈也古云不
召之臣甯直為三國第一流人物先儒謂有儒者
氣象儂謂有體無用之儒何足當武侯一盼

二十一日

日譜

卷八

三

論道統者曰堯舜禹湯文武周公孔子而已然所為
則判然各不相襲亦不相非所謂殊途而同歸者
耶後之學者必欲較量於一字一句之間何其示
人不廣大也吾見有兩人焉一守紫陽一守姚江
守紫陽者見人有纖毫不尊紫陽則以為操戈紫
陽也守姚江者見人有纖毫不尊姚江則以為操
戈姚江也其守之專而衛之嚴如此儂固喜兩人
之專而嚴也專則力聚而內念不紛嚴則途一面
外誘不亂皆有真實向學之意然天下之六古今
之遠豈有一紫陽遂可廢姚江有一姚江遂可廢

紫陽耶且紫陽姚江大段符合其不符者不過格
物三兩言亦各存其所見而已豈遂有悖於孔子
哉使湯武禹周未經孔聖人之論列又不知曲學
之是非何如

二十四日

神廟時三儒講學京師相戒不言朝政闕少墟辨學
錄跋越俎之學一段謂孔子論明德新民子思論
天命率性孟子論夜氣性善皆是空論何嘗著跡
無論居官居鄉當講學日不得談及他事論及他
人方得講學家法不然是以講學當講學以論人

日譜

卷八

三

當講學也如此委婉宜免人言不知人之妬之者
只講學二字便犯其忌此朱董蒙所以有憲臣議
開講學之壇國家恐起門戶之漸欲其以東林為
戒南阜雖疏陳共學之原侃侃誇誇喚醒述人人
孰聽之儂嘗謂士大夫各務講學之實不必立講
學之名乃所以為天地留元氣也

二十五日

宋文憲以良平為智數之儒優謂平固以智數見前
而良之智數則更有深心矣為聽之心既遂而起
然高蹈能免高帝之疑其託赤松也高帝信其然

耶則以為神仙重於富貴如其不信則以為知盡
能索不復有為而惑於虛幻可以釋然不為之顧
計良始得遂其本懷耳智術從至誠淋漓而出伊
川所以謂有儒者氣象

二十六日

以賈長沙之通達政體而不能得用於好賢求治之
文帝君臣相遇亦可謂難矣有謂非漢文之不用
生之不能用漢文也有謂非生之不能用漢文
實漢文之終不能用生也假謂君臣魚水各有機
緣相信非素豈能驟合漢文經惠帝昏弱臣后擅

日譜

卷八

三

權意在與民休息而徐議經制生之議改正朔易
服色制法度與禮樂意在速更秦法以新天下之
耳目緩急弛張之際既不能卒投而絳灌諸人又
從而議其後此魚水之難也迨後漢文於生之所
言漸次遵用而生年不永君臣相遇之際遂未免
有遺憾焉凡此皆天也非人之所能為也

二十七日

薛子方山有言責人不可不嚴論人不可不恕孔孟
待人家法也故以隋之文中子唐之韓文公皆賢
儒也言理學而舍斯二公者非通論也又謂蘇軾

宋之賢臣也儒而未純者也取其合抱之材而不計其數尺之朽子瞻亦可為經世者法

二十九日

人生最難透者死生之關張魯叟有言冀百歲為期冀千歲為期則畏首畏尾日前無生人之樂拚今日可去拚明日可去則不厭不懣胸中有不老之丹儂極服膺此語乃石奢之死胡為也哉奢楚昭王相也行路遇有殺人者追之乃其父焉縱其父而還自繫使人言於王曰臣罪當誅王赦其罪奢曰不私其父非孝子也不奉王法非忠臣也王赦

日譜

卷八

畫

其罪主惠也伏誅而死臣職也遂自刎儂謂竊負而逃此案正為奢設況王既赦之必以死而彰父之罪較侯生數椎殺首鄙之日而自盡者抑又過矣生固不足戀如奢之輕生亦何足貴乎

四月

初一日

仲尼之徒無道桓文之事者於是獨術始不足貴矣以今觀於用人行政之間其所以匡救天下者烏足當伯者之一盼耶晉文所稱請而不正與楚人戰以敗之歸而行爵先雍季而後勇犯羣臣曰城

漢之事舅犯謀也用其言而後其身可乎文公曰此非君所知舅犯不厭詐偽之言一時之權也進季以詐遇民偷取一時萬世之利也仲尼聞之曰文公之伯也宜哉漢唐宋有為之主未免有慙德焉况其下者乎

初四日

報達元先生 某幼而讀書謹守程朱之訓然於陸王亦甚喜之三十年來輯有宗傳一編其人不下四五十謂識大識小莫不有孔子之道小德之川流也及謂先生涯領指示覺人繁派清殊非傳宗

日譜

卷八

畫

之旨故止存周張二程朱陸王七子標曰宗傳錄然於舊所彙四五十人者終不敢有散佚也若云付梓淺學曲識不能自信烏能信天下後世又念宋文憲方正學根極理要開我明道學之傳復彙數人為一編內雖有學焉而未純者要皆各具一得錄以備考此二種者皆欲攜以就正先生恨未得各家全書零星收錄不成片段邇於同志中得兩人焉一守建安一守姚江某嘗舉先生建安沒而天下之實病不可不洩姚江沒而天下之虛病不可不補守建安者謂建安何病病在姚江之支

離建安守姚江者亦極言姚江無病其守之專而
衛之嚴兩人者固各守其說不至流為陳相但求
免虛益虛實益實能於先生之言更有會焉且於
陳良有光矣孔子教人之法孟子教人之法雖稍
有異朱則成其為朱陸則成其為陸聖賢豪傑豪
傑聖賢即有不同亦不失建安姚江面目又何病
焉某謂學人不宜有心立異亦不必著意求同先
儒不同異後儒何處著眼試看從古帝王賢聖放
伐不同於揖讓清不同於任任不同於和清任和
不同於時殷之三仁所生之時同所享之享同而

日語

卷八

美

或去或奴或死判然不同亦各存其所見而已矣
先生云少墟之方南皋之圓不能圓其所方方其
所圓則圓可也方可也如毀方而圓便非豪傑本
色孔中所見教者即姚江復生指天泉四無之說
亦當拜直諫之益某唯有所服聞嘗思之固不敢
含糊一家之言亦不敢謂停雨是之見念不陸之
緒即剝喪殘貞必存乎其人譬之通都者雖南北
之異遠近之殊要必以同歸為止總之學以尼山
為宗孟氏不同道始舍是乃所願獨學孔子論性
之原孔子性相近孟子曰性善孔子道其全孟子指

其本孔子謹於習孟子充其端兩義互資此正尼
山大中至正一無所倚非純乎天而人不與者其
誰能之克己之難孔子獨以語顏氏元公純公而
下亦未易言某於先生言無杆格今遊建安者痛
除頓悟以為顏子極仰鑽之勞斯見卓爾曾子力
隨事之察斯唯一貫若所悟出於頓人已隨事
物遺棄聖賢之傳投無之不知頓從漸來無漸何
頓可言天下之歸於一日正以有克復之漸一吾
道之貫於一唯正以有忠恕之漸也紫陽亦云用
力之久一旦豁然貫通則眾物之表裏精粗無不

日語

卷八

三

到而吾心之全體大用無一胡何嘗非頓悟乎用
力在平時收功在一旦漸者下學也頓者上達也
不可以分言則頓之非虛而漸之非實當不作岐
觀矣

初六日

質疑達元先生四則 方山學極醇正抑詞章而根
理道於考亭淵源錄中論孔子教人之法與孟子
教人之法朱陸所得事各有據語出獨裁且開涇
陽之傳乃未見有人推為理學者豈尚未覓其大
原耶至謂孟子之門獨樂克告子如萬章公孫

續修四庫全書 史部 傳記類 7 頁之十

之徒直眾人耳此果孟氏之教術未盡耶抑天之
生才有數耶儀行縱橫揚墨充塞使無孟氏世道
人心不知作何光景昔人稱孟子功不在禹下豈
大言而無當者哉人才關乎氣運人特因而曲成
之天未嘗生大聖大賢之人孟氏如彼蒼何若以
其教術少之陽明直接孟氏何門下士多於薛德
溫先生曰德山其今許平仲乎平仲紫陽之後一
人其教術豈有夫義耶幸教之國宋室理學之倡
范文正開之司馬君實亦躬行實踐乃理學之列
二公不與焉我明方正學乃讀書種子劉念臺之

日譜

卷八

美

外亦無人推及說者曰文正君實事功太勝正學
節烈太勝夫事功而以學出之則事功亦學節
烈而以學出之則節烈亦學也先生其謂之何
從來推堯夫爲內聖外王之學晦菴亦云安且
矣適黃石齋遂駕之於元公之上謂二程只見得
元公田地不到堯夫田地先生謂陳公甫其今之
邵堯夫乎乃論公甫者多指其爲禪夫公甫而禮
也豈得與堯夫列先生必有以窺其微而指其同
者矣某居蘇門時詢此中人物許平仲而後
學善稱者崔後渠何柏齋王蒼谷呂心吾其後

可得聞與四人之外先生所知者并以示之邇友
人欲商中州人物志當執筆以事先生有便幸慮
教爲望

初九日

儒者談學不啻數百家爭虛爭實爭同爭異是非邪
正儒釋真偽雄辯無已懷謂一折衷於孔子之道
則諸家之伎倆立見矣論語中論學是希聖希賢
之事論孝是爲子立身之事論仁是盡心知性之
事論政是致君澤民之事論言行是與世酬酢之
事論富貴貧賤是境緣順逆之事論交遊是親朋

日譜

卷八

美

取友之事論生死是生順沒寧之事只此數卷論
語義不備千聖萬賢不能出其範圍識其大者
爲大儒識其小者爲小儒不歸本於孔聖之道者
則異端邪說是謂非聖之書不必觀可也孔子編
續之藏被孟子傾囊而出只是要認得孔子
千百世後之孔子愚不肖知之當年之孔子賢者亦
未易知也叔孫之毀晏嬰之沮比比而是卽及門
如陳亢者想亦不少其人故其自言曰莫我知也
夫蓋孔子原難知也人人知孔子則孔子亦人耳
孔子人而天者也天乎豈易知哉子路稱高第其

微色發聲者不一而足況其下焉者乎後之學者亦不過各就所見以窺孔子涇陽掛元公為孔子抑過矣大凡刻於見短者近毀寬於見長者近譽毀譽兩病學人易犯吾之於人也誰毀誰譽須是孔子

十二日

哭六姪抱雅文 初十之日客來問病忽家報至傳爾訃音變出意外惻怛難堪悲號無方闔家男婦哭於爾兄之室越三日氣體稍定為爾之位文以哭之曰慟哉爾竟死也耶爾年四十三矣從來

日譜

卷八

甲

本分自守毫無分外事言喃喃不出口讀書早解文苑予與爾父冀爾之早有成也不意老大竟不能博一第子員初期天不可問及爾之子永徵甫知向學遂領袖諸生始信不於其身於其子孫者天之原不爽也爾甲午冬視予夏峯以貧愁意別去既聞爾病予謂貧愁自應生病不謂竟以貧病而死也嗟呼慟哉病不能視爾葬不能送爾千里之外為位一哭爾其知也耶其無知也耶

十四日

哭楊伯韜 親丈之逝也在四月之十日予以病

及過視與君訣是日慟予猶子兼慟君氣益索體益困越四日辛酉將鷄酒備餽几筵而告之哀曰嗚呼伯韜可憫也伯韜自甲午四月攜家抵蘇門與妻兒締交焉頻視予夏峯坦襟直意予喜其無藏機也乙未春遂與望兒結朱陳好歲即迎其女歸夏峯時君病噎已數月矣日夕念其弟來視予固知其弟相去幾二千里不能即來然伯韜友愛之篤更令人起慕伯韜無子撫一姪亦於歲前畢婚生前每念一女一姪未有所歸今幸二事就緒君目可瞑矣予有所以憫君者人當放手足之日

日譜

卷八

甲

有餘則戀不足則憾君沒之日無買棺之具無停柩之所病妻孤姪生計無資當此際戀耶憾耶造物不可問大都如是吾人亦可混戀與憾於兩忘矣

十五日

老子言虛釋家言空彼固各有說邇來言學者必欲援而引之與舜無為禹無事文王無畔援欽羨孔子無意必固我子思無聲無臭同意果何為也哉子曰攻乎異端斯害也已孟子曰能言距楊墨者聖人之徒也必欲強異為同翻覺多事

歸禪者謂其能了達生死不知朝聞道夕死可矣只此七箇字便括盡千經萬典致問死亦可稱明決士大夫有生前無聞而死的不分曉將并其生平而喪之有死得明決而因以諒其生平者臨了一著脫然無累方是聖賢真學力

十六日

愛身教子是吾人最緊要事則以其身之無飢寒無勞苦為愛而以其子之能攘利能擢名為肖子矣少年有志物誘未深向學猶易閱世久窮通得喪毀譽欣一內撼外搖初志潛移或廢於半途或墜於

日譜

卷八

聖

末路此今普通患也終始不變非深造自得者不能

儂嘗謂得一知學之子弟必其祖功宗德培基之厚衍箕裘而垂令緒較之一官一爵榮及所生者為何如

昔人謂富之教子宜使重道貧之教子宜使守節儂謂無貴賤貧富總宜使之知學則無一善一節之可言

人須有沉深蘊蓄之器方可以進德修業寸善片長便沾沾矜詡以為人莫已若恐終亦猶夫人而已

十七日

文皇靖難之時以叔代姪非盜賊可比而死國之臣一時累百三代革命未之聞也兩漢以還勿論已至今讀章朝志人各為傳卷類為五難作而死於中死於外者曰死難任事不幸而以死自靖者曰死事不與難不與事而其心必不苟生而死者曰死志義不變而易辭而甘流離屏遠終其身矢死而不賣者曰死遁於時未即引決而知生不若死之安也而卒死之其與死難死事死志死遁似有間矣然亦可謂有死而庶幾不遠之復者曰死終

日譜

卷八

聖

噫烈矣哉義憤磅礴震耀奇偉雖沐浴文武之澤而不能不義夷齊也甲申三月先帝身殉社稷死難者屈指數人觀建文之時何如哉論者猶有有臣無君之嘆抑過矣

十九日

問古人喜怒不形是何如涵養曰喜怒哀樂性中之情發而中節天下達道只是不溢喜溢怒若喜而故示之以不喜怒而故示之以不怒則謫矣偽矣非大公順應之學顏子忘已顧諟克伐怨欲不行其涵養自不同

患貧好勝怕死此人生通病也對治之藥不能當下
有疹時存納溝之志則漸淡其欲富之心時思睡
面之乾則漸消其攘臂之氣時味朝聞夕可之言
則漸破其貪生怖死之念勤服無數藥力自行

二十日

馮恭節有言念中非聖念元非仙念空非佛蓋有中
有元有空即有我也我見生則勞焉馳逐而成妄
我見忘則廓然順適而無跡試想子絕四是何如
境界

二十一日

日譜

卷八

聖

友人謂凡人皆有喜怒哀樂之未發當其未發時似
亦無意必固我之可言也曰是未嘗從源本處理
會戒慎不覩恐懼不聞君子無須與離道之時纔
能於天命之性渾成無間所以未發謂中中節謂
和純乎天而不與孔子無意必無固我總一於
穆之天也而位之育之只作家常日用平常非戒
懼君子純全乎天者誰敢冒昧承當偶有未發偶
無執著不可謂非一息之靈光但恐不須臾而意
必固我之盤結於中者已橫決不自覺儂極喜吾
丈之言及於此然正可作工夫不可遂據為實地

我輩要自家體認勿隨他人口頭也

憶在淦水湛虛司馬謂德行言語政事文學四科俱
聖門高第後世具偏長者代不乏人至若諸葛武
侯司馬溫公則諸長具備而不得列於理學之科
吳草廬且謂其不免為行不著習不察此言果知
道者哉余曰孟氏之所謂著焉察焉者殆未易言
也思如舜之明庶物察人倫方可語此信斯言也
則孔子所謂日月之至不知其仁者未免有愧色
焉何疑於武侯與溫公

二十二日

日譜

卷八

聖

孔子之時楊墨之道未興所謂異端者似忠信似廉
潔之鄉愿色厲而內荏之穿窬同而不和比而不
周驕而不泰之小人外是而中非名同而實不同
者也孟子之時楊氏無君墨氏無父實異而名亦
異其說雖橫言滿天下毒流後世然無父無君其
教終不可以治天下畢竟人知其為異而偽
之徒或不免相率而歸之者總因不能反經而周
於德自撤其藩延賊入室耳邇又有西學非揚非
墨非禱非元儒紳學士亦有歸之者儂究其說曰
一本於天是謂天主其說固不謬於聖人儂曰既

不謬於聖人則亦謹守吾聖人之教而已矣何至
自甘爲陳相平噫聖人之道如日月經天江河行
地彼異端曲說縱多陳相之徒燭火耳泚躡耳豈
能與日月爭明渤海爭流哉

客談士趨日卑世道何所底極曰此氣運使然非人
之所能爲也虞夏商周之治邈乎難視漢承秦唐
承隋宋承五代明承元皆餘分間位之後壞法亂
治之餘勢不極不反氣不閉不開豈人之所能爲
哉天也

二十三日

日譜

卷八

吳

吾人一生四五十年之內所處

不同所歷生

熟之境亦異以初而概其終以終而信其初皆非

定論也其學適道與立與權

吾友伯順四十年學三變初重節依繼而入官中

明嚴學老來所學遂於理道志趨轉議論亦隨之

而轉朱子晚年與初年自不可以一概論不必代

二十六日

同于夏漆離開俱聖門高命于夏曰學而優則仕夫

學安得有優時學然後知不足自覺偶有優時則

滿假之心生非學也漆離開曰吾斯之未能信庶

幾乎學而優者矣曰要看各人發言之旨子夏之

言爲世之不從事於學而輕言仕者發于路使子

羔爲費宰子曰賊夫人之子子皮使尹何爲邑子

產曰猶未能操刀而使割也子羔尹何豈全未嘗

學而夫子與子產云爾者見古人學不優弗可仕

開則夫子使之仕者故沈覺其未信焉諷其言當

會其意泥則滯滯斯無用此仕必待於學優也

二十七日

舉史書不遺一字者明道謂之玩物喪志而每見人

日譜

卷八

吳

靜坐則歎其善學此意亦非學者自得之若騃講

人又疑其流入禪門去

善學者惟破其執心而已執則偏偏則窒流害不可

勝言從來敗天下事者多此一流入孟子謂孔子

聖之時者思其自言曰無可無不可門人記之因

母意母必毋固毋我纔成就一箇千古第一好學

之人

有映田一區子弟多獲而卻寡得子曰汝知之乎

病在正助不順其地之長養之性宜緩而急求之

是與於振苗之甚者也因思人生無日無正助之

念無刻無正助之思誠然自體認自見

二十八日

誠者天之道生知安行之事也誠之者盡人以合天之道學知利行之事也孔子天縱之聖竊自此於學知一貫之傳曾子以曾得困知勉行之事也及其成功一也

五月

初一日

問學庸語孟以何為把柄曰分言之學而時習之孔子之把柄也在明明德曾子之把柄也天命之謂

口譜

卷八

吳

性子思之把柄也亦有仁義而已矣孟子之把柄也合言之學也德也性也仁義也一也皆吾心之所具足而不容外求也

仁也義也性之德也學則所以復性明德而葆其仁義者也學之功用大矣哉自生民以來未有孔子未有孔子之好學也

張紫垣司理為余刻甲午乙未丙申答問

初三日

答問引 答問者有問而答也總日用平常之事與日用平常之人為日用平常之言亦有不待問而

自為言者偶有所觸不能自禁輒以告我同人誨

我子弟然未免犯多言之戒僕嘗謂多一言不如

少一言蓋言有不當則積疑於中是即疚心之事

也有疚而不與眾共去之將生心害事流弊何可

言是以自護而成其自誤耳因錄數十則就正有

道覽斯言者肯不鄙而誨正之復雖毫末敢不勉

自策勵冀一朝之有聞此儆請益之意若云以之

誨人則吾豈敢

初八日

寄馬玉笋 人生拂意常多於得意然學問得力卻

日譜

卷八

吳

在拂意之時劉兩峯有言不能看破榮辱得失之關風吹草動便手忙腳亂學於何處用想先生淵識定力斷不以此動心也

十四日

公望謂子陵何以隱 水千載一時以孔子

用行舍藏之道律之於義 曰豈易之不事

王侯高尚其志者非耶既已 友 委質

為臣以已之高而成君之大則其道已行也足加

帝腹傲然自得其隱隱裨益光武者多矣

十六日

公望謂予曰某者前朝遺老當國破君亡而晏然
高享厚於義當吾子曰渠無出山之意似亦可
公望曰宋室孤臣只欠一死謝靈山常言之當此
時而屏絕聲勢避跡農樵不亦善乎予曰君可謂
愛人以德矣

十八日

范文正為宋室難進人物可與雁行者惟韓魏公耳
魏公謂挺然忠義不傾身師魯之所存也身安
國家可保明消息盈虛之理希文之所存也又曰
立一節則師魯可思若其終身不免終亦無所濟

日譜

卷八

辛

若就大事以濟天下則希文可思其推重如此論
者謂其以憐才之過選用三虎招引一時才俊之
士聚在館閣如蘇子美梅聖俞之徒輕儇戲謔作
樂爛飲傲飲狂肆王勝之句云歌倒太極遺帝扒
周公孔子騙為叔仁宗大怒令中官捕捉兩館閣
之士罷逐一空且雖浮薄之士自取其禍而文正
作人之功附錄之手得無有遺憾耶

十九日

士大夫議論偶激遂成終身之隙從來犯此病者多
在賢知他勿論韓范議西事不合仲淹徑拂衣去

魏公自後把住其手云希文事便不容商量耶和
氣滿面仲淹意亦解只此一把手間消融幾異同
魏公所以能當大事也

魏公論君子小人之際當以度容之但知其小人當
淺與之接耳凡人至於小人欺已處必露其明以
破之魏公獨不然明足以照小人之欺然每受之
未嘗形於口

二十日

不遜聲色不殖貨利成湯所以為聖王淡薄明志
靜致遠武侯所以為王佐內多欲而外施仁義便

日譜

卷八

辛

是雜伯之學

武侯之言曰學須靜也才須學也非學無以廣才非
靜無以成學恬慢則不能研精險躁則不能理性
此之謂真儒此之謂名世

二十一日

商其論喪微箕兩兩商量而比于獨無言者志已先
定不必言也自靖人自獻於先王三人固相視莫
逆矣一去一死凡用者不同同歸於仁於此見
道之大非予子不能定此案

二十二日

學問在日用飲食之間只無心省察祇成一行焉習焉飲食之人而已矣忽歲月多愧此日用飲食

奇士厭聞庸常之言豪士喜之事文士愛搜豔辭之書雖取快一時而貽害甚遠

二十三日

三綱五常極平淡之事奇士豪士文士望而卻走須節士知學方可入道不知學亦一節士也

二十四日

人莫有不懷居者卻舍天下之廣居而不居人患不

日譜

卷八

五

自立卻舍天下之正位而不立人患不能行卻舍天下之大而不行所以處富貴而淫當貧賤而移德威武而屈無所主故也我輩當嘿自體察居之不寧之不立道之不行孰非已私隔斷私益熾而細益深迷盡喪其所有如窮人無所歸頽子克已復禮而天下歸仁故其言曰舜何人也予何人也有為者亦若是此真孟子所謂大丈夫

二十五日

何謂性孟子所謂存乎人者之良心是也此點良心雖幾經且晝反覆猶亡而夜氣之息猶留相近之

幾希如赤子入井行道弗受皆人生不容漸滅之良賢愚各具所謂性善也能潔〇而擴充之則由仁之端而仁不可勝用由義之端而義不可勝用不知於此處著力而斧斤之伐牛羊之牧相尋不已何怪乎達禽獸不遠哉庶民之去咎在頑冥無知君子之存功在擇執得力

與張方伯 自壬辰歲夏蘇孺人送其女北來與其僕姚文煒約明年來視以便圖歸今五年矣杳無音耗主母屢有論帖總若罔聞此分莊產茅總茂族黨姻戚公議立單府縣批照嫁女養孀弟辭其

日譜

卷八

五

嫁女之半招一半為養孀之資今一出門僕利其有悍然不顧主母之命終置孀人於何地乎蘇孺人忍死為總戎立節此田不存何以終老聞茅公子其岳家少年想亦不能作主蘇乞仁臺付本縣一查催令文煒來迎人君子所不忍膜外置之也不盡

二十六日

輝令吳吉先過訪

讀古人書不可泥古人之辭以害意亦不可移古人之意以從我漢儒於古書之句讀脈絡削去其不

合者而更定之豈皆當乎孟子誦詩至雲漢讀書
至武成不膠於見聞而直據所見此其所以為知
言也

二十七日

憶萬歷癸丑歲讀書都下友人潘宗顏談將畧予因
問孔明隆中淮陰登壇何術使人主遂傾心相付
潘云要看問目先主所急者為無家孔明為之立
家業漢高所急者為坐困褒中淮陰為之計出路
機鋒正對莫逆於心君臣朋友之投合際如此陸
象山謂燕昭王之於樂毅漢高帝之於蕭何蜀先

日譜

卷八

主之於孔明符秦之於王猛其所以深知而篤信
者蓋必有在不可不理會者也

高皇於北方捷至則嘗仕元者不許稱賀其扶植綱
常亦嚴矣哉建文朝多死難者君子之德風也老
臣危素夙崇理學一失節焉竟死溝瀆人莫之知
范質為周宰相親受顧命國祚既移質以篡責藝祖
至其發慙負天地之言明目張膽慷慨就戮豈不
毅然烈丈夫也哉無奈効忠智短偷生計長不得
已亦拜甘與王溥同列應死而不死終老牖下君
子曰非正命也

二十九日

高斗南三十年老友也每視予蒙 以蒲牀夜話惟恐
其相去之速斗南亦嗚呼 忍言別然終不能不
別去也 予乃落月 斗南兩人復相聞千里
故不能不鎮重此一晤耳余嘗欲築百尺樓置管
幼安田子春於其上斗南請益以魯仲連王彥方
予知斗南者深更有以知命我者至矣

初五日

初一日

孟子謂大而化之之謂聖聖而不可知之謂神則大

日譜

卷八

與聖神若有間矣易曰大人者與天地合其德日
月合其明四時合其序鬼神合其吉凶則大人與
聖神本無間矣蓋大可為也大而化不可為也
熟之而已矣顏子造詣 於於大人故得 聖則
服膺勿失 言大可為也孔子乃位 德則取
之左右逢源矣所謂化不可為也大與聖難於分
別而功 有淺深安勉之不同

初二日

人人有克而悔之時一言之克即招尤也一悔之克
招悔也聖人庸庸行終日乾乾無克 無悔

或問君子亦有訟乎曰訟卦豈為小人設雖小有言其辨明也第不終訟而已矣

初九日

易六十四卦三百八十四爻一卦有一卦之義一爻

有一爻之義然不謂乾坤六爻之範圍蓋聖人

以天地為體首尾六十四卦三百八十四爻無一

非發其象中之事謂乾坤外尚有何事

十一日

論語以肩索書 上先器識而後文疏夫器識豈人

自謙

卷八

有不具故父兄之教不先師範之訓不謹遂不知

器識為何物蓋器取其容物識取其定趨不能容

物不能定趨終於自暴自棄而已矣文疏末技耳

非君子之所貴也

十三日

與許嗣後 久不昭教贈注為勞茲有愚者家姊丈

槐慶堂以魏縣論貧不能嗣 哥居於魏今竟卒於

魏前不能生還或欲視之歸也更難之難矣舍甥

來涕泣漣淵弟為淒斯者累日思借堂仁一言於

堂張老公祖俾得德惠本縣師正念舊好而存

原缺

孫徵君日譜錄存卷之九

順治十三年丙申七十三歲

永年武汝清

六月

後學 武陟王 略

初一日

在在皆世世金程監

復張蓬元某從事於學有年矣知其不可不強

蹈之知其不可不強之如澄心定氣亦迫思與

真性相見然靜坐時未免有朋從之擾所云恍有

一不發之體凝然於無聲無臭之地發未發皆見

之殆星淵矣明知此處他人難以著力而神精杆

格豈容易認故求此言之無滲漏猶緩而求此心

日譜

卷九

之無粘滯更急有一事焉洞知其不足動念也而

發不及覺即日用或可相忘也而夢寐或牽之乃

知根源之地纖毫未淨難以語學前歲見先生所

性之蘊周徹四體故立言之精絕不留幾微疑似

以啟爭端大札詳示及質疑四則俱得豁然矣先

生於大中刪改可謂益精益密非前此粗而今始

精也前此疎而今始密也數年後安知不今見精

者後又見為粗乎今見為密者後又見為疎乎繼

之道無終窮先生之學自與之無終窮耳

初二日

夏殷周一禮出因而妙處全在損益如無損益天地

為死局矣六十四卦皆相逼而來不得不平不得

不轉節宜陰陽搏挽宇宙古今一大損益也大哉

易乎其用無窮與天地相為終始

初三日

易之六十四卦槩以貞為主貞而吉象變一流貞厲

終吉則文王箕子是已貞而凶者其龍逢比干平

夫貞矣而何以凶蓋凶而不失其貞者也或曰揚

左諸公不知易予問之曰貞凶曰必曰避凶則程

魏矣烏乎可用易而不用於易其惟聖人乎

日譜

卷九

堯授舜舜授禹一中而已矣湯亦曰執中孔子時中

子思曰喜怒哀樂之未發謂之中程門遂以觀喜

怒哀樂未發氣象為相傳宗旨善學者能於未發

氣象而見程子子思則可以因程子子思而見堯

舜禹湯孔子矣大哉中乎

中曰相中不可見而和可見中又曰庸中不可為而

庸可為庸德行庸言謹以至於諸神人和上下中

豈有餘蘊哉

初四日

靜坐看未發氣象此是學者功深力到之候驟而觀

之念中非中念非性愈求在而愈不能在此處著
久中忘其中性忘其性無在而無乎不在此處著
不得一毫正助亦愚不得他人口說性理者自得
之

初六日

子曰作易者其有憂患乎士君子生今之世而不明
其能處憂患之事乎六十四卦會而通之皆
所以處憂患之道不獨履謙九卦為然也

初七日

吾人一日之間寸心靡甯幾多初擾思慮累之也靜

日譜

卷九

三

言思心思何為也哉慮何為也哉期此時此事之
有常於理而已矣果其當於理也思復何思慮復
何慮謂殊途而同歸百慮而一致故曰天下何

日

考忌辰告文 六月之八日我考不諱之辰自乙

「至今丙申蓋五十二年於茲矣考享年五十有
七合存設計之尚未及百有十歲乃知古人庭闈
承順以壽考而迺吉康乃奇滿至樂古今不可多
得甲以前婚嫁未畢似寒切身不敢苟且盡升

斗以自潤甲申以後危懼驚心焚溺在世豈暇
顏面以向人總之一身漂泊寄跡於山寄跡於水
今且浮家於千里之外欲一上宗祖墳墓而未能
也慘劇何言兒不肖日夕懼殞越此身貽先靈
辱終生一憂患之人而已矣客邸度饑辛子若孫
薦獻於位前我考有鑒定洋洋在上而欣享也

初九日

古人九德為天子六德為諸侯三德為大夫德薄而
位尊懼不勝其任也堯舜官天下正是為天下擇
第一等人以承天佑下民作君之意湯放桀武王

日譜

卷九

四

代紂犯千古不韙聖人不非之而曰應天順人此
亦堯舜官天下之意

箕子陳疇亦是知武王非有心利天下故不忍自
絕

總大道為公之意易所以云內難而能正其
志其子以之

子曰乾坤其易之門耶能出入是門者義文周孔外
顏曾思孟殆庶幾焉元公純公康節亦可謂開關
啟窗之人是道也非體天地之撰通神明之德未
可輕以語此

初十日

贈醫子來蘇門即聞有徵人張復初兄弟善醫更

精保切術今歲入夏三孫四女孫相繼出痘初出時症亦險復初曰嗣後令子弟來但按法調理當無恙諸孫竟借寅初手俱有疹君家兄弟於此術真可謂入妙矣不見廻生手安知造物心君家兄弟其體造物之心爲心者乎予更嘉君家兄弟得秘傳而不自護惜出所藏書公於人此所稱君子而隱乎醫者也又何羨乎良相

十一日

以訓其章 榮發在眼不能越語論都莊客字收

巨譜

卷九

十一

說即次獲安須借福此感豈言悉温州爲有宋名臣王龜齡故里其後尤遺集幸一物色之古人薦類藻結異代之知老親翁豈無意乎

復馬玉笋 望見尚滯家園傳來手字纏纏數百言

神怕氣靜道力堅凝許文正學術事業當在先生矣夏峯莊地竟不肯受分毫之價友朋之誼真是千古蓬元先生謂此近世絕無之事但弟以非躬承厚德則魂夢不安耳聾瞶之人不堪溝壑尙欲振燈燭之光率請子誦讀一室畢力耕耘草野無事求所以報稱嘗即所以仰答知已夙昔相期

愿有以教之

十二日

寄張方伯 榮戰南發屈指已爲西冷至人矣湖林風遙憶之而神違弟支體日德不能結山水之緣於扶輪新刻得讀大作足當臥遊耳目發深省也前所託茅止生遺產其地畝租單已呈臺覽今瓦劉雲章親翁赴浙囑其忠幹從者張義代料理此事唯先生留意區處劉侯自溫回或有頭緒便可令茅僕與之借來茅孺人離家五年絕無音問或僕敢於背主母或別有制其僕者而陰以爲迷

日譜

卷九

六

茅孺人之地人情至今日險極矣不長王法豈畏天理先生爲名教之至此時不能預作歸計是豈無上茅總戎墳墓之日也

十三日

復張蓬元 來書謂易以乾坤冠篇書以堯舜冠篇詩以周文冠篇春秋以尊王於天冠篇如一身之有冠冕一家之有大宗一切上衣下裳皆不敢出冠冕之上一切小宗別宗皆不敢出大宗之上只此數語統宗會元體用俱備至如舜之大聖而道其心湯之大聖而禮其心孔子之大聖而矩其心

是謂理學釋氏本心之學不可謂之理學曾以至善為宗孟以性善為宗周以純粹至善為宗是謂信宗釋氏無善之宗不可謂之信宗皆確乎不可移朱開先生之論匪朝伊夕更有所質者本心二字筆自孟子孟子闡揚墨功不在禹下陸子直接孟子之傳而獨提本心以示慈湖則釋氏之本心與孟子之本心其間於何分途乎無善無惡雖釋家示自然陽明學之把柄以天地萬物為體以明德親民止至善為用其所謂無善無惡無善之名正至善也則無字似不必以辭害意先生以慈

日誌

卷九

七

湖龍豁而墮無聲無臭與無善無惡此言傳師者之過而非師傳者之過陸王亦可原也朱陸一時並起朱王前後迭興總之分孔子一得未嘗不可而必以張朱為正宗陸王為別宗非某心之所安某於張朱深切師資陸王非有私臆本心所見非敢強違故傳宗錄一編周程張朱迄陸王僅七子耳此區區之意先生所見自是中正某未見有偏嗜焉已見難克如此昔韓范論西事不合希文拂袖去魏公自後把住其手曰希文事便不容商量耶希文意亦解學問事較國事何如正

好與先生作商量也鄧子元錫得其語數則入宗傳考此中無何身尊以爲記室

十五日

古調堂集序 馬子閱徠自顏其所居之署曰古調堂凡有論著彙而珍之曰古調堂集曰初刻始事之辭也閱徠名家子其曾王父毅菴先生以待御起家余聞而慕之後交其孫抱元百室諸兄命又交共曾孫君黃習仲諸兄弟蓋多奇節異能之士云雖未識閱徠然心嚮閱徠久甲午春自衛之魯往返天雄閱徠嚮余一如余嚮閱徠且贈余書以

日誌

卷九

八

其中懷相質余喜所見而符所聞也明年書來以所刻古調堂集索序余卒業之文無雜篇篇無雜言傳述先世遺行簡及一二節義其事核而可據其文質而不靡其集中所及之事所及之人與余素所聞者無別余更喜閱徠之言足以徵吾信君子之於言也無所苟而已矣閱徠其庶幾乎至其論行結交以文會友尤非泛泛閱徠亦猶行古之道也古調堂名其集意在斯古人立言之業將為天地生民立命爾幽垂憲其道甚大閱徠有志立言應自鄭重其言君素莊事其兄習仲則知

閱祿於家庭者既多小宛相戒之情侯不能
文而檉標於敦行窮附代木相成之証申此意可
以敘古調堂集矣

日

儀封令 年來功令靡逐流移哀此勞人久無甯
息適且以終歲勤苦典衣鬻女成此稼穡一旦遂
之去得無太慘乎吾鄉窮親故舊日日以此情來
告耳不忍聞目不忍見然力不能為之計聞亦有
邇主仁厚於遵功令之中而寓恤流移之意一分
休息一分安養古稱循吏意在斯乎前楊安未仕

卷九

九

曾多方為流民請命今權自已操矣諺云當權者
不行方便如入寶山空手回逐流民所以清東人
當事者自有意實謂有保認而明知非東人者固

辨也

口

稱龍德而隱足乎內不待乎外人不知其隱獨行
其意不易世志世也不成名忘名也逐世無悶所
以忘世不見是無悶所以忘名樂行與多遠處不
分爲二一知有隱徵聘可至聲譽可加非龍隱矣
或曰夫子隱居求志又曰如或知爾則何以哉向

嘗不計人於行曰志士不為利動而為義動
正所謂德而隱者也

二十日

陰陽貞勝自有天地而已然矣陽剛而陰柔柔似不
能勝剛然道心微而人心危則剛之不能制柔也
明甚天下所以日少而亂日多君子而多不仁
未有小人而仁者 易之為用總欲化小人為君
子其扶陽之意乎噫爾獨易也而五經四書以暨
諸儒之旨無非欲化小人為君子耳

二十一日

日譜

卷九

十

汪千頃詩序 予素不識千頃偶於識千頃者聞其
名知其為詩人也丙申初秋千頃借公望訪予真
峯適于案頭有友人論學書三紙千頃題環讀之
謂此時工詩文之人不難躬逢其侶則立名節之
士亦嘗親炙其人獨闕然自修專意於性命之學
者吾見亦罕矣予曰詩與學岐視乎哉仲尼謂門
人何莫學夫詩而鯉過庭則首以學詩為問蓋
詩非徒以格律音詞相誇詡其溫柔敦厚之音原
與性命通是聖學之所尚也故子貢因論學而知
詩子夏因論詩而知學誰謂詩於學可岐視乎哉

化或遷變貞固立本夫固各有攸當藝租受世宗
厚恩少至未失德行一不義殺一不辜得天下
不為孟氏嘗言之矣

二十八日

孟子曰禹稷顏回同道曰非之飯糗茹草也若將
終身焉及其為入子也被袷衣二也古固有之
明道曰百官萬務兵革百萬之眾飲水曲肱樂在
其 萬事俱在人其實無一事此語同一說解開
拓古之心胸

何謂性學天理而已天運者天然自有之理非人之

口譜

卷九

三

所能為欲須與離之而不得者也佛氏於是非
惡歸之平等無分別心失天然自有之秩序是謂
無理所以亂教與聖人經世事功何啻千里

二十九日

萬變俱在人其實無一事明道之言至矣盡矣心何
嘗有曰官萬務也心何嘗有兵革百萬也心何嘗
有疏水曲肱也總之皆適然之遇而已如是來如
是往只行其所無事實無一事也 為平旦之頃
偶一猛省令人躍然

諸端立言之旨各不同大不出居敬窮理四字此

原缺

口字括盡一

禮居

言之二

易之

覺便

入門

立

執定

自命

七月

日譜

卷九

初一日

陸子談本心惡言心者羣起而攻之

者人之神所以具

焉王子

知日知者

知何罪焉

孰是有

激乎其

心

心

心孔子從心所欲不踰矩蓋所以嚴其防而不使

之放蕩無歸道統之宗意在斯乎孟子曰盡其心

者知其性也知其性則知天矣心與性與天又烏

容分其合處得力在一盡字

初二日

容色辭氣闕此心之操合存亡記者稱夫子溫而厲

威而不猛恭而安太和元氣至德流行故學者須

用變化氣質氣質不變是心之放也正衣冠尊瞻

視似飾於外然收斂身心內外齊二君子所以居

敬而收放心學問之道在是矣禮教之與其有賴

日譜

卷九

五

子

初三日

或曰同人易人

人人來應我

豈能必之人

與孔子與二三子

以歎也

與物而與物之與也

又曰先王

正尊待之物

初四日

或問不事王侯之義曰賢人君子不偶於時而高潔
自守不累於世務者也程子云士之高尚亦非一
道有懷抱道德不偶於時而高潔自守者有知止
足之道過而自保者有量能度分安於不求知者
有狷介自守不辱天下之事獨潔其身者所處雖
所得失小大之殊皆自高尚其事曰古來英人傑
士真一遇侯王而發抒其志氣豈皆不足言高尚
與曰是未可執論也孔子之衛之魯孟子遊梁遊
齊車無轍思得一遇蓋神遊唐虞三代之盛而

日譜

卷九

六

欲親見之事有尙焉者乎事有高焉者乎用行舍
藏以天地爲闔闢以陰陽爲旋轉豈一箇介之足
云然老而不遇者時也聖人終不能與天爭時既
不獲勢成輔相天地以左右乎民則儉德辟難不
可榮以祿

初五日

人生最不堪之境曰蹇曰困曰坎然以之收小人而
用以成君子蹇之象曰君子以反身修德夫行有
不得皆反而求之反其不得以歸於得蹇詎非君
子之幸也哉困之象曰君子以致命遂志夫莫之

致而至者命也志亦何遂之有而遂於困困固君

子動心忍性之會矣坎之象曰君子以常德行習
教事蓋以此成行即以此立教治已治人其用甚
大入險出險遊刃有餘文王囚於羑里而演易孔
子厄於陳蔡而作春秋述一時之志垂萬世之教
憂患之生人亦大矣哉

初六日

或曰虞廷執中孔門一貫皆彼有所授而此有所承
伏羲畫卦二千年後始有文周又五百年而有孔
子信乎自古聖人未嘗有一法與人亦無有一法

日譜

卷九

七

受於人也曰義畫卦是即以卦授而文以象承之
周公以爻承之孔子以象承之南北海此理同前
後聖其揆一君子之道以本諸身者不悖於天地
不疑於鬼神不謬於三王不惑於百世亦誰任與
而誰任受耶下聖人一等便難以語合符顏淵死
聖人之道所以不盡傳也

初七日

東李國華 昨博兒備述社翁所言可以居心可以
持世令人起敬聞讀法華讚經尙未得其趣味竊
正喜其未得趣味也若得其趣味便入而不能出

矣有宋諸大儒獨正叔不讀佛書明道徵旨每令人借口晦翁鐵板道學尙賴延平匡救游謝諸君子晚年皆流入於禪此皆讀其書而得其趣者也第嘗有說焉佛氏無人倫不可以治天下文公原道之作似平平無奇而上下二千年間闢佛家竟未下向之字、且昌黎於佛恐在影響間涇陽云正幸其入佛未深耳如其入之深也便應向大年天覺諸人家裏拈拄弄拂去何以得程孔氏之徒但願社翁得其趣時勿爲其所奪則善矣與三無道人論讀易 三無道人切勿而讀易予老矣

日譜 卷九 六

未嘗學易庚寅之秋抵蘇門同居開嘯樓始習初讀今七年所未有窺也程正叔之言曰易之爲書廣大悉備將以順性命之理通幽明之故盡事物之情而示開物成務之道然而前儒失意以傳言後學誦言而忘味蓋悼斯文之湮晦自秦以下無傳矣此傳所以作也朱子本義全以程傳爲主而宗旨所持在卦變一圖以佐程子所未及孔子以後又千有餘年始得此兩大儒以發明之四聖人之精微妙秘庶其昭示於遠近身物之間無一刻非易之所流行也無一人非易之所搏挽也而猶

畏淺見者反謂伊川以三百八十四事盡全經之用先去傳而有義又有謂考亭以陰陽比應影響疑似之說下切民生之富升耗其說而廣爲新奇說蓋竊而易益時矣予不知易烏能術富家之言易者第覺程傳爲近餘疑信參焉者不効索其說而取其瑜要不可執已見先據一不可奪不可加之意易之蘊義文周孔而後亦各就其所見以爲言即起夫子於今日而再贊之仍是辭不盡言言不盡意耳後之君子安得傲然遂以爲前極乎內印喬氏說易一編同亦有快論敬以就正有道當

日譜 卷九 九

初八日 撮取其所長與天下共見聞之 易曰和順於道德而理於義窮理盡性以至於命道德也義理也性命也作何分別曰泛言之道德亦義理亦性命性命亦道德亦義理此處臚列則各不說內即喬氏云卦之六爻則有道德義理性命矣和於道初爻也道者虛器民所共由故初順於德二爻也德者實獲土所獨據故二理於義三爻也義宜也有進退可否之衡焉大夫之職也故三窮理四爻也理紀也有條分縷析之務焉相位也

故曰盡性五爻也性生心生身生物生天地君臣
也以五至命上爻也命出於天而立天高會無窮
嘉會也故上道欲沖故曰和德後養道言而不
故曰順義多歧而易亂故曰理埋入焉而愈細故
曰與天地萬物一故曰盡命無聲無臭故曰
至會而通之言會言分言言言無所不可不
會通禮而非禮也義而非義也鳥能遊於道德而
通於性命哉

初九日

文清詩云七十六年無一事此心惟覺性天通到得

日譜

卷九

三

與性天通時自無一事矣靜坐深林不著書此自
白沙得力工夫子謂能靜的不著書亦好正見其
無一事也

初十日

予靜之學自謂得之孟子慈湖乃斥思孟為小覺不
亦薄其師耶誠太蕩總因不知學有學問人自
不肯作無忌憚語

十一日

有聲有色從無聲無色出所謂顯微無間無極而太
極也上天之載聲臭俱泯而四時行百物生此聖

甚明不待知者而辨後來學者溺於實則言其
溺於虛則已言有有無虛實爭路不已遂為千累
之謬

十二日

天之明命無一刻不流行於人倫事物中能於日用
食息真見其流行不已便自有下工夫處明道以
為飛魚躍與必有事焉勿正之意同者正謂於飛
躍見流行之體而工夫在勿忘勿助之間

十三日

作聖之功其要在於誠意而狠云不起意者自欺也

日譜

卷九

三

格物致知正所以求誠其意

十四日

天有五行曰水火木金土地有五行曰東西南北中
人有五德曰仁義禮智信仁之德於五方為東宮
於五行為木義之德於五方為西宮於五行為金
禮之德於五方為南宮於五行為火智之德於五
方為北宮於五行為水信之德於五方為中宮於
五行為土此人所以能參天兩地而稱為三才大
哉人乎故中庸曰待其人而後行

十五日

我學於日用工夫有意便助無意便忘故不能

與為魚飛躍同一活潑潑之幾希偶見之天光轉

盼即非安所得未發之中與中節之和也故學者

不默自體動微云動靜合一終難語自得矣靜坐

即善學誠然

十六日

無執見者多入俗有執見者又成拗此好學所以難

其人也

十七日

不善不入孔子之言也磨不磷涅不淄非孔子之言

日譜

卷九

三

乎諸如有父兄在聞斯行之此類甚多可想見聖

人之無可無不可後儒於前輩爭執於一字一句

之間者恐未達孔門之旨

十九日

次孫女出閣 女孫失母久父亦滯家山汝往歸於

鄰臨行泪欲清我淚不輕灑我心不欲匿誰知兒

女情垂老倍姑息

二十日

獨坐口號 家住燕山易水傍驅車河朔歷星霜名

花淺園頻來折朽木深山終免傷婚嫁及時情足

慰養殯繼日味偏香七旬三歲復何事回想從前
空自忙

二十一日

孔子於微箕比干曰殷有三仁焉於夷齊曰求仁得

仁及門獨稱回三月不違其餘則曰不知其仁也

至稱管仲則曰如其仁如其仁豈及門諸賢盡出

敬仲下耶孟子又羞稱伯佐曰管仲曾西之所不

為孔孟之言似亦相謬矣不知此各有說正不可

以執一論也稱其仁者大其功民生治亂所係鄙

其人者惡其假學術真偽之分事有源委藥因病

日譜

卷九

三

設執一而論便成癡矣

夜坐 露冷涼秋夜月清蛩聲唧唧四邊鳴無端識

論爭旗鼓誰是伯滔來主盟

二十三日

寄張上若 夏初友人自滄上過者驚傳太翁先生

之變聞之哀悼幾不能自持相別幾何時遠成隔

世衰老相依失此典型中夜思之不待哭於寢門

外也親翁至孝天成當此大事情何以堪然親既

沒矣而所以不朽其親者任更重而道更遠也

二十四日

書先誌後 我考葬於乙巳之秋我妣葬於己酉之
 卷一五十二年一四十八年矣志墓之文託鹿子
 善繼是我考生前所喜與定交者易兄弟以貧
 出館於外鹿子亦入官遲二十年始構此文今復
 二十餘年矣大半浮家於山水間旅蘇門又復七
 載兄若翁昔淵謝去形影孤孑因窮以老抱疾實
 深令諸子若姪磨片石而書之沈見考妣之音
 容色笑於字裏行間也孫曾姪姪姓氏志未備者
 附入

二十九日

日譜

卷九

重

復汲丞王 憶昔貴縣同時諸公相與皆善每念之
 不忘至吾大則愚兄弟嘗自為武城得人之慶不
 意二十餘年浮家千里外猶得於此互通音問可
 謂有緣矣武城風味足嘉亡弟時向同人云茂才
 相戒不人公門言事孝廉明經絕無一字干請尙
 足徵澹臺之流風遺韻也吾丈八科見黜百謀多
 因此固天之有意玉成而吾丈之動忍著已深矣
 于游初滅明日行不由徑非公不至耳亦何必定
 要津乎僕羣矣閉門山村吾丈或遲或速定
 有公事過蘇門知相晤有期也

八月

初二日

寄沈無謀 憶家翁種花粒畝地得密邇有道
 年譜訂嚶鳴恰有夙緣別來不覺二十年餘
 草黃木落世變竟不可言吾家于游復淵謝去海
 內故人音問遂杳翁衰老無家萍棲
 泉結菲噓臺邵庵之傍課兒子躬耕之暇誦讀一
 室久不問戶外事聞王君丞汲得知年翁起居不
 勝喜躍恨不能促膝請益申我舊盟而得遙相問
 問亦足快耳王君便羽適與于度在座草草數行

日譜

卷九

重

佈侯道履幽居多暇德業自遠著述可示我否公
 子有幾析薪之業想為負荷附訊不盡

初七日

諸公下榻 病骨經年懶出遊今來設榻徧南州小
 車花外人爭挽不是竟夫愧此留

初九日

得故人沈無謀書 武城一別廿年餘我老樵山君
 老漁去雁未通來雁至兩人情事一人書

初十日

雙橋李國華宅 庭前榴老雙虬龍盤互橫斜別有

容質結枝頭千喜莫不六日盡發冬

十二日

中秋兩三日夜 賞花宜在未有前玩月何須待月

圓莫訝清輝猶不滿一分別處一分研

圓月一輪總於消息見天眞未盈先稟持盈意

此清光倍有神

十三日

偶書 吾家思逸許誰傳復有公和堪並進

言皆見道莫將儒者作仙流

十五日

日譜

卷九

庚

月上諸同人攜尊就子予家三世在座 少長圍

坐月時家庭聚處是癡嬉滇南葡北七千里同室

何嘗有隔籬

十六日

聞有祠程子者 漫笑崇禛拜子儀身程陳氏更堪

煙誰家血脈承誰祀應悉先賢懶格思

十七日

貽沈石友言別 士居恒嘗敦古語侯禮賢下士之

風邈不再見愚謂禮之下之尙有其人而士之可

堪爲禮下者未免有愧色耳某燕南腐儒少而業

學長無所成垂老漫泊蘇門值公出守於衛每以

公王輒相聞問且授養久靡倦也嘗策馬偕僚友

過山村此段風韻於古諸侯何如哉陳公甫起家

東粵受知彭惠安兩相引重而聲煥後世某謂

何敢望公甫而公相成之德固不啻惠安曾欲以

隱逸俾諸大吏入告愚聞而謂不敏公之信

某得迷糜鹿之性其言曰泉源淇水盛自昔時惟

得其人以實之斯足聞而重愛而傳矣是其所望

於某甚重如予者何敢妄自菲薄耶公治郡治屯

饒有善政至 况塵泥公只敢屣視之

日譜

卷九

毛

此之定識定力已超於毀譽得失之外故臨路不

欲爲黜然之語第述其所以感恩知己者以當

歌

十八日

祭張湛盧司馬文 大司馬湛盧先生以丙申四月

三日終於淦水之第其燕南方外友孫奇逢病寓

蘇門不能匍匐哭於柩迄七月先生之子庶常君

以所述行實寄至云卜八月二十七日歸窆窆乃

始將辭香束脯爲文而告先生之靈曰嗟乎先生

何遂已耶相別幾何時遠成隔世從誰生悲悲來

橫矣從悲憶懼繼緒不可追矣嗟乎先生果異
 已耶憶庚寅春予前從過途上國遂元先生而定
 交儼若平生余寄居百泉瀾謂儀型不遠先生寓
 詩殷懃有君家舊有蘇門嘯蚤晚憑高一寄思
 之句余衰年怯遠涉而風雨時以爲念嗣後郵筒
 往復與二三耆英惓惓於洛下香山之舍焉倚鄒
 魯之游每將車過從或臨流講易或集友談藝究
 竟理道論說物情輒涉月逾旬曉焉往返余之遇
 先生與先生之知予蓋兩相忘形迹外也先生嘗
 爲子言甲申前王事馳驟未暇體認性命之業歸

日譜

卷九

天

思後始欲點檢身心剖析疑似叢網之習尚賴吾
 黨砥柱不遇子幾枉過此生噫此固先生若無若
 董之懷望道未見之意而余之衰遲迂腐自信未
 能何以得此於我公耶余有諸儒傳宗一編自董
 江都以至吾友鹿江村皆與先生手自評定嘗云
 宋儒極駭漢儒然議論未嘗不本漢之註疏漢之
 諸儒不可昧關山方也故崇元公伯淳而兼之孔
 明希文可見學術事業不分二事既高靜修之不
 出復取平仲之興學噫即此言更可以知先生矣
 先生晚晴易叢盈虛消長之理大而能通貞不絕

俗正朝風節國史固大書特書第就七年來數見
 數別無隱不宜無疑不勝近臨几席則笑語移日
 遠寓筆劄則累幅連篇今皆不可得矣余獨何心
 能勿悲哉嗚乎先生生於鄴實余北方之學者也
 鄴先正有崔文敏其學與先生合二三同志共聞
 發之者尙未得竟厥業而今已矣斯文陸沈吾嘗
 扼腕今夕何夕有車盈門登公之堂景瞻依然而
 儀型莫覩矣余長先生六歲較之氣血衰耗遠甚
 壯而腴者乃竟先我去生願沒甯回所無憾而後
 死者失所皈依學者迷其趨向豈天欲喪斯文而

日譜

卷九

天

頽其梁木耶此所以反覆咨嗟不能已余心之悲
 也公靈英爽應鑒余衷
 十九日
 簡張尙若 捧讀手示氣慕殷切迴環太翁先生懿
 狀字裏行間鬚眉若動第衰老相依愈重人琴之
 感聞歸兆有期卽爲一文書之寸帛擬駕小車爲
 執紼之客及臨路血虛心跳遂不能於三百里外
 歸喪且望兒戾里未歸博兒冒病未愈又乏子第
 供事不得已遣使往致老親翁幸告太翁之暨曰
 蘇門病叟竟不能一來非爲目斷西州容尙有宿

草之與耳

二十日

寄王玉乘 每思吾兄蕭寺獨坐手錄說約此段靜

氣程門人見之有不嘆其善學者乎至卷殘再書

心志純一足知近來造詣何時握手一談念之念

之

十一日

寄賀宣三 曠觀素不聞其病也一病而死為之慶

食者竟日然親翁極力周旋旅櫬得歸所謂

有肉矣此在知己亦平布事便是古人事太當

日譜

卷九

先生當拜德九原矣

二十二日

報劉範修 君八十康健如昔足下之色養可知

已換出門七載魂夢依依飛遠故園見今磨片石

為先君子編志墓之文來春當圖與諸君晤對耳

壽文久已具葉郵筒未便致致稽延幸諒

十三日

嘗見不仕者持高節以慢上無詣祭者便呵神罵鬼

以直自負者每是己非人皆不學之過也仲尼曰

史記有君子之道三不仕而取上不祀而敬鬼神

能曲於人總見其於己無不敬於人無不處

二十四日

大凡人長處便有短處古人短處便是其長處如

古之民有三疾今也或是之無也疾何病也夷隘

柳下惠不恭清造其極則自隘和造其極自不恭

隘豈病夷不恭豈病惠乎許子將曰太師道廣廣

則難周仲舉性峻峻則少通此皆自然之理耳非

好學不能祛此病

二十五日

有感 怪來學力老無功只為馳西又講東照管多

日譜

卷九

方心卻亂但開一徑與天通

二十八日

復張紫垣 有人自單懷來極稱年兄清介仁厚益

令人欽企僕答問數則老生常談耳原無闕涉得

大序闡發似有闕涉年兄之言語妙天下矣詩之

道素未有知亦老生常談耳然不敢自外於治鑄

容錄數首請教

三十日

復彭生了凡 閱手字七日不食為之駭愕然神氣

鎮靜語語見道斷無意外之事寄字僧人傳此處

踏險非慣走山者不能上特遣健僕往視欲披見
歸夏峯此中醫便藥亦便俟體中稍健再作道理
耳古來烈士英人直也遭變已入仕者先君後親
未入仕者先親後君各有攸當兄欲以此作首焉
僕謂仍當歸首即此亦不可不辨來字看生死為
家常事不肯離亂求活於天地之間此是何等識
見仙佛聖人一齊了當矣聞之僧年甚老不心忘
怖只以一身付之僕且相感統此致謝

九月

初一日

日譜

卷九

三

移菊 東籬諸隱君移入我茅屋相對雖無言坐久
令神肅 多年與爾交託意良非偶晨夕借助勤
後前與左右

初二日

與劉一六 彭了凡近樓九山忽有字來謂某已七
日不食可生可死不必離亂求活於天地之間弟
急遣人視之欲披歸夏峯某卻無病自絕粒欲畢
命於九山小价再候之某但云體中已弱不能下
山身後事已託於汝家主矣司馬村劉先生煩一
致之此君於生死之際只作家常平等第甚異之

且再著人去看因渠有言敬聞左右

初三日

宋之尹洙自直龍圖閣謫官過梁下與一學佛者談
自言以靜退為樂其人曰此猶有所係不若進退
兩忘洙頓若有得一日以手書與范仲淹別仍囑
以後事仲淹訝之以書示朱炎曰師魯遷謫失意
宜往闕論無使成疾炎問請洙而洙已沐浴衣冠
而坐炎為道仲淹意洙笑曰洙死矣何希文猶以
生人見待與炎談論頃時遂隱几而卒炎馳報仲
淹仲淹至哭之哀洙忽舉頭曰早已與公別安用

日譜

卷九

三

復來仲淹驚問所以洙笑曰死生常理也希文豈
不達此乃以手拱揖而逝韓琦表其墓謂師魯以
文武之才震暴天下曾不得一紵所益於公卿之
左而反遭權譏毀終以死噫師魯之死豈因貶
而死耶即不貶想亦死既達於死生之理夷險患
難俱自粹然洙之所得二公或亦未盡窺也 洙係
河南人

初五日

問題作聯 作事只求告祖父舉心要可對兒孫
明月窺人意清風襲我襟 動中識意靜忙處得

心閑 食眠隨我意時物任天行 放下有時全
漆油圓來無事不從容 伯頌以此二語作聯
重陽日 名夏峯堂曰兼山取子靜內不見已外不
見八八字作聯

初十日

十二隱君詩 有引離菊八種日夕坐臥其下小童知
主人嗜此又覓得四種助我幽情西施揚妃舊名
隱君不欲居也請易新號為十二隱君詩 清心
玉 愛爾好標格清心玉得名幾經離落下風雨
不能慙 金菊對芙蓉 烈士不多效其人無二

日譜

卷九

語

面孰知吐赤心相對神為眩 紫樓春 人為有
我累喜爾乃無心樓閣重重意穆然天地深 老
僧衣 世外挺風姿時賢莫肯與我思覓老僧為
尚侍衣處 舊朝服 凡卉競春妍獨快霜氣蕭
衣冠時樣合何事舊朝服 紫雀舌 世事殊難
問吳言舌尚存何來有紫雀或羽不須喧 白鶴
翎 黃鶴去不返欣茲白鶴來翩翩眉宇動矯矯
羽毛開 簡子頭 素不聞若名今始接君面云
自老僧來文殊生下兒 粉鶴翎 翩翩意欲舞
霜眉氣尚馨舉以問童子答云粉鶴翎 金盞銀

臺 面帶金銀氣偏能佐酒腸繁華似有厭為過
我心房 醉白猿 舊名醉白猿 猿鶴曾為友相違
日已多今來尋舊侶半醉臥雲窩 素心人 舊名
粉西施 誰是沼吳人能同少伯去今為易素心一
旦獲高舉

十二日

答過子問私諡之義子曰漢魏以來此例甚多如陶
靖節王文中子陳文範孟貞耀等不可枚舉然曾
子問曰賤不諡貴幼不諡長禮也惟天子稱天以
諡之諸侯相諡猶為非禮况弟子而諡其師乎曾

日譜

卷九

語

子而諡其師必合天下之公以肖生人之面庶不
悖於天道耳昔關中諸君子欲諡子厚正叔商之
涑水涑水曰子厚平生用心欲率世之人復三代
之禮我輩不可不愛之以德涑水賢相也世道清
明設法自宜歸之於公所謂天下有道則庶人不
議

十四日

宿百泉之素園名其樓曰先月樓

十五日

兼山堂碑 未發以前氣象安在知止而後功力念

然

十六日

世人做壞了總只為貪便宜孰知討便宜處正是其吃虧處陳搏曰優游之所勿久聽得志之地莫若往康節嘗誦其語有詩云珍重至人嘗有語落便宜處得便宜

十八日

籠鷄食足野鳥無糧食足者就烹有日供人一飽而已無糧者樂天地之寬而喜歲月之舒也

十九日

日譜

卷九

美

苦莫苦於制私樂莫樂於忘私乃知不行克代怨欲與無意必固我者其境界蓋天淵也為句識之夜半思量盡所為制私何敢認忘私一朝敢解樊籠外神動天隨自得之

二十一日

東坡曰頃有一老人奄奄欲逝諸子呼號願留一言老人曰第一五更起諸子未諭老人曰惟五更可以幹當自家事諸子曰家中幸豐何用蚤起舉家諸事皆是自家豈有分別老人曰不然所謂自家事是死時將得去者余嘗謂宮室車馬金帛皆身

外物即文章勳業亦浮名耳可將何者去獨有元

初將來一點性靈是天之所以與我者斷不可失

卻此舊物是謂將得來將得去須於夜氣清明時

默默體察不理沒於旦晝不欺伐於斧斤纔是會

理自家事彼勞心聲色以娛年者吾不知之矣

二十二日

問卦之變也乾可變而為坤坤可變而為乾六十四

卦遞相變以至於無窮其不變之義安在曰有立

於卦之先者太極是也二氣五行宿性相盪天人

理欲互消互長而太極終古自如善變者陰變而

日譜

卷九

美

為陽化小人為君子不善變者陽變而為陰化君子為小人良肯死咎死妄可貞此易之所以教也以兼山名吾堂意正有取於斯

二十三日

不循理不安分此愚昧之人也動而得時不越理不

犯分此平善之人也往而无咎不越理而能窮理

不犯分而能盡分此之謂學道之士無入而不自

得矣

二十四日

友人利功過格勸勉人為善識者謂其專言報應伊

非儒者之道余曰君太苛矣人思不為善孟子曰
強為善而已矣積善之家必有余慶積不善之家
必有余殃作善降之百祥作不善降之百殃彼易
書何以稱焉嘗見聖諭六條良吏每詮其人指其
事無非開人為善之路令賢知愚不肖皆勃然蒸
動以感發其不容己之心易象卦爻其取諸物取
諸身者亦無非令人轉不善而為善耳伊川云德
善日積則福祿日臻德踰於祿則雖盛而非滿君
言報施非儒者之道是無所為而為可與知者語
難為世人言

日譜

卷九

三

二十五日

兢惕厚為則放心然簡束之過遂成踴躍所謂心逸
日休者安在孔顏之樂處乃是其學處學不能樂
是學為苦越設也晦翁有句云昨夜江聲春水生
綠煙巨艦一毛輕向來枉費推移力此日中流且
在行陸子見此詩歎曰晦翁悟矣此是尋著樂處
耳

二十六日

祝闕博士盧爾琴前引博士生於闕宦於豫甲申後
兵戈阻絕遂留滯於豫之共城今年八十有五矣

元兒无食與其姪孫有懷乳乳相倚為命此中士
大夫聞而慕之修養老之儀為計其衣食之需令
无缺乏某月日是其誕辰同人擗米酒為祝余與
博士居相鄰時相過從為賦二絕 滯跡天涯莫
設愁乾坤此日一孤舟誰人不識盧博士致養爭
思佐酒籌 設道神仙海上求尋常到處有丹邱
同人此夕爭相祝讓我先添第一籌

二十七日

士君子遭時遇主身與道俱亨者志願遂也身否而
道亨者不亂羣也身亨而道否者凶吝之叢也志

日譜

卷九

三

願之遂不能必之於天羣之不亂可危之於已凶
吝之叢可以九人乎

二十八日

贈了凡道人 旬餘絕粒九山巔素笑淵明乞食篇
志士不忘君庶幾首陽兄弟欲同眠 火宅紛紛
日興然誰能了得死生緣朝聞夕可尼山訓又恐
無端識路偏

二十九日

西湖明烈祠 鄭公雖自愛良臣否泰出來只一身
肯與至尊同社稷殉身殉道絕歸仁 諸公何意

受高名名到諸公百感生一死難忘千古恨江湖
夜夜起騰聲

十月

初一日

為私諡德化先生作誌文入歲與二集
移先位於兼山堂西楹

初二日

秋觀天地觀之於萬物而已萬物所以成天地也欲
觀萬物觀之於我而已我備萬物也人只因不識
我遂不識天地不識萬物則我止為萬物中之一

日譜

卷九

物耳

初三日

陸子靜上下四方曰宇往古來今日宙只此兩字義
農堯舜湯文周孔相傳基業合蓋託出石齋謂他
是過路人偶然標題不踐不入夫石齋於子靜素
切推許猶謂為不踐不入則不知所踐所入者何
人獨幸家業既清留得此帳簿在眼前日用當自
有象賢之子肩承整理肯構肯堂不至迷失祖父
基業踐而入之豈終無人

問祖業荒蕪既久疆域全迷主伯亞旅又鮮同心共

濟之人清理之功當從何處下手曰只從此方寸
地掃除廓清拔自私自利之根而已矣无所以障
之境地自曠無所以問之編亘自遠者手工夫全
憑自己雖曰以文會友以友輔仁然我所以會之
者已先有清理之功故彼肯來請以佐吾不遑身
之不先而借助同人者此必不得之數也

初四日

睡醒 椒山之死既云慘夢吉之年亦未長世界由
來缺陷久老夫何德享年康 披衣起坐鷄鳴時
利善關頭豈敢欺欲奏廓清成戰勝不由乎我更

日譜

卷九

由誰 覺得從來各氣多皺眉之事即風波機關
徒設全無用雲淨天空自泰和

初五日

問從來叔列隱士姓名多恍惚疑似不可為據即棲
身山林癖性難回枯槁而死者似亦無當於隱居
之義曰有德德者然後可以隱濯見飛羅豈有異
道哉有出山之隱士伊尹傳說太公孔明是已有
歸山之隱士范少伯張子房是已有以隱士出仍
以隱士歸李長源是已陳太邱郭林宗管幼安陶
淵明王文中子周濂溪邵堯夫劉靜修一亢不鮮

皆隱而進行之趣未可與山林枯槁之士律論也
嚴子陵爲隱士之宗有謂其避時之泰遇主之知
道既可行身何以隱余曰子陵而不隱不遇爲
會風雲時一鄧禹一寇恂耳不臣故人高世其志
隱忍以資剛自任惡得爲石隱者乎

初六日

小童移白菜一株置草堂中客曰士大夫不可一日
無此味則此種不可無小民不可一日有此色則
此種不必有子曰對士大夫言則曰不可一日無
此味對君相言則曰不可一日有此色惟知此味
者乃能不忘此色也我輩正宜朝夕晤對以咀其
味而勿忘其色

日譜

卷九

四

初七日

滿招損謙受益時乃天道達乎此者有其德而不居
有其功而不伐有其能而不矜故自卑而人益尊
与晦而用益光易所以謂謙亨君子有終昧乎此
者片長寸善矜之以爲奇一味是已非人正與天
道相反德何能入而學何以成程子謂勉慕於謙
亦不能安行而固守况與之相背者乎

初八日

食色爲性今古沈迷於而甘之不問愚知非道學自

修之君子鮮能不以爲心害者認以爲性其流弊
無窮提一命以抵之其防維亦大從古帝王賢聖
經世立教只是令此食色二字一歸於禮而已矣
食色湯禮其凶於家害於國如影之隨形孟子曰
性也有命焉君子不謂性也此便是盡性立命本
領正從尋常食色間做去彼借口食色爲性者皆
溺情任便不知忌憚者也

饑渴害心總不出聲色貨利皆食色性也一字誤之

食與色不能與禮較重輕正所謂性也有命焉命

日譜

卷九

三

也禮也一而已矣

世之治也無他食以禮而已矣色以禮而已矣上之
人寡欲清心下之人安分守法如所謂終兄侍而
踰東家牆事自無有人亦共信而禮之重於天下
也此何待言也世之亂也亦無他食不以禮而已
矣色不以禮而已矣貪淫之念一開溪壑之願雖
滿金帛子女任意縱情窮直矜兄霄而踰東家牆
已也任人而視此食色之侈禍尙敢提一禮而與
之較重輕耶可爲痛哭

初九日

苦先妣陳太君 萬曆庚申十月之九日我母不諱之日也於今四十九年矣音容既杳墳墓復遠魂夢依依老而轉切為位斯堂兒所居之室與之相近晨昏省視庶其便焉且欲子子孫孫修明祀事以妥先靈茲於忌辰肅設庶饗迎我母之位於別几祇薦細忱母之念兒庶其享之

河十日

孝行爲西粵朱孝子賦 名重學子星如西粵朱郎

真孝子六歲嚴君遊帝里十有七年見面難復淚側側夢中起一朝辭母來共城出入千層雲共水

日語 卷九

器

弱冠豈能耐跋涉孺慕永貞無披靡七千里路半載期步步遠今步步迥而翁東裝久思歸若爲之子行且止骨肉相逢天一涯神鬼安排有妙理文安孝子事合符白雲寺中同一揆山窮水盡情何極地義天經身所履終身難滿孺慕心萬里之橋從茲始而翁鷄澤著循聲得此孝子良足矣老夫爲賦孺慕行柱嶺山色已騰紫君歸若歸真可喜紹開有母徒閭倚

十一日

孫文忠修高陽誌載齊孝子以促燈爲業日市餅潤

日語

卷九

器

此齋焉淇焉人所忽畧之處而妙有機緣君子曰可以興矣

十二日

道不可須臾離起居食息語默動靜皆道也體道不可須臾間起居食息語默動靜皆體道之會也孔子學而時習之自十五至七十何嘗有駐足歇手之時雖曰無行不與然用功在人不可見故不親不聞者天命之所以不已而戒慎恐懼至誠之所以無息

十四日

佛氏一切皆空獨不能空死生之說第就繫辭釋之
原始反終游魂為變其意自明程子謂以春為始
而原之其必有冬以冬為終而反之其必有春死
生者其與是類也游魂為變既是變則存者亡堅
者腐更無物也此可以定紛紜之說信不及者所
自惑耳

十五日

問一陰一陽之謂道程子謂道非陰陽也所以一陰
一陽者道也此何以說焉曰道立於陰陽之先者

也道生天生地生萬物萬物一陰陽也陰陽一天

日譜

卷九

吳

地也天地萬物總陰陽之氣所布濩充周而運轉
其業翁者矣

十七日

復張谷王兄弟 尊府之禍固不待今日而知也向
來相囑之意欲效曲突之謀今勢已熾燭撲滅正
難僕衰病放人恐能赴湯火為君家作上客耶然
竊思之當事者怒氣既洩惻隱漸蒙天地鬼神在
上斷無必欲盡殺一家之理如罪不應死而必欲
殺之不顧人非甯免鬼責昆玉於此時反躬謝過
以俟命古人處憂患之道也如勢不容終止且身

為之獅子獨行不羣伴侶壯夫喪臂吳借他人筆
不能悉者來人或能面道也

二十日

題郭公望所集隱士傳後 潛見由來只一身設將
沈痼作天民指括今古無多士眼到豈辨甯幾人
道合聖門非具癖德為龍隱是其仁從茲逸士開
生面之子結廬好比鄰

二十二日

問管仲不死子糾趙苞忍於棄母此二者非小失仲
之不死子貢疑之夫子雖許其有功未嘗明其無

日譜

卷九

毛

罪至苞者方正學深尤其不能賄虜不能棄郡程
子精於義亦欲其降苛論者至例之為殺母之賊
賀景瞻作春秋歸義自謂有功聖門乃獨排眾論
直嘉其忠嘉其孝此果不謬於聖人否曰試看其
著論亦自不謬非臆說也其論管仲畧曰嘗反覆
齊事然後知仲之必無可死而桓之無容議也
何也襄公既弑國亂無主此其際人可得而有之
然子糾既弗能取而桓自宮入則是齊之王矣以
弟則糾不常立以義則桓已為君糾又安得而妄
圖也哉仲之棄糾事桓乃侮非而圖今是召忽

甘心不悔無愧子糾是矣獨不愧齊先公耶特荆
刺聶政之流匹夫匹婦之諒耳其論趙苞曰苞
守遼西虜挾其母以要降賊則母死不戰則還失
蓋破虜以全郡臣職也自殺以報母子情也情與
職兩盡亦足矣議者謂捐數十萬財則可以贖母
夫母誠可贖耶而此數十萬者將安取給縱有其
財矣虜乃挾其母以為奇貨豈竭府庫恐未肯選
厥又謂君不以此城為存亡始捐之以易母而徐
以計取之則尤過矣夫此城果為苞有則可以言
棄乃苞為君守土雖捐一物失一民皆苞之罪廢

日譜

卷九

哭

可輕易與虜耶與虜而城不能復更不得母則苞
之計窮矣惟有束手降虜而已矣降則宗族誅殲
墓夷母子俱沒虜手而名損節墜此計之至拙者
也况得母視婦也觀其勉子之語忠義凜然識大
義苞之盡忠以戰適慰母心故謂苞之戰是慰苞
之心可哀也嘔血自殺苞有以見母矣余亦有說
焉伊尹不嘗事桀乎劉誠意不嘗事元乎倘尹而
終老於桀誠意而終老於元何以為伊尹何以為
誠意景泰北狩歸于肅愍曰賴社稷之靈已有王
矣何獨於仲與苞而疑之總之臣子處極難之勢

不待己之心不白而是非之衡不立亦臣子之不
幸也夫

二十四日

天之高也星辰之遠也鬼神之幽也總不離平常日
用之中故易之道終於默而成之不言而信存乎
德行中庸之德歸於夫微之顯誠之不可揜如此
夫

二十六日

郭襄臣闕一禪房為同人會講之所索題一字予曰
覺室因為聯 無善無不善是彼傳宗小覺非大

日譜

卷九

哭

覺要人認得

二十八日

粵西孝子朱重暉不遠六千里徒步來共城覓父同
人嘉其志贈詩盈卷然伴之來者江西秦和人李
克思也重暉弱冠從未出門且家貧不能具路費
克思代為經營問阻險阻數月始達重暉之父以
囊空不能厚酬克思去八十里復歸見余謂同人
既揚孝子則有勞於孝子者其姓名豈可湮滅不
傳余友郭公望士標代為資斧復遺字於其所知
宦西江者君子曰克思一細民耳猶知重名節敦

行氣足以風矣跋於卷後

三十日

或謂匹夫亦知好名此人心之偷也曰士大夫正恐不好名耳知忠臣之名好必不肯為不忠知孝子之名好必不肯為不孝知義士之名好必不肯為不義所惡於好名者謂無其實而冒其名者也莽操溫懿以姦雄而竊仁義鬼神忌之矣如必得其名不失天下之顯名名豈為君子病耶

十一月

朔日 大凡撰著議論翻駁古今成案以議為主識

日譜

卷九

三

以應為主膽以理為主理以讀書為主不讀書則理有未明而橫決似膽穿鑿似識史冊中此等人不少學之時義大矣哉

為明山東武德道兵備殉義賀景瞻先生傳入歲寒二集

初六日

問樂由樂在何處不知開石隱之嘲是此輩人否曰樂由是古來一種清淨淡泊之人以無所事事為樂即皇王有道之世亦不可少此一段風味為天地留孤冷之氣自與邪道異端者不同巢由之後再無巢由不必過處其開石隱之嘲也

初七日

燈前月下意緒稍清輒令孺子輩鼓琴其琴曲非容窗夜話則歸去來辭因憶誠意運策定鼎功成身退希迹赤松之遊悠渙蓬窗之下其達而隱者耶元亮值社稷甚危君父莫救綱常墮於賊手刑馭歸於姦圖獨開一清明廣大之界託迹隱淪嘯歌自得其窮而隱者耶二公者真百代殊絕人物領其音恍如見其人焉

初八日

聲音之道通於神明子曰成於樂又曰知廉勇藝而

日譜

卷九

三

文之以禮樂則樂誠重矣哉自樂經廢而中和之德鮮矣琴之為物猶可以寄性情焉文之見舜孔之見文非見舜與文也自見其性情而已矣

十一日

額先祠曰佑啟我後人復為聯 本源在念風木與

思

十二日

惡人亦有善言邪人亦有正言不善聽言者棄其人而益棄其言善聽言者取其言而不取其人彼惡者邪者幸其言之見收而善念漸生邪思漸泯莫

不樂遊覆載之寬夫子謂三人行必有我師吾非斯人之徒與而誰與善不善皆在君子樂取諸人以爲善亦豈專取諸善人君子乎

十三日

問君子以仁存心又曰能行五者於天下爲仁畢竟存之意多行之意多曰存所以存此行也行所以行此存也非能存不能行非能行不能存有何多寡可言

十四日

問仁統四端兼萬善義質禮行孫出信成何謂遺卻

日譜

卷九

三

仁字曰義禮孫信皆仁也乃所以爲君子也曰君子之於天下無適也無莫也義之與比何只單提一義字曰無適莫而義與比非五德俱備者其孰能與於斯孔子之學夏禮學殷禮學周禮豈亦有不足於五者之德乎曰若臧武仲之知樂正子之信恐未足兼之也曰武仲之知而文之以禮樂樂正子之信而充之於美大聖神無復有餘蘊矣總之五者之德皆性盡性者正盡此五者之德故無一節之可名舉其一而全體見不則乎此則墨氏兼愛亦曰仁楊子爲我亦曰義仁義云乎哉

十五日

問六經俱出夫子刪定炳如日星而樂經何以遂久廢於天下然則將終不復乎曰和者樂之所由生天地元聲人心元韻廢而有不能盡廢者存復固有其曰矣須聖人而在天子之位

十六日

問聞善不喜聞惡不怒此頑冥不鑿之人也然卻無禍有憤激太過或以言語取敗或以詩文招尤古人每多蹈此過如周忠介順昌以魏忠節被逮就舟中對綬騎大罵魏忠賢竟以此受禍酷慘異常

日譜

卷九

三

二者將何從焉曰但請折衷於孔子危行言孫四字千古不易

十七日

相視莫逆唯孔與顏子曰惟我與爾有是夫顏淵曰子在回何敢死於吾言無所不說者故知吾無行而非與也下此則推測揣摩愠見不悅由賜且不免而况其他乎

十八日

問聖人無死節之事果否曰聖人無必欲死節之心仕止久速時惟其可有道則見無道則隱危邦不

入亂邦不居固許哉其言之矣曰時事日非到得
進退兩難之時可奈何曰聖人知幾斷不至進退
失據如其至此子亦有言殺身以成仁無求全以
害仁

十九日

問聖門問仁問孝問行問政夫子答之言人人殊學
者可就其言之殊而會其意之同獨子路問死無
復有再問者遂不得其更端之答竟於死生之說
徒滋疑義曰此事原不容再更端也未知生焉知
死是說不知更端言之原始反終則知死生之說

日譜

卷九

語

是說知此一語自是了義千載下徒自爲疑團耳

二十日

問禹惡旨酒好善言武不遺邇不忘遠此亦平等事
何關道統之傳曰湯之執中中於何執文之望道
道於何望總不離於所惡所好不遺不忘之際而
已矣禹何嘗不祇德耶武何嘗不敬勝耶心在事
上見有動靜無精粗也

人者天地之心也而人所以爲天地之心者有君以
臨之有親以生之有師以教之俾庸秩序於天地
之間而天地始非浮邪耳所以曰域中有三大而

是三大者亦有遞相重之時身未入官則親爲重
身既入官則君爲重身果爲忠臣孝子則師亦無
不重蓋忠孝之道非師不明既入官而偷生曰爲
孝子未入官而效死曰爲忠臣恐非孔聖之所以
訓七十子也

二十一日

問熟軟圓融之人既無裨於世而孤詣冷癖又多偏
見固執當何以用其補救乎曰只宜勸之讀書讀
書多則理自明偏執之見自當潛移默化除此無
對症之藥

日譜

卷九

語

二十二日

送許蘭陵 暮坐百門月朝望碣石雲燕衛述太行
室邇人自分維公方都水踏歌泉上聞衙靜但賦
詩 灑酒問青筠菊芳廬社盛煜煜生龍文顧我蓬
廬人刺促何足云拉友步我郊粗糲竟夕曛山情
在庭戶樵心非斧斤今茲車將駕離心與雪雰乾
坤借公等大化布氤氳夏峯多古木風動尚惜羣

二十三日

談淫邪遁而知做陷離窮此孟氏之知言也其法得
之於易將叛者其辭慙中心疑者其辭枝誣善之

人其辭游失其守者其辭屑不問於此道便不能
知人不知人何以辨天下事

二十四日

客有贊予者曰由名愈高堯德愈大或怪之于曰薛
方有言堯舜才上下有真許靜修題許由歌詩云
堯天萬古大無倫何地容君作外臣今得為外臣
矣堯德顧不大耶君何怪焉

二十五日

問窮理盡性至命元是一事是三事曰能窮理便盡
性能盡性便至命程正公云如木可以為柱理也

日譜

卷九

五

其曲直者性也其所以曲直者命也三者欲分之
而不可得學者須先窮理窮理在性上窮盡性在
理上盡以至於命則全無著力處矣

二十六日

王夢航太史以遺金輸公予聞而嘉之為紀其事
鷄鳴分舜跡利與善相連兩念不中立一喻遮操
權競逐既云鄙若染亦已偏大梁王太史臨財義
獨先版築得遺金歸已亦何愆物來此苟得輸公
不少延甯揮與儀掩息越千載前此誰非不高適
道恐不然用物等棄物君子奚取焉不貪氣曰

物乃得其全於心既無累於物復何牽所以平治
人不廢理財篇利者義之和所去獲所堅

二十七日

立人之道曰知仁勇立言之業曰才識瞻識闇則惑
生才短則憂生膽薄則懼生立人立言無一可者
操何術以勝之曰好學力行知恥

二十八日

卻汴金詩引 余容有元義士魏敬益者曾於歲饑
時以錢穀易鄉人田千畝餘歲復義士盡還其田
危學士素集卷以識之至今名其里曰魏讓義士

日譜

卷九

五

乃列元史孝友傳中余嘗曰堯舜天下至今在蓋
官之也非家之也所謂推以與人已愈有意在斯
乎大梁太史王公舊買莊地一區以版築得遺金
三百兩物雖儻來義非苟取公必以之輸官而舒
民急意若曰金得之於汴而仍歸之於汴以此明
不取而已矣君子曰此金與汴俱永所與者利而
所取者義帝王富天下與聖賢清寸心總無歧視
余樵蘇門公道以養母請假習其色養甚至今復
悉臨財之廉敬而紀之以告採風者

二十九日

治心如治天下然須先扶起虛己樂善之主而佐之
以容賢利國之大臣激濁揚清之諫議安內攘外
之將軍未有不奏掃蕩廓清之功者噫治天下固
難而治心豈易易哉子曰天下國家可均也而中
庸不可能也

十二月

初一日

春秋開卷春王正月四字是聖經第一關鍵而亂臣
賊子懼之大根源自康侯行夏時之言一苗說者
以為得聖人之微義發前人之未發愚竊有疑於

日譜 卷九

美

心者夫子從周者也春秋為周天子作也而裁定
第一筆先與周天子爭時夫子平時守為下不倍
之義不欲生今反古乃先自蹈之心則何安行年
七十弟子三千平居議論儘可發明古今得失乃
於亂臣賊子之案請治歷明時之法然耶否耶因
為賀景瞻作傳景瞻春秋歸義與康侯多相左愚
不能折衷其說敬以質諸後之君子

初二日

陽明嘗云某於朋友論學之際惟舉立志以相切礪
其於論議同異之間姑且置諸未辨初疑之今深

孫徵君日譜錄存 卷九

信其然也蓋人議論之不同如人飲食之各異
其所嗜者而必令之嗜神必不甘何如酸甜苦
辛各隨其便之為愈乎五味皆可以養生但不毒
生則已耳學人之病勝心難降執見難破辯析愈
多而去道反遠故但令之立本而栽培灌溉可徐
俟之

初三日

天下事非有心人不能辦非有情人不能辦然不可
以語天地聖人之大程純公之言曰天地之大心
普萬物而無心聖人之大情順萬事而無情此之

日譜 卷九

美

境界其誰知之足見純公之大

初四日

或謂子孫凡為祖父請乞一味譽辭殊失真面目讀
陽明子表揚先德疏飾非以欺其上者不忠矯辭
以誣於世者無恥不忠無恥亦所以為不孝信斯
言也則三代直道亦可施之於祖父否曰父為子
隱子為父隱直在其中矣以不情之辭罔祖父不
可也以証父攘羊為直躬則賊恩莫大於是從古
仁人孝子善則歸親過則歸己皆從一段至誠惻
怛而出舜何嘗見瞽瞍之不是

下缺

七六一

焉幸車牛載之歸則安肅人董培也

初八日

兩程夫子祠堂聯 表章前聖之功一堂中亦師亦友開闢後儒之事千載下惟翁惟元

初九日

郭熙侯問知天命曰天命著落在人事上倫常日用有一處經涉不到便於天命有不親切處到得五十則無不經歷古人所以五十始服官政也知天命幾與天命渾合無間成湯讓國亦是在人倫日用上顧誤

日譜

卷九

辛

十一日

偶書 野老疎慵日閉關手抄周易到兼山靜中恍忽忘人我從此紛紜可盡刪

十二日

仕止久速總無成心孔子之易也辭受取予各有攸當孟子之易也易者何義精而已矣仁熟而已矣單板道理雖未得時措咸宜卻不至喪其所守託已通漫無執持未有不壞其廉隅者請卦中多以貞為主意在斯乎

十三日

一切非意之來只求要排遣得過中便不恬或排或忤或橫逆觸之不動躬行其所無事此其自得深矣再之治水決排疏淪皆無事也

十四日

對祝客口號 眼暗耳聾已有年慙於此日集羣仙仰思報稱絕無事唯解朝餐與夜眠

十五日

諸公過予為祝內有八十五歲翁善談國理 循省生平多積愆霜寒何得勞諸賢丈人示我長生訣為學無成罔說元

日譜

卷九

辛

十六日

客謂天地間何物最奇曰萬物之生人為貴何事最奇曰子臣弟友何人最奇曰為孝子為忠臣為悌弟為信友此皆所謂庸也惟庸故奇無一人得外無一時可離而至聖大賢卻不能滿其量天子且歎其未能也離此而言奇詭僻隱怪者流君子弗為矣

十七日

客問人生何事最樂曰無憂曰何以能無憂也曰無次曰君子有終身之憂文王孔子不免而況其他

曰憂或有之夫豈有疾焉無疾自無憂矣故曰仁者不憂

十八日

問物與無妄曰朱子謂物物而與之以無妄也夫無妄者誠也誠者天之道天之道性誠萬物之生皆自誠中發出惟聖人能完具無妄之理與天同體與天同用故仍謂之至誠

十九日

寄史赤豹 生平恨未得識令兄先生而然屢有知己之言雖未敢告之於人固無時不在胸臆間也

日譜

卷九

壹

悠悠蒼天感歎何極先生才品具是二難吾鄉南北倚爲山斗第出門特意欲由蘇門而金陵而武林親師取友問水尋山一了夙願在茲至今眼暗耳聾已成廢人矣孟生得入龍門聲味自遠搗得佳詩歸來第日夕誦讀死見顏色適有便鴉敬此寄侯小言一册就質有道腐儒面目大都如此

二十日

復陳元置蜀人 弟腐儒無成從未敢怪言與貴人論交獨於先生則不敢自外丙子定與先生殉義先生覽詩數章憫死念生真古直也於未前仍存

一札到山中丙申秋抄又得自白下所寄書先生不棄故人別愈久而意愈真迴環讀之四十年情事宛宛目前第出門時原欲由蘇門而金陵而武林爲幼子就婚茅氏計不謂在苒至今眼暗耳聾已成廢人矣七十三歲人相隔二千里先生不能來弟又不能往不知相晤於何時何地念之不禁淒斷先生即君有幾居有定處幸一示之小言一册就質有道先生定謂仍是從前腐儒面目耳

二十一日

是日立春有聯云 春回自適身猶健歲暮無營意

日譜

卷九

壹

更長

二十三日

李頤菴爲予下榻兩家父子各三人 一榻南州豈讓先兩家父子六人眠乾坤何處無元氣叔季依然三代前

二十四日

問顏子所好何學曰學孔子之學而已孔子自謂用義不能從不善不能改其稱顏子也曰不遷怒不貳過又曰有不善未嘗不知知之未嘗復行孔顏之學一而已矣

二十五日

訂四老會劉自愚受玉卷孟晉長與子皆七十以上
人也會不拘時與至相過三老俱有古人風

二十六日

獨坐 隔見粉妝殿月磨圓來回想覺蹉跎十年
得昆吾劍霜刃一揮斷百魔 耳聾免聽俗人語

服暗不觀非聖書獨坐深深無念起靜中天地即

皇初

二十八日

瓶中梅 未能梅嶺幾追遊移來一枝入案頭閉戶

日譜

卷九

五

留香非癖好對君疑是許巢流

二十九日

示諸子若孫 歲暮余何言孽贖仍如昔肌膚漸不

實手冷面常赤獨此嗜學心免與日相迫陶公五

男兒我復多一索有能有不能幸不至乖逆見前

已六孫長瀾敦世澤阿淦年十八開薦欲前遊十

三日阿滔慧性忌太閤阿淦今九齡學步不踟躕

有同輒高聲慮我耳或格薄四流方三攜手各相

教口夕娛老翁我心亦悅憚瀾孫亦抱子家聲日

漸爽我躬固多愆祖慶有餘積陶公兒非痴古人

嚴為責我之子若孫亦豈皆圭璧莫知苗之碩見

寸而遺尺

三十日

除夕 明日是新年此夕可輕視循省一歲中於焉

告成事有疚與無疚猶知豈容闕今是而昨非君

子貫自消掃除此夕愆無往不攸刊

日譜錄存卷之九終

日譜

卷九

五

孫徵君日譜錄存卷之十

順治十四年丁酉七十四歲

正月

永年武汝清 校訂
後學 武陟王 翰

元日

在孫世政十金程監刊

定家祭儀注

禮云未嘗官室先建祠堂力不能營宜掃除一室以
受先靈昔家寒素先祠一椽雖值顛隕五十年
來未嘗廢廢者人今人雖即繼兼之洋心未定蕪
蕪中夜趨即次稍安移先位於斯室
庶朝夕得依靈爽凡我子若孫入廟思敬不待病

日譜

卷十

夫之告教因貧窶飄蓬不能復古大禱祭先之禮
的立廟儀顯身先之為一家倡總將不自安之念
不敢以為世之論禮也

晨起梳沐後入祠三揖自入小學便不可廢

朔望焚香等

元旦昧爽設祭因拜四仲月用分三日各設祭行四

拜禮令于孫供執事

凡佳辰命備寒食矣衣皆拜設時食

忌辰設食拜于孫寒食不宜享客

有事出門焚香拜亦刻之

吉慶事卜期設祭

兒女婚姻焚香以告生辰彌月設食以獻

新婦廟見設祭主婦率之行禮

凡祭婦人另行禮各如儀

初二日

友人論詩陶公久矣占高秋在匠時賢拜兩頭杜

老升堂揖二仲劍南陸子雷溪劉

初三日

客問爾聖帝君何以為伏魔大帝不幾於幻乎曰請

以理諭之人有恒言道高一尺魔高一丈學道

日譜

卷十

二

時不有魔無人不有魔人盡在魔中而人不覺只

以魍魎當之謬矣妄為真之魔妄淨而真始見欲

為理之魔欲去而理始存有人焉覺此念之為妄

也欲淨妄而妄愈熾覺此念之為欲也思去欲而

欲愈張蓋道心微而人心危微難著而危難安精

一執中虞廷所以伏魔也或憂懼三魔橫行今古

惟知始能伏或魔仁始能伏憂魔勇始能伏懼魔

而知仁勇甯幾何人比為周之魔同為利之魔騎

為秦之魔視聽言動非禮為視聽言動之魔喜怒哀

哀樂失節為喜怒哀樂之魔臣不忠為君之魔子

不孝為父之魔妻不順為夫之魔誰其知之而誰其伏之非陽剛中正之人未有不陷於魔中者關帝生平信義足色其言曰日在天之上心在人之中太陽當極魁魁自當退舍能奏掃除廓清之功須陽剛中正之人帝以陽剛中正之人而為陽剛中正之神切願以其盡一心之魔者盪舉世之魔則神之功力為矣哉

初四日

述前意 一尺道高一丈魔平生功力此中磨魔之盡處復何事雲淨天空見太和 妖妄廓清奏凱

日譜

卷十

三

歌甲兵盡沈挽天河清甯天地仍如此莫教無風再起波

初五日

郭公望問家祭之禮欲合族人歲一舉行及遠祖恐其僭不及遠祖何以合遠族曰秩得祀四世者則奉高曾祖考而止然冬至祭始祖立春祭先祖謂始祖以下之祖高祖以上之祖何嘗謂遠祖遂不當祭祭義久廢悖睦無人酌而行之不妨稍為通變慮其僭禮而寧甘廢禮豈禮也哉

初六日

郭駉臣近熙駉臣遇熙奉其父命來從學予謂之日師云友云為其以道義相切劘也離道義無師友之事離道義無師友之言師友因學而立名學因師友而成德不知學惡知師友

初七日

問始謂坐西嚮東左昭右穆禮固如此然廟南嚮而始祖居西偏不幾於襲乎曰此禮自天子諸侯而下皆與焉廟與門自有定制士大夫家無專廟禮宜其堂室而設始祖位於西亦猶行古之道也誰舉行於廢墮之後便得追遠之意予來蘇門八年矣賀景瞻有志復古而猶有請其迂不中情亦苛矣

日譜

卷十

四

初九日

會心亭賞梅有引歲前會心亭主人相邀因與梅花有夙盟也時以俗牽不及赴寄歸花神為我留香今臘梅欲盡而紅梅初發冬春佳景惟梅占盡憶去年來遊曾有句今再展之可為永例
紅梅初放臘梅收一歲幽馨占兩頭有始有終誰得似繁華閱盡飽經秋

十三日

李爽清話夜 一室悠然天地寬春新啟暮雨盤桓

鷄鳴且盡元無事莫把清甯心外看

十四日

偶書 太極流行物物中豈殊南北與西東於斯无

碍復何碍如是能通始得通教自有分休強合道

元不異將誰同閉來清理絲頭緒雲水干層總一

空

十五日

入夜 此夜何人不勝遊閉門亦豈為耽幽少年見

慣潭開事笑問諸君與未休 習俗移人莫自持

日譜

卷十

五

此中雅俗有誰知一分俗去一分雅謔謂道人語

又疑

十八日

客會 首有序自元日至今夕非作賓即作主雖有

名酒病不能多飲聊為歡以娛此暮年耳 性不

愛俗客日日客到門性不喜俗 時時飲用尊誰

謂皆雅人相接氣俱溫禽魚歡新節老幼豈厭煩

談諧理箇中飲食味所存入塵不見塵大化從此

敦但取煖老懷雅俗奚足論

隨俗即是俗耽雅亦非雅山水誠佳事緣與濁流

笙歌悅耳目裝笠留朴野濃淡雨不著物物歸陶

清民存三代直事黜五伯假人棄不妨取人懸不

妨捨昏聩之過識日夕悅杯竿

十九日

寄孫太公 向於薛行老樓頭得贈通龜倏忽八年

矣漂泊浮踪孽曠自廢前與行老約欲鼓短笳遊

軍懷 遊登時尚有日也茲有言者紹開以篤實

君子壯年遂作古人旅櫬既不能歸母老倚門倚

閭聞此凶耗腸斷心傷餘生能幾况家業蕭條獨

有一從子與其婿費昌天者度晨夕此段景况聞

日譜

卷十

六

者悽惻君至誠長者想不能不在臆念間也又竊

澤令朱君被地方士民甚德之為去後之思其子

弱冠徒步數千里來訪其父共人高其誼題詩盈

卷是矣是子令人敬而愛之今曉聞歸粵因隸平

樂公編氓思一見顏色遺蘇之教得之過庭有素

值此使鴻翁臺想不待傳語報平安也紹開母老

而無依應動仁人之惻憫於家報中煩囑紹拂更

見長者施恩於不報耳小刻答問一種誰交交腐

言敬以質大道

二十日

予友一刻感應篇一刻功過格其意皆主於勸善有
人焉誣之曰非聖人之道為善不求人知一有求
知之心便是近名與闊濶之題絕不相符予曰感
應者以鬼神佐君相者也功過者先彌福而自治
者也意固不謬於聖人易云積善之家必有余慶
積不善之家必有余殃書曰作善降之百祥作不
善降之百殃詩曰禍福無不自已求之者六經之
中此類甚多訓世之言因人設教此時就經言而
闡發詳說啓佑頌蒙其心更苦耳使當大道為公
之口易知簡能與仁興讓則此說為資矣慨小說

日譜

卷十

七

雜傳即促穢惡有害於人心風俗者種類浩繁人
卻不厭何如觀此而令賢愚好醜共與為善之思
乎君子莫大乎與人為善道愈高者辭愈緩深得
孟子覺世之意

二十一日

七隱逸傳序 余幼而讀書妄意當世之務迫四十
五十無聞志不獲騁而良圖弗集念遂中困遠取
呈甫遊阮孝緒置遠薛應旂所編高士傳讀之欣
然有會錄與許敬陵而下數十人莫不稱善亦歸
亦友竊慕為太平無事之民京闕之樹杖屨再斯

其不增書願與時違故國既難久安遂攜幼過共
城之野得交公望氏士標商考古昔逸士公望另
開手眼以不謬於聖人隱片求志行義達道者為
則蓋所謂龍德而隱者也德為龍或飛或躍或潛
時固不同總之此龍德耳所取僅七人分四科曰
周茂叔邵堯夫傳之一郭林宗陳太邱傳之二管
幼安陶元亮傳之三劉靜修傳之四六遇各有時
人各有志公望願觀上下而有麟鳳松栢之歡以
余觀之古今邈矣有道仕無道隱何代無高人逸
士廉頑立懦而獨取此七人為合孔氏之隱蓋亦

日譜

卷十

八

其志之所存也魯論孔氏之書載楚狂丈人晨門
荷簣儀封沮溺之流其下車反見各有情節此七
子者孔子之所謂隱者也然非孔子志之所存也
安所取焉而書之予嘗審思其義孔子東周之志
太熱而七子忘世之心過冷七十二君不用卒與
羣弟子修明六經歸老洙泗之上俾天下後世見
其志夫亦各有所取焉爾公望前有八俊傑傳余
為序今有七隱士傳余復為序俊傑而笑止於八
人也行義達道仁覆天下者乃八人也隱士而異
止於七人也七人乃隱居求志天下歸仁者也求

志者求其仁行義者行其仁此孔門用行舍藏之
旨孟子謂禹稷顏子易地皆然八修七隱士亦
所謂易地皆然耳今有人焉燕西山釣東海攜手
雲林舍公望孰與歸

二十二日

戒營二首有序求多心憂思煩神亂暮年尤宜戒之
故作此詩 人生百歲內日日事營求爲謀此一
飽夢寐慙衾稠所以古至人不戒亦不憂飯糗將
終身五月可披裘有酒便且酌客至任去留機忘
自閒靜吳越可同舟語憶裴晉公行止與天游

日譜

卷十

九

少壯甯幾時倏忽七十四尋墮作家翁疏食餐殘
齒齶端宿白雲坦坦幽人履立善不必欣但無雜
念累苦吟我未能多慮亦復忌任運一何心流行
而坎止大治無私情森著有妙理

二十三日

復耿太照 千餘里來篤念先德而敦睦族屬者僅
見之效藝堂玉人而張一能忍耿君推誠其分量
又自不同矣所委家訓序稍暇親命祿兆令弟雖
未識面已識其心候忽作古深婉情令姪定能
世其業附布眷懷之私聊當積厚之薦

中六父子有兄弟有夫婦詩人以妻子好合兄弟
既合而得父母之順此最卑邇之事而實至高遠
之事予讀宋史太平興國二年三月詔旌員州清
河民田祿門閭以其十世同居故也七月金鄉縣
民李光義十世同居詔旌其門清化元年詔貧江
州義門陳寬粟九世同居長幼凡七百口上下婦
媵人無間言賜寶初嘗免其徭役至乾壽苦乏食
知州康諫言於朝詔本州每歲貸穀一千石予嘗
聞齊家之難難於治國平天下不知諸君子何道

史冊中述此事甚多每欲彙一帙以示勸

日譜

卷十

十

太康耿君太照兩攜其孫曾過予亦六世同居者
家有效藝堂

二十四日

復鄴守宋艾石 溢水事因舊會調停其父子兄弟
之間今潰裂至此生死在念不容忍然敢以質之
蓬元先生轉達記室不謂臺仁虛懷太甚墮某愚
衷且欲下陳蕃之榻此誠豈敢望之令人敢

二十五日

或問老人自處之道應如何曰節飲食省思慮曰飲
食之節卻無難事思慮朋從如何得省曰靜坐觀

心僕念起時或理或欲難欺獨知其是欲則窮究其根於何生源於何發無非以聲色貨利為善落則急提吾本來面目之注令他信主推求攻泊不遺餘力則私欲未有不退聽者一分欲去一分理存欲盡去而理盡還思慮不期省而自省矣迨友人送百韻圖索題予曰誠者不二之理一而已矣如何百百之云者無念無事而非誠也日積月月積歲總一誠也少而壯壯而老總一誠也誠則無妄何則從之可言則存誠者又省思慮之本也故曰天下何思何慮

日譜

卷十

十一

二十六日

與崔竹湄儀封治狀庶乎追古循良以治民者獲上上獲矣益得以治民縱有難事如河決等項時勢使然第殫心力為之自有頭緒豈可畏難自阻灰作事之心并未及泉終是棄山須一簣始為成吾大勉之

二十七日

或謂道不可須臾離法更不可須臾離人豈在道外道無如人何猶持有法以經之俾知懼焉如無法則淫亂暴戾殺戮極予曰法當其罪法亦道也

從來淫刑以逞漏網者偏多姦凶入網者偏多良善民無所措手足正坐此春秋夫子之刑書世用以懼天下萬世之為亂臣賊子乃所以教天下萬世之為忠臣孝子離道而言法吾不知之矣

二十八日

過郭公望多景樓新鄉諸君各招飲緊堂扁

三十日

任光壁索書齋聯善善氣迎人靜對聖經暨賢傳素

心照物開披晉字與唐詩

二月

日譜

卷十

十二

初一日

為郭照侯題慕遠室聯未未竟斯功須寡過欲成其

是在知非

初二日

孟善長諸公過草堂訂四老社

初三日

世德堂聯揚馨玉佑佑啟後人垣墉模新規模遠於

昭前世苑葉盈梅咀味長

初四日

垂裕堂聯周顯承謀謀國無私廉署有懸金鏡色傳

家有訓槐庭復惹玉爐香國吏部有古藤或稱
曹藤署云

初五日

為任光壁聯壁題孝友堂聯 德亦庸言亦庸不

日用常行內仁之實義之實直造先天未畫前

人知孔子有四友不知又有六侍志意不立子路

儀服不修公西華侍禮不習子貢侍辭不辯

侍亡忽古今顏回侍節小物冉伯牛侍曰吾

六子白鳳也夫孔子大聖人豈果借屬於六子

盞一勺水一撮土無不可仰助高深彼予知

日譜

卷十

三

者皆未聞於孔子也回由賜既列四友復為六侍

見孔子樂取人為善之意

初六日

家祭 春分家祭庶羞陳童稚重添一輩人學語未

成知學禮先靈應喜羽毛新

十二日

問曾子啓手足之際曰吾知免夫所免者何事子張

臨沒曰吾今其庶幾乎所庶幾者又何事也曰二

子素領朝聞夕可之訓至此日而方若有解免夫

者免於毀傷庶幾者庶幾不致於死生之說能周

云善吾生者乃所以善吾死二子雖終有性悟心

無散亂心所謂以善生者善死耳此段公案要人

參得圭峯老人云作有義事是惺悟心似無義事

是散亂心散亂由昏轉臨終被業牽惺悟不出情

臨終能轉業即名教語豈有異耶

十三日

立身之道須清心清心之要在寡欲欲寡則神閒志

靜容色辭氣之間自與紛逐者不同或曰其為人

也寡欲雖有不存焉者寡矣其為人也多欲雖有

存焉者寡矣寡欲以前功夫當如何用曰學問思

日譜

卷十

古

辨以存吾誠而已矣

十四日

立德立功立言總之以氣為主氣猶水也水盛則物

之巨細無不承載不竭不涸務自己達若無氣則

奄奄如泉下人其生也已朽矣

十五日

太凡言者之情皆所以致吾愛愛其德者圖其改愛

其事者願其成愛其用者珍其器其人也必寬平

碩大優厚之君子若下急禍累之小人則詞多許

而語多狠褻如市兒相言祇自供刻薄殘忍之隱

而人已早見其肺肝矣

十六日

或謂宋隱上種放前可述而後不足稱也予曰何言

曰初隱終南講習為業資以養母宋惟幹言於朝

遣使召之其母嗔為人知不得安處悲甚放乃稱

疾其母盡取其筆硯焚之轉居窮僻人迹罕至後

以張齊賢薦至京師幅巾入見賜坐詢以民政邊

事放對曰明王之治愛民而已惟徐以化之餘皆

謙讓不對即日授官資予甚厚明年請暫還山許

之後數朝京師東封西廂無不預述飾與服置田

日譜

卷十

五

長安時論鄙之予曰放值宋室盛時何必一意求

隱其隱也從母志也暨奉召入見賜坐承顧問亦

可謂一日之泰交以素與其徒所講之學因事約

忠悉心以陳有何不可而謙讓不對求封西廂絕

不問出一挽回補救之語受官受賜優游自適是

討便宜人非知學問人也果知學不必隱不必不

隱當自有道在

十七日

從來有一件好事未必能提攜多人有一件不好事

卻足牽送多人宋室祥符中凡有大禮輒奉天書

以行王欽若欺罔之罪不容誅寇準王且豈不始

矣且臨終語其子曰我別無遺姓不諫天書一節

其過大矣我死之後當削髮披緇以檢噫雖悔何

及且長慮甚多故於此為惋惜

士大夫投謁一事所關名節甚重故甯令人訝其不

來莫令人厭其不去祥符中王且依宰相張師德

兩詣其門不得見且語人曰師德名家子有士行

不意爾及吾門狀元及第榮進素定當辭以待之

若復奔競使無階而入者當何如也明道初李至

還朝閣門祇候李獻伯謂曰舜工文學議論稱於

日譜

卷十

六

天下諸公欲用為知制誥但宰相以未嘗相識豈

一在見之垂曰我若首謁丁崖州則乾興初已為

翰林學士矣今已老大見大臣不公常欲面折之

焉能趨炎赴熱看人眉睫以冀推挽乎道之不行

命也

十九日

中世士大夫以官為家無官是無家也寂寞鬱悒恒

情皆然呂蒙正罷相太宗謂左右曰蒙正布衣朕

擢為相今退寂寞想其目望穿復位矣左右希旨

謂為然且以為愛正也錢若水對曰蒙正雖驟登

顯貴然其風望不為忝冒人品崇重何有寂寞不聞其聲也况若穴高士不求榮達者甚多唯若臣輩苟且官祿不足以自重耳若水可謂自愛以愛人者哉

二十五日

士君子富則窮陋寒之日須具一段陽剛之才堅忍之性方能移禍為福轉敗為功不然有載膏及闕耳故否之上九則能傾否屯之上六則不能變屯也

二十六日

日譜

卷十

七

或問經書中何語最為親切曰不為酒困戒之在色戒之在鬪戒之在得曰明德修道精一執中最多體要之言顧不重耶曰嗜酒冒色貪財負氣之人所關心術行檢甚大此之不悛德於何明道於何修人心之危危於此道心之微微於此於此致精於此致一於此執中孔聖人之所難者我等莫視之太易也曰孔子學易之功從何處著手曰持此三戒不困於酒便是學易實際處

二十八日

為高太齋人作誌銘

三十日

為韓處士作銘

三月

初一日

報高似斗少司馬 人生無甯存不老之理聖賢所貴者生順而沒甯耳太君享上壽善積有慶生榮死哀天固以報母氏之德正所以慰孝子之心節哀保重以襄大事僕區區千里外相關之情也誌文殊屬草率恐愆葬期不敢稽延使者勿復不備報韓子新 海內十年求識河蘇門一見即傾心此

日譜

卷十

六

誰自不草草第以挾報情迫不敢久稽所委誌文敬與願卷參酌報命因素未識荆恐失真也不盡

初二日

父母之於赤子無一件不是養志人子於父母只養口體此心何安無論慈父慈母即三家村老嫗養兒未有不心誠求之者故事親若曾子所以僅稱得一箇可字

事親之念不純少艾妻子得君之念為之中移千古所以鮮孝子事君之念不純曰身家曰爵位曰權勢曰恩怨曰名譽身家爵位之念在己人權勢之

在茲人恩怨名譽世之
有一於此而以語純臣難矣

初十日

望兒至 爾從故園來得悉故園事族黨清安伏
願與同歸墓門一片石於焉得所真照我二親久
有子不及親念之神為傷髮髯不能寐兒代我為
子我於干道愧

十一日

薦馨除名有詩二十首寫懷 閱看除夕除名詩此
意惟應高子知半世功名成底事除名卻是成名

日譜

卷十

九

時

十三日

北來人道陳國真近况 堪憐陳仲子懷抱向誰開
涕笑俱不敢十年志幾灰

十五日

舉曾孫 壽生思先德慈仁裕後昆懸予何足似曾
祖抱曾孫 先大父六子十八孫曾孫已四十六
元孫已倍之矣 先府君四子十二孫曾孫已十
一元孫已五子不肖子六人孫已六曾孫已二

日譜錄存卷之十終

孫徵君日譜錄存卷之十五

順治十六年己亥七十六歲

正月

後學 武陽王 輯校訂

初一日

四書近指上孟子起

初七日

與李霖九 弟嘗謂風俗之厚士君子與有責焉就
蘇門論史稱姚許化民成俗夫所謂化成者必其
興孝與弟與仁與讓者也以觀今日民猶是民俗
猶是俗而化未成者無姚許其人故耳弟輩衰朽

日譜

卷十一

一

腐儒有姚許之心無姚許之力老親翁則心與力
而俱足者也兩河士子皆公門桃李弟數年來聞
此中人士莫不極稱冰鑑凡素在提拔各切知已
之威所遠延而未肯輕調龍門者因武士之體厚
肅諸生自不敢以譏見昨聞公望一六兩生承延
款兩河士願願向風老親翁一鼓舞提撕之此中
前輩理學經濟俱稱有人今之士猶昔之士也其
所成就豈姚許當年一方一隅者比耶此日今第
一美事老親翁可優為之弟輩不能也老親翁非
不能也不為也恃知愛之深不覺言之至此

十五日

贈李國華蘭上林 共城春色與時新
殊愧深山老病身未讀三千餘
歲事徒感七十六年人逢君雙
美襟期遠飲我連宵氣誼真
靜對有懷相視笑乾坤此際
覺非塵

李國華謂予曰某讀魯論而深
有味乎鄉黨一篇予曰何言乎
曰孔夫子千古神聖無兩人謂
其為天
上人而鄉黨乃記其日用飲食
起居語默絕不與人異千載下
人始知夫子非神非奇庸庸言
行之人亦在鄉亦在朝庶不向
天上日邊問行踪耳予

日譜

卷十一

二

曰君真見夫子矣又云孟子一
生學問只是要與
民同之無論好色好貨好勇好
樂只與民同便是
王道予曰君真見孟子矣予向
來讀論孟每舉此
語以告同人人多信不及不謂
君數言道盡易曰
君子以朋友講習子曰群居終
日言不及義友之
損益分途正在此元宵日得此
快談何樂如之因
錄之以存一段佳話

二十四日

上孟近指完

二月

孫徵君日譜錄存 卷一一

初二日

輔仁社試諸子 后以我成天地
之道輔相天地之
宜以左右民先王以作樂崇德
殷薦之上帝以配
祖考與君子以嚮躋入宴息慎
言語節飲食是
是二

十二日

郡伯朱石者顧我夏學修其先
人聲氣之好
十六日

贈劉公勇 有引 穎川劉公勇別
七年矣前一日與同
人語大及之相思即至可謂神
合聯牀話夜情事

日譜

卷十一

三

曠逸為三絕貽之 共榻山城對
月明劉郎高韻
迥難賡開將傑士論今古同
父憑傳到止生 十
年磨劍刃方新入世方知出世
身海內故交零落
盡卷舒千古讓何人 簑笠相
將七十餘太行深
處結茅廬待君治定功成日訪
我雲林好讀書

二十一日

下孟近指完

二十二日

答郭公望 昔人絕糧至有鄰
移之者聞柴桑之高
僅得解意之主人而未聞生享
授矣如弟者也弟

七七五

踪跡不類古人而老親翁之與未嘗傷惠來使復切致主人之命不容請辭暫許仍歸而請

二十三日

薦馨歸里 予來蘇門十年矣薦馨之視予每歸依依不忍別戎戎之憂攜家來就有止而安焉之意薦馨性澹遠無俗好與此中山水有緣且此中人士無不慕悅而樂與之親者今來未幾即回展墓竊思古人貞不絕俗隱不違親予十年在旅竟未得一過即能無愧與因不能與作故於其行也為書此語以誌吾意

日譜

卷十一

二十七日

近指大學完

是日得書書一則入取節錄續集一新鄉王仲立一

漢縣書

二十八日

為朱石者作功過格序 入歲寒二集

三月

初九日

樂學字說 余季父女弟是為爾之祖母又季弟女弟之伯母爾祖以無端慘禍死於法爾汝

叔俱被陷爾祖母以殉義著節爾伯母以婦羅家難仍返於室此爾家之沉寃異苦行路傷心而鬼神難訴者也爾以幼穉寄居外祖遂不及知今幸爾毋無恙爾父歸歸天心於爾似乎有意爾外祖命名存慧其操心危慮患深之意乎余謂慧必從德出則術知矣字以德生余與爾祖至戚莫逆每見爾為之悽惻因為之說

神難訴者也爾以幼穉寄居外祖遂不及知今幸爾毋無恙爾父歸歸天心於爾似乎有意爾外祖命名存慧其操心危慮患深之意乎余謂慧必從德出則術知矣字以德生余與爾祖至戚莫逆每見爾為之悽惻因為之說

命名存慧其操心危慮患深之意乎余謂慧必從德出則術知矣字以德生余與爾祖至戚莫逆每見爾為之悽惻因為之說

德出則術知矣字以德生余與爾祖至戚莫逆每見爾為之悽惻因為之說

見爾為之悽惻因為之說

見爾為之悽惻因為之說

十二日

中庸近指完

十三日

日譜

卷十一

五

與張甥 蒙養為聖學之始他年成立緊此時讀書發跡固其急務而事親從兄敦本尚實尤為吃緊爾可以身帥之迎機而教勿躁勿忽要以涵養已之性情為成就人之子弟學問之道思過半矣勉之勉之

十四日

是日清明同族屬長幼舉祀事各設考妣位附之使

待各展孝思

十五日

范陽三子過廬夏峰因憶其王父有進 進序 三子者

一馬一薛一李馬爲予姻友王壺君之孫薛之大
父蓮慈李之大父謙所二君皆相善今棄世廿餘
年追憶生平淋漓杯酒有荆高風撫其孫枝肫懷
祖德口占二十八字 不述三人白下來名駒千
里自英才故交零亂新硯發蘇嶺依依易水隈

十八日

輯古今學人語錄爲近指補遺是日起

二十日

寄談長益 於王翰明接見懷佳什已逾十年于元

引父母接郵致手書又復四五年前南北數千里

日譜

卷十一

六

悠悠十餘年精神之通揮若比鄰猶如一日也伊
時即報函附施父母費寄恨弟暨賸自廢息影深
山無能鼓山陰之棹徒於暮雲春樹想見伊人頰
色耳忽接手翰知取道衛潯竊喜天作之合遂我
輩風雨山川之懸適弟在新鄉友人處遲之道左
傾蓋之歡知已或有意乎即遣小兒往晤先道悃
款愚公先生漢赤職海內文章道德弟久拜下風
當乙丙之際爲諸正人壇於舍親李文敏鹿忠
節諸君子聲味投合尤出處外藩使公家學淵源
不敢仰塵世誼但投塵新野列在編氓殘喘苟安

實遵明德韓子新自客歲北去音問杳然得聞近
況殊慰翁藏若戊戌四月遊泉上聞與一報知把
臂恨未識其人今不知遊止何地也叔夜翰明兩
函收貯并謝郵筒晤教在即可勝延跋

閏三月

初八日

陽武王君佐原武張天章徒步過訪夏峰 何絲二

仲寄深情聯步從容百里程貌是今人心是古孤

村濁酒月初明

是日許在竹同來從遊

日譜

卷十一

七

十二日

冀渭公招飲 君家前輩誰何深曾憶撤山吳恩茂

祖德由來垂令緒孫謀應自接徽音十年契託非

謀面此日杯歡欲同心續著西吳推第一故人有

子可拔標 故人謂嘉善魏忠節也

十四日

跋樵山先生題梅軒子卷後 精入歲寒二集

四月

初一日

署論范射虛道訪夏峰 詳符人

初六日

陽武楊青菴洪縣杭行麓城郭贊之獲嘉賀蓬仙

同日過訪

滄州日崑峰名金聲過訪夏峰惠詩

三韓林中瑤中瑛各寄詩

初七日

聞之談詩者曰此道有三字訣曰難曰悟曰創於此

三字不解不足與言詩為文亦然

初八日

詩文之道予原不甚解第見邇來談詩談文者信口

日譜

卷十一

八

任應略無虛公之意一言一字與已見不合者遂

并其全集棄之無怪乎王安石詆春秋為斷爛朝

報歐陽永叔謂周易怪僻非周孔之書總之見周

一隅不足窺大道之高深適以貽笑千古耳安石

執拗不足論永叔文章行誼有宋傑出之士亦作

此孟浪語耶願吾黨鑒安石永叔之失言莫肆雌

黃以奪厚道便是學問縝密之處

初九日

暗張紫浚有序江左張紫浚名時余姻友茅止生

友也止生棄世久紫浚之存亡雖野絕不聞忽一

日公勇寄其歲暮懷人詩三十二首衰朽與焉其

敘述之語盡得之止生古人重知己之言予何能

忘情紫浚也紫浚往矣九原不可作為一絕寄其

弟屬伐令焚之墓門將予二千里掛劍之意江

左名儒我所知燕南腐士爾何思青山埋骨遺文

在情見懷人歲暮詩

初十日

楚揚天放國沛以詩論交易姓改名遷公也時以句

即用其韻 天涯混跡一闍身恰似當年避世人

君把釣竿尋藟斧乾坤何地不生春

日譜

卷十一

九

十五日

涇陽謂太極圖說元公之中庸也通書元公之論語

也上下二千年間一人而已矣石齋謂濂溪安可

比堯夫卷舒萬古與亡手出入幾重雲水身此處

只有堯夫到得大凡人信其已通抵所不解事

皆然顧黃二公之論周邵亦各解其所通者而已

後人亦不必開爭辨之端也

二十日

朱陸同異自陸子美開端明刺濂溪無極太極為老

氏之學晦翁尊崇濂溪遂生異同其後子壽子靜

原本伯兄與晦翁格物致知之說爭源分流學者
從之徑路愈分矣陽明格物之說既與晦翁左便
與子靜合後學射登議論紛紛同室之元黃未有
已時此兩路人皆不遠於聖門之學正可相資為
用豈可相詆成讐天下事惟邪正兩家調停不得
既是一家何不可相忘而共偕大道往者不可追
已來者當其鑒之

著述之多莫過文公而接引後學之功亦莫過文公
但其意既以開發鈍根為事則其言平易質實遂
有為利根人所摘者文公資學兼到故晚年有誤

日譜 卷十一 十

人之悔痛自懲艾此真夫子之所謂聞道也然此
一聞也正從深造之後方有此豁然貫通衆物之
表裏精粗無不到吾心之全體大用無不明蓋其
實錄耳必欲以未聞道之言強合於既聞道之後
是徒知尊崇文公卻失文公之心亦未見其為聞
道也

二十六日
近指補遺完
四書近指序 稿入歲寒二集

二十七日

謂范財虛 自然非近 不是寒沉淪人俗道先建
為文見古人世情多艱嶮吾道久窮素相見前陸
脫憑君暮氣新

二十八日

訓揚天放 豈是孤懷賦靜寄川原到處好停車
卿徒倚名因著向子游山家已疎舊國風滿送野
乘荒天烟雨愛吾廬夏峰古木多荆棘蓬徑類為
羊仲勤

二十九日

午膳 十載何堪守舊廬猶驚風雨到無海非因避

日譜 卷十一 十一

秘俗賦高枕老去慵心見客疎

緝甲申大難錄二編

五月

初一日

每到事有難處便覺神思昏惰氣意消阻此之咎在
心體未透用功未純故有事與無事分小事與大
事分體不足以運用而用每至於過濫果能深造
自得當無此病痛

初三日

與執行篋語一則 行篋模茂之質隨謙之操行年

六十而詩如進夙昔功力亦可見矣行養自謂隨
愛淵明與子美余謂淵明子美聞道者也審直聖
於詩詩不問道亦小技耳吾願行養先究心二公
之人再究心二公之詩

初四日

問說性者紛紛反滋情亂請折衷於一以為適從余
曰書云若有恒性易云成之者性知成之者性則
知若有恒性矣夫子之性相近子思天命謂性孟
子性善與易書所云不適合之而自無不合亦無
庸分之而自無可分也自依儒論性者初起於是

日讀

卷十一

三

予有氣質之性論氣質不能無善惡而性之說
反晦靜言思之惟皇降衷之初自純然一而善也
一受於人清濁厚薄稟各不同豈復能完其元來
之德君子蓋所以事天之道以終之自天也蓋所
以立命之道以受之自我思為者論性全是論復
性功夫以為變化氣質之用各就所見對症立說
於聖賢亦非有疑讀者但不必泥其語自生齟齬
耳

初五日

為李銘巽遺詩序 入其卷二集

初六日

靜修之言曰天生此一人而一世事固能辦也蓋
亦足乎已而無待於外也魚鱉螺蛸治濕氣而生
於水麝香羚羊治石毒而生於山蓋不能不以勝
彼之氣則不能生於其氣之中而物之與是氣俱
生者夫固必使有用於是氣也猶朱子謂天將降
亂必生弭亂之人以擬其後以此觀之世固無無
用之人人固無不可處之世也味斯言也真超然
自得火不能焚水不能溺於天何怨於人何尤

初七日

口讀

卷十一

三

讀明季遺聞云闖賊擇日登極受朝賀庶吉士魏學
濂死之濂固忠節公大中之子孝子學溆弟也先
是濂遣間使走容城聯絡義旅冀得一當翼輔皇
嗣既聞太子二王俱為賊得知事不可為遂就盜
其絕命詞有云忠孝千古事於我只家風一死輕
鴻毛臨難須從容有血灑微軀官卑非侍中有舌
且存之并遜常山公因約同志友延毀受霜鋒不
能張空拳與彼決雌雄不能奉龍種再造成奇功
死且有餘罪何敢言丹忠所痛母垂白七十仍尸
饗未葬凡五喪留與子姪封人生誰百年壽天死

所同我比兄與弟我年猶爲豐而室無復悲嗚不
生阿儂辭母卻就父生死猶西東骸骨雖不歸即
塞此詩筒墓木有拱時清韻入秋松讀此未嘗不
浩嘆而痛惜之也當倉卒生死之際爲從容暇豫
之謀一瞬失之千古莫贖矣伊時孫繩甫父子以
乞人裝過訪予山中詳念尼子一謀所以就予者
予曰萬一不能出當置此身何地耶後繼念尼曾
以此言詰問念尼亦悔無追子一此段心事予知
之而不能明言之故不敢入吾甲申大難錄然不
能不感流綺之爲此言也因記於此

日譜

卷十一

十四

初八日

宏光遺事 稿另存

十一日

隆武遺事 稿另存

十三日

永歷遺事 稿另存

十五日

李異幹攜家至夏峰 十一年來憶李郎五公三箭
興飛揚何期壯志成播落月下相看欲斷腸 漫
嗟李廣不封侯亞子豈非天所留作筆未成誰肯

搆徹桑欄戶豈爲籌

十八日

作甲申大難錄二編序 入茂寒二集

二十二日

讀明季小說跋後 甚矣中興固難言即偏安亦天
易也以宏光之狃習而佐以馬阮之姦邪百可法
何能爲若八閩兩粵餉匱兵單糧絕迫促益難自
立而芝龍之悍罔王坤之傾媚與馬阮一問耳張
國維瞿式耜亦惡能播揚日之文砥東流之柱哉
求如晉元帝宋高宗偏安江左難矣况望光復舊

日譜

卷十一

十五

物日月中天難之難矣人有言小人有小人之才
馭之有道亦足以集事不能馭祇足以亂天下而
已殆明季之謂與人事之不臧見天數之有定總
一莫之爲而爲莫之致而至者也愚又有說焉宋
室之亡也亡於帝昺覆舟之日永歷遁舟山舟山
雖存而亡亡而存永歷則仍自在也桐江一線繫
漢九皇當此之際不能不令人思王坤耳使非坤
多方促永歷之避徙其不爲隆武之續者幾希李
明唐之說不能得之於思宗而王坤乃能行之於
永歷則存永歷者坤也非謂有式耜之議遂可無

坤之議未可以悔王而棄棄之

二十四日

大臣當國須有一段沉深博大之氣不止容君子并能容小人不止容小人并能化小人為君子纔是聖賢心腸豪傑作用輕分門戶先橫已見奔小人應得之物予小人難堪之名無怪乎彼之無復顧忌而恣其反噬之毒也仁人君子有教養之責者俱宜念之

二十七日

李過廬見訪過廬大父愚公與愷陽伯順為友因憫

日譜

卷十一

十六

予過廬修前好

楊莪嵩枉顧惠儀辭之

二十八日

東王蓼航 過廬傳按君見訪弟萬無坐待之理但以望曠廢人晉謁當事又懼失禮於已得罪於人先生幸婉為之辭弟刻下即出城矣

六月

初一日

李君煥枉顧惠儀辭之
報趙令若 承示桑老公祖以續修通志見託若以

治弟為有學有識之人故相屬以不朽之事甚盛

志也但治弟聞味空疎於此事既非其長兼之弊

曠衰遲心思散亂曷敢冒昧以承桑老公祖持世

之心經世之力正是此道宗盟治弟執鞭有心佐

籌無力自諒此非誑語也幸老父母婉為之辭古

人薄感恩而重知已今日桑老公祖下詢之誼治

弟自知甚明非甘自外也敢佈腹心預告左右

初二日

談長益客藩使李過廬署中兩寓詩期過蘇門賦此

寄懷 一水不能渡十年懶負君北風衰短髮南

日譜

卷十一

七

雁念孤群暮氣愁難鼓新詩喜再聞覃懷遙望是

山口正停雲 君懷非近俗古道劍光寒每說看

山勇因知取友端詩從多難老夢向去家安烟水

窺人事源泉理釣竿

初三日

寄王生洲 嘗之北歸奉有手教後又得介公寄來

字具悉旅中眠食清勝昔人敘列五忠有忠而過

者老親翁之謂歟山中每憶吾兩人相別念餘年

相隔七千里七十餘歲兩老人尚堪此幾別乎南

翔雁杳繫帛未能天假之緣忽艾石宋公以公語

抵蘇門握手相歡語及龜山先生集艾石謂與老親翁素在莫逆言之歷歷第二親翁展墓有懷歸裝無力艾老慨然力任此段高誼古人中不多見也荆璞之緣未遂天正留以待艾石耳弟輩矣雙膝蹣跚日甚一日獨嗜學一念不敢不勉向有緝數種同志者欲陸續灾木弟懼其無當也艾老行過邸中作字前為詩二章亦不及錄去在家人在外孫曾輩俱壯孝經著並望寄示弟近為四書近指一編與毛念恃四書想頗有合焉聞此兄復有書經想不知可得讀否

日譜

卷十一

六

初九日

甲申大難錄二編成有感 四朝培養腐儒身依舊
饗餐逐世塵輯得此編明士氣高皇遺澤屹然新
詔君何事死爭先一夕分明勝百年屠販乞兒
知大義由來節烈野人編 設詩穹蒼無王張廢
與維特此綱常禹疆莫後誰長守一代忠魂百代
香 雖云競勝是良謀萬里驚心天際頭帝昀未
亡仍寄宋誰憐海外有孤舟

十三日

為重訂四書說約序 予友鹿子說約久已梓行其

旨蓋取子與氏博學詳說將以反約之意夫博與約非二也博原自約出非約不能博約原自博具非博不能約是義也孔子固嘗言之顏子亦身承之故曾子之修齊治平一本於誠意子思子中和位有一歸於慎獨迨至堯放勳舜重華禹平成博矣而一廷授受執中而已矣不獨帝王四時行百物生博莫博於天矣而經天之命於穆不已萬古此行生也萬古此於穆也一越其宗即為畔道即諸儒繼起各以所見為發明如周之無欲程之主敬朱之窮理陸之本心王之良知皆從浩博中體

日譜

卷十一

九

認精微所謂殊途而同歸百慮而一致正此說約之旨耳今王子天錫復刻此編於楚意謂伯順之說得之陽明最深而說最相符合予謂由陽明而子靜而周程張朱豈有不符者哉由孔子而堯天地質鬼神考三王俟後聖亦豈有不符者哉總之本諸身者是則言無不合言合而本諸身者非即合亦離也切願學者因伯順之說而觀伯順之行予自丁酉交伯順至丙子殉義之年蓋四十載深知其為渾成虧齊得喪一死生之人故其所說皆躬之所行未可以言証文字觀也伯順生平極服

鷹朱子晚年定論謂王子為朱子功臣又何有朱
陸之異而約之不合一哉

十四日

雨後友人惠新茶兼以二詩見懷酬之 豈敢言選
俗素居恐近名氛塵知已少書札異人情連雨添
山氣先秋想雁聲竹根吟不穩群動正縱橫 又
復將秋至山川老此身迂踈人寧廢衰病藥苗親
雪乳欲還澹沼泉酌尚醇 公先以酒
酒見遺 閉門懷古誼
何以謝宵晨

十五日

日譜

卷十一

子

王春之擢蒲令 四載馳驅身多君風骨尚雌
胸漫嗟當路乏知己且喜清評不誤人官有崇卑
惟事道品無顯晦總歸真治蒲仲氏稱明決異地
千秋應結鄰

十六日

將遊西山 久矣登臨倦復然發興新計程未百里
不速已三人鹿石堪為伴溪雲遙與親乾坤仍寥
落何事嘆沈淪

十七日

寄懷呂崑峯 許我重來過草堂藍邊黃菊暗生香

論交別有襟期在君到蘇門亦故鄉 衰病何堪
喘一方吟詩漸減老夫狂 羈懷鄉夢都無賴秋色
連雲接太行

二十日

簡楊義嵩 老至躬耕衛水涯纏茶君復惜年華山
川獨放蓬官舫鷄黍重尋野客家竹隱鏗簾開鳥
雀塵飛談笑帶烟霞窮廬近識身多累得借桐陰
晚種瓜

二十三日

報輝令 恭承撫臺老公祖惠已及門既無坐受於

日譜

卷十一

三

家之禮而病未脫體又不能展叩借求見之忱坐
是躊躇益深踟躕所委通志事未見來文無所據
以為辭敬拜還花幣惟老父母婉為致之不次

二十四日

簡王夢航 撫軍至輝儼然花幣辱臨以纂修通志
相屬其意甚善弟衰朽既不能應其聘不可不一
在見以答其誼無奈連日病轉甚前之不能見彼
君時猶無病今病矣茲觀於見撫君先生定當相
會倘語次及之望為弟婉辭暨不能赴謁之狀懇
懇不盡

二十五日

客有謂今日之通志他日之信史所關匪細先生何辭之堅也予曰論事易而任事難此事非才誠胆兼備者不能勝也薛方山一代儒者自令慈谿即有志浙省通志歷十年七膳稿猶得同人贊助事甫竣還函遺且濫之懼僕識闇才短胆薄既乏任事之具況年逼八旬思慮昏眩旨味永任事必苟且此何等事也而可以苟且塞責情固難破好惡易徇一為清議所短必招鬼神之罰凜乎可懼予固熟籌之矣

日譜

卷十一

三

二十六日

隱士一則 見靜修集 金元間有李俊民者澤州人以明經為舉首至元朝累被徵不起躬號莊靜先生蓋有道之士也甲戌之秋南北分裂莊靜避地河南隱約自處澤州長官段直迎而師之澤俗丕變

二十八日

與李允繩訂說約 卷拔說約味逾新光氣千年不落塵指點有靈非筆墨濟川從此問行津 當年揮塵與邵嗣北海亭中草木仙謠語法言堪抵掌一方蒙昧借開天

二十九日

訂靜修集 先生何處不春風尊道原於行道同生與許平仲約 遺文數卷今猶在元氣流行筆墨中自任尊道 屈指集成僅百年黠輩銷落有難詮幾迴欲訂重鈔約愧我昏庸見未全

三十日

自省 日用尋常慣作忙始於正助漸成忘恭詳好向鷄鳴起克念還疑罔念狂 抱慙清夜許誰知怪道人人敢自欺未慊幽微忽得譽聲聞仗集取何辭

日譜

卷十一

三

節婦李母贈言

李母張太君保定之清苑人適本

縣儒士李公諱世珍十九歲而孀四十餘年苦節人無間言沒二十年而旌命始及之仲子邵承行可痛母節未彰屈官居身倍極謹慎迄母節彰而泣先朝露矣其孫茂才一膺慶大母之節有成又悲其父之鬱瘁不及聞且見求數言以志哀慕子既託湛虛先生侍御生洲立傳復深慕太君之節那丞之孝又感茂才一念孺慕之忱傳知今日之所以承其慶者乃先世之所以種其德也俾揭之堂中知天不負苦節而並昌其後云

七月

初一日

報白孝廉步麓足下英名自左忠毅建祠時已心識

之繼而南北同人青梅煮酒莫不爭推盟長暨小

兒都門歸佩足下之肝腸氣誼近今未有再辱手

教而眉宇神情宛宛在目中英古人從千載下

見千載以上人其聲味之合自別有在僕生長北

方為儒而腐十餘年來舉從前矜名砥節之念

銷歸於流離患難之中今耄矣苟偷視息於蘇

他何望他又何知手教致慨於顧高劉黃而後正

日譜

卷十一

重

人之壇坫既湮斯道之日星久晦每誦斯言深感

提誨夫世無真儒則無事功無節義世而至於無

事功無節義也倘可言乎足下大力深心飲姜劉

之藥便能探姜劉之微勳揚左之餘便能吐揚左

之氣孰知姦凶一時汚鱗之言翻為正人千秋頌

德之案哉札中深嗟姚許之不遇皆不免於尊官

此又未嘗論其世也單懷天雄之地久隸金元姚

許世世為金元踐土食茅之臣子其為尊官也方

可以行道救民奈何以此而苛求之吾鄉劉靜修

人亦以此督過億冤矣冤矣世有今古中外道無

今古中外古哉斯言清彼願外之想密我反身之

求斯之謂居易斯之謂正已斯之謂自得斯之謂

行素一有標舉便是的然此中消息何時得抵掌

一盡言之羅生尤之兩道文豈正直忠厚諸世兄

久未相聞便示近況以慰夙懷

初二日

送朱石者備兵岢嵐 莫惜并州路新秋有雁聲山

花迎去馬士鼓過邊城治術從前富情衰向後生

依依旌旆遠慷慨望君行 青緇先世業白壁古

人心騷雅遙相訂山川許共尋  鶴性風俗

日譜

卷十一

重

棠陰鄭重臨歧意行雲接晉岑

初三日

答沈無謀 海內故人零落殆盡固未嘗不日日憶

休文也亦知休文善病然善病如休文不遠勝於

不病者耶當世之清才韻士必首推年翁弟遊豫

十載罕見其僑間有之而相隔或數千里相晤或

五七年良友之緣天若靳之每念此益未嘗不日

日憶休文也弟輩曠久成廢人思古人不學便老

而衰軀有十餘種非敢言者遊聊以娛暮景寄閒

清耳空囊乏力繕寫故不能就正有道近亦有小

刻數帙案頭亦不能多印簡得一場豈待詩數首
請教一節見全體年翁應笑為備之位何傷二十
年前故吾也卷之得此少讀讀書之意然數年清
苦弟實敬之但愛莫為助耳手字到喜劇草此不
莊

初四日

客問君子有終身之憂為拈此語 一憂何事到終
身此語極圓莫認真省得憂時方得樂兩情總是
一般春

初六日

日譜

卷十一

三

記靜修四書精要大旨 先生沒五十有六年集賢
學士蘇天爵表其墓云先生師道尊嚴學子逆門
隨其材品而教焉講說諸經理學四書聽者心領
神會初朱子之於四書凡諸人問答與四書有異
同者不及訂歸於一而卒或者輯為四書集義數
萬言先生病其太繁擇為精要三十卷簡嚴粹精
要於集註有所發明向來不知此經大旨於夢何
如余讀是表而識之

新移玉簪 質素香清不受侵移來嬌眉黛幽襟旋
看生意眉眉發好認乾坤化育心 問君何處識

天心天向吾家肺肺壽草草花花通性分眼前無
物不斯文

初七日

李允繩自成安來予移一茅以居之七夕忽得奇疾
予往視幸已霍然口占志喜 弱冠論交老益親
只今君是傳經人江村承鉢推宗派蘇嶺素居託
比鄰

七夕 耕織何為有象垂帝王經世與天宜無端幻
出文人口棟滿人間七夕詩 七夕從來傳乞巧
豈知當世尚誰愚老夫持論雖迂濶任爾時人笑

日譜

卷十一

三

腐儒

初八日

復僧隱郭中丞 公諱都賢楚長沙人壬戌進士官至
起程託郭編流著述甚富號為此
和聞先生之名在廿年之前仰先生之行在五年
之內因邇來精有甲中大難錄一編屈指海內英
流同人不能不推些卷大師為碩果俟燕南諸人
幼而有志長無所成今耄矣偷覓息於蘇門之側
世事已無關心獨於親師取友之事性之所樂逃
於竹沼字中託致登問不謂先生不我鄙夷手疏
先及珠幾種種句止聞先生名仰先生行今見先

生之心矣僕嘗聞人所以立於世者非有所建豎則有所捐捨而已苟能乘時取便即庸人亦能捐捨者至於生平愛戀之愛不惜以身名殉之而不能割然則獨毅然捐捨者乃真英雄也先生功業文章已置身外乃并登諱氣節銷銘殆盡即僕之以英雄名大師者亦非面口也然而儒者之聖釋氏之佛同一積累乃詣至極當其教成德立謂之佛與聖若其立志精進之日皆英雄也不立見捐捨力豈能為英雄不豫植英雄根又豈能為聖與佛乎迂儒之語不識可當

日譜

卷十一

天

不名家未敢方立言之業舊刻篋中已無存者况梓四種腐儒伎倆即此可見律一道門外人更不敢質之風雅王也唯笑而裁正之先生方外之身世緣已脫百泉咫尺大河可吝飛錫一渡乎且新題太行之麓虬松怪石漢魂猶在尚可同衆生一開示耳遙望停雲可勝延竒

初九日

復崔竹潛 天地間止有人負官斷無官負人之理吾丈此轉僕私心喜之蓋此時官於內何如官於外官於外之要何如官於外之間鬼神憐足下數

年勞瘁暫以此休息需大用乃奮發而自作耶願打起精神勉堅偉績勿自取阻

初十日

題訓燕錄後 十年漂泊絕未聞有學之手學之人忽林氏兄弟寄我訓燕錄一册乃廣友劉君徐清與蕪士講學語也上論三章學庸首章三篇既徹數陳復暢溯其淵源其大父葦村公從學龍巖派衍姚江君於此道聞之過庭者素承其教

日譜

卷十一

天

喪學荒之日乃有立必為聖人之志如劉君者真空谷之音也或曰道之不行也我知之矣草廬尚有三分恨只合終身作逸民予曰是非爾所知也世有古今中外道無古今中外此學明得一分便是此道行得一分予嘗謂為靜修易為吳許難方恨不能得如劉君者數十輩布列學宮則先師庶不至黯然而無色耳月川之後是在劉君因為一絕君是姚江一派人源源本本認來真萬川月落川川月一隅光生大地春

十一日

語諸子、乾坤許大不敢謂無人然人實未易得也

連得兩士快何如之廣文談學自是職分之所得

為中丞歸禪時勢相迫此身難於安頓鬱結

語人各有攸宜不謂論者世說一格以律

人則不中程者多矣取詩取文亦然患無定見又

患有執見耳堂上之身與堂下之身自是天淵

十二日

贈張虎別靈廟 策杖乘秋與何緣得接君坐深情

愿落意密語續紛岐翠蘇門月吐吞行篋雲初逢

思後約志欲起斯文

十三日

日譜

卷十一

三

送李過廬之任嘉湖 束髮知求友乾坤眼不孤人

亡慙寄劍馬老畏經途頻藻江村月公之祖若父與庚忠節友

子交善因獨風烟蘇嶺墟低徊先正語傳自過庭呼

落拓合衰暮高軒枉草居到門狎野性入坐數庭

除時予子若孫皆侍側元氣合群動聞心賦遂初十年猿鶴

夢相對幾躊躇 見君日未久已見古人心笑語

秋天澗旌旄汀路深重語依竹馬老夢感人琴謂

志與遙想孤帆處音件暮砧

十四日

爭秋 暑炎未盡欲爭秋望斷蒼茫一葉舟天為龍

與雲出岫人思月上夜登樓

十五日

是日風俗家家於先人墓上掃麻穀 俗名麻穀意

如何時物欣成感慕多雨露春秋思一薦乾坤此

際醞中和 君親意薄便非仁處帝終身一慕真

只將此念拓將去古人應不越今人

十六日

述聞 寂寞銷沈十二年忽傳一夕起雲烟風流江

左依慈習又恐偷安蹈往愆 海上孤帆何處存

令人翹首憶劉琨紀元三次三年內一線桐江九

日譜

卷十一

三

鼎論

十七日

讀僧隱詩熱腸欲焚為三絕志嚙亦志快也 禪心

何事又粘泥出世還疑用世時歸墨歸揚不叛孔

尼山筋骨雪山皮 些菴和尚愛吟詩悲憤一腔

天地知海水難陶心底熱風流飢饉是情痴 與

酣耳熱一悲歌瓶杖撥追換日戈詩鞋策動惟道

行无翁慧劍幾重磨

十八日

月至秋倍覺皎潔連日晴雲為一絕 一年好景是

中秋未到中秋興已悠樂意信從無意著盈虧相
禪懸相留 秋聲連夕自天南入耳風傳情便愁
讀得新篇送客座前期三日後期三

十九日

女史一則 予於女史中最心折王孫仲之妻老萊

之婦兩巾幗真所謂樂而大丈夫者也

其言以為師範備仲妻之言曰若少修清節不

願榮祿今子伯之貴孰與君之高君躬勤苦子安

得不耕以養既耕安得不黃頭眉齒奈何忘宿志

而慙兒女子乎老萊子婦曰妾聞之可食以酒肉

日譜

卷十一

三

者可隨以鞭撻可授以官祿者可隨以鈇鉞今先

生食人之酒肉受人之官祿此皆人之所制也居

亂世而為人所制能免於患乎勦崛起而笑老萊

子遂避江南受兩婦人之贊助多矣

二十日

復邑令 藉廢錄

鄉中人來傳長曾孫模質少文似農家子予曰居亂

世以耕鑿為業黃頭眉齒正自相宜感王孫仲賢

妻之言助深自謹敢忘夙志而若兒女子哉當移

字表之勿失赤子之心以志吾喜

二十一日

士未以清節著稱猶可隨俗俛仰

事至素行皎然者斷不可動於榮祿偷取一時如

漢之唐林唐尊俱以潔履著名於成帝之世號為

二唐比楚二龔龔勝龔舍後皆仕莽前修云何左

思曰二唐潔已乃黜乃污豈獨莽能污人哉士君

子不可不嚴自律也

從古大姦姦初皆大英雄也不有英雄之概何能作

姦雄之事窺其始念未必遽欲作姦積漸而行勢

利薰灼不能自主總緣不學問晚氣用事見目前

日譜

卷十一

三

無可嚴畏敬事之人不復顧忌罔念而狂遂達而

下奔操溫懿豈尋常人哉遇有為之三俱成名世

矣

二十二日

寄懷馬玉荀四章 春草七年夢秋風千里音力衰

艱策杖空遊屐披襟有願歸山計公以養母請假多端懷

友心飛鶴天外聽應送寒砧 轍跡深門外高

林指夏峰公以夏峰田廬遺予與公意假宅梁子不聞春澗

德厚賢達無才學老農鷄埒童稚喜思欲為茅客

浮家昔愛水卜築近兼山兼山夏得遂廬公老

深憇鮑叔顏貧知為友累老不悔善朋更有思君

處鷄聲雁影間 尙憶荀陳聚二疑常應門王翁長子

九錫仲子載錫二鳴皋鶴有子開徑竹生孫此地人皆從予受學

遊蹤少他年世譜存論文吹短髮淺醉臥雲根

二十三日

晉紀魏文帝四友其一曰司馬仲達一曰陳長文其

二人朱隸吳質未悉其行事如仲達長文者真魏

文友也類聚羣分正各有興味耳因思古今人濟

事或英雄或姦雄未有不須友而成者閉門依自

了漢使不可與為此言

日譜

卷十一

語

二十五日

哭劉自檢一絕 羨君出治與居身七十年來守一

真前譽後歎都不管依然三代以前人

二十六日

賈靜子宋收仲各惠刻數種相質兼訂過訪之約

二仲高明迥絕群讀書萬卷破重雲腐備何事勞

相質所見方知非所聞

二十七日

復張司空 容秋先生北上今桐花又老矣弟草野

愚賤不敢以尺書入長安守拙安卑正以鼓德承

白魏裴三先生跪念野人若以某為可與言者然

迂腐已不可移蠶蠟因而愈甚反躬自顧何以當

諸大賢之注存乎弟私謂當今之世若吳許姚寶

皆布列朝端而山右更多君子東谷先生曩曾於

旬處見手札問及某之姓名今又以詩見懷

餘宛侍羹環環溪先生昨輝令口致存問近

於嘗讀其詩可想見其人也至採及腐言尤

深愧汗統惟向三先生叱名而致齋選之誠雖昏

牴種種未嘗廢報策也

二十九日

日譜

卷十一

語

讀詩正一則 賈宋二子詩正之選其於斯道也亦

深矣哉余不知詩竊欲有忠於二子者詩以人傳

選詩須選選人庶于載下讀者可因見

其人二子始不專以詩著名後世也雖曰詩之傳

以詩非以人然人與詩俱傳不益善于世衰道喪

儒術頽廢詩與文何處非學二子銳意興起據所

惠諸刻津津平有火然泉達之機況其鄉先哲新

吾先生儀型不遠提命猶新則由鄉國而天下而

千古夫豈有隔焉此予之所望於二子也或亦二

子之志也惠刻相質意在斯乎

八月

初一日

大時 一夜犬聲忽為來入耳根猶疑聾未甚沸該
滿乾坤 賭聞入夜寂喧寂何由分喧處不知喧
雖聞總不聞

初二日

語韓仁社諸子 從古帝王將相或帝紀或世家俱
各有述 明太祖紀不知出誰氏之手未得確證
故於兩大案中尚缺焉未備按放實而詳畧布之
自成一家言是亦儒者尚論之意何莫非古人求

日譜

卷十一

三

志中所當尚畧者武兩案中王侯將相未備者尚
多互為討論温故知新窮居之樂以在於此余
與不致學故深望諸子研究講習以匡予之不
逮

初四日

請令王春之過夏峰言別余曰君廉慎人也慎於已
者必廉於取廉則生威而人不敢犯廉則生明而
人不敢欺晉多君子清議甚嚴愛民好士打起精
神為地方造福便是為自已造福君家武城里人
也學道愛人拭目望之矣

初五日

一友侈言天文鑿鑿可據生有問之者曰此吾茫之
術幻妄之談耳即地利誠有之然帝王在德不在
險余曰在德不在險蓋之矣謂天文幻沓此不知
天文者也孟子不如地利非謂其無天時也從古
豪傑應運而興必先據地利方可有為其應運也
則天時湊合於其中矣所謂豪傑即人和也非人
和即金陵長安豈能長據哉天時之湊合固有由
而不知者亦有知而始由者史冊中不能盡舉我
輩不可以已之識量而輕測天下人天人理數合

日譜

卷十一

三

初六日

輝陽自林慮訪于夏峰口占一律以志眷懷且令
三子各賦詩 與君同样里客舍復遙鄰拜老余
多病藏山君亦貧盤餐無勝味言笑總先民切莫
輕言別秋懷詩興新 禾黍登場日偏宜薦客觴
洛陽哭已往蘇嶺嘯逾狂日以秋增潤雲因曉積
長奇情酬勝日不負馬蹄忙

初七日

論人一則 與輝陽對月偶及吾郡城親友六十年

來相與之人有立節行而維名教者有存忠厚而留元氣者追惟往昔者焉在念陳冲然承許崇垣爾顯重名行篤友誼賈衡怙何孝友刑家人推長者張元美羅俊節義男子早於慧婦之好合卜其大端矣金鶴冲毓嗣張率吾邦政范篤一泉皆質樸不事表襮於以維名教而存元氣七人者皆無愧吾郡中人固不止此偶及此者予兩人之見倘有相合者也因識之以質公論

初八日

讀岳鄂王傳 撤山易撼岳家軍難總見將和士銳

日譜

卷十一

庚

人懷忠孝帥之訓養節制非知仁信勇嚴五者兼備未易語此鄂王自是古來名將第一愚竊欲有忠於王者當檜王和詔詣都督府議事浚與王隨相得也用王德呂祉而王不可用張宣撫而王不可用楊沂中而王不可其辭甚偉浚之炮然曰固知非太尉不可亦一時不能降之容氣遠遜於休休有容之大臣而王之即日上章乞解兵柄步歸廬母墓側帝果詔起還職力辭詔未肯遂慮以死請方趨朝當是時也浚既無顏而俊等啣恨入母帝心亦豈無芥蒂於其間哉檜等之狡謀乘隙

施毒傾陷忠良復何惡已巧賺一時淚涕千古此不足為王公而聖賢豪傑處此還當更進一步學問請以質之論世君子

初九日

客有談二氏學者賦此答之 心中無一事到處自生春峰月甯怕我溪雲堪堪人無庸說佛法不必問元津操術由來腐乾坤老病身

初十日

懷馬王二子 東海西山入隱深蘇門有約可遊尋就荒碑徑羊裘遠一夕秋風千里心

日譜

卷十一

庚

十一日

交遊我微吾黨士殷申二子有古人風固為此句堪嗟友誼人凌遲管鮑依然千古師二士襟期能副譽此中有樂鮮人知

十二日

讀靖節傳題後 史稱淵明詩與文義熙以前書晉氏年號義熙以後但書甲子細考之於晉年號或書或不書亦無定式而宋承初以來年號則絕無一書者明以子載後世亦可矣高舉遠蹈不受世務而躬耕乞食託寄詩酒忠義峻潔吾不

能不服膺此老先生在晉名滿明字元亮入宋更名潛而仍其舊字靖節二字顏延之取諡法寬樂令終曰靖好廉自克曰節

十四日

薦馨與同人訪禪因遺此句 游 謝晚入禪程

門宗派亦紛然欲知儒釋分闕處釋教本心儒本

天本心本天明道先生語

十五日

讀漢高帝紀 三代以前帝王之事功聖賢之學行

合併於一身三代以後事求有濟不必問學矣史

日譜

卷十一

甲

稱漢高寬仁愛人意豁如也二語最善狀漢高此

所以得天下為千古英雄之冠至於

可傳信者蓋漢高以馬上得天下不喜儒術而良

平諸人又不能以誠敬開導其君東坡謂仁義詠

力雜用以取天下此孔明之所以失也予謂良平

殆有甚焉者矣朱紫陽曰漢高紀贊朝以十月黃

屋左翼譏其不用夏時商輅也遷之意誠恐是如

此但若使漢高真能行夏時乘殷輅亦只是漢高

終不可謂之禹湯

已亥中秋清霽倍於往歲同人嘯歌老夫亦忘倦也

口占為二三子唱之以紀其勝 夜深月更皎風靜自無塵日月仍依舊升恒益覺新杯寬長勿集意密嘯歌頻好景元今夕相屬樂事真

十六日

中秋兼山堂同人飲月二三子分韻為律予各有絕

為愛蘇山靜忘機野鳥同天心明月上堂徹入

杯中 月以秋容皎心因癖處幽問君終歲事好

景是中秋 怕作驚人語詩成信口拈悲涼千古

事幽意一時兼 消長幾微見山人原石頭元黃

猶戰野清夢遠兼山 少長集今夕秋登堪舉觴

日譜

卷十一

甲

嘯歌忘物累四海亦同堂 人生多讓惜意識幾

能空不有途爭異安知道自同 爾汝分形後何

從認此身均遊覆載內 野見同人 尚餘多難

身世事未全審東壁有胡牀欲追河朔飲 十年

違故鄉河北恣飛越秋色滿中原天心瀉明月

十七日

或問楚霸王力拔山兮氣蓋世亦千古之英雄也哉

以方漢之雲長何如曰是未可以同日論也陳勝

起會稽守殷通素賢梁使藉受命召桓楚籍遂

斬守持守頭佩其印殺籍所擊殺數十百人收其

軍起事至弒懷王殺宋義坑降卒降將所遺焚燒屠戮殘忍之極只是不知信義二字為何物雲長生平大節全於信義一字相貫貫一盟夷險君臣始終無二史稱報効曹公尤見信義之篤信義足色便是至誠藉也勇而無禮而勇一時貽譏千古焉可同日論也

十八日

有兩人於此一患貧一患盜予曰患盜者坐在不食也貧矣何盜之患耶嘗讀史而深有意於張齊賢齊賢孤貧落魄時群盜攻劫聚飲逆旅居人惶恐

日譜

卷十一

三

鼠匿賢獨前揖曰賤子貧困欲就一飽盜曰秀才肯相屈耶咱以酒肉遺以金帛賢皆受不讓只此一段側儻胸襟便可籠罩天下何事不可為我輩患不能為齊賢耳何貧與盜之足患

十九日

王猛評 或謂王猛智略際遇皆類武侯臨終之言猶為耿耿獨怪當時候選節說不從溫而南為可信也予曰士為知己用孔明不遇元德即欲強為之用不得魚水之權元德固已傾心而關張之不立益甚試思猛請溫時對談之際果有魚水之濶

桓帝令猛之中止咫尺長安不渡灊水百姓未知公心猛蓋有以窺桓之微矣桓之熱然無以辭也徐曰江東無卿此情事可知猛咨師師曰卿與桓溫豈並世哉此言殊可味

荀彧評 議者於荀文若甚切詆毀未諒其苦心予細詳其始末初以為操有雄略而從之凡畫策料敵無不奇中其勸操迎帝以晉文納周襄為言奉上以從民望大順也秉至公以服雄傑大義也扶宏義以致英俊大德也天下雖有逆節必不能為果明矣又因操怒紹書言辭悖慢而勉以囚勝輔

日譜

卷十一

三

天子扶義征伐其倦倦於漢也固或之設心若是即久而知操之心非我之心其設心未嘗不欲因事納忠化小人為君子迨至終不可化對董昭謂操本與義兵以匡朝甯國秉忠貞之誠守謙退之實君子愛人以德不宜如此大義凜然桓豈操之萬一顧念而悔禍也飲藥而死自可以告無罪於先王必欲苛求與操同罪不獨令或含冤亦豈平心論事論人之道哉居諸為可稱嘆之知己郭嘉評 郭嘉論袁紹徒欲效周公之下士而未知用人之機多端勇要奸謀無決欲與其濟天下難

矣其料孫策也曰策新並江東所誅皆雄豪將帥
能得人死力者也然策輕而無備雖有百萬之眾
無異獨行其知人也可稱也矣劉備奔操或謂之
曰備有雄志今不早圖後必為患操以問嘉嘉曰
有是然公起義兵為百姓除暴推誠仗信以招俊
傑猶懼其未也今備以窮歸我而害之是以害賢
為名則智士將自疑回心擇主公誰與定天下乎
此便見英雄度量范增於漢高王猛於慕容垂濟
得其事祇成其刻薄妬忌而昧於天道矣嘉亦人
傑也哉陳同父謂成魏武之霸業者豈嘉之謀為

日譜

卷十一

品

多而曹公尤痛惜嘉之死也

魯肅評 肅指困授周郎氣何豪也勸權勿迎操早

定大計識何定也借備荆州同力拒曹正與亮東

和孫權北敵曹操志趣兩符及備負約肅謂今日

之事宜相開譬就羽詰責之言謂不能明道處分

以義輔時義何正而詞何嚴也肅之識量胆畧三

國時傑出男子其卒也亮亦為發喪二人可稱知

已

周瑜評 赤壁一戰一時勳業千古盛名瑜亦風流

入豪也哉當時取重於江東者惟瑜與肅瑜英發

肅長厚長厚故勸權結好元德同力禦曹其發故
勸權早除元德先絕後患識度不同所見各異總
之天之所與人不得廢在與而異容之在魏而魏
容之雖由肅與嘉之言而權身擇之
是豈人之所能為也哉莫之為而為者命也

龐統評 稿殘缺

二十一日

陳平評 稿殘缺

二十二日

寇恂評 稿殘缺

日譜

卷十一

鄧禹評 稿殘缺

耿弇評 稿殘缺

馮異評 稿殘缺

馮援評 稿殘缺

二十三日

諸葛亮評 稿殘缺

法正評 稿殘缺

昭烈評 稿殘缺

二十四日

曹操評 愚謂論人於清議大明之後則某也賢某

以姦即曲士小儒莫不知之至魏武當年身前行
事吾不知其定評何如也赤壁之役元德一廢宗
耳仲謀一土司耳魏武以漢相挾天子命討不臣
豈非皆在曹而孫劉乃置身於無過之地耶漢賊
不兩立非孔明出處之正轉躬盡瘁死而後已誰
能為此言而天下後世亦誰信之桓靈無道魏武
猶藉漢以令天下法令不必盡酌之古要以必行
豈非高光之遺澤猶有存者耶所謂無高光之德
而有高光之才者也可少哉

孫權評 江東霸業始於堅大於策諸葛亮稱劉餘

日誌 卷十一 吳

王朗各據州郡論安言計動引聖人群疑滿腹眾
難塞曾今歲不取明年不征使孫策坐大遂并江
東及權後事策謂舉江東之眾決機於兩陣之間
卿不如我舉賢任能各盡其心以保江東我不如
卿策可謂知言初權不直魏武破之赤壁雄畧著
矣後操攻權濡須口舟船器仗軍伍整肅操嘆曰
生子當如孫仲謀末年上書稱說天命甘心稱臣
何爲者耶固宜中郎將徐盛之涕泣橫流也然跡
其父子兄弟之間畫江之慮精矣豈有中圖之主志
哉

蕭何評 何守關中漢高得以安定天下厥功偉矣
三章之約與天下更始葉細疎濶使當時苦秦虐
之人一旦有在人之樂不可謂非君臣遇合之盛
也蓋自漢高爲布衣時何數以東事讓之英雄草
莽中已際鸞龍風虎之會何之肺肝何之才智漢
高固已早定之矣謂必待鮑生召平之見王衛尉
之言而始覺於斯者初書一時揣摩之論也視何
未淺未免視漢高太深視何太樸未免視漢高太
詎何自有何之識力真過謬真

曹參評 參之相漢用蓋公清靜無爲之說齊國安

日誌 卷十一 吳

集是猶也烈熾之中沃以清冷可謂識時矣然事
有不可不爲者豈何之制法盡美絕無蕪泰之陋
者乎就參論參而參之能事止於此矣習黃老之
術昧孔孟之學竟以耐飲廢事孤孝惠使其子諫
之之意若曰藏身之術留侯外一人亦滑稽之雄
也
張良評 子房爲高帝謀臣從容一發動中機會而
嘗超然於事物之外此豈圯上兵法之所有哉子
房一生作用著者在事外步步在人先其學問操
放全在用人而大處在用清公放子房用漢非爲

漢用者也其所以能用漢者只是令漢高先敬重其人自不敢輕忽其言故同一言耳在他人則疑在子房則信不能使英王信其人而必敗於其言則後矣何信輩為漢用而漢智以制其死命漢為子房用所以能期于不受羈縻為韓報仇一語蓋不欲以漢之功臣自待也高帝亦豈待以漢之功臣待之哉鍾伯敬曰為韓報仇一語子房不自道出豈惟漢君臣不知即馬遷亦不得而知也韓信評 登壇數語識時審勢楚漢勝敗之形燦然在其目中信之度越人遠矣解廣武君之縛東鄉

日讀

卷十一

哭

坐西嚮對師事之尤人所難至謝劇過之說終不忍鄉利背義信不負漢高矣史稱陳豨信信屏左右與之步於庭仰天而嘆一段疑是悍后與忌信者文致殺信之言恐非信之本懷也一傳中奇計駢出信皆不聽信之不反也明矣信不反而仍以反諺千載下當自有人高其功誦其人而明其不反者悍后專殺無容逃罪而漢高亦何以辭於天下後世哉

二十五日

唐太宗評 稿殘缺

宋太祖評 稿殘缺

宗澤評 金人逼二帝北行澤即提軍趨滑走黎陽至大名欲遣還二帝氣何雄也康王即位四十日矣姦邪之臣朝進一言以告和暮入一說以乞盟終致二聖北遷宗社蒙恥澤以六十九歲請躬冒矢石為諸將先意又何悲也恢復之事使澤得專意而獨行之儘有可為惜為潛奪等語初志不得伸沮發而死惜哉當時巨寇如王善者擁眾七十萬場進者眾亦三十萬皆樂為之用樂為之用而不得一用真堪痛恨李生曰凡人有飛揚跋扈不

日讀

卷十一

哭

安孰職者此人皆有血氣不肯輕倪首以事人此則忠義根子耳所用之則為割盜一旦有宗岳其人焉此而用之疑以大義其功用必倍於恒人恒人者如水耳能就下避高而不能為高下為人高下者其在豪傑乎

二十六日

李綱評 綱以一身用舍為社稷生民安危雖身或不用用有不久而其忠誠義氣凜然動乎遠邇真千古之偉男子也哉夫當死生存亡之際即君臣湊手將相必猶懼其難支乃與庸懦之主全軀

保妻子之大臣決計留守君與大臣輩竟不能奪
此之爲力亦屬孤江汪黃等雖借以保首領然恨
已入骨其阻之使不得安其職也自如薰猶之不
同器者然豈待問哉至其建議畫策置招撫司於
河北置經制司於河東西北足以控東南東南不
足以制西北又曰保全一州收復一郡即隨其高
下以爲圖練此皆卓識宏畧不獨一時之計也

趙普評 稿殘缺

劉錡評 錡順昌之捷識膽勇略能以少擊衆岳飛
之流也錡與飛皆以驍實諸將多嫉之二人忠義

日譜

卷十一

辛

同智略同爲金人所畏憚同其所遭之譏問亦同
而其益武穆也亦同同朝共主並力禦敵錡以志
恨嘔血卒飛以衆證生死宋事於是不可爲矣宋
事之不可爲也豈果不可爲哉人自不肯爲及忌
人之爲之者良可浩嘆

二十七日

曹彬評 稿殘缺

王導評 王導勸帝親觀禊乘肩輿具威儀賓禮顧
榮賀循輩此便是再造江左第一著俊傑歸命百
姓自然嚮附豈待問哉士人於此見學術

劉琨評 稿殘缺

二十八日

陶侃評 稿殘缺

溫嶠評 嶠處敦疑忌之時以智術獲免深識待小

人之道爲琨石司馬而琨倚重焉推侃爲盟主而

處分規略一出於嶠嶠有如此才具藏器待時自

有建立之會著甚來由絕裾而遊自貽于秋之穢

德耶令陶傳觀之嶠之才幹智術在侃之右然家

庭無惠德則侃足多也史稱侃備威儀迎母官舍

日譜

卷十一

辛

後以母憂去職嘗有二客來弔不哭而退化爲雙
鶴冲天而去時人異之此事甚幻見侃母子融洩
在榮死哀之意視絕裾者母亡四亂不獲歸葬孝
愆於家猥云忠於國也能無汗顏乎士先行誼而
後事功請從此處著眼

二十九日

劉文靜評 稿殘缺

房元齡評 稿殘缺

財運敬德評 稿殘缺

三十日

杜如晦評 稿殘缺

李靖評 稿殘缺

日譜錄存卷之十一終

日譜

卷十一

至

孫徵君日譜錄存卷之十二

順治十六年己亥七十六歲

九月

後學 通州府 桂校訂

初一日

益孫世孫金桂十一世 聯容 鈔

廟隱文類引 稿殘缺

初二日

唐肅宗評 稿殘缺

李泌評 稿殘缺

郭子儀評 稿殘缺

初三日

日譜

卷十二

李光弼評 稿殘缺

張巡評 稿殘缺

許遠評 稿殘缺

顏真卿評 稿殘缺

宋高宗評 稿殘缺

初四日

樊噲評 繪每於緊要處著有偉績是天生一箇烈

士為沛公作護法豈尋常武人可到其擁盾帶劍

裂眦怒髮飲酒陷肉屈折項王其忠憤之氣固足

以勝人至諫漢王入關及枕宦者數事有大臣風

節此等人斷無黨諸呂危劉氏之理詩曰糾糾武夫公侯腹心噲之謂與高帝聞人言而怒怒而欲斬之軍中負贖矣

初八日

復張天弓 生父之喪年兄仁孝性生自不以出嗣減慟但禮律昭然為本生父母齊衰不杖期恐亦難以私恩而掩公義也部中應有一呈得請不得請聽之主者見仁人孝子有慈慈焉之音聞吾鄉梁玉立曾請守制不允給假還葬此本朝近例也或可做而行之乎帖用降服字為妥便見是出

日譜

卷十二

二

嗣也禮制雖不容越心喪可以自由 質敢以臆告

初九日

同諸子孟莊登高得秋字 昔人何事賦悲秋此日登臨足破愁叢菊十年違舊侶孤城千里壯同遊誰憐士雅中流楫且臥元龍百尺樓雙隸還疑失故步楓林霜葉此杯籌

再拈前韻 何來漂泊十經秋日暮隨緣任去留掃落襟期成蝶夢蕭條心事付漁舟時賢漫說新亭汨病叟深謫故園憂但得目前絕戰伐藪門長嘯

更何求

初十日

為明太祖高帝紀略 稿存兩大家錄中

十一日

杭行麓為其二親合葬詩以慰之 覃懷杭生時不遇壯士窮途悲日暮無才可居無田耕落筆驚人才別具少從二親汗漫遊母兮不幸先朝露父亦繼頽大河南淒涼歲月愁中度焚焚放食三十年舌耕之外無他務痛念兩骸各一方獨力自營人寡友人致贈猶力辭以喪為家實所懼跋涉徒

日譜

卷十二

三

步挽柴車志之所帥氣為赴計程十日負骸歸夏峯之陽可封樹七歲孤兒攜持來祖德孫謀兩念在杭生此夕慰于情同人嘉之曰六十二歲猶孺

十二日

素履軒詩卷序 孟莊之始闢也自蘇門先生創基而建垣墉作堂室則孟諸先生踵修之遞及其子又遞及其孫今三世矣素履軒在東北隅襄臣亦園中之一芽也 顏曰素履自有此軒而賢友良朋飲於斯寢於斯倡和於斯日夕嬉悅無間譽今

歲之九日襄臣養菊二十種集遠邇長幼醉菊凭
城分題嘯咏暢我老懷因為十二絕以作菊譜又
登高二律為諸子先伯襄臣欲集成一卷索題數
語於首余念河北之孟莊雖僅一光地而賢父兄
之發跡佳子弟之樂業其流風逸韻在聲塵疆域
之外千百年後當有以不朽此莊 識於此

十四日

素履軒題菊 萬卷書 老至未讀書最愛此萬卷
移來置案頭日夕共仰俛 狀元紅 稿殘缺
車輪白 語大車輪小語小車輪大白菊得若名

日譜

卷十三

四

取象在物外 如屏 稿殘缺 銀繡毬 稿殘
缺 金銀紐系 稿殘缺 金紫紅三牡丹 隱
士有伯兄素號為富貴諸弟蒙其名夫豈無所謂
黃粉紅三鶴翎 斗大一茅屋欣茲三鶴來童
子抱琴至此懷應有開 舊朝服 稿殘缺 清
心玉 稿殘缺 金黃獅頭 稿殘缺 金紫雀
舌 稿殘缺

十五日

談話一則 偶得兩幅奇畫晝夜展玩既不需錢買
又不用檣簾且不應風雨之傷劫塵之毀自有天

地至今未嘗一日滅沒焉者也余村居斗室有東
窗有南窗日初出紅光映素紙或如拳石孤懸或
如怪石蹲踞巖頻移景頻換入夜月光漸滿樹影
半橫兩窗上各不相襲各有天然之巧乃知日升
月恒乾坤之繪事隨時隨地而設畫不出描不就
本難舉似於人任有福人日為識以日為受享天
地鬼神固不吝賜予祖父兒孫可傳為世業

十七日

其志亦雄矣哉雖昧於擇主之哲而不負所事委
實無二可以愧人臣之懷二心者洪武丙辰冬十
一月執勅送故元官蔡子英出塞子英不負故主
高皇能容忠臣可稱雙美此二人者皆見高皇
紀畧中因拈出

日譜

卷十三

五

十八日
刪錄趙鼎傳

二十二日

旌晚菊 諸君競豎久獨爾放何遲秋盡仍含色堪
稱殿後師 取不逐輕肥憐君抱晚節霜威不敢

欺幽韻爲誰設

二十四日

刪錄耶律楚材傳

二十六日

刪錄廉希憲傳

二十八日

刪錄劉秉忠傳

二十九日

穎州武甯伯主木仲切孝廉過視夏峰

十月

日譜

卷十二

六

初一日

送寒衣有感 霜風肅肅法衣單存沒關心感歲寒

憶昔一裘不輕著思來骨孔尚流酸

抗行麓孟二青談詩於老懷頗有當也口占志快

少不受吟詩何緣得二子伯杭勁且蒼仲孟疏而

美風雅庶幾與性情惡可已前輝與後光因悟學

中肯

初二日

兼山堂小集分賦誰家數去酒杯寬之句拈秋字

聖人嚴酒誡曠士六脚杯庸流不解飲高趣安在

哉元 有所託避亂徒貽災前聖既已往後聖復

未來渺然此一身流浪亦可哀大禹惡旨酒斯言

莫漫猜

初三日

洪令王以一孱因無端落職士民德之謂自西星崔

使君之後所僅見也爭走府道保留子爲致其意

於忍使

初四日

閩南廬博士八十八矣一歲之養取給於此日子倍

諸同人祝之隨力各致米酒

日譜

卷十二

七

復王太史蓼航 廬丈人醉飽明德弟不啻身承之

昔送死今養生此段關係正姚許當年化民成俗

事也何幸再見之先生

初五日

黃敬倫孝廉小傳 楚孝感黃孝廉文且字敬倫當

世隱君子也負才尚志自十四歲讀象山陽明集

而悅之便卓然能自立與其族兄正色立南紀社

焚香相對不輕接一人者二南箋義以修身齊家

之道爲一時賢者勸 赴公車不第遂悠然典高

蹈之思張父先采起禮節日擬薦侍經筵如宋程

伊川故事文且馳書力止 甲申國變文且先曾
 形之夢寐每與人言泣下如雨乙酉著覽慮二十
 四篇問世梅惠連之煩蠶舟太湖讀之哽咽不成
 音衰身欲同此卷俱溺嗚呼亦何悲也讀古今書
 詮次帝王將相師儒隱逸為百世鑑文且與陳百
 史名夏素友善名夏秉鈞屬楚按君暨學使數敦
 請不出 壬辰楚荒文且日拾野菜和豆麥炊之
 一日方就食會客至子休懈起以身蔽席文且皆
 曰歲歉時薄何傷我廉子如慚此異日必玷吾家
 清白矣 甲午有徂歷燕趙齊魯之志憇嵩山下

日譜 卷十二 八

座師吳駭公偉業姻友李過廬昌林招之掌院龔
 孝升鼎孳以書相促云林宗通隱薄遊太學叔度
 高蹈亦至京師文且從而受之也乙未文且病篤
 與子弟言皆周程微義不及家事又謂嬰兒生不
 知生死不知死此即不為生死所縛去來任運獨
 傷故八十老父不能終此生養懶如之何生平危
 言議論多洩之策論讀者擬之李泰伯陳同甫文
 且意不居也甲申以前無心於隱蓋才可有為故
 亦欲一展其才甲申以後絕意於出蓋時不可為
 故一意以從乎時此於中庸之道正有合焉故曰

君子也子叙列隱逸而以求志為歸不求志則
 舍無所藏而用何以為行耶文且沒學者尊之曰
 文毅先生是即子與所謂不得志修身見於世彼及
 第而秉鈞者不知果能擇加於民否也文且卒年
 四十有八著述甚富行將授其遺文以讀之

初六日

贈李慎菴督水 弱冠逢堯舜志欲脫仔塵春官十
 二上尺寸何能伸耕鑿誠自適俛仰敢隨人諸賢
 拯飢溺薦疏催已頽所志在邱壑甯知漢與秦垂
 老蘇山側推漁翁此身使君別具眼疎落益相親

日譜 卷十二 九

飲我以旨酒答我以嘉賓詩篇清且健不啻好津
 津余來無妄累高誼復嶠岫夙友天下士如君誰
 比鄰白虹映山桐青藻澄泉瀕孰謂叔季世友道
 遂沉淪
 其城諸君子延欸五日方歸筆以記之六日入城止
 望見書舍二青先在焉霖九已戒庖人治具薄暮
 衰瓶借容月過視霖九復以酒核佐談是夕情興
 飛動欲去復留殊忘賓主慎菴問予入城先投刺
 翌日其初度也七日晨飯麥瓶齋頭見其二子容
 月新即吉因過其書舍亦令其子相見午後赴慎

卷之招賓主九人酒既行羅外鸚鵡弄舌主人索
詩予口占云世事不堪問怪爾巧能言多言亂我
真吉人畏其繁何如暫藏舌然然容眾唯九人之
詩各不相襲各省其本懷此事原闕性情不容偽
也入夜予先歸與二青望兒談往事久之幾不成
寐八日范射虛揚天放來顧許公子治午具是夕
夢航移尊代子集諸同人話夜慎菴以醉解佐酒
夜集者賓主亦九人天放慎菴婦翁避姓名而寄
跡於共署中者也九日射虛蚤飯是日齋為先慈
不諱之辰有句云凋落萱花日今逾五十年流光

日譜

卷十二

十

何迅速肢體已頽然延欸朋情篤稽留子職愆諸
孫常事薦奕葉寸心傳因念人生百年凡事君交
友教子總之完為子之事故於暮月之即吉也詩
以慰之三年讀禮成五十猶過毀貌慘知心勞困
終而亨始學道先學貧為人只為子展墓與趨庭
瑞葉非二理慎菴邀再過其署予辭而就暮月歸
來月色清霽有許生善天文指示焚或休咎星宿
分野漏二下始就枕十日諸友來邀者聚謝之歸
行有徽州諸生江姓者過寓詢問其鄉前輩鮑公
應蘇洪公世倭程公子格家世子孫生一一詳述

之無意之頃得四十年前老友聲息亦快事予於
城中請君子一番晤對一番羅春就講叔季中述
無友道哉歸而識之談對之語言外之情不能盡
錄也

錄也

初十日

暮歸祠堂祝云 昨朝為母忌今夕父生辰兩念週
環集有懷在二人

十一日

慎菴以市蟬行索和踵其意答之 水部治水甘藜

藿恥向屠門呼大嚼三載蘇門何所求軒車到處

日譜

卷十二

十一

飛吟魄風致踟躕不可羈每談豪俠神驥驛年未
三十淡世塵別有襟期思領略河伯亦知愛東廉
遙向旌旗供水錯若日我好別江瑤袖爾晶盤滿
郭索醉者隻隻臥素餐醒者刺刺橫堵廊古人嗜
好各傳神清濁高下皆娛樂區區一物雖云微俗
事俗心能洗卻余也番老味難兼况對高人神落
落東方役盡南屋空朝餐夕休尙剗削吁嗟口腹
晴皆同于戈滿眼難對酌移席蓬蓬退且悞歸到
蓬蒿暖糟柏

十二日

寄西華令左 係忠教公子 憶乙丙之際瑞禍燼天喆

人質地忠毅先生之孤標亮節已彪炳千秋每一

念之四十年情緒宛在心目間當時忠教公與魏

忠節黃忠端冠冕東南人皆以左魏黃三先生能

有後嗣蘊生允之兩先生暨君家正直諸昆仲尙

得抵晤於燕臺易水之上敦叙舊好皆能光大前

徽迄國變後魚雁遂杳然矣僕漂泊百泉已逾十

載頃聞老世翁分符西華咫尺清光雖不能接席

承顏而聲味可遙相聞間也偶於途次遇老生李

棧者詢知為貴治士子藉便附候因有所感自逆

日譜

卷十二

十一

閩鼎革貴治有蹈海外而不為之臣且恥與之同

姓有理寒石先生諱聖和者當世所稱魯連後一

人也僕素未識其人儀其風節尙可廉頑立懦聞

其家有老母僅一妾與兩幼孫侍晨夕有子為高

節不能庇其老母此固仁人君子所惻然而深念

也僕訪其詩文零落尤甚惜之世翁為聲氣宗盟

於此維持風教之事片言懿行多為搜輯使寒石

之精神常在天地間而表彰之功亦與之俱永矣

令親白仁兄謫夢飛前寄書已報字志浮沉再錄

一稿便希致之

十三日

簡朱蓉月 人生誰能無過患不能改過能改便是

起凡入聖之路僕六十年來於海內得二三嚴事

之人其初亦不免縱酒此匪之共末路則儼然一

聖賢豪傑矣史冊上正借重此一流人即君少年

偶有出入何足深督過焉故交零落正須此小友

鼓我暮氣耳答問一册佐即君清課

十四日

西華李生來從遊余謂之曰君之鄉予知有兩人焉

一李寒石恥與闖逆同姓高蹈海外十年來仰其

日譜

卷十二

十二

風節君宜搜其遺文以傳一胡芳字為定興令強

項不畏勢力持清議士民德之曾與子論交焉

因簡其建生祠疏文示之蓋鹿忠節筆也

十五日

金陵朱生奉其父命來從遊其父子十年舊友也謂

子曰見子女亦成篇只行誼未立望先生憐而教

之子曰做好文字卻難不可取辦於一時如求做

好人當下立足同念作狂克念作聖只在一憤迅

聞耳卻不借力於他人也

十六日

勸善一則 我聞曰吉人爲善惟日不足夫何爲如

是其汲汲也蓋利善之間舜跖攸分不汲汲爲善

恐利之念入焉而撓遂至奪其位而侵其權善究

不能與利爭故曰雖爲善而已矣善無大小只是

合義合乎義雖小亦大也勿以善小而爲勿以

惡小而爲之此是尊道君子盡精微道中庸實際

處彼英雄人一口迸出天資暗合未嘗學問爲善

之事不專在費財去人欲存天理此積善根本也

或亦有時而費財如養生送死郵孤憫寡果有神

於人心風俗則財正英雄濟世之具邈來學道人

日譜

卷十二

五

如高景逸黃石齋范質公諸君子亦每拈此作同

善會亦強爲善之意也善之量無畛域無古今認

得善字明便見性之所以爲性與人爲善樂取諸

人以爲善此是性中作用不待博施濟眾施未嘗

不博濟未嘗不衆也

十七日

平情一則 人動嗔人之欺我而怪其不情予曰第

求我不欺人而已矣我不欺人亦第平其情而已

矣世人之狙詐相高詐僞蒙生者終之自見其情

而不顧人之情一平情自無欺人之事無欺人之

語天下歸無事矣平情自近情始能近情則處已
不苟亦不遺人以不安此中僞不得

十八日

王荻航太史發大志願欲以三百金作善事一百件

謀於予予曰公爲善誠勇但不必指定件數無心

觀感之會善念油然而興此無所爲而爲乃真善

也有所爲而爲雖善亦私故爲善先去其近名之

思純之而無念非善也無事非善也由家國而天

下古人由可欲而美大聖神總此善之所周徹綿

亘豈善未積時與善既積後猶有不善之念得入

日譜

卷十二

五

而雄焉者乎公第堅持此念而不令轉則于善萬

善俱從此擴之充之斯之謂至善曲曲功過之格

烏足以擬之

十九日

贈李霖九 入城頻借問意在接杯前飲性原無敵

詩情亦自研人云敦古道我謂得機先轉世須風

雅蘇門已有傳

二十日

每人城諸君子爭爲楚歎尊禮殊甚予亦相安而樂

就之或曰山人而頻過士大夫之門似亦不宜何

不設辭以避之子曰貴人非善之所敢致延款非
吾之所敢望但諸君自欲敦長幼之節為後人法
奈何自甘枯槁而阻人之為善乎我聞日行一善
事或轉一人為善便是報答蒼蒼之實能轉一貴
人為善其所關繫更大傲然以高潔自處而謂人
不足當一助者非仲尼之徒也

二十一日

予少時猶及見鄉俗助葬者以素縗遺之五十年來
不復聞此牀某紳於某喪送布一疋錢三千人有
議之者子曰此古之遺意也漢王丹是古來第一

日譜

卷十二

七

等篤友之人其助葬止於懷綠一疋丹子有同門
生喪親亦止令寄一縑至鄴焉西征翰麥數千斛
助軍有心人不苟為奢儉中情而已矣

二十二日

兼山堂四評序 兼山堂予數年來與諸子聚會之
所也偷時之暇積有書四種一兩大案錄叙列從
古君臣開創守成之事明治統也一理學宗傳叙
列從古名儒修德講學之事明道統也一藝輔人
物考志不忘其鄉之先哲一中州人物考因寓於
其地而思尚論其人焉總不欲荒廢時日借為諸

予共學之助耳輯成諸子復某錄其評為一册存
予七十歲後一段功課四種中共計七百餘人予
數閱之而翻覺其評之未當也不能當乎一已之

心烏能當乎天下後世之心因令其藏之篋中不
必示人蓋評人之道所以自評也許古人之身分

厚薄非自具身分者烏能知古人之身分不能於
古人身分處著眼而第憑人之是非為好惡則其

所為是非者毀譽而已矣所謂好惡者愛憎而已
矣子曰吾猶及史之闕文也闕之有多少薄厚之

意又曰眾惡之必察眾好之必察此何如慎重方

日譜

卷十二

七

故自信曰吾於人也誰毀誰譽學術不明而妄議
此事終不免愛憎毀譽耳是評也既恥御聲又忌
任臆然亦有聲不能不徇而臆不能不任者第不

敢有愛憎毀譽之心若夫才之不充學之不博則
何敢諱也道有升降世有古今人有純駁而天之

所以立天人之所以立人者終古未有變也是評
也治術不必同歸帝王學術不必盡符賢聖然

人已試之途皆後人欲履之路是法是法是則是
程總之見我輩誦詩讀書尚友古人之意

二十三日

慎卷過訪夏峯投以詩用韻謝贈 黃菊籬邊木葉

飛白頭何事鬢形微山採月削門雖設地僻霜嚴

客過稀風雅將興來鼎呂冠裳常聚縵褐衣掩留

竟日乏鷄黍惜別兒童各歸

二十五日

溢上張振夫名某洪盧司馬第六郎也與兒恬多善

氣可稱俊物亦司馬之福澤者必是兒不意司馬

逝而六郎亦逝聞其居喪過毀或慟其父之亡而

思侍杖於泉下耶余聞而傷之傷六郎豈能不憶

司馬耳記此以寄余思

日譜

卷十二

六

二十六日

論事一則 古人論事辭不合經事不師古斷不取

輕與人爭余謂即有實際本領可以爭勝於言下

然與其激言之不如其婉言之蓋激則成嫉則成

故理貴直而氣貴平也不獨君臣朋友之際父子

兄弟之間俱宜如此

取與一則 古人一取一與各有攸當非可苟焉而

已也與之當不惟使人感恩亦能使人自愛聞貢

不以一片猪肝累安邑廉士固未易與也辭受取

向之道叔世鮮克由禮大凡與者取者總一貨之

而已矣交際至此不復忍言

論言一則 鄭元在馬融之門三年不得見而不亟

求去似無識起人然其說張溫之言實令人驚異

破胆舌不能下溫出在涼州行元謂之曰天下

冠賊雲起豈非黃門常侍無道之故聞此輩當出

祖道明公總天下威重若於坐中酒酣召軍正執

有罪者誅之引兵還屯都亭以次剪除中官解天

下之倒懸救海內之塗毒然後顯用隱逸中正之

士則餘冠宛轉股掌之上矣溫聞大震不能對說

者謂元不計其人之可言與否而作此深微之語

日譜

卷十二

九

二十七

實陶漢之存亡使元無此一段大論則一隱士之

流耳

二十七

渾厚一則 以物讓入者當示之以可受而勿貽人

以不安以度容人者當勿露其所短而不使人有

所愧貽人不安人不見德使人有愧人且思中矣

此二者非深心閱歷人不知

二十八日

作新鄉縣誌序 將以是弄得失與壤理亂之故而

為世戒則必得其所託而後能傳久遠而不廢則
史是也錄史而降省有通志郡州邑有郡志其取
義皆裁於史亦有與史異者蓋史於善惡無所不
書而志者蓋一邑之中其山川人物文章風俗之
美懼後世之淹淪磨滅而無所傳也志而存之苟
其山川之西人物之惡文章風俗之倫薄而不倫
皆不書此其所以與史異也然所以存勸懲備觀
效使善人喜其見傳則勇於自立惡人無所紀取
則以懼且悔蓋亦有微權焉世之衰也子孫欲褒
揚其祖父而不本乎理道邑之公卿大夫懼蓋棺

日譜

卷十二

辛

之無以見書於史也思欲託於志以傳立言者皆
莫之拒而不為又且迫於其情也書其惡焉則人
情之所難出於是乎志始不實志不實而作志之
權始不尊後有作者當觀其人苟託之非人其所
書非遺則溢遺且溢故不足以行世而傳久遠雖
一邑之中其有嘉言善行迄一節之足傳者亦皆
歷代無間然則受是託者非具識力而能文章鮮
能勝任蓋具識力者於人之善固不能欺而於人
之惡亦無能掩如是則不遺不溢矣苟其言之不
雅馴則難以致遠故又在其文辭之工焉新鄉坦

公先生所稱具識力而能文章者也其世志雖奉
魏中丞賈公徽實出先生之手而舊志之所詳畧
而一衷於理道既無所遺又無所溢洋洋乎大觀
也哉史家首推班馬嘗考遷自作史記志所欲言
而固奉節為漢書不無遺息遺文委俟而因詳
固其所遺矣生今日無功令抱於志無所遺
於下總所徵言則斯邑山川之美人物之盛文章
風俗之厚村而簡重得託先生行世以傳矣
蔡道子山居病廢先生雅意發交一歲時嘗常三
門至焉子曾東入魯有遊諸為子刻之濟南及與

日譜

卷十二

三

及門子答問數則又為刻之武林會修中州通志
中丞公以子為託子慮不勝任辭之至再先生則
移善教子曰此係河洛淵源何為也嗟乎子為
乎無節昔薛方山修新通志七年始成後文忠修
高陽志亦十餘年始出以示人二子竊其文章識
力為何如也矧子識閭力薄衰老不文辭固其宜
今於新邑志固不敢謬託曰游夏之弗贊也
二十九日
涉世一則 志君子處亂世而以誠為主不能識微
而猥以雄才自負好士而不能擇人則浮動之意

氣輕羅法網從來有心人以此欺欺者不少終日
雅不能耐

三十日

嘗謂後漢書有補起家經術後以諫諍為好
職以一念誠謹謹微不情愧慙百出乃知此等
友美險之學從古已然又何疑於今之世乎君子
處此貴以理勢之常視之不惟不校且斷而辭
後者多怨尤此是學人大得方處不然一
一事相負而累長短衡是非與斯疏何以異
文士有一時之幸而為千古之大不幸者誰能之也

日譜

卷十二

三

當日自知之無俟奕世也漢章帝最愛經學文章
令侍中竇憲請見馴候憲憲屢進門笑謂憲
吾受詔交公遂揖為上客天子為一士亦足下
下奉詔而交一士事皆甚奇然憲何如人而
受知於憲也豈非大不幸耶其不與班固同歟
雖以直諫見諫終不為私室所有卻又與之大幸
也故從來文士而失身權門者感一時之私恩而
蒙千古之名誹皆因斷之不早耳

十一日

初一日

先儒見人靜坐輒嘆其善學近亦有謂一日三分當

分一分靜坐者此段功課物欲沉錮氣質躁妄思
慮紛紜者皆不能靜坐能靜坐之人容色辭氣之
而自無鄙倍暴慢之習出而應事接人自然安閒
中理發而為文章亦復宣明合節靜中之妙非可
口頭襲取傳曉夜來有得正得之靜也他人惡乎
知之

名利二字沁入人骨髓之中然利之途微利之名濁
好名之士猶知避之至名之所中文士與才人更
甚東漢節義有以不與黨人為恥者其目處之義

日譜

卷十二

三

而借人為重真惑之甚者也愚謂學之道無他只
澹其名利之根而已矣名利之根淡方可以語不
淫語不移語不屈

初二日

郭林宗是大有心人未嘗一念忘救世而極自愛其
身潛用其心目於眾人之中獎訓志類惟恐失一
士當時猶有范冉鄙其為人者譏趣不同好尚如
此然正不足為林宗病顧冉何人見雖自僻亦不
可無此人立衰俗之中

陳太邱獨吊張讓康對山往詣劉瑾二事同類所謂

辱其身以為人者也中火後生輩自不無莊莊之見然此等熱腸婆心亦祇可自慙而不必告人若有矯然好名之心便顧忌不肯前矣

太卯林宗儘可以無議而猶有議之者黃叔度一牛醫兒年十四耳一時名賢如荀爽袁宏等皆拜林宗師之友之叔度何以得此是亦度量宏深澄之不清滄之不濁故諸賢盡納於其中而莫窺其涯際耳史懷一言以蔽之曰遠可謂知言

初三日

士大夫與其謹密審諫曠謹密者極邊幅修節文細

日語

卷十二

言

黨自好之士而已其伎倆原止於此一技以假聲盤錯之會議胆具裂立見窘迫歷觀古來能辦事之人決非小廉曲謹之士孔文舉陳元龍段熲賢陳同甫輩甯有取焉若聖賢豪傑則廣大中更饒精微又不可以此論也

劉燧有言對雄主非以精神不接此語大有識解無論大成小就有一分精神纔做得一分事業從古英人偉士其姓名功蹟常存天地間者皆當日之精神留之也然精神不可以學而能要自靜氣養出

學問之道非有通天徹地之精神烏能升堂而入室哉少年識不定胆未堅剛老來形衰力漸頹廢壯盛之日精神可為又多不肯為不肯為又無父兄師友督過之以悠忽成暴棄徒花費有用精神公明所謂列宿不守眾神亂行神思遲出靈風可懼三復斯言令人骨悚

初四日

附因安賈生正卿訃音夜情恍不成寐念生以孝行

著聞里名聞於京師生與余同甲中生從余遊始

壬子四十年渾若童稚余居百樓生猶攜其弟姪

日語

卷十二

言

子婿依余五年余南來生猶時寄聲問囑為謀居

今已矣矣嗟斷不能為文弟之識此以奇余哀

初五日

題孔懷卷 憶吾兄捐館在己丑予於是冬即南來

每一回首即痛痛露形影追隨夜不成寐一日猶

子度雅葉卷寄志予讀未終恍見吾兄攜手怡怡

軒時也題曰孔懷夢我之章與棠棣之咏從茲可

俱廢矣撫卷泣然

初七日

蒲嶼巷 先姊丈槐慶堂魏縣廣文也卒於官囊空

不能歸視許蘭老憐而告於其邑令得襄其事嗣後復遭四喪舍甥且病今遺其子來告哀仍有乞恩蘭老之意弟念其別離地方不宜再有請也再黃父母係貴同年借鼎重仙散處得五七金舍甥得葉產其母妻於淺土是即生死而骨肉之矣不致忘先生致忘內黃父母之德耶弟不能為力而借力於知己實愧之然情又不能已可奈何

初八日

明代八子選 三無道人選明代八子葉為軼程濟

姚廣孝楊善張璉為一卷方孝孺于謙楊廷和黃

日譜

卷十三

三

道周為一卷八子者道固不同品各自異而三無葉而集之者何也予詢其指三無曰天下事非智不晰非愚不濟程濟知廢廣孝知興善與璉知事機之會此四人者人不同而智同也若孝孺四人者痴忠摯性心血淋漓一往孤詣百折不回豈無過甚而不如是不成足色四子者所謂愚不可及也古今人不止此八子舉八子見古今人不甚相遠也子因嘆天下人知者難得愚者更難得獨此一輩庸人最難觀伏既聞於燭事而又巧於避禍非得明知人則耳目不聞眾無所適從非得痴也

人則心志不堅眾無所依歸此三無道人選八子意也二者相提而論仍不出于曰其知可及也其愚不可及也夫揚美頌瑜言不中窺有志者不服其利識解人或品節有智富於統體處會其神情而以一言蔽之乃見點睛妙手八子者人各有傳傳谷有評傳可因之於人評則三無道人獨出手眼三無道人蓋閉門讀書老而好古者也

初九日

是日冬至合族人修祀事因與其弟姪兒孫輩誌飲

敘述祖考遺訓以教誡之

日譜

卷十三

三

初十日 齊家一則 居家之道須先辦一副忠實心貫徹於內外上下之間然後總計一家標本緩急之情形而次第出之自無乖戾舛錯之事本源澄澈即有淤泥不難疏導患在不立本而為末竭其源而冀流之清也豈可得乎一家之中男子本也父慈子孝兄弟弟恭本之本也本立矣而末萎焉必其立之之根未固耳立之之道豈有已時本分自盡者亦不見吾分有圓滿之日古人榜樣一一具在只不聽婦人言便有幾分子氣

榻前晚菊猶茂忽童折梅入瓶中靜對有懷爲拈此
句何物茅屋底酸醜生幽香豈獨留遺韻早梅復
吐芳一寄高人語一稱隱士行衰遲坐相悅像在
良友傍俗事與俗心恍恍若有亡今當閉閣日呼
杯慶生陽

十一日

古人於功名之會多不令終者只是不能降伏居第
居名之心故肯進與偽退皆一念之靈靈後之也
晉魏舒舉孝廉不肯虛稱不坑之高以爲已榮陽
欲抄亦郎官非其才者襍被而出曰吾聞其人也

日譜

卷十二

三

只是真實不苟到處安閒此大是學問中人
庸人只見已之有能全不見已之有過所以爲庸人
賢人全見已之有過絕不見已之有能所以爲賢
人

處事之道才識胆三者缺一不可然爲甚胸中不
先具達識則才必不充而胆亦不堅對面光臨任
正曰天下未定智意爲先以清古之風而當末流
之會了一身一家之事而不足如何能出而問天
下承千古耶

從來以酒色殺人貨財殺人者人不知悔且樂趨之

甘爲其所殺而不悟至於死忠死孝死義以身係
網常名教而立千古亂臣賊子之防御多方以避
之吉凶榮辱莫知所辨士大夫知重名節則婦女
兒童亦知重之不知有名節則名分名義名教俱
無所用之其與禽獸相違也當幾何哉

十二日

竹林諸公縱情於酒以曠達自負跡其生平見魏晉
之際名士少全者乃始遺落世事以酣飲爲常作
用不同皆辭全身一念出之而達之一字實未易
言山巨源浮沈若阮之中居世則賢姦共賞居身

日譜

卷十二

三

則仕隱兼收是大有權術人孫綽嘗鄙之言其仕
不仕隱不隱亦確論也王戎一貪鄙巧詐之人耳
富貴已極而黃墟數語強欲分竹林之席人且見
其肺肝矣嗣宗負濟世之志而又有其才然勸進
之事將無不可乎叔夜竟以才高識寡不免於
反不若向子期劉伯倫輩之得以天年終也豈識
果不伯倫輩若即以叔夜之才用之以叔夜之談
不足以伯倫輩之識以之用伯倫輩之才有餘然
其苦心極慮不過曰苟全性命於亂世而已矣達
之爲言恐諸公未可以將就承當也

十三日

易州田治堦進諫安肅趙又元炎二生各奉其父命
徒步千餘里來從遊

十四日

杞縣劉蒼石始舊來從遊蒼石劉文烈憲六公嫡孫
也子謂之曰為賢者後甚難淑身砥行積不如其
祖父便難以語象賢光大前人基業此中自多少
苦心妙用在是在子之自勉焉

十五日

謂田趙二子曰學人最怕有成心為他人爭是非尋

日語

卷十二

三

勝負試看從古來所謂為忠臣為孝子者或以
或以逆或以顯或以微其跡自不能同總求此心
之無愧於君無愧於親而已矣學道之人階入之
途亦自不同總求不謬於聖人而已矣學人豈俱
能窺聖人之大本大源然未嘗不寄聖人之一節
一曰夫子之四友六侍正見夫子之虛公無我無
處非學三人有師有長則急錄之問題中有長正
有親過之法在是非太明勝負太分明人止極僥
舌我輩似可忘言矣 做人只在行已上取齊嘗
見有談忠孝甚分明者卻做出極不忠極不孝之

事關然自修不矜名即行非大有學力人不能

行己之道不在矜其所長而在日去其所短日
矜其長則長即是短去日去其短則短即為長矣
取人之道不在摘其所短而在錄其所長摘其
短則長以短掩矣錄其長則短以長掩矣況史冊
上人與目前人長處卻是其短處短處卻是其長
處只在具眼者自取之而已矣

十六日

贈田趙二子 負笈輕千里於今見古人衝寒鬚鬢

改聯步笑歌頻蔬食貧知美詩書閉覺親庭除仍

日語

卷十二

五

樂國天地一風塵

十七日

訓隱千里惠詩 有引 千里與子弟啟美同為辛酉左
忠毅公所選士高才能文章不樂仕進子嚮之从
未得晤今因田趙二子來燕門惠詩寄問其嚮子
之意蓋不啻子之嚮千里也何以訓之 風音問
昔名筆墨極奇峭相隔僅百里未得接書笑今臥
共城邊十年形影弔別來枉芳訊驚喜歸素料夜
窗一再讀寒燈取相照日憶吾子游與君昔年少
向入有道籍君高白雲何處影斷中天鶴踪凌絕

張生從子久埋骨蘇山場會皆所得士千里遙相

望誰謂世運頹五子老彌疆我為作此詩留以閱

滄桑

二十一日

寄毛晴嵐 途上一別倏忽五載詩情棋興猶依依

在心日開也臨路所騎為太若壽言弟而致語老

因無便鴻遂未得寄南阮高發德門盛事自當題

接弟鸞贖久成廢人絕無好懷安能得句適因田

趙二生遠來偶有數章便借手請教趙先生進

狀何似董正誼父子十年作苦能無悔心便見學

口譜

卷十二

語

力有張公儀者節義之家做鄉親友多識其人不知

知可相晤否

二十二日

田趙二子辭歸臨路口占 道在當身無刻離歸而

靜對有餘師乾坤雖洞猶鄰並莫負南來聯步時

不解三人必有師出門悵悵果何之工夫簡易

無多說好味臨歧話別詩

田趙二生以思親求歸因貽詩於其父沛然隆軒二

道翁 各承親命來還以思親去立本在敦倫求

仁惟強想為節節任德教子其高譽漫勞倚闥情

雲深知有處

二十三日

瓶中梅 誰人折得此枝來插向瓶中細細開忽憶

江南香滿地想應春信一般回

二十四日

為李孔從孝廉作誌文 入巖寒二集

二十六日

鹿洞觀自沼干徒行過夏峯口占二絕以示 生於

憂患古人辭懿祖生平力自持要識天心主汝意

沼干八載足深思 每向前賢審所宜太師有道

口譜

卷十二

語

是良師君家家學思王效茅子曾為賦別詩

二十七日

語諸子曰德業相勸過失相規朋友之義也然勸之

以必不能從則疎矣規之以必不堪受則怒矣因

入隨才非大賢不能

善居己之長者切不可露人之短不露人短則人人

皆長矣集眾長為一長則其所長也不亦大乎德

沾沾以長自見而故以形人薄道也非享福之器

二十八日

兼山堂集五老再申前約入器兩飯酒隨意大家遊

行以崇儉德

二十九日

為李願卷孝廉作誌文 入歲寒二集

十二月

初一日

為劉文烈文集序 入歲寒二集

初二日

松竹軒三友銘 孔門論友損益攸分其益維何重

諒多聞予友亦三松竹與梅不受物侵不為世猜

極挺茂寒猶猜洪澳馥馥幽香三人不連天之生

日讀

卷十二

美

物各有鍾英小大偏全賦性含情三友之益取象

伊人象則與之而況其真時物行生游神法外木

石鹿豕所取益大

初三日

西軒樹銘 有引 兼山堂西偏有室三楹南一楹榻僅

容二人時有一兒相伴侍寢與北楹一榻可容十

餘人遠邇親知日夕寢於斯食於斯今日五年矣

不意千里外仍得與同人共聚娛此暮年作樹銘

我有斗室一榻席然其連踵接肩比舍齋朝餐

粗糲夕得安眠一榻不隔四海為緣夜分就語非

元非禪論心達且讀書十年榻愧南州人則昔賢

我雖衰遲實借周旋榻兮榻兮似別有天鷄鳴夜

氣庶幾罔愆

初四日

偶拈 是日偕客坐中語諸子 乾坤元易簡時物自行

生何廷夫何合一情普萬情

初五日

青鳧盟 定興鹿洞觀係忠節先生孫解元君季子

也寓沼于六年矣與元亭咫尺相望以年家之好

俱為賢者之後似少此一聯此子非庸流也得人

日讀

卷十二

美

夾助便成令器借吾丈提攜當更殷耳伯巖如到

家亦可引之一過其廬

初六日

讀史一則 漢高與匈奴和親後遂冒姓劉氏永平

中單于羌渠遣子於扶羅野兵助漢討平黃巾遂

以其眾留漢即劉淵祖也大凡夷人得雜居中國

未有不白有功始者武帝欲使劉淵平與孔恂楊

琬進諫以為假之威權平吳之後遂其不復北

也後秦涼郡李暹請假之一將軍號致行而西

孔恂曰元海若能平涼州勸樹機能恐涼州方有

難耳五胡入中國稱帝王智勇絕人固不足怪至
喜經術工文章則異矣清言名理與中國名士雅
人襟期契集師友相命則又異矣石勒年十四王
衍見而異之曰胡雖聲視有奇志恐將為天下患
馳遣收之會勒已去晉之群胡皆犯順借號惟慕
容應以王室為名不失外臣之職異名高書陶侃
以遠臣荒服貴中朝文武以復仇雪恥之義始終
得為晉完人石季龍廢石去而自立其稱廢不
損戒其子曰自古以來未有夷狄作天子者我死
汝便歸晉當竭盡臣節無為不義之事乃遣使請
降歸晉歸晉八年始卒中華不幸而有五胡又何
幸而胡之中乃有慕容廆姚萇特表而出之

日譜

卷十二

美

初七日

晨起偶拈耳聾聞始覺日暗見方明只此無繁係
發生是達生

初八日

問友人病 從古無以詩文醫病者有之自漢宣帝
之於太子始太子體不安詔使褒等皆之太子宮
朝夕誦讀奇文及所自造休疾平復乃歸其體悉
謂護有異想此豈尋常姑息之情哉僕思此段妙

理父可以醫子子可以醫父聞體中小極正當以
之自醫耳不必向岐黃索藥餌也如何

初九日

語諸子 士為知己用為知己死此最有肝胆之人
吾獨惜以一片肝膽誤投於匪人爾深為千古詬
病漢史稱杜欽深博有謀優游不仕以壽終欽何
求於大將軍鳳乃陰為王氏取漢不過感王氏之
知己而甘以其身為築大耳若郗超者更苦矣為
桓氏謀主以父情忠於王室不令之知至不愛其
身以報所知不愛其名以報所生此豈庸流情不
知學遂至此匪古今影樣不可盡述卓中郎莽大
夫尚不自惜而況其下焉者乎

日譜

卷十二

美

初十日

執行路之人而語之曰汝欺心也彼必不甘受就英
人知士而頌之以謹獨彼亦退然不敢自承夫不
甘受者何心而不敢承者又何心也此豈有真似
耶盡本心元不自欺行路不甘受可驗人心之肯
有戒懼工夫即須臾不離道之君子到底無欺手
之時彼自謂能謹獨者皆所謂將就冒認者耳

十二日

客至 七十七年一病身何緣千里客來頻村深車
馬人驚見慮我尊空甌有塵 漫道貧家少送迎
生平氣韻喜嚶鳴蘇門片地猶清靜溪月山雲可
締盟

十四日

是日爲子誕辰宗族鄉黨窮親故舊不遠而集者約
百五十人 夏峯非海屋客較昔年多爲我耄仍
健懽勝發浩歌

十六日

談長益過訪夏峯 美人天際迥何意一幽尋渾穆

日譜

卷十二

甲

識山靜淵澈愛水深好將黃菊淚託出白雲心莫
漫輕言別霜威到處侵 何方是樂土容我老蘇
門客久安耕鑿村深長子孫但知藜藿美豈愛群
蘿尊家園闕心事君應善處屯

十七日

長益夜遊泉上 別有看山眼何妨入夜遊月明風
氣合人靜水聲幽嶺半聞孤嘯源窮發隱憂衰遲
艱策杖獨坐意悠悠

十八日

如蘭卷引 語曰同心之言其臭如蘭予平生受履

澤之益故於其歸也概不敢忘甲申以前有草堂
蕭譜一刻甲申以後未嘗出門交一編皆數卷詩文
尺牘俱載焉長益與予論已十年矣今始得把
臂聯牀論人論事片言微中而淵穆不露才鋒更
出夙昔所聞之外因彙其所贈詩爲一卷標曰如
蘭宛若晨夕相對也

十九日

送長益過長垣兼訂明春泉上之約 春焉且試歸
歧手陶然滿酌尊中酒念君十載意何殷條忽言
別情難割別懷難結總堪刪戶外白雲戀故山一

日譜

卷十二

甲

山雲暗衆山拱應待高人處其間廬在山中隔世
塵自從多難敢述秦羨君萬里乾坤眼孫邵臺邊
與結隣隣有泉聲伴鶴猿碑無華字自金元與君
共作牆東避况復咫尺是長垣長垣前輩李司馬
題燈英名冠朝野近代邵公父子間屈指文壇推
大雅雅風蔚起見斯時家國誰憐歸未期來歲桃
花溪源水恐君溪外問津遲

二十一日

夢中得詩二句醒足成之不知何題以意會耳 令
行初出日酒款未歸時看向曲徒得悔忘焦爛遲

二十二日

夜寒 入夜風威透骨深難兒烘火與寒因思老

一多無業安解乾地有心

二十三日

迎春日東三無道人 衰遲無力禦春寒咫尺相望

過訪難說與道人休作黍立春三日攜春盤

二十四日

立春 春在何方好去尋東郊車馬簇如林誰能識

得乾元意盡洗浮游忿忿心

二十五日

日譜 卷十三

望

媚神一則 世俗媚神無所不至愚天雖不足貴而

讀書士子亦迷而不悟習俗移人良可嘆也左傳

晉趙嬰夢天使謂女祭于子福女曰其伯告人曰

神福仁而既淫淫而無罰福也矣其得亡乎祭之

之明日而亡斯言也是大學問人看禍福分毫甚

精斷人過分之想

二十六日

有文索聯題云 切非即是寡過即功非耶德耶胡

可護地自是問非於功過是也功也吳足持乎

二十七日

答諸友 歲事不敢遵格例先致一芹恐茲往返辱

賜且手教真切不敢不拜亦不敢往報唯有慙感

而已

二十八日

春臨 歲月遷流人易老陽和綿亘世常新 人與

乾坤轉春從肺腑生

二十九日

唐虞事業始自雍熙 聖外王皆從此處著手世以

示同志 依聖端拜狗紙上尋春豈在吹枝頭能

令一室無交謫 是唐虞三代留

三十日

示諸子一則 學問要看臘月三十日蓋是日為一

歲之終一歲所為或有愧無愧各宜細加考問行

事無愧者為君子為善人欺偽半焉者利善之間

者也有欺而無慊人斯下矣或內多欺而強裝於

外居之不疑人之視已如見其肺腑肝然究竟何益

非比下焉者更加一等還信其為君子只是欲寡

過欲寡過全在知非我輩不為君子者平昔原

無欲寡過之心一味飾非自縊其君子之路此夕

為一年之結局結局得乾淨明朝為新歲之始候

好舒眉展眼安穩度日此夕有積愆新年增愧色矣

是日為宗黨于娶婦

已亥除夕一姻友兩門人兩從弟七姪五男六孫從孫十二曾孫一長幼共三十六人得四絕 家世燕南易水傍客中除夕十星霜非貪此地人情美天意催教輕去鄉 堯夫亦自范陽來安樂為選有嘯臺二老結鄰休棄我各人生面各人開 七十七年旅病身尊聞此際喜同人眼滿世事堪與老不必桃源更問津 元運只從此際尋古人臘

日譜

卷十二

七

盡看何深好將方寸幾微地託出空明續古今

錄存卷之十二終




孫徵君日譜錄存卷之十三 順治十七年庚子七十七歲

正月

初四日

九世孫世珽十世孫世勳



諸友暨子若孫咸在予謂之曰我輩要與世立志以過須如愚夫到股不忍痛則不能與世立志以親好賭敗家喪行後悔之猶不能自禁則其苦謝諸惡少不與見近有一族子因酒為婦所誘攻之遂戒酒改過我輩悠忽將就須不設藩不長攻能如此等愚夫纔見立志莫作口頭語取也

日譜

卷十三

一

初五日

問人生何事最樂曰無違心之事則樂矣時時不違心事事不違心自然充實光輝有根心生色之樂違心則疚疚則惡惡則辱惡得樂

初六日

客有苦多事者予曰天下本無事庸人擾之耳君等所謂最不可已之事皆其不必然之事也金谷為神物力盡用之於不必然安得有氣力於其所當然者乎省事要自省心始人不能代已法裁也

初七日

與蔚經廳 做門人王漢眉伏氣男子

門特為依不候而來家甫三載而所遭不幸人亡

穿破外侮內難齊至子懦弱囊空如洗兩妻少

年貧不能守其嫡擇良家嫁之有一僕知書習算

其姻親崔竹涓作令儀封亦做門人也託不佞借

去此嫁妾與僕二事昔人所共聞共見不憚云

不拂人情不謂其弟婦王氏少年無知誤入族惡

之教唆而以與販人口訟之於縣亦寬矣哉氏原

以草豆之故貽累於其姪某某以貧窘不能代彼

輪納氏起毒心遂以與販人口為辭且氏夫遇處

日譜 卷三

失父其兄撫養為之娶妻而氏乃以此相報恨矣

某既係合甥婿便是休戚相關之人幸以百卷之

當事者聽斷之際當自得其真情耳前論張親翁

原字附覽

寄王悔菴 前歲聞有楚泉之推日夕望旌旄過

源人之方知請告也急流中勇退自見年兄學方

非徒口頭講說出處退孔孟原有格律可止則

正者誰其人哉僕新年七十七矣華賸久成廢人

然於學之一事微覺親切通輯有數種非云著

述也聊以娛老境耳無則本不及就三叶中之

學之人與年兄隔遠又無絲面質於子以之歸也
附此當一語

初八日

王君佐張天章徒行過夏峯貧士具儀殊非格例示

此 昔生蔣徑幾多時漫訝羊裘過訪遲貧士人

情格律在奚囊明月好相隨

初九日

報郡陔鄭二公子 憶接尊君先生手字在甲戌武

城官署中記辛卯相晤亦曾及此不謂緣淺竟未

獲一謁先生與仁兄踈達又復十年矣良會之難

日譜 卷三

天若不背輕假人也前在雍邸讀桓史詩思見其

人御之遺使相迎亦不果來一書以歸其述雅注

蕞蹟廢人何足當諸君子眷懷至此日友人某後

往補試草草不及多致

初十日

天章居大父喪以無夫復嚴飲食之戒而安貧好學

可稱扶俗之士

君佐答友問五則識議似正議論以偏舉而歸於理

文字以逆取而得其勢知此機者可與論文可與

論學

十二日

高真皇招飲梅下 我讀昔賢詩梅花如高人凡卉
莫能敵松竹堪結隣松僅稱後凋其氣已處重竹
雖不改色惟悴失其純獨此飽冰雪寒泣更隣
蕭疎挺世外幽香怡我神當其枯槁時不以空谷
漣花神有巢許豈獨歲寒親我來整冠佩對君儼
嘉賓感物已如斯而况得其真主人亦冷晴樂與
數夕晨老我少傑思醉臥敢辭頻

十三日

勉呂左臣下帷因憶其叔祖昆峯有蘇門之約寄問

日譜

卷七

四

流光容易過惜寸至人心勉矣承家學超然絕
世佞性因習乃遠道聞古成今而祖曾相約蘇山
待早尋

十四日

送秦伯晦明府歸越序 入歲寒二集

十五日

耐齋 耐齋連成渡元宵醉客主人與更豪數日淹
留借長幼也教心事不蕭條

十九日

復馬玉笋 元宵後三日蒲使持翰觀光年五雲而

下迥曠讀之神已飛渡止齋與先生推了話數年

情況也先生當此時養親課子一意退息此是大

福德人而多識前言往行以蓄其德于聖萬賢之

事已畢此外復何事哉貴鄉文清先生而後接踵

有人先生與諸君子一時鼎起為海內詞翰第以

腐儒十年託契雖遠矣敢自外焉月川先生澠源

令張天弓新搜其遺集而刻之第借為之序左西

川亦有刻惺所未有遺文止存其與孟雲滄昌豫

石同講學姓名而已懷我何不之澠池而之陝州

乎中州稱理學者十二人畢竟以月川為首十二

日譜

卷七

五

人翁各存其傳澠池令欲授梓因呂新吾先生未
詳遲遲耳亦欲就一便令小兒攜往就正又未
知在何日也嘉言錄如成望寄示一册

復景乾貞馬振公宜公 僕自七十後於學問一事

漸覺親切然氣力疲業難自鼓且此中就正無

人二三十年其英敏之資乏沉潛之意於此道尚

未見有真實頭緒三君相問雖遠相別雖久果肯

相信猛志用功眼前具足豈待他求

二十日

李國華舉孫 流俗移人甚獨君不受侵低徊一夕

話託出百年心德厚家方慶神融允自深抱孫知
古誼湯餅到於今

二十一日

復劉公勇 歲底劉司空郎之子尉手字至適王李
諸公見顧謙道翁甫入官安得遂決意請告耶僕
謂劉公大勇其言自出真誠况若文茂三三公之
言其在不得請或有之如云非真實請則非也昨
聞貴堂翁已具題王李諸君復謂僕曰劉公真大
勇哉大家驚服遂其來蘇門之山光水色已欣
欣相待公愚使君邇來體中何如前所付一編于

日譜

國卷三

六

萬莫令疎失也構斯赴箕生之約特囑之過訪此
中景况渠悉之不多及兩令兄一令姪一日風賦
千秋際會愧不能作賀頌為聲意

二十二日

或謂俗子相訪似不必加禮余曰此便是自己入俗
論人於此時孰為雅士經世之業僕覺世之聖賢
須是耐俗方能移俗一有厭薄俗人之意此心已
先放縱得不在失禮於人而先失禮於己孟子曰
禮之於賓主也未聞其類皆雅士也

那翁屢投予詩報此 吾生八十近君肉亦相隨雙

客貧能寫談詩老不移腐籬同夜白繞梁競朝炊
晚節宜敦勉洪決是我師

二十三日

寄范箕生 僕八十在望親翁亦近七十矣回憶生
平無歲不數過江村也過江村無不入城中思雨
家皆四世締交於祖孫父子間竊幸得所師得所
友不大至顯越今故交零亂與親翁相隔又遠每
與構斯稱述往昔不禁淒斷今於其北上也臨路
附數行聊當一晤此中光景渠悉之無庸多及親
翁牛耳詞壇蓋三十年矣所著所選亦欲借構斯

日譜

國卷三

七

領其大畧勿謂門外漢不足與言也
寄刁非有 前田趙二生過訪曾付一字想入記
矣學問一事邇來不敢以聲價廢業但印證無人
所聞所見未免浮游將就之真實自得之趣大河
以南遙聞聲而相思既未得之目觀河之北八字
著腳真實用功者舍年兄其誰望焉構斯北歸赴
箕生之約過元亭為我輩道指遠邇別久之情況非
泛泛也

寄杜君異 學問一事邇來頗覺親切無所事事為
四書近指一編大約皆四十年得之江村之講說

還以佐說約之未備耳惜無人印證甲申大難錄

初編二編畿輔中州人物考兩編創業中興南

茶錄四册答問六編日譜二十册歲時居二集十

二卷取節錄續集四册蘇門遺事二册蘇蘇編一

册諸種俱有頃諸俱未得清楚初意欲得親交商

訂且欲借大手作序無副本難以攜去又非三句

二句可以卒業遂爾因循徒切悵望

二十四日

寄倪獻汝 第寓蘇門十年矣去八旬無多日即不

敢廢學而精力幾何仁臺為此道主盟恨相隔遠

日譜

卷三

八

遠不得時相請正而輝簿令族孫又以拙罷官益

乏便鴻泰伯晦明府亦解任總之伴官於此日無

論小大不至有奇禍便云幸矣匆匆不備聞若水

山居杜門謝客靜中得力益切企仰二為近况不

知相聞否

二十六日

宿州王生永康持所著論仁二章來謁居三日質疑

問難因下拜焉執弟子禮字有年

二十八日

寄諸同人 我輩自童時誦習孔孟孰非學中之人

然真實能信孔孟為可學而一一體認於當身果

孰是學中之人也用力力足欲仁仁至孔聖人豈

欺人語哉僕毒而痴迺來於此言頗信得及信恐

諸友有信不及者恨不得時相告語共闡此義

二月

初一日

王有年里歸詩以送之 喜爾輕千里泰州有後身

力孤承絕學志猛出迷津操行原於孝歸根總是

仁還思鼓暮氣吾道賴伊人

初二日

日譜

卷三

九

有友問人生學問須是於其結局處看起分曉如睡

菴云須是下苦工夫可知不會到做手地位陽明

謂此心光明亦復何言倘等輩志曾于召門第

子告孟敬子合易管寧諸君看來海內外全無遺

憾嗚呼人生天地能全始要終方是真人合天然

畢竟人還在天地之中至夫子太甚其嚴學木其

壞便是天崩地陷了有何分別天地也聖人也一

而已矣夫子以為何如曰此論亦見得精非襲取

前人口頭語也至謂睡菴須是下苦工夫較陽明

此心光明似有安鬼余謂睡菴此言是自勉勉人

之語平生學問原從積苦中來到得此際俱見
本出然不下苦工夫安得此心光明陽明是就本體
說勝是就工夫說正不必以此分優劣也曾孔
之論皆是前人未發余甚快於斯言學問能了達
此件便是開道無難事矣

初四日

嘉善魏思節孫允博允枚書來叙其祖父往日之事
復遺長歌悲憤纏綿追憶其庶常君殉義時情況
殊令人不堪回首此事海內既有人知之庶見明
代遺聞亦曾及此清議滿朝悠悠之口想當漢魏

日譜

國卷三

十

矣總之庶常不死心終難自選幾日而死者苦精
難以告人祇可以告無罪於先王

初五日

氣勝則一人不服心虛則無人不
服無人不
服是取
諸人以爲善所謂以善養人者也養字中有多少
涵茹蒸陶之意便去服人者器量便疎而遠人如
何肯服

初六日

予既不與作志之事友人有問及者予曰最宜節取
者人物與書文只不敢一偏沒有說之人不錄一

篇設題目之文其於志也思過半矣

初七日

後生質宋王格物之說予曰先儒之言各具至理只
就我輩本心信得是如何便如何下手做工夫全
不在口頭上講說古人之不同者多矣昔古聖人
也殷有三仁焉正於大不同處會出大同稱量於
字句之間凌伏羲之畫轉濂溪之圖不反身心但
求毫楮所謂嚼其糟粕迷惑之甚者耳乾坤易圖
時物行生此段消息固無刻不在目前也認得出
著衣吃飯行立坐臥活潑潑地認不出疑患怪措

日譜

國卷三

十一

何時是舒眉展眼之日此事不借力於他人不姑
待於異日當下自憤憤時即是樂時隨路索書付
此以俟再晤

初八日

清直一則人 中州考 劉賁鄉鄰人寧以成山舉人
冠仕肅甯令時魏閣徵方張族屬親黨似借聲勢
賁卿一以法治之閣令請撫按建坊賁卿以書表
至重交結有律已自守拙奈何以婦禮導人乎又
綱忤何應星楊六奇輩推呈秀疏系矯旨用職爲
民逆關伏辜臺省論薦特旨授湖廣監利縣知縣

賈卿高祖司寇璿廷就道璿請察伏法惟允曾祖
司寇勅武宗市幸時以甯國司李珥璿初赦復原官尋授
賈索債不與執璿詔獄璿請初赦復原官尋授
史貢卿之守身持正淵源蓋有自矣 三世俱流
惡璿所謂以推許為長發

初九日

方正一則人 中州考鄭二陽鄱陵人號潛巷萬曆已
未進士歷官至巡撫歷仕湖廣德安府推官事無
冤滯遠近獄訟多願就理乙丑春行取入京瑞賢
之私人潤疏稿疾以劫左都楊璉居家不法事便

日譜

卷三

三

可立登津要二陽為楊公居家清謹實無過某何
能作違心語遂改授南工部主事其備兵進揚也
有靖揚功與望繫焉鹽漕軍門大璫揚名聲勢
赫奕依府道皆以屬禮見二陽以兵道不與鹽筴
且勅書無提衡監司語屹不為動丁丑舉天下廉
卓第一其開府皖江也提五千孤旅戰於六安戰
於商城固始戰於黃梅等處皆以捷奏獨所見與
輔臣楊嗣昌左故其說多阻而不行二陽研心史
學雖海書軍旅之餘不廢其業晚年有史取一書
又次選歷代詩章備其大觀摘選古今名文若

天下大文章皆歸山以役事當官各有著述平生
篤於宗親欲做行范文正公義田事晚好坐典
子於甲戌知公為端人也迄來蘇門人益稱之欲
走斯公而公往矣

初十日

春分家祭二七十七年逐世塵何堪一事告吾親兒
童扶掖修家祭跪拜相看四輩人

十一日

東公勇 構斯北上曾寄一字想已入覽求退者道
翁之本心而不肯聽其退者廟堂豈無意乎西曹

日譜

卷三

三

自于鱗元美振起世稱多賢今之嗣響益復有
老前輩與做鄉忠愍先生交好僕因得託聲味
道翁今日之比肩共事者他日攜手百泉續姓許
當年化民成俗之事便從茲始矣茂三舊於楊翁
老 人歐陽子與梅聖俞一段因緣汪公業自
許僕尚欲鼓暮氣從諸公作勝遊也

十二日

從古英人志士當可有為之時用以據一朝之意氣
發千古之悲涼切莫當面錯過一瞬失之終身莫
贖悔何及矣人之言曰運在日中浴日於扶桑若

選在尺食捧日於虞淵難三復斯言不能不為有志而隕問者三嘆息也

十三日

友問民生憔悴至今日而極清甯安阜或難驟望而一方一隅之補救苟且偷安何道而可予曰子能勉之凋敝立起固不待期月三年也日今之弊上未嘗無德意而官吏格不行子果辦一副至誠心先清其自私自利之念力陳於當事者為小民請命同儕誰肯自外當事者莫不長嘆而頷惜之郡邑有良吏闕里有名卿小民搢紳志安得有意

日譜

卷三

古

外之慮乎

十四日

友人曰甚矣人心之競爭無已也予曰保我之不爭而已矣貧不與富爭賤不與貴爭少不與眾爭爭矣不得不俛首而處其下何必爭也私不與公爭非不與是爭曲不與直爭人不與天爭聞不爭不得不昂首而居其上何庸爭也

十五日

是日弔楊天放天放江陵人派出天潢改姓楊氏初識於裴航坐中予曰此大雅君子也因論交焉常

作落花詩有悲憤不平之感嗚呼有夏舉歌多知已之言未幾而病病而死醫家曰此鬱症也予固憶天放之必鬱也時有怨言不能挽救衝風往哭之徐承輝詩焚其靈次天放名國沛

十六日

同薦管輩步孟莊南巷賞海棠長幼咸集客曰賞花宜初放時宜晴時更宜同人佐以名酒花神方暢予曰取快於境境不我值便成缺陷只合令我心與人無忤於物無嫌出而茂對無往非樂境也乾坤易簡時物行生得此意者方可言賞花

日譜

卷三

五

十七日

賞海棠之次日應舉向未有詩長幼催之 短笛斜日過前村白髮生徒獨爾存花下醉餘欣覓句好留高韻照蘇門

十八日

天子下罪己之詔匹夫出悔過之言昔有出幽谷遷喬木之意但恐以罪己者而借為若己以悔過者而轉成文過耳此真偽間的之辨也

十九日

許傳巖過訪夏舉贈詩二章報此 逃離茅徑草堂

芋不謂高軒肯惠然投贈新詩多藉藉風流仍是十年前

示詮孫一則 去偽存真只此四字微頭徹尾便是聖學切菽之而為有恆也功力漸加存養日密則為善人為君子純之不已遂至聖人先儒謂聖人可學而能謂此一點真心人人皆有故學者當立必為聖人之志此志不立全是偽字作崇無為有虛為盈約為泰正是其作偽處也作偽心勞口拙究竟只落得一箇長戚戚耳聒之小干試自點省

日譜

卷三

六

是日合諸紳為劉自榆公祭自榆起家延津令多實政士民德之予與自榆交八年乃起家始終不惟無求人知並己亦不自知不謂近今之世而猶見此古之愚也

二十一日

晚江陵揚天放三絕 十年漂泊一孤舟楚水相牽未盡頭怪得姓名終欲道屢原心事向誰籌 問來展讀髮峯歌讀未終時淚已乾高韻豈隨流水去嘗疑顏色月明過 無家人已謝兒從落葉先悲楚客蹤清夢幾歸歸未得孤魂嘗傍孝陵松

病時有落葉詩十二首

二十二日

作李慎菴詩序入歲寒二集

二十三日

鶴聲 險巖無端觸耳深天教鶴喚引清音兒童偷暇來湖岸尚帶風雲萬里心

二十四日

題克齋 克齋者取克去己私之義己私多端不可究詰約之難於己而拂乎人做不肯肯而安之莫知克也賢智假焉不欲克不肯自認為不克護痛

日譜

卷三

七

畏攻而已私之橫據更甚顏子大賢夫子首以此告之見己之未易克而克之未易盡也一分已去一分禮還即已盡去矣仍覺其未盡也即今日見為盡矣不能保明日之果盡也湯文周孔渾忘焉而無克之名顏曾思孟力行焉而體克之實彼才情氣魄用事者便不肯於此處著手然本性自在本心未特偶一對勘排難之情自不能昧當下自慎便可與聖哲同歸所謂及其成功一也己之分數而人之陷溺甚與不甚係焉克之分數而人之大賢與小賢係焉持此以論人無餘蘊矣

二十五日

清明家祭後早劫掃墓

二十六日

跋胡信山家藏先正手蹟後 明代二百八十年忠

直之臣未可輝如撤山先生者一二人外指未

敢多屈也先生歿未百年而手蹟鮮存予第武城

字畫諸忠尺牘一卷求先生片言隻字不可得迄

來蘇門於冀司冠邸見先生梅軒詩卷莊書疑信

半之今見信山攜來草稿其為先生手蹟無疑也

生先生之里瘡痍燙腦日切於懷七十年來始得

日譜

卷三

六

兩寓目其手蹟亦幸矣石齋諸公字見之令人

敬伯願別二十餘年矣見其人於字裏行間其扎

寄余姻友盡明並為之增今昔之感也信山以題

額見屬予周拙於書且留以待大賢然非有身分

人未可輕點一字也

二十七日

張生視予夏峯其師杜君異鳴 云已有字附

開美不虞其尚未至也語次是經悞枉事得自

詞其顛末云事結於洋門裴生與史生見明介其

師貽書於其所知事始得解口占二絕贈之 朝

亦有客過兼山千里征塵意更閒語次同人竟

解多君俠氣滿燕關 更難師友俱同心排難

看義舉深在汲西江口救涸果然別自有知音

甘雨託人向江西原任處求解 者云此無用

李瑞含頓首夏峯 自笑當年俠氣飛蹉跎心事

書幃每從河朔尋豪友肝膽知君有所歸

二十八日

贈公勇 入官兩月賦歸來刪盡塵心結聖胎訪我

蘇門思共隱當年姓許又重回

題夏峯 無山無水亦雲林盡道標源此地尋刊去

日譜

卷三

七

浮華留靜氣開看調鶴洗機心

二十九日

王兄西頓予夏峯因及與余故人牛仰泉舊好不勝

今昔之感因備殘帙題仰泉燕人本色詩貽之倘

他日遇其子拔焉於路應笑僕有媿古人耳

問此生如何方樂曰無疾惡之事則樂矣孔子曰三

樂以桑節禮樂為主孟子曰三樂以俯仰無愧怍

為主皆所謂不疾無惡而自慊者也待境而樂者

境非順則意索境過順則情積意索者特自得之

真情殺者入損我之路是在詩樂者自審之

問日用多事為苦曰甚不可有苦事之心也一事苦
事之心則子臣弟友之間其不盡分也多矣但不
可分外生事生事則事多不生事則事少古今不
可少之人皆本分自盡之人而非分外多事之人
也亦在應事者自審之

三十日

問求志達道從何處看得合一曰就孔子視堯舜何
嘗減得此子就堯舜視孔子何嘗增得此子只是
當日不甚著明觀百世之後安有分別虧也子說
得出

口譜

卷三

子

問姚江以盡心章知天節屬生安事天節屬學利此
無可疑立命節屬困勉節信不及曰子莫輕視了
困勉不到立命處如何算知之一成功一厥壽不
貳修身以俟正困勉著實下手工夫處

三月

初一日

跋李九我先生家訓後 從古介節之士未有不先
於飲食立坊盡飲食於人似小而飢渴苦心最大
此危微之介理欲之關孔孟學術其得力處全在
此九我先生清直廉介天下仰之予童而聞之今

忽讀其家訓真人立言質素無文而一生之苦節
高風宛從言下見之真所謂不以飢渴之苦為心
害者乎予少值家乏老而長饑三十年來與親友
相會之約頗有先生遺意然在先生之時地位望
則為從儉在我輩之衰腐寒陋猶覺其過奢也先
生刻意獨行不令人笑不怕人怪其自得深矣

九我家訓云余平生不吃齋每盃羹菜送病晨不
輩午不酒酒但沽而不釀留客不請客客至以常
飲待之余久行此客無怪焉余亦不怕怪子亦守
而勿失但曰無改於父之道可也僕終身行而日

口譜

卷三

圭

病家口甚多非有遠客決無自用酒肉之事自老
妻喪後兒子輩供養勉効茅蓉殺雞餽母之意僕
不欲獨用也客至同餐時客有餘而餐不足未免
以粗糲糲之僕亦安焉客終不我咎也行之已六
十年矣在九我為裁口腹之欲在不佞為竭飲食
之情事似同而情各異跋中未盡之言復贅於此
我子孫亦曰守而勿失無改於父之道可也

初二日

問中庸人莫不飲食也鮮能知味也孟子曰飲食之
人無有失也不知如何是知味如何是不失曰孔

之疏食欲水樂在其中顏之一簞一瓢不改其樂
孔明之澹泊明志范布文之淡飯苦澁皆所謂知
味而無失者也此二字極平常而氣精仁熟之事
不能外古今人熬熬不過不知考何子多少英雄
我輩於史册上熬詳過去人於日用中窺視目前
人乃知知味無失者原少

初三日

問古昔孔墨並稱孟荀並稱為其人品同賢而並之
乎為其學術異嚮而並之乎曰孔墨自不同道然
墨之說足以亂孔孟荀自不同道然荀之說足以

日譜

卷三

三

亂孟此正邪正之介而公私之辨也世道聊來人
心喪亂非大有道力人烏能判斷此孟子闢楊墨
功不在禹下千載後孔孟並稱豈偶然哉先儒謂
孟子與孔子能離合而與之相究及門一於孔子
願學孔子者其與離合者也得此意者方可位置
千載人庶不向形迹字句間比擬耳

李慎菴水部習別詩三章即步原韻
風異千里浮家生事存已分春鏹娛牧豎尚嫌紙
筆悞兒孫看山豈其雲歸樹邊竹猶傳客到門
跡似深蓬舊伯高林浪說夏家村姚許遺踪尚

可尋聽泉枕石足知音藻瑣異代傾來晚矣語各
天別去深夜而有聲滴好夢秋風無賴動離心知
君儂自浙雲樂花下柴車每出林 君生天意苦
張楚我老無家怯望燕一代才名留水部三年友
譜仰村烟論詩欲入浣花室紫米猶思種秫田此
去長安知不遠舉頭直北暮雲邊

初四日

得張鶴鳴翁鶴騰子大同死事一則入甲申大難錄
得孝子劉渭一則入取節錄續集
得劉昭明義方一則入取節錄續集

日譜

卷三

三

得王道增清直一則入取節錄續集
初五日
與衛生論風俗 風俗之厚薄人心為之也人亦就
肯樂居於薄持清議者無人相謂為固然而不自
覺是豈人之情也哉有人以倡之心有同然即流
漓之俗可歸仁厚况乎俗本仁厚素稱君子之鄉
乎子其勉之勿以善小而為夫善安得大小
也

初六日

問達者等彭殤於一致此語殊信不及曰氣是信得

及方可與入德可與聞道果能信者屢與代謝死
生存亡之戚省都多少煩惱夫子假年學易是求
聞道非求長生也長生而不聞道祇為世之戮民
耳此中功課試自理會口頭裏取不得

初七日

世無治亂總一學術違者以天下為事兩間罪過都
是我身承當天下萬物無罪窮者以一身為事一
身罪過都是我心承當五官百體無罪能於罪過
勘得分明者窮達皆有賴焉者也獨悠悠忽忽到
處視為無罪過之人破先聖先王格律以自適其

日譜

卷五

書

猖狂恣睢之意吾不知之矣

初八日

世人未有不愛富貴者有人焉愛身甚於愛富貴則
賢矣蓋身自墮地後富貴原屬增加之物是豈可
以同日論愛乎人未有好名者有人焉尤好不
好名之名則益賢矣蓋名所以標此身之為仁人
為義士故曰君子去仁惡乎成名又曰疾沒世而
名不稱焉至好不好名之名則關然與天為遊所
謂不愠而無悶者乎富貴利達之念既已不染虛
孝節義之章亦復不著此之謂至人

朋友之難也得朋友之難也孔子曰吾死之後商也
日益賜也日損曾子曰何謂也子曰商也好與賢
已者處賜也悅與不若已者處是友之賢不賢而
我之損益依係故君子慎其所與處者則學之不
可滿也

初九日

夫子以君子稱于賤曰魯無君子者斯焉取斯謂其
能友勝已也于賤亦自謂此地有賢於不齊者不
齊父事之三人兄事之五人所友者十有二人其
一人師之而稟度焉夫賢百福之宗神明之主也
昔堯舜聽天下務求賢以自輔故孔子惜不齊之
所治者邑也

日譜

卷五

書

初十日

崔適謂文襄宜親重邢邢不知顧時毀遲文襄不
悅謂遲曰卿說子才長子才專言卿短此痴人耳
遲曰遲說子才長子才說遲短皆是實事不為痴
也古力於人已誇毀之際畧無猜忌只此一段心
事尤明文襄親重天下後世企仰邢當愧汗浹
背矣以毀而獲高賢善於處毀

十一日

聖人無已甚之事狂簡革不遇治鑄之手其失則蕩
 曾點能不疑所行然行不盡逮季武子死大夫弔
 點倚其門而歌也季張孟子反一殺夫子思狂思
 裁之也裁之使之志於學也點言志化而知裁矣
 問曾點在墾門何等識趣與參芸瓜誤傷其根怒而
 擊之休地此何以異於暴橫之俗父哉孔子聞而
 責之曰小杖則受大杖則走今參委身於暴怒以
 陷父於不義安得為孝夫然之怒勃發參不及避
 鼓瑟而歌欲父知孝子之情至矣夫子何責之深
 也曰子之責參正所以裁點也舉舜事瞽瞍索而
 使之未嘗不在側索而殺之未嘗得正深於責點
 而妙用其化裁即俗父之情未嘗不動而悔況點
 之見大意者乎
 問曾子之怒于夏也曰汝何無罪吾與汝事夫子於
 未酒之間退而老於西河之士使西河之民疑汝
 於夫子以此為罪何說也曰前人之德未彰後人
 之咎也師之道未尊弟子之責也商何人斯敢擬
 夫子而西河之人不知夫子之德合天地明並日
 月者商尊崇之意殆未至耳此不妨于夏之賢而
 曾子罪之依然江漢以濯秋陽以暴之意

問孔子去陳如衛過蒲蒲人止孔子弟子有公良儒
 者謂甚力蒲人懼要孔子盟必無適衛而出之于
 竟適衛子貢曰如盟何子曰要盟也神不聽此何
 說也曰蒲人懼而出孔子懼其入衛請兵而剪除
 之耳既無此意何慮神之聽不聽耶心之安則神
 自安豈有終守此言遂不復入衛耶
 十二月
 侯氏節畧 侯氏容城白溝人父名大賓年十五適
 新城沙口村劉應第鷄鳴佐讀應第入庠即有聲
 氏念數年已無所出欲為夫置妾夫亦以年未
 十非置妾時氏勉以後嗣至重既無子息時非可
 待為治二妾甫三年應第以疾逝氏絕粒求死思
 有老姑在堂別無可倚之人強存視息侍婦姑凡
 婦道之所當為者無不曲盡厚恤二妾各還之毋
 家侍老姑十五年餘而姑逝費百餘金葬以禮此
 時產尚豐除養贍之外割田七十餘畝數區盡給
 族人氏閉門自守鼎革後產被園占無所依遂遷
 白溝寄養其弟茂才從正未幾從正亦被園遂同
 移於衛之淇縣流離困苦無不恪嘗三十歲守節
 今行年六十有六猶日事紡績勤儉自甘白溝表

子度悉其盡行誓為子言曰氏之合於義者三從
一靡他貞也代夫為子孝也勸夫置妾賢也氏足
賦矣按功令婦人姓節三十歲寡守節三十年例
得旌 於例合奈流離異鄉未能保舉為序其春

節錄以俟後之採風者

曰教者禮之定式而敬之分數等級
則無定式也晏子聘於魯堂上則趨授玉明獻子
貢異之問孔子子曰其有方也我將問焉晏子曰
堂上之禮君行一臣行二今君行疾政不趨乎

譜

卷三

天

之授幣也卑敢不跪乎孔子曰善乎禮中又有禮
焉賜之疑得孔子而信孔子曰禮中又有禮焉正
謂禮之等級隆殺非可預設總以行吾敬而已

十四日

問臣之於君與子之事父果無異乎哉曰惡得無異
臣有 於君則奉身而退子有不得於父身將
安往乎此舜之如窮人無所歸也崔杼弑君晏子
立崔氏門外人曰死乎曰獨君君乎哉吾死且
曰行乎吾罪也乎哉吾行也蓋君人所同也夫
已所獨也惡得無異乎哉

十五日

子弱冠隨士大夫後伊時官府緝紳多修成儀官府
修威儀其下畏而敬之不敢犯緝紳修威儀官府
慕而悅之士民倣而法之不敢忽故能上下相維
動作有文言語有章後威儀漸弛操守漸壞究至
於不可言民無所則以在民上其何以終甚矣威
儀之所關者大蓋君臣上下父子兄弟內外大小
皆有威儀而威儀者固合表裏形神而一之者思

十六日

問揖讓屬旋俯仰拜跪此便是禮否曰是儀也非禮

日譜

卷三

天

也禮上下之紀天地之經緯也民之所以生也是
以先王尚之三王莫能易後聖有作合禮何立焉

十七日

人有好潔者見人蓬首垢面衣敝履穿則惡之而已
之面目塵俗心身垢污則不知惡好潔者如是乎
昔楚人田贊衣敝緼見王王曰先生之衣何惡乎
對曰衣有惡於此者其惟甲乎甲冬衣之則寒夏
衣之則熱惟無衣衣之則折人土首剝人之腸噴
人城郭係人于衣衣故無惡於甲者臣之衣敝非
惡也好潔者須潔已潔已者不可不作如是想

十八日

問孔孟論隱大旨甚明後世稱隱者專以遺棄榮貴甘心枯槁為事於世何裨曰果能遺棄榮貴甘心枯槁纔可與言隱試思遺榮就枯之意是何心腸是何氣骨廉頑立懦端有甄焉我正思其人而未見也

十九日

物之不齊物之情也蓋萬物之生本於陰陽之氣況五氣交運益參差而不齊故有生之類雜揉者衆而精一者間倏焉又何怪乎君子少而小人多乎

日譜

卷三

辛

以其間值之難似天有意陽情而國家又失於愛護長養此從古所以歎才難也

二十日

程門之學以敬為主尹彥明問敬伊川曰主一之謂敬邢恕問主一彥明曰只收斂身心便是主一且如人到神廟中致敬時其心收斂更著不得毫髮事能如此常常收斂絕無雜念便是主一便是敬

二十一日

題蘇趙太史歸養序 予於庚寅來蘇門越三年冬已參航先生以官元請告奉母至一時官京邸子

歸養者自先生始士論榮之常先生之將母入蘇

門也公卿大夫爭為詩歌以送長吟短歌卷味鏘然歸而得授讀欲令弁一言於首節予以草野不文且衰遲病廢安可與名卿鉅公相跡其間久退謝不做先生每過夏峯輒申前旨予思蘇門一區昔姚許化民成俗之地先生家大梁年方壯葵日甫殷置花正茂胡求退之勇如此而退乃奉母於蘇門之上又如此也入世出世卷舒自如知先生各有處此矣憶乙亥歲與鹿忠節過予文忠所文忠曰忠孝兩倫並列天壤事父事君果有異乎

日譜

卷三

辛

忠節曰明於事父以事君故曰孝者所以事君也安得有異予曰人臣以道事君不得於君則奉身以退人子有不得於親如窮人無所歸身將安退蓋君非獨吾君也親則獨吾親也安得無異文忠曰二子之論義殆備矣吾備具政府每念二親未嘗君食古人所謂不以三公易一日之養也總之至性感動忠能光國孝不愆家昔曰鹿忠節之從事危難忠孝者所以事君有不違將父之誼今日其痛之歸養門也則獨吾親有宜合將母之情忠孝不得分義各有當耳余因有所感焉昔姚許

請歸蘇門未聞堂以上有母而公茂平仲年已逾
壯矣所過之地至老僧童子皆感其德或赴召者
二三或乞歸者四五難進易退自古皆然先生
食八年勞為仕進而嗜善苦渴化民成俗之事以
身先之且扶持之暇日手一編人知其詩與文其
有關於後世也而先生之學與人已早自歸養決
之矣他日召先生於蘇門如姚許故事者當於諸
公送歸之言以為券

二十三日

上蔡見伊川伊川問近學對曰天下何思何慮伊川

日語

卷三

重

曰是有此理賢卻發得太早在然恰好著工夫也
上蔡被此一句轉卻二十年後舉以告人曰當初
若不得他一句救拔便入禪門去也伊川直是會
煅煉人據此言其後學取其近似禪者以為程門
微旨失其旨矣

二十四日

蘇季明與尹彥明燁皆程門高弟也當彥明業舉
時明謂之曰子得狀元及第也足乎抑此外復有
學也燁不省明明日復造問之茶次舉杯曰即此
是學燁有悟明令請程門受業後明以上章論國

事竄饒州行過彥明頗以遷貶為意彥明日當季
明上書時為國計耶為身計耶若為國當欣然就
道若為進取計饒州之貶猶為輕典季明渙然彥
明始學得季明指示季明晚節得彥明開發古人
麗澤之益如此

二十五日

魏楊乾行三絕有引予知乾行二十餘年矣甲申以
前有志當世之務留心當世之人甲申以後志在
立節已丑成進士入官非其願也解組後丁酉過
夏峯拜牀下有志於學擬借家來蘇門願首之遂

日語

卷三

重

今伯子子亨攜其仲子子洪書來予慨然感而傷
之為拈此句 平生孤嘯亦雄哉志與時違漫自
猜憶到盟心腸欲斷獨留白骨照青苔 廿年心
事許誰知千里相過問字奇自謂拜牀從此始豈
期一別是長辭 古來幾見百年人愛爾雙雛迥
絕塵莫嘆此時歸寂寞後身應自現前身

二十七日

與李愷卷 周揚令親視歸故園言之凄斷潯儀聊
將炙鷄絮酒之意知不我外也昨程公祖書幣備
然貴及窮處弟雖未敢登拜此道自不能忘也出

臺指敬告左右

二十八日

綱紀二字千古治亂係關家有家之綱紀國有國之

綱紀無綱紀則家非其家而國非其國矣明王立

政設師傳置官僚皆所以整理此綱紀而不使變

亂於小人也士大夫親師取友亦只是令綱紀不

墜正人心維風俗舍此豈有他道哉

二十九日

家報舉第二曾孫 庭開書永卧山村雲至鶴來不

掩門七十七年何處字書又報舉曾孫

日譜

卷三

語

四月

初一日

題許蘭陵三君咏後 申生涵光殷生岳各具才情

重名誼人知之先生固知之張生蓋雖孤癖獨行

人亦知之先生亦知之至殷生之粗者安貧守拙

絕不求人知故人不不知也粗天啓元年在忠教

恩選士不慕榮祿穆然自遠予過其家言其人其

叔岳亦為予言之先生即行矣仍不可不知其人

也

初二日

藍田遺詩序 予居渥水六年乾行時過論文論事

論人未嘗及詩非不知詩也因詩非予之所好也

藍田解組後過蘇門見與同人倡和語什多性情

語知於詩之道深矣然意別有在亦不欲沾沾以

詩名家今在矣藐孤爾嘉攜其遺詩二卷索弁言

予曰海內選詩之家祇論其詩之工拙爾兄弟於

爾父之詩字字珠玉也善守祖者於祖父操筆

瓦不敢失墜况精神所寄白為寫眉取輕棄乎哉

能讀父書者方是不忍讀父書能視無形聽無聲

者方能視於形聽於聲者也以藍田遺詩名謂藍

日譜

卷三

語

田有動忍處其詩思始人非榮藍田也

問士何以取重於人曰不苟言不苟行而已矣一言

苟入將吐棄其言一行苟人將嘗議其行為人隱

惡省過此必無之事也不為陳君所短願無使王

彥方知只是其生平不苟於言行耳此中若不得

一毫威權氣焰

問指視叢集憂懼滋多欲求身過何道而可曰此心

光明何畏指視不畏指視何生憂懼過不期寡而

自寡矣此固一道也會子曰十日所視十手所指

其嚴乎臨深履薄自切戰兢之慮所謂欲寡其過

而未能也似又一道也然工夫無窮而本體常定非深造自得之學不知

初三日

問騰甫所請古明王蒞政碩士皆官有應如影響者此果誠意所感格却運會之適然曰豈其在我者聽其在天者非可執論也果應則禮為適然之數不應則引為不度之咎處事之適如斯而已反風滅火虎負渡河而便以異政自異其甚矣

問識微早見之士持議於前而後者持左券

憑理乎憑數乎曰理之所至而數亦隨之也

日譜

卷三

三

一積善之家於此綱紀秩然長幼尊卑不問知與有一積不善之家於此綱紀蕩然長幼尊卑不問

知敗此謂善必先知之不善必先知之理與數一

時俱到甯分先後哉國之廢興世之平陂莫不皆

然

學以變化氣質為主張明公曰氣質之性君子有邪

性者焉其變化之謂與知廉勇藝而文之以禮樂

乃所能變能化

初四日

善學者於日用飲食之間須守一途較以自固性情

始不奔放筋骸始有知及窮大而失其理何以爲崇德之地乎蔑棄名教者全自不受其理之一念始

人各有一事之明只因氣躁神浮守之不定便爲曲

說所挽異端所劫出見紛華靡麗而悅見猶有喜

心賢者不免而况恒人此同之所以券券服膺而

弗失之無頃刻解其所守耳

困窮一途人望而思避然哲人偉士莫不固因而守

蓋不因則心不動而性不忍德慧術智亦無從生

故孔子不困於春秋孟子不困於齊魯不過爲五

日譜

卷三

三

百年之名世其道烏能常傳哉世與天地共無窮乎

初五日

橫渠謂范異之曰吾輩不及古人病源何在范請問

橫渠曰設此語者彼學者存之不忘廢游心深久

一日自脫然如大寐得醒者耳按異之素好高神

怪多不在心性上操功故以此指點使從本源處

著力本源既透則物之有無莫不心喻不待諸而

後知矣蓋病各有源療各有法如愛物則法古人

之善推多言則法古人之不出我輩之不及古人

首多矣因病下藥是在自審其方也已

非信不立非義之信信之賊也君子辨非信也非非

不肅非禮之恭恭之傾也君子甯弗恭也則則不

孤失親之因因之濫也君子甯弗因也所爭祇幾

微而相判乃千里非深於學者不能析其幾焉

初六日

雖治世不能無小人君子道長則難乎其小人故四

凶不能肆毒於唐虞之世雖亂世不能無君子小

人道長則難乎其君子故三仁無救於殷紂之亡

伊尹不避放君之名以成千古之大忠使三年之

日譜

卷十三

表

間委寄於匪人安能正嗣君天下事去矣安有伊

尹也周公不避滅親之君以成千古之遠孝使七

年之間委寄於匪人又安能保冲主天下事去矣

安有周公也漢唐創業皆武極權非留侯與梁公

則漢唐之祿不可知而同一人之助亦豈容沒沒也

初七日

夫道若大路然天下萬世共由之治平之世只是君

君臣臣父父子子兄弟弟弟夫夫婦婦而已傾危

魍魅之世亦只是君不君臣不臣父不父子不子

兄弟不成兄弟夫婦不成夫婦而已矣人道之完

虧為世道之治亂從古日少而亂日多者亦曰陽
一而陰一故也故聖人功用專在扶陽

初九日

李合生之藻王玉乘元鑑李信甫明天自成安視子

夏學三子皆從遊士賦此志喜不遠三人至深

乎六載思孤懷各有誰矢志總無欺問學非同日

及門俱此時幾年何可樂借雨一開行

初十日

題遂初齋後 玉乘負高才能文章初不欲就試人

有怪之者子曰願王子及第後勿忘初不欲試之

日譜

卷十三

表

心因請齋名子額之曰遂初遂初者遂我有生之

初區區不試之初又何足言王子念之哉

十二日

謂成安三子曰三子往回數百里視余蘇門山中子

體無以益三子也然未嘗不思所以益三子也三

子出門時特為親爾取友而來第求益於師與友

即親友之益我幾何而求益於親之取之之心則

所親何窮所取何限出鄉而闈而天下而古人出

有恒而善人而君子而聖人夫誰得而禦之第思

無自其流俗之意耳果一奮起當下超脫方知吾

自有其視焉耳有其聽焉食有其味焉吟風弄月而歸覺歸家之我自不同於出門之我此之謂正我孟子所謂歸而求之有餘師也請以此益三子凡事有成敗每慮有得失止計其成之得之之數一有敗焉失焉必以獲矣處敗在成之先處失在得之先則成也得也不足喜敗也失也必不憂豈不綽綽有餘裕哉

能處人所不能處之事能忍人所不能忍之辱能堪人所不能堪之憂則其中必有大過人者矣遇事便束手被縛即動心逢憂輒短氣吾人可得而願

同語

卷十三

早

倒之驅役之儒生俗士之淺淺者耳

十四日

語信甫四則 爾父遊江村之門得紹春秋之微言窺說約之秘旨可稱座下高弟矣然不止此也甲申後棄垂成之功名攜妻子走千里外此是以儉德避難之時間家法爾父兄處其勞爾得讀書肄業享其逸可不思所以光大父兄之緒以成千秋之業乎父兄以慈友作室之基爾當勿忘孝恭以肯堂肯構是父兄之令德欲彰爾有借於為子翁首以彰之無聞父母昆弟之言夫子所以取閔子

濤予且以此觀信甫故深有望於信甫 人人有

愛人之心須先施於吾之親人人有敬人之心須

先施於吾之長始於吾之親而終於人之親始

於吾之長而終於人之長此便是天地萬物一

體之意所貴學者時時勿喪此心勿墮此心立之

為大本推之為達道仁民愛物本末秩然內聖外

王畢具於是 真實同學之人立心必本一誠字

接人必本一厚字不誠不厚作偽之術刻薄之行

鬼神且惡之而况於人乎 一生成就全藉共學

之人與勝己者友則畏心生不期收斂自無不敗

同語

卷十三

早

歛與不若己者友則忽心生不期縱肆自不覺其兼肆矣

十五日

有若無實若虛大聖大賢之所以忘己也說忘己乃能貴己無偽有虛為盈俗儒曲士之所以行己也一矜己必至於喪己

十六日

任事之難不難於才識而難於氣骨無氣骨則是非好惡不敢破然明白而情願親望在恐傷時有恐

處忌必求立於有譽無咎之地不知此正譽之原

以損而咎之所由故也名列遺案身事賊廷者不
錄此二語澄汰流品大裨名教而議者咎其私助
獨忘不亦謬乎

十七日

問吉人爲善惟日不足有所爲而爲不幾於近名欲
速乎曰此只形容吉人嗜善若渴之心即夫子所
云見善如不及之意本無爲善之實得慕爲善之
跡方是有意近名若其實爲善則易之云積善累
善之云作善也中庸之擇善明善孟子之欲善樂
善豈避近名而故爲避重耶必不然矣

日譜

卷三

三

十八日

我聞之婦人無才即是德近來婦人結社拜客作詩
至男子爲其婦兄才持其詩獻呈邀求爲刻傳大
家稱述以爲韻事吁嗟此風浸淫不已豈世終無
陽剛大人一洗此陰靡者乎

題黃梁遺蹟後 愚按是說爲沈酣名利之人下一
劑清涼之散雖對症非聖人垂世立教之意夫子
於宰予責之以朽木糞牆蓋法天之健無一刻可
自暇自逸審如是也將使天下扶危救焚救焚
濟世以虛生一夢掃之泊待海風亂待轉轉舉世

界而歸之杳渺之中可謂乎不可謂乎此止可爲
達者道也

二十一日

問遽伯玉寡過未能果實見有過抑望道未見之心
也曰莫看前人太高辨之難負罪引應豈止自見
爲過成湯之南巢周公之破斧齊情然自處爲無
過乎孔子憂不善不能改假年學易求無太過皆
與前玉同一心腸彼傲然若已自視爲無過者皆
自絕於聖人之門者也

二十二日

日譜

卷三

三

百門山集諸子爲破夫題石 非只守幽室無管意
白蘭花開漣水趣觸目可同收 破夫骨已朽不
朽者其心立石猶多事關關一片雲

二十三日

廣光卷題壁 自反一生無住手勿求肯下可歇心
儒禪分路全爭此漫逐人言墮霧雲

二十四日

青歌保汝 令伯母死於道路聞者心惻友格來奔
喪狼狽之狀殊難相對歸觀之事義者毋財也值
此札厲須少審爾

二十五日

范箕生杜君其王尚着交見寄其書同日王蘇門

雙龍同時至義深論交俱四世側傾二龍吟

二十六日

為箕生作橋同三人傳入集

為馮詢如作小傳入甲申大算錄

二十八日

賈靜子過訪夏峯

答蘇門商十二則 問陽明先生儒者請以為終

異端之學云云曰良知是知致良知便是行此陽

日譜

卷三

四

明知行合一之說去致字而專言良知便與禪門

相近此傳陽明者失陽明也至必謂其雜於異端

朱紫陽曰異端之學只廢三綱五常是他極大罪

名陽明純忠至孝正從龍山公轉圓正道還得以

異端目之與朱子分頓漸不分離合愚因嘗論之

矣厥後學而為禪派尤不諱 問春秋時有若輩

而無佛語于已辭杜其端而闢之云云曰孟子闢

許行闢墨莊翁易而闢告子其難盡許行等齊物

欲人而附於吾道之中告子不得勿求與莊磨外

不放入內不放出合自居然欲獨出吾道之上矣

許行等之為害也著而淺告子之為害也微而沈

昌黎謂告子之闢楊墨其功不在焉下愚謂孟子

之闢告子其功又在闢楊墨之上也 問春秋至

宋一千四百年有文學而無聖學中才智之

士皆流入於佛至周程張朱出儒者之徒猶與佛

桑半云云曰聖道一日不明則世道一日晦塞所

謂天不生仲尼萬古如長夜春秋至宋一千四百

年聖學銷於詞人蝕於二氏非有朱諸大儒出而

表章之其不絕之線亦庶幾矣人謂程門高第晚

多流入於禪而明之龍巖海門輩其流稍善焉安

日譜

卷三

五

得儒者盡如程正叔其人哉 問太極圖羅近溪

先生以為從古有此圖周子傳之非周子畫之且

與河圖洛書相表裏云云曰太極圖是天地自然

之理不必問畫之何人只自周元公傳之即謂元

公畫之亦可也畫前有易義文周孔亦其傳其自

然之理耳太極之說與老氏通故夫子問禮於老

聃而曰老氏其精龍乎不知者自疑之亦無足怪

問天地間萬事皆離獨在聖焉易曰乾則易

知坤則簡能身簡而天下之理得矣天下之理得

而成位乎其中矣此非易事乎云云曰請文字畫

窮一生之全力赴之猶恐不能名家而人爭趨
易知簡能隨取人皆可能乃甘自斃其赤子
之心而輕棄其大人之事則亦不思之甚矣吾昔
緣不知學而赤子之心何能不失易簡之理何出
而信無怪斯人之日淪於下面猶不自覺也亦可
哀已 問于真不曾問性與天道云云曰子實不
明性道便不嘆性與天道不可問道于仰鑽懸忽
而極嘆其欲從末由是一樣揆括不言何述曰然
非與疑是未問性道以前之語未可以其始而既
其卒也出也升堂矣亦非初入門堵肩便極贊之

日譜

卷三

四

問學問首在於求放心禪家苦心之易放拈話
頭以據之云云曰心之放也只是戒懼功疎故旋
提一念而忽已忘之惟戒懼到純熟處則夢寐自
清憶憶往來何自而起予嘗謂對大衆易對幽獨
難對妻子易對夢寐難不怕幽獨之指視不應夢
寐之錯雜者始可與言求放心 問廣城揚首庵
先生云陽明謂無善無惡心之體非言性之體也
何嘗與孟子性善之說悖乎曰尊德性自離不得
道問學道問學自離不得尊德性謂朱陸皆見之
拘泥正以陸偏於尊德性意多朱偏於道問學意

多仁義禮智信合而成德酸辛苦甘鹹合而成味
正容不得偏勝廣城之論何碍理學 問學者以
格物爲第一義夫不格釋老之物謂之格物可乎
曰二氏與吾儒同異正在格物上紫陽謂格物曰
窮理陽明謂格物曰正物二氏云窮理者安在乎
正物者安在乎天地萬物人倫一切皆幻不願受
其正正所謂自私自利者耳於世道何裨

五月

初一日

日譜

卷三

四

問學人須過得三關方可入道一貧富關一妻子關
一使氣關不能固窮者多因妻子念重能固窮矣
不係情於妻子矣而英人志士又多落在使氣一
邊終與聖賢相隔曰此不學之過知學之人必不
肯作刑卿譴政之事而貧而無怨不私驅其妻子
卻非聖賢不能難易之間各有分數總在知學

初二日

答贈賈靜子 燕南一病叟垂老得幽尋何 朋來
遠相看坐語深惠詩贈大雅發旨見高襟時事壯
沈滄君身具古今

初三日

得張昉高尚一則入取節錄續集

羣居終日言不及義不及義則及非義於此可卜世

道之升降人心之存亡邇來士大夫相會上者談

詩談文談解下者談飲食談聲色如斯而已矣忠

孝節義事人鮮言及偶有及者言纔出口聽已先

倦且有從旁笑之者曰夫牛姓者自逆賊陷京即

謂某某曰某某該死該死先輩皆尊官厚祿豈肯

以縉紳子弟而臣事亂賊聞者見者皆以為中風

瘖以為賊作主生不如死老曰經愚而無知之人

日譜

卷十三

天

乃能作此等事為此等言此可以愧讀書而作縉

紳學士者急訪其名以存野史

初四日

復張熙臣 前玉乘來即聞老親翁泰喜愉快之甚

弟嘗奉教於君子謂天下最有名之郡縣好處便

是難處須得眼明手快識時務之人擊綱捉要於

衆所著眼處做起今之常熟正所謂名邑處

其見之且拭目觀大豪傑作用耳故老

人爲海內所推重邇來頗不理於少年之口恐

不足爲賢者重然弟素在聲氣正欲借老親翁一

通風好耳果其人尙有可用弟將商之與彼相雁
者以報

初五日

有事苦紛擾無事苦岑寂事先苦將迎事後苦留滯

無此四苦天君泰然

初七日

郭道亨戊子出貢不就廷試不慕榮祿予數年習其

人非耽高尚也船無懷氏之民與因贈以句如

君何用入山深七十依然赤子心只不近名不慕

仕任教習險聽聞尋

日譜

卷十三

天

初八日

過郭熙侯墓適齋其尊人繼賢少予十六歲耳壘更

勝於予非兒子輩傳語彼此俱不聞也相視而笑

戲爲一絕 眼睛已難觀細字久蕪更怕聽微言

兩人相視真堪笑省卻無端入耳喧

十一日

高薦聲初度尊設兼山堂因爲此詩 燕南早有熟

何事愛蘇門山水成相託詩文足自存飛空分鶴

胸心遠徹雲根今夕是何夕盃盤酒一樽

十二日

客謂某某器局大隘予曰彼惟隘故能守而無失可
以寡過若希高慕大則故涉全失矣人以之見短
者予以之見長短處是其長處然予以之見長者
人又以之見短長處又成短處矣長短無定境正
學問無止法據一級纔覺一級之得力前而又懸
一級由共學而至於權由善信而至於神附有盡
境乎惟深道方可言自得耳

子百之規模隘而不大子張廣而不實故夫子一曰
過一日不及藥之所以進之也聖門諸賢皆所謂
升堂入室者然質之所進不能無偏自不能不借

聖人之陶鑄橫渠變化氣質甚有功於後學以勤
補拙以人合天總變化氣質之事

十三日
謂駭臣諸子曰予知我輩各有若大家具乎天下之
廣居正位大道無人不具只是曠而不居休而不
立舍而不行遂自執僻陋自甘顛蹶自造荆棘耳
其所以不居不立不行者非彼棄我而我自避之
避之之緣亦只因骨體膈薄氣脈原無所以勝其
任者故不能不喪其所守且見人人喪其所守彼
此恬然無相非笑竟成一胸冥不靈之世界豈不

可哀自能勝任之大丈夫亦非在羈世絕俗只不
淫於富貴不狃於貧賤不懼於威武便能居之安
立之定行之適無任而非愉快夫人生非富貴則
貧賤而威武不能不值皆極平常之境然非豪傑
具大學力以語不淫不移不屈鮮不有愧色焉一
有愧色家其終非我有其功又將自謙歸始

十四日
是日夏至時留新鄉不及家祭因以誌意 此日出
來是祭期無端作客竟遲遲前兒未審不忘否閒
倚樓頭一寄思

十五日
邇來論易者謂文王之易已不同於伏羲之易孔子
之易亦不同於文王之易愚謂易無二易也義有
畫而無文文有文而括其大孔子詳矣而盡其變
總之時至事起畧乎其不得不畧詳乎其所不
得不詳四聖人之發揮總括易中之精蘊在伏羲
時無文不見少在文王周公時不見畧孔子時不
見多即程之易傳朱之本義亦各言易中之一得
故易非有兩易也道一而已矣
人心寂然不動之利渾然一易也有感而發便生出

許多交乘來千變萬化不可究詰而總歸於至當
不易之理所以禮曰潔淨精微易教也如書便真
簡有這政事謀謨詩便真簡有這人情風俗易都
無這已往底事只是懸空做出來千古不出其範
圍此所以靈

十六日

題友人行樂園 樂在行而有所以藉於行之先者
樂在園而有所以藉於園之外者孔之樂在蔬水
而非樂蔬水也顏之樂在箪瓢而非樂箪瓢也先
生之樂在詩而非樂詩也先生之樂在禪而非樂

日語

卷三

五

禪也先生之樂在大隱而非樂大隱也得此意者
這固樂窮亦樂也順固樂逆亦樂也喜固樂也怒
亦樂也哀亦樂也憂亦樂也無入而不自得故
能樂也愚以是題行樂園不知有當於先生否也

十七日

處事接人要有一段安閒不迫急之意方能應得不
錯即作文寫字以至著衣吃飯行走坐臥皆容不
得一毫迫急若一毫迫急便是欲速便是正助學
問功夫無鉅細無顯微其正助一也

十八日

理一而已矣而氣有陰陽謂性之善者是就其理之
一者言謂性有善不善者是就其氣之雜者言也
然縱有此理便有此氣其域而行反之之君子身
之之聖人調劑於陰陽偏勝之會陽不使之不足
陰不使之有餘仍歸於理之一此所謂性無有不
善

二十日

藉杖銘 植端木長孔林老夫徙倚之為師為友庶
不至顛危於山高水深

二十五日

日語

卷三

五

復張叔大 吾北地理學一脈自鹿江村先生振起
羣蒙嗣后遂不復繼譽國鎮其高第也師傳尙能
習說君家少年而能潛心學問復取友國鎮以私
淑其師來書已得其大端矣官出以示同人同人
莫不爭欲一挈顏色為快所云善無盡境也功力
愈深受病愈細幾微毫髮之間過與不及之際安
往而非非禮乎此孔顏所不敢自認為無非禮也
祈欲為氣循理為性猶欲循理非二物此昔確論
請心證會見於傳習錄有得至謂性亦氣也尙有
性之辨孟子謂性之善是就其理之一者言然

獲有此理便有此氣氣有陰陽人心道心於是其
域然道心微而人心危陽常不能勝陰君子扶陽
抑陰一生反之身之正是用復性工夫仍歸於理
之一此所謂性無有不善故性祇可以理言雖性
是氣復性亦是氣足下慎思之

二十六日

偶題 日裏有清課操功不厭深看雲消妄想調鶴

息機心

六月

初一日

日譜

卷十三

五

問天地何嘗不位萬物何嘗不育必待致中和後方
說位育是作何解曰桀紂幽厲之世天地仍此天
地也萬物仍此萬物也而暴君汚吏所以戕賊民
神者無所不至遂至帝怒於上民怨於下天地安
得位萬物安得育總只是一箇不中和所致

問太極是理是氣是理氣兼有曰太極者極至之理
也纔有此理便有此氣易所謂太極生兩儀兩儀
生四象四象生八卦兩儀是陰陽之氣不止到生
兩儀後理氣渾然離不得當生兩儀時氣已在其
中矣告子生之謂性說從此起

初三日

問巢山樂在何處不知開石隱之嘲是此輩人否曰
巢山是古來一種清淨淡漠之人以無事為樂
即至王有道之世亦不可少此一段意味為天地
留孤冷之氣自與邪說惑世者不同巢山之後再
無來由不必過慮其開石隱之嘲也

初六日

雲骨子頌言別賦此留行 雲骨雲山二十秋非元
非釋本儒流乾坤到處成知已歸路依依去復留

初七日

日譜

卷十三

五

吳因之王辰知及之聖哉猶炎海內無異詞雲骨子
忽謂予曰此說殊不通予評之雲骨子曰此非予
之言因之先生之言也三段皆責備之辭重仁守
文雖售卻失本題口氣予思之謂諸子曰此言甚
有理我輩看書須要有此眼力

初八日

先考忌辰 亡親不諱日人子敢甯居跪進一杯酒
啣將菽水餘

初九日

與雲骨子題扇 從來說道者曰堯舜之道曰文武

之道曰周孔之道道似各不同矣總之一歸於三綱五常而已世而治綱常在朝廷世而亂綱常留巖谷非巖谷能留之也仍是堯舜文武周孔之道之所留也亦非堯舜文武周孔之道能留之也仍是維皇上帝於穆不已之所留也知此道者沉其機靜其氣嘿以俟貞元之自會劉復之自通天運循環歷積往代昭如指掌又何獨疑於今之世哉幽憤悲鬱前見於遼國諸賢其一時不留姓字於天壤間者皆所謂至心人也不悔無悶以留堯舜文武周孔之道以承天心時有望於巖谷之士

日譜

卷十三

美

初十日

雲骨為予書山代西伯伯曰三額草堂復為說以廣其義予為詩以報之 言海有碩人北山一遺老選近在蘇門相過苦不登山以代西伯伯令我傷懷短濡髮走龍蛇四壁光皓皓君雖萬里行對此解滌

例

十一日

客曰論語一貫有二曰予一以貫之此從知入也曰吾道一以貫之此從行入也一貫同而知行則不同耳予曰賜多識故從知入參日省故從行入然

到得能貫時則渾無知行之可言矣
客曰一貫二字義各有分一如貫貫如貫學陸者一而不貫學朱者貫而不一此朱陸差別處予曰朱有朱之一未有朱之貫陸有陸之一陸有陸之貫較孔子之一貫雖有差別調陸一而不貫謂朱貫而不一則又失朱陸矣

十六日

問臣子不宜見君父有不是處而湯何以放桀武何以伐紂從古直言忠諫之士不肯為君諂諛者又何以說焉曰此語要看得活桀紂未放伐之前湯武亦未嘗遽求之君也伊尹之五就桀文王之三分有二以服事殷其心即湯武之心且從古直諫不肯諂諛君過亦是忠愛之心所激發全要見一段為擊不得已不容己之深情處直臣諫于總之欲成君父之是非以彰君父之不是

十八日

客有咎人之多疑多悔者余曰彼幸有此疑與悔耳今之人直行其所信者誰共人哉疑則明生焉或不至於冥行固覺也今之人有動則切己意如人意者與有正海成不至於前者復迷於後悔心

日譜

卷十三

美

之蒙改過之漸也。與悔正是學問入手處。

十九日

語李友郭友杜兄弟。爾節孝之家宜日改。彼詩書所載俱有明徵。第在爾兄弟。當慎發。故舞掃除。少習心。勵做世俗。習見。虛心。聽受長者之言。以此便是克念作聖功夫。知。方。其。求。深。得。尺。寸。則。寸。日。有。如。而。日。無。止。此。處。士。無。人。受。至。尤大前人基業。登第。端。芳。猶。其。淺。焉。吾。耳。見。能。稱。師。友。以。既。勤。而。得。母。心。之。慰。此。老。夫。所。望。於。爾。之。見。節。也。置。之。座右。以。助。策。勵。

日譜

卷上

五

二十日

甲梟盟有詩見懷。偶成卻寄。幾夜懷人。夢十年去。國情有山容。獨在得子約。同。新。薄。俗。看。家。學。長。貧。對。友。生。書。來。當。晚。讀。村。月。百。餘。明。

二十一日

復見盟。德前付洞觀。一。白。鷗。之。過。訪。不。知。其。未。至。也。爾。陵。來。以。所。刻。三。君。像。見。示。斯。得。音。信。惜。其。遺。伯。牙。耳。惠。詩。三。章。讀。之。增。愧。偶。成。一。律。用。寄。深。懷。三。君。二。君。詩。各。數。首。附。寄。買。新。于。通。夏。孝。相。念。之。世。所。寄。寄。大。手。選。定。自。與。諸。家。不。同。見。苦。

丈之嘉惠於後生無窮也。伯嚴歸。頌。為。聲。意。揚。猶。老。人。無。音。耗。近。况。便。中。相。示。

二十二日

箒。增。箒。之。為。物。甚。微。以。錫。翎。為。之。既。不。費。材。又。不。費。工。然。其。為。用。卻。大。架。上。書。几。上。視。壁。間。字。畫。一。舉。手。而。塵。可。頓。清。矣。而。功。不。止。此。也。精。而。入。之。廣。而。敷。之。古。來。高。潔。士。清。一。身。之。塵。經。濟。手。清。一。世。之。塵。聖。賢。心。清。千。百。世。之。塵。義。亦。如。此。解。者。自。得。之。

二十四日

日譜

卷上

五

謝楊君幾惠瓦硯。余邑先正靜修先生題。錫瓦硯。有云。卻愛阿瞞臺上瓦。至今猶書建安年。昔過。下。求。銅。雀。之。臺。故。址。已。不。可。得。其。瓦。流。傳。人。間。者。漫。滅。不。復。辨。真。贗。僕。不。知。何。者。是。真。而。正。不。必。求。其。真。也。承。惠。硯。容。謂。是。臺。上。舊。瓦。總。堂。清。供。而。令。僕。奪。美。實。得。無。亦。夢。建。安。年。乎。僕。當。銘。其。背。以。志。所。自。

二十五日

與范真生。親翁壯遊。令我短笻欲無。爾斯。子。來。共。不。挂。之。志。與。馬。王。老。故。人。之。情。肯。有。古。人。風。一。老。

想當與親翁晤高朋韻味鼓勵一方自非小雅
已造兒赴玉老之約鳩之與構斯同在不
人相會何所千里外不能代為裁定
蘇門相近百泉山水正待大賢吟歌不獨
餘平滿懷耳

二十六日

問孔子正樂弗及風而修經弗及樂者何也口風作
於列國非名分之所寄焉弗及樂者禮明其義詩
定其歌而樂無益焉矣若雅頌奏之不得其所則
禮非其禮而樂云乎哉不獨此也不明於春秋之

日譜

卷十三

李

義而雅頌不能不滄滄詩三百授之以政而禮則
詩也而通於書矣易之千變萬化而不失其義
詩思無邪之旨也六經之義融而會之自非
守殘者可辦

二十七日

問從古稱術多君子又云國風為男女情思之詞鄭
衛為亂世之音豈人也而無關於風邪曰考之傳
序國風本無淫詩若共姜之守義莊姜之憂
姬之賢淑知禮不可殫述他如綠衣終風之詠泉
水竹竿之風辭旨凄清發乎情止乎禮義未可以

宜其言也至於宣公昭伯之宣淫詩人
新臺詩并之則不比於人則衛多君子
尤可見矣孔子之放鄭聲謂其聲淫非謂詩思
次之詩何嘗不見釋如一傳奇耳演之者有美有
惡在其聲之清濁高下豈以其詞論哉詩者以
辭善意多類此

二十八日

復督水 只因一暑百病叢生遂不能克圖暗教小
兒入場病痼僅能完篇今體中尙弱小孫學亦淺
制勝無具赴沐尙在兩可間先生冷若也且東裝

日譜

卷十三

李

在曉乃他無所營而注念兩孺子此誼自是古人
弟惟有銘之肺腑耳聞已有新使君矣我輩相會
為日無多切念切念

二十九日

諸生科考不錄香有依快之色有依于干之色予
曰快快者有制勝之具香是宜于干則道心生于
于者無制勝之具香是宜快快則奮心生各人學
問各求長進未可同日語也
一友授一宦人甚不得意歸而快快予曰君子於月
前者成子於異日者也當為子稱慶設此番能

所欲則欲念一熾何有窮時壞子生平皆由於此
常見介節士而未路喪節者皆小小得意又之也
邇有說四書者於紫陽集註字字遵守竄改於悖孔
而不敢於悖朱二三子有怪之者予曰彼能言朱
之言行朱之行是即朱之孝子順孫耳又何求焉
又有人說詩者力詆紫陽註毛詩之謬而誇敦不
明於天下後世二三子又怪之予曰彼能誦紫陽
之暇匡紫陽之失是亦紫陽之忠臣諍友耳又何
異焉紫陽生平力學苦志無非欲發明孔子之經
豈以其一人之意見求勝於後人後之學者固守
日譜 卷十一 查

尼山正不必於諸儒分左右袒耳
三十日

問聖人之道曰三綱五常而已問帝王之道曰三綱
五常而已問天地之道曰三綱五常而已這原於
天而尤迪於帝王修明於聖人六經皆一史皆三
綱五常之事離此則旁門別派其不流於異類者
幾希

問乾易知坤簡能曰夫婦可與知大婦可與能問四
時行百物生日無物不有無時不然
問禮用一源曰殊途而同歸一致而百慮問類後無

問曰語大天下莫能載語小天下莫能破

日譜錄存卷之十一終



孫徵君日譜錄存卷之十四

順治十七年庚子七十七歲

永年武汝清 校訂
後學 武陟王 楷

七月

初一日

九世孫世政 世金 桂 鼎

問執中之傳準自虞廷而子思子又加一庸字豈以中之意有未盡乎曰中元虛茫無把握庸平常確有持循堯舜以來相傳之意傳者中而意即庸也非有二也故德曰庸德言曰庸言只此一庸而聰明識解之士多消煞不過不跳於異端則廢於半途故曰中庸其至矣乎民鮮能久矣庸莫庸於子臣弟友而盡分難庸莫庸於喜怒哀樂而中節難識庸則識中矣

日譜

卷十四

十一

初二日

嘗見為詩為文者只圖有意乎人之贊毀遂避惡趨好飾巧頑人不能直抒心之所得斷未有鼓瑟於好竿之門者作人不能硬豎脊梁獨存而口亦只為頌借贊毀一有趨避遂不覺流人鄉愿路上去

初三日

白沙子曰君子日之所視心之所隨苟無所事乎異則忘而入於忘其主於異乎想思此畏字即學道

心法也吾人一身之微眾欲環攻力不能勝而此身位置何所即欲不畏不可得也畏久則樂生戒懼之後乃有此恬愉耳

初四日

韓子新視予夏峯喜而賦此兼訂後約 家是蘆菴舊中原意氣新眾爭推義俠我獨愛情真暮學勞相共迷途借問津靈巖一水隔來往肯辭頻

初六日

拈舊事示子新 歲月忽將八十年人情世態幾凋旋平生最愛孫思邈千古高踪方又圓 憶昔論

日譜

卷十四

二

交南北時非愚非智總情癡廻環往事思傳火除卻君家更問誰

初八日

送郭駉臣駿臣赴秋試 偃臥空山歲月深鷄鳴時聽二龍吟欣聞此際天香發好慰高堂畫荻心

初九日

新秋坐月有懷杜君吳陳國鎮 衰鬢蕭蕭千里身夏峯清寂自成隣每逢新月嘗憐客別送歸雲遠憶人老我燈光誰喻火多君道合更傳薪辛棄肯令荒三徑寄水河時一問津

谷有因朝事而就予謀耕者為拈此句 開說諸君
舌劍橫古今泊亂一棋枰看來元是躬耕穩入眼
桑麻老更明

初十日

群兒嬉戲 孺子頻來對夕晨笑啼嗔喜總歸真願

言老大常如此便是唐虞三代人

增前白玉簪 幽香素質孰知音掃地置尊娛我心

花亦有情能解語開來相對一披襟

十一日

客為子贊荆卿偶成 家在燕南易水傍荆卿故里

日譜

卷三

三

亦同鄉匹夫一劍成何事徒使時人惜俠腸

示老幹 爾年雖長爾心猶憶當時供我薪翻覆

世情難入眼何如老幹共宵晨

十二日

戒族黨諸子弟 千里浮家作老農攜來族黨隱墳

東人心同異名如面堪怪而曹嗟父風

月下憶龍兒在安邑 待月到深夜雲開月照人可

餘更皎潔千里有同隣 倚門與倚闥從古此情

真衰朽亦如此青無近婦人

十三日

望晴 連朝沉雲黑陰氣一何密禾黍將登場結粒

恐不實望塵呼白日呼之不肯出誰為撥雲霧一

洗幽陰曜敷載歲不豐今年麥全失再為風雨敗

婦子何甯室蒼天自好生子遺應在恤

十四日

寄懷高少司寇 一別十二年能堪幾回別雲霄有

故人中夜腸百結垂老賦無家州無念明哲無事

作壯游佳山便相悅况復驅我去遠計謀生拙從

來瀟旅人進退不自設日夕望故山家在白雲列

非隱而違規本真與俗絕同憶雙柳居五更歸夢

日譜

卷十四

四

切糜鹿應豐林麟鳳趨天闕念我君有心感君我

匪舌豈聲咽素秋相思正未輟

問紫謙曰天何言哉天之默也四時行百物生天之

誠也

問動靜曰靜而無欲靜固定仁者之靜靜以此動而

無欲動亦定知者之動動以此非無欲而動不故

動靜不成靜矣

問人心道心曰心只一箇心無欲則人而道矣所謂

克念也有欲則道而人矣所謂周念也危微無定

精而執之堯舜之能事也矣

十五日

問為事創心自心在事上見未有以仁存心以禮存心而行事乃不仁不義者禮制心是居敬義制事所謂時措咸宜耳

問道在通事在易曰適可遠在茲所謂適也要先從適下手故只見其適易簡而天下之理得所謂易也要先從易下手故只見其易蓋離適原無遠離易原無難

問戒慎恐懼重輕何分曰一字足該四字之義故下面只曰慎兼舉非多單舉非少

日講

卷十四

五

問中和曰和從中出非中斷不能和兩件物事

十六日

吾人一日之間行事有順有不順一夜之際夢魂有安有不安果能湛然如一無少動搖便可言體受歸全生順沒帝之事所謂知晝夜則知死生矣苟合此而別求死生之道愈遠愈難安望一朝之有聞耶

十七日

問聖人明哲保身無得禍之道曰聖人固不樂處禍然禍福之來雖聖人不能違第得有處禍之道不

失己雖禍亦福也一失己雖福亦禍也古今以禍而成其為君子者宜論福以避禍而成其為小人者宜論禍

子曰君子道者三我無能焉又曰君子之道四即未能一焉及使開仕而開曰吾斯之未能信夫子只見為未能者開何敢自信為已能此所謂見夫子之大意顏回而外鮮能及此問在聖門諸言事蹟甚少獨此一語幾千聖宗傳得力處正不在多

十八日

日講

卷十四

六

已此等書要善看三分有二以服事殷使文王有毫分欲取之意便不成箇文王孔子安能贊其為至德且太王亦非好色公劉亦非好貨立言之意別有對針一有執善便成說夢

人心之壞無他端總之壞於無恥只一無恥便無復顧忌大家頑冥四成風俗故有世教之責者先宜開發其恥心使知所奮知奮自不肯恬焉與會傲同蠢恥之於人誠大矣哉

飲食之人則人賤之賤其無所用恥也呼號之與行道不受乞人弗屑恥心何嘗盡喪但無大人君子

以振醒之乍明乍滅終歸汨沒遂令孔孟之教澤無權彰饑夫只爲不苟食甘死如飴蓋亦恥心之所激乎

此身所以撐拄天地者全憑此志志不降則身不辱俯仰千古夫子獨以許夷齊真是鳳翔千仞之上魯仲述嚴子陵如生孔子之前不知位置何等近代能挺立之人認的題目清楚守而勿失便不創弱若於本性靈光真實有悟未敢輕許也堯舜周孔之人至今在其精神原足包裹古今千百世後飲食男女不盡流爲禽獸者猶其遺澤也要做箇

日譜

卷十四

七

千古真豪傑會須根尋堯舜周孔之心盡脫世網直証性初方有箇安身立命之地方有箇守泰收功之期當於何處索得此人

十九日

賢者珍重其身護惜其名有轍跡可循無瑕隙可指聖人不磷不緇不愾無間又進一解論語中載孔子與子路語甚詳淵明云雖留身後名一生亦枯槁言名不足顧客養于金驅臨化消其實言身不足惜也雖非聖人之謂自是達者之言

二十日

人生貴適志耳豈非以無累於事不役於物而志方得適乎平居暇日正好體勘此段機趣一爲事累物役則身在桎梏中猶幸一日禍之未及以爲快心變意之計亦愚矣哉

世人言醉時是醒時語醒時方覺醉時之謬誤者已醉何暇憂謬誤哉愚觀今人之舉動謬誤者多矣醉中相毆不計身家性命不顧天地鬼神豈無一刻清醒時耶兩虎酣鬪敗者死勝者傷須臾再轉一虎至前勝而傷者且飽首待斃矣吾恐鬪不已將一網同歸於盡醉生夢死亦可哀矣

日譜

卷十四

八

愚嘗謂日用飲食之間可以証聖人莫之信也夫聖也而能離此日用飲食乎哉行庸德謹庸言不以飢渴之害爲心管聖人之能事畢矣子曰吾無行而不與二三子者正言此日用飲食也德於此日用飲食而無慙便可以俟千百世聖人而不惑豈可以其日用飲食也而忽諸

二十一日

古人寄懷於物必無所偏嗜然後爲達一有所嗜則癖而痴矣無論嗜利者爲象怨之歸嗜名者犯鬼神之忌嗜殺者干天地之和即嗜山水嗜琴書嗜

詩酒古今人自命為雅事者皆曲士逐好於外而非從吾之所好者也既無關於身心性命合宜付之流水行雲以我役物而不以物役我

知已之難自古記之鍾子期死而伯牙絕絃破琴知世莫可為鼓也惠施卒而莊子深嘆不言視世莫可語也伯牙之琴莊周之言惟鍾惠能聽此所謂海內一人知已足不恨耳故人云亡出門結友不長道里長但恐其人非幸得二人殊可與語無幾何時墓木拱矣天下之大豈謂再無人焉衰年無力涉遠遠人士有過而問者猶得因其人以悉天下之人懷才抱莠之士隨在有之而守道知學之人亦未絕響也于期之後還有子期惠施之外仍有惠施伯牙絕絃莊周深嘆未免輕視天下士耳

日譜

卷十四

九

二十二日

傷曾孫盧齡 有序 盧齡四歲矣每於家祭隨其諸祖諸父後祠中拜跪依然成人忽以病傷慘我老悛敢云造物無情家翁之不能修德可知也記此志警 祭先能拜跪殊有曾孫子也復何奪徒慰

老且悛

二十三日

作家難 苦里老日夕追呼也 禾黍登塲未及幾不堪更怒日呼門家家欲難誰為雜鄭侯何來一叩問王資生赴試 庚蘇門秋色桂花新多士欣推第一人老我前庚今再甲看君此去作王賓

二十四日

問陽明教旨曰人有性有情有才當渾然未發時無才之可見併無情之可言祇有一至善而已故曰無善無惡心之體其發也則情生焉雖未見才而有善有惡便非渾然之體故曰有善有惡意之動既動矣而善中有惡惡中有善善之情無盡惡之情亦無盡必須吾炯然不昧之良以辨晰之故曰知善知惡是良知既知善必為善既知惡必為惡善惡情之發露而為善去惡則才之効靈也故曰為善去惡是格物物格正已而物正者也是學問之終事格至事物而窮其理是學問之始事

日譜

卷十四

十

二十六日

題陳希夷睡圖 道士非耽睡雄心無用之夢中原作想劍客亦情癡

二十七日

復李共人司李 先正羅達夫有云若能活得千人

命安心不向世外走此正吾僑胞與一體真學
某嘗服膺此言雖病廢無能益於世竊望今之世
有達夫者數人並列內外則天理民彝未至泯壞
較泉石膏肓烟霞痼疾老而不知悔者相去不知
幾何矣某與同志嘗論靜修之於吳許其心更苦
而事更難來論論元亮菊徑弘景松風畢竟都是
事後之悔雖先生自爲寫炤陶公高風亮節千
載下悠然見之尙論者與于微于陵夫嘗有所軒
輒於其間蓋論其志不論其跡也與與長公頗析
此旨值復命言別正欲與先生一質論之

日譜

卷十四

十一

二十八日

寄胡葵衷父母 憶老父母建節淮徐去中州差近
豚兒展謁後書問社選猶喜時傳德音嗣後次公
世兄看花長安而老父母遂蚤賦歸來矣息影林
泉實樹壽起人間樂事老父母以一身備之治第
每望西來紫氣未嘗不跼蹙停壘也但警曠飄蓬
越以間關險阻即麟羽之便亦非容易茲馬生爾
盈西入秦都命之過候迎屈馬生係從遊士又姻
家子也患難貧賤共之安且久明季曾從其岳官
禮其妻送於父邸中今將一

不娶且揀行甚嚴遠近皆高其義茲同人寓書所
知俾其揆以歸不謂斯世尙存古道今借敝門人
以通三千里世譜五六年疎濶當不異治第之人
坐春風也倘彼蒼不斬夙緣世兄策選得宿通福
星是又治第之私祝也胡信山舍親昨過蘇門赴
其于香山署放邑親友梁如老尙歸然餘獨謝不
可復憶治第久離卍龍返轍無期古人隱不違親
貞不絕休反躬自循能不抱疚中夜乎兩望遥候
可勝馳溯

二十九日

日譜

卷十四

十二

口占禾坐中請子 今古賢愚問此關水原非水山
非山寸心不圓形骸內元氣直浮覆載間其險投
來雖異態尋常應去無多般諸君會得茲消息雲
淨天空日在關

三十日

問待入之道曰待君子宜盡善敬事之禮待庸眾宜
盡吾接引之心待小人則誠篤謹將莫示之以理
侮之漸總之要以我包裏人則可以位其乎人而
轉移乎人善人君子能位置一方轉移一隅堯舜
周孔則能位置千萬世轉移千萬世者此其位置

之樞轉移之妙亦惟此親親叙別信而已五箇字明白輕曲秩秩動而有節方能無入不自得不能自得者皆聽人之位置而隨人之轉移者也鄉黨拘曲之士耳

與貴人處宜冷嚴法度先示之以不敢輕陰折其驕貴傲惰之氣彼來問交交方可合士無自重之意人無重士之心無端急急求與之合山人墨客者流彼即容納甯生敬畏吾未聞枉已而能直人者也

日譜

卷十四

三

者之律令也師云友云自不多得庸庸碌碌直在批愛之列

八月

初一日

復孫紫淵 離故園十二年親戚墳墓日夕在懷至君家與江村尤素所係念者太傅有後聞之甚喜君家尤第幸益自勉以剛文宗之望所委誌銘此等大文字須得大手筆之人為之僕衰年思慮日昏丁識日短自不堪任然亦嘗思之海內哲人虞山素稱能文且門牆士老矣不知還能操筆否凡

過報幼時而商之

初二日

與李慎菴 先生督衛河三年素與人交不欲以貌合故於野人有塵外之好茲行矣惠詩三章留別僕平生正不能以貌交天下士臨路慨然各依韻答之不足言詩聊示步趨之意

放翁有言詩到無人愛處工拙解學人不於人所不知處著力祇打點目前供人玩好此豈深造自得之士命世豪傑其所以安身立命者斷不向人口頰間襲取也夫子身分夫子自知夫子功課夫子

日譜

卷十四

四

自公夫子而後無人不知夫子夫子而後實未嘗有人知夫子故曰知我者其天乎

初三日

世人為名利聲色所中其趣甚淡以淡字對治彼濃之勢正猛而淡之力甚平如何驟能降伏法宜就其濃處窮結之究竟何若古之人今之人貪一朝之濃而受無窮之禍者影樣俱在則未有不退然思返耳

問今之求富貴利達者其妻妾羞而相泣孟子揭此旨以醒之可謂對症乃千餘年來讀者愈濃淡字

全不得方何也曰唐虞三代之世士大夫中此病者絕少春秋戰國以後病漸深醫漸難然能起什一於千百猶孔孟瘠胎之力也今病入膏肓醫家望而卻走只在病者於蘇息餘生自療自治淡中滋味愈阻愈長此方千古莫易欲病之疼也還須問此方舍此別無得力處

問學之一脈統於孔聖而非肇自孔聖以開端者何人曰精一執中即學之事而無學之名先知覺後知先覺後知皆併其居然以為自任然亦無學之跡惟學進志務時敏惟微學牛念終始與於學

日譜

卷十四

五

至傳講如發之論以於版築中先明此事真如飢而食渴而飲不言而躬行唐虞三代始無人非學者乎

心之官則思思又曰何思蓋思不出其位則思也而論於何思者實無思何以能作廢作聖是枯釋也

初四日

晨起容謂子曰某嘗自觀省若無其疾於心而遂於志者然夢寐不惟形神難對若抱人世之大疾舉世之大惡者然此其故何也曰戒懼切念而功

力未熟若有疾乃可以無疾若有惡乃可以無惡若果然自以為無疾無惡也其疾惡尚可言哉教畏之極轉覺踴躍彼肆行無忌自謂習識與此正分道而馳

問何以謂之道曰威應而已矣當未威時此心寂然耳一有感而喜怒哀樂之情動焉仁義禮智之性出焉偶感偶應萬感萬應其中節露靈處所謂天下之達道也應處不合人以兩失其離道也遠矣問應處不合初亦許慎後竟有悔此何也曰此正吾知未致耳知未致微察似相蒙錯誤乘之陽明一生得力全在此處著手知之明故應之當真看的容易

日譜

卷十四

六

初五日

問陸子曰唐虞之際道在皋陶商周之際道在箕子何以明其然也曰道原於天文字從皋陶發出知天則知道矣箕陳洪範禹與箕皆心與天通故語子亦曰若禹皋陶則見而知之

吾性之所有者不容減一分減一分則失一分故物吾性之所無者不容增一分增一分則添一分邪思故曰正念不滅之謂故邪思不生之謂新

問克已復禮羅近溪云克能也謂能盡其已則禮自
 復文太肯云克正也能正已物無不正皆與下而
 山已字相合於書言似近日作此解亦自通得去
 克去已私復還天理何嘗通不去聖賢道理在原
 本處誠徹不在字句上執泥紫陽集註竭一生心
 力表章前聖開示後學厥功大矣後人真能作紫
 陽忠臣者不敢謂無人而有意摘發以新奇自負
 指視愈多益滋紛亂非同學寅恭之誼也

初七日

日譜

卷十四

七

簡劉少傅 舊令秦君過夏峯備述其解任之由與
 所聞於此中之士民者殊無異辭以敬慎清操如
 此君者罷官而去已非持平乃賄累羈留經年難
 結令其父子於蕭寺中作楚囚相對恐仁人君子
 所不忍聞也秦令咸老親臺軫念之誰若慶更生
 託第致謝且致懇焉第念老親臺既已悉其苦情
 想不齊為之解網俾夫國之人得生人里門隨時
 利濟到處慈航元老意中之覆露而一方之元氣
 係焉故敢盡其愚

初八日

問聖人之心何以能與性命天道融會無少間隔
 萬物無所不稟則謂之曰命萬物無所不本則謂
 之曰性萬物無所不主則謂之曰天萬物無所不
 立則謂之曰心其實一也古之聖人盡性立命知
 天皆本於心故但盡其心而已矣
 問太極與天命心性作何分解曰太極者極至之理
 也在天命心性之先而不為先在天命心性之後
 而不為後與天地萬物同融和會而無終始離合
 之可言自古及今無時不存無事不在此為太極
 而已矣

日譜

卷十四

大

初九日

學問大頭腦總不離知止二字知得止時則此心有
 主任思慮之紛出而機趣裕如也任感應之錯投
 而本體證如也
 再過一孝示仁市 時送慎庵北上 隨意成高會難門逐野聞
 茅櫛人跡滿落日雁行同客已傾新流鄰還佐舊
 酌秋風吹別袂驢背又重來
 初十日
 心無體以事物為體心無用以好惡為用離事物則
 無知可致離好惡別無致知之功一部大學須於

此頓悟

憑境為愉快者境過轉生淒涼因人為覺悟者人去
又復暗汝所謂寒人火室煖自外至須是自己精
神徹內徹外深造自得之後自然居安資深火不
能焚水不能竭矣

十一日

周元公誠徹全體學透本源其儒之宗乎誠即太極
即乾元千古神聖祇此命脈天地人物從此化生
曰道曰善曰易曰性命皆誠之異名耳誠之一字
最難名言故註曰寂然不動者誠也又曰誠無為

日譜

卷十四

九

誠則無事後云無思本也其跡類類指示皆
無極之微言程門觀未發氣象正從吾心無為無
事無思寂然不動時默然體認而天地神聖之奧
當下可識非二氏之淪於虛無者同曰語也
寂然不動者人生而靜天之性也感而遂通者中庸
之和道之率也德忿室然遷善改過君子慎乎動
以還其寂然之體者修道而教也孔孟以後遞及
周程張朱諸大儒皆修道而教思誠者之事

十二日

學人第一要有誠見誠見不高縱有小執持亦不通

規規自完能幹得甚事古來能辦大事之人須開

第一等眼界認第一等題目做第二等人便是無

識

思慮紛亂此心無主總因志氣羸弱識趣卑暗暗頓
遠而係懸深得一卓識高朋之士看破一切離離
卑暗之習知水火之必不可蹈必不肯思量蹈水
火邪思雜慮不期省而自省矣

富貴為賢者不欲是豈人情也哉只不以飢渴之
害為心害是其所以異於人者耳

心之不能虛者有物障之耳賢知更甚聖心空洞無

日譜

卷十四

十

物而萬物皆備故能以至虛為至實此天地之道
也

彥明謂某今始會心廣體胖之義莫只是樂否程

子曰樂亦沒處著此語煞有理會解人正不在多

晦翁謂將與人看不得然卻用眼便看見開口便說

著這物事須教理會得精透日用行習方有受享

夫道一而已矣天下古今只有這一箇道則學所以

理會此道者亦只有這一箇學若能於一處攻得

開參得透則眼前物事咸歸秩敘遇父自能孝遇

君自能忠遇朋友自能信性之反之之聖人知者

如此而已行者行此而已樂者樂此而已不能於此處作功課向零星枝葉著手既遠且難終無了期

十三日

護痛畏攻居然自謂無過者是皆自棄自絕之人也
晦翁云人必全體是而後可以言病痛自謂無過全體都未是何病痛之可言

康節學於穆伯長每有扣請必曰願開其端勿盡其意人於道理須經自己思量方有悟入程門亦時有此意所以多高弟泛泛問答祇是一番酬應而已

日語

卷十四

三

已何關學問之事

學者大率有四樣一雖知學路而恣情縱欲不肯為一畏其事大且難而不為一求而不得其路一未知路而自謂能知象山此語道盡古今人不學之病愚謂不肯為與不為其病乘而脆未知路自謂能知其病燥而偽獨求而不得其路者最可憫

十四日

人知軀殼之為己而不知精神乃其已也精神日流轉於軀殼之中與天下之事物相酬酢而人不可見即體物不遺之鬼神豈能養得此精神完固充

周便是不以生而存不以死而亡吾之神與天地之神當不作殊觀

知好樂一步深一步愚謂好樂非難而知為難蓋好樂者知之盡境也知之至自在手不得惟不知則口實實於離迷鬼域之場居不知所為行不知所往逐日飲逐日食不知飲食之味其所以異於禽獸者幾何

嘗見有人焉家庭骨肉之間戕賊實甚而接人應物之際卻紆徐容與絕無疚惡似有涵養者然又有人焉誠確篤志收斂之過反近踟躕夢寐之間嘗

日語

卷十四

三

作驚惕愚謂之曰戒懼之人豈遂不許心廣體胖醉而益背耶出前觀本心盡喪由後觀有所恐懼乃知揚敬仲謂元度精神何罪而收拾之亦大撒脫

十五日

朱子曰無極而太極所以明夫道之未始有物而實為萬物之根底也此語可破後學之疑
凡物自無而有曰生自有而無曰化生又未嘗不化化又未嘗不生只此兩字循環無端與天地相為終始明乎此者死生存亡之理晝夜古今之運轉

如指掌矣

十六日

此心須空洞無一物然後能應萬物而不窮所謂因物付物若先橫一物於中則我亦一物矣如何能應物有鄙夫問於我空空如也是自己已為炤無念中忽起一念而此念遂燎原不可撲滅皆緣平昔貪妄雜慮多思路慣熟遂不能自主法當究詰其何以發端何以歸結真是以身試法自當驚汗無地雜慮漸少則此心清明漸復困勉之功多如此

日譜

卷四

筆

凡丁艱者人皆謂之居憂謂之讀禮惟居憂故不欲酒不如輩不御內而禮即在其中矣居憂而不憂讀禮而取禮立身之謂何尚望能顯親揚名移孝作忠乎人一生只完為子之事孝弟之道通乎神明非仁聖原不能滿孝弟之量

十七日

薛文清云靜能制動沉能制浮寬能制褊緩能制急鹿忠節亦云甯拙勿巧甯愚勿知甯樸勿飾甯疎勿密此固各為對症之言而聖之所重於此可見靜沉寬緩則蓄積包藏者多拙愚樸疎則安重有力

而作事可成以此居身應物而元氣常有其過之道也

能生君子之敬者自能祛小人之侮非誠慈端莊不苟於言動者不能

吾人一點性靈為天地古今大主宰只爭悟與不悟耳悟則天之高明吾性之高明也天高明之覆物吾性之覆物也地之博厚吾性之博厚也地博厚之載物吾性之載物也前乎此者幾千年後乎此者幾千年人賢愚世治亂總此天地民物耳無庸納之於吾性之中欲推之於吾性之外不可得也

日譜

卷四

筆

惟不悟則生不知生死不知死與草木同朽與禽獸同蠢豈不可哀

十八日

通小學人謂白沙子語錄甚少愚謂一統事不了然即百千萬言何益能了然此事雖無言可也嘗語馬伯幹曰病至此當大為休置縱未至灑脫地亦漸省挽亂幸而天年未盡便從此覺悟神理日著非小益也真聞道之言

十九日

大凡平常日用間其良心發露所當擴而充之者儘

自無窮只未經高明人拈出總含糊過去所謂百姓日用而不知齊王不忍掌下之牛非孟子不知其巧也學人須先認取己心明白觸事觸物自然為他人認取

學人不可有喜事之心亦不可有厭事之心喜事則多事而心慮其紛擾也厭事則廢事而心慮其廢弛也均之病道只行乎其所以不得行止乎其所以不得不止如斯而已矣

問陽明謂善惡只是一物此何說也曰人心止此天理恰恰中乎天理便是善不中乎天理便是惡不

日譜

卷十四

美

是有一箇善又有一箇惡兩物對舉只在人克念罔念間耳

是日薛行鳩視子夏峯以洗滌眉布為制冬衣修世好也

二十日

客有談明史者謂置姚廣孝為邪術張孚敬為佞倖是特平之論也以帝臣王佐出處之格律廣孝廣孝殊非其人然 文皇在命之元勳實惟第一何可沒也孚敬立言之心不必問第問其言當否不以人廢言夫子固言之矣二人者皆以知勝

愚不可不謂之識時務

二十一日

有感 世仍如此世人猶如此人江河流日下何處問行津 何以謂之道何以謂之學沉冥過百年不如一日覺

問陽明備佛老莊若吾之用此非兼而取之乎曰皆吾之用謂吾儒之道大其佛老莊與吾儒之不相謬者皆吾之道故皆吾之用如云兼取佛老而所用者佛老之說也則雜矣

二十二日

日譜

卷十四

美

問直截下手做工夫曰當起念時或善或不善難昧猶知知其善擴而充之勿使遏抑知其不善遏而止之勿使匿伏知善知不善知也擴充遏止即行也此謂知行合一時時刻刻勿忘勿助而已矣
問隨事不能無錯此殆知之未至不知何時是知至時然後可試之於行曰陽明走路之喻極為切實走得一段方認得一段走到歧路處有疑便問問了又走方能到得欲到之處若必待知盡了然後行有終身不知終身不行已耳知行並進正見其合一處

戲僑遊山客 名山從古閱遊人孰是高人莫認真

只恐山靈憎俗子鶴猿行遣護關津

損莫大於護過益莫大於知非吾平生不能不服膺

選伯玉欲寡其過而未能此其夫子心事也使乎

一言託出夫子安得不善而讓之良朋聚講經年

涉月不知能道此一字否

顏子有不善未嘗不知仲山喜聞過此是聖學真血

脈陽明謂其弟子曰你私意萌時這一知處便是

你的命根愚謂學者千言萬語都不濟事只能克

去已私遷善改過便是立命工夫

譜

卷四

七

二十四日

子孫之才不才總緣貽謀之善不善以厚積遺子孫

不佩義理惟利是視人謂為子孫作馬牛愚謂為

子孫作蠅蛇也古今影樣甚多不可不畏其實為

子孫計久遠除積善無別法

出為帝者師處為天下萬世師已一身不是小正已

物正不論隱顯窮達也孔子修己以安人安百姓

所謂正已物正為帝者師在此為天下萬世師在

此

伊尹曰子將以斯道覺斯民也孔子曰吾無行而不

與二三者此是一樣心腸一般責任擔此重担

其如家常事萬古不至如常夜賴有此任耳

終日視聽而目與視相忘耳與聽相忘終日持行而

手與持相忘足與行相忘此處容得一毫機知否

一毫才技否增一機知操一才技便多一乘忤多

二十五日

昔人謂人生只有這件事凡生時不曾帶得來死時

不曾帶得去的皆不須一毫著念愚謂只有這件

事是生之所以為生全而生之者無愧矣死之所

日譜

卷四

天

以為死全而歸之者無愧矣不能完得此件生也

罔然死也罔然

二十六日

燈下令諸孺子聯對示以饑餐渴飲酒孫對云春温

秋凉因講說弟兄之誼示以手持足行消對云口

言目視予曰眼一耳有喜時眼有怒時眼有哭時

眼消口有吃飯口有讀書口有說話口老夫為

之喜曰孺子可與言矣句以記之 屬對今朝發

興新天機動處豈由人不離當下口頭語孺子拈

來卻絕塵

二十七日

問世界多缺陷人情多苦趣不知如何方是圓滿方得快樂曰若求無缺陷之時天地有所不能時有窮通處有豐儉身有老少隨緣順應不作非分之想任世界之缺陷而我不見有缺陷也人見為苦趣而我不見為苦趣也如斯而已矣

二十八日

問狂狷二字有差等否曰是狷也是又其次思便是差等狂是要做聖人雖行有不掩然心事光明無廻護則未必有必為聖人之志其知恥不苟可激

口譜

卷四

三

發以入於道聖門會點滕雕開與原憲是此兩人樣子

二十九日

從來欺世盜名之人有能欺身後而不能欺生前者蓋身後之耳目易蒙而生前之聽視猶掩有能欺生前而不能欺身後者蓋生前之指視猶短而身後之摘發甚長總之假者可偽定終難久襲耳前有春秋後有綱目假仁者與行仁者有辨讓義者與集義者有辨到底世不可欺名亦難盜所謂小人枉做小人耳

三十日

水遇寒凝結成冰冰遇暖消融成水水與冰原非二物人心者一念之迷道心者一念之覺迷如寒之凝為冰覺如暖之融為水亦非有二物也覺時間非迷更無兩候

九月

初一日

問百姓日用而不知曰人誰能明叛於綱常名教之外遇父亦知愛遇兄亦知敬遇親戚朋友亦知禮讓此百姓日用於其中者也而謂其知愛親之實

口譜

卷四

三

以盡仁之道知敬兄之實以盡義之道知親友相接之實以盡禮讓之道此賢知所不能者為敢望之於百姓乎道之不行由不明孟子叙道統而歸於見知聞知則知乃聖者事民可使由不可使知民原知不得

問聖人之道為宋儒所蒙曰聖道如日中天明者不能增潤昧者不得加翳謂宋儒盡無蒙氣我不敢知謂宋儒盡蒙氣益不敢信以經書之言折衷諸儒之語其得失自見

田華石督水兩嶺夏峯華石蔡人也因語及馮少墟

學術極正康對山救李獻吉自是英雄熱心孫立
李馬旋揚忠愍身後事甚悉所稱節概之士

問一問一答便是致知力行謂致知可也如何便是
力行曰知得親切此時便撤去許多障礙陸子靜
悟得四方上下往古來今是一家人則知所到處
即行所到處正見合一本體如云知之非艱行之
維艱恥躬之不逮是以工夫復本體上根鈍根原
有兩般人立言之旨自不容混施

初二日

長生之說久中於貪生者迷妄之心結成誕幻之夢

日譜

卷十四

三

不知人無百年不滅之形而有千年不朽之心堯
舜禹湯文武周孔以至周程張朱諸儒其形之滅
也久矣而其心固炯然常留於天地間也即二氏
所謂長生超生死意亦如是於此不悟必欲苦苦
存此殘喘之形軀亦愚矣哉試看暮年之人志氣
皆亂似無知識之孺子夫孺子之無知識其天全
暮年之無知識其神亡神亡而形存所以晚年多
敗德耳長生何益

姚江謂無欲爲靜不獨得元公之要乃聖學心法也
心齋謂心有所向即是欲此又得文成之要近來

又謂只動念在軀殼上取足求全者皆是此又得
心齋之要

學問功夫不得純熟只爲日用之間念起念滅變幻
甚多迷者從明處變而爲暗從樂處變而爲憂所
以長戚成覺者從暗處變而爲明從憂處變而爲
樂所以坦蕩蕩坦蕩者常不變則功純力到便是
成德君子

問道從何處入門曰從知入不知則昏昧放逸舉步
便錯何時是到家之日故學先知止知止如明眼
之人決不蹈於荆棘亦不怕荆棘爲碍所以能定

日譜

卷十四

三

靜安慮而終歸於自得之也

初三日

人生於自己面目原不會認的出如對鏡見影卻問
這箇是誰故目視耳聽而不能爲視聽之至手持
足行而不能爲持行之至一身之官體且無著落
此身安得有受用之時學問求下落只求當下此
身受用得著便不虛度此生

初四日

尚夫子一天也亦嘗以知天命自在乃於子臣弟友
之庸行則曰未能也曾子得聖人之傳聞一貫而

唯乃於先王之至德要道卻避席不敢當曰參不敏何足以知之此何以故曰孔子之未能正是其知天處曾子之不知正是其問一貫處蓋天道原容不得一能字一知字若自以為知能則其去天道也遠矣天道總一虛靈聖心亦只是一虛靈而已不虛靈者知能障之耳

問聖心無知聖心無能何以曰自有知而心無忘也曰自有知而無忘即到知之盡能之盡而有語以至德要道子臣弟友者仍舊無知無能焉耳

初五日

白譜

卷十四

聖

古來賢聖諸儒言不可為典要但看當日立言之意各有對針甚不可執著論也如言舜其大知又言所惡於智言必有事焉又言行所無事言思則得之而又言何思何慮言敬而又言忘敬言忘而又言忘即是馳言不可如槁木而又言且靜坐言必存養而又言說甚涵養此等語不能盡述總之看道理萬不可泥於一家言曲士之不可與於道者拘於見也

初六日

問有言天理不足恃者曰彼原不識天理烏能恃天

理識天理則無一物非天理也無一時非天理也究舜禹之執中湯之明命文王之德純孔子之一貫曾子之至善子思之中庸孟子之仁義周子之太極總之一天理而已明道言吾學雖有所受天理二字卻是自家體貼出來能自己體貼出來則動靜語默得失存亡無刻非天理之流行我與天理不得分之為二若云恃天理則猶受命於天理也

初七日

白譜

卷十四

聖

問天地之道一誠而已而天常不清地常不常如寒暑不時災異迭見福善禍淫多不當者豈天地亦有所不就與曰此正見天地與人同體人者天地之心也人動處有差造化亦有差猶影之隨形毫髮不爽王者惟嚴鄉士惟月師尹惟日果然交勉清甫立見

初八日

明道與門人講論有不合者則曰更有商量伊川則直曰不是原有該商量該不是者但在兩先生各足以想見其氣象

年友沈芳楊仲子崇儒過視夏峯送其尊人錄本伊

洛淵源一部

助君子使必成其美此固仁人長者之行御小人使不罹於法此九天地父母之心

初九日

張橫渠少以才自豪且視明道兄弟為外兄弟之子而虛心求教切切師之懇懇如不及其學成德尊識者謂與孟子此此在張子之舍已取善誠不可及而程子能令張子之舍已其品地可想

富彥國身都將相嚴重有威人不敢仰視堯夫視他將做小兒樣看此是孟子藐大人一般魄力堯夫

日譜

卷十四

五

家才孟子浩氣千載下英光動人

與盧頌夢丈人賞菊 東籬千載未成塵僻徑猶堪

託比鄰聞叟九旬于望入閉來對酌兩精神

初十日

問于翁成人曰呂希哲有言內無賢父兄外無嚴師友而能有成者少矣以姑息為愛不擇勝已之友以輔之是白棄其子弟者也

十一日

漫謂世間無好人此三字見心術刻薄實傷元氣上蔡與朱子發講論語舉子見齊衰師冕見二章曰

聖人之道無微顯無內外山洒掃應對進退而上達天道本末一以貫之一部論語只恁地看如上蔡者可稱會讀書

十二日

客謂鄉賢名宦祀於學宮表當日之賢非後來之範典至重也世教凌夷是非淆亂凡有一官一職或子弟有官職者皆得與焉濫觴至此當何法以補救之曰黜陟之典幽明一理從來議入議出旋入旋出者屢矣如追奪官誥時時有之豈其以不才之人冒竊俎豆而遂成不刊之憲乎天日晴霽正

日譜

卷十四

美

人一言而釐正之亦清楚時弊之一端也

客謂為親友緩頰當道不問其人之賢否樂欲其私庇俾是非不明於天下而好惡不快於人心仁人君子處此應如何曰仁人君子自不肯以私庇匪人然為人緩頰亦忌過譽令人輕吾言焉厚道於直道之中處已處人兩得之矣

十三日

程伊川以布衣召見尹和靖亦以布衣召見伊川嘗曰我死而不失其正者尹氏子也和靖在講筵上問孟子胡紉一夫如何和靖曰此為當時之君而

言也時有進疑孟子說者上問程頤謂孟子如何相請曰程頤不敢疑孟子

伊川嘗云晚得二士謂相請與張思叔綠也綠三十歲方見伊川因請孟子志士不忘在溝壑勇士不忘喪其元慨然自得蓋能守此則無不可為之事

十四日

胡康侯於春秋窮研玩味游泳沉酣者三十年又得伊川所作傳其間精義多相合符益以自信探索愈勤當時之君若臣亦謂深得聖人之意非諸儒所及所得如此方能令後儒之指摘而尋其病痛

日譜

卷十四

七

大凡有病痛之可言者皆嘗以身體之而實用其力者也孔子往矣於其言語而會其神情既不得與於見知之列自當虛以質之百世之後聖未有居之不疑而定不許後儒之忠告於前賢也惟忠告前賢必有度越前賢之意其人者間氣所鍾豈易得哉不知而作虛言煽亂者燐火耳曲士能辨之矣

十五日

快心娛志之言入於耳令人意蕩而氣昏小人之禍國家非人之欺善類舉皆山之直臣諍友之利類

非甚庸暗解有不知然非賢明不能收其益虛已之難如此

龜山令仲素思索飢者甘食章且云此語若易知易行而有無窮之理仲素思之累日疏其義以呈龜山云此語甚善但更於心害上一著猛省則可以入道仲素一生服膺此語凡世之所嗜好一切禁止故學問日新人不可及且非龜山拙闕做鑄而仲素於言下省悟何以臻此

日譜

卷十四

八

延平以書謁仲素云伺聞之道可以治心猶食之充飢衣之禦寒也人有迫於飢寒者皇皇焉為衣食之謀造次顛沛未始忘也至於心之不治有沒世不知慮豈愛心不若口體哉弗思甚矣此與無飢渴之害為心害互相發

大抵讀書人思索義理到紛亂窒塞處須是一切放下且靜坐教胸中空蕩無係著卻舉起一看每事便有下落程門喜見人靜坐輒嘆為善學龜山相傳指訣以及仲素延平皆如此昏亂鬧熱中看道理明徹非養成後不能

十六日

子嘗言夢寐難對蓋謂有是心因有是夢亦有絕無

是心而忽有是夢者甚訝之隨於鷄鳴平旦時簡
點生平今無是心矣或壯年有之或少年有之其
根猶在故不覺其伺隙而萌發也無盜賊之夢者
原無盜賊之心種種情絲物欲畢竟有惑而難割
者在是在當人自搜剔耳

孟子曰其所以放其良心者亦猶斧斤之於木也墨
謂斧斤之伐牛羊之牧人猶爲山木惜之而致恨
於斧斤致恨於牛羊聲色貨利之熾心終身求而
弗得得之終身樂而忘返幾見有致恨於聲色致
恨於貨利者乎日夜之休息無期雨露之潤澤不
斷故曰殆有甚焉

十七日

古之公孤保傅坐而論道之人雖係臣僚皆所稱帝
者師王者友故官不必備惟其人自漢唐宋至今
保傅公孤相沿如舊而其實亡矣既無以發其隆
師親友尊德樂義之心自無以防其戲慢嫖狎奇
表雜進之害官僉備而官省之關禁密之地所窟
穴盤據於其間者不知何人望至德之清明世道
之平康也有是理乎江河日下砥柱莫施君負臣
耶臣負君耶總不必問士大夫有恐懼修省閉戶

讀書而已

師友之誼既難望於君臣堂陛之間而此肩事主各
懷異意以相傾陷究且同歸命於洪濤烈焰之中
總因不能親師取友遂至置身無所士大夫不能
親師取友并獲上悅親而胥失之豈不可憫李延
平嘗云何從羅先生得入處後無朋友幾放倒了
此老以仲素爲師元晦爲師猶作此言可謂以師
友爲性命者矣

問黃紫陽行狀云自先生去國鄙夫檢人以學爲僞
語蓋六經悉爲世之大禁稍以儒名者無所容其
身從遊之士有更名他師過門不入甚至變易衣
冠狎遊市肆以自別其非黨又云先生訃告所至
從遊之士與夫聞風慕義者莫不相與爲位而聚
哭馬禁錮雖嚴有所不避也兩說出一人之手豈
不自爲矛盾與曰紫陽門中自應有此兩般人前
之說爲小人畏禍者言後之說爲正人不畏禍者
言各極其情之所至不足怪也

十八日

問夜氣平日之氣浩然之氣前聖俱未有說此是孟
子創闢不知從何處得力曰浩然之氣從集義後

養成剛大充塞天地存夜氣保旦氣自好惡相近使不悖於且其之所為而勿忘勿助皆是用集義功夫義以集而精精義入神便可建天地質鬼神考三王侯後聖千聖相承同一源本孟子願學孔子者也義以為質非集義乎禮行孫山信成總所以熟其集義之功到此纔無義與能惟心義之與此所謂山仁義行也孟子自負見知見此耳父兄喜得佳子弟子弟樂有賢父兄富貴功名之外定別有具紫陽嘗云蔡神與所以教其子者不干利祿而導之以聖賢之學其志識高遠非人所及

日譜

卷十四

聖

故蔡氏祖孫四世一轍

十九日

盈天地間千條萬緒紛陳於吾耳吾目之前凡入於吾之目其視之禮與非禮目不能操其權凡入於吾之耳其聽之禮與非禮耳不能操其權總而歸之於心心思其非禮者勿視勿聽此謂先立乎其大此處大有擇執工夫思則得之而大立立之久則紛陳於吾前者各歸條理思而還其無思之體故曰天下何思何慮認何思為無思何慮為無慮未免以食色為性其流弊將不可言邇來學

人多至此說不知於夫子近思慎思九思之首當否周公大聖且仰而思之夜以繼日方能不勉而中不思而得屏思絕慮吾未見其能得也惟中思聖人從容中道纔見天下何思何慮

二十日

致田水部 第五十年守不見諸侯之義獨樂於親就先生者為先生真意流行相信有素故不待召而往適金老諸君見顧云先生向來與諸公酌酢用情太厚雖一肉一菜價值且多於市肆第念先生冷署且難辨託塵外如以此待弟是棄之也

日譜

卷十四

聖

第三十年前約六器輩素半之愛我者必信我不信烏在其為愛先生尤請午餘趨教

二十一日

論聖學之要曰無欲夫子之思剛思其無欲者也顏淵死曾子之宏毅即所稱剛者乎曰省忠恕正所以清其欲心耳于思受業於曾子思誠以達天德孟子受業於子思直養而配道義皆所稱無欲而剛者也孟子沒聖人之道不傳焉元公無欲是真血脈無欲未易言須自寡欲始其為人也寡欲雖有不存焉者寡矣內多欲而外施仁義仁義豈可

以襲取貌竊哉

二十二日

劉少傅招飲在序庚子之秋值公里屏黃花盛開乃

開樽見招且命攜兒孫將車同過公出諸公予行

爵儼然古人應門置膝景况某以龔贖躄猥側

盛舉已過辱禮下兼之余家三世均得雁序其中

長幼雜然繼以卜夜雖一日良緣誠千秋佳話躬

膺斯矣情見乎辭 金風浙浙薦高晏草野甯堪

望古人依樹宅年吟眾謝將軍茲日見諸菊黃花

羅立成孫子白髮蕭森對主賓醉後支筇歸去暮

日譜

卷十四

聖

還懸陳榻卜宵晨

二十三日

王伯生損擄其二子過夏峯問學於其歸北平也詩

以送之 家住在盧龍寰海恣飛越十載大河南

氣志無類嗷世專入眼明有裏豈招揭人謂進善

伍猛乃不中楸人謂嫉惡嚴嚴乃不受机欺予子

益友每向余咄咄兼度襄伊人一見欣清樾攜切

登草堂請以第于謁相將幾夕晨有扣無不竭隨

路莫憐然千里同明月

二十四日

問制欲非體仁慎雜非慎獨謂疏其義曰克伐怨不

不行焉是制欲也體仁則從其仁之端擴而充之

如火始燃泉始達何庸閉之使不行也克伐怨欲

使之不行是慎雜也慎獨則一誠當推眾私屏息

如大將登壇兵卒自肅又何用巡事而慎防之哉

二十五日

伯生問少懼憂思飄泊他鄉空囊攜幼語寄親友原

以未嘗學問之身而貧旅蹉跎歲月虛擲望先生

一言以為指南曰生於憂患予與固詳言之矣行

拂亂其所為此句最宜著眼蓋欲求無病之濟身

日譜

卷十四

聖

安之貧而不可得也子既立不忘溝壑之志只奉

此念而往便無不可為之事便無不可了之事耕

讀樵漁皆樂業也故國他鄉皆安土此鹿石為魚

皆同志也盧龍幾千百年只有一箇田子存子歸

而求之有餘師

友人自灤州來詢及庚午復灤城事曰全借道尊張

椿之功言其事歷歷因及椿在塞北寄居蕭寺不

削髮不拜王叔向西拜坐亦向西剛心烈氣東八

皆敬事之因成犯椿終其身以賓師自處數年聞

此語初疑之久而信終令人敬服文文山不惑

畢且夕之命隱然以箕子自處此可想見椿之心矣

二十六日

問形色天性而人不能踐形者形色離天性耶天性離形色耶曰日常明耳常聰是天性也而明有時而昏聰有時而塞是天性離形色而形色非天性矣踐形者祛其昏通其塞耳目之官不誘於物則聰明之體依舊須從心之官得力

二十七日

問大人者不失赤子之心曰不失二字最有力如盆

日譜

卷十四

聖

中菊赤子之不學不慮是根裏花大人之不思不勉是稍頭花能滋息灌溉併枝葉葉毫無損傷其用功也亦勤矣苟得其養無物不長苟失其養無物不消知此方可言不失赤子之心

二十八日

寄杜君異 子與氏云無財不可為悅此語殊令仁人孝子居貧而守志者扼腕千古幸有夫子殮首裹形未為不孝之責庶寒士當大事不至快恨於心而負罪於世太君之變固知親大抱子與之痛然不能不酌於尼父之言六十不毀隨分自盡但

願體大君之心為心此僕之所望於親丈者

二十九日

無財不可為悅得之為有財而以天下儉其親此名教罪人也然實無財必以財為孝破廉喪恥辱親實甚故曰殮首裹形未為不孝喪與其易也常戚孔孟垂訓總以教孝有情有文者於親無憾於心無憾情至而文不至者有愧於親無愧於心情文兩不至乞墻登蓬務為苟得祇虧體辱親而已矣

三十日

得倫之楷節烈一則入畿輔人物考

日譜

卷十四

聖

十月

初一日

率子若孫家祭 俗傳此日送寒衣大凡從祖父起意無非喚醒人心春秋霜露之感老年未能展先人之墓念之有餘恫焉守墓兒孫當體予心不可怠忽從事

初二日

齒搖不甘食拈此以志老態 耳聾不開喧眼暗廢書史無事此靜坐用知亦安止獨是齒搖搖所嗜失其美殘年借食養舉著慨嘆只已落難重生健

存無久理齒與耳目較緩急孰可以君子曰不然
老態應如此

初三日

作書書堂集序 入歲卷二集

初四日

借請同人為盧蘭慶慶九十

初五日

客問道在眼前如今眼前何處是道曰適間川飯
不舉著子不敢先食父有問子起而應對客續到
卑幼候長者先揖少者不敢行長者前何莫非道

日譜

卷四

七

也百姓日用而不知著而察焉道豈有餘蘊哉

問太極生兩儀兩儀生四象四象生八卦原是漸次

相生還是一時俱足曰太極者終天地而始天地

終萬物而始萬物與天地萬物同融和會而未嘗

有先後始終者也有形則有影有一則有二有三

以至於無窮皆然其生也若有漸次之可言其實

一時俱足

初六日

問諸儒語錄一人之言前後亦多有不符合者何也
曰自少至壯壯至老氣血有盛衰識見有增益功

力有生熟孔子叙志學以及從心四年而進朱子

晚年定論悔從前自誤誤人語言文字之間少是

如此壯是如此老仍如此此是未嘗學問之人則

竊一言以作門面非所語於深造自得者也

初七日

書王念修立嗣契後 王茂才念修名之蓋與予居

相鄰今十年矣本分自守橫道之來忍死不致與

較不幸而有疾疾且革義社諸友憐其壯年乏血

允母老二女幼欲為立嗣苦有阻之者族長志學

擇其姪茂才維坤而立之於立愛立賢之義正有

日譜

卷五

哭

合焉維坤以孀母撫育成人出嗣於外不安於心

子曰功令有移封本生父母未嘗不得展其孝也

此舉極善故附數言於後

初八日

問自立之道曰必欲隨俗人同流合污一路必不隨

俗入素隱行怪一路均非特立獨行之士

初九日

問人生何事為第一義曰知恥不知恥無論忠孝大

節不能做即小廉曲謹之事亦不肯做

初十日

同從古遜世理名之士如荷篋楚狂丈人之流豈非
所稱不愧無悶者耶孔子奚不取焉曰不愧無悶
者以天地萬物為徒荷篋楚狂輩果於忘世者也
此中相去正千里耳

十一日

問集義襲善曰集善者以有恒為心善人為質狂狷
為骨充實積累尤輝發越漸至於中行聖人之地
襲義者原善以其實心誠信於天下統忠信廉潔
之似竊襲君子之名本同也而謬託於和本比
也而謬託於周本驕也而謬託於秦漢唐宋之臺
傑未免多落義襲一路君子謂之不聞道

十二日

問色厲色莊色取於五霸之假同異何如曰色厲者
譬之盜色取者行多違五霸接三王其功不小唐
虞三代之治邈哉不可再觀即如勳功亦豈易見
哉孟子曰曰今之諸侯五霸之罪人也

十三日

從來謂潛與見為兩局聞與章為二境愚謂君子潛
固潛即見也仍不離潛之體總歸於潛而已矣君
子聞固聞即章也仍不離聞之用總歸於聞而已

矣君子之所不取及者其惟人之所不見乎潛與
聞之謂也

十四日

瑞田與子新中表兄弟因來從遊每與子談及其鄉
之前輩聞人亦皆予所夙聞可謂不苟於言矣子
新為言其尊人虞徵公於壬午以有道授登州之
黃縣令抵河間禍出非意城破虞徵公烈死瑞田
抱憾慟遂棄舉子業予聞而傷之且起敬焉瑞田
不能忘其親當益思守其身則不負來問字之意
而子亦可以對子而無愧矣

十五日

與城中諸友 沈茂才逢源僕庚子年友芳陽命也
客死於輝已十餘年矣無子而貧今其姪來其
叔此最近情近理之事僕為具庶儲題一旌欲煩
諸人借件一弔亦厚道也

十六日

與王夢航 耿生初至夏峯狼狽可憫弟以先生
一向誼語之渠感且泣但麻衣未敢登堂敬聞左右

十七日

語二畫士 凡繪圖者無非繪其山水樓閣園林之

得而以其觀覽吾不知簞食瓢飲在陋巷之人
何山水樓閣園林之偉麗可繪也善繪者能繪其
章著之跡而不能繪其闕淡之神此繪事之所以
後素與願二君於此更進一解

十八日

問學何以能不厭教何以能不倦曰聖人與天同一
不已法天之學以為學自然厭不得此所以忘食
忘憂不知老之將至法天之教以為教自然倦不
得所以云吾無行而不與二三子者是即也

教雖多術然不離誘掖磨練兩法誘掖為初發心者

日譜

卷四

至

設磨練為久發心者故初發心但據見在一念
方接引絕不苛求孔子成就互鄉童子一項人
子引齊宣於王是也久發心則必通照其平時
加簡點畧不假借孔子成就及門諸大弟子一
人孟子謂樂正子徒哺環是也涇陽云雨法兼用
方纔可大可久

十九日

問先儒謂滿街皆聖人又言世間無現成聖人此言
何也曰滿街皆聖人是就本體言人皆可以作聖
無現成聖人是就功夫言不為則不能証聖各有

其旨在此

二十日

復杜君吳 前付伯生一函知已入覽友松來出素
札殊令人不忍讀終身之慕獨於親丈見之至意
外一事親丈不忘自反即君又且知過不美之中
却見道力所謂憂患者生之徒也子與嘗欺人語
哉孫女垂失母祖若父隔遠又不能撫而教之太
君與舅姑俱不督過其無知老夫窮白善有顏矣

二十一日

問過去者不能不沾滯未來者不能不將滯此理

日譜

卷四

至

如何曰不必然之沾滯不必然之將滯應當下立
斷然亦有過去未來而與當下相關者則過去未
來皆當下也孔子忘食忘屨以思周公仰而思之
夜以繼日豈其沾滯於過去將滯於未來者乎帶
前日之非堅後來之是皆從當下做起

問源頭關頭之辨曰富貴貧賤造次顯沛總一源也
分而言之富貴一關也貧賤一關也造次一關也
顯沛一關也顯沛陽云就源頭上看必其無終食
之間違仁然後能於富貴貧賤造次顯沛處之如
一就關頭上看必其能於富貴貧賤造次顯沛處

之如一然後算得無終食之間違仁耳

二十二日

問塗人之心與聖人之心於何處証其同也曰天地之德曰生人得之而為不忍人之心人皆有之愚不肖雖經蔽網皓亡然乍見孺子人井則依然呈露但不能自認而自守之進之而月一至焉日一至焉則仁體見矣再進之而三月不違以至終食無違則渾然一仁矣此便是至誠無息與於穆不已同一境界人甚無忽此乍見也

二十三

垂

世運有古今人知之而一人之身一生亦有古今焉一日亦有古今焉由孩提而稍長而壯而老一生之古今也由鷄鳴而平旦而晝而夜一日之古今也一生之古今當於孩提稍長時清其愛親敬兄之真念勿令有初者鮮終一日之古今當於鷄鳴而起時清其有善無利之本念勿令出此而入彼一刻悠忽遂成墮落可不勉諸

二十五日

從來做聖賢做豪傑眼界欲空腳跟欲實眼界不空則識趣卑陋閑手便差腳跟不實則操修影響到

顏淵或孔子登太山小天下眼界之所以空也君子之志於道也不成章不遠腳跟之所以實也

二十六日

貞靜子曰於死於生相見黃泉無愧色曰貞曰靜應知青史有餘香

二十七日

張侗初云人須生能死得死能生得方會了生死此言形生非生形死非死有所以起於生死之外者在有元吝云若要生此身除非死此心此心若不死此身安得生淫陽陽而擊節稱善賡之曰若要

口語

卷十四

語

生此心除非死此身此身若不死此心安得生繼而思之須是生死一齊放下易不云乎窮理盡性以至於命窮理便識得生死盡性便了得生死至命便造得生死如此并無生死可言所謂一齊放下者亦成刺語矣

二十八日

秦伯晦令其子宗游再拜正弟子之禮

二十九日

王文成曰只存得此心常見在便是學愚謂常見在三字極平易極高遠孔子之時言孔子之常見在

也嘗于之日省曾子之常見在也顏子之四勿顏
子之常見在也孟子之勿助勿忘孟子之常見在
也子思之戒慎不覩恐懼不間子思之常見在也
無一刻不在便是至誠之無息天道之不已稍雜
以物欲則此心時在時不在全爲物欲所鋼截則
此心一放而不復存矣只一心不在便不可以爲
人孟子求放心三字是起死廻生之手

十一月

初一日

問人做不將去畢竟是稟賦有偏全非祇關學力之

日譜

卷十四

教

厚薄曰一諉於稟賦則人人皆可卸責誰肯下用
勉工夫古來聖賢不知歷多少艱阻費多少辛勤
一畏難便諉於天之限我此正所謂自暴自棄蓋
論本體要是人人具足論工夫未必一一皆是果
能此道矣愚心明柔必強良非虛語

問見在便有下手處到底亦無下手處請指示其說
曰學人拈此二語意各有指子釋其義見在所居
之位各有當行之素只就此素位下手而已矣此
外何容心焉無時不有素無時不當下手所以無
下手處也有下手所以勵其始無下手所以要其

終總是學人進進不已之功

初二日

世人大都只聖賢豪傑爲必不可甘心爲愚不肖
者此無志之凡民也指悟頭爲了當認見成爲聖
賢不事學修之功慆以食色爲性此一流人竊曰
負爲不世出之蒙傑不知祇成一無忌憚之小人
而已矣

初三日

問恭敬忠便是仁否曰恭敬忠是仁中條件乃下下
做工夫處禁遲問仁是向夫子求本體夫子卻教

日譜

卷十四

教

他做工夫統體是仁居處自恭無恭之可言執事
自敬無敬之可言與人自忠無忠之可言此本體
即工夫學者求仁居處而恭仁就在居處執事而
敬仁就在執事與人而忠仁就在與人此工夫即
本體恭敬忠須淋漓足色仁方免得色取行違衷
狄不棄總是用功親切處

初四日

問道在眼前如飢食渴飲隨在而是此語然否曰道
原隨在而是然須是乃謂之道如飢渴苦心有何
是處錯認了路途便入坑陷

五日

奇劉公勇 道丈之歸山也真可謂大勇哉况劉者無不仰企然類上風物視百泉為勝况是故園國知道丈之不能來但意興偶到亦不容不一來則以夏峯為居停不僦居不種地兼山堂主人雖辜矣倘堪住道丈一臂此語不敢為他人言於知已則不容默然耳天地即寥廓撐柱者實未得多人有其人矣悠悠錯過豈不可惜久無便為王子之父舊與公家有聲味之好附此當一已語

初六日

日譜

卷十四

至

為王君佐家譜序 入歲寒二集

初八日

龍溪持論以赤子之心孩提之知愚夫愚婦之知能為見成聖賢人人具足不是外求劉師泉非之曰開天闢地鼎立乾坤吾自創業不享見在此二說者各有苦心處但直任見在為止足固不可離見在懸空去做亦不可雜念菴曰獅泉早平為認見在所誤故從自心察識立說龍溪指點極是透徹須從收攝進步處處綿密莫作玩弄始是去兩知取兩長此前輩朋友講習真實切確處

初九日

問靜字之義曰學先王靜周子曰惟無欲故靜大學所謂定而靜靜而安也自靖以自獻於先王殷三仁各有苦心極慮處耳非至靜難以語靖非自靖亦難以語靜安源流亦合

初十日

為薦馨答問錄序 入歲寒二集

十一日

天章問盡其心者由於知其性也出於二字似知性還在盡心前面恐非孟子本旨向來不能無疑

日譜

卷十四

至

予卻疑得有理易曰窮理盡性以至於命此句是此章至腦所謂盡心者窮理而已能窮理方能盡性能盡性方能至命至命者即所謂知天也未幾至命窮理盡性的工夫到盡性則命自我立矣此孟子顯學孔子的嫡派

十二日

天章問初學從何處入手曰隨時隨處體認天理聖賢云明道謂天理二字是自家體貼出來初學體認此先須靜坐何如曰爾卻看靜坐太容易

心淨人靜坐不得熱心急性人亦靜坐不得元
公之無欲延平看喜怒哀樂未發纔是靜坐的榜
樣子嘗云學先不觀不聞地功在勿忘勿助則此
是靜坐的功課程門見人靜坐輒嘆其善學非大
涵養人不能若以槁木死灰爲靜坐則枯禪耳非
儒門宗旨也

問言先聖後聖言知行合一者何者爲是日
知行自是合一然此乃聖者專知而後行賢者勉
焉知而不行庸衆也不知而行妄人也

日譜

卷十四

七

陸從尊德性入朱從道問學入此其所以異也然
尊德性豈能離得道問學道問學亦不能離得尊
德性總皆聖人之事也此其所以同也

問養心莫善於寡欲欲之乘人也最微最隱千頭萬
緒紛至沓來如何能寡的曰欲不爲身則心不能
養從古未有以多欲而爲聖賢者也寡得一分欲
清得一分心方成得一分人聲色貨利中斷無人
品此處須要割棄

問因果有無曰因果有無俱不必論第謂忠臣義士
舍死地下便以爲殃而無作善之報則非也亂臣

賊子含笑九原便以爲祥而無作惡之報則非也
天既成之爲忠臣義士則忠義便能立命祥有大
焉者乎夫既俾之爲亂臣賊子則亂賊便是定案
殃莫殃於此矣一時之賞罰可逃千秋之表儀難
掩宗乎可畏竊莫究積善不樂也

十三日

問顯然惡念猶易制伏惟無端之中忽起惡想惛
於心牽扯不離當如何曰此是人心潛伏乘道心
之醇滿遂竊發焉而橫不可制法惟有純善集
之功密吾慎獨之念此段功課日審自問而已

日譜

卷十四

七

十四日

問未發以前空洞無若似無善惡之可言自思慮一
起真妄始分告于言性無善無不善也正是未發
以前一段光景何以見之賢曰此正釋備之
辨毫釐千里全在此備備才知行有不得一味反
求反求則戒慎恐懼所以未發爲中中節爲和和
然一至善而已釋教本心行有不得一味勿求勿
求則割恩斷義未發安得中發安得有和故以無
善無不善立論諸佛千經萬典皆本此五字爲竹
告于禪宗也蓋一問告于更難於釋揚揚陽明教

言曰無善無惡心之體謂無善之可言正其為
至善與告子之意是淵矣

問周易云仁者見之謂之仁智者見之謂之智說者
以為承上一陰一陽之謂道以仁為陽智為陰也
至論語却云智者動仁者靜是又以智為陽仁為
陰矣同為夫子之言何以相矛盾耶曰陰陽動
靜分屬仁智以為二則一以為一則一所謂性之
德也合外內之道也易曰仁者見之謂之仁智者
見之謂之智雖以仁為陽智為陰然陰陽自不能
相離也子曰智者動仁者靜又若以智為陽仁為

日譜

卷十四

至

陰矣然動靜亦何嘗不互為根乎各就其呈露若
見為如此則如此言之若見為如彼則又如彼言
之原無矛盾中庸曰成己仁也成物智也倘再曰
成己智也成物仁也庸何傷能於理了然自於辭
不執泥耳

十五日

問告子曰生之謂性是純以知覺運動為性矣而宋
儒則曰性即理也理是無所知覺的何以主張一
身耶性果理耶抑理氣合一而主宰此知覺運動
的一點靈妙處為性耶曰太極生兩儀兩儀生四

象四象生八卦以遞相生於無窮總之理與氣渾
洽融浹於其間欲分之而無可分欲合之而不待
合人為萬物之靈得其醜氣獨厚孔子曰性相近
蓋人與人相近與物則相遠矣孟子曰性善人性
皆善物性則有不善矣如專以知覺運動為性理
於何歸專以理為性氣於何往理以至宰乎氣氣
以運旋乎理上下四方往古來今無處不充周理
人盡性所以能聯宇宙為一家為一身性中一點
靈妙處告子既不知惡能盡天命謂性故盡性能參
天地贊化育

日譜

卷十四

至

問孔子曰天下有道則見無道則隱時至春秋可謂
無道之極矣夫子何以不隱而且曰天下有道邛
不與易也曰有道見無道隱士君子出處之義孔
聖人宇宙在手造化生心唐虞三代之治夢寐以
之自不肯果於妄世天下有道邛不與易慈天憫
人意更悽惻以跡觀之孔子不能轉春秋之世為
三代似乎終身行而終身藏然教鐸萬世賢於堯
舜實終身藏而終古行者也包舉宇宙之全體全
神自生民以來一人而已

十六日

區格勸云云曰格物二字是聖學大關頭諸家聚訟
未有定歸既不能起尼山於今而問之須求信得
過此心者而定所從據予所疑即窮理格一物
欲格其不正以歸於正耳此三說者功令正窮理
愚意四十年來至正物蓋窮理者聖學之首事正
物者聖學之結局誠正致知後而始窮理則所謂
致知者何功之操也正物者知之明處之當誠正
修之功方有著落家國天下之事方無參差蓋帝
王聖賢處事處人不過求一安妥而已愚謂陽明
乃紫陽之功臣人謂與紫陽相牴牾者曲儒也豈

口譜 卷十四 李

虛中無我共借大道之意格去物欲之說亦正心
誠意時功課誠正致知是大人正已格物便是物
正
問日月至焉而已矣曰一至焉於仁猶密月一至焉
何其疎也恐果達藝諸賢不至如此曰此至字與
端倪偶露者不同當至之時與回之不違同是一
箇仁之本體但不能如同之純才謙氣魄用事目
謂仁不得孔子於及門之人決無錯評
十七日
問孟子素高不見諸侯之節何以見梁王曰士無端

而見諸侯不惟自失其重并非所以重諸侯不為
臣不見此定分也梁王既切願見之懷禮已至
孟子豈殺干木者流而不事王侯高尙其志原不
足以撥之見諸侯自有陶鑄諸侯之手聘春秋戰
國而為三代此段苦心極慮願學孔子衆人固不
識也

問孔子謂伯夷為古之賢人孟子竭以為聖之清當
以孰為定論曰夫子於伯夷曰不念舊惡曰求仁
得仁雖稱賢也而無憾辭孟子即謂夷為聖之清
而曰隘曰非所願學已明不足之意各就所見
口譜 卷十四 畜

而立評焉非闕優劣也
問管仲云云曰夫子於仲也雖大其功然亦嘗小其
器瑕瑜互見以示天下萬世之公至戰國時止知
有霸術絕不講王道故孟子卑其功而以爲不足
為提一王字以折服雄至強霸之習俾不敢令之
舍所學而從我此亦對症之言仲尼之徒無道桓
文之事非孟子誰能具此識力
十八日
問孔子論事君曰勿救也而犯之又曰信而後諫
女樂之歸何一

身計國家有事將賴何人擔當耶曰勿欺而犯信而後諫此自人臣事君之誼然非所以律天子夫于於列辟君臣而賓師者也其仕止久速惟義所在與天地合德四時合其序明明不能取信而強犯以取辱是區區守一節効一命而已聖人之所為賢者不能為賢者之所為聖人不肯為了一身者必不能了天下萬世于路之殉衛事也且不

能了一身矣
問孔子於原壤云云曰夷俟而深責之母死而欲反若弗聞似失輕重不知朋友君臣之際輕者可以

日譜

卷十四

事

直言令彼有可受之地重則難以顯評不使彼有不堪之情進諫之道自宜如此况原壤世法外人安得以情理律之親者無失其為親故者無失其為故意隱而深更嚴於叩脛

十九日

問輪迴之說云云曰天之生物胎卵氣化皆誠者自然之理生生不窮故曰誠者物之終始不誠無物原始反終謂明其生之理便知其死之理非謂一人死一人生如釋氏輪迴之說也上古人稀末世人稠安能以一人而脫化千百人耶對其矣庶備

者不道

問鬼神有無曰考之聖學參諸典冊而無疑鬼神之德之盛山川鬼神亦莫不審精氣為物游魂為靈故知鬼神之情狀諸如此類不可盡舉蓋無一物而非鬼神也無一時而非鬼神也即如夫子曰敬鬼神而遠之未能事人焉能事鬼雖至之以務民義盡人事未嘗說無鬼神但非如世俗所云某鬼某神至何休咎至何吉凶紛紛非鬼之祭諸如成風此則夫子之所不語也至聖而不可知之謂神如稱克曰神充稱堯之德曰乃聖乃神此至誠如

日譜

卷十四

矣

神人也而天矣中庸所謂言天道也

二十日

問前知曰前知之道莫看的太神奇只一窮理則接古人興亡治亂成敗得失之蹟便可以卜來茲所謂善必先知之不善必先知之此天道人事之萬萬不爽者也山本太算數蓋本諸此若以推測占驗之書中為實知此知士之小技而非至誠之道也

問靜坐曰靜坐即善學謂其能得力於靜以善其動則靜固靜動亦靜也若風動塵動又何取於靜焉

天章辨惑二十二則若千音所致疑會與吾友四十
年商討今天章一一詢問知非泛泛予為喜以泛
泛應之中庸曰有弗問問之弗知弗措也其弗辨
辨之弗明弗措也天章果能於此二十二則言下
了然即此問答之因學豈有餘蘊哉人謂學問思
辨行總皆學之事予謂學而博問而審思而慎辨
而明即此是行矣未可作岐觀也

是日冬至合第姪子孫家祭 凡與祭者各為祖父
之位昭列於昭穆列於穆俾生者各得展一日之
孝思祭畢而燕亦稍存停睦之意

日譜

卷內

癸

二十一日

復孫萊洲 再接手書驚聞萱堂之變且喪事在睫

僕辱三世之知缺焉勤東而轉人聚樂慟如之何
所論文正先生誌文僕謂韓范一流人須得燕許
大手筆方可勝任因念牧老門下士文章老手較
腐儒自是天淵故漁番報字真實相商非敢諉卸
他人也至謂非文與人不致求即文與人矣非會
徹合的言亦不敢求此語僕雖愧之然仁兄不忍
相外至誦何敢忘何能忘耶憶文正先生為僕序
家乘有云同家升吉甫文武為憲佐天子匡王國

其歸而飲御廼在張仲孝友此其自待與待僕之
意僕即不肯又何敢忘何能忘俟春明過衙時面
計之斷不敢有負也舊紀乃老伯語言行事所寄
如有存者帶得一冊謀梓之以廣其傳

送高薦歸上谷 藝苑蜚聲蚤心事去逾真問水
與尋山契結別有神澗城雙柳堂六椽相比鄰今
依蘇山側妻孥共食貧似並無餘瀝陶甕常絕薪
孤雲非無託豈其嘆不辰太保家聲舊仕牒與時
新拙矣而謀生癯也其為人予言無不悅手錄如
獲珍忽有北雁來兄病望眼頻即日思返轍竟不

日譜

卷內

癸

顧厄陳何以慰吾懷臨路倍酸辛

二十二日

問張仲孝友何備周官中興曰尹吉甫以孝友之大
臣在朝廷制一人以勸百士其合傾肺腑以試信
閑大畧若觀色庭情是謂能孝其比有事主不佞
不競日與壯猷元老如方叔擊若各持一美以嘗
親是謂能友 之吉甫得孝友為友故能佐天子
匡王國其歸而 在張仲孝友不亦宜乎

二十三日

光州陳向敏字勉思奉父泚水公命來問學

復陳祥水 昨公勇請告過蘇門曾致雅注又接翰
教且重以賢公子辱臨旋巡臺命且感且愧昔許
平仲寓共城林公茂常遺其子姪來問學平仲各
因其氣質而擴充之皆為有元碩儒巨擘鬱然絕
學之倡今某之拚匪不能窺平仲藩籬而即君家
學有源某何能為請益地語云聞所聞而來見所
見而去先生固知某之大槩矣平仲與學所聞世
道人心甚大今日之平仲於公有厚望焉

二十四日

問顏淵死子哭之慟曰天喪予情何篤也及顏路請

日譜

卷十四

堯

車為柳則曰鯉也死有棺而無柳吾不徒行以為
之柳門人厚葬則又曰非我也夫二子于也不疑
於薄乎說者曰念鯉之無柳故不忍偏厚回豈望
人果作此較量與曰此中有天則焉一毫已意不
得而與之回輩飄飄巷人而耳聞道喪子之慟恚
天憫人慘極矣然貧而厚葬情勝而不衷於義是
謂私瀆豈謂經無柳遂吝之柳有此一番較量
孰是已私用事而路請車父子情深門人厚葬朋
友義重夫子慨然一天命之流行情之深義之重
豈不得而擬之矣其於請車厚葬也雖抑其

嘗不子其意並行而不相悖

二十五日

送楊子亨歸里 子亨過夏峯兩逾月矣端謹而有
遠識深為乾行喜有後也將告歸會溲水陳公令
其子勉思來問學其腹詞曰曾哲狂士或聞參乎
一貫之傳亦恍然見大意則先生因其子以教其
父也乾行有志未遂承父之大意者今在子亨豈
不可因點而教參乎諸子臨路題詩并數言於首
子亨勉之哉并以語其弟子湛

二十六日

日譜

卷十四

年

問孟子曰五霸者三王之罪人也故仲尼之徒無道
桓文之事又曰今之諸侯五霸之罪人也求為霸
主而不可得矣今之大夫今之諸侯之罪人也求
為霸佐而不可得矣遷至於漢唐宋其君其臣粹
然為霸主霸佐而有餘然跡其分羹挾父陳橋之
事恐霸主霸佐亦所不屑五季五代益不可言渡
尋至今痛哭無從流涕難已世道之江河既不可
返即有孔子寤寐東周之志孟子寧安天下之心
亦徒抱虛願而已不知當從何處著手曰叔季之
不同於古昔時運有升降而帝命無增減處廷廷

受已曰八心危而道心微世遠時而人心之危者
益危道心之微者益微然孤陽一線雖重而積蔽
終不能使微者之絕而不積也此中有天命焉豈
人之所能為哉五典五禮秩叙自天殷因夏周因
殷有損益而無更改明高皇之因漢唐宋元有豐
功而無穢德豈道日喪而功日卑耶哀公問政于
曰達道達德九經此自天而地闢以來見成一調
家具以付千萬世作君作師之人堯舜性之性此
者也湯武身之身此者也五霸假之假此者也孔
子以教傳風示天下萬世其豐功偉烈發於堯舜

日譜

卷十四

幸

且遠湯武何足云孟子功不在禹下跡有堯舜德
足相配此豈苟於言者哉內聖之學舍三綱五常
無學術外王之道舍三綱五常無道術收獲故物
君子亦曰反經而已矣

二十七日

問純儒與純臣獨儒與獨佐功足相當否曰純臣之
功德在一時純儒之功德在百世獨儒佐與與人見
德故其驩虞純儒正妨其驩氣也儒之純乎自孔
子曰君子儒而純者則小人亦曰儒謂其規模
狹隘非人而小人也腐儒少霸氣然弱又是其也

醜禪儒足以銷霸氣而禪又足以蝕真有一利伏
一害如皆古聖人獨孔子太和元氣而集大成均
為名儒而醜乎其醜如所刻君子儒者元公明道
而下數人而已

二十八日

謂諸子曰居家之道曰勤曰儉二者孰尤居要博雅
曰勤非儉終年之勞瘁不當一日之侈靡故書曰
慎乃儉德惟懷永圖子曰禮與其奢也寧儉似儉
尤要望雅曰一生之計在於勤一年之計在於春
一日之計在於寅凡治家治國治身治心道莫有

日譜

卷十四

幸

先於此者似勤尤要曰二者皆要二者皆非要也
要在克勤克儉之人耳八年於外三過門不入方
得地平天成萬世永賴如非其人胼手胝足朝經
夕營何濟乃事漢文帝惜露臺百金之費恭已化
成幾致刑措若唐文宗舉衫袖示羣臣曰此衣已
三澣矣雖云儉德然受制家奴自謂不如報獻泣
下需襟亦何益乎

二十九日

問禪元之說元猶近似謂其修養服食差足御病也
曰二說俱是雲霧第迷人墮於其中而不覺悟愈

窮究靈應總在人好惡不同故崇信有淺深耳
唐武宗嘗然除去浮屠之法而躬受道家之錄以
唐考之自太宗至武宗創業以取者六七君皆求
長生而反天其天年覆車相誘恬不知悔惡在其
近似此此之謂不學無術

三十日

適有讀鹿子說約者極服其快論然謂其力猛其氣
勝以質於予予曰誠然鹿子服膺不降其志不辱
其身且與他人相砥礪居然勇於干俛俯流俗
其發金花也觸神皇帝之怒而神皇帝不能

日譜

卷十四

書

奪其志其上書葉首揆庶師也觸首揆之怒而首
揆不能奪其志其疏辨馬御史也觸舉朝臺省之
怒而舉朝臺省不能奪其志嘗題聯官署云官要
錢賄不過吏不怕對天對地對神明只怕對吏士
無恥成不得人侵誇做聖做賢做豪傑且言做人
陸子之賦天賦地孟子之塞天塞地鹿子身有之
故其言如此

望雅問初學入門須有一段不怕天不怕地之氣方
能獨立不懼若駟高蹄厚長首畏尾風吹草動輒
爾披靡烏能深造而自得乎曰爾伯順先生正從

此入志所孤往百折不回初似癡中似俠末路始
歸中道所學已三變矣天假之年造詣愈不可量
誌真草十五種說約皆壯歲之文故多英氣

十二月

初一日

先祠焚香謂諸子曰日悠忽而自謂無事者不知有
本分事也知有本分事則耳目精神何日是苟安
之日日經營而自苦多事者不能無願外心也
無願外心則晦明風雨何時享受享之時諸子
問曰所求乎子以事父所求乎弟以事兄是謂本

日譜

卷十四

書

分事居也而無求安食也而無求飽是無願外心
請益曰親吾親以及人之親長吾長以及人之長
非願外也已無求安而願與人共安已無求飽而
願與人共飽實本分也素位而行者須不願不願
乎其外者須行素此方是君子於此通微幾可言
學

初二日

問孔子思中行而不得故寄思於狂寄思於狷又深
惡鄉愿之亂德乃今思之狷之不為狂之進取是
其中行之骨者思誰能有此骨者即如所稱鄉愿

無非無刺似忠信然意深是其中行之皮者也誰能有此皮者似非鄉愿而無之矣世道人心何所底極乎曰世雖無狂狷而狂狷之脈路自在狂狷之脈路在抑中行在正不必慮無鄉愿耳堯舜之民多仁桀紂之民多暴豈有一定之性哉當桀紂之世而不以暴民自處者是即真狂狷也第患德之不周故有豐凶侯之而已

初三日

謂諸子曰邇來士大夫絕不講家規身範故子若孫鮮克有禮不旋踵而壞名災已辱身喪家不知立

日譜

卷十四

莊

家之規正以身作範祖父不能對子孫子孫不能對祖父皆其身多慙德者也一家之中老老幼幼夫夫婦婦各無慙德此是義皇世界孝友為政政孰有大焉者乎舜值父母兄弟之變湯武值君臣之變周公值兄弟之變雖各無慙德然飲泣自傷烏能愉快於無言之地吾家先教以慈孝遺後人于孫世守勿替是在爾曹勉之

家規六則 孔子之教伯魚也曰不學詩無以言不學禮無以立淑性情固節愷立身之大端盡此矣周公謂魯公故舊無大故則不棄何其仁也無求備

於一人何其想也仁且恕世豈有外焉者乎馬援戒其子也聞人過失如聞父母之名心可知口不可言此涉世之道焉

劉元德云勿以善小而不為勿以惡小而為之此真聖賢集義遷善要訣不謂英雄人能見及於此柳玭之戒其子弟也曰不識儒術不悅古道身既寡知惡人有學勝已者嫉之佞已者揚之以啣杯為高致以勤事為流俗此最中人膏肓之病陽明曰戎子弟苟遠良士而近凶人是謂逆子親師取友之誼夫豈外焉者哉

日譜

卷十四

美

從古賢士名人教家戒子之言史不勝書難以悉錄此六則因與子若孫時言之充此六則之義千萬人言之不盡千萬世用之不盡故以作家規

續家規十八則

- 一安貧以存士節
- 一寡營以養恥心
- 一潔室以妥先靈
- 一齋躬以承祭祀
- 一既翁以協兄弟
- 一好合以樂妻孥

擇德以結婚姻

一 杜誠以接長幼

一 勿欺以交朋友

一 隆師以教子孫

一 正色以對賢豪

一 含洪以容橫逆

一 守分以遠嫌疑

一 謹言以杜風波

一 簡修以淡聲聞

一 好古以習禮道

日語

卷十四

老

一 克勤以絕耽樂之癖已

一 克儉以解飢渴之害心

前六則述古人之意後十八則以已意而次第之

教家立範須有正行之人故先存士節養心孝

友為政立廟祀其首務也謝疊山曰兄弟不和

家庭間盡是戾氣雖有妻子之樂不樂矣然兄弟

不和多開障於妻子易家人利女貞夫子以好合

先既翁而得父母之順亦可知矣婚姻之事家之

盛衰攸關論財不論德宜君子不入其鄉也家有

長幼孰是可以詐偽相接朋友信之已不信而能

得人之信其誰與我子孫不肖祖父之教不先古

人易子而教自童蒙即為擇師矣而不勞會讀之

愛也與賢豪相對最不可有媚悅之色與妄人相

值亦當存自反之心真際之閒風波之招非多事

則橫議守分謹言庶乎可免矣聲聞過情君子恥

之趨避不審不學無術耳聞修好古君子日用所

從事者端在於斯居家之道入口飢寒治生亦學

者所不廢故以勤儉終焉按此皆吾人分內事人

人可行而人人不肯行先儒請行保甲法能使

無盜予謂行家規而人人親長便是唐虞三代

日語

卷十四

夫

風何無盜之足云斯說也不敢望之於天下不致

望之於一國竊欲望之於一家凡我子若孫其

吾言

初六日

復取郭詔親友 友相歸母樹一亭已既乏力人

難言雖賈拮据終難憐我本懷惡能憐諸君屬

之意乎計程歲暮方可抵首邱霜雪長途飢寒難

免又不能不令人係念耳

初七日

復覽曹石 接手字適來甚貧且病使予亦道

不快之狀夫世人之病大半從憂鬱生而憂鬱之
後正存此貧耳然此可以困庸流而不可以困豪
傑昔人云貧即是道文烈先生有孫而貧甚道德
孫謀俱有光焉此可樂而不可憂天或有意於太
賢之後正不可以常格論也

初八日

復田憐爾 別後最可傷者夢周令岳平生磊落抑
鬱而死衰年路阻不能憑棺一動抱慙何言手字
備述年來憂患令人憫惻然生於憂患天正有意
於賢友此非道氣人不能領畧答問一册寄覽此

日譜

卷十四

堯

僕近來功課八十已迫耳目雖久不靈幸心思尚
爾不述餘無可為賢友道者

初九日

問文公家禮冠婚人子之始喪祭人子之終規中
何止言婚與祭而不及冠與喪也曰生今反古矣
及其身冠已久廢甯待今日此不必言至送死足
當大事愚不肖尚知自勉子孫而賢貧富貴賤因
時制宜此又何待言亦不必言非畧也 附家規後

初十日

問禮者天理之節文還是主嚴還是主和曰禮雖

失其和離禮無其節節文從天理出二者自不
容分之為兩禮之用和為貴一章看聖人說話是

一是二 附家規後

十一日

問齊家之難難於治國平天下家適天下遠家親天
下疎何以難曰正惟適則情易辟正惟親則法難
用夫家之所以齊者父曰慈子曰孝兄曰友弟曰
恭夫曰健婦曰順反此則父子相傷夫妻反目兄
弟鬩牆積漸而往遂至子弑父喪醜夫兄弟相仇
殺庭闈衽席之尚首為敵國從來均平天下之人

日譜

卷十四

平

每於此多動心忍性蓋法制之所不能束禁令之
所不能施以此思難難可知已 附家規後

十二日

問張公藝九世同居得力在忍夫同居義取於和忍
則情有不堪而襲同居之名似非君子之所貴也
曰必有忍乃其有濟忍正所以成其和也如心實
不和強為含忍勢將至於積怒深怨決裂不可收
拾居同而心異何如居異而心同古今四方皆一
家人豈必合聚同室乃為一家乎國運家運離析
分崩皆非人之所能自主仁人孝子亦與時偕行

分合同異無庸有成心也 附家規後

十三日

問家之不齊多因妯娌不和遂傷兄弟之好或妾恃寵以奪主母之權至繼母毒害前妻子女其禍人身家敗人名行更甚當何道以處之曰易不云乎君子以言有物而行有恒詩曰刑于寡妻至於兄弟以御於家邦此千古家規也身範不端向婦人女子求齊道無繇矣 附家規後

十四日

南北及門諸子繪圖十二幅復介薛行鳩宗伯

日語

卷十四

全

稱觴

賤辰及門諸友繪屏為祝俚言答謝 我家易水上垂老過蘇門非綠愛風景故園難久存雖云輕去鄉此山卻屬孫我來築一茅書卷度晨昏寒廬一二易孫枝育已繁行年七十七何以答親恩及門二三子晝營而宵奔繪圖詳素履俯以知己言自慙一腐儒徒廢百年稔良朋來自遠情猶如弟輩聲氣原不隔今古此乾坤

辭諸友 僕馬齒雖長無悶暫重蒙諸君相愛之過既有屏全再辱厚賜僕不敢云傷廉諸君待

忠耶敬爾幸諒

十五日

谷友 人經一番患難須有一番動忍纔不負老天成我之意如仍前面孔絕無增益是一頑冥不靈之人耳君宜默默自勘有進無進莫不自覺無待人言也

十六日

寄立兒 賴天地祖宗之靈七十七歲尚自健飯但氣弱不能多說話家規寄去當莊錄一緝搦之前中便是與爾等晨夕告語也你既宜出貢盤費自

日語

卷十四

全

是難辨付來人銀二兩杯一隻爾伯母而下維維永興永徽瑞哥母子各付此須奇鵬為東欠受行我每念之寄我襪一隻不足言酬王永吉臨行手

二十日

谷穀嚴年 親翁世德名家樹幟海內昔曾於陳禮處一坐顏色未得接談然每於友人讀其詩觀其字畫種種皆堪不朽近聞與僕生舍親與韓古今人詩而止生似有當焉僕竊為止生喜得知已也衰老流寓他鄉素不敢輕通問貴人不謂先生

冲襟管下慨在芳訊以問邪存誠不遠千餘里相
質僕因恨昔日於元禮處避坐徒以先生為官人
中之謂人而不知先生乃當世之學道人也聞邪
存誠四字道統學脈一言而盡先生之得力深矣
韓贖廢人把臂難期韓贖册就正幸教之

十五日

答劉公勇

伊尼祖堯舜吾道之寬器中有萬

派衍皆兒孫大者等嶽瀆小者亦瑤琨上下敷下

載斯載斯人存乾坤有晦冥大易貴處屯難會之

道道於何勞聲春劍復相為倚清薄非異源春秋

日譜

卷十四

金

戰國問孔孟道愈尋涉修高蹈士名亦重於元姚

許行道身以光灼蘇門欣聞君子來願與結為昆

不窺塵器外何以立雲根造物焉能尼丈夫挺孤

壽

二十六日

問人好直言問人好直言自命良友如何曰良友不廢直言能

受直言受直言雖見良友請為孔明之言曰昔初交州平

屢聞得失後交元直動見啟誨董幼安言則盡胡

偉度素有諫止雖資性鄙暗不能悉納然與此四

丑好終始好合亦足以明其不疑於直言也和字功

字王薄胡
濟字仲度

二十八日

姻友李儀表解館就予夏器賦此 十年同為客今

日復同發音家欣四世石亦攜兒孫兩婦紫君女

兩女性皆溫孕育已成行福德蔭吾門終歲時時

牀意至各忘言君年實遜予祖子不官甚所幸在

貧父富貴莫足論

二十九日

除夕有引子以前庚子登賢書今花甲週矣眼暗耳

聾氣弱久在死法中賴天地祖宗之靈眠食尚爾

日譜

卷十四

金

十年憂患艱辛未至狼狽而切稚登室門

以內無戾氣門以外無裸貧自慙衰病福已過分

因為此句

倏然又歲除簡歷一年事難以告無罪兒童諒我意

致田水部 明代有大文字三篇人人知之而人人

忽之忽之太祖高皇帝臥碑一記 成祖文皇帝性

理一序理一序世祖肅皇帝敬一一箴咸符心學之秘

直接一中之傳向來表章無人懼其久而或晦第

欲為註解虛衰年軟筆不足發明先生器冷心清

以斯文為已任此事正不可輕易錯過也稿俱不

在案頭煩掌記於學宮騰錄以示先生或有意乎
 問人有一人之人有百人之人有千萬人之人當於
 何處認取曰人之品格規模大小自是不同如草
 草之於長松傲踏之與珠玉豈可同日論乎第身
 非長松則不知長松之貴也身非珠玉則不知珠
 玉之貴也一人百人之人如何能盡千人萬人之
 分量留侯非漢高不能用武侯非昭烈不能用取
 人以身此千古不易之理也

日譜錄存卷之十四終

日譜

卷十四

金

孫徵日譜錄存卷之十五

順治十八年辛丑七十八歲

正月

後學 通州唐桂校訂 武陟王

初一日

益孫琴世孫金錄十二卷

紀善一則 李五子家傭僕也性強暴時觸忤其母

兄且歐其同儕予嘗戒答之自舊歲其母病忽發

一善念曰我何以報吾母對神明立誓到左脇肉

一片以啖母母疾瘳予酒食之以嘉其改過今歲

終忽其於母如何姻友李霞表曰五更有進

焉聞其拾遺衣負其人還之以一念之孝充之而

日譜

卷十五

無念不善五豈一愚人也哉予曰夫婦之愚可以

與知與能正是滿街皆聖人樣子五真不失其愚

人之心也哉予即名五為武為其為義之勇也入

取節錄續集

初二日

孫雅子再從子也素遊園不甚務本分隨子蘇門十

年矣馬構斯欲適陝西之醴縣歸其妻視難得伴

孫雅願往而幸於其稚弱子代為操之飲以三大

觥壯其行問闕七千里險阻崎嶇歷盡艱苦五閱

月始也構斯錄居二十餘年苦心極慮得

完此事○成此業者推雅也

初四日

再答戴巖聲 來書以閑邪存誠相質足見獨得關

鍵某敢不略盡其愚夫誠合下渾然不存自存天

之事也閑邪存誠以人復天誠之者事大易閑邪

以存誠即所謂去人欲而存天理也人欲去一分

天理自復一分人欲盡去天理全復矣得力處以

在閑邪孔子之改過徙義顏子之不貳不遷曾子

之戒欺求慊子思之不疚無惡孟子之集義慊心

總之一閑邪而已其著落在庸德庸言其功夫在

日譜

卷十五

二

學問思辨德成之後溥而化善成而不伐未成之

先不知幾多困勉由愧悔而憤發鼓風雷之益見

天地之心立地便能起凡入聖堯舜湯文孔顏思

孟以迄周程諸大儒總是一箇功夫天地古今一

誠流貫原無封畛無悖違只有一邪以障之舉足

成迷骨肉相殘矣閑之熟外邪不能入內邪不得

起成性存存仍墮天地古今於太和元氣之間所

請反身而誠樂莫大焉

初七日

東郭公望 昨所商明文三大篇田華老令其掌

始知臥碑一記非高皇筆也社翁再於皇

寶之中另錄一二首有關聖學者以示勵望

雅○勞又錄也

初八日

跋胡葵衷書後 馬生自平涼攜來葵衷父子手書

故人情深恍如覩面因憶公當甲申後令容子時

山居三年不入城謁官府公不督其疎違而獨予

益切嘗策馬攜壺榼過草廬為竟日驩且令其二

子大宣大廷婿董蘊生徒步視予未幾內轡輦上

貴人有詢及予欲攜之出公曰渠出未必能為當

日譜

卷十五

三

日重渠不出乃能令為奕世重我世不能自重願

欲強人耶古人重知己之言于何能忘情於公也

公子大定成進士修舊好益殷公風流蘊藉令容

多惠政人思之于與公塵外交其寄思當不與容

士人等公名廷在大定公仲子也

初九日

客有謂孫少師六載當關而功不成相業無足觀且

其詩○說書亦不中理余曰如子之持論如何

能論廿一史評三千餘年來人物得失武侯不能

滅魏其相業遂不足觀耶天之所與人不得而廢

之是安可以成敗論英雄試觀少師當日未嘗
之前是如何光景當關之日是如何光景去關之
後又是如何光景其處之輕重緩急不問可知黃
皓不疑武侯魏忠賢不能忘情於少師也且批忠
賢以殺少師者實有其人清君側之議起少師不
死於忠賢亦幸矣六載禦強敵拓地四百餘里恢
復五大城七十二堡節省內帑金錢數百萬其勞
績有二祖列宗鑒之悠悠之口奚足問耶少師生
平能知人而不善為人知殆是其才太盛善作快
意語故招忌耳元老鄉居舉家殉義節烈尤足觀

日譜

卷十五

四

耀千古經濟素嫻詩文甚富海內常有定評少師
嘗以漢武侯成敗利鈍非所逆賅唐晉國生老病
死時至則行自况余亦以為然非大言而無當也
十一日

聖學錄序 三代以前治統即道統也三代以後有
治統而無道統道統於是乎歸之於儒韓子愈原
道曰堯以是傳之舜舜以是傳之禹禹以是傳之
湯文周孔孔子傳之孟軻軻之死不得其傳周程
張朱乃所以傳孔孟者也遷及於明薛子瑄陳子
獻章王子守仁其最著已如都守益羅洪先顧憲

成馮從吾皆醇儒邁其源淵蓋緣明二祖列宗心
學之密直接一中之傳真以身行道於天下者也
恐世遠言湮懼其久而或晦凡關於道統者輯為
一帙名爲聖學錄使列聖之精神炳如日星後之
學者知諸儒之興起由作君作師之鈞陶其所繫
豈淺鮮哉尼山之集修憲章爲大程朱之傳註表
章爲先某衰年寡識敢曰表章前聖然賴天之靈
苟安即堅一日不死一日不敢謂無事自辛丑元
日焚香手錄共得若干首未附臆測以俟後之君
子考衷焉

日譜

卷十五

五

十四日
爲孫太傅愷陽先生作誌銘 至十七日稿成
人歲寒二集

簡劉少傅 諸郎君美質靈心乘未經物誘得良師
友提誨壹意讀書此便是老親翁第一福德事登
希諸同人邀弟遊嵩少 老亦望過其家短印不
覺勃然欲效果能有此行歸當入泮花外小車或
亦勞君實先生高閣之望乎

二十日

寄鄒五嘉 言別十五載手字寄到者三庚子冬

困憊憫殊不忍讀迤南北同人爲僕惠屏即嚙之
列尊名晨昏相對也憶渥城聚首時及張別山後
讀明季遺聞與瞿公式藉同死偉哉烈丈夫可
稱知人矣僕來蘇門十二年賴天之靈既不即填
溝壑然不敢廢讀書雖有十餘種長男守墳墓餘
皆相從在此目前孫九人曾孫二爲耕爲讀不敢
墮落外無可爲知已道者

二十一日

入城諸友延熱二十四日晚歸

二十六日

日譜

卷十五

六

見得五經四書是菽粟布帛便是聖學道不可須臾
離真如著衣吃飯不以飢渴害心不以溫飽爲恥
非大得力於經書者不能士不明經書之旨便謂
非聖之書欲道與俗美必不得之數也

自孔子以後道統在儒雖曰絃誦詩書似之兼善然
素王當年與顏曾由賜諸賢所講求乎天德王道
功垂萬世人謂厄孔子於春秋之世不知天不生
仲尼萬古如長夜則天之所以通孔子者正別有
在故曰賢於堯舜

唐虞三代之治以敬德爲其民之本以誠民爲事天

之實帝曰天雖高所鑒甚迥鬼神雖幽所臨顯
蓋真知天人之理不二而誠敬中存唐虞三代之
治統在是道統亦即在是稍以私欲間之則慮心
生而僞念起欲以對越上帝道無餘矣 聖學錄
人主一心日與天地庶務相酬酢原無一刻不相流
貫其不流貫者私欲間隔心遂放而不存帝以觀
心名亭其存而不放者乎人心危而道心微廣庭
已慮心之易放而難收矣御慮凝神精一不二此
方是學問求放心之道 聖學錄

二十七日

日譜

卷十五

七

聖人之學以天爲準只此一句是何等識見天命不
已文德之純亦不已文與天有二乎天地之造博
厚高明至誠之博厚配地高明配天至誠與天地
有二乎學不以天爲準皆其志滿量溢意矜之病
聖學錄

大學平天下在用人理財而人土財用之集總歸於
有德三代盛王之治皆本於此不本於德而別求
治法則權謀耳術數耳終苟道也孟子曰以德行
仁者王以力假仁者霸此高帝太宗之所以還席
於我太祖也 聖學錄

人與道統之此心也一念清明不為情欲所染則道

心也一念昏濁偶為情欲所牽則人心也修而人

修而道總此心之變換倚伏非另有一心代此一

心也故道在惟精精則一矣一者只指原至全體

無私欲之蔽而已矣心無觀心二則是聖學之統

領處 聖學錄

聖人篤於仁親親仁民愛物仁自不姑息賢者不

智保身保家保國智自無姦欺姑息之仁好仁不

好學者也姦欺之智好智不好學者也禍身之蔽

則更烈矣高皇所以痛黜舞智之人 聖學錄

日譜

卷十五

八

以心為天便是安在利仁之事 聖學錄

忠矣仁未知况小忠乎義自非小節禮自非足恭苛

察反善智不貞之諫反善信此見高皇大規模真

學術 聖學錄

二十八日

貴而不驕逸而能勞是謂天道下濟人道克敏高皇

倦倦於此令諸王步 同是一篇無逸文字與姬

公告成王千古合符 聖學錄

從來明聖之君未有不敷求哲人俾輔後嗣後嗣之

賢與輔後嗣者之賢皆統於垂裕者之一念高皇

論厚吉之言字字真切 聖學錄

家庭父子之言著一毫粉飾不得不能到妻子必不

能到官僚此可想我朝家法 聖學錄

和者樂之所由生然和須從敬出故曰禮以道敬樂

以宜和所謂禮樂不可斯須去身者也高皇其知

禮樂之本乎 聖學錄

鄉飲之禮其義至重家識廉恥人知禮讓所謂人人

親長而天下平故孔子曰觀於鄉而知王道之易

易高皇認得王道在此即卑邇即高遠即日用即

性命唐虞揖讓三杯酒湯武征誅一局棋 聖學錄

日譜

卷十五

九

二十九日

復馮敦如 名鑑通州人新春忽接手教若賭芝眉再

讀與異幹書親翁之肝腸氣誼宛在目中矣憶昔

年與華午象九周旋時得聞海內英人偉士自華

午輩輕用其死而同人亦漸次凋落獨幸異幹觀

危患難而志不灰即負薪不忘讀書可謂善處憂

患矣華午有子哉僕既喜華午有子今復喜華午

有友趙氏孤兒夫復何慮聞親翁客居慶雲慶雲

主人昔年得之象九華午王讓輩甚悉迨斗南復

運稱之從古英人偉士未有不擇所因者故方歸

迫草復不盡

禮者天理之節文所以美教化而定民志故三王不異禮而治自周末文勝而漸趨於靡遂有以偽禮者忠信之薄而偽之首也夫偽豈禮哉敦厚以崇禮家庭與朝廷無異上古與叔季無異防萬民之偽而教之中高皇稽古之意深矣 聖學錄

二月

初一日

靜虛二字是聖學主腦其不能靜者物欲擾之也如何能虛中親理須正心後始有此光景

日譜

卷十五

十

隨時從道便是變通不失其正其作用全在內君子而外小人

初二日

孝陶之陳謨也大旨在于知人安民而人安民正嗣德之專人何時知得盡民何時安得盡自無耽樂逸豫之時三聖人立言雖各有所重對症而發然同條共貫卻只是一事只是一心故曰吾道一以貫之

敬者存而不放一者純而不雜敬以一之間虞廷惟精惟一之旨視聽言動四箴皆所謂存而不放者

也功夫全在敬上用道一時則成性存存道仁義行非行仁義性之者存無可存者也身之者存而不放者也皆要歸到無雜處肅皇實體力行惜輔臣璉未嘗學問不能開張聖德惡能與西山真氏同日而並語哉

一祖列宗在位長人者皆有寶訓垂裕後昆故明代家法獨善家法由身範身範係心型紹庭敬止日慎一日此祖宗德澤之所以延法度之所以守道恒於斯

神宗寶訓二序

肅皇猶未親親顏色莊皇則所日

日譜

卷十五

十一

侍膝下者其正垂衣端拱雅尚恭默故精神性術之蘊不可悉得而窺乃暮年一意靜攝俾外廷不及聞不及見徒多方控揣竟不可得其端倪倘亦雅尚恭默之意乎疑廢政而政未嘗廢疑廢學而學未嘗廢亦神矣哉

初三日

政治得失人才忠邪統業興替總係於理欲消長故大人不在人非政間而獨務格其非心莊皇法古帝王講明正學不知當日承旨諸臣何以輔成君德

莊皇慨然以崇道興學自在而曰學校之設以明人倫五倫之道根於性命推極其用則化成天下二帝三王之治總不外此莊皇無令唐虞三代得專其美亦只是從此做去無他道也真學術真事功原極平實易簡

初四日

贈別馬君仲有序君仲從遊二十年矣凡予所經歷棲息之處君仲無不過而問焉予南來送別祁陽候逾十載今復跡予蘇門靜穆之氣令我意消臨路賦此 閉戶嘗嗟我臨流每憶君十年創始合

日譜

卷十五

三

數夕秋還分易識初望月琴調未散雲起予欣有藉真惜雁書聞

初五日

與君仲語二則 人生自幼而壯而老謂無一事違錯無一念夾襍此皆作大言以欺人之語孔聖人未五十不敢言知命未四十不敢言不惑未三十不敢言立況在他人人心危而道心微自虞廷授受不過嚴人心之防而已陰陽理欲並域而藏盛衰起滅轉換無停大約孤陽不敵羣陰一理不勝衆欲所以云人心危而道心微也生安不廢學利

成性存存一亦須精學利之人存而不去困勉工夫去而存存而去不知幾經動忍始得真性出頭我輩今日只是要知悔過遷善自謂無過者皆所謂將就冒認到底無到家之日耳 自孔子而後

道統歸儒顏曾思孟周程張朱九人而已周之前江都河汾昌黎不與焉子謂三子者衍學脈而傳世系厥功不小朱陸以異同爭席陸不與焉子謂孟子叙道統聞之者一人見之者二二正慮其見之或有偏致聞之者之失中也朱之道問學自不離尊德性陸之尊德性亦豈能離道問學有聞之

日譜

卷十五

三

者起正好借之為見知耳薛文清陳白沙王陽明皆大儒楊慈湖以傳象山失象山王龍溪以傳陽明失陽明其流弊不可不防海門近溪與慈湖龍谿一派我輩談學義利之戒宜嚴儒釋之辨當早一入歧路便難回車羅念菴顧涇陽其說不悞人諸家不及悉舉讀者須以孔孟之旨折衷諸儒之論則庶幾矣

初六日

問仁人享帝孝子享親是如何徵應曰享帝而帝儼然臨之享親而親儼然臨之是就仁人孝子祭祀

時之誠敬言然其能享帝者是惟仁人合四方萬國之和氣以昭事上帝而上帝豈有不昭格者乎其能享親者是惟孝子合子孫族屬之雍睦以對越親心而親心豈有不欣慰者乎若民情離散子孫乖忤天地祖宗有餘恫矣其何以享

初七日

梁如星方伯云亡之日已九十矣予與同社六十年不及憑棺弔以詩 賦目驚心時日非我南君北兩情違云亡九十復何恨况是全身得所歸 方伯歸來二十年槽頭乏酒杖無錢一朝捐館不成

日譜

卷十五

五

殮墮地赤身去復然 十年相別悵難羣猶幸鄉音不斷聞千里欲將鷄絮意蘇山明月百泉雲

初八日

送別習仲 與習仲別十二年矣其來也踴躍以迎其去也徘徊而眷戀焉蓋情各有所獨至也情有獨至正不必黯然相對而當猛以自勉因握手而與之言曰學與誨非二事也不厭不倦非兩心也於已為不厭者於人自不倦於人為不倦者於已自無厭孔聖人一生無時而不學何嘗厭無行而不與何嘗倦我輩當道喪學荒之日斷不肯然

忽歲月暴棄自甘而無提撥鼓舞人之精神待人

提撥待人鼓舞是豈不待教之豪傑肝衡當世孰

為先覺然血氣各具孰無心知因人開導隨事發

揮固無往而非可教之人無感而非可動之聽也

是在吾友加之意耳從來熱心男子亦多冷面蓋

為世間人足當吾尊嘉者原少殊少一段容眾矜

不能之意不知造物以栽培為心吾儒之隨時利

濟一民一物一草一木皆事功也天地萬物原屬

一體往古來今原是一家誰是可棄之胞與之外

乎氣運升沉世道治亂皆古今日用飲食之常聖

日譜

卷十五

五

賢豪傑逸處其中自有隨時恰當之理所謂飲食而知味之人耳僕既不願吾友之過冷亦不願吾友之太熱以此為學而已矣

初十日

書經近指於是日韓起

三月

初二日

與賈蕪子 前月十八日 爾承母命來慰我別後思惟

十有三載念之 欲奔相對數夕晨喜爾有遠志

共期青少遊山水開明慧人老惜別離病夫猶健

傳

與鹿密觀 執友雖云亡靈氣未嘗滅交道重生平
有裏魂夢結喜爾千里至中夜語不竭因念子一
身七世儼在列萬事舌尚存十秋心未折

初三日

韓子新來迎作蒿少之遊適郭公望邀賞紅梅期以
越三日往

初四日

抵新鄉望兒尙兒淫孫隨行是日許太公壽席間
修武范有道邀過其家

日譜

卷十五

六

初五日

賞梅詩 梅花如高人幽韻誰其識飽歷霜與雪氣
化不能蝕所友竹并松三君同一德松竹僅不凋
獨梅愈奇特素姿夙有盟此更留春色人謂花之
魁我云人之則凡物總天生靈蠢各自得清者賞
其清隱亦從其隱我意孟襄陽斯義應不惑

初六日

公望謂程朱生於宋而宋未得享理學之報至於明
乃 余曰偽學有禁人日在湯火中斯文之厄
塞極矣明列聖表章程朱諸大儒故明儒起

作君作師者開導之功也

鹿密觀買燕子馬構斯同過新鄉鹿買渡河謂之曰
爾語少傳倘問余過汴之日第三小車花外難以
預期高閣林中漫勞凝望

構斯歸夏峯謂之曰爾不暗精神其意足嘉也但不
可存厭薄精神之念天下大矣古今何限各行其
志而已矣

初七日

寄奏兒 高賓皇素字與崔大醜我已諾之倘過而
問焉爾不妨寫一字云我與博雅俱出門賓老非

日譜

卷十五

七

抽豐容也故人相訪不難應酬我正不欲以難應
酬者強太醜耳友郭兄弟離家讀書勉之勿廢業
并以語尙雅共為勉之

晚抵獲嘉賀逢僊下榻雲宿樓

初八日

贈逢僊 偶起山遊與多因友誼深入門規靜氣接
語見冲襟自是名賢允應無薄俗侵與君敦世好
掃榻待幽尋

謁賀景瞻先生祠 先生烈節壯山河繪得鬚眉生
氣多猶有百門烟雨好一當蘋藻一悲歌 馬鬣

封高日月沉春秋誰復解知音拜公畏說甲申事
悲觸當年故國心

讀景瞻先生遺稿數種題其後 遺稿八種曰經史

致商耕餘漫紀漫紀者亦史之類也古事今事雜

有之四書八卦則孔孟義文諸大聖人之微言耳

三世逸事不忘祖先守令紀過追思往事可恨人

關幽挾隱多前人未發柏園初草則生平文集也

稿俱係手書孫逢樞謂不能授梓余曰正不必早

出因爲一絕云 無語不開創天生此異人應知

百世後光彩 新

日譜 卷十五 六

題景瞻先生畫像贊 其貌蒼然其神穆然大節所

在令人凜然孔之成仁孟之取義先生先得其同

然君子謂先生借妻妾之死視城破君亡不得不

死者更覺其神閒而氣定也誠然誠然

初九日

題雲宿樓額 雲宿樓取淵明白雲宿簷端之意人

或謂其樓之高而雲來宿意殊不然賓子閉靜

不染世氛翩翩乎與孤雲來往且余偶攜二三子

以雲水無心而信宿於此故因其素額而題之

贈賀遵易蓬僊叔姪 蓬朝識二阮和藹造芝眉先

德於斯見醞風應可翫

奇李霞表 出門已六日尙淹留獲嘉王人之賢可

知或亦景瞻先生靈爽眷戀故假風雨爲遮留也

得讀其遺文題其遺像耳昨諭教澤施於兩河之

間弟愧非其人然亦不敢不勉此番同行者有父

子焉有祖孫焉有兄弟焉有叔姪焉有師徒焉有

朋友焉誰人可容恣肆無行不與當奉教旨而往

初十日

與蓬僊曰連日讀先生遺稿直抒胸臆多前人未發

不顧俗眼即犯諸大儒之忌亦所不恤如此立言

日譜 卷十五 九

真所謂豪傑之士但不必句句字字以聖賢之道

律之如律以聖賢之蹊徑則夫豪傑之面目真豪

傑須是古之狂狷可與入道不必定襲中行之迹

也即如先生借妻妾殉義此便是豪傑之事而非

中庸之行身爲外吏既已解組歸田無職守又乏

血尤遯跡深林徐觀世變何不可者必欲全節便

成蹈白刃之士矣說者曰此時不立決稍一錯足

遂成墮落悔何可追先生以早自裁而心始安心

安處即仁也便是以豪傑而成聖賢者也諸種書

各有小疵俱不必諱使千載後人識此豪傑之真

同日

晚抵水寨

宋搗之下榻貽贈 百泉攜手十年餘君老烟霞我

老漁此日尋山兼問友小車花外到仙居 恰喜

逢君大道傍先歸作黍徑登牀古人風味今猶在

元直重來自不妨

十一日

遊妙勝村東岳行宮宮在晉以前規模極大非數萬

金不能舉幾廢幾興土人正在修葺漫為一絕

從古泰山屬東嶽何事行宮遍處遊糜費金錢已

日譜

卷十五

三

數萬愚民剝肉尙重修

十二日

余登車玉瑛請於其祖送七十里至張相贈以詩

英標未受世緣侵語自心生感槩深歎夕追隨無

限意此風好向古人尋

午渡沁河

晚抵張相二童子來提詢之知為玉瑛弟也入夜玉

瑛亦至殷殷止宿昔猶有心今成無意為一絕還

之 來時道上逢伊祖去後停車復遇孫自是於

君有夙好殷殷止宿盡諾此

十三日

臨行題壁一聯留以致主人 主賢未敢輕題鳳各

腐須知是好龍

午后遇古澗寺鄉僧出菓茶相餉

薄暮抵單懷顧伯玉掃城南村聖待予沈禹錫亦攜

尊至 單懷風有約二仲已心盟顧氏父子間沈

山難弟兄嶽嶽振薄俗嚶嚶求友聲家學邇有本

令嗣羨暉暎我為看山來多君善氣迎再拜各致

辭慙然非世情此中有先正許何先後鳴漫謂鄉

國士派衍尼山清山以玉增澗地因人傑名丈夫

日譜

卷十五

三

慎遠圖流浪不須驚

十四日

謁許文正公祠 先生當元季仕元欲變夷無端謹

跡者請讀柏齋詩

謁韓文公祠 世僅賞其文誰知人所係學荒道衰

後砥柱功難計

顧伯玉兩子五孫沈禹錫五子各出相見聰慧可愛

謂之曰從來言治統道統莫不駭為神奇高遠之

事不知總只在父慈子孝兄友弟恭上蓋天下最

神運之事正從最平易中做出人人親其親長其

長而天下平此治統也堯舜之道孝弟而已矣此道統也故曰天德王道一而已矣

郭九如率門人鍾國士楊駿聲等索錄近指

十五日

盟雲字說 子新每向余談九如誠樸主余心嚮之迄相接九如益嚮余甚班荆而語置置不倦且質其素所疑義數則恍然如有當也因請予為易其字疑其於已之名未協蓋陰以示嚮余之意云爾余號之以盟雲取放翁詩義謂雲本無心出而怡悅或矯如羣龍或飛如孤鶴卷舒去來政不必有

日譜

卷十五

三

心蓋謂九如遺際屯蹇方可以與雲相友耳從舊從新不妨兩存之

蚤飯後借伯玉馬錫諸人遊村南園園為張樹端所闢之地竹木翳鬱花石明煇每至一區談對者久之不必慨想武陵桃源也爾莫二仲攜尊過復園主人為楊孝廉發伯奇宦異卉多未經見酌於止亭酒盡沾村醴羅之八十歲不解飲之人忽不自覺有酒腸也欲借二子聯詩紀勝地勝遊迫於臨路聊志其槩

盟鶴說 塵網苦人人亦安於所苦無能為脫離之

計向平婚嫁事畢為五岳之遊遊者猶咎其見事

之晚余謂婚嫁畢終身桎梏於塵網之中者此比而是能如鶴之高翔於九天之上者誰其人哉伯玉年過六十清襟雅韻領袖一方其意致曠遠惟鶴似之不必五岳之遊而日日在青山白石間伯玉似鶴耶鶴似伯玉耶因踵九如請易字而字之以盟鶴

盟岳說 余來河朔十三年衰病侵尋未能一問嵩嶽之勝余之遠愧向子可見辛丑春始力疾一還過軍懷與禹錫相見於孤村古道之傍尊酒相看

日譜

卷十五

三

肝腸若鑿子與禹錫蓋相盟之以嶽也禹錫以名家子讀書課子兄弟嚶鳴非所敬事之人不輕交接古稱甯謚目守山立不移者皆所謂豪傑之士禹錫之為禹錫蓋亦盟之以嶽也子因以盟嶽二字贈之倘他日再有山遊之興尚望盟嶽有以進我以匡衰年所不逮也君弟雲門歸幸出此言質之西望有二嶽知余心之所期

十六日

顧伯玉率子若孫送郊外九如以病遣姪瓊同朱與允獻攜樽相送

晚抵溝村

訪喬遜集村居 短筇斜日共追尋客到知不避竹

林過豫十年求識面登堂此夕即論心魯齋行道

誰能續文靖潛身好獨在已分入山置理亂匣琴

應自有知音

十七日

抵孟縣訪薛行屋宗伯 我生當六十時運值其否

豈不謀保屋飄忽無所止垂老輕去鄉百門有山

水臥我百尺樓恍焉閱曠古因思即次安實出先

生指林壑縱樵漁耕鑿及孫子過從羨古人荀陳

日譜

卷十五

三

尚可擬藹藹夏峯雲至今紀轍軌拙幼一登堂遜

來山氣紫嶺然今昔情俯仰寸心裏春風動四隅

三樂傳清史

下榻翁園

謁舊容城令君薛夫子祠 有引 某不肖髫年受知白

首無成因夙園喪亂飄泊蘇門密邇夫子之鄉敬

率子若孫來拜其祠里言一章聊當蘋藻之薦

解組歸來六十年千秋遺愛白碑傳鄉廬尚記攀

轅日衰老猶思納履非成遠流風徵牧豎家餘積

慶見曾元拜祠仍愧頭顱舊辜負垂髫國士絲

十八日

主人兩弟懸谷季立姪芝蓼來拜各投請啟

孟縣廣文胡 名映 舞陽人 來晤

十九日

主人暨弟姪次第設席予力辭之皆就翁園相款

二十日

麗香亭牡丹欲放 過眼海棠成爛漫牡丹欲放且

含香世間美事方與日好留餘味到斜陽

二十一日

贈任太行苗實甫二孝廉 翁園春正好一徑富登

日譜

卷十五

三

臨有王能投轄逢君便入林讀書僦獨解避俗得

同心幾夜山城月依依坐竹陰

許蘭陵自鄆州歸過孟縣聞余至雨中見訪於翁園

寄蜀中方伯楊猶龍 客臘伯嚴自甯夏歸得悉近

况蜀道之難如登天而山川景物應自不同老親

翁從來胸中眼底不與尋常人為緣繼少陵之響

當不讓他人矣適值許蘭老往蜀附此佈意又名

山令王慶九其祖係弟庚子同譜令修世好甚篤

今天涯薄宦得借福蔭便屬奇緣臺仁或不吝一

慈渡也

再答蘭陵 弟從來不作固辭語至郵延清况而以
衣贈故人實不敢承辱手教語切使乎再三致主
人之命又不敢堅辭以負知己也即佩服之拜仁
人之賜

二十二日

問夫子之文章一節文章性道何以分也曰文章性
道正不容分之爲二文章乃所以傳性道者也文
章離性道何以爲文章在人見之爲文章在夫子
語言文字動靜飲食總之皆性道之流行所謂無
行而不與也第教不容躐等在顏曾則文章即性

日譜

卷十五

三

道其餘則文章仍是文章性道仍是性道子貢比
時謂文章可聞言性言天道不可聞已恍然有聞
於性道矣請申言文章性道合一之旨斐然成章
之謂文動容周旋中禮者盛德之至也文章在此
性道即在此加父子兄弟君臣朋友夫婦此皆天
之敘天之秩文章在此性道即在此風雨日星天
之文章而維天之命於穆不已即在此孔夫子一
生在下學做工夫下學處皆文章也下學處便與
天命相流通欲分之而不容分欲合之而不待合
固有盛饌必變色而作應如何解曰若專爲答主人

之敬是教人以奢也夫子既食水飲樂在其中盛
饌自非其心之所好變色者不安之意飲食之人
於此窺人之敬不敬知味之人於此正有不安於
心者飢渴害心飲食之關係非小不可不慎

公路索書 予三年前知督亢有張公路也迨過翁
園公路在焉靜氣相對言動不苟於心器之公路
爲大來公季子其父兄皆相繼棄世公路獨立孤
行所得於動忍已多矣一夕過于楊前索一言
爲指示予謂麗澤之益須借朋友公路因舉其素
所交者三人曰某某子曰一人知己足不恨况

日譜

卷十五

三

乎得三公路日更有所師事者三人曰鳳歷曰祥
字曰悔菴三先生者皆雅意相成予小子殊愧無
可爲承受之地余聞而喜與公路曰悔菴學力已
裕素借起余祥字思難相依雅稱韻士風歷亦六
十年前班荆而語之人君能親師取友於此又何
須腐儒之饒舌哉幸歸以語之聊當筒寄

二十三日

宗伯先生弟懸谷季立姪芝裘三君子次第移尊就
饗翁園口占以贈 七十八年旅病身何來晨夕
得相親穿林借榻留雲久隔屋攜尊坐月頻好客

如君應是癖愛山似我未為負翁園此日傳佳事
雁影踟躕舞大椿

翁園得晤仲荷叔芬子寶諱昆仲兼讀其羣唱集近
詩偶成二絕 十畝花陰曲徑中翁園有客坐松

風人間緣野尋常見此地爭傳是晉公 宗伯家

風迴不羣英英綵筆更能文中原今日論風雅自
是趨庭有異聞

二十四日

東魯王垂生多藝能予與之晤於翁園者數日每飯

後輒先去坐莫窺其意在太行孝廉獨曰垂生謹

日譜

卷十五

三

厚人也自謂少讀書於先生長者前懼有違言

失禮處故避之耳予曰遊公卿之門而不借公卿

色此非技藝人也太行曰不獨此垂生技多巧而

不自炫其技且人多逐利而彼絕口不言予曰此

技而進於道者也學道之人一言利便成技藝之

人技藝之人不言利便成學道之人何技之非道

耶太行請書此語以遺之

單接李世白妻司氏歸李三年李病死氏年十九哀

毀臨穴先入慘慟一時父母強之出既掩婦復去

以手跪土數尺欲殉姑與之歸甫三日自縊弟以

詩 覃懷有烈婦皎皎女中傑三載紀于歸夫死

求同穴姑也曳之出穿土指流血温語慰姑嫜相

從志已決閉戶即投縶滄桑三日別嗟此小戶女

網常千古揭強生非所安得死乃相悅取義與成

仁端為委佩設婦豈事詩書賦性原貞潔誰云死

不難繞指成差跌我然如載人尙自稱明哲

三十五日

淮上孫常卿贈我長篇訓此 支笻過河陽翁園逢

良友贈我三百言寸心幾欲嘔余也燕腐儒承此

顏為世謀生亂世難聞君有老母詩以窮愁工尙

日譜

卷十五

三

憶虞卿叟

子新於五日前先歸登封令阮節菴遣僕馬來迎予

因憊不能遠涉且主人纒眷令望兒尙兒往以報

彼中同人相望之意因憶湛甘泉王龍谿皆以八

十餘歲出遊不倦予未免讓此二老

二十六日

王方侯相招方侯舊臨城令予謂之曰世法凡宦於

其鄉者通省皆稱父母此從什籍起見原非論交

情也君既歸田我乃野客聲氣之合或不必循此

故套耳

望嵩三絕 嵩嶽依稀百里間 殘年臨路嘆艱關 不
才自顧非聞道 坐廢中途只等閒 同人有約幾
多時 雲裏遙知待杖藜 不是山靈迴俗駕 出來緣
淺路偏歧 臥遊應待兩兒還 又得翁園數日閒
垂老交游餘幾輩 青溪白石自成班

二十七日

簡王子君苞 有引 余過翁園君苞王子先在憶其大
父 聖公云亡更憫其父續美君抗逆闖罹慘禍
因爲此句 上谷饒英俊君家豈俗流 斐然看後
起 卓爾映前修 茹淡貧知美 讀書靜自幽 漫嗟生

日譜

卷十五

三

事薄歸祖有貽謀 何堪憶爾父大義 揭千秋京
國一朝陷 郡城七日留 項強不屈膝 禍慘竟懸頭
自是青天鑒 應憐白骨收

貽丁生爾亭 王汝止談學有樵人竊聽久而悅之
忽歎曰 離山十里柴在家裏 離山一里柴在山裏
汝止聞而謂門弟子曰 樵子其聞道乎 此所謂滿
街皆聖人也 夫聖凡同此心耳 存之爲君子 去之
爲庶民 固不論富貴與貧賤也 無處非禮 無處非
仁 存者存此 去者去此 存此者無違禮 無違仁 去
此者無一是禮 無一是仁 非行不存 不存焉能行

柴在家裏行之也 柴在山裏未嘗行也 樵子其聞
道乎 予留翁園旬日矣 凡相晤者皆欲借一言爲
請 蓋地是認以子爲學道人也 子固懷汝止諸子
豈讓樵子之聞道乎 河內一后生嘗過翁園 崇書
丁之先有漢孝子 蘭聞於世 夫蘭之所以至今傳
者 以其刻木爲親 孝足嘉也 人孰無親 孰不當孝
何獨讓蘭專美前世 丁生勉之哉 且其鄉有許平
仲 能興學化老 信歸俗是亦樵子之聞道也 丁生
聞此久矣 爾煩子言

二十八日

日譜

卷十五

三

翁園午睡 野客淹留春欲盡 翁園花石俱合情
意 靜對渾無語 午枕微風送鳥聲

二十九日

題淵明像贊 此幅薛應谷從南康柴桑里攜來必
有所本 予平生最慕此公 因贊云 五
柳先生生來高潔 閉靜少言 樂利不屑 性好讀書
意會心悅 無絃瑟消有情 熟詩尿性靈 短褐常
結愛菊嗜酒 石名醉樂 總因時而設 不憤不激 既
明且哲 歷士詩人之目 俱不足盡 先生之清節 先
生其學道而有得於心者 耶 吾室何得而私之 乃
真曠古之豪傑



ZW 21181888586523

續修四庫全書 史部 傳記類

徐齋說 實甫有齋溲水陳公初名棄餘後許菊溪
去棄字止名餘齋夫棄餘者以人棄我取為義范
少伯三致千金而散皆用此注此英雄濟世之術

此子憶溲水之意或更有說蓋介然示人以本分
自守不敢一毫求餘於分之外也菊溪之意則謂
眼前無餘地便無以自容留有餘以還造化留有
餘以付兒孫餘正不必棄耳由溲水之說居已以
廉由菊溪之說宅心於厚然廉者涇渭太自分明
或不能厚厚者渾穆不甚別白或不能廉實甫能
兼而取之麗澤之益甯有窮乎行屋薛公有句云

日譜

卷十五

三

求羊客散三更後蕉鹿夢回百戰餘是只以餘字
作解予謂三公肯實甫年友實甫能自重其所居
之齋三公又能然實甫所居之齋斗大一室當
與槐山頽水俱永子與實甫翁圖作合遙望餘齋
不禁神往漫付數言聊以當餘齋說

古詩人生不滿百常懷千歲憂此最見道之語陶云
世短意長多東坡意長日月促皆此意也這件事
看不破終日營營苟無一刻安閒亦愚矣哉昨
過一故人年八十外子喪孫未立土木方興費既
不貲工難即竣余謂之曰待汝經營畢方思受享

前此之奔馳計算不遑食不暇寢者不既勞耶因
書以自警并告同人

三十日

借友訪懸谷出其家醞相款入夜方歸紀此 借客
過清齋數椽容膝爾四壁多規箴總是孝弟旨風
毛方五齡日夕娛菽水善氣藹眉端寸心絕無滓
俯仰一室中羲皇儼在咫閒覺世法輕貧知蔬食
美我雖乏酒腸人飲我亦喜嶮巖自物情崎嶇有
安止挑燈入夜歸披衣臥仍起作詩紀王賢悠然
念素履

日譜

卷十五

三

日譜錄存卷十五終